

10

3

Reginaldo de Arango



M







D E  
MONTE PROPITIATORIO  
P R O P E C C A T I S  
S I V E

DE SACROSANCTO , AC DIVINISSIMO  
*Ecclesia Sacrificio .*

LIBRI QVINQUE.

*Quibus accedit Opusculum*

DE APOSTOLATU

B. NATHANAËLIS BARTHOLOMÆI;

Cum Indicibus Rerum memorabilium .

*Authore R. P. FABRITIO PIGNATELLO*  
*Neapolitano , è Societate IESU .*



P A R I S I I S ;

Apud FRANCISCVM MUGVET , via Citharæ , ad insigne  
Trium Regum .

M. DC. LX.

*Cum Approbatione , & Superiorum permissu .*

MONTEBELLATI

1815

1815

1815

1815

1815

1815

1815

1815

1815

1815

1815

## AD LECTOREM.

**S***Vi post Authoris cineres vitam auspicatur quem-*  
*damus liber, non eodem, uti sperare fas est, pro-*  
*mendus sydere, quo parens suus intempestiva fu-*  
*neris inclementia id temporis obrutus, quo ob cu-*  
*mulatas in ipso pietatis, ac sapientia merces, pre-*  
*tiosior fatis rapina, nostra acerbior iactura accidis.*  
*Postuma ingenij proles est, tua ergo humanitatis officium impensus*  
*abs te flagitat, Lector. Posthumum excipe, ut vivat, ut parenti vi-*  
*tam non sine immortalitatis fœnore reponas. Operis artificium, nihil*  
*est quod hic laudibus in antecessum efferam, indicio se prodet suo;*  
*Ea habet, quæ & Scholasticis, & concionatoribus apprimè com-*  
*modat. Illi ex hoc Propitiatorij Monte septos delicato spina-*  
*rum aculeo flores carpunt. Hisuum in eo invenient Hyblam, at-*  
*que ad orationis mellifcium purissimum delapsam è Sanctorum,*  
*Patrum syderibus doctrina vocem exsugit. Authoris dotes, vel*  
*animi, vel ingenij magis ad vivum dabit mentis soboles sua, quam*  
*verborum color adumbret, nimirum Patrem melius Natura pingit in*  
*filio, quàm artificum lineamenta in tabulis exprimant. At ne ab-*  
*soluta cateroquin imagini, vel luminis beneficium, vel extremam*  
*coronidem desideres, pauca hic de summo circo è multis perstringo.*  
*Eminebat in ipso insignis animi demisso, atque ad exercitium pieta-*  
*tis exactè composita moderatio, quæ in primariæ nobilitatis homi-*  
*ne, non vulgare ornamentum extitit. Sanè licet ea ortus Neapo-*  
*li familia, quæ vel fumosis auorum ceris, vel amplissimis Principum*  
*titulis inter primas assurgit; sua nihilominus fortuna amplitudi-*  
*nem Christianæ humilitatis fastigio excefferat, adeo ut quemadmo-*  
*dum altis in montibus, vel in colossis plerumque accidit, sua*  
*maior umbra, quàm mole videretur: Hinc nihil de se ipse nisi ab-*  
*iectè sentire, ac loqui, nihil agere visus unquam est, quod ullum*  
*elationis animi motum ostenderet. Accedebat sanctioris disciplina in*

primis tuenda ardor ingens, ac studium, eius enim, ut eximius cultor, ita, ubi in specula esset vigilantissimus etiam custos extitit, id unum studens, ut quæ à maioribus per constantissimum ordinem accepimus, nam integra modò seruarentur à posteris, sed novi etiam nitoris incrementum caperent. Quod agi lenius posse ratus si familia omnis Virginis sub fide, & clientela potissimum esset, operam in id omnem contulit, ut iuuenum animi frequenter erga Deiparam amore imbuti ad sanctimonie firmitatem adolerescent, Et quidem præferebat ipse hac in re ceteris facem; nimirum in una Virgine, cui suadebat vnice spes omnes, ac rationes locarat suas, eius cultui tam impensè addictus, nihil ut prætermitteres, quod magnæ Matris dignitati apud homines amplificandæ esset. Sacras ergo Deiparae lucas, quæ reuoluto in sese anno septies recurrunt præcipuo Religionis studio traducebat, erogato inter cetera frequenter pauperum corona prandio, eorumque animis ad Virginis Observantiam excitatis. Iam expressas eiusdem Icones religiosissimè venerabatur, qua in re piè ingeniosus aliquando est visus, plures nimirum eiusmodi tabulas, quæ Deiparam referrent, ubi ad arcendas noctis tenebras incendatur de more lyeni collocavit, ut eadem opera familiæ commodis vigilaret, & ad Virginis effigiem sacras ageret ignis excubias. Cæterum nihil est, quod pluribus persequar, quo erga Augustissimum corporati Numinis sacrificium animo esset; argumento sit perfectum hoc, ac singulare industriæ monumentum, ad quod elaborandum, ut non alio nisi Religionis incitamento aggressus est, ita eodem in euulgando nihil illi erat potius, quàm ut rei tam Diuinæ tam veneranda Maiestas hominum animas ad sui venerationem, ac studium raperet. Id ipsum porro indicat illa, quam animo plane ingentem conceperat de regali sacerdotis apice existimatio. Ex qua factum ut collectos sæpe è Sacerdotibus, qui premi inopia viderentur, conuiuio minificè exciperet, ipso interim aperto semper capite isdem ministrante. Quæ omnia eò dicta, ut & Posthumæ Authoris samè consulerem, & aliqua ab eiusdem etiam laude huic operi commendationis accessio fieret: Boni Lector Consule, & Vale.



D E

# MONTE PROPITIATORIO PRO PECCATIS

S I V E

*De sacrosancto , ac Divinissimo Ecclesia Sacrificio  
Libri quinque.*



Institutum à Christo Domino pretiosi sui Corporis, & Sanguinis Sacrificium, & Ecclesiæ suæ ex testamento relictum ad usum fidelium, usque ad finem Mundi. *Montem Propitiatorium* nuncupamus. Ac montem quidem, tum propter Analogiam ad plures tropicos montes in præcipuis præsertim Italiæ Urbibus erectos, inter quos præstare videntur illi, qui ob cumulatam, congestamque pecuniam in perpetuum usum pauperum deputatam, Montes Pietatis appellantur, de quibus honorificè loquitur Concilium Lateranense sub Leone Decimo congregatum Sess. decima in Constitutione, quæ incipit: Inter multiplices. Tū quia sic nominatur ab Isaia cap. 2. illis verbis: *Et erit in novissimis diebus præparatus Mons Domus Domini in vertice montium*. Certè Propheta non loquitur de monte aliquo ex terra, quasi futurum aliquando esset sub Messia, quod narrant Rabbinii apud Galatinum lib. 5. cap. 3. Ut mons Sion, in quo Templum Sacrificiorum erat, per tres Leucas spectantibus omnibus sursum attolleretur, & sic Montibus Carmelo, & Thabori imponerentur: Fabulæ sunt hæc Iudæorum. De alio igitur montium genere Propheta loquitur, quāvis negandum non sit allusionem ab illo fieri ad loca, in quibus quasi Cælo proximioribus sacrificabatur Altissimo, quæ propterea *Excelsa* dicebantur, cuiusmodi fuit mons Gabaon, ubi Salomon 3. Reg. 3. mille hostias obtulit in holocaustum, illud quippe, ait Sacra Scriptura, *erat excelsus maximum*. Loquitur ergo Propheta de montibus non terrestribus, non ludææ, sed Ecclesiæ. *Ei erit, inquit, Mons Domus Domini*. Domus Domini Ecclesia est, iuxta illud Angelici nuntii, Luc. 1. *Et regnabit in Domo Iacob in æternum*. Et illud Apostoli 1. Timoth. 3. *Vt scias quomodo oporteat te ambulare in Domo Dei, quæ est Ecclesia Dei vivi*. Dicitur autem Ecclesia *Domus* propter multa, ut

I.  
*Ratio Nominis.*

II.  
*Curr Mons*

III.  
*Explicatur  
Isaias.*

IV.  
*Ecclesia est  
Domus.*



ta, vt rectè notat Toletus in cap. 1. Luc. Primo quidem propter providentiam habet enim Christus peculiarem de sua Ecclesia providentiam sicut Rex de domo sua. Secundo propter habitationem, propriè enim homo domi habitat 1. *Ergo vobiscum sum* ait Christus, *usque ad consumationem sæculi*. Matth. 28. Tertio propter familiaritatem, dilectionem, & vnionem, quam & nobiscum Christus habet, & nos cum eo, & inter nos habere debemus, sicut ij, qui ejusdem Domus sunt; Vnde Apost. Ephes. 2. appellat fideles *Domesticos Dei*. Sed his tribus causis additur quarta, quam indicat idem Toletus, quia sicut homines in Domibus proprijs habent pretiosa quæque recedita, & cumulata, sic Christus Dominus in Ecclesia repositos habet Thesauros, & montes suos. Montes magnæ huius Domus, quæ est Ecclesia, illos mysticè dicimus, qui fructuosi sunt ex vi Institutionis, & totum suum habet valorem ex vi operis, seu ut loquuntur Theologi ex opere operato, quales profectò sunt Sacramenta novæ legis, vt ostendimus in Opusculo nostro de Septem Montibus Romæ Cælestis; sed quoniam Sacramenta sunt pretiosi Montes huius Domus; rogo qui nam horum Montium dicendus est Vertex, in quo scilicet erectus intelligitur mons, qui præparatus dicitur in vertice Montium? Mirabile videri posset quomodo plurium montium mons unus, idemque sit vertex. Et præparatus dicitur non in verticibus, sed in vertice montium, cum cæteroqui constet diversos montes diversis quoque verticibus coronari; sed si inter mysticos montes Sacramentorum, dignitatis, & excellentiæ ordinem spectemus, animadvertemus facile unicum esse, & summum universorum verticem, Sacrosanctum videlicet Eucharistiæ Sacramentum, vt quod cæterorum continet summam, & pretium, ut ait S. Cyprianus de Cæna Domini, & quod teste Arcopagita lib. de Ecclesiast. Hierarch. est Τελευτών Τελευτή, ac si dicas, Sacramentum Sacramentorum.

V.  
*Sacramenta  
sunt Montes.  
Vertex montium  
Eucharistia.*

Ecce habemus montes, & habemus Verticem Montium. Quid ergo cognoscendum restat, nisi mons ille vnicus, & singularis, qui in hoc vertice præparatus, hoc est fundatus, & erectus dicitur, ut ex Hebræo notant Interpretes? Grande profectò Mysterium, quod cum excellentia Sanctissimæ Eucharistiæ super reliqua Sacramenta in eo posita sit, ut docet Trident. Sess. 13. cap. 3. quod in Eucharistia, ipse Sanctitatis autor ante vsum est. Grande, inquam, mysterium quomodo ex hoc monte, qui ob veram præsentiam Corporis, & Sanguinis Christi Domini, vertex est cæterorum, assurgere adhuc alius possit sublimior, & altior? Et tamen in hoc vertice montium verè mōs alijs imponitur, quia in Eucharistia, quia Sacramentorum omnium Sacramento, fundatur vnicum, ac singulare Ecclesiæ Sacrificium.

VI.  
*Mons in Vertice  
Sacrificium in Sa-  
cramenta.*

Maximæ res Christus est, vbicunque, & quomodumque est, sed Christus non solum præsens, sed tanquam Mundi Pontifex, & Sacerdos, se ipsum actu offerens, & sacrificans, se ipse maximo maior est. Hic igitur est mons erectus in vertice montium, vnicum, singulare Sacrificium Christianæ Religionis, & verè *Excelsum maximum*. Etenim, vt docet S. Thomas in cap. 6. Io: Alia Sacramenta, in quibus comprehendas quoque Eucharistiam habent singulares effectus, sed in immolatione huius Sacramenti, nota illud in-

immō-



*immolatione*, inde enim ex Sacramento confurgit Sacrificium, in immolatione, inquit, huius Sacramenti, effectus est universalis pro vivis, & defunctis, quia continetur in ipſo cauſa universalis omnium Sacramentorum. Ecce mons in vertice montium.

Verum, cur montem hunc propitiatorium potius quàm alio nomine cõpellamus? Scimus huius generis montes interdum vocari nominibus rerum, ex quibus redditus percipiuntur, ut Mons Farinæ, Mons Salis; interdum nominari à cauſa, ob quam inſtituuntur, vt Mons redemptionis Captivorum, Mons Pieratis, Mons Fidei. Interdum ab Auctore, qui Montem ipſum inſtituit, erexitque, vt Mons Pius, Mons Sixtus, Mons Iulius. Et ſi Alexander aliquis pro indigentibus Sacerdotibus Montem erigeret; ne cum Ordinis dedecore mendicare, aut ſordidum aliquem quæſtum, vel ſamulatum exercere cogantur, Mons Alexander, poſſet nominari.

VII.  
*Cur propitiatorium.*

Iam verò ſi in hac noſtra Auguſtiſſimi Montis nomenclatura, habenda ſit ratio rerum, ex quibus huius Montis redditus percipiuntur, appellandus ſine dubio eſſet *Mons Paſſionis*, *Mons ſanguinis*, *Mons vulnerum*, *Mons dolorum*, ſeu potius uno verbo *Mons Myrrha*, nam vt ait Trident. Seſſ. 22. c. 2. *Oblationis cruenta fructus per hanc incruentam uberrimè percipiuntur*. Si verò ad cauſas, ob quas hic Mons erectus eſt, reſpiciamus, proſectò hic vnus, omnibus, & ſingulis inſigniri nominibus poteſt, quibus reliqui quocunq; Mõtes nominantur, habet enim, ut docet S. Thom. in c. 6. 10. ſeſt. 6. hoc ſacrificium cauſalitatem vniverſalem reſpectu omnium operum, & effectuum gratiæ.

Denique, ſi ad Auctorem, & Inſtitutorem huius Montis oculos convertamus, poſſet tam multipliciter vocari, quam multipliciter in Scripturis Sanctis, vnigenitus Dei Filius nominatur.

Verum, vt Propitiarij potius, quàm alio quocumque nomine Montem hunc compellarem, illa cauſa me maxime impulit, quod viderem Hæreticos noſtri Temporis ab huiusmodi vocabulo maxime omnium abhorreſcere. Et enim quod notavit cum alijs Bellarminus lib. 2. de Miſſa cap. 1. facile concedunt Hæretici hunc, quem nos appellamus hoc loco, Montem, *Latreuticum* eſſe, & *Eucharifticum*, quia ex his nominibus non coguntur aſſerere, & admittere Sacrificium Eccleſiæ propriè dictum, nam Euchariftia etiam ſi non eſſet aliud niſi Sacramentum, vtique ad honorem Dei fieret; quod eſt eſſe Latreuticum, & in gratiarum actionem pro beneficio accepto Redemptionis, quod eſt eſſe Eucharifticum; At verò quod ipſi mordicus negant, hoc eſt, eſſe videlicet verè propitiatorium, etiam alijs, quàm ipſis ſumentibus, quia ſic coguntur fateri, eſſe propriè dictum Sacrificium. Neque enim ignorare poſſunt communem Theologorum omnium doctrinam, id nimirum eſſe discriminis inter ſolum Sacramentum, & Sacrificium, quod Sacramentum ſuſcipientibus tantum prodeſt, Sacrificium verò alijs non ſuſcipientibus. Quare Theologorum Princeps S. Thomas 3. p. quæſt. 79. art. 5. in corpore hoc, inquit, ſimul eſt Sacrificium, & Sacramentum, ſed rationem Sacrificij habet, in quantum offertur, rationem autem Sacramenti in quantum ſumitur; & ideo effectum Sacramenti habet in eo, qui ſumit, effectum autem Sacrificij in eo,

VIII.  
*Cur Hæretici oderint nomē propitiarij.*

IX.  
*Discrimē inter Sacramentum, & ſacrificium.*

qui

qui offert, vel in his, pro quibus offertur. Et rursus art. 7. eiusdem quæstionis. Sic ergo, inquit, hoc Sacramentum summentibus quidem prodest, & per modum Sacramenti, & per modum Sacrificij, quia pro omnibus summentibus offertur, sed aliis, qui non sumunt prodest per modum Sacrificij, in quantum pro salute eorum offertur. Et utrumque modum proficiendi Dominus exprellit dicens Matth. 26. & Luc. 25. qui pro vobis, scilicet summentibus, & pro multis scilicet alijs effundetur in remissionem peccatorum. Hinc Lutherus, Calvinus, Kemnitius, & alij nihil magis odio habuerunt, quàm hoc nomen propitiatorij, & nihilo minus nunc illorum Sectarij in hoc insuper. *Montis* nomen impingent, quod est nomen communis boni. Dicam tamẽ cum Augustino in c. 2. Epist. 1. B. Jo: Montem non vident, nolo mireris, oculos non habent; vnde oculos non habent? quia tenebris excæcaverunt eos. Loquitur Augustinus de Monte Domus Iacob, qui est Ecclesia, eiusque caput, & vertex Christus seipsum quotidie offerens in remissionem peccatorũ, ideo post medium Tractatus huius, ait, in illo Monte esto, qui implevit orbem terrarum, quia Christus *propitiatio* est peccatorum nostrorum, non tantum nostrorum, sed & totius Mundi, quem suo sanguine comparavit.

Et quoniam Isaias dum de hoc Monte meminit. refert voces filiorum Ecclesie, mutuo se adhortantium, & inuitantium. *Venite, & ascendamus ad montem Domini, & ad Domum Dei Iacob, & docebit nos vias suas. Quam* mallem iisdem vocibus omnes homines excitare; Venite ascendamus. Ire, ait Rupertus de Trinit. cap. 9. in Isai. credere est; dicere: Venite, alios quoque ad credendum invitare est. Venite ergo ascendamus, credamus, quia ipse Deus Iacob per suam Ecclesiam docebit nos, audi quid doceat. *Doces Sancta Synodus*, verba sint Tridentini sess. 22. cap. 2. Sacrificium istud. *Verè propitiatorium esse. Huius quippe oblatione placatus Dominus, gratiam, & donum pœnitentie concedens, crimina, & peccata, etiam ingentia dimittit.*

X.  
*Ascenden-  
dum ad hunc  
Montem per  
fidem.*

---

*Marcellus Spinellus Præpositus Provincialis Societatis IESV,  
in Regno Neapolitano.*

**C**VM Librum ( cui Titulus *de Monte Propitiatorio pro peccatis, seu de Sacrosancto, ac divinisimo Ecclesie Sacrificio; & Opusculum de identitate Sancti Nathanaelis, & Bartholomæi Apostoli* ) Patris Fabritij Pignatelli nostræ Societatis, tres eiusdem Societatis Theologi, quibus id commissum fuit recognoverint, & in Lucem edi posse probauerint, potestate ab Adm. Reu. Patre nostro Generali Præp. Gofuino Nikel ad id nobis tradita, facultatem concedimus vt typis mandetur, si ita ijs, ad quos pertinet videbitur. In quorum fidem has literas manu nostra subscriptas, & sigillo nostræ Societatis munus dedimus. Neapoli die 1. Aprilis 1660.

MARCELLVS SPINELLVS.



# LIBER PRIMVS

## De Erecciónẽ Montis Propitiatorij pro peccatis,

S I V E

*De Institutione Sacrosancti Ecclesie  
Sacrificij.*



I H I L magis contra nos jactant huius ætatis Hæretici, quàm quod in toto Novo Testamento, nusquam inueniatur in nostra significatione vocabulum, aut Sacerdotij, aut Vi-ctimæ, aut Templi, aut Altaris, vnde constare possit ex verbo Dei institutio Sacrificij; Inde enim in nos inuecti, & vbinam gentium, inquirunt, est huius institutionis vestigium, si ne vocabula quidem vsquam apparent? Accedit quod Minutius

Felix auctor antiquissimus quippe æqualis Tertulliani, & Causidicus Romanus insignis, vt testatur S. Hieronymus in Dialogo, qui inscribitur Octauius, inducit Cæcilium Ethnicum ita loquentem cum Octauio Christiano. *Cur nullas Aras habent Christiani, nulla Tempia, nulla Simulacra?* Ex quo videtur inferri posse propterea in scriptura Canonica nouæ legis huiusmodi non extare vocabula, quia in antiqua Ecclesia res ipsa non erat. Ideo dictitabat Calvinus, Mensam nobis Christus dedit, in qua epulemur, non altare, super quod offeratur victima.

Verùm quod in Scriptura Noui Testamenti nulla huiusmodi vocabula in

I.  
*Cur Scriptura  
Noui Testamen-  
ti abstin-  
eat à vocabulis  
sacrificialibus.*

hac significatione legantur, illa affertur ratio, & quidem optima à nostro Bellarmino lib. 1. de Miss. cap. 17. quia enim, inquit, Apostolorum tempore adhuc vigeat Sacerdotium Iudaicum, & sacrificia cruenta offerbantur in Templo Hierosolymitano; Apostoli, Domino inspirante, non utebantur nominibus Sacerdotij, Sacrificij, Templi, Altaris, & similium rerum, ut facilius distinguerent Christiana sacra à Iudaicis, & ne putarentur, si iisdem vterentur vocibus, eosdem illos ritus innouare, aut confirmare; sed paulo post euerso Templo Hierosolymitano, & cessantibus omnino sacrificiis Hebræorum, liberè cœperunt antiquissimi Patres uti nominibus Templi, Altaris, Sacerdotij, & sacrificij, ut res ipsa postulabat.

## II.

*Cur solus B.  
Ioannes illas li-  
berè usurpet. n.  
Apocalypsi.*

Atque hæc, meo quidem iudicio, causa est cur inter Scriptores Canonicos Noui Testamenti, solus Beatus Ioannes suam Apocalypsim frequentissimè sparserit nominibus, Templi, Altaris, Agni, & Sacrificij. Causa, inquam, est, quia B. Ioannes Scriptorum omnium Canonicoꝝ tempore vltimius, scripsit Apocalypsim non ante excisum Templum Hierosolymitanum, ut pauci quidam Auctores contendunt, sed diu post illud euersum, & Sacerdotium Iudaicum planè deletum; nam Hierusalem euersa funditus est anno Christi 72. Apocalypsis autem scripta est anno Christi 97. post relegationem S. Ioannis in Patmos, ut ipse ait cap. 1. ver. 9. nam hæc relegatio facta est à Domitiano, decimoquarto anno eius Imperij, secunda post Neronem excitata in Ecclesiam persecutione. Domitianus autem regnavit post Titum euerforem Hierosolymæ. Itaque B. Ioannes suam scripsit Apocalypsim viginti quinque annis post omnimodam Iudaici Sacrificij cessationem, quod totum constat ex Eusebio in Chronicis, S. Hieronymo, & S. Irenæo, qui lib. 5. ait Apocalypsim scriptam fuisse penè, inquit, sub nostro sæculo ad finem Domitiani imperij. Merito autem hoc dicit Irenæus, inquit Ribera in Apoc. quoniam Domitianus quindecim annis, & mensibus quinque Imperium tenuit, & 14. est Apostolus relegatus, qui fuit ab ortu Seruatoris nonagesimus septimus, ab euersa Hierusalem vigesimus quintus; quia ergo exciso Templo, qui erat vnicus locus Sacrificiorum omnium antiquæ legis, cessauerat ratio cur Apostoli à communione vocabulorum illorum abstinerent, ideo S. Ioannes liberè illa vsurpauit, ut quæ iam non de Synagoga intelligi poterant, sed necessario de Ecclesia.

## III.

*Sacrificia  
Christiana vix  
nota Ethnicis.*

Neque verò quidquam contra hoc facit testimonium Ethnicæ Cæcilij apud Minutium Felicem; nam quod etiam aduertit Bellarminus, Christiani illis temporibus duplici de causa diligentissimè cauebant, ne vlli Ethnici interessent sacris nostris. *Primum*, quia non erant idonei ad tanta mysteria intuentia; *Deinde* ob metum persecutorum, propter quam causam etiam frequenter in Cryptis, & cauernis, vel certè in priuatis domibus furtim rem diuinam facere cogebantur; quare vulgo existimabantur Christiani planè Athei, quod nullis Diis palam sacrificare cernerentur. Cæterum non solum tempore Minutij Felicis, sed etiam multo ante habuisse Christianos Altaria, & sacrificia perspicuum est ex testimoniis Minutio antiquioribus, vnde S. Proclus vnus ex antiquis, & Orthodoxis Patribus, qui paulo post Chrysostomum fuit Episcopus Constantinopolitanus, in libello de Traditione Diuinæ Lithurgiæ dicit, Apostolos post Ascensionem Domini antequam diniderentur in varias Regiones,

## IV.

*Consuetudo  
quotidiana sa-  
crificij, ab in-  
stito Ecclesiæ.*

totos se ad quotidianum Sacrificium celebrandum colligere solitos, semper in memoriam habentes illud, *Hoc est Corpus meum*; quam quidem Apostolicam consuetudinem satis declarauit *Egea* Proconsuli B. Apostolus Andreas illis verbis: *Ego omnipotenti Deo immaculatum Agnum quotidie sacrifico*, vt scribunt Presbyteri, & Diaconi Acaia in eius passione. Neque propterea hæc dicimus, quasi ex verbo Dei scripto, etiam noui Testamenti probare non possimus institutionem sacrosancti Ecclesiæ Sacrificij, id enim ex hoc primo Libro non obscurè constabit, sed ne Aduersarij tantum in eo confidant, quod vocabulum hoc *Sacrificium* in noui Testamenti Scriptura non inueniatur expressum.

Porro quoniam propositum nobis in hoc opere potissimum est principia omnia doctrinæ, quæ ad hanc materiam pertinent, non solum ex Scripturis, & Patribus, sed ex Scholasticis etiam Doctoribus definire, opportunum consilio ducimus libros singulos in plures Quæstiones, alias Scripturales, alias Theologicas parti. Sit igitur,



## QVÆSTIO PRIMA.

### *An in Veteri Testamento fuerint Montes Propitiatorij pro peccatis.*

- I. *Proprietates Montium politicorum.*
- II. *Sacrificium pro peccato institutum ad modum Montis.*
- III. *In Veteri Testamento plures erant Montes Propitiatorij.*
- IV. *An Sacrificia pro peccato habuerint promissionem de remissione.*
- V. *Promissiones factæ Sacrificiis propitiatoriis.*
- VI. *Sacrificia pro peccato erant verè propitiatoria.*
- VII. *Ratio dubitandi in oppositum.*
- VIII. *Non pro omnibus peccatis erant Sacrificia propitiatoria.*
- IX. *Promissio remissionis peccatorum propria Testamenti noui.*
- X. *Conciliantur Scriptura.*
- XI. *Promissiones factæ Sacrificiis pro peccato erant de remissione quoad pœnas temporales.*
- XII. *Sacrificia valebant etiam ad expiationem macule legalis.*
- XIII. *Sanguis Victimæ pro peccato habebat suam vim ex opere operato.*
- XIV. *Oratio Ministri non erat de essentia illius Sacrificij.*



QVATVOR ferè sunt proprietates Montium, quos pecuniarios vocant; ad horum enim similitudinem, Montes, de quibus agimus dicti sunt. *Prima* est, vt sit summa quædam ingens pecunia, nisi enim sit pecuniarum aceruus, & cumulus non est Mons. *Secunda*, vt huiusmodi pecuniarum cumulus, sit certus, firmus, ratus, & ferè immobilis,

A ij

I.  
Proprietates  
Montium poli-  
ticorum.



hoc est, ex certis redditibus annuis perpetuo instauratus : Montes enim per Antiphrasim à mouendo, quod nunquam mouerant dicti sunt. *Tertia*, vt ea summa ad plures, & eas ferè publicas vtilitates, & commoda congesta, & deputata sit. Sunt enim Montes publica beneficia, dum niues, vapores, nebulas, nubesque recipiunt, & colligunt, easque in aquas resoluunt, atque ita torrentium, & fluminum sunt causa, & origo, quibus agri rigantur, & fecundantur.

*Quarta*, & potissima, & quæ magis videtur propria Montium Mysticorum, quàm naturalium, est, vt fructus sint infallibiles iis, quorum beneficio, & commodo institutus Mons est, ita vt, si ab his fiant, quæ Montis leges præscribunt, & obicem non ponant, sequatur certò effectus iuxta Montis institutionem, ad quam solum in fructibus distribuendis attenditur.

## II.

*Sacrificium pro peccato institutum ad modum Montis.*

Ex his proprietatibus facile erit colligere Sacrificium illud Veteris legis, quod ex vñ Scripturæ dicebatur *Sacrificium pro peccato*, cuius finis præter Deicultum, propitiatio erat irati Dei, & peccatorum remissio verè à Deo erectum, atque institutum fuisse in modum Montis; nam (quod tres priores complectitur proprietates) erat ingens vis sanguinis, omnis generis victimarum ad placationem Dei, & perpetuum vñum expiationis peccatorum legitime deputata, & quidem (quæ tandem erat quarta proprietas) cum certa Dei promissione ipsi operi externo facta de tali expiatione, & remissione, in qua tota consummatur essentia Montis propitiatorij.

## III.

*In Veteri Testamento plures erant Montes Propitiatorij.*

Immo quod est planè notandum, non vnus tantum, & singularis, personis omnibus Propitiatorius Mons fuit in Veteri Testamento, sed tot erant huiusmodi Montes, quot ordines personarum, vt enim constat ex cap. 4. Leuitici, vbi sermo est de peccato per culpabilem ignorantiam, siue Iuris, siue facti commissio. Quatuor statuuntur istiusmodi Montes. Primus pro peccato Summi Pontificis. Secundus pro peccato totius populi. Tertius pro peccato Principis, seu cuiuscumque Capitis, & Primi, aut in Familia, aut Tribu, aut Exercitu. Quartus pro peccato plebeij. Quare quàm certum est in Veteri Testamento Sacrificia propitiatoria pro diuersitate ordinum personarum fuisse, tam certum videtur plures huiusmodi Montes extitisse.

## IV.

*An sacrificia pro peccato habuerint promissionem de remissione.*

Et sanè, qui concedunt Sacrificia illa habuisse adnexam Diuinam promissionem de expiatione aliqua peccatorum, & verè aliquam eorum remissionem ex vi institutionis effecisse, vt ferè sunt omnes Catholici, negare omnino non possunt illa per modum Montis erecta fuisse : At plerique Hæreticorum, qui vmbra timent Propitiatorij Montis Ecclesiæ, id planè negant, aiuntque Sacrificium pro peccato dictum quidem in Scriptura fuisse propitiatorium, non quod verè expiaret peccata, vel Deum placaret, sed tantum quod adumbraret, vel significaret futurum aliquando sacrificium Crucis, quod solum reipsa propitiatorium pro peccatis est.

## V.

*Promissiones factæ sacrificijs propitiatorijs.*

Sed verè promissiones, sacrificijs illis adnexæ nimis expressæ sunt in Scriptura. Vbi enim agitur de sacrificio pro peccato populi Leuit. 4. exprimitur promissio illis verbis : *Propitius erit eis Dominus*. Rursus vbi agitur de sacrificio pro peccato Principis, descripto illius ritu, concluditur : *Rogabitque pro eo Sacerdos, & pro peccato eius, & dimittetur ei*. Hoc idem repetitur in descriptione Sacrificij pro peccato plebeij. Hoc idem cap. 5. v. 10. & ibidem ver. 16.

& iterum ver. 18. & cap. 6. ver. 7. & alibi. Neque solum in lege Moyſis, ſed etiam in lege Naturæ ſacrificia fuiſſe propitiatoria, & vim ad Deum placandum habuiſſe, manifeſtum eſt ex libro Iob, ibi enim cap. 1. legimus ſanctum Iob, qui in lege Naturæ vivebat, quotidie pro peccatis filiorum ſuorum ſacrificaffe Deo, & cap. ultimo, Deum ipſum iuſſiſſe, ut amici Iob, ſacrificia offerrent pro peccato, quibus placari volebat iram ſuam.

Ad quæ clariffima teſtimonia reſpiciens Bellarminus lib. 6. de Euchariftia cap. 2. ſi illa, inquit, ſacrificia tantum ſignificabant futuram purgationem, non etiam aliquo modo purgabant, falſa erunt verba Scripturæ Levit. 4. quæ ſæpè repetuntur: *Offerat Sacrificium, & orabit Sacerdos pro peccato eius, & dimittetur ei.* Et ſimiliter falſum eſſet quod legimus in Iob, Deum placari voluiſſe ſacrificiis. Erant igitur illa ſacrificia ex vi ſuæ institutionis verè propitiatoria, & placatoria, & non ſolum figuræ, & umbra propitiationis ſacrificij Crucis.

Ex altera vero parte Apoſt. Hebr. 10. expreſſe ait, quod *impoſſibile eſt ſanguine taurorum, aut hircorum auferri peccata*; quod perinde eſt ac dicere, ſacrificia illa nequaquam valuiſſe ex vi ſuæ institutionis ad remiſſionem peccatorum. Neque minus clare Jerem. 11. *Numquid carnes ſanctæ auferent à te malitias tuas?* vocat carnes ſanctas, ait S. Hieron. victimas, & ſacrificia pro peccatis, quæ non poterant auferre peccata. Certè Ezechielis cap. 18. cum de remiſſione peccatorum agitur, nuſquam fit mentio ſacrificiorum; immò ex iſdem locis Leuitici, ex quibus probatur ſacrificia illa habuiſſe annexam promiſſionem remiſſionis peccatorum, probatur eam vim remittendi peccata non habuiſſe; nam ex illis conſtat, non pro omnibus peccatis, & præſertim gravioribus instituta fuiſſe ſacrificia. Instituta quidem illa fuerunt pro peccatis ignorantia, præſertim contra caeremonias legis. Item pro peccatis circa damnum proximi in rebus externis, & pro periurio, etiam ex cupiditate habendi res alienas prolato, ut patet Levit. 6. Caterum pro blaſphemia, pro homicidio, pro adulterio, pro idololatria, & huiuſmodi gravioribus peccatis expiandis nullus inuenitur erectus Mons, nullum ſacrificium institutum. Neque obſtat, inquit Bellarminus, cuius obſervatio hæc eſt lib. 2. de Eſſec. Sacr. cap. 17. quod Levit. cap. 6. dicitur; Sacrificio Arietis expiari omne id peccatum, quo peccare ſolent homines, nam loquitur ibi de omni peccato circa ablationem rei alienæ, non de omni peccato ſimpliciter, alioquin, inquit ille, fruſtrà capitibus ſuperioribus ponerentur varia ſacrificia pro variis peccatis. Hoc autem poſito ſic argumentor.

Mons, exempli gratia, Periurij nullo modo valebat ad expiationem Blaſphemia, vel Homicidij; erat enim peculiare ſacrificium pro peccato Periurij in damnum proximi, ut diximus, nullum verò pro Blaſphemia; ergo neque valebat ad expiationem ipſius Periurij. Probo facile hanc conſequentiam, quia ex omnium Theologorum doctrina, Deus nunquam remittit vnum peccatum quin remittat omnia; præſertim ſi remiſſio fiat per inſuſionem gratiæ, quæ oppoſitionem formaliter habet cum omnibus.

Denique Sententia Catholica eſt, Sacramenta Veteris legis, inter quæ præcipuum erat ſacrificium pro peccato, non contuliſſe gratiam ex opere operato, id enim docent omnes Theologi in 4. diſt. 1. & definiuit Concilium Florentinum in inſtructione Armenorum. Et præcipuum fundamentum eſt, quia non habue-

VI.

*Sacrificia pro peccato erant verè propitiatoria.*

VII.

*Ratio dubitandi in oppoſitum.*

VIII.

*Non pro omnibus peccatis erant Sacrificia propitiatoria.*

IX.

*Promiſſio remiſſionis peccatorum propria Teſtamenti novi.*

runt adnexam promissionem remissionis peccatorum; cum enim dixisset Apost. Hebr. 8. Testamentum novum, *melioribus repromissionibus sancitum est*. Expli- cans, quæ sunt istæ repromissiones meliores novi Testamenti, profert illud Hier. 31. *Propitium ero iniquitatibus eorum, & peccatorum eorum non recordabor amplius*.

Quomodo ergo concordabunt Scripturæ? quomodo inter se non pugnabunt? Quomodo erit simul verum dicere, Sacrificia pro peccato instituta in modum Montis propitiatorii fuisse, & vim pro peccatis propitiandi ex sua institutione non habuisse? habuisse certas promissiones de remissione peccatorum, & remissionem nullam peccatorum effecisse?

X.  
*Conciliantur  
Scriptura.*

XI.  
*Promissiones  
factæ sacrificiis  
pro peccato  
erant de remis-  
sione quoad  
pœnæ tempora-  
les.*

Inter duo hæc extrema, medius tutissimus ibis, si dicas cum Bellarmino, Sa- crificia pro peccato habuisse annexam promissionem de remissione peccatorum, non quoad culpam, & pœnam æternam, sed quoad pœnam aliquam tempora- lem; sic ille lib. 2. de Sacramentis cap. 17. & lib. 4. de Pœnitentia cap. 15. vbi ait: promisit Deus offerentibus ea sacrificia remissionem peccatorum; quæ promissio cum intelligi nequeat de remissione quoad culpam, & pœnam æternam, id restat vt intelligatur de remissione peccati quoad pœnam temporalem. Et rursus lib. 2. de Miss. cap. 2. Deum propitiabant quoad pœnas temporales, & alibi sæpius: quæ distinctio optimè fundatur in doctrina generali, quam as- fert S. Augustinus in Psalm. 72. vbi dicit promissiones Veteris Testamenti, & Novi esse diuersas, vt ipsa etiam Testamenta sunt diuersa; sicut autem Vetus Testamentum temporale erat, Nouum autem æternum, ita promissiones Testa- menti Veteris de rebus temporalibus erant, Novi verò de æternis, & quia in peccato est duplicis reatus pœnæ videlicet æternæ, & temporalis, ideo promissio de remissione peccati quoad pœnam temporalem pertinet ad Vetus Testa- mentum, quoad pœnam verò æternam, quæ est per se conuexa cum culpa lethali, ad Nouum spectat.

XII.  
*Sacrificia va-  
lebant etiam  
ad expiationem  
macula lega-  
li.*

Accedit, Sacrificia illa non solum habuisse promissionem annexam de remis- sione culpæ quoad pœnam temporalem, sed etiam aliquam expiationem, & pur- gationem effecisse immunditiæ, seu maculæ legalis, & quidem in figura expiation- is à peccatis, quæ fit per Christum, vt docet S. Thom. 1. 2. quæst. 103. art. 1. In veteri enim lege duplex, inquit, immunditia obseruabatur. Vna quidem spi- ritualis, quæ est immunditia culpæ, de qua nunc non loquimur. Alia verò tem- poralis, quæ tollebat idoneitatem ad cultum Diuinum; sicut leprosus diceba- tur immundus, vel ille, qui tangebatur aliquod morticinum, & sic immunditia nihil aliud erat, quàm irregularitas quædam. Ab hac igitur immunditia cere- moniæ veteris legis, inter quas præcipua erant Sacrificia pro peccato, habe- bant virtutem emundandi, quia huiusmodi ceremoniæ erant quædam remedia adhibita ex ordinatione legis ad tollendas prædictas immunditias ex Statuto legis inductas. Hæc S. Thomas, qui ad hoc probandum assertit insignem illum locum Apostoli Hebr. 9. Si enim sanguis hircorum, aut taurorum, & cinis vitulæ aspersus, inquinatos sanctificat ad emundationem carnis, quanto magis sanguis Christi, qui per Spiritum Sanctum semetipsum obtulit immaculatum Deo, emundabit conscientiam nostram ab operibus mortuis ad seruendum Deo viuenti. Probat, inquit S. Doctor, Apostolus efficaciam Sanguinis Christi

XIII.  
*Sanguis Christi*




per locum à minori, quia si sanguis brutorum animalium faciebat, quod minus est, Sanguis Christi poterit facere quod maius est. Quod argumentum, ut vim habeat præsupponit necessario Sanguinem illum animalium ex Diuina institutione aliquam vim sanctificandi, & expiandi habuisse, quocumque tandem modo illa sanctificatio, & expiatio explicetur. Quæ sententia sine dubio est omnium antiquorum, neque satis apparet quod contra illam obijci possit, nisi fortasse quod Leuit. 4. ubi præscribuntur huiusmodi Sacrificia propitiatoria pro peccatis, præscribitur etiam, ut oret Sacerdos pro iis, pro quibus est sacrificium, unde videtur sequi illam expiationem, seu remissionem modo superius explicato, non fuisse ex vi operis, seu ex opere operato, sed potius ex opere operantis Ministri.

Sed respondetur (quod non inobseruatum omisit Bellatminus) orationem illam Sacerdotis non fuisse de essentia Sacrificij pro peccato, sed solum addi debuisse in vsu, seu administratione Sacramenti illius, siue ad facilius, siue ad vltius impetrandum, dico Sacramenti illius, quia Sacrificia pro peccato erant etiam Sacramenta Testamenti Veteris, & respondebant Sacramento nostro Pœnitentiæ, ut S. Thomas docet 1. 2. quæst. 102. Quod autem illa Oratio non fuerit de essentia Sacrificij pro peccato patet, quia ut habemus in eodem cap. 4. Leuit. in Sacrificio pro peccato Sacerdotis nulla Oratio adhibebatur, sed solum in Sacrificio pro peccato aliorum de populo, quod manifestè ostendit effectum illius Sacrificij proprium non habuisse dependentiam neque ab Oratione, neque à conditione Ministri.

Maneat ergo quod initio propositum erat in Veteri videlicet Testamento, Sacrificia pro peccato in modum Montis instituta à Deo fuisse, atque adeo veros Propitiatorios Montes in Veteri Testamento extitisse.

*me pro peccato habebat suam vim ex opere operato.*

XIV.  
Oratio Ministri non erat de essentia illius sacrificij.



## QVÆSTIO SECVNDA.

*An sit in Ecclesia Mons Propitiatorius pro peccatis.*

- I. Primum fundamentum ex comparatione Noui, & Veteris Testamenti.
- II. Denique, quæ semel instituit non omnino subtulit, sed perfecit.
- III. Antiquitas huiusmodi Montium.
- IV. Alterum fundamentum ex figuris.
- V. Omnia sacrificia antiqua, etiam cruenta, figura erant sacrificij Encharistici.
- VI. Sacrificium propitiatorium Crucis, non fuit datum in Montem Ecclesie.
- VII. Montes cum Religione durant.
- VIII. Sacrificium Crucis fuit simpliciter ante legem Evangelicam, quia ante eius solennem promulgationem.

IX. *Montes Religionis sunt accessibiles.*

X. *Sacrificium Crucis non est proprium Christiane Religionis.*

XI. *Cur sacrificium nostrum dicatur Mons, domus Iacob, & non Abraham, aut Isaac.*

XII. *Solum tota domus Iacob representauit Ecclesiam.*



VoD in Ecclesia verus nunc Mons existat propitiatorius pro peccatis ad Hæreticorum perfidiam arguendam, & fidem excitandam Catholicorum, duplici argumento demonstrabimus.

I.  
*Primum fundamentum ex comparatione Noui, & Veteris Testamenti.*

II.  
*Deus, quæ semel instituit non omnino subtulit, sed perfecit.*

III.  
*Antiquitas huiusmodi Montium.*

IV.  
*Alterum fundamentum ex figuris.*

V.  
*Omnia sacrificia antiqua etiam cruenta figura erant sacrificij Eucharistici.*

Primum sumimus ex comparatione Noui, & Veteris Testamenti tali pacto. In Veteri Testamento fuerunt Montes Propitiatorij habentes annexam promissionem de remissione peccatorum; ergo etiam esse debent in nouo Testamento, & in Ecclesia. Antecedens constat ex paulò ante disputatis. Consequentia probatur ex illo principio, quod vrget Bellarminus lib. 5. de Eucharistia cap. 21. quia Christus non omnino subtulit ea, quæ Deus in Veteri lege instituerat, nec enim contrarius erat Patri suo, aut sibi ipsi, sed aut perfecit, aut mutauit in meliora, vt patet in Præceptis, & Sacramentis; nam Præcepta non subtulit, sed explicuit, Matth. 5. & consilia addidit, quæ ad Præceptorum perfectam observationem conducunt; pari ratione Sacramenta Circumcisionis, Agni Paschalis, & similia non subtulit, sed mutauit in alia verè, & propriè dicta Sacramenta, & vt Augustinus dicit Epist. 118. pauciora, faciliora, & præstantiora; ergo eodem modo Montes propitiatorios non debuit omnino tollere de medio, sed mutare.

Addo, Montes huiusmodi propitiatorios non fuisse primum in lege Mosis institutos, sed ex lege naturæ ortum habuisse, vt patet in sacrificijs Iob pro peccatis suorum filiorum; ergo etiam si Christus abrogare voluisset omnia instituta legis Mosæicæ, non tamen hos Montes omnino abrogare debuisset, cum præsertim causæ cur in omni lege fuerint Montes propitiatorij, omnes inueniantur etiam in nostra.

Secundum Argumentum sumimus ex figuris hoc modo. Omnes Montes propitiatorij veteris Testamenti figurabant Montem propitiatorium Ecclesiæ; ergo est Mons propitiatorius in Ecclesia, qui successit omnibus illis. Antecedens Kemnitio aduersatur apud nostros Controuersistas; ipse enim, vt refertur, docebat sacrificia veteris Testamenti fuisse quidem figuras implendas in Nouo, sed impletas esse in vnicò sacrificio Crucis, quod est solum propitiatorium pro peccatis. At nos hoc antecedens probamus primo ex generalibus propositionibus Patrum, quibus docent vnicum Ecclesiæ sacrificium successisse omnibus omnino sacrificijs veteris legis, atque adeo etiam illis, quæ erant in modum Montis erecta, & instituta pro remissione peccatorum. Secundo ex ratione, quia sacrificium Crucis, quamuis reuera fuerit propitiatorium, non tamen erectum, & institutum fuit ad modum Montis.

Audiamus primo Patres, in vniuersum affirmantes figuras fuisse sacrificia illa Eucharistici sacrificij. Sanctus Augustinus lib. 17. de Ciuit. cap. 20. Mensa, inquit, quam Sacerdos noui Testamenti exhibet de Corpore, & Sanguine suo est; id est enim sacrificium, quod successit omnibus sacrificijs, quæ immolabantur

tur in vmbra futuri. S. Leo serm. 8. de Passione. Nunc carnalium sacrificiorum varietate cessante, *Omnes* differentias hostiarum, *Vna* corporis, & sanguinis sui implet oblatio. S. Chrysostomus in Psal. 95. Omnia veterum sacrificia, noua superueniens gratia, *Vno* complectitur sacrificio.

Neque propterea nos affirmamus, aut affirmarunt Patres, sacrificia antiqua ita Typos fuisse sacrificij Eucharistici, vt simul non fuerint sacrificij Crucis, immò non potuerunt esse typi Eucharistix, quin etiam Passionis essent, cum Eucharistia ipsa repræsentatio, & commemoratio Passionis sit. Quod dicimus verò est, & addimus etiam prædictæ Patrum doctrinæ, sacrificia illa propitiatoria in quantum rationem Montis habebant, non fuisse, vt sic, typos sacrificij Crucis, quia (quæ erat ratio à nobis proposita secundo loco) sacrificium Crucis, quamuis reuera fuerit propitiatorium, non tamen erectum, & institutum fuit ad modum Montis, quod ex Bellarmini doctrina non obscure probamus.

Primo, quia Montes sic instituti sunt Montes legis, & Religionis, idcirco cum ipsa Religione nati sunt, & tamdiu durant, quamdiu Religio, & lex durat, neque ante debent transferri, quam transferatur lex, vt Apostolus docet Hebr. 7. At sacrificium Crucis semel peractum est, ac deinde desit esse, neque manfit postea, nisi per effectum, & virtutem, immò in rigore loquendo nunquam fuit tempore Christianæ legis, & Religionis, ea enim post Christi mortem proprie cepit, neque ante, sed ipso die Pentecostes, nimirum 50. post primum Pascha Christianorum, sicut lex vetus solemniter promulgata fuit in Monte Syna die 50. post primum Pascha Iudæorum; fuisse enim antiquam legis promulgationem figuram promulgationis Euangelij docent Patres communiter, & in primis Augustinus Epist. 119. Itaque primum, die Pentecostes completis per Ascensionem Mysteris omnibus Redemptionis, promulgata lex noua est in illa coniectione, de qua fit mentio Act. 2. Et quidem solemniter, in Vrbe videlicet Regia Hierosolymorum, præsentibus omnibus hominibus omnium Nationum, à summo Præcone Euangelij, qui erat Apostolus Petrus, vnde continuò etiam cepit vsus Sacramentorum, & Sacrificij.

Secundo, quia qui sic instituti sunt Montes Religionis, conspicui omnibus sunt, & visibiles, ad quos homines illius Religionis conueniant, & dicant: venite, & ascendamus ad Montem Domini. At sacrificium Crucis respectu Christianorum est inuisibile, cum sola fide, non oculis cernatur; vnde nec ad illud conueniri potest à populis.

Tertio, quia Mons hic, de quo loquimur, est Mons Domus, vt ait Isaïas, hoc est proprius Ecclesiæ, seu Christianæ Religionis. At sacrificium Crucis non est sacrificium Domus; vnde extrà Ciuitatem, & extra Portam oblatum est in Cruce, tanquam in Ara, non Templi, sed Mundi, vt loquitur Sanctus Leo serm. 8. de Passione. Ideo non est proprium Christianæ Religionis, sed commune omnibus veris Religionibus, quæ ab initio Mundi fuerunt; nam, & in lege Naturæ, & in lege Scripta, quotquot iusti fuerunt ob huius sacrificij participationem iusti fuerunt. Sicut autem præter sacrificium commune Crucis, quod vim habuit ab origine Mundi, fuerunt sacrificia propria propitiatoria comitantia legem quæque suam, siue Patriarchalem, siue Mosaicam, ita præter sacrificium Crucis, quod oblatum quidem fuit, sed non institutum, & relictum, vt

## VI.

*Sacrificium propitiatorium Crucis non fuit datum in Æonem Ecclesiæ.*

## VII.

*Montes cum Religione durant.*

## VIII.

*Sacrificium Crucis fuit simpliciter ante legem Euangelicam quia ante eius solemnem promulgationem.*

## IX.

*Montes Religionis sunt accessibiles.*

## X.

*Sacrificium Crucis non est proprium Christianæ Religionis.*

cruentè celebraretur, vt patet. Debit Christiana Religio suum proprium habere propitiatorium, quod Mons Domus Dei Iacob appelletur.

## XI.

*Cur sacrificiū  
nostrum dica-  
tur Mons do-  
mus Iacob, &  
non Abraham,  
aut Isaac.*

Atque huic obiter habes quam ob rem sacrificium proprium Ecclesie dicatur ab Isaia potius Mons Domus Iacob, quàm Domus Abraham, aut Domus Isaac. Cum sciamus Christum fuisse promissum non solum Iacob, sed etiam Abraham, & Isaac; ratio est illa planè, ob quam Angelus Luc. 1. non dixit, & regnabit in Domo Abraham, aut in Domo Isaac, sed regnabit in Domo Iacob in æternum, quia videlicet, vt rectè ponderauit Toletus in cap. 1. Luc. annot. 90. neque tota Domus Abraham, neque tota Domus Isaac, sed solum tota Domus Iacob repræsentabat Ecclesiam.

## XII.

*Solum tota  
Domus Iacob  
repræsentauit  
Ecclesiam.*

Abraham duplicem habuit posteritatem, vnā ex Isaac, in qua facta est promissio, & cui data est circumcisio, & lex, & prophetia, & sacrificium. Alteram ex Ismaël, quæ ab his bonis repulsa est. In illa autem significabatur Ecclesia, non in hac vt docet Paulus Galar. 4. Non sumus, inquit, filij Ancillæ, sed liberæ, qua libertate Christus nos liberauit. Non ergo tota Domus Abraham Ecclesiam repræsentabat. Hoc idem in Isaac factum est; habuit enim duos filios, à quibus duo populi effluerunt, Esau, & Iacob, ille à bonis prædictis exclusus est, hic vero ea obtinuit iuxta illud, Iacob dilexi, Esau odio habui; non igitur in tota Domo Isaac Ecclesia significabatur. Iacob verò duodecim habuit filios, & omnes hi, legem, & circumcisionem, & cætera acceperunt à Deo, & populus eius peculiaris facti sunt; idcirco tota Domus Iacob Ecclesiam repræsentabat. Ecce causa cur Christus in Domo Iacob regnatus dicatur: peculiare enim eius Regnum significatur, quo in fidelibus, & in Ecclesia regnat, quæ non ex materialibus illis Tribubus conficitur, sed ex Tribubus secundum Spiritum, siue Iudæi, siue Gentiles secundum carnem sint: omnis enim Natio, & Gens, ac Populus credens, ac Christo adhærens, dicitur de Domo Iacob, iuxta illud Rom. 9. Non omnes, qui ex Israël sunt, Israëlitæ sunt, sed qui secundum repromissionem; hinc habetur planè solutio dubitationis propositæ. Mons noster, est Mons Domus Iacob, quia est solius Ecclesie, quam sola tota Domus Iacob repræsentabat. Habet ergo Ecclesia Montem suum, Sacrificium propitiatorium pro peccatis commemoratum quidem communis sacrificij Crucis, sed tamen proprium, & peculiare.

## QVÆSTIO. TERTIA.

*An Erectio Montis Propitiatorij habeatur  
ex Christi Testamento.*

- I. *Christus suum candidis Testamentum non in Cruce, sed in Coma.*
- II. *Erectio Montis ex verbis Testamenti.*
- III. *Calix Sanguinis Christi ex ipsius Testamento relictus Ecclesia.*

- IV. *Promissio de remissione facta effusioni Sanguinis in Eucharistia.*
- V. *Cur potius hic Calix, quàm hic Sanguis.*
- VI. *Sermo est de effusionis genere, quod insisteretur.*
- VII. *Prædicatur perpetua effusio Sanguinis in Eucharistia.*
- VIII. *Effundi, pro offerri, & libari.*
- IX. *Sanguis Christi funditur perpetuo in remissionem.*
- X. *In Altari funditur sanguis pro peccatoribus.*
- XI. *Autores pro nostra Sententia.*
- XII. *Qua Sententia magis fauet Hæreticis.*
- XIII. *Odium Hæreticorum in Sacrificium.*
- XIV. *Ex nostra Sententia probatur veritas Sacrificij, ex contraria non licet.*
- XV. *Absurdum ex contraria Sententia.*
- XVI. *Fundamentum P. Vasquez.*
- XVII. *Figura Sanguinis Testamenti impleta fuit in nocte Cœna.*
- XVIII. *Veritas Sacrificij Eucharistici ex figura Sanguinis Testamenti.*
- XIX. *Testamentum novum fuit obsignatum Sanguine in Cœna, non in Cruce.*
- XX. *Certum est effundi in Missa Sanguinem Christi pro Ecclesia.*
- XXI. *Sanguinem Christi nunc fundi non potest negari.*
- XXII. *Cur hac fusio non facit Sacrificium cruentum.*
- XXIII. *Quid est Sanguinem fundi in Missa.*



OTISSIMUM Argumentum quo probamus esse in Ecclesia Mon-tem Propitiatorium pro peccatis, sumimus ex verbis Testamenti, quod Christus Dominus, ut Caput, & Princeps Ecclesiæ condidit, & conditum obsignavit in nocte Cœnæ, ex illo enim apparet erectio, & fundatio huius Montis.

Scio Autores aliquos opinatos fuisse Christum Dominum non condidisse Testamentum in Cœna, sed in Cruce; sed contra hanc opinionem arguit Bel-larminus lib. 5. de Euch. cap. 8. Quia, inquit, omnes conditiones Testamenti in Cœnam quadrant, nullæ in Cruce.

Primum ait, qui testatur vivere debet usque ad completum, & obsignatum Testamentum; Christus in Cœna semper vixit, in Cruce mortuus est. Quare rectè B. Paulus Hebr. 9. non ait Christi morte Testamentum novum factum fuisse, sed confirmatum; non enim Testamentum valet dum vivit, qui testatus est.

Secundo qui testatur sui Iuris esse debet. Christus in Cœna sui Iuris erat; in Cruce non modò captus, & victus, sed etiam damnatus, & iam patibulo affixus erat.

Tertio, qui testatur semper aliquid mandat heredibus, Christus in Cœna, hoc est, inquit, præceptum meum, ut diligatis invicem, & rursum: Hoc facite. In Cruce nihil mandasse legitur.

Quarto, qui testatur, aliquid promittit, seu relinquit, idque nominatim exprime solet, ut etiam personas, quibus relinquit. In Cœna, Dominus expressit remissionem peccatorum, quæ est promissio propria Testamenti Novi. Hierem. 31. Et expressit etiam heredes, cum ait, pro vobis, & pro multis; in Cruce nihil cuiusmodi, excepta promissione soli latroni facta.

I.  
*Christus suum  
condidit Testa-  
mentum non in  
Cruce, sed in  
Cœna.*

Quinto, qui testatur, testes adhibet, & sicut Moyses non testes quoscunque, sed ipsum populum conuocauit, cum Testamentum Vetus nomine Dei sanciebat, sic etiam Christus testes, & non quoscunque, sed ipsam Ecclesiam conuocare debuit; id fecit in Cœna. Aderant enim omnes Apostoli, qui Patriarchæ fuerunt, & veri Patres totius Christiani populi. Ad Crucem nec aderant, nec facile conuocari potuissent.

Sexto, qui testatur, solet disertis verbis explicare Testamentum se facere. In Cruce testamentum Christus ne nominauit quidem; at in Cœna expressit nomen testamenti; & quidem illis ferè verbis, quibus olim Moyses, vt eum ille dixerat: Hic est sanguis Testamenti, quod mandauit ad vos Deus, ita ipse dixit: Hic est Sanguis meus noui Testamenti.

Septimo, qui testatur, Instrumentum publicum conficit, quod perpetuò vim habeat applicandæ hereditatis, id Instrumentum Christus in Cœna confecit, dum Sacramentum instituit; in Cruce nihilominò eiusmodi. Maneat igitur, concludit Bellarminus, ratum, & certum in Cœna Testamentum nouum conditum fuisse. Quæ Sententia sine dubio est Veterum Patrum, quos affert P. Suarez disput. 37. in 3. part. sect. 4. & communis Catholicorum, & quam Lutherani ipsi negare non possunt, quia præcipuum eorum argumentum contra sacrificium Missæ hoc est. Cœna Domini est Testamentum Christi; ergo non est Sacrificium; ex quo manifestè sequitur illos sentire Christum in vittima Cœna suum Testamentum condidisse.

II.  
*Ereçtio Montis  
ex verbis Testa-  
menti.*

Profetamus ergo verba Testamenti ex Euangelistis, Matth. 26, Marc. 14, Luc. 22. quibus si addamus duo tantum, quæ à Christo quoque prolata fuisse ex Apostolica traditione docet Ecclesia, videlicet *Mysterium Fidei, & Aeterni*, proferre licebit pro authentica formula erectionis, & foundationis huius Montis Sacrosanctæ verba consecrationis Calicis, ex omnibus illis collecta. *Hic est enim Calix Sanguinis mei, noui, & aeterni Testamenti, Mysterium Fidei, qui pro vobis, & pro multis effundetur in remissionem peccatorum.* Sic igitur argumentor.

Ex his verbis habemus Christum Dominum reliquisse Ecclesiæ Calicem sui sanguinis effundendum perpetuò in quotidiano Sacrificio vsque ad finem sæculi, idque in remissionem peccatorum; ergo habemus institutum à Christo Domino, & fundatum in Ecclesia Montem propitiatorium pro peccatis. Consequentia est manifesta ex notione Montis Propitiatorii; sed antecedens solida eget explicatione; nam quod Christus sui Sanguinis Calicem Ecclesiæ suæ legauerit, & ex Testamento reliquerit, vltro Lutherani concedunt, & quamvis negarent ipsi, heredes tamen ostendunt per suos Sacerdotes. Accipiens inquit, & hunc præclarum Calicem. Quid demonstrat pronomen illud *Hunc*? Numquid Christus eundem illum Calicem accepit in manus, quem nunc ex hereditate habet Ecclesia? Omnino eundem, inquit Odo Cameracensis Episcopus in Canon. quia vnus idemque est Calix Christi, & Ecclesiæ, *vnitate Sanguinis*, qui ibi continetur, sicut vnum est Altare vnitatis Sacrificij, Itaque non est nunc cum Aduersariis controuersia, an sit in Ecclesia Calix Sanguinis Christi; immò ipsi maximè queruntur, & clamant; & vt ait Bellarm. nihil magis inuidiosum obijciunt, cum apud suos Romanam Ecclesiam accusant, quam quod ipsa contra expressum Dei mandatum priuauerit populum vsu Calicis, qui ex Testa-

III.  
*Calix Sanguinis  
Christi ex  
ipsum Testa-  
mento relicto  
Ecclesia.*



mento filiis omnibus legatus est. Sed controuersia tota est in eo, an Calix hic relictus sit cum potestate in Ecclesia illum perpetuò sacrificialiter Deo offerendi in remissionem peccatorum. Hoc Hæretici omnes pertinaciter negant. Et ratio fundamentalis ipsorum ea videtur esse, quia promissio de remissione peccatorum pro aliis, quàm pro sumentibus non est annexa Sanguini; & corpori, sed illius *effusioni*. Hic est Sanguis, qui pro multis *effundetur in remissionem peccatorum*, sed effusio Sanguinis, de qua in Cœna loquutus est Christus, semel in Cruce facta est, ergo tantum sacrificium Crucis, qua Sacrificium est, habuit annexam promissionem de remissione peccatorum: ergo tantum sacrificium Crucis fuit verè propitiatorium pro peccatis.

Nos contra, vt vires hæreticæ perfidiæ elidamus, ostendemus promissionem de remissione peccatorum non fuisse his verbis factam effusioni Sanguinis in propria specie, qualis futura erat in Altari Crucis, sed effusioni in aliena specie, qualis perpetuo futura erat in Altari Ecclesiæ.

Probamus hoc, primo quia promissio non est ibi facta absolute effusioni Sanguinis, sed effusioni Calicis, vt enim manifestum est ex Græco textu Luc. 22. Illud effundetur, non refertur ad Sanguinem, sed ad Calicem; ait enim *τὸ οὖν ποτήριον ὃ ἐπὶ ἡμῶν ἐκχυνέμεθα*. Itaque non dicit, hic est Calix cum Sanguine, qui Sanguis effunditur, sed hic est Calix seu poculum, quod effunditur; effusio autem Calicis non est Crucis, sed propria Altaris Ecclesiæ.

Ad hoc Argumentum respondet Valquez disput. 199. cap. 3. concedendo quidem verbum effundi, referendum esse ad Calicem eo quod relatiuum. Qui referat Calicem, non Sanguinem, vt ex textu Græco manifestè probatur. Verum quia Calici secundum se non conuenit effusio, sed ratione contenti in eo, perinde est ad Sanguinem, & ad Calicem referri, vt sensus sit, qui Calix ratione Sanguinis, hoc est, qui Sanguis pro vobis effundetur in Cruce. Nam idem Sanguis quo tunc Christus Apostolis propinabat, in Cruce effundendus erat. Sed verè si Euangelista noluisset significare effusionem Sanguinis, vt erat in Calice, sed vt futura erat in Cruce tantum, coniunxisset vocem effusionis cum voce Sanguinis, quæ proxima erat, non verò cum voce Calicis, quæ erat longè remotior. Sic enim ad verbum veritas ex Græco. Hoc poculum est nouum Testamentum in meo Sanguine, quod pro vobis effundetur; vide relatiuum quod quemadmodum non ad proximiorum Sanguinem, sed ad remotius poculum referatur.

Quod verò Lucas non sine mysterio ad Calicem potius quàm ad Sanguinem, effusionem retulerit, patet, quia significare voluit effusionem in remissionem quotidianam peccatorum, ideo subiungitur, *Hoc facite*, & quia de præsentis illa effusione, quæ tunc instituebatur, erat sermo, maluit dicere, Calix, qui effunditur, quàm qui effundetur. Vnde

Argumentor secundo. Apud omnes tres Euangelistas Græcè est *ἐκχυνόμενος*, in præsentis, hoc est effunditur; ergo agitur de illo genere effusionis, quod erat tunc, & instituebatur in Cœna, non verò de alio genere effusionis, de quo dicendum non erat. *Hoc facite*.

Non potuit negare Kemnitius hanc lectionem esse in Græco textu, sed ait; In Scriptura sæpe accipi præsens pro futuro, atque hoc præsertim loco ita de-

IV.  
Promissio de  
remissione fa-  
cta effusioni  
Sanguinis in  
Eucharistia.

V.  
Cuius potius. Hic  
Calix, quàm  
hic Sanguis.

VI.  
Sermo est de  
effusionis gene-  
re, quod insti-  
tuebatur.

bere accipi, satis constare ex ipso Canone Missæ, in quo legimus, effundetur. Sed occurrit Bellarminus, quia quamvis in Scriptura sæpè accipiat præsens pro futuro, nemo tamen iniciabitur sæpius accipi præsens pro præsentem, quàm pro futuro: quod vero hoc loco nullo modo accipiat pro præsentem, sed tantum pro futuro, probandum esset. Interim nos dicimus rectè accipi, tum pro præsentem, quia in Originali textu legitur in præsentem, tum pro futuro, quia non solum in sacro Canone, sed in vulgata etiam editione Scripturæ legitur in futuro. Verum quia nulla lectio negari potest, aut debet.

## VII.

*Prædicatur per  
petuam effusio  
Sanguinis in  
Eucharistia.*

Hinc efficacius urgeo hoc modo. De illo genere effusionis est sermo, cum dicitur *effundetur* de futuro, de quo est sermo cum dicitur *effunditur* de præsentem. Hoc per se patet, quia per temporis ampliationem non diversificatur propria verbi significatio, & acceptio. Atqui cum dicitur de præsentem, sermo est de effusione ut in Calice, ergo cum dicitur *effundetur* de futuro sermo quoque est de eadem effusione, ut in Calice. Sensus igitur plenissimus erit. Hic est Calix Sanguinis mei qui pro vobis, & pro multis effunditur nunc de præsentem, id est offertur, & libatur Deo, & deinceps usque ad Mundi consummationem effundetur, hoc est offertur, & libabitur Deo in remissionem peccatorum. Itaque effusio Sanguinis in propria specie, quæ Sacrificium cruentum constituit, non pertinet propriè, & directè ad hæc verba, quæ verba sunt institutionis Sacrificij incruenti perpetuò duraturi in Ecclesia. Præsupponitur quidem ab illis genus alterum effusionis Sacrificij cruenti, quia effusio, seu libatio Sanguinis ut in Calice, & in specie aliena, est representatio effusionis, & oblationis eiusdem Sanguinis in propria specie, ut in Cruce: cæterum immediata significatio huius vocis, siue accipiat in præsentem, siue in futuro, non est effusionis, & oblationis cruentæ, sed incruentæ, de qua proximè, & directè hic sermo est.

## VIII.

*Effunditur pro  
offerri, & liba-  
ri.*

Video Authoribus quibuldam, etiam Catholicis duram esse visam interpretationem illam, qua pro effusione Calicis intelligimus sacrificalem oblationem, & libationem Sanguinis factam Deo, sed deberent hi Authores advertere eam explicationem non esse arbitrariam, sed maximè necessariam, eamque oriri ex admirabili proprietate Sermonis veritatis; quia verbum illud temporis præsentis *effunditur*, non significat effundi Apostolis ad bibendum, ut optimè aduertunt Doctores Catholici; neque enim ait Dominus *vobis* effunditur, sed *pro vobis*, pro Apostolis ergo, non Apostolis effundebatur, cui profectò, Deo; ac effundi Deo, est illi in Sacrificium offerri, atque libari. Est igitur hoc loco germana huius vocis *effunditur*, acceptio, pro libatur, id quod adhuc vltius confirmatur, quia Calix ille non dabatur, aut effundebatur tunc, nisi Apostolis præsentibus, & tamen Dominus ait, *pro multis effunditur in remissionem peccatorum*. Matth. 26. Sensus igitur est, ait Bellarminus, pro vobis, & pro multis datur, ac libatur Deo in Sacrificium propitiatorium pro peccatis, neque enim dabatur absentibus, sed Deo, pro absentibus offerebatur.

## IX.

*Sanguis Christi  
funditur per-  
petuò in remis-  
sionem.*

Quid quod Sapientissimi Patres præsentem locum hoc modo intellexerunt? afferam nunc vnum, aut alterum.

Sancus Ambrosius lib. 4. de Sacramentis cap. 6. Si quotiescumque *effunditur* Sanguis, in remissionem peccatorum *funditur*, debeo illum semper accipere, ut semper mihi peccata dimittantur, qui semper pecco, semper debeo



habere medicinam. Vides Ambrosium non solum legere *effunditur*. sed etiam illud intelligere de effusione quotidiana, quæ continuò fit in Ecclesiæ sacrificio. Ad quem locum quid respondeat P. Vasquez vix habet, vide cap. 3. disput. 199. sub finem.

Sanctus Augustinus serm. 4. de Innocentibus, qui fuit de Sanctis 11. & in Appendice 73. agens de sepulchro consueto Martyrum sub Altari, quod propterea Græcè Martyrium, Latine Confessio dicebatur, super illis verbis Apoc. 6. *Vidi subtus Altare animas interfectorum*. Quid reuerentius; inquit, quid honorabilius dici potest, quàm sub illa Ara requiescere, in qua Deo Sacrificium celebratur, in qua offeruntur hostiæ, in qua Dominus est Sacerdos? Rectè sub Altari iustorum animæ requiescunt, quia super Altare Corpus Domini offertur, nec immeritò illic iusti vindictam Sanguinis postulant, *Vbi etiam pro peccatoribus, Christi Sanguis effunditur*. Quid clarius? Sentit ergo Augustinus fieri super Altari Sacramentalem, & Sacrificalem effusionem in remissionem peccatorum, quæ sanè verba P. Suarez disp. 79. in 3. par. fatetur optima esse, & adnotanda pro incruenta effusione, secundum quam, inquit, verba Consecrationis Calicis à multis Patribus, & Catholicis Doctoribus exponuntur.

X.  
In Altari funditur sanguis pro peccatoribus.

Hos Patres sequuti sunt, quos vidi ex externis, Cornelius Iansenius cap. 131. & Melchior Canus lib. 12. de locis Theologicis, ex nostris verò Cardinalis Bellarminus lib. 1. de Euchar. cap. 10. & lib. 1. de Missa cap. 12. & Io. Maldonatus in Comment. Matth. 26. probant quoque eandem Sententiam Henriquez lib. 8. de Euchar. lib. 19. Barradas lib. 3. de Instit. Eucharist. cap. 5. Ioan. Baptista Scortia lib. 1. cap. 3. Cornelius à Lapide in cap. 26. Matth. alique ad marginem citati.

XI.  
Auctores pro nostra sententia.

Atque ego quidem, ut meum quoque iudicium feram, illud animaduerti, Auctores Catholicos, diuisos inter se esse, & alios quidem sequentes sententiam de effusione cruenta futura in Cruce, alios de effusione incruenta præsentem in Cæna: At Hæretici quantum videre potui apud nostros Controuersistas, omnes omnino amplectuntur auidè sententiam de effusione cruenta in Cruce, nullus verò hanc de incruenta in Cæna, à qua maximopere abhorrent vniuersi; ingenuè fateor, suspectus mihi valde est tam vnanimis consensus Hæreticorum.

XII.  
Quia Sententia magis sanæ Hæreticis.

P. Vasquez disput. 199. cap. 2. ait ex expositione de effusione cruenta in Cruce multo efficacius colligi posse veritatem Corporis, & Sanguinis Christi in Eucharistia; nam cum nulla sit admittenda metaphora in voce Corporis, & Sanguinis, verba illa, *tradetur*, & *effundetur*, potius explicant maximam veritatem ipsiusmet Corporis Christi, & Sanguinis eius, quàm si ad Eucharistiam referantur; denotant enim idem ipsum Corpus Christi, quod tradendum erat in mortem, & non aliud, & eandem sanguinem, qui effundendus erat in Passione, & non alium esse sub ipsis speciebus. Ex quo iudicio P. Vasquez iubemur benè sperare, & æqui, bonique consilium, quod veritatis Catholicæ hostes se se ab effusione incruenta Cænae, ad cruentam Crucis propulerint.

At Bellarminus assuetus timere Danaos, & dona ferentes, longè aliter sentit; nam lib. 1. de Eucharist. cap. 10. cum retulisset hanc nostram sententiam, quæ docet verba illa omnia: *Hoc est Corpus meum, quod pro vobis datur: Hic est Sanguis meus, qui pro vobis effunditur*, dici de corpore, & sanguine, ut est in

Eucharistia, non autem, vt fuit postea in Cruce, hæc subdit. Porro hæc explicatio si recipiatur, planè evertit Hæreticorum Sententiam de corpore Domini tropicè intelligendo, neque enim corpus tropicè acceptum, id est panis datus est pro nobis, sed datus est nobis; neque Vinum tropicè acceptum Sanguinem significans, effusum est in institutione Cœnæ, sed infusum potius, neque id pro nobis, sed nobis, neque in remissionem peccatorum, quod propriè conuenire vero sanguini omnes fatentur. Hæc ille.

Non ergo ex nostra Sententia minus efficaciter, immò multò efficacius colligimus veritatem Corporis, & Sanguinis Christi in Eucharistia, sed quod omne fert punctum, non solum ex nostra Sententia inferimus veritatem Sacramenti Corporis, & Sanguinis Domini, quam etiam Lutherani concedunt, sed probamus veram oblationem sacrificalem eiusdem Corporis, & Sanguinis Domini, quam omnes perfidissimè negant. Quare Lutherus teste Bellarmino in omnibus Libris, quos multos de hac ipsa quæstione scripsit, id vnum agit, vt doceat in actione Cœnæ, seu Missæ nihil nos Deo offerre, sed contra potius offerri nobis à Deo Sacramentum Eucharistiæ in testimonium promissionis; similiter ait Bellarminus, formula Caluini Sacramentorum ministrandorum pro Ecclesia Geneuensi, & omnes aliæ diligentissimè cauent, ne vlla fiat mentio oblationis: id ipsum, inquit, docent omnes huius temporis Hæretici, qui vnanimiter negant Eucharistiam Deo offerri posse, aut debere. Hoc ergo, quod tanti momenti est, ex nostra Sententia probatur validè, ex opposita, nullo modo.

## XIV.

*Ex nostra Sententia probatur veritas Sacrificij, ex contraria non item.*

Fateretur hoc P. Vasquez illo capite 2. in sua nimirum sententia peti non posse ex iis verbis argumentum ad probandum Eucharistiam esse verum Sacrificium, sed non est, inquit, opus, vt ex hoc loco Scripturæ, contra Hæreticos hoc probemus, cum alia nobis suppetant efficaciora argumenta, quibus contra eisdem dimicare possimus, vt disputatione, inquit, 221. cap. 3. videbimus. Sed eamus, vt videamus nunc hanc disputationem 221. Ecce titulus Capitis tertij. Christum in Missa verè, & propriè in Sacrificium offerri. Duplicem hic profert rationem, præterea nullam. Prior est, quia si Christus in Eucharistia non immolaretur, nulla in Ecclesia Dei esset oblatio, quæ verè, & propriè Sacrificium esset; quæ enim illa est? hoc autem est absurdum, cum Sacrificium sit Iuris naturalis, & nulla fuerit tam barbara Natio, quæ Sacrificia non habuerit. Hæc est prima ratio. Posterior verò, inquit, ratio desumpta est ex definitione formali Sacrificij, nam Sacrificium est nota existens in rebus, qua profitemur Deum Authorem Vitæ, & mortis; per oblationem autem Christi in Eucharistia profitemur Deum esse Authorem Vitæ, & mortis, ergo est verè, & propriè Sacrificium, quo autem pacto hoc profiteamur absque vlla ipsius Christi occisione, & mutatione, quæ in aliis Sacrificijs interuenit, disput. 222. cap. 8. ex professo ostendemus. Hæc P. Vasquez de suis rationibus, & argumentis in toto illo Capite.

Verum quæ argumenta sunt hæc tantæ efficacitatis contra Hæreticos volentes nobiscum dimicare cum Scripturis, & contendentes nominatim ex verbis institutionis Cœnæ Domini nullum habere nos argumentum, quo veritatem nostri Sacrificij comprobemus? Hoc minimum sequitur ex sententia P. Vasquez, in tota Institutione Eucharistiæ, nullum esse verbum, quod incruentam oblationem significet. Hoc fateri, intolerandum nimis Catholico sit. Sed fortassè

P. Vasquez

## XV.

*Absurdum ex contraria Sententia.*

P. Vasquez aliquod habuit fundamentum ex Scriptura ipsa petatum, quo se cogi existimavit ab hac nostra explicatione recedere? omnino habuit, atque hoc loco illud examinare operæ pretium est. Igitur disput. illa 199. cap. 2. Quarta, inquit, ratio, omnium efficacissima est in hunc modum. Si verbum *effundetur*, significaret effusionem Sanguinis in Eucharistia non in Cruce, non conveniret cum voce *Testamentum*. Constat autem Sanguinem Christi eatenus dici, Novi Testamenti quatenus effusus fuit in confirmationem illius, sicut etiam hac ratione sanguis Hircorum, & Vitulorum dictus fuit in Moyse Exod. 24. ut refert Apostolus Hebr. 9. Sanguis Testamenti, quod mandavit ad vos Deus, cui ipse Paulus opponit Sanguinem Christi, quia eo confirmatum fuit novum Testamentum. Atqui novum Testamentum non fuit confirmatum Sanguine Christi, propterea ea nocte incruentè oblato in Eucharistia, sed propterea effuso in Passione, quia morte Christi, & Passione eius consummata fuit nostra Redemptio; Sacrificium autem incruentum Eucharistiæ propterea modo exhibitum, non fuit consummatio nostræ Redemptionis. Quia ergo Sanguis Christi eatenus dicitur novi Testamenti, quatenus in Passione reipsa effusus fuit; ideo verbum illud *effundetur*, effusionem Sanguinis factam in Cruce significat.

XVI.  
Fundamentum  
P. Vasquez.

Hæc P. Vasquez, cuius argumenti vis tota pendet ex illa questione, Vtrum figura effusionis, & asperisionis Sanguinis Veteris Testamenti, de qua Exod. 24. impleta fuerit in Institutione Eucharistiæ, An potius in sacrificio Crucis; si enim tota illa figura impleta fuit ante Passionem in Institutione Eucharistiæ, argumentum nullum erit, imò pro nostra sententia erit. Tractat hanc questionem duobus in locis Bellarminus lib. 1. de Eucharistia cap. 3. & lib. 5. cap. 8. & utrobique constantissimè asserit totam illam figuram fuisse impletam in Institutione Eucharistiæ; quod, inquit, nullo modo negari potest, nam in primis expressè Luc. cap. 22. & Paulus 1. Corinth. 11. dicunt; Hic Calix novum Testamentum est in Sanguine meo. Matth. 26. & Marc. 14. Hic est Sanguis meus novi Testamenti. Deinde, inquit, Patres veteres apertè docent, Christum in ultima Cœna condidisse Testamentum novum. Tertullianus lib. 4. in Marcionem. In Calicis mentione Testamentum constituit sanguine suo obsignatum. Idem expressè docent Chrysostomus, & Theophilactus in loco allegato Matth. & Pauli, nec non Ambrosius in Paulum, & Beda in Marcum.

XVII.  
Figura Sanguinis Testamenti impleta fuit in nocte Cœna.

Et sanè ad significandum, quod illa figura in Cœnæ Mysterio implebatur, videtur Dominus de industria uti voluisse iisdem ferè verbis, quibus usus fuit Moyses. Hic est, inquit, Sanguis meus novi Testamenti Matth. 26. quo loco, ut etiam notat P. Suarez disput. 37. in 3. par. Omnes Expósitores advertunt, opposuisse, Christum Sanguinem suum sanguini hircorum, & vitulorum, quo antiquum testimonium sanctum est, dicente Moyse Exod. 24. *Hic est Sanguis Testamenti*, quem mandavit ad vos Deus. Sicut ergo Moyses dicens illa verba obsignavit Vetus Testamentum, ita Christus dicens: *Hic est Sanguis novi Testamenti*, novum Testamentum obsignavit.

XVIII.  
Veritas Sacrificij Eucharistici ex figura Sanguinis Testamenti.

Et ne videatur Bellarminus perfunctoriè hanc figuræ impletionem asseruisse, in ea tanquam in vno è solidissimis fundamentis fundat Dogma Institutionis Eucharistiæ in Sacrificium, & argumentatur hoc modo. Sanguis Testamenti veteris apud Moysen erat sanguis Victimæ iam immolatæ, & verè ac propriè

sacrificatæ, vt patet Exod. 24. ergo Sanguis Testamenti noui apud Christum est Sanguis Victimæ immolatæ, & verè, ac propriè sacrificatæ. Est autem Sanguis ille Sanguis Christi, vt ipse dicit: *Hic est Sanguis meus*. Ergo ipse fuit Victimæ in Cœna immolata, & sacrificata. Neque responderi potest, pergit Bellarminus, Sanguinem Christi in Cœna fuisse Sanguinem Victimæ futuræ in Cruce; nam in Exodo prius immolata est Victimæ, deinde Sanguis aspersus in populum illis verbis: *Hic est Sanguis, &c.* ergo etiam Christus prius debuit se ipse Victimam facere, & immolare, deinde de Sanguine dicere: *Hic est Sanguis*. Præterea nulla ratio patitur, vt prius Sanguis Victimæ hauriatur, deinde Victimæ immoletur; cum è contratio ex immolatione Sanguis sequatur. His positis.

## XIX.

*Testamentum  
nouum fuit ob-  
signatum San-  
guine in Cœna,  
non in Cruce.*

Respondeo facile ad argumentum negando assumptum, quod scilicet, si verbum *effunderetur* significaret effusionem Sanguinis in Eucharistia, non in Cruce, non conueniret cum voce, *Testamentum*, immò ideo maximè conuenit cum voce *Testamentum*, quia significat effusionem Sanguinis, quæ fuit obsignatio Testamenti: obsignatio autem Testamenti non fuit effusio Sanguinis in Cruce, sed in Eucharistia; tunc enim Testamentum fuit obsignatum, quando conditum perfectumque est, illud autem conditum, perfectumque esse in Cœna, & non in Cruce, satis ostendunt septem illæ conditiones Testamenti initio enumeratæ, quæ omnes congruunt Cœnæ, & nullæ Cruci. Neque dici potest conditum illud fuisse in Cœna, & obsignatum in Cruce; nam Veteres Patres expressè docent, obsignatum fuisse in Cœna; inter quos Tertullianus alludens ad verba Christi apud Lucam, & illamagis explicans, vt notat Pamelius annot. 668. in lib. 4. aduersus Marcionem: Hic est, inquit, Calix nouum Testamentum obsignatum in Sanguine meo. Et iure debuit Testamentum obsignari coram legitimis testibus, quales erant in Cœna, & non ad Crucem, ad quam aderant inimici, non testes, excepto Ioanne, cum præterea tunc Dominus Iuris quodammodo alieni esset, eo quod victus erat in manibus Iudæorum; at verò in Cœna adhuc liber, legitimos testes adhibuit Apostolos suos, qui futuri erant Principes Ecclesiæ, & *Ministri Novi Testamenti* 2. Corinth. 3. quod ministerium in eadem Cœna sunt consequuti, nam illis verbis; hoc facite in meam commemorationem, ordinati sunt Sacerdotes, & Dispensatores Mysteriorum Dei, & quasi ipsius Testamenti executores.

Neque Pauli autoritas quidquam suffragatur, quia non dicit Paulus, Christi morte Testamentum nouum factum, & obsignatum fuisse, quod nec dicere poterat, quia testator debet viuere vsque ad completum, & obsignatum Testamentum, sed dicit, Testamentum Christi morte confirmatum fuisse. *Testamentum enim in mortuis confirmatum est*, hoc est mortuis testatoribus, seu post mortem testatorum, tum demum ratum, & confirmatum Testamentum est. Quare in rigore Testamentum Christi, neque in effusione incruenta in Cœna, neque in effusione cruenta in Cruce confirmatum est, sed post mortem Christi testatoris, quia, vt ait Apostolus, Testamentum nondum valet, dum viuit qui testatus est; conditum verò fuit in Cœna, & ibi coram testibus, Christi Sanguine obsignatum, vt Patres affirmant.

Sed quid tandem est Sanguinem in Cœna fundi? Nam (quod obiebat Kemnitius) si tunc in Cœna, & nunc in Missa Sanguis funditur, non esset Missæ Sacrificium incruentum.



Respondeo, distinguenda hic esse diligenter duo. Alterum est, An tunc in Cœna, & nunc quotidie in Missâ effusio fiat Sanguinis Christi. Alterum quæ ratione id non sit contra rationem Sacrificij incruenti. Vnde cognosci potest quid sit, sanguinem in Altari fundi.

Ac primum quidem ad fidem pertinet, neque fas est Doctori Catholico, negare, effusionem Sanguinis in Missâ fieri, quia ex duabus lectionibus, *funditur*, & *funderetur*, nulla potest negari, cum prior sit trium Euangelistarum, & Pauli, qui omnes scripserunt in præsentem, *effunditur*; posterior sit editionis Vulgatæ Luc. 22. & sacri Canonis Missæ, quem ab omni errore purum esse definiuit Tridentinum. Itaque illa lectio originalis textus Lucæ, *qui pro vobis effunditur*, est vera. Quod si fuit verum tunc dicere de præsentem, effunditur, est verum nunc idem dicere in quotidiano Missæ Sacrificio, ita ut si quis nunc, *pro effunditur*, in verbis consecratoriis, diceret *effunditur*, falsum non diceret, ratio est manifesta, quia ut constat ex principiis fidei, Sacrificium Missæ non differt specie à Sacrificio, quod Christus obtulit in Cœna, sed essentialiter cum illo conuenit in illis tribus, quæ sunt huic Sacrificio incruento essentialia, nimirum, materia oblationis, res principaliter oblata, & forma, seu actio, per quam fit oblatio. Quæ omnia continentur in illo verbo Christi, *hoc facite*, in quo, virtute comprehenditur totus ritus essentialis Sacrificij. Si ergo cum primo hoc Sacrificium fuit oblatum, & institutum, fuit verum dicere *funditur*, eadem veritate, & ratione erit verum hoc idem dicere nunc; quò spectasse videtur Tertullianus in Carmine tom. 4. lib. 5. aduersus Marcionem.

*Acceptum panem pariter, vitisque liquorem*

*Corpus, ait, sanguisque meus, qui funditur hic est*

*Pro vobis, fieri semper, quod postea iussit.*

Atque hinc habes rationem, cur vtraque lectio tanquam verissima necessariò sit admittenda, quia ut alibi adnotaui cum Bellarmino, istæ lectiones non pugnant inter se, immò vna inducit alteram, quia posita institutione huius Sacrificij in eo prorsus sensu, quo dixit tunc funditur, poterat insuper expresse addere Christus, & effunderetur vsque ad consummationem sæculi. Nam idem Sacrificium in Ecclesia quotidie repetitur, & renouatur. Maneat ergo ratum, fixumque, quod pertinet ad modum loquendi, Christi Sanguinem effundi in Missâ quotidie in remissionem peccatorum.

Quod vero hoc non sit contra rationem Sacrificij incruenti (quæ erat altera pars distinctionis) est manifestum, quia non fuit fusus in Cœna Sanguis, neque nunc funditur in propria specie Sanguinis; hoc enim modo si funderetur, Sacrificium cruentum fieret; sed funditur sanguis in specie non Sanguinis, hoc est Vini.

Sed quid tandem aliquando est, Sanguinem hoc modo fundi sub specie non propria, sed aliena? Hoc iam pridem postulabatur. Hoc distuli ut verbo concluderem Bellarmini, sed verè dixi pluries, & quidem satis amanti Sacras Scripturas, qua decet veritate intelligere. Fundi hoc modo Sanguinem, est Deo libari, & offerri, & quidem sacrificialiter, illud videlicet tandem in Dei honorem, & summum Latriæ cultum absumendo. Sic explicat Bellarminus lib. 5. de Euch. qui est primus de Missâ cap. 12. Dicitur, inquit, sanguis in Cœna fundi, dum in

XX.

*Certum est effundam in Missâ sanguinem Christi pro Ecclesia:*

XXI.

*Sanguinem Christi nunc fundi non potest negari.*

XXII.


*Cur hac fusio non facit Sacrificium cruentum.*

XXIII.

*Quid est Sanguinem fundi in Missâ.*

specie liquida in Calice collectus, offertur Deo, ac deinde in eadem specie funditur in ora sumentium.

Hæc explicatio iterum in memoriam reuocat figuram pacti, & fœderis, Exod. 24. Sanciti victimarum sanguine, & epulo comuni paciscentium. Nam sicut Moses, & Aaron vice Dei cum populo ex victima fœderali comederunt, Moses enim erat ibi quasi fœcialis, & mediator Dei, & populi, ita fœdus nouum Deus inuit cum Apostolis repræsentantibus totam Ecclesiam, cuius fœcialis, ait Cornelius, & pater patratus est Christus, quo fœdere Deus obligauit se daturum Ecclesiæ remissionem peccatorum, & in qua promissione est virtualiter promissio gratiæ, & adoptionis in filios, & hæredes sub hac conditione si sibi obediant. Hoc autem fœdus sancitum fuit Sanguine victimæ iam immolatæ, & sacrificatæ in nocte Cænæ; ideo iuxta legem fœderalem omnes paciscentes, hoc est Christus, & Ecclesia ex Victima immolata comederunt, & quia hoc fœdus, quod illa nocte primo initum est, quotidie repetitur, & instauratur in Altari, ideo ex hoc etiam capite Sacerdos, qui gerit corpus Ecclesiæ tenetur participare; vnde in Concilio Toletano legitur, modis omnibus tenendum est, vt quotiescumque sacrificans Corpus Christi in Altari immolat, toties perceptionis Corporis, & Sanguinis Christi participem se præbeat. Verum qua ratione in sacrificio noui Testamenti sit epulum paciscentium, & qua ratione victima Sacrificialis sit cibus Dei, ostendimus alibi.



## QVÆSTIO QVARTA.

*Vtrum in Institutione huius Montis intercefferit pactum & promissio de remissione peccatorum.*

- I. In institutione Montium Veteris Testamenti fuit inclusa promissio propitiationis.
- II. Testamentum idem quod pactum.
- III. Peccatum etiam veniale meretur de condigno poenam sanguinis, & mortis.
- IV. Pactum propitiationis.
- V. Origo Sacrificij pro peccato.
- VI. Cur in veteri lege interdictum sit esus sanguinis.
- VII. Vfus sanguinis.
- VIII. Cur comedens sanguinem Reus fiebat sanguinis.
- IX. Cur offerens ponebat manus super caput Victimæ.
- X. Cur Altare sanguine aspergebatur.
- XI. Cur sanguis inferebatur in interius Tabernaculum.
- XII. Peccatum persone publice quàm grane.

- XIII. *Sanguis expiatorius.*  
 XIV. *In, idem quod virente.*  
 XV. *Piaculum quid.*  
 XVI. *Expenduntur verba Institutionis, & applicatur superiori doctrina.*  
 XVII. *Omne Testamentum est pactum.*  
 XVIII. *Pactum Propitiationis nunquam sublatum, sed mutatum.*  
 XIX. *Christus figuras omnes impleuit.*  
 XX. *Quod fuit antiquum pactum reconciliationis.*  
 XXI. *Conferuntur pacta, & Testamenta antiqua, & noua.*  
 XXII. *Promissio de remissione est inclusa in pacto Propitiationis.*



RAVISSIMA est præsens disputatio, ex cuius negligentia Theologi, cæteroquin doctissimi parùm altè senserunt, & minus magnificè docuerunt de valore, & fructu Sacrosancti Missæ Sacrificij, & quidem non sine grandi iactura populi Christiani. Vbi enim certitudo Diuinarum promissionum non satis ostenditur, ibi spes, & omnis ardor industriæ elanguescat necesse est.

Vt autem promissionem hanc in ipsis Institutionis verbis inclusam aperiamus, oportebit regrediendi ascendere ad Montes propitiatorios Veteris Testamenti, in illis enim Apostolo teste ad Hebr. 10. Deus exactissimè quamuis ruditer, & vmbraticè delineauit imaginem Sacrificij Propitiatorij, quod vni- cum est, & singulare Noui Testamenti.

Igitur videamus qua ratione, & sub qua conditione Montes illi in sua Institutione, & ex vi illius, promissionem habuerint de propitiatione. Dixi, sub qua conditione, quia totum Vetus Testamentum celebratum à Deo fuit per modum pacti, seu fœderis, conditionem aliquam requirentis, quod præmittendum hoc loco est pro fundamento totius disputationis; & est sanè notandum, quod obseruauit Bellarminus in Psal. 131. ex Sancto Hieronymo in cap. Malach. nimirum Septuagintâ Interpretes Hebraicam vocem Berith, quæ significat Pactum, siue fœdus semper vertisse per vocem Græcam διαβιβη, quæ Testamentum significat, fortasse autem, ait Bellarminus, Diuina Prouidentia voluit, vt in Ecclesia extarent duo ista vocabula, *Testamenti*, & *Pacti*; quoniam reuera pactum Dei cum populo non est simplex pactum de hereditate danda, & quod non habuit vim nisi intercedente morte Testatoris Christi, vt dicitur Hebr. 9. Et præterea Testamentum hoc non est simplex Testamentum, sed habet rationem pacti, cum requirat conditionem de obseruantia mandatorum, & perseuerantia in Fide. Vtrumque igitur, tam Vetus, quam Nouum, est Testamentum, & Pactum.

Iam verò potissima pars huius Testamenti, simul, & Pacti versatur circa formam, & modum propitiandi, & placandi Deum iratum ob præuaricationes istius fœderis. Adeo enim inconstans, infirma, & ad malum prona est voluntas nostra, vt nisi de reconciliationis remedio prouisum esset, parùm cætera omnia profuissent. Et quoniam vetus Testamentum, & pactum continebat promissiones de temporalibus bonis conferendis, & temporalibus malis auer-

I.

*In institutione  
Montium Vete-  
ris Testamenti  
fuit inclusa  
promissio propi-  
tiationis.*

II.

*Testamentum  
idem quod pa-  
ctum.*



tendis, cogitandum erat de modo Deum placandi in ordine ad illa temporalia.

III.

*Peccatum etiā  
veniale mere-  
tur de condigno  
pœnam sangui-  
nis & mortis.*

Difficilis tamen erat talis modus, si natura rerum spectanda aliquo modo fuisset: etenim quæcumque prævaricatio mandatorum, quantumvis levis, cum sit peccatum veniale, meretur de condigno amissionem vitæ temporalis, quæ fundamentum est cæterorum temporalium bonorum. Quærit Abulensis in cap. 22. Genes. quæ Iustitia poterat Isaac occidi, & immolari, cum Sanctus, & innocens esset. Respondet: peccauerat Isaac peccato veniali, propter quod ad mortem homines obligantur. Notabilis est hæc doctrina, & ad timorem venialium peccatorum concipiendum valde efficax, propterea Deus non semel in Scripturis voluit illam constare, quasi ad contestandum Ius suum, de quo tamen plerumque remittit & misericordia. Vxor Loth venialiter tantum peccauerat, vt cum communiore docet Cornelius à Lapide in cap. 15. Genes. tum quia nimio metu perculsa, ne ipsam flamma corripere respexit, tum quia non respicere levis illi videbatur res, & materia, proinde non putabat hoc præcipi, & obligare sub mortali: & tamen improviâ morte, & quidem non iniuste punita fuit, versa videlicet in statuam salis, quo exemplo, ait S. Prosper lib. 1. de Præd. cap. 16. *multi fati condirentur.* Moyses venialiter peccavit ex incredulitate Num. 20. & tamen morte punitus in Deserto fuit. Propheta comedens cum alio Propheta in Bethel 3. Reg. 13. Veniale tantum peccatum admiserat, & tamen inuenit cum Leo in via, & occidit. Itaque quilibet, vel exiguis peccator, Rens sanguinis est, & spectata rerum natura debuisset quilibet prævaricator, & transgressor Pacti sistere se Reum coram Deo, & sua vita, ac sanguine quoadusque fieri posset pœnam luere. Verum hoc quàm durum humano generi, & quàm à Diuinis moribus alienum, qui non vult mortem peccatoris, sed vt magis conuertatur, & viuat.

IV.

*Pactum propi-  
tiationis.*

Initum est ergo Pactum Propitiationis sub hac conditione, vt transgressor sisteret se tanquam sanguinis Reum & dignum morte coram Deo, idque solemnè quodam ritu, & ceremonia, quæ esset expressa quædam representatio, & viua imago condignitatis pœnæ pro peccato in peccationem, quod Deus iustissime exigere posset sanguinem nostrum, & peccatum quodcumque vindicare priuatione omnium temporalium.

V.

*Origo sacrificij  
pro peccato.*

Hinc ortum habuit Institutio Sacrificij pro peccato, quod peculiarissimo modo in sanguine positum est, lege generaliter lata, & per Moysen promulgata, quod sine alicuius sanguinis effusione non sit remissio.

Hæc est communis Patrum, & expositorum omnium doctrina. Ad quam probandam satis superque est locus egregius Leuit. 17. vbi Deus seuerissime interdicat esum sanguinis, eo quod illum destinauerit, assignauerit, & acceptauerit in hunc tantum vsum placationis, & propitiationis pro peccato. Audiamus verba. *Homo quilibet de Domo Israël si comederit sanguinem obfirmabo faciem meam contra animam illius, & disperdam eam de populo suo, quia anima carnis in sanguine est. Et ego dedi illum vobis, vt super Altare in eo expietis pro animabus vestris, & Sanguis pro anima Placulo sit.* Ex hoc loco ait Oleaster, luce clarius constat, Victimam loco hominis immolari, & Dei pietate mortem, quam nos merueramus, in pecudem commutari. Et sanè hac commutatione posita, insurgit statim optima ratio, cur non licuerit homini tempore



*Cur in veteri  
lege in terditum  
sit usus sangui-  
nis.*

veteris Testamenti, disponere de sanguine pecoris sui; ratio illa est, quia homo per peccatum factus est proprii sanguinis, ac mortis Reus atque adeo amisit Ius in sanguinem suum in ordine ad conseruationem vitæ suæ. Vita enim maxime conseruatur in sanguine, qui præ aliis humoribus calorem naturalem, & humidum radicale minuit, ac fouet, atque spiritus vitales format, ac suggerit, vt sicut oleum alit ignem in lampade, ita ait Sanctus Augustinus, quæst. 57. sanguis alit vitam, quæ iuxta phrasim Scripturæ vocatur anima. Amiserat ergo homo Ius ad vsum sanguinis sui; ergo facta commutatione vitæ pecoris sui pro vita sua, retento ex gratia sanguine suo, amiserat Ius ad vsum sanguinis pecoris sui. Vfus igitur sanguinis pecoris non erat Iuris hominis, sed Iuris Dei, qui nouo hoc, & peculiari titulo factus fuerat illius sanguinis Dominus. Ad ipsum ergo solum pertinebat de sanguine illo disponere. Propterea tanquam peculiaris Dominus ait. *Et ego dedi illum vobis*, nam vos Ius omne in illum lege substitutionis, & subrogationis amiseratis, ac non dedi in omnem liberum vsum vobis, *sed vt super Altari meo in eo expietis pro animabus vestris*. Mira Dei liberalitas, qui sanguinem nostrum iustissimæ iræ suæ toties debitum, pecorum sanguine commutatum, iterum nobis ipsis illum reliquerit, & dedit in vsum maxime omnium nobis necessarium, hoc est in vsum Sacrificij, verè dixit Prophetæ Psal. 15. Deus meus es tu, quoniam bonorum non eges: neque solum pecore, ait Augustinus, lib. 10. de Ciuit. cap. 5. vel qualibet alia re corruptibili, atque terrena; sed ne ipsa quidem Iustitia hominis Deum egere credendum est, totumque, quod rectè colitur Deus, homini prodesse non Deo. Neque enim fons se quisquam dixerit profuisse, si biberit, aut luci si viderit.

*Vfus sanguinis.*

Sed expendamus tantisper contextum Verborum. Homo quilibet de Domō Israël, si comederit sanguinem, in Hebræo, ait Lyranus, habetur, *omnem sanguinem*, ex quo, inquit, patet, quod esus sanguinis generaliter est prohibitus: *Obfirmabo faciem meam contra animam illius*. Magna comminatio, obfirmabo, hoc est firmiter, & absque retractatione priuabo illum vitâ: est Hebraïsmus, ait Oleaster, pro, vertam me iratum ad illum percutiendum, & occidendum; accipitur enim facies non nunquam pro ira, quoniam ira maxime in facie hominis relucet. Jerem. 21. & *ponam faciem meam contra Urbem hanc*. Verùm, quod hic obseruo est, quod dicitur, si comederis sanguinem obfirmabo iram meam *contra animam illius, quia anima carnis in sanguine est*, seu vt habetur in Hebræo, anima carnis sanguis eius est. Dat causam cur contra animam, hoc est contra Vitam comedentis sanguinem, iratam faciem obfirmet, quia anima carnis sanguis eius est; non quod propria anima sit ipse sanguis, vt quidam Philosophi voluerunt, sed quod vita carnis causetur, sustentetur, & maxime declaratur per sanguinem, & ideo pro anima ipsa reputatur, vt si illum tollas, animam ipsam, & vitam tollas: hoc significat, anima carnis sanguis eius est. Ecce causam, ob quam contra animam, contra vitam insurgam comedentis sanguinem, illi ex gratia relictum tanquam suum, qui contra conuentionis legem, usurpauit sibi alienum, nam cum vita sit sanguis, qui non dat vitam, seu sanguinem alienum, necesse est dare proprium, & qui negat dare sanguinem pro sanguine, re ad antiquum Ius retracta, dabit sanguinem. Vide vt tota vindicta petat vitam hominis temporalem, quæ est in sanguine.

*Cur comedens  
sanguinem Reus  
fiet sanguis-*

## IX.

*Cur offerenti  
ponebat manus  
super caput vic-  
timæ.*

Ad hanc doctrinam declarandam adhuc magis, & comprobandam, faciunt peculiare ritus, & cæremoniæ institutæ à Deo, & in pacto ipso firmatæ, spectantes ad propitiatoria Sacrificia pro peccatis. Et primo manuum impositio super caput Victimæ jugulandæ. Offerens, qui ad placandum sibi Dominum adduxerat Victimam ad ostium Tabernaculi, tenebatur, ponere manus super caput eius, antequam illa immolaretur; quod si offerens esset tota communitas, & omnis turba Israël; tunc ut expressè præcipitur Leuit. 4. ponebant Seniores populi manus super caput eius coram Domino: illi enim vniuersæ plebis vices gerebant. Huius autem Ritus cantia illa erat, ait Oleaster in cap. 1. Leuit. quia hic pro peccato offerentes protestabantur se dignos, qui pro peccato suo jugularentur, Dei verò misericordia, pietate, & voluntate jugulationem suam in peccatis oblatæ jugulationem commutari; vnde infert ad mores quali mente esse debebat quisquis offerret, ut arbitrareretur se quidem dignum, cuius sanguis effunderetur, nisi Dominus Deus animalis sanguinem loco offerentis voluisset acceptare.

## X.

*Cur Altare  
sanguine as-  
pergebatur.*

*Secundo*, Effusio, & aspersio sanguinis super Altare. Erat omnibus Sacrificiis hoc commune, ut sanguis super Altare funderetur. Sed causa cur in omnibus hoc fieret, illa erat, ait Abulenſis in cap. 1. Leuit. lib. 9. quia omnia Sacrificia proficiebant ad aliquam expiationem peccatorum; declarat autem connexionem hanc asperſionis sanguinis ad Altare Dei cum expiatione peccatorum, quia, inquit, sanguis Victimæ ex acceptatione Dei fundebatur pro sanguine humano, & quia si Deus haberet hostem, cuius sanguis funderetur coram ipso, placaretur, ita sanguinem Victimæ, qui ad peccatorum nostrorum ablutionem proficiebat in Altari, quod loco Dei ponitur, aspergi decebat.

Quod autem Altare sustineret vicem Dei, probat ex cæremonia, qua usus est Moſes Exod. 24. *Tulit itaque Moſes dimidiam partem sanguinis, & miſit in crateras, partem autem reſiduam fudit super Altare*: cuius cæremoniæ ratio, non alia fuit, nisi quia pactum feriebat inter Deum, & populum, inter quos iuxta leges fœderis, sanguis erat diuidendus, eoque erant tam Deus, quam populus aspergendi; & quidem, quod pertinet ad populi asperſionem nulla erat difficultas, ideo dicitur de Moſe ille verò *ſumptum sanguinem reſperſit in populum*; difficultas erat de Deo, qui cum sit incorporeus, sanguine aspergi non poterat, hinc eius vice *Altare Sacrificiorum*, altera sanguinis parte reſperſum est.

## XI.

*Cur sanguis  
inferrebat in  
interium Taber-  
naculum.*

*Tertiò*. Illatio sanguinis, & multiplex eiſdem asperſio intra ipsum Tabernaculum Dei, quando expiatio debebat fieri pro peccato maximo, hic enim habemus Leuit. 4. cum agitur de Sacrificio pro peccato Pontificis. Hauriet quoque de sanguine Vituli inferens illum in Tabernaculum testimoniij, cumque intinxerit digitum in sanguine, asperget eo septies coram Domino contra Velum Sanctuarij, ponetque de eodem sanguine super cornua Altaris Thymiamatis gratissimi Domino, quod est in Tabernaculo testimoniij; omnem autem reliquum sanguinem fundet in basin Altaris holocausti in introitu Tabernaculi. Hæ erant solitæ cæremoniæ pro peccato maximo, inter peccata ignorantæ, de quibus illo capite agitur. Peccatum ratione personæ censebatur maximum, quod erat Summi Sacerdotis, cuius vnicum peccatum æquipollebat in Sacrificio peccatis omnibus totius populi. Ideo quod est notandum non solum eiſdem

## XII.

*Peccatum per-  
ſona publicæ  
quàm graue.*

æſtimationis

æstinationis Victimæ assignatur pro peccato Sacerdotis, & pro peccato totius populi, sed totidem sanguinis aspersiones, & eædem planè cæremoniæ fiebant utroque. Lege cap. 4. Leuit. inuenies vers. 3. Si Sacerdos, qui vnctus est, peccauerit, offeret pro peccato suo vitulum, vers. 13. Si omnis turba Israël, offeret pro peccato suo vitulum. Rursus in Sacrificio pro peccato Sacerdotis dicitur vers. 6. cumque intinxerit digitum in sanguine; *asperget eo septies coram Domino contra velum Sanctuarij*; similiter cum agitur de Sacrificio pro peccato omnis turbæ Israël, dicitur vers. 17. *incto digito aspergens septies contra velum*. Quia enim Sacerdos, ait Oleaster, est communis persona, peccata illius sunt virtualiter plura, ideo pluries, nempe septies sanguis versus Dominum mittebatur, vt plures expiaret, & hac cæremonia adumbrabatur, quod Deo venienti ad vindictam multorum, aut publicæ personæ, occurrebatur huiusmodi sanguine vindicati peccati, & detinebat sanguis huiusmodi fusio Deum, quem etiam peccatori placabat. Vnde monitos vult idem Oleaster, qui publica munera administrant, vt considerent se plurima committere peccata, quoties contingit eos peccare, nisi enim septies, quoties delinquant virtute peccarent, non esset opus sanguinem hostiæ, qui sanguinem eorum adumbrat, septies contra velum aspergi, quia enim septies Dominus erat in eos peccatum vindicaturus, toties ei irato Victimæ sanguine erat occurrendum, ideo non solum in Altari holocaustorum, quod erat extrâ Tabernaculum sub Dio, sed vterius & proximius irato Deo erat cum sanguine occurrendum, atque ideo cum sanguine intrandum, & accedendum vique ad Altare Thymiamatis, quod erat positum iuxta Sancta-Sanctorum, vbi locus erat placationis, qui locus propterea dicebatur Propitiatorium, siue vt Septuaginta vertunt, Placatorium.

Atque hæc obseruasse sufficiat ad declarandum, quod præmittere necessarium duximus, videlicet, Montes propitiatorios Veteris Testamenti in sua Institutione promissionem habuisse de propitiatione ex vi institutionis ipsius, & ex natura pacti seu fœderis posita substitutione illa, & subrogatione sanguinis pro sanguine. Quod non obscure significauit Deus ipse in allatis verbis Leuit. 17. vbi agens de sanguine substituto, seque ipsum declarans autorem talis substitutionis, & institutionis, ait: *Et ego dedi illum vobis, vt super Altare in eo expietis pro animabus vestris, & sanguis pro anima piaculo sit*. Ex quibus verbis habemus duo valde notanda.

XIII.  
Sanguis expiatorius.

Primum est, pactam fuisse, & vtrunque acceptatam substitutionem animæ pro anima, vitæ pro vita, sanguinis pro sanguine. Alterum est, sanguinem substitutum accepisse à Deo vim, & virtutem expiandi, & propitiandi. Primum constat ex apertissimis illis verbis: dedi illum pro animabus vestris, & rursus: & sanguis pro animæ piaculo sit. Secundum ex illo alio verbo: dedi, vt in eo expietis. Illud in eo, idem valet, quod *virtute, & vi eius*. Sic alibi sæpè in Scriptura Psal. 43. *In te*, inimicos nostros ventilabimus cornu, & in nomine tuo spernemus insurgentes in nobis, & Psal. 17. quoniam *In te* eripiar à tentatione, & in Deo meo transgrediar murum, idest virtute tua, virtute Dei mei; hoc etiam modo accipitur hic, vt idem valeat *In eo* sanguine expietis, quod *vi, & virtute* à me illi sanguini impressa expietis. Quæ interpretatio clarissimè confirmatur ex eo, quod sequitur, & *Sanguis pro anima piaculo sit*. Vbi enim

XIV.  
In, idem quod virtute.

XV.  
*Piaculum*  
*quid.*

prius dixerat sanguinem pro anima, nunc quasi peculiarem illius virtutem explicando, addit *pro piaculo animæ*. Piaculum in Sacra Scriptura quatuor significat, & omnia quatuor ait Abulensis congruunt hoc loco. Significat primo culpam, & hic ponitur sanguis pro animæ piaculo, hoc est ad eius expiandam culpam. 2. Significat remedium, & hic dicitur sanguis pro animæ piaculo hoc est salute, & remedio. 3. Significat maculam, & hic etiam ponitur pro animæ piaculo ad abstergendam scilicet maculam animæ. 4. Quod est maxime proprium, significat ablutioem, vel mundificationem; dicitur enim piaculum ab expiando, quod mundificare, vel ablueri est; & in hoc potissimum sensu, ait Abulensis, ponitur sanguis pro piaculo animæ, hoc est pro illius emundatione, & expiatione.

XVI.  
*Expenduntur*  
*verba Instituti-*  
*onis. & appli-*  
*cantur superiori*  
*doctrina.*

Iam verò, ut ex Institutione ipsa Montis Novi Testamenti promissionem illi annexam, de remissione peccatorum ostendamus, (huc enim omnia, quæ hactenus attulimus collinearunt) satis erit verba ipsa Institutionis expendere, modo illud pro certo habeamus, Montem nostrum propitiatorium omnibus veteribus successisse, & omnium illorum bona continere, quamvis hoc ipsum ex iisdem Institutionis verbis probari possit. Verba Institutionis apud Matthæum hæc sunt: Hic est sanguis meus novi Testamenti, qui pro multis effundetur in remissionem peccatorum.

*Hic est sanguis meus.* Habet emphasim magnam *illud meus*, quo verbo sine dubio, ut exponunt Patres, opposuit suum sanguini Victimarum, quasi diceret: ad hoc usque tempus, loco sanguinis vestri debiti Deo, substitutus, & acceptatus à Deo fuit sanguis hircorum, & vitulorum, nunc eiusdem sanguinis vestri vice subrogatur sanguis meus, *qui pro vobis, & pro multis funditur, & effunditur.* Neque mira videri debet ista mutatio, mutatum enim est Testamentum, novum fœdus, & pactum initum est. Hic est sanguis meus *Novi Testamenti*.

XVII.  
*Omne Testa-*  
*mentum est*  
*pactum.*

Quod novum Testamentum sit novum pactum, ex eo probari potest, quod ex vltu Scripturæ, quamvis non omne pactum est Testamentum; omne tamen testamentum est quoddam pactum, & quidem maximum, atque firmissimum: in omni enim Testamento mutua inuoluitur obligatio, Testatoris, & heredis. Testatoris quidem ad dandam hereditatem, heredis verò ad voluntatem, & onera Testatoris subeunda. Immo quia in quolibet Testamento includitur pactum omnium firmissimum; hinc factum est, ut in Sacra Scriptura accipiat Testamentum pro quouis pacto, & fœdere, ut patet Genes. 9. 13. Psalm. 45. 21. Psalm. 88. 4. Psalm. 29. 13, & 105. 45. Sed quidquid sit de acceptione generali, certum est hoc loco Testamentum significare fœdus, seu pactum Testamentarium, tum quia hæc est omnium Patrum expositio super hunc locum; tum quia hæc vox in suo originali utrumque significat, tum quia Hier. 31. appellatur fœdus: Ecce dies veniunt dicit Dominus, & feriam domui Israël, & domui Iuda *fœdus novum*, non secundum pactum, quod pepigi cum Patribus eorum; *sed hoc erit pactum*, quod feriam cum Domo Israël.

XVIII.  
*Pactum propi-*  
*tiationis nun-*  
*quam sublatum*  
*sed mutatum.*

Mutato ergo Testamento, mutatum est pactum propitiationis, & placationis pro peccatis. Non dixi sublatum, seu rescissum omnino est pactum, sed mutatum, ut enim superius observavimus cum Bellarmino, Christus non omnino sustulit ea, quæ Deus in Veteri lege instituerat, sed aut perfecit, aut mutavit

in meliora. Atque in eundem sensum dixit S. Thomas in 11. Coriath. Deum in melius mutasse Vetus Testamentum. Quia Deus, inquit, primo dispositionem fecerat de æterna hereditate percipienda, sed sub figura temporalium bonorum, quod pertinet ad Vetus Testamentum, sed postmodum fecit novum Testamentum expressè promittens hereditatem æternam, quem loquendi modum retinuit Paulus Hebr. 8. *Melius sortitus est ministerium, quanto, & melioris Testamenti mediator est.*

Et sanè Christus auferre omnino non poterat fœdera, & pacta, quæ in veteri lege Deus instituerat, non solum ex illa ratione Bellarmini, quia Christus non poterat esse contrarius Patri suo, aut sibi ipsi; sed quia illa figuræ erant melioris fœderis, & pacti novi Testamenti, figuras autem non sultulit Christus, nisi illas implendo, atque adeo aliquid excellentius eis substituendo, ad quod significandum figuræ illæ præcesserunt, vt docet Tertullianus contra Marcionem lib. 4. vbi percurrendo plurima Christi opera, ostendit ipsum in omnibus illis dedisse operam, vt Vetus Testamentum nulla ex parte destrueret, sed imple-ret, quod sanè non obscurè significant Euangelistæ, qui passim, cum describunt Acta Christi, addunt; *Vt Scriptura impleatur.*

XIX.

*Christus figuræ omnes impleuit.*

XX.

*Quod fuit antiquum pacti reconciliatio-nis.*

Recolamus nunc antiquum Pactum propitiationis, & placationis, quod sine dubio figura fuit Pacti huius novi, & agnoscamus eius impletionem. Obligatio mutua illius pacti tota fundabatur in commutatione legitimè facta, & vtrinq; acceptata, vita, & sanguinis hominis cum vita, & sanguine animalis eiusdem hominis ad finem reconciliationis. Hinc oriebatur in homine obligatio offerendi legitimè Deo sanguinem animalis sui in agnitionem reatus sanguinis sui, & in Deo obligatio acceptandi in placationem, sanguinem animalis hominis, tanquam sanguinem proprium ipsius hominis; hoc totum satis explicatum est ex ipsis Dei instituentis verbis. *Et ego dedi illum vobis, vt super Altare in eo expietis pro animabus vestris, & sanguis pro anima piaculo sit.*

Da mihi nunc hoc antiquum pactum propitiationis non destructum, sed impletum. Da mihi meliorem sanguinem in illo brutorum sanguine, tum promissum, tum figuratum: da mihi meliores repromissiones, nam Paulus Hebr. 8. ait, *Melioris testamenti mediator est*, quod in melioribus repromissionibus Sanctum est. Neque satis mihi sunt repromissiones de remissione peccatorum quoad pœnam tantum temporalem; nam hæ non sunt meliores repromissiones. Volo illas, quas idem Apostolus explicans, subdit, ibi ex Hierem. 31. *Propitius ero iniquitatibus eorum, quæ sunt propria noui pacti, & noui Testamenti.* Denique ostende mihi collatis verbis Levitici, & Euangelij de meliori sanguine, quod Deus dederit illum nobis, vt super Altare in eo expiemus pro animabus nostris, & sanguis pro animæ piaculo sit.

Hic profero verba ipsa Institutionis noui pacti Testamentarij, & qualia Euangelistarum princeps Matthæus refert. *Adeste filij repromissionis, adeste peccatores, nostra res agitur. Audite. Hic est Sanguis meus noui Testamenti, qui pro multis effundetur in remissionem peccatorum.* Conferamus Testamenta, & interferamus verba Testatoris, qui fuit heri, & hodie, & fecit vtraque vnum. Hic est sanguis meus, & ego dedi illum vobis, vt pro animabus vestris, vt pro vobis, & pro multis, in eo expietis, in remissionem peccatorum: verè non

XXI.


*Conferuntur pacta, & Testamenta antiqua & noua.*



## XXII.

*Promissio de remissione est inclusa in Pacto propitiationis.*

agnoscere in verbis his antiquum Pactum propitiationis impletum, est in loco plusquam Meridiana cœcutire. Quod si agnoscimus, quid egemus alienis testimoniiis promissionis factæ Montu hereditatis nostræ de remissione perpetua peccatorum, cum in natura ipsa contractus, & pacti propitiationis talis promissio essentialiter includatur. Rectè, inquit S. Hieronymus in Hier. 32. Testamentum appellatur pactum, quia in eo voluntas, atque adeo promissio eorum, qui pactum ineunt, continetur.



## QVÆSTIO QVINTA.

*An & quomodo sanguis novi, successerit sanguini Veteris Testamenti.*

- I. Continuatio cum doctrina superioris questionis.
- II. Christi sanguis successit sanguini propitiatorio pro vita temporali.
- III. Ratio legis de sanguine non comedendo.
- IV. An lex de sanguine non edendo fuerit ob detestationem homicidij.
- V. Lex de brutali sanguine non edendo non est connexa cum lege de humano sanguine non effundendo.
- VI. An lex de sanguine non edendo fuerit ob noxias sanguinis proprietates.
- VII. Deus in hac lege non respexit ad sanguinis qualitates.
- VIII. An lex de non edendo sanguine fuerit ad preparandam legem Moysi.
- IX. Distinctio de Animalibus mundis, & immundis quoad sacrificia fuit ante Diluvium.
- X. Vera ratio legis de sanguine non edendo.
- XI. Locus insignis pro vera, & singulari causa talis legis.
- XII. Proponitur iterum examinanda ratio de sanguine non edendo.
- XIII. His verbis includitur vera ratio, & causa precepti.
- XIV. Explicatur ab Adversariis.
- XV. Explicatio, ut minus precepto coherens impugnatur.
- XVI. Explicatur Scriptura per Scripturam.
- XVII. Confirmatio ex circumstantiis.
- XVIII. Quid est effundere sanguinem hominis in homine.
- XIX. Nostra Sententia.
- XX. Proponitur nova difficultas.
- XXI. Christus ubique in Sacra Scriptura.
- XXII. Connexio cum superiori Sententia.
- XXIII. Anima quid.
- XXIV. Solum sanguis Christi est hominis redemptorium.
- XXV. Vrsura peccatorum.



XXVI. Peccata, Sanguis.

XXVII. Anima hominis semper requisita de manu hominis.



NONIAM tota vis præcedentis nostri argumenti posita est in natura contractus Propitiationis in Sanguine. *Et sanguis pro anima piaculo sit.* Consentaneum est ut probemus Sanguinem Christi successisse sanguini illi piaculari, qui erat sanguis Victimæ, & Hostiæ pro peccato, ut sicut tunc sanguis ille brutalis erat pro sanguine hominis, qui proprii sanguinis Reus erat, ita nunc pro sanguine, & vita etiam temporali eiusdem hominis, non alius sit Sanguis, nisi Sanguis Christi.

Hoc in primis probamus, quia nulla ratio patitur, ut dicamus hominem Reum sanguinis proprii, ob peccatum etiam leue, habuisse ab initio Mundi ex Dei benignitate, aliquid pro vitæ, & sanguinis sui piaculo, quale erat sanguis pecudis sui, idque usque ad mortem Christi; postmodum verò nihil prorsus pro huiusmodi piaculo habere; nisi dixerimus, aut Deum magis propitium esse voluisse hominibus ante Aduentum Christi, quam post Aduentum, & mortem ipsius; aut nos post Aduentum, & mortem Christi, neque peccata venialia committere, pro quibus etiam verè euadimus proprii sanguinis, & mortis Rei. Neque satis est recurrere ad peractum iam Sacrificium Crucis, quod fuit singulare propitiatorium, quia sicut illud non impedit, quominus ob quotidiana peccata fiamus verè sanguinis proprii Rei, ita neque impedit quominus quotidianum aliquod piaculum habeamus: & confirmatur apertissimè, quia Sacrificium Crucis fuit Sacrificium omnium Sæculorum, & vim habuit propitiandi ab initio Mundi, & habebit usque ad Mundi consummationem, ac propterea si impediret sanguinem animalium, quominus nunc quoque pro vitæ, & sanguinis nostri piaculo esse posset, impediret etiam sanguinem animalium antiquorum. Quod si illum non impediuit, neque & hunc impedire deberet. Cum ergo pro vita temporali, & sanguine hominis debito pro peccato, aliquid à Deo segregatum antiquitus sit in piaculum, idque sine injuria Sacrificij Crucis, & Agni occisi ab origine Mundi. Dicendum omnino est, quod præter Sacrificium Crucis aliquid aliud antiquo sanguini, qui pro humani sanguinis piaculo erat, de facto successerit. Hoc autem nihil aliud est, nisi Sanguis Christi, quatenus est Sanguis Victimæ, & Hostiæ pro peccato in Altari; is enim non solum habet vim propitiandi pro peccatis quoad culpam, & pœnam æternam, quam teste Apostolo Hebr. 10. impossibile erat auferri sanguine hircorum, & vitulorum, sed etiam quoad pœnam temporalem mortis, & sanguinis, pro qua auertenda, ex Dei Institutione, & pacto commutationis cum homine inito, sanguis ille valebat.

Quod verò Sanguis Christi successerit sanguini antiquorum animalium quoad hoc munus, ex eo probo, quia usque ad institutionem Sanguinis Christi nullus homo ex Iure Diuino poterat uti sanguine suorum Animalium: instituto autem Sanguine Christi, statim liberum omnibus hominibus fuit, uti suorum animalium sanguine pro ut voluissent. Quod usque adeo est verum, ut quia ne Iudæi abhorrerent à Gentibus, expediens erat Christianos in eadem abstinentia paulo diutius manere, oportuerit per nouum decretum latum à primo Concilio

I.

Continuatio  
cum doctrina  
superioris qua-  
stionis.

II.

Christi sanguis  
successit san-  
guini propitia-  
torio pro vita  
temporali.

Apostolorum anno à Passione Christi 16. vetari esum suffocati, & sanguinis, quia verè præceptum illud antiquum datum à Deo olim toti Mundo, amplius non obligabat; id autem non aliunde factum esse dicendum est, nisi quia sanguis brutorum animalium, qui manebat obstrictus, & obligatus Deo pro sanguine, & Vita hominis Domini sui, per successionem Sanguinis Christi, onus illud subeuntis, rediuit ad primum Ius Domini sui.

III.  
*Ratio legis de  
sanguine non  
comedendo.*

Hæc nostra ratio præsupponit, non ob aliam causam fuisse à Deo prohibitum esum, & usum qualemcumque sanguinis brutalis, nisi quia erat substitutus, & subrogatus pro sanguine hominis, quia causa per successionem Sanguinis Christi cessante, hoc ipso cessauit prohibitio. Planè hoc præsupponit, sed non gratis. Probamus igitur, quia nulla assignatur probabilis alia ratio cur facta sit à Deo ea prohibitio valitura tantum usque ad institutionem Sanguinis Christi; neque enim lex de sanguine non comedendo numerari debet inter illas, quæ præcisè quod essent leges Mosaicæ, & Leviticæ, per mortem Christi abrogatæ sunt, quia hæc lex lata fuit tempore legis naturæ, neque vni populo, aut genti, sed vniuerso hominum generi. Statim enim post diluuium sic Deus loquutus est Genes. 6. Omne, quod mouetur, & viuunt, erit vobis in cibum, quasi olera virentia tradidi vobis omnia, *excepto quod carnem cum sanguine non comedetis.*

IV.  
*An lex de san-  
guine non eden-  
do fuerit ob de-  
testationem ho-  
miciidij.*

Quæro iam, quæ fuit causa tam antiquæ, & tam vniuersalis prohibitionis? Benedictus Pererius tom. 2. lib. 4. in Genesim, vbi ex professo tractat hanc questionem: tres omnino causas affert; & primam quidem, pro qua citat S. Chrysostomum Homil. 27. in Genesim, & videtur esse communis, vt scilicet vehementius deterreretur homo ab homicidio, quod cum per se detestandum est, tum verò id temporis in tanta hominum paucitate, exitiale fuisset humano generi, quasi significasset Deus, si nolo vos concupiscere esum sanguinis animalium, quanto minus sitire humanum sanguinem, & rabidam famem vindictæ, atrociter fundendo sanguinem hominis explorere.

Video causam hanc ab autoribus afferri communiter sed pariter animaduerti vnde factum sit, vt in eam (re sanè non multum examinata) couerint. Primò, quia non alia facile occurrebat, aut vniuersalior, aut potior. Secundò, quia verba quedam proxima Sacræ Scripturæ, satis omnium Interpretum iudicio difficilia, verè occasionem dant aliquam taliter opinandi.

Ego quidem in primis vltro concedo, valde opportunum fuisse sub alterum, quasi secundum Mundi exordium; & in illa etiam hominum paucitate detertere Cainitas ab homicidio, sed aio, hoc à Deo præstitum eo tempore fuisse, non per præceptum non comedendi carnem cum sanguine, sed per legem planè terribilem statim latam. *Quicumque effuderit humanum sanguinem fundetur sanguis illius, ad imaginem quippe Dei factus est homo.* Quibus verbis, vt docet Caietanus, Deus pœnam homicidij æterna lege sancit, nunquam, neque per Euangelium abrogandam, potestatemque sæcularem instituit, eique gladium in manum tradidit, pœnamque Talionis decreuit secundum meritum supplicium mortis, homicidæ à Deo, & à Iudicibus Dei vicem gerentibus inferendum. Hoc fuit, hominem ab humano effundendo sanguine detertere; illud de brutali sanguine, aliud spectabat, & ad hanc legem non pertinebat; quod si

V.  
*Lex de brutali  
sanguine non  
edendo non est  
connexa cum  
legē de huma-  
no sanguine no  
effundendo.*

pertinuisset, & ad legis finem verè iuisset, planè cum illa apud Christianos perdurasset; nam Christus non solum legem illam à Patre suo latam contra homicidium non abrogauit, sed illam allegauit, vt notant Interpretes in illud Matth. 26. Omnes, qui acceperint gladium, gladio peribunt.

Quid quod cum ibi de Brutis animalibus agitur, ne verbum quidem apparet, quod oleat Sanguinis effusionem, quæ fuit obleruatio Chrysostomi, aliò fortasse respicientis. Illud item considera, ait Chrysostom. Homil. illa 27. quàm diligenter præceptum sit, nam de homine, inquit, *ne effundas sanguinem*: de brutis autem non dixit, ne effundas, sed *ne comedas*: illic dicit, *ne effundas*, hic *ne comedas*. Hæc Chrysostomus. Quod si non temerè hoc dictum est, clarè perspicitur vetationem illam eius carnis cum sanguine, nihil ad sanguinis humani effusionem attinuisse. Addo non solum effusionem sanguinis brutalis illo præcepto non esse interdictam, sed potius iussam, & imperatam. Dicitur enim, excepto quod carnem cum sanguine, idest, *n. si prius effuso sanguine*, non comedetis, vt explicat Rupertus de Trinit. lib. 4. cap. 31. & communis.

Secundò, causa illius prohibitionis, quam affert Pererius, & de qua quoque meminuit S. Chrysostomus, est quia brutorum sanguis est grauis, terrestris, melancholicus, & multorum ægritudinum causa, si comedatur. Hinc aiunt veterum esse comedi.

Quid dicemus ad hanc rationem? Fateor ego quidem in assignatione cibi, quam Deus post octingentos & eo amplius annos, fecit Populo suo, tuendæ quoque valetudinis rationem habuisse. Ait enim Leuit. 11. *Omne quod habet diuisam vngulam, & ruminat in pecoribus comedetis, quidquid autem ruminat quidem, & habet vngulam, sed non diuidit eam, sicut Camelus, & cetera non comedetis illud, & inter immunda reputabitis*. Super quem locum noster Cornelius ex Abulensi, duo, inquit, debebat habere animal, vt vesi licuerit Iudæis. Primo vngulam, eamque diuisam, & bisulcam; nam quæ non habent vngulam nimis humidæ sunt complexionis; quæ habent vngulam, sed eam non habent fissam, vti sunt Equi, Asini, Cameli, nimis siccæ, & duri sunt temperamenta, & alimenti, nec corpori humano nutriendo conueniunt; quæ verò vngulam habent, eamque diuidunt, vti oues, boues, capræ, homini alendo congruunt, quia temperatæ sunt complexionis. Secundò debebat ruminare, nam quæ ruminant melioris sunt digestionis, ideoque, & melioris sunt complexionis. Negari ergo non debet id, quod ex toto illo capite 11. Leuitici, planè constat, habuisse Deum in illa assignatione cibi, præter mysteria, aliquam etiam rationem bonæ valetudinis populi sui, cuius hereditas in temporalibus maximè fuit. Cæterum in generali illa, & toti Mundo indicta de sanguinis esu prohibitionem, nihil ad naturales cibi proprietates respexisse, ex eo manifestum mihi est, quia negari non potest, inter carnes animantium, plurimas esse, quæ magis noxiæ sunt hominum temperamento, quàm sanguis alicuius optimi animalis. Quis neget carnes animalium, quæ natura sua, vel semper humi repunt, acque ita ex terra humiditatem viscosam, sætidam, & noxiam imbibunt, vel quæ immundis cibis vescuntur, vel quæ feræ sunt, & rapaces, multò peioris esse, & nocentioris alimenti, quàm sanguis, seu ipsa caro ouina cum suo sanguine? Et tamen Deus, nulla prorsus facta exceptione, ait: *Omne quod mouent, & vinit erit vobis in cibum, quasi*

V I.

An lex de sanguine non edendo fuerit ob noxias sanguinis proprietates.

V I I.

Deus in hac lege non respexit ad sanguinis qualitates.

*olera virentia tradidi vobis omnia. Quod si statim addit, excepto quod carnem cum sanguine non comedetis: manifestum est id ad altiorem causam, quam ad noxias sanguinis qualitates referri debere.*

## VIII.

*An lex de non edendo sanguine fuerit ad præparandam legem Moysi.*

Tertia, & quæ Pererio potior videtur ratio, illa est, vt talium, inquit, rerum obseruantia longo tempore ante legem præculta, & quasi præparatis hominum animis, imponendum ipsis iugum legis, nec ægrè subirent, nec grauè ferrent. Multa enim antiquitas fuisse in vsu apud viros bonos, & religiosos Dei cultores, quæ postea per legem Moysi sancita, & seruanda Hebræis præscripta sunt: exempli causa, abstinentia ab esu sanguinis, distinctio mundorum, atque immundorum animalium, votorum nuncupatio, oblatio decimarum, suscitatio seminis fratris demortui sine liberis, adulterij pœna capitalis, atque alia quædam horum similia, quorum cultui, & obseruantia diu antea fuerit hominibus, minus postea lex Moysi eadem præcipientis onerosa fuit.

Hæc ratio nihilo mihi præcedentibus probabilior visa est. Non quod falsum sit eorum, quæ lege Moysi sancita sunt, multa fuisse ante legem iam inde ab exordio Mundi in more, & vsu apud probos, & pios viros, hoc verum est, & quidem ex enumeratis, exempla satis probant. Sed quod Deus legem aliquam tulerit generalem, obseruandam, & custodiendam vbique gentium, & ab Vniuerso Orbe terrarum, eo potissimum consilio, vt progeniti ex Noë, per Sem, Abraham, & Iacob præpararentur, & disponderentur ad Mosaicæ legis iugum æquo animo suscipiendum, & ferendum, id aliquo exemplo extrâ controuersiam positum probandum esset Pererio.

At lex de animantibus mundis ad vsum Sacrificij, & generalis pro omnibus Dei cultoribus fuit, & ad præparationem, & dispositionem Mosaicæ legis fuit?

Qui censent distinctionem mundorum, & immundorum animalium inductam esse in Genesi à Mose per figuram anticipationis, vti sunt Theodoretus quæst. 1. in Genes. Beda in Hexameron, Tostatus super cap. 13. Genes. quæst. 132. facile se ab hac difficultate expediunt, Deus enim iuxta horum sententiam nominationem indicauit Noë species animalium, ex quibus sumeret bina, & alias species, ex quibus sumeret septena; sed quia postea euenit, vt per Leviticam legem à Deo latam, hæc censerentur, & appellarentur munda, illa verò immunda: idcirco Moses, qui Genesim post legem latam euulgauit, vt putant citati Auctores, distinctionem illam animalium quo breuius, & dilucidius indicaret, noto Iudæis discrimine mundorum, & immundorum animalium, eam declarauit.

## IX.

*Distinctio de animalibus mundis, & immundis quoad sacrificia fuit ante Diluuiū.*

Verum mihi semper probabilius visum est, distinctionem illam mundorum, & immundorum animalium non quidem quoad esum, sed quoad Sacrificia fuisse ante legem Moysi aliquo generali Dei præcepto, aut lege hominibus imperatum, tum quia hoc sonant, & præsupponere videntur verba Dei ad Noë Genes. 7. *Ex omnibus, inquit, animantibus mundis tolles septem, & septena. De animantibus verò immundis duo, & duo*, tum quia hoc etiam suadent aliqua antiquissima ad Sacrificium spectantia, vti est ædificatio Altaris, de quibus licet prima mentio fiat Genes. 8. nulli tamen dubium est, ea fuisse in vsu ab initio Mundi. Altare enim, & Sacrificium relatiua sunt; quare valde mihi probabile est, primos Mundi Sacerdotes Cain, & Abel, qui teste S. Athanasio, didicerunt à Patre Adam, tanquam primo, & Summo in lege naturæ Pontifice, Religionem, & Ritum



& Ritus Sacrificandi, aliquid de Victimarum conditione accepisse, quod per modum legis, omnibus colentibus Deum indicum sit; neque enim existimo, Iobo, qui tempore legis naturæ vivebat, & quotidie pro filiis Sacrificium offerebat, licitum fuisse quacumque Victima ad arbitrium vti.

Admitto igitur, tanquam mihi longè probabilius, legem de animantibus mundis ad usum Sacrificij non solum antiquissimam, sed generalem quoque pro omnibus Dei cultoribus ubique terrarum fuisse. Sed quod illa idcirco lata à Deo fuerit, vt homines disponerentur ad leges Mosâicas, & Leuiticas Sacrificiorum, hoc non admitto. Quorsum ergo lata fuit? quorsum? Quia sicut designatio certi loci, qui est Altare, & deputatio certæ personæ, quæ est Sacerdos, ita distinctio certorum animantium, quæ essent Victimæ ad rationem supremi, solemnisque Dei cultus pertinebat. Quare etiam si futura nunquam lex Mosâica fuisset adhuc quædam ad Sacrificium pertinentia non hominum arbitrio essent relicta, sed à Deo fuissent aliquo modo sancita, & instituta. Est verum quod notauit Sanctus Chrysostomus, Deum, quæ animalia ab initio secreuit, & seposuit sibi ad usum Sacrificiorum, atque adeo ad cibum suum, ea postmodum tempore Moysi, quasi munda populo suo ad esum secreuisse, tamen non ideo animantia illa ad sua Sacrificia ab initio secreuit, quia secreturus eadem erat ad esum populo suo, cum potius ideo secreuit ad esum populo suo, quem tanquam filium habere disposuerat; quia illa sibi iam ad Altare, quod apud Malach. cap. i. *Mensa Domini* dicitur, in panem, seu cibum suum, sic enim appellantur Sacrificij Victimæ Leuit. 21. vt alibi monuimus. *Panis Dei*, secreuerat, & seruauerat. Sed de his pro loco satis.

Reiectis ergo tribus hisce rationibus, quæ communiter asserti solent, & quæ re vera ad tantam, & tam vniuersalem legem comprobendam satis infirmæ sunt, Restat vt nostra illa ratio, de qua in præcedenti quæstione disputatum est, tanquam vnica, & vera acceptetur, quod scilicet sanguis animalium, quorum dominium penes hominem erat, fuit ex contractu substitutus, & subrogatus in locum vitæ, & sanguinis ipsius hominis obnoxij ob sua peccata neci, & morti, in cuius commutationis agnitionem, & in professionem reatus sui, homo careretur Dominus animalium, tenebatur ab eorum sanguinis usu abstinere, tanquam ab aliquo, quod pro animæ, seu vitæ suo piaculo erat, & cuius consequenter omne prorsus dominium amiserat.

Ad quod fundamentum habemus in Scriptura, hanc tanquam vnica, & singularem causam astruendi. Certè miratus sum quomodo plures Interpretes præterierint, locum expressum, perspicuum, & insignem, & qui non in Scripturæ angulo est. Ergo vbi Deus hanc generalem legem de non comedendo sanguine, renouat, & inculcat populo suo, reuelat illis, tanquam filiis suis totam causam præcepti sui. Sic enim habet in capite illo Leuitici 17. Et ego dedi illum vobis, vt super Altare in eo expietis pro animabus vestris, & sanguis pro animæ piaculo sit. Idcirco dixi filiis Israël, omnis anima ex vobis non comedet sanguinem. Quid est illud? Idcirco? quæ poterat excogitari causalis particula, aut singularis magis, aut magis clara? Vidit hanc singularitatem causæ Hieronymus Oleaster, ideo paraphrastice explicans illum locum, ait. Ratio vnica, quare non debetis sanguinem animalium comedere, est quia expiat, id est soluit pro animabus, seu

X.  
*Veratio legis  
de sanguine  
non edendo.*

XI.  
*Locus insignis  
pro vera, & singu-  
lari causa  
talis legis.*



vita vestra, quæ ob peccata mortis obnoxia erat; nam mea misericordia, vita pro vita datur, vita pecudum pro humana, ut sanguis, qui est anima soluat, quod anima vestra soluta erat. Hæc Osee.

## XII.

*Propitius iterum examina-  
nda ratio de  
sanguine non  
edendo.*

Verum hinc ascendere iterum libet ad difficilem illum locum Genesios 9. ubi post præceptum de sanguine non comedendo illis verbis: *Excepto quod carnem cum sanguine non comedetis*, statim additur, *sanguinem enim animarum vestrarum requiram de manu cunctarum bestiarum*, quæ verba causam dederunt opinandi, præceptum illud de sanguine non comedendo pertinere ad homicidium; sed sanè immeritò, quia ibi sunt planè distincta duo præcepta negativa, vnum de non edendo sanguine brutali, alterum de non fundendo sanguine humano, posterioribus illis verbis: *quicumque effuderit humanum sanguinem, fundetur sanguis illius*.

Benè est, sed quid tandem, ais, apposita illa verba significant, & quidem cum particula causali, sanguinem enim animarum vestrarum requiram de manu cunctarum bestiarum?

Libenter dicam, quod sentio, sed priusquam vnum assumam ad veram expositionem indagandam pernecessarium, hoc etiam alterum statuamus, his nimium verbis reddi rationem exceptionis, & præcepti facti de sanguine non comedendo; non temerè postulo, ut hoc statuamus, quia non desuerunt Interpretes magni nominis, qui non cognoscentes connexionem horum verborum cum illo præcepto, negant particulam illam *enim*, conjunctionem esse causalem, inter quos est Paulus Episcopus Burgenfis in additionibus ad Postillam Lyrani, Matthias Thoringius, qui scripsit Replicas defensionis postillarum Lyrani adversus Burgensem, Caietanus, Carthusianus, & post hos Benedictus Pererius lib. 14. in cap. 9. Genes. ubi fatetur valdè difficilem esse eius loci explicationem, & quæ hæcenus Interpretes attulerunt eiusmodi esse, ut nec omnem penitus ex animo demant scrupulum, nec in his legentium mens acquiescat, tandem ipse in eam descendit sententiam, ut dicat hæc verba: *Sanguinem enim, &c.* non continere rationem præcepti de non edendo sanguine, sed alicuius alterius rei, quæ debet subintelligi, licet in Scriptura non sit expressa.

## XIII.

*Hu verbu in-  
cluditur vera  
ratio, & causa  
præcepti.*

At verborum contextus Sacra Scriptura est ita apertus ut nisi velimus violentissimè verba contorquere, fateamur oportet, quod cæteri omnes non audent diffiteri, inclusam videlicet his verbis esse rationem præcepti de sanguine non comedendo. Quibus verbis clarioribus dicere hoc potuit Sacra Scriptura? Carnem cum sanguine non comedetis; sanguinem enim animarum vestrarum requiram de manu cunctarum bestiarum. Ratio exceptionis subditur, ait Lyranus, Hæc est ratio cur Deus vetuit sanguinis esum, ait noster Cornelius.

Hoc statuto, illud assumo, eam videlicet expositionem verborum horum, tanquam germanam, & genuinam esse admittendam, quæ habet connexionem, & consequentiam, & maxime congruit, & coheret cum præcepto de sanguine non comedendo; illam verò tanquam minus propriam, & minus legitimam esse posthabendam, quæ nullam habet coherentiam, & congruentiam cum tali præcepto. Hoc apertè sequitur ex principio iam statuto, quod scilicet illæ sententiæ; *carnem cum, &c.* *Sanguinem enim, &c.* ita comparantur inter se, ut posterior sit ratio prioris.

Afferantur nunc in medium Interpretum expositiones, & quia longum esset omnes, & singulas in aciem educere, instituamus Duellum; sit pro Aduersario- rum omnium parte expositio iam facta communis, quam sequuntur super hunc locum Abulenſis, Oleaster, Pererius, & cum Recentioribus reliquis Cornelius à Lapide, qui sensum eorum verborum: *Sanguinem animarum ueſtrarum requiram de manu cunctarum beſtiarum*, sic reddit: *puniam beſtis, ſi ille hominem occidant*: quod propterea Deus dixit, quia laturus erat legem, qua præcipiendum erat, vt animal, quod occideret hominem, etiam ipſum occideretur. Sic enim legitur Exodi 21. Si Bos cornu percuisse virum, aut mulierem, & mortui fuerint, lapidibus obruetur; id quod à pati, & proportionem, ait idem Cornelius in Exod. intelligendum est de Anete Cornupeta, Equo calcitroso, omnique beſtia, quæ hominem occidisset. Hanc expositionem Pererius, post aliquas examinationes vocat verio- rem, Cornelius genuinam, acque planissimam.

XIV.  
Explicatur ab  
Aduersariis.

Verum ego ea demissione, quæ nouissimum decet, hoc lectori tanquam Iudici disquirendum propono, qualis videlicet sit hæc ratio, quamvè consequentiam, vel connexionem habeat cum illo præcepto; quid facit ad non edendum sanguinem Animalis, hoc quod est, ferendam aliquando legem esse, vt si quod animal hominem occiderit, aut comederit, etiam ipſum occidatur? Contra potuissent homines respondere, quod brutum animal sanguinem hominis non comedat, hoc naturalis Iustitia postulat, vt loquitur Caietanus, quia homo non est naturale alimentum vilius beſtiæ, cum alimentum sit imperfectius eo, quod alitur, vt pote quod ordinatur ad id, quod alitur, tanquam medium ad finem: at quod homo non comedat sanguinem animalis, hoc non ex naturali aliqua iniustitia, sed ex solo Legislatoris arbitrio, & extrinseca aliqua, rerum naturis ratione provenire potest. Nulla ergo apparet connexio, & consequentia, quod si qua later in verbis enatur, & ostendatur. Et sanè si hæc, atque huic similes expositiones attentè considerentur, dabitur venia Autoribus superius citatis, qui negarunt conjunctionem illam, *enim*, esse causalem, quomodo enim vnum sit causa alterius, cum quo nullam habet connexionem? Adde quod sententia ille videtur nimis ad Iudaicam litteram demissus, & restrictus, vt mirandum non sit antiquiores Patres ab illo se alienos præstitisse.

XV.  
Explicatio vt  
minus præcepta  
coherens impug-  
natur.

Sed quæ tandem est nostra expositio? Duo sunt loca insignia in Sacra Scriptura, vbi hoc præceptum fertur de animalium sanguine non comedendo. Vnus est Genesis 9. *Carnem cum sanguine non comedetis*, quibus verbis, vt docent Eusebius, Lyranus, Tostatus, Cornelius, Tirinus, & alij, prohibetur omnis esus, & vsus sanguinis, siue liquidus is sit, & potabilis, siue factus, & coagulatus, vt est in farciminibus, siue adhuc in animali existat vt in morticinis, & suffocatis. Huius autem generalis prohibitionis subditur statim ratio, *Sanguinem enim*, animarum ueſtrarum requiram de manu cunctarum beſtiarum.

XVI.  
Explicatur  
Scriptura per  
Scripturam.

Alter locus est Levit. 17. Anima carnis in sanguine est, & ego dedi illum vobis, vt super Altare in eo expietis pro animabus ueſtris, & sanguis pro animæ piaculo sit, Idcirco dixi filiis Israël, omnis anima ex vobis non comedet sanguinem.

Prior locus explicari debet per posteriorem, ex Regula generali ab omnibus Sacris Interpretibus celebrata, vt cum id fieri potest, vna Scriptura per aliam

explicetur; hic autem non solum fieri potest, sed omnino debet; nam ex duabus conjunctionibus causalibus, *nim*, quæ est in priori loco, & *Idcirco*, quæ est in posteriori, certo licemus utrobique reddi rationem eius præcepti. cum ergo in utriusque loci verbis insit ratio, & in vno loco lateat, in altero pateat, debemus omnino per locum ubi illa patet, exponere alium, ubi eadem latet. Iam verò in posteriori loco ratio patens ea est, quia Deus ex sua benignitate non requisivit pro peccato à nobis sanguinem nostrum, sed loco sanguinis nostri, seu animarum nostrarum complacuit sibi in placationem, acceptare sanguinem de manu bestiarum, ut in eo, inquit, expietis pro animabus vestris, & sanguis pro animæ piaculo sit. *Idcirco dixi omnis anima non comedet sanguinem.* Ecce ratio hic patens, eadem proferis in priori loco latet; non comedetis bestiarum sanguinem, quia sanguinem animarum vestrarum parcam requirere de manu vestra, hoc est à vobis (est Hebraismus), non requiram, inquam, à vobis, qui corporalis vitæ, quæ est in sanguine debitores estis, sed requiram de manu vestrarum bestiarum, quarum sanguis soluat pro sanguine animarum vestrarum, seu vitæ vestræ; idcirco excepi, & dixi, sanguinem pro vobis in piaculum à me acceptatum non comedetis.

## XVII.

*Confirmatio ex  
circumstantiis.*

Non fuit hic sensus obscurus iis, quibuscum Deus loquebatur, Noë scilicet, & filijs eius; nam quando Deus hæc dixit, erat adhuc ibi in conspectu, sanguis cunctarum bestiarum acceptatus à Deo pro sanguine animarum, Noë, & filiorum eius, non quod omnes essent immolati in illo Sacrificio, quod Noë obtulit Deo, statim atque ex Arca egressus est, ait enim Scriptura: *Et tollens de cunctis pecoribus, & volucribus mundi, obtulit holocausta super Altare.* Sed quia in illis immolatis, vniuersum erat bestiarum genus, cuius sanguis pro hominum sanguine soluebatur; tunc Deus maximè confirmavit legem Sacrificij propitiatorij, vnde dicitur, *Odoratusque est Dominus odorem suavitatis*, Hebraicè, *odorem quietis*, quo significatur, ait Caietanus, & ex eo etiam Pererius, indignationem Diuinam, per quam diluvio destructus fuerat Orbis terrarum, Sacrificio illo fuisse placatam, & ut ita loquar, ait Pererius, quietatam. Vnde statim ait: Nequaquam ultra maledicam terræ propter homines, quod perinde fuit, ac dicere; nequaquam ultra requiram sanguinem hominum de manu animarum suarum, sed pro vitæ ipsorum piaculo, requiram de manu bestiarum sub hac tamen conditione, ut ipsi in agnitionem reatus proprii à sanguine illarum in proprium usum abstineant, & sic agnoscant à me illum datum ut super Altare in eo expient pro animabus suis.

## XVIII.

*Quid est effundere  
sanguinem hominis in  
homine.*

Hinc rationem aliquam reddam cuiusdam modi loquendi, quo usus est Deus screns mox præceptum alterum de non effundendo sanguine humano; super quo loquendi modo, mirum in modum Interpretes altercantur, pro eo enim quod habet Latina lectio. *Quicumque effuderit humanum sanguinem, fundetur sanguis illius, sic est Hebraicè, si verbum de verbo reddas. Qui fuderit sanguinem hominis in homine, fundetur sanguis illius; quid est, inquit, fundere sanguinem hominis in homine.*

Tostatus, illud in homine, interpretatur intra hominem, ut si aliquis, inquit, fuderit sanguinem humanum intra ipsum hominem, non effundendo foras, sicut cum aliquis suffocat alium, vel intoxicat eum, etiam in illo casu, ait Deus requi-

ram sanguinem. Verum ut omittam quid contra hanc explicationem objiciant alij, non video, quamobrem casus ille peculiari indigeat mentione.

Oleaster interpretatur sic, ut fundere sanguinem hominis in homine sit, hominem, cuius sanguis funditur proprii sanguinis effusione fœdare, ut qui fœdaverit hominem sanguine suo, occidendo ipsum, sanguis eius effundatur. Sed nec factis video, quæ tanta illa sit circumstantia, ut subintelligenda his verbis sit.

Cornelius à Lapide facetur esse pleonasmus, ut non plus significet sanguis hominis in homine, quam sanguis hominis. Proinde, inquit, noster Interpres tacuit, & omisit illud in homine. Verum hoc aliqua ratione injuriosum videtur tam multis Sacræ Scripturæ Expositoribus, qui in illo linguæ sanctæ vocabulo mysterium nonnullum agnoscunt.

Caietanus pro in homine, legit, & vertit, in hominem, hoc est, inquit ipse, in hominis injuriam, & contumeliam ad excludendam occisionem hominum à Iustis Iudicibus factam, tales enim non occidunt hominem in homine, id est, ut cum injuria, & contumelia afficiant, sed in vindictam criminum, & boni publici conservationem. Verum hoc est discedere à proprietate vocis Hebræicæ, pro ut communiter redditur, & explicatur.

Iterum Oleaster non acquiescens priori expositioni, sic interpungit. Qui fuderit sanguinem hominis, hic interjicit comma, & jungit, in homine, cum eo quod sequitur, fundetur sanguis illius, quia, inquit, statuit lex ut proximus sanguis id est occisi effunderet sanguinem homicidæ; quasi iusti doloris vindictam suscepturus, ut in homine, idem sit quod per hominem. Sed præterquam quod violenta nimis videtur huiusmodi interpretatio, illud etiam habet, quod præceptum generale latum tempore legis naturæ nimis restringat ad observantias legis Judaicæ.

Pererius, aliquorum interpretationes refert, & rejicit, ipse tamen non assert suam, in quo illum sequuntur recentiorum plerique.

Sentio discepcionem hanc non esse maximi momenti, sed quandoquidem illam Interpretes induxerunt; afferam sensum planissimum ad rem, de qua disputamus accommodatum. Sanguis hominis duplex est, alter est sanguis hominis in homine, atque hic est simpliciter sanguis humanus, unde vulgatus Interpres fideliter vertit. Quicumque effuderit humanum sanguinem: alter est sanguis hominis, sed non in homine, sed potius pro homine, atque hic est sanguis, de quo paulo ante loquutus fuerat Deus: Sanguinem animarum vestrarum requiram de manu carnivorum bestiarum, quia verè sanguis bestiarum, eo quod pro hominum periculo esset, sanguis etiam hominis erat, loco humani sanguinis subrogatus, sed non erat sanguis hominis in homine. Prohibitio autem erat non de non effundendo sanguine hominis extrà hominem, puta sanguine animalium, nam de hoc non effundendo nulla erat prohibitio, sed tantum de non comedendo.

Verum contra explicationem principalem à nobis factam, gravis insurgit difficultas, quia si cum dicitur, sanguinem animarum vestrarum requiram, &c. sermo est de sanguine expiatorio Sacrificiorum, non vero de homicidio, non apparet quomodo cohereant, quæ statim sequuntur verba. Et de manu hominis de manu viri, & fratris eius requiram animam hominis.

XIX.  
Nostra Sententia.

XX.  
Proponitur nova difficultas.

XXI.  
Christus ubique  
in Sacra  
Scriptura.

Hæc difficultas oritur, quia in plerisque Sacra Scriptura locis præsertim in Genesi, Christus abditissimè latet, sed quamquam non ubique apparet, ubique tamen est, vnde ubique ipsum querere nos oportet, significavit id satis Christus ipse, agens cum duobus discipulis, de quo testatur Luc. cap. 24. *Et incipiens à Moysè, qui scripsit Genesim, interpretabatur illis in omnibus Scripturis, quæ de ipso erant, ex quo colligimus, ait Maldonatus, totam Scripturam Sacram, etiamsi id nos minimè plerumque aduertamus, loqui Christum, ut cum in illa, etiam ubi minimè videtur esse, querere discamus; Vbiq; est, sed alibi apparet, alibi latet, nos sæpè non invenimus, quia aut non querimus, aut quia Iudæorum more in extimis Scripturae verbis, non in intimis sensibus, ac latebris querimus. Talis omnino locus occurrit nobis in præfenti. In quo scrutari, & indagare incipienti, statim se Christum videndum exhibebit.*

Et sanè extima ipsa verba non leuem eius ingerunt suspicionem: *de manu hominis, de manu viri, & fratris eius*; qui in Sacra Scriptura antonomastice dicitur homo, & filius hominis, & eiusdem simul sit vir, & frater, præter Christum reperies neminem. Sed respondeamus directè ad propositam difficultatem.

XXII.  
Connexio cum  
superiori Sen-  
tentia.

Dicimus sententiam horum verborum esse maximè cohærentem cum sententia superiorum, quamvis ab illa omnino distincta, & separata sit. Est quidem connexa, quia persistit in promissione Sacrificij Redemptorij; est distincta, & separata, quia in superioribus illis verbis redditur ratio mysterij de abstinentia generali à sanguine comedendo, & præterea promittitur expiatio facienda per animalium sanguinem in Sacrificiis propitiatoriis pro peccato, in his non redditur vlla ratio, sed longè altior, & sublimior promissio sit Sacrificij redemptorij, & propitiatorij, in sanguine Christi, qui intelligitur sub nomine hominis viri, & fratris eius. Hoc ita esse patet, quia si ita dicamus omnes sententiæ summè cohærent, quod in Sacra Scriptura magnum est argumentum veritatis, si id non dicamus, omnia maximè discrepant, & dissentiant, quod magnum est indicium falsitatis. Perpendamus verba. In priori sententia dicitur *Sanguinem animalium vestrarum*, in posteriori dicitur: *animam hominis*: duæ sunt significa-

XXIII.  
Anima quid.

tiones potissimæ, *Anima* in Sacris Litteris, Prior est ut *anima* accipiat pro *Vita*, hinc est illud Ioan. 10. *Animam* suam ponit pro ouibus suis; & phrasis illa Hebraica Psal. 118. *Anima* mea in manibus meis semper, idest in extremo semper versor vitæ discrimine, semperque impendentem mihi mortem video. Posterior animæ significatio est pro anima rationali, ut cum dixit Dominus Matth. 10. Nolite timere eos, qui occidunt corpus *Animam* autem non possunt occidere. Indicium quando anima sumitur pro vita est, quando conjungitur cum sanguine: per sanguinem enim præcipue vita, & consequenter anima conservatur in corpore, & in eo viget, si quidem sanguis secundum Philosophos est sedes, ac vehiculum animæ, ac principale instrumentum, ex eo quippe pro varia ipsius temperie spiritus naturales vitales, & animales existunt. Cum verò anima ponitur absolute, tunc accipi solet pro anima rationali, vel etiam pro ipso homine ut Ezech. 18. *Anima*, quæ peccaverit ipsa morietur, & cum ait Scriptura Genes. 46. septuaginta animas egressas de femore Iacob intrasse in Ægyptum.

Ergo iuxta hanc doctrinam in priori sententia, ubi sanguis memoratur, Sermo est de Vita, pro qua animalium Sacrificium, ait se requisitum Deus, sanguinem



animarum vestrarum requiram de manu cunctarum bestiarum; in posterio. i. verò vbi agitur de anima rationali, & æterna, non dicitur: Animam hominis requiram de manu bestiarum, sed *de manu hominis*, quasi dicat, acceptabo quidem in pretium & redemptionem Vitæ temporalis vestræ sanguinem expiatorium bestiarum, sed in pretium, & redemptionem animæ vestræ immortalis, non alium requiram, & acceptabo sanguinem præter sanguinem hominis, sanguinem viri, & fratris hominis.

Hunc locum videtur respexisse S. David Psal. 48. vbi ait: frater non redimit, redimet homo! non dabit Deo placationem suam, & pretium redemptionis animæ suæ: expectas, ait S. Augustinus super Psal. 48. vt homo te redimat ab ita ventura, si te frater non redimet, homo redempturus est? quis est frater, qui si non redemerit, nullus homo redempturus est? Qui post Resurrectionem dixit:

Vade dic fratribus meis; ergo si ipse non redimet, homo redempturus est? Aliquis homo redimet, si filius hominis non redemit? Si Christus non redimit, Adam redimet? Hæc Augustinus. Omnino solus frater hic dabit Deo placationem nostram, & pretium redemptionis animæ nostræ. Ab illo solo, de manu illius tantum requirit Deus animam nostram. Ex vsuris ait Propheta Psal. 71. & iniquitate redimet animas eorum. Homo, inquit Bellaminus super hunc Psalmum; per originale peccatum debitor factus est mortis æternæ, atque hoc est debitum capitale; sed dum huius debiti solutio differtur, iniquis exacto: Diabolus exigit vsuras, impellens quotidie ad noua peccata, quæ sunt pænæ primi peccati, & dum horum peccatorum pœna differtur, vsuræ transeunt in soltem principalem, ita quo diutius peccator viuit, eo magis debitum crescit. Scilicet sanguis illundem tangit, vt loquitur Hosias cap. 4. vbi sanguinem vocat peccata iuxta illud Psal. 50. libera me de sanguinibus, nimium peccatores augent peccata peccatis, ait S. Hieronymus, & nouis vetera cumulant, sic montem peccatorum, quasi sanguinum faciunt: in Hebræo enim vt notat Ribera, quo maior copia significetur, est, non sanguis, sed *Sanguines*. Ad hunc sanguinum Montem destruendum, Montem alium placationis, & propitiationis erexit Christus, & fundauit in sanguine suo; ex quo perpetua solutio fieret pro nobis Deo in remissionem peccatorum. Atque huc respiciens Deus, dixit: Animam hominis requiram de manu hominis, quasi diceret: dixi me sanguinem hominis requisitum de manu bestiarum, quia donec veniat, qui venturus est pro piaculo vitæ temporalis hominum, acceptabo in Sacrificium sanguinem bestiarum; ac verò pro piaculo animæ immortalis, & pro remissione peccatorum, quoad culpam, & pœnam æternam, non alium acceptabo sanguinem, nisi sanguinem illius hominis, qui est Vir, & frater hominis. Animam hominis requiram de manu hominis. Ita planè Deus ante Aduentum Christi intuen solius solutionis, & satisfactionis per Christum exhibendæ, dispensatoriè, & ex benignitate peccata condonabat, & iustitiam impertiebat, vt rectè explicat Less. lib. 12. de Misericordia: licet enim natura rerum postulasset, vt prius exhiberetur satisfactio pro culpa, & injuria in Deum commissâ, quàm peccator reciperetur in gratiam: tamen Deus contraria ratione vsus in hac naturæ lege dispensauit, & propter satisfactam omnem Christi futuris temporibus exhibendam, peccatores fide, & spe ipsum apprehendentes, sibi reconciliabat, prius impetiens pramium, quàm oblatum esset meritum,

XXIV.  
*Solus sanguis  
Christi est ho-  
minis redem-  
ptio.*

XXV.  
*Vsuræ peccato-  
rum.*


XXVI.  
*Peccata, san-  
guis.*

XXVII.  
*Animam homo-  
nis semper re-  
quisita de ma-  
nu homini.*

prius condonans culpam, quàm rogata pro nobis esset venia, & prius laxans captivum, quàm exhibitum, aut promissum esset Lytron. Atque hoc modo, etiam ante Aduentum Christi, nunquam animam hominis de manu alterius requisivit præter quam de manu Christi; sed de his iterum.

XXVIII.  
*Succesſio ſan-*  
*guinis Patrum*  
*doctrina.*

Interim hoc teneatur, quidquid diximus de ſucceſſione ſanguinis Chriſti in locum ſanguinis animalium, comunem eſſe doctrinam Veterum Patrum, tum Græcorum, tum Latinorum. Satis hoc loco ſit pro cunctis Græcis Chryſoſtomus, cuius inſignis locus eſt ille Homil. 83. in Matth. ſub initium. Quemadmodum Vetus teſtamentum, pecudes, & vitulos habebat, eodem modo nouum, Dominicum poſſidet ſanguinem, & Homil. 24. in 1. ad Cor. pro beatorum ex- de ſe ipſum offerendum præcepit, pro Latinis ſit Auguſt. lib. 17. de Ciuit. cap. 20. ubi agens de Sacrificio noui Teſtamenti; id, inquit, eſt Sacrificium, quod ſucceſſit omnibus Sacrificiis, quæ immolabantur in vmbra futuri. Tota vis eſt in illo verbo, ſucceſſit de quo aliquid attingemus cum ſermo redibit de huius- modi Iure ſucceſſionis.



## QVÆSTIO SEXTA.

### *De Circumſtantiis Institutionis huius Montis.*

- I. *Duo Teſtamenta, duo Baſili.*
- II. *Quando inſtitutum fuit Sacrificium Agni.*
- III. *Agnus Abel.*
- IV. *Primum Sacrificium à Deo inſtitutum, & traditum.*
- V. *Agnus occiſus loco primogeniti.*
- VI. *Agnus Viſtima ſaltus.*
- VII. *Paſcha ſignificat Agnum Paſchalem.*
- VIII. *Chriſtus Agnus Paſchalis.*
- IX. *Paſcha ſignificat etiam diem immolationis Agni.*
- X. *Diei 14. in quo immolabatur Paſcha non erat dies feſtus.*
- XI. *Paſcha ſignificat quoque totos Septem dies Azimorum.*
- XII. *Item quaſcumque viſtimas oblatus illis diebus.*
- XIII. *Inſtitutio Sacrificij Paſchalis facta Menſe primo.*
- XIV. *Duplex Menſis primus.*
- XV. *Menſes primi, qui.*
- XVI. *Martius eſt Menſis primus.*
- XVII. *Mundi Creatio in Menſe Martio.*
- XVIII. *Tabernaculum erectum in Menſe Martio.*
- XIX. *Celebratio Anniverſaria in 14. die Menſis huius.*
- XX. *Sol creatus in Ariete.*

XXI. *Chriſtus*

- XXI. *Christus in eodem Mense suum instituit Sacrificium.*  
 XXII. *Christus immolauit Pascha in legitimo Mense.*  
 XXIII. *Martius Mensis Sacrificialis.*  
 XXIV. *Christus cur dictus Agnus.*  
 XXV. *An in eadem xlv. Luna Mensis primi institutum fuerit utrumque Sacrificium.*  
 XXVI. *Controversia de consciendo in Azimo.*  
 XXVII. *Pascha fieret-ne Luna inchoante an exeunte.*  
 XXVIII. *Rationes tres dubitandi.*  
 XXIX. *Celebratio Pascha fiebat in posteriore vespera 14. Luna.*  
 XXX. *Nox liberationis, fuit nox ipsa percussionis.*  
 XXXI. *Eadem fuit immolationis.*  
 XXXII. *Egressio ex Aegypto fuerit-ne noctu, an interdiu.*  
 XXXIII. *Multitudo Hebraeorum ex Aegypto.*  
 XXXIV. *Quoto die Mensis primi fuit immolatio, & liberatio Israël.*  
 XXXV. *Respondetur ad rationes dubitandi.*  
 XXXVI. *Expoliatio Aegyptiorum facta fuit ante 14. Lunam immolationis.*  
 XXXVII. *Conuentus totius populi in Ramesses.*  
 XXXVIII. *Cur in Solo Pascha sit mentio Vespera.*  
 XXXIX. *Pascha non erat dies Festus.*  
 XL. *Iosephus rectè sensif de tempore huius immolationis.*  
 XLI. *Altera pars controversie, An Christus eadem Luna 14. celebraverit.*  
 XLII. *Explicatur Græcorum Sententia.*  
 XLIII. *Fundamentum ex Scripturis.*  
 XLIV. *Error consciendi in fermentato unde ortus.*  
 XLV. *Christus instituit suum Sacrificium 14. Mensis, quæ erat prima Azimorum.*  
 XLVI. *Christus Crucifixus est Luna quinta-decima.*  
 XLVII. *Dies mortis Christi, fuit sollemnis, & Festus Iudæorum.*  
 XLVIII. *Iudæis non licuit quemquam interficere in die Festo.*  
 XLIX. *Traditio de morte Christi in quinta-decima.*  
 L. *Iudas in causa fuit, ut Christus in die Festo caperetur.*  
 LI. *Ieiunium diei, quo vendita fuit caro Christi.*  
 LII. *Currare funus licebat in die Festo.*  
 LIII. *Quomodo egerunt causam criminalem.*  
 LIV. *Duplex dies, legalis, & naturalis.*  
 LV. *Vitima Paschales comedende à Sacerdotibus.*  
 LVI. *Solum Sabbatum habebat Parasceue.*  
 LVII. *Cur dictum Parasceue Pascha.*  
 LVIII. *An Institutio utriusque Sacrificij inciderit in Feriam V.*  
 LIX. *Christus Crucifixus fuit die Veneris.*  
 LX. *Eucharistia instituta Feria V. pridie Passionis.*  
 LXI. *Altera pars controversie.*  
 LXII. *Dies liberationis ab Aegypto fuit dies Veneris.*  
 LXIII. *Manna cepit plueri die Dominico.*

- LXIV. *Die 31. ab egressu ex Aegypto.*  
 LXV. *An utriusque Sacrificij celebratio facta sit eadem hora vespertina.*  
 LXVI. *Vespera quid proprie.*  
 LXVII. *Quid est inter duas Vesperas.*  
 LXVIII. *Tempus immolationis, & tempus esus Agni.*  
 LXIX. *Immolatio Agni diurna, comestio nocturna.*  
 LXX. *Christus non interfuit ingulationi Agni.*  
 LXXI. *Adfuit, & praefuit oblationi.*  
 LXXII. *Agnus assabatur Crucifixus.*  
 LXXIII. *Christus instituit suum Sacrificium ad horam Agni.*  
 LXXIV. *Tota Christi Passio intra diem legalem Agni.*  
 LXXV. *Respondetur ad rationem Graecorum.*



I.  
*Duo Testa-  
 menta duo Ba-  
 iuli.*

II.  
*Quando insti-  
 tutum fuit Sa-  
 crificium Agni.*

III.  
*Agnus Abel.*

T quaestionibus pluribus in hoc opere perstruendis funda-  
 menta etiam historica iaciamus, opportunum admodum du-  
 cimus, circumstantias omnes Erektionis, & Institutionis hu-  
 ius Montis recensendo numerare; cumque id dupliciter fieri  
 possit, vel illis ex Evangelico tantum textu, quasi vltro obla-  
 tis accipiendis, vel per collationem Veteris, cum nouo Testa-  
 mento perferutandis, & eruendis; nos, & ad Sacram erudi-  
 tionem plenius, & ad contemplationem iucundius facturos existimamus, si tanta  
 magnitudinis palmitem unum cum vna sua à duobus portatum Testamentis  
 exhibeamus, ad eum modum, quo Num. 15. Botrum illum terræ promissæ, por-  
 tauerunt in veste duo viri: etenim Auctore Augustino Sermon. 100. de Tempore:  
 duo Baiuli, sunt duo Testamenta. Præeunt Iudæi, sequuntur Christiani, & qui-  
 dem Christianus dum sequitur, Botrum hunc ante conspectum suum gerit; Iu-  
 dæus verò post dorsum, hic obsequium præbet, ille contemptum.

Sed age, quæ nam figura præcessit in veteri Testamento, in qua circumstan-  
 tiæ omnes Institutionis Sacrosancti Ecclesiæ Sacrificij cognoscuntur? Aio illam,  
 & primam, & singularem fuisse, quæ accuratè describitur in lib. Exod. cap. 12.  
 de Agni Sacrificio, cuius institutio iuxta Tabulam Chronologicam à nostro  
 Cornelio præfixam suo Pentateucho, facta est Anno Mundi 2454. à Diluuiio  
 797. à Natiuitate Abraham anno 505. à descensu Iacobi in Aegyptum 215. à morte  
 Ioseph 144. ante ædificationem Salomonis anno 480. & ante Christum  
 1496. fuit quidem ante illud tempus, oblatum Deo Agni Sacrificium, immo  
 primum Mundi Sacrificium acceptum, fuit Agni oblatio, & prima Victimæ,  
 ad quam ante alias omnes respexit Deus, non alia nisi Agnus fuit, iuxta illud  
 Geneseos 4. *Abel quoque obtulit de primogenitis gregis sui, & de adipibus eo-  
 rum, & respexit Dominus ad Abel, & ad munera eius.* Neque præterea ne-  
 gari potest, primum illum Agnum ab Abel oblatum, figuram fuisse vnici Sacri-  
 ficij populi Christiani; tum quia vniuersaliter constat ex Tridentino Sess. 12.  
 cap. 1. omnia Sacrificia, non solum legis, sed etiam naturæ tempore, fuisse figuras  
 Sacrificij Ecclesiæ; tum quia de Sacrificio Abel expressè hoc docuit Tertullia-  
 nus lib. aduersus Iudæos cap. 5. vbi loquitur de Sacrificio Cain, & Abel. Et qui-  
 dem, inquit, à primordio, maioris filij, idest Israël, terrena fuisse in Cain

præstentia Sacrificia, & minoris filij Abel, idest populi nostri Sacrificia diuersa demonstrata ostendimus. Sed quamuis negari non potest, oblationem illam Agni Genes. 4. fuisse figuram oblationis populi Christiani, certum tamen est, non fuisse figuram Institutionis huius oblationis; quia ita fuit illud Sacrificium Deo oblatum, vt non fuerit per legem Diuinam institutum, & traditum; quare licet figurauerit nostram oblationem, non tamen figurauit illius institutionem. At verò Sacrificium Agni, de quo Exod. 12. non solum fuit ex Diuino præcepto oblatum, sed Iuste etiam Diuino institutum in Sacrificium perpetuum populi sui. Hoc autem patet ex eodem cap. 12. vbi post præceptum hoc Sacrificium dicitur: *Custodi verbum istud legitimum tibi, & filiis tuis vsque in eternum, & cum dixerint vobis filij vestri, qua est ista Religio? dicetis eis, Victimam transiens Domini est*, quando transiit super domos filiorum Israël in Ægypto percutiens Ægyptios, & domus nostras liberans. Ex quibus verbis constat non solum oblatio, verum etiam institutio facta illius oblationis in Sacrificium perpetuum veræ Religionis, quod pariter commemoratiuum esset transitus Domini, atque adeo liberationis primogenitorum filiorum Israël, vt enim ait Oleaster, Agnus ille Paschalis præsefererebat populum Israël, qui cum Ægyptiis erat poenas daturus, sed loco eius Dominus Agnum occidi volebat, vnde sanguis in postibus, signum erat, opus erat saltare ab vna domo Ægyptiorum ad aliam, relinquo in medio domos Iudæorum, atque hoc significat, ait iste Autor, *Victima transiens Domini est*, hoc est, Victimam hæc, seu sanguis eius, est signum saltus Domini, nam cum Dominus videret sanguinem, statim in aliam domum saltabat, ideo voluit Deus in qualibet Iudæorum domo Agnum mactari, vt in qualibet domo esset aliquod occisum, & non amplius occideretur primogenitus. Hæc Oleaster, quæ planè cohærent cum iis, quæ diximus quæst. 4. de sanguine Victimæ substituto, & subrogato pro sanguine, & vita peccatoris, cuius Victimæ sanguini successit Sanguis Christi in Ecclesiæ Domo, tanquam Agno nostro Paschali immolato. Sed quamuis *Pascha*, si propriè vocabulum sumamus, *transitum* tantum significat, quia tamen in memoriam huius transitus, solemnitas fiebat, & agnus immolabatur, cæpit paulatim hoc nomen alias in Scriptura significationes habere, quas hoc loco præmittere necessarium ducimus ad rerum in presenti quæstione disputandarum intelligentiam.

Primo igitur, *Pascha*, seu quod idem est, *phase*, significat Agnum ipsum, qui in illo Sacrificio occidebatur, & immolabatur. Hæc significatio expressa est apud Euangelistas; nam Matth. 26. dicitur: *Vbi vis paremus tibi comedere Pascha*, & Luc. 22. *In qua necesse erat occidi Pascha*. Occidebatur enim, & comedeatur Agnus, qui illo nomine sacrificabatur. Hinc Apostolus 1. Cor. 5. ait. *Pascha nostrum immolatus est Christus*. Hoc est, Agnus Paschalis noster, pro nobis immolatus est Christus ipse, ab omnibus illis Paschalibus Agnis figuratus; neque verò sine mysterio additum puto à Græcis *ὁ πρὸς ἡμᾶς* pro nobis. *Pascha* nostrum pro nobis immolatus est Christus, quasi diceret pro Israëlitis olim

## I V.

*Primum Sacrificium à Deo institutum, & traditum.*

## V.

*Agnus occisus loco primogeniti.*

## V I.

*Agnus Victimam saltus.*

## V I I.

*Pascha significat Agnum Paschalem.*

## V I I I.

*Christus Agnus Paschalis.*



immolatus est Agnus filius Arietis, cuius sanguis visus ab Angelo exterminatore, in causa erat, vt illorum primogenitos, pro quibus Agnus occisus fuerat, non occideret; at Agnus pro nobis immolatus, est Agnus Dei, cuius sanguine tincti fideles, tuti sunt, & immunes ab exterminatore Diabolo, qui illo viso transibit in infideles.

## I X.

*Pascha significat etiam diem immolationis Agni.*

Secundò. Pascha significat celebritatem diei, in quo immolabatur Agnus. Mea celebrationem ipsam immolationis Agni legitimo tempore factam, in qua significatione dicitur Num. 28. *Decima quarta die mensis, phase Domini est, & decima quinta solemnitas.* Et Luc. 22. *Appropinquabat dies Festus Azimorum, qui dicitur Pascha.* Obseruat autem noster Ribera lib. 5. de Temp. cap. 3. aliud esse *Pascha*, seu diem *Pascha*, aliud *Festum*, seu diem *Festum Pasche*. nam quod etiam docet Abulensis in secunda parte Defensorij cap. 8. Dies quartus-decimus mensis, quanquam esset Pascha, tamen non erat dies Festus, quia non vacabatur à laboribus, sed fiebant illa die opera seruilia, sicut cæteris diebus, & nihil aliud erat, quod specialiter pertineret ad istum diem, nisi quod immolabatur Agnus ante Solis occasum, & comedeatur. Festum autem Azimorum, quod incipiebat die sequenti, & durabat septem diebus, habebat duos dies solemnēs, in quibus cessabatur ab omni opere seruii, Exod. 12. ideo dies quartus decimus poterat vocari Pascha propter Agnum Paschalem, sed non poterat propriè vocari Festum, Dies autem quintus-decimus poterat vocari dies Azimorum, & etiam dies Festus propter celebritatem eius. Hæc Abulensis, & ex eo Ribera loco citato.

## X I.

*Pascha significat quoque totos Septem dies Azimorum.*

Tertiò. *Pascha*, significat totam solemnitatem, quæ incipiebat à 14. Luna ad Vesperam, & continuabatur per septem dies Azimorum, quamuis primus dies, qui erat 15. esset omnium celeberrimus, sicut & vltimus, & hæc etiam significatio est in Scriptura, tum Veteris, tum noui Testamenti; nam 3. Exod. 1. *Non est celebratum tale phase in Israël.* Et Act. 12. *Volens post Pascha producere eum populo,* hoc est, post septem dies Paschales; siue post Octauam Paschæ. Pascha enim celebrabatur per septem dies, qui dicebantur dies Azimorum, quod in us, nullis panibus, nisi Azimis, idest fermento carentibus vesci Iudæis liceret.

## X I I.

*Item quascumque victimas oblatas illis diebus.*

Quartò. *Pascha*, significat etiam animalia, quæ offerebantur illis septem diebus Azimorum, sicut enim præter diem, quo immolabatur Agnus, etiam tempus continuum septem dierum dicebatur Pascha, ita præter Agnum illum primum immolatum ad vesperam 14. Lunæ, etiam animalia cætera, quæ toto illo tempore septem dierum immolabantur in Templo, dicebantur Pascha. Exemplum asert Toletus ex 2. Paralip. cap. 35. vbi habetur. *Principes Domus Dei dederunt Sacerdotibus ad faciendum Pascha pecora commixta duo milia sexcenta, & boues trecentos.* Item ibidem dicitur: *dederunt Levitis ad celebrandum Pascha quinquæ milia pecorum, & boues quingentos.* Vbi obseruat Toletus, in Hebræo esse in plurali, *dederunt in Paschata*; vnde patet Pascha significare non tantum Agnum Paschalem, sed & boues, cæterasque Victimæ, quæ in Paschate Deo immolabantur; quamuis Agnus esset præcipuum phase, vel Pascha, propter quod cætera sic dicebantur. Sed ad questionem propositam de circumstantiis Institutionis Sacrosancti Ecclesiæ Sacrificij propius accedamus.

*An in eodem Mense fuerit institutum Sacrificium  
Agni, & Sacrificium Christi.*

**S**TATVENDVM primo loco est de mense illius primæ Institutionis Sacrificij Agni, tunc de mense eiusdem anniuersariæ celebrationis. Denique de mense nouæ Christi Institutionis. Ac primo quidem vererem illam institutionem Agni Paschalis factam fuisse primo totius Anni mense est perspicuum ex textu Exod. 12. *Mensis iste vobis principium mensium, primus erit in mensibus anni.* Ex quo constat institutionem illius Sacrificij celebratam primum esse, illo, quem Scriptura mensẽ primum appellat. Hinc communiter docent Interpretes, duos menses fuisse apud Hebræos, qui primi vocarentur, sicut & duplex annus erat, Sacer, & vulgaris. Annus Sacer initium habuit ab Institutione Sacrificij Agni, quæ coincidit cum egressu filiorum Israël ex Ægypto; Annus verò vulgaris, seu communis est, quo utebantur ad commercia antequam egrederentur ex Ægypto.

At qui-nam erant huiusmodi menses primi? Dicam, quod iam extrâ controversiam est, apud Sacræ Scripturæ peritos. Primus mensis Anni vulgaris, seu communis erat *Tisri*, qui partim Septembri, partim Octobri nostro respondet. Primus verò mensis anni Sacri respondet plerumque nostro Martio, vel partim Martio, partim Aprili; Vnde Iudæi vsque hodie, ait Oleaster duplex hoc anni initium habent, in rebus enim prophanis, ut sunt contractus ciuiles, & alia huiusmodi annum inchoant à propinquiore Nouilunio Æquinoctio Autumnali; pro Sacris vero auspicantur annum à Lunatione, quæ vicinior est Æquinoctio Vernali. Sed audiamus Iosephum lib. 1. Antiquit. cap. 4. Moses autem Nisan mensẽ primum in suis Fastis ordinauit, quod per hunc Hebræos ex Ægypto eduxisset. Eundem etiam omnium, quæ ad rem Diuinam pertinerent exordium fecit. Alioqui quod ad nundinationes rerum venalium, reliquamque dispensationem anni attinet, nihil de pristino ritu innovauit. Itaque ex hoc Dei præcepto cœpit distingui annus vulgaris, siue communis à Sacro, cuius anni Sacri primus mensis est Nisan, qui est Martius, quod ex eo etiam est certum, quia iuxta vsum Scripturæ, mensis septimus in quo fiebat Festum expiationis, congruit nostro Septembri, quod fatentur omnes Hebræi teste Lyrano: Si ergo septimus est September necessario sequitur, ut primus sit Martius: à Martio enim September est septimus; simili argumento probamus, primum diem creationis Mundi fuisse Dominicum, quia septimus ab illo fuit Sabbatum ut patet Genes. 1.

XIII.

*Institutio Sa-  
crificij Pascha-  
lis facta mense  
primo.*

XIV.

*Duplex mensis  
primus.*

XV.

*Mensis primus  
qui.*

XVI.

*Martius est  
mensis primus.*

XVII.

*Mundi creatio  
in mense Mar-  
tio.*

Atque hæc est communis Patrum interpretatio, *Mense primo*, vnde insinuant Mundi creationem verno tempore factam, proferam vnum, aut alterum S. Ambrosii lib. 1. in Exaeme. cap. 4. In hoc principio, inquit, mensium, quo Pascha iussu Dei celebrabant Iudæi, Cælum, & Terram fecit Deus, quod inde Mundi capi oportebat exordium, ubi erat opportuna omnibus verna tempestas:

& paulò post: ergo vt ostenderet Scriptura Veris tempora in constitutione Mundi, ait: Mensis hic vobis initium mensium; primus est vobis in mensibus anni, *primum mensem, verum tempus appellat*. Hæc Ambrosius. Easdem causas conjunxit Theodoretus in quest. 7. super Exod. Cur prima die mensis primi, in quo Mundus conditus est, Deus iussit erigi Tabernaculum. Merito, inquit Dominus omnium, prima die primi mensis Tabernaculum erigi iussit, tum quod totius Mundi figuram referebat, tum vt populus se præpararet ad Festum Paschæ, quod primum celebrare lex præcipiebat Iudæis.

XVIII.  
*Tabernaculū  
erectum in mē-  
se Martio.*

XIX.  
*Celebratio an-  
niuersaria in  
14. die mensis  
huius.*

XX.  
*Sol creatus in  
Arietē,*

XXI.  
*Christus in eo-  
dem mense  
suum instituit  
Sacrificium.*

XXII.  
*Christus im-  
molauit Pas-  
cha in legitimo  
mense.*

Igitur quod prima Paschalis Sacrificij institutio facta fuerit in mense Martio, indubitata res est. Quod verò in eodem mense Anniuersaria eius fieret celebratio à filiis Israël, æque indubitatum est ex Sacris Litteris. Cum enim Deus in Ægypto legem tulisset de perpetua Paschæ celebratione Exod. 12. sequente anno, eodem recurrente mense, ipsemet monuit, vt iuxta legem latam Anniuersaria celebratio perficeretur; sic enim habemus in lib. Num. cap. 9. locutus est Dominus ad Moysen in deserto Sinai, anno secundo postquam egressi sunt de terra Ægypti *Mense primo, dicens, faciant filij Israël phase in tempore suo quarta-decima die mensis huius*. Vides quemadmodum mensem legitimum annuæ solemnitatis phase, declarat; quod etiam ex aliis est manifestum; vnde Iosephus, cuius testimonium, tum graue, tum domesticum est lib. 3. Antiquit. cap. 10. Mense, inquit, Xanthico, qui nostris Nisan vocatur, & annum exorditur, Luna quarta-decima, Sole Arietem obtinente, quandoquidem hoc mense ab Ægyptiaca seruitute liberati sumus, Sacrificium, quod tunc exeuntes fecisse diximus, Pascha nominatum, quotannis instaurare lege iubemur, celebramusque id per fodalicia nihil è victimis in sequentem diem relinquentes, quæ est quinta-decima, & Azymorum Festiuitatis prima. Nota illud, *Sole Arietem obtinente*, hic nimirum est mensis legitimus, primus anni Sacri, & primus Mundi, quam ob causam merito Astrologi signum Arietis initium esse, & caput cæterorum Zodiaci signorum, principatumque obtinere arbitrantur, quia nimirum Sol primo creatus in hoc signo fuit.

Reliquum est nunc illud quærere, An in eodem primo mense suum Christus Sacrificium instituerit, sed res est apertissima. Primo ex Chronotaxi annorum, & gestorum Christi. Secundo ex Ecclesiæ traditione. Tertio ex legitimo tempore legalis illius Sacrificij, nam vt ait S. Chrysostomus Homil. de prodit. Iudæ, in ipsa mensa vtrumque Pascha, & Typi, & veritatis celebratum est. Pascha autem Typi in hoc celebrauit mense; nam quod idem S. Chrysostomus ait Homil. 85. in Marth. Christus vsque ad mortem seruauit legem Moysis, & Pascha suo tempore legitimo celebrauit. Quarto, quia id expressissimè ostendunt Euangelistæ, dum docent Dominum iussisse Discipulos, vt præpararent locum Institutionis sui Sacrificij, illo ipso tempore, quo celebrandum ex lege erat Pascha. Nam Luc. 22. dicitur: *Venit autem dies Azymorum, in qua necesse erat occidi Pascha*. Vides tempus legitimum signatum; quid enim est, in qua necesse erat occidi Pascha, nisi quo tempore statutum Dei præcepto erat, vt Agnus Paschalis immolaretur. Marcus 14. die Azymorum *quando immolabant Pascha*. Ecce iterum legitimi temporis circumstantiam. Certissima ergo res est in eodem mense Sacrificium Agni, & Sacrificium Christi institutum fuisse.

Merito autem ait Burgenſis in cap. 12. Exodi : Martius eligitur vtrique Sacrificio inſtituendo, quaſi menſis Sacrificialis. In hoc enim menſe Sol ingreditur ſignum, quod appellatur Aries, qui parens eſt Agni, & qui ab Ara ſic dictus eſt, eo quod Aris imponi ad Sacrificia ſoleret. Vnde Aries vnum erat ex Sacrificiis à Deo præceptis, quod maximè offerebatur pro peccatis: quæ obſervatio placuit etiam Toletio Scriptori graui in cap. 1. Luc. Annot. 38. Addo tamen, quod quamvis Chriſtus in Sacra Scriptura per Arietem ſignificetur, vt ſignificatus præcipuè in illo fuit, quem Abrahami inter vepres cornibus hærentem reperit, & obtulit holoꝗaſtum Deo. Genef. 22. Frequentius tamen ſignificatur per Agnum. Quare Ioannes, cum indicare illum vellet Victimam Mundi, non dixit: Ecce Aries Dei, ſed potius, Ecce Agnus Dei, ecce qui tollit peccata Mundi; cuius rei, optima inſinuat ratio à Clemente Alexandrino lib. 1. pædago. cap. 5. vt nimirum ſignificetur filius eſſe, qui venerat Victima pro peccatis Mundi *Agnus enim filium notat*, propterea non ouem, quæ mater eſt Agni, non Arietem, qui ipſius Pater eſt, vocat, ſed Agnum Dei, vt verè dicere poſſit Eccleſia *Agnus Dei Filius Patris*; & quia Cœleſtis hic Agnus non ſolum conſubſtantialis eſt Patri, ſed etiam conſubſtantialis eſt Matri. Merito etiam, & veluti pari Iure licebit nobis illum compellare Agnus Dei Filius Matris.

XXIII.  
*Martius men-  
ſis ſacrificialis.*

XXIV.  
*Chriſtus cur  
dictus Agnus.*

*An in eadem 14. Luna Menſis primi inſtitutum  
fuerit vtrumque Sacrificium.*

XXV.

C O N T R O V E R S I A hæc apud Theologos non eſt levis momenti, ex illa enim maximè pendet celebre illud de materia Eucharistiæ, ſit-ne azymo pane, an fermentato Sacramentum conſiciendum, nam vt rectè ait Bellarminus lib. 4. de Euchar. cap. 7. præcipuum fundamentum, tum Latinorum, tum Græcorum eſt, factum Chriſti; Si enim Dominus Sacramentum inſtituit eodem die, quo inſtitutum fuit Sacrificium Agni, hoc eſt in primo die Azimorum, certum erit azymo pane uſum fuiſſe in huiusmodi inſtitutione; ſi alio tempore inſtituit, res non erit omnino certa. Statuamus ergo primo, quæ Luna primi menſis inſtituta primùm fuit immolatio Agni: dico quæ Luna, potius quàm quorodie, quia apud Hebræos, menſes omnes numerabantur in nouilunio; vnde idem erat apud eos, prima Luna, ſecunda Luna, ac apud nos primus dies menſis, ſecundus dies menſis. Quamvis autem in Sacra Scriptura expreſſum ſit immolationem illam peractam fuiſſe decima-quarta Luna, dubitatum tamen à non-nulis fuit, an intelligendū id ſit de 14. Luna inchoante, an potius de illa finiente; ſeu num de priore vefpera Lunæ 14. an de poſteriore, quæ erat initium 15. puta Feſti Azimorum. Rationes dubitandi ſunt huiusmodi. Prima eſt, quia inter immolationis vefperam, & noctem ipſam, qua Hebræi ex Ægypto egreſſi ſunt, intercedere neceſſario debuit ſaltem 24. horarum ſpatium, tum ad ſpoliandos Ægyptios, dicit enim Scriptura Exod. 1. *Et petierunt ab Ægyptiis vafa argentea, & aurea, veſtemque plurimam, & ſpoliauerunt Ægyptios*, tum ad conueniendum

XXVI.  
*Controverſia  
de conſicienda  
in Azymo.*

XXVII.  
*Paſcha, ſerretur  
ne Luna in-  
choante, an  
excente.*

XXVIII.  
*Rationes tres  
dubitandi.*



ex tota terra Gessen, in qua erant dispersi, in Ramesses Urbem, vnde profectio facta est, vt constat ex lib. Num. 33. Cum ergo Hebraei profecti fuerint Luna decima-quinta ante diluculum, si agni immolatio facta fuisset in posteriore vespera 14. eisdem ferè nocte fuisset vesperatio, & profectio nullo relicto tempore tot hominum millibus, aut ad conueniendum, aut ad conuasandum.

Secunda est, quia Scriptura numerat dies Festos incipiendo à prima vespera, iuxta illud Leuit. 23. *A vespera usque ad vesperam celebrabitis Sabbata vestra.* Ergo cum dicitur 14. Luna, intelligitur de priore vespera, quia tunc incipit celebritas Sacri diei.

Tertia, quia Iosephus lib. 2. Antiquit. cap. 5. ait: Illucescente verò 14. omnes ad exitum animati sacrificabant. Ex quo testimonio sequitur initio diei decimi-quarti, illo nimirum illucescente, hoc est priore vespera, non verò posteriore, Iudæos Agnum immolasse.

XXIX.  
*Celebratio Pascha si-  
bit in  
posteriore  
vespera 14. Luna.*

Nihilominus dicendum est, illam Agni immolationem factam fuisse in posteriore vespera Lunæ 14. quæ erat pridie, siue initium 15. & Festi Azimorum.

Fundamentum est. Populus Israël liberatus est ex Ægypto ante exitum illiusmet noctis, in qua suum Pascha immolauit, & manducauit; ergo suum Pascha immolauit in posteriore vespera Lunæ 14. Consequentia est manifesta, quia populus Israël decimo-quinto die mensis ante lucem egressus est, vt legimus Num. 33. ergo si egressus est ante exitum illiusmet noctis, in qua Agnum immolauit, & manducauit, hunc profectio non manducauit in priore vespera 14. inter quam, & noctem liberationis, & egressus intercessit integer dies.

XXX.  
*Nox liberatio-  
nis fuit nox ip-  
sa percussio-  
nis.*

Antecedens probatur. Populus Israël liberatus est ex Ægypto in nocte ipsa transitus Domini, quando scilicet, vt ait Scriptura, *transiit super domos filiorum Israël in Ægypto, percussit Ægyptios, & domos nostras liberans*, ergo populus Israël liberatus, & eductus est ex Ægypto nocte ipsa, in qua suum Pascha immolauit, & manducauit. Hæc consequentia perspicua est: quia negari non potest transitum Domini illa nocte sacrificij factum esse, propterea dixit Deus ver. 13. *Videbo sanguinem, & transibo vos*, propterea quoque dixit Moses imperata illa sanguinis aspersione, *nullus vestrum egredietur ostium domus sue usque mane, transibit enim Dominus percussit, &c.* Restat ergo probandum antecedens, quod in nocte ipsa transitus Domini liberatio facta sit: Illud autem apertè colligitur ex historię contextu lib. Exod. 12. vbi habetur. *Factum est autem in noctis medio, percussit Dominus omne primogenitum in terra Ægypti, surrexitque Pharaon nocte, vocatisque Moyse, & Aaron nocte ait, surgite, & egredimini, urgebantque Ægyptij populum de terra exire velociter, dicentes, omnes moriemur. Nox ista obseruabilis Domini, quando eduxit eos de terra Ægypti, hanc obseruare debent omnes filij Israël in generationibus suis.*

XXXI.  
*Eadem fuit im-  
molationis.*

Vides quàm plena festinationis illa nox fuerit, certè tam præceps, vt post profectionem de Ramesse in Socho, legamus: *Coxeruntque farinam, quam dudum de Ægypto conspersam tulerant, & fecerunt subcineritios panes azimos; neque enim poterant fermentari cogenibus exire Ægyptis, nec ullam facere sinentibus moram.* Si ergo Ægyptij ita cogebant exire, vt nullam facere sine-  
respectu



respectu Ægyptiorum fuit percussione, fuisse etiam Israëlitis exitus, & liberationis.

Neque quidquam obstat, mandatum illud Moyſis Exod. 12. *Nullus vestrum egrediatur ostium domus sue usque mane*; ex quo videbatur sequi non potuisse illam ipsam noctem, esse noctem egressionis; nam vt rectè noster Ribera ex Ruperto, & Caietano, quamvis audisset Moſes nocte illa percutiendos esse primogenitos Ægyptiorum, quia tamen moram percussione nesciebat, ideo mane expectari tunc quidem volebat, sed postquam vocatus est à Pharaone, & stragem primogenitorum iam factam cognoscit, ex domibus egredi omnes permisit, & vrgentibus Ægyptiis, ante lucem proficisci cœpit cum suis. Propterea tempus illius egressionis, Diuina Scriptura noctem appellat, vt Exod. 12. *Nox ista est* obseruabilis Domini, quando eduxit eos de terra Ægypti, & Deuter. 16. *Quia* in isto mense eduxit vos Deus de Ægypto *Nocte*, nam totum tenebrarum tempus, *Nox* Hebræis dicitur, iuxta illud Genes. 1. appellauitque lucem diem, & *tenebras noctem*. Cæterum egressionis, & profectiois tempus ex Ægypto diurnum fuisse; Scriptura etiam non rarò commemorat, quia quamvis noctu ad exitum se comparauerint, & verè exire cœperint, mane tamen adhuc exire ab omnibus visi sunt; vnde dicitur Numer. 33. Profecti igitur de Ramesse mense primo *quinta-decima die mensis primi*, altera die à phase, filij Israël in manu excelsa, *videntibus cunctis Ægyptiis*, & sepelientibus primogenitos; neque mirandum est profectioem tanti exercitus nocturnam pariter, atque diurnam dici, immò merito miraculi instar habetur, quod tot vnicum diem tot hominum millia non confusè, sed ordine per turmas disposito, quasi instructo agmine egressi sint, quod videtur Diuina Scriptura obseruasse, dum ait Exod. 12. *Eadem die egressus est omnis exercitus Domini de terra Ægypti*. Erat autem exercitus, & populus Hebræorum, computu à viris eruditis facto, capitum plustquam decies, & quinquies centenorum millium, nam Scriptura de viris bellatoribus agens, ait verſ. 37. *profectique sunt filij Israël de Ramesse in Socoth sexcenta ferè millia peditum virorum absque paruulis*, cui numero si addas non solum paruulos, & adolescentes, qui nondum vigesimum annum attingebant; ab eo enini anno, & super, solebant Hebræi suos conscribere ad militiam, & præterea milites, ac senes decrepitos, qui omnes simul solent alteram, & insuper dimidiam populi partem efficere; habebis facile decies, & quinquies illa centena millia capitum Hebræorum. Dixi Hebræorum, nihil definiendo de reliqua hominum multitudine, de qua dicitur ver. 38. *Sed & vulgus promiscuum innumerable, ascendit cum eis, oves, & armenta, & animantia diuersi generis multa nimis*. Quæ omnia vna eademque die ante lucem inchoata, de terra Ægypti egressa sunt. Maneat ergo, Hebræos profectos fuisse Luna xv. quæ proximè immolationem Agni consequuta est; hanc autem esse celebratam Luna xiv. exeunte, quod ita perspicue significat Sacra Scriptura, vt nemo dubitare posse videatur: ait enim Num. 33. *profecti quinta-decima die mensis primi altera die à phase*; quid est, *Altera die à phase*? Respondeant Interpretes Septuaginta; Ea die, sic vertunt hunc locum LXX, *ea die, qua Pascha immolationem sequebatur*. Posteriori ergo vespere Lunæ 14. immolarunt, illa enim est, quam mane diei 15. consecutum est.

XX XII.

*Egressio ex Ægypto fuerit ne noctu, an interdium.*

XXXIII.

*Multitudo Hebræorum exeuntium ex Ægypto.*

XXXIV.

*Quoto die mensis primi fuit immolatio, & liberatio Israel.*

XXXV.  
*Respondetur ad rationes dubitandi.*

XXXVI.  
*Expoliatio Ægyptiorum facta fuit ante 14. Lunam immolationis.*

XXXVII.  
*Conuentus totius populi in Ramesses.*

XXXVIII.  
*Cur in sola Pascha sit mentio Vesperæ.*

XXXIX.  
*Pascha non erat dies Festus.*

Sed ad rationes dubitandi superius allatas breuiter respondeamus. Ad primam de longiore tempore necessario interponendo inter immolationem, & profectionem ad Spoliandos Ægyptios, & conuulsandum dicimus cum S. Augustino quæst. 45. in Exod. expoliationem illam factam esse ante diem decimum-quartum; hoc iam, inquit Augustinus, factum fuerat ante mortes primogenitorum, sed nunc per recapitulationem repetitur; ac meo quidem iudicio non obscure colligitur ab enarratione ipsa Sacri Textus, in quo dicitur: *Dominus autem dedit gratiam populo coram Ægyptiis, ut commodarent eis, & spoliarent eos.* Vides causam cur Ægyptij tam facile pretiosa quæque sua commodarent, non referri ad metum, atque terrorem ob stragem primogenitorum, sed ad gratiam, quam Deus dedit populo coram Ægyptiis, quorum corda inflexit Deus ad reuerentem quemdam amorem Hebræorum, quo factum est, ut libenter sua eis commodauerint, immò obtulerint, incitantes eos, ut peterent confidenter quidquid vellent, ut ex Hebraico textu colligit Caietanus.

Ad illud autem, quod additur fieri non potuisse, ut tot hominum millia in terra Gessen dispersa nocte illa conuenirent in Ramesses Urbem.

Respondet noster Cornelius in cap. 12. Exod. vers. 42. nocte ipsa post eadem primogenitorum ad omnes Hebræos missos fuisse nuntios, ut egrederentur, quo tempore ipsi suppellestem iam paratam, & collectam conualescentes, compararent se ad exitum, ita ut sub diluculum ad Ramesses Ciuitatem omnes, vti editum erat, conuenirent, iam enim ante, ut ait Iosephus lib. 2. Antiq. cap. 5. præmonuerat eos Moses, ut essent parati ad exitum, vnde ipsi ex tota Ægypto sub diem 14. congregarunt se circa Urbem Ramesses, ibique per tumbas, & Iodaltia, à præfectis, & patribus-familias distributi, indeque signo dato statim ordinata acie profecti sunt. Habuerunt ergo (concludit Cornelius) abundè temporis, ut eadem die, qua Agnum immolarunt, & sua conuulsarent, & in Ramesses conuenirent, & inde egrederentur, ut frustra ideo nonnulli permoti sint ad ponendam Agni immolationem 13. Luna ad vesperam, siue inchoante Vespera 14. Lunæ.

Ad secundam dubitationem ortam à Festis Hebræorum celebrandis à Vespera in vesperam, responsum iam est superius Num. 10. ex Abulensi, Toletio, & Ribera, qui præterea obseruat, in aliis diebus Festis mentione Vesperæ non fieri, in Pascha autem fieri; *immolabisque cum vniuersa multitudine filiorum Israël ad vesperam*; cuius rei ratio illa est, quia totus dies 14. profectus erat, & eius tantum extremum, Sacrum erat, quia tunc Agnus immolabatur; quare Pascha non duas vespas habebat, ut Festi dies, sed eam, quæ diem decimum-quartum claudebat, vnde dicitur Levit. 23. *Ha sunt ergo Ferie Domini Sanctæ, quas celebrare debetis temporibus suis mense primo, quarta-decima die mensis ad vesperam phase Domini est, & quinta-decima die mensis huius solemnitas Azimorum Domini est.* Quo in loco obseruare licet duo valde notanda ad rem præsentem; primum est. Diem Azimorum, solemnitatem vocari, diem verò decimum-quartum non item, quia ille erat verè solemnitas, & Festus, hic verò simpliciter non erat solemnitas, nec Festus, sed tantum secundum extremam partem. Alterum notandum, est ex illo. *Quarta-decima die ad vesperam, phase Domini est*; quod perinde fuit, ac dicere tempus celebritatis, & sanctitatis

huius diei, est sola vesp̄ra, præter hanc, nihil habet ampliùs, quàm ceteri dies.

Ad tertiam, ductam ab authoritate Iosephi dicentis Hebræos Sacrificasse illucescente decimo-quarto die, dicimus illud *illucescente*, interpretandum esse quantum ad solemnitatem Paschæ spectat; tunc enim incipiebat solemnitatis, de qua ipse loquebatur. Quod autem hoc sit hoc modo intelligendum patet, quia idem Iosephus lib. 3. Antiq. cap. 10. sequentem lucem à vesp̄ra immolationis Agni 15. diem esse dixit, quod falsum esset, nisi posteriore vesp̄ra, & 14. exeunte Agnus mactaretur. Adde, quod noster Ribera ex Græco textu ostendit manifeste Iosephi Interpretem, viciôsè locum vertisse; sed quidquid sit de huius singularis loci ambiguitate, certè de Iosephi mente ex aliis clarioribus locis dubitari non potest.

Aggrediamur iam partem alteram huius quæstionis examinare, Vtrum in eadem 14. Luna mensis primi Christus Dominus Sacrosanctum Ecclesiæ Sacrificium instituerit. Celebris est Græcorum opinio, qui affirmant Christum Dominum Sacrificium hoc instituisse die 13. seu Luna 13. mensis primi, sequenti autem die post Christi mortem ad occasum Solis cœpisse tempus Paschale Iudæorum, & fermenti abjectionem, ita Euthymius in Comment. cap. 26. Matth. & post eum Nicephorus lib. 1. Histor. cap. 28.

Fundamentum præcipuum huius opinionis, quantum colligere potui ex antiquis authoribus, illud esse videtur, quod Christus Dominus sublati in Crucem fuit, non decima-quinta, sed decima-quarta Luna, seu die mensis primi; ergo, inquit, Sacrificium Ecclesiæ instituit non 14. sed 13. Luna, seu die. Consequentia ab omnibus admittitur, quia Christus Dominus Sacrificium instituit, & reliquit Ecclesiæ suæ pridie quàm in Cruce moreretur. Antecedens autem probant quoad vtramque partem; & primo quod Christus Dominus non fuit Cruci suffixus 15. die, quæ erat primus dies Festus, & sollemnis Azimorum, probare contendunt ex pluribus testimoniis ab Euangelio ipso petitis. Primo ex Matth. 26. *Dicebant autem, non in die Festo*; ergo crucifixionis dies non fuit Festus. Secundo ex Mar. 15. & Luc. 23. *Ioseph mercatus est sindonem, mulieres parauerunt aromata*. Iudæi egerunt causam criminalem, quæ sanè in die Festo licita non erant. Tertio ex Ioan. 13. *Ante diem Festum Paschæ*, ergo saltem pridie quàm inciperet dies Festus, qui incipiebat à vesp̄ra 14. Quarto ex Ioan. 18. *Ipsi non introierunt in Prætorium, ut non contaminarentur, sed ut manducarent Paschæ*; ergo non erat dies ipse Paschæ, quia nondum Pascha manducauerant. Quinto ex Ioan. 19. *Erat autem Parasceue Paschæ*, si erat Parasceue Paschæ quando Crucifixus est Christus, ergo non erat dies ipse Paschæ; his ferè locis contendunt Christum non fuisse Crucifixum 15. die, quæ erat dies Festus. Quod verò Crucifixus fuerit die 14. ex eo maximè ostendunt, quia immolatio Agni Paschalis figura insignis fuit Passionis Christi, sed Agnus immolabatur die 14. ergo, & Dominus pati, & mori debuit die 14. præuenit ergo Christus vno die tempus legitimum immolationis Agni, ut eius mors in ipsum diem legitimum Agni immolationis incideret, & sic verus Agnus eodem die, quo Typicus occideretur, & veritas suæ figuræ responderet. Ex hac Sententia ortus est error de Eucharistia conficienda non in Azimo sed in fermentato, quia dies Azimorum incipiebat à vesp̄ra 14. Lunæ, Christus autem Eucharistiam instituit 13. ante

X L.

*Iosephus rectè sensit de tempore huius immolationis.*

X L I.

*Altera pars controuersia, an Christi eadem Luna 14. celebrauerit.*

X L I I.

*Explicatur Græcorum sententia.*

X L I I I.

*Fundamentum ex Scripturis.*

X L I V.

*Error conficiendi in fermentato unde ortus.*

tempus Azimorum; nam quamvis Christus Agnum Paschalem cum Azimis manducauerit iuxta legem, tamen prima illa Cœna legali finita, rediit ad panem communem, quo in Cœna vsuali, & communi vesci ea nocte licebat, quia non erat 14. in qua incipiebat vsus Azimorum pro omni cœna, & pro omni conuiuium; nam duplex præceptum distinctum de Azimo inuenitur; vnum vt Agnus Paschalis cum azimis comedatur, & hoc præceptum seruauit Christus; alterum, vt septem totis diebus sola Azima ederentur in quacumque cœna, & conuiuium, & hoc secundum in Sententia Græcorum, non seruauit Christus, quia nondum venerat tempus, quo illud obligare inciperet; ideo in Cœna communi illius noctis reuerlus ad panem communem, hoc est fermentatum, in illo Sacrificium suum instituit. Hæc est Sententia Græcorum.

## X L V.

*Christus instituit suum Sacrificium 14. mensis, quia erat prima Azimorum.*

At nos cum S. Thoma, & communi Theologorum in 4. dist. 11. absurdissimum arbitantes Christum Dominum ante constitutum à lege diem, suum Pascha immolasse, dicimus non in 13. sed in 14. die illud celebrasse, quando secundum legem abjiciebatur fermentum ab omni cœna, propterea quod à Vespera illa 14. inchoabat dies Azimorum. Itaque in eadem 14. Luna, in qua prima Agni institutio facta est, Exod. 12. factam omnino esse affirmamus Institutionem Sacrosancti Ecclesiæ Sacrificij.

## X L V I.

*Christus Crucifixus est Luna quinta-decima*

Vt autem Aduersariorum fundamentum funditus evertamus, contrariis planè principijs inherentes argumentamur hoc modo. Christus Dominus sublatu8 in Crucem fuit non 14. sed 15. die, seu Luna mensis primi; ergo Sacrificium Ecclesiæ instituit non 13. sed 14. Luna, seu die eiusdem mensis primi. Consequenter utrinque admittitur, quia inter Aduersarios, & nos planè conuenit, diem Passionis Domini fuisse postridie quàm ipse Ecclesiæ Sacrificium institueret.

Antecedens, in quo tota vis est, probatur primo autoritate Theologorum, inter quos eorum Princeps S. Thomas 3. part. quæst. 46. art. 9. vbi quærit, Vtrum Christus fuerit conuenienti tempore passus, in responsione ad primum. Constat, inquit, *Quinta-decima* Luna Christum esse passum; super quem locum Caietanus expendens auctoritates Euangelistarum allatas à S. Thoma, sic ait. Verba illorum non possunt exponi ad litteram nisi intelligendo diem illam Veneris, in qua Christus passus est, fuisse Lunam *Quintam-decimam*; eandem Sententiam docuerat S. Thomas in 4. dist. 11. quæst. 2. art. 2. quæstiunc. 3. & lib. 4. contra Gentes cap. 69. & in 1. Opusc. quod est contra errores Græcorum, & in Euang. Ioan. cap. 13.

Secundo probatur autoritate Sanctorum Patrum. S. Ambrosius lib. 10. Epist. 83. Sequenti autem die Crucifixus est, Luna *Quinta-decima*. Venerabilis Beda in lib. de Temp. ratione cap. 45. *Quod Dominus decima-quinta Luna Crucem ascenderit nulli licet dubitare Catholico*; & ne longum faciamus, omnes Patres quotquot docent Christum occisum fuisse ipso die solemni, ac maxime Festo Iudæorum, vt sunt Tertull. lib. contra Iudæos, Orig. Homil. 23. in Num. Clemens Rom. lib. 5. Constit. cap. 14. Epiphanius hæres. 70. Cyrill. Hieros. Catech. 13. Chrysost. Homil. 86. in Matth. August. Tract. 10. in Ioan. & alij; omnes docent pariter illum passum fuisse Luna *Quinta-decima*, quia manifestum ex lege est, non nisi Lunam 15. fuisse solemnem Festum Iudæorum, hoc est primum Azimorum.

Hinc sumimus potissimam rationem ad probandum illud nostrum antecedens hoc modo. Dies, quo Crucifixus est Dominus, fuit dies Festus, & sollemnis Iudæorum; ergo non fuit decimus-quartus, sed decimus-quintus. Consequentia patet ex prænotatis, quia licet decima-quarta dicatur Pascha, nunquam tamen dicitur dies Festus Paschæ, sed dies decima-quinta dicebatur dies Festus, & sollemnis, immò sollemnitas ipsa Paschæ iuxta illud Num. 28. *Decima-quarta phase est, decima-quinta sollemnitas.* At antecedens quamvis testimoniis Patrum, quos citauimus confirmatum satis videatur, probamus illud præterea testimoniis omnium Euangelistarum, qui diem illum Festum appellant: nam Matth. 27. dicitur: *Per diem autem sollemnem.* Marci 15. *Per diem autem Festum.* Luc. 23. necesse autem habebat dimittere eis *per diem Festum, unum.* Ecce tres Euangelistæ, diem, quo Pilatus volebat Christum dimittere, qui fuit eius Passionis, appellant diem sollemnem, & Festum; & quod sermo esset de die Festo Paschali, declarat satis quartus Euangelista. Nam Ioan. 18. Pilatus ait. *Est autem consuetudo vobis, ut unum dimittam vobis in Pascha, vultis ergo dimittam vobis Regem Iudæorum?*

Confirmat hanc interpretationem non leuiter, quod eodem ipso mane, quo hæc dixit Pilatus, dixerunt ad illum Iudæi: *nobis non licet interficere quemquam,* quod, vt rectè Bellarminus lib. 4. de Euch. significat non licuisse id eis ob Festum, quod illo die agebatur, vt exponunt in suis Commentariis super Ioannem Chrysostomus Homil. 82. Cyrill. lib. 12. in Ioan. cap. 6. Aug. Tract. 114. & ex his recentiores Interpretes communiter, nam aliqui licuisse eis alio tempore blasphemos occidere; patet ex Act. 7. & 24. & quando illis ob defectum potestatis, & facultatis alio etiam tempore non licuisset, certè in præsentia casu huius defectus causam prætexere non poterant, nam potestatem fecerat illis Pilatus dicens: *Accipite eum vos, & secundum legem vestram iudicate eum;* quid autem aliud fuit hoc dicere, ait Toletus, quàm consensio, placet, facultatem concedo, vt vos pœnas legis vestra: exequamini, & condemnatis; secundum autem legem eorum mori Christum debere, ipsi falsi sunt illis verbis: *Nos legem habemus, & secundum legem nostram debet mori, quia Filium Dei fecit,* diceret igitur Pilatus; iam vobis concessi, vt secundum legem vestram iudicaretis, inepta est responsio vestra, nobis non licet interficere, idest non habemus facultatem interficiendi. Hoc argumentum, inquit Toletus, manifestè probat, non posse hæc verba de tali facultate exponi, nempe non habemus facultatem, nam Pilatus iam eis concesserat, vt secundum legem iudicarent, sicut olim facere solebant. Ea igitur, ait ipse, expositio legitima videtur, vt qua ratione non ingressi sunt Prætorium ne contaminarentur, eadem etiam sibi non licere dicant, interficere quemquam, etiam consentiente Pilato, quia scilicet Iudæis non licebat in diebus Festis Azimorum vllum interficere, quod Herodem Agrippam Iudaismi studiosissimum seruasse legimus Act. 12. Nam cum apprehenderit Petrum, noluit producere eum populo, quia dies Paschales erant; neque verò facile poterat Iudæis respondere Pilatus, si vobis non licet nunc, poteritis post Pascha secundum legem vestram illum interficere, nam huic responsioni ipsi tacitè occurrerunt, dum Christum in die sollemni ad Prætorium adduxerunt, eo facto significantes nulla interposita mora continuò eum punire oportere, & de medio

XLVII.

*Dies mortis  
Christi, fuit so-  
lemnis, & Fe-  
stus Iudæorum*

XLVIII.

*Iudæi non li-  
cuit quemquam  
interficere in  
die Feste.*



tollere, esse-que maximum, in septem dierum, quamdiu Pascha patebat, morapericulum, quod re-vera sibi persuaferant videntes Christi magnani virtutem propter quam Traditor consulerat Marc. 15. *tenete enim, & ducite causam.*

## XLIX.

*Traditio de morte Christi in quinta-decima.*

Retinenda igitur est communis Ecclesiarum Sententia, quam S. Ioan. Chrysostomus Homil. 86. in Matth. aut Apostolos docuisse, videlicet in die ipso Paschæ celeberrimo, quem primum appellabant Azimorum, atque adeo ipso quinto-decimo mensis die consummatum in Cruce Sacrificium fuisse humanæ Redemptionis. Quæ etiam antiquissima fuit Iudæorum traditio, quam refert Eugubinus in Annotationibus cap. 12. Exodi, scilicet. *Decima-quinta die mensis Nisan redimendum fore Israël in diebus Messie* neque difficilis erat illa opinio cogitantibus illa 15. die mensis Nisan Israël redemptum olim fuisse à servitute Ægypti, quæ redemptio vmbra fuit luculentissima Redemptionis Mundi, sed de hoc iterum infra.

Nunc ad testimonia ex Evangeliiis petita, quibus contendebatur probare diem Passionis, Festum non fuisse, respondeamus. Ad primum ergo Matth. 26. *dicebant autem non in die Festo, ne forte tumultus fieret in populo.* Respondet Bellarminus, fuisse illam quorundam sententiam in eo Concilio, sed non obtinuisse, prævaluit enim eorum Sententia, qui iudicarunt non esse negligendam occasionem Christum necandi quocumque tempore, quæ responsio satis mihi apta videtur esse, ex illo prædictum capite, quod cum Principes consilium agerent de modo capiendi Christum, adfuit illis Iudas, modum suggessit, ac se eum in manus illorum tuto daturum, pacto 30. argenteorum pretio, impondit. Quæ omnia non obscure significat idem Evangelista: *Tunc abiit unus de duodecim, qui dicebatur Iudas Iscariotes, ad Principes Sacerdotum, & ait illis: quid vultis mihi dare, & ego vobis eum tradam? at illi constituerunt ei triginta argenteos, & exinde querebat opportunitatem, ut eum traderet.* Obserua illud: *Tunc*, quod non solum refertur ad factum prænarratum Magdalenæ, sed etiam, & maxime ad Concilium Sacerdotum, de quibus paulo ante dixerat Evangelista: *Tunc congregati sunt Principes Sacerdotum, & Seniores populi. Tunc*, hoc est mane Feriæ quartæ Maioris hebdomadæ vti habet communis Ecclesiarum sensus, ait noster Cornelius: ob hoc enim Iudæorum Concilium, & Christi venditionem hac die factam à Iuda, veteres Christiani solebant eadem Feria quarta, siue die Mercurij ieiunare, quod testatur S. August. Epist. 86. ad Casulanum, ubi ait: Cur autem quarta, & sexta Feria maxime ieiunet Ecclesia, illa ratio reddi videtur, quod considerato Evangelio, ipsa quarta Sabbati, quam vulgo quartam Feriam vocant Concilium reperiuntur ad occidendum Dominum fecisse Iudæi, quin & Græci, addit Cornelius, Poloni, Hollandi permulti eadem de causa die Mercurij etiam-num esu carnium abstinere, eo quod illa die vendita sit caro Christi. Non est igitur mirum, si contra aliquos negantes in die Festo capiendum esse Christum, prævaluit Sententia affirmantium, vel si tunc non prævaluit, non est mirum ad prodicionem oblatam Iudæ omnes mutasse consilium; non enim ob religionem Festi, sed ob metum incerti exitus, ut ob-servat S. Hieronymus, dicebant, non in die Festo; quare metu hoc magna ex parte à Iuda liberari, oblatam mox opportunitatem avidè arripuerunt.

Ad secundum ex Marco, & Luca de Sindone empta, & aromatibus paratis

## L.

*Iudas in causa fuit ut Christus in die Festo caperetur.*

## LI.

*Ieiunium diei quo cædita fuit caro Christi.*

ad sepulturam, dicimus non illicita hæc fuisse in die Festo, ad eum modum, quo non illicita erat ipsa sepultura, ut patet ex Tobia 2. qui cum esset dies Festus, & annuntiatur ei, cadaver iacere in foro, surrexit, & sepeliuit etiam in Festo: opera enim pietatis, & charitatis, & quæ maximè differri non oportebat, non censentur prohibita, neque inter opera seruilia computantur. Huiusmodi autem erant, quæ pertinebant ad sepulturam Christi imminente, & illucescente iam Sabbato, in quo maior quies præcipiebatur, quàm in vlllo alio Festo, propterea in Sabbato, neque ignis accendi poterat, neque cibi præparari, quæ licita erant in aliis Festis, etiam in Paschate, ut patet Exod. 12. Quod si licitum erat mortuos sepelire, licitum consequenter erat etiam aromata parare, & Sindonem emere ad sepulturam; vnde Ioseph, & Nicodemus Ioan. 19. Pilato id permittente. *Acceperunt Corpus Iesu, & ligauerunt illud linteis cum aromaticis, sicut mos est Iudeis sepelire.*

LII.  
*Curare funus  
licet in die  
Festo.*

Quod autem attinet ad Iudæos, qui criminalem causam egerunt, non est multum laborandum, nam ipsi prætexentes Dei honorem, & legis defensionem non timuerunt hæc in Festo facere, immò in hoc se maxime religiosos putabant, quod hominem, ut ipsi iactabant, blasphemum, & læsæ Diuinæ Majestatis Reum accusarent, nam Exod. 22. dicitur: *Majestico non patieris vimere*, & Numer. 15. cum essent filij Israël in solitudine, & inuenissent hominem colligentem ligna in Sabbato, obtulerunt eum Moyli, & Aaron, & eodem die, quo nec cibos parare fas erat, recluserunt eum in carcerem, lapidibusque extrâ Castra obruerunt, Domino ipso iubente; immò Christum ipsum lapidare, & comprehendere aliàs voluerunt Iudæi in Festo Encaniorum, quod erat etiam solemnissimum, & in nouissimo die Tabernaculorum, ut constat ex Ioan. 7. & 10. causa enim præsumptæ Religionis vergebat. Adde, Iudæos non tulisse ipsos Sententiam mortis, sed Pilatum, neque ipsos flagellis illum accepisse, & in Crucem egisse, sed milites Romanos, quos certè Religio diei Festi non monebat.

LIII.  
*Quomodo ege-  
runt causam  
criminalem.*

Ad tertium ex Ioan. 13. *Ante diem Festum Pascha*, dicimus, hoc dictum esse in nocte 14. Lunæ, in qua iam incœperat dies legalis, atque adeo dies Festus Paschæ, sed tamen dicitur ante diem Festum Paschæ, quia loquitur Ioannes de die naturali, quo Sol oriens nouum diem à nocte secernit iuxta communem consuetudinem loquendi, etiam Sacræ Scripturæ, quæ ut diximus, lucem appellat diem, & tenebras noctem, ad quem modum, ait Bellarminus, & nos solemus in Vespera Sabbati Sancti dicere: *Cras erit Festum Paschæ*, licet etiam cœperit Festum celebrari in Officio Ecclesiastico. Vnde retorquetur Argumentum contra Aduersarios. Hoc dictum fuit, pridie Passionis, ut manifestum est ex textu ipso Ioannis; ergo dies Passionis erat dies Festus.

LIV.  
*Duplex dies,  
legalis & na-  
turalis.*

Ad quartum ex Ioan. 18. *Ipsi non introierunt in Prætorium, ut non contaminarentur, sed ut manducarent Pascha*. Respondemus ex doctrina allata superius Num. 12. Pascha vocari hoc loco, non Agnum Paschalem, qui solum 14. die ad vesperam immolabatur, sed Victimam quascumque oblatas septem illis diebus Azimorum, qui dies dicebantur Paschales; quod autem ex Paschalibus illis Victimis, comedendæ aliquæ essent à Sacerdotibus rectè ostendit Bellarminus ex Ioseph. lib. 13. Antiq. cap. 13. qui refert illud Numer. 28. de immolatione duorum Vitulorum, Arietis, & Hirci, & septem Agnorum, quæ fiebat

LV.  
*Vitima Pas-  
chales come-  
denda à Sacer-  
dotibus.*

lingulis diebus Paschæ, dicit, Vitulos, Arieten, & Agnos holocausta fuisse, sed hircum fuisse Sacrificium pro peccato, & ex eo quotidie *parari solitum epulum Sacerdotibus*. Illa igitur Victima Paschalis, ait Bellarminus, quæ comedenda à Sacerdotibus erat, est illud Pascha, de quo loquitur S. Ioan. cum ait, *ipsi*, nimirum Pontifices, *non introierunt, ut non contaminarentur, sed ut manducarent Pascha*; nam non licuisse Sacerdotibus nisi purificatis edere Sacrificia patet Leuit. 22.

LVI.  
Solum Sabbathum habebat  
Parasceue.

Ad quintum, ex Ioan. 19. *Erat autem Parasceue Pascha*. Respondeo, illud *Parasceue Pasche* non significare Parasceuem ad Pascha, sed Parasceuem in Paschate occurrentem, vel potius Parasceuem Sabbati Paschalis, & ratio est manifestata, quia apud Hebræos Parasceue non erat nisi propter Sabbathum; unde in tota Scriptura ait Toletus, nullius Festi dicitur Parasceue, nisi Sabbati, quia in solo Sabbatho non licebat præparare, quæ ad eum necessaria erant, quamobrem Feria sexta præparabantur, & idcirco sola Feria sexta Parasceue dicta est. In die autem Azimorum primo, non erat talis prohibitio, immò expressa concessio, nam Exod. 12. de solemnioribus dicitur: *nihil operis facietis in eis exceptis his, quæ ad vescendum pertinent*. Non erat igitur Parasceue ipsius Paschæ, quasi præparatorius ad Pascha, sed quia erat vnus ex diebus illis Paschæ, & simul præparatorius Sabbati; quod satis aperte significant Euangelistæ, Marcus cap. 15. *Et cum iam, inquit, sero esset factum, quia erat parasceue, quod est ante Sabbathum venit Ioseph, &c.* non dicit Parasceue ante Pascha, sed ante Sabbathum, & Ioan. 19. *propter Parasceuem*, inquit, *Iudeorum, ut remanerent in Cruce corpora Sabbatho, erat enim magnus dies ille Sabbati*: vbi vides ait Bellarminus parasceuem fuisse non ad Pascha, sed ad Sabbathum, quod illo anno celebrius erat, & magnum dicebatur, quia incidebat intra hebdomadam Paschalem, quæ tota solemnis erat, licet primus, & vltimus dies solemniores essent.

LVII.  
Cur dictum  
Parasceue Pascha.

His expeditis reliquum esset respondere ad argumentum illud, quo inferebatur, Passionem Christi peractam fuisse 14. die, quia Agnus Paschalis, qui figura patientis Christi, immolabatur 14. die: sed ad hoc opportunius respondimus sub finem huius quæstionis.

LVIII.

### *An Institutio vtriusque Sacrificij incidit in Feriam quintam.*

SCITUM est illud dictum Augustini in lib. quæst. Veteris, & noui Testamenti. Omnia propriis locis, & temporibus gessit Saluator, nimirum, ut ait S. Thomas 3. par. quæst. 46. art. 9. eius voluntas regebatur Diuina Sapientia, quæ omnia conuenienter, & suauiter disponit, ut dicitur Sap. 7. Atque id quidem sibi in aliis rebus aduertere licet, certè in circumstantiis Institutionis huius Sacrificij est planè stupendum. Vidimus in eodem mense primo, vidimus non solum in eodem mense, sed etiam in eadem 14. Luna, seu die eiusdem mensis institutum fuisse Sacrificium Agni, & Sacrificium Christi. Verum quia fieri poterat,

poterat, vt quo anno Christus suum instituit Sacrificium, dies 14. incideret in Feriam diuersam ab ea, in qua ante annos 1496. fuit institutum Sacrificium Agni; ideo quærimus hoc loco, an vtraque immolatio in eandem Feriam inciderit, puta in Feriam quintam. Dicimus autem vtramque in quintam, hoc est in diem Iouis incidisse.

Et primo, vt hic à notioribus exordiamur, quod Christus Dominus Sacrosanctum Ecclesiæ Sacrificium instituerit FERIA quinta, id non solum ex Ecclesiæ traditione, sed ex Euangelistis ipsis probamus hoc argumento. Christus Dominus passus est FERIA sexta, siue die Veneris, ergo suum Sacrificium instituit FERIA quinta seu die Iouis. Probatur Antecedens apertissime ex Euangelistis, qui disertissime dicunt, diem Passionis, & mortis Christi fuisse Parasceuem, nam Mathæus 27. agens de die consequente ad Passionem Christi, ait: *Altera autem die, qua est post Parasceuem.* Marcus 15. & cum iam sero factum esset, quia *Parasceue erat*, quod est ante Sabbatum, venit Ioseph. Lucas 23. *dies erat Parasceues, & Sabbatum illucescebat.* Ioan. 19. Iudæi ergo, quoniam *Parasceue erat*, vt non remanerent in Cruce corpora Sabbato. Ex his locis huiusmodi conficitur argumentum. Inter omnes hebdomadæ dies, solus dies Veneris erat dies Parasceues, siue præparatorius, vt constat ex dictis Num. 56. eo quod in solo Sabbato non licebat præparare, quæ ad esum necessaria erant; ergo si Christus passus est in die Parasceues, passus est in die Veneris.

Quod verò ex hoc sequitur Eucharistiæ Institutionem celebratam esse die Iouis, manifestum est ex Apostolo 1. ad Corinth. 11. vbi expressè ait factam: *In qua nocte tradebatur*, seu quod idem est: *pridie quam pateretur*, vt habemus in Sacro Canone, quem *ab omni errore purum* definiuit Tridentinum Sess. 22. cap. 4.

Hinc S. Syluester, vt constat ex eius Actis, agens de FERIA quinta: *In hac etiam, inquit, die Sacrificium Sacri Corporis Domini, & Sanguinis ab ipso Domino sumpsit exordium.* S. Ambrosius Epist. 86. & *celebravit Pascha hebdomada, in qua fuit 14. Luna, FERIA quinta.* S. Augustinus Epist. 86. prope finem, ait, Christum suum Pascha cum discipulis manducasse in vespere, quæ, inquit, *finis est eius diei, quam vocamus quintam Sabbati, deinde traditus est ea nocte, qua iam ad sextam Sabbati, qui dies Passionis eius manifestus est, pertinebat.*

Iam vero, vt ad alteram controuersie partem descendamus ostendemus argumento consimili, primam Paschalis Agni immolationem celebratam esse quinta Sabbati, eo quem vocamus diem Iouis, sic igitur argumentamur. Dies egressus Hebræorum ex Ægypto fuit dies Veneris, ergo dies primæ immolationis Agni, fuit dies Iouis. Consequentia ex disputatis quæstionculis præcedente est manifesta, quia dies egressus ex Ægypto fuit 15. Luna mensis primi, dies autem immolationis Agni fuit 14. Luna eiusdem mensis, puta dies immediatè, & proximè antecedens egressum, seu potius nox ipsa egressus. Tota difficultas est in probando antecedente; illud autem probamus hoc modo. Dies trigessimus primus ab egressu Hebræorum ex Ægypto, fuit dies Solis, qui postea propter Domini Resurrectionem appellatus est dies Dominicus, qui dicebatur Hebræis vna, seu prima Sabbati, dies, inquam 31. ab egressu fuit dies Dominicus; ergo

LIX.

*Christus Crucifixus fuit die Veneris.*

LX.

*Eucharistia instituta FERIA quinta pridie Passionis.*

LXI.

*Altera pars controuersie.*

LXII.

*Dies liberationis ab Ægypto fuit diem Veneris.*

dies ipse egressus ex Ægypto fuit dies Veneris, seu sexta Sabbati. Consequentia patet retrò ascendenti, & computanti. Antecedens probatur. Dies trigessimus-primus ab egressu fuit ille, quo cœpit pluere Manna in Deserto, ergo dies trigessimus-primus ab egressu fuit dies Dominicus. Consequentia hæc nititur testimoniis veterum Patrum, Ambrosij in 1. Cor. 10. Augustini Serm. 251. de Tempore, Synodi Cæsariensis Palestinæ, quam congregavit Theophilus Episcopus ex mandato Victoris Papæ, cuius meminit Beda in Epist. de celebratione Paschatis, seu de Æquinoctio verno, & aliorum, qui docent diem, quo primum pluit Manna in Deserto, fuisse Dominicum, siue primum diem hebdomadæ; vnde Exod. 16. ver. 5. dixit: *Die autem sexto parent quod inferant*: super quem locum noster Cornelius, hinc colligit, inquit, Patres diem, quo cœpit pluere Manna, fuisse Dominicum: ab hac enim die, sexta est Parasceue, siue dies Veneris, in qua iubentur Hebræi parare, & colligere duplum in quietem Sabbati. Dies igitur, quo primum pluit Manna fuit Dominicus; quare omnes Sacri Doctores quotquot colligunt præconia, & insignia diei Dominici, in primis hoc numerant, quod eo die primum de Cælo pluit Manna in Deserto.

LXIII.  
Manna cœpit  
pluere die Do-  
minico.

LXIV.  
Die 31. ab  
egressu ex Æ-  
gypto.

Quod verò Manna cœperit pluere die trigésimo-primo (hoc enim erat proximum antecedens) probó ex eodem cap. 16. Exodi, ubi dicitur: filios Israël peruenisse in Desertum Sin, pridie quàm inciperet Manna pluere. *Quinto-decimo die mensis secundi, postquam egressi sunt de terra Ægypti*, puta trigésimo die ab egressu: egressi enim sunt decimo-quinto die mensis primi; decimo verò quinto die mensis secundi venerunt in Sin. Pro quo notant Interpretes, Hebræos vfos fuisse mensibus Lunaribus, qui constant 29. diebus, & 12. insuper horis, quæ 12. horæ in alternis mensibus junguntur, vt integer dies confletur; quare si primo mensi dantur 29. dies, sequenti dantur 30. Iam si primus mensis Nisan habebat 29. dies; ergo à 15. die ad 29. & vltimum sunt 15. dies; his adde dies 15. mensis secundi, & præcisè peruenies ad diem tricésimum, quo Hebræi perueniunt in Sin pridie illius diei, quo cœpit pluere Manna, vt patet ex versu 8. & 12. eiusdem capituli 16.

Cum ergo probatum sit, diem, quo Hebræi egressi sunt de Ægypto fuisse diem Veneris, quod affirmant etiam Seder-Olan cap. 5. Genebrardus ibidem, Eugubinus, Andreas Masius, & ex nostris Cornelius à Lapide, & Iacobus Tirinus sequuti Chronographos; apertè sequitur, quod hoc loco nobis propositum erat, Hebræos primum hoc suum Sacrificium typicum obtulisse pridie quam egrederentur puta die Iouis, perinde ac Christus suum Sacrificium Eucharisticum die Iouis pridie quàm pateretur celebrauit. Atque hac ratione mirandum in modum eadem nocte, quod ait S. Cyprianus Sermone de Cæna Domini. *Cæna disposita inter Sacramentalis epulus, obuiauerunt sibi instituta antiqua, & noua.*



*An utriusque Sacrificij celebratio facta sit eadem  
hora vespertina.* LXV.

QVO D utriusque Sacrificij institutio celebrata sit tempore vespertino, notius ex Diuinis Litteris est, quam ut pluribus oporteat comprobare; nam & de Sacrificio Paschalis Agni lata est lex Exod. 12. *Immolabitque enim uniuersa multitudo filiorum Israël ad vesperam.* De Sacrificio vero Christi expressè scriptum Apostolus 1. Cor. 11. *In qua nocte tradebatur;* sed difficultas est de hora præsca celebrationis utriusque Mysterij, ea autem oritur cum ex verbis legis, cum ex ipsa rei natura. Et quidem ex verbis legis, quia pro ad vesperam, in Hebræo est *Ben Arbaum*, idest *inter duas vespertas*, vnde orta lis est inter Interpretes, quid nam intelligendum sit per has duas vespertas. Ex natura vero rei oritur quoque difficultas: quia cum Agni mysterium includat duo, immolationem scilicet, & comestionem, necessario distinguendum erat tempus immolationis à tempore comestionis, quia quo tempore Agnus immolabatur, comedi profectò non poterat, cum debuisset antea iuxta legis præscriptum, & ritum præparari.

Statuamus igitur primo legitimam horam utriusque partis Sacrificij Paschalis; inde enim facile erit nobis ad horam nostri Sacrificij deuenire. Et primo certum est, vesperam, si propriè sumatur, esse tempus illud dici, quod est post occasum Solis, & ante principium noctis. Infero proprietatem huius significationis ab usu ipso Scripturæ. Nam cum Levit. 23. ver. 32. præcipitur: *à vespera usque ad vesperam celebrabitis Sabbata vestra*; sensus est, ab vno Solis occasu, usque ad alterum Solis occasum, cum scilicet apparere incipit Stella, quæ vesper, vesperugo, & hesperus dicitur: ab hac enim Stella tempus hoc vespere nomen accepit, ut ait Isidor. lib. 5. Etymol. cap. 3. Ideo Iudæi tam solliciti erant, ut ante Solis occasum, crucifixorum corpora tollerentur, reddit rationem Evangelista Ioannes 19. *Quoniam Parasceue erat, ut non remaneret in Cruce corpora Sabbato*, quia scilicet à Solis occasu incipiebat Sabbati solemnitas; vnde si depositio differretur, toto Sabbato corpora mansura fuissent contra præceptum legis, non enim in Sabbato deponi poterant corpora, quod opus inter seruilia recensebatur.

Verum præter hanc vesperam rigorosè acceptam, quæ incipiebat in ipso Solis occasu, vulgaris, & communis usus, alteram veluti laxiorem inuexit, quæ scilicet esset, cum Sol ad occasum ipsum declinaret, ac vergeret; hinc factus est locus tempori vespertino, inter duas scilicet vespertas intercepto, de quo dictum est: *Immolabitque eum uniuersa multitudo filiorum Israël inter duas vespertas*, seu ut Chaldaæ vertit, *inter duos Soles*, scilicet inter Solem declinantem, & occidentem; quod etiam Latina Ecclesia seruat, ait Toletus, nam tempus horarum post Nonam vocat Vesperæ, & ab eo nuncupat horas vespertinas, tempus etiam Completorii appellat vesperem, largire, inquit, clarum vespere.

H ij

LXVI.  
*Vespera quid  
proprie.*

LXVII.  
*Quid est inter  
duas Vespertas.*

LXVIII.  
Tempus immo-  
lationis & Co-  
tempus esu  
Agni.

Ex his cognoscere licet legitimum tempus occisionis, & immolationis Agni, & tempus item legitimum eius comestionis. Tempus immolationis duas teret horas continebat ante Solis occasum, vnde Iosephus lib. 16. Antiq. cap. 10. docuit, Iudæos immolare solere Paschales holbas ab hora nona vsque ad vndecimam, tempus vero comestionis duas itidem horas continebat post Solis occasum, vt sumitur ex eodem Iosepho lib. 7. de Bello Iudaico cap. 17. Quare sicut immolatio Agni incipere poterat ab initio primæ vespere post horam nonam, ita eius comestio poterat inchoari ab initio secundæ vespere post occasum Solis. Hoc totum confirmari potest ex ipso cap. 12. Exodi; quamvis primore aspectu oppositum præferre videatur; nam ibi cum agitur de Agni immolatione, dicitur: immolabitque eum vniuersa multitudo filiorum Israël ad vespeream; cum verò agitur de eiusdem esu dicitur: *quarta-decima die ad vespeream comedetis Azimam*, vbi aduertit Toletus in cap. 13. Ioan. annot. 4. quod quamvis in eodem loco Latine, & Græcè sit eadem vox, ad vespeream, tamen, apud Hebræos est varia; nam Agnus immolandus dicitur ad vespeream, hoc est inter duas vespereas, vt suprà diximus; est enim ibi nomen duale, vt comedendus dicitur ad vespeream absolute, & in singulari, & non inter duas vespereas, incipiente videlicet nocturno tempore, vnde expressè ibi dicitur: *edent carnes nocte illa*, & probatur adhuc vltius efficaciter, quia verè Agnus immolabatur in 14. Lunæ, quæ finem habet ad Solis occasum; at verò non comedeatur nisi ingrediente 15. quæ non ingrediebatur nisi post Solis occasum decimæ-quartæ, & ratio est apertissima, quia in tantum Agnus comedeatur cum Azimis, in quantum tempus comestionis illius erat intra diem primam legalem Azimorum, quæ vt sæpius dictum est, inchoabat post Solis occasum decimæ-quartæ, vbi fiebat initium decimæ-quintæ Lunæ: ergo tempus legitimum occisionis, & præparationis Agni erat adhuc diurnum, illius verò Cœnæ planè nocturnum, propterea præcipitur nocte comedendus, at immolandus inter duas vespereas modo explicato.

LXIX.  
Christus non  
interfuit iug-  
lationi Agni.

Ex his collige primo, Christum Dominum Agni immolationi non interfuisse, sed tantùm illius Cœnæ. Ratio est, quia Christus Dominus non ascendit in Cœnaculum ante vespeream, vt significat Euangelista Marc. 14. *Vespere autem facto venit cum duodecim*, igitur post Agnum occisum venit, & præparatum; neque obstat, quod Agnum Paterfamilias immolabat, vnde videtur consequens, vt existimauit Sebastianus Barradas tom. 4. lib. 1. cap. 16. quod Christus, qui illius Apostolicæ familiz Pater erat, deberet ipse Agnum immolare; nam officium immolandi, seu iugulandi poterat Paterfamilias aliis de eadem familia demandare, tanquam suis Ministris, quod Christum Dominum præstitisse aperte enarrat Luc. 22. *Venit autem dies Azimorum, in qua necesse erat occidi Pascha, & misit Petrum, & Ioannem dicens, euntes parate nobis Pascha, vt manducemus*. Vide Petrum tanquam suæ familiz Vicarium, missum ad immolandum: Quid enim est, *parate nobis Pascha*, vt *manducemus*, nisi legalem Agnum iuxta Paschalem ritum conficite ad manducandum; neque mirum est munus immolandi delegari à Patrefamilias consuevisse, seruaro sibi interuentu ad eius Cœnam, nam vt rectè ait Cornelius à Lapide in Matth. 26. Sacrificium Agni Paschalis magis in eius comestione, quàm immolatione consistebat, vnde Discipuli aiunt: *vbi vis paremus tibi comedere Pascha*; immò Christus ipse, non ait:

parate nobis Pascha, ut immolemus, sed, *ut manducemus*; hinc, inquit Cornelius, mactari, immolari, exorari, & assari poterat à quopiam è familia, quem Paterfamilias designasset, uti Petrus, & Ioannes hic nulli à Christo Agnum mactarunt, immolarunt, assarunt, pararuntque panes Azimos, cum quibus comedendus à tota familia erat. Atque in hunc fortasse sensum dixit Philo, iubente lege tota gens sacrificat, quisque se gerit pro Sacerdote in quantum scilicet cui libet de familia, Sacrum hoc ministerium, per vnum illum diem, demandari poterat.

Collige secundo, Christum Dominum, & si non interfuit immolationi Agni, tamen hora legitima, eius oblationi, & consummationi adfuisse, quod exprimere voluit Luc. 22. *Et cum facta esset hora*, discubuit, & duodecim Apostoli cum eo. Dico non solum illius Sacrificij consummationi, quæ in manducatione maxime consistebat, sed etiam oblationi interfuisse, immò illam per se effecisse, ut enim pie notat noster Cornelius, Christus veniens domum, vidensque Agnum iuxta morem assari, & in eo quasi in viva sui imagine intuitus suam Crucifixionem, in qua ipse simili modo distendendus, clavis affigendus, & igne, tum doloris, tum magis amoris postero die assandus erat in Cruce, in Agno illo, tanquam in sui Typo se ipsum magno intimi ardoris sensu Deo Patri obtulit in holocaustum, & victimam pro peccatis totius Mundi; quod ideo dixit, quia B. Iustinus in Dialogo cum Triphone refert, Agnum Paschalem in figuram Crucis locum esse assari, affixum duobus lignis, recto, & transverso in modum Crucis expansis, nam veru vnum, ait B. Iustinus ab infimis partibus ad caput usque adactum perfigitur; & aliud rursus secundum scapulas, *ad quod suspenduntur manus Agni*, quem locum referens Franciscus Lucas: nescio, inquit, quid vulnere perpetuo gerant Agni in mediis pedum velis, non absimili modo, quo Saluator noster ex Cruce reservat in manibus, & pedibus fixuras clavorum. Itaque quoad oblationem Sacrificalem pertinet, præcedentem Sacrificij cuiuscumque consummationem, certissimum mihi est, illam à Christo, qui Pater suæ erat familiæ Apostolorum, præstitam esse.

Collige tertio, Institutionem Sacrosancti Ecclesiæ Sacrificij factam esse inter fines legitimi temporis Cœnæ, seu consummationis Sacrificij Agni Paschalis, videlicet, sub horam noctis primam, vel secundam, id patet ex tota serie gestorum Christi in illa nocte, quæ nullo modo permittit, ut Sacrosancti Sacrificij institutio producta sit ultra alteram noctis horam, nam post illud institutum, Christus prolixum valde habuit Sermonem, quem Ioannes recenset quatuor ipsis capitibus 14. 15. 16. 17. eo autem absoluto, exiit in Montem Oliuarum, ubi oravit etiam prolixè, necdum media nox erat, antequam comprehensio sequuta est, ut communis fert opinio, & gesta ipsa in eius noctis reliquo ab Evangelistis enarrata demonstrant. Hinc Patres tanquam vnius eiusdemque temporis rem utramque celebrationem conjunxerunt. S. Hieronymus in cap. 26. Matth. Postquam, inquit, typicum Pascha fuerat impletum, & Agni carnes cum Apostolis comederat, assumit panem, qui confortat cor hominis, & ad verum Paschæ transgreditur Sacramentum. S. Chrysostomus Homil. 83. in Matth. Veritatem figuræ adiunxit. S. Leo Serm. 7. de Pass. Vetus Testamentum consumebat, & nouum Pascha condebat; denique Tridentinum Sess. 22. cap. 1. Celebrato veteri

LXXI.  
*Adfuit, & præstitit oblationem.*

LXXII.  
*Agnum assabant Crucifixum.*

LXXIII.  
*Christum instituit suum Sacrificium ad horam Agni.*

Pascha, quod in memoriam exitus de Ægypto multitudo filiorum Israël immolabat, nouum instituit Pascha, se ipsum ab Ecclesia per Sacerdotes sub signis visibilibus immolandum in memoriam transitus sui ex hoc Mundo ad Patrem, &c.

LXXIV.  
Tota Christi  
Passio intra  
diem legalem  
Agni.

Collige quarto, Christi Passionem inchoatam, immò consummatam etiam fuisse intra eandem diem legalem, in qua consummatum fuit Sacrificium Agni, idque iuxta figuram Exod. 12. de die legali, quæ sumebat initium à Sacrificiali Agni consummatione, & de qua dictum fuerat: *Dies prima erit sancta, atque sollemnis, & obseruabitis Azima, statim subditur: In eadem enim ipsa die educam exercitum vestrum de terra Ægypti.* Dixi intra eandem legalem diem vtrumque Sacrificium consummatum fuisse, quia Sacrificium Agni expletum fuit 15. Luna inchoante, post Solis occasum, Sacrificium verò Christi consummatum fuit eadem 15. Luna exeunte post horam Nonam ante Solis occasum, vbi obseruare licet, quod sicut liberatio, & egressio Populi Israël de Ægypto inchoata est in nocte, & consummata in luce *quinta-decima die mensis primi, altera die phase videntibus cunctis Ægyptiis* vt dicitur Num. 33. ita Sacrificium cruentum Passionis, & mortis Christi, licet consummatum fuerit luce palam, & in meridie, *videntibus cunctis*, inchoatum tamen fuit in nocte ipsa, quod adnotasse videtur Venerabilis Beda tom. 2. cap. 23. in Marcum. Licet, inquit, Christus, qui est Pascha nostrum sit crucifixus sequenti die hoc est *quinta-decima* Luna, attamen nocte, qua Agnus immolabatur, à Iudæis tentus, ac ligatus, *ipsius* immolationis hoc est *passionis* sua *sacrauit* exordium.

LXXV.  
Respondetur  
ad rationem  
Græcorum.

Vnde patet ad argumentum Græcorum in hunc postremum locum reiectum; ex illo enim hoc tantum conficiebatur; quod sicut Agni Sacrificium figura fuit Passionis Domini, ita debuit eodem die passio peragi, quo Sacrificium illud consummatum fuit; at ita omnino factum est, nam vespere illa Cænæ diei 14. post Solis occasum ad diem sequentem pertinebat, vt dies ille festius erat, merito autem addit Toletus; Christus Dominus tempus figuræ protraxit, significans figuram finem habituram, veritatem autem supra figuram ipsam permansuram, & duraturam, nouamque legem venturam, nempe Euangelium, cuius Festum, & Agnus immolabatur non in die Iudaico, sed nouo, vt ergo impleteret illud, inæcepit tunc suam Passionem, sed non consummauit propter hanc noui mysterij significationem.

Sed ad hoc argumentum iterum infra, vbi probabimus Sacrificium Agni fuisse principaliter figuram Sacrificij incruenti Ecclesie, Passionis verò minus principaliter, vt mirandum non sit, si Institutio Sacrificij nostri peracta sit eodem die, & eadem hora, qua Agnus secundum legem in Dei honorem consummabatur, Christi autem Passio eodem die, licet non eadem hora peracta fuit.



# QVÆSTIO SEPTIMA.

## *De reliquis circumstantiis huius Institutionis.*

- I. *An Agnus Paschalis fuerit principaliter figura Eucharistiæ.*
- II. *Agnus Paschalis fuit verum Sacrificium.*
- III. *Figura Agni magis pertinet ad Eucharistiam, quam ad Crucem.*
- IV. *Eadem hora Agni, & Eucharistiæ.*
- V. *Crucifixio paulo ante Meridiem.*
- VI. *Duplex hora communis & sacra.*
- VII. *Hebreis hora sacra erant quatuor.*
- VIII. *Quibus horis usi sunt Euangelistæ.*
- IX. *An dies Hebræis esset divisus in quatuor tantum partes.*
- X. *Hora diei Hebræis erant duodecim.*
- XI. *Vigilia noctis quatuor, at hora duodecim.*
- XII. *Hora Sacrorum, ut hora Castorum.*
- XIII. *Christi Crucifixio nullomodo coincidit cum celebratione Agni.*
- XIV. *Tempus inter duas Vesperas.*
- XV. *Crucifixio cum tribus verbis ante horam sextam.*
- XVI. *De circumstantia loci.*
- XVII. *In domibus Agni fuerunt omnes, & soli de populo Dei.*
- XVIII. *Agnus Paschalis Sacrificium domus.*
- XIX. *Semper immolatus intrâ Portam.*
- XX. *Christus in Cruce oblatu extrâ Portam.*
- XXI. *Christus in Eucharistia immolatus intrâ Portam.*
- XXII. *Cur alterum Christi Sacrificium intrâ domum, alterum etiam extra Civitatem.*
- XXIII. *Olim Christus Pascha nostrum immolabatur per domos.*
- XXIV. *Christus unus, & omnis Agnus.*
- XXV. *De Circumstantia personarum.*
- XXVI. *Circumcisus tantum licebat edere ex Agno.*
- XXVII. *Causa talis legis.*
- XXVIII. *Agnus Paschalis verum Sacramentum Iudeorum, & figura Eucharistiæ.*
- XXIX. *Circumcisio fuit figura Baptismi.*
- XXX. *Agnus ut à circumcisus edebatur figura fuit Christi ut in Eucharistia.*
- XXXI. *Pascha nostrum est Christus immolatus in Eucharistia.*
- XXXII. *Soli Mundi poterant comedere Agnum.*
- XXXIII. *Diei 14. pro celebrando Paschate immutabilis.*



- XXXIV. *Mundities figurata ad sumendam Eucharistiam.*  
 XXXV. *De Circumstantia Introductionis Victimæ.*  
 XXXVI. *An præceptum de Agno introducendo die 10. fuerit perpetuum.*  
 XXXVII. *Omnes Ritus fuerunt perpetui.*  
 XXXVIII. *Causa literalis, cur Agnus quatrinduo servabatur ante immolationem.*  
 XXXIX. *Ratio Mystica.*  
 XL. *Christus ut Agnus immolandus ingressus est die legitima.*  
 XLI. *Agnorum Paschalium multitudo.*  
 XLII. *An Apostoli Agnum legalem suo die introductum immolauerint.*  
 XLIII. *Christus ingressus est Hierosolimam die decima mensis Nisan.*  
 XLIV. *Probatur Eucharistia esse verum Sacrificium.*  
 XLV. *Agnus Paschalis figuravit principaliter Eucharistiam.*  
 XLVI. *Insignis confirmatio ex Ruperto.*  
 XLVII. *De Circumstantia finis.*  
 XLVIII. *Agnus Paschalis fuit Sacrificium ex sua Institutione commemorative.*  
 XLIX. *Figura principalior Eucharistiæ, quæ est Sacrificium memoria.*  
 L. *Agnus Paschalis figuravit etiam Sacrificium Crucis, sed minus immediate, & principaliter.*  
 LI. *Colligitur ex dictis, Argumentum pro institutione nostri Sacrificij.*  
 LII. *Respondetur ad fundamentum Adversariorum.*  
 LIII. *Omnia antiqua Sacrificia cruenta figurarunt nostrum incruentum.*  
 LIV. *Ejus Agni Eucharistici, est esus immolati.*  
 LV. *Et non immolati tantum in Cruce.*  
 LVI. *Cur plures figure Sacrificij incruenti debuerint esse cruenta.*  
 LVII. *Sacrificia antiquæ Religionis omnia, principalius figurarunt Eucharistiam, quàm Crucem.*  
 LVIII. *Sacrificium Ecclesiæ fuit Veterum impletivum Inre successionis.*  
 LIX. *Sacrificium Crucis non fuit successionis.*  
 LX. *Agnus Typicus transiit in Agnum Eucharistia.*



DISSERTIMVS pauld fusius de circumstantiis temporis, nunc in eadem comparatione vtriusque Sacrificij, tum Agni, tum Crucis persistentes, quæ reliqua sunt brevius perstringemus. Erit autem perutilis hæc disputatio, quia ex illa validum sumetur argumentum contra Kemnitium, aliosque Hæreticos, qui libenter adhæserunt opinioni Græcorum, affirmantium, immolationem Agni Paschalis figuram fuisse non Eucharistici Sacrificij, sed Sacrificij Crucis, quanquam longè diverso animo Græci, & Hæretici id fecerunt; nam Græci in illam partem inclinarunt ad tuendam illam suam sententiam de celebratione Eucharistiæ in fermentato. Sic enim arguant. Immolatio Agni Paschalis figura fuit Sacrificij Crucis; sed Agnus immolabatur die 14. ergo & Dominus debuit Crucifigi die 14. ergo Eucharisticam Cœnam instituit die 13. in qua non dum cœperat tempus, & vsus necessarius Azimorum.

I.

An Agnus Paschalis fuerit principaliter figura Eucharistia.

charistici Sacrificij, sed Sacrificij Crucis, quanquam longè diverso animo Græci, & Hæretici id fecerunt; nam Græci in illam partem inclinarunt ad tuendam illam suam sententiam de celebratione Eucharistiæ in fermentato. Sic enim arguant. Immolatio Agni Paschalis figura fuit Sacrificij Crucis; sed Agnus immolabatur die 14. ergo & Dominus debuit Crucifigi die 14. ergo Eucharisticam Cœnam instituit die 13. in qua non dum cœperat tempus, & vsus necessarius Azimorum.

Azimorum. Hæretici verò idem assumptum arripiunt, sed alio intendentes, videlicet ad euertendum Sacrificium Ecclesiæ, quod fatentibus ipsis probaretur egregiè ab institutione Agni Paschalis, si figura illa ad Eucharistiam pertineret; neque enim negare possunt celebrationem Agni Paschalis Sacrificium propriè dictum fuisse, id enim euincunt voces, Victimæ, oblationis, Sacrificij, immolationis, & huiusmodi, quæ cum in Scripturis absolute dicuntur, verum, ac propriè dictum Sacrificium significant; constat autem voces has in Scriptura, tum veteris, tum noui Testamenti, absolute attribui celebrationi Agni Paschalis. Nam Exod. 12. dicitur: *Vltima transiit Domini est*; & Num. 9. Si quis mundus est, & non fecit *phase* exterminabitur anima illa de populis suis, quia *Sacrificium Domino non obtulit* tempore suo. Similiter in nouo Testamento, Marc. 14. Et primo die Azimorum quando *Pascha immolabant*. Et 1. Cor. 5. *Pascha nostrum immolatus est Christus*, vbi præsupponitur Paschæ immolationem fuisse Sacrificium. Quia ergo Hæretici negare non possunt celebrationem Agni, verum Sacrificium fuisse, idcirco contendunt illam figuram non pertinere ad Eucharistiam, illo potissimum argumento, quia non respondet figura figurato, cum immolatio Agni Paschalis cruenta fuerit, Eucharistia sit incruenta.

Contra hos nos ostendemus figuram Agni Paschalis principaliter, & immediatè pertinere ad Eucharistiam, minus verò principaliter, & quasi mediatè spectare ad Passionem Domini, idque præstabis perspicuè, & efficaciter asserendo in medium circumstantias vtriusque celebrationis.

II.

*Agni Paschalis suis verum Sacrificium.*

III.

*Figura Agni magis pertinet ad Eucharistiam, quam ad Crucem.*

## De Circumstantia Horæ.

EX dictis quæstione præcedenti planè constat, Sacrificalem Agni manducationem fuisse nocturnam iuxta id, quod præcipitur Exod. 12. *Et edent carnes nocte illa assus igni*. Hinc incipit apparere celebrationem Agni magis pertinere ad celebrationem Eucharistiæ, quam ad immolationem Crucis: Deus enim, qui tempus temporis, & horam horæ tam aptè coniungit, non coniunct immolationem Crucis celebrationi Agni Paschalis, subiunxit autem illi continuo celebrationem Eucharistiæ, quo ostenderet hanc nouam illius veteris esse impletium, quod communiter Patres obseruant. Hinc dixit S. Leo Serm. de Passione, vt vmbræ cederent corpori, & cessarent imagines sub præsentia veritatis, antiqua obseruantia nouo tollitur Sacramento, hostia in hostiam transit, sanguinem sanguis excludit, & legalis festiuitas, dum mutatur, impletur. Vides vt celebrationem Agni appellat vmbram, & imaginem, Eucharistiæ verò illius vmbræ corpus, & illius imaginis veritatem; ideo autem tempus vnius, successisse, ait, temporis alterius, vt hostiæ in hostiam transitus appareret.

Fuit itaque institutio veritatis, vt institutio sui typi planè nocturna & omnino, vt ait Apostolus: *in qua nocte tradebatur*, at immolatio Crucis facta est in Meridie; immò paulò ante Meridiem, ideo dixit Euangel. Marc. 15. *Erant ante horam tertiā, & crucifixerunt eum*. Vocat Euangelista horam Crucifixionis, horam tertiam, non quidem diei, sic enim facta fuisset Crucifixio tres ferme

IV.

*Eadem hora Agni & Eucharistiæ.*

V.

*Crucifixio paulò ante Meridiem.*

V I.  
*Duplex hora,  
 communis &  
 sacra.*

horas ante Meridiem, sed horam tertiam Orationis, & templi, quæ durabat vsque ad sextam diei. Nam, quod est maximè aduertendum ad intelligentiam sacre Scripturæ, apud Hebræos non solum distinctio erat inter annum communem, & Sacrum, quorum fecimus mentionem quæstione præcedenti, verum etiam inter horam communem, & Sacram. Ac hora quidem communis dicebatur *Hora diei*, vt Aët. 2. *Cum sit hora diei tertia*, nimirum ab ortu Solis, ab illo enim vsque ad occasum numerabant Iudæi diem, quem duodecim horis diuidebant iuxta illud Ioan. 11. *Nonne duodecim sunt hore diei*. Sic etiam Aët. 10. *Vidit quasi hora diei nona Angelum*. At verò hora Sacra ad distinctionem horæ diei dicebatur hora Orationis iuxta exercitium Sacrorum in Templo; sic Aët. 3. habemus: *Petrus autem, & Ioannes ascenderunt in templum ad horam orationis nonam*. Et Aët. 10. *Ascendit Petrus vt oraret circa horam sextam*. Hoc autem erat discrimen inter horam diei, seu communem, & horam orationis, & exercitij Sacrorum in Templo, quod horæ diei erant duodecim quemadmodum etiam & noctis, & singulæ suum nomen à numero accipiebant; at verò horæ Orationis quatuor tantum erant, singulæque tres diei horas continebant, durabantque singulæ vsque ad principium sequentis; hinc horæ Sacræ erant, *Prima* ab ortu Solis, quæ durabat vsque ad tertiam diei. *Tertia* quæ pertingebat ad sextam panter diei, seu Meridiem. *Sexta* quæ producebatur vsque ad Nonam diei; denique *Nona* vsque ad occasum, & hinc in diei. Porro Euangelistæ, vt rectè Toletus in cap. 19. Ioan. annot. 8. mortem Domini describentes, tanquam Sacram rem, & Mysterium diuinum, horis templo deputatis descriperunt, quæ etiam illo tempore erant receptæ apud omnes Christianos, vt hodieque Ecclesia illas retinet, horis autem Iudæorum, nempe quibus dies in duodecim partes, & in totidem nox diuidebatur non omnes utebantur, quare Marcus, quod erat communius sequutus, dixit: *erat autem hora tertia, & crucifixerunt eum*, quia hora paulo ante sextam est adhuc tertia iuxta templi computationem.

V II.  
*Hebræi hora  
 sacra erant  
 quatuor.*

V III.  
*Quibus horis  
 visi sunt Euan-  
 geliste.*

I X.  
*An dies He-  
 bræi esset diui-  
 sus in quatuor  
 tantum partes.*

Video diuisionem positam inter horam diei, & horam orationis, & Templi, aliquibus visum iri superfluum, quia communiter recentiores existimant diem Hebræis diuisum fuisse in quatuor tantum partes, singulas ternas nostras horas complectentes, sicut diuidebatur nox in quatuor vigilas, seu custodias, quarum singulæ tres quoque nostrates horas continebant. Quæ partitio videtur sumi posse ex Euangelio Matth. 20. vbi dicitur, Paterfamilias exiisse primo mane, & hora tertia, sexta, & nona, conducere operarios in vineam suam.

Verum hæc sententia quatenus contendit diem diuisum Hebræis fuisse in horas quatuor, nostris triplo longiores, videtur manifestè repugnare Sacræ Scripturæ; si enim Hebræis quatuor tantum fuissent horæ diei, non dixisset Christus Dominus Ioan. 11. *Nonne duodecim sunt hore diei*, sed potius; nonne quatuor sunt horæ diei? quemadmodum quia quatuor tantum erant vigilæ, seu custodiæ noctis singulæ ternas horas complectentes, non potuisset dicere Christus Dominus, nonne duodecim sunt vigilæ noctis? Præterea si quatuor tantum erant horæ diei, ita vt hora sexta, exempli gratia, contineret diuidium totius temporis pomeridiam, seu tres primas nostrates horas à meridie, cur dicitur Ioan. 5. *hæc hora septima reliquit eum febris*? Ecce præter primam, tertiam, sextam, & nonam datur iam alia hora diei. Similiter si nona hora diei contineret reliquum dimi-

X.  
*Hora diei He-  
 bræi erant  
 duodecim.*

dium temporis pomeridiani vsque ad occasum Solis, in quo sensu dicitur in Scriptura, hora decima, & hora vndecima? Nam hora decima habetur Ioan. 1. *Apud eum manserunt de illo, hora enim erat quasi decima*; hora verò vndecima habetur Matth. 20. *Iterum autem exiit circa sextam, & nonam horam, circa vndecimam verò exiit, &c.* Ex hoc autem loco sic argumentor. In ea significatione accipitur hora, quando dicitur sexta, seu nona, & quando dicitur decima, & vndecima, hoc per se patet; sed decima, & vndecima significant duodecimam partem diei, vt est manifestum; ergo hora nona, & eadem est ratio de reliquis, significat duodecimam partem diei; ergo dies non erat diuisus in quatuor horas diei, sed in duodecim.

Neque quidquam Aduersariis fauet diuisio noctis in quatuor partes, immò inde nouum contra ipsos defumitur argumentum; nam quamuis vigiliæ noctis essent quatuor, horæ tamen noctis, erant non quatuor, sed duodecim, vt enim ait Toletus, vir Scripturarum peritus, hora nunquam reperitur nisi pro duodecima parte, vel diei, vel noctis; quare quatuor illæ partes non dicebantur, nec erant horæ noctis; & quia noctis horæ non erant, ideo non appellabantur prima, tertia, sexta, nona hora; sed prima, secunda tertia, & quarta vigilia, quo fit, vt si quatuor partes diei, dicebantur horæ diei, tunc, non tertia, sexta, & nona, sed secunda, tertia, & quarta appellandæ fuissent, quia voces illæ tertia, sexta, nona, sicut etiam decima, & vndecima relatæ ad horas diei significant duodecimam tantum partem diei, non verò quartam, vt significant vigiliæ noctis. Propter hæc sequuti sumus cum Toletio supra factam distinctionem inter horas diei, quæ erant duodecim, & horas Sacrorum, quæ erant quatuor; quemadmodum in re militari, distinctio erat inter horas noctis, quæ pariter duodecim erant, & inter horas Castrorum, quæ erant quatuor tantum, & dicebantur vigiliæ, eo quod post ternas quasque horas noctis, vigiles mutarentur.

Neque verò hæc otiosè à nobis hoc loco dicta sunt, nam Aduersarij non concedunt figuram Agni saltem quoad hanc circumstantiam horæ immolationis, ad Sacrificium Crucis non pertinere, immò tuentur mordicus, Christum Dominum immolatum fuisse ad Vesperam, quando Agnus à lege immolari iubebatur; at nos ex explicatione modò facta ostendimus eos falli manifestissimè, quia cum agitur de tempore celebrationis Agni; vel sermo est de tempore iugulationis, & immolationis, vel de tempore comestionis, quæ erat illius Sacrificij veluti consummatio; si de hac consummatione sit sermo, certum est illius tempus fuisse post Solis occasum, quo tempore Christus Dominus de Cruce iam depositus erat; si verò loquamur de Agni iugulatione, & immolatione, hæc nunquam inchoari poterat ante Meridiem, seu ante horam sextam; Edictum enim in lege fuit Exod. 12. *Immolabitque eum vniuersa multitudo filiorum Israël ad vespèram*, seu vt habent Hebræa, *inter duas vespèras*. Nullus autem Interpretum somniauit tempus inter duas vespèras, intelligi posse Antemeridianum; fuerunt quidem duæ extremæ sententiæ de tempore inter duas vespèras, quarum alteram nimis rigidam sequuntur aliqui cum Oleastro, videlicet, primam vespèram esse Solis occasum, secundam esse initium noctis, siue tenebrarum, vt tempus inter duas vespèras sit, crepusculum vespertinum. Alteram sententiam nimis laxam sequuntur Hebræi apud Lyrannum in Exod. Vespèra, inquit, secundum Doctores

X I.

*Vigilia noctis  
quatuor, at ho-  
ra duodecim.*

X II.

*Hora Sacro-  
rum vt hora  
Castrorum.*

X I I I.

*Christi crucifi-  
xio nullomodo  
coincidet cum  
celebratione  
Agni.*

X I V.

*Tempus inter  
duas vespèras.*

Hebræos, propt̃ hic accipitur, incipit à septima decimâ quartâ diei, idest ab hora primâ à Meridie, quia ex tunc Sol incipit tendere ad occasum, & ab illa hora vsque ad principium noctis potest immolari phasē secundum eos; in qua posteriori sententia totum ferè tempus pomeridianum dicitur inter duas vesp̃eras; at sententia, quæ doceat tempus inter duas vesp̃eras incipere extrâ, & ante omnem vesp̃eram, ineptior est, quàm vt ad stipulatores habere potuerit; Itaque nullus fuit vnquam Interpret̃, qui dixerit tempus legitimum confessionis, & iugulationis Agni, eiusque immolationis inchoasse ante Meridiem.

XV.  
*Crucifixio cum  
tribus verbis  
ante horam  
sextam.*

At nos probamus ex Euangelistis Christum sublatus in Crucis Aram fuisse, eiusque Sacrificium inchoatum ante horam sextam, cum adhuc esset hora tertia, atque adeo ante Meridiem; nam Marcus expressè dicit: *erat autem hora tertia, & crucifixerunt eum*, & postea subiungit, *& facta hora sexta tenebræ factæ sunt vsque ad horam nonam*. Cum ergo deliquium Solis, post Crucifixionem cœperit hora sexta, vt tres Euangelistæ docent, non solum infertur Christum Crucifixum ante horam sextam, atque adeo intra horam tertiam ante Meridiem, sed etiam ante horam sextam & meridiem orasse in Cruce pro inimicis, Latroni Paradisum promississe, & Matrem Discipulo commendasse; nam ex communi omnium Interpretum, verba Domini tria, dicta sunt in Cruce ante initium tenebrarum, & antequam facta esset hora sexta, sicut quatuor verba postrema dicta sunt post tenebras, ac per hoc post horam nonam vt scribit S. Mathæus 27.

Cum ergo hora immolationis Agni nullomodo congruat horæ Crucifixionis, congruat verò mirificè horæ Institutionis Eucharistiæ, negari omnino non potest figuram Agni, quoad hanc horæ circumstantiam principalius, & immediatius ad Eucharistiæ, quàm ad Crucis mysterium pertinere, quia tamen hoc genus argumentorum non ex vna, aut altera tantum circumstantia, sed à pluribus, & ferè omnibus aptè respondentibus plenum suum accipit robur, ideo ad reliquas examinandas accedimus.

XVI.

### *De Circumstantia Loci.*

**L**OCVS primæ celebrationis Agni in terra Ægypti non alius fuit nisi *Ædes* ipsæ, seu domus Hebræorum; hoc patet ex toto cap. 12. Exod. nam vers. 7. dicitur: *Et sument de sanguine eius, ac ponent super utrumque postem, & in superluminariibus domuum, in quibus comedit illum*. Super, quem locum notat Abulenſis, Hebræos, qui in donibus Ægyptiorum habitabant, omnes Hebræorum domos illa nocte pernoctatum conuenisse, si qui verò Ægyptij primogeniti erant tunc in domibus Hebræorum, omnes ante noctem foras emissos fuisse, alioquin, vel non omnes primogeniti Ægyptij fuissent percussi, vel aliqui fuissent percussi in donibus sanguine Agni tinctis, quorum utrumque repugnat verbis Sacræ Scripturæ, nam de primogenitis Ægyptiorum dicitur: *factum est autem in nocte medio, percussit Dominus omne primogenitum in terra Ægypti à primogenito Pharaonis, qui in solio eius sedebat vsque ad primogenitum captiuæ, quæ*

XVII.  
*In domibus  
Agni fuerunt  
omnes, & soli  
de populo Dei.*



erat in carcere. De domibus verò Hebræorum, in quibus Agni celebratio facienda erat, hoc habemus ex verbis Moysis ver. 22. *Nullus vestrum egrediatur ostium domus sue usque mane; transibit enim Dominus percussiens Ægyptios, cumque viderit sanguinem in superliminari, & in utroque post transcendet ostium domus, & non sinet percussorem ingredi domos vestras, & ladere.* Nota illud, Transcendet ostium domus, & non sinet percussorem ingredi domus vestras.

Manifestum igitur est, primam illam Agni celebrationem peractam esse in Aedibus, & Domibus Hebræorum, quod veniabile videtur, illud est, cum Ciuitas immolationis Agni tempore habitationis in Iudæa, esset Hierusalem, ubi Templum Domini erat, & Altare omnium Sacrificiorum, adhuc tamen Sacrificium Agni non immolabatur in Altari holocaustorum, quod erat sub Dio in Atrio Sacerdotum, sed sub tectis, & domibus familiarum, vt celebratum primo fuerat in terra Ægypti, ideo Sacrificium hoc non offerebatur à solis Sacerdotibus Aaronicis, sed ab omnibus Patribus familias, qui pro illo singulari die, & ministerio habebantur Sacerdotes, vt enim ait Philo de Vita Moysis, cum hoc Sacrificium Agni fuerit institutum antequam familia Aaron determinaretur ad Sacerdotium, ideo quantum ad hoc Sacrificium, mansit antiquum priuilegium, vt omnes Patres familias Sacerdotio fungerentur, vt in lege Patriarchali factum fuerat.

Neque contra hanc loci circumstantiam quidquam facit quod tempore peregrinationis celebratum hoc Sacrificium sit in Deserto Sinai, anno secundo egressionis ex Ægypto, vt habetur Numer. 9. & rursus in ingressu in Iudæam post transitum Iordanis, celebratum pariter fuerit in Campesribus Ierico, vt habetur Iosue 5. nam Castra exercitus Hebræorum, erant quasi Vrbs quædam mobilis, & ambulans cum suo Tabernaculo, & Templo, & quæ propterea suas habebant portas, ad quas allusit Apostolus ad Hebr. 13. cum ait: *Horum corpora cremantur extrà Castra.* Quare non solum, cum primo institutum est Sacrificium Paschale (quod ad intentum est satis) verum etiam quandocumque deinceps immolatum est, semper intrà portam hoc factum est.

Iam verò si de Sacrificio Crucis loquamur, certum est illud immolatum, & consummatum fuisse extrà domum, & extrà Ciuitatem, illarum victimarum instar, de quibus legitur Leuit. 16. *Quorum sanguis illatus est in Sanctuarium, asportabunt foras castra;* nam illius ritus causam dat Apostolus ad Hebr. 13. *Propter quod, & Iesus, vt sanctificaret per suum sanguinem populum extrà portam passus est.* Obserua illud propter quod, redditur enim causa litteralis ait Sanctus Thomas. Cur corpora illa Victimarum asportabantur foras Castra, quia scilicet Christus per omnes hostias veteris legis figuratus, extra castra, id est extra portam Vrbs Hierusalem (castra enim, vt diximus portas suas habebant) igne Passionis in Ara Crucis crematus est. Neque omisit Euangelista hanc loci circumstantiam obseruare; ait enim Ioan. 19. *Prope Ciuitatem erat locus ubi crucifixus est Iesus,* non enim intrà Ciuitatem Caluarie mons erat, quando Crucifixus est Christus, sed extrà Portam propè Ciuitatem Hierusalem.

At verò Sacerdos noster CHRISTVS IESVS, Ecclesie suæ incurrentum Sacrificium instituturus, quarentibus Discipulis de loco, Luc. 22. *Ecce,* inquit,

XVIII.  
*Agnus Paschalis Sacrificium domus.*

XIX.  
*Semper immolatus intrà Portam.*

XX.  
*Christus in Cruce oblati extrà Portam.*

XXI.  
*Christus in Encharistia*

immolatus in-  
tra Portam.

introducuntibus vobis in Civitatem, occurreret vobis homo quidam amphoram aquæ portans, sequimini eum, in domum, in quam intrat, & dicetis Patrifamilias domus: dicit tibi Magister, ubi est dixerunt ubi Pascha cum discipulis mess manducem, & ipse ostender vobis Cœnaculum magnum stratum, & ibi parate.

#### XXII.

Cur alterum  
Christi Sacrifi-  
cium intra Do-  
mum, alterum  
etiam extra Ci-  
vitatem.

Causa cur Alterum Sacrificium extrâ Portam Hierusalem sit oblatum, alterum intra domum sit institutum. Illa assertur à Patribus, quia Sacrificium Crucis fuit Sacrificium humanæ Redemptionis, omnis temporis, & omnium personarum; at Sacrificium Altaris, est Sacrificium Christianæ tantum Religionis, atque adeo Sacrificium familiæ Christi, & Domus, quæ est Ecclesia, de qua dictum est Luc. 1. & regnabit in Domo Jacob in æternum. Ideo Iustinianus in lib. de Triumphali Christi Agone cap. 1. Ecclesia, inquit, spiritale Cœnaculum est. An non grandis, quæ per totum terrarum Orbem diffunditur? Stratum est Cœnaculum donis Cœlestibus, & spiritualibus Sacramentis. Contra verò, ait S. Chrysostomus in Homil. de Cruce, & Latrone: Ne putares pro gente tantum Iudaica oblatum Christum ideo foras muros, & S. August. Serm. 130. propterea extra Civitatem, & extra muros immolatur, ut intelligas, quoniam communis est Hostia pro genere humano oblata. Hoc est etiam quod ait S. Leo Serm. 9. de Passione: Hæc intra septa Civitatis ob meritum sui sceleris diruendæ, sed foris, & extra castra crucifixus est Christus, ut veterum Victimarum cessante mysterio, nova Hostia, nouo imponeretur Altari, & Crux Christi non Templi esset Ara, sed Mundi. Neque prætermittendum puto, quod quemadmodum iuxta veterem legem per domos, & familias Agnus immolabatur, & manducabatur, ita post institutionem novi Agni Paschalis crescente numero Domesticorum fidei, cœpit in Ecclesia per domos, & familias Agnus Cœlestis sub exteriori specie panis offerri, & manducari iuxta illud Actor. 2. *Et frangentes circa domos panem*, hoc est domatim, & per singulas domos, quia, ut ibi inquit noster Cornelius, multiplicato numero fidelium per varias domos eos distribuere, in iisque Eucharistiam celebrare oportebat, atque inde ortæ, ac distinctæ Paroeciæ, quibus singulis suus præest Pastor, quasi Paterfamilias. Unde dixit S. Gaudentius Tract. 2. in Exod. In umbra illius legalis Paschæ, non vnus Agnus occidebatur, sed plures; singuli enim occidebantur per domos, nam sufficere vnus non poterat vniuersis. At in hac veritate, qua sumus, idem per singulas Ecclesiarum domos in mysterio panis, ac vini reficit immolatus. Hæc Agni caro, hic sanguis est. Neque temere factum putes, quod cum dictum fuerit ad vniuersum Cœtum filiorum Israël Exod. 12. *Tollat vnusquisque Agnum per familiam, & domos suas*; hoc est quælibet domus Agnum suum. Deinde in singulari dicatur: *immolabitque eum vniuersa multitudo filiorum Israël*, quasi non quælibet domus, suum; at dicitur singulariter, ait Vgo Cardinalis in hunc locum, quia omnes illi Agni figurabant vnum, cuius carnes, ut aiebat B. Apostolus Andreas, postquam omnis populus credentium manducauerit, adhuc tamen integer perseverat, & viuus.

#### XXIII.

Olim Christus  
Pascha nostrâ  
immolabatur  
per domos.

#### XXIV.

Christus vnus  
est omnis  
Agnus.

Ex quibus manifestum iam est, figuram Agni Paschalis quoad loci circumstantiam, non ad immolationem Crucis, sed ad Eucharistiæ celebrationem pertinere, sed pergamus ad reliquas.

## De Circumstantia Personarum.

XXV.

QVALES esse oporteat participantes de Agni Sacrificio dictum habemus à Domino ad Moysen, & Aaron Exod. 12. vers. 43. *Hæc Religio phasæ, omnis alienigena non comedet ex eo*; omnis autem seruus emptitiis circumcidetur, & sic comedet, Aduena, & mercenarius non edent ex eo. Et mox: *Omnis Cæcus filiorum Israël faciet illud*, quod si quis peregrinorum in vestram voluerit transire Coloniam, & facere phasæ Domini, circumcidetur prius, omne masculinum eius, & tunc ritè celebrabit, eritque sicut indigena terræ. *Si quis autem circumcissus non fuerit non vescetur ex eo*, eadem lex erit indigenæ, & Colono, qui peregrinatur apud vos.

XXVI.

*Circumcissus tantum licebat edere ex Agno.*

Vides quàm directè, & quàm accuratè cauerit Diuina lex, ne quis incircumcissus ex Agno comederet. Hinc primo Sacri docent Interpretes: Omnes quotquot sequenti anno ab egressu ex Ægypto celebrarunt Pascha, seu phasæ, illos omnes iam ante circumcisos fuisse in Ægypto, vbi ait Paulus Episcopus Burgenfis: antequam primus Paschalis Agnus comederetur, generalis facta fuit circumcisio Hebræorum, qui ob negligentiam, vel aliam causam non fuerant circumcisi, idque nutu, & hortatu Moïsis, vt sentit Tertullianus lib. contra Iudæos.

Secundo docent communiter per 39. annos peregrinantes in Deserto, non celebrasse phasæ, & ex Agno non comedisse, quia vt habetur Iosue 5. *Populus, qui natus est in Deserto per quadraginta annos itineris latissima solitudinis incircumcissus fuit.*

Tercio docent potissimam causam, cur in ingressu ipso in terram promissionis, omnis populus natus in Deserto fuerit circumcissus iuxta præceptum Domini Iosue 5. *Eo tempore ait Dominus ad Iosue, fac tibi cultros lapideos, & circumcide secundò filios Israël.* Causam, inquam, potissimam eam docent fuisse, quia statim ab ingressu, iussu Dei comedendus erat Agnus, vnde circumcissione peracta, dicitur Iosue 5. *Manseruntque filij Israël in Galgalis, & fecerunt phasæ quarta-decima die mensis ad vesperam*; quod enim notat noster Cornelius decimo die mensis primi Nisan transire Iordanem, & Castra fixerunt in Galgalis, ac sequenti die vndecimo ibidem circumcisi, ob plagam vulneris quievere tres dies, atque quarto deum die, qui fuit 14. Nisan, ad vesperam celebrauere Pascha.

Iam verò si quaeramus quamobrem, & in cuiusnam rei figuram nemo poterat comedere de Agno Paschali nisi prius esset circumcissus; non alia assignatur causa, nisi quod circumcisio erat figura Baptismi, & Agnus Paschalis Agni Eucharistici, sicut autem hic non ministratur nisi Christianis per Baptismum Christianismo initiatis, ita ille non dabatur nisi Iudæis, Iudaismo per circumcisionem initiatis; erat enim Agnus Paschalis primum Sacramentum Iudæorum, sicut Eucharistia est Christianorum.

XXVII.

*Causa talis legitur.*

Et quidem quod Agnus Paschalis Sacramentum fuerit Iudæorum admittunt Theologi omnes cum Magistro, & S. Thoma in materia Sacramentorum, quia

XXVIII.

*Agnus Paschalis verum Sa-*

*sacramentum  
Iudaorum, &  
figura Eucha-  
ristia.*

ex Nouatoribus multi, vt Plessæus Caluinita cum tota Synodo Capicensi lib. 1. cap. 1. de Eucharistia, vbi vt test. mihi est Martinus Becanus, expresse dicitur, Agnum Paschalem fuisse simul Sacramentum, & Sacrificium. Quod vero figura fuerit Agni Eucharistici, docent antiqui Patres, vt Tertullianus lib. 4. in Marcionem, Itichus in cap. 23. Leuit. Hieronym. in cap. 26. Matth. Chrysost. Homil. de produtione Iudæ, Cyprianus lib. de Vnit. Ecclesiæ, August. lib. 2. contra litteras Petiliani cap. 37. Leo Senn. 7. de Passione, Greg. Homil. 22. in Euangel. & post hos Bellarminus lib. 2. de Euch. cap. 3. qui ait ex Euangelis ipsis id colligi manifestè non enim alia de causa Dominus post Agnum Paschalem ritu Iudaico manducatum, continuò Sacramentum Eucharistia instituit.

**XXIX.**  
*Circumcisio  
fuit figura Baptis-  
mi.*

Præterea, quod Circumcisio data sit Iudæis in figuram Sacramenti Baptismi extrà omnem controversiam est, cum Baptismus à Paulo dicatur Circumcisio, Coloss. 2. Et sanè sicut corporalis Character Circumcisionis dabat Ius passuum ad suscipienda omnia Sacramenta antiquæ legis, vt sumitur ex S. Chrysostomo Homil. 2. ad Ephesios, atque adeo ad manducationem Agni Paschalis, ita per spirituales Characterem Baptismi, quem sæpissimè Patres vocant signaculum, & sigillum, vt ex Græcis Basilius Homil. 13. de Baptis. Nazianzenus Orat. 40. Cyrillus Hierosolymitanus in Præfatione, & ex Latinis Augustinus Epist. 23. & alibi sæpius apud P. Suar. disput. 11. in 3. par. sect. 1. sit homo capax, & acquirit Ius passuum ad omnia Ecclesiæ Sacramenta.

**XXX.**  
*Agnus ut à cir-  
cumcisio ede-  
bat figura fuit  
Christi, ut in  
Eucharistia.*

His positis probamus facile figuram Agni quoad hanc circumstantiam referri principaliter non posse ad immolationem Crucis, quod probamus hoc modo. Agni Paschalis celebratio fuit principaliter posita in manducatione facta ab Israëlitis per circumcissionem in Dei populum coopatis; ergo in Testamento nouo illi principaliter respondet Agnus noster, quatenus à Dei populo per Baptismum initiato, & obsignato manducatur. Sed Agnus qui sic à Dei populo manducatur, non est Agnus in Cruce, sed in Eucharistia; ergo figura illa Agni quoad hanc circumstantiam non potest principaliter referri ad immolationem Crucis, sed ad Agnum, & immolationem Eucharistia. Omnia videntur per se manifesta si nostrum antecedens confirmemus; verum illud constat ex Exod. 12. vbi Agnus immolatur, vt à Dei populo manducetur. Quare August. lib. 2. contra litteras Petiliani cap. 37. *Aliud est, inquit, Pascha, quod Iudæi de oue celebrant, aliud quod nos in corpore, & sanguine Domini accipimus*, vbi opponit Agno Paschali, quem Israëlita de oue manducabant carnes, & sanguinem Agni, quem sumimus, & manducamus in Eucharistia, quod non obscure insinuat Apostolus 1. Cor. 5. vbi postquam dixit: *Etenim Pascha nostrum immolatus est Christus*, statim addit: *itaque epulemur in Azimis sinceritatis & veritatis*, quia epulum Agni sequebatur eius immolationem; ex hoc autem Apostoli loco sic iterum arguuntur. De illa immolatione principaliter loquitur Apostolus, quæ præcedit manducationem, sed immolatio præcedens manducationem est immolatio Agni in Eucharistia, & non in Cruce, ergo de immolatione in Eucharistia principaliter loquitur Apostolus, non verò de immolatione in Cruce. Maior propositio clara est, quia vt rectè Bellarminus lib. 1. cap. 7. ex illo loco Apostoli certò constituere possumus Agnum Paschalem, qui & Pascha dicitur in Euangelio figuram immolationis fuisse; quidquid sit, vtrum illa impleta fuerit in Eucha-

**XXXI.**  
*Pascha no-  
strum est Chris-  
tus immolatus  
in Eucharistia.*

ristia,

ristia, an in Cruce; ex eo autem quod figura fuerit immolationis Christi, probò Apostolum principaliter loqui de immolatione, quæ præcedit manducationem, quia verè immolatio Agni Paschalis præcedebat manducationem, & epulum. Neque verò sustineri solidè potest, quod Aduersarij respondent, immolationem factam in Cruce præcedere manducationem spirituales, quæ sic per fidem; nam contra est, quia Apostolus loquitur de Agno, qui non poterat manducari nisi à circumcisis, & mundis, & in Hierusalem; ergo loquitur de Agno proptèr summi potest à solis baptizatis, & intra Ecclesiam Catholicam existentibus, ergo non loquitur principaliter de Agno, ut immolatus fuit in Cruce. Probo hanc ultimam consequentiam, quia ut rectè Bellarminus, non solum baptizati, sed etiam alij possunt, ac debent Christum, ut in Cruce immolatum fide manducare, fides enim præcedit, & Baptismum, & iustificationem; ergo persistendo in hac circumstantia de manducatione, ad quam ius habebant soli circumcisi in figura nostri Baptismi, dicendum est Agnum Paschalem non pertinere ad figuram immolationis in Cruce, sed in Eucharistia.

Ad hanc eandem circumstantiam personarum reuocamus id quod in figura Agni Eucharistici dicitur Num. 9. & 2. Paralip. 30. nimirum Paschalem Agnum non posse edi nisi à circumcisis purificatis, & mundis. Casus accidit anno secundo postquam filij Israël egressi sunt de terra Ægypti, tunc enim cum ex Dei monitu Pascha celebraretur: *Ecce autem quidam immundi super anima hominis, qui non poterant facere pascha in die illo, accedentes ad Moysen, & Aaron, dixerunt eis: immundi sumus super anima hominis, quare frandamur, ut non valeamus oblationem offerre Domino in tempore suo inter filios Israël? quibus respondit Moyses: stete ut consulam quid præcipit Dominus de vobis, locutusque est Dominus ad Moysen, dicens: loquere filiis Israël. Homo qui fuerit immundus super anima, siue in via procul in gente vestra, faciat pascha Domino in mense secundo quarta-decima die mensis ad vesperam.*

Ex hoc loco colligimus duo, alterum pertinens ad quæstionem præcedentem, alterum ad præsentem. Ad præcedentem pertinet quod notauit S. Thomas in cap. 18. Ioan. permisisse quidem Deum aliquando Pascha celebrari post vnum mensem, ut in prædictis casibus, ac nunquam permisisse mutari diem 14. Vnde non solum patet falsitas opinionis Græcorum asserentium, Christum Dominum, ultimum suæ vitæ Pascha celebrasse die 13. sed etiam Pauli Burgenfis, quem sequutus est noster Maldonatus in cap. 26. Matth. qui existimat Iudæos illo anno mortis Christi suum celebrasse Pascha die 15. Et nos quidem opinionem Græcorum impugnauimus; quia aduersabatur Catholicæ sententiæ de Christi Paschate legitimo die celebrato, opinionem verò Maldonati prætermisimus, non quod illam putaremus veram, sed quia nostro intento non aduersatur; nam quamuis ipse existimet anno mortis Christi, Iudæos maiorum suorum traditionem sequutos, Pascha in diem 15. transtulisse, disertè tamen affirmat Christum Dominum, suum celebrasse Pascha, ut lege præceptum erat, hoc est die decima-quarta, quo die prima Agni celebratio facta est Exod. 12. quod erat ibi nostrum intentum demonstrare. Cæterum ad fundamentum Sententiæ Maldonati respondet eruditè, & doctè Bellarminus lib. 4. de Euchar. cap. 8.

Alterum quod colligimus ad præsentem pertinens quæstionem, illud est,

K

XXXII.

*Soli mundi poterant comedere Agnum.*

XXXIII.

*Die 14. pro celebrando Paschate immundus.*



Iudæos quantumvis circumcisos, si eo die, quo iuxta legem immolabatur Agnus, immundi inuenti fuissent, nullo modo edere ex carnibus Agni potuisse, sed debuisse prius mundari, & expectare vsque ad diem 14. sequentis mensis permitte-  
tente potius Deo dilationem in non legitimum tempus, quam vt non purificati, & mundi ex Agni carnibus manducarent.

XXXIV.  
*Mundities figu-  
ram adsumen-  
dam Eucharis-  
tiam.*

Quis autem non facile animaduertit, hoc non ad figuram manducationis Agni in Cruce, quæ sit per fidem, vt contendunt Hæretici, sed ad figuram manducationis Eucharistix pertinere? nam non solum fideles mundi, sed etiam im-  
mundi possunt, & tenentur Agnum in Cruce immolatum fide manducare: ac  
verò cum conscientia peccati Eucharisticum Agnum Sacramentaliter edere, sa-  
crilegium horrendum est, idcirco dixit Apostolus 1. Cor. 11. *Prober autem seip-  
sum homo, & sic de pane illo edat, & de Calice bibat, & Christus Ioan. 13. ante  
Cenam Agni Eucharistici, peracta iam illa Agni legalis, lauit pedes Discipu-  
lorum etiam Iudæ, vt significaret munditiam illam requisitam in lege ad esum  
Agni præcessisse in figura puritatis necessarix ad perceptionem Eucharistix;*  
qua de re legendus est S. Chrysostomus Homil. 3. in Epist. ad Ephesios.

XXXV.

### *De Circumstantia Introductionis Victimæ.*

NON est obuoluenda silentio nobilis circumstantia, cuius sit mentio in pri-  
ma Institutione Sacrificij Agni Exod. 12. illa autem est. Introducendum  
esse Agnum immolandum in Ciuitatem, & Domum, ibique seruandum, & ob-  
seruandum quatuor totos dies ante eius immolationem. Verba legis hæc sunt.  
*Decima die mensis huius tollat vnusquisque Agnum per familiam, & domos  
suas; & seruiabit eum vsque ad quartam-decimam diem mensis huius, im-  
molabitque eum vniuersa multitudo filiorum Israël ad vesperam. Questio est  
inter Interpretes, an hoc præceptum introductionis Agni decima die mensis pri-  
mi fuerit lege statutum, vt ritu perpetuo seruaretur; an tantum pro illo primo  
Paschate latum; quod celebratum est in terra Ægypti. Abulensis in cap. 12.  
Exod. quest. 4. quem sequitur noster Ribera lib. 5. de Templo cap. 3. existimat  
Israhælicas nunquam nisi in Ægypto, iustos introducere Agnum die decima, quem  
postea immolarent die 14. ad Vesperam, sed sequentibus temporibus, vnicuique  
liberum fuisse, vt illum introducerent, quo die vellent. Fundamentum eius du-  
plex est. Primum, quia licet illud præceptum tradatur Exod. 12. postea tamen  
quotiescumque sit in Scriptura mentio immolationis Agni, nunquam repetitur  
illa pars de die decimo, quo debebat Agnus introducti, sed solum altera pars de  
die 14. quo debebat immolari; ergo signum est, quod illa pars de die 10. non  
obligauerit nisi in Ægypto. Alterum fundamentum est, quia plures rationabiles  
causæ fuerunt, cur in Ægypto debuerint Agnum prius quærere, & introducere,  
quàm veniret dies immolationis, quæ tamen causæ postea non videntur habuisse  
locum.*

XXXVI.  
*An præceptum  
de Agno intro-  
ducendo die 10.  
fuerit perpe-  
tuum.*

Verum huic opinioni vehementer obstat, quod, generaliter præcipitur in ea-

deni lege Exod. 12. post enumeratas omnes obseruantias illius primæ celebrationis. *Cum introieritis, inquit, in terram, quam Dominus daturus est vobis, obseruabitis caeremonias istas.* Neque vrget, quod illa pars præcepti de die decimo Introductionis nunquam alibi repetatur; nam alix quædam partes huius celebrationis non repetuntur alibi, & tamen sunt ab Israëlitis religiosissimè custoditæ; quia sufficit, inquit noster Cornelius, vt expressa eorum mentio fiat in hoc proprio Institutionis loco, ad quem alibi Scriptura lectorem remittit, vt ex illo, phasæ caeremonias petat, & discat. Quod verò pertinet ad causas illius ritus inter omnes litterales potissima illa erat, quam tradit etiam Abulensis, vt illis quatuor diebus, Agnus verè immaculatus esse cognosceretur; debebat enim Agnus omnis maculæ expers esse; *erit autem Agnus absque macula*, quod non varietate coloris, sed de defectu exponunt omnes Interpretes ex Leuit. 22. vbi de oblatio quolibet dicitur: *Omnis macula non erit in eo, si cæcum fuerit, si fractum, si cicatricem habens, si papulas, aut scabiem, aut impetiginem, non offeretis ea Domino.* Hæc fuit litteralis ratio, cur quattiduo ante immolationem iussus est Agnus domum introduci, vt nimirum si quod esset in eo vitium, illo temporis intervallo se proderet.

XXXVII.  
Omnes ritus  
suarum perpe-  
tai.

XXXVIII.  
Causa littera-  
li cur Agnus  
quattiduo ser-  
uabatur ante  
immolationem.

Mystica verò ratio fuit ad præfigurandum Christum, qui suæ mortis anno, die decima primi mensis Nisan, ante sui ipsius immolationem, & Sacrificium ingressurus erat Ciuitatem; nam vt Chronologi omnes consentiunt, decima dies Nisan, siue mensis primi, illo anno fuit Dominica Palmarum, quæ nostro computo erat dies 20. Martij. Nos enim vtimur mensibus Solaribus, Iudæi verò Lunaribus. Hanc autem rationem mysticam tradunt S. Chrysostomus, & ex eo S. Thomas in Caten. Ioan. 12. Beda Homil. in Dominicam Palmarum, & omnes ferè expositores, tum antiqui, tum recentiores tractantes verba illa Matth. 21. Cum appropinquasset Iesus Hierosolymam.

XXXIX.  
Ratio mystica.

Iam verò utraque causa, tum legalis, tum mystica æquè militabat in posterioribus sæculis. Nam quod de prima ait Abulensis, non fuisse, necessarium sequentibus temporibus quattiduum ad explorandos defectus occultos Agni ob peritiam acquisitam ex Iugi, & quotidiano Sacrificio duorum Agnorum, altero matutino, altero vespertino, non videtur habere vim, quia petitia, aut potius solertia illa acquisita erat in Ministris Templi, in cuius Altari offerebatur iuge Sacrificium duorum Agnorum per singulos dies, non verò in priuatis hominibus, & in tota multitudine filiorum Israël, quæ semel in anno in priuatis domibus immolabat.

Ratio verò mystica eò magis posterioribus temporibus valere debebat, quò magis rei significatæ veritas appropinquabat. Quare communior, & verior sententia est, anno mortis Christi, illa die decima mensis, quæ erat die 20. nostri Martij, non solum Christum Dominum ingressum esse in Ciuitatem Hierusalem, quæ sola locus erat legitimus immolationis Agni, sed etiam cum illo, omnes Agnos illo Paschate immolandos, immò communiter docent Authores, propterea Christum Dominum ingressurum in Hierusalem venisse Bethphage, qui, vt Adrichomius ait, erat vicus Sacerdotum, vbi conuentus Agnorum fiebat, vt inde die decima mensis, magnis agminibus, nec sine ingenti populi læticia, & occurso introducerentur in Ciuitatem, nimirum, vt verus, & vnicus Agnus ab

XL.  
Christum ut Ag-  
nus immolan-  
dus ingressus est  
die legitimæ.

omnibus illis legalibus figuratus vna cum illis ad immolationem induceretur; atque hanc fuisse magnam causam pompæ, cum qua ingressus est Christus, quia illo die turba plurima, quæ vndique Hierosolymam ad Pascha celebrandum de more conueniebat, magno agmine prodibat in Bethphage, vt inde Agnos Paschales introduceret, quàm ingens autem esset Agnorum istius ingressus multitudo, conijci potest ex Iosepho lib. 7. Bell. cap. 17. vbi tradit Agnos immolatos in vno Paschate tempore Coeslij Præsidis fuisse 256500. ex quo Agnorum numero colligit fuisse illo Paschate Hierosolymæ trigelies centena, & septuaginta hominum millia; non enim pauciores, quàm decem adhiberi solebant ad etiam vnus Agni, vt tradunt Hebræi.

## XLI.

*Agnorum Paschali-  
um multitu-  
do.*

## XLII.

*An Apostoli  
Agnum lega-  
lem suo die in-  
troducunt im-  
molauerint.*

Neque verò sequitur ex his debuisse familiam Apostolorum suam etiam Agnum legalem illo die decimo introducere, cuius oppositum ex Evangelio colligitur, nam necessarium non erat, vt qui immolaturus esset Agnum die 14. ipse eundem die 10. introduceret, sed satis erat, si illa die 10. à quouis hominum esset introductus. Vnde P. Suarez disp. 40. in 3. par. Sect. ex probatis Authoribus refert, & probat fuisse Hierosolymis consuetudinem, vt Ciues Hierusalem decima die mensis adducerent in domos suas Agnos, & pararent cubacula, ac cætera necessaria pro Aduenis, & Hospitibus, qui penè innumerabiles conueniebant, cum nec Agnus extra Hierosolymam offerri, nec illuc ante decimam diem venire omnes possent, vt Agnos introducerent, quare Peregrini homines postea accedentes, quamuis eadem ipsa die Lunæ in Ciuitatem venirent, vti fecerunt Apostoli, poterant facile pretio dato domum conducere, & Agnum iuxta ritum legis decima die adductum, & probatum inuenire, vt Pascha possent celebrare. Hinc Apostoli verbis Christi dixerunt ad quemdam ipsa immolationis die: *dicit tibi Magister, vbi est dinerforium, vbi Pascha cum discipulis m is manducem* Luc. 22. quod Christi factum consuetudinem illam, de qua diximus non parum confirmat.

Sed quidquid sit, an præceptum illud de Agno introducendo die decima fuerit perpetuò seruatum nec-ne; certa sunt duo, quæ ad nostram maximè pertinent quæstionem. Alterum est, in prima illa institutione Sacrificij Paschalis, quam diximus figuram fuisse Institutionis Eucharistiæ, hoc esse seruatum, cum enim præcepisset Deus filiis Israël per Moysen, & Aaron vers. 3. *Decima die mensis huius tollat unusquisque Agnum per familias, & Domos suas: dicitur* vers. 28. *Et egressi filij Israël fecerunt sicut præceperat Dominus Moysi, & Aaron.*

## XLIII.

*Christus ingres-  
sus est Hieroso-  
lymam die de-  
cima mensis  
Nisan.*

Alterum est, Christum Dominum, qui fuit verus Agnus ab illis primis figuratus verè die decima mensis Nisan, quæ fuit vigesima nostri Martij indutum in Ciuitatem Hierusalem fuisse. Patet hoc manifestè ex Monotelario, seu Chronotaxi dierum, & gestorum Christi proximè suam Passionem, & Mortem. Ait enim Ioan. cap. 12. *Iesus ergo ante sex dies Pascha venit Bethaniam, vbi Lazarus fuerat mortuus, quem suscitauit Iesus, fecerunt autem ei Cœnam ibi:* hanc Cœnam omnes omnino Interpretes consignant die 9. mensis Nisan, siue 19. mensis Martij, quæ incidit in Sabbatum, quare sex dies diem Paschæ præcedentes sunt Sabbatum, Dominica, Feria 2. Feria 3. Feria 4. Feria 5. nam Feria 6. fuit dies ipse primus Azimorum, & Festus Paschæ, qui semper erat dies 15.

mensis Nisan; dies ergo sextus ante Pascha fuit dies eiusdem mensis Nonus, puta Sabbatum. Videamus nunc quid proximè post hunc diem uonum, hoc est die decimo factum dicatur ab Euangelista: *In crastinum autem*, inquit Ioannes eodem capite 12. vers. 12. *turba multa, quæ uenerat ad diem Festum cum audissent quia uenit Iesus Hierosolymam, acceperunt ramos palmarum, & processerunt obuiam ei.* Ecce hic describitur ingressus in Hierusalem, at autem in crastinum, hoc est die crastino, siue postero à Cœna facta in Bethania, puta die Dominica Palmarum, quæ erat quinta ante diem Paschæ, eratque dies decima mensis Nisan, & vigesima nostri Martij. Adnotarunt hanc circumstantiam omnes Interpretes, inter quos Rupertus Abbas explicans hunc locum Ioannis: *Ante sex dies Pascha*: Sextus, inquit, dies ante quartam decimam mensis, cuius in uespera Agnus immolandus erat, nouus dies eiusdem mensis est; cum ergo nono die mensis in Bethaniam uenit, & in crastinum, qui profecto decimus dies mensis est, Ciuitatem Hierusalem ingreditur; planè in hoc quoque legem, quæ de Agno Paschali scripta est, hic uerus Agnus Dei sustinere probatur. Hæc ille.

Ex his certis duplex conficimus argumentum, alterum contra Hæreticos, uergentes Eucharistiæ celebrationem, fuisse ueram Agni cœlestis immolationem, & Sacrificium; alterum contra quosdam Catholicos affirmantes immolationem Agni Paschalis, fuisse figuram magis principalem immolationis Christi in Cruce, quàm immolationis eiusdem Christi in Eucharistia.

Igitur contra Hæreticos argumentamur hoc modo. Celebratio Agni facta die, quæ à decima introductionis, fuit quarta, illa fuit uera immolatio, & Sacrificium. Hoc patet ex uerbis legis de Agno introducto die 10. de quo dicitur: *& serua-bitis eum usque ad quartam decimam diem mensis huius, immolabitisque eum uniuersa multitudo filiorum Israël ad uesperam.* Fuit igitur illa celebratio, immolatio; ergo Christi celebratio facta die, quæ à decima sui ingressus fuit quarta, illa fuit pariter uera immolatio, & Sacrificium. Consequentia hæc ninitur correspondentia figurati ad suam figuram, sicut autem illa admittitur in ingressu facto die decima, ita admitti debet in immolatione facta die decima-quarta. Subsumimus iam hoc modo, sed Christi immolatio facta, die à decima ingressus quarta ad uesperam uti lex iubebat, fuit celebratio Eucharistiæ; patet quia celebratio Eucharistiæ, ut ostendimus quæstione præcedenti, facta est die Iouis ad uesperam; dies autem Iouis est quartus à Dominico, ut manifestum est numeranti ergo quod erat intentum nostri huius primi argumenti, celebratio Eucharistiæ fuit uerum Sacrificium, & immolatio.

Hinc alterum confurgit contra Catholicos existimantes figuram Agni magis principaliter pertinere ad immolationem Crucis; nam ad illam Christi immolationem figura Agni magis principaliter pertinet, quæ adimpleta est ad horam illius diei, quæ respectu diei decimæ ingressus Christi in Hierusalem fuit quarta; nam Agnus figuralis uerè immolatus fuit ad uesperam quartæ diei à decima suæ introductionis, sed ad uesperam huius quartæ diei facta est immolatio Christi in Eucharistia, non autem in Cruce, ut patet ex disputatis de circumstantia horæ; ergo figura Agni Paschalis magis principaliter pertinet ad immolationem Christi in Eucharistia, quam in Cruce.

Claudam hanc circumstantiam Ruperti loco luculentissimo lib. 2. suorum *Insignis confir-*

X L I V.

*Probatur Eucharistia esse uerum Sacrificium.*

X L V.

*Agnum Paschalem figurauit principaliter Eucharistiam.*

X L V I.

matio ex Ru-  
perio.

Commentatorium in Exodum cap. 6. Benè ergo, inquit, verus iste Agnus immolationis suæ tempus ipsum, quod typico præcipuerat Agno, per omnia prouidit: mense primo, decima die mensis, quo secundum legem Agnus in domos Iudæorum tollebatur, intrauit in Sanctam Ciuitatem Hierusalem, turbis deducens, & quam diem idem secundum legem seruatus est, tamdiu, & iste circa Ciuitatem eandem, & circa Templum demoratus est, idest vsque ad quartam decimam diem mensis, eiusdem Sanctæ Scripturæ herbam ruminans, & ad vitæ æternæ pascua inter suos auditores jugi balatu inuitans. Tandem quarta decima die ad vesperam, vbi illum Paschæ veteris Agnum comedit cum Discipulis suis, tunc ipse noui Sacrificij Agnus continuò capiendus, & ducendus ad immolandum, iam in angustia Passionis agonizans, *primus propriis manibus Deo Patri semetipsum immolauit*, accipiens panem, & vinum, & mira, atque ineffabili sanctificationis potentia transferens hæc in Corporis, & Sanguinis sui Sacramentum. Hæc Rupertus piè, & eruditè.

XLVII.

### *De circumstantia finis.*

XLVIII.

*Agnus Pascha-  
li fuit Sacrifi-  
cium ex sua in-  
stitutione com-  
memoratum.*

**S**I inuestigemus in quem finem institutum à Domino fuerit Sacrificium Agni, inueniemus profecto, non ob alium finem potius esse institutum, quam vt esset Sacrificium commemoratiuum beneficij Redemptionis de seruitute Ægypti. De hoc fine intelligitur illud Exodi 12. *Habebitis hunc diem in monumentum, & celebrabitis eum solemnem Domino in generationibus vestris cultum sempiterno.* Et infra. *Et cum dixerint vobis filij vestri, quæ est ista Religio? dicetis eis Victimam transitus Domini est quando transiit super domos filiorum Israël in Ægypto percutiens Ægyptios, & domos nostras liberans.*

Huc spectant omnes ritus, & cæremoniæ, quas adhibet: Deus voluit in immolatione, & esu Agni nocte illa præcedente liberationem, verum etiam sequentibus temporibus iuxta illud Exod. 12. *Cum introieritis in terram, quam Dominus daturus est vobis, obseruabitis cæremonias istas.* Si enim quætas quorum ille habitus manducantium, tanquam viatorum ad iter longum, & laboriosum accinctorum? *Sic autem comedetis eum venter vestros accingetis, & caleficientia habebitis in pedibus, tenentes baculos in manibus, & comedetis festinanter.* Statim redditur ratio. *Est enim phasæ, hoc est Sacrificium commemoratiuum omnium pertinentium ad mirabile illam liberationem, professionem, & itinerationem ex Ægypto;* Illa enim omnia comprehendit hoc loco, vox phasæ seu Paschæ. Similiter si quætas quorum ille modus coquendi, & comedendi? *Et edent carnes nocte illa assas igni, & Azimos panes cum lactucis agrestibus, non comedetis ex eo crudum quid, nec coctum aqua, sed tantum assum igni; caput cum pedibus eius, & intestinis vorabit, nec remanebit quidquam ex eo usque mane; si quid residuum fuerit, igne comburentis.* De his omnibus non alia literalis ratio redditur, nisi quia Agnus ille instituebatur in commemorationem antiqui status seruitutis Ægyptiacæ, & nouæ liberatio-



nis, & redemptionis filiorum Israël, ut videre licet apud Interpretes.

Hinc sumitur validum argumentum ad probandum Agnum Paschalem immediatè, & principaliter figuram fuisse Sacrificij Eucharistici, non vero Sacrificij Crucis, quia Sacrificium Crucis nullomodo immolatum fuit in memoriam transitus alicuius, aut liberationis, neque vlllo modo alterius Sacrificij commemoratum fuit; ac verò Sacrificium Ecclesiæ est Sacrum signum memoriæ, ut vocat illud Augustinus lib. 20. contra Faustum cap. 21. vbi ait: Huius Sacrificij caro, & sanguis ante Aduentum Christi per victimas similitudinum promittebatur, in Passione Christi per ipsam veritatem reddebatur, post Ascensionem Christi per Sacramentum memoriæ celebratur. Quod postea explicarunt Patres Concilij Tridentini sess. 22. cap. 1. vbi dicitur: Celebrato veteri Pascha, quod in memoriam exitus de Ægypto multitudo filiorum Israël immolabat, nouum instituit Pascha, se ipsum ab Ecclesia per Sacerdotes sub signis visibilibus immolandum in memoriam transitus sui ex hoc Mundo ad Patrem, quando per sui sanguinis effusionem nos redemit, eripuitque de potestate tenebrarum, & in regnum suum transtulit.

Cum ergo Agnus Paschalis fuerit Sacrificium ex natura, & institutione sua commemoratum, & ut sic fuerit figura Sacrificij Christi, quis neget, illius Sacrificij Christi fuisse principaliter figuram, quod ex sua etiam natura, & institutione est commemoratum; id autem est tantum Sacrificium Eucharisticum.

Dixi Agnum Paschalem immediatè, & principaliter Sacrificium Eucharisticum figurasse. Sequutus Bellarminum lib. 4. de Euchar. cap. 9. & l. 1. de Missa cap. 7. nam minus immediatè, & minus principaliter figurasse etiam Sacrificium Crucis, negari nullo modo debet, aut potest, quia h Agnus ille figura est immediata, & principalis Eucharistiæ, & Eucharistia est representatio, & imitatio Sacrificij Crucis, qui neget, ait Bellarminus Agnum illum fuisse figuram, & representationem Sacrificij Crucis? Quare Ioan. 19. videmus Euangelistam reddere causam, cur non fuerunt Christi crura in Passione confracta, quia scriptum est de Agno Paschali: *Os non comminuetur ex eo.* Cæterum quia Agnus Paschalis figura fuit Christi ut in Sacramento nobis apponendus erat & manducandus, ideo illa immolatio potius, & principaliter significauit immolationem Christi mysticam, quæ fit in Sacrificio Missæ, quàm immolationem cruentam, quæ in Cruce peracta est, nam ideo ritus Agni Paschalis potius tradit modum manducandi, quàm immolandi, & tota illius celebratio peracta describitur in Scriptura Exodi sub circumstantiis, quæ potius quadrant in Eucharistiam, quàm in Crucem.

Igitur ex hæcenus disputatis, tale conficimus argumentum contra Hæreticos, qui toti sunt in confirmando vnlco Sacrificio Crucis ex ratione præsertim ducta ex figuris antiquorum Sacrificiorum. Agnus Paschalis expressius, & principaliter figurauit celebrationem Eucharistiæ, quàm immolationem Crucis; ergo celebratio Eucharistiæ non fuit minus verum, ac proprium Sacrificium, quàm Sacrificium Crucis. Consequentiam admittunt Aduersarij, quia ipsi ideo tam acriter contendunt Agnum Paschalem figuram fuisse tantum Passionis, & mortis Christi, ut non cogantur asserere aliud esse Christi Sacrificium, præter Sacrificium Crucis; sentiunt ergo ex Sacrificio figuratiuo Agni rectè inferri

X L I X.

*Figura principalior Eucharistiæ quæ est Sacrificium memoriat.*

L.

*Agnus Paschalis figurauit etiam Sacrificium Crucis ad minus immediatè, & principaliter.*

L I.

*Colligitur ex dictis argumentum pro institutione nostri Sacrificij.*

veritatem Sacrificij alterius Agni ab illo figurati. Antecedens magna ex parte iam constat ex dictis in præcedenti, ac præfenti quæstione quia circumstantiæ celebrationis Agni Paschalis expressius, & principalius quadrant, & congruunt celebrationi Eucharistiæ, quàm immolationi Crucis, immò aliquæ circumstantiæ grauiores nullomodo quadrant in Sacrificium Crucis; omnes verò etiam leuiiores aliquo saltem modo Eucharistiæ celebrationi configurantur, vt videre licet partim apud Sanctum Gregorium Homil. 22. in Euang. partim apud Isichium in Leuit. partim etiam apud Rupertum in Exod. & apud omnes ferè Patres super cap. 12. Exod.

LII.  
*Respondetur ad  
fundamentum  
Aduersarij.*

Sed obijcies Aduersarij Achillem; Immolatio Agni Paschalis fuit Sacrificium cruentum; ergo nullomodo figurauit celebrationem incruentam Eucharistiæ.

LIII.  
*Omnia anti-  
qua Sacrificia  
cruenta figu-  
rant nostrum  
incruentum.*

Respondeo negando consequentiam, vt enim diximus lib. 1. quæst. 2. num. 5. non solus Agnus Paschalis, sed omnia omnino Sacrificia cruenta Religionis antiquæ, siue Patriarchalis, siue Mosaicæ, expressè fuerunt figuræ Eucharistiæ, quod ex antiquis Patribus, non obscurè definiuit Concilium Tridentinum sess. 22. cap. 1. dum de Eucharistica oblatione sic ait: Hæc denique illa est, quæ per varias Sacrificiorum, Naturæ, & legis tempore similitudines figurabatur, utpote quæ bona omnia per illa significata, velut illorum omnium consummatio, & perfectio complectitur. Igitur ratio cruenti in Agno Paschali impedire non potuit, quominus Eucharistiam figuraret.

Dices, Agnus Paschalis non solum erat Sacrificium, sed etiam Sacramentum antiquæ legis, quod ergo docent Patres, & Concilia, Agnum fuisse figuram Eucharistiæ intelligi debet de Agno vt Sacramentum, non verò vt Sacrificium erat, figurauit igitur Agnus non immolationem, sed manducationem Eucharistiæ.

Sed contra est primo, quia Patres absolutè dicunt omnia antiqua Sacrificia, etiam quæ non erant Sacramenta fuisse figuras Eucharistiæ, vt S. Chrysostomus in Psal. 95. S. Augustinus lib. 17. de Ciuit. cap. 20. & contra Aduers. legis, & Prophet. cap. 18. Sanctus Leo serm. 8. de Pass. S. Damascenus lib. 4. de Fide cap. 4. & alij; ergo Agnus Paschalis non solum vt Sacramentum veteris legis, sed etiam vt illius Sacrificium eandem Eucharistiam figurauit.

LIV.  
*Eius Agni Eu-  
charistici est  
eius immolati.*

Contra secundo, quia si figurauit manducationem Eucharistiæ vt Sacramentum, figurauit etiam illius Sacrificium, ratio est quia manducatio Sacramentalis Agni erat ex sua institutione participatio Victimæ, & ipsa consummatio Sacrificij; ergo manducatio Sacramentalis Eucharistiæ ab illa figurata præsupponit Agni nostri carnes iam immolatas, atque adeo præsupponit Sacrificium.

LV.  
*Et non immo-  
lari tantum in  
Cruce.*

Neque dicas, manducare nos carnes huius Agni immolatas in Cruce; nam nostra manducatio, quæ est post Sacrificium Crucis, eiusdem est naturæ, & rationis, & manducatio Apostolorum facta in nocte Institutionis antequam Cœlestis Agnus immolatus esset in Cruce, sed illa fuit manducatio Agni immolati in ipsa Eucharistia; ergo etiam nostra. Quod autem Apostoli manducauerint Agnum immolatum in ipsa Eucharistia, probatur quia illa maxime manducatio fuit figurata à manducatione Agni Paschalis; vnde Dominus post cærimoniam Agni Paschalis continuè ante Passionem subiunxit celebrationem Eucharistiæ. At verò manducatio Agni sequitur, non antecedit eius immolationem, prius enim Agnus immolatur,

immolatur, & postea manducatur, non è contrario prius manducatur, & postea immolatur; ergo illa manducatio Agni Eucharistici, quam fecerunt Apostoli ante Passionem non præcessit, sed consequuta est eiusdem Agni immolationem.

Quæres quandoquidem naturæ, & legis tempore quædam Sacrificia præcesserunt planè incruenta, vt Sacrificium Melchisedech, & similis oblatio, in quibus constat figuratam fuisse Eucharistiam; quod opus fuit, vt illam, etiam Sac. ificia cruenta figurarent.

Respondeo id fuisse maximè necessarium ad astruendam veritatem carnis, & sanguinis Agni nostri immaculati, cum enim, tum ob fidei mysterium, tum ob alias rationes immolanda esset Eucharistia sub externa specie rei non viuientis, & plane exanguis; debuit abscondita illius caro, & occultus eius sanguis ab aliquibus saltem figuris demonstrari, quod factum est per omnia Sacrificia cruenta. Nam si figuræ, quæ necessario inferiores esse debent rebus figuratis, vt sumitur ex Apostolo ad Coloss. 2. vbi comparat figuræ veteris Testamenti vmbri, impletionem autem corpori. Si, inquam, figuræ veram habent carnem, & verum sanguinem, quomodo potuit res figurata, quæ substantiæ præstantioris esse debet, quàm sua figura, carere carne, & sanguine? certè si in Eucharistia à cruentis victimis figurata, esset tantum substantia panis, & vini, non autem substantia carnis, & sanguinis Christi, figuratum esset planè inferius, ac vilius sua figura; quis enim dubitet, si consideremus Agnum, & panem, vt res naturales sunt, quin Agnus excellat. Propterea Patres ex figuris, quæ præstantiores sunt pane, efficaciter probant præsentiam Corporis Domini in Eucharistia, quod prosequutus est etiam Bellarminus lib. 1. de Sacramento Eucharistiæ cap. 3.

At instabis, esto Sacrificia cruenta figurauerint etiam Eucharistiam, negari tamen non potest, illa principalius, & expressius figurasse Sacrificium cruentum Crucis, quàm incruentum Ecclesiæ; ergo Sacrificium Agni absolute principalius, & expressius figura fuit Sacrificij Crucis, quàm Sacrificij Ecclesiæ.

Respondeo non solum Agnum Paschalem, sed cetera omnia cruenta Sacrificia instituta à Deo tanquam Sacrificia veræ Religionis, principalius, & potius figurasse Sacrificium Corporis, & Sanguinis Domini in Eucharistia, quàm in Crucis. Afferro rationem; Sacrificia omnia antiqua, illud principalis figurabant, à quo principalius complenda, & perficienda erant; figura enim seruit veritati, & per illam impletur, atque perficitur; vnde illa veritas primario respicitur à figura, quæ ipsam implet; sed Sacrificia antiqua implenda principalius erant per Sacrificium Corporis, & Sanguinis Christi in Eucharistia, quàm in Crucis: Probo hanc minorem. Illud Sacrificium fuit principalius impletium omnium veterum Sacrificiorum, quod absolute successit omnibus illis; Sacrificium autem, quod successit omnibus illis, fuit Sacrificium Corporis, & Sanguinis Christi in Eucharistia vt expresse docet Sanctus Augustinus lib. 17. de Ciu. cap. 20. *Id est enim inquit, Sacrificium quod successit omnibus Sacrificiis* Et ratio est apertissima, quia Sacrificium Crucis licet fuerit à Christo oblatum, non fuit tamen ab illo institutum, & relictum Ecclesiæ in cultum Religionis, nam vt docet S. Augustinus lib. 20. contra Faust. cap. 20. Sacrificium Christianæ Religionis debet esse ritus quidam à Deo Christianis præceptus pertinens ad illum cultum, qui latraria dicitur; à Christi occiso, quæ dicitur Sacrificium Crucis vt rectè Bellarm.

## LVI.

*Cur plures figura Sacrificij incruenti debuerint esse cruenta.*

## LVII.

*Sacrificia antiqua Religionis omnia principalius figurant Eucharistiam quàm Crucem.*

## LVIII.

*Sacrificium Ecclesiæ fuit veteris impletium lute successione.*

## LIX.

*Sacrificium Crucis non fuit successione.*

lib. 1. cap. 20. neque ritus dici potest, cum fuerit ipsa veritas, quam omnes ritus adumbrabant, & multo minus ritus Christianis præceptus dici potest, nisi quis velit nobis à Deo imperatum summum scelus, Christi videlicet interfecionem, & mortem, & denique minimè omnium cultus Latræ dici potest, cum potius Christum occidere summum Sacrilegium dici debeat. Quare qui docent illud de Agno, Exod. 12. *Immolabitque eum vniversa multitudo filiorum Israël* ad vespèram, dictum esse in figuram Iudæorum, qui omnes à Pilato petierunt Christum crucifigi, non ita propriè loqui mihi videntur, neque enim ex parte Iudæorum, fuit illud Religiosum Sacrificium, sed detestabile sacrilegium, & illud ipsum non ad vespèram perpetrarunt, sed ante Meridiem. Nullo ergo modo successit Sacrificium Crucis antiquis Sacrificiis in Sacrificium Religionis, ideoq; semel peractum est, & desinit esse, neque manet nunc nisi per effectum, & virtutem.

At verò Sacrificium Eucharisticum ita fuit oblatum à Sacerdote in æternum secundum ordinem Melchisedech, vt fuerit institutum, & sub ritu mystico relictum Ecclesiæ vsque ad consummationem Mundi in cultum Religionis, quod verè ab vniuersa multitudine spiritualium filiorum Israël, qui in Apostolorum familia continebantur, & repræsentabantur, fuit per manus Summi Patrisfamilias, & Summi Sacerdotis ad vespèram immolatum.

Quod si Sacrificium Ecclesiæ successit vnicè omnibus antiquis Sacrificiis, vt (quod ait S. Leo Serm. 8. de Passione) *Unum sit pro omni victima Sacrificium sicut unum de omni gente sit Regnum*: certè peculiari quadam ratione, & mysterio successit Sacrificio Agni Paschalis; propterea enim, vt verbis vtat S. Chrysost. Hom. de prodit. Iudæ: *In eadem ipsa mensa vtrumque Pascha, & typi, & veritatis celebratum est* Et vt ait Venerab. Beda in cap. 22. Luc. *Expletis veteris pbase sollempniis, transit ad nouum, quod in sue redemptionis memoriam Ecclesiæ frequentare volebat, vt scilicet pro carne Agni, ac sanguine, sui corporis, sanguinisque Sacramentum institueret*. Vide Sacrificium Successionis, quod Christus Dominus voluit à sua Ecclesia frequentari, quod vtique Sacrificium in-cruentum est, nam illud cruentum fecit semel, vt ait apostolus. Vide etiam quemadmodum *Agnus transiit in Agnum*, caro in carnem, sanguis in sanguinem, nimirum quod etiam ex Beda vsurpauit Anselmus in cap. 26. Matth. pro corpore Agni, ac sanguine, sui corporis, sanguinisque Sacramentum instituit.

LX.

*Agnus typicus  
transiit in  
Agnum Eucha-  
ristiæ.*

FINIS LIBRI PRIMII.





# LIBER SECVNDVS

## De Natura huius Montis,

### S I V E

### *De Essentia & Definitione*

### *Sacrificij.*



ECTE<sup>s</sup> monet Bellarminus lib.1. cap.2. in voce *Sacrificium*, non esse quærendam etymologiam, aut vulgarem aliquam significationem, quæ notissima sunt, sed quid propriè sit Sacrificium, siue quæ sit eius natura, & definitio. In hac enim re, ait ipse, non pauci falluntur, ac meo quidem iudicio non leui, sed graui Christianæ Religionis detrimento, ex ignoratione enim naturæ Sacrificij in genere, quam totam in nostro Sa-


cificio reperiri necesse est, eo modo, quo tota natura Generis in qualibet eius specie necessario inest; ex ignoratione, inquam, talis naturæ, tanquam à prima radice communis illa, & verè deplorabilis ignorantia de Sacro-sancto, & Diuino nostro Sacrificio profecta est. Omnino aliquid latet in natura Sacrificij, quod Diabolus plurimum reformidet, vt mirandum non sit, si eius scientiam per offusas tenebras contenderit, semper ab hominum mentibus amoliri, & Luthero secum disputanti, tandem persuaferit, vt diceret: satius esse omnia negare, quam Missam Sacrificium esse concedere.

Agite filij Ecclesiæ, filij Lucis. Agite vos magna ingenia, inquirete in essentiam tam abditam, tam negatam, & edocete tandem, quid est hoc magnum, quod Sacrificium dicimus.

Et quoniam Sapientes viri per nomen Sacrificij tandem intelligant necesse est, Actum illum magnum, quo Creaturæ in vnum veluti Reipublicæ corpus congregatæ sistunt se coram Domino Deo suo, illique solemnè ritu adorationem



publicam, & summum Latriæ cultum exhibent ad agnitionem propriæ inferioritatis, & professionem Diuinæ Majestatis. Operæ pretium erit naturam Sacrificij ex natura ipsa summæ adorationis, & cultus indagare.



## QVÆSTIO PRIMA.

### *An & quomodo Sacrificium sit summus Dei cultus.*

- I. *Adoratio publica quid.*
- II. *Natura summi cultus.*
- III. *Summus cultus postulat destructionem.*
- IV. *Cur summus cultus parat destructionem.*
- V. *Summus cultus Dei postulat totius creati annihilationem.*
- VI. *Concilium Natura.*
- VII. *Cultus summus humanus est publicus, & externus.*
- VIII. *Sacrificium est cultus externus.*
- IX. *Altus honoris externus consistit in minoratione.*
- X. *Adoratio, an summus cultus.*
- XI. *Dandus est cultus aliquis externus singularis.*
- XII. *Adoratio non est summus cultus externus.*
- XIII. *Summus cultus externus importat destructionem ipsius colentis.*
- XIV. *An summus Sacerdos necessario fieri debeat Victimam in Sacrificio.*
- XV. *Tota natura debet se Deo in Sacrificium.*
- XVI. *Sacerdos principalis necessario debet esse Victimam.*
- XVII. *Principalis Victimam omnis Sacrificij est caput omnis creatura.*



NECESSARIUM omnino erat, vt vniuersa Creaturarum Respublica sisteret se aliquando, & appareret in conspectu Creatoris, & Dei sui ad debitum illi honorem publicè, & solemniter deferendum.

Voco autem adorationem publicam cum Theologis, vt rectè P. Suarez tom. 1. de Relig. cap. 2. lib. 1. non omnem illam, quæ coram aliis fit; nam potest aliquis etiam coram aliis, priuatam adorationem exhibere, nimirum pro se tantum, & in persona sua, tanquam priuatus cultor Dei, sed illam publicam voco, quæ ita de se fit coram aliis, vt nomine omnium fiat, atque adeo habeat significationem auctoritatis publicæ, & communi, qua ratione publica dicitur illa actio, quæ fit per legitimum Ministrum nomine totius populi deputatum. In hoc, inquam, sensu necessarium erat, vt non solum priuati homines, sed ipsa Respublica summo cultu suum Deum agnosceret, & adoraret.

I.  
*Adoratio publica quid.*

Cum enim natura hominum postulet, vt in vnum politicum corpus Respublicæ congregetur, vt sic ad Deum ordinabile; necesse erat, vt non solum linguli priuatè colerent Deum, sed etiam, vt tota Respublica per modum vnius corporis ad illum per summum cultum ordinaretur.

Sed difficultas erat in forma cultus, rituque decernendo, qui nimirum, & Majestati Principis, & subditorum subiectioni congrueret. Oriebatur autem difficultas ex natura ipsa *Summi*, ac supremi cultus, quæ hoc vniuersaliter postulat, vt quicumque illum exhibent, profiteantur per illum, se *nihil* esse coram eo, cui illum exhibent. Vis summum Sapientiæ honorem, summum cultum Salomoni deferre? necesse est, vt dicas: Salomon tu solus sapiens, Salomon nemo est, qui in genere Sapientiæ coram te non nihil sit. Vis summum honorem potentiae Romanis tribuere Imperatoribus? Dicas de illis oportet: nemo erat, qui coram Romanis Imperatoribus quidquam posset.

Verum obseruare maximè oportet, summum, de quo agimus cultum, non esse verbalem, neque solum, vt aiunt affectiuum, sed *realem*, & effectiuum, ita vt quidquid in protestationem honoris, verbis explicamus, id totum *reipisa* præstemus. Hinc solemnitas summi cultus in quadam deiectione, destructione, & veluti annihilatione reali posita est. Legi ego tres Codices Rituales; primum de solemnitate cultus summi deferendi ab exercitu, Summo armorum Principi; secundum de solemnitate honoris præstandi Majestati Monarchæ pro Tribunali sedentis; tertium de solemnitate adorationis faciendæ summo Sacrorum Principi, & Pontifici, & in omnibus his obseruavi, solemnitates summi cultus positas esse in reali deiectione, destructione, & veluti annihilatione. Leges ceremoniales de Principe Armorum ab exercitu excipiendo, totæ sunt in eo, vt milites arma dejiciant, vt submittant hastas, vt Vexilla prosternant, vt coram illo, quasi inermes *nihil* armorum sint. Leges ceremoniales de honore præstando Monarchæ, eò collineant, vt coram Majestate, & coram Altissimo, nemo magnus, nemo altus appareat, hinc coram Vnico Solio, sedes omnes siue maiores, siue minores euertuntur; coram Titulo Majestatis cæteri omnes inferiorum Principum Tituli reticentur. Altitudo ipsa corporis per capitis inclinationem, per genuum flexionem, per omnium membrorum prostrationem deprimitur, & quantum fieri potest detruncatur. Leges ceremoniales coram Sacrorum Principe eodem recidunt; nemo est, qui pastorem baculum habeat in manu coram illo, nemo qui benedictionem impetiat. Præmonentur Oratores ne gestum faciant.

Quod si indagetur causa, cur summus cultus, & honor in huiusmodi deiectione, & destructione consistat, profectò alia assignari non potest, nisi quia hoc tantum signo, eum, quem honoramus, esse *totum continens*, declaramus, & in eo genere, quo totum est, *solum*, ac singularem profiteamur. De ratione enim *totius* est, vt extrà ipsum nihil sit eius generis, in quo ipsum totum est. Hoc autem ostendimus, & explicamus per deiectionem, & amotionem omnium in eo genere, qua amotione quasi publico, non vocali, sed reali manifesto dicimus: Tu solus, tu *totum continens* in hoc genere es.

Hæc igitur natura est summi cultus, ex qua illud conficitur, quàm facile est, summum cultum deferri Regibus, & Dominantibus terræ, tam difficile esse

II.

Natura summi cultus.

III.

Summus cultus postulat destructionem.

IV.

Cur summus cultus petat destructionem.

Regum Regi, & Domino dominantium Deo exhiberi posse. Facile, inquam, est hoc præstare pro meritis, Regibus terræ, tum quia non requiritur tanta expressio propriæ inferioritatis, ubi non est infinitus excessus Superioris Majestatis, tum quia summitas Regis, & quasi totalitas non est in omni genere; Quare satis est ad supremum cultum illi præstandum, si per dejectionem rerum in certo genere manifestum faciamus, & re ipsa dicamus. Nemo est alius præter te in isto genere.

V

*Summus cultus Dei postulat totius creature annihilationem.*

At verò cum Deus sit omnia in omni genere, nullomodo videtur fieri posse, ut ad similitudinem supremi cultus, quem supremis terræ Principibus exhibemus, cultum illi soli congruum, & debitum comparemus; neque enim ad colendum congruè Deum satis est profiteri. Tu solus Sanctus, tu solus Dominus, tu solus Altissimus, quasi nemo sit alius in genere Sanctitatis, nemo in genere Domini, nec in genere Majestatis, sed necessarium est absolute, & simpliciter profiteri. *Tu solus es, neque enim est alius extra te.* 1. Reg. 2. Cum verò sollemnitatis huius professionis consistere debeat in *reali representatione*, hoc postulante natura summi cultus, ut re ipsa, & practicè significetur, & repræsentetur quidquid verbis exprimere possemus; hinc est, ut nullomodo possimus supremum cultum, soli Deo congruum, & debitum solemniter exhibere sine effectiva dejectione, destructione, & annihilatione omnium rerum extrà ipsum. Ecce totus cardo difficultatis. Quid ergo facerent creaturæ in vnum Reipublicæ corpus congregatæ? Ex his duobus alterutrum necessario fieri oportebat, vel, ut nunquam coram Domino Deo suo, se solemniter sisterent, vel si ad debitam Deo adorationem solemniter voluissent accedere, deponerent coram ipso totum, quod habent esse extrà ipsum.

VI.

*Concilium Naturæ.*

Ad hanc grauissimam difficultatem superandam consulendum meritò fuit primum illud, ac generale Naturæ Concilium, cuius lèx promulgata iam fuerat de colendo Deo, eo quod creatura omnis debet Deo, non tantum amore, sed etiam honorem, tanquam supremo Domino, & Autori suo, à quo habet, & originem, & cætera omnia. Præses Concilij Religio erat. Cum autem Religionem nomino, non statum nomino, sed virtutem omnibus Dei cultoribus communem, cuius officium est procurare debitum honorem, & gloriam Deo, & cuius exercitio, & professioni, status, qui dicitur Religiosus, est peculiariter institutus, & ordinatus.

Præsidente igitur virtute Religionis, quæ iuxta Tullij definitionem probatam ab Augustino lib. 83. quæst. 31. *Divina natura curam ceremoniarumque offert.*

Quæsitum primo est. An via aliqua iniri possit, qua corporea hominum Respublica satisfaceret legi læx de honorando, & adorando Deo per internum animi cultum, & cordis adorationem, ut sicut Angelica Respublica, non solum habet affectum adorandi Deum, sed ipsam quoque veram adorationem, quatenus actum ipsum recognitionis Divinæ Majestatis, & propriæ inferioritatis offert in cultum Deo, ita etiam humana natura per similem dispositionem, & actuum ordinationem ad Deum, suam perficiat adorationem, ut enim rectè Suarez tom. 1. Relig. multo magis genuflectitur spiritualiter anima coram Deo per illam recognitionem ad hunc finem ordinatam ex affectu colendi Deum, quam corporaliter genuflectitur per crucium plicationem, & demissionem usque ad terram.

Sed quamvis sit verum, animam per internum cultum genuflecti magis, quàm corpus per externum; homo tamen, qui ex utroque componitur, sine dubio genuflectitur magis per utrumque. Quare optimè dixit contra Hæreticos Bellarminus lib. 1. cap. 25. Et si internus cultus nobilior externo sit, utrique tamquam præstare internum cum externo conjunctum, siue internum cultum cum externa illius protestatione.

Itaque summus cultus, de quo agimus non potest esse merè internus, sed mixtus ex utroque, idque triplici ratione; & quia humanus; & quia publicus, & quia summus. Quia humanus, cum enim cultus, & honor exhiberi debeat modo ipsi honoranti, & colenti accommodato. Est enim honor in honorante, sequitur, ut sicut homo, qui honorat est compositus, ita eius humana operatio; unde ex doctrina S. Thomæ rectè dixit P. Suar, lib. 1. de Div. cultu cap. 1. eum modum colendi, & honorandi, tam naturalem homini esse, ut vix possit modo sibi accommodato, aliter Deum adorare, quia sicut intelligit spiritualia per sensibilia, & ad modum rerum corporalium, ita vix exprimit interiorem reuerentiam, & submissionem, nisi exhibendo aliqua sensibilia signa illius, per quæ, & suo affectui quodammodo satisfacit, & rursus per eadem in illo interiori affectu confirmatur, & crescit.

Rursus debet esse externus, quia publicus, ut enim docet S. Augustinus contra Faustum lib. 19. cap. 11. Communitas hominum non potest coalescere, & convenire in alio signorum genere, quàm sensibilibus, ut est manifestum; nam interiora signa per se occulta, & ignota hominibus sunt, qui vident ea, quæ parent, nec intuentur cor: cultus autem publicus, qui videlicet nomine omnium fit, debet ex se, & ex natura sua notus esse omnibus, atque adeo, interno tantùm actu perfici, nullatenus potest. Adde quod notavit Suarez in 3. p. q. 83. Teneri hominem suam mentem, & animum erga Deum, non solum Deo, & sibi, sed etiam aliis hominibus significare, propter quod non solum fides, sed etiam confessio fidei est ad salutem necessaria, Rom. 10

Denique cultus Deo ab homine debitus præsertim in functione solemnī, & publica debet esse etiam externus, quia debet esse summus, & maximus, quo scilicet maior dari non possit. Constat autem cultu solo interno maiorem esse cultum ipsum internum cum externo conjunctum, quemadmodum maior censetur offensa, & ignominia, quæ non solum actu interno, sed etiam externo perficitur, Et sane cum homo teneatur aliquando, non solum anima, sed etiam corpore honorem reddere Deo, ex illo præsertim nomine, quod à Deo non solum animam, sed etiam corpus accepit, profectò talis honor reddendus Deo præcipuè est, in solemnitate protestationis, quod Deus omnium autor est. Hæc autem protestatio faciendâ maximè esset, cum hominum multitudo in vnum Reipublicæ corpus congregata sisteret se coram Domino Deo suo, siue per se, siue per Ministrum autoritate publica deputatum.

Propter has rationes extrâ controuersiam semper fuit apud Doctores, summum cultum, cuius naturam hîc indagamus, esse testificationem quandam externam internæ existimationis, & affectus. Propterea in definitione Sacrificij, in quo communiter summam testificationem posuerunt omnes, expressè dicitur, quod sit actio externa, quia ut rectè Bellarminus lib. 1. cap. 2. nomine Sacrificij

VII.

*Cultus summus humanus est publicus, & externus.*

VIII.

*Sacrificium est cultus externus.*



proprie omnes intellexerunt publicum, & manifestum honorem Deo exhibitum à communi, & publico Ministro.

Controversia totum est. Quisquise se extendere necessario debeat summus iste cultus reddendus Deo. Siue quid prestare necessario debeat homo, qui communi autoritate residendo, siue in Republica, siue in Principe illam continente, eligitur, & deputatur ad talem cultum omnium nomine exhibendam.

Hoc nimirum disputatum, consultumque in primo illo Naturæ Concilio est, ipsa præside Religione. Itaque visum aliquibus est, ad hanc functionem ritè obeundam satis esse, si homo publicus, ex hominibus videlicet assumptus, & pro omnibus constitutus in protestationem Diuinæ Majestatis, & humanæ infirmitatis, & inferioritatis solemnè ritu prosterneret se ad terram vsque, quo actu omnes homines per illum representati cum tota creaturarum familia, intelligerentur adorare, submitti, & subijci Creatori, & Deo suo.

IX.  
*Aspici honoris  
externus consi-  
sit in minori-  
tione.*

Et sanè negari non potest summam *prostrationem* externam, aptam esse, vt assu-  
mat in signum magis submissiōis internæ. Videmus enim vniversale signum  
internæ inferioritatis positum apud omnes ferè gentes esse in externa minoritate  
ita vt tantò magis quis censetur esse in animo suo, alio inferior, quāto coram  
illo sit minor. Inclination Capitis ex affectu reuerentiæ, est signum alicuius inferioritatis,  
maioris est inclinatio pectoris; adhuc multò maioris, genuum incur-  
uatio; neque alia ratio à Sapientibus reddi potest, nisi quia in signum inferiori-  
tatis, seu minoritatis internæ assumpta ab omnibus est minoratio externa. Vt si  
quæras, cur per genuum-flexionem magna honoris sit significatio; respondendum  
sit, quia homo per genuum-flexionem de ipsius proceritate, & maiori-  
tate multum tollit, sequè ipso valde fit breuior, & minor. Hinc mea quidem senten-  
tia Iapones in notam reuerentiæ denudant pedes calceo, vt nos pileo caput; quia  
nimirum sicut nos supernè, ita illi infernè illa actione se minorant. Et procul-  
dubio, ex hoc etiam affectu humilitatis, multi Sancti viri nudis pedibus, & ca-  
pice incedebant, vt sic etiam coram Deo minores ambularent.

Quia ergo per summam corporis ad terram vsque prostrationem, proceritas  
omnis, & maiortas tollitur, congruè omnino adhiberi potest in solemnem pro-  
testationem summæ inferioritatis nostræ, & Diuinæ Cellitudinis, quam per de-  
jectionem illam summam profiteamur.

X  
*Adoratio an  
summissilms.*

At Religio, cuius proprium est, singularem Deo honorem, & illi soli debitum  
procurare, non est, inquit, neque pro creata inferioritate, neque pro Diuina ex-  
cellentia, & maiestate satis huiusmodi propositum signum, tum quia non conti-  
net honorem singularem soli Deo factum, tum quia non est summum, & maxi-  
mum. Deferuntur quidem piè huiusmodi enumerati honores Deo, cui debetur  
omnis honor, & gloria. Verum, vt ait Augustinus lib. 10. de Ciuit. cap. 4. multa  
de cultu Diuino vsurpata sunt, quæ honoribus deferuntur humanis, siue humi-  
litate nimia, siue adulatione pestifera, siue ex alia quacumque causa. Est quidem  
laudabiliter de Salomone scriptum lib. 3. Reg. cap. 8. vers. 55. *Surrexi de conspectu  
Altaris Domini, vtrumque enim genu in terram fixerat.* Verum sine sacri-  
legio narratur quoque de quinquagenario illo tertio, qui cum venisset, *curruuie  
genua contra Eliam, & precatus est eum.* Piè quidem Sanctus Danid humi se,  
Deum oraturus prosternerat ex affectu nimirum humanæ humilitatis, quia, qui  
hum



humī prostratus erat, non habet, quò descendat, & magis humilietur. *At Abigail procidit coram David super faciem suam, & adoravit super terram*, lib. 1. Reg. 25. Et Iudith videns Holofernem sedentem in Conopeo, *adoravit eum prosternens se super terram*, Iudith. 10. Non igitur est singularis, & propius Dei cultus, qui aliquando etiam hominibus fit communis. Sed sicut est interior quidam cultus, quem soli Deo, nec Beatissimis quidem Cœlitibus exhibemus, cum illum tanquam primum principium, & ultimum finem rerum omnium agnoscimus; sic etiam debet esse externum aliquod signum, quo singulariter protestemur, cultum istum internum soli Deo debitum; ut quemadmodum internus iste actus, est singularis Dei cultus, ita signum externum publicum, & solemne talis actus, sit etiam singulare.

X I.

*Dandus est cultus aliquis externus singularis.*

X II.

*Adoratio non est summus cultus externus.*

Quod verò cultus, qui in totius corporis prostratione ponitur, non solum non sit singularis, sed neque summus, & maximus, quod erat secundo loco affirmatum, argumento, nisi illi submissi animi conatus, quibus Sancti viri ex affectu colendi Deum, non solum secundum altitudinem, sed secundum omnes alias dimensiones contrahere, & quasi in punctum se redigere contendebant: Sic Eliseus lib. 4. Reg. cap. 4. *Diminutus est usque ad parvitatē pueri, incubuit super eum, posuitque os suum super os eius, & oculos suos super oculos eius, & manus suas super manus eius, & coarctavit se super eum*; utique ex vehementi affectu humilitatis, & subjectionis ante Deum, ut ex S. Augustino docet Sanctius; unde tam potentis eius evasit oratio ad impetrandum. Nam quid de Elia, Elisei Magistro dicam, qui non solum conatus est eodem affectu fuit, coarctare se ad parvitatē pueri, verum ulterius minoratus, conatus est ad illam se reducere parvitatē, & formam, quam habebat in utero matris suæ? Et pronus in terram posuit faciem suam inter genua, lib. 3. Reg. cap. 18. Ille est situs Embrionis ait Aristoteles lib. 7. de Historia Animal. cap. 8. homo enim, ait ille in semine conglobatus ita gestatur, ut faciem inter genua habeat. Habitus profectò hominis se humiliantis, & Deum solum Magnum profiteri, & declarare cupientis.

Porro affectus hic Sanctorum minorare se magis, ac magis satagentium, & quasi se ad nihilum redigere cupientium, indicat omnino non esse summum honorem illi præstitum, nec singularem, Deique proprium, in quo religiosus animus conquiescat, sed alium longè maiorem esse possibilem, ad quem animus tendat. Hic nimirum est hodie inquirendus. Itaque ratiocinemur hoc modo.

Omnis cultus externus consistit in aliquo genere dejectionis, & destructionis ordinatæ ad professionem alienæ excellentiæ, hoc declaratum superius est, & generali hominum consuetudine comprobatum. Ergo ille tantum censendus est cultus externus, summus, & maximus, qui ad illum finem, summam secum affert dejectionem, & destructionem; ergo donec persona publica, omnium nomine in Dei honorem, & gloriam destruat, nunquam Respublica exhibebit summum, & maximum cultum externum Deo. Sed talis cultus est debitus Deo, cui omnis debitus est; ergo est omnino communibus omnium votis, atque opera procurandus.

Latet in hoc argumento magna controuersia, & quæ plura ingenia ad illam agitandam excitabit; Nam quod in protestatione summa subjectionis ad Deum, & summo cultu externo, qui exhiberi possit, intercedere destructio debeat, ferè

X III.

*Summus cultus externus importat destructionem ipsius colentis.*

X IV.

*An summus Sacris necessarius fieri debeat Vltima in sacrificia.*

Doctores omnes concedunt ex illa præcipuè ratione, quam tangit Bellarminus lib. 1. cap. 2. quia summa, de qua loquimur, protestatio, requirit, ut non solum usus rei Deo offeratur, sed ipsa etiam substantia, & ideo non solum usus, sed substantia consumatur.

At quod hæc externa, & realis destructio esse necessario debeat personæ ipsius legitime deputatæ ad summum cultum exhibendum, ita ut cultus exhibitio nihil aliud sit, quam ipsa colentis physica, & realis exinatio, hoc non nemo dissonum, & absurdum reputabit, quia omnes quotquot in lege naturali, vel scripta legitime sacrificarunt, omnes summum Deo cultum publico nomine exhibuerunt, & tamen non se ipsos, sed res ab ipsis oblatas ad Dei honorem destruxerunt. Simili ratione deputari posset, & auctoritate publica aliquis eligi, tanquam totius humanæ naturæ Sacerdos, qui per destructionem alicuius rei extra se ipsum, ritu mystico factam, debitum Deo honorem, & cultum deferret.

Sed Divina Religio non videtur contenta ea protestatione, neque illam, tanquam summam admittit, quia maior proculdubio esset alia, quæ Respublica humana in aliquo suo eiusdem naturæ, & homogeneo capite constituto, moraliter in Dei honorem, & obsequium sese destrueret. Vnde merito non acquiescit in eo cultus genere, quo aliquis naturæ Sacerdos constitutus extraneam victimam in Sacrificium offerret: ratio est quia tota humana natura in vnum veluti Reipublicæ corpus congregata, debet ipsa se ipsam in Sacrificium Deo, nec solum quæ sunt extra ipsam, ut docet Eusebius lib. 1. de Demonstratione cap. 10. Quare Theologi ex doctrina Eusebij aiunt, Sacrificium esse protestationem, quæ homo profiteretur se habere totum suum esse à Deo; & ideo dignum esse Deum, in cuius honorem, & cultum *idem esse & eadem vita* destruat: ideo Sacrificium reponitur in specie perfectissimæ oblationis; constat autem summam oblationem esse illam, qua quis non solum sua, sed se, nec solum se per servitutem, sed etiam per Martyrium offert Deo. Debet ergo humana Respublica se ipsam Deo in Sacrificium; ergo ipsa modo accommodato solemnî, ac publico ritui in Dei honorem destrui debet; sed non ipsa in se, & per se; ergo ipsa per publicum, & in publico, & legitimo homine, in quo tota contineatur, & sit; ergo talis publicus homo debet ipse per se ipsum offerri Deo, & destrui in Sacrificium. Hæc ultima consequentia nititur principio generalissimo, quod omne morale fundatur in aliquo physico; quare ad verificandam moralem totius Reipublicæ destructionem in honorem Dei, necessarium est, ut aliquis, in quo totum suum esse habet morale, physice in Dei honorem destruat; & quia corpus politicum, & mysticum, totum suum esse morale habet in capite continente, ideo moralis destructio totius corporis politici, non nisi in sui capitis physica destructione fundari potest.

## XVI.

*An Sacerdos principalis necessario debeat esse victima.*

Assumendus est ergo primo aliquis ex hominibus, & omnium caput, in quo omnes contineantur, constituendus, tum, si ad exhibendum legitime cultum debitum Deo acceptet officium, & munus Sacerdotis, acceptet etiam necesse est onus Victimæ. Hæc enim duo in una eademque capitis persona coniuncta sunt, ut idem corpus, quod est Sacerdos, sit Victima propter indicatam rationem, quia cum totum corpus debeat Deo Sacrificari, & non in se ipso, necesse est ut Sacrificetur in suo capite, atque adeo ut caput sit simul offe-

rens, & res oblata, quæ ad Sacrificium consummandum necessario est destruenda.

Sed cur non satis esset ad Sacrificium generis humani, si eius Sacerdos extraneam aliquam Victimam assumeret, exempli gratia, aliquem Arietem, vel si non extraneam, cur non satis esset si eiusdem naturæ aliquem alium in Dei honorem, & cultum reliquorum omnium nomine offerret.

Non satis esset, quia ad fundandam absolutam perfectamque denominationem, & veritatem moralem de Sacrificatione Generis humani, in alio, requiritur continentia; qua enim ratione dicas hoc sacrificari in illo, si in illo non est? Corpus autem totius humanæ Reipublicæ non est nisi in suo capite, in quo nobiliori, & perfectiori aliquo modo est, quàm in se ipso.

Addo, ad Sacrificium Generis humani non solum necessarium esse, ut Victima habeat qualitatem capitis respectu omnium hominum, sed etiam respectu omnis creaturæ, ita ut in illa non solum omnes homines, sed reliquæ quoque omnes creaturæ contineantur, idque non quia Sacrificium Generis humani, sed quia absolute, & simpliciter Sacrificium est. Vnde sequitur nullum verum Sacrificium posse consistere sine Victima magna, quæ habeat qualitatem capitis respectu omnis creaturæ. Et omne verum Sacrificium eandem essentialiter Victimam habere, cum dari non possit nisi vnica Victima, quæ qualitatem capitis habeat respectu omnis creaturæ.


Sed vnde habes, Victimam Sacrificij cuiuscumque, habere hanc qualitatem capitis respectu omnis creaturæ? Habeo ex formalissima ratione summæ protestationis, & cultus proprii Sacrificij. Etenim per Sacrificium protestamur, & protestamur, quod Deus solus est, & præter Deum nihil est, quia Deus est, qui est. Cum verò confessio hæc, & protestatio non sit verbalis tantum, & vocalis, sed realis; hinc est, ut eius solemnitas necessario in effectiua, & reali dejectione, destructione, & annihilatione omnis creaturæ perfici debeat: debet enim practicè significare quid efficerent verba, si non essent tantum enunciatiua, sed etiam operatiua, ut verba Consecrationis; sed non potest omnis creatura moraliter quantum ad veram protestationem satis est, destrui in vna, nisi in illa vna contineatur; ergo Victima cuiuscumque Sacrificij necessario debet habere qualitatem capitis respectu omnis creaturæ.

Plura hic tetigimus, quæ fortasse non sunt vulgo protrita, & quæ propterea vberioris explanationem postulare videntur; ideo antequam ipsius definitionis verba promanemus, quæstionculas aliquas, faciem illi prælaturas inducimus.

XVII.

*Principalis Victimam omnis Sacrificij est caput omnis creatura.*





## QVÆSTIO SECVNDA.

*Vtrum principalis Sacerdos necessario sit ex  
Creaturis assumptus, & an possit esse  
pura Creatura.*

- I. *In promotione de Collegio preferendus.*
- II. *Sacerdotis definitio.*
- III. *Sacerdos necessario est Creatura.*
- IV. *Sacerdos ut talis est minor Deo.*
- V. *Sacerdos est maior omni creatura.*
- VI. *Non potest esse pura creatura.*

I.  
*In promotione  
de Collegio pre-  
ferendus.*



QVONIAM Sacrificium actus est principalis Sacerdotis, qui absolutè, & simpliciter est Sacerdos: Ad Sacrificij definitionem præparandam plurimum referet, si huiusmodi Sacerdotis dotes, & necessarias proprietates indagemus, ac primo illud sese offert, An, & quomodo Sacerdos pro creaturis constitutus sit creatura; Et quidem rectè constituta est lex illa, ait S. Thomas de promouendis ad Ecclesiasticos Magistratus, quod quando utilis inuenitur aliquis de Collegio, non eligatur extraneus. Hanc legem custodiri quoque iussit Deus in electione primi Regis Israël, ut patet ex Deuter. cap. 17. *Cum, inquit, constitues quem Dominus Deus tuus elegerit de numero fratrum tuorum, non poteris alterius gentis hominem Regem facere, qui non sit frater tuus.* Denique Deus ipse tanquam singulare priuilegium promisit dilectæ vineæ suæ, Osee 2. *Dabo eis vinitores ex eodem loco, ex gente nimirum sua, quemadmodum quando vineam suam transtulit de Ægypto, dedit ei Vinitores Moysen, & Aaron, habere apud se Magistros de loco, & gente sua, quos crebrò audias, quos cum libuerit possis facile consulere, quorum verba melius intelligas.*

Iam verò cum summus constituendus Pontifex esset pro Creaturis, congruum planè fuit, ut ex Creaturis ipsis, quasi de numero fratrum suorum aliquis assumretur. Quod verò hic querimus est, an ita fuit congruum, ut etiam fuerit necessarium.

II.  
*Sacerdotis de-  
finitio.*

Probo autem fuisse necessarium hoc argumento. Sacerdos est mediator inter Deum, & Creaturam, ergo necessario est Creatura. Antecedens sumitur à S. Thoma 3. par. quæst. 22. art. 1. ubi ait, quod propriè officium Sacerdotis est, esse Mediatorem inter Deum, & populum, in quantum scilicet Diuina populi tradit, & in quantum Preces populi Deo offert, & pro eorum peccatis Deo ali-



qualiter satisfacit; vnde Apostolus dicit: Omnis Pontifex ex hominibus assumptus, pro hominibus constituitur in his, quæ sunt ad Deum, vt offerat dona, & Sacrificia pro peccatis. Ex quibus Apostoli verbis, congrua confurgit Sacerdotis definitio, qua vtitur P. Vasquez disput. 83. cap. 1. Sacerdos est Mediator hominum apud Deum auctoritate publica constitutus, non merito, & oratione solum interpellans, sed etiam Sacrificio.

Consequentia probatur, tum ex natura Mediatoris simpliciter, tum ex natura talis Mediatoris, qualis est Sacerdos; quamvis enim omnis Sacerdos est Mediator, non tamen omnis Mediator est Sacerdos, primo ergo ex natura Mediatoris, qui distare debet ab eo, apud quem est Mediator; id enim secundum eandem rationem, & naturam non potest apud se Mediatoris officium facere, sed Sacerdos Mediatoris officium exercet apud Deum; ergo debet habere naturam secundum quam distet à Deo.

Probatur secundo ex natura talis Mediatoris, qualis est Sacerdos, cuius non solum est, partes dissidentes vtrumque componere, & reconciliare, propter quod dicitur Mediator à Medio scilicet; in quo extrema coniunguntur vt notauit S. Thomas quæst. 26. art. 1. sed mediare etiam interpellando, petendo, & Sacrificium offerendo pro his, pro quibus Sacerdotis munus exercet. Quare S. Paulus loquendo de vnico, & vero Mundi Sacerdote 1. Timoth. 2. ait: *Unus est Mediator Dei, & hominum, homo Christus Iesus*, & statim subdens, actum potissimum Ministerij sui, *qui dedit, inquit, semetipsum redemptionem pro omnibus*; hoc est, qui tradidit semetipsum in Sacrificium propitiatorium pro peccatis Mundi.

Ex hoc autem euidenter infertur, Sacerdotem necessario esse creaturam, quia offerre Deo preces, supplicationes, & Sacrificia, ad inferiorem, atque à Deo creatam naturam pertinet. Vnde rectè dixit S. Ambrosius lib. 3. de Fide cap. 5; sub finem. Sacrificium, humanæ conditionis officium est. Igitur Summus Pontifex pro creatoris constitutus, de creaturarum numero est; ipse pariter creatura, sed an pura creatura? id quoque pertinet ad rectè tenendam essentiam Sacerdotis.

Dico igitur Sacerdotem necessario esse plusquam creaturam, atque adeo non posse esse puram creaturam, quod sic ostendo.

Sacerdos est Mediator Dei, & creatura; ergo non est pura creatura. Antecedens ex dictis est manifestum, Consequentia probatur, tum ex natura Mediatoris, vt sic, tum ex natura talis Mediatoris, qui est Sacerdos. Et quidem ex natura Mediatoris vt sic, quia Mediator, non solum distare debet ab eo, apud quem est Mediator, sed etiam à re, pro qua Mediatoris munere fungitur. Sicut enim idem secundum eandem rationem, & naturam non potest facere Mediatoris officium apud se, ita neque pro se; ergo quemadmodum ex eo quod Sacerdos est Mediator Dei, sequitur quod distet à Deo, atque adeo sit creatura, ita ex eo quod est Mediator creaturæ, sequitur quod distet à creatura, ita vt non sit pura creatura.

Probatur hoc idem secundo ex natura talis Mediatoris, hoc est Sacerdotis, satisfaciens Deo pro creatura mediante Sacrificio. Non potest Sacerdos esse efficax Mediator, si sit pura creatura; ergo non est pura creatura. Consequentia est manifesta ex fine Sacerdotij, & Sacrificij. Antecedens probatur, quia efficax

III.

*Sacerdos: necessario est Creatura.*

IV.

*Sacerdos vt talis est minor Deo.*

V.

*Sacerdos est maior omni creatura.*

VI.

*Non potest esse pura creatura.*



mediatio fit per Sacrificium satisfactorium ex rigore Iustitiæ, quod exhiberi non potest à pura creatura. Quare rectè docent Theologi, ad Mediatorem per operationem, necessariam fuisse in Mundi Sacerdote mediationem substantialem, quatenus personalitas Mediatoris conjunxit nouo, & mirabili fœdere incretam, & creatam substantiam, nisi enim ratione talis mediationis substantialis Sacerdos esset creatura, & plusquam creatura, non esset suppositum increatum in natura creata operans, ac proinde non essent opera Sacerdotis infiniti pretij; itaque formaliter Sacerdos est mediator quantum ad mediationem operationis per solam naturam creatam, tamen, vt sit Mediator, & possit pro omni creatura, & toto mundo Sacrificium efficax offerre, debet præter formam naturæ creatæ habere suppositum increatum in natura creata secundum quod Sacerdos est Mediator, hoc est medius per participationem vtriusque extremi, Dei, & creaturæ.



## QVÆSTIO TERTIA.

*Vtrum principalis Sacerdos necessario sit ex hominibus assumptus.*

- I. Sacerdos principalis necessario est homo.
- II. Solus homo continet omnem creaturam.
- III. Homo creaturarum omnium summa.
- IV. Coniunctio primi & ultimi.
- V. Homo universitas, & omnis creatura.



ROBAVIMVS Sacerdotem constitutum pro omni creaturæ necessario assumptum esse ex creaturis, exanimandum est nunc; ex quibus creaturis sit assumptus; & quia controuersia esse tantum potest de creaturis intellectualibus, nimirum de Angelis, & hominibus; quærimus, An Mundi Sacerdos potuerit esse Angelus, quemadmodum de facto est homo. Et quoniam hæc disputatio maximè pertinet ad plenè cognoscendam essentiam Sacrificij, ideo illam instituimus hoc loco, & respondemus, Sacerdotem necessario esse ex hominibus assumptum.

Fundamentum est, quia Sacerdos omnis creaturæ debet necessario continere in sua natura vniuersitatem omnium creaturarum, alioquin non posset esse Victimæ, quæ necessario habet qualitatem capitis respectu omnis creaturæ iuxta eam, quæ diximus agentes de natura, & essentia Sacrificij. Ex hoc autem sequi existimamus, Sacerdotem necessario debere esse hominem: quia ex omnibus crea-

I.  
Sacerdos principalis necessario est homo.

turis, solus homo continet in sua natura vniuersitatem omnium creaturarum, quia de solo homine dicitur, quod creati Mundi sit compendium, vinculum, & nexus, perfectio non ex alia ratione, nisi quia solus homo, omnes rerum spiritalium, & corporalium gradus in se habet, & necesse est, & vocatur Microcosmus, atque à Platone vocatur Horizon vniuersi, quia determinat, & in se coniungit superius Hemispherium, puta Cælum, & Angelos, atque inferius, puta Terram, & bruta; quare homo tantum, est quasi *consubstantialis* omnibus creaturis, atque adeo habere potest veram rationem capitis respectu vniuersorum.

I I.

*Solus homo continet omnem creaturam.*

Hic est communis sensus SS. Patrum, & Theologorum, qui propterea docent ex Mysterio Incarnationis ad omnes creaturas quandam peculiarem dignitatem redundare, quia nimirum in natura hominis, omnes res creatæ secundum suos gradus continentur; & ideo assumendo illam naturam, omnes creaturas quodammodo Deus sibi specialiter copulauit, atque adeo quodammodo Deificauit. Quod videtur etiam significasse Apostolus ad Ephes. 1. dum ait omnia esse in Christo instaurata, seu, vt ex Græco legit S. Hieronymus, recapitulata: in Christo, quia vt docet S. Irenæus lib. 2. cap. 18. In natura humana omnes res, & rerum species, ac gradus quasi in *summa* continentur, quam summam Hebræi vocant *Caput rei*, vt patet Num. 1. ver. 2. Propterea cum Verbum Diuinum humanum naturam assumpsit, tunc quasi res omnes in summam reductas sibi coniunxit, & ad se, quasi ad Autorem, & primam originem, ad Verbum scilicet, quo creata sunt, reuocauit, ex quo videtur S. Thomas sumpsisse illud Opuscul. 60. quod est de Humanitate Christi. Quid sapientius, inquit, quàm quod ad complementum totius vniuersi fieret conjunctio primi, & vltimi, hoc est Verbi Dei, quod est omnium principium, & humanæ naturæ, quæ in operibus sex dierum fuit vltima omnium creaturarum? Quid benignius, & melius, quàm quod Creator rerum communicare se voluit rebus creatis? Quæ benignitas magna fuit in conjunctione sui cum omnibus rebus per præsentiam, maior quia communicauit se bonis per gratiam, maximè quia se communicauit Christo homini, & per consequens generibus singulorum in vnitæte personarum. Nota illud *Generibus singulorum*.

I I I.

*Homo creaturarum omnium summa.*

I V.


*Conjunctio primi, & vltimi.*

Atque huc tandem facit celebris ille Magni Gregorij locus lib. 6. Moral. cap. 7. Vniuersitatis, inquit, nomine homo signatur, quia in ipso, & vera species, & magna communio Vniuersitatis ostenditur. Omne namque, quod est, aut est, & non viuunt, aut est, & viuunt, sed nequaquam sentit, aut est, & viuunt, & sentit, sed non intelligit, nec discernit, aut est, viuunt, & sentit, & intelligit, & discernit, sunt namque lapides, nec tamen viuunt; Arbusta viuunt quidem, nec tamen sentiunt: herbarum quoque, atque arborum vita, viriditas vocatur sicut per Paulum 1. Corinth. 15. de feminibus dicitur: *Inspiciens, in quod feminas non viuificatur, nisi prius moriantur*. Sunt bruta animalia, viuunt, & sentiunt, nec tamen intelligunt, aut discernunt. Sunt Angeli, viuunt, & sentiunt, & intelligendo discernunt. Homo itaque, quia habet commune esse cum lapidibus, viuere cum arboribus, sentire cum animalibus, discernere cum Angelis, rectè nomine Vniuersitatis exprimitur, in quo iuxta aliquid ipsa Vniuersitas teneatur; vnde Discipulis Veritas dicit Match. 16. Euntes in Mundum vniuersum, prædicate Euan-

V.

*Homo Vniuersitas, & omnis creatura.*

gelium *omni Creature*. Omnem videlicet Creaturam solum intelligi hominem voluit, cui commune aliquid cum omnibus creauit.



## QVÆSTIO QVARTA.

*Vtrum principalis Sacerdos habeat qualitatem  
Capitis respectu Angelorum.*

- I. *Enumerantur conditiones capitis.*
- II. *Sacerdos necessario est caput, etiam Angelorum.*
- III. *Homo est consubstantialis Angelis in natura Generis.*
- IV. *Sacerdos prima pars Mundi.*
- V. *Christus Dominus Hierarcha etiam respectu Angelorum.*
- VI. *Perfectio Sacerdotij in Christo.*
- VII. *Christus est substantialiter Sacerdos.*
- VIII. *Christus insluit etiam in Angelos.*
- IX. *Conditiones capitis quomodo coordinatae in Christo.*



At i p in contrarium dubitandi illa est, quia vt probauimus, Sacerdos necessario est ex hominibus assumptus, ita vt quia homo est, habere debeat qualitatem Capitis respectu omnium, quorum est Sacerdos; non videtur autem homo habere posse conditiones Capitis respectu Angelorum.

I.  
Enumerantur  
conditiones ca-  
pitij.

Ac prima quidem conditio Capitis est, conformitas naturæ, itavt vnius naturæ sint caput, & membra; homo autem non est conformis in natura cum Angelis. Secunda conditio Capitis est ordo, secundum quem caput est prima pars, incipiendo à Superiori, Angelus, autem propinquior esse videtur Superiori, hoc est Deo, quia Angeli sunt medij inter Deum, & hominem, & ratione talis mediationis, potius Angelus est Sacerdos, quam homo: nihil enim aliud est Sacerdos nisi mediator inter Deum & Populum. Tertia conditio est perfectio; in capite enim vigent omnes sensus, & interiores, & exteriores, cum in cæteris membris sit solus tactus, perfectior autem est Angelus quam homo. Quarta denique conditio est Virtus, quia virtus & motus cæterorum membrorum, & gubernatio eorum in suis actibus, est à capite propter vim sensitivam, & motivam ibi dominantem, non potest autem explicari, in quo consistat influxus hominis Sacerdotis in Angelos. Has conditiones capitis multici ad similitudinem capitis naturalis enumerat S. Thomas 3. par. quest. 8. art. 1. ubi quaerit, Vtrum Christus, quia homo est, sit Caput Ecclesiæ.

II.  
Sacerdos neces-

Dicimus ergo Sacerdotem habere necessario qualitatem Capitis etiam respectu

respectu Angelorum; vnde consequens est, vt etiam respectu illorum sit primus in ordine, primus in perfectione, & primus in virtute. Ratio autem generalissima, cur qualitatem capitis habeat etiam respectu Angelorum, illa est, quia ad realem, & solemnem protestationem pactum Sacrificij faciendam, quod scilicet Deus, est, qui est, & præter Deum nihil est; oportet, vt totum esse creatum in Sacerdote, offerente pariter, & offerendo, præcontinueatur: iuxta ea, quæ diximus de essentia, & natura Sacrificij, cum verò in esse creato, includatur etiam esse Angelorum, sequitur Sacerdotem habere necessario qualitatem capitis, etiam respectu Angelorum.

Neque verò obstat prima Capitis conditio, quæ in conformitate naturæ posita est, quia vt docet S. Thomas quæst. 8. art. 3. ad 1. Homo licet non conueniat cum Angelis in natura speciei, conuenit tamen cum illis in natura generis, ratione cuius conformitatis non est incapax vt possit esse Caput Angelorum, modo reliquæ conditionis non desint; vbi aduertendum est cum Caietano hoc loco, S. Thomam omnino præsupponere hanc esse conditionem communem cuiuscumque Capitis, vt aliqua intercedat consubstantialis conformitas inter ipsum, & membra secundum aliquem gradum homogeneum, siue genericum, siue specificum, ideo S. Doctor obijcienti sibi Christum hominem non esse Caput Angelorum, quia caput, & membra sunt vnius naturæ, non negauit assumptum, sed explicauit quia ratione requisitam hanc naturæ conformitatem haberet, vnde ait: Influentia Christi super homines principaliter quidem est, quantum ad animas, secundum quas homines conueniunt cum Angelis in natura generis, licet non in natura speciei, & ratione huius conformitatis Christus potest dici Caput Angelorum, licet deficiat conformitas quantum ad corpora.

Præterea non obstat secunda conditio de ordine, nam Sacerdoti Magno conuenit, vt prima veluti pars totius Mundi sit, incipiendo à Superiori secundum summam propinquitatem ad Deum, vnde gratia eius, ait S. Thomas, quæst. 8. art. 1. *altior est prior*, & si non tempore, quia omnes alij acceperunt gratiam per respectum ad gratiam ipsius secundum illud, quod de Sacerdote Mundi dixit Paulus Rom. 8. *Quos præscinit, hos & prædestinauit conformes fieri imaginis filij sui, vt sit ipse primogenitus in multis fratribus.* Ad illud autem quod dicebatur de Sacerdotio Angelorum, quatenus medij sunt inter Deum, & hominem. Respondet S. Thomas quæst. 12. art. 1. ad 1. Quod potestas Hierarchica conuenit quidem Angelis, in quantum, & ipsi sunt medij inter Deum, & hominem, vt patet per Dionysium cap. 6. Ecclesiæ Hierar. par. 3. ita quod ipse Sacerdos, in quantum est medius inter Deum, & populum, Angeli nomen habet secundum illud Malach. 2. *Angelus Domini exercituum est*, Christus autem maior Angelis fuit non solum secundum Diuinitatem, sed etiam secundum Humanitatem, in quantum habuit plenitudinem gratiæ, & gloriæ; vnde etiam excellentiori modo Hierarchicam, seu Sacerdotalem potestatem præ Angelis habuit, ita etiam quod ipsi Angeli fuerunt Ministri Sacerdotij eius secundum illud Marthæ 4. *Accesserunt Angeli, & ministrabant ei*, secundum tamen possibilitatem carnis, modico ab Angelis minoratus est, vt Apostolus dicit ad Hebræos 2. & secundum hoc conformis fuit hominibus viatoribus in Sacerdotio constitutis. Hæc Sanctus Thomas.

*Ratio est caput Angelorum.*

III.  
*Homo est consubstantialis Angelis in natura generis.*

IV.  
*Sacerdos prima pars Mundi.*

V.  
*Christus Dominus Hierarcha etiam respectu Angelorum.*

V I.  
*Perfectio Sa-*  
*cerdotij in*  
*Christo.*

Neque tertia obstat conditio, quæ est perfectio, cuius excessus in Sacerdote esse debet super omnes creaturas, ut de plenitudine eius omnes accipiant, quamvis enim Sacerdos non ex Angelis, sed ex hominibus sit assumptus, ex genere tamen assumptionis eleuatur super omnem creaturam non solum humanam, sed etiam Angelicam. Triplex enim genus assumptionis considerare potest. Primum, quo assumebantur Sacerdotes Leuitici, quorum assumptio consistebat in sacra cerimonia, & ritu exterioris vñctionis constituto per legem. Alterum, quo assumuntur Sacerdotes Euāgelici, quorum assumptio non in sola externa cerimonia, & ritu consistit, sed etiam in impressione Characteris, & collatione gratiæ Sacramentalis ad congruum ministerium. Tertium denique, quod est proprium, & singulare eius, cui dictum est: *Tu es Sacerdos in æternum*, quæ assumptio non est accidentaliter per vñctionem ipsius Diuinitatis; Neque enim Primogenitus omnis creaturæ est Vñctus, seu Christus accidentaliter, sed substantialiter, & naturaliter, ut enim rectè docet P. Vázquez ex Patribus; sicut gratia sanctificationis in Christo, dicitur homini Christo naturalis, & humanitas dicitur sancta per ipsam naturam sanctitatis, ita ut Christus dicatur naturaliter sanctus, ita gratia consecrationis, & Sacerdotij fuit pariter in Christo naturalis, ita ut per ipsam Diuinitatem habentem rationem vnguente, fuerit sicut natura Sanctus, ita natura Christus, Vñctus, & Sacerdos. Hæc enim vñctio, & consecratio facta dicitur à Patribus per vñctionem hypostaticam, quia per eam factum est, ut persona Verbi, & ipsa Diuinitas substantialiter attingeret humanitatem, & illam hoc modo vngeret, & consecraret: hinc Nazian. serm. 36. & 42. disertis verbis ait, Humanitatem Christi delibutam, perunctam, & Deificatam esse ipsa Diuinitate, & Cyrill. 1. lib. 4. in Ioan. cap. 29. ait Christum vocari vñctum non sicut alios, sed quia Verbum caro factum est, quod adhuc expressus dixit Nicetas lib. 3. Theauri cap. 3. Diuinitas humanitatis vñctio est. Atque hæc est radix excessus perfectionis capitalis in Sacerdote assumpto super omnem etiam Angelicam creaturam.

V II.  
*Christus est*  
*substantialiter*  
*Sacerdos.*

V III.  
*Christus influit*  
*etiam in Ange-*  
*los.*


Quarta denique conditio capitis de virtute influendi in sua membra ex proximè iam explicata, probatur, ex genere enim assumptionis conficitur, Christum solum esse per se sanctum, & gratum, & primum, & summum in genere grati; ex hoc autem sic licet argumentari. Quod est primum, & summum in vno genere, est causa cæterorum in eo genere; hoc est principium Metaphysicum. Sed Christus est primus, & summus in generi grati, quia est substantialiter, & naturaliter Sanctus, & gratus, cum cæteri, tam Angeli, quam homines sint tales per participationem; ergo est causa gratiæ omnium etiam Angelorum. Nam quidquid est tale per participationem, reuocatur ad id, quod est per se tale, atque adeo cum Angeli sint grati per solam participationem, reuocantur ad per se gratum, ut ab illo, & per illum gratiam obtineant.

I X.  
*Conditiones ca-*  
*pitis quomodo*  
*ordinata in*  
*Christo.*

Itaque tres Capitis condiciones enumeratæ à S. Thoma reperiuntur in Sacerdote ex hominibus assumpto, etiam respectu Angelorum, ita ut secunda conditio perfectionis oriatur à prima ordinis, & tertia virtutis oriatur à secunda perfectionis, quod videtur mirificè explicasse idem S. Thomas 3. par. quæst. 7. art. 9. ubi probat in Christo fuisse plenitudinem gratiæ. Primo, inquit, ex propinquitate animæ Christi ad causam gratiæ; nam quanto aliquod receptiuum est pro-



pinquius causæ influenti, tanto abundantius recipit; & ideo anima Christi, quæ propinquius coniungitur Deo inter omnes creaturas rationales, maximam recipit influentiam gratiæ eius. Secundo ex comparatione eius ad effectum, sic enim recipiebat anima Christi gratiam, ut ex ea quodammodo transfunderetur in alios; & ideo oportuit quod haberet maximam gratiam, sicut ignis, qui est causa caloris, in omnibus calidis, est maximè calidus. Rursus non solum habuit plenitudinem gratiæ intensiuæ, & in summo quoad perfectissimum modum, qui haberi potest, sed etiam quantum ad virtutem, quia habuit eam ad omnes operationes, vel effectus gratiæ; & hoc ideo, quia conferebatur ei gratia tanquam cuidam vniuersali principio in genere habentium gratiam: virtus autem primi principij alicuius generis vniuersaliter se extendit ad omnes effectus illius generis; sicut Sol, qui est vniuersalis causa generationis, eius virtus se extendit ad omnia, quæ sub generatione cadunt; & sic secunda plenitudo gratiæ extenditur in Christo, in quantum se extendit eius gratia ad omnes gratiæ effectus. Hæc S. Thomas, cuius verba plenè demonstrant Christum habere virtutem Capitis influxiuam omnis gratiæ, non solum in homines, sed etiam in Angelos; nam ait, datam Christo plenitudinem gratiæ simpliciter, ut vniuersali principio in genere habentium gratiam, in quo genere, ut rectè P. Suarez, obseruat, sine dubio Angeli comprehenduntur. Neque verò de mente S. Thomæ dubitari potest, quandoquidem ipse exponens illud Ioan. 1. de plenitudine eius nos omnes accepimus, expressè sic habet: *Omnes scilicet Apostoli, Patriarchæ, Prophetæ, & iusti qui fuerunt, sunt, & erunt, & etiam omnes Angeli.* Et infra, rationem iuculcans: quia, inquit, plenitudo gratiæ, quæ est in Christo, est causa omnium gratiarum, quæ sunt in omnibus intellectualibus creaturis.



## QVÆSTIO QVINTA.

*Vtrum principalis Sacerdos sit primogenitus  
omnis creature.*

- I. Sacerdotium legis natura connexum cum primogenitura.
- II. Ius primogenitura partim temporale partim spirituale.
- III. An Abel fuerit verus Sacerdos.
- IV. Quid dicendum ex doctrina P. Vasquez.
- V. Quid ex nostra Sententia.
- VI. Connexio Sacerdotij cum primogenitura in lege scripta.
- VII. Tribus Levi pro cunctis primogenitis.
- VIII. Summus Sacerdos primogenitus.
- IX. Vestis primogeniti, omnis creature.
- X. Cur Sacerdotes Evangelici non sunt primogeniti.
- XI. Christus vnius Ecclesiæ Pontifex, quia primogenitus.

XII. *Primogenitus ante Luciferum, tum æterna, tum temporali nativitate.*

XIII. *Titulus Sacerdotij Christi.*

XIV. *Connexio Sacerdotij cum primogenitura omnis creaturæ probatur ratione.*



D cognoscendum, an Sacrificium sit actus Primogeniti omnis creaturæ, necessarium erit examinare, An, & quomodo Sacerdotium connexum sit cum primogenitura. Hoc autem probabimus tripliciter. Primo ex figuris Sacerdotij. Secundo autoritate Prophetæ, & Apostoli. Tertio ratione.

Figuræ Sacerdotij duplici tempore extiterunt; tempore legis naturæ ab Adam vsque ad Moysen, & Aaron, & tempore legis scriptæ, à Moysè, & Aaron vsque ad Christum. Et quidem tempore legis naturæ Sacerdotium illud figurativum erat per se connexum cum primogenitura. Quare ius primogenituræ illo tempore partim temporale erat, partim spirituale. Temporale quidem quatenus dabat primogenito ius ad duplicem portionem hereditatis paternæ; cum alij fratres tantum haberent simplicem. Rursum, quatenus primogenitum efficiebat successorem Patris, & Principem fratrum, eorumque quasi Patrem, & Dominum, adeo ut coram eo se fratres inclinarent, ut patet ex cap. 27. & 32. Genes. Atque hoc est quod dicitur etiam Genes. 49. *Ruben primogenitum meum, prior in donis, maior in imperio.* Et Deuter. 21. ubi dicitur de primogenito; *Dabitque ei de iis, quæ habuerit cuncta duplicia.*

Spirituale verò erat quoque ius primogenituræ quatenus annexum habebat ius Sacerdotij cum benedictione paterna. Vnde licet Jacob emerit tantum ius primogenituræ, quatenus temporale erat, & temporalia bona spectabat, eatenus enim emi poterat pretio temporali sine simonia, tamen quia habebat annexum ius spirituale Sacerdotij, & benedictionis paternæ, translatum in eum fuit ius non solum temporale, sed etiam spirituale; vnde Iure, & legitimè Sacerdos factus est. Est quidem verum, aliquos interdum non primogenitos Sacrificia obtulisse, ut Abel Genes. 4. legitur obtulisse primus Sacrificium Deo gratum de primogenitis gregis sui; Cæterum inde non sequitur Sacerdotium non fuisse per se connexum cum primogenitura, quia poterant etiam ætate minores ex Dei instinctu, quod de Abel expressè docent Patres, offerre Sacrificium, & tamen non esse, legitimi Sacerdotes; ut enim rectè docet P. Vasquez disput. 85. quest. 2. Sacerdotium non est nudum ministerium sacrificandi, sed potestas Sacrificium offerendi. Neque enim quis solum dicitur Sacerdos quando Sacrificium offert, sed etiam quando à ministerio sacrificandi omnino cessat. Hæc autem potestas Sacrificium offerendi debet esse publica autoritate collata; neque enim, ait ille, quicumque, qui Sacrificium offerre potest, Sacerdos dicitur, sed ille solum, qui ad hoc publica autoritate potestatem habet. Iam verò quia qui erant ætate minores, non habebant ad Sacrificium publicam potestatem; ideoque quamvis ex aliqua dispensatione Sacrificium offerrent, non erant legitimi Sacerdotes; erant verò tales soli primogeniti, ut Patres communiter docent. Cæterum quantum ex iisdem Patribus conicere licet de Sacerdotio Abelis, philosophandum est

I.

*Sacerdotium  
legis naturæ  
connexum cum  
primogenitura.*

II.

*Ius primogeni-  
turæ partim tem-  
porale partim  
spirituale.*

III.

*Abel fuerit  
verus Sacerdos.*

IV.

*Quid dicendum  
ex Abelia P.  
Vasquez.*

ad eum modum, quo de Sacerdotio Iacob antequam emeret primogenita. Sicut enim totum ius primogenituræ ex Dei dispositione, & dono, etiam ante tempus venditionis pertinuit ad Iacob, ut ostendunt Interpretes in cap. 25. Genes. ita etiam ex eadem Dei dispositione, & dono totum ius primogenituræ pertinuit ad Abel. Quare nos omnes descendimus ab Adam, non per Cain, cuius posteritas tota in Diluvio periit, sed per Seth substitutum, & natum in locum, non Caini, sed Abelis. Vnde cum mysterio dixit Eva: *Posuit mihi Deus semen aliud pro Abel*, qui fuit primogenitus Ciuitatis, & familiæ Dei, sicut Cain Ciuitatis, & familiæ Diaboli, qua de re S. Augustinus scripsit libros de Ciuitate Dei.

Fuit ergo Abel legitimus Sacerdos in lege naturæ, & quidem constitutus auctoritate publica residente in Adamo, tanquam in Principe, & Capite, atque adeo Pontifice totius naturæ. Ut enim docet S. Athanasius in illud: omnia mihi tradita sunt. Adam docuit Abelem Religionem, & ritum sacrificandi, & sicut tradidit illi in victimam primogenitum Agnorum, ita perinde ac primogenitum, constituit illum Sacerdotem in figuram perfectam illius primogeniti; qui futurus erat simul Sacerdos, & Victimæ. Nec immerito, fuit enim Abel Sacerdos prima figura Sacerdotis Christi, quia verè ait Rupertus lib. 4. in Genes. cap. 4. Sacrificium, quod illa nocte Pontifex noster Iesus Christus instituit quamuis exterius in specie panis sit, & vinum, in veritate Agnus est Dei, *primogenitus omnium Agnorum*, vel Ouium, quæ pertinent ad Caulas Dei, ad pascua Paradisi.

Iam verò tempore legis scriptæ, quamvis soli ex Tribu Leuitica Sacerdotis officio fungerentur, in illa tamen institutione apparet mirandum in modum conexio Sacerdotij cum primogenitura. Primo, quia tota Tribus Leui, quæ dicebatur Tribus Sacerdotalis, tota erat veluti primogenitorum. Singuli enim Leuitæ pro singulis primogenitis Israëlitarum dicati sunt Deo, iuxta id, quod habemus in lib. Num. cap. 8. *Tuli Leuitas pro cunctis primogenitis filiorum Israël*: ad quam æquam commutationem faciendam, voluit Deus, ut ex vna parte iniretur numerus omnium Leuitarum, & ex altera numerarentur omnes primogeniti Israëlitarum. Itaque pro viginti duobus millibus primogenitorum Israël subrogati sunt viginti duo millia Leuitarum, ut fusè, & accuratè describitur lib. Num. cap. 3.

Præterea Summus Sacerdos legis, qui erat principalis figura, & magna umbra veri, & singularis Sacerdotis ex institutione Diuina debuit semper descendere ab Aaron per lineam primogenitorum, nimirum Summo Sacerdoti Aaron eius primogenitus successit; huic autem ipsius primogenitus, & sic consequenter per primogenitos à primo primogenito successio trahebatur.

Porro Summus Sacerdos, quia gerebat personam primogeniti omnis creaturæ, ideo ad sacrificandum accedebat indutus vestimentis huiusmodi primogenituræ. *In veste enim Poderis* verba Sapientiæ cap. 18. ver. 14. *Totus erat Orbis terrarum*, seu ut est in Græco. Totus erat Mundus. Quo habitu, ait Philo, ostendebat se Creatoris Mundi Ministrum, & indicabat omnem creaturam Dei miserericordie indigere, ipsumque esse Mundi totius mediatorem apud Deum, & orare non pro necessariis tantum, & amicis, sed pro toto humano genere, pro omnibus naturæ partibus, Cælo, atque Elementis, atque gratias agere, supplicationesque, pro omnibus offerre omnium Conditori, & ut Mundus ipse vna

V.

*Quid ex nostra  
Sensu.*

VI.

*Connexio Sa-  
cerdotij cum pri-  
mogenitura in  
lege scripta.*

VII.

*Tribus Leui  
pro cunctis pri-  
mogenitis.*

VIII.

*Summus Sa-  
cerdos primoge-  
nitus.*

IX.

*Vestis primoge-  
niti omnis crea-  
turæ.*

cum Sacerdote Sacris operaretur, & homo cum hac rerum vniuersitate efficacius Vota, & sacra faceret; decebat enim, vt Patris Sacerdos; filium eius Mundum hunc ad preces, vtrique adhiberet. Hæc ferè ex Philone S. Hieronymus, quem reliqui sequuntur Interpretes, vt videre est apud Lorinum, & Cornelium in cap. 18. Sapientiar.

Omnes ergo saltem summi Sacerdotes, & Pontifices, siue status naturæ, siue status legis Mosaicæ, fuerunt primogeniti; nam vt est apud Henriquez, primogenitus Regis, à principio Mundi, instinctu quodam naturæ, sicut erat successor Regni, ita erat Pontifex Maximus. Neque obstat, quod in statu gratiæ, seu Euangelij Pontifices, & Presbyteri non sint primogeniti, quia isti non sunt *Sacerdotes*, singularis, & veri, figuræ, & vmbre, sed Ministri, propterea non debent nasci, sed fieri.

Probo secundo, connexionem Sacerdotij cum primogenitura omnis creaturæ ex Propheta Psal. 109. vbi agitur de Christo, tanquam de Summo Hierarcha Mundi, & sacrorum Principe in Ecclesia visibili. *Tecum principium in die virtutis tue in splendoribus Sanctorum ex vtero ante Luciferum genui te. Intraui Dominus, & non penitebis cum, tu es Sacerdos.* Verba sunt Æterni Patris ad filium, vbi in Cælum ascendit, vt manifestum est initio Psalmi. Ait ergo Æternus Pater. Tecum principium in die virtutis tuæ, *per dico virtutis* intelligit tempus post dies infirmitatis, quos vocauit Apostolus, Dies carnis suæ. Hoc igitur tempore, quod est tempus virtutis tuæ, Tu solus Pontifex, & Summus Ecclesiæ Hierarcha. Tecum principium, hoc est tecum Archæ. Tecum principatus, vt docent Basilii, & Chrysostomus. Et ne dubitari posset hic agi de sacro Principatu, quem habet nunc Christus, tanquam Ecclesiæ summus, & vnicus Pontifex, addit, *in splendoribus Sanctorum.* Illa enim vox *Sanctorum*, vt fatentur Interpretes, non est masculini generis, sed neutrius, nec significat, aut homines, aut Angelos Sanctos, sed loca Sancta, & Sanctuaria, vt sunt sacræ Ædes, & Templæ, quæ est manifesta prophetia magnifici splendoris sacrorum Templorum, in quibus potissimus actus Pontificatus Christi per suos constitutos Ministros exercetur, qualis est Sacrosancti Sacrificij celebratio, & Sacramentorum administratio. Asserti autem statim titulum talis Principatus quia nimirum ipse est Vnigenitus, & Primogenitus omnis creaturæ, ex vtero ante Luciferum genui te, idest, vt explicat Bellarminus, ideo tecum est talis, ac tantus Principatus, quia tu es primogenitus omnis creaturæ, nam non ex nihilo, vt res creatas, sed ex vtero meo, vt filium verum, naturalem, & consubstantialem, idque ante Luciferum, idest, antequam stellas crearem, ante omnem creaturam, ante omnia sæcula. Hæc est communis expositio Patrum, ait Bellarminus, quæ tamen non excludit illam, cuius meminit Genebrardus de temporali Pontificis nostri Natiuitate, ex vtero nimirum Virginis Beatissimæ, non è semine humano, non è viri lumbis; sic etiam de die temporariæ natiuitatis intelligit S. Cyprianus lib. 2. contra Iudæos cap. 8. illud *hodie*, de quo dicitur Psalmo 2. *Ego hodie genui te.* Hodie, hoc est, vt bene explicat Genebrardus, hoc tuæ Natiuitatis die, quo te Primogenitum meum introduxi in orbem terrarum, atque hic etiam, illud, *ante Luciferum*, emphasim habet, idest ante Mundi constitutionem, per prædestinationem æternam, quasi Pater, ait Genebrardus, prius cogitauit de edendo in

X.  
*Cur Sacerdotes  
Euangelici non  
sunt primoge-  
niti.*

XI.  
*Christus vnus  
Ecclesiæ Ponti-  
fex, quia pri-  
mogenitus.*

XII.  
*Primogenitus  
ante Luciferum,  
tum æterna,  
tum naturalis  
natiuitate.*

lucem corpoream filio, quàm de reliquis rebus procreandis. Atque hic quidem sensus de temporaria primogeniti natiuitate, est etiam litteralis iuxta Doctrinam Theologorum, qui docent in eadem sententia posse inueniri plures sensus litterales, quam sequitur Bellarminus super his ipsis verbis allatis 1<sup>a</sup> s<sup>a</sup>lm. 2. Ego hodie genui te.

Porro primogenituræ titulo probè fundato, statim sequitur immobilitas, & æternitas annexi Sacerdotij non mutandi, & quasi pœnitendi, vt accidit in Sacerdotio Aaronico, quod non habebat fundamentum, & titulum naturalis primogenituræ, sed in æternum durandi, vt figuratum fuit in Melchisedech, qui non legitur successisse alteri, neque ei successisse alter legitur. Vnde ad Heb. 7. dicitur: *Neque initium aeternum, neque finem vite habens.* Sequitur ergo: *Iurauit Dominus, & non pœnisebit eum; tu es Sacerdos in æternum secundum ordinem Melchisedech.*

XIII.  
*Titulus Sacerdotij Christi.*

Hanc consequentiam Sacerdotij ad primogenituram vidit, & obiecit Apostolus, Hebræis, intendens probare Christum esse Pontificem; ideo cum retulisset verba Psal. 2. *Filius meus es tu*, statim affert verba Psal. 109. *Tu es Sacerdos*, quasi diceret, ait Cornelius; non mirari debetis ô Hebræi, Christum à Patre constitutum esse Pontificem, & p̄latum Aaroni, quia Christus est Filius Dei Patris, si Filius, quid mirum si pontificia dignitas ei datur, præsertim, cum Iure gentium receptum fuerit etiam ante Moysen, & Aaronem, vt filij primogeniti essent Sacerdotes, & Pontifices. Hoc ergo communi gentium Iure, Christo tanquam vnigenito, & primogenito Patris, imò primogenito omnis Creaturæ debebatur Sacerdotium & Pontificatus. Hæc Cornelius.

Probo tandem ratione hoc modo: Sacrificium est actus primogeniti omnis creaturæ; ergo Sacerdotium est per se connexum cum primogenitura omnis creaturæ, atque adeo Sacerdos est necessario primogenitus omnis creaturæ. Consequentia est satis clara, quia vt rectè obseruat P. Suarez disput. 46. Sacerdos dicitur habitudinem ad Sacrificium, tanquam ad actum maximè proprium, & quasi adæquatum, quamuis enim Sacerdos alias etiam functiones sacras exerceat, omnes tamen quodammodo ad Sacrificium referuntur; Vnde licet aliquis habeat potestatem exercendi aliquod Sacrum, non tamen est plerè, & consummatè Sacerdos, donec potestatem habeat Sacrificium offerendi. Quare si Sacrificium est actus proprius primogeniti, signum est, quod potestas ad illud, in qua Sacerdotium consistit, est etiam propria primogeniti.

XIV.  
*Connexio Sacerdotij cum primogenitura omnis creaturæ probatur ratione.*

Antecedens igitur probò sic. Sacrificium est actus Capitis omnis creaturæ; ergo est actus primogeniti omnis creaturæ. Tota vis est in antecedenti; nam quod primogenitus Caput sit totius familiæ, cuius dicitur primogenitus, extrà omnem controuersiam est. Probo igitur antecedens. Sacrificium est actus, quo Sacerdos fit Victima pro omni creatura, vt ostendimus quæstione prima agentes de natura, & essentia Sacrificij, sed non potest fieri victima pro omni creatura, nisi habeat qualitatem Capitis respectu omnis creaturæ, vt eodem loco pariter ostendimus, & probauimus. Ergo Sacrificium est actus capitis omnis creaturæ.



# QVÆSTIO SEXTA.

*Vtrum principalis Sacerdos habeat qualitatem Capitis respectu Creaturarum naturalium.*

- I. Omnis creatura est Christo subdita tanquam Domino.
- II. An etiam tanquam Capiti, ratio dubitandi.
- III. Etiam natura corporea est capax alicuius influxus gratiæ & gloriæ.
- IV. Expectatio Creatura quid?
- V. Argumentum Apostoli.
- VI. Cælum Empyreum corpus gloriosum.
- VII. Eius equalitas promissa reliquis corporibus.
- VIII. Quid est in natura corporea semen gloriæ.
- IX. Christus est Caput respectu omnium corporum.
- X. Partes Mundi, membra víctima.



T planè constet de amplitudine familiæ primogeniti omnis creaturæ, & qua ratione tota creaturarum familia per suum Sacerdotem ad Deum accedit, videndum quoque est, An creaturæ omnes homine inferiores, puta, Cæli, Stellæ, Elementa, & mixta omnia, siue sensibilia, siue insensibilia subdita sint absolute Sacerdoti, tanquam Capiti. Dico tanquam Capiti, nam quod illi subdita sint tanquam Domino, manife-

I.  
Omnis creatura  
est Christo  
subdita tan-  
quam Domino.

II.  
An etiam tan-  
quam Capiti  
ratio dubitan-  
di.

III.  
Etiam natura  
corporea est ca-

stum est ex Apostolo, qui ad Hebr. 1. exponit de primogenito illud Psalm. 8. *Omnia subiecisti sub pedibus eius.* Omnia, nulla creatura prorsus excepta: *In eo enim*, ait Apostolus, *quod omnia ei subiecti nihil dimisit non subj. etiam ei.* Tantum ergo dubitandi ratio est, an sint primogenito subiecta non solum tanquam Domino, sed etiam aliquo modo tanquam Capiti, quia de ratione Capitis est, aliquo modo influere, vel saltem posse influere in membra. Nullius autem influxus capaces videntur creaturæ naturales respectu Sacerdotij, quare nullo modo videntur, ut sic pertinere ad corpus familiæ Sacerdotalis. Quod verò non sint capaces influxus, videtur constare ex eo, quod omnis influxus primogeniti, ut Sacerdos est, vel est influxus gratiæ, vel est influxus gloriæ, aut si quis alius influxus excogitabilis est, ordinatur ad gratiam, & gloriam.

Itaque ut asseramus totam Sacerdotis nostri familiam subiectam illi esse, etiam tanquam Capiti, ostendendum est, non solum naturam spiritualem, sed naturam etiam corpoream capacem esse alicuius influxus, & gratiæ, & gloriæ. Sic igitur arguuntur. Natura corporea est capax influxus gloriæ; ergo est capax

capax alicuius influxus gratiæ, quæ in illo suo modo sit semen gloriæ. Consequencia non tam est probanda, quàm explicanda; neque enim nomine gratiæ intelligimus qualitatem aliquam inhærentem ipsis rebus, sed intelligimus quid est semen gloriæ, quomocumque tandem explicetur, non potest autem negari esse semen, vbi cumque provenit fructus.

Porro, Antecedens, quod scilicet tota natura corporea capax sit gloriæ, ex Scripturis est manifestum; si enim eius capax non esset, quorsum revelationem filiorum tanquam familia domestica expectaret. Et tamen non solum expectat, sed tanta sollicitudine, anxietate, & aviditate expectat, ut videatur esse ipsa expectatio. Hæc planè docet Apostolus Rom. 8. *Expectatio creaturæ, revelationem filiorum Dei expectat.* Expectatio Græcè *ἐκπαρέσθαι*, Apocaradochia, quæ vox componitur ex *ἐκ*, idest, a, & *παρέσθαι*, idest Caput, & *δόναι*, idest videre, *Ἀπό*, idest, à, & *Κατά*, idest Caput, & *Δόχια*, idest *Videre*, quia ut ait Cornelius, qui valdè aliquid videre desiderant, porrecto capite subinde illud prospiciunt, aut suspiciunt in altum, uti in montes, aut in Cælum, quasi rem desideratam inde expectent. Quid autem Creaturæ omnes tam avidè, innato utique, & naturali appetitu expectant, tanquam bonum, ad quod ordinatæ à Deo sunt? Expectant, inquit Apostolus, revelationem filiorum, tempus scilicet, ait Cornelius, quo Filij Dei gloria donabuntur, ut cum eis, quibus servierunt, quasi Dominis, ipsæ quoque suam gloriam, renovationem, ac perfectionem tanquam familia accipiant, quia ut ait S. Thomas in cap. 8. Rom. sicut humanum corpus induitur quadam forma gloriæ supernaturali, ita tota Creatura sensibilis in illa gloria filiorum Dei quandam novitatem gloriæ consequetur secundum illud Apocal. 21. *Vidit Cælum novit, & terram novam.*

Et est planè notandum, ad quem finem hoc Apostolus dixerit, nimirum ad confirmandum hoc argumento, certitudinem, & magnitudinem gloriæ, quæ reuelabitur in nobis, quasi dicat Apostolus, futura gloria, quæ reuelabitur in nobis certa est, quia omnis creatura tam avidissimè expectat, estque innatum, & insitum illi à Deo hoc desiderium, quod sicut Deus illi inseruit, ita & explebit; rursus magna est, quia omnes creaturæ, etiam insensibiles totæ ad illam anhelant: esset autem inane argumentum si Deus creaturas insensibiles nullo modo in vnam quasi Rempublicam ad communis cuiusdam gloriæ participationem ordinasset.

Et sanè de toto hoc uniuerso ex natura spiritali, & corporea constante philosophetur, & loquuntur Patres, & Theologi, ad eum serè modum, quo de paruo Mundo, hoc est de homine, ex anima, & corpore composito. Vnde sumit argumentum S. Thomas, gloriam totius naturæ corporeæ debuisse ab initio Mundi in aliquo corpore inchoari, sicut in aliquibus spiritibus inchoata ab initio fuit gloria totius naturæ spiritalis. Accipe verba S. Doctoris 1. par. quæst. 66. art. 3. Expectatur, inquit, in futura remuneratione duplex gloria; scilicet spiritalis, & corporalis, non solum in corporibus humanis glorificandis, sed etiam in toto Mundo innouando: Inchoata est autem spiritalis gloria ab ipso Mundi principio in Beatitudine Angelorum, quorum æqualitas Sanctis promittitur; vnde conveniens fuit, ut etiam à principio, corporalis gloria inchoaretur in aliquo corpore, quod etiam à principio fuerit absque servitute conceptionis, & mutabilitatis,

*Consequencia  
influxus gratiæ  
& gloriæ.*

IV.  
*Expectatio  
Creaturæ quid.*

V.  
*Argumentum  
Apostoli.*

V I.  
*Cælum Emphy-  
reum corpus  
gloriosum.*

## VII.

*Eius aequalitas  
promissa reli-  
quis corpori-  
bus.*

& totaliter lucidum, sicut tota creatura corporalis expectatur per resurrectionem futuram, & ideo illud Cælum dicitur Empyreum idest igneum, non ab ardore, sed à splendore. Hæc S. Thomas. Ex cuius verbis obiter obserua totum Mundum corporeum futurum corpus quoddam gloriosum, quemadmodum est nunc, & ab initio fuit Cælum Empyreum, cuius aequalitas corporibus omnibus promittitur, sicut spiritibus omnibus æqualitas Angelorum.

## VIII.

*Quid est in na-  
tura corporea  
semen gloria.*

Neque verò gloria naturæ corporeæ vniuersalis suo semine caret, quod Gratia dici potest. Est autem hoc semen potentia ipsa tum naturalis, tum obedientialis, quam creatura omnis habet, vt illa Pontifex Mundi vtatur ad salutem electorum, ad quorum vsum siue realem, siue intentionalem condidit Mundum Deus, qui influxus ait P. Suarez, veluti *cuiusdam gratia est, qua suo modo in omni creatura est semen gloria.*

## IX.

*Christus est ca-  
pus respectu  
omnium corpo-  
rum.*

Quod verò hæc capacitas influxus satis sit, vt dicatur tota natura corporea subiecta esse Sacerdoti Magno, tanquam capiti, ex eo probo, quia hoc satis est, vt idem dicatur Caput respectu corporum humanorum, vt explicat S. Thomas quæst. 8. art. 2. vbi quærit, An Christus sit Caput hominum quantum ad ipso- rum corpora, & respondet affirmatiuè, tum quia quandiu hic viuimus, inluit auxilium, vt corpora nostra seruiant Animæ, & salutis Instrumenta, & organa efficiantur. Quæ omnia corporeis omnibus creaturis optimè accommodantur. Vnde non inmerito dixit Origenes tom. 2. in Psal. 36. littera B. Apostolus di- cit, qui corpus Christi sumus, & membra ex parte, Christus ergo, cuius omne hominum genus, immò fortassis, *totius creatura Vniuersitatis corpus est*, & vnus- quisque nostrum membra ex parte est.

Itaque Mundi Pontifex Christus Iesus non solum habet totum Orbem ter- rarum tanquam vestem, sed rerum omnium Vniuersitatem tanquam corpus, & dum se totum in Sacrificium laudis immolat Patri, tota in ipso rerum vniuersi- tas quasi magnæ Victimæ corpus immolatur. Quo tandem referri potest, quod obseruauit Philo de Victima holocausti in illud Leuit. 1. *Arctus in frustra concidit*, nimirum hac membrorum concisione significari, quod oporteat Sacrifi- cium gratiarum actionis offerre, pro Cælo, Sole, Luna, Terra, Mari, Aëre, & omnibus vniuersi partibus; hæc enim sunt, inquit ille, quasi frustra, & membra Orbis, qui est quasi integra Dei Victima.

## X.

*Partes Mundi,  
membra Victi-  
mæ.*



## QVÆSTIO SEPTIMA.

*An, & quomodo Isaac in figura primogeniti omnis creatura fuerit Sacerdos simul & Victimæ.*

- I. Abraham figura Dei Patris.
- II. Non figuravit Deum Patrem ut Sacerdos.
- III. Christus ut Sacerdos est minor Patre.
- IV. An Isaac non solum fuerit Victimæ sed Sacerdos.
- V. An, & quomodo ordinatus fuerit Sacerdos.
- VI. Ordinatio per lignorum impositionem.
- VII. Quale fuerit Sacerdotium hoc Isaac.
- VIII. Eius præstantia.
- IX. Isaac per lignorum impositionem factus est Christus.
- X. Mysterium impositionis super Isaac.
- XI. Ab Abraham præcognitum.
- XII. Christus prophetatus Victimæ Mundi.
- XIII. Isaac suum baculavit Altare.
- XIV. Quomodo Christus in Cruce fecit Sacrum.
- XV. Quomodo fecit sacrum Isaac.
- XVI. Qua ætate fuit oblatus.
- XVII. Fuit voluntariè bis ligatus in figura Christi.
- XVIII. Isaac ante ascensum ad Altare ligatus manus tantum.
- XIX. Christus fuit Cruci erecta suffixus.
- XX. Cur Isaac ligatus manus.
- XXI. Cur ligatus etiam pedes.
- XXII. Vter plus meruit Abraham, an Isaac.
- XXIII. Meritum Isaac quantum.



VLLVS erit hic sermo de Abraham, quia quamuis ipse esset Sacerdos, in hoc tamen facto immolationis Isaac, non figura-

I.  
Abraham fig-  
ra Dei Patris.

uit, ut Sacerdos, sed potius figuravit ut genitor. Vnde Patres tam Latini, quam Græci communiter docent Abraham in eo facto gessisse tantum figuram Dei Patris. Satis sit ex Latinis Angustinus Serm. 71. Abraham quando Isaac filium suum obtulit, typum habuit Dei Patris, Isaac typum gessit Domini Salvatoris. Ex Græcis sic satis Chrysostomus Homil. 47. in Genes. vbi comparando vnigenitum Abraham cum vnigenito Dei: A Patre, inquit ille, in holocaustum offertur, & hunc Pater exposuit, & clamat Paulus dicens, qui sanè proprio

filiio suo non pepercit, sed pro nobis omnibus tradidit illum. Hinc mystica illa Hugonis expositio ex verbis Bernardi; Abraham, Abraham, geminatio, inquit, nominis innuit, quod Charitas pulsabat viscera Patris, etiam ante filij Incarnationem, & pio quodam susurro loquebatur: Tolle filium tuum vnigenitum Isaac, atque offer eum in holocaustum super vnum montium, quem monstrauero tibi, super vnum montium quem? Memorabile est, quod de sancto Hieronymo scribit Augustinus serm. 71. illum scilicet ab antiquis, & Senioribus Iudeis certissimè cognouisse, quod ibi immolatus sit Isaac vbi postea Christus crucifixus est.

## II.

*Non figuratur  
Deum Patrem  
vt Sacerdos.*

Statuamus ergo Abraham in presenti facto non figurasse, nisi solum Æternum Patrem, atque adeo quatenus ipse Sacerdos erat, in eo facto nihil figurasse, quia non poterat vt à Sacerdote formaliter figurari Deus Pater; etenim Sacerdos, vt Sacerdos, est essentialiter minor, & inferior eo, cui Sacrificium offert; eatenus enim Sacrificium alteri offert, quatenus agnoscit illum superiorem. Cum ergo Pater Æternus nullum habeat superiorem; sicut non potest esse Sacerdos, ita nec potest à quopiam, vt Sacerdote formaliter figurari: ideo docent Theologi, Sacerdotes veteris Testamenti, vt tales, solius Christi fuisse figuras, sicut Sacerdotes noui Testamenti, solius Christi Ministri sunt, ita verò summum Sacerdotium conuenire Christo, vt non conueniat illi ratione Diuinæ naturæ, quæ non habet Superiorem, sed tantum secundum naturam humanam, per quam minor, & inferior est Patre, cui Sacrificium offert. Et quem per summum Patriæ cultum Superiorem agnoscit. Nullo ergo modo in hoc facto immolationis Isaac, ad figuram Sacerdotij Christi Abraham pertinet.

## IV.

*An Isaac non  
solum fuerit vi-  
ctima sed Sa-  
cerdos.*

Excluso autem illo, solus nobis restat Isaac, in quo inuestigemus, an & quomodo in figura Christi Sacerdos simul fuerit, & victima. Et quidem quod fuerit victima, nulla videtur esse, difficultas, cum verbo Dei destinatus, & quasi consecratus in illam fuerit: quod verò simul fuerit Sacerdos, non ita manifestum videtur, tum quia non apparet institutio, & veluti ordinatio ad hoc Sacerdotium requisita, tum quia in illo Sacrificio nulla apparet actio Sacerdotalis ex parte Isaac; quid enim ille tunc præstitit, ex quo Sacerdos fuisse deprehendatur? Omnes autem actiones Sacerdotales soli Abraham adscribuntur. De illo enim dicitur Genes. 22. *Edificauit Altare, & desuper ligna composuit, cumque colligasset Isaac filium suum, posuit eum in Altari super struem lignorum, extenditque manum, & arripuit gladium, vt immolaret filium suum. Quæ omnia sicut demonstrant Isaacum victimam, ita nullo modo declarant Sacerdotem.*

## V.

*Quomodo  
ordinatus  
fuerit Sacer-  
dos.*

Verum quod pertinet ad institutionem, eadem ordinatio Diuina, quæ Isaacum instituit victimam, instituit pariter Sacerdotem, tum quia illum instituit victimam non qualemcumque sed voluntariam, atque adeo non solum habentem conditionem rei oblatæ, verum etiam offerentis; tum quia instituit illum in typum perfectum Christi, qui simul fuit Sacerdos, & Victimæ. Hanc institutionem agnouisse videtur Rupertus cap. 1. in Matthæum, vbi sic ait, *Isaaco vt verbo Patris consecraretur opus non erat, quia cum fuisset oblatus in holocaustum Domino, in typum Christi, ex tunc plusquam Sacerdos erat, id est non tantum Sacerdos, verum & hostia.* Vbi nota, Isaacum ex eo quod fuit oblatus à Patre, non potuisse habere rationem nisi victimæ, sed quia oblatæ est voluntariæ, voluntariæ



videlicet se ipsum offerente; ideo ex eo quod sic fuerit oblatum in typum Christi, benè infert Rupertus sicut ex actu potentiam, ita ex Sacrificatione Sacerdotium. Sed antecedentem quandam ordinationem, & quidem Mysterij plenam videtur mihi Origenes præsensisse Homil. 8. in Genes. Nimirum per lignorum Sacrificialium impositionem, sic enim de Abrahamo ait Scriptura. *Tulit quoque ligna holocausti, & imposuit super Isaac filium suum; ipse verò portabat in manibus ignem, & gladium. Quod ipse sibi ligna, ait Origenes, ad holocaustum portat Isaac, illa figura est, quod & Christus ipse sibi bajulavit Crucem, & tamen portare ligna ad holocaustum, Sacerdotis officium est. Fit ergo ipse hostia, & Sacerdos, sed, & quod additur, cumque duo pergerent simul, ad hoc refertur, cum enim Abraham velut Sacrificaturus, ignem portaret, & cultrum, Isaac non vadit post ipsum, sed cum ipso, ut ostendatur cum ipso pariter fungi Sacerdotio.* Hæc Origenes; in cuius verba duo animaduerto. Primum est ex illa Sacrificialium lignorum impositione, tantam Isaac dignitatem accessisse, ut iam non vaderet post ipsum, sed cum ipso, cumque duo pergerent simul; vbi observare licet Isaaci Sacerdotium hoc, longè diversè rationis, & ordinis fuisse à Sacerdotio Abrahami. Nam si loquamur de potestate Sacerdotali ordinaria, quæ in Abrahamo erat annexa Iuri primogenituræ, hæc illi communis erat cum aliis primogenitis, & limitata ad victimas irracionales, in qua potestate fortasse par illi erat Isaac, qui cum iure primogenituræ idem quoque habebat ius Sacerdotij. Si verò loquamur de potestate extraordinaria, & singulari, quæ fuit in Abrahamo ad sacrificandam victimam rationalem, hæc profecto præstantiori, & nobiliori quodam modo fuit in Isaac, quia non fuit ad offerendum, & sacrificandum alterum, sed se ipsum; per quam potestatem constituebatur in figura Christi, Sacerdos simul, & Victimæ. Atque hinc habes cur in Mysterio pergerent simul tanquam æquales, quia Abraham portans in manibus ignem, & gladium, representabat Æternum Patrem in opere Redemptionis, Charitatem, & Iustitiam exercentem; Isaac verò post lignorum susceptionem, cæpit agere Filium Patri cœternum, consubstantialem, & æqualem; ideo neque ante ipsum, neque post ipsum, sed simul ambo pergebant.

Alterum quod observo, est meritò dici per lignorum illorum impositionem Isaacum veluti iniciatum fuisse Sacerdotem Sacrificij sui, quia per illam figuratiuè factus est Christus, ut omnes Patres vnanimi consensu docent, sed pro cunctis sufficit Augustinus; in pluribus in locis, sed præcipuè lib. 2. de Trinit. cap. 6. tomo 3. *Isaac, inquit, Christus erat cum ad se immolandum ligna portabat. Et contra Faultum lib. 12. cap. 25. tomo 6. Quis alium in Isaac lignum sibi portabat ad victimam, nisi qui Crucem sibi ad Passionem ipse portabat? Et contra Maximinum eodem tomo 6. libro tertio. Isaac filius Abrahæ, quid erat in figura nisi Christus, quando sicut omnis ad immolandum ductus est, & quando sicut Dominus Crucem suam, ita & ipse sibi, quibus fuerat imponendus ligna portabat.*

Neque verò dicendum est sine tanti præcognitione mysterij Abrahamum ligna holocausti ex iumento, super quo portabantur, ut notat Abulensis, in innocentis filij humeros transulisse; nimirum illum eo facto Abraham agebat, qui teste Isaia: *posuit in eo iniquitates omnium nostrum*; nam quod nostra omnium peccata in se puniendi significauerit Christus, dum Crucem super suos tulit

VI.

Ordinatio per  
lignorum im-  
positionem.

VII.

Quæ f. erit  
Sacerdotium  
hoc Isaac,

VIII.

Eius præstan-  
tia.

IX.

Isaac per ligno-  
rum impositio-  
nem factus est  
Christus.

X.

Mysterium im-  
positionis super  
Isaac.

humeros, expressa doctrina Cyrilli est lib. 12. cap. 28. in Ioannem. Imposuit ergo ligna super Isaac, tanquam super Christum in victimam concessam a Patre, vt loquitur Tertullianus lib. aduersus Iudæos. Vnde credibile est, quod Origenes indicat propheticam planè vocem fuisse illam, qua querenti filio, vbi esset Victimam holocausti, respondit: Deus prouidebit sibi Victimam holocausti fili mi. *Mouet me, ait Origenes Homil. 8. Abraham, satis diligens, & cauta responsio, nescio quid videbas in spiritum, quia non de presenti, sed de futuro dicit, Deus providebit ipse sibi ouem; futura responderet filio de presentibus requirenti: ipse namque sibi Dominus ouem providebat in Christo, &c.*

XII. Hoc idem sentit Ambrosius lib. 1. de Abraham. *Prophetauit, inquit, quod alia esset hostia, quam Deus sibi pararet, vt mundaret orbem terrarum. Aliquid adhuc maius videtur mihi sensisse Augustinus Serm. 72. de Tempore cap. 7. nimirum Abrahamum ex tanti fide mysterij non quomodocumque ligna filio imposuisse, sed ex illorum aliquo, quasi Crucis Altare erectisse. Lenat, inquit, Abraham lignum in Altare, lenat filium super lignum. Antequam veniat filius ad locum Sacrificij, portat lignum, quo lenandus est.*

XIII. Merito ergo diximus per lignorum impositionem initiatum quodammodo fuisse Isaacum in Sacerdotem figuratiuum Christi, qui ad suam sibi immolationem quasi Altare portauit.

Nunc verò ad alteram dubitationis partem transeamus, in qua dicebatur nullam in oblatione Isaac, actionem ex parte ipsius apparere, vnde Sacerdos esse censetur. Quæ dubitatio valde utilis esse potest, cogit enim nos explicare, qua ratione Christus Dominus in Sacrificio Crucis præstitit se Sacerdotem, cum nullam externam operationem ediderit Sacerdotalem.

XIV. Tangit hanc difficultatem S. Thomas 3. par. quæst. 48. vbi objicit sibi, ex nulla parte Passionem Christi videri Sacrificium, quia, inquit, quicumque offert Sacrificium aliquod sacrum facit, vt ipsum nomen Sacrificij demonstrat; hoc autem sacrum non fecerunt occisores, vnde ex parte occisorum Passio magis fuit maleficium, quàm Sacrificium; & ideo non fuerunt offerentes. Quis ergo fuit offerens, qui Sacrum fecit, ex cuius parte illa esset Sacrificium?

Respondet Sanctus Doctor vnicò tantùm verbo, Passionem videlicet fuisse Sacrificium ex *Charitate*, inquit, *patientis*. Suscepit hoc verbum S. Doctoris, Caietanus, & quasi illud explicans, ait: *Attende, quod iuxta diuersam Sacrificij naturam diuersimodè inuenitur facere sacrum: In Sacrificiis enim consensibus in agere, inuenitur facere sacrum ad extra, vt patet; In Sacrificiis verò, quæ consistunt in pati, inuenitur facere sacrum secundum actionem interiorem, quæ spontè offert Deo suum pati, & sic Christus fecit sacrum actione interiori.* Hæc Caietanus.

Ecce habemus modum, quo Isaac fecit sacrum in figura Christi, eo videlicet modo, quo fecit Christus; nam quod est valde notandum ex verbis S. Cypriani de bono patientiæ: *Isaac ad Hostiam Dominicam similitudinem configuratus est.* Fecit ergo Isaac sacrum secundum actionem interiorem, quæ spontè obtulit Deo suum pati. Atque hinc fuit tam mirum silentium, cuius Mysterium expendit egregie Augustinus Sermone 46. de Tempore, vbi cum indicasset nullam in eo factò auditam esse vocem humanam, quia tota res erat Diuina. Sed & ille filius, inquit, qui paulo ante ouem requirebat, sub ingenti silentio talia fieri in se

XI.  
*Ab Abraham  
præcognitum.*

*Quomodo Christi  
in Crucis  
fuit Sacrum.*

XV.  
*Quomodo fecit  
sacrum Isaac.*

sentiebat, & ita patiens inuenitur, tanquam iam ille esset, qui sicut ovis ad immolandum ductus est, & tanquam Agnus coram tondente se sine voce, sic non aperuit os suum. O, & tu Sancte Isaac, indica nobis silentij huius tam grande secretum. Paulò ante nihil in te fieri sentiebas, & à Patre Arietem requirebas; nunc autem manibus ligaris, in Aram imponeris, ligno quodammodo suspende- ris, & modo taces? Taceo, inquit, dic quare obsecro vt nouerimus; vultis nosse, ait, quare modo tacco? Quia figuram illius gesto, qui voluntate ponit animam suam, non necessitate. Ecce ex verbis Augustini habes Isaacum, se in figuram Christi victimam voluntariam obtulisse, atque adeo per voluntatem, quæ posita institutione Diuina, verè fuit Sacerdotalis.

Contra hanc communem sententiam vnum habemus Aben-Ezra laudatum virum inter Rabinos, qui negat Sanctum Isaac voluntariè se immolationi expo- fuisse, idque tribus argumentis. Primo propter minorem ætatem; quando enim ad immolandum ductus est, vix, inquit ille, duodecimum annum attingebat. Secundo, quia Abraham ligauit filium, vt illum immolaret vtique inuitum, & renitentem; si enim volens, libensque fieri victima acceptasset, quorsum illum ligaret? Tertio, quia si Isaac oblatus propria voluntate fuisset, magis ille, quàm Pater meruisset, quia præstantius est mortem pro Deo subire, quàm alteri inferre.

Verùm hæc argumenta infirmiora sunt, quàm vt in iis diluendis immoran- dum diu sit. Ac primum quidem argumentum ductum ab ætate, parum roboris habet; quia quamuis daremus Isaac tunc fuisse duodecim annorum, maturus adhuc fuisset voluntariæ oblationi: ætate enim duodecim annorum finitur pue- ritia, & incipit adolescentia; ideo vt docet Beda: Christus ea ætate primum fu- turæ prædicationis specimen dare voluit in medio Doctorum: *cum scilicet esset annorum duodecim*, Luc. 2. Cæterùm cuius ætatis esset tunc Isaac quando ad im- molandum est ductus, certatur inter Chronologos. Communior, & verior opi- nio, quam ex nostris Doctoribus sequuntur, Pererius, Cornelius, Iulianus, Ti- rinus, & alij est Isaacum egisse tunc vt minimum annum vigesimum quintum. Dixi, vt minimum, quia Hebræi communiter tradunt Isaac tunc fuisse annorum 37. eo quod, vt ipsi aiunt, eo anno immolatus est Isaac, quo Sara mortua est, hæc autem peperit Isaac, cum esset annorum nonaginta, obijtque annorum centum viginti septem, qui planè interfuxerunt ab Isaaci natiuitate ad eiusdem im- molationem.

Sed quamuis ætas, qua ad immolandum Isaac est ductus, incerta sit, proba- tiores tamen auctores conveniunt, non potuisse esse ætatem admodum tencram, quia Abraham imposuit illius humeris portanda ligna in holocaustum, vt disertè tradit Scriptura. Quomodo autem hoc facere potuisset puer teneræ ætatis, præ- fertim in ascensu eius montis arduo, & laborioso, & cum ligna tot essent, ait Abu- lensis, quot erant necessaria ad incinerandum vnum corpus humanum, quibus propterea Abraham Asinum onerauerat?

Neque quidquam obstat quod Scriptura puerum vocat. Ego & puer, ait Abra- ham illuc usque properantes postquam adorauerimus reuertemur ad vos. Quidni enim puerum vocaret filium suum Pater, qui illum genuit cum iam centum esset annorum? Hæc quippe ætate patris (notat Scriptura natus) est Isaac cap. 21. adde,

XVI.  
Qua ætate su-  
tis oblati.

quod eodem cap. 21. de Ismaële dixit Agar: *non videbo morientem puerum*, cum tamen constet Ismaëlem annorum tunc fuisse plusquam viginti, ut probat Abulenſis in cap. 21. Genes. Sed satis notum est in Scriptura quousque se pueri nomen extendat.

## XVII.

*Fuit voluntaria  
in ligatus  
in figura Christi.*

Hæc porro maturior, & robustior ætas Isaaci planè conuincit, ligatum ipsum fuisse, non inuitum, sed prorsus assentientem, volentemque; si enim inuitus fuisset, nunquam à Patre solo, & centum annis, seniore ipso, ligari potuisset.

Sed videamus, utrum ex colligatione sumi possit indicium inuoluntariæ oblationis. Quod erat alterum argumentum. *Cumque alligasset Isaac filium suum*, ait Scriptura, *posuit eum in Altare super struem lignorum*. De duplici colligatione potest esse Sermo: prior est, qua alligatus fuit, ubi primum Diuinam voluntatem exposuit Pater, antequam in Altare super struem lignorum componeretur: posterior est, qua postquam fuit super Altare compositus, ad sticticus ipsis Altaris lignis fuit ad ictum immolationis excipiendum. De utraque enim colligatione vestigium reperio apud Patres.

Ac prior quidem; vincula omnia Christi repræsentauit, quibus antequam in Crucem ascenderet, ligatus à Iudæis, ac Gentibus, an potius à Patre fuit? *Cumque alligasset Isaac filium suum*, ergone, ait Rupertus de Trinitate cap. 31. Et Deus Pater suum colligauit filium? Colligauit planè, verum non imbecillitatis vinculo, sed magnæ Charitatis imperio; ne se ipsum defenderet, ac oblatum Calicem Passionis mori dedignatus abigeret: nam hoc est, quod in Psalm. 72. canit ipse: *semissisti manum deam meam, & in voluntate tua deduxisti me*. Ex hac autem colligatione Aeterni Patris factum est, quod narrat Matthæus: *Tunc accesserunt Iudæi, & manus iniecerunt in Iesum, & tenuerunt eum*, & ut addit Ioannes cap. 18. *& ligauerunt eum*.

Posterior verò colligatio repræsentauit clauos, & funes, quibus idem Dei filius confixus, & alligatus isdem lignis fuit, quæ sibi ipse portauit. Quamuis enim fide iam certum sit Christum clauis Cruci fuisse affixum: vnde dixit S. Thomas Ioan. 20. *Nisi videro fixuræ clauorum*: tamen S. Hilarius lib. 10. de Trinitate, addit, Christum non solum clauis affixum, sed funibus etiam alligatum fuisse, quos funes hodieque ostendi Romæ in Templo S. Crucis in Hierusalem testatur Cornelius.

## XVIII.

*Isaac ante ascensum ad altare ligatus manibus suis.*

Iam verò ex priori colligatione facta ante conscensum in struem, argumentum sumo pro voluntaria Isaaci oblatione. Quia hæc facta fuit dumtaxat in manibus, aut etiam in collo, non verò in pedibus; quamuis enim Scriptura non explicet, quæ nam corporis partes fuerint colligatæ, cum tantum dicat: *cumque alligasset Isaac filium suum*, illa tamen ratio mihi persuadet, colligationem primam non esse factam in pedibus; quia quamuis Scriptura dicat, Isaacum posuit à patre fuisse in Altare super struem lignorum, non est sensus, quod Pater filium, suis viribus sublimem, sublatum, & suspensum, Altari superposuerit, quomodo enim sic tolleret adultum Iuuenem senex? Sed est sensus, quod in Altari illum composuerit eo modo, & ritu, quem Sacrificij ratio postulat. Ascendit ergo ipse per se lignorum struem, manibus quidem reuinctis, sed pedibus omnino solutus, ac liber. Et sicut Montem pariter pergentes supergressi sunt ambo, alter lignus oneratus, alter igne, atque gladio instructus; ita simul Altare pariter



pariter conscenderunt, alter manibus colligatus, alter resumpto iterum gladio, quem ad Victimæ compositionem breui temporis interuallo sepositum, arripuit postremo iterum, vt immolaret filium suum.

Confirmat huiusmodi cogitationem id, quod solerter adnotat Lyranus; nimirum Isaacum fuisse ligatum ante quam ad Altare se sisteret, vt per hoc, inquit, Christi ligatio significaretur ante immolationem ipsius in Cruce: constat autem, Christo ante immolationem in Cruce nullo modo pedes fuisse colligatos.

Atque hinc occasionem libenter sumo confirmandi sententiam illam, quæ docet Christum in Cruce erecta, fuisse affixum, atque adeo suis ipsum pedibus in illam ascendisse, certè plerique Sanctorum Patrum de hoc Mysterio per modum ascensus loquuntur, vt Ambrosius lib. 10. in Lucam 1. *Qualis Christus in Crucem ascenderit.* S. Bonaventura cap. 78. de Vita Christi: *Compellitur Dominus Iesus Crucem ascendere.* Bellarminus lib. 1. de Missa cap. 12. *Quis dubitet spontaneam illam ascensionem Crucis, veram oblationem fuisse.* Et Greg. Cant. 7. explicans illud: *Ascendam in palmam*, quem locum de Cruce etiam intellexerunt Cyprianus Serm. de Passione Domini. *Ascendisti*, inquit, *Domine palmam, quia illud Crucis tue lignum portendebat triumphum de Diabolo.* Quem eundem locum de Christo ascendente in Crucem multi Doctores interpretantur apud Cornelium in cap. 5. Cant.

Verum de hac controuersia alibi. Interim illam hoc loco supponimus, dicimusque Isaacum tanquam victimam maximè voluntariam in suam veluti Crucem, in figura Christi ascendisse, & super lignorum strue se composuisse, Patre interim pedes, & manus iterum subiectis lignis firmiter astringente. Quod si Isaac vltro super struem ascendit, profectò nec inuitus manus ad vincula obtulit, neque coactè se super ipsa lignorum strue iterum etiam pedes ligari permisit, nimirum, quod disertè ait Sanctus Ephrem: *tradidit se ipsum Patri Isaac, vt ipso quemadmodum vellet vteretur.*

Sed quorsum Pater filium non reluctantem, non renitentem, sed summè obediensem, obsequentemque semel, & iterum colligauit? Si quæras cur manus obsequentis primo ligauit, ratio illa est; quia eo modo victimæ ducebantur ad Sacrificium, vt docet Philo, sed potissimum quia sic ductus ad mortem fuit ille, quem Victimæ omnes repræsentabant. Si quidem *Spiritus oris nostri Christus Dominus captus est in peccatis nostris.* Thren. 4.

Si verò quæras cur etiam pedes postea, & totum corpus adstrinxerit super Altare: præter ritum sacrificandi, in quo Cruci affixionis mysterium includebatur, peculiaris erat ratio, tum ex parte immolaturi Abraham, tum ex parte Isaac immolandi. Et quidem ex parte Abraham. Nouerat optimus Pater motus aliquos naturales, ac planè inuoluntarios in actu jugulationis insurgere, quos tamen, & Sacrificij summam sanctitatem, & plenam ipsius Victimæ voluntatem dedecere, propterea, & zelo Religionis in Deum, & veræ pietatis in filium, quem ex omni parte perfectum cupiebat, illum colligauit.

Hanc causam videtur agnouisse Augustinus Sermone 72. *Vincitur*, inquit, *innocens hostia, ne offerentis deuotio putaret se minus aliquid exhibere, se impatientia doloris victima calcitraret, & arripit S. Zenoni: Securus*, inquit, *Pater optimus timuit ne aliquid liceret in mortem.*

XIX.

Christus fuit  
Cruci erecta  
suffixus.

XX.

Cur Isaac ligatus  
manus.

XXI.

Cur ligatus  
etiam pedes.




Ex parte verò Isâac, qui sic voluit, hæc etiam additur causa à Cornelio, ve nimirum plenissimè daret Deo, & velle, & posse, vt si vellet resilire non posset, in typum Religiosorum, qui dam se pe: vota Deo alligant, & astringunt, suum non solum velle offerunt, sed etiam posse.

XXII.  
*Inter plus me-  
ritum Abraham,  
an Isâac.*

Restat tertia diluenda difficultas, eo quod si vltro oblatus fuisset Isâac, plusquam Abraham meruisset. Verum hæc antiqua lis est, & adhuc sub Iudice, vtrius virtus, & meritum fuerit maius, Abraham ne immolantis, an Isâac immolati? *Vtrum admiret, ait S. Chrysostomus Hom. 47. & oblupeſcam inſtium, for-tem ne ſpiritum Patriarchæ, an pueri obedientiam, quod neque reluctatus eſt, nec factum egre tulit, ſed ceſſit, & obtemperavit his, quæ à Patre facta ſunt; & ſicut Agnus cum ſilentio ſuper Altare accubuit, expectans Patris dexteram.* Examinant pro vtraque parte rationum momenta Interpretes, quæ videri poſſunt apud Perrerium, & Cornelium: Interim ex hac ipſa controuerſia roboratur Catholica ſententia de voluntaria oblatione Isâac. Si enim Patres non præſupponerent eam fuiſſe planè voluntariam, non diſputarent de præminencia meriti, nam vbi inuoluntarium eſt, ibi meritum nullum eſt.

XXIII.  
*Meritum Isâac  
quantum.*

Porrò ingens planè fuiſſe hoc meritum Isâac conſtat, tum ex rei ſuſceptæ difficultate: agebatur enim de obedientia vſque ad mortem, & quidem in ipſo ætat-  
tis flore, cum poſſet ſperare centum adhuc annos facillè victurum, multamque ſe ſobolem, & familiam habiturum, tum ex promptiſſima, qua ſe obtulit voluntate, vt enim ait S. Auguſtinus Sermon. 40. ad Fratres in Eremito. *Isâac ſciet à Patre Dei voluntato non aperuit os ſuum. Quare Isâaco meritò tribuunt hic Patres meritum Martynij, quia pro actu virtutis, ſcilicet, vt obediret Deo, certæ morti ſe obtulit: eò enim res vſque proceſſit, vt Pater in eum gladium extenderet, vt illum immolaret, & ictum lethalem planè excepiſſet, nili Deus eum auertiſſet, & ſicut de Abraham dixit S. Chrysostomus Homil. 49. *proposito quidem cruentatus, diſſectus, crematus, & in cineres redactus eſt.**



## QVÆSTIO OCTAVA.

*Quomodo primogenitus omnis creature in Eucharistia  
vt Isâac immolatur.*

- I. Cur Deus noluit Isâac Sacrificium consummari.
- II. Isâac fuit figura vtriusque Sacrificij Christi.
- III. Christus in Eucharistia vt Isâac immolatur.
- IV. Actus Sacerdotalis Isâaci in figura Christi.
- V. In quo consistit Sacrificium Christi.

- VI. *In quo sensu Christus dicitur pati in Eucharistia.*  
 VII. *Aliter est Corpus Christi in pane, aliter Angelus in corpore.*  
 VIII. *Sacrificium Eucharisticum consistit in pati.*  
 IX. *Radix passionis incrementum.*  
 X. *Christus in Sacrificio Eucharistico tradit se destruendum.*  
 XI. *Quid est accipite, & comedite.*  
 XII. *Comedere pro destruere, & consumere.*  
 XIII. *Comedere peccata quid.*  
 XIV. *Traditio facta Discipulis ut Ministris Sacrificij.*  
 XV. *Eucharistia continet necessario Corpus Christi, ut Sacrificium est, non autem ut Sacramentum.*  
 XVI. *Prestantia oblationis Isaaci in figura oblationis Christi in Eucharistia.*  
 XVII. *Nulla maior consumptio Sacrificialis, quam Eucharistica.*



VESTIO est non vulgaris, quamobrem Deus prohibuit quominus Abraham Sacrificium tam acceptum re ipsa perficeret, & consumaret: *tenet manum eius Divina vox*, ait S. Ambrosius, & ictum vibrantes occupavit dextera

Plures causæ afferuntur à Patribus, quas congerit noster Fernandes in cap. 22. Genes. Ego ne actum agam, vnam tantum ab illis non expressum indicabo.

Isaac singularis fuit Typus Christi in eo, quod in ipsis vno eodemque supposito coniuncta fuit representatio Sacerdotis simul, & Victimæ; cum in reliquis omnibus Sacrificiis figuratibus eadem representatio non in vno, eodemque, sed in duobus distinctis, diversisque suppositis, semper fuerit, ut superius indicavimus. Debuit ergo ipse singulariter figurare suo Sacrificio omne Sacrificium, in quo Christus verè se habet ut Sacerdos, & Victima, alioquin daretur aliquod Sacrificium Christi, cuius non præcessisset figura in eo, quod idem est Sacerdos, & Victima; ergo debuit figurare simul Sacrificium Crucis, & Sacrificium Cænæ: Hoc enim duplex Sacrificium obtulit per se Christus Dominus, & in utroque fuit Sacerdos, & Victima; ergo ita debuit representari in se ipso Sacrificium cruentum, ut simul incrementum repræsentaret; hoc autem nullo alio modo fieri potuit præter eum, quo factum est. Nam verè illud Sacrificium fuit veluti cruentè inchoatum, & incrementè consummatum; & cruento quidem inchoatum, quia oblatum verè fuit sub insignibus Passionis ad effusionem sanguinis ordinatæ; incrementè verò consummatum, quia in Sacramentum tantum, & signum Passionis fuit acceptatum.

Hinc inter figuras Eucharistiæ, quibus Christus in Sacramento fuit præsignatus annumeratur hæc Isaaci, dum canitur ab Ecclesia; *velut Isaac immolatus*. Ad quam Ecclesiæ sententiam illustrandam, afferre libet insigne locum Rupertii lib. de Trinitate cap. 32. ubi agit, quomodo verus Isaac Christus in Sacramento imoletur, & inter alia. *Christus inquit, corus sancto in umbra Altari, ubi iterum immolatur & tamen impossibilis permanet, & vivus quemadmodum illic Isaac immolatus & tamen gladio non est atactus* Et infra, *Sicut Isaac ille immolatus, & non tamen occisus est, sic, & Christus hic immolatur quidem,*

I.

*Cur Deus noluit Isaac Sacrificium consummari.*

II.

*Isaac fuit figura utriusque Sacrificij Christi.*

III.

*Christus in Eucharistia ut Isaac immolatur.*

*sed impassibiliter sacrificatur, & immortaliter.*

IV.  
*Actus Sacer-*  
*dotalis Isaac*  
*in figura Chri-*  
*sti.*

Quod si præterea quæras, qua ratione Isaac non solum fuit utriusque Sacrificij Victimæ figuræ, sed figuræ etiam utriusque Sacerdos.

Dico Isaacum repræsentasse Christum tanquam verum, & principalem utriusque Sacrificij Sacerdotem per illum actum, quo Patri se in Sacrificium postulanti tradidit alio, ut se quemadmodum veller vteretur. Itaque actus ille, quo Isaac tradidit se oblationem, & hostiam Deo in manus Patris, ille fuit actus Sacerdotalis Isaac iuxta positam superius doctrinam S. Thomæ à Caietano explicatam. Cum enim sacrificium Isaac ex genere illorum fuerit, quæ consistunt in pati non tenebatur per se, & immediate sacrum facere aliter, quàm per actum interiorum, quo acceptabat, & offerebat Deo suum pati, tradendo se omnino in manus Patris. Porro actus hic Isaac, viua, & expressa fuit repræsentatio oblationis Sacerdotalis, quam Christus Dominus exercuit in Cruce, & nunc exercet quotidie in Altari, quod est maximè adnotandum; & quidem, quod fuerit repræsentatio Sacerdotalis actus Christi in Cruce, est manifestum, quia ex doctrina Sancti Doctoris non alio modo Christus in Cruce fecit sacrum, vnde Apostolus oblationem Sacrificalem Christi semper explicat per actum, quo se ipsum tradidit. Quod verò idem Isaac actus, repræsentatio fuerit actus Christi Sacerdotalis, quo tanquam principalis Sacerdos quotidie se ipsum sacrificat in Altari, est quidem mihi æquè manifestum, quia Christus non alia ratione est, non solum actualis Victimæ, sed actualis Sacerdos Sacrificij nostri, nisi quia vltro se tradit in alienam potestatem, & manus; & verè in manus Patris ipsum ad Sacrificium postulantis ad eum planè modum, quo se Isaac tradidit Abraham, Dei Patris vices gerenti, & Christus se Æterno suo Patri in Cruce tradidit per illa verba: *Pater in manus tuas commendo spiritum meum* Vbi per spiritum intelligitur vita corporalis, ut ostendit Bellarminus de septem Verbis; ideo subdit Evangelista: *Et hæc dicens expiravit.* Expirare autem est deficere, spiritum trahere, quod est viuendum. Quod verò ea verba fuerint oblationis consummationis Sacrificij Crucis, ostendimus alibi. Interim ex præsentî doctrinâ si rectè perpendatur.

V.  
*In quo consi-*  
*stet Sacrificium*  
*Christi.*

Habemus primo, tùm Sacrificium Crucis, quàm Sacrificium Eucharistiae, esse ex genere sacrificiorum, quæ consistunt in pati, atque adeo Christum in utroque Sacrificio eodem modo sacrum facere, nimirum per actum offerentem in honorem, & cultum Dei, suum pati. Hæres ad vocem *pati*, tanquam ad paulo duriorum?

Sed prouoco ad modum loquendi Patrum, qui Corpori Christi, ut est in Sacramento, passivas tribuunt denominationes: sufficiat nunc vnus S. Chrysostomus. Is. Homil. 24. in 1. Epist. ad Corinth. dicit: Regium corpus nobis intuentum, & tangendum proponi. Rursum Homil. 83. in Matth. Ipsum, inquit, vides, ipsum tangis, ipsum comedis. Præterea Homil. 47. in 1. ad Corinth. dicit: nos carni Christi dentes insigere. Denique Homil. 24. in 1. ad Cor. in terminis, habes Christum in sacramento, pati fractionem, quam in Cruce pati noluit.

VI.  
*In quo sensu*  
*Christus dica-*  
*tur pati in Eu-*  
*charistia.*

Non disputo nunc, utrum hæc figuratè tantum dicta sint; neque vllò modo asserimus huiusmodi passiones esse cum læsione Corporis Christi. Quod asserimus hoc loco est, passiones quasdam verè, ac propriè, & non figuratè conuenire

Christo, propterea est in Sacramento; nam ex Regula Theologorum, verba, saltem quæ significant motum localem, quamvis non per se, sed per accidens, verè tamen, & propriè dicuntur de Corpore Christi in Eucharistia existente; cuius rei rationem libenter sumo ex doctrina, quam tangit Bellarminus lib. 3. cap. 19. Quia scilicet Corpus Christi est in pane, non utcumque, sed ut substantia sub accidentibus, quo fit, ut ex natura ipsa rei, posita consecratione ad motum accidentium moueatur Corpus Christi, & ad illorum elevationem, eleuetur ad illorum depressionem deprimatur, & ad illorum corruptionem desinat ibi esse, quæ ratione desineret substantia panis si ibi fuisset. Non sic est Angelus in corpore assumpto; ideo ad motum corporis assumpti, non mouetur Angelus necessario, & ex natura rei, sed posset non moueri, & quando mouetur, voluntariè mouetur, immò ipse est, qui mouet illud corpus, & quando dissoluitur illud, non necellarius Angelus desinit esse in eo loco, sed potest manere si velit. Sed de hoc iterum.

VII.

*Aliter est Corpus Christi in pane, aliter Angelus in corpore.*

Redeo nunc ad illam propositionem, qua dicebam Sacrificium quoque Eucharisticum esse ex genere illorum, quæ consistunt in pati: & sic argumentor. In tantum Christus in Cruce fecit facium consistens in pati, in quantum tradidit suum corpus consumendum, & suum sanguinem fundendum in honorem, & cultum Dei, sed idem Christus in Altari tradit suum corpus consumendum, & suum sanguinem fundendum in honorem, & cultum Dei; ergo utrumque Sacrificium Christi est ex genere eorum, quæ consistunt in pati.

VIII.

*Sacrificium Eucharisticum consistit in Pati.*

Hoc argumentum videtur mihi satis conforme ad doctrinam Tridentini, ubi differentia inter Sacrificium Crucis, & Altaris ponitur solum in ratione, & modo offerendi cruento, vel incruento. *Sola* inquit, *offerendi ratione diuersa*. Ita ut non solum offerens, nec solum res oblata, sed ipsamet interior Sacerdotalis oblatio consistens in voluntaria traditione sui corporis, & sanguinis in cultum Dei, sit eadem in utroque Sacrificio, sola ratione offerendi diuersa, quæ diuersitas radicaliter consistit in eo, quod Sacrificium Crucis oblatum sit in forma, & specie aliena non viuientis. Vnde factum est, ut illud ex passione fuerit cruentum, hoc in passione maneat incruentum.

IX.

*Radix passionis incruenta.*

Sed ostendamus ex aliqua Scriptura Sacerdotem nostrum non solum olim in Cruce, sed nunc quotidie in Altari tradere corpus suum consumendum, & sanguinem fundendum. Locus insignis pro traditione Corporis est 1. Cor. 11. Christus enim dum obtulit Sacrificium Cœnæ, ait: *Hoc est corpus meum quod pro vobis frangitur*. Quod scilicet nunc pro vobis in specie non viuientis panis datur, & immolatur Deo. Ita Bellarminus lib. 1. de Missa cap. 12. *Quamvis* verò fractio utcumque ponit, etiam ad instantem Passionem Christi cruentam in propria specie accommodati propter contractionem cutis, & neruorum, & venarum, tamen vix dubium esse potest, ait Bellarminus, quin Apostolus respexerit ad Corpus Christi sub specie panis: Scriptura enim propriè per hac voce solet, ut 1. Cor. 10. *Panem, quem frangimus.* & Act. 2. *Frangebant circa domos panem*: immò Maldonatus in cap. 26. Matth. disertè tradit, hanc fractionem de Corpore Christi in Cruce dici non potuisse à Paulo, tum quia Sacramentalem loquutionem esse constat, ut propterea extrà Sacramentum, locum non habeat, tum quia S. Ioannes, tanquam mysterium adnotauit, latronibus crura contracta fuisse;

X.

*Christus in Sacrificio Eucharistia tradit se destruendum.*

Christo non fuisse, quia scriptum erat: *Os non communicat ex eo*, quod planè confirmat locus superius citatus S. Ioannis. S. Io. Chrysostomus Homil. 24. in 1. ad Corinth. ubi scribit, Christum in Sacramento pati fractionem, quam in Cruce pati noluit. Si fractionem nunc patitur, ergo dum se frangendum offert, potest Deo pro nobis offerre suum pati.

Rursus pro traditione sanguinis, est locus æquè insignis Luc. 22. *Hic est / alix* *potum Testamentum in Sanguine meo qui pro vobis effunditur*. Sed hunc locum non ieiunè tractauimus lib. 1. quart. 3. ubi egimus de effusione Sanguinis Eucharistica.

Nunc verò quod Christus tradat se in Eucharistia Sacrificio consumendum, & destruendum in Dei honorem, non minus quàm olim in Cruce, sola offerendi ratione diuersa, potest plenissimè demonstrari ex verbis illis: *Accipite, & comedite*. Quia non potuit esse traditio, aut pro nobis liberaliter, aut religiosior Deo, pro nobis non potuit esse liberalior; sicut enim si tradidisset corpus suum sub forma, & specie Auri non potuisset illud liberalius tradere, quàm dicendo: *Accipite, & impendite*, ita suum corpus positum sub forma, & specie cibi, non potuit liberalius tradere, quàm dicendo: *accipite, & comedite*. Sed neque potuit esse religiosior Deo, quia in illa est plenissima Sacrificij inuentum consummatio.

Est autem aduertendum, traditionem illam factam per verba, *accipite, & comedite*, duplicem traditionem includere, alteram sacramentalem, alteram Sacrificalem iuxta duplicem sensum verborum illius propositionis. Potest enim illa propositio, *accipite, & comedite*, significare idem ac *accipite, & sumite*, vtique in refectionem animæ spiritualem, & hanc voco traditionem Sacramentalem, quæ immediatè, & proximè refertur ad vtilitatem fumentium: potest etiam eadem propositio alterum facere sensum, vt *accipite, & comedite*, idem sit ac *accipite, & consumite hoc est destruite* in honorem vtique, & cultum Dei, & hanc voco traditionem Sacrificalem. Et quidem quod sensus hic alienus non sit, ex eo patet, quia in Scriptura accipitur sæpè comedere pro consumere, & destruere, sic Psal. 78. *Quia comederunt Iacob*, hoc est (vt omnes notant Interpretes) quia consumpserunt, & destruxerunt. Immo Psalmista ipse, idem quasi explicans subdit: *Et locum eius desolauerunt*. Vnde Chaldaeus vertit apud Genebrardum: *Quoniam dissipauerunt Domum Iacob, & Domum Sanctuarij eius vastauerunt*; quem eundem textum explicatum adhuc magis habemus apud Ieremiam cap. 10. ubi dicitur: *quia comederunt Iacob, et deuorauerunt eum, et consumpsimus illum ei decus eius dissipauerunt*. Atque ad hanc Scripturæ significationem respiciens Beatus Martyr, & Pontifex Alexander primus in Epist. 2. loquens de dignitate Sacerdotum, nouam, ac luculentam expositionem offert illosum verborum Osee cap. 4. *Peccata populi mei comedens*. Sacerdotes, inquit, peccata populi comedunt, quia precibus suis, & oblationibus ea destrunt atque consumunt. Scio illius loci receptissimam expositionem esse, vt peccata, hostias pro peccatis oblatas, intelligamus; nam & Scriptura ita sæpè loquitur, sic alibi explicauimus locum Apostoli 2. Corinth. 5. *Enim, qui peccatum non nouerat pro nobis peccatum fecit* & Leuit. 10. Vbi dicitur, *cur non comedistis hostiam pro peccato in loco sancto?* In Hebræo est; *Cur non comedistis peccatum in loco sancto*. Tamen quia comedere

XI.  
*Quid est accipite, & comedite.*

XII.  
*Comedere pro destruere & consumere.*

XIII.  
*Comedere peccata quid.*



in Scriptura vtrumque significat; ideo expositionem Alexandri, tanquam sacrę Scripturę consentaneam recipiunt, ac probant ex antiquioribus Rufinus, & ex recentioribus noster Ribera, & alij.

Hinc illustratus manet adæquatus, ac plenus sensus verborum Christi: Accipite, & comedite, vt non solum ea verba dicta Discipulis, sint tanquam fidelibus, quibus suum corpus sumendum tradebat vt Sacramentum, sed dicta illis potissimum sint tanquam Ministris, quibus suum corpus tradebat consumendum vt Sacrificium pro vniuerso Mundo. Atque hanc posteriorem traditionem, quam voco Sacrificalem factam Discipulis tanquam Ministris Sacerdotij Christi, fuisse potissimam, & à Christo per illa verba principalius intentam, colligo ex consequentibus apud Lucam cap. 22. *Hoc est corpus meum, quod pro vobis datur; hoc facite in meam commemorationem.* Et primo ex illo verbo, *hoc facite*, infero sermonem directum fuisse Discipulis tanquam Ministris; hoc enim maxime loco, *facere*, est verbum sacrificale, vt indicat Tridentinum Sess. 22. cap. 1. Vbi ait, per hæc verba præcipisse Apostolis, eorumque in Sacerdotio successoribus, vt offerrent, hoc est sacrificarent.

Idem præterea colligo ex eo quod non dicit, Corpus quod vobis, sed quod pro vobis datur. Si enim corpus ad sumendum tantum daretur per illa verba, *accipite, et comedite*, dixisset potius vobis, quam pro vobis datur, sed quia illa erant verba non solum oblationis, sed etiam institutionis noui Sacrificij, quod offerendum Ecclesię relinquebat per Sacerdotes, tanquam per suos Ministros, ideo dixit, quod pro vobis datur. Sacrificium enim, vt recte Maldonatus in cap. 26. Matth. Non hominibus, sed pro hominibus Deo datur, hoc est offertur.

Postremo hoc infero ex arcana quadam consequentia, quam agnoscit Ecclesia, dum refert verba Christi dicentis: *Manducate. hoc est enim corpus meum.* Nam ad sumptionem Sacramentalem non fuisset præcisè necessarium, vt adesset Corpus Christi, vt enim docet Bellarminus lib. 1. cap. 2. Eucharistia potuisset verè, & propriè Sacramentum esse, etiamsi Christi corpus reipsa non contineretur, satis enim esset ad hoc, esse signum visibile continens virtualiter gratiam sanctificationis. Quia ratione Baptismus est verum Sacramentum. Excellet quidem nunc Eucharistia Baptismo, & reliquis omnibus Sacramentis, quia illa constant ex elemento externo, & virtute tantum Diuina illi impressa, vt possint esse signa, & causę; Eucharistia verò ita constat ex elemento, seu speciebus externis, vt loco impressę virtutis Diuinę transeuntis, quę est in cætens, sit permanenter Christus ipsę, qui est ipsa virtus, & potentia Dei, cæterum cum sola virtute illa Diuina impressa speciebus, potuisset esse verum Sacramentum. Vnde de facto docent Theologi rationem Sacramenti Eucharistici, magis conuenire speciebus, vt continent corpus, quam corpori Christi, vt est sub speciebus, quia vt docet Trident. Sess. 13. cap. 3. Omnibus Sacramentis est commune, vt sint Symbolum externum, & visibilis forma, inuisibilis gratiæ, quod magis conuenit speciebus, quam corpori Christi. Itaque potuisset esse sumptio Sacramentalis Eucharistię sine corpore Christi. At verò ad sumptionem Sacrificalem, erat omnino necessarium, & essentiale, vt adesset corpus Christi, quia Sacrificium Sacerdotis principalis, non potest esse, in quo non idem ipse sit Victimam, vt probauimus de natura Sacrificij. Ideo consequenter ad supradicta docent Theologi, rationem

XIV.

*Traditio facta  
Discipulis vt  
Ministru Sa-  
crificij.*

XV.

*Eucharistia cō-  
tinet necessa-  
rio Corpus Chri-  
sti, vt Sacrifi-  
cium est non  
autem vt Sa-  
cramentum.*

Sacrificij magis conuenire corpori Domini, vt est sub speciebus, quàm speciebus, vt continent corpus Domini, quia quod offertur Deo Patri, non sunt species panis, sed id, quod in Cruce fuit oblatum, Corpus scilicet, & sanguis Domini. Ex connexionione ergo essentiali, quæ est inter Sacrificium, & corpus Christi, tanquam vnæ, & singularem Mundi victimam, benè inferimus, verba illa: Manducate, Hoc est enim corpus, continere potissimum sensum Sacrificalem à Christo principalius intentum, vt sensus sit, sumite, vt consumatis; nam ego me vobis, tanquam Ministris meis planè in Dei cultum coniunmandum, & destruendum sub hac forma trado.

## XVI.


*Præstata oblatione Isaaci in figura oblationis Christi in Eucharistia.*

Quanta autem, & quàm plena fuerit hæc traditio, videre licet tanquam in vmbra in ipsa traditione Isaaci nostri; etenim cum ipse ex vna parte cognosceret ex Patre, postulatam se à Deo esse, vt offerretur in Sacrificium holocausti, & ex altera parte nosset quid secum ferret ritus holocausti, in quo scilicet Victima erat primo iugulanda, deinde membratim concidenda, postremò cremanda, & in cineres sine vllis eius reliquiis redigenda. Ipse, eo actu, quo se totum in paternam tradidit manus, dedit se perfectissimo, & absolutissimo modo consumendum, & quasi ad nihilum redigendum. Actus hic Isaaci exprimit actum Sacerdotis nostri, quo potestatem faciendo corporis sui, in Sacrificium oblatis, ait: Accipite, & manducate. Nullum enim genus consumptionis potest esse maius isto, quod habetur per conestionem, quod videlicet æquipollet omnibus generibus destructionum, & præcipuè illi, quæ fiebat per ignem in holocausto; ideo dixit Bellarminus lib. 4. de Eucharistia cap. 24. Quod Sacerdotes nunc faciunt, dum manducant, & bibunt sub specie panis, & vini Corpus, & Sanguinem Domini, respondet consumptioni Victimarum per iguem. Est enim Eucharistia holocaustum, in quo omnia consumebantur, & Victimæ, & libamina; ideo etiam nunc à Sacerdote, cuius est consumere holocaustum, omnia sumuntur.

## XVII.

*Nulla maior consumptio Sacrificij quam Eucharistica.*

Sed quoniam, vt aiebat sanctus Apostolus Andreas: Agnus nostri holocausti talis est, vt licet sit verè sacrificatus, & verè à populo carnes eius manducate, integer tamen perseuerat, & viuus, ideo debuit in Isaaci figura non cruentè, sed incruentè præsignari, quam fuisse diximus causam cur Angelus Domini de Cælo clamauerit: *non extendas manum tuam super puerum, neque facias illi quidquam.*



## QVÆSTIO NONA.

*Vtrum oblatio Sacrificialis differat formaliter, à simplici oblatione, per realem destructionem.*

- I. Sacrificium non est simplex oblatio.
- II. In quo differunt.
- III. Sacrificij Etymon.

IV. Explicatio

IV. *Explicatur sententia S. Thomæ.*V. *Fieri quid significet.*VI. *Fieri, & facere verba Sacrificialia.*VII. *Res oblata si maneat integra non est Sacrificium.*

Vo d oblatio sacrificialis differat à simplici oblatione, ex vfu scripturarum est manifestum, vt enim rectè Bellarminus lib. i. cap. 2. contra Caluinum. In Scripturis multa dicuntur Deo offerri, quæ nec secundum vsum Scripturæ Diuinæ, nec communem loquendi modum dici possunt Sacrificari. Exod. 25. & 35. offerenda Deo dicuntur, Aurum, Argentum, Aes, Ligna, & cætera, quæ non nisi absurdissimè Sacrificari dici possent.

I.  
*Sacrificium  
non est simplex  
oblatio.*

Rursum Num. 8. Aaron offert Leuitas in munus Domino à filiis Israël, & quidem solemnî ritu, & pompa; Et tamen nec Scriptura dicit homines illos Sacrificatos fuisse, nec dici potest; cum solum sint ad ministerium deputati. Oblatio igitur Sacrificialis differt à simplici oblatione. Sed quid est tandem illud, per quod formaliter differt? Quid illi super addit, per quod essentialiter constituitur in tali specie oblationis, quæ sit propria Sacrificij? Profectò non aliud esse potest, nisi destructio.

II.  
*In quo differe-  
runt.*

Hæc doctrina videtur mihi expressissima S. Thomæ 2. 2. quæst. 85. & 86. & quidem quæstione 85. art. 3. ad 3. hæc habet. Sacrificia propriè dicuntur, quando circa res Deo oblatas aliquid fit, sicut quod animalia occidebantur, & comburebantur, quod panis frangitur, comeditur, & benedicitur, & hoc ipsum nomen sonat. Nam Sacrificium dicitur ex hoc, quod homo facit aliquid sacrum, oblatio autem directè dicitur, cum Deo aliquid offertur, etiamsi nihil circa ipsum fiat, sicut dicuntur offerri denarij, vel panes in Altari, circa quos nihil fit; vnde omne Sacrificium est oblatio, sed non conuertitur, primitiæ autem oblationes sunt, quia Deo offerebantur, vt legitur Deutero. 26. non autem sunt Sacrificia, quia nihil sacrum circa eas fiebat. Hæc S. Thomas; ex cuius verbis habemus tria, luce clariora. Primum, quod non omnis oblatio est Sacrificium, illis verbis: Omne Sacrificium est oblatio, sed non conuertitur. Alterum, quid superaddit Sacrificium oblationi, illis verbis. Quando circa res Deo oblatas aliquid fit. Tertium quid significat circa rem oblatam aliquid fieri, illis verbis: sicut quod animalia occidebantur, & comburebantur, &c. Et quidem quod Sacrificium superaddat rei oblatæ (*fieri*) ostendit ex etimologia, nam Sacrificium, inquit, dicitur ex hoc quod homo facit aliquid sacrum, quod autem fieri sacrum significet confici, immutari, consumi, & destrui, non poterat expressius declarare, & probare, quam per exempla Scripturæ, ex cuius vfu, vt rectè Bellarminus lib. i. cap. 2. omnia omnino, quæ in illa dicuntur Sacrificia, necessario destruentia erant, si viuientia per occisionem, si inanima solida per combustionem, si liquida per effusionem. Quod egregiè tandem confirmatur per id, quod additur de Primitiis, quæ, inquit, non sunt Sacrificia, quia nihil sacrum circa eas fiebat. Hic apertè intelligitur quid significet sacrum fieri, nimirum per sacram cærimoniam in Dei honorem immutari, & destrui. Hoc significat *fieri*. Si enim per fieri non intelligeret sanctus Doctor, destrui, falsum dixisset, quod circa primi-

III.  
*Sacrificij Ety-  
mon.*

IV.  
*Explicatur Sen-  
tentia S. Tho-  
mæ.*

V  
*Fieri quid si-  
gnificet.*

Leuit. 23.

VI.

Fieri, & facere, verba sacrificia.

tias nihil sacrum fieret; recitentur verba Deuteronomij, qui est locus citatus 1 S. Thoma: Tolles de cunctis frugibus tuis primitias, & pones in cartallo, pergesque ad locum, quem Dominus Deus tuus elegerit, vt ibi inuocetur nomen eius, accedesque ad Sacerdotem, suscipiensque Sacerdos cartallum de manu tua, ponet ante Altare Domini Dei, &c. Fiebat hæc oblatio per Sacerdotem in loco Sanctuarij, & super Altare Sacrificiorum, & quidem cum sacris cæremoniis, quas explicat Abulensis, eleuando, & deprimendo sursum, & deorsum, & sinistrorum ad signandum quod Deus, cui illa offeruntur, omnium quæ sunt ad quasque differentias positionis, Dominus est. Multa ergo sacra fiebant in oblatione primitiarum vt Scriptura aperte demonstrat, & tamen S. Thomas dicit primitias, oblationes quidem fuisse, non verò Sacrificia, quia nihil sacrum circa eas fiebat. Ergo signum est S. Thomam accepisse illud fieri in sua proprietate sacrificiali, in qua significat consumi, & destrui. Et sanè vox illa passiuæ, fieri, cum de sacro ageretur in ea proprietate accipi debuit à S. Thoma, quo accipitur vox actiua facere; est autem facere, verbum sacrificale, quod significat sacro ritu, & cæremonia consumere, & destruere rem aliquam oblatam in honorem Dei, satis sint subiecta loca sacræ Scripturæ Leuit. 15. Sumet duos turtures, dabit eos Sacerdoti, qui facies vnum pro peccato; & rursus Leuit. 22. ver. 19. Facies & hircum pro peccato, duosque agnos anniculos. Deuter. 16. Vi facias phasem Domino Deo tuo, idest Victimam Paschales 3. Reg. cap. 3. ver. 15. Stetit coram Arca, & fecit, victimas pacificas. Et rursus cap. 18. ver. 23. Et ego faciam alterum bouem; & ver. 26. Qui cum tulissent bouem, quem dederat eis, fecerunt. Ezech. 43. ver. 25. Septem diebus facies hircum pro peccato quotidie, & vitulum de armento. Rogo iam in omnibus hisce sacræ Scripturæ locis, quid est facere, quid facere turturam, facere hircum, facere ouem, facere bouem, nisi illa certo ritu mactare, occidere, destruere, quod erat sacrificare? Quod si vox actiua facere in Sacrificio, hoc totum significabat, quid mirum si idem significet vox passiuæ, fieri, vt scilicet non intelligatur aliquid sacrum fieri circa aliquid, nisi ad occisionem si res viuæ sit; & si res viuæ non sit ad accomodatam aliam consumptionem, & destructionem veniatur.

Alter locus S. Thomæ quest. 86. est in corpore Articuli primi, vbi aperte declarat quando aliquid exhibebatur in cultum Dei per simplicem oblationem, & quando non solum per oblationem, sed etiam per Sacrificium. Nomen, inquit, oblationis est ad omnes res, quæ in cultum Dei exhibentur, ita quod si aliquid exhibeatur in cultum Diuinum, quasi in aliquid sacrum, quod inde fieri debeat, consumendum est, & oblatio est, & Sacrificium. Si verò sic exhibeatur, vt integrum maneat Diuino cultui deputandum, erit oblatio, & non Sacrificium.

VII.

Res oblata si maneat integra non est Sacrificium.

Nota expressa verba. Quod exhibetur in Sacrificio, consumendum est, quod exhibetur, vt integrum maneat, erit oblatio, & non Sacrificium.

Est ergo luce clarior sententia S. Thomæ, hoc discrimen ponentis inter simplicem oblationem, & Sacrificium, vt Sacrificium, quod sine dubio est in genere oblationis, superaddat necessario realem consumptionem, ita vt res oblata non maneat integra, sed iuxta suam conditionem destruat.

## QVÆSTIO DECIMA.

*Quomodo oblatio Primogeniti omnis creatura fuit  
verè sacrificialis.*

- I. *Fundamentum dubitandi.*
- II. *Vnde habuit oblatio Christi ut esset sacrificialis.*
- III. *Oblatio Christi fuit voluntaria per modum objecti, & per modum effectus.*
- IV. *Cur Martyrum oblatio non sit sacrificialis.*
- V. *Communis responsio examinatur.*
- VI. *Nostri ratio proponitur, & probatur.*
- VII. *Inter omnes Martyres sola oblatio Isaac fuit sacrificialis.*
- VIII. *Vbi non est Sacerdotium, ibi non est Sacrificium.*



**D**IFFICULTAS oritur ex natura ipsa oblationis sacrificialis.

I.  
*Fundamentum  
dubitandi.*

Diximus enim cum S. Thoma, in eo differre oblationem sacrificalem à simplici oblatione, quod simplex oblatio non est per se destructiva rei, quæ offertur, sacrificialis vero est per se consumptiva, & destructiva rei in Sacrificium oblata. Iam verò in Sacrificio Crucis ex nulla parte videtur fuisse oblatio destructiva, non ex parte Iudæorum occidentium, quia illa occisio non fuit oblatio, neque ex parte Christi se offerentis, quia illa oblatio non fuit sui occisio; de ratione autem oblationis sacrificialis est, ut idem actus, qui est oblatio, sit immolatio.

Indicat hanc difficultatem S. Thomas 3. parte, quæst. 22. art. 2. ubi quærit, Vtrum Christus simul fuerit Sacerdos, & Hostia. Sacerdotis est, inquit, hostiam occidere, sed Christus non se ipsum occidit, ergo ipse nec fuit simul Sacerdos, & hostia. Quis ergo fuit Sacerdos in illo verissimo, ac perfectissimo Sacrificio? Quod si alius esse non potuit nisi primogenitus ipse omnis creaturæ, ut ostendimus, explicandum est, quæ ratione se ipsum obtulerit oblatione sacrificiali, cum verè se ipsum non occiderit.

Respondet ergo S. Thomas, ideo se ipsum obtulisse, & quidem oblatione sacrificiali, de hac enim est sermo, quia, inquit, se ipsum voluntariè morti exposuit secundum illud Isaac 53. *Oblatus est quia ipse voluit.* Tota igitur ratio S. Thomæ, cur illa oblatio in Christo fuerit maximè sacrificialis, est, quia fuit maximè voluntaria, nec solum per modum acceptantis mortem, ut loquitur Caietanus, sed etiam per modum illam causantis. Et quidem quod summè spontanea, & voluntaria fuerit mors Christo per modum objecti acceptati, & amati, satis probant indicia ex verbis eiusdem Isaac: *Oblatus est quia ipse voluit, & non ape-*

II.  
*Vnde habuit  
oblatio Christi  
ut esset sacrifici-  
calis.*

III.  
*Oblatio Christi*



*fuit voluntaria. ruit os suum, sicut ovis ad occisionem ducetur, & quasi Agnus coram tondente se  
ria per modum obmutescit, & non aperiet os suum, quantum voluntatis indicium est, obmutuis-  
se, & quod bis Propheta repetit, os suum non aperuisse; & non aperuit os suum,  
modū effectus.*

in acri illa tonsione, qua non lana, & vestis, sed pellis, immò sanguis, & vita, flagellis, clavis, & plagis illi detonsa, & abrafa sunt, vt ait Cornelius; non gemit, non quæsus est, non obstrepuit, non restitit, quare? Quia victima facta est plane voluntaria. Quod vero mors illa voluntaria Christo fuerit non solum per modum obiecti spontaneè acceptati, & amati, sed etiam per modum effectus aliquo modo procedentis ab ipsamet voluntate Christi. Ex eo patet, quia voluntas humana Christi, saltē vt instrumentum Verbi poterat impedire, & facere ne mortis instrumenta corpus laderent, & corpore etiam perfollo, ac vulnerato potuisset vitam adhuc retinere, & ad arbitrium conseruare, quod singulare fuit in Christo, propterea Ioan. 10. dixit, voluntate Sacerdotali, & potestate, qua Sacerdos erat in æternum: *Pono animam meam, vt iterum sumam eam: nemo tollit eam à me, sed ego pono eam, à me ipso potestatem habeo ponendi eam, & potestatem habeo iterum sumendi eam;* & quidem in argumentum huius potestatis, cum Sacrificium illud in Ara Crucis obtulisset, & consummatum iam declarasset, prius quàm spiritum traderet vltro, illi, cui commendauerat. *Inclinauit caput; & inclinato capite* ait Euangelista, *tradidit spiritum.* Cæteri homines non ante, ipsi caput inclinant, ait S. Cyrillus lib. 12. cap. 76. sed potius per mortem, spiritu, & vigore omni deficiente, caput suo pondere declinant, nimirum, ait Athanasius in *Questionibus ad Antioch.* quæst. 76. Sola mors adhuc restabat, atque hæc metuens appropinquare non audebat, ideo Christus inclinato capite vocauit eam, antequam enim inclinasset caput, propius accedere verebatur. Quibus verbis clarè ostendit Athanasius à corpore quantumuis perforato, & vulnerato, nunquam animam discessuram fuisse, nisi Dominus illam vltro tradidisset. Ex quibus planè constat, quo sensu oblatio suæ vitæ in Christo, non fuit simplex oblatio, sed verè sacrificialis.

## IV.

*Cur Martyrum oblatio non sit Sacrificialis.*

Verum hic insurgit quæstio non ignobilis, & quam nostri Doctores solent agitare super quæst. 22. S. Thomæ, quæ est de Sacerdotio Christi: Cur oblatio Martyrum, qua se morti ob Dei honorem obtulerunt, non fuerit Sacrificialis. Quandoquidem ad huiusmodi oblationem non est necessarius concursus actiuus ad propriam destructionem, & quamuis mors Martyrum fuerit Deo oblata ex fortitudine, & charitate, nihil tamen repugnat quo minus offeratur ex virtute, & cultu Religionis; nam Passio ipsa Christi, licet fuerit actus Religionis, participauit etiam multas alias virtutes, & nominatim fortitudinem, & charitatem, vt rectè Bellarm. lib. 1. cap. 3.

## V.

*Communis responsio examinetur.*

Communis nostrorum Doctorum responsio est, quam sequitur P. Suarez disput. 46. Sect. 1. Aliter mortem fuisse voluntariam Martyribus, & aliter Christis, quia Martyres non poterant Tyrannos impedire, ne tormentis eos afficerent, neque poterant in ipsis tormentis vitam suam tueri, & conseruare, & sicut non poterant mori quando volebant, ita nec impedire mortem quando volebant: Christus autem vtrumque habuit in sua voluntate, & potestate, propter quod peculiari modo dicitur posuisse animam suam, & oblatus fuisse, quia voluit. Quæ doctrina sine dubio est Caietani tentaculo tertio, vbi assignat diff-

rentiam inter Christum, & Martyres ex parte oblationis, his verbis. Oblatio Christi fuit secundum substantiam oblationis, voluntaria, hoc est mortuus est, quia ipse voluit, non solum per modum acceptantis, sed per modum causantis pro quanto in potestate animæ suæ erat, prohibere mortem suam corporalem, quia erat anima glorificata, & noluit fieri huiusmodi prohibitionem, vnde singularissimè scriptum est hoc voluntarium Isaac. 53. oblatus est, quia ipse voluit, &c. reliquorum autem Martyrum oblatio non fuit voluntaria quoad substantiam, quia non erat in potestate eorum mori, vel non mori, quamvis in potestate eorum quandoque fuerant circumstantiæ moriendi, puta locus, tempus, modus, non fuit, inquam, voluntaria, nisi per modum acceptantis in quantum acceptauerant mori pro honore Dei.

Hæc responsio nunquam mihi plena visa est, quia ad veram oblationem sacrificalem, modò cætera omnia adfint, non est necessaria voluntas cum potestate ponendi animam suam eo modo, quo explicatum est, sed abundè sufficit voluntaria mortis admissio, & susceptio, id quod mihi planè persuadeo hoc argumento. Quia oblatio Isaac, qua suam destructionem, & mortem acceptavit non fuit sumptex oblatio, sed verè, & in toto rigore fuit oblatio sacrificialis, ita vt si occisio non fuisset cælicus impedita, fuisset in omnium sententia verum, ac rigorosum Sacrificium, & tamen illa voluntaria oblatio non erat conjuncta cum potestate moriendi, aut non moriendi, maiori quàm plures Martyres habuerunt. Nam Isaac verè ligatus fuit, dicente Scriptura Genes. 22. *Cumque alligasset Isaac*, vnde nec potuisset fugere si voluisset, nec erat in sua potestate vitam retinere, & ideo iuxta sensum Caietani, non fuisset illi mors voluntaria quoad substantiam, quia non fuisset in potestate eius mori, vel non mori; ergo ratio cur mors Martyrum Sacrificium non fuerit, nullo modo est, quia caruerunt voluntate, cum illa potestate conjuncta, quandoquidem sine tali conjunctione potestatis, verè mors Isaac Sacrificium fuisset.

Vera igitur responsio, cur oblatio Martyrum non fuerit sacrificialis, illa est, quia non fuit Sacerdotalis. Non ergo ex defectu sufficientis voluntarij, illorum mors Sacrificium non fuit, sed ex defectu Sacerdotij, Sacrificium enim est formaliter, & essentialiter actus Sacerdotis: est autem Sacerdotium potestas legitima ad offerendam talem, & talem victimam à Legislatore præscriptam, & quia Martyres nunquam fuerunt assumpti, & constituti, vt se ipsos tanquam victimas in Dei cultum offerrent; ideo nunquam tale Sacerdotium habuerunt. Fuerunt quidem veteres Sacerdotes ordinati ad offerendas victimas figurales; fuerunt, & sunt in lege noua Sacerdotes constituti ad offerendum Corpus, & Sanguinem Domini, sed homines constituti ad sacrificandos se ipsos, nunquam fuerunt; ideo nunquam fuit tale Sacerdotium. Solus Christus constitutus fuit Sacerdos ad sacrificandum se ipsum, & in vno solo Isaac huius Sacerdotij figura præcessit, quatenus in vno, eodemque supposito facta fuit conjunctio Sacerdotis, & Victimæ, quæ in diuersis suppositis quando alia Sacrificia offerrebantur, repræsentabatur; nam qui Agnum immolabat, gerebat figuram Christi, vt Sacerdos est, Agnus verò immolatus ab immolante distinctus gerebat typum eiusdem Christi, vt victima Mundi est, vnus Isaac constitutus à Deo fuit, vt in figura Christi, Sacerdos simul & victima esset; vnde in ea proprietate, qua cætera

V I.  
*Nostra ratio  
proponitur, &  
probatnr.*


V II.  
*Inter omnes  
Martyres o. a.  
ob alio Isaac  
fuit sacrifi. a.  
lm.*

VIII.  
*vbi non est Sa-  
 cerdotium ibi  
 non est Sacrifi-  
 cium.*

antiqua Sacrificia figuralia, ex legitima institutione vera Sacrificia erant, ita si occilio sequuta fuisset, Sacrificium Isaaci verum ac propriè dictum Sacrificium fuisset. Cum ergo hoc Sacerdotium realiter in vno Christo fuerit, & figuraliter in vno fuerit Isaac, nullo autem modo in Martyribus fuerit; apertè sequitur ex carentia huiusmodi legitimi Sacerdotij, Martyrum oblationes Sacrificia non fuisse; quæ ratio vique adeo vera est, vt si Christus, qui Sacerdos à Patre factus est, non enim, vt ait Apostolus ad Hebræos 5. *Semetipsum clarificauit, vt Pontifex fieret, sed quis loquutus est ad eum: tu es Sacerdos in æternum.* Si, inquam Christus siue per possibile, siue per impossibile non fuisset à Patre Sacerdos factus, illa eadem voluntaria oblatio conjuncta cum potestate ponendi animam suam, ex defectu nimirum Sacerdotij non fuisset Sacrificium, quia Sacrificium est actus legitimus publicam potestatem habentis; ergo impossibile est esse verum Sacrificium vbi non est verum Sacerdotium; vnde Augustinus semper coniungit hæc duo tanquam inseparabilia, Sacrificium, & Sacerdotium, vt videre est Epist. 49. quæst. 3. lib. 8. de Ciuit. cap. vltimo, & lib. 22. cap. 20. & Bellarminus asserit non alia de causâ Lutheranos non agnoscere in Ecclesia verum, & propriè dictum Sacerdotium, nisi quod non agnoscunt verum, & propriè dictum Sacrificium: neque huic communi doctrinæ repugnat P. Vasquez disput. 83. & 85. dum ait in lege naturæ victimas à quocumque homine propria voluntate oblatas, verè, & propriè fuisse Sacrificia, non tamen verè, & propriè fuisse Sacerdotes, nisi illos, qui ad id muneris publica autoritate erant constituti, vbi videtur admittere verum Sacrificium siue vero Sacerdotio. Non inquam repugnat, quia loquitur de Sacrificio tanquam de actu priuato, & de Sacerdotio tanquam de potestate publica, quod quàm rectè dictum sit alibi videbimus. Cæterum impossibile est, vt sit verum Sacrificium tanquam actus publicus, & non sit à legitimo, & publico Ministro publicam potestatem ad id habente, vt ex ipsa Sacrificij definitione communi est manifestum.

Concludimus ergo, defectum voluntarij à Caietano, & aliis explicati, si cætera, quæ ad Sacrificium requiruntur, adsint, non impedire quo minus oblatio Martyrum Sacrificium sit; sicut nec illius voluntarij præsentia quidquam iuuat, si cætera quæ ad Sacrificium requiruntur desint. Inter quæ sine controuersia *Sacerdotium* relatum ad talem victimam, est, quo Sacerdotio sic relato quia carent Martyres, propterea illorum oblatio quocumque modo voluntaria ponatur, Sacrificium non est.





## QVÆSTIO VNDECIMA.

*Vnde sumendum est initium Sacrificiorum  
primogeniti omnis creatura.*

- I. *Sacrificium Christi ab origine Mundi.*
- II. *Sacrificium cruentum inchoatum, & consummatum in Cruce.*
- III. *Altare & Sacrificium reciproquantur.*
- IV. *Crux Christi Altare.*
- V. *Sacrificium Crucis inchoatum à primo instanti conceptionis.*
- VI. *Actus oblationis nunquam interruptus, aut mutatus.*
- VII. *Operatio nostra salutis per modum Sacrificij ab initio.*
- VIII. *Quæ actio Sacrificialis postulabat per se Altare.*
- IX. *Altare est locus ubi Sacrificium consummatur.*
- X. *Christus ad Ostium Mundi, Hostia pro peccato.*
- XI. *Oblatio cæpta statim.*
- XII. *Tota Vita Christi oblatio Sacrificialis.*
- XIII. *Quando inchoatum fuit Sacrificium incruentum.*
- XIV. *Inchoatio Missæ in utero Virginis.*
- XV. *Vox Hostia incruenta.*
- XVI. *Christus fuit Victimæ non accidentaliter, sed substantialiter.*
- XVII. *Cur Christus fuit præcipuè Agnus indigitatus.*
- XVIII. *Christus fuit semper Panis sacrificialis.*
- XIX. *Alia est ratio de oblatione alia de Institutione.*



V PLEX obtulit Sacrificium Mundi Pontifex, Alterum cruentum, quod dicitur Sacrificium humanæ Redemptionis alterum incruentum, quod Sacrificium vocatur Christianæ Religionis: Quæritur ergo, vnde cæpit exordium vtriusque Sacrificij.

Et sanè si in vtriusque Sacrificij pompam, & longam mysteriorum agmen oculos conjiciamus, licebit profecto asserere inchoatum vtrumque fuisse ab origine Mundi, quia verè ab ipso Mundi principio prodire cæperunt illorum Typi, & figuræ, ad eum saltē modum, quo in solemnī, ac frequentissima illa supplicatione, quæ fit in festo Corporis Domini, dicimus Corpus Domini tunc incipere circum gestari per Urbem, curru prodire incæperint vexilliferi, & Tubicines ipsi procedere; quamquam quandoque fiat, ut quo tempore incipit progredi pompa, ne inchoatum quidem sit sacrum, in quo ipsum Domini Corpus circum gestandum conficitur. Cum ergo omnia antiqua Sacrificia ad pompam Sacrificiorum Christi pertinuerint, dici non incongruè potest etiam ante Incar-

I.  
*Sacrificium  
Christi ab ori-  
gine Mundi,*



nationem illa celebrari cœpisse, vt sicut vnus, idemque Christus in Agnis typici s cœpit mactari ab origine Mundi, vt habetur in Apoc. cap. 13. ita in omnibus illis typicis Sacerdotibus sacrificantibus, ipse, qui Sacerdos est vnicus in æternum, cœperit sacrificare.

Vetum vt nihil de figuris, ac vmbreis, sed de veritate ipsa propius agamus, & ne de veritate ipsa vtriusque Sacrificij permixtim, & confusè, sed disjunctum, distinctèque disseramus, Age, vnde sumendum est initium Sacrificij Crucis, siue humanæ Redemptionis.

Triplex huius Sacrificij initium considerari potest, & tripliciter sumi. Primo, vt idem fuerit initium Sacrificij cum initio mortalis vitæ, & humanæ conceptionis. Secundo, vt idem fuerit initium Sacrificij cum initio capturæ, & extrinsecæ passionis. Tertio, vt idem fuerit initium Sacrificij cum initio Crucifixionis. P. Suarez in 3. parte quart. 48. art. 3. videtur sentire illud tantum propriè, & intrinsecè pertinuisse ad rationem Sacrificij Redemptionis, quod Christus à Crucifixionis initio ad mortem vsque passus est. Cuius sententiæ fundamentum duplex esse potest. Primum à natura Sacrificij, quia de ratione Sacrificij est, vt victima ita conficiatur, & immutetur in honorem Dei, vt si viuens est, occidatur, & sic eius vita in supremum Dei cultum destruat, & consumetur. Hoc autem in Cruce tantum propriè, & in rigore factum est, quia ibi Agnus Sacrificij nostri accepit vulnera lethalia, & ad illius mortem proximè ordinata. Vnde Apostolus ad Heb. 13. dixit: *Vt sanctificaret per suum sanguinem populum, extra portam passus est*, indicans, ait Suarez in mysterio Crucis, quod extra portam peractum est, oblatum fuisse hoc Sacrificium, ceteroquin satis multa, & satis dura etiam intra portam passus est. Et iuxta hunc eundem sensum rectè dicitur Christus portans Crucem, fuisse significatus in Isaac portante ligna ad Sacrificium, quia Sacrificium non nisi in monte ad id destinato inchoatum propriè videtur, & fauet Tridentinum sess. 22. cap. 1. agens de Sacrificio Christianæ Religionis, instituto in nocte Cænæ; & si semel, inquit, se ipsum in Ara Crucis morte intercedente Deo Patri oblaturus erat, &c. vbi verbum illud, *Oblaturus*, ostendit oblationem propriè sacrificalem factam non fuisse antequam esset in Ara, & Altari Crucis.

III.  
Altare, & Sa-  
crificium reci-  
procentur.

Ex quo alterum fundamentum sumi potest à connexionem videlicet Sacrificij, & Altaris, quæ vt ostendit Bellarminus lib. 1. cap. 2. Hebræicè, & Græcè ab eadem radice deducuntur, & omnino ita relatiua sunt, & connexa inter se, vt nulum Sacrificium sit sine Altari, nec Altare sine Sacrificio, vt docet S. Augustinus lib. 20. Contra Faustum cap. 21. id quod vsque adeo verum existimatur, vt Catholici Doctores contra Philippum Melancthonem Hæreticum, docentem Sacrificium esse quamlibet sacram caeremoniam, vel opus factum in honorem Dei, ex eo potissimum insurgant; quia constat Altare non eligi pro quacumque sacra caeremonia, & pro omni opere bono factum in honorem Dei; vnde inferunt non omne tale opus esse propriè Sacrificium. Quod argumentum in tantum habet vim, in quantum tanquam certum habeatur Altare, & Sacrificium ita reciprocari, vt vnum sine alio nunquam inueniatur. Ex hac autem connexionem fit, vt illud tantum Mysterium Passionis intelligatur pertinere ad Sacrificium, quod per se habuit Altare. Hoc autem, Mysterium mortis fuit, quod in Cruce,

tanquam



tanquam in vera Ara, & Altari perfectum est. Vnde S. Leo Epist. 83. ad Episcopos Palæstinos circa medium: Altare hoc cum hoc Sacrificio coniungens, quod *unquam*, inquit, *Sacrificium sacratius fuit, quàm quod verus Pontifex Altari Crucis per immolationem sue carnis imposuit*? quæ etiam eadem sæpè conjunxit Trident. vt Sess. 22. cap. 2. vbi ait, in Diuino hoc Sacrificio, quod in Missa peragitur, idem ille Christus continetur, & inuentè immolatur, qui in Ara Crucis semel se ipsum cruentè obtulit. Neque verò per quandam metaphoram, & tropum, sed per summam proprietatem Patres, & Concilia, Crucem appellarunt Altare: quia cum Altare nihil aliud sit nisi locus proximus ritè deputatus, & destinatus Sacrificio, sequitur cum tanta proprietate Crucem dici Altare, cum quanta mors Christi dicitur Sacrificium. Hanc autem dici verè, ac propriè Sacrificium testatur Apostolus in Epistola ad Hebr. per multa capita, & S. Augustinus lib. 1. contra Aduers. legis, & Prophetarum cap. 18. & est certum de Fide.

IV.  
*Crux Chr. fit altare.*

Hæc argumenta euidenter probant Sacrificium Redemptionis non fuisse consummatum ante Mysteria Caluarie Montis: cæterum non videntur probare, ne inchoatum quidem fuisse ante illa Mysteria. Immo hoc Sacrificium non fuisse primo in Cruce inchoatum, sed multo ante, & ab ipso etiam vtero Virginis Matris, ita vt tota Christi Vita fuerit vnum, idemque continuatum Sacrificium, quod tandem in Cruce consummatum fuit, videtur mihi esse sententia S. Thomæ, & Sanctorum Patrum, & valde conformis sacræ Scripturæ.

V  
*Sacrificiū Crucis inchoatum à primo instanti conceptionis.*

Ratio autem, quæ me maximè mouet illa est, quia tunc primo verè, & in omni rigore incipit Sacrificium quodcumque; cum incipit ille idem formalissimus actus, quo tandem completur, & consummatur ipsum Sacrificium, sed actus, quo Sacerdos Christus compleuit, & consummauit Sacrificium in Cruce, ille idem numero, cæpit ab instanti conceptionis in vtero Virginis, ita vt si quæras instans inceptum talis actus sacrificialis, nullum inuenies præter instans conceptionis; ergo id ipsum Sacrificium consummatum in Cruce, incæpit in toto rigore à primo instanti conceptionis. Maior propositio est per se nota. Cum enim Sacrificium sit actio quædam, quæ tempore aliquo mensuranda est, suscipiente magis, & minus, non video quando cum maiori proprietate, & rigore dicendum sit incipere Sacrificium, nisi quando incipit ille formalissimus actus, qui nulla interruptione posita, est tandem completius, & consummatius Sacrificij, siue talis actus longiori, siue breuiori tempore mensuretur. Neque enim Sacrificium est opus indiuisibile, & instantaneum, sed vnum Sacrificium potest diutius alio durare, in eo sensu, quo Aduersarij ipsi fatentur Sacrificium Crucis, quod tribus nimirum horis consummatum fuit, diuturnius fuisse quàm Sacrificium Cœnæ.

Iam verò quod actus, quo Sacerdos noster compleuit, & consummauit Sacrificium in Cruce, ille idem numero incæperit ab instanti conceptionis: s. Ex eo probò, quia nullum mihi aliud assignabis tempus, in quo incæperit, assignabis: assigna tempus, ais, quo in Crucem ascendit, tunc enim oblatione sacrificiali ordinauit se ipsum ad destructionem, sed contra est, quia illa oblatio sacrificialis, qua se ipsum ordinauit ad destructionem, & mortem Crucis, non fuit nouus actus, sed ille antiquus, & primus, cum quo intrauit in Mundum, nunquam in tota via interruptus, & discontinuatus; ergo actus ille non incæpit primo quando

VI.  
*Actus oblationis nunquam interruptus, aut mutatus.*

ascendit in Crucem, & quidem quod fuerit ille antiquus, & primus, manifestum est ex Apostolo ad Hebr. 10. vbi post mentionem victimæ consecratæ, & aptatæ ad Sacrificium: *Corpus alicuius aptasti mihi*, refert actum sacrificialis oblationis, *tunc dixi: ecce venio*, ad Passionem videlicet, & mortem, vt explicat S. Thomas. Quod verò talis actus nunquam fuerit mutatus, aut discontinuatus, ex eo patet, quia ad hoc neque cogebat necessitas humanæ conditionis, neque impellebat bonitas alterius actus perfectioris; non cogebat necessitas, quia actus in Christo, non à sensibus, & phantasmatis, sed sola scientia per se insula dependebat; ideoque pari facilitate in somno, atque in vigilia exerceri poterant, non alliebat bonitas alterius actus perfectioris, quia ille actus oblationis, quo dixit: *Ecce*, tantæ fuit perfectionis, vt nullus actus in Christo fuerit perfectior, adeo vt Apostolus nostram illi redemptionem, ac iustificationem speciatim ascribat, & in ea nos voluntate sanctificatos assermet; vnde noster Cornelius ex communi Doctorum in 3. par. quæst. 34. art. 3. ait, Christum, illum oblationis actum nostræ salutis meritorem, deinceps vsque ad mortem continuasse, ita vt idem continuò per totam vitam meritis sic vnico continuato merito, quod in morte ipsius ita volente, & statuente Patre perfectum est; ex quo adhuc nouum sumitur argumentum in confirmationem nostræ sententiæ, quia Christus operatus est totam nostram salutem per modum Sacrificij; ergo tunc cœpit Sacrificium, quando cœpit operatio nostræ salutis, sed operatio nostræ salutis cœpit per primam illam oblationem, qua dixit: *Ecce venio*; ergo tunc etiam primo cœpit Sacrificium.

## VII.

*Operatio nostræ salutis per modum Sacrificij ab initio.*

## VIII.

*Quæ actio sacrificialis postulat per se Altare.*

At Sacrificium externum, & propriè dictum postulat Altare; ergo extrà Altare non est Sacrificium, sed Sacrificij Redemptionis humanæ sola Crux est Altare; ergo extrà Crucem non fuit propriè oblatum tale Sacrificium.

Admitto Sacrificium propriè dictum postulare Altare, sed aio ex vsu Scripturæ illud postulare tanquam locum, in quo ipsum consumeretur, & perficiatur, non verò necessario tanquam locum, in quo ipsum inchoetur: quare vt infra monebimus nullum Sacrificium consummare in lege licuit extrà Altare, quamuis id ipsum formalissimum Sacrificium, extrà illud inchoare semper licuit. Hinc in toto Leuitico, & præcipuè capite 4. vbi describuntur hostiæ pro peccato, obseruare licet tres actiones præcipuas sacrificiales. Prima erat, Victimæ adductio ad ostium Tabernaculi, vbi prima fiebat oblatio per solemnem manuum impositionem, vnde de Sacrificio pro peccato populi, quod fuit principalis typus expiationis culpæ totius generis humani, dicitur: *Offeret pro peccato suo vitulum, adducetque eum ad ostium Tabernaculi, & ponent Seniores populi manus supra caput eius coram Domino*. Secunda actio erat Victimæ immolatio, seu iugulatio, & occisio iuxta varios ritus à lege præscriptos. Vnde subditur: *Immolatoque vitulo in conspectu Domini, &c.* Tertia, eiusdem Sacrificij consummatio per ignem: *Omnemque eius adipem tollet, & adolebit super Altare*.

Ex his tribus sacris cæremoniis, quæ vnicam Sacrificij cæremoniæ integram sola consumptio postulabat Altare. Nam prima de manuum impositione, per quam in Sacrificio dicto, Seniores populi repræsentantes vniuersas Tribus Israël peccata omnium, victimæ pro te oblatæ imponebant, fiebat ad ostium Tabernaculi; hoc est ad introitum Atrij Sacerdotum; nam intra Atrium Sacer-

dotum, vbi erat Altare omnium Sacrificiorum non poterat ingredi populus offerens. Altera cæremonia, quæ multiplici ritu in victimæ iugulatione, & immolatione posita erat, neque exercebatur super Altare; vnde de Victimâ Holocaufti expresse dicitur Leuit. cap. 1. ver. 11. *Immolabitque ad latras Altaris, quod respicit ad Aquilonem coram Domino*, & vniuersaliter loquendo, ait Abulensis aspergebatur Altare sanguine Victimæ, postquam illæ alibi essent immolatæ. Sola tertia cæremonia, quæ erat totius Sacrificij consummatio, fiebat super Altare, vnde Leuit. 1. 1. post enumerationem multorum, quæ circa Victimam holocaufti fieri debebant extrâ Altare, concluditur: *Adolebitque ea Sacerdos super Altare in holocaustum, & suauem odorem Domino.*

IX.

*Altare est locus ubi sacrificium consummatur.*

Respondemus ergo Sacrificium humanæ Redemptionis fuisse quidem consummatum in Cruce, vt reliqua omnia Sacrificia figuratiua in suo Altari. Sed ab ipso in Mundum introitu, & quasi ad ostium Tabernaculi, quod teste Philone Mundum totum repræsentabat, dicimus fuisse inchoatum.

X.

*Christus ad ostium Mundi Hostia pro peccato.*

Atque hic animum subit dulcis æquæ, & amara cogitatio super illis verbis Apostoli ad Hebr. 10. *Ideo ingrediens Mundum dicit: Hostiam, & oblationem noluiisti, corpus autem aptasti mihi*: quasi diceret ad hoc vsque tempus ad ostium Tabernaculi adducebantur victimæ pro peccatis, quæ victimæ omnes, mei corporis victimam promittebant. Omnia antiqua Sacrificia ait Anselmus erant quasi verba promittentis, nunc verò quoniam corpus victimæ aptasti mihi, ecce ego in hoc ingressus in Mundum, quasi ad Tabernaculi ostium accedo, suscepturus in me peccata totius Mundi: hæc planè fuit noua lex hostiæ pro peccato. Quia holocaustomata pro peccato non tibi placuerunt, hoc est hostiæ illæ antiquæ, ideo Pater, quod testatur Apostolus 2. Corinth. 5. *Eum, qui non noverat peccatum, pro nobis peccatum fecit*, hoc est, filium innocentem, & immaculatum, fecit pro nobis hostiam pro peccato, ne nos quasi victimæ piaculares, illud æterna morte, & igne luceremus, hic est sensus germanus huius loci ex phrasi Scripturæ, vt rectè Cornelius ex Ambrosio, Theophylacto, Anselmo, & aliis; scriptura enim sæpè ipsam victimam piacularem, & expiatricem peccati, metonymicè peccatum vocat, eo quod in hostiam piacularem tota peccati pœna, noxa, & vltio transcribatur, atque hoc omnino significabat cæremonia illa impositionis manuum super victimam, per quam censabatur illa suscipere in se peccata totius populi, hoc est illorum pondus, pœnam, & vindictam. Manuum enim impositio, ait Eusebius lib. 1. de dem. Euan. cap. 10. Symbolum oblationis erat, & testimonium reatus in hostiam translati. Atque hoc planè significauit Isai. cap. 53. *Posuit, inquit, Deus in eo iniquitates omnium nostrum*, quod perinde fuit, ac dicere: posuimus omnes nos manus nostras super caput eius, Seniores populi, & Iuniores, pusilli, & magni, infantes ipsi, quorum est vnus dei vita super terram.

XI.

*Oblatio capta statim.*

Itaque in ipso statim aditu, vitæque vestibulo, in quo Corpus immolationi aptatum fuit, vt loquitur S. Thomas. Inchoata statim est eius oblatio sacrificialis, quid enim prohibebat, quo minus statim inciperet, quid erat expectandum, numquid eadem, qui simul erat Sacerdos; opus erat dicere: *vbi est victimâ holocausti*? Aderat nimirum caro Sacrificij nostri, vt verbis vtr Augustini lib. 4. de Trinit. cap. 24. *Corpus effectum Sacerdotis nostri*. Prodiit ergo ex vtero iam factus

victimam, peccati mundi onusta, quam agnouit Ioannes, cum ait: Ecce Agnus Dei; Agnus Iilum notat, ait Clemens Alexandrinus. Ecce qui tollit peccata mundi, quasi victima mundi, atque hoc modo, vt diuertè affirmat S. Petrus. 1. Epist. cap. 2. ver. 24. *Peccata nostra ipse perculit in corpore suo super lignum*, hoc est tanquam victima piacularis totius mundi, baiulauit, vt vertit Syrus, omnia peccata mundi, eaque sustulit in corpore suo ad Crucem, vbi tanquam super Altari Sacrificium humanæ redemptionis consummatum est.

XII.  
*Tota Vita  
Christi oblatio  
Sacrificialis.*

Non omitam ad extremum addere, sententiam hanc de perpetuo Christi Sacrificio per totam vitam semper, & vbique producto, fuisse sententiam S. Thomæ plinibus in locis. Indicabo vnum communiter inobseruatum 3. par. quæst. 22. art. 1. ad primum, docet, Christum excellentiori modo Hierarchicam, seu Sacerdotalem potestatem præ Angelis habuisse, ita etiam, inquit, quod ipsi Angeli fuerint Ministri Sacerdotij eius. Quod autem Angeli Ministri fuerint Sacerdotij eius, non aliunde probat, quàm ex Matthæi cap. 4. Secundum, inquit, illud Matthæi, *accesserunt Angeli, & ministrabant ei*; mirabar quia consequentia S. Doctor in aptandis Scripturæ locis solertissimus, hanc Euangelicæ auctoritatem ad Angelos Sacerdotij Christi Ministros comprobandos, attulisset, sed quod plane mecum ipse reputabam, hoc expressè apud Caietanum tandem inueni in 3. par. Considera, inquit Caietanus, quod tota Vita Christi in terra fuit oblatio pro humano genere, & propterea Angeli Christo post ieiunium, & tentationem ministrantes in his, quæ ad refectorem corporis spectabant, Ministri Sacerdotij Christi dicuntur. Hæc ille. Quod si summus, & vnicus mundi Pontifex Christus Iesus, in diebus carnis sue non solum preces, supplicationesque pro nobis offerebat, vt testatur Apostolus ad Hebr. 5. quæ oblatio, ait S. Thomas erat actus Sacerdotij eius, respondens ei, quod dictum erat, *ut offerat dona, & Sacrificia pro peccatis*. Si, inquam, non solum in precibus, & supplicationibus, sed siue manducaret, siue biberet, siue aliud quid faceret, semper in summum Patris cultum, & gloriam pro totius mundi salute, se ipsum Sacerdos idem, & victima offerebat. Licebit, & hoc quoque asserere, Pontifici mundi, vbique pro potestate excellentiæ offerenti, ipsam totam terram fuisse Altare, quamuis conuenientissimum fuerit, vt pro eodem Sacrificio tandem perficiendo, certus eligeretur locus in Medio terræ, vbi erigeretur Altare, nam Golgotha, ait S. Cyrillus medium est terræ; neque neua, inquit, est sententia, Propheta dicit: operatus est salutem in medio terræ.

XIII.  
*Quando inchoatum fuit  
Sacrificium in  
vterum.*

Hactenus disseruimus de Sacrificio cruento, quod in propria, ac naturali specie viuientis peractum est. Querimus hoc idem nunc de Sacrificio in Cruentum, & sub exteriori specie non viuientis oblato, vnde illius initium sumendum est; an scilicet inchoatum, & ipsum fuerit in vtero Virginis, vbi cruentum inchoatum diximus. Et sanè si rectè ratiocinabimur, eadem ferè apparebit ratio de vtroque Sacrificio, nam quemadmodum actus, quo se Christus Dominus à primo sue conceptionis instanti obtulit se destruendum in Cruce sub naturali specie viuientis in Sacrificium Redemptionis, fuit actus verè sacrificialis, & ipsius inchoatio Sacrificij Crucis, ita actus, quo 3b eodem conceptionis instanti obtulit se consumendum sub specie non viuientis in Altari in Sacrificium perpetuum Christianæ Religionis, fuit patiter actus verè sacrificialis, & ipsius inchoatio Sacrificij

Altaris. Quod verò verumque actum oblationis Christus Dominus in primo illo instanti eliceret, videtur mihi satis insinuatum ab Apostolo ad Hebr. 10. vbi ait. *Ideo ingrediens Mundum dicit, Hostiam, & oblationem noluisse, corpus autem apraisti mihi. Tunc dixit: ecce venio.* Ex hoc loco habemus corpus Christi non solum esse aptatum in illo primo instanti in hostiam Sacrificij cruenti, sed etiam in oblationem Sacrificij incruenti: Est autem hæc differentia inter hostiam; & oblationem, vt docet S. Thomas super hunc locum, quod hostia est res viuens, vt Agnus, oblatio est res non viuens, vt Panis, ideo sub nomine hostiæ comprehenduntur omnia Sacrificia cruenta, sub nomine verò oblationis omnia incruenta. Cum igitur in primo instanti aptatum fuerit Christo corpus, non solum pro hostia, sed etiam pro oblatione, hinc fit, vt cum dixit: *Ecce venio*, non solum obtulerit se hostiam in Sacrificium cruentum, quod semel in Cruce consummandum erat, sed etiam obtulerit se oblationem in Sacrificium incruentum, quod consummandum infinities erat in Ecclesiæ Altaribus vsque ad consummationem Mundi.

Fauet hunc nostræ expositioni summopere Augustinus lib. 17. de Ciuit. cap. 20. vbi agens de Sacrificio Ecclesiæ incruento: Mensa, inquit, quam Sacerdos noui Testamenti exhibet de corpore, ac sanguine suo est, id est enim Sacrificium quod successit omnibus Sacrificiis, quæ immolabantur in vmbra futuri: *propter quod etiam agnoscimus vocem illam eiusdem Mediatoris, corpus autem apraisti mihi;* quia pro omnibus illis Sacrificiis, & oblationibus corpus eius offerretur, & participantibus ministratur. Vides ex hoc loco Augustini quemadmodum vox illa: *Ecce venio*, fuit vox Mediatoris suum corpus offerentis in verumque Sacrificium, cruentum, & incruentum, ideoque ad verumque corpus aptatum accepisse, vt non solum ab illo instanti fuerit vera hostia cruentè immolanda, sed vera etiam oblatio offerenda incruentè.

Atque hoc loco obseruare libet magnum discrimen inter Corpus Christi, & corpus aliarum quarumcumque rerum, quæ olim offerebantur in Sacrificio: nam Agnus exempli gratia non habebat corpus aptatum ad Sacrificium, quasi corpus illud fuerit ex propria natura corpus victimæ; neque enim Agnus concipiebatur, aut nascebatur victima Sacrificij, sed contingenter certo ritu, & cæremonia mysterium continente, ex prophano fiebat Sacer, & Deo dicatus; hinc Agnus erat victima accidentaliter. At verò Corpus Christi hoc singulariter habuit, vt primo, & per se, seu ex primaria intentione Agentis, & per substantialem actionem illius ad hunc finem per se ordinatam, productum fuerit corpus victimæ, planè factum immolationi: Quare Christus non fuit accidentaliter, sed substantialiter victima: atque adeo semper, & vbique fuit victima. Vnde de eo canit Ecclesia, *quod è Virginis sacrario intakta prodit victima.* Prodit, inquit, iam factus, & in primo ipso instanti conceptus victima.

Hinc Christus non solum in Ara Sacrificij fuit Agnus, sed toto viæ tempore ideo à Io. Baptista nullo ante Sacrificium etiam cum ambularet singulariter monstrabatur: *Ecce Agnus Dei*, Neque prætereunda hoc loco videtur observatio S. Thomæ in cap. 1. Ioan. quare Baptista testimonium Christo perhibens, Agnum specialiter nominauit, quia, inquit, ceteræ victimæ, erant certi temporis, at Agnus erat victima omnis temporis, nam vt habetur Numer. 24. licet alia

XIV.

*Inclusio Missæ  
in utero Virgini.*

XV.

*Vox Hostiæ immolantis.*

XVI.

*Christus fuit  
victima non  
accidentaliter  
sed substantialiter.*

XVII.

*Cur Christus  
fuit præcipue  
Agnus indicatus.*



fierent Sacrificia in Templo certis temporibus, vnum tamen erat quotidianum, atque perpetuum, in quo iugiter vnus Agnus manē, & alius Vespere offerebatur. Alia verò ex adjuncto, quæ responsio illustrat quoque quod dicimus, videlicet Christum Dominum nunquam non fuisse victimam Sacrificij sui, & nunquam non sacrificalem sui oblationem continuasse, vt sicut ad vespertinam vitæ, Sacrificium obtulit vespertinum, ita in eiusdem vitæ primordiis Sacrificium obtulerit matutinum iuxta id, quod ait Bernardus serm. 2. de Præsentatione. Hodie, inquit, placibilis, & Deo placens hostia virginis manibus offertur in Templo, offerunt Ioseph, & Maria Sacrificium Matutinum. Agnum videlicet Dei in ipso mane Infantis fuit.

XVIII.  
*Christus fuit  
semper Panis  
sacrisimalis.*

Pari omnino ratione Corpus Christi, & Christus ipse, sicut fuit Agnus Dei, ita etiam Panis Dei, ideo de se ipso dixit Ioan. 6. *Panis enim Dei est, qui de Cælo descendit*, neque obstat, quod dum hæc ipse diceret, non erat sub exteriori specie panis, nam neque cum illud diceretur à Ioanne erat Christus sub exteriori specie Agni; immò hinc sumitur argumentum dicendi magis propriè Christum Dominum dictum fuisse Panem, quàm Agnum, quia futurus aliquando erat sub vera forma panis, nunquam tamen sub vera forma Agni, propter quam fortasse rationem, non Agnum, sed Panem se frequentissimè nominauit, vt patet ex toto cap. 6. S. Ioan. *Ego sum Panis vitæ, Ego sum Panis viuus. Panis, quem ego dabo caro mea est. Hic est Panis, qui de Cælo descendit. Qui manducat hunc Panem viuet in æternum.* Quibus in locis ad litteram agitur de Pane oblationis Eucharistici Sacrificij, vt est communis sententia Patrum, tam Græcorum, quàm Latinorum, item Interpretum ac Doctorum Scholasticorum apud Maldonatum, Toletum, Riberam, & Cornelium in Commentariis super hoc cap. 6. Ioannis.

XIX.  
*Alia est ratio  
de oblatione  
nra de Institutione.*

Illud ad extremum moneo, ne in æquiuioco laboremus, aliud esse querere, quando Sacrificium Eucharisticum fuit oblatum, aliud quando institutum, & Ecclesiæ relictum, & quidem loquendo de Institutione certum est, institutum illud primo fuisse in Cæna nouissima, qua nocte tradebatur, vt ex Apostolo definit Trident. Sess. 22. cap. 1. At nos non loquuti sumus de Institutione, sed de oblatione, de qua diximus ex eodem Apostolo, Interprete Augustino cæptam à Mediatore nostro fuisse ab ipso in Mundum ingressu; quod verò illam semper continuauerit ad Cænam vsque nouissimam, hoc, ex paritate rationis supra factæ de Sacrificio Crucis, satis superque compertum est.



## QVÆSTIO XII.

*Quanam ratio, ac definitio Sacrificij ex dictis colligatur.*

- I. *Postulatum pro definitione Sacrificij.*
- II. *Definitio Sacrificij.*

- III. *Sacrificium est actus Capituli rempublicam in se ipso offerentis.*
- IV. *Demum respicitur à Sacrificio tanquam is qui solus est.*
- V. *Cur mutatio propria Sacrificij.*
- VI. *Omnia antiqua Sacrificia fuerunt subvertita.*
- VII. *Infidelium non fuerunt vera Sacrificia.*
- VIII. *Christus non futuro, non fuisse verum, ac proprium Sacrificium.*
- IX. *Definitio Sacrificij ex Vasquez.*
- X. *Definitio Sacrificij ex Suarez.*
- XI. *Definitio Sacrificij ex Bellarmino.*
- XII. *Ratio Definitionis nostræ.*



ELIQUVM est iam, vt expectatam diu, multumque Sacrificij definitionem proferamus; conati sunt illam tradere Doctores quam plurimi, sed verè non pari omnes felicitate, quia tamen quicumque illam tradiderunt in eo conueniunt, vt Sacrificium sit *summi Latræ cultus*, ideo antequam definitionis nostræ verba promamus, postulo, Mathematicorum more,

concedi mihi, nomine summi cultus, illum intelligi, quo maior esse, aut excogitari non possit secundum quemcumque respectum, & rationem, ita vt neque ex parte eius à quo offertur Sacrificium, neque ex parte eius, quod offertur, neque ex parte eius cui offertur, neque ex parte modi, quo offertur, neque ex parte finis, ob quem offertur, maius aliquid esse, aut fingi possit. Hoc postulatum non videtur iniustum, cum enim Sacrificij cultus inter omnes sit maximus, & propterea soli Deo addictus, tanquam debitus soli summo; vnde peccatum Idolatriæ maximè relucet in actione Sacrificij; æquum planè videtur, vt ex omni parte sit maximus, & summus; tandem si possibilis est cultus ex omni prorsus parte summus, & maximus, illud sit Sacrificium. Hoc postulato concessio. Sic definimus.

*Sacrificium est summus cultus, quo primogenitus omnis creatura offert se nomine publico realiter destruendum in protestationem quod Deus est, qui est, & præter Deum nihil est.*

I.  
Postulatum  
pro definitione  
Sacrificij.

Hæc definitio apicibus numeratis, & collatis, est viginti syllabis, breuior illa, quam infra subiiciemus ex Bellarmini lib. 1. de Missa cap. 2. Vtrum autem sit æquè plena, hoc potius animaduersione dignum viri Theologi est. Interim ex concessio postulato, probo singulas illius partes hoc pacto.

*Sacrificium est summus cultus*; ergo est actus primogeniti omnis creaturæ. Cum enim cultus eò sit maior, quò est à nobiliori, & digniori persona, constat illum tantum cultum in vniuersa creaturarum Republica, & quasi familia, dici summum, qui est à primogenito omnis creaturæ; quare in lege naturæ ius Sacerdotij figuratiuè erat in primogenitis, & Capitibus familiarum, vide quæstionem quintam huius libri, vbi quæsiuimus, vtrum principalis Sacerdos, qui scilicet absolutè, & simpliciter est Sacerdos, sit necessario primogenitus omnis creaturæ; pergamus ad partes reliquas.

*Sacrificium est summus cultus*; ergo est actus, quo primogenitus offert se ipsum nomine publico realiter destruendum. Sunt huius consequentiæ partes tres.

II.  
Definitio Sacri-  
ficij.

III.  
Sacrificium est  
actus Capituli  
rem publicam  
in se offerentis.

Prima *Actus* quo offert se ipsum. Secunda *Actus*, quo offert se ipsum nomine publico. Tertia, *Quo tradit se nomine publico realiter destruendum*. Omnes autem hæ partes probantur ex natura summi cultus: non enim quis ex parte rei oblatæ summè colit, qui rem non summam in cultum offert, ac tradit. Hinc fit ut creaturarum Respublica magis Deum colat offerendo se in suo primogenito, quàm in se ipsa, quia pluri ipsa valet in illo, qui valoris est infiniti, quàm valeat in se ipsa. At primogenitus ipse non potest summum cultum exhibere nisi offerendo se ipsum; quidquid enim offerat nisi se ipsum tradat, semper habebit rem maioris valoris, ac pretij quàm offerat. Quare in summo cultu principalis, idem necessario est offerens, & oblatum, Sacerdos, & Victimæ.

Inde etiam probatur altera particula de oblatione nomine publico, ad summum enim cultum pertinet, ut cultor se ipsum offerat, non tanquam rem priuatam, sed publicam, ut sic tota Respublica offerens denominetur, & sit. Est autem manifestum, cæteris paribus maiorem esse cultum publicum, quàm priuatum; ergo summus est nomine publico.

Tertia pars de oblatione per realem destructionem. Inferitur clarissimè ex natura summi cultus, qui consistit in summa, & quidem reali externa minoratione colentis coram maximo, loquimur enim de Sacrificio propriè dicto, quod est externum, & sensibile. Iam verò summa minoratio, illa dicitur, quæ ita appropinquet minimo, ut non possit magis appropinquare, sicut illa maioritas tantum est summa, quæ ita appropinquat maximo, ut non possit magis maximo appropinquare: Sicut enim omnis maioritas est per ascensum ad maximum, ita omnis minoritas est per descensum ad minimum; sed nunquam deueniri potest ad summum hunc descensum ad minimum, nisi per realem exinanitionem, destructionem, & quasi annihilationem; ergo tunc aliquis cultum summum exhibet, & maximum quando illum exhibet per realem destructionem.

Ostendendum tantum restat, cur dixerimus actum Sacrificij in protestationem, quod *Deus est, qui est, & præter Deum nihil est*. Scio alias, alias veluti formalitates aperuisse sub quibus Deus respicitur à Sacrificio, nam quidam dixerunt respici tantum principium creationis, quidam tantum vltimum finem Beatitudinis. Alij tantum Autorem vitæ, & mortis. Alij tantum supremum Dominum Vniuersorum. Sed tres rationes cogunt, ut dicamus Deum à Sacrificio respici potius tantum eum, qui *solus est*. Prima, quia ut docet S. Bernardus lib. 5. de Consider. quidquid de eo dixeris in hoc verbo instauratur. Si alia dixeris, nihil addidisti, si non dixeris nihil minuiisti. *Quis est?* non sanè occurrit melius, quàm qui est, hoc ipse de se voluit responderi.

Alter ratio est, quia agnitio huius summi cultus ex parte illum exhibentium, est ipsorum non esse, immò non esse omnis creaturæ, propterea requiritur destructio, & immutatio in re, quæ in hunc summum cultum offertur, sicut autem creatura, quæ offert dicit de se dum offert: *Ego sum, qui non sum*, seu quod ferè in idem recidit: *Ego sum, qui mutator*, ita Deo cui offert dicit: *Tu solus es, & non mutaris*: nam ut docet S. Augustinus de eo, quod dictum est ad Moysen. *Sum qui sum*. Esse, nomen est incommutabilitatis, omnia enim, quæ mutantur desinunt esse, quod erant, in quo sensu, in omni Sacrificio mors quædam intercedat necesse est, nam ut pulchrè ait sanctus Bernardus Sermon. 81. in Cant. Super illud Malach. 3.

IV.  
Deus respicitur  
à Sacrificio id  
quantum, qui so-  
lus est.

V.  
Cur mutatio  
propria Sacri-  
fij.

Malach. 3. *Ego Dominus, & non mutor*, omnis mutatio, quædam mortis imitatio est, nunc enim, quod mutatur, dum de nouo ad aliud transit esse quodammodo necesse est moriatur, quod est, vt esse incipiat quod non est. Idem & adhuc expressius ad rationem Sacrificij dixerat S. Gregorius 12. Marc. cap. 17. Quid mutabilitas nisi mors quædam est, quæ dum rem quamlibet in aliud immutat quasi occidit quod fuerat. Est ergo humilis agnitio creaturæ, & professio maximè sacrificialis illa, qua dicit per suam realem immutationem Deo: *Tu autem idem ipse es, quia solus es.*

Verum huic definitioni, aliquorum sententia, in vniuersum obstat, quod scilicet non videtur conuenire omni vero Sacrificio, nam certum est Sacrificia, tum Patriarchalia, tum Mosæica fuisse verè, ac propriè dicta Sacrificia, & tamen de illis videtur prædicari non posse, quod fuerint summus cultus, quo primogenitus omnis creaturæ tradit se nomine publico realiter destruendum in protectionem quod Deus est, qui est, & præter Deum nihil est.

At nos planè sustinemus definitionem positam conuenire omni vero Sacrificio. Et quidem Sacrificium quodlibet, vel inspiratum, vel institutum à Deo in sacra Scriptura omnium Patrum suffragio fuit figuratiuè actus Christi. Quare omnia illa fuerunt vera Sacrificia per veram participationem Sacrificij, quod per essentiam est Sacrificium. Quod si queratur, in quo consistebat huiusmodi participatio. Dicendum est, positam præcipuè fuisse in legitima substitutione horum trium, quæ sunt offerens, oblatio, & res oblata. Itaque illa dicta sunt vera Sacrificia in Scriptura, vbi erat aliquis substitutus loco primogeniti omnis creaturæ, qui est vnicus offerens, & aliquid loco eiusdem primogeniti, quod est vnica res oblata, & aliqua actio, & oblatio loco illius actionis, & oblationis, quæ absolutè, & simpliciter dicitur Actio, quia est principalis. Et quidem quod de facto res ita se habuerit, vt antiqua Sacrificia fuerint substituta tantum, probatur, quia omnes Victimæ fuerunt substitutæ tantum, & omnes Sacerdotes fuerunt pariter tantum substituti. De Victimis est manifestum, qua enim ratione verum esset Victimam vnica principalem semper oblatam fuisse in omnibus antiquis Sacrificiis, nisi victimæ omnium Sacrificiorum fuissent loco illius substitutæ? Quod autem de victimis dicitur, probat pariter de Sacerdotibus à paritate vtique rationis; nam qua ratione est verum, primogenitum omnis creaturæ tanquam Agnum occisum fuisse, etiam ab origine Mundi; est etiam verum eundem primogenitum fuisse etiam ab origine Mundi sui Sacrificij oblatorem; ergo sicuti victimæ, ita Sacerdotes erant substituti. Et sanè si antiqua Sacrificia, tum quoad victimas, tum quoad Sacerdotes non fuissent substituta, vtique ad principalis Aduentum Sacrificij, neque quoad victimas, neque quoad Sacerdotes cessassent. Quod videtur respexisse Augustinus lib. 1. contra Adversarium legis, & Prophetarum cap. 18. Iam, inquit, Sacrificia talia non offert Dei populus Deo, posteaquam venit vnicum Sacrificium, cuius vmbre fuerunt illa omnia, non hoc improbantia, sed hoc significantia; sicut enim res vna multis loquutionibus, & multis linguis significari potest, sic vnum verum, & singulare Sacrificium significatum figuris.

Ex quo Augustini loco habes, sicut voces sunt substitutæ loco rerum, quas significant ex substitutione, ita Sacrificia vetera substituta fuerunt loco Sacrificij,

VI.

*Omnia autem  
qua Sacrificia  
fuerunt substituta.*

quod Augustinus hoc capite 18. vocat expressè singulare, & solum verum Sacrificium, ad quod significandum fuerunt omnia Sacrificia substituta.

Quod autem diximus de Sacrificiis Mosaicis, dicimus pariter de Patria chalibus. Quia non dicitur Agnus occisus ab origine legis scriptæ, sed ab origine Mundi. Sicut ergo omnia Sacrificia, etiam legis naturæ figuræ erant, & substitutiones magni Sacrificij, & in omnibus illis victimis ipse immaculatus typicè mactabatur; sic omnes illi Sacerdotes legis naturæ typi quidem erant primogeniti omnis creaturæ, & in omnibus sacrificantibus ipse sacrificabatur, vt rectè Bellarminus lib. 1. cap. 6.

Itaque quod de factis Sacrificiis antiqua fuerint substituta est manifestum. Quod verò non potuerint esse non substituta probo hoc argumento, quia si non fuissent substituta nulla modo participare potuissent rationem veri Sacrificij, qui in summo cultu consistit. Quia enim ratione oblationes habeant rationem summi cultus ubi principales offerentes nullius sunt dignitatis, & ubi res oblatae nullius valoris, & protestatio nullius realis significationis; si enim victima neque principaliter, neque per substitutionem creaturarum omnium esse continebat; ergo quando illam obtulisti, quid magnum moraliter destruxisti?

Sed dices: Sacrificia Infidelium fuerunt etiam vera Sacrificia, & tamen nullo modo potest illis convenire allata definitio: Illa enim aliquo modo præsupponit fidem in Christum.

VII.  
*Infidelium non  
fuerunt vera  
Sacrificia.*

Respondeo. Sacrificia Infidelium nullo modo fuisse vera Sacrificia, quia nullo modo participare poterant rationem summi cultus Deo debiti, unica enim via illam participandi est substitutio, quæ in illis esse non poterat, propterea deficiebant à ratione intrinseca, & essentiali Sacrificij, quæ consistit in reali, & effectiva destructione omnis creaturæ coram illo, qui solus est: hæc autem perfici realiter non potest nisi per legitimam substitutionem factam loco victimæ principalis, in qua verè omnis creatura continetur.

Vbi aduertendum est dupliciter intelligi posse substitutionem necessariam ad Sacrificium, in cuius notam offerentes manus imponebant super caput victimæ, Levit. 1. Altera quæ potuisset olim esse communis fidelibus, & infidelibus vt nimirum vita alicuius animalis offerentium vicem subiret, in cuius substitutionis signum sacrificaturi, victimam capite comprehensam, atque detentam, quasi pro suo capite Aris sistebant; cum enim ex vna parte ratio, pietasque diceret, Deum, à quo omnes vitam accepimus, summo iure dignissimum esse, in cuius honorem ipsas nostras animas immolaremus, & ex altera hoc re ipsa exequi, nec generi humano expediret, nec per ordinariam Dei legem licitum foret, visum est rationabile vt animantium animæ, nostrarum subirent vicem, & pro illis substituerentur ad solemnem protestationem seruitutis nostræ. Hæc substitutio, vt dixi, potuit tempore legis esse communis etiam infidelibus, quia nullam per se continet inhonestatem, sed non fuisset sufficiens ad protestationem propriam Sacrificij. Alio modo intelligi potuit substitutio, vt nimirum animal, vel quæcumque alia res legitime in Sacrificium offerenda non subiret immediatè vicem offerentium, sed vicem victimæ grandis, in qua suum esse morale, tanquam in capite habuit omnes offerentes, ita vt victima illa legalis fuerit immediatè Vicaria victimæ principalis, non autem immediatè offerentium; & ad



hoc secundum genus substitutionis requiritur vera fides in Christum, ex cuius defectu Sacrificia Infidelium deficiebant à veritate essentiali Sacrificij, quæ necessario postulat, vt in toto aliquo, omne esse creatum continente, protestatio summa, & realis fiat, quod Deus solus est, & præter Deum nihil est.

Vrgebis, si Adamo non peccante Christus non fuisset incarnandus, adhuc in illo statu futurum fuisset verum Sacrificium, cui tamen allata definitio sine dubio non conueniret.

Respondeo illa hypothefi facta, non fuisse futurum verum, ac perfectum Sacrificium in illo statu. Ratio est apertissima, quia Sacrificium est essentialiter actus principalis Sacerdotis; in illa autem hypothefi non fuisset futurus Sacerdos principalis, cui enim hominum, aut Angelorum dicturus esset in illo statu *Tu es Sacerdos?* Quod si ponamus assumendum fuisse in illo statu à Deo, aliquem ex hominibus purum hominem, & pro hominibus constituendum, vt aliquid offerret in protestationem, quod Deus est, qui est, & præter Deum nihil est. Inquiri quid esset illud, quod principaliter in Sacrificium offerretur. Eset ne Sacerdos ipse, an aliqua alia pura creatura extrà Sacerdotem? si dicatur Sacerdos ipse; ergo ipse contra Aduersarios esset realiter in Sacrificio destruendus; nam ad verum Sacrificium requiritur, vt id, quod sic offertur, planè destruat, vt superius probauimus, & constabit adhuc apertius ex libro tertio dicendis. Si verò dicatur aliquid aliud extrà Sacerdotem, duo sequerentur absurda. Primum est, quod Sacerdos principalis verè non coleret ipse Deum summo cultu, quia de ratione summi cultus est, vt cultor ipse in Dei honorem destruat, vt patet ex natura summi cultus explicata questione prima. Secundum quia neque Sacerdos, neque Respublica intelligeretur moraliter sacrificari Deo in illa victima assumpta, puta vitulo, aut Agno, ratio est quia ille vitulus, aut Agnus non haberent qualitatem capitis respectu vniuersæ Reipublicæ, atque adeo illam in se non continerent quantum necessarium est ad fundandum verum cultum sacrificalem. Nam quod in Christo pro nobis realiter sacrificato vniuersa Ecclesia sacrificetur moraliter, ideo est, quia tota Ecclesia in Christo, tanquam in suo capite perfectiori adhuc modo est, quam in se ipsa, maioris enim valoris ac pretij solus est Christus, quàm vniuersa creaturarum Respublica; vnde Ecclesia cultu magis sacrificiali Deum colit destruendo se moraliter in Christo, quàm si physicè se in Dei honorem destrueret in se ipsa. Quomodo ergo in tali statu fuisset summus, hoc est perfectissimus cultus Sacrificij?

Quod si Aduersarij hoc tantum contendunt, futurum etiam in illo statu fuisse cultum pro illo statu summum, quatenus in illo ordine, & statu rerum, nullus maior fuisset possibilis, si, inquam, hoc tantum contendunt, demus illi vltro, futurum etiam in illo statu fuisse Sacrificium; sed quàm diminutum, quàm imperfectum, & quàm dictum impropiè Sacrificium? Nos autem definimus Sacrificium proprium, qui est actus publicus totius Mundi, qui profecto celebrari non potest sine victima Mundi; cedo autem mihi in illo statu victimam Mundi?

Neque dicas ad rationem, & perfectionem formalem Sacrificij satis esse significationem moralem nostræ inferioritatis, & Diuinæ Maiestatis supra nostram inferioritatem; nam non omnis significatio Diuinæ Maiestatis est sufficiens

## VIII.

*Christo non fuisset  
sacrificatus non fuisset  
verum, ac pro-  
prium Sacrifi-  
cium.*

Sacrificio, sed illa tantum, qua non verbis, aut symbolis quibuscumque, sed facto ipso, & re dicimus Deo: *Tu solus es*: quomodo autem exhibere, repræsentare, & facto ipso externo hoc demonstrare poterimus, nisi ipsum *nihil* omnis creaturæ exhibendo? Hæc autem exhibitio fieri non potest nisi per realem, & effectivam destructionem, vel omnium, & singularum creaturarum in se ipsis, vel cuius longè præstantioris omnibus, & singulis, in quo legitur omnes, & singulæ præcontineantur; ergo significatio formalis, & propria Sacrificij non conjungit ex destructione victimæ cuiuscumque, sed victimæ ita perfectionem omnis creaturæ continentis, vt in sola sui destructione, omnis creaturæ destructio habeatur. Quæ autem est, aut esse potest huiusmodi victima nisi solus ille, qui quemadmodum solus est Mundi Sacerdos, & Pontifex ita solus est Mundi victima? Propter hæc, antequam definitionis nostræ verba proferremus, postulauimus Mathematicæ ritum, nobis concedi, nomine summi cultus, dum de Sacrificio agitur, illum intelligi, quo maior secundum quemcumque respectum, & ordinem esse non possit.

Verum, vt comparatione definitionum fortasse non multo meliorum, nostra hæc non omnino contemnenda videatur, recensbo hoc loco definitiones, duorum, vel trium præcipui nominis Theologorum ex nostris. Prima sit P. Vasquez disput. cccx. cap. 3. vbi dupliciter Sacrificium definit: & primo vt ipse ait ex parte formæ, seu significationis, his verbis. *Sacrificium est nota existens in re, qua profertur Deum Autorem vite, & mortis*: ex parte verò materiæ definit hoc modo. *Sacrificium est res, qua per sui immutationem Deo offertur, seu mutatio rei, qua Deo offertur.*

Hæc definitio non videtur habere dotes, quas in bona definitione postulat Aristoteles 6. Topicorum. *Nam primo*, vix clarior esse dignoscitur suo definito. *Secundo*, non videtur congruè prædicari de omni definito, neque enim quis aptissime dixerit, Sacrificium Crucis, seu Sacrificium Eucharistiæ. Est nota existens in re, &c. *Tertio*, quia non videtur esse integra. Cum enim Sacrificium dicat essentialiter quatuor, nimirum, cui offeratur, à quo offeratur, quid offeratur, pro quibus offeratur, vt sumitur ex Augustino lib. 4. de Trinitate cap. 14. Non video in hisce definitionibus P. Vasquez, qua ratione hæc omnia comprehendantur, non est autem magna laus bonæ definitionis nihil habere superfluum, si aliquid habeat diminutum.

Propter hæc melior mihi visa est definitio quam ante Patrem Vasquez tradidit P. Suarez disput. 73. Sect. 6. vbi ait, *Sacrificium est oblatio facta Deo per immutationem alicuius rei in signum legitimè institutum diuina excellentia & reuerentia.*

Neque tamen in hac definitione animus acquieuit, nam vt omittam cætera, cum Sacrificium sit actus Sacerdotis, necessarium videtur, vt in illius essentia explicanda comprehendatur ordo ad sacerdotem, quod verò talis ordo sit essentialis faceret P. Suarez Sect. 5. vbi ait esse de ratione actionis, quæ Sacrificium est, vt à legitimo Ministro fiat, quem Paulus Pontificem, seu Sacerdotem appellauit, vnde nullus alius potest legitimè hoc munus usurpare, quod si id facere tentet, non erit Sacrificium, sed sacrilegium, quia vt dicitur ad Hebr. 5. solus Sacerdos est, qui pro hominibus constituitur, vt Sacrificium offerat, neque vllus

## IX.

Definitio Sacrificij ex Vasquez.

## X.

Definitio Sacrificij ex Suarez.

alius potest hunc honorem sibi usurpare, nisi qui vocatur à Deo tanquam Aaron. Addit verò rationem quia sicut Sacrificium propriissimè dictum provt nunc de illo loquimur, requirit, vt publica autoritate institutum sit, & vt nomine totius populi, seu Reipublice fiat, ita etiam postulat Ministrum habentem publicum, & communem auctoritatem ad offerendum, quem Sacerdotem appellamus.

Rectius ergo, & plenius ante hos duos suam posuerat definitionem Bellarminus lib. 1. de Missa cap. 2. his verbis. *Sacrificium est oblatio externa facta soli Deo, quæ ad agnitionem humanæ infirmitatis, & professionem divinæ Maiestatis à legitimo Ministro rei aliqua sensibilis, & permanenti ritu mystico consecratur, & transmutatur.* Hæc definitio, inquit, illius Author, paulo longior esse debuit, vt omnes condiciones Sacrificij propriè dicti complecteretur, explicat autem singulas doctè, & eruditè. Et primo, inquit, dicitur *oblatio*, ad indicandum genus, Sacrificium enim pro actione acceptum, species est oblationis, id enim est Sacrificium quod propriè, & per se ad actionem Sacerdotis pertinet. Porro Sacerdotis proprium munus est offerre, vt patet ex Paulo ad Hebr. 5. & ex Genes. 4. & 8. vbi pro eodem accipitur offerre, & sacrificare, & nomen ipsum indicat quo passim vtuntur Græci cum de Sacrificio loquatur nimirum *εὐχέλαια* idest oblatio.

XL  
Definitio Sa-  
crificij ex Bel-  
larmine.

Secundo dicitur *externa*, duplex enim oblatio, & largo modo duplex Sacrificium distingui potest cum S. Augustino lib. 10. de Ciuit. cap. 5. inuisibile, siue internum, & visibile siue externum. Inuisibile, est pia voluntas, quæ Diuinæ Maiestati se, & sua omnia offert. Visibile autem est testificatio quædam externa interni affectus; quare ibidem Augustinus definiens visibile Sacrificium inuisibilis Sacrificij Sacramentum idest factum signum esse dicit, quamvis autem inuisibilis oblatio sit nobilior, & melior visibili, & placeat Deo inuisibilis sine inuisibili, visibilis sine inuisibili Deo non placeat, tamen nomen, & ratio Sacrificij propriè non conuenit inuisibili oblationi, sed solum visibili, & externæ, oblatio enim inuisibilis, semper est occulta, & priuata; nomine autem Sacrificij propriè omnes intelligunt publicum, & manifestum honorem Deo exhibitum à communi, & publico Ministro. Itaque necessario requiritur ad Sacrificium propriè dictum, vt sit oblatio externa.

Tertio dicitur *facta soli Deo*. Sacrificium enim propriè pertinet ad cultum Latræ, qui soli Deo exhiberi potest; vt enim est interior quidam cultus, quem soli Deo exhibemus, cum cum agnoscimus primum, & summum bonum, & vt tali cor nostrum illi demississimè prosternimus, sic etiam debuit esse externum aliquod signum, quo protestaremur cultum istum soli Deo debitum. Tale autem signum non est nisi Sacrificium, nam omnis alia externa reuerentia, quam exhibemus Deo, solet etiam hominibus à iquando exhiberi, ideo dixit S. Augustinus lib. 1. contra Aduers. leg. & Prophet. cap. 18. Dæmon sibi Sacrificium non exigeret nisi Deo vero deberi sciret, nam obsequia cætera, quæ Diuinitati exhibentur, ausi sunt sibi etiam superbiæ fastu homines arrogare, rarissimi autem commemorantur, qui sibi, vt sacrificaretur cum regia potestate possent, ausi fuerint imperare, quicumque tamen ausi sunt, per hoc se Deos haberi voluerunt.

Quarto dicitur. Ad agnitionem humanæ infirmitatis, & professionem Diuinæ Maiestatis, quoniam hic est finis generalis omnium Sacrificiorum, sunt enim

quasi tributa, quæ Deo redduntur in recognitionem supremi dominij ipsius, & nostræ subjectionis; & hæc est etiam ratio vnde laudem habet, & est opus virtutis actio sacrificandi, nam ex se opera indifferentia sunt occidere, & cremare animalia, & similia, sed cum illa fiunt ad significandum omnia à Deo procedere, & in ipsius honorem consumenda esse, iam sunt opera Religionis, & proinde bona, & laudabilia.

Quinto dicitur. *A legitimo Ministro*, non enim est cuiusque offerre Sacrificium, sed publici, & certi hominis, qui communi nomine id peragat: In lege quidem naturæ Sacerdotes erant vel capita familiarum vt Abraham, vel alij, quibus Deus id inspirabat. In lege autem scripta soli filij Aaron: in lege gratiæ soli Episcopi, & Presbyteri ritè ordinati. Atque hinc excluduntur à ratione Sacrificij propriè dicti multæ oblationes priuatorum hominum factæ soli Deo, vt cum fideles candelas accendunt, & consumunt in Templo ad honorem Dei.

Sexto dicitur. *Res aliqua sensibilis & permanens*, vt nimirum excludantur à ratione Sacrificij propriè dicti, actiones transeuntes in honorem Dei factæ, quales sunt Psalmodiæ, Preces, Genuflexiones, & alia, quæ fiunt à Sacerdotibus actu externo ad honorem Dei, & tamen Sacrificia propriè non dicuntur.

Septimo dicitur. *Ritu mystico consecratur*, nam debet res illa, quæ Deo offertur ex prophana fieri sacra, & Deo dicata, id enim significat sacrificare, sacrum facere. Ista autem consecratio, & dedicatio semper fiebat in lege veteri certo ritu, & cæremonia mysterium continente, & impositione manuum super victimam, vel eleuatione oblationis in altum.

Octauo dicitur. *Es transmutatur*, quia ad verum Sacrificium requiritur, vt id, quod offertur Deo in Sacrificium *planè destruat*, id est ita mutetur, vt desinat esse id, quod ante erat, & in hoc maximè differt à simplici oblatione, quæ interdum ritu mystico eleuabatur coram Deo, sed non destruebatur nisi quando verè sacrificabatur. Ratio autem huius rei duplex esse videtur. Vna ob significationem mortis Christi, Deus enim, qui primus sine dubio inspirauit Abeli, & aliis Sanctis viris vsum Sacrificiorum, voluit per ea sacrificia sacrificium omnium sacrificiorum præstantissimum adumbrari, illud autem morte, & destructione rei oblatæ constabat. Altera ratio est quia Sacrificium, & summa protestatio subjectionis nostræ ad Deum, & summus cultus externus, qui exhiberi possit; summa autem ista protestatio requirit, vt non solum vñs rei Deo offeratur, sed ipsa substantia, & ideo non solum vñs, sed substantia consumatur.

XII.  
Ratio defini-  
tionis nostræ.

Totam hanc Bellarmini doctrinam, planè veram existimamus, sed ex illa, Sacrificij definitionem aliis verbis concipiendam putauimus. Ratio autem potissima, quæ me mouit, illa fuit, quia quantum Scripturæ, Patres, & Concilia docent: Mundi victima vna est, & vnus itidem Sacerdos Mundi. Loquimur de victima principali, non de victimis Vicariis, & substitutis. Similiter loquimur de Sacerdote principali, non vetò de figurali, aut ministeriali, solus enim principalis absolutè, & sine addito Sacerdos est, vt patet Psalmo 109. & ex Apost. ad Hebr. 10. Igitur Sacrificium vnitate desumpta à Sacerdote, & victima, vnum essentialiter est, quia non potest esse nisi vnus Sacerdos Mundi, & vna Mundi Victima; ergo non potest esse, aut intelligi verum Sacrificium sine habitudine ad principalem Sacerdotem, & principalem Victimam; ergo non potest congruè

definiri sine formalissima expressione principalis Sacerdotis, & principalis Victimæ. Et ianè cum notio Sacrificij provt à nobis proponitur, planè constet ex fide Divina, provt verò ab aliquibus proponitur, deiuetur potius ab vfu Ethnicorum, qui imitari voluerunt totam externam cæremoniam veræ Religionis, non video cur in definiendo vero Sacrificio, rationem vllam habere falsæ Religionis debeamus. Neque enim, vt Apostolus loquitur 2. ad Cor. cap. 6. *Inguis ducimur cum infidelibus, quæ enim participatio iustitiæ cum iniquitate, aut quæ societas lucis ad tenebras? quæ autem commensio Christi ad Belial? aut quæ pars fidei cum infidelibus? qui autem consensu templo Dei cum Idolis?*

Quod si debemus loqui de vero Sacrificio tanquam de actu capitis, & functione præcipua primogeniti omnis creaturæ, profecto possumus sub iisdem terminis, ac vocibus illud definire, quia omne quodcumque verum Sacrificium est actus Capitis, & principalis Mundi Sacerdotis, qui primogenitus est omnis creaturæ. Si autem possumus, planè debemus, quia saltem hoc negari non potest, vsurpatas notiones, & voces in hac nostra definitione multo magnificentius facere ad Maiestatem Sacrificij hoc est summæ omnium Actionis, quotquot, aut humanitus exerceri vnquam potuerunt, aut diuinitus inspirati.



## QVÆSTIO XIII.

*An omnia antiqua Sacrificia fuerint destructiua,  
ubi de Sacrificio Melchisedech.*

- I. Oblatio Melchisedech verum Sacrificium.
- II. Qualis consumptio Sacrificij Melchisedech.
- III. Opinio P. Vasquez.
- IV. Omne Sacrificium consumatur in Altari.
- V. Nullum Sacrificium consumatur in Cibano.
- VI. Mincha quid, & quoruplex.
- VII. Sacrificium coctum in Cibano consumabatur in Altari.
- VIII. Non coquebatur manibus Sacerdotum.
- IX. An Panis Propositionis cocti ministerio Sacerdotum.
- X. Panis Propositionis non erat Sacrificium.
- XI. Ritus sacrificandi Mincha.
- XII. Sacrificium, Communiu.
- XIII. Consumatio Panis per ignem in Altari.
- XIV. Libamenta quæ.
- XV. Ritus sacrificandi cum libamentis.
- XVI. Responsio Bellarmini de destructione Sacrificij Melchisedech.



- XVII. *Responsio P. Lesij de consumptione per ignem.*  
 XVIII. *Ritus Aaronicus postulabat gladium, & ignem.*  
 XIX. *Et principalis ignem.*  
 XX. *Victima incendebatur, non ingulabatur super Altare.*  
 XXI. *Celebrans Sacrificium semper ipse per se incendebat.*  
 XXII. *Sacrificium aliquod sine gladio.*  
 XXIII. *Sacrificium incrementum.*  
 XXIV. *Nullum Sacrificium sine igne.*  
 XXV. *Holocauftum Animum sine ferro.*  
 XXVI. *Omnia Sacrificia etiam legis nature in igne & gladio.*



I.  
*Oblatio Melchisedech veri Sacrificium.*

D generalem illam sententiam infirmendam, qua diximus omnia omnino, quæ in Scriptura dicuntur Sacrificia necessario peracta fuisse cum reali destructione rei in Sacrificium oblatæ obijciunt nonnulli Sacrificium panis, & vini, quod obtulit Melchisedech. Nam quod oblatio illa panis & vini fuerit verè Sacrificialis. Testatur tota Ecclesia in Canone nostræ Liturgiæ illis verbis: *Et quod tibi obtulit summus Sacerdos tuus Melchisedech sanctum Sacrificium immaculatam hostiam*, & satis exprimitur à sacra Scriptura per causam, cur Melchisedech panem, & vinum protulerit. *Erat enim*, inquit, *Sacerdos dei Altissimi* Genes. 14. quæ ratio, inquit Bellarminus lib. 1. cap. 6. contra Kemnitium, ab ipso Spiritu Sancto redita omnino cogit, ut intelligamus panem, & vinum prolata fuisse ad Sacrificium; præsertim quod nisi oblatio significata hoc loco Genesis fuerit sacrificialis, nulla esset in tota sacra Scriptura mentio Sacrificij Melchisedech, nusquam enim alibi fit. Non est autem intelligibile qua ratione Scriptura tot in locis describat Sacerdotium Melchisedech, ut distinctum ab Aaronico, & ut simillimum Sacerdotio Christi, & alicubi non tradat quale fuerit Sacrificium Melchisedech. Si quidem ad Sacrificium ordinatur Sacerdotium, & Sacrificio ignorato, necesse est etiam Sacerdotium ignorari. Negari ergo non potest à viro Catholico oblationem panis, & vini factam à Melchisedech Genes. 14. fuisse sacrificalem, & in ea præfiguratum esse Sacrificium Christi, quod in vltima Cæna sub specie panis, & vini peractum est, ut communis Patrum Ecclesiæ consensus docet.

II.  
*Qualis consumptio Sacrificij Melchisedech.*

Ex altera verò parte nihil habemus in Scriptura vnde affirmemus Melchisedech panem, & vinum sua sacrificiali oblatione consumpsisse, immò aliqui contendunt panem sanctificatum & Deo oblatum distributum à Melchisedech fuisse in corporalem refecctionem Abrahami, & sociorum eius, qui fatigati à prælio reuertebantur.

III.  
*Opinio P. Vasquez.*

Scio quid ad hoc argumentum responder Vasquez disput. 220. cap. 3. Quod in gratiam Scripturalium opere pretium erit examinare. Ait ergo, Melchisedech oblationem immutatam & sacrificalem panis, quæ erat hostia sui Sacrificij, perfecisse per coctionem in Clibano. Hoc autem infert, & probat, quia eo genere immutationis simile panis Sacrificium perficiebatur in lege, quod manifestè, inquit, consistit ex Leuit. 2. ubi dicitur: *cum autem obruleris sacrificium coctum in Clibano de simila, panes scilicet absque fermento, &c.* Mutabatur igitur,

igitur, ait Vasquez hoc genus Sacrificij coctione facta in Clibano, & Sacerdotes huic ministerio coquendi panes, non minus attendebant, quàm ministerio occidendi, & mactandi animalia, quæ occisione, & mactatione in Sacrificium offerebantur. De eodem Sacrificio in Clibano sermo fit Leuit. 7. & 24. eodem etiam capite fit mentio Sacrificij fruxi in fartagine, cuius immutatio ibi fiebat, & eodem modo genus erat Sacrificij, quod per contusionem immutabatur, & ideo dicebatur immolatio, nimirum quia mola conterebatur, & hoc fiebat ex materia inanimata, solida, & siccata, nempe ex hordeo, cum ex illo fiebat far; hoc enim ministerio Sacerdotis immutabatur; sic igitur intelligere debemus Melchisedech panem Domino obtulisse. Hæc P. Vasquez.

Verum hæc responsio, mea quidem sententia inuoluit multa, ingeniosè magis excogitata, quàm solida.

Et primo displicet intueri Melchisedech Sacerdotem Dei Altissimi, panis Sacrificium consumantem in Clibano, præsertim si ille fuit idem, ac Sem filius Noë, quod docent multi, discere enim facile debuisset à Patre, ab initio ipso Mundi Sacrificia, non alibi consumata fuisse nisi in Altari. *Edificauit autem Noë Altare Domino, & obtulit holocausta super Altare*: quamuis autem hoc edificauit à Noë, primum fit Altare, quod legitur in Scriptura; tamen ut rectè obseruant Interpretes, minime dubium esse debet alia prius extitisse, ut illud, in quo sacrificauit Abel; nam quia sacrificatio actio sacra est, publica, & solemnitas, ideo decentissimum semper fuit, certum, ac sacrum locum destinare, in quo, & actio illa fieret, & res Deo oblata constitueretur, & offerretur. Nunc autem locum Altare vocamus, de quo dixit Augustinus lib. 2. contra Faustum cap. 27. sicut Sacrificium soli Deo offertur, ita & Altare, solum in Diuinum honorem erigitur, quia nimirum non nisi ad sacrificandum construitur. Cum ergo à Mundi initio, ante omnem legem scriptam, locus Sacrificijs deputatus, fuerit Altare, quis credat Melchisedech religiosissimum virum, assimilatum Filio Dei, suum Sacrificium extra Altare consumasse?

At Sacrificium Panis, cuius mentio fit Leuit. 2. consumabatur in Clibano, & non in Altare. Hoc si probasset P. Vasquez, aliquid euicisset, sed profectò probare non potuit, quia ex toto illo capite constat oppositum. Et quoniam operis nostri argumentum est de Sacrosancto, ac Diuino Sacrificio, non pigebit, quæ de hoc peculiari ad rem nostram faciunt breuiter enucleare.

Describitur toto illo secundo capite Leuit. Sacrificium, quod Hebraicè dicitur, *Mincha*, unde incipit, *Anima cum obtulerit oblationem sacrificij domino*, Hebraicè, *oblationem Mincha* Domino, ubi diligenter obseruandum præcepit Cornelius passim per Leuiticum, oblationem Mincha vocari absolūtè Sacrificium, quia, inquit ille, alia Sacrificia peculiare habent nomen; hinc noster Interpretes passim per Leuiticum, Mincha vocat absolūtè Sacrificium, quod non crediderim vacare mysterio. Est autem Mincha Hebræis propriè Sacrificium rerum inanimatarum, quod ex farre, aut similia fit. Quare Aquila teste Iſychis in cap. 10. oblationem Mincha, vertit donum de frumento; Vatablus vertit, Sacrificium Cibarium, Cornelius, Sacrificium farcum. Lorius, farinaceum. Habes materiam quasi remotam huius Sacrificij. Iam quod magis pertinere videtur ad materiam proximam. Triplex erat species huius Sacrificij. Prima erat Sacrifi-

IV.

*Omnia sacrificia consumantur in Altari. Genes. 8.*

V.

*Nullum sacrificium consumatur in Clibano.*

VI.

*Mincha quid & quod simplex.*

cium similæ puræ, & incoctæ, & peculiari quodam modo præparatæ. Secunda Sacrificium similæ subactæ, & coctæ, seu panis. Tertia Sacrificium spicarum. Controuersia nostra est de secunda specie Mincha, hoc est de Sacrificio ex simila cocta; siue Clibano, siue Sartagine, siue Craticula: quot enim modis coquitur panis, totidem modis illum sibi in Sacrificio præparari voluit Deus, ut sicut panis tripliciter coquitur, scilicet Clibano, Sartagine, & Craticula, ita & Mincha panum esset triplex, scilicet Clibani, Sartaginis, & Craticulæ, fortasse propter insignem allegoriam, quam Iſychius indicat; allegoricè enim Mincha est caro Christi; primo in Clibano, idest utero B. Virginis in Incarnatione coctæ; secundo in Sartagine, idest Passione Crucis fixa; tertio in Craticula eiusdem Crucis mortua, ut percoctum nobis in Venerabili sacramento Eucharistiæ præbeat panem, & alimentum.

Ostendo iam hoc Sacrificium panum ex simila cocta in Clibano, de qua loquitur P. Vasquez, oblatum Deo fuisse, non in Clibano, sed in Altari, quod non potest solidius demonstrari, quàm ex verbis clarissimis textus. Sic enim habet. *Cum obtuleris Sacrificium coctum in Clibano de simila, &c. Trades manibus Sacerdotis, qui cum obtulerit, collet memoriale de Sacrificio, & adolebit super Altare in odorem suauitatis Domino. Quidquid autem reliquum est, erit Aaron, & filiorum eius.* Habes hic offerentiam distinctam à Sacerdote. Offerens erat populus, qui offerebat ad Tabernaculum panes coctos in Clibano. Cum obtuleris Sacrificium coctum trades manibus Sacerdotis: certè antequam traderetur manibus Sacerdotis, oblatio sacrificialis non erat facta; hæc enim essetentialiter actio Sacerdotis. Quomodo ergo ex hoc loco potuit venire in mentem P. Vasquez, mutatum fuisse hoc genus Sacrificij coctione facta in Clibano ministerio Sacerdotis? Vnde colligere potuit hoc ministerium Sacerdotum? Fortasse fundamentum huius erroris fuit, quod apud S. Hieronymum in cap. 1. Malach. dicitur de panibus Propositionis. Panes Propositionis iuxta traditiones Hebraicas, ipsi Sacerdotes serere, ipsi demetere, ipsi molere, ipsi coquere debebant. Sed quidquid sit de hac traditione Hebræorum, quæ valde suspecta est, & parum conformis verbis Scripturæ, ut ait Ribera lib. 2. de Templo cap. 10. certè Abulen-

VII.  
Sacrificium  
coctum in Clibano consumabatur in Altari.

VIII.  
Non coquebatur manibus Sacerdotum.

IX.  
An Panes Propositionis cocti ministerio Sacerdotum.

lenſis, qui mordicus tuetur panes Propositionis saltem subigi, & coqui debuisse manibus Sacerdotum, qui iuxta Paral. 23. *Erant super panes Propositionis, diserte faceret, & docet hoc factum non fuisse cum reliquis panibus, qui in Sacrificium offerebantur à populo, & plures causas diuersificatis affert.* Prima, quia panes Propositionis erant sanctiores eo quod ponerentur intra Tabernaculum, & manebant ibi septem diebus coram Domino. Secunda, quia erant determinati à lege, & constabat Sacerdotibus, quot essent semper noui per singula Sabbatha præparandi: cum de reliquis esset incertum. Tertia, quia difficillimum valde fuisset Sacerdotibus suis manibus coquere, & conficere omnes panes, quos populus oblaturus erat, quæ difficultas non erat in certis statisque, & ordinariis; quæ rationes si bene examinentur, suum habent pondus, sed quæ omnino conuincit, est quia de panibus Propositionis fundamentum aliquod habemus in Scriptura, quod coquerentur à Sacerdotibus; quod verò panes Sacrificij Mincha, de quibus agitur Leuit. 2. citato à Vasquez, coquerentur à Sacerdotibus non solum non habemus fundamentum in sacro Textu, sed habemus oppositum,

vt obseruauit idem Abulensis. Dicitur enim de illo Sacrificio rerum inanimatarum comprehendente omnes illas tres species. *Anima cum obtulerit oblationem Sacrificij Domino*. Anima idest homo, quis homo? Laicus, an Sacerdos? profecto Laicus, subditur enim: deferet ad Sacerdotes: ergo Laicus, qui offerre volebat, coquebat, & postea ferebat ad Sacerdotes.

Coctio ergo panis offerendi in Sacrificio Mincha, non erat Sacerdotalis, sed Laicalis. Coctio verò panum Propositionis, quamuis fuerit Sacerdotalis, hoc est manibus Sacerdotum, non tamen fuit sacrificialis, quia oblatio panum Propositionis non erat Sacrificium propriè dictum, vt cum communi docet Cornelius in cap. 24. Et si Sacrificium fuisset propriè dictum, fieri debuisset in Altari Sacrificiorum, quod erat vnicum in Atrio Sacerdotum. Mensa autem panum Propositionis nullo modo erat Altare, & erat intra Tabernaculum iuxta Sancta Sanctorum; quare parum facit ad rem, quod loco citato subdit P. Vasquez, quod scilicet de panibus Propositionis nullam aliam mutationem præter eam, quæ fiebat in Clibano factam legimus. Tum quia non fuisset sufficiens, nam in Clibano, ait Cornelius, Farina immutabatur, non panis; tum quia non erat necessaria, cum oblatio talium panum, vt dixi non esset Sacrificium.

Sed redeamus ad textum de vero Sacrificio panis cocti, aut Clibano, aut Sartagine, aut Craticula, certè si in sacro textu non haberetur modus, quo à Sacerdote illud Sacrificium immutabatur in Altari, habuisset occasionem aliquam P. Vasquez ad Clibanum recurrendi, sed ex sacro textu clarè habetur, quemadmodum Sacerdos tollebat de omnibus oblationibus iam dictis, puta Clibani, Sartaginis, & Craticulæ, & illarum partem cumburebat, & sacrificabat in Altari, per quam partem testabatur totum Mincha esse Deo oblatum, atque hæc pars, quæ oblatione destructiua sacrificabatur, erat memoriale, de quo in textu dicitur. *Toller memoriale de Sacrificio, & adolebit super Altare in odorem suauitatis Domino*. Memoriale, inquam, vt perinde ac si totum fuisset crematum, Deus, offerentis recordaretur. Et cum tam clarè agatur in textu de omnibus illis speciebus Sacrificij cocti, mirandum planè est, quæ ratione potuerit addere illud Vasquez; Cum non legamus panem aliquo modo consumi consueuisse in Sacrificium, neque per se, neque vt libamentum, dubitari certè non potest, Sacrificium eorum in Clibano fieri solitum. Sed quo sensu dicere potuit, panem nullo modo consumi consueuisse in Sacrificium, vt libamentum, si de pane cocto in Clibano, dicitur, & adolebit super Altare in odorem suauitatis Domino? Immo verò, quod miror, tantum virum præterisse, nullum ferè erat Sacrificium Animalis, in quo panis, vt libamentum non offerretur; hoc autem patet, quia Sacrificium erat quasi Conuiuium Deo instructum, cuius conuiuij mensa erat Altare, vt vocatur Malach. 1. ver. 7. & 12. Quod conuiuium, vt esset perfectum iussit Deus in omni Sacrificio Animalis, offerri panem, vel eius materiam, puta similam, vinum, & sal, quia in omni conuiuij, inquit Cornelius in cap. 2. Leuit. requiritur caro, & panis ad cibum, vinum ad potum, sal ad condimentum; atque in ea conjunctione Sacrificij carni cum additamentis panis, & vini, fundant plerique Allegoriam de Christi carne, etiam panis, rationem habere in Eucharistia, vnde, & caro Christi vocatur panis, Ier. 11. 19. Ioan. 6. ver. 35. 47. 51. 58. Sed non est cur contra P. Vasquez in hoc probando diutius immoremur, nam ipsemet

X.

*Panes Propositionis non erant Sacrificium.*

XI.

*Ritus sacrificij candi Mincha.*

XII.

*Sacrificium Conuiuium.*



disput. 86. super quaest. 22. S. Thomæ cap. 4. in responsione ad argumentum Kemnizii contententis in Sacerdotio Leuitico fuisse etiam Sacrificium panis, & vini, sicut in Sacerdotio Melchisedech, ait, licet legatur Leuiticos Sacerdotes obtulisse panem, & vinum, nusquam tamen legi vtrumque simul obtulisse, aut ita per legem statutum fuisse. Panes quidem legimus oblatos à Leuiticis Sacerdotibus, Exodi 29. & Leuit. 9. & 24. tamen sine vino; contra legimus quidem eos aliquando obtulisse vinum, Num. 28. non tamen simul cum pane, sed cum aliquo cruento sacrificio vt condimentum illius, nempe in iugi sacrificio Agni anniculi, in quo offerebatur certa mensura ad libandum, sicut etiam vt condimentum offerebatur similia conspersa oleo.

## XIII.

*Consumatio  
panis per ignem  
in Altari.*

In qua responsione licet inuoluantur quædam alibi examinanda, habemus tamen intentum, nimirum Sacrificium panis consumatum fuisse in Altari per ignem, non autem in Clibano, vt patet ex locis ab illo citatis; nam Exod. 29. dicitur: *Suscipisque vniuersa de manibus eorum, & incendes super Altare in holocaustum.* Et Leuit. 9. legitur: *Fecit holocaustum addens in Sacrificio libamenta, quæ pariter offeruntur, & adolens ea super Altare.* Qui locus planè facit contra P. Vasquez non solum quatenus ait non legi panem consumptum in Altari, sed etiam quatenus in ea responsione ad Kemnizium dicit, nunquam legi Leuiticos Sacerdotes vtrumque simul, nimirum panes, & vinum obtulisse: dicitur enim hic expresse addens in Sacrificio, hoc est in Mincha, vt est in Hebræo, quod significat Sacrificium ex simila, & pane, libamenta, quæ pariter offeruntur; quæro, quæ nam sunt libamenta, quæ pariter offeruntur, & quidem ex præscripto legis? Profecto libamentorum vocabulo, noster Interpretes intelligere solet ea, quæ offerebantur cum Sacrificio, nimirum panem, seu quidquid ad eum pertinet, cuiusmodi est simila, vinum etiam, ita Lorinus in cap. 23. Leuit. immò libamentum præcipue dicitur de liquidis, inter quæ præcipuum est vinum, vt apertè constat ex toto Leuitico, & ex lib. Numer. cap. 15. locus citatus cap. 25. Leuit. non facit ad rem, quia agitur ibi de panibus Propositionis, quos diximus nunquam oblatos esse tanquam Sacrificium. Locus alius citatus Num. 28. ex quo contendit in Iugi Sacrificio oblatum esse vinum, sed non simul cum pane, verè non conuincit, immò ex illo capite iuxta communem Interpretum expositionem habetur oppositum, quia ibi dicitur offerendum Sacrificium Iuge vespertinum iuxta omuem ritum Sacrificij Matutini, & libamentorum eius. Quid autem libamentorum nomine intelligatur dictum iam est. Tangam tamen paucis plenum ritum sacrificandi, & libetandi ex nostro Cornelio in cap. 15. Numer. Sacerdos victimæ carnes, vel Adipem, si is solum cremandus erat, imponebat Altari, deinde ex simila, quæ sale, & oleo commixta, & condita erat, tollebat pugillum, eumque victimæ cremandæ imponebat, simulque non super simillam tantum, sed & super ipsam victimam vini portionem effundebat, denique thus victimæ imponebat, ac mox subiectis lignis ignem excitabat, eoque victimam cum libaminibus Deo concremabat. Atque hoc totum dicebatur Panis, seu cibus Dei, vt patet Leuit. 21. vers. 21. & cap. 22. vers. 25.

## XV.

*Ritus sacrificandi cum libamentis.*

Nullò ergo fundamento subsistere potest responsio P. Vasquez, quod scilicet Sacrificium Melchisedech immutatum fuerit in Clibano: præsertim quod illa immutatio nullo modo fuit panis consumptio, & destructio, quæ planè



requiritur ad Sacrificium in quantum à simplici oblatione distinguitur.

Quid ergo respondebimus ad exemplum Melchisedech, in cuius Sacrificio, panis, & vini nulla legitur facta destructio? Bellarminus lib. 1. cap. 2. Fatetur scripturam non explicare modum illius Sacrificij, sed ex aliis, inquit, locis colligimus eum more solito sacrificasse, ita ut panem illum, & vinum ad honorem Dei consumperit.

Hanc responsionem sequuntur communiter recentiores, quæ absolute bona est, sed tamen non satis plena, & fortasse pro præsentis controversia aliquantulum ieiuna. Aduersarij enim negant in Sacrificio Melchisedech intercessisse destructionem, non præcisè per hoc, quod Scriptura eius non meminerit, quia neque meminit destructionis in Sacrificio Abelis, de quo tantum dicit Genes. 4. *Abel quoque obtulit de primogenitis gregis sui, & de adipibus eorum.* Sed quia non apparet probabilis, & rationabilis modus destructionis in oblatione panis, & vini factæ à Melchisedech. Ex quo inferunt, aut illam oblationem non fuisse sacrificalem, quod est hæreticum, aut falsum esse quod asserimus in hac quæstione, oblationem scilicet sacrificalem distingui à simplici oblatione per destructionem. Postulat ergo status præsentis controversiæ, ut quantum fieri potest ostendatur probabilis, & congruus modus destructionis, & consumptionis in sacrificio Melchisedech; quamvis enim in oblatione Agni Abelis, modus congruus sit per se notus, non est tamen per se notus modus congruus in oblatione panis, & vini pro ut fieri debuit à tali Sacerdote, qualis fuit Melchisedech.

Merito ergo conantur aliqui talem modum insinuare, uti fecit P. Lessius, qui lib. 2. de Iustitia cap. 38. non videtur, inquit, dubitandum, quin eo modo, quo alia res inanimata sacrificari solent, id fecerit Melchisedech, nimirum sistendo totum in Altari coram Deo, deinde aliquam partem in igne consumendo, vel hibando: fruges enim in Sacrificiis torrerentur, vel incendi solent, & liquida effundi nec opuserat totum ita consumi, quando non erat holocaustum, sed particulam aliquam, reliquis referuatis Sacerdoti, qui Sacrificij debebant esse participes, ut fieri solet in hostiis pacificis.

At neque huic responsioni animus acquiescit, quia confundit ordinem, & ritum Aaronicum cum ordine, & ritu Melchisedech, quos ritus ex Apostolo ad Hebr. 7. constat esse maximè oppositos, unde nullo modo licet ex vno ad alterum facere conjecturam. Porro ritus Aaronicus necessario, & per se postulabat gladium, & ignem; Et gladium quidem, quia illius sacrificium per se erat cruentum, atque adeo rei viuientis, ut patet ex cap. 1. 3. 4. 5. & 6. Leuitici ubi enumerantur tres species Sacrificiorum, quarum prima erat holocaustum, secunda victimæ pacificæ, tertia hostia pro peccato, & materia omnibus hisce sacrificiis assignata, erant tantum illa sex habentia vitam cum sanguine, videlicet Oves, Capræ, Boues, Columbæ, Passeres, & Turtures. Nec enim alia animantia sacrificari poterant.

Verum est, quod in omnibus hisce Sacrificiis cruentis erant aliquæ veluti partes incruentæ, quædam videlicet oblationes ex non viuentibus. In quocumque enim Sacrificio carneo, & cruento integrum quasi conuiuium instruebatur Deo, ut superius dicebamus, in quo necessarium erat apponi illa quinque, nimirum farinam, seu panem, vinum, oleum, sal, thus, tanquam appendices, & condi-

XVI.

*Responsio Bellarmini de destructione Sacrificij Melchisedech.*

XVII.

*Responsio Lessij de consumptione per ignem.*

XVIII.

*Ritus Aaronicus postulabat gladium & ignem.*

menta; ceterum totum sacrificium principale dicebatur, & erat cruentum, ac proinde gladium postulabat, quidquid sit, utrum aliquando seorsum, & per se se aliqua tantum non viuentia in sacrificium offerrentur.

Alterum, quod ritus Aaronicus semper, & per se, & fortasse principalius postulabat, erat ignis. Dixi semper, & per se, quia nullum poterat esse sacrificium sine rei oblati, aut totius, aut partis perfecta, ac summa consumptione in honorem Dei, hoc exigente natura summi cultus, ut ad nihilum coram Deo deueniret; perfecta autem, ac summa, siue totius, siue partis consumptio, & quasi annihilatio aliunde haberi non poterat nisi ab igne. Ideo in cap. 6. Leuit. legitur: *Ignis autem in Altari semper ardebit, quem nutrit Sacerdos subiiciens ligna mane per singulos dies. Ignis est iste perpetuus; qui nunquam deficiet in Altari.* Dixi principalius, quia si quaeramus quid est magis intrinsecum ritui Aaronico, gladius, an ignis, iugulatio victimæ, an inceptio, & consumptio, inuenimus magis proprium, & intrinsecum illi fuisse consumptionem per ignem, quam iugulationem per gladium, hoc autem.

## XIX.

*Et principalius ignem.*

## XX.

*Victima incendebatur non iugulabatur super Altare.*

Probo primo, quia ritus Aaronicus non postulabat ut animalia iugularentur super Altare, postulabat vero ut super Altare comburerentur; ideo Leuit. cap. 1. vers. 11. dicitur: *Immolabitque ad latui Altaris, quod respicit ad Aquilonem.* Altare enim, ait Abulensis igne erat plenum, neque potuisset Sacerdos eleuare Bouem super Altare tam altum; unde, & aspergebatur Altare sanguine victimæ, post quam illa alibi esset immolata: membra vero victimæ iugulatae concisa imponebat Sacerdos super Altare, ut eo cremarentur: immo Abulensis in cap. 7. Leuit. quæst. 18. absolute ait: nullum animal oblatum iugulatum fuisse super Altare. Contra vero in omnibus sacrificiis hoc generale fuisse, ut nihil extra Altare cremaretur, sed vniuersa in holocaustorum Altari vorarentur.

## XXI.

*Celebrans sacrificium semper ipse per se incendebat.*

Probo secundo, quia non exigebat ritus Aaronicus, ut Sacerdos celebrans sacrificium, victimam iugularet; exigebat verò, ut ipse per se incenderet. Hoc patet ex cap. 1. Leuit. ubi plures describuntur Sacerdotes ministrantes in holocausto, quorum vnus animal iugulabat, alius sanguinem offerebat, &c. Sed de Sacerdote celebrante, cui scilicet tunc contingebat facere sacrificium principaliter, dicitur, & *oblata omnia adolebit Sacerdos super Altare in holocaustum, & odorem suauissimum Domino.* Super quem locum Abulensis quæst. 22. ait, hoc fuisse quasi proprium Sacerdotis, qui erat loco Aaronis, qui ab aliis Sacerdotibus, paribus quidem in gradu Sacerdotali, sed minoribus tunc in officio, & ministerio, quasi Diaconis, & Subdiaconis accipiebat oblata, & ex officio sacrificantis proprio, super Altare adolebat.

## XXII.

*Sacrificium aliquod sine gladio.*

Probo tertio; quia potuit aliquando celebrari sacrificium secundum ordinem Aaronis sine gladio, nunquam tamen potuit sine igne; nam licet sacrificium principale Aaronis esset cruentum, negari tamen non potest illum etiam interdum obulisse sacrificium incruentum, alioquin frustrâ esset illa diuisio sacrificij legalis ex parte materiæ in tria genera, in victimas, in immolationes, & in libamenta, ita ut nomine victimæ, seu hostiæ intelligatur sacrificium ex animantibus; nomine immolationis intelligatur sacrificium ex rebus inanimis solidis, & nomine libamenti de rebus inanimis liquidis, de qua partitione agit S. Thomas 1. 2. quæst. 102. art. 3. Et quamuis immolationes, & libamenta, quæ cum victimis

carneis offerebantur, pertinuerint ad species sacrificiorum ex animantibus, ita ut cum istæ oblationes fierent in holocaustis, essent holocausta, aut potius partes holocausti, & cum fierent in victimis pacificis, aut in hostiis pro peccato, essent partes illarum victimarum, & possent etiam dici pacifica, & pro peccato, ut rectè docuit Abulenſis in cap. 2. Levit. quæst. 1. tamen quando offerebatur seorsim, quartam per se speciem sacrificij absolute inveniendi constituebant: talis erat oblatio Mincha, siue panis, aut similis, quam fuisse verum, & propriè dictum sacrificium, conuincit, inquit Cornelius in cap. Levit. vox Mincha, quam tam Malachias, quam septuaginta, & noster Interpres vertunt sacrificium, & patet ex ritu, quo panis, aut similia immutabatur, & consumebatur ad Dei honorem. Hoc enim planè arguit, inquit Cornelius, Mincha fuisse verum sacrificium, non tantum simplicem oblationem, quæ integra offerebatur. Hoc igitur sacrificium si seorsim, & per se offerebatur, & non coniunctum cum oblatione victimarum, ut videtur colligi ex toto capite 2. Levit. ubi fusè describitur hoc genus sacrificij nulla prorsus facta mentione victimarum. Si, inquam, per se, & non tanquam pars alterius sacrificij offerebatur, erat planè sacrificium inuentum, atque adeo gladium non postulabat, nullo tamen modo hoc idem sacrificium consistere poterat sine igne, vnde expressè præceptum ibi est: & adolebit super Altare in odorem suauitatis Domino.

XXIII.  
Sacrificium in-  
uentum.

XXIV.  
Nullum Sacri-  
ficiū sine igne.

Quia tamen ne quid dissimulem, controuersum est, an hoc ipsum sacrificium Mincha, seu panis, oblatum seorsim vnquam fuerit, & non potius semper, ut pars quedam, & quasi appendix, & condimentum alterius sacrificij, ut sentit Bellarminus lib. 1. cap. 4. Ideo satis nunc sit ad confirmandum quod dicebamus, potuisse videlicet aliquando sacrificium esse sine gladio, & non sine igne: satis sit, inquam holocaustum Auium, de quo sic habetur Levit. 1. *Offeres eam Sacerdos ad Altare, & recorto ad collum capite, ac rupto vulneris loco, configuresque ascellas eius & non secabit, neque ferro divides eam, & adolebit super Altare lignis igne supposito.* Cuius exemplum præcessit ante legem, nam Abraham Genes. 15. iussus sacrificium offerre, Aues non diuisit, & tamen facula transiens Aues etiam absumpsit, & consumpsit, ut hoc modo perficeretur Abrahamæ sacrificium, ut ait Chrysostomus Homil. 37.

XXV.  
Holocaustum  
Auium sine  
ferro.

Atque hic aduertendum est, quod quando dicimus proprium esse Sacerdotij Aaronici, gladium, & ignem, sub nomine talis Sacerdotij comprehendimus quodcumque Sacerdotium oppositum Sacerdotio Melchisedech, quale censendum etiam est Sacerdotium Patriarchale, & quodcumque aliud legis naturæ. Quare ab Abel Sacerdote vsque ad Aaron semper in gladio, & igne sacrificatum est. Ideo Abraham Sacerdotem agens, tulit ligna holocausti, & imposuit super Isaac puerum suum, ipse verò portabat in manibus ignem, & gladium. Quare nos discendum à Lessio non solum quia consumptionem sacrificij Melchisedech, factam dicit eo peculiari modo, quem præscribebat ritus Aaronicus, sed quia simpliciter affirmat per ignem factam, quod genus consumptionis erat omnibus omnino sacrificijs commune, etiam ante Aaronem, quia Sacerdotium Melchisedech singulare omnino fuit, & nullam prorsus connexionem habuit cum aliis Sacerdotiis quibuscumque. Vnde non licet ex illis certum vllum sumere argumentum, aut conjecturam.

XXVI.  
Omnia Sacri-  
ficia etiam le-  
gis naturæ in  
igne, & gladio.

Genes. 22.

# Authoris Sententia.

XXVII.

*Quo ritu Melchisedech suum Sacrificium consumabat.*

- XXVIII. *Via indagandi certa, & utilis.*  
 XXXIX. *Regressus non utiosus.*  
 XXX. *Non quidquid est in figura pertinet ad figuram.*  
 XXXI. *In quo Sacrificium Christi, & Melchisedech fuerunt figuratum, & figura.*  
 XXXII. *Præstantia Sacrificij Melchisedech.*  
 XXXIII. *Visibile virisque, planè idem.*  
 XXXIV. *Ritus Melchisedech in consumatione Sacrificij.*  
 XXXV. *Sumptio Sacramentalis, & Sacerdotalis in quo differunt.*  
 XXXVI. *Consumatio est pars essentialis Sacrificij.*  
 XXXVII. *Christus consumauit per sumptionem.*  
 XXXVIII. *Inquiritur modus consumationis in figura ipsa.*  
 XXXIX. *Abraham sumpsit Sacramentum communionis.*  
 XL. *Panis Melchisedech consecratus in Typum Eucharistia.*  
 XLI. *Argumentum ex veneratione Abraham.*  
 XLII. *In lumbis Abraha omnis Ecclesia.*  
 XLIII. *Solus Christus in lumbis Abraha non fuit decimatus.*  
 XLIV. *Sermo grandis, & in interpretabilis.*  
 XLV. *Communionis generalis figura.*  
 XLVI. *Corpus Christi est omnis Victimæ.*  
 XLVII. *Eucharistia Conuiuium Castrense.*  
 XLVIII. *Ex distributione inferitur consequentia sumptionis Sacerdotalis.*

XXVIII.  
*Via indagandi  
 certa & utilis.*



N I C A ergo via indagandi modum, quo Melchisedech suum Sacrificium consumabat, est obseruare Sacrificium, cum quo illud habuit connexionem in ratione repræsentantis, & repræsentati, figurantis, & figurati. Hæc via optima est ad indagandum, quia de ratione figura, & figurati est vt quidquid in figurato apparet expressum, insit, & saltem lateat occultum in figura: habent enim figura, & figuratum rationem communem delineationis, & imaginis; de ratione autem bonæ delineationis, & bonæ imaginis est, vt nihil sit in vna secundum eam rationem, secundum quam comparantur ad inuicem, vt tales sunt, vt nihil inquam sit in vna, quod in altera non reperiatur; diuersimodè tamen, nam quidquid est in imagine expressum & coloratum, reperiiri debet saltem ruditer, & vmbriticè in delineatione, & quidquid

quid est in delineatione adumbratum, repetiri in imagine debet perfectè expressum, & coloratum.

Porrò Sacerdotium, & sacrificium Melchisedech, sicut nullam habuit connexionem, & similitudinem cum reliquis cuiuscumque legis, & ordinis Sacerdotiis, & sacrificiis, ita habuit summam, & singularem cum Sacerdotio, & Sacrificio Christi, & Christianæ Religionis.

Vnde illud consequens est ad rem nostram, quod sicut frustra sumimus ab aliis conjecturam, ita si perfectè scrutemur sacrificium Christi, & Christianæ Religionis, inueniemus omnino in eo expressum, quod non ita clarè deprehenditur, & cernitur in sacrificio Melchisedech.

Et sanè quod Dialecticis in suis argumentationibus non est negatum, omnino licet Interpreti sacræ Scripturæ, non solum à figura cognita descendere ad cognoscendum figuratum, sed rursus à figurato, non iam in figura, sed in se cognito regredi ad figuram perfectius cognoscendam, id quod vt in re nostra solide fiat.

Statuendum firmiter est, in quo hæc duo sacrificia, Christi scilicet, & Melchisedech, se habuerint vt figuratum, & figura; seu quidnam est illud, quod in sacrificio Melchisedech pertinet ad figuram, & rursus in sacrificio Christi pertinet ad figuratum: non enim quidquid est in figura pertinet ad figuram, exempli gratia. Sacrificium Abelis non solum figura fuit sacrificij Crucis, verum etiam, vt docet Tertullianus, figura fuit sacrificij Altaris, immò S. Augustinus lib. 17. de Ciuit. cap. 20. & lib. 1. contra Aduer. leg. & Prophet. cap. 18. & S. Leo Serm. 8. de Passione Domini docent, omnia sacrificia antiqua, quantumvis cruenta, figuras esse sacrificij Eucharistiæ, vt supra monuimus. Sacrificium ergo Abelis fuit figura sacrificij Altaris, sed non quidquid fuit in illo sacrificio pertinuit ad hanc figuram, licet enim oblatio Agni ad Eucharistiam pertinuerit, quatenus in Eucharistia vera caro & sanguis Christi Agni immaculati immolatur, tamen modus cruentæ mactationis, & consumptionis sacræ per ignem in illo sacrificio, ad figuram sacrificij Altaris non pertinuit. Quare cum plurimæ, & inter se contrariæ figuræ idem sacrificium Eucharisticum figurauerint, hanc generalem regulam elicio ex Bellarmino lib. 1. cap. 7. Ad figuram Eucharistiæ, illa tantum in singulis figuris pertinere, quæ non pugnant cum impletionem aliarum figurarum. Quærimus ergo iam quid est illud, quod in sacrificio Melchisedech pertinet ad figuram? certè substantia panis, & vini ex Regula data non pertinet, quia pugnaret cum omnibus aliis figuris aliorum Sacrificiorum, quæ cum sacrificia ex viuentibus, & animantibus essent, veram carnis substantiam requirebant in figurato, alioquin figuratum fuisset sua figura vilius, & ignobilius. Quod ergo pertinet ad hanc figuram est forma, seu species externa sacrificij Eucharistici, cum qua exteriori, & visibili forma, interior, & inuisibilis viuentis substantia, cuius omnia alia sacrificia fuerunt figuræ, non pugnant.

Statuamus ergo tanquam certum, sacrificia Christi, & Melchisedech habuisse inter se rationem figuræ, & figurati in facie visibili, & externa sacrificij, ita vt per hanc faciem singulariter, tam sacrificium Melchisedech, quam sacrificium Christi, & suæ Ecclesiæ, dignoscatur, & differat ab omnibus aliis antiquis sacrificiis. Quo planè sensu intelligendus est locus egregius Augustini lib. 16. de Ciuit. cap. 22. de sacrificio Melchisedech. *Ibi primum*, inquit, *apparuit Sacrificium, quod nunc à Christianis offertur Deo, toto orbe terrarum.* Nota, ibi primum ap-

XXXIX.

*Regressus non  
distinguitur.*

XXX.

*Non quidquid  
est in figura  
pertinet ad fi-  
guram.*

XXXI.

*In quo Sacrifi-  
cium Christi &  
Melchisedech  
sunt figura-  
tum, & figura.*



paruit, non dicit, ibi primum fuit, quia verè etiam ante Diluvium ab origine Mundi in omnibus sacrificiis hoc nostrum fuit, sed ibi primum apparuit, quia sacrificium Melchisedech est ipsa facies sacrificij nostri.

XX XII.  
*Præstantia Sa-*  
*cificij Melchi-*  
*sedech.*

Atque hinc apparere incipit præminencia sacrificij Melchisedech præ omnibus aliorum sacrificiis. Primogenitus enim omnis creaturæ volens sacrificium visibile offerre, & instituere, non solum exclusit interiorem substantiam aliarum victimarum, verum etiam omnia illarum sensibilia accidentia: Neque enim solum noluit in sui sacrificium offerri Agnum, tanquam substantiam à se diuersam, sed neque se ipsum, suamque substantiam sub specie, & accidentibus visibilibus Agni, at omnino voluit totam externam faciem, omnia visibilia accidentia habere communia cum sacrificio Melchisedech, vt quoniam interior substantia sacrificij nostri necessario debebat esse diuersa, quia præstantior, esset saltem tota exterior species, & visibilis forma, planè eadem. Hinc Tridentinum Sess. 22. cap. 1. iustificè ad rem præsentem agens de Christo. Vt dilectæ, inquit, sponsæ suæ Ecclesiæ, visibile, sicut hominum natura exigit, relinqueret sacrificium, Sacerdotem secundum ordinem Melchisedech se in æternum constitutum declarans, corpus, & sanguinem suum sub speciebus panis, & vini Deo Patri obtulit, ac sub earundem rerum symbolis, quos tunc noui Testamenti Sacerdotes constituebat, vt sumerent, tradidit, & eisdem, eorumque in Sacerdotio successoribus, vt offerrent præcepit. Expende illud, *vt visibile relinqueret sacrificium, Sacerdotem secundum ordinem Melchisedech se declarans, &c.* Sacrificium ergo Ecclesiæ in toto eo, quod est, & debet esse visibile, est omnino idem cum sacrificio Melchisedech.

XXXIII.  
*Visibile vniuf-*  
*que planè idem.*

Atque hanc quidem summam in externo Symbolo, & ritu mystico similitudinem Patres omnes agnouerunt; quorum pauca quædam testimonia sed selecta subiiciam.

Primum sit S. Cypriani lib. 2. Epist. 3. ad Cæcil. Christus, inquit, obtulit hoc idem, quod Melchisedech obtulerat; pondera *illud hoc idem*, at Melchisedech obtulit panem, & vinum, Christus corpus & sanguinem? *Hoc idem*, pergit Cyprianus, idest panem, & vinum, suum scilicet corpus, & sanguinem, idem ergo in tota visibili facie Sacrificij.

Secundum testimonium sit Eusebij Cæsariensis in 5. lib. demonstr. Euang. cap. 3. Christus ipsius Melchisedech ritu, ea quæ ad Sacerdotium spectant per suos Ministros perficit. Nota illud: *Ipsius Melchisedech ritu.*

Tertium sit S. Ambrosij in cap. 5. ad Hebr. Constat manere Melchisedech *institutum* quod toto orbe terrarum in Sacramentorum erogatione celebratur. Inquire, quid est Melchisedech *institutum*. Idem habet Cassiod. in Psal. 109.

Quartum sit Hieronymi in Epist. ad Marcellam. Melchisedech Mysterium Christianum in Saluatoris sanguine, & corpore dedicauit. Vide exterioris symboli identitatem.

Quintum S. Augustini Epist. 95. ad Innocentium. Melchisedech *prolato* Sacramento mensæ Dominicæ, nouit æternum eius Sacerdotium figurare. Nota: cum suum sacrificium obtulit, *protulit* Sacramentum Mensæ Dominicæ.

Sextum Eusebij Emisemi Serm. 5. de Paschate Melchisedech. Hoc, quod in Eucharistia celebratur, Christi Sacrificium, figurauit. Attende ad illud. *Hoc quod in Eucharistia celebratur.*

Septimum Eucherij lib. 2. cap. 18. in Genes. Vt non secundum Aaron pecudum victimas, sed oblationem panis, & vini, idest corporis, & sanguinis eius Sacramentum in sacrificium offeramus. Siste, si neque pecudum, neque panis, & vini substantiam offerimus, cur illa nullo modo, hæc verò sunt totum nostrum Sacrificium?

Octauum Primasij in cap. 5. Epist. ad Hebræos. Vnde patet Sacrificium pecudum periisse, quod fuit ordinis Aaron, & illud manere potius, quod fuit ordinis Melchisedech, quod Christus corroborauit, & Ecclesiam tenere docuit. Considera illud: quod Christus corroborauit, *idem corroboratum.*

Nonum Ioannis Damasceni lib. 4. de Fide cap. 14. Mensa illa Melchisedech, mysticam hanc adumbrat, quemadmodum & Sacerdos ille veri Pontificis Christi figuram, & imaginem præse ferebat. Vis cognoscere quam propriè hæc mensa sit illa? Vide apud Paulum Hebr. 7. vt hic Sacerdos, sit ille.

Decimum Oecumenij in cap. 5. ad Hebr. Melchisedech fuit primus, qui hostiam sine sanguine, panem, & vinum obtulit. Pulchrè dictum. *Hostiam sine sanguine* Hostia seu victima dicitur Sacrificium ex animantibus.

Vndecimum Theophylacti in cap. 5. ad Hebr. de Christo hæc habet. Hic enim, & solus Melchisedech in morem illius, pane, & vino sacrificabat. *In morem illius*, tene hoc verbum.

Duodecimum, quem inter Sanctissimos Patres nominatum volo, sit Cardinalis Bellarmini lib. 1. cap. 6. ex quo præcipua hæc delegimus, & attulimus testimonia. Sacrificium, inquit, Ecclesiæ est verè secundum ordinem Melchisedech, quia in Symbolo exteriorè planè conueniunt; quod autem substantia interior sit diuersa, non refert, quia significatio, seu repræsentatio in accidentibus, non in substantia est.

Sed quorsum tot testimonia, quorsum tam iterata confirmatio propositionis non obscuræ, quod scilicet sacrificium Christi, eiusque Ecclesiæ, in eo, quod visibile est, sit planè idem cum sacrificio Melchisedech. Quorsum? vt propositum initio rem explicarem satis obscuram, qua videlicet ratione, ritu, & forma Melchisedech suum Sacrificium consumabat.

Hæc igitur esto nostra Conclusio.

Melchisedech Sacerdos Dei Altissimi non alio modo, ac ritu, suum panis ac vini sacrificium consumabat, quàm per eiusdem panis, & vini sumptionem Sacerdotalem

Dixi sumptionem Sacerdotalem, ad distinguendam sumptionem propriam sacrificij, seu sacrificalem à sacra sumptione, non propria sacrificij, sed merè Sacramentali.

Est autem magnum discrimen inter sumptionem sacrificalem, & sumptionem Sacramentalem; & hoc loco valdè notandum: ac primum quidem discrimen est ex parte sumentis, nam in sumptione merè Sacramentali, qualis à laico fit, vel etiam à Sacerdote extrà Sacrificium, sumens se habet, vt priuata persona, at in sumptione sacrificali, sumens, se habet vt legitimus Minister, & persona publica ad illam actionem deputata, & ordinata. Quare S. Thomas 3. par. quæst. 80. art. 12. ad 3. agens de laicis non sumentibus sanguinem sub specie vini. *Sacerdos*, inquit, *in persona omnium sanguinem offert, & sumit.* Alterum discrimen est ex parte finis, quia in sumptione merè Sacramentali, non tam attenditur consumptio,

XXXXIV.

*Ritus Melchisedech in consumptione sacrificij.*

XXXXV.

*Sumptio Sacramentalis & Sacerdotalis in quo differunt.*

quàm sumptio, quia non tam attenditur cultus Dei, quàm propria spiritualis utilitas; At in sumptione sacrificali magis attenditur consumptio, quàm sumptio, quia non tam ordinatur ad propriam utilitatem, quàm ad cultum, & honorem Dei. Quare laicus consumat, quia sumit: at Sacerdos sumit, vt consumat; hinc est, vt sumptio laicalis per se non requirat Altare, requirit verò sumptio Sacerdotalis. Et ratio horum omnium petenda est à natura ipsa Sacrificij, & Sacramenti. Nam Sacrificium ita continet Dei cultum, vt immediatè referatur ad illum, & institutum per se sit propter illum: Sacramentum verò licet etiam suo modo contineat cultum Dei, non tamen immediatè, sed mediatè tantum ordinatur ad illum, quatenus immediatè ad ipsos cultores Dei, quos disponit, seu sanctificat ad cultum Dei; atque hinc fit, vt sumptio sacrificalis consistat in actione aliqua, quæ est in genere oblationis, quæ ad Deum refertur: sumptio verò Sacramentalis, potius in receptione, quàm in actione consistit, & in quadam quasi passione, quæ in Dei cultoribus aliquo modo suscipiatur; atque hinc tandem oritur, vt vna numero sumptio sacrificalis, possit à multis offerri, & omnibus prodesse: Vna verò sumptio Sacramentalis in vno tantum recipiatur, & vni tantum, hoc est sumenti profit. Vlui diuersitatem inter vtramque sumptionem significare, quia vidi doctissimos viros parum illam aduertere, cum tamen in tota materia de Sacrificio valde sit necessaria, vt præ oculis habeatur.

Probo iam positam conclusionem ex superius dictis hoc modo. Ritus externus Sacrificij visibilis, quo utebatur Melchisedech est omnino idem cum ritu externo Sacrificij visibilis, quo in Cæna vsus est Christus, & ex eius institutione iam vtitur Christiana Religio seu Ecclesia. Hoc probant allata testimonia Sanctorum Patrum, ex quibus docemur propterea Sacerdotium Ecclesiæ esse secundum ordinem Melchisedech propter ritum videlicet Sacrificij dissimilis à quocunque alio, & consimilis Melchisedech. Vbi est valde notandum, non tantum à Patribus agnosci similitudinem vtriusque in re oblata, sed etiam in ritu, & forma oblationis, quia Sacrificium propriè in actione sacrificali consistit; & ideo in eius definitione res oblata ponitur in obliquo, oblatio verò in recto, & in Psalmo non dicitur præcisè secundum victimam Melchisedech, sed secundum ordinem, hoc est secundum ritum, secundum morem, & vt ex Hebræo, & Græco explicat Genebrardus, secundum ea omnia, quæ pertinent ad Sacerdotium, & sacrificium Melchisedech. Hinc dixit Theodoretus, Christum à Melchisedech exorsum fuisse suum Sacerdotium, & Sacrificium; & Augustinus, in Melchisedech primum Christi sacrificium apparuisse, & Primasius, manere adhuc sacrificium Melchisedech, quod Christus corroborauit tantum per interiorem substantiam corporis, & sanguinis sui, cæteris visibilibus immutatis. Maneat ergo fixum idem externum, & visibile sacrificium fuisse Christi, & Melchisedech quoad omnia essentialia externa, & visibilia: Quod planè postulat singularis perfectio huius figure super omnes alias, vt supra meminimus.

Ergo modus, quo Melchisedech suum Sacrificium consumabat est planè idem cum modo, quo Christus in Cæna suum Sacrificium consumauit, & suæ Ecclesiæ consumandum reliquit. Hæc consequentia probatur facile, quia consumatio Sacrificij est pars essentialis, & potissima ipsius Sacrificij. Cum enim Sacrificium formaliter in sacificatione seu oblatione sacrificali consistat, & oblatio sacrificalis, vt consentiunt Aduersarij in præsentia quæstione distinguatur à simplici obla-

XXXVI.  
Consumatio est  
pars essentialis  
Sacrificij.

tione per hoc quod sit essentialiter consumptiua rei, quæ offertur in Sacrificium; necessario sequitur consumationem Sacrificij, quæ habetur per Hostiæ, seu victimæ consumptionem, esse partem maximè intrinsecam, & essentialè sacrificio. Cum ergo sacrificium Christi, & Melchisedech sit planè idem quoad essentialia externa, & visibilia sacrificij, planè conficitur, modum, quo Melchisedech suum Sacrificium consumabat, eundem fuisse cum modo, quo Christus in Cæna suum Sacrificium consumauit.

Pergamus. Sed Christus in Cæna suum sacrificium non alio modo, ac ritu præterquam per sumptionem Sacerdotalem consumauit; ergo Melchisedech non alio modo, ac ritu præterquam per eandem sumptionem Sacerdotalem, suum panis, ac vini sacrificium consumabat, quæ erat nostra Conclusio.

XXXVII.  
*Christus consumauit per sumptionem.*

Tota ergo difficultas eo redacta est, vt ostendamus Christum per sumptionem, suum sacrificium consumasse; sed Authores quibus cum in prænti disputamus, hoc vitrò concedunt, quantum pertinet ad consumationem visibilem, & realem, quæ posita sit in destructione visibili rei oblatae saltem concedunt omnes, si ad sacrificium necessaria est destructio visibilis rei oblatae, eam abunde haberi quantum postulat Sacrificium per sumptionem; quare si concedatur ex figurato similem quoque Sacerdotalem sumptionem præcellisse in figura, illa omnino sufficiens est ad consumationem sacrificalem, vt necessarium non fuerit ad aliud destructionis modum per ferrum, & ignem confugere. Sed qua ratione sumptio pertineat ad essentiam Sacrificij nostri, quod est secundum ordinem Melchisedech, redibit sermo inferius. Interim experiri libet, an quod de figura cognouimus ex figurato tantum, iam non ex figurato, sed in figura ipsa deprehendamus; hæret enim animo, quod antea diximus, quidquid in figurato expressum patet, saltem adumbratum latere in figura ipsa, ibique quandoquidem inest, reperiri tandem posse, si diligentius inquiratur; ergo ex figura ipsa Melchisedech pro vt exponitur Genes. 14. Sic iterum argumentor. Melchisedech proferens panem, & vinum communicauit Abraham Patriarcham communionem Sacramentali; ergo prius eiusdem panis, & vini Sacrificium consumauit sumptione Sacerdotali. Antequam consequentiam probemus explicandum est antecedens, cuius veritas non aliunde ostendenda est, quam ex ipsa Geneseos historia, non à Caluino, & Kemnitio, sed à sapientissimis, sanctissimisque Ecclesiæ Doctoribus explicata.

XXXVIII.  
*Inquiritur modus consumationis in figura ipsa.*

XXXIX.  
*Abraham sumpsit Sacramentum communionis.*

Itaque Caluinus, & qui eum sequuti sunt Sectarij contendunt, Melchisedech distribuisse panem, & vinum Abrahamo, sociisque eius in solam, & meram corporalem refectionem illorum, quippe qui fatigati ex prælio reueriebantur. Contra prædoctores Catholici ostendunt primo loco nullam fuisse necessitatem, cur Melchisedech in solam corporalem refectionem panem, & vinum proferret. Nam vt habet Scriptura cap. 14. quam benè ponderat P. Vasquez disput. 126. cap. 3. post Bellarminum, rediit Abraham ex prælio cum ingenti præda, in qua erant etiam ea, quæ ad cibum pertinent, vt in sacro Textu aperte dicitur; immò in fine capitis additur, milites Abraham cibum sumpsisse, antequam eis occurreret Melchisedech. Quid igitur, ait Bellarminus, opus erat pane, & vino iis, qui spoliis abundabant, & paulò ante comederant, & biberant? Quod si Melchisedech Rex voluisset communi, & vsuali epulo magnum Abrahamum excipere, non protulisset tantum, quòd etiam obseruauit Vasquez disp. 86. cap. 3. panem, & vinum: & quod planè conuincit, si illa tantum tanquam cibum planè communem, & vsua-



lem protulisset, non addidisset illam causam Scriptura. *Erat enim Sacerdos Dei Altissimi*, nam particula illa causalis, nullius planè rei causam reddidisset: immo prorsus inepta fuisset, ait Suarez, nisi illa prolatio ad munus Sacerdotale pertinuisset, aut saltem omnino superflua, vt sentit Abulensis in cap. 14. quia ad solam, inquit, præsentationem cibi non requirebatur quod esset Sacerdos.

X L.

*Panis Melchisedech con-  
cratus in ty-  
pum Eucharis-  
tiae.*

Ideo Sanctissimi Ecclesiae Patres docuerunt Melchisedech, qui conditionibus personae suae præfiguravit Christi Sacerdotium in ea distributione panis, & vini præfigurasse distributionem Eucharistiae; quæ fidelibus Ecclesiae ministris, post partem de peccatis victoriam in alimentum spirituale cedit; & quod in nocte Coenae Christus ipse perfecit, distribuens discipulis suis, & dicens: *Accipite, & comedite, hoc est enim corpus meum*. Hunc Clemens Alexand. lib. 4. Stromatum prope finem, Melchisedech, inquit, Rex Salem Sacerdos Dei Altissimi, qui vinum, & panem sanctificatum dedit nutrimentum in typum *Eucharistiae*. Vides, ait Bellarminus super hunc locum, panem non prophanum in refectorem ventris, vt Adversarij volunt, sed à Melchisedech vt Sacerdote Dei sanctificatum dari. Autor quaestionum veteris, ac noui Testamenti apud Augustinum ait Melchisedech obtulisse Abrahamo Eucharistiam Corporis, & sanguinis Domini, quod etiam ex antiquis Magistris Hebraeorum docuit Samuël libro de Aduentu Messiae cap. 19. Sic inquit: Melchisedech Sacrificium Dei instituit in pane, & vino, ex quibus communicauit Abraham amicum Dei, in quam sententiam dixit sanctus Ambrosius libro de iis, qui initiantur cap. 8. Melchisedech dedisse quæ Abraham veneratus accepit: per verbum illud veneratus, ait P. Suarez satis declarans panem illum non fuisse vulgarem, sed in figuram Corporis Domini sub illis speciebus aliquando continendi consecratum.

X L I.

*Argumentum  
ex veneratione  
Abraham.*

Et sanè ex veneratione Abraham erga Melchisedech, cui tanquam Summo Pontifici decimas dedit, & à quo, vt à maiore suo benedictionem accepit, validum argumentum sumere licet Magni Mysterij in illa prolatione panis, & vini. Quod sine dubio fuit argumentum Apostoli ad Hebræos 7. *Intuemini autem quantum sit hic*, ait Apostolus, *cui decimas dedit Abraham Patriarcha*. Tota emphasis comprehensa est illo verbo *Abraham Patriarcha*. Fuit Abraham, ait Cornelius, Patriarcha per excellentiam, primus, & maximus, atque adeo parens omnium Patriarcharum: Patriarcha enim, idem est quod Princeps, & Pater patrum, siue à quo multi Patres cum suis familiis descendunt, neque fuit tantum omnium Patriarcha, ait Cornelius quoad generationem naturalem, sed etiam quoad Sacerdotium, sicut enim Abraham omnium duodecim Tribuum fuit Pater, & Patriarcha, ita & eorundem Summus fuit Sacerdos Pontifex, nam capita familiarum earundem erant Sacerdotes: Ius enim Sacerdotij illo tempore per generationem carnalem deuolebatur in posteros, scilicet in primogenitos, & in Capite familiarum, ac consequenter omne Sacerdotium Hebraeorum descendit ab Abrahamo, eiusque Sacerdotio.

X L I I.

*In lumbis Abra-  
ha omnis Eccle-  
sia.*

Rursum, quod ex eodem Apostolo habemus, Abraham in ea propria inferioritatis, & minoritatis agnitione, & professione summæ dignitatis Pontificiæ in Melchisedech, non priuam, sed publicam, & verè Patriarchalem personam gessit, ita vt quidquid venerationis, & officij præstitit Melchisedecho, non suo tantum nomine, sed omnium quotquot erant in lumbis eius nomine præstitit.

Hinc Apostolus grauissimè intulit, totam Tribum Leviticam, & Aaronem cum



tota sua familia Sacerdotali, per Abraham decimas Melchisedech pendisse, & soluisse, atque adeo se inferiorem, & minorem agnouisse. *Adhuc enim* ait Apostolus, *in lumbis Patris erat quando obuiavit ei Melchisedech.* Atque hoc quidem genus argumentandi ab Apostolo usurpatum, occasione Theologis fecit inquirendi; An verè omnes, qui in lumbis Abraham tunc erant, fuerint in illo decimati: ex eo enim consequens videtur esse, non solum Patriarchas duodecim Tribuum Israël, sed etiam Apostolos, qui fuerunt Patres, & Patriarchæ Ecclesiæ immò Reginam ipsam Patriarcharum, quæ cum Apostolos omnibus Hebræis, ipsa etiam Hebræa, erat in lumbis Abraham: consequens, inquam, ex illa ratione est, ut Regina ipsa cum omnibus, qui pro patribus nati sunt illi filij, & constituti sunt principes super omnem terram, per Abraham, & in Abraham, Melchisedech tanquam maiorem, & Superiorem, Summumque Pontificem agnouerint, & adorauerint, ab eoque benedictionem reuerenter acceperint. Quam consequentiam Theologi negare non sunt auli, propterea S. Thom. 3. par. quæst. 31. art. 8. vbi quærit; utrum Christus in lumbis Abraham fuerit decimatus, ut eximat illum ab ea professione inferioritatis respectu Melchisedech, non ad aliam rationem recurrit, nisi ad illam, qua usus fuerat Aug. lib. 10. super Genes. ad litteram cap. 20. post medium, tom. 3. Quia nimirum Christus non continebatur in lumbis Abraham secundum seminalem rationem, secundum quam cæteri omnes filij Abraham continebantur in illo, sed tantum secundum corpulentam substantiam, cuius distinctionis vim explicat P. Suarez in Commentario sancti Thomæ; quia, inquit, filij contenti in seminali virtute parentis, sunt propriè in virtute, & quasi in naturali potestate eius, & ideo operari potest parens, ut Caput, & Principium eorum, at verò filius contentus solum secundum corpulentam substantiam, est in illo tantum secundum potentiam passivam, & quasi obediensalem saltem quoad modum generationis, & propagationis, & ideo non operatur propriè huiusmodi pater, ut caput, & principium talis filij, ita ut operationes eius ad filium aliquo modo pertinere censentur. Quæ ratio, quia singulariter probat de Christo, ideo concludit S. Thomas, quem sequuntur Theologi omnes, etiam Magnam Dei Matrem fuisse tunc in Abraham decimatam.

Iam verò considerato Abraham Patriarchatu cum continentia sic explicata. Inueniamur iterum, quantus fuerit hic Melchisedech, cui nimirum decimas dedit Regina ipsa omnium hominum, & Angelorum? Necessario facendum est, quod Patres affirmant; Abrahamum in Melchisedech Sacerdotio, & Sacrificio præcognouisse, quæ post ferè quingentos annos nouit Moyses, cum illum introduxit tanquam Sacerdotem æternum sine patre, sine matre, sine genealogia, & quæ post duo, & eo amplius annorum millia Paulus intellexit, cum dixit ad Hebr. 5. *Appellatus à Deo Pontifex iuxta ordinem Melchisedech, de quo nobis grandis sermo, & in interpretabilis ad dicendum quoniam imbecilles facti estis ad audiendum;* quem sermonem grandem esse de Sacrosancto, ac diuinissimo Eucharistiæ Sacrificio, & Sacramento consentiunt Interpretes cum S. Hieronymo epist. 126. ad Euagrium: & verè ait Bellarminus, cum Apostolus omnia planè exposuerit, quæ de Melchisedech dicuntur in Genesi, excepto oblatione panis, & vini, negari non potest quin per sermonem in interpretabilem, cui non erant idonei Hebræi, intelligi debeat Mysterium Eucharistiæ.

Hoc nimirum fidei Mysterium cognouit Abraham, & tanquam Pater cre-

## XLIII.

*Solus Christus  
in lumbis Abra-  
hæ non fuit de-  
cimatus.*

## XLIV.

*Sermo grandis  
& in interpre-  
tabilis.*

dentium, obtulit primo loco Sacrificium, vt ait S. Ambrosius lib. 1. de Abraham. cap. 3. non quidem vt Sacerdos ipse, sed vt lib. 3. de Fide cap. 5. explicat idem Ambrosius, obtulit tanquam Ecclesia, quam in lumbis gerebat per Melchisedech, tanquam per Sacerdotem summum illum Melchisedech, ait Ambrosius, per quem Abraham hostias Deo obtulit; Neque per Melchisedech tanquam per eum, qui erat, sed tantum per eum, quem representabat Sacerdotem Æternum, & Mundi Pontificem, è cuius manibus Sacrificatum panem, & vinum, tanquam Corpus, & Sanguinem Domini veneratus accepit, quod aperte docet S. Ambrosius, qui libro de initiandis cap. 8. cuius capitis titulus est, de sacra sancti Corporis Domini communione, ex hoc loco Genesios probat Ecclesiæ Sacramenta antiquiora esse, quàm Synagoga.

XLV.  
*Communio  
generalis signi-  
ta.*

Vides obiter primam, & luculentissimam vmbra generalis communionis, quam non solum Ecclesiæ Patres, sed Philo ipse Hebræus agnouit lib. 1. de Abraham, vnde agens de Melchisedech: mactatis, inquit, victimis splendidum epulum sociis omnibus dedit. At quas victimas mactauit Melchisedech, qui nunquam Sacrificium cruentum obtulit, qui pro suo singulari ordine, ritu, & instituto, obtulit semper in Sacrificium, solum panem, & vinum? Ita planè panis, & vinum, vt est Oecumenio vidimus in cap. 5. ad Hebr. Victima fuit incruenta, & hostia sine sanguine, quam primitus obtulit Melchisedech. De hisce victimis sermo est Prouer. 9. & 11. *Sapientia immolauit victimas suas, misceuit vinum, & proposuit mensam suam.* Victimam, inquit, non victimam, quia vnica victima sacrificij Ecclesiæ, quod est corpus aptatum Sacerdoti nostro, infinitis victimis æquipollet, immò ipsum est omnis victima, & sola victima. Hoc enim sacrificium corporis, ait August. lib. 17. de Ciuit. cap. 20. successit omnibus sacrificijs, quæ immolabantur in vmbra futuri, propter quod etiam vocem illam agnoscimus; corpus autem aptasti mihi, quia pro illis omnibus oblationibus corpus eius offertur, & participantibus ministratur: & nota quàm aptè huius typicæ mensæ conuiuæ fuerint milites Abraham: *pone mensam*, ait Isai. cap. 21. ver. 5. *pone mensam, contem-  
plare in specula comedentes, & bibentes, surgite Principes, & arripite clypeum,*

XLVI.  
*Corpus Christi  
est omnis Victimæ.*

nimirum, Conuiuium hoc quasi Castrense est, ad quod ab armis, & à quo iterum ad arma eundum est; ideo conuiuæ vocantur ad Arcem, & ad mœnia Ciuitatis. Sed de his alibi. Nunc quoniam satis explicuimus, & confirmauimus sententiam Patrum de distributione facta à Melchisedech Abraham, eiusque sociis in typum Eucharistiæ, indicemus consequentiam, quam ex illa distributione inferrebamus, nimirum Melchisedech per sumptionem eiusdem typici panis, ac vini, Sacerdotalem suum sacrificium consummasse.

XLVII.  
*Eucharistia  
Conuiuium Castrense.*

XLVIII.  
*Ex distributione  
inferitur consequentia  
sumptionis Sacerdotalis.*

Hanc autem, quam breuissimè ostendo ex doctrina S. Thomæ 3. par. quæst. 82. art. 4. vbi hæc habet: per hoc quod Sacerdos Sacrificium populo dispensat, ostendit se esse dispensatorem Diuinorum, quorum ipse primo debet esse particeps, sicut Dionysius dicit in libro Ecclesiast. Hierar. & ideo ipse ante sumere debet, quam populo dispenser; vnde in Concilio Toletano legitur: quale est Sacrificium, cui nec ipse sacrificans particeps esse dignoscitur? Per hoc autem sit particeps quod de Sacrificio sumit secundum illud Apostoli 1. Corinth. 10. *Nonne qui edunt hostias participes sunt Altaris;* & ideo necesse est, quod Sacerdos, quotiescumque confecerat, sumat integrè hoc Sacramentum.

FINIS LIBRI SECVNDI.

LIBER



# LIBER TERTIVS.

De Naturâ huius Montis,

QVI EST

*Secundus de Essentia Sacrosancti  
Ecclesie Sacrificij.*



T propius ad essentiam incruenti Sacrificij explicandam accedamus, necessarium erit in examen vocare celebrem controuersiam, & à Theologis, tum antiquioribus, tum recentioribus, diu, multumque agitatum, in qua nimirum parte Sacrosanctæ nostræ Liturgiæ inuenitur ratio Sacrificij, propriè dicti, & supra definitione explicati. Vt enim ad Ecclesiæ Sacrificium funditus extirpandum ratiocinantur Hæretici apud

Bellarminum lib. 1. cap. 27. Si Missa Sacrificium esset propriè dictum, certè in aliqua eius parte inueniretur essentia Sacrificij, nulla autem est huiusmodi pars assignabilis, nam post Missam Cathecumenorum, in qua certum est non consistere Sacrificij rationem quinque partes inueniuntur. *Prima*, oblatio panis, & vini. *Secunda*, consecratio, & transmutatio panis in Corpus, & vini in Sanguinem Domini. *Tertia*, oblatio corporis, & sanguinis per expressa verba. *Quarta*, fractio, & commixtio Sacramenti. *Quinta*, distributio, & consumptio eiusdem.

Et quidem in oblatione panis, & vini Sacrificium Missæ non consistere, extrâ controuersiam est; non enim res terrenæ esse possunt illud vnicum Sacrificium, quod in Ecclesia vigere pro omnibus veteribus Sacrificiis Patres affirmant.

In Consecratione, quæ est secunda pars, non apparet vlla oblatio, quæ tamen


de ignisfeca ratione Sacrificij est. Præterea non fit in consecratione vlla sentibilis immutatio rei, quæ offertur, quæ mutatio ad rationem externi Sacrificij pertinere videtur.

Oblatio corporis, & sanguinis, tertia videlicet pars, quæ sequitur ad consecrationem, ad essentiam Missæ pertinere non potest, proinde neque in ea ratio Sacrificij constitui debet; nam Christus Dominus, quem huius sacrificij Authorem habemus, post consecrationem continuè Sacramentum distribuit, ac manducari præcepit; sic enim ait: *Accipite, & manducate, hoc est corpus meum.* Nullum igitur fuit tempus, in quo Dominus consecratum panem Deo offerre potuerit. Deinde si verum est, quod S. Gregorius scribit lib. 7. Epist. 63. Solummodo Orationem Dominicam Apostolos addidisse ad verba consecrationis; certè nec ipsi faciebant illam oblationem, quam nos post consecrationem facimus; non igitur illa oblatio ad essentiam Sacrificij pertinet.

Porro fractio, quæ quarta pars est, sine dubio non habet Dominum Authorem, Dominus enim fregit quidem panem, sed fregit, vel ante consecrationem, ut multi volunt, vel statim à consecratione, ut distribueret eius Discipulis. At nostra fractio fit post consecrationem multis aliis actionibus interjectis, & non fit ad distribuendum, sed ad certum mysterium significandum.

Denique manducatio, seu consumptio non videtur propriè Sacrificium, cum non fiat à solo Sacerdote; & quamvis ad essentiam Sacrificij pertineret, non potest tamen in ea sola tota essentia Sacrificij constitui, nam sine oblatione, & dedicatione præcedente Sacrificium esse non potest.

Hanc objectionem ait Bellarminus faciunt partim Hæretici, ad Missam opugnandam, partim etiam Catholici ad rem melius explicandam. Nos igitur, ut vtrisque ea soliditate, quam rei gravitas postulat respondeamus, graviores aliquot quæstiones, & maximè controverſas apud Catholicos ipsos, agitabimus ex quibus facillimum erit reliquas definire.



## QVÆSTIO PRIMA.

*Utrum essentia Sacrificij Missæ consistat in Consecratione.*

- I. *Nostra Sententia eiusque fundamentum.*
- II. *Materia Sacrificij nostri est Corpus Christi.*
- III. *Corpus Christi una pro omni Victimæ.*
- IV. *Corpus Christi ut est extrà Sacramentum non est materia Sacrificij.*
- V. *Materia Sacrificij est Panis Cælestis.*
- VI. *Probatnr paritas Incarnationis, & Consecrationis.*

- VII. *Christum est offerens, ut est sub speciebus.*  
 VIII. *Fundamenta contraria sententia.*  
 IX. *Primum ex facto Christi.*  
 X. *Sacrificium non colligitur precise ex verbis consecrationis.*  
 XI. *Potius colligitur ex distributione.*  
 XII. *Ex quibus verbis Institutionis.*  
 XIII. *Non fuit necesse, ut Evangelista oblationem exprimerent.*  
 XIV. *A Christo precepta fuit oblatio.*  
 XV. *Oblatio Altaris est imitatio oblationis Crucis.*  
 XVI. *Secunda oblectio ex Sacerdotio.*  
 XVII. *Potestas offerendi presupponit potestatem consecrandi.*  
 XVIII. *Potestas offerendi inseparabilis à potestate consecrandi.*  
 XIX. *Actus consecrandi, & offerendi inter se distincti.*  
 XX. *Tertia oblectio ex Patribus.*  
 XXI. *Christus ut in propria specie non est res oblata.*  
 XXII. *Quod censetur tempus oblationis.*  
 XXIII. *Quarta oblectio ex congruitate actionis.*  
 XXIV. *Christus ut existens Sacramentaliter est materia Sacrificij incurrentis.*  
 XXV. *Quinta oblectio à persona offerentis.*  
 XXVI. *In persona Christi formalis, & principalis sit oblatio, quàm consecratio.*  
 XXVII. *Sexta oblectio ab exclusionem aliarum actionum.*  
 XXVIII. *Sacrificium consistit in ea actione, qua est oblatio.*  
 XXIX. *Terminus oblationis Sacrificialis.*  
 XXX. *Consecratio excellentior, sed oblatio principalior.*  
 XXXI. *Sumptio Sacerdotalis est actus Sacrificialis.*  
 XXXII. *Sumptio Sacerdotis extrà actum proprii Sacrificij non potest esse Sacrificialis.*  
 XXXIII. *Sumptio Sacrificialis ut differat ab usu Sacramenti.*  
 XXXIV. *Septima oblectio ab inconueniente.*  
 XXXV. *Consecratio natura sua separabilis à sacrifice.*  
 XXXVI. *Cui ex precepto non possit consecratio fieri sine Sacrificio.*



ENVS huius controuersie perspicuus est, an scilicet oblatio Sacrificialis posita formaliter, & essentialiter sit in actione ipsa consecrationis, ita ut sacrificatio idem sit, quod consecratio. Diuisi sunt Authores vtrinque. Pro affirmante citantur plures, quos conuenit noster Fagundez lib. 3. primi precepti Ecclesie cap. 4. Pro negante citantur ab Aduersariis ipsis, ut videre est apud eundem Fagundez. Albertus Magnus in 4. dist. 13. art. 24. Scotus in eodem 4. distinct. 13. quæst. 2. Gabriel ibidem quæst. 1. Ledesma 1. p. 4. quæst. 23. art. 4. & alij, qui docent consecrationem esse quidem aliquod necessarium præuium ad sacrificium; propriè tamen non esse partem essentia Sacrificij ad eum planè modum, quo Incarnatio necessaria quidem fuit ad sacrificium Christi cruentum, non tamen fuit pars eius, sed veluti præpara-



tio quorundam rei offerendæ seu materiæ sacrificandæ iuxta illud ad Hebr. 7. *Corpus autem aptatis mihi.*

## I.

*Notra Senten-  
tia cuiusque  
fundamentum.*

Nos expensis pro utraque sententia rationum momentis, ad hanc posteriorem partem inclinamus. Ponimus autem nostrum fundamentum hoc modo.

Oblatio sacrificialis præsupponit consecrationem; ergo oblatio sacrificialis non consistit in consecratione. Antecedens, in quo tota vis est, probatur. Oblatio sacrificialis præsupponit Corpus Christi sub esse Sacramentali; ergo præsupponit consecrationem, per quam Corpus Christi est sub illo esse. Probo hoc antecedens. Corpus Christi sub esse Sacramentali est materia oblationis sacrificialis; ergo oblatio sacrificialis præsupponit Corpus Christi sub esse Sacramentali. Consequentiam admiittunt omnes, quia materia cuiuscumque Sacrificij, circa quam versari debeat oblatio sacrificialis, præsupponitur oblationi ipsi sacrificiali; ideo P. Suarez, qui docet consecrationem pertinere intrinsecè ad oblationem sacrificalem, cohærenter negat Corpus Christi sub esse Sacramentali esse materiam & P. Vasquez, qui concedit Corpus Christi esse materiam, negat esse materiam sub esse Sacramentali, quia sentit cum P. Suarez, consecrationem pertinere intrinsecè ad oblationem sacrificalem. Neque enim potest intelligi, materiam, circa quam aliqua actio versatur, ad illam non præsupponi. Si ergo nos probauerimus oblationem sacrificalem versari circa Corpus Christi, ut est sub esse Sacramentali; evincemus apertè consecrationem, per quam Corpus Christi habet esse Sacramentale, antecedere, & præsupponi ad oblationem.

## II.

*Materia Sacri-  
ficij nostri est  
Corpus Christi.*

Probo igitur. Corpus Christi sub esse Sacramentali esse materiam oblationis. Corpus Christi est materia oblationis, seu res oblata, tanquam materia; sed non est talis, ut est extrâ Sacramentum, in suo esse naturali, ut Aduersarij fatentur; ergo est materia prout est in Sacramento sub esse Sacramentali.

Et primo, quod Corpus Christi, seu Christus sit res oblata tanquam materia principalis huius Sacrificij probatur, quia in quocumque Sacrificio materia principalis oblationis est victima, seu hostia Sacrificij, ut patet ex omnibus Sacrificiis figuratibus. Sed victima & hostia Sacrificij nostri est Corpus Christi, seu Christus; ergo Christus est materia principalis Sacrificij nostri.

Hæc propositio Aduersarios Catholicos vehementer vrget, quia ex vna parte negare non possunt; Victimæ, & hostias antiquorum Sacrificiorum fuisse veram materiam oblationum sacrificialium; quis enim negabit, Agnum, quem obtulit Abel Genes. 4. fuisse veram, & principalem materiam Sacrificij sui? Ex altera verò parte tenentur fateri, Agnum Sacrificij nostri esse ipsum Christum. Hoc, est quod sanctus Andreas Apostolus dixit Proconsuli: *Ego immaculatum Agnum in Altari offero, cuius carnis posteaquam omnis populus credentium manducaverit, Agnus, qui immolatus est, integer persenerat, & vivus.* Hoc, est, quod S. Gregorius Nissenus Orat. 1. Pasch. professus est. *Arcano*, inquit, *Sacrificij modo ipse est Sacerdos, & Agnus.* Hoc, est quod explicavit Greg. Homil. 22. in Euang. *Quid*, inquit, *sic sanguis Agni, non audiendo, sed bibendo didicisti.* Hoc, est denique, quod Apostolus ipse testatur 1. Cor. 5. *Pascha nostrum*; hoc est: *Agnus noster Paschalis immolatus est Christus.* Quid ergo ad consequentiam respondendum? Atque, quod est planè mirabile, fuisse quidem Agnos illos figurales, propriè materiam veterum oblationum; sed Agnum nostrum verum non esse

## III.

*Corpus Christi  
una pro omni  
victima.*

proprie materiam Sacrificij nostri. At clamat Chrysost. Homil. 24. in 1. Cor. *Pro victimarum, & pecorum cade se ipsum offerendum præcepit.* Clamat Augustinus lib. 17. de Ciuit. cap. 20. *pro illis omnibus Sacrificiis, & Oblationibus corporis eius offertur.* Clamat S. Leo Sermon. 7. de Pass. Vt umbræ cederent corpori, & cessarent imagines sub præsentia veritatis, antiqua obleruantia nouo tollitur Sacramento: *Hostia in hostiam transit, sanguinem sanguis excludit.* Clamat Beda in cap. 22. Lucæ: *Pro carne Agni, ac sanguine, sui corporis, sanguinisque Sacramentum instituit.* Ex quibus Patrum testimoniis sic argumentor. Corpus Christi fuit aptatum à Spiritu Sancto iuxta illud: *corpus autem apræsti mihi, vt succederet victimis omnibus omnium Sacrificiorum, & vt vtar verbis S. Leonis Sermon. 8. de Passione: Vt omnes differentias hostiarum, vna corporis, & sanguinis eius impleret oblatio; ergo ita comparatur Corpus Christi, seu Christus ad vnicum Sacrificium nostrum, sicut comparabantur omnes victimæ antiquæ ad omnia antiqua Sacrificia, sed illæ se habebant proprie vt materia oblationis sacrificialis; ergo ita se habet in Sacrificio nostro Corpus Christi.*

Altera propositio, quæ erat, Christum non esse materiam oblationis, propterea est extra Sacramentum, & in suo esse naturali facile admittitur ab Aduersariis, quia materia, quæ ad Sacrificium sensibile supponitur, debet esse sensibilis, vt constat ex definitione Sacrificij in genere, & inductione omnium veterum Sacrificiorum: Christus autem, vt existens in propria specie, & propterea in Cælo, perinde nobis est, ac si esset insensibilis, & inuisibilis; propterea Concilium Tridentinum Sess. 22. cap. 1. ait: Christus Dominus noster in nocte Cænæ, vt dilectæ Sponsæ suæ Ecclesiæ *visibile*, sicut hominum natura exigit relinqueret Sacrificium, Corpus, & sanguinem suum sub speciebus panis, & vini Deo Patri obtulit, & Sacerdotibus, vt offerrent præcepit. Et infra. Nouum instituit Pascha se ipsum ab Ecclesia per Sacerdotes *sub signis visibilibus* immolandum; ex quibus verbis manifestè constat materiam huius Sacrificij, quod est visibile, non esse qualemcumque, sed visibilem, atque sensibilem, hoc est, vt Concilium loquitur: Corpus ipsum, & sanguinem sub speciebus, & signis visibilibus. Quod etiam planè demonstrant verba nostræ oblationis: dicimus enim offerre nos *Panem sanctum* vitæ æternæ, & Calicem salutis perpetuæ. Est autem Christus panis sanctus, vt existit sub speciebus panis, & cum illis constituit vnum visibilem cibum & in quantum talis cedit in vsum fidelium, & in verum cibum. Vnde nouam vim sumit argumentum, quia illud offertur in Sacrificium, quod accipitur vt Sacramentum, sed accipitur vt Sacramentum panis Cælestis; ergo panis Cælestis, seu Christus sub specie, & forma panis offertur in Sacrificium. Materia ergo, circa quam versatur oblatio sacrificialis, est Corpus Christi, seu Christus, factus per consecrationem ipsam panis Cælestis, atque adeo, quod erat nobis probandum; oblatio sacrificialis non consistit in consecratione, sed illam essentialiter præsupponit.

Atque ex his tandem intelligitur satis aptè explicari nostram sententiam exemplo Incarnationis. Sicut enim per Incarnationem, licet fiat aliquod factum, vt quidam Theologi loquuntur, nempe humanitas Deitate ipsa vncta, & consecrata, tamen per eam formaliter nihil sacrificatur, & immolatur, sed præparatur tantum, vt in Sacrificio offerri, & immolari possit, ita per consecratio-

IV.

*Corpus Christi ut est extra Sacramentum non est materia Sacrificij.*

V.

*Materia Sacrificij est Panis Cælestis.*

VI.

*Probat per panem Incarnationis, & consecrationis.*

nem Corporis Christi, quæ iuxta nobiles Theologos est veluti quædam productio ipsius Christi in esse Sacramentali, etiamsi per illam fiat aliquod sacrum, nihil tamen offertur formaliter, & immolatur, sed præparatur tantum, & aptatur proximè ad immolationem id, quod eandem ferè vim habet in opinione affirmantium, consecrationem non esse productionem, sed adductionem tantum Christi in Eucharistia; nam sicut adducere agnum non est ipsum immolari, ita etiam adducere Christum eo modo, non est ipsum in Sacrificium offerre.

Neque vlllo modo admitti potest disparitas, quam indicat P. Suarez disput. 75. Sect. 4. ubi ait non esse simile quod de Incarnatione asseritur, tum quia Christus, vt homo viuis fuit materia Sacrificij cruenti, tum etiam quia idemmet fuit principale offerens, non vt Deus tantum, sed vt Deus homo, quomodo per Incarnationem esse cœpit: at verò in præsentem Christum, vt principale offerens supponitur ante consecrationem, quia non offert, vt est sub speciebus, sed vt in propria specie existit, offertur autem vt est sub speciebus.

Hæc, inquam, disparitas admitti non potest, neque secundum priorem partem, quia sicut Christus, vt homo viuis sub specie, & forma hominis viuentis fuit materia Sacrificij cruenti, ita Christus iam homo viuens, sub specie, & forma non viuentis est materia Sacrificij incruenti; ergo sicut Christus sub specie, & forma viuentis, qualis est forma hominis præsupponitur oblationi Sacrificij cruenti, ita idem sub specie, & forma non viuentis, qualis est forma panis præsupponitur oblationi Sacrificij incruenti; ergo eo modo, quo ibi præsupponitur per actionem Incarnationis, præsupponitur hic per actionem consecrationis.

VII.  
*Christus est offerens, ut est sub speciebus.*

Posterior verò pars disparitatis falso nititur fundamentis, nimirum quod Christus non offert, vt est sub speciebus, sed vt in propria specie existit: Hoc, inquam, fundamentum est falsum, vt alibi ostendimus, & nunc iterum eius falsitatem confirmamus, quia idem est Christus, qui offert, & qui offertur; ergo in eo signo, in quo Christus intelligitur offerri à se ipso, intelligitur etiam se ipse offerre, sed intelligitur offerri à se ipso sub speciebus; ergo intelligitur etiam offerre se ipse sub speciebus; ergo sicut Christus, vt est res oblata formaliter, non supponitur ante consecrationem; ita idem, vt est offerens formaliter, neque supponitur ante consecrationem; quod vel ex eo tenetur admittere P. Suarez, quia ipse docet existentiam Christi naturalem in propria specie nihil ad hoc Mysterium pertinere. Quomodo ergo non pertineret, si non posset intelligi principale offerens nisi existens in propria specie? Sicut ergo Christus non solum fuit res oblata, sed principale offerens respectu Sacrificij cruenti, & non prius fuit formaliter offerens, quàm res oblata; materialiter autem prius fuit res oblata, seu materia oblationis, quàm offerens formaliter: ita respectu Sacrificij incruenti non solum Christus est simul offerens, & res oblata, sed non prius formaliter oblata, materialiter verò prius est res, seu materia oblationis, quàm sit formaliter offerens. Et sicut non potuit se ipsum offerre naturaliter antequam esset per Incarnationem; ita neque potest se offerre Sacramentaliter antequam sit per consecrationem; nam sicut illa oblatio est actus existentis in esse naturali, ita hæc est actus existentis in esse Sacramentali. Par ergo omnino est ratio de Incarnatione, & Consecratione.

VIII.  
*Fundamentum*

Contra hanc sententiam mirum quàm multi recentiores insurgunt, quia ta-

men omnium ferè Agmen ducit P. Suarez, qui disput. 75. Sect. 4. conatur illam euertere septem Argumentis in speciem validissimis, ideo necessarium ducimus fideliter illa proponere, & quanti tandem sint ponderis explorare. contraria seu. sensu.

Primum igitur argumentum, quo probat P. Suarez, consecrationem esse omnino intrinsicam Sacrificio ducitur ex facto Christi, prout ab Evangelistis narratur; nam expresse solum dicunt consecrassè panem, & dedisse Discipulis suis, & ex hoc solum colligimus cum Patribus illum sacrificasse; ergo maximè ratione consecrationis; distributio enim non pertinet ad Sacrificium; ergo consecratio est de essentia sacrificij: neque enim est verisimile Evangelistas prætermis-  
IX. Primum ex facto Christi.

sisse actionem maximè essentialem huic Sacrificio. Et confirmatur ex illis verbis: *Hoc facite in meam commemorationem*, quibus consecratio principaliter præcepta est, nam per illam Christi Passio expressius repræsentatur, dum Corpus, & Sanguis ex vi verborum separatim consecrantur. Hoc est primum argumentum.

Respondeo. Falsum esse, quod ex sola Consecratione colligimus cum Patribus, Christum sacrificasse; imò ex consecratione præcisè id nullo modo colligimus, & potius colligimus ex distributione. Non colligimus, neque colligere possumus ex consecratione, quia consecratio præcisè est ad summum Sacramenti confectio, non verò formaliter sacrificij oblatio, ut rectè aduertit Dotus in 4. dist. 13. quest. 2. art. 1. Quare hæc duæ actiones distinctæ sunt inter se, & in aliquorum opinione etiam separabiles, quatenus potest in aliquo casu confici Sacramentum, & non Sacrificium, ut multi affirmant Christum Dominum fecisse quando in Emaus cum duobus Discipulis accepit panem, benedixit, fregit, dedit eis, &c. Luc. 24. Ex distributione verò id potius colligitur præsuppositivè, quia sacrum Conuiuium præsupponit immolationem, & ex immolatis præparatur, ut idem Suarez probat Sect. 3. tum ex Prouerb. 9. *Immolauit victimas suas, posuit mensam suam*, tum ex 1. ad Cor. 5. *Nonne qui edunt hostias participes sunt Altaris?* Dixi ex verbis consecrationis præcisè non posse colligi; nam ex verbis consequentibus, & adjunctis, quæ tamen non pertinent ad essentiam consecrationis in sententia P. Suarez, optimè colligimus Eucharistiam non tantum in Sacramentum institutam esse, sed etiam in Sacrificium. Etenim ad verba essentialia consecrationis Corporis additur Luc. 22. *Quod pro vobis datur, & pariter ad verba essentialia consecrationis sanguinis additur, qui pro vobis funditur*, ex eo autem, quod Dominus non dixit, Vobis, sed pro vobis, colligunt Doctores Catholici illa verba, dari, & effundi, non significare dari, & effundi Apostolis in Conuiuium, tunc enim Christus dixisset: Vobis, & multis, non pro vobis, & pro multis, sed dari, hoc est offerri, & libari Deo in Sacrificium; neque enim Sacrificium hominibus, sed Deo tantum pro hominibus offertur, quo argumento vtuntur contra Hæreticos nostri Controuerstitæ, ut libro primo indicauimus. Caterum licet rectè ex his verbis inferatur, in sacra illa Cæna oblationem sacrificalem intercessisse, nunquam tamen ex illis, aut ex aliis ostenditur eam oblationem in consecratione positam fuisse.

Neque verò fuit opus ut Evangelistæ expressam mentionem facerent oblationis sacrificialis: Sicut enim non fuit opus, ut clariorem mentionem facerent Sacrificij, ita neque oblationis, in qua formalissimè Sacrificium consistit, & sicut

X. Sacrificium nū colligitur præcisè ex verbis consecrationis.

XI. Primum colligitur ex distributione.

XII. Ex quibus verbis institutionis colligitur.

XIII. Non fuit necessarium, ut Evangelistæ oblationem exprimerent.

omnes Doctores Catholici conueniunt ex facto Christi Eucharistiam oblatam, & institutam esse in Sacrificium, quæcumque tandem dicendæ sint partes essentielles illius, ita omnes debemus fateri, Sacrificio iam probato ex facto Christi, veram oblationem intercessisse, quantumuis expressa non sit, quia oblatio est de essentia Sacrificij, hoc modo contra Hæreticos negantes Melchisedechum, panem, & vinum obtulisse, quia non legimus suam oblationem consumpsisse; Respondent Controuersistæ satis esse ex Scriptura haberi, illum sacrificialiter obtulisse: nam quod suam oblationem consumpsit, hoc habemus ex generali ratione Sacrificij.

## XIV.

*A Christo præcepta sunt oblatio.*

Ad confirmationem, in qua dicitur illis verbis: *Hoc facite*. Consecrationem principaliter præceptam esse. Est pariter falsum, præcepta enim principaliter fuit oblatio, quod clarissimè explicat Trident. Sess. 22. cap. 1: *Apostolis, inquit, eorumque in Sacerdotio successoribus, ut offerrent præcepit per hæc verba. Hoc facite in meam commemorationem*. Est quidem verum, quod in præcepto offerendi includitur etiam præceptum consecrandi; quia non nisi res consecrata in Sacrificium offertur. Sed hoc non facit, ut consecratio principaliter sit præcepta.

## XV.

*Oblatio altaris est imitatio oblationis Crucis.*

Neque absolutè est admittendum in consecratione repræsentari expressius Passionem, quam in oblatione: nam cum oblatio sit corporis, ut mortui, & sanguinis ut effusi, præsupponit tanquam suum essentiali terminum, Corpus, & sanguinem consecratum sub duplici specie separata, & præterea importat, & repræsentat formalissimum Sacrificium Passionis, & Crucis; Sacrificium enim, non in re oblata, sed in oblatione consistit. Porro repræsentatio, quæ fit in Missa non est Passionis, & mortis Christi quomodocumque, sed quatenus Sacrificium quoddam fuit; ideo signanter dixit Tridentinum Sess. 22. cap. 1. Christum reliquisse Sacrificium incuruentum, quo cruentum illud semel in Cruce peragendum repræsentaretur. Illa ergo actio non principaliter præcepta, quæ non corpus, & sanguinem præcisè, sed oblationem corporis, & sanguinis refert, & repræsentat: hæc autem actio non est præcisè consecratio, sed oblatio.

## XVI.

*Secunda oblatio ex Sacerdotio.*

Secundum argumentum ex Sacerdotio legis nouæ, in quo præcipua potestas datur supra Corpus Christi verum, ad consecrandum, seu consociendum illud. Nam forma, quæ formaliter, & essentialiter constituit Sacerdotem nouæ legis, est Character Sacerdotalis; hic autem Character per se primo, est potestas consecrandi, in qua fundatur alia potestas in Corpus Christi Mysticum. Atque ita Concilium Tridentinum Sess. 23. cap. 1. Primum omnium dicit, datam esse Sacerdotibus potestatem consecrandi, quam in cap. 4. dicit dari per impressum Characterem. Est ergo potestas consecrandi de essentia Sacerdotis nouæ legis; ergo & consecratio ipsa erit de essentia Sacrificij. Probatur consequentia, quia Sacerdotium per se primo est propter Sacrificium; ergo illa actio, ad quam per se primo datur Sacerdotalis potestas, erit etiam primario de essentia, seu de ratione Sacrificij.

## XVII.

*Potestas offerendi præsupponit potestatem consecrandi.*

Solutionem huius argumenti satis plenam tangit ipse Pater Suarez; vnde statim obijcit sibi. Dices, hoc argumento solum probari consecrationem necessariam supponi ad Sacrificium, ideoque datam esse Sacerdoti potestatem consecrandi, quia data est potestas offerendi, quæ potestates in re sunt vna, prout tamen ratione distingui possunt: potestas consecrandi dicitur prior ordine executionis,



tionis, quia consecratio antecedere debet; & hoc sensu verum est primo datam esse illam potestatem ad consecrandum; ordine autem intentionis dicitur prior potestas offerendi, quia consecratio est propter oblationem, & ita in hoc genere erit oblatio prior consecratione.

Hæc ut dixi est vera responsio, & solutio argumenti, tamen contra illam sic vrget P. Suarez, quia, inquit, si hoc verum esset, non esset per se loquendo necessarium habere potestatem consecrandi eum, qui habet potestatem offerendi; cur enim non posset aliquis offerre ab alio consecrata? Etenim si nunc potest oblatio fieri ex præ consecratis, potest vnus Sacerdos offerre hostiam ab alio consecratam; ergo similiter posset etiam aliquis non habens potestatem consecrandi, offerre consecratam ab alio. Sicut Sacramentum Extremæ Vnctionis dari non potest nisi ex oleo benedicto ab Episcopo, tamen quia benedictio rei non est pars essentialis, aut intrinseca ipsius Sacramenti, sed quædam conditio necessarius præsupponenda ex parte materiæ, ideo potest Sacerdos simplex habere potestatem conferendi illud Sacramentum, licet non habet potestatem benedicendi oleum, quia potest uti oleo ab Episcopo benedicto. Et idem suo modo est in Confirmationis Sacramento. Sic igitur in præsentem, si consecratio non est de essentia, sed præsupposita ad Sacrificium, posset aliquis sacrificare præconsecratum ab alio; Et tunc non posset reddi ratio cur potestas offerendi non posset conuenire, vel committi ei, qui non habet potestatem consecrandi, verbi gratia Diacono, cui interdum etiam committitur dispensatio huius Sacramenti consecrati, solum quia dispensatio non includit intrinsecè consecrationem, sed supponit eam, & ita potest illam supponere, ut ab alio factam.

Respondeo certum esse, potestatem offerendi, & consecrandi esse in re inseparabiliter coniunctam in eodem supposito, quomodocumque comparentur inter se tales potestates, idque ex Christi ordinatione, & institutione, vnde vtræque potestas simul, & vnico verbo, & influxu, ut loquitur ipse P. Suarez confertur per illa verba: *Accipe potestatem offerendi Sacrificium Deo.* Ex eo autem quod sit vna, & eadem potestas saltem realiter, & identicè, certum est, quod non licet inferre identitatem, neque inseparabilitatem in actibus talis potestatis, ut manifestum est in actibus voluntatis, & cuiuscumque alterius potentie simplicissimæ; immò quod in casu nostro sit quædam inter ipsos actus, tum distinctio, tum coordinatio, facis demonstrat Tridentinum Sess. 23. cap. 1. vbi ait, Apostolus, *eorumque successoribus in Sacerdotio, potestatem traditam consecrandi, offerendi, & ministrandi corpus, & sanguinem eius:* & rursum Canone 1. Si quis dixerit non esse potestatem aliquam consecrandi, & offerendi verum corpus, & sanguinem Domini. Anathema sit. Sed sicut ex simplicitate, & vnitæ potentie non licet negare compositionem, & distinctionem, immò etiam separationem actuum inter se, ita ex distinctione, & ordinatione actuum, non licet inferre separabilitatem ipsorum ab eodem supposito, quia ex Christi institutione, & ordinatione tales actus ita possunt in vno colligare, ut qui exercet alterum, teneatur etiam alterum exercere, seruat debito ordine inter illos.

Neque quidquam vrget paritas de Sacramento Extremæ Vnctionis, quia consecratio illius Sacramenti, & consecratio materiæ illius pertinent ad diuersas potestates, altera ad potestatem Episcopalem, altera ad potestatem Sacerdoti-

XVIII.

*Potestas offerendi inseparabilis à potestate consecrandi.*

XIX.

*Alia consecrandi, & offerendi inter se distincti.*

talem; at in re nostra vterque actus pertinet ad potestatem vnam, eandemque Sacerdotalem, idque ex Institutione Diuina. Neque propterea hic definimus nostrum Sacerdotium ita esse institutum, vt nemo possit offerre nisi idem ipse præconsecret, quod videtur affirmare Henriquez lib. 9. de Sacrificiis. Missæ cap. 9. quia, inquit, sine suo libero consecrationis actu non haberet Sacerdos ius in rem oblatam quasi propriam, ne de alieno sacrificare videatur. Quare requiritur, inquit ille noua materiæ consecratio pro nouo Sacrificio, vt pro noua absolutione requiritur noua, aut eiusdem, aut alterius peccati confessio, quæ sit materia proxima Sacramenti. Non inquam hoc definimus, quia in multorum sententia, Feria sexta Parasceues offertur verum Sacrificium, & tamen non requiritur tantquam quid essentiale, vt res illo die oblata in Sacrificium, fuerit ab eodem numero celebrante die præcedente consecrata.

XX.

*Tertia oblatio  
ex Patribus.*

Tertium argumentum sumitur ex testimoniis Patrum, qui consecrationem ipsam, oblationem, seu immolationem vocant. S. Ambrosius in Psal. 39. Vidimus, inquit, Principem Sacerdotum ad nos venientem, vidimus, & audiuius offerentem pro nobis sanguinem suum; nunquam autem audiuius Christum offerentem pro nobis sanguinem suum, nisi quando dixit: *Hic est calix sanguinis mei, qui pro vobis, & pro multis effundetur*; hanc igitur consecrationem vocauit Ambrosius oblationem, vnde subdit apertius, tunc ipse offertur in terris, quando corpus Christi offertur, & tunc ipse offerre manifestatur in nobis quando sermo eius sanctificat Sacrificium, quod offerimus. Cyprianus in Serm. de Cæna Domini: Ex quo dictum est à Domino, *hoc facite in meam commemorationem. Hoc est corpus meum: & Hic est sanguis meus*, quotiescumque his verbis, & hac Fide actum est, panis iste ad totius hominis vitam, salutemque proficit, simul medicamentum, & holocaustum existens. Sensit ergo verbis illis fieri Christum holocaustum, & offerri. Vnde Gregorius 4. Dialogi cap. 56. consecrationem ipsam, immolationem vocat, dum inquit; *Quis fidelium habere in dubium possit, ipsa immolationis hora ad Sacerdotis vocem Cælos aperiri, Angelorum Choros adesse, &c.* Hoc autem certum est, dictum esse propter consecrationem, ipsam ergo consecrationem, immolationem vocat. Hæc tria testimonia assert P. Suarez. Sect. 3.

XXI.

*Christus ut in  
propria specie  
non est res obla-  
ta.*

Respondeo, à nemine ex allatis Patribus consecrationem ipsam vocari oblationem, immò omnes supponunt consecrationem iam factam in articulo oblationis, quod vt intelligatur suppono ex sententia ipsius P. Suarez disp. 75. Sect. 1. Christum vt in propria specie existentem nullo modo esse rem oblatam in hoc sacrificio, & nullo modo, vt est in propria specie pertinere ad ipsum. Quare quando Patres loquuntur de oblatione Corporis, & sanguinis Christi, semper loquuntur de corpore, & sanguine, vt existentibus sub specie aliena. Et ratio P. Suarez est optima, quia materia, quæ ad Sacrificium sensibile supponitur, debet esse sensibilis, & in Altari sensibili. Ita enim seruatum videmus in omnibus aliis sacrificiis, quia hic est modus connaturalis homini vtenti sensibus, & exercenti actiones sensibiles. Christus autem, vt existens in propria specie, nec est præsens in Altari sensibili, nec nobis est naturaliter sensibilis; ergo vt sic, non est materia huius oblationis, atque adeo nec res oblata vlllo modo in hoc Sacrificio; ergo corpus oblatum in hoc Sacrificio est corpus vt existens sub specie

panis, & sanguis oblatus, est sanguis vt existens sub specie vini; ergo corpus, & sanguis, vt iam consecrata, per consecrationem enim primo existunt sub speciebus, modo Sacramentali. Quando ergo Ambrosius ait: audiuius offerentem pro nobis sanguinem suum, loquitur de sanguine vt existente non modo naturali, sed modo Sacramentali, sub quo taurum est materia oblationis; ergo præsupponit consecrationem iam factam in articulo oblationis. Et quia hæc responsio generalis est; ideo superuacaneum nunc duximus, illam ad singula testimonia applicare. Illud tamen monemus, tempus oblationis appellari à Patribus, totum illud temporis spatium, quo dicitur Sacrificium celebrari, Christo tanquam re, quæ offertur in Altari, præsentem, sicut oblationem ipsam sæpius sumunt pro vna quadam actione morali comprehendente omnes actiones, quæ faciunt ad Sacrificium eo modo, quo sub uimine actionis principalioris includuntur minus principales. Vnde cum Ambrosius dicit: tunc ipse offertur in terris quando, &c. Illud tunc appellat totam horam, & tempus immolationis, & sacrificij: Et quando Gregorius, ipsa immolationis hora Angelorum Choros adesse dicit, loquitur de toto tempore, quo Christus adest tanquam res oblata, & quia primo fit materia oblationis per consecrationem, ideo bene dicit ad Sacerdotis vocem Cælos aperiri, vt sic aperti maneant vsque ad consummationem.

Quartum argumentum ex congruitate ipsius actionis. Est enim consecrationis actio ad sacrificandum aptissima; nam & est maximè sacra, & per eam fit aliquid maximè sacrum, scilicet caro, & sanguis Christi, quibus Deus maximè colitur, fitque admirabili modo, in quo Diuina Omnipotentia, & Sapientia maximè declaratur. Vnde fit, vt per huiusmodi actionem, & eius vsum, fiat quadam professio, & recognitio Diuine Omnipotentiz. Est ergo huiusmodi actio ad rationem Sacrificij aptissima; cur ergo dubitabimus hanc potissimum eleuasse, & imposuisse Christum Dominum, vt esset nouæ legis Sacrificium?

Respondeo. Christum non eleuasse consecrationem, vt ipsa esset oblatio Sacrificij, quia prærequiritur necessàrio ad constituendam materiam proximam, & aptam Sacrificio; atque adeo necessàrio antecedit ipsum Sacrificium, quia sicut Christus, vt existens in suo esse naturali, fuit materia Sacrificij cruenti; ita idem Christus vt existens in esse Sacramentali, est materia sacrificij incruenti; ergo sicut existentia naturalis præcessit oblationem sacrificij cruenti, ita existentia Sacramentalis, quæ est per consecrationem, præcedit oblationem sacrificij incruenti; neque quidquam facit, quod alibi indicat P. Suarez, quod Christus, vt offerens supponitur ante consecrationem, eo quod non offert, vt est sub speciebus, sed vt in propria specie existit; nam vt dicamus existentiam Sacramentalem præcedere oblationem, satis est, si illa sit necessaria ad hoc vt Christus sit res oblata: est autem necessaria, quia vt fatetur P. Suarez, Christus non offertur nisi vt est sub speciebus, siue ergo prærequiratur, vt Christus offerat, siue vt Christus offeratur, modo prærequiratur, hoc satis est ad dicendum, consecrationem antecedere oblationem; atque adeo non fuisse hanc à Christo positam in consecratione. Cæterum vt nos alibi ostendimus, Christus in Altari est principalis offerens, vt existit sub speciebus, atque adeo ad oblationem principalem Christi eo modo, quo fit, præcedit consecratio, etiam vt offerentis.

Quintum argumentum sumitur ex optima, vt inquit P. Suarez, conjectura.

Y ij

XXII.

*Quod consecratur tempus oblationis.*

XXIII.

*Quarta oblatio ex congruitate actionis.*

XXIV.

*Christus vt existens Sacramentaliter, est materia Sacrificij incruenti.*

XXV.

*Quinta oblatio.*

*Actio à persona  
offerentis.*

Nam principale offerens in hoc sacrificio est Christus; ergo illa actio maximè est de essentia huius sacrificij, quæ potissimum fit in persona Christi; hæc autem est actio consecrandi. Consequentia per se nota videtur, quia in tantum Christus est principale offerens, in quantum in nomine eius, & in persona eius actio sacrificandi exercetur; quod verò actio consecrandi potissimum fiat in persona Christi, præterquam quod est communis sententia Sanctorum, præsertim Ambr. lib. 3. & 4. de Sacramentis, probatur sufficienter ex verbis consecrationis, quæ in persona Christi proferuntur, quia non materialiter, sed formaliter dicuntur: cætera verò fieri possunt à Sacerdote, vel in persona Christi, vel ut à publico Ministro Ecclesiæ, ut sunt Sacramenti sumptio, & aliæ ceremoniæ, vel orationes.

# XXVI.

*In persona  
Christi forma-  
lis, & princi-  
palis fit obla-  
tio, quàm con-  
secratio.*

Respondeo distinguendo consequens: Illa actio maximè est de essentia huius sacrificij, quæ potissimum fit in persona Christi, ut principale offerens est, concedo consequentiam, non ut principale offerens est, sed potius ut instrumentale. Agens est, nego consequentiam. Huiusmodi autem actio, non est consecratio, sed oblatio. Quare notandum est alio modo Christum concurrere ad consecrationem, & alio modo ad oblationem. Ad consecrationem concurrat physicè instrumentaliter, ad oblationem moraliter, sed principaliter. Quamvis autem, ut notat ipse P. Suarez disp. 77. Sect. 1. Efficientia illa physica instrumentalis aliquid conferat ad rem, de qua agimus, quia vnum ex requisitis ad offerendum Sacerdotali modo in hoc sacrificio est, ut qui offert, concurrat ad actionem sacrificandi, non tamen hæc sola ratio per se sufficit, ut Christi dicatur principale offerens; quia alia est habitudo efficientis, alia offerentis; Deus enim efficit eandem consecrationem, & tamen non offert. At verò ad oblationem, Christus, qua homo est, concurrat principaliter, & ideo Minister offerens in persona illius respicit, ut sic illum, ut principalem offerentem, quia in eo se habet ut legatus eius, ipsum representans. Neque verò facienda est vis in eo, quod verba consecrationis videantur expressius referri ex persona Christi, per hoc, quod dicitur. Hoc est Corpus meum, non hoc est Corpus Christi: nam si verba consecrationis fuissent, Hoc est Corpus Christi, adhuc principale offerens esset Christus, & eodem modo Sacerdos offerret in persona Christi; immò eodem modo eius humanitas concurreret ad actionem consecrationis; ergo quod verba consecrationis sunt potius Corpus meum, quam Corpus Christi, materialiter se habent ad fundandam habitudinem principalis offerentis.

# XXVII.

*Sexta obiectio  
ab exclusionem  
aliarum actio-  
num.*

Sextum argumentum sumitur ex aliis actionibus. Etenim si consecratio excluditur ab essentiali ratione Sacrificij nulla remanet actio, in qua possit hæc essentia consistere præter sumptionem Sacramenti, quia omnes aliæ actiones, de quibus posset esse aliqua apparentia, vel dubitatio, exclusæ sunt. Incredibile autem videtur totam essentiam huius Sacrificij in sola sumptione Sacerdotis positam esse.

Primo quidem, quia consecratio est multo excellentior actio, & maiora continet Mysteria.

Secundo, quia sumptio magis pertinet ad usum Sacramenti, magisque videtur consistere in receptione, quàm in actione ad offerendum accommodata.

Tertio, quia aliàs quoties Sacerdos aliquis communicaret, offerret, vel saltem

posset offerre, si vellet ea intentione id facere, nam quod fit indutus vestibus sacris, vel alias cæremoniis adhibeat, vel omittat, non obstat quo minus Sacrificium factum teneat, quamvis fortasse illicitè fiat, cum illa omnia non sint de essentia, sicut si verum est Sacrificium in consecratione consistere, quoties Sacerdos consecrat sacrificat, etiam si ex malitia id faciat sine vestibus, aut cæremoniis sacris, & hoc eodem exemplo satis probatur prima sequela, & ratio eius est manifesta, nam potestas offerendi est inseparabilis, & indelebilis à Sacerdote, ita ut licet per Ecclesiam ligari possit quoad vsum, non tamen radicitus auferri quoad vim, & facultatem; ergo si aliàs sufficiens ratio ad sacrificandum est sola sumptio Sacramenti à Sacerdote facta animo offerendi, nihil vetat quo minus Sacerdos quoties communicat possit habere hunc animum, & consequenter verum vsum talis potestatis, ac denique quod verum sacrificium efficiat, quod tamen per se videtur satis absurdum.

Quarto, quia hinc sequitur sacrificium hoc in exteriori actioni visibili non differre ab vtu Sacramenti, sed solum in intentione interna, vel ad summum in conditione personæ, scilicet quod debet esse Sacerdos, ut sumptio eius sit sacrificialis, tamen in ipso met Sacerdote non poterunt distinguì nisi per intentionem internam, supponendo præcipue, quod ipsemet sumat utramque speciem, & non ab alio recipiat: Hoc autem, & per se incongruum videtur, nam visibile Sacrificium debuit etiam in ipso ritu externo distinguì aliquo modo ab vtu Sacramenti, & nulla etiam ratione suaderi, aut probari potest.

Respondeo nos ponere essentiam sacrificij in illa actione, quæ est formaliter oblatio: esse autem in sacrificio nostro actionem aliquam, quæ sit formaliter oblatio, fatendum ab omnibus est, quia teste ipso P. Suarez disput. 73. Sect. 5. omnes conveniunt de necessitate actionis, quæ est sacrificium, esse ut sit oblatio, immò in sacra Scriptura idem est offerre, ac sacrificare, ut patet Genes. 4. ubi primo fit mentio sacrificij. *Factum est autem post multos dies, ut offerret Cain, Abel quoque obtulit, &c.* Et Paulus non alio modo dixit Christum se sacrificasse, aut esse sacrificatum, nisi dicendo se obtulisse, aut esse oblatum, sic ad Hebr. 9. *Per Spiritum Sanctum, inquit, semetipsum obtulit immaculatum Deo.* Et infra. *Christus semel oblatus est ad multorum exhaurienda peccata.* Itaque quod Sacrificium sit oblatio fatentur omnes; quia tamen, licet omne Sacrificium sit oblatio, non omnis oblatio est Sacrificium, sed illa tantùm, quæ pro suo termino habet consumptionem, & destructionem rei, quæ in Sacrificium offertur, ut patet ex definitione Sacrificij in genere ab omnibus recepta. Ideo assignando terminum essentialem sacrificialis oblationis in Eucharistia, dicimus illam terminari ad illius consumptionem, quæ per ipsam Sacerdotalem sumptionem fit, acque adeo per ipsam sumptionem, totum sacrificium, & oblationem Eucharisticam consummari. Quamvis autem nos non dicimus totam essentiam huius sacrificij in sola sumptione Sacerdotis positam esse, quia sacrificium in recto importat oblationem, tamen quia dicimus per sumptionem Sacerdotis sacrificium consummari, atque adeo ad ipsum pertinere tanquam partem essentiae ipsius. Ideo ad instantias P. Suarez quatenus contra hanc partem faciunt, respondemus.

Ad primam ergo Licet consecratio multo excellentior actio sit, quàm sumptio ex ea parte qua supernaturalis est; hinc tamen non probatur esse magis

XXVIII.

*Sacrificium consistit in ea actione quæ est oblatio.*

XXIX.

*Terminus oblationis sacrificij.*

XXX.

*Consecratio excellentior, sed*



*oblatio principior.*

intrinsicam sacrificio tanquam partem ipsius. Quia actus sacrificij est per se actus humanus mere naturalis, licet in sacrificio nostro præsupponatur materia præparata supernaturaliter.

**XXXI.**  
*Sumptio Sacerdotalis est actus sacrificialis.*

Ad secundam, negamus sumptionem Sacerdotalem magis pertinere ad receptionem Sacramenti, quam ad actum sacrificij; immò vnum ex argumentis, quo Catholici controuerisæ probant Eucharistiam non esse solum Sacramentum, sed sacrificium, sumitur à sumptione Sacerdotali. Nam commune est omnibus puris Sacramentis, vt ab alio dentur, ab alio accipiantur, neque vllis sibi ipsi Sacramentum administrent. Quare nemo se ipse baptizare sinitur in Ecclesia, etiamsi extrema adsit necessitas, pari ratione nemo se ipse confirmat, nemo se absoluit, nemo se sacris Ordinibus initiat, nemo se iniungit, ex quo principio inferunt, vt videre est apud Bellarm. lib. 1. cap. 22. de Missa. Quod si Eucharistia solummodo Sacramentum esset, ne Sacerdos quidem eam sibi ministrare posset. Est ergo sumptio Sacerdotalis potius, & principalis actus sacrificij, quam receptio Sacramenti.

**XXXII.**  
*Sumptio Sacerdotis extra actum proprii sacrificij non potest esse sacrificialis.*

Ad tertiam. Negamus sequelam illam, quod quoties Sacerdos communicaret extrâ Missam, posset sacrificium verum offerre. Falsitas autem sequela ex duplici capite oritur. Primo quia in probabili sententia, potestas offerendi est alligata ad vsum potestatis consecrandi, vnde superius diximus ex Henriquez, non posse Sacerdotem offerre quod ipse non consecrauit. Secundo, quia licet potestas offerendi sit inseparabilis, & indelebilis à Sacerdote. Valde tamen dubium mihi est: Vtrum ad vsum illius, non dico licitum, sed etiam validum satis sit ea solum, quæ sufficerent alioquin ad conficiendum valide Sacramentum. Neque facile concesserim etiam in casu, quo Sacrificium in consecratione consisteret, quod Sacerdos consecrans sine vestibus, & sine vllis sacris cæremoniis, sacrificaret, alioquin definitio Sacrificij, qua dicitur esse oblatio externa, & sacra cæremonia, qua res à legitimo Ministro ritu mystico consecratur, & transmutatur, non esset tradita per essentialia: qua enim ratione ritus mysticus, & sacra cæremonia saluaretur? Sed de hoc aliàs.

**XXXIII.**  
*Sumptio sacrificialis ut differat ab usu Sacramenti.*

Ad quartam. Non video, cur magis incongruum sit, quod in exteriori actione visibili, consummatio sacrificialis non differat ab usu Sacramenti, quam quod oblatio sacrificialis in exteriori actione visibili non differat à consecratione Sacramenti, vt sentit P. Suarez: quod si consummatio sacrificialis debet etiam in ipso ritu externo distingui aliquo modo ab usu Sacramenti in ipso Sacerdote; pari, & fortasse potiori ratione, etiam in ritu externo distingui debet oblatio sacrificialis à consecratione Sacramenti, atque adeo illa sola, & præcisa non sufficeret ad sacrificandum. Cæterum in sumptione Sacerdotali, dum Sacerdos ipse Sacramentum sibi ipse ministrat, sufficienter apparet ritus externus, quo consummandi actus à mero usu Sacramenti distinguitur.

**XXXIV.**  
*Sacra oblatio ab inconueniente.*

Septimum, & vltimum argumentum P. Suariz, sumitur ab inconueniente; nam si consecratio non est de essentia Sacrificij, sed solum quid præuium, & sacrificatio consistit solum in usu rei præconsecratæ. Inquiro, cur non possit consecratio fieri, etiamsi sacrificatio subsequuta non sit? Suppositis enim illis principiis, nulla sufficiens huius rei ratio dari potest. Quia illa duo non sunt per se, & essentialiter connexa, immò sacrificatio dicitur posse fieri sola, & separata

à consecratione, quæ multo tempore antecessit; ergo pari ratione poterit consecratio fieri sola, & separata à sacrificiatione; facilius enim prius separatur à posteriori, quàm è conuerso: posset autem id fieri, vel propter sacrificiationem longo post tempore futuram; vt verbi gratia, posset sacrificatio publicè, & coram populo, si fortasse tunc non posset fieri commodè consecratio. Exemplum esse potest in die Parasceues, si verbi gratia in die Cœnæ oblitus esset Sacerdos consecrare hostiam pro sequenti die, cur non posset peracta Missa illius diei nouam hostiam consecrare? Non vt tunc sacrificaret iterum, sed pro die sequenti, vel certè posset hoc fieri propter alios fines, vt verbi gratia propter communicandum ægrotum in periculo mortis existentem.

Respondet: Spectatis naturis rerum, consecrationem omnino separabilem esse à sacrificiatione, & oblatione, quia consecratio habet conceptibilitatem adæquatam omnino independentem ab oblatione, quod manifestè infero à modo, quo Concilium Tridentinum tradit, notionem vtriusque actionis: nam Sess. 13. adæquatissimè tradit doctrinam de Eucharistia, vt Sacramentum est per conceptus, & verba, quæ nullam per se connexionem habent cum oblatione, & sacrificiatione, neque supponunt Eucharistiam esse etiam sacrificium. Sessione verò 22. agit de eadem Eucharistia, vt sacrificium est. Sicut ergo, vt patet ex Sess. 13. Institutio Sacramenti habet suam adæquatam conceptibilitatem obiectiuam antecedenter ad omnem conceptibilitatem Institutionis Sacrificij, ita posset à parte rei habere suam existentiam, non solum antecedenter ad omnem existentiam sacrificij, sed nullo etiam futuro sacrificio.

Cur verò Christus ita hoc Mysterium instituerit, & præceperit, vt quotiescumque conficitur hoc Sacramentum, offeratur statim in sacrificium; plures rationes esse possunt, & fortasse potissima est, quia per consecrationem huius Sacramenti habet Ecclesia in suis bonis Corpus, & Sanguinem Christi Domini; ratio autem postulat, & dicat, debere Deo offerri id, quod in bonis propriis habemus optimum; nam sicut ad substantiam Religionis pertinet sacrificium Deo offerre, ita saltem ad perfectionem eius spectat, vt ex melioribus bonis sacrificium Deo offeratur. Et natura ipsa præstantissimi boni postulat statim, vt non sit sine optimo vsu, qualis est solius sacrificij, propter quem vsum præcipuè instituit Deus, vt inter omnia Sacramenta, hoc solum contineret re ipsa Christi corpus: nam si præcindamus ab vsu sacrificij huius, potuisset Eucharistia verè, & propriè Sacramentum esse, & verum instrumentum nostræ sanctificationis, etiamsi Christi corpus re ipsa non contineret, vt alibi notauimus cum Bellarmino lib. 1. de Missa cap. 22. Sed de hac mutua connexionem inter hoc Sacramentum, & sacrificium, & cur à Sacerdote ipso consecrante debeat offerri, & ab ipso offerente debeat consecrari, instituetur seorsum non inutilis disputatio.

XXXV.

*Consecratio natura sua separabilis à sacrificiatione.*

XXXVI.

*Cur ex præcepto non possit consecratio fieri sine Sacrificio.*



# QVÆSTIO SECVNDA.

*Vtrum Sacramenti consumptio ut sit à Sacerdote  
sacrificante sit pars essentialis Sacrificij  
Eucharistici.*

- I. Sumptio est pars Sacrificij.
- II. Fundamentum Bellarmini.
- III. Non satis est ad Sacrificium transmutatio panis in Corpus.
- IV. Introducitur Sacrificium productivum.
- V. Sacrificium productivum pugnat cum definitione.
- VI. Pugnat cum ratione.
- VII. Pugnat cum usu Scripturæ.
- VIII. Omnia antiqua Sacrificia fuerunt figura Sacrificij Ecclesiæ.
- IX. Antiqua Sacrificia, ut destructiva, erant etiam figurativa.
- X. Destructio est perfectio Sacrificij.
- XI. Ratio cur antiqua Sacrificia erant destructiva.
- XII. Eadem planè ratio militat in Sacrificio Ecclesiæ.
- XIII. Dubitatur de antiquis Sacrificiis, an fuerint necessario destructiva.
- XIV. Improbatur dubitatio.
- XV. Sacrificium differt à simplici oblatione per consumptionem.
- XVI. Nulla oblatio sacrificialis in Levitico sine destructione.
- XVII. Sacrificium spicarum eiusque ritus.
- XVIII. Oblatio panum primitiarum non erat Sacrificium.
- XIX. Neque oblatio panum Propositionis erat Sacrificium.
- XX. Explicatur magis doctrina de Sacrificio productivo.
- XXI. Actio, per quam producitur víctima est extrinseca Sacrificio.
- XXII. Exemplum de Thymiamate non facit Aduersariis.
- XXIII. Prima obiectio ex autoritate negatiua.
- XXIV. Quantum valeat autoritas negatiua.
- XXV. In Institutione Eucharistiæ nulla fit mentio vini.
- XXVI. Vindicatur Sotus.
- XXVII. Christus sumpsit suum Corpus, & sanguinem.
- XXVIII. Secunda obiectio ex autoritate positiua.
- XXIX. Duplex participatio Sacrificij, altera sacrificialis, altera laicalis.
- XXX. Sumptio Sacerdotalis est perfectio Sacrificij.
- XXXI. Tertia obiectio ex ratione operantis.
- XXXII. Sacerdos in persona omnium sanguinem sumit.

XXXIII. Sacerdos

XXXIII. *Sacerdos etiam dum consumit, publicam gerit personam.*

XXXIV. *Consumptio Sacerdotalis fit in persona Christi.*

XXXV. *Quarta obiectio ex supersuitate sumptionis tanquam partis essentia.*

XXXVI. *Necessitas sumptionis in Sacrificio quanta & unde.*

XXXVII. *Sumptio Sacerdotalis potius est usus Sacrificij, quàm Sacramentum.*

XXXVIII. *Ante sumptionem non est Sacrificium.*



Abet hæc etiam controuersia vtrique Theologos magni nominis; sed celebrem eam tandem reddiderunt duo nostri Ordinis Doctores præclarissimi, & non minus de Christiana, quàm de litteraria Republica optimè meriti. Robertus Bellarminus, & Franciscus Suarez.

Tuetur affirmantem partem Bellarminus. Itaque lib. I. de Missa cap. 27. cum dixisset consumptionem, quæ fit à Sacerdote sacrificante, non tam esse comestionem Victimæ, qualis est sumptio, quæ fit à populo, quàm consummationem Sacrificij, & propriè combustioni holocausti respondere, sic probat esse essentialeni, quia, inquit, in tota actione Missæ nulla est alia realis destructio victimæ præter istam: requiri autem realem destructionem ex definitione Sacrificij constat; Vnde Abraham Patriarcha, licet filium iam colligasset, & super Aram constituisset, & manum ad maciandum sustulisset, quia tamen desuit realis occisio non dicitur, eum nisi voluntate sacrificasse.

Contra verò P. Suarez disput. 75. Sect. 5. negantem partem propugnat, ea præsertim motus ratione, quia sola consecratio est sufficiens de se ipsa, vt in ea tota essentia huius Sacrificij consistat: quia in illa potest fundari tota significatio, tam mystica, quàm moralis ad Sacrificium sufficiens: Quare ait, sumptionem Sacerdotalem non requiri necessario, tanquam partem essentialeni, sed solum pertinere ad perfectionem quasi extrinsecam talis mysterij. Quam igitur necessitatem Bellarminus affirmat, hanc Suarez constantissimè negat. Quidquid sit in præsentia; an potuerit etiam sumptio institui à Christo ad constituendum essentialiter vnum Sacrificium.

Nos vt quæstionem faciamus maximè de re, examinabimus articulum necessitatis: Vtrum possit nostri sacrificij tota essentia saluari præcisâ consumptione Sacerdotali. Et quia planè sentimus cum Bellarmino, qui scripsit ante Patrem Suarez, asseremus huius responsonem ad fundamentum Bellarmini, eamque pro Bellarmino refellemus.

Igitur P. Suarez proponit sibi hoc modo fundamentum Bellarmini. De essentia Sacrificij est, & præsertim holocausti, vt tota victima consumetur, & realiter immutetur, sed hoc non fit in hoc Sacrificio nisi per sumptionem Sacerdotis, vt constat, quia ante illam Christus realiter manet sub speciebus, & vt sic est victima sacrificanda; ergo sumptio, per quam quodammodo perfectè immutatur, & amittit illud esse, quod sub speciebus habet, est de essentia Sacrificij; num hoc Sacrificium est etiam holocaustum, in quo victima debet perfectè consumi.

Ad hoc fundamentum, quod fideliter sanè proponit, vt solet, mirum est quantum respondendo laboret P. Suarez. Ait ad rationem Sacrificij posse suffi-

I.

*Sumptio est  
pars Sacrificij.*

II.

*Fundamentum  
Bellarmini.*

cere transmutationem panis, & vini in Corpus, & Sanguinem Christi, quæ per consecrationem fit.

## III.

*Non satis est  
ad Sacrificium  
transmutatio  
panis in Cor-  
pus.*

Sed Bellarminus hanc respondendi viam iam ante præcluserat tribus argumentis validissimis. Primum erat, quia, inquit, sequeretur propriè solum panem triticeum sacrificari, id enim propriè sacrificari dicitur, quod realiter mutatur; id autem absurdissimum esse, nemo negare potest, quia si ita esset, haberet Ecclesia Sacrificium inanimum, & vilius multò quàm habuerint olim Hebræi. Deinde mutatio, qua ponitur quasi forma sacrificij sensibilis, & externa, debet esse externa, & sensibilis. At mutatio panis in Corpus Christi, est omnino interna, & nullo sensu, sed fide sola perceptibilis. Tertio non esset idem sacrificium Ecclesiæ, & sacrificium Crucis quoad rem oblatam, nec esset verum quod Patres dicunt, in sacrificio Missæ eundem esse sacrificium, & Sacerdotem, neque illud, quod Chrysostomus, Ambrosius, Primasius, & alij notant in cap. 10. Epistolæ ad Hebræos. Sacrificia Hebræorum fuisse multa, quia hodie vnum Agnum, cras alium offerebant; nostrum autem esse vnum, quia semper eundem offerimus Christum; nam & nos, si de pane agamus, non semper eundem offerimus.

Non potuit P. Suarez hanc præclusionem sibi non opponere, ideo videns totam vini in eo positam esse, quod illud propriè, & realiter sacrificatur, quod propriè, & realiter, & quidem ad sensum destruitur, & immutatur, contendit in hoc generali principio non comprehendere sacrificium nostrum; hoc, inquit, est singulare, & excellens in vno nostro sacrificio, quod per se primo potius est propter efficiendum, quàm propter destruendum. Itaque statuit duplex genus sacrificij, alterum destructivum, alterum productivum. In omni enim, inquit, sacrificio, quod per realem immutationem fit, inveniuntur destructio alicuius rei oblatae, ex qua necessario resultat aliud quasi confurgens, & oblatum in honorem Dei. Est tamen differentia inter vetera sacrificia, & hoc nostrum, quod illa, quia erant imperfecta, & fiebant per actiones merè naturales, & humanas, potissimum consistebant in destructione alicuius rei, per quam significabatur Deum esse Authorem omnium, vel quid simile, vnde quod principaliter offerebatur, erat res illa interficienda, vel destruenda in Dei honorem, consequenter etiam, quod inde resultabat, offerebatur in honorem Dei, seu intendebatur in odorem suavisimum Domino, ut sæpè dicitur in Levitico; at verò in nostro sacrificio, quia per actionem supernaturalem, & Divinam perficitur, licet substantia panis, & vini destruat, tamen quod potissimum intenditur est effectio, & præsentatio, ut sic dicam, Corporis, & Sanguinis Christi super Altare Dei, in honorem eius, & ideo res oblata in hoc sacrificio principaliter, ac simpliciter est Christus, qui est terminus talis actionis; vnde necesse non est, ut materia, quæ transmutatur sit semper res principaliter oblata, si terminus actionis qua sacrificium perficitur sit magis intentus, tam ex vi talis actionis, quàm ex intentione sacrificantis, & de se, etiam si sit dignior, & ad cultum Dei magis pertinens, tunc enim illa esse potest præcipua res sacrificata, & ita contingit in præsentati sacrificio. Hæc ille.

Itaque ait P. Suarez in antiquis sacrificiis id, quod principaliter offerebatur, illud in Dei honorem destruebatur, at in sacrificio nostro id, quod destruitur, substantia videlicet panis, non principaliter offertur: sed principaliter offertur

## IV.

*Introducitur  
Sacrificium  
productivum.*



id, quod principaliter intenditur, quod est Corpus Christi. Quid enim principaliter intenderetur per actionem tam supernaturalem, & Diuinam? Itaque in antiquis sacrificiis idem offerebatur, & idem destruebatur. In nostro autem alterum destruitur, & non principaliter offertur, alterum offertur simpliciter, & non destruitur, sed potius producit in honorem Dei. Hoc enim, inquit, sacrificium potius est propter efficiendum, quàm propter destruendum. Quare duplex datur sacrificium, alterum destructiuum, quale fuit antiquum, alterum productiuum quale est nostrum.

Sed contra hanc doctrinam, quam paulò fufius enucleare oportuit, insurgeret sine dubio acriter Bellarminus. Primo, quia pugnat cum definitione sacrificij in genere ab omnibus admissa, in qua dicitur sacrificium esse oblationem externam, qua res aliqua sensibilibus, & perennans ritu mystico consecratur, & transmutatur. Eadem ergo res, quæ in sacrificio est oblata, est consecrata, & transmutata.

Quomodo autem hoc nostrum est verum sacrificium, si vera definitio in genere illi non congruit? aut qua ratione possumus contra Hæreticos sustinere, & probare ex conditionibus sacrificij in genere sacrificium Ecclesie esse proprium sacrificium, si hæc omnium potissima vocatur in dubium?

Secundo. In sacrificiis antiquis ideo destruebatur id, quod principaliter offerebatur, quia id, quod offerebatur, principalius in Dei honorem intendebatur; ergo ex eo quod per actionem consecrationis magis intendatur Corpus Christi, quàm desitio panis, apertè sequitur magis sacrificare debere, atque adeo in Dei honorem transmutari corpus, quam panem. Ad quid enim sit illa supernaturalis actio transsubstantia panis in corpus, nisi vt Corporis sacrificium fiat? Si ergo per illam actionem Corpus Christi aptatur in victimam sensibilem, atque visibilem, quomodo non suscipit conditiones generales victimæ, quarum primaria est, vt in sacrificio sensibili, sensibilibus destruat, & consummetur.

Tertio, quia illa particio sacrificij in destructiuum, & productiuum est planè inaudita, & noua, & pugnat cum primo conceptu, & vocibus, tum Hebraicis, tum Græcis, sacrificij, & quod caput est cum vsu Scripturæ, in qua, vt constanter contra Hæreticos pronuntiat Bellarm. lib. 1. cap. 2. omnia omnino, quæ dicuntur sacrificia, necessario destruenda erant, siue per occisionem, siue per combustionem, siue per effusionem pro diuersa victimarum, & oblationum qualitate. Vnde ergo emerfit notio hæc sacrificij productiui? Immo cum omnia antiqua sacrificia figuratiua sacrificij nostri, & illa omnia fuerint destructiua, dicendum necessario est, etiam nostrum esse destructiuum, & quidem quod omnia sacrificia antiqua, figuratiua fuerint non solum sacrificij cruenti, verum etiam incruentæ, docent communiter Patres tum Græci, tum Latini vt ostendimus lib. primo; ex quibus habetur, quod disertè docuit Augustinus lib. 17. de Ciuitate, & contra Aduers. leg. & Proph. Quod sicut omnia sacrificia etiam incruenta, fuerunt figuræ sacrificij Crucis, seu Redemptionis; ita omnia etiam cruenta fuerunt pariter figuræ sacrificij Altaris, seu Religionis. Quod verò ex hoc sequatur etiam sacrificium nostrum esse destructiuum, probo ex illo principio vniuersalissimo, quod quidquid est perfectionis in figura, debet esse in re figurata, ad eum modum, quo quidquid est perfectionis in rudi delineatione imaginis, debet esse, & quidem exactiori modo in ipsa imagine. Res enim figurata, qua talis, perfectior

V.  
*Sacrificiū productiuum pugnat cum definitione.*

VI.  
*Pugnat cum ratione.*

VII.  
*Pugnat cum vsu Scripturæ.*

VIII.  
*Omnia antiqua sacrificia fuerunt figuræ sacrificij Ecclesiæ.*

IX.  
*Antiqua sacrificia vt destructiua, erant etiam figuratiua.*

est sua figura, sicut imago ipsa perfectior est, qua talis sua delineatione. Cum ergo omnes figuræ, & delineationes sacrificij nostri contineant tanquam perfectionem, & partem essentialem, hostiæ consumptionem, seu destructionem, eamque realem, externam, & sensibilem, consequens est, ut ista quoque perfectio in nostro sacrificio tanquam pars suæ essentiz reperitur.

## X.

*Destructio est  
perfectio sacri-  
ficij.*

Neque vilo modo admittendum est quod indicare videtur P. Suarez, ideo sacrificia fuisse destructiva, quia erant imperfecta, quasi destructio non sit perfectio in sacrificio; nam verè ratio consumptionis maximè pertinet ad perfectionem sacrificij, quia maximè pertinet ad perfectionem cultus, qui est summus in sacrificio, ut enim optimè ratiocinatur Bellarminus lib. 1. cap. 21. Sicut sine controuersia res verbis præstant, & inter res, Sacræ prophanis, & inter Sacras publicæ priuatis, ita inter publicas præstant illæ, quarum ipsa substantia in Dei honorem consumitur; quam illæ, quarum solus vsus. Itaque ratio realis consumptionis cum maximè pertineat ad rationem summi cultus, pertinebit maximè ad perfectionem sacrificij. Vnde sic iterum vrgeo. Sacrificia antiqua in quantum erant vera, & propria sacrificia, erant figura sacrificij nostri, alioqui non rectè ex illis probarent Patres veritatem, & proprietatem sacrificij nostri in ratione sacrificij; ergo quidquid erat in illis formaliter pertinens ad veritatem, & proprietatem sacrificij debet reperiri in sacrificio nostro; ut enim figura, & figuratum respondeant inter se, illa duo requiruntur. Primum ut quidquid est in re figurata, repræsentetur aliquo modo per figuram. Secundum, ut quidquid repræsentatur per figuram, perfectius reperitur in re figurata. Cum ergo in sacrificiis figuratiuis ratio consumptionis pertineret ad perfectionem cultus, debuit in Institutione sacrificij nostri illa ratio perfici, & non tolli, ut de facto accidit in Institutione nouorum Sacramentorum.

## XI.

*Ratio antiqua  
sacrificia  
erant destructi-  
ua.*

Et ratio à priori est, quia sacrificia antiqua non aliunde erant destructiva nisi ratione significationis, tum mysticæ, tum moralis, ut fatetur P. Suarez ex communi doctrina, quam paucis nos declarauimus lib. 2. quæst. 12. verbis Bellarmini, qui ait, ad significationem antiquorum sacrificiorum mysticam pertinere repræsentationem mortis Christi, sacrificij videlicet omnium sacrificiorum præstantissimi, quod destructione rei oblata consummatum est. Ad significationem verò moralem pertinere ait protestationem summam creatæ subjectionis ad Deum, & summum cultum externum, qui exhiberi possit. Summam autem istam protestationem requirere, ut non solum vsus rei Deo offeratur, sed ipsa etiam substantia, & ideo non solum vsus, sed substantia consummatur. Ratione igitur vtriusque huius significationis antiqua sacrificia fuerunt destructiva, & præcipuè ratione significationis moralis, quæ quia suo modo reperiebatur in sacrificiis falsæ Religionis, ideo etiam illa erant destructiva. Iam verò sacrificium nostrum vtramque habet significationem, nam, & habet significationem moralem inseparabilem à quocumque sacrificio, per quam sacrificium est summus Patriæ cultus externus, & habet præterea significationem mysticam expressissimam Passionis, & Mortis Christi; ergo si sacrificia antiqua ratione huius duplicis significationis fuerunt destructiva, debet, & nostrum necessario esse destructiuum.

Fortasse propter hanc consequentiam satius tandem duxit P. Suarez in dubium reuocare, An omnia, quæ in Scriptura dicuntur sacrificia, necessario fue-

## XII.

*Eadem pland  
ratio militat  
in Sacrificio  
Eusebæ.*

rint destructiva. Proponit ergo iterum sibi idem Bellarmini fundamentum hoc alio modo. Si quis Agnum viuum sumeret, eumque Deo offerret, solum præsentando illum super Altare, & illum non interficiendo, neque immutando, illud non satis esset ad Sacrificium, sed esset quædam simplex oblatio; ergo similiter sola consecratio, per quam Christus præsentatur Deo in Altari, si non intercedat alia sumptio, vel immutatio non potest sufficere ad Sacrificium.

Quid ad hoc argumentum respondit P. Suarez? Hic planè tenetur suam mentem aperire. Respondetur, inquit, licet quod in antecedente assumitur frequentius, ita factum fuerit iuxta communem usum veterum Sacrificiorum; tamen simpliciter id non esse necessarium, posset enim sacrificari Agnus absque immutatione reali, & physica, si aliquid aliud sacrum circa illud fieret, quo censeretur manere moraliter sanctificatus, & ad sacros usus deputatus, nam non est de absoluta ratione Sacrificij realis immutatio, seu destructio alicuius materiæ oblatæ, quia & in Levitico interdum legimus Sacrificia facta sine tali immutatione, ut patet cap. 23. & 24. & ipsum nomen Sacrificium solum postulat, ut circa rem oblatam fiat aliquod sacrum, quo Divina excellentia recognosci possit, quod non repugnat alio modo fieri, quam per realem immutationem.

Hæc responsio valdè improvisa, & inexpectata mihi fuit. Primo quia non videbatur cohærere cum doctrina paulo ante tradita, quod scilicet singulare sit in Sacrificio nostro non esse destructivum, eo quod per se primo, potius est propter offerendum, quam propter destruendum. Iam enim admittit Sacrificia alia sine vlla physica, & reali immutatione, & destructione. Immo multò minus destructivum fuisset Sacrificium illud Agni, quam nostrum, quia in nostro est saltem transmutatio, & destructio substantiæ panis etiam in cultum Dei, in illo autem nulla supponitur fieri realis, & physica immutatio.

Secundo, quia intolerabile videbatur in Agno relicto integro, & viuo admittere veram, & realem rationem Sacrificij, tam apertè reclamante S. Thoma 2. 2. quæst. 86. art. 1. ubi tradens discrimen inter oblationem simplicem, & Sacrificium, ait: *id quod exhibetur Deo in Sacrificium consumendum est, quod exhibetur, ut integrum maneat, erit oblatio, & non Sacrificium.* Super quem locum Theologi communiter docent id, quod contra Calvinum egregie probat Bellarminus lib. 1. cap. 2. Quod licet secundum Scripturæ usum, omne Sacrificium oblatio quædam sit, non tamen omnis oblatio est Sacrificium, quia Sacrificium præter oblationem requirit mutationem, & consumptionem rei, quæ offertur, quam non requirit simplex oblatio. Quare falsum est ad Sacrificium illius Agni satis fuisse, si aliquid aliud sacrum circa illum fieret, quo censeretur manere moraliter sanctificatus, & ad sacros usus deputatus, nisi enim ad hoc ultimum sacrum veniatur ut res oblata in Dei honorem, & cultum destruat, nunquam propriè dicitur sacrificata.

At in Levitico cap. 23. & 24. legimus Sacrificia facta sine tali immutatione? Quid ad propositionem huiusmodi responderet Scripturarum peritissimus Bellarminus? Afferantur, diceret, sacri Codices, recitetur totum Leviticum, certè in citatis capitibus 23. & 24. vel hoc non legitur, vel oppositum legitur. Etenim cap. 23. de tribus tantum sacris oblationibus fit mentio. Prima est de oblatione Spicarum, quæ fiebat in Paschate. Altera de oblatione Panum primitiarum,

XIII.  
*Dubatur de antiquis Sacrificiis an fuerint necessario destructiva.*

XIV.  
*Improbatur dubitatio.*

XV.  
*Sacrificium differt à simplici oblatione per consumptionem.*

XVI.  
*Nulla oblatio sacrificialis in Levitico sine destructione.*

quæ fiebat in Pentecoste, cap. verò 24. fit mentio oblationis panum propositionis, quæ fiebat singulis Sabbathis. Prima erat Sacrificium, sed falsum est in illo non intercessisse physicam, & realem immutationem. Altera non erat cum physica, & reali immutatione, sed non erat Sacrificium. Tertia, neque erat Sacrificium, neque fiebat cum aliqua immutatione. Ac primum quidem, quod oblatio, seu Sacrificium Spicarum fieret cum immutatione aperte traditur Leuit. 2. vbi dicitur: *Si autem obtuleris munus primarum frugum tuarum Domino de specie adhuc virentibus, torrebis igni, & confringes in modum farri, &c. de qua adolebit Sacerdos in memoriam muneris partem farri fracti.* Farinam ait Abulensis de illis speciebus teneris adhuc, & humidis, vocat far fractum, neque prætereundus est ritus huius oblationis, quem refert noster Cornelius in cap. 23. E falciculis, inquit, spicarum Sacerdos accipiebat vnum, quem Deo offerebat, oblatum torrebat, & sicebat, siccatum excutiebat, granaque excussa comminuebat, atque ex farina comminuta imposito simul thure, & oleo, pugillum accipiebat, quem cremabat, & adolebat Domino. Ecce quot immutationes, quam reales, & quam sensibiles.

## XVIII.

*Oblatio panum  
primarum  
non erat Sacri-  
ficium.*

Quod verò altera oblatio panum primitiarum, quæ fiebat in Pentecoste, in qua immutatio istiusmodi non legitur, non fuerit Sacrificium. Probatur euidenter, quia vt omnes Interpretes obseruant; hi panes fiebant ex simila fermentata, quæ sacrificari non poterat, vt patet cap. 2. ver. 11. vbi dicitur: *Omnis oblatio, quæ offertur Domino absque fermento fiet, nec quidquam fermenti, ac mellis adolebitur in Sacrificio Domino.* Hi ergo panes nullo modo erant Sacrificia. Vnde nec libamina cum hisce panibus offerebantur, sed erant tantum primitiæ messis triticæ, quæ dabantur Sacerdotibus, & in eorum esum, & vsum plane cedebant.

## XXIX.

*Neque oblatio  
panum Proposi-  
tionis erat Sa-  
crificium.*

Restat tertia oblatio panum Propositionis, de quibus hæc Abulensis. Isti panes non proueniebant specialiter alicui Sacerdoti, vt in Sacrificiis, quia non faciebat Sacerdos aliquis specialiter aliquas caeremonias circa illos, sicut circa Sacrificia, sed solum ponebantur super mensam Propositionis, & cum ibi mansissent vsque ad Sabbathum sequens tollebantur, vt comederet eos Sacerdotes, &c. Abulensem sequuntur alij cum Cornelio, qui hæc habet. Panum horum oblatio non erat Sacrificium propriè dictum, nulla enim in iis fiebat immutatio. Et P. Vasquez, qui 3. par. disp. 220. præsupponit fuisse Sacrificia, vt cohærenter procederet ad doctrinam de Sacrificio in genere, ostendit factam in illis panibus esse immutationem sacrificalem per cocturam in Clibano. Hæc ille. Sed de hoc genere immutationis & Sacrificij, allato à P. Vasquez fusè disputauimus lib. 2. quæst. 13.

Nullum ergo locum ex Leuitico habemus, ex quo infirmari possit generalis illa propositio Bellarmini, quod scilicet omnia omnino, quæ in Scriptura dicuntur Sacrificia necessario destruenda erant. Quare recurrit nostrum argumentum petitum ab antiquis Sacrificiis, quæ omnia fuerunt destructiua, & huius nostri figuratiua.

Et sanè P. Suarez, vt erat non minus acris, quam grauis Iudicij vir, noluit firmiter adherere responsioni, quia reuera nimis alienum videbatur non solum ab vsu Scripturæ, sed à coniumi etiam omnium hominum conceptu, vt Agnus



omnino immutatus (physicè, per quamcumque aliam sacram cæremoniam externam dici posset verè, & propriè sacrificatus. Ideo memor prioris doctrinæ facilius, inquit, negatur consequentia, & similitudo; quia ille Agnus non præsentatur Deo per actionem sacram immutatiuam vnius creaturæ, vt efficiat Agnum immaculatum in Dei honorem, repræsentando simul cruentum Sacrificium talis Agni, per quam actionem offertur Christus in Eucharistia, quæ sufficientissima est ad rationem Sacrificij, præsertim quia sicut per actionem destructiuam potest coli Deus, & significari suprema eius potestas, & dominium, ita etiam per actionem effectiuam ad hoc deputatam à Deo, maximè si illa effectio sit supernaturalis, & Diuina & terminetur ad præsentandam Deo rem illi gratissimam, qua ipse maximè colitur, & honoratur. Vnde licet domus accessorium esse ad Sacrificium, realem immutationem alicuius creaturæ, non inde sit esse necessarium per modum destructionis in re principaliter oblata, quia etiam esse potest per modum effectiōis.

Ecce quemadmodum in hac postrema responsione reuertitur P. Suarez ad priorem suam doctrinam, quæ admittit quidem in omni Sacrificio intercedere debere realem immutationem, & destructionem; ita tamen, vt non sit necessaria in re principaliter oblata.

Atque hanc tandem responsionem complexi sunt P. Suarj Sectatores; inter quos omnium clarissimè est P. Ægidius de Coninch, qui quæst. 83. art. 1. dub. 1. ait, rem aliquando ita corrumpi, vt ex ea nascatur aliquid ipsa dignius, & aptius, quod Deo offeratur, quàm sit res corrupta; sic in Sacrificio nostro corrumpitur panis, & reprodueitur ibi Corpus Christi, & dum res odorifera incenditur, producit quædam exhalatio suauissimi, ac gratissimi odoris, quæ per se experitur, & cuius causa, illa materia incenditur, & consequenter in vtroque Sacrificio res producta, vt potè dignior, magis offertur quàm corrupta, & habet veram rationem hostiæ. Contra verò dum mastrantur pecudes, aut nihil producit, aut producitur cadauer, vt aliqui volunt, quod vilius est animali occiso, & consequenter hoc habet potius rationem hostiæ, quàm illud, & ratio Sacrificij consistit in huius peremptione, non autem propriè in illius productione. Et rursus dubio 5. reperit in omni Sacrificio communiter aliquid destrui, & aliquid aliquo modo produci: Item aliquando principalem hostiam esse rem ipsam, quæ destruitur, vt quando animalia immolantur. Contra in Thymiamate res producta siue sufficit ex ipsius crematione proueniens est principalis hostia, vterque tamen terminus est Sacrificio essentialis. Similiter in nostro Sacrificio, principalis hostia est Corpus, & Sanguis Christi in honorem Dei hic reproducta: minus autem principalis, & quasi secundaria hostia, est panis, & vinum, quæ huic Sacrificio essentialia sunt, quatenus illorum reproductio debet necessario, & ex his, & sub harum speciebus fieri.

Plausibilis est hæc explicatio, & totam mentem P. Suarez planè declarat: quamuis merito non multum curet, neque vim faciat in qualitate actionis reproductiæ, quæ est supernaturalis, & Diuina, in qua momentum aliquod ponere videtur P. Suarez. Quid enim refert ad substantiam Sacrificij, quod Victimam sit hoc, vel illo modo producta; immodò ad substantiam, & formalitatem Sacrificij nihil refert, quod victima sit pretiosior, aut vilior; dicebatur quidem

XX.

*Explicatur magis doctrina de Sacrificio productiuo.*

XXI.

*Actio per quam produciuntur victimæ est extrinseca Sacrificio.*



Sacrificium Vituli maius, Sacrificium Agni ratione pretij rei oblata; non erat tamen maius in ratione Sacrificij, præsertim quod Sacrificium propriè, non in re oblata, sed in oblatione consistit. Quare quidquid P. Suarez considerat ex parte qualitatæ actionis, qua producitur victima, totum materialiter se habet ad rationem Sacrificij, neque minus preciosum esset Sacrificium nostrum, & honorificum Deo, si Christus, qui est victima reproduceretur sub speciebus, aut adduceretur actione merè naturalis, esset enim etiam in tali casu eadem numero victima, & idem offerens qui est nunc.

Cæterum tota illa explicatio facta, contra se habet assumptum fundamentum Bellarmini, Scripturarum auctoritate, & communi omnium confessione firmissimum, quod scilicet de essentia Sacrificij est, ut victima consumetur, & realiter immutetur, sed victima Sacrificij nostri, non est substantia panis, & vini; ergo non est satis ad essentiam Sacrificij, quod ipsa consumetur, & immutetur. Neque quidquam probat exemplum de Thymiamate, tum quia: adoletio Thymiamatis nunquam fuit verum Sacrificium in Scriptura, ut nos Deo danæ fuisse ostendimus in Tractatibus Scripturalibus, tum quia si fuisset Sacrificium, profectò non in productione suffitus, sed in destructione ipsius substantiæ Thymiamatis eius Sacrificij consummatio poneretur; ex consummatione enim substantiæ cuiuscumque rei oblata, odor ille supremi cultus ascendit, quem appellat Scriptura odorem suavitatis. Atque hic tangitur tota radix obscuritatis in proposito ab Aduersariis modo philosophandi, quia verè ipsi neglexerunt examinare, in quo formaliter consistat natura summi cultus, quod nos diligenter curauimus, & tanquam totius operis faciem in ipso vestibulo collocauimus, relegantur quæ diximus lib. 2. quæst. 1. ex iis enim apparet summum Sacrificij cultum non nisi in destructione posse consistere.

Interim pergamus, & videamus quæ argumenta mouerunt P. Suarez, ut Sacramenti Sacerdotalem consumptionem, partem Sacrificij essentialē esse negaret. Illa quatuor sunt.

XXIII.  
*Prima obiectio  
ex autoritate  
negatiua.*

Primum ex autoritate quasi negatiua Euangelistarum, quos verisimile est, narrantes historiam non prætermisisse essentialē ritum huius Sacrificij; referunt autem expressè Christum Dominum consecrasse Eucharistiam, non autem ita referunt sumpsisse illam: Si autem hoc esset de essentia Sacrificij, debuisset directè, & satis clarè ab Euangelistis referri.

XXIV.  
*Quantum va-  
leat autoritas  
negatiua.*

Respondeo autoritatem illam quasi negatiuam parum valere apud Catholicos, alioquin Hæretici illi antiqui, qui prætextu sobrietatis nullo modo vinum in Calice offerendum dixerunt, ut Etionitæ, & Tatiani apud Epiphanium, & Aquarij apud Agustinum, potuissent contra nos efficaciter argumentari iisdem verbis P. Suarez ex autoritate videlicet quasi negatiua Euangelistarum, quos verisimile est narrantes Historiam, & Institutionem tanti Mysterij non prætermisisse essentialē materiam huius Sacramenti, & Sacrificij. Referunt autem expressè Christum Dominum consecrasse panem, non autem ita referunt consecrasse vinum. Si autem hoc esset materia essentialis huius Sacramenti, & Sacrificij debuisset directè, & satis clarè ab Euangelistis referri. Quid ad hoc argumentum responderet P. Suarez, si tanti apud ipsum valet autoritas negatiua Euangelistarum in rebus essentialibus ad materiam, & formam Sacramenti, & Sacrificij?

Sacrificij? Certè assumptum, quod videlicet Euangelistæ referunt Christum expressè consecrasse panem, non autem ita consecrasse vinum non negaret; nam verè apud Euangelistas nulla prorsus mentio vini est, cum agitur de Calice Eucharistico. Legantur, inquit Bellarm. lib. 4. de Eucharistia cap. 10. legantur omnia loca Euangelistarum. Matthæi 26. Marci 14. Lucæ 22. Ioannis 6. non inuenietur mentio vini, sed hoc tantum inuenietur, Calicem Sanguinis Apostolis propinatum. At apud citatos Euangelistas habetur illud: *Amen dico vobis, non bibam de hoc genimine vitis, donec illud bibam nouum in Regno Dei.* Verum est, hic vnicus, & singularis est locus, vbi mentio vini fit, sed ea verba, ait idem Bellarminus non pertinent ad Calicem Eucharistiæ, sed ad Calicem, qui datus fuit post Agni Paschalis manducationem, vt ex Luca manifestè colligitur. Quid ergo responderet P. Suarez ad hoc, nimirum, non esse ita nobis certum Christum consecrasse vinum, sicut est certum consecrasse panem? planè negaret, Argumento verò responderet, quod Bellarminus responderet in simili; nimirum non esse minus certam consecrationem panis, quam vini, quia non est minus Catholicus certum, quod expressè habetur in Euangelio, quam quod habetur ex traditione eorum, qui ab Apostolis, & eorum Discipulis hæc mysteria didicerunt, alioquin apud Catholicos nihil certi de materia Calicis haberetur.

Dicimus ergo certissimum nobis esse Christum consecrasse, & sumpsisse: hoc enim nos Vniuersa docet Ecclesia per suos omnes Doctores, verosque Catholicos nemine discrepante, Dixi nemine discrepante, quia P. Vasquez in quæst. 81. Sancti Thomæ art. 1. Cum dixisset in ea conclusionem omnes Catholicos, quos ipse legit, planè conuenire, subdit: nostro autem Sæculo fuit Lutherus apud Clithouæum, & Sotus in 4. dist. 12. quæst. 2. art. 1. qui id planè negauit. De Luthero nihil moror, & nihil miror. De Soto, id P. Vasquez apud aliquem non accuratum authorem legit; ipse certè non vidit; nam Author hic præclarus in citata illa dist. quæst. 2. art. 1. vbi quærit: Vtrum Christus sumpsit suum Corpus, & Sanguinem; vnica hanc statuit conclusionem his planè verbis: *Christus primo proprium corpus consecrauit, & sumpsit, ac deinde Discipulis sumendum tradidit.* quam conclusionem probat doctè, & eruditè, & obijciens sibi argumentum, quod contra se obijcit S. Thomas, quod scilicet de factis Christi, & dictis nihil asseri debet, quod non sit in sacra Scriptura traditum, ait tale argumentum esse Hæreticorum genuinum, & Luthero vbique in perniciem Ecclesiæ vsurpatissimum, & respondet cum S. Thoma: quod licet hoc non legatur expressè, legitur tamen, quod accepit panem, & sanguinem, quod quidem licet intelligatur manibus, vt Ecclesia refert, non tamen est credendum, quod accepit solis manibus, vt Hæretici credunt: immò accepit, & Discipulis accipiendum tradidit. Cum ergo illis dixerit: accipite, comedite, & bibite, inde colligitur se eodem modo, scilicet ore accepisse. Vnde quidam metricè dixerunt:

*Rex sedet in Cæna, turba cinctus duodena*

*Se tenet in manibus, se cibatur ipse cibum.*

Hoc autem de Soto Prædicatorum Ordinis Doctore significare volui, tum quia Catholicæ propositionis veritas, & certitudo id postulare videbatur; tum quia hanc qualemcumque vindicationem debebat illi nostra Societas, quia ipse in primis sua doctrina informauit nobis Salmanticæ Franciscum Toletum, quem

XXV.

*In Institutione  
Eucharistia  
nulla fit men-  
tio vini.*

XXVI.

*Vindicatur  
Sotus.*

XXVII.

*Christus sum-  
psit suum cor-  
pus & sangui-  
nem.*

etiam propter ingenij excellentiam prodigium appellare consueuerat.

XXVIII.  
*Secunda ob-  
iectio ex autho-  
ritate posita.*

Secundum argumentum ex autoritate posita ex doctrina Sanctorum Patrum, qui sola consecratione contenti videntur ad explicandam huius Sacrificij rationem, vt patet ex Ambrosio, Cypriano, Gregorio, & aliis. Præterea ex Concilio Toletano 12. cap. 5. vbi dicitur: Participandum est de Sacrificio quoties immolatio facta consisterit, in quibus verbis supponitur immolationem prius esse factam, quam de Sacrificio particeps Sacerdos; vnde non docet Sacerdotem debere sumere, vt immolet, vel offerat, sed vt de re iam oblata, & immolata participet iuxta illud 1. Cor. 10. *Qui edunt hostias, particeps sunt Altaris.*

Respondeo, Patrum testimonia alibi à nobis examinata esse, & potius pronostre stare sententia multis ostendimus. Quod additur de Toletano si rectè perpendatur, plurimum nobis fauet. Ibi enim indicatur essentialis connexio inter immolationem, & consummationem Sacrificij, quæ haberi non potest, nisi per victimæ consumptionem. Neque facienda est vis in verbo, participare, quod videtur præsupponere Sacrificium consummatum, nam duplex est participatio. Altera sacrificialis, altera laicalis, & vtraque est participatio Sacrificij, sed laicalis est participatio Sacrificij præsuppositiue, Sacerdotalis verò est participatio Sacrificij perfectiue, constitutiue, & consummatiue.

XXIX.  
*Duplex parti-  
cipatio Sacrifi-  
cij, altera sa-  
crificialis, alte-  
ra laicalis.*

Quod verò Concilium de hac posteriori principaliter loquatur est manifestum, quia subdit, quale erit Sacrificium, cui nec ipse sacrificans particeps esse dignoscitur: hic sermo est de participatione necessaria, & essentiali Sacrificio, sine qua Sacrificium non est Sacrificium; ergo sermo est de participatione Sacerdotali, in quantum est consummativa Sacrificij: nam sumptio laicalis, quæ non consummat Sacrificium, nullo modo est necessaria ad substantiam Sacrificij, sed illam adæquatè perfectam præsupponit.

XXX.  
*Sumptio Sacer-  
dotalis est per-  
fectio Sacrificij.*

Hæc mihi videtur esse expressa sententia S. Thomæ quæst. 80. art. 12. Vbi agens de sumptione Sacerdotali vtriusque speciei. Quia ad Sacerdotem, inquit, pertinet hoc Sacramentum consecrare, & perficere, nullo modo debet Corpus Christi sumere sine sanguine, quasi dicat: sumptio Sacerdotalis est perfectio, & consummativa Sacrificij: Ideo non solum pertinet ad Sacerdotem consecrare, sed perficere, & consummare: hoc autem per summptionem, & communionem Sacerdotalem. Et in responsione ad primum, explicans autoritatem Gelasij Papæ, dicentis, aut integra Sacramenta percipiant, aut ab integris arceantur: loquitur, inquit, ad Sacerdotes, qui sicut totum consecrant Sacramentum, ita etiam toti communicare debent; vbi, quod dixerat perficere, dicit communicare, quia Communio Sacerdotalis non est simplex sumptio, sed perfectio, & consummatio Sacrificij.

XXXI.  
*Tertia obiectio  
ex ratione ope-  
rationis.*

Tertium argumentum, ex optima, vt inquit P. Suarez, conjectura. Quia in hoc Sacrificio principalis Sacerdos offerens est Christus, in tantum verò Christus est principalis offerens in quantum proximus Minister in persona eius operatur; ergo sola illa actio est essentialis oblatio huius Sacrificij, quam Sacerdos ministerialis in persona Christi exercet; hæc autem est sola consecratio: in illa enim loquitur in persona Christi, in sumptione verò nihil operatur in persona Christi, sed in propria, nihil enim in ea fit, quod in persona Christi fieri sit necesse. Et potest in hunc modum declarari, nam in sumptione duo sunt, scilicet

collatio Sacramenti, & acceptio: primum fit quidem à Sacerdote, vt Ministro Christi, non tamen vt operante, & repræsentante formaliter personam eius, sed per potestatem ab eo receptam, sicut quando baptizat, vel aliud Sacramentum confert: immò hæc actio per se, & in rigore, licet requirat potestatem ministerialem, non tamen Sacerdotalem, nisi ratione consecrationis, potest enim per se à Diacono fieri. Vt autem sumptio est receptio Sacramenti, multo minus fit in persona Christi: fit enim à Sacerdote vt membro Christi participante victimam oblatam, vnde Sacerdos sumpturus Sacramentum eodem modo pro se, & pro aliis orat, vt quotquot ex hac Altaris participatione sumpserimus, omni benedictione cœlesti, & gratia repleamur. Et ideo statim in propria persona dicit: Domine non sum dignus. Dum ergo sumit, propriam tantum gerit personam non Christi; ergo illa sumptio non pertinet ad essentialem actionem huius Sacrificij.

Respondeo. Nullo modo tolerandam esse propositionem illam, quod Sacerdos dum consumit, propriam tantum gerit personam; nam primo, hoc est aperte contra S. Thomam quæst. 80. art. 12. ad 3. vbi ait. Corpus à populo sumi sine sanguine, & quidem, inquit sine detrimento, quia Sacerdos in persona omnium sanguinem offert, & sumit. Si Sacerdos in persona omnium sanguinem sumit, quomodo propriam tantum, priuatamque gerit personam dum consumit? Quid quod ipse P. Suarez super eam quæstionem S. Thomæ Sect. 1. obiciens sibi summptionem laicalem, Sacramenti, esse participationem Sacrificij, & ideo debere esse integram sub vtraque specie. Respondet his verbis. Hoc nihil refert, quia non est de ratione Sacrificij, vt omnes, qui adsunt, & consentiunt Sacrificio, illudque per Sacerdotem offerunt, de ipso participant, sed satis est, vt publicus Minister illud consummet. Ecce Sacerdotem dum sumit, publicam gerere personam. Quomodo ergo dum sumit, propriam tantum gerit personam? Addit præterea idem P. Suarez Sect. 2. Communionem sub vtraque specie non fuisse necessariam ad Diuinum cultum, quia cultus vtriusque summptionis datur ab omnibus assistentibus per Sacerdotem, illum cultum Deo offerentibus. Ecce iterum cultus ille summptionis Sacerdotalis, non priuatus, sed publicus; non ergo in illo actu propriam tantum gerit personam Sacerdos, sed vt loquitur Augustinus, gerit totum corpus Ecclesiæ, quod verba illa sacri Canonis contra nos allata potius confirmant, vt quotquot ex hac Altaris participatione sumpserimus, &c.

Quod si in persona totius Ecclesiæ, & tanquam os totius corporis mystici Sacramentum consumit, id profecto est, quia in tali etiam actu Sacerdos repræsentat personam Capituli Christi principalis offerentis, atque adeo perficientis, & consummantis Sacrificium suum.

Neque obstat ait Bellarminus lib. 1. cap. 27. quod Christus non se ipse manducat, neque immediatè consumit Sacramentum; vnde inferri posset, quod huiusmodi consumptio non fiat in persona Christi: nam sicut in sacrificio Crucis, quæ est efficax panis, & instantia, sicut in sacrificio Crucis, Christus verè se ipse sacrificauit, quia occidendum obrulit, licet non se ipse occiderit; ita in sacrificio Altaris, ipse dei potest consumere, quia ad consumandum se tradit. Atque huc reuoco testimonium S. Cypriani explicatum ab eodem Bellarmino lib. 2. de Eucharist. cap. 9. Christum videlicet dedisse Apostolis, eorumque successoribus in Sacerdotio, corpus sub specie panis edendum; In Cruce verò manibus

XXXXII.  
*Sacerdos in  
persona omniū  
sanguinem sumit.*

XXXXIII.  
*Sacerdos etiam  
dum consumit  
publicam gerit  
personam.*

XXXXIV.  
*Consumptio Sa-  
cerdotis in fit in  
persona Christi.*



militum corpus idem in specie sua tradidit vulnerandum. Sicut ergo, quia in Cruce se ipse tradidit in specie viventis perimendum, se ipse euentē sacrificauit; ita quia se ipse in Altari tradit consumendum sub specie non viventis, se ipse pariter inuentē sacrificat. Falsum ergo est quod in argumento assumebatur, Sacerdotem videlicet consecrare tantum in persona Christi, non autem consummare, neque verò ex eo quod sacrificialiter consumit in persona Christi, impeditur quominus Sacramentaliter sumat in persona propria, & illam gratiam accipiat, quæ sumentis est propria in quolibet Sacramento, ad quam accipiendam possit, & debeat se disponere, vt facit per illa verba: Domine non sum dignus, &c.

XXXV.

*Quarta ob-  
iectio ex super-  
fluitate sum-  
ptionis tanquā  
partis essentialis.*

Quartum Argumentum ex congruentia, quia nulla fuit necessitas instituendi sumptionem, vt essentialem sacrificio; & alioqui conueniens fuit vnique actioni proprium locum, & gradum tribuere; ergo verisimile est ita factum esse. Antecedens constat quoad primam partem, quia in consecratione sola potest fundari tota significatio, tam mystica, quam moralis ad sacrificium sufficiens. Quoad secundam verò partem patet, quia sumptio Eucharistiae, etiamsi à Sacerdote fiat, habet propriam rationem suam in ratione Sacramenti, formaliter namque est vsus Sacramenti, habere etiam potest suam propriam significationem distinctam à significatione Sacrificij; ergo, conueniens fuit, vt hic vsus Sacramenti omnino distinctus, & separatus fuerit ab actione sacrificandi, quo fit, vt tam verè immolatus sit Christus, vt manet sub hostia consecrata non sumpta à Sacerdote, quam vt fuit sub hostia, quam Sacerdos consumpsit. Quod videtur colligi ex sancto Thoma quæst. 82, art. 4. ad 3.

XXXVI.

*Necessitas sum-  
ptionis in Sa-  
crificio quan-  
ta, & vnde.*

Respondeo. Ad primam partem antecedentis; in quolibet Sacrificio sensibilis considerari posse duo. Alterum est sensibilis consumptio, & destructio, vt sic. Alterum est talis consumptio, & destructio, hoc est per talem, aut talem sensibilem actionem. Et quidem quod in Missa, posito quod ponatur esse verum sacrificium sensibile, sit vera, & sensibilis destructio, hoc habet à se, quia sacrificium est, neque in hoc pender ab Institutione. Fusè enim probauimus de ratione formali, & essentiali sacrificij visibilis esse visibilem, & sensibilem destructionem, & consumptionem. Quod verò in Missa huiusmodi destructio, & consumptio habeatur per sumptionem Sacerdotalem ita vt illa sit instituta à Christo ad consummandum, & perficiendum hoc modo sacrificium, hoc habemus quia nulla est in tota Missa actio, per quam realiter, & sensibilibiter vt natura externi sacrificij postulat, realis illa consumptio habeatur. Quare cum nulla alia actio assignari possit, tanta est necessitas huius actionis in Missæ sacrificio, quanta suæ partis essentialis. Siue ergo realis destructio sit necessaria sacrificio ratione significationis moralis, & mysticæ simul, siue tantum ratione moralis, vt vera sententia fert, certum quod est necessaria ad saluandam essentiam sacrificij, & certum est, quod in tali sacrificio, hoc est in Missa, per nullam aliam actionem illa habetur sensibilibiter nisi per sumptionem. Itaque frustra congeruntur argumenta, quæ probent mysticam significationem posse totam haberi in actione consecrationis. Nam etiam dato, quod Missa, vt sacrificium commemoratiuum est Passionis, sufficienter perficiatur per consecrationem, quod tamen est falsum. Adhuc assignari debet actio, per quam sacrificium absolute sit. Sacrificium enim commemoratiuum, est verum sacrificium; ergo habet suam essentiam commu-



nem omni vero sacrificio; hæc autem sine reali, & sensibili destructione consistere non potest. Vel ergo consecratio sola importat hanc realem, & sensibilem destructionem, vel non: Si importat, habet totam essentiam sacrificij antecedenter ad rationem commemoratiui: si non importat, quantumvis habeat plenissimam rationem commemoratiui, nullam habebit veram rationem sacrificij.

Quoad secundam verò partem antecedentis, in qua assumitur, sumptionem Sacerdotalem esse usum tantum Sacramenti, & non sacrificij, est planè falsum; immò propter usum sacrificij principaliter est necessaria, & adhuc finem est à Christo primario instituta, proptè sit à Sacerdote, quia usus sacrificij prior est, & nobilior vsu Sacramenti, quia immediatius refertur ad cultum Dei; Sacramentum enim immediatè refertur ad nostram sanctificationem, non ad cultum soli Deo debitum, reddendum; vnde non potuit, nec debuit usus Sacramenti non esse primariò, & principaliter usus sacrificij.

Neque vllò modo est verum vt tam verè immolatus sit Christus, vt manet sub hostia consecrata non sumpta à Sacerdote, quàm vt fuit sub hostia, quam Sacerdos consumpsit. Quandiu enim res oblata manet integra, non potest intelligi actu consummato sacrificata, neque contra hoc quidquam docet S. Thomas in questione illa citata. Dicit quidem ibi sanctus Doctor, si contingat apparere carnem, aut sanguinem in speciebus, non esse necessarium ex præcepto iterum conficere, & sumere, nec propter hoc Sacerdotem transgressorem elici, quia ea quæ miraculosè fiunt, legibus non subduntur, nunquam tamen dicit, quod si iterato Corpus, & Sanguinem Domini non consecret, & sumat, immolatio, & sacrificium fuisset perfectum. Vnde corrui vltima conjectura, quam sumit P. Suarez ab effectu sacrificij, qui non differtur vsque ad sumptionem; sed statim post consecrationem datur, alioquin in eo casu sacrificium maneret sine effectu. Corrui, inquam, quia in eo casu non esset simpliciter sacrificium perfectum. Vtrum autem & quomodo effectu sacrificij differatur vsque ad sumptionem alterius loci, & negotij est. Dicimus tamen cum Henriquez lib. 9. cap. 9. num. 4. non dari ex operato fructum effectumque Sacrificij nisi facta consumptione, quæ est, inquit, signum Diuinæ acceptationis; vnde in lege veteri præter immolationem, occisionemque animalis fiebat quædam consumptio per ignem, aut per Sacerdotem deuorantem, per quem, vt per Ministrum suum, censebatur Deus acceptasse Sacrificium; sic merita Christi ante consummationem Sacrificij cruenti per mortem, non sunt de facto acceptata à Deo tanquam efficacia ad aperitionem Cæli, quamuis dignissima essent, quæ acceptarentur, vt docent communiter Theologi.

XXXVII.  
*Sumptio Sacerdotaliu potius est vsus Sacrificij quam Sacramenti.*

XXXVIII.  
*Ante sumptionem non est Sacrificium.*





# QVÆSTIO TERTIA.

## *Expēditur Sententia media de essentia huius Sacrificij.*

- I. *Propōnitur opinio media.*
- II. *Duplex genus destructionis.*
- III. *Quomodo destruatnr Corpus Christi.*
- IV. *Destructio præmia ad Sacrificium.*
- V. *Destructio etiam humana debet esse sensibilis in Sacrificio.*
- VI. *Per solam consecrationem nulla sit destructio sensibilis.*
- VII. *Christus in propria specie nullo modo est Victimā Sacrificij nostri.*
- VIII. *Discrimen inter has duas opiniones.*
- IX. *Explicatur magis opinio de Lugo.*
- X. *In consecratione, vel totum Sacrificium, vel nullum.*
- XI. *De ratione formali holocausti non est ignis.*
- XII. *Holocaustum præcindit à qualitate destructionis.*
- XIII. *In quo consistit formalitas holocausti.*
- XIV. *Per Bellarminum non datur duplex sacrificialis destructio.*
- XV. *Examinatur genus compositionis inter duas destructiones.*
- XVI. *Quid sequatur ex compositione homogenea.*
- XVII. *Sumptio ex mente Ecclesia est pars Sacrificij essentialis.*
- XVIII. *Victima destruibilis est illa, quæ est visibilis.*



ETVLIMVS Bellarmini Sententiam de necessitate consumptionis Sacerdotalis tanquam partis essentialis huius Sacrificij. Retulimus item opinionem Suarij de sufficientia consecrationis ad totam illius essentialiam intrinsecè constituendam. Inter hos duos disceptatores intercessit tandem medius Cardinalis de Lugo, qui disput. 19. de Sacram. Sect. 5. conatur utrumque conjungere.

I.  
*Propōnitur opinio media.*

Itaque pro P. Suarez docet de Lugo, consecrationem pertinere ad substantiam Sacrificij, ita vt posita consecratione, iam sit posita substantialis Sacrificatio. Pro Bellarmino verò, docet consumptionem etiam pertinere ad substantiam Sacrificij, ita vt illa adueniente, ponatur etiam aliqua pars eiusdem substantiæ, quod, inquit, non repugnat; nam etiam Sacerdos quando sumit dimidiam partem hostiæ, sumit substantialiter hoc Sacramentum, & tamen sumptio alterius dimidiæ partis est etiam aliquid substantiale pertinens ad sumptionem Sacramenti.

Sed videamus an partes inter se dissidentes, in hanc mediam sententiam sint discessuræ. Et primo Cardinalis Bellarminus videtur constanter repugnare in suo fundamento, quia non ante est posita substantialis sacrificatio, quam sit facta *realis destructio*, sed posita consecratione non est facta realis destructio; ergo posita consecratione non est posita substantialis sacrificatio.

Non negat destructionem requiri de Lugo, sed nomine destructionis ait, non semper intelligi physicam, vel metaphysicam corruptionem substantialem hostiæ, seu victimæ, sed destructionem, vel physicam, vel humanam, ita ut ex vi sacrificacionis, hostia provt est in termino illius actionis, habeat statum aliquem decliuiorem, & saltem humano modo defierit. Probat verò hanc acceptionem destructionis esse admittendam primo ab iis, qui exigunt consumptionem tanquam partem essentia; quia, inquit, certum est hoc Sacramentum non destrui physicè, etiam per actualem sumptionem, donec species corruptantur in stomacho, sed tamen quia per commelctionem videtur humano modo destrui, tunc dicitur verè sacrificari apud illos, qui exigunt destructionem ad essentiam Sacrificij. Secundo probat esse admittendam ab omnibus, quia apud veteres inuenimus aliqua sacrificari solita per talem destructionem humanam, verbi gratia, quando vinum libabatur effundendo illud ex Crateribus in terram in honorem Dei, illa effusio dicebatur libatio, & sacrificatio. Certum autem est, quod per effusionem formaliter non corrumpebatur substantialiter vinum, donec postea paulatim siccaretur, & consumeretur, Sacrificium autem in ipsa effusione fiebat, quia nimium per effusionem destruebatur humano modo, quatenus accipiebat statum aliquem inutilem ad priores operationes: Iam enim non poterat deferuire ad vsus humanos, sicut antea, quod sufficit, ut dicatur humano modo destrui, & consumi, licet in sua substantia non patiatur mutationem substantialem.

Hæc explicatio destructionis acceptione probata, facile explicat quomodo consecratione ipsa sacrificetur Corpus Christi, *Quia*, inquit, licet ipsa consecratione non destruat Corpus Christi substantialiter, destruitur tamen humano modo, quatenus accipit statum decliuiorem, & talem, quo reddatur inutile ad vsus corporis humani, & aptum ad alios diuersos vsus per modum cibi. Quare humano modo idem est, ac si fieret verus panis, & aptaretur, & condiretur in cibum, quæ mutatio sufficiens est ad verum Sacrificium; *Fieri enim comestibile illud, quod non erat comestibile, & ita fieri comestibile, ut iam non sit utile ad alios vsus, nisi per modum cibi, maior mutatio est, quam alia, quæ ex communis hominum mente sufficiebat ad verum Sacrificium.* Ita Cardinalis de Lugo.

Hæc explicatio vehementer mihi olim placuit, & illam frequenter adhibui ad explicandum quantum Christus Dominus in Mysterio Eucharistiæ ob charitatem nimiam, quæ dilexit nos, mutatus esset ab illo, qui in Tercis visus est, & cum hominibus conversatus est; Etenim non contentus, qui in forma Dei erat, formam serui accepisse inter mortales viuents, voluit præterea, cum iam in forma serui sic esset, exinanire adhuc magis semetipsum, formam non viuents accipiens in similitudinem panis factus, at vsu inuentus ut cibus. Quæ stupenda fuit planè dignatio, & amoris immensi prodigium.

Verùm ne quid dissimulem, totum hæc, locum habet in Eucharistiæ Mysterio, quatenus Sacramentum est, præscindendo à ratione Sacrificij, & per huius-

II.

Duplex genus  
destructionis.

III.

Quomodo de-  
struatur Cor-  
pus Christi.

IV.

Destructio præ-

mentum satis est per verba consecrationis: at Christus pro vt est in sua naturali specie existens non est victima Sacrificij nostri, sed prout existit sub speciebus in esse Sacramentali sub forma cibi, & panis; hæc est hostia Sacrificij nostri; ergo hæc debet esse materia sensibilis mutationis, & destructionis, ita vt per illam eripiat. visibus illius status accepti. Quare cum duplex veluti mutatio considerari possit in re nostra, altera qua Christus fit panis cælestis, & materialiter hostia, altera qua desinit idem panis cælestis, & fit formaliter hostia, seu Sacrificium, prior præsupponit ad Sacrificium, posterior siue dicatur physica, siue dicatur humana, modo sit sensibilis, vt verè sit consumptione Sacerdotali, non minus necessaria, quàm sufficiens est ad consummationem veri Sacrificij.

Totus ergo cardo difficultatis in eo iam vertitur, vt statuamus, quæ nam propriè, & in rigore est victima, & hostia Sacrificij visibilis Ecclesiæ. Nam si hostia huius nostri Sacrificij visibilis est illa, quæ peracta consecratione eleuatur, & adoranda populo proponitur à Sacerdote, illa certe est planè integra, & nullo, neque physico, neque humano modo destructa visibiliter.

Quod autem illa sit hostia Sacrificij visibilis Ecclesiæ, patet quia nullam aliam hostiam habet Ecclesia, neque enim Christus in sua propria specie est hostia Ecclesiæ. Vnde P. Suarez fatetur disput. 75. Sect. 1. Christum vt in propria specie existentem nullo modo esse rem oblatam in hoc Sacrificio, neque tanquam terminum, neque tanquam materiam; non tanquam terminum, quia prout in propria specie nullo modo fit, aut immutatur per actionem, qua hic sacrificatur; non tanquam materiam, quia in hoc sacrificio nulla est actio, quæ versetur circa Christum, vt in propria specie existentem, neque vt materiam, ex qua, neque vt materiam, circa quam aliquid fit. Et sanè ait hoc satis confirmat intentio totius Ecclesiæ: nullus enim fidelium est, qui intendat Christum offerre, & sacrificare prout in Cælo existit, sed prout in Altari ponitur. Non ergo Christus, vt sic est hostia Ecclesiæ; ideo si contingat (quod supra monuimus cum sancto Thoma quæst. 82. art. 4.) si contingat Corpus Christi in Altari in propria specie apparere, non est licitum illud sumere, iuxta id, quod docet S. Hieronymus super Leuit. De hac, inquit, hostia, quæ in Christi commemoratione mirabiliter fit, edere licet; de illa verò, quam Christus in Ara Crucis obtulit secundum se, nulli edere licet. Quare? Quia vt sic, non est hostia Sacrificij nostri, nec nostra, & insinuat tacent ratio, quia non fit à nobis. Hostia ergo Sacrificij nostri, & nostra secundum S. Thomam, & S. Hieronymum est illa, quæ fit ab Ecclesia ipsa per suos Sacerdotes ex vi consecrationis, per quam consecrationem tantum abest, vt hostia nostra aliquo modo destruat, vt per ipsam tanquam per causalitatem propriam, & adequatam in suo primo esse hostiæ, seu victimæ producat. Quod sanè videtur necessario concedendum à Cardinali de Lugo, quia ipse disertè dicit Sect. 6. & alibi, rem oblatam in hoc Sacrificio esse *Panem Cælestem*, panis autem Cælestis per consecrationem fit, non destruitur.

Contra istam ergo sententiam mediam æquè militat fundamentum, & ratio Bellarmini petita ex visceribus essentia Sacrificij visibilis, quæ nullo modo consistere, aut intelligi potest sine sensibili aliqua hostiæ destructione humano modo facta, quæ destructio donec sit posita, non potest intelligi posita substantialis sacrificio. Et quia reuera huiusmodi destructio visibilis hostiæ non fit humano

## VII.

*Christus in propria specie nullo modo est victima Sacrificij nostri.*

VIII.  
*Discrimen inter duas opinio-  
nes.*

modo ante sumptionem, ideo nullo modo intelligitur ante illam posita substantialis sacrificatio; unde patet, in quo maximè differant hæc duæ sententiæ inter se; nam Bellarminus in consecratione nullam agnoscit actualem destructionem, & ideo illam necessario postulat à consumptione; hæc est expressa, & sola ratio Bellarmini, quia, inquit, nulla est alia realis destructio victimæ præter illam: At Cardinalis de Lugo agnoscit in consecratione sufficientem destructionem, & ideo dicit per illam poni substantialem sacrificacionem, & per sumptionem aduenientem poni aliquam partem eiusdem substantiæ.

Reliquum est nunc, ut breuiter indagemus, An hæc opinio media contra se habeat Authores alterius sententiæ. Authores, qui P. Suarez sequuntur, philosophantur hoc modo.

Sola consecratio est sufficiens, & de se apta, ut possit imponi, ut in ea tota essentia Sacrificij consistat, quia in consecratione potest fundari tota significatio, tam mystica, quam moralis ad Sacrificium sufficiens; ergo verisimile est de facto sumptionem Sacerdotis non esse institutam, ut sit de essentia huius Sacrificij, atque adeo totam essentiam positam esse in consecratione.

IX.  
*Explicatur  
magis opinio de  
Lugo.*

Cardinalis de Lugo re ve a admittit totum antecedens, quia de facto ait, quod posita consecratione, iam est posita substantialis sacrificatio, & quidem coherenter ad doctrinam de destructione humano modo facta, in qua fundatur tota significatio moralis sacrificij, sicut significatio mystica fundatur in oblatione triuique separatæ speciei. Tamen vult sumptionem adhuc pertinere ad substantiam huius sacrificij, quia per ipsam adhuc magis consumitur, & destruitur victima. Sicut in holocausto necesse erat, victimam prius occidi, postea adhuc magis destrui per totalem combustionem, nostrum autem Sacrificium assimilari, ait, holocaustis, atque sumptionem correspondere combustioni. Sicut consecratio correspondet occisioni. Unde colligitur ratio cur non possit in vilo casu fieri consecratio sine sumptione, quia scilicet cum sumptio pertineat ad substantiam sacrificacionis, relinqueretur sacrificium incompletum, & imperfectum, veluti si in holocausto occideretur victima, & non combureretur. Quare præceptum Diuinum de sumptione Sacerdotali continetur in generali, & naturali obligatione efficiendi perfectum sacrificium. Totâ igitur vis huius sententiæ ponitur in proportionem, & similitudinem holocausti, in quo reperire est illam duplicem destructionem.

X.  
*In consecratio-  
ne vel totum  
Sacrificium,  
vel nullum.*

Sed contra est primo, quia in sententiâ Cardinalis de Lugo non habet locum paritas holocausti: nam per consecrationem solam antecedenter ad sumptionem, vel omnimoda sit destructio, vel nulla, atque adeo, vel per solam consecrationem fit etiam holocaustum, vel per solam ipsam, neque fit simplex sacrificium. Hoc autem sic ostendo, quia vel hostia consecranda est Corpus Christi secundum se non comestibile, quodlibet appellare incommestibile cæleste, vel est ipsum comestibile cæleste, seu ipsum corpus factum iam panis, & cibus cælestis per consecrationem. Si dicatur primum, iam ex vi consecrationis est posita destructio, quia non potest excogitari maior, etiam in holocausto, nam ut repetam verba eiusdem Cardinalis, fieri comestibile illud, quod non erat comestibile, & ita fieri comestibile, ut iam non sit vtile ad alios usus nisi ad modum cibi, maior mutatio est quam alia, quæ ex communi hominum mente sufficiebant ad verum



Sacrificium. Si dicatur secundum, certè ex vi consecrationis solius, nulla prorsus destructio humana ponitur. Quia sicut productum est comestibile hoc, ita integrum, & intactum manet, cum nulla circa ipsum actio, neque physice, neque humano modo destructiva versetur; ergo per consecrationem, vel omni-modà fit destructio, vel nulla, ergo vel est etiam holocaustum per solam consecrationem, vel neque est simplex Sacrificium ex vi illius solius.

At de ratione holocausti est, vt tota res oblata consummetur, & destruat. Audio, sed rogo, de qua consumptione, & destructione est sermo; de consumptione, & destructione substantiali, & entitativa physica, an humano modo? Certè hæc secunda abundè sufficit, alioquin sacrificium Crucis non fuisset holocaustum, quia tota res oblata secundum omnes suas partes non est consumpta, & destructa in Cruce. Rursum peto, de qua re oblata est sermo? De comestibili cælesti, an de incomedibili cælesti? Si de comestibili cælesti, nullo modo sensibilibiter destruitur per solam consecrationem, atque adeo, vt dixi, neque per illam fit simplex sacrificium. Si verò sermo est de incomedibili cælesti falsum est, quod res oblata non destruitur, consummat, immò annihilatur humano modo, & multo magis, quàm in Cruce, hic, vidimus, & non erat aspectus, absconditus est vultus eius, Isai. 53.

Sed vt rem ipsam propius attingamus; accipiatur victima, vt libet, & supponatur quod Cardinalis docet, nimirum consecratione poni substantialem consecrationem, q̃o, dicendum consequenter esse, summptionem non requiri tanquam partem intrinsecam sacrificij; ratio est, quia si per consecrationem ponitur substantialis sacrificatio, ponitur holocaustum, atque adeo cessat ratio, ob quam sumptio requirebatur tanquam pars substantiæ ipsius sacrificij. Dico tanquam pars substantiæ; nam quod requiratur aliquo alio modo, & quidem necessario ex Institutione Christi fatentur omnes: Immo P. Suarez Sect. 5. vt explicet quo modo Sacerdos sacrificans, Iure Diuino teneatur ad sumendum Sacramentum, etiamsi illius sumptio non sit de substantia Sacrificij. Dici, inquit, vltierius potest de ratione huius sacrificij esse ordinem ad summptionem, quia licet per se primo sit propter Diuinum cultum, consequenter verò etiam est institutum, vt hostia in eo immolata, & consecrata, sit animarum, & fidelium cibus, & hoc modo ordo ad summptionem potest aliquo modo dici de ratione huius sacrificij quamuis sumptio ipsa non sit de substantia eius, sed extrinseca quædam perfectio, & consecutio cuiusdam finis intenti in ipsa re consecrata, & sacrificata. Hæc ille. Dico ergo, posita per consecrationem substantialem sacrificiatione, non requiri summptionem tanquam partem intrinsecam sacrificij, quia vt dicebam in illa substantiali sacrificiatione positum est holocaustum.

Hoc, vt intelligatur, indaganda est formalis ratio holocausti. Et primo certum est, formalem rationem, & perfectionem essentialem holocausti non consistere in hoc, quod tota res oblata comburatur, alioquin in nulla sententia Sacrificium nostrum haberet veram rationem, & perfectionem holocausti. Scio P. Vander in luculenta sua expositione sacri Canonis Missæ cap. 7. dixisse Christum, qui per consecrationis verba, victimæ quasi mactatæ rationem accepit, iam in communionem quandam holocausti imaginem induere, quando consumptis in stomacho speciebus haud aliter sub illis esse desinit, quam si igne combureretur,

X I.

*De ratione formalis holocausti non est ignis.*

in quo, inquit, admirabilis sanè est Sapiencia Dei, cui cum tantæ victimæ holocaustum placeret, nec tamen vniuenti sui dignitari, reuerentiæque consultum videret, si eum in materialem ignem, non iam impij Iudæi, sed piè sacrificantes conicerent, visum est aliud illum inire modum, quo religiose consumeretur per modum cibi, quique & nobis futurus esset utilior, & honori tanti Sacramenti congrueret. Hæc ille ingeniosè, & piè; sed vt cætera nunc omittam; quamvis demus calorem naturalem igneæ esse naturæ, & homogeneum elementa. 1. quod Philosophi aliquot docuerunt; certum est ad saluandam veram perfectionem holocausti nullo ignis genere opus esse, cum teneamus sacrificium Crucis habuisse totam, ac veram perfectionem holocausti siue villo ignis genere, neque naturali, neque elementari.

## XII.

*Holocaustum præscindit à qualitate destructionis.*

Rursus certum est, ad rationem holocausti non pertinere formaliter, vt tota res oblata comedatur. Immo potius pertinere videtur vt nihil prorsus de ea comedatur. Hinc illæ blasphemix Lutheri in libro de Abroganda Missa priuata apud Valentiam. Natura, inquit, sacrificij est, præsertim perfectissimi, quod holocaustum vocant, totum Deo offerri, nihil ex eo hominibus relinqui. Cur ergo nos panem, & vinum totum comedimus, & bibimus? Cur non totum ei relinquimus, cum velinus hoc perfectissimum esse Sacrificium? Vbi hic subsistit ratio sacrificij, neque enim garrere sufficit, Christum offerri à nobis sub pane, & vino, nam & ipsum sumimus sub pane, & vino, ac nihil sumi à nobis debet de Sacrificio, & holocausto Domini, pugnant offerri Deo, & sumi à nobis. Et iterum. Prorsus inaudito monstrum est Sacrificium istud Papiisticum, vt ferè ipse Papa cum suo corpore toto non sit æquè monstruosus. Totum nos voramus, & totum Deo offerimus; hoc est tantum dicere, neque voramus si offerimus, neque offerimus si voramus. Et ita dum vtrumque facimus, neutrum facimus. Quis audiuit vnquam talia? &c. Hæc Lutherus, ad cuius impudentissimum argumentum dum respondent nostri Doctores, non contendunt de ratione formalis holocausti esse, vt rota res oblata comedatur; nam verè de antiquis holocaustis nihil prorsus comedebatur, sed contendunt non esse contra rationem, & perfectionem formalem holocausti, vt res tota, quæ in purum honorem Dei offertur, tota comedatur, alioquin, ait Valentia disput. 6. quæst. 11. puncto 1. Si ideo res oblata offerri Deo non potest, quia tota editur, multo minus holocausta olim offerri Deo potuissent, cum igne tota consumerentur, quid enim? An non magis absumitur, quod igne comburitur, quàm quod editur? Itaque ratio formalis holocausti præscindit omnino ab hoc, quod siue per combustionem, siue per comestionem, aut aliquam aliam substantialem, & realem destructionem consumetur. In quo igitur sita est ratio holocausti formaliter? Sita est in hoc, quod totum Sacrificium ordinetur immediatè in honorem, & amorem Diuinæ Maiestatis, & bonitatis, quæ ratio, quia ex concessione Aduersariorum perfectissimè reperitur in substantia sacrificali posita per consecrationem, ideo tenentur ipsi fateri per consecrationem haberi perfectissimum holocaustum; quod si totum hoc fateatur P. Suarez, licet ipse sentiat Sacrificium, quod consecratione sola fit, totum esse productiuum, & nullo modo destructiuum rei, quæ primario, & principaliter in Dei cultum offertur, quanto magis debet idem concedere Cardinalis de Lugo, qui docet per consecrationem haberi Sacrificium verè destructiuum

## XIII.

*In quo consistit formalitas holocausti.*

rei, quæ principaliter offertur, & destructivum, destructione tali, quæ merito sit super Angelorum? Cæterum quod formalis ratio holocausti in ea notione consistat, videtur mihi doctrina apertissima S. Thomæ 1. 2. quæst. 102. art. 3. ubi dividens Sacrificium in tria genera, videlicet in holocausta, hostias pro peccato, hostias pacificas, non dividit in hæc tria genera ratione materiæ, sed ratione formæ; & his, quatenus holocausta offerebantur propriè in venerationem Divinæ Majestatis: Hostiæ pro peccato dicebantur eæ, quæ offerebantur pro expiatione peccati: Hostiæ verò pacificæ, quarum erant duæ species quædam, offerebantur pro beneficio accepto; quædam pro beneficio accipiendo. Verum quidem est, pro illis omnibus Sacrificiis, peculiaries fuisse leges, & inter leges holocausti potissimam fuisse illam, ut totum per combustionem consumeretur, ut sicut totum animal, ait S. Thomas resolutum in vaporem sursum ascendebat, ita etiam significaretur totum hominem, & omnia, quæ ipsius sunt, Dei domino esse subjecta, & ei esse offerenda; cæterum ratio formalis illius Sacrificij sumebatur à fine, qui non erat propitiatio irati Dei, qui erat finis Sacrificij pro peccato, neque gratiæ alicuius actio, vel impetratio, ut erat finis pacificorum, sed totus, & adequatus eius finis erat Dei cultus, & honor; unde dicebatur Sacrificium honorarium, & latreuticum; neque ex hoc inferre licet posse dari holocaustum sine vlla destructione; nam quod nos fusè probauimus de ratione summi cultus, atque adeo de essentia cuiuscunque Sacrificij est, ut quod in Sacrificium offertur destruat.

Iam verò ad id, quod ait de Lugo ex doctrina Bellarmini lib. 1. cap. 27. Nostrum Sacrificium ita assimilari holocaustis ut consecratio correspondeat occisioni; sumptio verò combustioni. Fatemur hoc dici à Bellarmino, sed inde non sequitur à Bellarmino quoque agnosci duplicem destructionem sacrificalem, quasi sentiat per consecrationem haberi substantiam Sacrificij, ut in antiquis holocaustis habebatur per victimæ iugulationem. Nam Bellarminus in octaua illa propositione citati capitis, satis clarè explicat suam mentem; cum enim præmisisset ad Sacrificium reale, atque visibile, realem, atque visibilem requiri destructionem. Explicat statim qua ratione dicat consecrationem pertinere ad Sacrificium, quia, inquit, per consecrationem, res, quæ offertur, ad veram, realem, & externam mutationem, & destructionem ordinatur. Nota quod per consecrationem victima ordinatur tantùm ad mutationem sacrificalem, non illam suscipit, & qua ratione ordinatur? Subdit statim; nam per consecrationem Corpus Christi accipit formam cibi; cibus autem ad comestionem, & per hoc ad mutationem, & destructionem ordinatur. Vides quemadmodum per Bellarminum nulla ponitur actualis, & realis destructio ex vi solius consecrationis, qualis ponitur à de Lugo. Dicitur quidem à Bellarmino quod omnes dicimus, nempe per consecrationem utriusque speciei separatæ haberi mysticam occisionem quatenus ex vi verborum ponitur corpus, ut mortuum, & sanguis, ut effusus. Cæterum in ea nullo modo incipere veram, & realem rationem Sacrificij clarissimè proficitur, quia, inquit, verum, & reale Sacrificium, veram, & realem destructionem rei immolatæ desiderat: consecratio autem non veram, & realem mortem, sed mysticam tantùm efficit, & statim subdit: neque satis respondere videntur, qui dicunt consecrationem ex se veram mortem adferre, sed per naturalem concomitantiam fieri ne mors vera sequatur, nam si naturalis conco-

XIV.

Per Bellarminum non datur duplex sacrificium destructivum.

mitantia impedit mortem, hoc ipso impedit Sacrificium. Sentit ergo Bellarminus immolationem consecratione tantum representari, nullo autem modo exerceri; Sacrificium verò, quod non representatur, sed exercetur, illud totum consummari, & perfici per sumptionem, in qua sola actione reperiri ait realem, & visibilem victimæ destructionem.

## XV.

*Examinatur  
genus compositionis  
inter  
duas destru-  
ctiones.*

Ad extremum non est mihi satis exploratum quid sentiat de Lugo de genere compositionis, quo duæ illæ destructiones componunt vnam per se substantiam Sacrificij; nam initio Sectionis 5. videtur admittere inter illas duas actiones, compositionem quasi ex partibus eiusdem substantiæ homogeneæ. Ait enim, non repugnat, ut posita consecratione, ponatur substantialis sacrificatio, adueniente verò sumptione ponatur etiam aliqua pars eiusdem substantiæ. Nota illud eiusdem substantiæ. Et statim explicat. Nam etiam, inquit, Sacerdos quando sumit dimidiam partem hostiæ, sumit substantialiter hoc Sacramentum, & tamen sumptio alterius dimidiæ partis, est etiam aliquid substantiale partinens ad sumptionem Sacramenti. Hoc autem exemplum ostendit agnoscere se compositionem eius generis, cuius est inter partes specierum, quæ augentur. Constat autem eam esse ex partibus integrantibus homogeneis, sed ex tali compositione videtur sequi, quod in substantiali sacrificatio posita per consecrationem, non solum habetur tota essentia, & substantia, sed tota integritas Sacrificij. Nam in sumptione dimidiæ hostiæ inuenitur Sacrificium non solum essentiale, sed integrum, sicut homo antequam augeatur, est homo integer, licet per ipsum augmentum acquirat aliquam partem novam, & homogeneam cum præcedentibus. Quod si ita res haberet, verum esset, quod P. Suarez docet, quod tam verè immolatus est Christus, ut manet sub hostia consecrata non sumpta à Sacerdote, quam ut fuit sub hostia, quam Sacerdos consumpsit. Atque ideo in eadem difficultate esset de Lugo, explicandi, cur non possit vlllo casu consecrari sine sumptione: neque enim tunc iuxta hanc viam posset recurrere ad naturam Sacrificij, quia supponitur integrum, etiamsi per ulteriorem destructionem posset augeri; ad eum modum, quo homo supponitur integer antequam per accessionem novarum partium augeatur, & crescat. Quod totum videtur sequi ex illo genere compositionis, quam insinuat, ut dixi, initio Sectionis 5. num. 64.

Verum num. 68. & 73. videtur agnoscere inter duplicem illam destructionem aliud compositionis genus, quale est in partibus heterogeneis integrantibus vnum substantiale totum, ut homo componitur ex capite, manibus, &c. Quare, inquit, sicut homo sine manibus esset essentialiter homo, sed incompletus; ita hoc Sacrificium in consecratione est essentialiter Sacrificium, sed adhuc incompletum donec integretur, & compleatur per sumptionem. Quod si quæras ab illo, si quidem in consecratione inuenitur sufficienter essentia Sacrificij, unde habet sumptionem esse partem illius? Respondet, hoc potissimum colligi à posteriori ex mente Ecclesiæ, tum quia ipsa, consumptionem hostiæ in die Parasceves appellat Sacrificium, tum quia docet in nullo casu, vel necessitate licere sumptionem relinquere.

## XVII.

*Sumptio ex  
mente Ecclesiæ  
est pars Sacrifi-  
cij essentialis.*

Sed contra hoc est, quia hæc duo Ecclesiæ indicia ostendunt consumptionem Sacramentalem non solum esse partem integram, sed essentialem Sacrificij. Et quidem si loquamur de priori indicio, vel Ecclesiæ, dum in die Parasceves ap-



pellat sumptionem Sacrificium, accipit nomen Sacrificij propriè, vel impro-  
 priè: Si propriè, ostendit esse partem essentiallem, si impropriè, neque con-  
 unctit esse partem integram; posterius verò indicium, si quid probat, vel si  
 quid præsupponit, certè est, sumptionem esse partem essentiallem; cum enim  
 Ecclesia nullum habeat præceptum positivum à Christo specialiter latum, &  
 Sacerdotibus impositum de hac sumptione, in tantum docet sub tanta gravitate  
 illius necessitate, in quantum sentit hanc obligationem intrinsecè contineri  
 in generali, & naturali obligatione efficiendi perfectum essentialiter Sacri-  
 ficiū. Hæc autem obligatio nulla est, si sumptio non est pars essentia Sacrifi-  
 cij, quia si non est pars essentia Sacrificij, Sacrificium erit sine illa essentialiter  
 perfectum, atque adeo in aliquo casu posset Ecclesia dispensare, aut interpre-  
 tari. Nam si nullo modo est pars essentia Sacrificij, neque est consummatio  
 Sacrificij. Quid enim est magis pars essentia, quam eiusdem essentia consum-  
 matio, & perfectio? Si non est consummatio Sacrificij, est tantum simplex par-  
 ticipatio Sacrificij. Cur ergo in aliquo casu sine injuria Sacrificij non posset  
 Ecclesia dispensare, aut interpretari? Et tamen tam necessarium iudicatum est  
 in Ecclesia, ut post consecrationem sequatur sumptio, ut si fortè contingat Sa-  
 cerdotem consecrantem mori ante consumptionem, vel alio modo ab illa im-  
 pediri, oporteat alium Sacerdotem illi succedere, & Sacrificium consummare.  
 Hoc planè demonstrat sumptionem esse Iure Divino præceptam, eiusque præ-  
 ceptum esse inclusum in præcepto Sacrificij, cuius essentia illa est pars; eo quod  
 ut sæpè dixi cum Bellarmino, nulla est alia realis destructio victimæ præter istam.  
 Quod tandem, vel ex eo tenetur asserere Cardinalis de Lugo, quia ipse reuera  
 censet victimam huius numero Sacrificij esse hostiam consecratam ab hoc Sa-  
 cerdote, hostia autem hæc, quæ pronomine hoc demonstratio significatur, nul-  
 lam suscipit realem destructionem pertinentem tanquam partem essentia in hoc  
 Sacrificio præter Sacerdotalem consumptionem; quod verò ipse censet victi-  
 mam huius numero Sacrificij esse hanc demonstrabilem, atque adeo visibilem,  
 & sensibilem, quam ante consumptionem manifestum est esse integram, ex illo  
 demonstro, quia ipse non alia ratione impugnatur Henriquez docentem posse Sa-  
 cerdotem in Missa non sumere quidquam ex hostia, quam consecrauit, sed illa  
 in sacratio servata, sumere solam hostiam, quæ antea in sacratio erat; Non ali-  
 ter, inquam impugnatur, nisi quia, inquit, *debet eadem victima consumi*, verba  
 sunt Cardinalis, ergo victima huius Sacrificij non est Christus, quasi præscin-  
 dens, qui semper est idem numero in omnibus Sacrificiis, atque adeo secundum  
 se semper est eadem numero victima, sed comestibile hoc, hic panis Cælestis,  
 hæc potest esse eadem vel diversa numero victima. Iam verò hæc victima non  
 aliam suscipit realem, atque sensibilem destructionem; ergo quod erat nostrum  
 intentum, destructio, quæ habetur per sumptionem est intrinseca pars essentia,  
 seu pars essentialis, & non utcumque integralis Sacrificij.

## XVIII.

*Victima de-  
 struibilis est il-  
 la, quæ est visi-  
 bilis.*





# QVÆSTIO QVARTA.

*An in die Parasceues offeratur in Ecclesia  
verum Sacrificium.*

- I. *Conclusio affirmativa.*
- I I. *Vox Sacrificij in sua proprietate.*
- I I I. *Sacrificium hoc loco non potest accipi tantum pro re oblata.*
- I V. *Definitio veri Sacrificij tota convenit Actioni Parasceues.*
- V. *Prima obiectio principalis ex defectu materia essentialis nostro Sacrificio.*
- V I. *An utraque simul species sit materia essentialis huius Sacrificij.*
- V I I. *In Missa Sacrificio duplex significatio moralis, & mystica.*
- V I I I. *Materia proxima significationis moralis.*
- I X. *Materia proxima significationis mystica.*
- X. *Significatio moralis inseparabilis à Sacrificio.*
- X I. *Significatio mystica separabilis à Sacrificio.*
- X I I. *Sacrificium Crucis habuit significationem moralem sine mystica.*
- X I I I. *Sacrificium Missa habet significationem mortis Christi, sed non quia verum Sacrificium est.*
- X I V. *Oblatio sub duplici specie est de substantia Sacrificij, ut commemoratini.*
- X V. *Sensus, in quo Authores negant in Parasceue celebrari Missam.*
- X V I. *Argumentum ex S. Thoma pro vero Sacrificio in Parasceue.*
- X V I I. *Consummatio Sacrificij, & Sacrificium non differunt formaliter.*
- X V I I I. *Ex S. Thoma, Missa est immolatio, quia est imago Passionis Christi.*
- X I X. *Missa Sacramentum memoria.*
- X X. *Sententia P. Vasquez de Sacrificio essentialiter commemorativum.*
- X X I. *Explicatur S. Thomas ab eodem P. Vasquez, & rectè.*
- X X I I. *Nomen mortis convenit celebrationi Missa tanquam imagini nomen Sacrificij tanquam rei.*
- X X I I I. *Immolatio pro sacificatione in propria specie.*
- X X I V. *Sacrificium nostrum ita est commemorativum, sicut antiqua erant figurativa.*
- X X V. *Sacrificium nostrum est unum numero representativè, sed multiplex in se realiter.*
- X X V I. *Ratio commemorativum non constituit Sacrificium.*
- X X V I I. *Vbi est nona, & vera oblatio, est nonum, & verum Sacrificium.*

XXVIII. Oblatio

- XXVIII. *Oblatio representans, & oblatio representata.*  
 XXI. *Infertur posse dari in Corpore Christi verum Sacrificium, & non commemorativum.*  
 XX. *Secunda obiectio ex defectu principalis offerentis.*  
 XXI. *Christus in Actione Parasceves, est principale offerens.*  
 XXII. *Qua ratione Christus dicitur principale offerens.*  
 XXIII. *Tertia obiectio ex defectu actionum sacrificialium.*  
 XXIV. *In Actione Parasceves est expressa sacrificialis oblatio.*  
 XXV. *In Actione Parasceves sit fractio sacrificialis.*  
 XXVI. *Fractio prater significationem mysticam, habet moralem.*  
 XXVII. *Mystica est secundaria, & separabilis.*  
 XXVIII. *Frangi pro offerri.*  
 XXIX. *Consumptio Hostie in die Parasceves est actus sacrificialis.*  
 XL. *Si sumptio corporis esset mere Sacramentalis, non prodesset nisi summenti.*  
 LI. *Distributio solemnisi Eucharistie presupponit verum Sacrificium.*  
 LII. *Olim in actione diei Parasceves fiebat distributio.*  
 LIII. *Finis, ob quem fiebat distributio.*  
 LIV. *Sacrum Epulum ex Sacrificio.*  
 LV. *Antiqui Christiani quotidie de Altari participabant.*  
 LVI. *Altaris participatio in professionem vera Religionis.*  
 LVII. *Communio est participatio Altaris.*  
 LVIII. *Communio Parasceves erat participatio Sacrificij illius diei non precedentis.*  
 LIX. *Nona participatio novum postulat Altare.*  
 L. *Panis, & cibus Dei, victimae Sacrificij.*  
 LI. *Mensa, communis nobis & Deo.*  
 LII. *Lex Coniuij postulat, vt innitans, sit coniuina.*  
 LIII. *Oratio Dominica propria Sacrificij.*  
 LIV. *Ritus sic celebrandi in Parasceve ex Christi Institutione.*  
 LV. *Institutor Ferie Parasceves.*  
 LVI. *Materia sermonum Christi.*  
 LVII. *Inge Sacrificium nullo prorsus die intermittebatur.*  
 LVIII. *Erat figura nostri Sacrificij.*  
 LIX. *Nulla hora sine Sacrificio.*  
 LX. *Sacrificium inge non solum quotidianum erat sed perpetuum.*



D planè cognoscendam naturam, & essentiam huius Sacrificij, non poterat fingi casu expressior, & aptior, quam qui re ipsa legitimè ponitur in die Parasceves. Cum enim in sacra illa eius die actione omittantur multa, quæ in quotidiano Ecclesiæ Sacrificio adhiberi solent; si illis omisiss manet adhuc essentia Sacrificij, perspicuum erit res omisiss non pertinere, tanquam partes intrinsecas, & constitutivas essentia Sacrificij. Quæstio est non ita expedita, in qua pro parte negante, vtpotè faciliore

plures numerari possint Doctores, quos recenset, & sequitur P. Suarez disp. 75. Sect. 4. Afferitur quoque celebris locus Ruperti lib. 6. de Diuin. Offic. cap. 3. *Non sacrificent amici dum trucidans inimici; sed locus ille, nihil planè facit ad rem, vt ostendam sub finem huius quæstionis. Pugnant etiam pro hac parte negante, quotquot docent sacrficationem ne formaliter quidem distingui à consecratione, vel saltem hanc esse partem intrinsecam sacrficationis, & non tantum quid essentialitèr præsuppositum ab illa, qua de re disputatum est satis quæstione prima.*

I.  
*Conclusio affirmatiua.*  
Nos ergo rationum momentis vtrinque libratis, in eam tandem partem propendimus, quæ affirmat in officio illius diei offerri verum, ac proprium Sacrificium.

Hanc sententiam expressè docet Albertus, ob Sapientiam singularem cognomento Magnus, in 4. dist. 13. art. 24. & habetur in tom. 16. his verbis. Deinde queritur de hoc quod dicitur ibi. *Quotidie autem immolatur in Sacramento.* Instantia enim huius videtur esse in Parasceue, quia tunc non consecratur. Solutio. *Dicendum quod quotidie immolatur, licet non quotidie conficiatur, quia, etiam in Parasceue immolatio fit absque consecratione.* Eandem sententiam docuerat quadringentos annos ante Albertum, Alamarius Fortunatus Episcopus Treuirentis, qui floruit tempore Gregorij quarti Summi Pontificis, & Ludouici Pij Imperatoris, cui libros quatuor de Ecclesiasticis Officiis, dedicauit. Is lib. 4. cap. 20. expressè asserit in illa Feria sexta esse Missam, vt fateatur Cardinalis de Lugo disp. 14. de Euchar. Sect. 3. Nec desunt pro hac sententia Recentiores Theologi, inter quos est Magister Nugnus in 3. par. S. Thomæ quæst. 83. art. 1. Neque parum fauet idem Cardinalis de Lugo disp. illa 19. vbi pluries appellat Officium illius diei, complementum Sacrificij. Fauent etiam ferè omnes, quotquot docent consecrationem non esse partem intrinsecam essentia Sacrificij Missæ; quare noster Fagundez lib. 3. cap. 4. num. 17. In opinione, inquit, docente consecrationem non esse de essentia Sacrificij Missæ tenetur populus audire Missam in sexta Feria Parasceues, si in ea incidat dies Annunciationis B. Virginis, & tenentur Prælati iubere, vt Missa dicatur, vt populus illam audiat, & si id ita fit in aliqua Prouincia, aut Diœcesi, iustè fit, & sanctè fit, & ideo fit, quia sequuntur Prælati isti eam opinionem, quæ docet totam essentiam Sacrificij in sola consumptione consistere, quæ opinio est probabilis, & quia adhuc illis non constet, an consecratio sit de essentia Sacrificij nec-ne. Scio quod refert Gauantus par. 4. tit. 9. posterioribus his annis hoc est anno 1622. quo occurrebat Festum Annunciationis in Parasceue, sacram Rituum Congregationem censuisse non teneri fideles interesse prædicto officio; ceterum sacræ Congregationi nihil definiuit super hac sententia Scholasticorum.

Fundamentum nostrum tripartitum est. Primo, quia Ecclesia actionem illius diei appellat absolute Sacrificium. Secundo, quia illi propriissimè conuenit tota definitio veri, ac propriè dicti Sacrificij. Tercio, quia nullum omnino est argumentum quod vgeat in oppositum.

Prima igitur pars nostri fundamenti sumitur ab autoritate totius Ecclesiæ, quæ in officio illius diei expressè adhibet illa verba: *Sic fiat sacrificium nostrum,* vt placeat tibi Domine Deus. Et rursus. *Orate, vt meum, ac vestrum Sacrifi-*

*cium acceptabile fiat.* Hic modus loquendi satis indicat quid Ecclesia sentiat; Si enim existimaret in officio illius diei, non offerri verum Sacrificium, nulla esset causa cur eiusmodi verba non omitteret sicut pleraque alia omittit in illo die.

Afferre P. Suarez ingenuè, ut solet, hoc testimonium Ecclesiæ, sed ait, nomen Sacrificij eo loco, vel latè sumi pro quocumque sacro ministerio, vel pro ipsa hostia consecrata, eo modo, quo victima Sacrificij solet interdum Sacrificium appellari.

Responsio hæc difficilis est quoad primam partem, & multò quoque difficilior quoad secundam. Difficilis est quoad primam, quia cum significatio eius vocis sit ab Ecclesia determinata ad verum, & propriè dictum Sacrificium, non potest sine gravissimo fundamento affirmari, vocem illam extrahi à proprietate suæ significationis, præcipuè quod tale verbum profertur eo die sub iisdem solitis proximis circumstantiis, quæ ad veri Sacrificij actionem spectant, nam qui profert, Sacerdos est, & quidem in Altari, sub ritu, & forma celebrantis, coram victima ipsa solemniter ad sacrificalem consummationem ordinata. Quæ causa erat cur Ecclesia, quæ quotidie per totum annum vocat Sacrificium nostrum, illud tantum, quod teste Trident. Sess. 22. *Unicum verum, & singulare Sacrificium est.* Iisdem conceptis verbis, nulla addita vocula, aut detracta, vocaret hac die Sacrificium nostrum, quod Sacrificium nostrum nequaquam est: Quid cogebat, ut tam solemne verbum in tam diuersa significatione usurparet, & quæ pridie sub nomine Sacrificij nostri intellexerat singulare Sacrificium Ecclesiæ, iam sub eodem nomine nudum officij ministerium intelligeret? Præcipuè, quod ut dicebamus, facile fuisset Ecclesiæ illo die, vel ex parte, vel ex toto eas loquendi formas prætermittere.

Ad secundam verò partem, in qua dicebatur nomine Sacrificij nostri intelligi posse ipsam hostiam, & victimam consecratam. Negandum non est hostiam, & victimam, quæ iam est ad Sacrificium proximè destinata, interdum Sacrificium appellari; tamen, quod nomine Sacrificij nostri intelligatur hoc loco hostia, & victima consecrata, omnino prohibet precandi forma. Dicimus enim: sic fiat Sacrificium nostrum in conspectu tuo hodie, *ut placeat tibi, &c.* Profecto his verbis non petimus, quod Hæretici calumniantur, ut Pater in filio suo complacere, quod profectò peteremus si Sacrificium hoc loco acciperetur pro victima ipsa; similis est illa alia oratio sacri Canonis, qua petimus, ut accepta habere dignetur nostra, sicut accepta habere dignatus est munera Abel, Sacrificium Abrahæ, & Melchisedech. Super quæ verba ipse P. Suarez disput. 83. Sect. 2. Non hic, inquit, oratur, ut Pater propitio, ac sereno vultu Christum respiciat, sed ut oblationem Christi, quatenus à nobis propeditur illi acceptam ipso adjuvante reddamus, ita ut nos propitio vultu accipiat, quatenus hoc modo acceptam habeat nostram oblationem, etiam ut à nobis offerentibus progreditur, acque hoc modo fit comparatio cum Sacrificio Abelis, & aliorum scilicet quantum ad oblationem offerentium, non quantum ad rem oblatam. Cum ergo constet Sacrificium propriè acceptum sumi posse, vel pro re oblata, vel pro ipsa oblatione, certum est in subiecta deprecatione non accipi pro re oblata, quæ est hostia, & victima consecrata, quia Sacrificium ex parte rei oblatae semper placet. Restat

II.

*Vox Sacrificij  
in sua propria  
sacra accipienda,*

III.

*Sacrificium hoc  
loco non potest  
accipi tantum  
pro re oblata.*



ergo ut accipiatur pro ipsa oblatione nostra, ut nimirum placeat Patri illa victima, ut à nobis offeratur. Præsupponitur ergo illis verbis veram fieri à nobis oblationem. Vel ergo P. Suarez manere debet in prima responsione, quod scilicet hoc loco, nomine Sacrificij nostri, neque res oblata, neque oblatio intelligatur, sed nudum tantum officium, & ministerium; vel si velit ad secundam responsionem procedere, in qua seruatur proprietas eius vocis, fateatur oportet per illam, non hostiam, & victimam, sed illius oblationem eo die ab Ecclesia factam significari. Atque hinc etiam colligo, Cardinalem de Lugo quoad rem, pro nostra esse sententia; nam disp. 19. num. 74. hæc habet: Petes, vnde habemus sumptionem ipsam esse partem Sacrificij? Respondeo colligi hoc in primis à posteriori ex mente Ecclesiæ appellante illam Sacrificium in die Parasceues. Ex hac responsione aperte habemus quid nomine Sacrificij intelligat de Lugo ex mente Ecclesiæ; si enim nudum ministerium intelligeret, nunquam ex mente Ecclesiæ colligere potuisset, sumptionem esse partem Sacrificij.

## IV.

*Definitio veri  
Sacrificij tota  
conuenit actioni  
Parasceues.*

Secunda pars nostri fundamenti posita est in eo, quod actioni sacræ illius diei conuenit tota definitio veri Sacrificij. Accipiamus definitionem, quam tradidit ipse P. Suarez disp. 73. Sect. 1. Sacrificium, inquit, proprie dictum est externa, & sensibilis actio, qua res aliqua ita Deo offertur, ut legitimo ac solemnī ritu in Dei honorem, & cultum aliquo modo immutetur à publico, & legitimo Ministro. Ecce ex hac definitione habemus quatuor omnino necessaria ad verum Sacrificium. Primo requiritur publicus, ac legitimus Minister, seu offerens. Secundo res, quæ offertur, seu res oblata. Tertio actio externa, & sensibilis qua legitimo, & solemnī ritu eadem ipsa res in supremum Dei cultum offeratur. Quarto ut in eundem Dei honorem, & cultum immutetur, & consummatur. Quæto iam ab Aduersariis, quid nam ex quatuor istis, actioni illius diei deest, quo minus verum Sacrificium esse censeatur?

Hinc ad tertiam, & potissimam partem nostri fundamenti descendimus, in qua Aduersariorum objectionibus ex quatuor ipsis definitionis fontibus petitis respondebimus.

## V.

*Prima obiectio  
principalis ex  
defectu materia  
essentiali  
nostro Sacrificio.*

Prima igitur obiectio sumitur à re oblata, quam sic proponit P. Suarez. De essentia, inquit, vel saltem de substantiali integritate Sacrificij est, quod fiat sub duabus speciebus consecratis, sed eo die non consumitur nisi vna species; ergo signum est non fieri Sacrificium, quomodo enim Ecclesia faceret Sacrificium mutilum? Cum vel in hoc dispensare non possit, vel certe nulla sit sufficiens ratio dispensandi.

In obiectione tres inuoluuntur quæstiones non leuis momenti. Prima est, An sit iuris Diuini, ut Sacerdos in duplici specie, videlicet panis, & vini sacrificet; An verò sit tantum Canonici Iuris: nam Adrianus in 4. quæst. 6. Maior. in 4. dist. 9. quæst. 3. ad 5. & alij apud Azor. lib. 10. cap. 19. concedunt esse tantum Canonici Iuris, & ideo concludunt in multis casibus posse tuta conscientia Sacerdotem in vna specie sacrificare. Nos, ut procedat obiectio, & quia id verius existimamus, concedimus esse iuris Diuini, ut Sacerdos in duplici specie sacrificet.

Alteræ quæstio est, An etiam posito iure Diuino, possit autoritate Pontificia sacrificari in vna tantum panis specie: nam Gabriël in Canon. lib. 13. dub. 3.



& alij, licet sentiant Diuini iuris esse, vt Sacerdos in vtraque specie sacrificet, nihilominus tamen opinantur auctoritate Ecclesiæ per Romanum Pontificem fieri posse, vt in vna tantum panis specie sacrificet, quia putant multa esse iuris Diuini, quæ remittere, & relaxare Pontifex possit ob publicam aliquam, & grauem necessitatem, vt videmus, Votum, lusuandum, Matrimonium raturum, non consummatum, auctoritate Pontificia relaxari, & dissolui, quam sententiam Azor ait esse valde probabilem. Nos vt adhuc magis procedat obiectio concedimus Sacrificium sub duplici specie ita esse iuris Diuini, vt auctoritate Romani Pontificis fieri non possit, vt in vna tantum specie sacrificetur.

Tertia quæstio est, An salua tota essentia veri Sacrificij potuerit Christus dispensare pro hac die, vt sub panis tantum specie sacrificetur; & an sufficiens indicium habeamus de facto dispensasse. Hæc vltima quæstio ad rem pertinet, de qua disputamus; respondit enim P. Suarez cum suis Sædatoribus, vt hoc Mysterium absolute, & simpliciter sit verum Sacrificium, essentialiter requiri vtriusque speciei oblationem, quod explicat disp. 75. Sect. 6. à rebus artificialibus, in quibus illæ partes materia essentialis censentur, ex quibus resultat forma totius. Et sine quibus esse non potest, vt verbi gratia in Triangulo tres linee sunt de essentia, quia sine illis non potest esse talis figura, quæ est de essentia Trianguli: Sic, inquit, in præsentī, significatio propria, & integra Sacrificij est quasi forma totius Sacrificij; & ideo res illæ, seu actiones, sine quibus talis significatio esse non potest, merito exilimandæ sunt essentialis. Hoc autem modo se habet in præsentī vtriusque speciei oblatio, sine qua non habetur mystica significatio, quæ consistit in repræsentatione, & imagine Passionis, & mortis Christi, non vtriusque, sed expressa, & viua. Hæc verò non resultat ex qualibet specie per se sumpta, sed ex vtraque simul. Quia corpus licet ex se, & ex vi verborum non dicat determinatè corpus viuum, tamen non excludit illud, & ideo oblatio corporis, vt sic, non satis significat corpus vt mortuum, cum de se indifferens sit ad viuum, & mortuum; & idem ferè est de oblatione sanguinis per se sumpta, nam etiam sanguis potest esse in venis, & extrà venas; ergo sola illius oblatio ex vi sua non repræsentat sanguinem, vt effusum, & vt separatam à corpore; ergo cum integra hæc significatio mystica sit, qua si forma nostri Sacrificij, & hæc resultare non possit, nisi ex vtraque specie simul, sequitur, vt in oblatione sub vna tantum specie non saluetur integritas essentialis Sacrificij; ergo altera specie deficiente, vt est in die Parasceues non restat verum, & integrum Sacrificium. Hæc videtur esse tota vis argumenti P. Suarez, qui putat habere pro se S. Thomam quæst. 83. art. 2. vbi mouet hoc dubium. Cum hoc Sacramentum sit commemoratiuum Dominicæ Passionis, videtur inconueniens esse, quod in Parasceue totaliter interminatur, respondet autem hoc modo. Veniente veritate cessat figura; hoc autem Sacramentum est figura quædam, & exemplum Dominicæ Passionis; & ideo in die, quo ipsa Passio Domini recolitur, prout realiter gesta est, non celebratur consecratio huius Sacramenti.

Vt huic argumento facili, & solide respondeamus, aduertendum est, in Sacramento, ac Diuino Missæ Sacrificio duplicem esse significationem, alteram moralem, alteram mysticam. Significatio moralis est veluti forma substantialis constitutiuā cuiuscumque veri Sacrificij; ideo exprimitur in definitione Sacrificij

## VI.

*An vtraque simul species sit materia essentialis huius Sacrificij.*

## VII.

*In Missa sacrificio duplex significatio, moralis, & mystica.*

in genere, & necessario reperitur in omni Sacrificio, tanquam prima radix omnium, quæ illi conueniunt. Significatio mystica est forma Sacrificij veluti accidentalis, quæ non dat illi esse simpliciter, sed præsupponit Sacrificium cui aduenit iam constitutum simpliciter, tribuitque illi tantum esse secundum quid, propterea est extrâ definitionem Sacrificij. Hinc sequitur significationem moralem, in qua ponitur supremus Latræ cultus soli Deo debitus, reperiri semper eandem, & inuariatam in omni Sacrificio, & quandiu illa manet, verum Sacrificium manere: Significationem verò mysticam variari, & minui ex parte posse, & fortasse ex toto etiam abesse, salua tota essentia veri Sacrificij per suam adæquatam definitionem explicata.

## VIII.

*Materia proxima significationis moralis.*

## IX.

*Materia proxima significationis mysticæ.*

In Sacrosancto ergo Missæ Sacrificio, significatio moralis continens summum Dei cultum, est illa, quæ reperitur in omni vero, ac propriè dicto Sacrificio, cum quo communem habet naturam, & definitionem, & pro sua proxima materia, vnde resultat, habet consumptionem, & destructionem rei, quæ sic in Dei cultum offertur, & per hanc significationem constituitur in ratione Sacrificij simpliciter. Significatio verò mystica, quæ in repræsentatione alicuius reconditi, & supernaturalis mysterij consistere solet, continet in nostro Sacrificio viam, & expressam imaginem Sacrificij crucienti, propterea ipsa gestum est, atque hæc pro sua proxima materia, vnde resultat, habet duas illas species separatas sub quibus sit sacrificialis oblatio. Et per hanc significationem constituitur in esse Sacrificij commemoratiui.

## X.

*Significatio moralis inseparabilis à Sacrificio.*

Iam verò videndum est, utrum hæc duæ significationes ita sint connexæ inter se in vno Missæ Sacrificio, ut altera destructa, totum necessario destruat. Et quidem, quod destructa significatione morali, nullum sit simpliciter Sacrificium, fateatur omnes, quia hæc est prima, & essentialis forma constitutiva Sacrificij, ut sic, id quod non aliundè probari debet, quàm ex definitione ipsa Sacrificij in genere, ab omnibus recepta. Quod verò destructa significatione mystica, siue ex parte, siue etiam ex toto, Sacrificium absolute non maneat, & tota illius substantia simpliciter destruat; Hoc si Aduersarij probarent, intentum euincerent. Sed oppignoratum habeo P. Suarez, qui disput. 73. Sect. 2. docet vniuersaliter significationem mysticam conjunctam cum Sacrificiis non esse de primaria ratione, & essentia Sacrificij, atque ut sic separabilem ab illis esse, salua illarum tota integritate essentiali. Et sanè si præscindamus tantisper à Missæ Sacrificio, & loquamur de Sacrificio simpliciter, videtur res per se manifesta; quid enim repugnat, quod sacra aliqua actio ordinetur ad Dei cultum significandum propterea exprimitur in definitione Sacrificij, & non ad repræsentandum aliquod aliud Mysterium immò ita de facto contigisse non solum in Sacrificiis Gentilium, qui nulla alia Sacrificia per sua Sacrificia repræsentare intendebant, præter quam supremum cultum eius Numinis, quod colebant, sed etiam in aliquibus Sacrificiis Fidelium, probabile putat P. Suarez. Non enim, inquit, videtur necessarium, ut in omnibus Sacrificiis eorum, qui tempore legis naturæ Sacrificia offerebant non ex speciali reuelatione Diuina, sed proprio arbitrio & determinatione, interfuerit mystica significatio, præsertim apud eos, qui non habebant explicitam fidem Christi. Sed quidquid sit, utrum de facto in aliquibus Fidelium veris Sacrificiis fuerit significatio moralis siue mystica. Certum est ex sua

## XI.

*Significatio mystica separabilis à Sacrificio.*

natura non esse inter se necessario connexas. Nam ut rectè idem Author aduertit, Sacrificium ipsum mortis Christi fuit verum, ac perfectum Sacrificium habens prædictam moralem significationem, nulla tamen significatio mystica in eo excogitari potest, quia non est impositum ad aliquod aliud Sacrificium, vel supernaturale mysterium significandum.

Ex his autem hoc iam habemus, esse commemoratiuum Sacrificij mortis Christi, quod in Missæ quotidiano Sacrificio reperitur, non procedere ex eo, quod Missa verum Sacrificium est, quia potest aliquod esse verum Sacrificium, & nullam habere significationem mysticam; & loquendo de peculiari significatione mystica mortis Christi, hæc non potest esse de prima ratione constitutiva Sacrificij, quia ratio Sacrificij prior est, & independens non solum à morte Christi, sed etiam à lapsu humanæ naturæ, quem consequuta est mors Christi: Immo potuisset Christus in nocte Cænæ offerre, & instituere pro Sacrificio visibili Ecclesiæ idem planè Sacrificium, quod est nunc, & statim, non interposita morte ascendere in Cælum, in quo casu Sacrificium Ecclesiæ esset quoad omnia intrinseca planè idem, & non esset signum commemoratiuum mortis Christi. Veritas ergo nostri Sacrificij ita est conjuncta cum esse commemoratiuo, ut possit tota, & integra consistere sine illo.

Ad primam igitur objectionem vtrò concedimus de substantiali integritate nostri Sacrificij esse, quod fiat sub duabus speciebus consecratis, sed dicimus hoc requiri à nostro Sacrificio quatenus de facto commemoratiuum est ratione talis significationis mysticæ. Neque abhorremus ab allato exemplo à P. Suarez, quod sicut in templo tres lineæ sunt de essentia, quia sine illis non potest esse talis figura, quæ est de essentia trianguli; ita in Sacrificio Missæ commemoratiuum ambæ species consecratæ sunt de essentia, quia sine illis non potest esse talis significatio mystica, quæ est de essentia commemoratiui. Cæterum sicut utrobique potest mutari figura, ita potest materia utrobique variari. Possè autem significationem mysticam à vero Sacrificio separari, demonstratum est supra. Neque aliud curant Authores, qui aiunt in die Parasceues non offerri verum Sacrificium, loquuntur enim de Sacrificio commemoratiuo, quatenus vera, & expressa imago Passionis & Mortis Christi est; hoc negant eo die offerri. Et hoc tantum probat ratio S. Thomæ, etiam verbis Aduersariorum adducta. Significat S. Doctor, aiunt ipsi, in Parasceue nullam Missam dici, seu non fieri Sacrificium, in quo mysticè repræsentetur mors Christi, quia eo die recolimus realem mortem eius, seu Sacrificium cruentum, propterea in simili die re ipsa gestum est. Quod vero S. Thomas per hoc non contendat, Ecclesiam illo die carere Sacrificio simpliciter, est manifestum ex eodem loco quæst. 83. art. 2. ad 2. ubi statim subdit, ne tamen Ecclesia ea etiam die sit sine fructu Passionis per hoc Sacramentum nobis exhibito, Corpus Christi consecratum in die præcedenti reueratur sumendum in illo die, non autem sanguis, quia sanguis specialius est imago Dominicæ Passionis. Ex hoc autem loco tale conficitur argumentum, quod sanè P. Suarez non dissimulat, sed quod mirandum est in viro tam docto, & accurato, nihil planè ad illud responderet. Corpus Christi consecratum, ait S. Thomas, reueratur sumendum in illo die, ne Ecclesia ea etiam die sit sine fructu Passionis; ergo illa sumptio Sacramenti affert Ecclesiæ fructum Passionis; sed non affert Ecclesiæ fructum

XII.

*Sacrificium Crucis habuit significationem moralem sine mystica.*

XIII.

*Sacrificium Missæ habet significationem mortis Christi, sed non quia verum Sacrificium est.*

XIV.

*Oblatio sub duplici specie est de substantia Sacrificij, ut commemoratiui.*

XV.

*Sensus, in quo Authores negant in Parasceue celebrari Missam.*

XVI.

*Argumentum ex S. Thoma pro vero Sacrificio in Parasceue.*

Passionis per modum Sacramenti : Patet , quia ex Axiomate Theologico ab Aduersariis admissio , sumptio Sacramentalis prodest solum sumenti Sacramentum ; ergo offert Ecclesiæ fructum per modum Sacrificij. Atque adeo illa sumptio non est merè Sacramentalis , sed etiam sacrificialis ; ergo supponitur in illa die non esse Ecclesiæ sine Sacrificio simpliciter ; quod verò aliqui Theologi aiunt , in ea die fieri consummationem Sacrificij , non Sacrificium , est euasio merè verbalis ; & parum facit ad rem , est merè verbalis , quia in re tunc verius offertur Sacrificium quando in Dei cultum , & honorem consummatur . Parum , & nihil facit ad rem , quia recurrit totum argumentum P. Suarez quomodo scilicet consummatur verum Sacrificium in vniua tantum specie , cum de integritate illius essentiali sit , quod sub duobus speciebus consummetur .

XVII.  
*Consummatio  
Sacrificij , &  
Sacrificium nō  
differunt for-  
maliter.*

Aliunde tamen contendere quis posset ex sententia S. Thomæ non offerri in die Parasceues Sacrificium simpliciter , quia ratio Sacrificij simpliciter non distinguitur in illo à ratione commemoratiui . Vnde fit , quod si non offertur Sacrificium commemoratiuum , non offertur Sacrificium simpliciter . Loca præcipua S. Thomæ petenda sunt ex quæst. 83. quæ est de ritu huius Sacrificij , & præcipuè ex art. 1. vbi quaeritur vtrum in celebratione huius mysterij Christus immoletur . Respondet autem affirmatiuè dicendum , quod celebratio huius Sacramenti , dicitur immolatio Christi , quia solent imagines earum rerum nominibus appellari , quarum imagines sunt : celebratio autem huius Sacramenti imago quadam est repræsentatiua Passionis Christi , quæ est vera eius immolatio ; & ideo celebratio huius Sacramenti dicitur Christi immolatio .

XVIII.  
*Ex S. Thomæ  
Missæ est immo-  
lario , quia est  
imago passionis  
Christi.*

Ecce ex S. Thomæ , in tantum nostri Sacrificij celebratio dicitur immolatio , in quantum est imago Passionis , quæ fuit vera Christi immolatio ; ergo tota substantia immolationis consistit in imagine ; ergo sublata imagine tollitur simpliciter immolatio ; sed in die Parasceues tollitur imago , quia tollitur significatio mystica ; ergo tollitur simpliciter Sacrificium , & immolatio . Et in hac quidem doctrina videtur S. Thomas sequutus Magistrum Sententiarum in 4. dist. 12. vbi quaerit , si quod gerit Sacerdos dicatur propriè Sacrificium , vel immolatio , & respondet , id , offertur , & consecratur à Sacerdote vocari Sacrificium , & oblationem , quia memoria est , & repræsentatio veri Sacrificij , & sanctæ immolationis factæ in Ara Crucis . Nota illud , quia *memoria est veri Sacrificij* quasi tota eius essentia in esse memoriæ alterius veri Sacrificij sit ; Vnde ab Augustino lib. 20. contra Faustum cap. 21. simpliciter appellatur *Sacramentum memoriæ* . Huius , inquit , Sacrificij caro , & sanguis ante Aduentum Christi per victimarum similitudinem promittebatur , in Passione Christi per ipsam veritatem reddebatur , post Ascensum Christi per Sacramentum memoriæ celebratur .

XIX.  
*Missæ Sacra-  
mentum me-  
moræ.*

XX.  
*Sententia P.  
Vasquez de Sa-  
crificio essen-  
tialiter com-  
memoratiuo.*

Atque hinc videtur fundamentum sumpsisse P. Vasquez sententiæ suæ disput. 220. vbi docet Sacrificium Eucharisticum non esse Sacrificium absolutum , sed essentialiter commemoratiuum . Vocat Sacrificium absolutum , quod independentè ab alio Sacrificio habet in se veram rationem Sacrificij . Commemoratiuum verò , quod in tantum est Sacrificium , in quantum præcisè repræsentat alterum Sacrificium absolutum , ex quo manifestè sequitur non esse in Sacrificio Eucharistæ separabilem rationem Sacrificij simpliciter à ratione commemoratiui , & consequenter in officio Parasceues ex defectu commemoratiui , non celebrari simpliciter Sacrificium .

Fateor



Fateor prædicta loca favere primore aspectu sententiæ P. Vasquez. Tamen quia ex illis Hæretici conantur inferre sacrificium Missæ non esse propriè in se Sacrificium, & in tantum ita à Patribus interdum vocari, in quantum est commemoratio quædam, & imago ven sacrificij. Ideo idem P. Vasquez, cum pro sua sententia testimonium illud S. Thomæ attulisset, statim subdit. Quod ait S. Thomas ideo celebrationem huius Sacramenti appellari Sacrificium, quia imagines rerum, nominibus ipsarum vocari solent, sano modo est intelligendum, ut eius sententia vera sit, nam quamvis hoc Sacramentum non sit mors Christi, sed repræsentatio illius, & imago, & hac ratione conveniat ei nomen mortis, non tantum rei, sed tanquam imagini, tamen nomen sacrificij non convenit ei tanquam imagini, sed tanquam rei, quia licet Christus in hoc Sacramento, non re, sed repræsentatione, & similitudine quadam, seu mysticè moriatur, tamen re ipsa, & non tantum in imagine in sacrificium offertur, & immolatur. Quod si S. Thomas docere vellet hoc Sacramentum non esse verè sacrificium Christi, sed tantum imaginem sacrificij, eius sententia nullo modo probari posset; nam fides Catholica est, Christum in hoc Sacramento verè, & propriè immolari. Si autem in sola imagine immolaretur non verè, & propriè, sed soia repræsentatione in sacrificium offerretur. Hæc P. Vasquez disp. 232. cap. 7. in fine, cuius sententiam examinare alterius loci est; interim illa duo ex ipsius verbis accipimus, alterum nomen sacrificij non convenire Eucharistiæ tanquam imagini, sed tanquam rei, quia re ipsa, & non tantum in imagine Christus in sacrificium offertur, ex quo contra ipsum infero, posse in die Parasceves esse in Eucharistia rem, ut non imaginem. Alterum, quod accipimus est, testimonia Patrum, atque Doctorum Ecclesiæ, in quibus nomen sacrificij, & immolationis videtur tribui Eucharistiæ, non tanquam rei, sed tanquam imagini sano modo esse intelligenda.

Sed quistandem est sanus hic modus, quo sunt intelligenda? Ille planè, quo usus est Bellarminus contra Kemnitium contendentem, Magistrum Sententiarum cum antiquis Patribus, damnatum esse à Tridentino; nam ille ait Kemnitius ex Patribus docet sacrificium Missæ dici sacrificium, quia est memoria sacrificij Crucis, non quod in se sit propriè sacrificium; Concilium autem Sess. 22. can. 1. ait: si quis dixerit in Missa non offerri Deo verum, & proprium sacrificium, anathema sit. Docet ergo Bellarminus nomen immolationis, & sacrificij frequentissimè accipi à Patribus in sensu maximè proprio, hoc est pro immolatione in propria specie, siue pro cruenta sacificatione, quæ semel tantum verè, & propriè in Ara Crucis facta, & celebrata est. Cum ergo querat Magister, an quod Sacerdos gerit, sit dicendum sacrificium, & immolatio, accipit nomen sacrificij, & immolationis pro occisione, ac si apertius quæsuisset, an quod gerit Sacerdos, sit dicenda Christi occisio. Respondet autem rectissimè, Christum semel tantum verè immolatum, id est occisum fuisse, nunc autem non propriè immolari, id est occidi, sed solum in Sacramento, seu sacro signo, imagine, & repræsentatione. Et in hoc eodem sensu rectissimè dixit S. Thomas, Passionem Christi esse veram eius immolationem, celebrationem verò huius Sacramenti dici immolationem, hoc est occisionem Christi, quia est illius imago. An autem quod Sacerdos gerit, sit in se sacrificium verum, & propriè dictum quantumvis incruentum, nec Magister, nec S. Thomas in locis citatis querunt, sed id ibi præ-

D d

XXI.

*Explicatur S.  
Thomas ab eo-  
dem P. Vas-  
quez, & restat.*

XXII.

*Nomen mortis  
connenit celo-  
brationi Missæ,  
tanquam ima-  
gini, nomen Sa-  
crificij tan-  
quam rei.*

XXIII.

*Immolatio pro  
sacificatione  
in propria spe-  
cie.*



tionem commemoratiuam præteriti sacrificij, & oblationis factæ olim in Cruce, sed esse rationem sacrificij simpliciter, & nouam oblationem, quæ in se, & immediate sit incruenta Latria, vt vocant illam Patres Ecclesiæ, & nouus cultus immediatus. *Secundum* duas illas rationes ita esse per conceptum separabiles, vt quantum est ex se, non repugnet re ipsa separari, ita vt dari queat verum sacrificium simpliciter in Corpore Christi, quod non sit propriè, & expressè commemoratiuum, & expressiuum Passionis, & Mortis Christi, in sensu, quo commemoratiua illius dicitur quotidiana oblatio sub duplici separata specie.

Secunda obiectio principalis sumitur ex defectu principalis offerentis. Eam autem viget P. Suarez loco citato, quia, inquit, in tota illa cæremonia, provt illo die fit, nihil in ea fit in propria Christi persona, immò fortasse ideo tunc non fit consecratio, ne Christus in propria persona viuens, & loquens introducatur eo die, quo mortuus recolitur, & eadem ratione non interponitur eius persona, vt offerens sacrificium incruentum, sed solum fit representatio eius, vt offerentis cruentæ. Non ergo fit eo die proprium sacrificium in Ecclesia, quia nullum potest in ea fieri sacrificium, in quo Christus non sit principale offerens.

Respondeo multa esse in illa sacra actione, provt illo die fit, quæ in Christi persona fiunt, vt patebit ex responsione ad tertiam objectionem. Quæ actiones necessario sunt assignandæ; est enim verissimum quod assumitur in argumento nullum posse fieri in Ecclesia sacrificium, in quo Christus non sit principale offerens; sed vnde habent Aduersarij Christum in ea die esse non posse principale offerens? Auiunt ex S. Thoma; in die, quo ipsa Passio Domini recolitur, provt realiter gesta est, & in qua Christus se ipse obtulit, cessare in Ecclesia figuram. Est autem sacrificium nostrum figura quædam veræ immolationis cruentæ, figura autem, inducta veritate cessare debet. Benè est, verum hoc tantum probat Christum non posse esse principale offerens respectu sacrificij, quod sit figura, seu respectu sacrificij commemoratiui; ergo respectu sacrificij simpliciter, & quod imago, & figura non sit alterius sacrificij poterit etiam in illa die interponi Christus tanquam principale offerens. Neque vera est illa causalis, quod ideo non fit consecratio, ne Christus in propria persona viuens, & loquens introducatur eo die, quo mortuus recolitur, sed ne introducatur se ipsum adumbrans, & figurans representatiuè, & mysticè eo die, quo recolitur verum sacrificium cruentum provt realiter gestum est. Hæc est ratio allata à S. Thoma, quæ planè cessat, si non interponatur vt offerens sacrificium commemoratiuum, sed tantum sacrificium absolutum: Immo probat illo maxime die interponi posse Sacerdotem nostrum viuentem ad offerendum, quia cum recolatur verum sacrificium cruentum obtulit, hoc ipso recolitur viuens, neque enim mortuus, sed viuens se ipsum obtulit. Porro tantum abest quod repugnet introduci in illa die Christum, vt loquentem, & viuentem, vt propterea tam multæ orationes pro omni gradu Ecclesiæ fiant in officio illius diei: quia Christus in ea die pro omnibus cum clamore valido, & lacrymis orauit in Cruce, vt obseuauit Alcuinus. Quæ potest esse etiam ratio cor illo maxime die Ecclesia debeat, non solum verè orare, sed verè etiam offerre, quia Christus non solum pro omnibus ea die orauit, verum etiam pro omnibus se ipsum obtulit. Attendendum igitur est intentum Ecclesiæ in illa sacra cæremonia explicanda, quod ex S. Thoma illud solum est,

*dari in corpore Christi verum sacrificium, & non commemoratiuum.*

XXX.

*Secunda obiectio ex defectu principalis offerentis.*

XXXI.

*Christum in Actione Paschæ nec est principale offerens.*

## XXXII.

*Qua ratione  
Christus dicitur  
sacris principalis  
offerens.*

ut veritate præsentem non exprimitur figura, ea autem satis superque remouetur per subtractionem significationis mysticæ, & oblationis vtriusque speciei separata, in qua posita est viua, & expressa imago eius, quod illa die recolitur, prout in simili die re ipsa gestum est. Quod si quæretur ulterius ratio cur dicendus est Christus principale offerens in sacrificio Pasceves, ea facile reddi potest, quia in tantum Christus dicitur Sacerdos, & offerens in sacrificio Crucis, in quantum se ipsum tradidit penitendum, & in propria specie consummendum in Dei honorem, & hominum salutem, sed in actione huius diei, idem Christus tradit se Ecclesiæ offerendum, & consummendum, licet sub aliena, & vnica specie in Dei honorem, & hominum salutem; ergo in hoc etiam sacrificio est Sacerdos, & offerens. Non sic fuisset in triduo, aut biduo mortis, in quo dicemus infra verum sacrificium ab Ecclesiâ offerri non potuisse per quempiam Apostolorum, quia tunc non existeret simpliciter principalis, cuius nomine & verbis Sacerdos purè ministerialis offerret. In re verò nostra, non solum adest principalis Sacerdos, in quantum existit simpliciter *semper viuens ad interpellandum pro nobis*, sed etiam prout introducit in Mysterio illius diei, in quo præcipue recolitur ut actus se ipsum offerens, atque ut summus Sacerdos existens.

## XXXIII.

*Tertia oblatio  
ex defectu a-  
ctionum sacri-  
ficalium.*

Tertia oblatio principalis sumitur ex defectu actionum sacrificialium in officio illius diei, ut enim ait Henriquez lib. 9. cap. 9. Sacerdos nullum dicit verbum, quo ostendat se offerre, non facit Memento, nec dicit Orationes post communionem, & sumit absque vlla dispensatione, speciem tantum panis, cum tamen ius Diuinum præscribat sacrificium non fieri nisi sub duplici specie.

Respondet. In officio illius diei plures esse sacrificales actiones, ex quibus validum argumentum sumi potest, verissimum ibi offerri sacrificium, illarum autem potissimæ sunt, Victimæ sanctæ oblatio, fractio, consumptio.

## XXXIV.

*In actione Pa-  
rasceves est ex-  
pressa sacrifici-  
calis oblatio.*

Et primo mirandum est, quæ ratione dici potuerit ab Henriquez, Sacerdotem ne verbum quidem vllum dicere, quo ostendat se offerre, nam in primis hoc ostendit solemnem thurificationem, quæ fieri in Rituali præcipitur super oblatam. De qua antiquissima cæremonia mentio fit in Can. 4. Apost. ubi dicitur Thymiamma, seu incensum offerendum ad Altare cum sacra celebratur oblatio. Deinde hoc idem ostendit expressissimis verbis oblationis. Etenim in medio Altaris inclinatus, & iunctis manibus, dicit: *Sic fiat sacrificium nostrum in conspectu tuo hodie, ut placeat tibi Domine Deus.* Quæ maior, aut expressior in Dei cultum oblatio? Si sacrificium eo modo, quo est, idem est quod oblatio; perinde est dicere: placeat tibi sacrificium nostrum in conspectu tuo hodie, ac dicere: placeat tibi hodierna hæc nostra oblatio. Si tertia horum verborum pars in actione Cœnæ Domini Euangelistarum testimonio intercessisset, profecto non ausi fuissent Hæretici oblatrare, ac dicere Christum nullum dixisse verbum, quo ostenderet se offerre; aliquod tamen verbum verè dixit, quod ibi hoc idem satis ostendit, ut suo loco perpendimus.

## XXXV.

*In actione Pa-  
rasceves fit fra-  
ctio sacrificialis.*

Secunda actio sacrificialis est fractio, quæ illo die non omittitur, & cuius maxima ratio semper est habita in sacrificio, ut merito S. Thomas 2. 2. quæst. 85. art. 3. ad 3. inter actiones, quæ habent rationem sacrificij enumeret fractionem panis; habet quidem hæc cæremonia præter significationem moralem propriam sacrificij simpliciter, etiam mysticam Passionis, ut propterea in can. Cum frangitur

## XXXVI.

*Fractio præter*

de Consec. dist. 2. dicatur: *Cum frangitur Hostia, dum sanguis de Calice in ora significationem fidelium funditur; quid aliud quam Dominici corporis in Cruce immolatio, eius mysticam habet moralis.*

ab illa actione inseparabilis, quia non est in illa principalis, & primaria, immò nec propria. Vnde S. Chrysostomus Homil. 24. in prima ad Corinth. Quare, inquit, addit Apostolus; panem frangimus, hoc in Eucharistia videre licet, in Cruce autem minimè, sed omnino contra. Os enim eius non conteretur, sed quod in Cruce passus non est; id in oblatione patitur, & propterea se frangi permittit, ut omnes satiet. Hoc idem ex Chrysostomo docuit Bellarminus lib. 1. cap. 12. qui addit; vix dubium esse posse, quin Apostolus respexerit ad species panis, cum ait. 1. Corinth. 11. Hoc est Corpus meum, quod pro vobis frangitur. Non enim aliter frangi convenit Christi corpori, nisi sub specie panis. Atque hic est observandum, per fractionem significari ab Apostolo ipsam sacrificalem oblationem; non enim intelligantur illa verba de solo pane, qui verè, non pro nobis, sed nobis frangitur; sed de vero Corpore Christi oblato sub speciebus panis, ut sensus sit: Hoc est Corpus meum, quod nunc in specie panis frangitur, id est datur, & sacrificatur Deo pro nobis. Ex quibus conficitur; quod etiam si quotidianum Ecclesie Sacrificium non esset commemorativum Passionis, adhuc sacram actionem fractionis Hostiæ, seu Victimæ contineret, in illa enim, tanquam in actione proximè ordinata ad victimæ consumptionem, & destructionem fundatur pars significationis moralis supremi Latræ cultus, quæ est prima, & essentialis in sacrificio simpliciter.

Tertia actio est eiusdem victimæ oblatæ, & fractæ consummatio, quod verò non sit simplex sumptio, sed maximè sacrificialis patet, quia alioquin fructus Passionis, qui communicatur Ecclesie per modum sacrificij illo die, Ecclesie non communicatur, sed totus esset solius celebrandis, qui sumeret Sacramentum contra doctrinam expressam S. Thomæ superius declaratam, quæ doctrina usque adeo solida est, ut Bellarminus lib. 1. cap. 13. cum illa clausit agmen argumentorum, quibus probat ex Patribus contra Hæreticos, oblationem Ecclesie quotidianam esse verum sacrificium. Vltimum, inquit, caput, unde Patrum sententiam adeo perspicuè cognoscimus, ut nullus pateat Aduersarij exitus, nisi Patres omnino rejiciant, sumitur ex iis, pro quibus veteres sacrificia offerebant; nam si Eucharistia nihil esset aliud nisi Sacramentum, certè non proderet nisi sumenti, & manducanti, quemadmodum Baptismus non aliis prodest, quam iis, qui baptizantur. Quod quidem Aduersarij non negant: immo Philippus, Calvinus, Kemnitius, & alij totam controuersiam inter nos, & ipsos esse dicunt: An Eucharistia non solum debeat distribui manducantibus, sed etiam pro salute aliorum tum viuientium, tum mortuorum; id enim posterius ad verissimum sacrificium pertinere non dubitant. Quod verò Eucharistia, quæ consumitur in actione Parasceues offeratur de facto pro nostra, & totius Mundi salute, id omnino est, quod S. Thomas docebat in questione illa 83. art. 2. ad 1. celebrari videlicet sumptionem Corporis Christi, ne Ecclesia ea etiam die sit sine fructu Passionis per hoc Sacramentum nobis exhibito. Vbi vides, non agi de quolibet fructu Passionis, sed de illo, qui prouenit Ecclesie à celebratione Eucharistiæ, quatenus proficere potest etiam non sumentibus, atque adeo quatenus operatur ad mor-

XXXVII.  
*Mystica est secundaria, & separabilis.*

XXXVIII.  
*Frangi pro offerro.*

XXXIX.  
*Consumptio hostiæ in die Parasceues est actus sacrificialis.*

XL.  
*Si sumptio corporis esset merè sacramentalis non proderet nisi sumenti.*

дум Sacrificij. Habemus ergo in actione illius diei veram oblationem, & consummationem victimæ sacrificalem.

## X L I.

*Distributio solemnæ Euchari-  
stie præsuppo-  
nit verum Sa-  
crificium*

## X L I I.

*Olim in actione  
dies Parasceues fiebat di-  
stributio.*

Quarta est sollemnis distributio; Hanc reliquis annueramus, non quod nunc sit in usu, neque quod illa per se pertineat intrinsecè ad Sacrificium, sed quia fuit aliquando in legitimo, ac solempni ritu, & quia ex legitimo, & solempni illius usu rectè inferatur, oblationem illius diei, quæ nunc fit, esse verum Sacrificium. Et quidem quod aliquando legitime fuerit in usu. Patet ex ordine Romano antiquo in officio diei Parasceues, in cuius fine dicitur: *Et communicent cum silentio*, tum ex Gregorio Magno in lib. Sacram. vbi dicitur: *Communicet Sacerdos, & omnis plebs*. Immo hoc est vnum ex argumentis, quibus probant nostri Doctores contra Hæreticos, licitam esse communionem populi sub specie panis tantum absque sanguine, quia olim in die Parasceues, in quo certum est, neque consecrari, neque sumi sanguinem, etiam in publico Cætu Ecclesiæ fuit usus huius Sacramenti, ut videre licet apud Bellarminum lib. 4. de Euchar. cap. 24. Denique eadem consuetudo videtur mihi colligi ex verbis, quæ eo die consummato Sacramento dicuntur à celebrante in medio Altaris: *Quod ore sumpsimus Domine pura mente capiamus, & de munere temporali fiat nobis remedium sempiternum*.

## X L I I I.

*Finis, ob quem  
fiebat distributio.*

Iam verò quod ex distributione illo etiam die fieri solita, rectè inferamus in eiusdem officij actione fieri sacrificalem oblationem Deo. Hoc cognosci potest ex fine, ob quem Fideles in primitiua præsertim Ecclesia de Domini Mensa participabant. Ille autem erat, ut Sacrificij participes fierent, & sicut Sacrificium, sic etiam sacrum epulum esset quotidianum; fuerat hoc solempne in sacrificiis Iudæorum, ut de victimis in Altari oblatis comederent in Atrio ante Templum, ut patet 1. Reg. 9. 13. & alibi, & usque ad tempora Apostoli Pauli solebant etiam Gentiles post peractum Sacrificium transferre ex Altari, mensasque Idoli carnes illi immolatas, ut ex iis comederent illi, qui eas obtulerant. Itaque tam apud Hebræos, quam apud Gentiles nullum erat sacrum epulum, & conuiuium, quod non esset ex carnibus in Sacrificio oblatiis. Hinc Apostolus grauiter sauxerat, ne quis fidelium huiusmodi epulis interesset, quia ea comedere fercula, erat comedere hostias; comedere autem hostias, erat participare de Altari; hoc est de Sacrificio, quod in Altari offertur. *Nonne qui edunt hostias participes sunt Altaris?* Omnino aiebat Apostolus, participes sunt, quia hoc modo comedentes hostias, censetur ipso facto tacite colere Numen, cui erant oblatæ, & quasi consummare idem Sacrificium, ac per hoc quodammodo sacrificare.

## X L V.

*Antiqui Christi-  
iani quotidie  
de Altari parti-  
cipabant.*

Contra verò consueverunt primi Christiani, Sacram, Diuinumque Euchari- stie epulum celebrare, quoties Sacrosanctum Sacrificium Corporis Domini offerebatur, ut ex antiquis Ecclesiæ Annalibus docet Cornelius in Epist. 1. ad Cor. cap. 11. & ostendi potest ex Canone decimo Apostolorum, & Canone Anacleti in peracta, de Consecr. dist. 2. vbi ex communicatione afficiuntur, qui ante discedunt à Templo quàm Sacrificium finiatur, & qui sacram communio- nem non sumunt. Item ex Can. Sotheris de Consecr. dist. 7. vbi habetur, illam esse legitimam Missam, in qua adsunt Sacerdos, respondens Minister, Offeren- tes, assistants, & communicantes. Quamuis autem hi Canones progressu temporis usu abrogati fuerint, probant tamen intentum videlicet consueuisse eo tempore

fideles communicare, quoties verum Sacrificium offerretur; id enim decernunt, quod tunc de more fiebat. Finis verò, ob quem omnes communicabant erat publica protestatio veræ Religionis, quod ex comparatione ab Apostolo facta Mensæ, & Altaris Domini cum Mensâ, & Altari Idolorum, apertè colligunt Patres. Sicut enim quicumque manducabant Idolothytâ, fiebant participes Altaris Idolorum, atque adeo in illorum Sacrificium consentiebant, hebantque socij immolantium, & sacrificantium, vnde ipsi quoque Idololatæ habebantur. Ita Christiani, vt veros Dei cultores se ostenderent, Corpus Christi oblatum, & sacrificatum manducabant, vt sic participes Altaris Domini effecti, profiterentur se consentire in oblationem factam Deo soli, viuo, & vero; & sic socij sacrificantium effecti, ipsi quoque quodammodo sacrificarent. Cum ergo in die Parasceues, non minus quàm in exteris anni diebus, solemnisi Altaris participatio celebraretur, signum est, quod illo etiam die verum in Altari Sacrificium offerretur.

Hoc argumentum vrget non leuiter, quia verè communio populi Christiani, vera participatio Altaris, hoc est Sacrificij in Altari oblatis est. Iuxta id, quod in sacro Canone dicimus: Vt quotquot ex hac Altaris participatione, &c. Vnde S. Augustinus lib. 9. Confess. cap. 13. dicit, Matrem suam omnibus diebus seruasse Altari, *Vnde sciret dispensari Victimam sanctam.*

Sed video Aduersariorum effugium. Dicent in actione illa Parasceues, dispensatam quidem olim fuisse Ecclesiæ Victimam sanctam, tanquam participationem Altaris, & Sacrificij; at non Sacrificij eodem die Parasceues oblatis, sed peracti die præcedente.

Contratamen est, quia Altaris præcedentis diei, facta iam erat legitima, ac solemnisi participatio: noua autem alterius diei solemnisi participatio, nouum postulat Altare, & nouum Sacrificium illius diei. Vnde in Liturgia Parasceues, expressè dicitur: Sic fiat Sacrificium nostrum in conspectu tuo *hodie*; quid est illud; *nostrum hodie*? Manifestum est ibi postulari à Deo, vt placeat Sacrificium non externum, quod consummatum iam est, sed hodiernum, quod tunc consummandum est, id quod vehementer confirmat consuetus ille ritus, quo Sacerdos versus populum ait, etiam illo die: Orate fratres, vt meum, ac vestrum Sacrificium acceptabile fiat: certè non iubet Sacerdos populum orare, vt acceptabile fiat Sacrificium peractum, sed quod peragitur.

Sed age, asseramus in medium congruam aliquam rationem, cur noua Altaris participatio, nouam Sacrificij postulat oblationem, ea autem ex Altari ipso petenda est, quod Mensa Domini dicitur iuxta illud Apostoli 1. Cor. 10. *Non potestis Mensæ Domini participes esse, & Mensæ Dæmoniorum*, vt idem sit participare de Altari, ac participare de Mensâ Domini, sed quando quidem Altare est Mensa Domini, cedo mihi panem huius Mensæ, qui sit esca, & cibus Domini? Totum cibum Mensæ, panem appello more S. Scripturæ, quæ panem vocat omnem escam, & totum Conuiuium, etiamsi ex carnibus sit. Inquiri igitur panem Dei in terris, quandoquidem in terra quoque suam habet mensam Deus.

Certè in sacra Scriptura non alium cibum, & panem Dei inuenias nisi victimas Sacrificiorum. Hinc dicitur Leuit. 22. v. 25. *De manu alienigena non offeretis panes Deo vestro.* Panes, ait Cornelius, idest Sacrificia, quæ sunt quasi panis, idest cibus Dei; neque enim possunt hic intelligi panes Propositionis, quia eos

XLVI.

*Altaris participatio in processionem veram Religionis.*

XLVII.

*Communio est participatio Altaris.*

XLVIII.

*Communio Parasceues erat participatio sacrificij illius diei, non præcedens.*

XLIX.

*Noua participatio nouum postulat Altare.*

L.

*Panis, & cibus Dei, victima Sacrificij.*



conficiebant Sacerdotes, non Laici, multo minus alienigenæ. Hinc quoque Septuaginta, passim Sacrificium vocant, Carpoma, idest fructus, quo scilicet velescit, & fruitur Deus. Vnde, Olocarponia, vocant holocaustum, eo quod totum cedat in fructum, & esum Dei. Nimirum voluit Deus, ait Cornelius, cuius deliciz sunt esse cum Filiis hominum, hac ratione dignationem suam erga homines ostendere, exhibendo se iis tam familiarem, vt eandem cum ipsis habeat Mensam, cibum, & panem. Atque hæc est ratio cur Deus, etiam tempore legis Naturæ, vt docet S. Chrysostomus, illa animalia quasi munda secreuerit ad sua Sacrificia, quæ postea tempore legis Moysis quasi munda populo suo secreuit ad cibum, & elum, prius ea fecit cibum suum, & postea populi sui, quasi assignando illis panem de Mensa oris suis, & sine dubio in Mysterium Eucharistiæ, cuius Mensa, & panis communis nobiscum, & Deo est, nobis vt Sacramentum, Deo vt Sacrificium.

## L I.

*Mensa communis nobis, & Deo.*

Ex hoc infero, quod intendebam, nam quia præter conuiuium Feriæ quintæ, erat in more primitiæ Ecclesiæ positum, vt nouum instrueretur conuiuium Feriæ sextæ in Parasceue; Hinc fit, vt nouum deberet in eadem Parasceue offerri Sacrificium Deo, alioquin non fuisset conuiuium, in quo Deus cum populo suo quasi comedere videretur, vt ipse quoque esset conuiua, sed ex mensa eius dici, sola conuiuaretur Ecclesia, vtique præter leges conuiuij. Hoc planè fuit vnum ex argumentis, quo ex doctrina S. Thomæ probat noster Valentia quæst. 9. Christum in Cæna corpus suum sumpsisse, ipse conuiua, & conuiuium, ipse comedens, & qui comeditur, vt ait S. Hieronymus in Epist. ad Heluidium quæst. 2. quia, inquit, non conueniebat in communi Cæna, & conuiuitio, Christum, qui inuicarat, abstinere ab his rebus, quas conuiuiis porrigeret. Cum ergo in actione etiam illius diei exhibeat Deus Ecclesiæ suæ Cælestem conuiuium, debet in illa eadem actione suum Deus panem gustare per Sacrificium, quem nobis porrigit in Sacramentum.

## L II.

*Lex Conuiuij postulat vt invitans sit conuiua.*

Ex his omnibus patet contra Henriquez plures esse actiones in officio Parasceues, quarum aliquæ sunt formaliter sacrificiales, vt oblatio, fractio, consumptio; aliquæ sunt sacrificiales arguitiue, quia arguunt Sacrificium vt distributio, de qua modo disseruimus. Parum ergo refert, quod Sacerdos illo die non facit Memento, præsertim quod non omittit Orationem Dominicam, quæ ab initio nascentis Ecclesiæ fuit publici Oratio Sacrificij: quamvis enim ex Euangelistis habeamus tantum Christum Dominum tradidisse fidelibus modum orandi Matth. 6. Sic ergo vos orabitis: Pater noster, &c. nullo certo tempore assignato, in quo solemniter ea Oratio fieret à toto corpore Ecclesiæ. Tamen S. Hieronymus tom. 2. lib. 3. aduer. Pelagium scribit, Christum Dominum docuisse Apostolos, vt quotidie in Corporis eius Sacrificio credentes audeant loqui Pater noster. Quare quod Oratio Dominica velut propria Sacrificij vsurpata in Missa fuerit ab Apostolis ipsis, tanquam primis Diuina institutione formatis, farentur omnes, & maximè S. Gregorius lib. 7. Epist. 63. vbi ait: Mos Apostolorum fuit, vt ad ipsam solummodo Orationem Dominicam oblationis hostiam consecrarent.

## L III.

*Oratio Dominica propria Sacrificij.*

Parum itidem refert quod Sacerdos non dicat Orationes post communionem, cum præsertim loco huiusmodi Orationum, post consumptionem in persona omnium,

omnium, & tanquam os populi quod sacrificantis est proprium in medio Altaris inclinatus dicat. Quod ore sumpsimus Domine pura mente capiamus, & de munere temporali fiat nobis remedium sempiternum; ubi vox illa *de munere* confirmat oblationem.

Denique ad id, quod ait, Sacerdotem sumere absque vlla dispensatione speciem tantum panis, cum tamen ius Diuinum præscribat Sacrificium non fieri nisi sub duplici specie. Dicimus, ad Sacrificium sub vna tantum specie peragendum illo die non opus esse dispensatione, quia hoc habuit ab institutione, cum constet in illo die, nunquam aliter factum ab Ecclesia vniuersali. Quod autem vniuersa tenet Ecclesia, ait Augustinus lib. 4. de Baptismo cap. 24. nec Concilii institutum, sed semper retentum est, non nisi autoritate Apostolica traditum rectissime creditur. Et sanè cum ex vna parte sciamus ex ordine Romano antiquo celebrationem Mysterij Parasceues in vsu vniuersali fuisse ab annis plus mille, & ex altera nesciamus, quando, & vnde ea inceperit, debemus ex grauitate materiarum eius institutionem manasse immediatè à Christo. Quamuis enim Gauantus par. 4. tit. 9. referat ex sancto Chrysostomo Homil. 1. de Cruce, & Latrone, institutorem Feriæ Parasceues fuisse Apostolum Paulum; hoc non est intelligendum quasi ipse primus Author fuerit, sed quod eam institutionem à Domino acceptam fortasse ipse primus tradiderit iuxta sensum illorum verborum eiusdem Apostoli 1. Corinth. 11. *Ego enim accepi à Domino, quod & tradidi vobis*; neque S. Chrysostomus in citata illa Homilia aliud dicit, nisi Paulum Apostolum festiuitatem illius diei celebrari præcepisse. Neque verò est vniuersaliter concedendum omnia ad ritum huius mysterij pertinentia, quæ in Scriptura Sacra non continentur esse ab Ecclesia instituta, & non immediatè à Christo, nam aliqua potuerunt Apostoli ab ipsius Christi ore accipere, & Ecclesiæ tradere, etiam si scripta non sint, vt docet S. Thomas quart. 64. art. 2. ad 1. Et sanè si indagare velimus materiam illorum sermonum, quos cum primis illis Noui Testamenti Sacerdotibus, & Episcopis habuit Christus ipse, Summus Ecclesiæ, & Mundi Pontifex, *per dies quadraginta apparens eis, & loquens de Regno Dei.* Act. 1. Hæc sine dubio fuit materia potissima, cum enim cum illis ageret de Regno Dei in terra formando, quod est Ecclesia, merito ait Cornelius tenendum est per eos dies docuisse Ministros suos, materias, & formas, ritusque singulorum Sacramentorum, & Ordinum, quas in Scriptura nusquam expressit, & Eucharistiam esse præterea Sacrificium pro viujs, & defunctis quotidie Deo offerendum, aliasque traditiones Apostolicas, quas ab illo acceptas Apostoli Ecclesiæ, & posteris, ac posteris suis successoribus per manus continuè per singula secula vique ad nos tradiderunt. Hæc ille.

At Innocentij dicit Ecclesiam eo die Sacramenta penitus non celebrare, cuius Mysterij figura assertur à Rabano lib. de Instit. Cleric. cap. 87. Nam in lege veteri, eo die, quo semel in anno Summus Sacerdos intrabat in Sancta Sanctorum, alij Sacerdotes non sacrificabant.

Respondeo. Innocentij verba intelligenda esse, vt sonant, pro consecratione videlicet Sacramenti, non pro oblatione Sacrificij; nam quod actio illius diei nouum, ac verum sit Sacrificium Corporis præconsecrati, constat manifestè ex verbis Ecclesiæ, quæ super oblata solemniter ritu offert, & sic oblata consumit.

E c

LIV.

*Ritus sic celebrandi in Parasceue ex Christi institutione.*

LV.

*Institutor Feriæ Parasceues.*

LVI.


*Materia sermonum Christi.*

omnia alia Sacrificia; alter Vespere ultimo loco post omnia alia Sacrificia; sed ita Sacrificia illa disponentur, ut nulla hora vacaret Sacrificio. Rem dico non vulgarem, fundatam tamen. Etenim Levit. 6. ubi agitur de Sacrificio Agni vespertino hæc habentur verba legis. *Cremabitur in Altari tota nocte usque mane.* Super quem locum noster Cornelius: cremabitur, inquit, scilicet vespertinum iuge holocaustum, ideoque necesse erat holocausti huius partes successivè imponi Altari, ut Sacrificium duraret à Vespere usque mane; Hebraicè enim est, *Hoc holocaustum eris in adustione super Altare tota nocte*: quare necesse erat Sacerdotem in Tabernaculo vigilare tota nocte, qui hæc holocausti partes vicissim poneret, & disponderet in Altari, ut sic seorsim tota nocte cremaretur, idque ad hoc, ut hac ratione iugiter hisce Sacrificiis, tam die, quam nocte tota coleretur, & honoraretur Deus, idque vocatum est iuge Sacrificium. Et mox. *Quin & nonnulli quod hic dicitur de iugi Sacrificio vespertino, à pari, vel simili intelligunt de Matutino, ut similiter tota die lento igne cremetur usque ad tempus Sacrificij vespertini, nisi scilicet alia holocausta iugi matutino succederent*; tunc enim in victimis sibi succedentibus lento igne crematis, totum diem usque ad tempus Sacrificij vespertini occupabat. Id quod insinuant Septuaginta Interpretes, qui iuge Sacrificium Exodi 29. vocant *oblationem assiduam*, siue *continuationis*, quæ assiduè, & continuè Deo adoleretur. Idque congruum videtur, nimirum, ut tota die, ac nocte Altare fumaret, & Sacrificium euaporaret, quo scilicet perenni eius crematione, & fustitu coleretur Summa Dei Maiestas, semper à nobis adoranda, perpetuisque Victimis honoranda. Sed de hac re fusius in Tractatibus Scripturalibus.

Maneat ergo Sacrificium Ecclesie esse planè quotidianum, & iuge, neque in causa audiatur Henriquez lib. 9. cap. 9. ubi ait, vnus diei defectus pro nihilo reputatur. Si enim, ut Alexander Papa Secundus, ait in cap. suff. de Consecr. dist. 1. Non modica res est vnâ Missam facere. *Quia* ratione pro nihilo reputandus est vnus diei defectus, in quo Ecclesia totaliter careat Sacrificio suo? Sed quanta esset vnus diei iactura ex totali defectu Sacrificij, constabit plenius, cum agemus de necessitate, valore, & fructibus huius Sacrificij.

Interim, quod reliquum est, ad vulgatum illud Ruperti effatum respondeamus: *Non sacrificent amici, dum trucidant inimici.* Dicimus Rupertum nullo modo agere de nostra controuersia, sed tantum indagare rationem cur in actione illius diei, summo cum Ecclesie mœrore nullus cantus adhibeatur. Legatur totum caput secundum, & tertium illius libri sexti de Diuin. Offic. Titulus secundi capitis est; Cur hac die Missa *non canatur*. Respondet autem sub finem: Igitur nostræ conscientie culpæ, gaudium nostrum reuerberat, ut non exultemus hac die, quia vulnera illa, nostra fecerunt crimina, quia contumaces serui commisimus, quod vapulat ille omnium Dominus, quia quæ ille exoluit, nos rapuimus. Deinde ex Domini dictis accepimus, ut hac die gaudere Iudæis relinquamus, & nos contristemur. Deinde capite tertio. Differendum est, inquit, gaudium usque ad diem tertium, hac interim die tristitia regnet, Feria Dominicæ Passionis nostram pertranseat animam, clavi manuum, ac pedum eius, carnem nostram configant, Crux eius nostram suspendat concupiscentiam, compatiamur, ut conregnemus. Hodie non sacrificemus, dum nobis hostia tollitur de manibus,

non facificent amici dum trucidant inimici. Quamdiu torcular calcat solus, tamdiu nos, idest à mane vsque ad horam nonam iuge, & profundum teneamus silentium, &c. Hæc omnia, vt ex toto contextu perspicuum est, eò tantum colligant, vt constet causâ mæoris officij illius diei, de quo non quæritur à Ruper-  
to, Cur in eo non sit Missa, sed cur non cantetur: Caterum dum impiè trucidant inimici, par est, vt amici piè facificent Diuinam hostiam, & Deo offerant; pro-  
pterea est in manibus nostris, etiam in illo die sub specie panis, quamvis sub propria specie representetur, vt sublata manibus Iudæorum, & vt docet Magnus Albertus, idcirco pridie illius diei hostia, seu victima conficitur, & seruatur, vt illo die offeratur, & immoletur.



## QVÆSTIO QVINTA.

*In qua actione consistat ratio, & essentia Sacro-  
sancti Missæ Sacrificij.*

- |       |  |
|-------|--|
| I.    | <i>Consistit in oblatione.</i>   |
| II.   | <i>Missa est Antitypon Sacrificij Crucis.</i>                                      |
| III.  | <i>Antitypon quid significet.</i>  |
| IV.   | <i>Necessitas consecrationis sub duplici specie.</i>                               |
| V.    | <i>Viva, &amp; expressa imago Passionis in duplici specie consecrata.</i>          |
| VI.   | <i>Omnia Sacramenta sunt commemoratiua Passionis Christi.</i>                      |
| VII.  | <i>Sola Missa est imago simul, &amp; imitatio Sacrificij Crucis.</i>               |
| VIII. | <i>Que generatim dicenda sunt partes Missæ.</i>                                    |
| IX.   | <i>Omnes omnino actiones Missæ, partes sunt illam integrantes.</i>                 |
| X.    | <i>In Sacrificio nihil addendum, nihil minuendum.</i>                              |
| XI.   | <i>Integritas Corporis Missæ.</i>  |
| XII.  | <i>Eius Antiquitas, &amp; Sanctitas.</i>   |
| XIII. | <i>Indicatur ab inimicis.</i>  |
| XIV.  | <i>Nulla pars determinatè est de essentia Sacrificij.</i>                          |
| XV.   | <i>In quo sensu consecratio pertinet ad hanc essentiam.</i>                        |
| XVI.  | <i>Consecratio, &amp; Sacrificatio sunt actiones distinctæ, &amp; separabiles.</i> |
| XVII. | <i>An Corpus Christi seruetur in Pyxide dicendum sit Sacrificium.</i>              |



NVMERAVIMVS initio huius Libri quinque ferè actiones, de quibus ambigitur, An, & quomodo in illis reperiat essentia, & ratio Sacrificij. Vt autem hoc Iudicium feramus, necesse est certo statuere, in quo consistat ratio, & essentia Sacrificij Missæ.

I.  
*Consistit in O-  
blatione.*

Dicimus ergo primo Sacrificium Missæ consistere in oblatione corporis, & sanguinis terminata ad ipsorum consumptionem,

Sumitur hæc assertio ex Tridentino Sess. 22. cap. 2. & probatur à nobis hoc modo. In eo ponitur essentia Sacrificij Missæ, in quo ponitur essentia Sacrificij Crucis, salua tantum diuersitate in ratione cruenti, vel incruenti; sed Sacrificium Crucis ponitur in oblatione corporis, & sanguinis, terminata ad realem destructionem; ergo essentia Sacrificij Missæ ponitur in oblatione corporis, & sanguinis terminata quoque ad realem consumptionem; illo tantum obseruato discrimine, vt dixi, quod quia Sacrificium Crucis oblatum fuit sub forma, & specie viuientis, necessàrio illius consumptio fuit cruenta, quia verò Sacrificium hoc offertur sub forma, & specie non viuientis, ideo necessàrio illius consumptio est incruenta.

Propositio huius argumenti certissima est, debet tamen hoc loco probari, & explicari, vt autem vulgatiore probationes omittamus, probamus illam hoc modo. Sacrificium Missæ ex antiquis Patribus est Antitypon Sacrificij Crucis; ergo in eo ponitur essentia Sacrificij Missæ, in quo ponitur essentia Sacrificij Crucis.

Antecedens est Antiquorum Patrum, Dionysij cap. 3. Ecclesiast. Hierarch. Nazianzeni Orat. in Gorgonium, Basilij in sua Liturgia, Theodoret in 1. Dialogo, Macharij Ægyptij Homil. 27. & aliorum.

Consequentia probatur ex germana notione huius vocis iuxta sensum Apostoli ad Hebræos 9. & iuxta acceptionem omnium eruditorum, quam sequutus est Bellarminus in libris de Sacramentis. Est ergo Antitypon imago illa, quæ è regione respondet exemplari, & ita illud imitatur, ac refert, vt ferè cum eo contendere videatur. Sic accipit hanc vocem Nazianzenus in 3. Orat. de Pascha, vbi noctem Paschalem ob infinitam ardentium cereorum multitudinem, quibus illuminabatur vocat Antitypam Firmamenti Cælestis, vbi infinita stellarum lumina conspiciuntur. Sic etiam apud Hebræos, cœnæ nuptiales habebantur tanquam Antitypæ Cœli Empyrej, quod sic dictum est à splendore; erant enim illorum Cœnacula maximè illuminata, in quibus nuptialia celebrabantur conuiuia ad multam noctem, quod in more aliarum etiam gentium positum legitur, vnde illud

*pendent Lychni laquearibus aureis*

*Incensi, & noctem flammis funalia vincunt.*

Sicut autem Cœnacula à copiosa luce erant empyrea, ita extrà Cœnacula tenebræ erant, quò alludens Christus Dominus Matth. 8. ait: *Dico autem vobis quod multi ab Oriente, & Occidente venient, & recumbent cum Abraham, & Isaac, & Jacob in Regno Cælorum. Filij autem Regni ejicientur in tenebras exteriores.* Vocantur tenebræ exteriores ait noster Cornelius, quia extrà Conuiuij locum sitæ, & vno verbo, quia foraserant, vt est apud Luc. 13. vt sicut nuptiale Cœnaculum Antitypum erat Empyrej, ita exteriores tenebræ Antitypæ essent Inferni, & noctis æternæ damnationis, vt loquitur S. Gregorius.

Significat ergo Antitypon imaginem alteri planè simillimam, vt non tam imago, quàm res ipsa videatur. Quomodo ait Bellarminus valde propriè vocatur Antitypon, Imago, quæ resultat in Speculo dum quis in illud intuetur: etenim ea imago ita ad vium repræsentat, vt cum ipso homine de forma ipsius hominis certare videatur. Hinc, vt ad rem nostram accedamus, optimè explicant Doctores quidam repræsentationem Sacrificij Crucis in nostro, exemplo Regis,

E e ij

II.

*Missæ est Antitypon Sacrificij Crucis,*

III.

*Antitypon; quid significet.*



qui cruento bello confecto, idem ipsum bellum, ad oblectandum populo, in Scena repræsentari vellet incurrentè, & cum posset in locum Regis, vnus aliquis personam Regiam induere; vellet tamen ipse idem Rex, qui verè pugnauerat, in scena se ipsum repræsentare. Hoc exemplum, rem nostram planè declarat, quia verè huiusmodi Rex esset ipse Antitypon sui ipsius, qua ratione Christus passus dicitur esse à Patribus in Sacrificio Missæ incuruento, tanquam in Antitypo Sacrificij Crucis.

Hac igitur posita notione, probamus facile nostram consequentiam; quia in tantum Patres vocant Sacrificium nostrum Antitypon Sacrificij Crucis, in quantum in eo positum esse sentiunt Sacrificium nostrum, in quo positum fuit Sacrificium Crucis: Antitypa enim non dicuntur quælibet figuræ, sed illæ tantum, quæ nihil ferè differunt à veritate.

Probanda nunc est assumptio, in qua dicebamus propriam rationem, & essentiam Sacrificij Crucis positam esse in oblatione corporis, & sanguinis terminata ad destructionem. Verum hæc fusè à nobis in superioribus explicata, & confirmata est, Aduersariis planè consentientibus; vnum addam, Christum Dominum non solum oblationem fecisse sui corporis, vt morituri, verum etiam quasi peculiarem, & distinctam sui sanguinis, vt effundendi. Hinc si quærat, cur ex Diuina institutione factum sit, vt de integritate essentiali Sacrificij commemoratiui, sit oblatio corporis, & sanguinis sub duplici separata specie panis, & calicis. Non vlla, aut vniuersalior, aut plenior redditur ratio, nisi quia hoc Sacrificium de iure Diuino institutum est, vt sit Antitypon Passionis, & mortis Christi. Dixi, si quærat, cur ad integritatem Sacrificij vtraque species necessaria sit; nam cur vtraque eadem species requiratur ad confectionem Eucharistiæ, non vt Sacrificium, sed vt Sacramentum est, afferri meritò solet illa alia ratio, quia Sacramentum institutum est ad refectionem spiritualem instar Conuiuij, quod duobus constat, nempe cibo, & potu; vnde fit, vt ex sua institutione postulet, vt vtraque species, quarum altera cibum, altera potum denotet, consecretur, & sic integrum conuiuium præparetur. Cæterum stando in ratione Sacrificij, non alia vt dixi affertur ratio præter illam de commemoratione Passionis, & mortis Christi.

Hanc affert Concilium Tridentinum Sess. 22. cap. 1. Vt relinqueret, inquit, Sacrificium, quo cruentum illud semel in cruce peragendum repræsentaretur, eiusque memoria in finem vsque sæculi permaneret corpus, & sanguinem suum sub speciebus panis, & vini Deo Patri obtulit, ac sub earumdem rerum symbolis, &c. Vides ex verbis Concilij finem institutionis sub tali ritu, præcipuum fuisse commemorationem duplicis oblationis, corporis, & sanguinis Domini.

Hanc etiam omnes ferè Doctores Scholastici defendunt, qui toti sunt in declarando, qua ratione viuæ, & expressæ imago Passionis Domini non habetur nisi in oblatione vtriusque speciei, vnde inferunt, vtramque speciem esse de integritate substantiali, & essentiali huius Sacrificij, quia sicut non habetur viuæ, & expressæ imago occisionis, & necis in vna tantum specie consecrata, ita facta consecratione corporis, & sanguinis tali ritu sub duplici illa specie separatà habetur viuæ, & expressæ imago illius, quia nulla magis expressa, aut humanæ necis, aut victimæ iam mutæ imago depingi potest, quam si vno in loco corpus, vt

## IV.

*Necessitas consecrationis sub duplici specie.*

## V.

*Viuæ, & expressæ imago Passionis in duplici specie consecrata.*

mortuum, in altero separatim totum sanguinem, vt effusum exponas. Sola autem species panis non repræsentat exactè Christum vt mortuum, nisi ab altera conspicatur sanguis, vt effusus, & similiter sola species vini non repræsentat sufficienter Christum, vt immolatum, non enim solus sanguis est Victimæ, seu Agnus tanquam occisus.

Atque hoc loco animaduertendum maximè est, non quamcumque significationem, & commemorationem Passionis esse propriam huius Sacrificij: nam esse significatiuum, & commemoratiuum Passionis, & mortis Christi, est quid, etiam commune omnibus Sacramentis nouæ legis, vt enim docet S. Thomas par. 3. quæst. 60. art. 3. Omne Sacramentum est signum rememoratiuum, demonstratiuum, & prognosticum, & quidem rememoratiuum eius, quod præcessit, scilicet Passionis Christi, & demonstratiuum eius, quod in nobis efficitur per Christi Passionem, scilicet gratiæ, & prognosticum, id est prænuntiatiuum futuræ gloriæ. Exemplum sit in Baptismo, & in Eucharistia ipsa, vt Sacramentum est. De Baptismo ait Apostolus Rom. 6. *Quicumque baptizati sumus in Christo, in morte ipsius baptizati sumus.* De Eucharistia idem Apost. 1. ad Cor. 11. *Quotiescumque manducamus panem hunc, mortem Domini annuntiamus.* Id quod de reliquis omnibus Sacramentis communiter Theologi affirmant, distinguentes triplicem rem sacram, quam Sacramenta significant, gratiam iustificantem, quæ vt præsens demonstratur, Passionem Christi, quæ est causa gratiæ, & vt præterita commemoratur, & vitam æternam, quæ est effectus gratiæ, & vt futura præfiguratur. Commune igitur est omnibus Sacramentis esse commemoratiua Passionis Christi, in quo igitur consistit peculiaris ratio imaginis, & signi Antitypi, quod est proprium huius Sacrificij?

Dicendum est consistere in expressa quadam repræsentatione, & quod non conuenit Sacramentis in reali, & viua imitatione, & exercitio duplicis oblationis cruentæ, quod non obscurè significauit Trident. loco citato, vbi dicitur, vt relinqueretur Sacrificium, quo cruentum illud semel in Cruce peragendum repræsentaretur corpus, & sanguinem suum sub speciebus panis, & vini Deo Patri obtulit, ac sub earumdem rerum Symbolis, Apostolis, vt offerrent, præcepit. Obserua illud, *vt Sacrificium Crucis repræsentaretur*: obtulit corpus, & sanguinem suum in duplici specie separata, & vt sic offerrent præcepit, quasi diceret, vt relinqueretur Sacrificium in Ecclesia, quod esset imitativa imago, & Antitypon planè viuum Sacrificij Crucis, in illa duplici oblatione illud instituit, in qua Sacrificium Crucis perfectum est.

Ex his ferri facile iudicium potest de partibus, & actionibus Missæ. Et quidem illud in vniuersum negari non potest, omnes actiones, in quibus inuenitur ratio huiusmodi oblationis sacrificialis, omnes pertinere ad integritatem huius Sacrificij tanquam membra alicuius corporis morales. Est autem philosophandum de hoc toto morali, quod est Missa, quemadmodum philosophamur de toto aliquo physico, siue homogeneum illud sit, siue heterogeneum, illæ dicuntur partes integrantes totum aliquod physicum, in quibus aliquo modo inueniuntur participatio naturæ, & essentia illius totius. Sic illæ dicuntur propriæ partes integrantes hominis, in quibus est forma substantialis hominis, & illæ dicuntur partes integrantes aquæ, in quibus est forma, & natura aquæ. Cum ergo statutum

VI.

*Omnia Sacramenta sunt commemoratiua passionis Christi.*

VII.

*Sola Missa est imago simul, & imitatio Sacrificij Crucis.*

VIII.

*Quæ generatim dicenda sunt partes Missæ.*

fit, rationem, & essentiæ in Sacrificij Missæ consistere in tali specie oblationis illæ dicendæ sunt partes integrantes Sacrificium Missæ, quæ integrant hanc specie oblationem. Atque adeo, quæ participant de natura, & essentiæ huius oblationis.

## IX.

*Omnes omnino  
actiones Missæ  
partes sunt illæ  
integrantes.*

Hinc primo colligimus nullam esse actionem in tota nostra Liturgia, quæ ad Sacrosancti Missæ Sacrificij integritatem aliquam non pertineat, ratio est, quia verè in qualibet illius actione est aliqua participatio sacrificialis. Argumento non leni est, obligatio, quæ tum in Sacerdote celebrante, tum in populo assistente coniungit ex Ecclesiæ præcepto Sacrificium offerendi, quod enim grauiore docent Theologi, nulla Missæ particula vel minima, aut à Sacerdote celebrante, aut à populo ex præcepto assistente sine aliqua culpa omitti potest: Cuius rei vix alia ratio assignatur præter perfectionem huiusmodi corporis morales, quod omnium planè partium suarum postulat integritatem. Et quidem loquendo de Sacerdote hanc rationem tangit P. Suarez disp. 83. Sect. 3. Cum enim, inquit, totum Missæ officium sit actio sacra, moraliter vna, miro, ac religioso artificio ex variis partibus composita, hinc est, vt illam mutilare, per se loquendo, indecens sit, & irreligiosum; quare fieri non potest, vt sine aliqua culpa, vel minima illius actio omittatur. Omnes ergo actiones ad illius pertinent integritatem, quæ integritas non solum rectè probatur ex obligatione nihil minuendi, sed etiam ex obligatione nihil addendi, & quidem sub strictiori, ac feueriore præcepto, quàm nihil minuendi, quapropter vt sentiunt Syluester quæst. 2. & 3. Soto dist. 13. quæst. 2. art. 4. In hoc genere peccandi facillimè erit culpa grauis, si materia sit alicuius momenti, id quod non solum intelligit P. Suarez de iis, quæ publicè, & elatè voce dicuntur, verum etiam de iis, quæ recitantur secreto. Quia indecens, inquit, per se est publicum officium, & ministerium, priuatis officiis, aut precibus omnino ab illo distinctis interrompere.

Loquendo verò de populo ex præcepto assistente, disertè docet idem P. Suarez disp. 88. Sect. 2. non posse fideles sine legitima, atque excusante causâ, omittere aliquam partem Missæ, etiam minimam sine culpa, quia vel in toto, vel in parte non adimplebunt hoc præceptum de Missâ integrè audiendi, idque confirmat duplici paritate, tum Officij Canonici, cuius nulla pars omitti voluntariè potest ab habente obligationem illud recitandi, quia tenetur officium illud integrum dicere, tum Ieiunij Ecclesiastici, ad cuius integritatem seruandam, nihil omnino comedi potest extrâ tempus præscriptum, sine culpa, seclusâ rationabili causâ excusante pro ratione materiæ, quia illo præcepto simpliciter prohibetur cibus. similiter, inquit, in præcepto audiendi Missam, licet affirmatiuum sit, tamen ob integritatem, quam præcipit, includit negatiuum, scilicet, vt nihil de tota Missâ omittatur. Est igitur vera illa nostra propositio nullam esse actionem in tota Liturgia, quæ ad Sacrosancti Missæ Sacrificij integritatem aliquam non pertineat.

## XI.

*Integritas corporis  
Missæ.*

Colligimus secundo, quod quamuis omnes Missæ actiones, siue quæ in verbis, siue quæ in rebus positæ sunt, faciant ad integritatem oblationis sacrificialis, non tamen eodem modo pertinent omnes, quia integritas corporis cuiuscumque, siue naturalis, siue moralis, non simplex, sed multiplex est. Est enim integritas, quæ dicitur essentialis, est integritas substantialis, & est integritas accidentalis; non autem eodem modo necessariae sunt corpori omnes huiusmodi partes, nisi dicas

æquè

æquè necessarias esse homini manus, atque capillos, aut non plus his omnibus opus habere illum forma animæ rationalis.

Porro corpus hoc Missæ ex legitima institutione factum est procedenti tempore maius, ad cum ferè modum, quo corpus naturale suscipit augmentum ex naturali actione agentis, quod enim est actio agentis circa corpus naturale, hoc est institutio Legislatoris circa corpus morale. Sicut autem cum corpus naturale crescit, informatur eadem forma essentiali totius, ita cum crescit corpus morale. Quare tota essentia, quæ erat in Missa tempore Apostolorum in corpore parvi, nimirum oblatio Corporis, & Sanguinis Domini sub Symbolis panis, & vini, terminata ad consumptionem, eadem est nunc in corpore grandiori, hoc est plures partes habente, tum substantiales, tum accidentales. Ac de accidentalibus quidem nihil in particulari disputandum occurrit. Substantiales verò illæ censentur, in quibus nobiliores, & expressiores operationes habet forma ipsa essentialis Sacrificij, cuiusmodi ferè sunt quinque illæ, quas initio huius libri enumeravimus, videlicet, *Oblatio* panis, & vini transubstantiationem præcedens, *Consecratio* in quantum induit rationem oblationis. *Oblatio*, quæ sequitur consecrationem. *Fractio* Sacramenti, quatenus ipsa quoque participat de oblatione destructiva licet non ultimata. *Sumptio*, denique quatenus est ultimata totius univærsalis oblationis consummatio.

Omnes hæ actiones pertinent ad integritatem substantialem Sacrificij, quia in omnibus oblatio sacrificialis principaliter exercetur, unde principaliter omnes integrant vnam totalem oblationem sacrificalem, quæ tanta substantialiter est, quanta ponitur esse ab instituyente, nam ut paulo ante monuimus, sicut quantitas corporis naturalis pendet ab Agente, ita quantitas corporis moralis pendet ab Instituyente.

Porro magnitudo hæc sacrificialis oblationis ab ipso instituyente Christo peculiari modo derivatur, reperitur enim quoad omnes has quinque partes in antiquissimis Liturgiis, tum Græcis, tum Latinis, quæ ut ait Bellarminus lib. 1. cap. 27. sine dubio ab Apostolis originem ducunt; nam & si Apostoli, initio solum Orationem Dominicam addidisse dicantur, tamen postea iidem ordinaverunt ritum celebrandi, & multa alia addiderunt, ut ex Liturgia Iacobi Apostoli intelligi potest. Item ex Liturgia S. Clementis, cuius meminerunt Proclus Patriarcha Constantinopolitanus lib. 7. de Tradit. Divinæ Missæ, & Nicolaus Episcopus Methonensis in lib. de Veritate Corporis Christi, & Bessarion Cardinalis in lib. de Sacramento Eucharistiæ: credibile autem est, ait Bellarminus de Scriptoribus Ecclesiasticis, Clementem non ex proprio iudicio, sed ex ritu, quem observari viderat à S. Petro, Liturgiam composuisse, quemadmodum, & ipse S. Petrus nihil aliud faciebat in offerendo Sacrificio Eucharistico, nisi quod ipse Dominus fieri iusserat. Scio utramque Liturgiam tum Iacobi, tum Clementis ita à posterioribus locupletatam fuisse, ut non sit facile diiudicare ex ipsis, quamnam earum partes, tantos habeant Authores. Verum hoc depræhendi non obscure potest ex aliis antiquis Liturgiis, ut Basilij, & Chrysostomi, in quibus illæ partes religiosissimè servatæ, & custoditæ cernuntur. Et ex lib. 5. & 6. de Sacramentis, Ambrosij, & ex Catechesi 4. & 5. Mystagogica Cyrilli Hierosolymitani, qui enumeratas partes exponunt; denique ex facto Lutheri ipsius,

XII.

Eius antiquitas & sanctitas.

XIII.

Indicatur ab inimico.



qui in libro de Missa priuata, & vnctione Sacerdotum, confitetur se à Diabolo edoctum, & persuasum, Missam esse summam abominationem, idque non per somnium, & quietem, sed palam dum vigilaret. Is igitur à Diabolo edoctus, in libro de Formula Missæ, omnes illas quinque subtulit partes cum Canone nostro vniuerso, qui verbis non multum mutatis, totus ferme inuenitur in antiquissimis illis Liturgiis. Quod Lutheri, seu potius Diaboli factum, argumento mihi est non leui, totum fermè sacrum Canonem à Christo per Apostolos deriuatum fuisse, vt mirandum non sit, si idem Lutherus in sua confessione dicat: supra omnes abominationes habere se sacrum Canonem, & nihil magis dolere, quàm quod per annos quindecim illum recitauerit more Catholicorum.

## XIV.

*Nulla pars determinatè est de essentia Sacrificij.*

Colligo tertio. Nullam ex his partibus *determinatè* esse essentialē Sacrificio, omnes autem dici posse essentielles *indeterminatè* ad eum ferè modum, quo Dialectici aiunt, nullam Nauim determinatè esse necessariam ad nauigandum, omnes autem esse necessarias indeterminatè, siue hæc, siue illa, quia verè nauis est necessaria ad nauigandum; ratio est quia quacumque ex illis partibus integrantibus determinatè sublata, siue omiſsa, manet semper essentia huius Sacrificij, quia manet semper sacrificialis oblatio terminata ad consumptionem, siue in hac parte, siue in illa. Sic etiam Philosophi dicunt ad constituendum hunc numero locum secundum esse reale, necessariam esse aliquam superficiem, nullam tamen requiri superficiem determinatam etiam ad hunc numero locum constituendum. Quo exemplo quidam Theologi cum Nugno explicant, cur nulla ex commemoratis quinque actionibus sit determinatè de essentia Sacrificij, & tamen singulæ per se aptæ sint constituere essentiam huius Sacrificij, quia inquirunt, sicut locus formaliter loquendo, etiam ad vnitatem indiuidualem solum requirit, quod sit superficies inæquali distantia in ordine ad omnes partes vniuersi, ita similiter hoc Sacrificium etiam ad vnitatem indiuidualem solum requirit, quod sit aliqua ex illis quinque actionibus, in quibus saluatur tota essentia Sacrificij.

## XV.

*In quo sensu consecratio pertinet ad hanc essentiam.*

Colligo quarto. In quo sensu ab antiquis authoribus dicatur consecratio pertinere ad essentiam huius Sacrificij, certum est ad illum pertinere, & quidem essentialiter, quia Sacrificium hoc, est oblatio Corporis, & Sanguinis Domini, non vtrumque, sed sub speciebus, ac Symbolis Sacramentalibus; hoc autem esse sub speciebus, ac Symbolis accipit Christus per consecrationem; ergo consecratio pertinet essentialiter ad hoc Sacrificium, ita vt ordo transcendentalis ad illam sit de essentia huius Sacrificij. Cæterum ex hoc non sequitur, sacrficationem ipsam consistere in consecratione, sicut ex hoc quod Sacrificium Crucis sit essentialiter oblatio Victimæ, quæ sit homo Deus, non sequitur sacrficationem ipsam factam in Cruce consistere in vnione hypostatica, per quam victima facta est homo Deus; sicut ergo per vnionem hypostaticam acquiritur hoc, quod est, Deum esse hominem, quod postea offertur in Sacrificio cruento, ita per consecrationem acquiritur hoc, quod est, corpus Hominis Dei esse panem cœlestem, qui postea offertur in Sacrificio incruento. Sunt ergo consecratio, & sacrificatio duæ actiones realiter distinctæ, ita tamen, vt sacrificatio dicat ordinem essentialē ad consecrationem, sicut aliquis actus, vt est actus imperij dicit intrinsecum ordinem ad actum voluntatis aliqua prioritate antecedentem, siue temporis, siue naturæ.



Atque hinc colligitur non abiurde dictum à Scoto in 4. dist. 13. quæst. 2. consecrationem, & oblationem per se separabiles esse; ait enim, oblatio non pertinet ad rationem consecrationis, nec necessario requiritur, quod offeratur: offertur enim hostia non consecrata, & tunc est Sacrificium, non Sacramentum, sicut Eucharistia consecrata conseruata in Pyxide, est Sacramentum, licet non, ut ibi, sit Sacrificium, nisi *apertudinaliter*. Ex quibus verbis habes quatuor in sententia Scoti. Primum, quod alia est formalitas, immò & realitas consecrationis, alia oblationis. Oblatio, inquit, non pertinet ad rationem consecrationis, quare non propterea, inquit, quod Schismaticus non possit offerre, sequitur, quod non possit consecrare. Secundum, quod consecratio, & oblatio separabiles sunt. Vnde ait nec necessario requiritur quod offeratur. Tertium dari verum Sacrificium inchoatum ante consecrationem, vnde ait: offertur Hostia non consecrata, & tunc est Sacrificium, non Sacramentum. Quartum ex Eucharistia in Pyxide conseruata fieri posse Sacrificium. Dicit enim, quod ibi non est Sacrificium, nisi *apertudinaliter*; quæ doctrina maximè fauet Sacrificio, quod offertur in die Parasceues. Hostia enim pridie consecrata, & custodita donec in actione diei Parasceues offeratur, dici potest Sacrificium *apertudinaliter*, quod actu immolatur per oblationem, & per Sacerdotalem assumptionem consummatur.

Neque hic inobseruatum omitam, quod quamuis P. Suarez accerrimè pugnet pro sententia docente totam essentiam Sacrificij esse positam in consecratione, tamen pluribus in locis multa spargit, quæ fauent sententiæ Scoti, & præcipuè disput. 75. Sect. 6. conclus. 3. ubi ait: realis sacrificatio non potest consistere in mera significatione, qualis intelligi potest in speciebus panis, & vini in Pyxide consecratis, tum quia Sacrificium propriè consistit in actione, propter quod species, quæ conseruantur consecratæ, non tamdiu sunt Sacrificium, quamdiu conseruantur, etiamsi ambæ species conseruentur; *quia non toto illo tempore offeruntur, cum tamen Sacrificium consistat in oblatione ipsa*: tum etiam, quia Sacrificium cruentum Christi positum fuit in ipsa actuali oblatione Passionis, quam, ut sic repræsentare debet hoc Sacrificium: species autem prius consecratæ, & conseruatæ non repræsentant hoc modo actualem Passionem licet repræsentent Christum passum, aut mortuum; ergo ut sic, non sunt Sacrificium. Hæc ille.

Ex qua doctrina, quæ vera est, duas propositiones assumo, & duo contra auctorem conficio argumenta pro nostra sententia; ac primum quidem hoc modo. Species, quæ conseruantur consecratæ, non tamdiu sunt Sacrificium, quamdiu conseruantur, quia non toto illo tempore, quo conseruantur, offeruntur, ut de facto sunt Sacrificium toto tempore, quo durat Missæ celebratio, donec per assumptionem consummentur; ergo consecratio, ut ab oblatione distinguitur, præsupponitur ad Sacrificium & non in consecratione simpliciter, sed in oblatione rei iam consecratæ formaliter consistit. Quare si fiat legitima oblatio Victimæ consecratæ, ut verè sit in die Parasceues, fiet etiam verissimum Sacrificium. Altera propositio est, Sacrificium cruentum Christi positum fuit in ipsa actuali oblatione Passionis, quam ut sic repræsentare debet hoc Sacrificium: quam propositionem superius assumpsimus, ut fundamentum nostræ doctrinæ;


## XVI.

*Consecratio & sacrificatio sunt actiones distinctæ, & separabiles.*

## XVII.

*An Corpus Christi seruatum in Pyxide dicendum sit Sacrificium.*

ex illa enim planè sequitur Sacrificium nostrum positum formaliter esse non in consecratione rei offerendæ, sed in oblatione rei consecratæ. In illa enim actione consistit formaliter, in qua positum fuit Sacrificium cruentum Christi: Sacrificium autem cruentum Christi positum fuit in actuali oblatione Summi Sacerdotis nostri habente pro termino Passionem, & mortem. Unde superius inculimus discrimen quoad hoc inter Eucharistiam qua Sacramentum est, & qua Sacrificium est. Licet enim, quæ Sacramentum est, significet etiam Sacrificium Crucis, tamen non est illius viua imago, quia non est illius imitatio: At Eucharistia quæ Sacrificium est, non mortua, sed viua Sacrificij Crucis imago est, quia realis illius, & exercita quædam imitatio est.



## QVÆSTIO SEXTA.

*An oblatio aliqua ante consecrationem sit pars substantialis Sacrificij Missæ.*

- I. Oblatio aliqua ante consecrationem est de integritate substantiali Sacrificij Missæ.
- II. Substantia panis, & vini pertinet ad rem qua sacrificatur.
- III. Panis, & corpus Domini non sunt duo Sacrificia, sed vnum.
- IV. Panis, & corpus una Victimæ.
- V. Quinque beneficia Divina circa Victimam nostri Sacrificij.
- VI. Oblatio sacrificialis incipit ante consecrationem.
- VII. Prima oblectio ab exemplo Christi.
- VIII. Christus cepit offerre sacrificialiter etiam ante consecrationem.
- IX. Ad oblationem sacrificalem non sunt necessaria verba.
- X. Consecratio formaliter non est oblatio.
- XI. Secunda oblectio ex usu Ecclesiæ.
- XII. Vsu prave oblationis perpetuus in Ecclesiæ.
- XIII. Tertia oblectio à signo.
- XIV. Oblatio vnum continuum successuum morale.
- XV. Quarta oblectio à natura sacrificialis oblationis.
- XVI. Consumptio est terminus ultimus totalis oblationis.
- XVII. Sacrificium sine oblatione panis, esset mutilum.



VOIAM diximus essentiam huius Sacrificij consistere in solemnibus ac legitima oblatione Corporis, ac Sanguinis Christi sub speciebus panis, ac vini, dubitari merito potest, an debeat consecrationem necessario præcedere cæremonia aliqua externa, & sensibilis in genere oblationis, quæ versetur circa substantiam transmutandam in Corpus, & Sanguinem Christi.

Respondemus autem affirmatiuè cum Scoto in 4. dist. 13. quæst. 2. & probamus hoc fundamento. Essentia Sacrificij postulat, vt Sacra aliqua actio in genere oblationis versetur circa totum id, quod aliquo modo pertinet ad rem, quæ sacrificatur; ergo essentia Sacrificij postulat, vt sacra aliqua actio in genere oblationis versetur circa substantiam panis, quæ proculdubio non est nisi ante consecrationem. Consequentia tenet ex forma. Maior est per se manifesta, quia in tantum res sacrificatur, in quantum ritè offertur; vnde Sacrificium ipsum dicitur, & est formalissimè oblatio; ergo essentia Sacrificij postulat, vt quidquid pertinet ad rem, quæ sacrificatur, oblationi alicui subijciatur.

Probanda ergo est minor, in qua dicebamus substantiam panis, & vini aliquo modo pertinere ad rem, quæ in Missa sacrificatur.

Id demonstratur in primis ex veritate sacri Canonis Missæ, quæ consistere nequit, nisi dicamus etiam substantiam panis ad rem, quæ sacrificatur pertinere. Esse autem sacrum Canonem ab omni errore purum, definiuit Concilium Tridentinum Sess. 22. cap. 4. Porro tribus in locis substantia panis, & vini subijciuntur oblationi in sacro Canone ante consecrationem. Primo cum dicimus: Hæc sancta Sacrificia illibata, quæ tibi offerimus, &c. Secundo cum dicimus: Hanc igitur oblationem seruitutis nostræ, quæsumus Domine, vt placatus accipias. Tertio, cum proximè ante consecrationem concludimus illis verbis: Quam oblationem, Tu Deus in omnibus quæsumus benedicam, &c.

In omnibus autem his locis, substantiam panis, & vini sacrificialiter aliquo modo offerri manifestum est, & satis declarant pronomina illa demonstratiua: *Hæc Sacrificia; Hanc oblationem*, quæ ostendunt ad sensum id, circa quod versatur tunc actio Sacerdotis, id autem panis est, & vinum. Quare Bellarminus lib. 2. cap. 21. disputans contra Lutherum, qui integrum scripsit librum contra Abominationem Canonis, ad præcipuum argumentum, quo ex allatis sacri Canonis verbis infert, nos panem, & vinum sacrificare, non respondet absolute negando, sed Catholicè explicando. Immo lib. 1. cap. 27. disertè ait negari non debere panem, & vinum pertinere ad rem, quæ sacrificatur, quod confirmat Patrum testimoniis, & præcipuè Irenæi lib. 4. cap. 3. vbi ait Ecclesiam offerre Deo Sacrificium ex creaturis, id est ex pane, & vino, idque ex Institutione Christi. Præcepit, inquit Irenæus, Christus Apostolis, vt primitias creaturarum, scilicet panem, & vinum Deo in Sacrificium offerrent, & quidem, quod vt offerrent præcepit, obtulit ipsemet prius antequam consecraret: Accepit enim panem in sanctas, ac venerabiles manus suas; similiter, & Calicem. Vnde expresse dicit S. Cyprianus Epist. 63. *Panem, & Calicem mixtum vino obtulit*. De qua priori oblatione rectè, & propriè intelligitur, quod in quadam Antiphona ait Ecclesia. Sacerdos in æternum secundum ordinem Melchisedech, panem, & vinum obtulit.

Neque verò hinc licet inferre cum Gasparo Cassalio lib. 1. de Sacrific. cap. 20. Duo esse Sacrificia Eucharistiæ, vnum panis & vini; alterum Corporis & Sanguinis Domini. Quia Ecclesia exemplo, & institutione Christi, neque offert panem simpliciter, neque Corpus Domini simpliciter; tunc enim essent duo Sacrificia, sicut duo fuerunt Sacrificia, Sacrificium Melchisedech, & Sacrificium Isaac, sed offert panem vt consecrandum, & transmutandum in Corpus

I.

*Oblatio aliqua ante consecrationem est de integritate substantiali Sacrificij Missæ.*

II.

*Substantia panis, & vini pertinet ad rem, quæ sacrificatur.*

III.

*Panis, & Corpus Domini non sunt duo Sacrificia sed vnum.*

Domini, & Corpus Domini vt in specie panis, & ex pane confectum. Vnde rectissimè S. Irenæus lib. 4. cap. 32. dixit: *Novi Testamenti, novam docuit oblationem*; quænam est hæc noua oblatio? Noua oblatio, ait Bellarminus propriè vocatur panis in Corpus, vinum in Sanguinem Domini commutatum.

Atque hæc videtur esse mihi ratio, cur promiscuè in sacro Canone aliqua dicuntur de pane ante consecrationem tanquam de Corpore Domini; quædam verò de Corpore Domini post consecrationem, tanquam de pane. Exemplum primi sit in illis verbis in principio Canonis: Hæc dona, hæc munera, hæc sancta Sacrificia illibata; in quibus vides panem, & vinum appellari sancta Sacrificia illibata, tanquam Corpus, & Sanguinem Domini, & quidem merito, ait Bellarminus: sunt enim vera materia sancti, & illibati Sacrificij, & iam dedicata, & parata, vt ex iis fiat Sacrificium Domini; nam & in lege veteri dicebantur passim Sacrificium oues adhuc viuentes, quando scilicet adducebantur, vt immolarentur: licet enim panis, & Corpus Domini res sint diuersissimæ, si eorum natura consideretur, vnâ tamen quasi victimam, & hostiam faciunt, & vnum Sacrificium, quod est panis in Corpus Domini transmutatus, siue Corpus Domini in specie panis oblatum. Sicut, quod est exemplum eiusdem Bellarmini lib. 1. cap. 27. propositione 3. Apud Hebræos offerebatur ouis viua sacrificali oblatione, & simili etiam oblatione offerebatur etiam mortua; & licet specie differant viuum, & mortuum, si natura physicè spectetur, tamen vna erat victima, & hostia, & vnum Sacrificium, non duo Sacrificia, nam ouis viua offerebatur consecranda per iugulationem, & necem Deo, & deinde per ignem absumenda. Atque hinc est quod ante consecrationem non offertur panis vt Sacrificium perfectum, sed vt Sacrificium inchoatum, & perficiendum iuxta illa verba Liturgiæ: *Benedic hoc Sacrificium tuo sancto nomini preparatum*, & ea quæ in secretis aliquoties legimus: *Sacrandum tibi munus offerimus*.

Exemplum secundi sit ex primis, & vltimis verbis eiusdem sacri Canonis post consecrationem; ex primis, vbi dicitur: offerimus de tuis donis, ac datis, *Panem sanctum vite æternæ. & Calicem salutis perpetuæ*; hoc est, vt explicat Innocentius lib. 5. cap. 3. de Mysteriis Missæ: Offerimus Corpus, & Sanguinem, quem ex creaturis tuis à te datis, & donatis ex pane scilicet, & vino per consecrationem habemus. Ecce loquitur de Corpore, quasi de Creatura panis. Rursus ex postremis: Per quem hæc omnia Domine semper bona creas, &c. Vbi iuxta Alcuinum, & Hugonem lib. 2. de Officiis Diuinis cap. 6. commemorantur breuissimè omnia beneficia Diuina circa hoc Sacrificium, inchoando à prima productione materiæ; Vnde hostia, seu victima conficitur; Itaque dicimus à Deo per Christum hoc Sacramentum ratione materiæ. *Primò*, creari, cum panis videlicet creatur. *Secundò*, sanctificari, cum dedicatur per primam oblationem ad Sacramentum conficiendum. *Tertiò*, viuificari cum efficitur mysterium vite, & in verum Corpus Domini, & in ipsum Christum, qui est vita nostra, conuertitur per consecrationem. *Quarò* benedici. Cum omnis benedictionis effectum recipit, vt scilicet Sacramentali efficacia, caput cum membris vniat. *Quintò* denique nobis præstari, cum ad sumendum, vt ex eo vitam hauriamus, datur. Vides quemadmodum de pane, & corpore, tanquam de vna simplici victima, & hostia Sacrificij sit sermo, quæ est ratio cur etiam ante consecrationem panis ipse dicatur

## IV.

*Panis & corpus  
vna Victimæ.*

## V.

*Quinque beneficia  
Diuina  
circa victimam  
nostri Sacrificij.*

hostia, seu victima immaculata, & tanta cum veneratione tractetur, & Deo tanquam res acceptissima pluries offeratur.

Atque hinc rationem habes à priori primæ huius nostræ propositionis, quod scilicet oblatio aliqua ante consecrationem sit pars essentialis Sacrificij Missæ, quia oblatio adæquata huius Sacrificij debet efficere quidquid verè pertinet ad rem, quæ sacrificatur: constat autem ex dictis panem pertinere tanquam veram materiam, ex qua Sacrificium ipsum confurgit; vnde oblatio sacrificialis debet attingere vtrumque terminum, à quo, & ad quem, ex quibus res oblata conficitur.

Contra nostram propositionem videtur esse P. Suarez disput. 75. Sect. 3. vbi docet oblationem, quæ antecedit consecrationem nullo modo pertinere ad substantiam huius Sacrificij, neque vt essentialem partem, neque vt integram, sed tantum esse cæremonialem quandam præparationem ab Ecclesia institutam ad conciliandam deuotionem, & reuerentiam, animosque fidelium excitandos ad mysterium ipsum peragendum; quamuis verò prima fronte videatur P. Suarez negare tantum esse de integritate substantiali oblationem illam, provt certis, aut actionibus, aut verbis constat cuiusmodi nunc Ecclesia vtitur, ipsius tamen argumenta satis ostendunt ipsum negare simpliciter, tanquam partem substantialem huius Sacrificij omnem quamcumque oblationem antecedentem ad consecrationem.

Primam igitur objectionem sumit ab exemplo Christi, nam Christus Dominus, inquit, obtulit hoc Sacrificium perfectum quoad omnes partes essentielles, substantiales, & integrales eius, & tamen nullam huiusmodi oblationem præmisit ante consecrationem. Fatetur ipse quidem, vt explicat Sectione 2. præcedente, Christum Dominum exhibuisse ante consecrationem illa signa reuerentie Diuinæ, gratias agendo, & benedicendo panem, quem in manibus accepit, in quo adumbrasse, inquit, videtur illam præuiam oblationem, quam Ecclesia exercet; cæterum disertè ait oblationem propriè non exercuisse.

Sed vehementer miror, qua ratione negari possit Christum Dominum, etiam ante consecrationem, panem, & Calicem Deo ritu sacrificiali obtulisse. Nam primo id manifestè constat ex omnibus Liturgiis, quantumvis antiquis, & præcipuè ex Liturgia S. Iacobi fratris Domini, vbi Colum. 11. sic habetur. *Accipiens panem in sanctus, immaculatus, inculpabilis, & immortales manus suas, in Calum suspiciens, ac sibi Deo, & Patri ostendens, gratias agens, sanctificans, frangens dedit nobis Discipulis suis, & Apostolis dicens, &c.* Et infra: *Accipiens Calicem, & permiscens ex vino, & aqua, & aspiciens in Calum, ac ostendens tibi Deo, & Patri, gratias agens, sanctificans, benedicens, &c.* Quæ luculentior descriptio fieri poterat, sacrificialis oblationis? Quid erat illa ostensio consecrandorum facta Deo, nisi eorundem Deo sollemnis oblatio.

Secundo quia, si fatetur P. Suarez Christum per illa signa reuerentiæ Diuinæ gratias agendo, & benedicendo, & oculos eleuando adumbrasse præuiam oblationem, quam Ecclesia exercet; vnde suspicatur nullam veram oblationem per illa signa exercuisse? Anquia nullum legitur verbum, quo dixerit. Suscipe Pater, hoc tibi offero? Sed idem Author optimè abhi monet, quod licet, offerre sit de ratione Sacrificij, non est tamen de illius ratione, quasi in actu signato

VI.

*Oblatio sacrificialis incipit ante consecrationem.*

VII.

*Prima obiectio ab exemplo Christi.*

VIII.

*Christus cepit offerre sacrificium etiam ante consecrationem.*



exprimere oblationem per verbum offerendi. Sicut enim, vt aliquis visibilem honorem alteri deferat, non oportet, vt verbis proferat: Ego te honoro, sed satis est, quod actione sensibili signum honoris exhibeat cum intentione honorandi; ita ad Sacrificium offerendum non est necesse proferre: offero, aut sacrifico, sed satis est, sacra signa exhibere cum intentione cultus. Non enim contendimus hic, ad Sacrificium esse necessariam oblationem sensibilem per verba, sed sensibilem per quæcumque alia signa, ad eum finem accommodata. Immo si huiusmodi signa non sufficiunt ad faciendum sensibilem internum animi cultum, & constituendam totam illam actionem in specie oblationis externæ qualis necessaria est ad Sacrificium; nulla est assignabilis actio, ex qua dicamus Christum obtulisse; nam verba consecrationis per se non sunt verba oblationis, vt ex illarum significatione est manifestum, neque consecratio est formaliter oblatio; nam eadem numero verba cum tota sua intrinseca, & propria significatione, potuissent à Christo dari Ecclesiæ ad Sacramentalem vsum tantum, non verò quoad rationem oblationis, seu Sacrificij. Vnde ergo habent hæc verba, vt non sint tantum consecrationis, sed etiam oblationis; profecto ex se hoc non magis habent, quàm quæcumque alia indifferens actio, & actus etiam merè internus. Sicut ergo verba consecrationis, quæ non sunt sensibilia in ratione oblationis, inducunt formam sensibilem oblationis per sacras cæremonias, & ritus externos, quibus proferuntur in honorem, & cultum Deo; ita sine vllis verbis, ex aliis actionibus, & ritibus constari potest oblatio. Concedant ergo nobis Aduersarij, quod hoc loco contendimus, Christum Dominum præuiam oblationem, & si non vocalem, aut signatam, realem tamen, & in actu exercito, & quidem externam, atque sensibilem prout ad Sacrificium oportet, exercuisse.

## X I.

*Secunda oblatio ex vfu Ecclesiæ.*

Secunda obiectio P. Suarj, quia illa præuia oblatio non semper fuit ab Ecclesia obseruata, cum tamen ex his, quæ sunt de substantia, vel integritate Sacrificij, nihil vnquam prætermisum sit.

## X II.

*Vfus præuiæ oblationis perpetuus in Ecclesiâ.*

Respondeo. Præuiam oblationem accipi posse, vel secundum suam substantiam, vel secundum aliquas, seu verborum, seu rituum circumstantias. Et quidem secundum substantiam semper fuit ab Ecclesia religiosissimè custodita, & obseruata, licet oblationis illius ritus in circumstantiis fuerit variatus: quod vero hæc præuia oblatio seruata sit semper, patet, tum ex omnibus Liturgiis, siue Græcis, siue Latinis, tum ex allato superius testimonio S. Irenæi, tum denique ex ipsa natura Sacrificij, quod postulat, vt quidquid pertinet ad rem oblatam, id ipsum quando est, offeratur: est autem ante consecrationem tanquam materia, ex qua Sacrificium conficitur substantia panis, quam ad rem oblatam pertinere ipse P. Suarez docet disput. 75. Sect. 1. his verbis: Constat ex locutionibus Ecclesiæ, & Sanctorum Patrum, panem, & vinum in Sacrificio, aliquo modo offerri, sed non offeruntur tantum quoad accidentia, sed etiam quoad substantiam; ergo quoad vtrumque pertinet ad rem oblatam.

## X III.

*Tertia obiectio à signo.*

Tertia obiectio à signo. Quia Ecclesia statim post illam præuiam oblationem orat dicens: Benedic hoc Sacrificium tuo sancto nomini præparatum; ergo satis significat illam solum esse quandam præparationem materiæ ad futurum Sacrificium, & quasi dedicationem illarum rerum sensibilium ad cultum Dei, ideoque oblationem vocauit.

Respondeo.

Respondeo. Oblationem sacrificalem non esse vnum quid indiuisibile, & inextensum in genere actionis, sed habere suam latitudinem extensiuam per modum alicuius continui moralis secundum partes priores, & posteriores, quarum vna sit altera non solum prior, aut posterior, sed etiam principalior, aut minus principalis. Quare vna pars eiusdem Sacrificij præsertim si remotior ab illius consummatione sit, potest respectu posterioris, & principalioris præparatio nuncupari. Cæterum sicut ex oblatis vna sit res oblata, ita ex oblationibus vna integratur oblatio, cuius si tantum inchoatio accipiat non ineptè præparatio respectu vltioris, & quasi sanctioris actionis circa corpus verantis appellabitur.

Quarta obiectio à natura Sacrificij, quia per illam oblationem nihil fit circa rem oblatam, præter quandam extrinsecam Orationem, nam eleuatio, quæ fit à Sacerdote, aut consignatio Crucis, & aliæ similes actiones merè accidentales sunt; vnde si contingat prætermitti, nihilominus si ritè fiat consecratio, Sacrificium Missæ censebitur perfectum quoad substantiam, & essentiam suam.

Respondeo. Per oblationem sacrificalem, quæ est totum quoddam morale continuum, necessario fieri aliquid circa rem oblatam, illius nimirum realem, & sensibilem immutationem, & consumptionem: per hoc enim distinguitur oblatio sacrificialis à simplici oblatione. Verum non est necessè vt consumptio, quæ fit, coexistat omnibus partibus eiusdem oblationis, immò oblatio necessario debet antecedere, quia perfecta immutatio, & consumptio rei oblatae in cultum Dei, est terminus ipsius oblationis. Id, quod in omnibus antiquis Sacrificiis est manifestum, & in ipso exemplari omnium Sacrificiorum, quod fuit Sacrificium Crucis. Etenim oblatio verè sacrificialis Corporis, & Sanguinis Christi pro Mundi salute inchoata est ab utero Virginis Matris, vt alibi ostendimus, saltè ab ascensu ad Aram Crucis, illa autem habuit pro termino corpus mortuum, & sanguinem effusum. Quare licet res oblata, fuerit totus Christus, vt viuens in propria specie vita humana, terminata tamen ea oblatio fuit ad amissionem eiusdem vitæ, & dissolutionem humanitatis. Satis ergo est ad oblationem verè sacrificalem ordo ad consumptionem, per quem, consumptionem ipsam respiciat tanquam terminum suum, & vt tota oblatio collectiue accepta, ad illam terminetur: vt accidit in casu nostro, nam oblatio, quæ ante consecrationem inchoatur, eadem continuatione, siue physicè, siue moraliter ad ipsam corporis, & sanguinis consumptionem terminatur.

Neque verum est, si contingat illam prætermitti, Sacrificium hoc adhuc esse perfectum quoad substantiam suam: quia vt probauimus, aliqua oblatio præuia ad consecrationem est de substantia huius Sacrificij. Vnde necessario huiusmodi Sacrificium, esset sine illa mancum, & mutilum, atque adeo imperfectum quoad substantiam suam.

XIV.

*Oblatio vnum continuum successuum morale.*

XV.

*Quarta obiectio à natura sacrificialis oblationis.*

XVI.

*Consumptio est terminus vltimus totalis oblationis.*

XVII.

*Sacrificium sine oblatione panis esset mutilum.*



# QVÆSTIO SEPTIMA.

*Vtrum Christus proximè & actu offerat se ipsum de nouo quoties Sacrificium celebratur.*

- I. *Proponitur Sententia negativa.*
- II. *Probatnr affirmatina.*
- III. *Christus actu se offert in Altari, vt olim in Cruce ex figura Isaaci.*
- IV. *Ex voce Victimæ. Psalm. 39.*
- V. *Oblatio principalis semper eadem, ministerialis diuersa.*
- VI. *Christus, in quo vt Isaac ligatus, & in quo solutus.*
- VII. *An Christus nunc sit in statu orandi, & offerendi.*
- VIII. *Christus orat pro nobis in Cælo.*
- IX. *In Altari accipit peculiarem statum orandi.*
- X. *Examinatur testimonium Simeonis Theſſalonicensis.*
- XI. *Fundamentum P. Vasquez.*
- XII. *Non est semper eiusdem oblatio principalis, & ministerialis.*
- XIII. *Quomodo potuisset Christus primum Cæna Sacrificium celebrare.*
- XIV. *An, & quomodo Christus concurrat vt offerens.*
- XV. *Concursus merè internus non est Sacerdotalis.*
- XVI. *Neque omnis concursus externus ad Sacrificium est Sacerdotalis.*
- XVII. *Ecclesia offert per Sacerdotem, vt per Superiorem.*
- XVIII. *Solus Christus potest habere concursum Sacerdotalem merè internum.*
- XIX. *Disparitas inter Christum, & alios offerentes.*
- XX. *Et patet in Sacrificio Crucis.*
- XXI. *Quomodo Christus est offerens.*
- XXII. *Ad habitudinem offerentis non satis est institutio.*
- XXIII. *An ratio offerentis inferri possit ex verbis Institutionis.*
- XXIV. *Ad habitudinem offerentis non sufficit communicatio virtutis.*
- XXV. *An Christus sit principalis offerens per hoc præcisè, quod Sacerdos offert, vt eius Minister.*
- XXVI. *Proponitur Sententia P. Suarez.*
- XXVII. *Proponitur Sententia P. Vasquez.*
- XXVIII. *Examinatur Sententia P. Suarez.*
- XXIX. *Honor per Ministrum tantum inuoluit imperfectionem.*
- XXX. *Christus non potest offerre per Ministrum tantum.*
- XXXI. *Concursus ad consecrationem nihil facit ad oblationem.*
- XXXII. *Christus exercet Officiũ offerentis sub aliena specie.*
- XXXIII. *Examinatur Sententia P. Vasquez.*

XXXIV. *Apostoli non habuerunt potestatem celebrandi pro triduo mortis Christi.*

XXXV. *Ex limitatione inclusa in verbis Institutionis.*

XXXVI. *Ex defectum principalis offerentis.*

XXXVII. *Ex defectum integra Victimæ.*

XXXVIII. *Sacrificium in triduo mortis esset minoris valoris.*



Vo d Christus in quocumque Sacrificio proximè, & actu exerceat munus Victimæ, apud Doctores omnes Catholicos in consensu omnino est. Verum quod in quocumque Sacrificio idem Christus proximè, & per se exerceat actu munus Sacerdotis, offerendo nimirum de nouo se ipsum in Sacrificium, hoc ex Doctoribus Catholicis affirmant multi timidè, nonnulli audacter negant. Inter hos postremos, quod noluisse, est noster Gabriel Vasquez tomo 3. in 3. parte disp. 225. cap. 3. vbi contendit Christum non actu, & proximè offerre Sacrificium Altaris, sed remotè, ea dumtaxat ratione, quia illud olim instituit, & iussit in nomine suo offerri, tribuitque ei meritis suis virtutem, & efficaciam. Quare Sacerdos noster Christus Dominus, vt in hac disputatione loquitur P. Vasquez præsertim cap. 4. vacat omnino nunc ab officio, & exercitio proximè offerendi, Ministris, omnia ex institutione peragentibus.

Quæ sint fundamenta istius Doctoris, omnia fideliter proponuntur in solutione argumentorum. Est enim materia meo iudicio grauis, & cum ad doctrinam huius mysterij illustrandam, tum ad pietatem erga ipsum acuendam valde utilis, & oportuna. Interim pro contraria sententia, quam veritati longè conformiorem existimo, & quam sine dubio tuetur Bellarminus lib. 1. cap. 6. & expressius P. Suarez disp. 77. Sect. 1. & alij, quos citat P. Anellus Persicus lib. 2. de Præcipuo Sacerdotis officio cap. 3. sic argumentor.

Quoties Sacrificium celebratur sistitur Christus in Altari tanquam victima rationalis, & voluntaria Sacrificij illius, seu quod in idem recidit, exercet actu munus victimæ voluntariæ ad eum modum, quo voluntariè oblatu actu in Cruce fuit; ergo quoties Sacrificium celebratur, offert se ipsum de nouo per actum verè, & propriè sacrificalem. Consequentia est manifesta iuxta sensum antecedentis quia de fide est, Christum in Ara Crucis se actu obtulisse in Sacrificium pro redemptione Mundi.

Antecedens est probandum, quod facimus primo ex insigni, & singulari figura Isaaci, quæ figura, vt superius ostendimus pertinet ad vtrumque Sacrificium, tum cruentum, tum incruentum, in quo vtroque Christus velut Isaac immoletur, & est expressa Ruperti interpretatio lib. 6. de Trinitate cap. 32. cuius titulus est. Quomodo vsque hodie in Monte visionis, id est sancta Ecclesia verus Isaac Christus in Sacramento immoletur. Quod verò ratio illius figuræ in illo potissimum actu voluntariæ oblationis posita sit, ex eo manifestum videtur, quia per illum actum diuersificatus Isaac fuit à reliquis omnibus victimis figuratibus, quæ quatenus ab alio oblatæ, victimæ tantum erant: at verò Isaac, ex eo quod se ipsum obtulerit, factus est in singulari Christi figura Sacerdos, & victima, sed de hoc argumento fusè disseruimus alibi.

I.

*Proponitur sententia negatiua.*

II.

*Probaturn affirmatiua.*

III.

*Christus actu se offert in altari vt olim in Cruce ex figura Isaaci.*

IV.  
Ex voce *Victi-*  
*ma*, Plal. 39.

Secundo idem antecedens probamus ex testimonio prophetico Psal. 39. Tunc dixi : *Ecce venio Deus meus volui*. Hoc testimonium non esse tantum intelligendum de victima Sacrificij Crucis, sed etiam de victima Sacrificij Altaris expressè habeo ex Augustino superius allato lib. 17. de Ciuit. cap. 20. Vbi cum dixisset Sacrificium Eucharisticum id esse, quod successit omnibus Sacrificiis, quæ immolabantur in vmbra futuri, subdit, propter quod etiam agnoscimus vocem illam eiusdem Mediatoris : Corpus autem aptasti mihi. Vides Augustinum agnoscere vocem vtriusque victimæ, seu vnus eiusdemque victimæ vtriusque Sacrificij, quam vocem? profectò illam : *Ecce venio*, quia verè vtrobique oblatus est, quia ipse *voluit*, & in Mundum ingredienti ad vtramque immolationem voluntariè corpus aptatum fuit.

Neque dicas, in eo psalmo esse sermonem de prima illa oblatione generali ad omne Sacrificium, tum Redemptionis in Cruce, tum Religionis in Ecclesia, à qua voluntate antecedente omnis deinde oblatio fuit, & est voluntaria. Nam sicut in Sacrificio Crucis, tunc maximè Christus fuit victima voluntaria, non solum voluntate prima moraliter perseverante, sed formaliter, & actu existente, quando in Cruce ipsa exercuit actualem rationem victimæ, ita respectu Sacrificij Altaris, tunc est victima maximè voluntaria, voluntate formali, & actuali, quando tale munus in Altari exercet.

Atque hinc primum sumimus fundamentum nostræ sententiæ; quia nulla videtur esse ratio, cur rationalis victima Christus Dominus actum sacrificialis oblationis habuerit, dum Sacrificium cruentum consummaretur in Cruce, & non similem actum oblationis etiam nunc habeat, quoties incurritur Sacrificium consummatur in Altari. Id quod videtur supponere Tridentinum Sess. 22. cap. 2. vbi ait : *Vna eademque est hostia, idem nunc offerens, Sacerdotum ministerio, qui se ipsum tunc in Cruce obtulit, sola offerendi ratione diuersa*.

V.  
Oblatio principalis  
semper eadem, ministerialis  
diuersa.

In quibus verbis subtiliter insinuat, Sacerdotibus relinqui tantum Sacerdotale ministerium, seu oblationem ministerialem eo modo, quo defuit in Sacrificio Crucis. Cæterum oblationem principalem eodem modo vtrobique manere sola ratione offerendi diuersa, quod totum videtur sequi ex eo, quod vtrobique eadem est hostia, seu victima; cum enim hæc sit victima rationalis, & voluntaria, eadem res oblata est etiam res offerens principaliter. Cum qua tamen oblatione principali coniungi potest extrinsecum ministerium, vt fit in Sacrificio Altaris, quod est perpetuum, & visibile Sacrificium Christianæ Religionis.

Debent ergo Aduersarij formalem disparitatem inter vtrumque Sacrificium asserre quoad oblationem principalis. Et fortasse primam conabuntur asserre ex eo, quod Christus in Cruce fuit victima existens in suo esse humano naturali: In Altari verò non habet esse humanum naturale, sed esse tantum Sacramentale sub forma, & specie rei non viuentis.

Fateor victimam Sacrificij nostri ratione existentie Sacramentalis impediri quominus naturaliter possit plures actus exercere. Quare vltro concedo cum S. Thoma 3. par. quæst. 76. & quæst. 89. Christum pro vltin Eucharistiæ elicere non posse connaturaliter vllum actum sensationis, non solum externum, sed neque internum propter carentiam extensionis quantitatiuæ, quæ saltem tãquam conditio est necessaria ad quamcumque operationem materialem, & corpoream.



Verum nos agimus in presenti de actu oblationis intellectus, & voluntatis Christi, qui cum spirituales sint, non pendent à modo extensionis quantitatis in loco. Huiusmodi autem actus spirituales, nemo dubitat ait ipse P. Vasquez disp. 191. cap. 3. posse à Christo, provt est in Sacramento exerceri nullo modo dependentes à corpore. Quare quoad actum spiritualis oblationis parum refert; Vtrum victima sit sub esse naturali, an sub esse Sacramentali. Est quidem Christus in Altari vt Isaac colligatus, quia in Sacramento fit per se naturaliter immobilis localiter, propter ligationem superius indicatam omnium sensuum, tam externorum, quam internorum: ceterum est etiam, vt Isaac voluntarie oblat, & immolatus. Ad quam oblationem faciendam, etiam sub vinculis Sacramentalibus, omnino solutus ac liber est.

V I.

*Christus in quo  
vt Isaac ligan-  
tus, & in quo  
solutus.*

Dicent, actum hunc voluntarium oblationis æquè possibilem fuisse in utroque Sacrificio, & sub utroque esse, siue naturali, siue Sacramentali quantum spectat ad naturam physicam actus, sed non esse possibilem quoad rationem illius moralem, quod demonstrari potest ex doctrina P. Vasquez; quia cum actus oblationis sacrificialis sit veluti in genere orationis, sicut Christus in Cruce erat in statu orandi, ita fuit etiam in statu offerendi. Sacrificium enim propriè ad orationem iuvandam adhibetur; ac verò Christus in altari non est in statu orandi, & supplicandi; ergo neque in statu offerendi. Quod verò Christus non sit nunc in statu orandi, & supplicandi, pro iis saltem rebus, pro quibus oratur, & supplicatur in Missa, probat P. Vasquez in hac disput. 225. cap. 3. ex testimonio Symeonis Slemoluicens lib. de Mysteriis Eccles. cap. 45. vbi ait, existimare autem Christum per preces, quæ in Missa fiunt, semper mediatorem agere, plenum est blasphemia, & absurditate; & si enim ipse est, qui Sacrificium Missæ operatur, non tamen omnia, quæ illie fiunt, & dicuntur, ipsi sunt attribuenda. Opus enim Missæ, & finis, sanctificare munera, & sanctificare fideles, ipse solus est, qui hæc facit: orationes verò, & obsecrationes, quæ in his fiunt Sacerdotis sunt, illa Domini, hæc Ministri, Minister orat, Dominus consummat orationes.

V II.

*An Christus  
nunc sit in sta-  
tu orandi, &  
offerendi,*

Ego in primis libenter admitto Sacrificium propriè orantis, & supplicantis esse, & ad orationem iuvandam adhiberi, immò ipsum quandam esse orationem, non verbalem, sed realem. Sed nego, Christum provt est nunc in Altari non esse in statu orandi, & supplicandi; immò ex hoc, quod sit in statu sacrificandi, certissimum mihi est, esse quoque in statu orandi.

Scio aliquos esse Auctores, vt Rupert. de Diuin. Offic. cap. 3. & Alex. Halen. 4. p. quæst. 91. membr. 1. quos ex nostris sequuti sunt Vasquez & Becanus in 3. par. qui docent Christum Dominum non orare in Cælo pro nobis propriè, verè, & expressè, sed tantum impropiè, & interpretatiuè, repræsentando videlicet suam Passionem, & merita; sed novi etiam multo plures esse Doctores, qui docent Christum, non tantum tacitè repræsentando, sed expressè postulando, orare pro nobis in Cælo iuxta id, quod dixit Augustinus Epist. 59. paulò ante medium. Numquid, inquit, interpellat Christus, & non etiam postulat? Immo verò, quia postulat, pro eo, positum est, *interpellat*. Evidenter quippe alibi de eo dicitur. *Advocatum habemus apud Patrem, & ipse est exoratio pro peccatis nostris.*

V III.

*Christus orat  
pro nobis in  
Cælo.*

I X.

Addo quod etiam si Christus in Cælo in suo esse naturali existens, non alio

*In Altari acti-*

*pic peculiatum* modo oraret, & interpellaret pro nobis nisi suam humanitatem, quam pro nobis assumpsit repræsentando. Adhuc tamen admittendus est alius modus orandi, & supplicandi, dum actu munus victimæ exercet in Altari. Ibi enim est in loco, & actu summa adorationis Latræ, & in circumstantiis publicæ professionis, de summa Dei Maiestate, & totius creaturæ inferioritate, cuius ipse, ut homo, caput, & primogenitus est. Propterea dicebam quod quatenus Christus adhuc in statu sacrificantis est, non est extra statum orantis cum ipsamet sacrificatio sit veluti quædam non verbalis, sed realis oratio.

## X.

*EXAMINATUR  
sestimonium Si-  
meonis Thessa-  
lonicensis.*

Ac de Simeone quidem Thessalonicensi, quid probet autoritas, alij videant. Quid verò probent verba, & qua ratione P. Vasquez potuerit illa afferre pro sua sententia, hoc ego planè videre percuperem. Nam ipse primo ait, Christum per preces, quæ in Missa fiunt non semper Mediatorem agere; ergo non negat aliquando, opus Missæ saltem preces posse agere mediatorem. Immo ex toto verborum contextu satis ostenditur hoc tantum existimasse, non posse videlicet, nec debere attribui Christo quasdam Orationes, & obsecrationes, & supplicationes minus congruas, ut in ipsius persona factæ videantur. Præterea discretis verbis affirmat, opus Missæ attribuendum esse Christo. Sed quod est opus Missæ, si oblationem ipsam excludas? Quid quod Author iste, verbis luce clarioribus hanc Christi oblationem fatetur, & edocet? Ecce verba, nec à Patre quidem Vasquez dissimulata. *Offert, inquit, & Dominus, sed se ipsum Patri offert, postquam fuit ipse, id est postquam mutata sunt in corpus, & sanguinem eius; quia enim se ipsum offert, idcirco dicitur esse idem offerens & oblatum.*

## XI.

*Fundamentum  
P. Vasquez.*

Aliud ergo est negare, Christum offerre preces, quæ fiunt in Missa, de quo argumento aliquid disputabimus infra. Aliud est negare Christum offerre se ipsum. Primum. Christo negauerit Simeon Thessalonicensis, certè hoc posterius non negat; sed quia negat P. Vasquez, occurrendum est rationi, qua ut ipse ait, à priori directè probat suam sententiam; illa autem est, quia, inquit, si Christus actu, & proximè hoc Sacrificium offerret, non tantum haberet affectum, & voluntatem erga Deum, qua offerret se ipsum, sed etiam ab hac voluntate actio exterior Sacrificij, & immolationis, quæ fit in Missa, procederet (sicut quando in Cæna sub specie panis, & vini, se ipsum in Sacrificium obtulit) & ab ea voluntate secundum genus moris penderet; nam actio exterior immolationis est opus Religionis pendens ab effectu interiori Religionis, qui ei respondet. Atqui actio immolationis exterior, quæ fit in Missa non pendet hoc modo ab effectu interiori ipsius Christi, sed tantum ab affectu, qui est in Sacerdote; ergo Christus non proximè, & actu, sed remotè solum ratione Institutionis hoc Sacrificium offert. Hæc Vasquez, cuius argumentum præfert duo. Primum est; oblationem actualem principalis Sacerdotis esse per se connexam cum oblatione, & actione exteriori exercenda proximè, & immediatè ab ipso, ideo dicit, quod si Christus nunc haberet oblationem internam, exerceret etiam exteriorem, ut in Cæna. Alterum est, oblationem, & actionem exteriorem Sacrificij, quod de facto celebratur in Ecclesia, esse tantum connexam cum affectu Religionis, & oblatione interna Ministris tanquam cum suo principio actuali, & proximo, & ideo dicit illam remotè solum à Christo pendere ratione institutionis. Vtrumque examine dignum est.

Et primo falsum omnino putamus oblationem internam Sacerdotis principalis esse per se connexam cum actione sacrificali Sacrificij exteriori, quæ necessario debeat à Sacerdote sic offerente immediatè, & per se exerceri, quod planè demonstro hoc exemplo, & argumento. Quia potuisset omnino Christus Dominus in nocte Cœnæ, facta institutione, & ordinatione Sacerdotum ministerialium, potuisset, inquam, omnes exteriores actiones sacrificales, quas de facto ipse per se exercuit, extendas tunc Apostolis demandare, & sibi tantum veluti retinere actum internum, quo se ipsum offerret in Sacrificium illud, suorum Ministrorum officio celebratum; ergo oblatio interna summi Sacerdotis non est per se connexa cum externa oblatione ab ipso Sacerdote summo per se exercenda. De facto quidem Christus actiones etiam exteriores illius primi Sacrificij voluit per se exercere, idque congruum fuit, vt ipse solus Author tanti Sacrificij ostenderetur, ob quam quoque rationem non nisi post consummationem Sacrificij, Discipulos suos Sacerdotes instituit, qui deinceps illud offerrent. Cæterum quod potuisset Christus, toto ministerio externo relicto Apostolis, suam internam oblationem verè sacrificalem habere, qualem negat nunc P. Vasquez in Sacrificiis Ecclesiæ quotidianis intercedere ex parte Christi, nullo modo diffiteri potest P. Vasquez. Quia tunc non militabant rationes generales, ob quas negat nunc à Christo etiam Sacrificium offerri, nimirum, quia sequeretur, quod nunc Christus pro nobis oraret, & mereretur; nam illa nocte adhuc erat in statu, & orandi, & merendi pro nobis. Nulla ergo ratio tunc obstat, quo minus Christus internam tantum oblationem in eo Sacrificio per se, & immediatè exerceret.

Atque hoc satis est, vt ostendamus summum Sacerdotem nostrum Christum Iesum, etiam si non immediatè, & proximè concurrat ad exteriorem actionem Sacrificij sui, sicut in Cœna; posse tamen concurrere, sicut potuisset in Cœna actuali oblatione tantùm interna.

Ex quo contra secundum illud pronunciatum progrediens dico. Actionem exteriorē essentialē Sacrificij nostri, tanquam à sua causa adæquata in genere moris, pendere non solum ab effectu Religionis interno Ministrorum, sed etiam, & quidem principaliter ab effectu Christi, tanquam ab effectu vniustotalis offerentis.

Verum quod Christus interno tantum actu concurrens habeat veram, ac propriam rationem offerentis, videtur res valde dubia, quia nemo per actum merè internum participare potest veram, ac propriam rationem offerentis; quod vt probè intelligamus, proponamus nobis ob oculos consuetudinem illam receptam ab Ecclesia, per quam, vt loquitur S. Th. qu. 81. art. 2. Sicut Apostoli cum Christo cœnarunt, ita recens ordinati Sacerdotes cum Episcoposimul cōsecrant, immò quod solitum aliquando fuisse in Ecclesia Romana, refert Innocentius tertius lib. 4. de Myst. Miss. cap. 25. vt nimirum summo Pontifice Missam publicè celebrante, Presbyteri Cardinales omnes simul cum ipso consecrarent; proponamus, inquam, nobis Summum Pontificem volentem cum omnibus Presbyteris. Cardinalibus simul celebrare, sed de facto nullum actum externum exercentem quoad consecrationem, vel quamcumque aliam sacrificalem actio-

XII.

*Non est semper eiusdem oblationis principalis, & ministerialis.*

XIII.

*Quomodo potuisset Christus primum Cœna Sacrificium celebrare.*

XIV.

*An, & quomodo Christus concurrat ut offerens.*

XV.

*Concursus merè insertus non est Sacerdotis.*

nem concurreret, sed totum suum actum interno adorationis affectu consummantem. Certè in tali casu Pontifex Sacrificium Ecclesiæ non celebraret. Quemadmodum nunc non dicitur propriè celebrare, quando vni Cardinali Presbytero celebranti, publicè adest cum reliquis Cardinalibus. Sufficit quidem præsentia illa, & actualis cultus, vt offerens aliquo modo dicatur, & sit, eo videlicet modo, quo dicuntur, & sunt offerentes, qui sacro interfunt, vel qui causa sunt, vt Sacrificium aliquod fiat, siue hortando, siue rogando, siue iubendo. Sed hoc, est esse offerentem sicut Ecclesiam, non sicut Sacerdotem; Ecclesia verò licet offerat, non tamen propriè sacrificat, vt rectè aduertit Bellarminus lib. 2. cap. 4. quia non ipsa per se exercet actum Sacerdotalem, sed tantum offert Sacerdoti rem sacrificandam, aut curat fieri Sacrificium, aut certè consentit in Sacrificio, & voluntate, ac desiderio offert, cum Sacerdos offert. Itaque Pontifex dum illo modo interest sacro, non offert tanquam Sacerdos, sed tanquam populus, seu Caput Christiani populi, atque adeo offert per Sacerdotem illum celebrantem, tanquam per suum Superiorem in illo actu; Sacerdos enim, quatenus talis maior est reliquo populo cum suo etiam Capite quippe qui, vt mediator quidam pro populo cum suo Capite, apud Deum intercedit. Cum ergo supponamus in casu nostro Christum Dominum nullo pacto concurrere ad actiones exteriores sacrificales, videtur sequi per illum actum oblationis internæ, non facere cum suis membris, vnum in ratione Sacerdotaliter offerentis ad eum modum, quo Pontifex, illo modo assistens, si internum tantum actum habeat, facit quidem vnum cum offerentibus, tanquam Ecclesia, non verò tanquam Ministris.

XVI.  
*Neque omnis  
concurfus ex-  
ternus ad Sa-  
crificium est  
Sacerdotalis.*

XVII.  
*Ecclesia offert  
per Sacerdotem  
vs per Supe-  
riorem.*

XVIII.  
*Solus Christus  
poteſt habere  
concurſum Sa-  
cerdotaſtem me-  
re internum.*

Huius objectionis doctrina, sicut suggerit solutionem, ita mirifice explicat conclusionem. Est autem tota disparitas petenda ex differentia inter Sacerdotem principalem, & Sacerdotem purè ministerialem. Nam quilibet Ecclesiæ Sacerdos, siue sit ex minoribus, vt sunt simplices presbyteri, siue ex maioribus, vt sunt Episcopi, siue sit Maximus, vt est primus Episcopus, & Episcopus Episcoporum, visibile Caput Ecclesiæ, Romanus Pontifex; omnes hi sunt Sacerdotes purè ministeriales, hoc est sunt puri Ministri Sacrosancti, ac Diuini Sacrificij externi instituti à Christo; ergo ad hoc vt concurrant tanquam Sacerdotes, oportet, vt exerceant ministerium, quod in illo officio exteriori consistit, & quia Summus Pontifex illo modo assistens, & offerens nullum exercet ministerium, ideo nullo modo concurret vt Sacerdos, quia non alio modo est Sacerdos, nisi tanquam Minister. At verò quia Christus est Sacerdos principalis suos habens Ministros, non est necesse, vt ipse per se exerceat quod pertinet ad externum ministerium, quia actus proprius principalis ex natura sua distinguitur à ministeriali, & quamuis possint coniungi, vt nimirum principalis exerceat per se actum suorum Ministrorum, vt fecit Christus in Cœna, hoc tamen non est necessarium, neque vt sic fieret deinceps in Ecclesia erat expediens. Explicemus rem exemplo. Quando Episcopus celebrat cum Ministris, potest omnino cessare ab omnibus actibus, qui sunt proprij suorum Ministrorum, neque per hoc quod cessat ab illis, cessat ab exercitio sui muneris principalis respectu suorum Ministrorum, tamen quia in illo ipso, in quo est principalis respectu illorum, est verus, & purus Minister Christi, ideo non potest simpliciter cessare ab omni actu exteriori; hoc ipso



ipſo enim ceſſaret ab omni miniſterio, atque adeo non celebraret. At verò Chriſtus quia abſolutè reſpectu omnium actuum miniſterialium eſt principalis, poteſt ſine proprio, ac immediato miniſterio principaliter ſacrificare.

Ecce tibi totam diſparitatem, cur Chriſtus propriè, & verè Sacrificium externum offert per actum tantùm internum, Miniſter verò non offert, quia niſi hic concurret ritè ad actum externum, omittit totum actum Sacerdotij ſui, quod eſt eſſentialiter miniſteriale; at verò ſi Chriſtus non exerceat per ſe actionem vllam externam, nullum omittit actum neceſſarium Sacerdotij ſui, quod non eſt miniſteriale. Ex eo autem quod Sacerdotium Chriſti miniſteriale non eſt, ſequitur, vt exerceri perfectiſſimè poſſit per actum immediatum, qui ſit tantùm internus, & poſſit in tali actu ſaluari tota ratio oblationis ſacriſcalis, quod fatentur communiter Authores in Sacrificio Crucis, cuius verus Sacerdos fuit Chriſtus.

Quomodo, inquiunt, Chriſtus propriè in Cruce Sacrificium conſummauit, ſi actum verè ſacriſcalem non exercuit; nam qui propriè ſacrificat, debet ad honorem Dei rem aliquam ita offerre, vt ad eum finem ipſam etiam conſiciat, ſeu immutet, & deſtruat: at Chriſtus Dominus non ita ſe ipſe in Cruce obtulit, ſi quidem non interfecit ſe ipſe.

Ad hanc difficultatem communior, & ſolida reſponſio, quam inſinuauit S. Thomas quæſt. 48. art. 3. ad 1. & ſequitur noſter Valentia diſp. 1. quæſt. 22. de Chriſti Officiis, puncto 4. illa eſt, ad rationem Sacrificij non eſſe determinatè neceſſarium, vt ille ipſe, qui rem offert, exerceat ad extra actionem deſtructiuam, ſed ſatis eſt ſi offerat quod in Dei honorem deſtruitur, ſiue idem ipſe rem conſiciat, & deſtruat, ſiue alius hoc miniſterium exerceat ipſo volente, & acceptante, vt acceptauit Chriſtus illatam ſibi mortem. Quod paucis expreſſit S. Leo Serm. 10. de Paſſione, cum ait: Admiſit in ſe impias manus furentium, qui dum proprio incumbunt ſceleri, famulati ſunt Redemptori.

Sentiunt ergo Doctores in Sacerdote Principali internum actum ſufficere ad rationem propriè offerentis, & ſe ſacrificantis, quod ſi locum habuit in Cruce, multo magis habebit in Altari, vbi ex eodem fine Religionis, facit Chriſtus viuum cum ſuis Miniſtris ab ipſo inſtitutis. Vtrum autem Chriſtus ſicut in Cæna, ita in Cruce aliquam actionem ſacriſcalem externam per ſe, & immediatè exercuerit, diſputabimus infra. Exiſtimo enim nullo modo poſſe conſiſtere Sacrificium propriè dictum ſine aliquo ſacro miniſterio, ritu myſtico celebrato; quamuis non ſit neceſſarium, vt tale miniſterium ab ipſo principali celebrante, & offerente exerceatur, & exterius conſumetur.

Hic cogitur P. Vaſquez explicare quomodo Chriſtus in quotidiano Eccleſiæ Sacrificio, ſi actu, & proximè illud non offert, & vt ipſe pluries ait, ab officio hoc offerendi planè nunc vacat: cogitur, inquam, explicare quomodo huius Sacrificij ſit verus offerens; nam quod Chriſtus verè ſit offerens, docet Trident. ſeſſ. 22. cap. 2. vbi ait: *Idem nunc offerens*, Sacerdotum miniſterio, qui ſe ipſum tunc in Cruce obtulit, quod prius definitum fuerat in Concilio Lateranenſi in c. firmiter, vbi dicitur Chriſtum in hoc myſterio eſſe ſimul Sacerdotem, & Sacrificium. Ait igitur P. Vaſquez citato cap. 3. art. 21. Chriſtum Dominum eſſe huius Sacrificij offerentem; quia illud inſtituit, & iuſſit offerri, & ſua inſtitu-

XIX.

*Diſparitas inter Chriſtum, & alios offerentes.*

XX.

*Et patet in Sacrificio Crucis.*

XXI.

*Quomodo Chriſtus eſt offerens.*



tione virtutem illi tribuit ratione suorum meritorum, & mortis, vt ex opere operato sicut Sacramenta, in illis, pro quibus offeretur aliquid efficeret, tum etiam, vt per modum causæ impetratiuæ aliquid etiam pro illis obtineret. Sic ille.

## XXII.

*Ad habitudinem offerentis non satis est institutio.*

Verùm quod hæc tantum sufficiant non solum ad simplicem, & absolutam denominationem offerentis, sed etiam ad saluandam virtutem propriam huius Sacrificij difficile admodum mihi est. Et primo. Institutio, qua Christus voluit, vt hoc Sacrificium in Ecclesia offerretur. Si per se sola spectetur, non est sufficiens, vt Christus dicatur simpliciter offerens, quia vt rectè ait P. Suarez disp. 77. Sect. 1. Habitudo offerentis valde diuersa est à ratione, & habitudine instituentis, & hæc est omnino ab illa separabilis, nam quemadmodum Deus instituit vetera Sacrificia, neque tamen propterea fuit offerens in illis, ita Christus potuisset Sacrificium Ecclesiæ instituere, non vt homo erat, sed vt Deus, in quo casu, ita qua Deus, fuisset institutor, vt qua Deus, non fuisset offerens, seu oblator; cum ad rationem offerentis necessaria sit minoritas, & inferioritas respectu eius, cui Sacrificium offertur, quæ sanè non est in Christo, vt Deus est.

Factur P. Vasquez cap. 4. v. 25. Non omnem institutionem sufficere ad denominationem offerentis, sed tamen, quæ fit à Sacerdote, vt nomine illius ceteri Ministri offerant, eam contendit planè sufficere. Hoc ipso enim quod Institutor Sacerdos est, hoc ipso, vt talis Deo inferior est.

Hæc tamen responsio infirma adhuc est, quia quod Institutor fuerit Sacerdos, hoc solum probat conjungi nimirum in illo posse vtramque habitudinem, & instituentis, & offerentis, quia ratione inferioris naturæ, secundum quam Sacerdos est, non est incapax habitudinis offerentis; at quod illam de facto habeat Christus, hoc sanè non probat. Neque verò ex verbis institutionis habemus Christum iussisse, vt suo nomine offerrent, sed offerrent in sui commemoratio-nem: hoc autem non addit in sic instituente, & mandante habitudinem offerentis, sed præcisè habitudinem exemplaris, seu rei repræsentatæ per Sacrificium, quæ omnino etiam est extra rationem offerentis. Neque si dixisset: hoc facite nomine meo, adhuc satis esset ad habitudinem Sacerdotaliter offerentis; quia non quicumque victimam tradit Sacerdoti, vt eam suo nomine offerat, hoc ipso habet habitudinem Sacerdotaliter offerentis, vt patet in populo hoc modo offerente, in quo etiam, qui habent dignitatem Sacerdotalem per traditionem illam victimæ, suo nomine offerendæ, non offerunt vt Sacerdotes, sed vt populus. Immo addit P. Vasquez cap. 3. iuxta finem numeri 20. Quod licet in populo, qui dedit victimam ad Sacrificandam, & iussit eam immolari perseveret interdum voluntas, qua illam offert simul cum Sacerdote pro illis, pro quibus iussit offerri, tamen in Christo, inquit talis affectus nunc concedendus non est simul cum affectu Sacerdotis; nam sicut nunc non conuenit ei affectus orationis pro nobis, ita neque affectus offerendi pro nobis. Hæc ille. Explicandum ergo adhuc magis est, quomodo antiqua institutio sine vilo præsentis affectu offerendi satis nunc fit ad veram, & formalem habitudinem offerentis, qualis in hoc Sacrificio ex parte Christi requiritur.

Propter hoc fortasse addidit P. Vasquez. Illud de valore, & virtute tributa Sacrificio ex antiqua Christi institutione ratione suorum meritorum, & mortis,

## XXIII.

*An ratio offerentis inferri possit ex verbis institutionis.*

Sed iam, & huic responsioni occurreret P. Suarez, quia quamvis tota virtus, & efficacia huius Sacrificij in merito Christi fundetur, hoc tamen neque sufficit ad rationem offerentis. Nam similem efficaciam, & virtutem potuisset dare huic Sacrificio Christus, vt Deuserat, ex sola voluntate Diuina, in quo casu talis institutio nihil adderet ad habitudinem offerentis: & merito quidem, quia efficacia, siue sit ex meritis, siue ex mera voluntate, magis respicit effectum Sacrificij, qui est aliquid illi secundarium, & extrinsecum, quam oblationem ipsam, in qua ratio Sacrificij consistit; ergo quod oblatio ipsa habeat efficaciam operandi ab ipso Christo, non satis est vt propterea dicamus ab ipso offerri.

Addit tandem propterea P. Vaquez cap. 4. ver. 26. Christum dici offerentem in hoc Sacrificio, etiamsi proximè illud non offerat, quia non solum efficacia Sacrificij ex meritis ipsius deriuatur, neque solum ipse illud instituit vt-cumque, sed quia illud instituit, vt per Sacerdotes Ministros suos in sui memoriam offerretur. Facit ergo vim in eo, quod Sacerdotes nomine Christi offerant, in quo videtur iam conuenire cum P. Suarez, qui disp. 77. Sect. 1. postquam distinxisset aliqua, quæ in hoc Sacrificio possunt attribui Christo, addendum, inquit, quarto est, quod Sacerdos conficit in persona Christi, & tanquam legatus eius ipsum representans, & in hoc videtur S. Thomas ponere hanc Christi oblationem, & reuera videtur sufficere, etiamsi nihil aliud intercederet, ibi enim reperitur habitudo quædam moralis ad Christum, vt ad colentem Deum, quamvis per alium, sicut qui dat eleemosynam per famulum rectè dicitur principalis donans, & licet famulus sit iniquus, si ipse est iustus, eleemosyna illa est munda apud Deum.

Hanc responsionem sic temperatam sequuntur recentiores communiter cum Cardinali de Lugo disput. 19. Sect. 7. vbi ait, quod verè nunc offert Christus, quia Sacerdos ex Christi institutione offert nomine Christi, quod sufficit, inquit ille, vt hæc actio moraliter loquendo dicatur actio Christi. Sicut reuerentia, quam Legatus Regius exhibet Summo Pontifici, est moraliter reuerentia Regis erga Pontificem. Sic etiam Christus per Sacerdotem, quem sibi, vt Legatum, & Ministrum substituit, exercet hunc actum reuerentiæ, & cultus erga Deum, qui consistit in oblatione Sacrificij, & ideo hæc oblatio censetur moraliter actio Christi colentis Deum per suum Ministrum.

Nos verò vt nostram sententiam explicemus magis, & quid tandem dicendum sit, statuamus, operæ prædictæ duximus examinare tantisper discrimen inter P. Suarez & P. Vaquez præclara lumina nostræ Theologiæ.

P. Suarez, qui scripsit hanc materiam prior, fatetur quidem ad saluandam substantiam Sacrificij, & habitudinem Christi offerentis satis esse, vt Sacerdos ministerialis conficiat in persona Christi, & vt legatus eius, addit tamen ad perfectionem huius Sacrificij pertinere, vt Christus non solum remotè hoc modo, sed proximè aliquo concursu influat in Sacrificium, quem concursum, vt explicet, præsupponit Christum per humanitatem suam physicè attingere actionem, per quam hoc Sacrificium conficitur, hoc est ipsam transubstantiationem; nam quod Christi humanitas ad omnes actiones supernaturales concurret, vt instrumentum conjunctum, & veluti præcipuum organum Diuinitatis alibi probat; & quia non concurrit tanquam inanime instrumentum, sed per intellectum,

XXIV.

*Ad habitudinem offerentis non sufficit communicatio virtutis.*

XXV.

*An Christus sit principalis offerens per hoc præciud quod Sacerdos offert, vt eius Minister.*

XXVI.

*Proponitur sententia P. Suarez.*

& voluntatem: hinc est, vt non solum habeat: eo concursu habitudinem efficientis, quæ sola per se non sufficeret (nam Deus principaliter efficit eandem actionem, & tamen non offert) sed habere etiam possit habitudinem offerentis, ordinando nimirum totam illam actionem in cultum Dei, eamque Patri repræsentando in memoriam suæ Passionis, vt hominibus propitius sit: est enim Christus supremus Dei cultor, & intercessor pro hominibus: ex eo autem, quod possit hoc modo semper offerre, quia potest hac intentione, & hoc affectu colendi Patrem semper concurrere ad consecrationem, infert quod actu sic offerat, & ea intentione concurret, quia hoc est melius, & perfectius, magisque conducent ad dignitatem, & valorem huius Sacrificij: quare totam suam sententiam concludit his verbis. Ad exactam perfectionem huius Sacrificij, & vt omnino æquale sit ex parte offerentis Sacrificio Crucis, & Cænæ, oportet vt Christus per se ipsum aliquo modo offerat, & non tantum per legatum repræsentantem, & hoc modo melius saluatur quod tunc exercet munus Sacerdotis Summi, & Aeterni. Hæc est sententia P. Suarez.

## XXVII.

*Propositur sententia P. Vasquez.*

Contra verò P. Vasquez præter ministerium Sacerdotum nihil prorsus admittit in Ecclesiæ Sacrificio, ideo negat primo concursum illum physicum instrumentalem ad transubstantiationem, & consecrationem, deinde etiam illo admissio secundum habitudinem efficientis, negat omnino illum secundum habitudinem offerentis, & colentis. Quare in sententia P. Vasquez, non alio modo Christus præstat nunc cultum sacrificialem Deo, quam Rex longissime abiens, & nullo modo attendens, & cogitans, præstat obedientiam Pontifici, quando eam Legatus præstat, quo fit, vt licet quando Sacrificium offeratur in Ecclesia Christus per possibile, vel impossibile dormiret, æquè diceretur offerre, nec minoris aut valoris, aut dignitatis esset Sacrificium, Christo ipso non attendente, quam attendente; immò ipso potius mortuo, quam viuento, id quod cap. 3. num. 21. probat hoc argumento. Quia si quis, inquit Apostolus, in triduo mortis Christi sacrificaret, eiusdem valoris, ac impetrationis esset Sacrificium cum eo, quod modo offertur, in quo euentu non posset esse Christus proximè offerens; nam cum ex vi verborum formæ panis, solum esset Corpus Christi sine anima, & ex vi verborum formæ Calicis solus esset sanguis sine anima, quæ in Limbum Sanctorum Patrum descenderat, planè non erat Christus proximè offerens, tum quia iam extincto Sacerdote, non potest idem ipse offerre, tum quia anima, nec propinquitatem ad Sacrificium proximè offerendum requisitam, nec munus, & officium Sacerdotis habet, aut Sacerdotissæ. Hæc est sententia P. Vasquez.

## XXVIII.

*Examinatur sententia P. Suarez.*

Ac inhi quidem in sententia P. Suarez displicent duo. Primum est, ad oblationem Christi, etiamsi nihil aliud intercederet, sufficere, quod Sacerdos conficiat tanquam Legatus eius ipsum repræsentans. Alterum est, hoc aliud quod ad maiorem perfectionem de facto intercedit esse tantum actionem illam, quæ ex affectu colendi Deum concurret physicè ad transubstantiationem. Ratio ob quam displicet primum, illa est. Quia ille modus honorandi tantum per Ministrum, & Legatum repræsentantem inuoluit necessàrio, & præsupponit aliquam imperfectionem in ipso honorante principaliter, vel impotentiam, vel irreuerentiam, nam vel honorat per Ministrum tantum ex necessària quadam absentia,

## XXIX.

*Honor per Ministrum actum inuoluit imperfectionem.*

& distantia sui suppositi, & hoc reducitur ad imperfectionem alicuius impotentia. Vel honorat per Ministrum tantum sine vlla ad magis honorandum impotentia, & reducitur ad irreuerentiam. Et quidem in Christo Domino nullum habet locum impotentia ex absentia, quia in loco ipso ad hunc publicum Sacrificij honorem destinatus, qui est Altare, ipse necessario secundum suam humanitatem adest, vt exerceat munus Victimæ; ergo, si posita reali præsentia, nulla obstat ad maiorem honorem præstandum impotentia hoc ipso intercedet irreuerentia.

P. Vasquez facile se ab hac difficultate explicaret, quia docet Christum Dominum non esse nunc in statu, neque orandi, neque offerendi, atque adeo nec Deum sic honorandi pro nobis, quo fit, vt dum per Ministrum tantum honorat, citrà irreuerentiam honoret, quia honorat quantum suum statum decet, atque adeo quantum potest. At verò P. Suarez apertè concedit Christum esse in statu, hoc etiam modo Patrem honorandi, immò propter hoc concedit de facto concursum illum actuale; & immediatum Christi cum actuali affectu offerendi, quia, inquit, quamuis honor à Rege per suum Legatum exhibitus, habeat quandam specialem dignitatem à persona Regia, tanquam à principali honorante per suum Ministrum, multum tamen secundum moralem existimationem adderetur, si Rex per se ipsum, vt posset, concurreret. Cum ergo in sententia P. Suarez absolutè possit, difficile est explicare qua ratione maior ille honor præsentii statui possibilis, sine vlla irreuerentia, immò etiam magnæ injuriæ nota omitti possit. Certè quod in simili proposito notauit Bellarminus lib. 1. cap. 21. Inter homines, si quis Regi non tribueret titulum honoris, qui solis conuenit Regibus, maiestatem videlicet, etiamsi conseruaret omnes inferiores titulos, non modo Regem non honorare, sed etiam contumelia afficere iudicaretur. Postulat quidem prorsus status Ecclesiæ, vt Christus in Altari offeratur sub specie non propria, sed aliena propter exercitium fidei, & ob eandem rationem offeratur ministerio externo alieno, non externo proprio, sed contra hunc statum non est vt oblatio interior, non solum sit propria Ministrorum, sed etiam principalis offerentis. Immo quemadmodum ab omni ratione alienum, ita omnino in intelligibile videtur, vt Christus ex officio Sacerdos, præsens in Altari, affectus ad offerendum, habens quod offerat, & Ministris suis ex sua institutione ministerialiter offerentibus per illos tantum, & non quoque cum illis offerat. Quid in sententia P. Suarez cohonestare potest omissionem huius actualis, & immediati cultus ex parte offerentis principalis? quod si nihil est huiusmodi assignabile, non erit profecto illi sic opinanti integrum dicere, etiamsi nihil aliud intercederet, sufficere ad oblationem Christi, si Sacerdos offerat, vt Legatus illum representans. Quia supremus Cultor in functione omnium maxima summi cultus, quod spectatis omnibus potest, omnino debet, vbi autem Christus debet, eius debiti oppositum nequaquam potest.

Alterum quod in sententia P. Suarez displicebat, erat ille concursus instrumentalis influens in transubstantiationem allatus ab illo tanquam sufficiens ad declarandam oblationem Christi. Quamuis enim talis concursus ponatur procedere in Christo ex affectu Religionis colendi Deum, ille tamen, vel est parum pertinens, vel certè omnino antecedens ad oblationem sacrificalem, de qua hic

XXX.

*Christus non  
potest offerre  
per Ministrum  
tantum.*

XXXI.

*Concursus ad  
consecrationem  
nihil facit ad  
oblationem.*

loquimur. Nos enim hic loquimur de illo actu oblationis, quo se Christus in Altari offert se ipsum in aliena specie consumendum, & destituendum in honorem, & cultum Dei, ad eum modum, quo in Ara Crucis se consumendum, & destruendum obtulit in propria specie: huiusmodi autem actus oblationis præsupponit ex sua natura existentiam Sacerdotis, & victimæ sicut naturalem in Cruce, ita Sacramentalem in Altari; erga parum pertinenter se habet ille concursus ad oblationem, vel certe se habet antecedenter. Sicut enim actus, quo se Christus obtulit in Cruce inchoatus, ut alibi ostendimus ab ipso instanti suæ existentie naturalis præsupponit tanquam quid antecedens omnem concursum ad esse Sacramentale; nec refert quod concursus ad esse Sacramentale possit ab humanitate Christi, quæ est in Cælo procedere cum affectu colendi Deum, & offerendi, quia ille concursus præuius, siue habeat habitudinem efficientis tantum, siue etiam offerentis nullo modo influit in oblationis actum, qui à iam existente in Altari procedit; ideo dixi parum pertinenter se habere ad oblationem, de qua hic loquimur. Et ratio à priori est, quia oblatio sacrificialis Sacramentalis est actus Christi Sacramentaliter existentis iam ex vi omnium suarum causarum. Quare illa habitudo, quam excogitauit P. Suarez non est Sacerdotaliter, & Sacramentaliter offerentis, quia non est ab existente Sacramentaliter, atque adeo non solum est antecedens, sed merè impertinens ad Sacrificium Eucharisticum. Neque verò putandum est, Christum existentem in Cælo in propria specie, fungi, & exercere officium Sacerdotis, existentem verò in Altari, fungi officio solius victimæ. Sic sicut officio victimæ non fungitur nisi in Altari; ita non nisi in Altari fungitur actuali officio, & exercitio Sacerdotis, quia cum Christus sit simul victima, & Sacerdos: & non aliter exerceat hanc oblationem Sacerdotalem, nisi quia cum sit victima voluntaria, offert se ipsum; hinc est, ut in eodem loco, & sub eodem esse, sub quo est victima offerens se ipsam, sit huius Sacrificij Sacerdos. Ideo etiam si Christus non haberet existentiam in Cælo, eodem modo immutato offerret in Altari, ut Sacerdos. Sicut etiam si Christus habuisset alibi existentiam tempore Passionis, eodem itidem modo, se ut Sacerdos obtulisset in Cruce, quia quæcumque alia præsentia Sacerdotis extrà Altare, materialiter se habet ad Sacrificium.

## XX XII.

*Christus exerceat officium offerentis sub aliena specie.*

Cum ergo P. Suarez concedat Christum esse adhuc in statu offerendi se ipsum Sacerdotaliter in Sacramento, & talis oblatio præsupponat totum esse Christi Sacramentale, non debet totam hanc Christi oblationem explicare per concursum illum remotum, & ordinatum tantum proximè ad ponendam primam existentiam Sacramentalem. Ut nihil interim dicam de illo genere concursus instrumentalis, de quo alibi. Hæc ferè habui contra opinionem P. Suarez.

## XXXIII.

*Examinatur Sententia P. Vasquez.*

Veniamus ad P. Vasquez, in cuius opinione illud præcipue restat examinandum, an eiusdem planè valoris esset Sacrificium, in quo Christus proximè, & actu offert, quod nos asserimus, cum Sacrificio, in quo Christus proximè, & actu non offerret sed remotè tantum, & ratione solius institutionis. Contendit ipse eiusdem esse valoris utrumque, & probat exemplo illo de Sacrificio oblato in triduo mortis Christi, in quo licet Christus, utpote mortuus non offerret actu



tales Sacrificium, esse tamen illud æquale in dignitate & valore Sacrificiis; quæ nunc offeruntur. Vnde tandem infert actuale, & proximam Christi oblationem esse superfluum, quia, inquit, nihil deseruieret ad maiorem impetrationem, & valore huius nostri Sacrificij. Sed videamus quantum probet hoc argumentum.

Assumit hic primo Vasquez, Apostolum ordinatum in nocte Cænæ Sacerdotem, potuisse in triduo mortis Christi sacrificare. Hoc assumptum est falsum. Primo, quia fortasse Apostoli non habuerunt ad conficiendum pro illo triduo potestatem. Habuerunt quidem in illo, seu potius ante illud, sed non habuerunt pro illo. Hoc autem patet, ut rectè notauit Gloss. in c. timorem de Consecrat. dist. 2. Quia, inquit, sic data est forma, ut post Resurrectionem hoc fieret: *Hoc facite in meam commemorationem.* Quò etiam spectat quod docuit S. Thomas 3. par. quæst. 73. art. 5. ad 3. quod scilicet Sacrificium istud fuit institutum in Cænâ, ut in futurum esset memoriale Dominicæ Passionis, ea perfecta. Vnde, inquit, signanter dicitur: *Hæc quotiescumque feceritis*, de futuro loquens. Habuerunt quidem Apostoli characterem Sacerdotalem ab initio, & consequenter potestatem Sacerdotalem: Character enim, vel non distinguitur ab ipsa potestate Sacerdotali, ut docent Thomistæ in 3. parte quæst. 63. art. 4. & 5. Vel est signum perpetuum habens connexionem cum potestate Sacerdotali, ut videntur alij sentire. Quare communiter sententia Theologorum fert: sicut manet Character in anima Sacerdotis post mortem, ita etiam manere illam potestatem; & si iterum mortali corpori diuinitus per resurrectionem vniatur, non esse necessariam nouam ordinationem, ut docet expressè S. Thomas in cap. 11. Epistolæ ad Hebr. Quamuis, inquam, ab initio Characterem, & potestatem indelebilem, & inextinguibilem acceperunt Apostoli, tamen sicut si resuscitaretur nunc aliquis ex illis ad statum vitæ immortalis, & gloriose, non posset consecrare, eo quod vsus prædictæ potestatis ex voluntate Dei, solum est concessus Viatoribus pro statu præsentis vitæ mortalis, ut docet cum communi Turrianus par. 2. disput. 10. dub. 2. Ita quia vsus eiusdem potestatis concessus fuit Apostolis pro tempore post Resurrectionem Christi, immò fortasse etiam post Ascensionem. Vnde ut notat Augustinus, hoc Sacrificium est Sacramentum memoriæ Passionis, Resurrectionis, & Ascensionis Christi. Ideo ex limitatione inclusa in verbis ipsius institutionis, & ordinationis, non potuissent ante concessum tempus consecrare.

Secundo idem assumptum est falsum, quia ad Sacrificium ministeriale offerendum, quale est Sacrificium nostrum, necessario requiritur existentia Sacerdotis principalis, quamuis autem P. Vasquez doceat Christum non offerre proximè, & actu, atque adeo omnino cessare nunc ab exercitio offerendi, non negat tamen, immò docet expressè cum Conciliis, & Patribus, Christum esse principalem offerentem; quatenus Apostoli, eorumque Successores potestatem ad offerendum, & consecrandum acceperunt nomine Christi, ut Ministri, ut Substituti, & Mandatarij ipsius, per quos, tanquam per organa, & instrumenta sua Christus ipse loqueretur, & offerret. Hoc inquam non negat P. Vasquez, neque alius Doctor Catholicus, quod sciam. Atqui ex hoc sequitur non potuisse in triduo mortis Christi, Apostolum quempiam sacrificare, quia in illo

XXXIV.  
Apostoli non  
habuerunt po-  
testatem cele-  
brandi pro tri-  
duo mortis  
Christi.

XXXV.  
Ex limitatione  
inclusa in ver-  
bis institutio-  
nis.

XXXVI.  
Ex defectu prin-  
cipalis offeren-  
tis.

triduo non existeret principalis, cuius nomine offerret, & cuius verbis loqueretur. Nam Christus, qui erat principalis Sacerdos, in illo triduo mortis non erat; anima verò, quæ separata in Limbo manebat, Sacerdos non erat, aut Sacerdotissa, ut sentitur, & loquitur P. Vasquez. Cuius ergo nomine Substituti, & Mandatarii offerrent, & loquerentur.

XXXVII. Tercio constare potest falsitas eiusdem assumpti, quia ex dictis de natura, & essentia Sacrificij, victima principalis debet necessario habere qualitatem capitis aliquo modo homogenij respectu creaturarum omnium, etiam Angelicarum, alioquin non posset fieri sollemnis professio, & protestatio qualis in Sacrificio fieri debet, quod Deus solus est, & præter Deum nihil est. At verò in illo triduo mortis, victima Sacrificij non potuisset habere qualitatem capitis aliquo modo homogenei respectu omnium creaturarum, & præsertim Angelicarum, quia ita ex vi verborum utriusque consecrationis veniret sub duplici separata specie Corpus, & Sanguis, ut in neutra veniret anima, quæ à corpore, & sanguine realiter separata mansit in Limbo. Esset ergo victima non integra, quippe necessario carens anima, ratione cuius habet Christi humanitas qualitatem capitis homogenei in natura generis respectu Angelorum, ut docet S. Thomas quæst. 8. art. 3. ex quibus omnibus conficitur, Apostolos non solum ex defectu Sacerdotis principalis, sed etiam ex defectu integræ victimæ non habuisse potestatem ad offerendam pro illo triduo.

Sed quoniam illa hypothesis tolerari à Theologis solet ad indagandam aliquam veritatem: Esto habuerint etiam pro illo triduo potestatem, & obulerint Sacrificium; unde probat P. Vasquez in eo euentu Sacrificium illud oblatum æqualis valoris, ac impetrationis futurum fuisse cum eo, quod modo in Ecclesia offertur; immò ex nostra doctrina manifesta consurgit ratio, ob quam illud multo minoris valoris, & impetrationis fuisset; licet enim utrobique res oblata, fuisset infiniti valoris, quia non minus humanitas, quæ nunc est integra victima nostri Sacrificij, quam corpus, & sanguis sine anima, quæ fuisset victima illius alterius Sacrificij subsisteret in eadem persona infinita Verbi Divini, tamen ut rectè notat Bellarminus lib. 2. cap. 4. Sacrificium propriè non consistit in re oblata, sed in illius oblatione: Sacrificium enim est actio non res permanens, ut patet ex illius definitione. Ad indagandum ergo, an duo Sacrificia sint eiusdem valoris, oportet videre, an oblatio utriusque sit eiusdem valoris: porò in Sacrificio illius tridui valor oblationis non potuit esse nisi finitus, quia cum Primogenitus omnis creaturæ mortuus esset, non erat in Mundo Sacerdos in cuius persona posset Minister offerre. At verò quia in nostro Sacrificio Sacerdos Christus adest, qui ex nostra sententia proximè, & actu offert; hinc est, ut ex oblatione Christi principali, & nostra ministeriali integretur vna totalis oblatio continens valorem infinitum. Quare falsum est, quod iterum assumit P. Vasquez, actum Christi nunc esse superfluum, quia non deseruiret ad valorem impetrandi infinitum: nam quamvis Christus nunc non sit in statu neque merendi de nouo, neque satisfaciendi, est tamen in statu de nouo impetrandi, quo fit ut illa noua oblatio actualis Christi afferat quotidiano Sacrificio nouum semper valorem infinitum; & ratione illius, Sacrificium nostrum omnino æquale sit Sacrificio quod Christus ipse in Cæna obtulit, iuxta id, quod docet S. Chrysost.

Homil. 2.

XXXVIII.  
*Sacrificium in  
triduo mortis  
esset minoris  
valoris.*

Homil. 2. in Epist. 2. ad Timoth. Sacra ipsa oblatio cuiusvis meriti Sacerdos illam offerat; eadem est, quam dedit Christus; *nihil habet ista quàm illa minus.* Nota, quod non dicit Chrysostomus, sacra ipsa res oblata, sed sacra ipsa oblatio, in qua propriè Sacrificium consistit; & de oblatione sic accepta ait: *Nihil habet ista, quàm illa minus.* Quod si ab oblatione hac nostra auferatur pars actualis oblationis Christi, ut vult P. Vasquez, profectò multum habet ista, quam illa minus; sed de valore nostri Sacrificij instituetur disputatio inferius ex professo. Ex qua noua desumi poterunt argumenta ad hoc ipsum quod hic statuimus probandum, & consuevandum.

## QVÆSTIO OCTAVA.

*Utrum Christus per preces, quæ in Missa sunt  
Mediatorem agat.*

- I. *Affertio & explicatio.*
- II. *Probatur ex officio Sacerdotis.*
- III. *Christus ubicumque obtulit, etiam orauit.*
- IV. *Oravit in Cruce.*
- V. *Oravit in Cœnaculo.*
- VI. *Coniunctio Sacrificij cum Oratione.*
- VII. *Efficientia propria Sacrificij.*
- VIII. *Christus in Altari non solum per Ministrum, sed cum Ministris orat.*
- IX. *Impetratio Sacrificij est infallibilis.*
- X. *Quomodo semper aliquid impetrat.*
- XI. *Quomodo Oratio in Cruce fuit infallibilis.*
- XII. *Quomodo Sacrificium impetrat infallibiliter temporalia.*
- XIII. *An Oratio fuerit coniuncta cum Sacrificio Christi pro statu tantùm Viatoris.*
- XIV. *An & quomodo negotium salutis fuit à Christo consummatum.*
- XV. *Christus tempore vite tantùm meruit.*
- XVI. *An Christus meruerit in instanti mortis.*
- XVII. *Sanguis Christi adhuc funditur in remissionem peccatorum.*
- XVIII. *Sacrificium Missæ propitiatorium pro peccatis.*
- XIX. *Christus principalis offerens.*
- XX. *Christus nunc orat non merendo sed exigendo.*
- XXI. *Non orat ex necessitate.*
- XXII. *Cur Christus pro nobis nunc orat.*
- XXIII. *Prima ratio ex parte Dei.*

XXIV. *Oratio imminutionis in Sacrificio.*

XXV. *Secunda ratio ex parte Christi.*

XXVI. *Tertia ratio ex parte nostra.*

XXVII. *Ecclesia non solum orat ipsa propter Christum, sed etiam per Christum.*

XXVIII. *An possimus dicere: Christe ora pro nobis.*



EXTORQUET hanc à me questionem Simeon Thessalonicensis Episcopus de Mysteriis Ecclesiæ cap. 45. cuius testimonium refert noster Franciscus Turrianus lib. 8. Constitutionum Apostolicarum Clementis cap. 15. v. 5. Existimare, inquit, Christum per preces, quæ in Missa fiunt semper Mediatorem agere, plenum est blasphemia, & absurditate & quidem huius ego Authoris verba non magni facerem, cum noverim suspectæ fidei fuisse apud Catholicos, qui controuersias contra Orientalem errores ediderunt, ut testatur de Lugo disput. 19. de Sacram. Sect. 7. tamen quia illius tum auctoritatem, tum sententiam, tum verba acriter tuetur P. Vasquez, qui nec paucos, nec ignobiles suæ habere solet sententiæ Sectarores; ideo nos, ne quid ad nostrum Institutum pertinens negligamus, hanc astruimus assertionem.

*Christum in Altari per preces quæ in Missa fiunt agit actu Mediatorem.*

I.  
*Assertio, & explicatio.*

Quamvis multipliciter mediatio sumi possit, unde plenum Mediatoris Officium explicatur, hoc tamen loco eius significationem, & acceptionem restringimus ad mediationem illam, quæ propriè fit orando, & supplicando vni parti pro altera. Quæ etiam mediatione Christum esse nostrum Mediatorem ex pluribus Scripturæ locis constat, & præcipuè ex 1. Canon. S. Ioannis cap. 2. ubi dicitur. *Aduocatam habemus apud Patrem*, hoc est obsecratorem, & Mediatorem seu intercessorem. Hæc enim est maxime propria significatio illius vocis, ait P. Suarez disp. 45. Sect. 2. & sola illa, Ioannis intentioni quadrat; excitat enim, & animat peccatorem, quoniam Aduocatum habeat apud Patrem Iesum Christum iustum, quam vim probè intelligens S. Cyprianus Epist. 8. Habemus, inquit, Aduocatum, & Deprecatorem Iesum Dominum Deum nostrum. Loquendo ergo de hac mediatione, dicimus Christum illam nunc in Missa exercere, & quidem per preces, quæ in ea fiunt, eas videlicet pro nobis offerendo. Probamus autem hoc pacto.

II.  
*Probatur ex officio Sacerdotis.*

Christus in Altari agit verè, & propriè Sacerdotem; ergo etiam per preces, quæ in Missa fiunt agit verè, & propriè Mediatorem. Antecedens vltro admititur ab Aduersariis. Consequentiam probò tripliciter. Et primo ex connexionem huiusmodi mediationis per preces cum officio Sacerdotis iuxta doctrinam S. Thomæ quæst. 22. art. 1. ubi hæc habet: propriè, inquit, officium Sacerdotis est, esse Mediatorem inter Deum, & populum, in quantum scilicet Diuina populo tradit, & in quantum præter Sacrificium, preces populi Deo offert. Nominem autem precum populi, primo, & potissimo loco intelliguntur preces, quæ fiunt in Missa, quæ sunt preces publicæ Ecclesiæ, seu populi Christiani, cuius videlicet Sacerdos, & Mediator est Christus. Porro est tanta connexio inter esse



hoc modo Mediatorem, & Sacerdotem, vt non aliunde Christus ex officio sit Mediator, nisi quia ex officio est Sacerdos. Ideo Augustinus Præfatione in Psal. 85, explicans, qua ratione Christus orat in nobis, & pro nobis. Orat, inquit, in nobis, vt Caput nostrum, vt *Sacerdos noster orat pro nobis*. Id, quod ante Augustinum dixerat Iustinus Martyr quæst. 105. ad Orthodoxos, vt *Pontifex*, inquit, *confessionis nostræ. Deum pro nobis interpellat*. Quæ doctrina sine dubio est Apostoli ad Hebr. 7. vbi vtriusque officij connexio, & consequentia denotatur illis verbis: *Sempiternum habet Sacerdotium, semper viuens ad interpellandum pro nobis*.

Secundo eandem consequentiam probō, quia vbiicumque Christus egit, verè, ac propriè Sacerdotem, egit quoque expressa oratione & supplicatione Mediatorem; ergo si in Altari agit quoque Sacerdotem, agit quoque per preces, quæ fiunt in illo verè & propriè Mediatorem.

Antecedens probatur recolendo duplex illud Sacrificium à Christo per se oblatum, Crucis, & Cœnæ. Et quidem Cardinalis Bellarminus lib. 2. de Septem verbis cap. 19. probat testimonium illud Apostoli ad Hebr. 5. quod Christus, in diebus carnis suæ, preces, supplicationesque cum clamore valido, & lacrymis obtulit, intelligendum esse de tempore quando in Cruce Sacrificium mortis suæ consummauit præcipuè ad illa verba. *Pater in manus tuas commendo spiritum meum*. Et quamvis S. Thomas ad Hebr. 5. referat eas preces, supplicationesque ad orationem in Horto, idem tamen S. Doctor in Comment. super Epist. Iacob. cap. 4. illas agnoscit in Cruce, ibi enim docet Christum quater fleuisse. Primum in Infantia instar aliorum Infantium; deinde cum Lazarum voluit à mortuis excitare, tertio super Ciuitatem Hierosolymam, postremò in Cruce iuxta illud, inquit, Hebr. 5. *Cum clamore valido & lacrymis*. Sed quidquid sit nunc de hoc testimonio certè ex Euangelista constat apertè, ab ipso introitu ad Altare Crucis, Pontificem nostrum preces obtulisse: *Iesum autem dicebat: Pater dimitte illis* Luc. 22. Super quæ verba idem Bellarminus lib. 1. cap. 1. cum explicuisset inter inimicos, nos etiam omnes fuisse, dicente Apostolo. Rom. 5. *Cum inimici essemus, reconciliati sumus Deo per mortem Filij eius*. Itaque, inquit, nos omnes, etiam antequam nati essemus, numerati sumus in Sacratissimo illo *Memento*, vt sic loquar, quo Summus Pontifex Christus orauit in Missa illa Sacrosanctissima, quam in Ara Crucis peregit.

Hoc idem, quod proposuimus patuit in Sacrificio Cœnæ, in quo cum oblatione sui Corporis, & Sanguinis, obtulit etiam preces, supplicationesque, ideo sub initium illius Sacrificij quando accepit panem in sanctas, & venerabiles manus suas, oculos eleuauit in Cælum, vt constanter asserunt S. Iacobus in sua Liturgia, & S. Ambrosius lib. 4. de Sacramentis cap. 5. & ex Ecclesiæ traditione est manifestum. Quod autem oculos, ad preces potissimum offerendas, eleuauerit, vel ex eo cognoscere licet; quod quoties illos eleuauit, semper ad aliquid pro nobis impetrandum eleuauit, & semper aliquid ad Patrem dixit, Ioan. 11. *Iesus autem eleuatis sursum oculis dixit, &c.* & Ioan. 17. *Hac loquutus est Iesus, & subleuatis oculis in Cælum dixit, &c.*

Tertio probatur eadem consequentia ex natura ipsa Sacrificij, quæ petit, vt adjungatur orationi: vt quisquis Sacrificium offert, eo modo, quo illud offert,

III.

Christus vbi-  
cumque obtu-  
lit, etiam ora-  
uit.

IV.

Orans in Cru-  
ce.

V.

Orans in Cæ-  
naculo.

VI.

Coniunctio Sa-  
crificij cum  
oratione.



orare debeat pro iis, pro quibus offert. Et ratio est, quia Sacrificium etiam quatenus offertur à Christo, non solum est Holocaustum, quod etiam Latreuticon, & honorarium dicitur, cuius finis est solus Dei cultus, atque honor, neque solum Eucharisticum, hoc est oblatum ad agendas gratias pro beneficiis acceptis, sed quod Hæretici nostri temporis mordicus negant, & Catholica semper docuit Ecclesia, est verè propitiatorium, & impetratorium, quod etiam definiuit Tridentinum Sess. 22. can. 2. ubi docet, Sacrificium Missæ non solum propitiatorium esse pro pœnis, sed etiam pro culpis, nec solum pro culpis leuibus, sed etiam pro grauib. Præterea non solum impetratorium esse spiritualium beneficiorum, sed etiam temporalium, & idcirco offerri posse, vt de facto offertur pro peccatis, pro pœnis, & pro quibuscumque aliis necessitatibus. Porro vt docet Bellarminus lib. 2. cap. 4. propria efficientia Sacrificij, etiam vt à Christo offertur, est ad modum orationis impetrare, immò vt rectè ille obseruat, hoc est maximum discrimen inter Sacrificium Missæ, & Sacrificium Crucis, quatenus à Christo vtrumque oblatum est, nam Sacrificium Crucis non solum fuit impetratorium, sed verè, & propriè meritorium, & satisfactorium; quia Christus tunc mortalis erat, & mereri, ac satisfacere poterat: At Sacrificium Missæ propriè solum est impetratorium, quia Christus nunc immortalis nec mereri, nec satisfacere potest. Quare ait Bellarminus, cum dicitur Sacrificium esse propitiatorium, vel satisfactorium, vel meritorium, id intelligendum est ratione rei, quæ impetratur, vt si impetret remissionem culpæ, dicatur propitiatorium; si impetret remissionem pœnæ, dicatur satisfactorium; si denique impetret gratiam benefaciendi, & meritum acquirendi dicatur meritorium. Cum ergo tota vis Sacrificij, etiam prout offertur à Christo, sit per modum impetrationis, natura ipsa talis Sacrificij postulat, vt ad suum consequendum fructum conjungatur orationi. Atque adeo si Christus in Altari agit verè Sacerdotem, agit quoque vera, ac propria oratione Mediatorem. Quare concludimus, preces, quæ in Missa fiunt, non solum fieri ab Ecclesia, sed etiam, & quidem principalius à Christo, neque à Christo per Ministrum tantum, sed etiam cum Ministro, vt sicut Christus non solum per Ministrum, sed ipsemet cum Ministro offerenti proximè, & actu offert, ita cum eodem orante, tanquam Ministro, quod sit per preces Missales, proximè etiam, & actu oret.

At inquirunt, Si Christus hoc modo in Altari Mediatorem ageret, & pro peccatoribus per preces, quæ in Missa fiunt, offerendo oraret, esset sine dubio talis oratio impetrationis infallibilis, atque adeo omnes peccatores acciperemus donum pœnitentiæ, quod tamen ab experientia est falsum. Et idem argumentum fieri potest de cæteris temporalibus beneficiis, pro quibus impetrandis preces publicæ in Missa fiunt.

**VII.**  
*Efficientia propria Sacrificij.*

**VIII.**  
*Christus in Altari non solum per Ministrum, sed cum Ministro orat.*

**IX.**  
*Impetratio Sacrificij est infallibilis.*

Verè negari non potest, preces, quæ in Missa fiunt, vt à Christo offeruntur, vim habere infallibilem, eo quod placeant ex bonitate offerentis, & postulantis Christi, quasi ex opere ipsius operantis. Immo hoc est primarium opus operatum in Missa habens annexam impetrationem infallibilem. Vnde doctè dixit Bellarminus, quod est opus operantis respectu Christi, esse opus operatum respectu Ministri. Et ideo ex opere operato Missam etiam in genere causæ impetratoriæ esse infallibilem, quod videtur docere Tridentinum Sess. 22. cap. 2. dum

ait, ideo per hoc Sacrificium remitti peccata etiam ingentia, quia non solum est eadem hostia, sed & idem offerens, qui fuit in Sacrificio Crucis, ex quo apparet totam infallibilitatem refundi ad oblationem Christi in hoc Sacrificio factam sicut in Cruce.

Ad argumentum ergo in contrarium ab experientia ductum insistendo vestigiis eiusdem Bellarmini lib. 2. cap. 5. Respondemus, Sacrificium, & preces cum pro peccatoribus offeruntur, infallibiliter impetrare nouum, ac certum auxilium Diuinum, quo peccatores ad penitentiam perducantur, sed illud auxilium variè operari pro varia hominum dispositione. Nam si is, pro quo Christus Missam offert, & orat, dispositus est ad contritionem, efficitur in illo vi noui auxilij, contritio, quæ propriè donum penitentiae est; si verò non sit dispositus, efficitur in illo homine noua quædam dispositio, sed quæ sine suo frustrabitur, si ille ex arbitrij libertate vocationem Dei rejiciat. Itaque non est mirum, ait Bellarminus, si peccatores non semper conuertantur, pro quibus Missæ Sacrificium offertur, cum tamen sine dubio semper iuuentur. Atque hæc quidem responsio vera est, & planè conformis doctrinæ communi. De infallibilitate impetrationis Sacrificij cruenti, & orationis factæ à Christo in Cruce, idem enim argumentum contra illam orationem fieri potest. Quomodo fuit infallibilis Collecta illa, quando pro inimicis offerendo orauit, *Pater dimitte illis*? Dicendum est, & illam orationem fuisse impetrationis infallibilis modo superius explicatio. Vnde multis per illius orationis meritum, data est à Deo gratia compunctionis, & resipiscentiæ, inter quos illi sunt, qui *reuertebantur percutientes pectora sua* Luc. 13. & Centurio, qui dicebat: *verè Filius Dei erat iste*, & plurimi, qui paulo post ad Apostolorum prædicationem conuertebantur, & confitebantur quem negauerant, & adorabant quem despexerant. Ex quo manifestum fit non esse necessarium, vt effectus Sacrificij nostri continuò existat, sed solum, vt Deus auxilium, & gratiam det quando ipsi opportunum videbitur.

Hinc patet etiam responsio ad id, quod addebatur de temporalibus beneficiis, plures enim possunt esse causæ, ait Bellarminus, cur non continuò obtineantur, licet infallibilis sit efficacia Sacrificij, nam vel ea Deus non largitur, quia non esse vtilia ad salutem æternam intelligit, atque adeo non esse absolute beneficia; vel differt, vt opportuniore tempore illa concedat. Cæterum semper iuuat, & aliquod impetrat Sacrificium, quod omnes tenentur dicere de oblatione, & oratione illa facta in Cruce, cuius verbum illud, *dimitte*, non solum referebatur ad peccata, sed etiam ad pœnas, non solum æternas, sed etiam temporales, quomodo fuit infallibilis impetratio pro liberatione pœnæ temporalis? Fuit planè secundum ordinem Diuinæ prouidentiae. Et quidem cum mererentur Iudæi propter admissum Deicidium statim grauissimè puniri, dilata fuit pœna tanti peccati ad annos quadraginta ex vi orationis Christi; & si interim gens illa penitentiam egisset, salua, incolumisque mansisset. Et sanè ratio persuadet, quod si oblatio, & oratio pro peccatis dimittendis infallibiliter valet modò explicato, etiam pro aliis necessitatibus, quæ ex peccato ortæ sunt valent, eodem modo, si verè beneficium sit iis ipsis, pro quibus oratur, quod diuinitus interdum patefactum est, nam S. Gregorius Homil. 37. in Euang. & Beda 4. lib. Histor. Angliæ cap. 22. scribunt, cum Sacrificium Missæ offerretur pro homine captiuo

X.  
Quomodo semper aliquid impetrat.

XI.  
Quomodo Oratio in Cruce fuit infallibilis.

XII.  
Quomodo Sacrificium impetrat infallibiliter temporalia.

in alia Regione posito & ignorante quid pro se fieret, eius vincula diuinitus soluebantur ipsa hora Sacrificij. Sed an bona temporalia sint fructus huius Sacrificij certi, & infallibilis examinabimus libro sequenti.

## XIII.

*An Oratio fuerit  
conjuncta  
cum Sacrificio  
Christi pro  
salutem  
tantum  
Vian-  
toris.*

Contra positam assertionem objici potest, mediationem istam per preces videri conjunctam cum officio Sacerdotis, non pro quocumque statu, sed pro statu Viatoris. Vnde ex eo quod Christus nunc in Altari agat Sacerdotem, non sequitur agere hoc modo Mediatorem. Et fundamentum huius responsionis esse potest, quia Sacrificium conjungitur orationi ad finem impetrandi, & obtinendi aliquid quod adhuc non habetur, & possidetur, hic est enim finis orationis. At Christus sua oblatione, & oratione facta in Cruce obtinuit quidquid ad nostram salutem pertinet posset per totam æternitatem obtineri; ergo cessat nunc tota ratio, cur Sacrificium debeat cum oratione conjungi. Quod verò Christus omnia ad salutem pertinentia nobis in Cruce obtinuerit, patet ex Apostolo ad Heb. 9. ver. 12. *Christus per proprium sanguinem introiit semel in sancta æternæ redemptionis inuenta*, ex quo loco sic argumentatur P. Vasquez, & post illum Martinus Becanus. Nemo re inuenta orat pro illa, ut inueniat, sed potius gratias agit, quod inuenierit: At Christus in Cælo existens inuenit nostram redemptionem, quam in hac vita desiderabat; ergo non orat nunc pro nostra redemptione; tamen in hac vita existens pro illa orauerit; cumque nomine redemptionis significetur omnia, quæ pertinent ad nostram salutem, sequitur quod Christus pro nulla re ad salutem nostram pertinente nunc orat.

## XIV.

*An, & quomodo  
negotium  
salutis suis à  
Christo con-  
summatum.*

Vt nulla argumentum respondeamus, vnum ex Scripturis animaduertimus; negotium videlicet salutis æternæ, quod est opus Christi, dici posse perfectum, & consummatum, & dici etiam posse, nondum perfectum, & consummatum. Et quidem quod negotium salutis nostræ perfectum sit, & consummatum, patet primo ex testimonio eius, qui illud perfecit, & consummauit, nam cum huiusmodi negotium illa duo opera includat, quæ injunxerat filio Pater, *Vnum prædicationis, Alterum Passionis*, utrumque opus, testatus est ipse, nam absoluta vltima illa, & longissima concione habita ad Discipulos post Cœnam, pridie quam moreretur, de hoc priori opere Prædicationis dixit Ioan. 17. *Opus consummaui quod dedisti mihi ut facerem, manifestaui nomen tuum hominibus*: de posteriore autem opere, quod erat Sacrificium ipsum humanæ redemptionis, atque Caput inclinaret, & traderet spiritum, dixit: *consummatum est. Quod* perinde fuit ac dicere. Vtrumque opus consummaui, quod dedisti mihi, ut facerem; manifestaui nomen tuum hominibus, & ecce quod restabat pro iisdem hominibus tradens me ipsum oblationem, & hostiam, emitto spiritum. Atque hoc modo vniuersum nostræ salutis negotium consummatum est.

Hoc idem patet secundo. Ex pluribus testimoniis Apostoli præcipue ad Hebræos cap. 10. *Vna enim oblatione consummauit in æternum sanctificatos. Et rursus. Nam pro peccatis offerens hostiam in sempiternum sedet in dextera Dei. De cætero expectans donec ponantur inimici sub pedibus eius.* Et alibi.

## XV.

*Christus tem-  
pore vite san-  
cti meruit.*

Tertio ex doctrina communi omnium Theologorum, qui docent, Christum Dominum comprehensum fuisse illa generali lege à Deo statuta, ut tempus operis cuiuscumque seu meriti, sit tempus vitæ, ad quod insinuandum plures Patres citati à P. Suarez disput. 39. Sect. 3. exponunt verba illa Christi Ioan. 9.

*Me oportet operari opera eius, qui misit me donec dies est, vanis nox quando nemo potest operari. Quo in loco per noctem interpretantur mortem, post quam nemo meritorie operari potest: & cum Christus loqueretur de se ipso, se ipsum sub negatione vniuersali comprehendisse apud deducunt. Et sanè ait P. Suarez, quod Christus Dominus ab instanti mortis suæ nihil amplius vltra, neque sibi, neque nobis meruerit, est ita certum, vt sine temeritate in dubium reuocari non possit. Propterea tanquam indubitatum semper illud supponit S. Thomas, vt quæst. 19. art. 2. ad 1. vbi ait: Et ideo quia nunc non est Viator, non est in statu merendi; & quæst. 56. & 57. vbi ait: Resurrectionem, & Ascensionem Christi, esse causam resurrectionis, & ascensionis nostræ, sed non per modum meriti: immò cum instans ipsum mortis sit extrinsecum viæ, & vitæ, atque adeo omni merito, docet S. Thomas quæst. 50. art. 6. Christum redemisse nos per mortem, vt est in fieri non vt est in facto esse. Ex quo colligit P. Suarez, Christum in instanti mortis non meruisse, sed cum vita terminatum esse meritum, eodem modo, quo ipsam vitam, quamuis quod pertinet ad formam loquendi, non displiceat mihi distinctio illa Caietani, videlicet, mortem in facto esse, sumi posse dupliciter. Vno modo secundum se solam, alio modo, vt terminat fieri, & mors quidem ait Caietanus, vt terminat fieri cadit sub merito vno, & eodem, sub quo cadit suum fieri; & sic mors Christi fuit meritoria; sed quicquid sit de modo philosophandi circa instans mortis, & vtrum homo moriatur per vltimum sui esse, an per primum sui non esse, tenendum ab omnibus est post mortem vtcumque explicatam, Christum nihil amplius meruisse, atque adeo totum salutis nostræ negotium in vita, & in statu Viatoris consummasse.*

Ex altera verò parte ex iisdem fontibus Scripturarum, & Patrum peti possunt argumenta, quibus rectè dicitur, negotium nostræ salutis, quod opus Christi fuit nondum esse perfectum, & consummatum.

Satis sit testimonium ipsius Christi in institutione Sacrificij sui ad verba formæ Calicis. Sic enim habet Matthæus 26. *Hic est enim Sanguis meus novi Testamenti, qui pro multis effundetur in remissionem peccatorum.* Si illud effundetur restringitur ad effusionem in propria sanguinis specie mox futuram in Cruce, argumentum ex hoc loco erit nullum: verum si eius significatio ampliatur ad effusionem Sanguinis Christi, etiam in aliena specie consummandam vsque ad finem Mundi, idque vt expressè dicitur in remissionem peccatorum habebit argumentum non leue robur, & vim. Porro hanc vocem cum ea ampliatione esse accipiendam, ostendimus fusè libro primo pluribus testimoniis, & argumentis; quomodo autem est verum Christi Sanguinem in Altari vsque ad consummationem sæculi effundendum in remissionem peccatorum, si opus nostræ salutis, & remissionis peccatorum consummatum in Cruce fuit? Urget hoc argumentum, quia vt supra monuimus, Sacrificium quotidianum, prout à Christo offertur, est maximè propitiatorium pro peccatis nostris. Quare dixit Augustinus quæst. 57. in Leuit. in multis Sacrificiis, quæ pro peccatis offerebantur, vnum hoc nostrum Sacrificium significatur, in quo vera sit remissio peccatorum. Et Serm. 11. de Sanctis, de Altari loquens, ibi inquit, pro peccatoribus Christi sanguis effunditur, & lib. 10. de Ciuitat. cap. 25. scribit, Sacrificium pro peccato offerri in Ecclesia vsque in diem Iudicij, sed non vltius, quia

## XVI.

*An Christus memorie in instanti mortis.*

## XVII.

*Sanguis Christi adhuc funditur in remissionem peccatorum.*

## XVIII.

*Sacrificiū Missæ propitiatorium pro peccatis.*



post eum diem non erunt, quibus peccata remitti possunt.

Ex quibus contra Aduersarios illud conficitur, vel pro remissione nostrorum peccatorum posse adhuc Christo offerri preces in Missa, aut neque Sacrificium ipsum ab eo offerri posse in remissionem peccatorum. Et quidem P. Vasquez videtur mihi cohærenter procedere, negando non solum nouam orationem, sed etiam nouam oblationem ex parte Christi; vnde ait: quod sicut nunc cessat ab omni oratione, ita ab omni oblatione. Cæterum quàm tutè hoc dici possit, aliis definiendum relinquo. Certè Tridentinum Sess. 22. cap. 1. & 2. apertè docuit eundem Christum, qui in Cæna, & in Cruce obtulit, esse in hoc mysterio principalem offerentem, ideoque propter Ministrorum offerentium iniquitatem, mundam hanc oblationem inquinari non posse; quod etiam ex vniuersalissima Patrum traditione confirmatur; nam Augustinus 4. de Trinit. cap. 7. & 14. & lib. 2. de Ciuit. cap. 2. Christus ipse offerens, ipse & oblatio, cuius rei Sacramentum quotidianum esse voluit Ecclesiæ Sacrificium. Ambros. lib. 1. Offic. cap. 48. & super Psal. 38. Ipse offerre manifestatur in nobis, cuius sermo sanctificat Sacrificium, quod offertur. Chylost. 34. in Matth. qui tunc in illa Cæna confecit, ipse nunc quoque operatur: & in Liturgia: ipse est, qui offert, ipse qui offertur. Tandem Ambrosius loco superius citato de Officiis: Offert, inquit, Christus se ipsum, quasi Sacerdos, vt peccata nostra dimittat. Si ergo Christus nunc pro statu hoc, vt Sacerdotem decet pro hominibus constitutum vt offerat dona, & Sacrificia pro peccatis, offert se ipsum, vt ait Ambrosius pro remissione peccatorum, cur non possit pro eorundem remissione orare, & supplicare, præsertim, quod eodem modo Patres loquuntur de vtroque officio retento sibi à Christo, etiam post mortem vsque ad consummationem sæculi.

Propter hæc existimo ab omnibus admittendam esse distinctionem allatam à P. Suarez disp. 39. in 3. par. Sect. 3. de duplici Oratione, altera, qua aliquis petit merendo, altera qua petit veluti exigendo. Christus ergo non orat nunc, vt per ipsam orationem faciat sibi deberi rem, quam postulat; nam per mortem acquisiuit plenum ius, ac perfectum ad omnia præmia. Sed potius tanquam exigens, quod aliàs titulo Iustitiæ sibi iam est debitum. Itaque ait P. Suarez, illa oratio nititur præcedentibus meritis, non denuò meretur, sicut inter homines, quando quis petit mercedem suam, quam promeruit, non ideo petit, vt illam mereatur, sed vt illam exigit ex meritis præcedentibus. Addo quod hoc ipsum, quod orat exigendo, non est necessitate, sed ex ipsa Christi voluntate, conjuncta cum plenissima potestate.

Quod si petas, cur Christus hoc etiam modo petat, & habet hanc voluntatem, si aliunde habet omnem potestatem, & possit pro arbitrio de omnibus disponere dicente ipso: *Data est mihi omnis potestas in Cælo, & in terra.* Matth. 28. Nam si Rex daret filio suo omnem potestatem temporalem in aliqua Prouincia, profectò non opus esset, vt filius oraret Regem pro aliquo negotio temporali ad illam Prouinciā pertinente. Quod igitur nulla intercedente necessitate adhuc velit Christus eo modo ad Patrem recurrere, illumque deprecari, reddenda aliqua ratio est talis voluntatis.

Reddam ego quidem libentissimè, sed moneo ab Aduersariis etiam suo modo esse reddendam. Nam esto Christus non oret expressè petendo, & rogando pro nobis,

## XIX.

*Christus principalis offerens.*

## XX.

*Christus nunc orat non merendo, sed exigendo.*

## XXI.

*Non orat ex necessitate.*



nobis, certè orat saltem, vt aiunt, interpretatiuè humanitatem suam, quam pro nobis assumpsit representando; nam quod saltem hoc posteriori modo pro nobis interpellat, & oret, euidenter ostendunt Scripturæ loca, nisi velimus ea violentissimè detorquere; & ideo tanquam indubiatum supponit S. Thomas lect. 4. super Epist. ad Hebræos cap. 7. duplicem illum modum interpellationis: Interpellat, inquit, pro nobis, primo humanitatem suam, quam pro nobis assumpsit representando: Item sanctissimæ animæ suæ desiderium, quod de salute nostra habuit, exprimendo. Posito ergo quod aliquo tandem modo verè interpellat; quæro ab Aduersariis: Est-ne huiusmodi interpellatio, necessitatis, an voluntatis? Quod si est voluntatis, vt omnino dicendum est, tenemur omnes huiusmodi amantissimæ voluntatis causas indagare.

Sunt autem illæ potissimum tres. Prima ex parte Dei, qui oratur. Altera ex parte Christi, qui orat. Tertia ex parte hominum, pro quibus ea fit oratio, & intercessio.

Et prima quidem ex parte Dei; nam oratio est cultus Religionis Deo debitus, pertinet autem ad honorem Dei, vt supremæ eius cultor, qui est Christus primogenitus omnis creaturæ, omnibus actibus Religionis eum colat, qui nullam includunt imperfectionem repugnantem, aut Diuinitati, aut Beatitudini Christi. Constat autem, orationem neque repugnare Christo, eo quod Deus est, aliàs neque in hac vita vnquam orasset; neque eo quod Beatus, & comprehensor est, aliàs neque alij Beati orarent. Atque huc refero quod docet P. Lessius de Prædestinatione Christi Sect. 3. Vbi cum descripsisset amplissimam, & absolutissimam Christi potestatem; nec obstat, inquit, quod ille dicatur interpellare pro nobis, & esse noster Aduocatus apud Patrem, hoc enim non est necessitatis, sed humilitatis. Delectatur enim se subicere Patri, & ab eo petere, vt fiat, quod per se facere posset: Sicut si Gubernator supremus Regni habens plenam potestatem, multa nolle facere, nisi petita venia à Rege, vt hac ratione declaret reuerentiam, qua Regem prosequitur, & suam subiectionem. Quod si hæc interpellatio humilitatis non dedecet Christum Regnatorem agentem in Cælis, quanto minus illum dedecet cultorem, & adoratorem agentem in Altari: Vnde mirandum est Patrem Vasquez tantam vim facere in eo, quod si intercessio Christi esset intercessio orationis, esset intercessio imminutionis: quamuis enim daremus, Christum prout existit in Cælo dedecere intercessionem imminutionis, quod ex verbis Chrysostomi Homil. 15. ad Romanos P. Vasquez probare contendit, certè non dedecet Christum in Altari, vbi ex supremo cultu Latriæ erga Patrem, cum in forma viuientis, & regnantis in Cælo sit, semetipsum exinauit, formam non viuientis accipiens. Ex quo habes responsionem ad Patres, qui videntur negare Christum nunc fundere seruilem, & supplicem orationem, vt in primis est Nazianzenus Orat. 36. vbi ait: Aduocatum habemus Iesum, non se nostra causa ad Patris pedes aduoluentem, seruilique modo abicientem; nam quidquid sit de Oratione Christi, vt existentis, & sedentis in propria specie, & in suo esse naturali, & humano ad dexteram Patris in Cælo, de quo tantum fit disputatio, negari non potest aliam esse rationem in Altari, vbi nouum quemdam accipit statum sub specie aliena in protestationem Diuinæ Majestatis, & creaturæ inferioritatis, quæ est protestatio solemnisi & propria Sacrificij.

XXII.

*Cur Christus  
pro nobis nunc  
orat.*

XXIII.

*Prima ratio ex  
parte Dei.*

XXIV.

*Oratio imminutionis in Sacrificio.*

**XXV.** Secunda ratio, quæ est ex parte Christi, illa est, quia vult implere munus perfecti Pontificis, ad cuius officia pertinet orare pro populo, quam rationem tetigit Iustinus Martyr quæst. 105. ad Orthodoxos. Si superatis, inquit, Resurrectione, infirmitatibus carnis, ut Pontifex confessionis nostræ, Deum pro nobis interpellat, nonne magis cum adhuc subjaceret infirmitati carnis, &c. quam rationem merito non contemnendam admonet P. Suarez. Petitur enim à munere Sacerdotis, ad quem pertinet pro suis orare, ut colligitur ex Apostolo ad Hebr. 5. Cum ergo Christus vsque ad consummationem sæculi munus pro nobis Sacerdotis, & Pontificis exercere velit, non est mirandum si velit etiam pro nobis intercedere præsertim in actu Sacrificij sui.

**XXVI.** Tertia tandem ratio ex parte nostra, quia scilicet nos per Christum, accessum habemus ad Deum; nam sicut quia Christus Sacerdos noster est, per ipsum, tanquam per Pontificem nostrum offerimus Sacrificium, ut clare docuit S. Irenæus lib. 4. contra Hæres. cap. 32. *Per Iesum Christum offert Ecclesia*, ita quia idem Christus est Caput nostrum, per ipsum etiam, ut per intercessorem nostrum, orationes, & preces offerimus. Quod sanè ex ipsa nostra Liturgia non obscure constat: dicimus enim in ipso sacri Canonis Exordio: *Per Iesum Christum Filium suum supplices rogamus, ac petimus*; utique tanquam per nostrum Caput, & Os, in eo sensu, quo præmium immediatè ante fuerat: *per quem Majestatem tuam laudant Angeli*, ut sicut Angeli gaudentes esse de corpore mystico Christi, mediantes ipso, tanquam suo Capite, Deum laudant; ita nos eodem mediantes Christo, ob eandem rationem, quia nostrum etiam caput est, non solum gratias agamus, sed etiam supplices Deum rogemus, & obsecremus. Verè enim dignum, & iustum est, ut in publica, ac solemnissima Sacrificij adoratione, in qua per suum Summum, vnicumque Pontificem tota offert Ecclesia, per ipsum etiam supplex oret, & petat, ita ut sicut Caput est principale offerens, ita sit principale orans, & petens.

**XXVII.** Hoc planè fuit donum, quo ut egregiè differit Aug. in P sal. 85. Nullum maius præstare Deus potuit hominibus, ut nimirum verbum suum, per quod condidit omnia, faceret illis caput, & illos ei tanquam membra coaptaret, ut esset Filius Dei, filius Hominis, & vnus Deus cum Patre, vnus Homo cum hominibus, ut & quando loquimur ad Deum deprecantes, non inde filium separemus, & quando precatur corpus filij, non à se separet Caput suum, sicque vnus ipse Saluator corporis sui Filius Dei, qui, & oret pro nobis, & oret in nobis, & oretur à nobis: *Orat pro nobis, ut Sacerdos noster, orat in nobis, ut Caput nostrum, oratur à nobis ut Deus noster.* Agnoscamus ergo, & in illo voces nostras, & voces eius in nobis. Hæc Augustinus.

**XXVIII.** Ex quibus omnibus illud etiam fit manifestum non esse per se illicitum orare Christum, ut pro nobis oret. Est quidem laudabilis Ecclesiæ consuetudo, & planè custodienda, qua non dicit in Orationibus publicis Christo, ut Sanctis cæteris: Ora pro nobis, sed potius, audi, & exaudi nos, tum ad vitandum errorem Arrij, & Nestorij, tum quia Oratio simpliciter loquendo, dirigitur ad personam, quæ est Diuinum suppositum, cuius non est petere, sed donare. Cæterum ut rectè P. Suarez disput. 45. Si quis sciat rationes distinguere, & considerare Christum ut hominem in Cælo orantem, & pro nobis sua merita Patri repræ-

sentantem, non erit illicitum, neque indecorum ab illo postulare, ut suæ orationis non participes efficiat, & efficacem suorum meritorum applicationem nobis obtineat, nostramque orationem suæ conjunctam Patri offerat.

## QVÆSTIO NONA.

*Vtrum omnia, quæ in Missa dicuntur & fiunt accipi possint tanquam dicta, & facta principaliter à Christo.*

- I. *Explicatur sensus questionis.*
- II. *Sacerdos in Altari est pro Christus.*
- III. *Eadem est persona Christi, & Ecclesia.*
- IV. *Caput, & corpus unus Christus.*
- V. *Corpus mysticum Christi est sicut unus idemque homo.*
- VI. *Caput, & membra una persona.*
- VII. *Ratio nostra sententia.*
- VIII. *Omnia in Missa possunt accipi, aut in persona Christi, ut Cap. nostri, aut in persona nostra ut membrorum Christi.*
- IX. *Oratio Capitis ex persona membrorum suorum.*
- X. *Quædam dicuntur de Christo secundum proprietatem naturalem, quædam secundum proprietatem personalem.*
- XI. *Quæ conveniebant Christo Viatori secundum proprietatem personalem, conveniunt etiam nunc.*
- XII. *Verba, & actiones Liturgia eiusdem suppositi sunt Christi, & Ecclesia.*



**R**ATI O in contrarium esse potest, quia multæ sunt cæternitæ in sacra Liturgia, siue in verbis, siue in actione positæ, quæ si Christo attribuantur dedecere planè videntur, ipsius aut Majestatem, aut Sanctitatem; propter quod fortasse Simeon ille Thessalonicensis allatus à P. Vasquez disput. 225. dixit plenum esse blasphemiam, omnia, quæ in Missa fiunt, & dicuntur Christo tribuere, cuius blasphemiarum exemplum afferens P. Vasquez, & resumens verba Thessalonicensis: existimat igitur, inquit, plenum esse blasphemiam, Christo tribuere illam Orationem: *Supplicite rogamus Omnipotens Deus*, iube hæc perferti per manus Sancti Angeli tui, &c. Similescque alias, quæ super Sacrificium Deo offeruntur, ut ei acceptum sit. Novi communem doctrinam de tribus offerentibus, ut quædam à Sacerdote dicantur, *sui questionis.*

& fiant in persona Christi, quædam in persona propria, quædam in persona Ecclesiæ. Cæterum sensus præsentis quæstionis est, an omnia ita attribui possint Christo, tanquam summo, & primario offerenti, ut posset ipse per se, & immediatè celebrare iuxta ritum præsentem Ecclesiæ, tam quoad verba, quam quoad actiones, & circa præiudicium vllum propriæ, aut Sanctitatis, aut Maiestatis, totum Missæ officium peragere, eo prorsus modo, quo à Sacerdotibus nunc celebratur; ex quo si possit consequens erit, tamen illo modo immediatè non peragat, attribui tamen illi de facto posse tanquam summo, & primario celebranti omnia, quæ in Missa per Ministrum fiunt tanquam etiam facta cum ipso, ex qua, ut ita dicam, communione magna profecto dignitatis, & valoris accessio fiet toti Liturgiæ.

## II.

*Sacerdos in Altari est pro Christo.*

Et sanè si spectemus modum loquendi Patrum, videtur Sacerdos non solum in vna, aut altera, sed in tota Liturgiæ actione per modum vnus moralis operis agere Vicarium Christi, iuxta illud S. Cypriani Epist. 63. absolutè dicentis: Sacerdos in Altari vice Christi fungitur, vnde vestes Sacerdotales sunt vestes Christi, & in Altari, ut pluribus in locis loquitur S. Chrysostomus, Sacerdos non tam est Vicarius Christi, quam Christus. Quod si Sacerdos quæcumque facit, aut loquitur, agere potest ut Christus, poterit illud utique per se, & immediatè facere Christus ipse: quid si interdum hoc fecerit? quid si subinde visus in terris fuerit præsentis forma, ac ritu hoc suum iterare, ac peragere Sacrificium? Vide quæ congerit ex Nauciero, & aliis Cornelius à Lapide in cap. 8. Apocal.

## III.

*Eadem est persona Christi & Ecclesiæ.*

Verùm ut dubitationi initio factæ occurramus, & sententiam nostram affirmatiuam argumento Theologico robaremus, statuendum est hoc principium, Christum, & Ecclesiam subsistere moraliter in vna eademque mystica persona, & hypostasi, ad eum planè modum, quo corpus, & caput humanum subsistunt in eadem omnino persona, & hypostasi naturali, ut sicut non est diuersa persona capitis, & corporis naturalis, ita nec diuersa sit, sed planè eadem persona capitis, & corporis mystici, quod est Ecclesia.

Nititur hoc principium Doctrinæ Apostoli, qui pluribus in locis, sed præcipuè 1. Corinth. 12. dedit vno verbo vberem occasionem Augustino rem totam explicandi, & declarandi; loquens enim Apostolus de Corpore Ecclesiæ ex pluribus membris compacto. *Sicut enim*, inquit, *Corpus vnum est, & membra habet multa, omnia autem membra corporis cum sint multa, vnum tamen corpus sunt, ita & Christus.* Obserua hoc vltimum verbum, *ita & Christus*, ait August. lib. 1. de Peccatorum merito cap. 31. tom. 7. non dixit: *ita & Christi*, id est corpus Christi, vel membra Christi, sed *ita & Christus*, vnum Christum appellans caput, & corpus; id autem qua ratione intelligi possit explicat magis in Psal. 127. cap. 1. Multi, inquit, homines, & vnus homo, multi Christiani, & vnus Christus; ipsi Christiani cum capite suo, quod ascendit in Cælum, vnus est Christus, non ille vnus, & nos multi, sed & nos multi in illo vno vnum. Vnus ergo homo Christus caput, & corpus; intelligamus ergo vocem huius hominis in cuius corpore vnus sumus homo.

## IV.

*Caput, & corpus vnus Christus.*

Hoc principium arripuit S. Thomas, tanquam ad intelligendas Scripturas, & ad Theologicas veritates fundandas maxime necessarium, & ex illo plures intulit conclusiones: Nam 3. par. quæst. 48. art. 1. infert, Passionem Christi fuisse



causam nostræ salutis per modum meriti, quia, inquit opera Christi ita se habent ad Ecclesiam, sicuti se habent opera singularis hominis ad se ipsum. Manifestum est autem, quod singularis homo in gratia operans meretur sibi salutem. De qua consequentia loquens Caietanus: consequentia hæc, inquit, vt evidens per se relinquitur nota ex terminis, & verè sic est penetrantibus corpus mysticum Christi esse sicut vnum eundemque hominem. Rursum in eadem quaestione art. 2. ad 1. ex eodem principio probat S. Thomas, Christum pro omnibus nobis satisfacisse, quia, inquit, caput, & membra sunt vna quasi persona mystica, & ideo satisfactio Christi ad omnes fideles pertinet, sicut ad sua membra, & quaest. 49. art. 1. dicit totam Ecclesiam, quæ est mysticum corpus Christi, computari quasi vnâ personam cum suo capite Christo.

Hoc iacto fundamento, sic argumentor. Quæcumque in Missa dicuntur, & fiunt, accipi saltem possunt tanquam dicta, & facta ex persona Ecclesiæ; Ergo omnia quæ in Missa dicuntur, & fiunt accipi possunt tanquam dicta, & facta principaliter à Christo. Antecedens admittitur ab Aduersariis, contendunt enim aliqua esse in tota actione Missæ, quæ ita fiunt in persona Ecclesiæ, vt nullo modo fieri possint in persona Christi: quales sunt supplicationes quædam, peccatorum confessiones, &c.

Consequentia probatur ex principio posito, quia in Christo, & Ecclesia non est dualitas, aut pluralitas personæ, sed identitas, vt sicut in Christo humanitas non subsistit in propria naturali persona, sed in persona naturali Verbi, ita Ecclesia non subsistit in propria mystica persona, sed in eadem persona mystica Christi. Ad eum planè modum, quo caput, & membra eandem vnâ, communemque habent personam, & substantiam; ex hoc autem fit, vt si quæ dicuntur, & fiunt in Missa, non debent accipi in persona Christi tanquam capitis nostri, possint saltem accipi in persona nostra, tanquam membrorum Christi. Cumque eadem sit vtriusque persona, quæ non solum est Christi, sed Christus, consequens est, vt omnia, quæ in Missa dicuntur, & fiunt, possint sine vlla nota blasphemix, sed cum magna Diuinæ Majestatis dignatione, & Ecclesiæ vtilitate accipi, tanquam dicta, & facta principaliter à Christo.

Exemplum manifestum habemus in Sacrificio Crucis. Quæ preces alienæ magis ab ore Pontificis nostri: Sancti innocentis, & impolluti, quam illæ, quæ continentur in toto Psalmo 21. qui incipit: *Deus Deus meus respice in me, quare me dereliquisti? longè à salute mea verba delictorum meorum.* Et tamen hæc vna ex præcipuis Collectis fuit, quam magna voce, post trium horarum secreta orauit Pontifex noster in Ara Crucis. *Es circa horam nonam* ait Euangelista Matthæus 27. *clamauit Iesus voce magna dicens: Deus Deus meus, &c.* quem Psalmum totum fuisse à Christo in Cruce recitatum affirmant passim Interpretes. Et quidem quod voluerit Christus suam derelictionem summam manifestare per viam interrogationis, quasi rogando causam à Patre, cur ita sit derelictus, hoc maxime pertinuit ad totius humani generis excitandam attentionem, quodammodo intentos nos faciens, ait Augustinus, & dicens: Psalmus iste de me scriptus est: Verum quod ipsemet Dominus Iesus sibi ipse respondens, & causam derelictionis aperiens, dicat: longè à salute mea verba delictorum meorum, hoc planè mirandum, stupendumque est. Verba delictorum meorum; quorum de-

V.

*Corpus mysticum Christi est sicut vnus idemque homo.*

VI.

*Caput, & membra vna persona.*

VII.

*Ratio nostra sententiæ.*

VIII.

*Omnia in Missa possunt accipi, aut in persona Christi vt Capitis nostri, aut in persona nostra vt membrorum Christi.*

IX.

*Oratio Capitis ex persona membrorum suorum.*



licitorum? ait Augustinus, de quo dictum est, *qui peccatum non fecit, nec inuentus est dolus in ore eius*: quomodo ergo dicit delictorum meorum?

Quid hic responderet Thessalonicensis, quid hic P. Valquez? Multi ait Belarminus, timentes ne Christo peccati notam inurant, ea verba coactè nimis, & violenter exponunt, sed discedere non licet ab vnanimi Patrum consensu, Iustini, Theodoret, Athanasij, Nazianzeni, Cyrilli, Ambrosij, Hieronymi apud Genebrardum, & præcipuè Damasceni lib. 3. de Fide cap. 25. Ex cuius doctrina S. Thomas quæst. 15. art. 1. ad 1. explicans hæc ipsa verba. Dupliciter, inquit, dicitur aliquid de Christo. Vno modo secundum proprietatem naturalem, vt cum dicitur Christus passus est pro nobis. Alio modo secundum proprietatem personalem, prout aliqua dicuntur de ipso in persona nostra, quæ sibi secundum se nullo modo conueniunt, vnde & inter septem Regulas Ticonij, quas Augustinus ponit tomo 3. lib. 3. cap. 31. Prima ponitur de Domino, & eius corpore, cum scilicet Christi, & Ecclesiæ vna persona existimatur, & secundum hoc Christus ex persona membrorum suorum loquens, dicit: Verba delictorum meorum. Hæc S. Thomas.

## X.

*Quadam dicuntur de Christo secundum proprietatem naturalem, quædam secundum proprietatem personalem.*

*Qua conueniunt Christo Viatori secundum personalem conueniunt etiam nunc.*

Quid ergo excogitari potest in tota actione Liturgiæ, quod conuenire, & dici non possit de Christo secundum proprietatem personalem membrorum suorum; si secundum illam in Sacrificio Crucis dici ab illo potuit: Verba delictorum meorum? certè quod hoc dicere potuerit non fecit status Viatoris; sed quia, vt ait Apostolus ad Coloss. 1. 18. *Ipse est Caput corporis Ecclesia*, nam status Viatoris nunquam facere potuisset, vt verba illa dici possent de Christo secundum proprietatem naturalem: esset enim horrenda blasphemia asserere huiusmodi verba illi secundum se conuenire posse. Non status ergo, sed proprietas personalis hoc fecit, secundum quam, vt loquitur Augustinus, corpus suum gerebat, idest Ecclesiam, quod si corpus suum nunquam dimisit sed siue in Cruce, siue in Altari gerit, quæ absurditas fingi potest in eo, quod in persona illius hæc, & huiusmodi verba sui Ministri ore loquitur caput?

## XII.

*Verba, & actiones Liturgiæ eundem supplicis sunt Christi & Ecclesiæ.*

Hæc igitur sit controuersie definitio, de tota videlicet Actione Missæ respectu principalis Sacerdotis dici posse, quod de toto primo versu illius Psalmi, quem recitauit Christus in Cruce, scripsit Augustinus libro de Gratia noui Testamenti cap. 6. Totus, inquit, hic versus dicitur partim ex persona Christi, quod an formam Christi attinet, partim ex persona sui corporis, quod est Ecclesia. Quod si vterius quæras: quis est, qui dicit, Christus, an Ecclesia, cuius sunt Missæ, supplicationes? cuius verba illa. Supplices te rogamus? Respondebo, quod idem Augustinus de simili oratione respondit in Præfatione Psalmi 85. Nemo cum audit hæc verba, dicat, Non Christus dicit, aut rursus dicat, non ego dico; immodò si se in Christi corpore agnoscat, vtrumque dicat, & Christus dicit, & ego dico.



# LIBER QVARTVS.

## De Fructibus Montis Propitia- torij pro peccatis,

S E V

### *De effectibus Sacrosancti Ecclesiæ Sacrificij.*




**C**OGITANTI mihi quid sit, quod apud populum Christianum hoc tempore penè jaceat æstimatio de valore, fructibusque Sacrosancti Ecclesiæ Sacrificij, illa causa facile veniebat in mentem, floruisse nimirum sub exitum Superioris Sæculi Doctores aliquot, magni quidem nominis, & doctrinæ, & verò etiam pietatis qui, nescio quo fato de effectibus, ac fructibus huius Sacrificij fortasse non magnificè sunt loquuti.

Quatuor erant, quæ probè demonstrata de hoc valore, permouere fidelium animos maximè potuissent. Primum est, Sacrificium nostræ Religionis esse causam vniuersalem concurrentem ad omnes fructus, & effectus gratiæ, vt quidquid est effectus Dominicæ Passionis, totum sit effectus huius Sacrificij. Secundum, effectus omnes tam latè patentes, omnes esse ex opere operato, omnes fundatos in promissione, & pacto Diuino, atque adeo omnes esse certos, & infallibiles. Tertium, effectus huiusmodi pluribus applicatos, ita singulis provenire, ac si paucioribus addicerentur. Quartum, quod acuerè maximè poterat fidelium industriam, & pietatem, tales fructus ex opere operato provenientes, distribui iuxtà quantitatem dispositionis, seu deuotionis illos participantium, vt quo

maior est dispositio, eò sit proventus vberior. Hæc, & quæ ex his consecraria sunt plurima, pretium non leuiter auxissent rei, si solidè, hoc est Theologicè probata fuissent; at verò Doctores illi, de quibus loquimur, tantum ab huiusmodi Axiomaticis insinuandis abfuerunt, vt potius longis tractatibus, suis auditoribus persuaserint, Sacrificium nostrum, nullo modo esse causam vniuersalem concurrentem ad omnes fructus, & effectus gratiæ, neque omnes eius effectus esse ex opere operato: immò nullum prorsus habere effectum ex opere operato præter remissionem pœnæ temporalis. Præterea hunc ipsum effectum remissionis pœnæ ita esse taxatum, ac definitum, vt quantumuis crescat participantium deuotio, ac dispositio, ipse non crescat, sed potius ad multiplicationem participantium, & ipse minuat, atque decreseat.

Et sanè si Doctores illi, aut ex antiquis Patribus, aut ex Conciliis Oecumenicis, aut ex Theologicis receptissimis principiis, suæ fundamenta doctrinæ attulissent, nihil esset, quod quereremur; neque enim magnificentia mysteriorum Fidei, priuatis, ac penè voluntariis hominum exaggerationibus nititur; ac sine huiusmodi fundamentis veritatis, de vnico, ac singulari Ecclesiæ Sacrificio mysteriorum omnium Diuinissimo, minus altè sentire, mirabile planè est, ac stupore plenissimum.

Statueram ex huiusmodi Doctoribus neminem nominare, sed qui fieri poterat, vt res grauisima ad rigorosum examen reuocaretur, nisi fideliter, & exactè omnia Aduersariorum argumenta proferrentur? Hæc autem qua ratione constiterit allata fuisse fideliter, nisi Codices ipsi suo vocari nomine in jus possent. Cogimur ergo Aduersariorum in causa tanti momenti nomina vsurpare, sed præclare nobiscum actum putauimus, quod eorum Antesignanus, ac Dux, cum quo, veluti singulari certamine necessario conflegendum erit, extrà nostræ censure jactum positus sit, qua doctrina, quæ eruditione, qua etiam pietate. Sic enim fiet, vt citrà tanti nominis vulnus, quæ verior sententia videbitur quàm liberissime propugnetur.



## QVÆSTIO PRIMA.

*An effectus adæquatus Montis Propitiatorij ex opere operato sit tantum remissio pœnæ temporalis.*

- I. *Opinio P. Suarez cum suo fundamento.*
- II. *Non est per se necessarium remedium ad solam pœnam remittendam.*
- III. *Pœna sensus qua in hac vita.*
- IV. *Aliqua pars Sacramenti primario, & directè instituta ad pœnæ remissionem.*

V. *Satisfactio*

- V. *Satisfactio Sacramentalis habet pro suo effectu aduquato remittere pœnam ex opere operato.*
- V I. *Sacramentum Pœnitentia remittit, aut totam, aut partem pœna pro dispositione pœnitentis.*
- V I I. *Confessio iterata eiusdem, potest tandem totam pœnam remittere.*
- V I I I. *Extra Sacramentum, & Sacrificium est remedium directè institutum ad remissionem pœna.*
- I X. *Institutio Indulgentia.*
- X. *Indulgentia non tollit reatum culpa mortalis.*
- X I. *Neque reatum culpa venialis.*
- X I I. *Per Indulgentiam remitti potest omnino pœna.*
- X I I I. *Indulgentia remittit pœnam ex opere operato.*



Vo n Sacrosanctum Missæ Sacrificium habeat vim satisfaciendi pro pœna ex opere operato, seu quod in idem recidit, habeat ex vi suæ institutionis, & ex vi externi operis, virtutem conferendi non ponenti obicem, pœnæ remissionem vltra omne meritum & satisfactionem operantis, plane conuenit inter Catholicos. Controuersia tantum est, an huiusmodi pœnæ remissio, sit proprius, totalis, & adæquatus huiusce Sacrificij effectus ex opere operato, ita vt præter hunc nullum habeat vt causa proxima immediata, & infallibilis. P. Suarez disp. 79. Sect. 6. docet Sacrificium hoc fuisse per se primo ad hunc tantum effectum institutum, id quod maximè colligit ex eo, quia, inquit, nullum aliud remedium est à Christo per se primo institutum ad hunc effectum. Nam licet Sacramentum Pœnitentiæ per se quidem auferat pœnam æternam, non tamen omnem temporalem, sed commutat æternam in temporalem maiorem, vel minorem iuxta dispositionem susipientis, unde si interdum nullam pœnam relinquit, illud est, quia perfectè remittit culpam propter perfectam dispositionem, non quia directè sit institutum ad tollendum reatum pœnæ, habet quidem vim remittendi etiam pœnam temporalem per Sacramentalem satisfactionem, tamen id totum efficit, quatenus habet quandam annexionem cum culpa, & ad plenum, & perfectum iudicium de illa pertinet, vindicare, & curare illam; reliqua etiam Sacramenta suos proprios, ac distinctos fines habent, præter remissionem pœnæ. Decuit ergo aliquod remedium directè, ac per se esse institutum ad hunc effectum.

Nos quid de effectu totali, & adæquato huius Sacrificij sentiamus, disputabimus infra. Interim propositum nobis hoc loco est, examinare quantum ponderis habeat prædictum fundamentum.

*Et primò.* Gratis omnino in eo assumitur, esse debere remedium aliquod directè, ac per se primo institutum ad hunc effectum solius remissionis pœnæ. Ratio est, quia pœna illa, quæ luenda restat post culpæ remissionem, est malum secundarium, & per se consequens ad malum primum culpæ, immò, vt rectè explicat Caietanus in Tract. de Contrit. quæst. 4. & ex eo Bellarminus lib. 4. de Pœnitentia cap. 1. Est illa ipsa pœna sensus, quam in gehenna pati debuisset peccator, remota solum æternitate. Tria enim completur pœna gehennæ, pœnam

I.

*Opinio P. Suarez cum suo fundamento.*

II.

*Non est per se necessarium remedium ad solam pœnam remittendam.*

## III.

*Pœna sensus  
qua in hac vi-  
ta.*

damni, pœnam sensus, & veriusque pœnæ æternitatem; quorum primum respondet avertioni à Deo, secundum conversioni inordinatæ ad creaturas, tertium inimicitiz cum sempiterno, & infinito Rege. Ex his autem tribus maior, quæ sunt in gehenna, à primo, & tertio liberatur continuo, qui ad amicitiam Dei, & eius gratiam redeunt; solum autem remanet malum illud secundum, debitum videlicet pœnæ sensus ad tempus luendæ. Cum ergo omnis pœna sensus quæ tollenda est ad tempus post culpæ remissionem, sit malum secundarium consequens ad culpam, satis est, ut remedium institutum pro malo primario extendatur ad secundarium.

## IV.

*Aligua pars  
Sacramenti pri-  
mario, & dire-  
ctè instituta ad  
pœna remissio-  
nem.*

*Secundò.* Quamvis Sacramentum Pœnitentiæ, primo, & per se sit institutum ad remissionem culpæ post Baptismum, continet tamen aliquam sui partem, quæ non secundario, sed primario, & directè est instituta ad remissionem pœnæ temporalis ex opere operato. Quare licet nullum sit institutum à Christo Sacramentum, cuius totus, & adæquatus effectus ex opere operato remissio tantum pœnæ sit, tamen in vno Sacramentorum, est aliquid, cuius totus, & adæquatus effectus, & quidem ex opere operato, est pœnæ remissio. Quod verò illud aliquid hanc efficacitatem habeat, quatenus habet quandam annexionem cum culpa, & ad plenum, & perfectum iudicium de culpa pertinet vindicare, & cuius etiam, hoc nihil prorsus refert, quia non tollit quominus habeat rationem veri remedij primo, & per se instituti ad hunc effectum. Quemadmodum, quod potentia visus, seu oculus sit in homine, tanquam pars integralis illius, non tollitur quominus in homine, & in rerum natura sit aliquid primario, & directè ordinatum ad visionem.

Quia tamen posset aliquis in dubium reuocare an satisfactio Sacramentalis hunc adæquatam habeat effectum ex opere operato. Efferam doctrinam ipsius P. Suarez, quam tradit 4. tom. in 3. par. disput. 38. Sect. 2. vbi quærit; An hæc pars habeat aliquem effectum ex opere operato. Dico igitur, ait ille, proprium, & maxime indubitatum effectum ex opere operato huius satisfactionis, esse remissionem alicuius pœnæ temporalis, præter illam, quæ respondere posset ex opere, seu merito operantis: probat autem hanc suam positionem, quam dicit esse communem Theologorum, quia ut ex Concilio constat, hæc quæ est vera pars Sacramenti, potissimum instituta est ad remissionem pœnæ temporalis; ergo, inquit, per se primo institui debuit ad remittendam pœnam ex opere operato: nota illud *per se primo*.

Probat hoc idem rursus, quia, inquit, totum hoc Sacramentum est institutum ad remissionem peccati. Sed hæc pars non ordinatur ad remissionem culpæ; ergo ad remissionem pœnæ; ergo aliquid pœnæ remittet ex opere operato. Vides, ut assignat proprium, & totalem ordinem huius partis.

Denique idiplum confirmat ex principiis generalibus quia si hæc est pars Sacramenti, ut eam vocat Tridentinum Sess. 14. cap. 3. necesse est, ut significationem aliquam propriam, & Sacramentalem habeat: at Sacramentalia signa pœnæ legis sunt efficacia, id enim efficiunt quod significant; ergo necesse est, ut hæc pars alicuius proprium effectum habeat ex opere operato, illum scilicet, quem Sacramentaliter significat; atqui hunc maxime effectum significat; nam est quædam punitio peccati, & commutatio pœnæ vitæ futuræ in talem pœnitentiam;

## V.

*Satisfactio Sa-  
cramentalis ha-  
bet pro suo effe-  
ctu adæquato  
remittere pœ-  
nam ex opere  
operato.*



ergo maximè significat remissionem illius pœnæ; ergo illam efficit ex opere operato. Ex communi ergo doctrina Theologorum, quam rectè propugnat P. Suarez, habemus remedium aliquod primo, & per se institutum ad pœnæ remissionem eo modo, quo explicatum est extrâ Sacrificium.

Neque quidquam facit, quod hæc pars Sacramenti non remittat totam pœnam, sed maiorem, vel minorem iuxta dispositionem subjecti; nam hic modus operandi, & causandi non solum est communis omnibus Sacramentis, sed etiam Sacrificio. Neque enim quodlibet Sacrificium remittit semper totam pœnam ex opere operato, sed maiorem, vel minorem iuxta deuotionem offerentis, vel eius, pro quo offertur. Cæterum sicut vnum Sacrificium remittere interdum potest totam pœnam, & sæpius, ac sæpius iteratum potest quaecumque; ita Sacramentum Pœnitentiæ, & potest interdum totam pœnam remittere, si perfecta adsit dispositio suscipientis; & si hæc sit remissior saltem pluries, & pluries iteratum potest tandem ex toto diluere.

Neque hoc est alienum à doctrina ipsius P. Suarez, immò vtrumque expressè docet. Primum disput. 19. Sect. 2. vbi ait, formam pœnitentiæ significare simpliciter remissionem pœnæ iuxta dispositionem seruata lege Iustitiæ à Deo statuta, & inde fieri, vt non semper remittat totam, quia dispositio pœnitentis non est sufficiens ad totum effectum, ex quo etiam consequenter concedit interdum posse totam remittere, quia, inquit, effectus ex opere operato eiusdem Sacramenti, est maior in eo, qui melius dispositus accedit; ergo etiam hic effectus remissionis pœnæ temporalis est maior in eo, qui est melius dispositus, ergo tantum potest esse dolor, vt virtute huius Sacramenti auferatur tota pœna. Ideo concludit ipse: non diximus hoc Sacramentum nunquam remittere totam pœnam, sed non semper.

Alterum docet disput. 18. Sect. 1. assertione 2. vbi cum sibi obiecisset; quod si per secundam confessionem sacramentalem eiusdem peccati tolleretur reatus pœnæ temporalis ex priore relicto, nulla esset necessitas satisfactionis extrâ Sacramentum, sed iteratæ confessionis eiusdem peccati.

Respondet, verum esse in secunda confessione eiusdem peccati, remitti aliquid pœnæ temporalis, sicut in priore iuxta dispositionem confitentis, neque esse inconueniens, quod aliquando non sit necessario satisfactio ex opere operantis, si per alia media remittatur pœna ex opere operato. Nullum ergo, inquit, inconueniens est, quod per iteratam confessionem eiusdem peccati, tota pœna illi debita tandem remittatur, immò, inquit, hic fortasse est vnus finis institutionis, ideo enim concessum est, vt eadem peccata possent sæpius esse materia confessionis, vt perfectior eorum remissio comparari posset, & vt ita inducerentur homines ad eorum pœnitentiam sæpius agendam.

Sed supponamus ad prouidentiam, quam Christus Dominus de hominibus habuit, pertinere vt remedium aliquod per se primo institueretur ad hunc effectum pœnæ remittendæ ex opere operato etiam extra Sacramentum. Dico ob hanc causam non esse recurrendum ad institutionem Sacrificij, quasi Sacrificium institutum fuerit tanquam causa particularis huius effectus, quia reuera non solum extra Sacramenta, sed etiam extrâ Sacrificium habemus institutio-

V I.  
*Sacramentum  
pœnitentiæ re-  
mittit, aut to-  
tam, aut par-  
tem pœnæ pro  
dispositione pœ-  
nitentiæ.*

V II.  
*Confessio sacra-  
ta eiusdem po-  
tèst tandem to-  
tam pœnam re-  
mittere.*

V III.  
*Extrâ Sacra-  
mentum, & Sa-  
crificium est re-  
medium dire-  
ctè institutum  
ad remissionem  
pœnæ.*

Hoc fateatur Doctores omnes Catholici super illud Matth. 16. *Et quodcumque solueris super terram, erit solutum & in Cælis.* Illa enim verba amplissima, & vniuersalissima vt docet Bellarminus, & post illum ipse P. Suarez tom. 4. dist. 49. Sect. 1. omnem actum includunt, qui ad aperiendum Regnum Cælorum possit esse accommodatus, ideoque non solum includit potestatem soluendi à præceptis, vel obligationibus, sed etiam ab omnibus vinculis, & impedimentis, quæ nisi tollantur, non potest intrari in Regnum Cælorum, ideoque non dicitur: *Quodcumque solueris*, sed *quodcumque solueris*, idest quodcumque vinculum, vel impedimentum Regni Cælorum abstuleris. In qua vniuersalitate agnoscunt Patres, & Concilia, particulare quoddam remedium obtinendi remissionem pœnæ temporalis absque propria satisfactione, vel satis passionem ipsius peccatoris, quod est per concessionem Indulgentiæ, per quam directè, & per se auferitur reatus pœnæ temporalis, qui est vnum ex impedimentis, & vinculis, quæ detinent homines ab ingressu Regni Cælorum.

Et sanè negari non potest per Indulgentias prouisum liberalissimè esse de remedio directè, & per se instituto ad hunc effectum, quod requirebat P. Suarez. Nam primo Indulgentia non habet vim tollendi reatum culpæ, neque mortalis, neque venialis; non mortalis, quia culpa mortalis tolli non potest sine infusione gratiæ, vt supponitur in materia Iustificationis, & ex Tridentino Sess. 6. cap. 7. Gratiæ autem non infunditur ministerio humano, nisi per Sacramenta, vt docet idem Trident. Sess. 6. cap. 4. & Sess. 14. cap. 2. vbi docet Sacramentum Pœnitentiæ esse ad salutem lapsis post Baptismum necessarium; Vnde infert P. Suarez, de fide esse, Indulgentiam non valere ad remissionem peccati mortalis.

Quod verò neque per se valeat ad remissionem peccati venialis, est communis Theologorum Sententia contra Paludanum in 4. dist. 20. quæst. 4. Ideo ait Bellarminus: Si quando in Litteris Indulgentiarum, legatur concedi absolutionem à culpa, & pœna, intelligendum est, id propterea dici, quod Indulgentia coniungitur ordinariè cum confessione Sacramentali, & facit, vt qui per Sacramentum Pœnitentiæ fuit absolutus à culpa, per Indulgentiam absoluetur à pœna. Pari ratione cum dicunt Pontifices, se per Indulgentias absoluerè pœnitentes à peccatis, vel condonare peccata, vel ex toto, vel ex parte, semper loquuntur de peccatis quoad pœnam, non quoad culpam, quæ ante Indulgentiam remissa esse creditur. Quamuis autem hoc de venialibus non sit ita definitum, vt de mortalibus, Theologi tamen habent pro certo, & rationem etiam addit P. Suarez disp. 50. Sect. 1. quia venialis culpa deleri non potest secundum ordinariam legem sine actu hominis, quo prior voluntas aliquo modo mutetur, in quo multum differt à remissione pœnæ temporalis, quæ huiusmodi mutationem voluntatis non requirit. Constat autem per Indulgentiam non dari homini huiusmodi actum contra peccatum veniale, atque adeo, neque remissionem illius; sed quidquid sit de ratione, certum est apud P. Suarez Indulgentiam nullo modo esse institutam tanquam remedium ad tollendum peccatum quoad culpam qualemcumque; ergo est instituta tanquam remedium directè, & per se ad tollendum peccatum quoad pœnam tantum.

Præterea effectus remissionis pœnæ per Indulgentias est amplissimus. Nullum enim est debitum pœnæ ita ingens, quod per Indulgentiam absolui, & solui non

I X.  
Instituto In-  
dulgentia.

X.  
Indulgentia non  
tollit reatum  
culpe mortalis.

X I.  
Neque reatum  
culpe venialis.

X II.  
Per Indulgentiam

possit; quo etiam sit, ut nulla sit pœnitentia in Sacramento iuncta, cuius obligatio per se tolli per Indulgentiam non possit. Quare communis Doctorum sententia est per illam ipso facto, & Iure relaxari Sacramentalem Pœnitentiam, cuius obligationes cessare, quia effectus Indulgentiæ est remissio pœnæ temporalis; ergo formaliter expellit reatum, seu debitum eius; implicat autem pœnam esse remissam, & adhuc manere debitum eius. Ablato verò debito pœnæ, auferetur etiam debitum satisfaciendi pro illo, vnde cumque ortum sit, siue ex Diuina lege, siue ex præcepto confessionis; quia præceptum illud non imponitur nisi sub ratione satisfactionis ad Deum: ratio autem satisfactionis iam cessauit, quia ubi non est debitum, nec satisfactio locum habet. Sicut ergo per remissionem Indulgentiæ tollitur debitum, ita etiam cessat satisfactionis ratio, & consequenter præceptum eius. Aduertunt tamen Doctores, quod cum in pœnitentia duplex ratio inueniri possit, nimirum *Vindictæ*, & *Medicine præseruativæ*, quamuis ex vi Indulgentiæ cesset satisfactio Sacramentalis sub priori ratione, non tamen sub posteriori, si sub illa posita sit. Ratio P. Suarez est, quia hic non cessat præceptum ob dispensationem, vel abrogationem eius, sed per subtractionem materiæ; subtrahitur autem per Indulgentiam materia satisfactionis, seu vindictæ, ut sic: quia Indulgentia tollit debitum, non tamen tollitur materia, seu necessitas medicinæ; & ideo non obstante Indulgentia, manet etiam obligatio applicandi medicinam præseruatiuam.

Denique hic effectus Indulgentiæ, est etiam suo modo ex opere operato, quod negare non potest P. Suarez, ipse enim explicans sensum illius quæstionis; an sit in Ecclesia potestas concedendi fidelibus peccatorum Indulgentias, ait, intelligendum esse de potestate remittendi pœnam temporalem extrâ Sacramentum, & Sacrificium, & subdit: licet in hoc cum eis conueniat quod ad modum sit *operis operati*, seu quod est, *extrâ meritum, & satisfactionem operantis*, & addit, ex quibus constat eos, qui possunt Sacramenta ministrare, vel Sacrificium offerre, posse pœnas temporales pro peccatis remissis debitas remittere; verumtamen illa potestas non est per se primo ad remittendam temporalem pœnam, sed ad conficiendum Sacramentum, vel offerendum Sacrificium, quibus ex Christi promissione talis effectus adjunctus est. At vero potestas Indulgentiæ est ad remittendam pœnam temporalem immediatè, & per solam relaxationem, seu condonationem ipsius pœnæ. *Quæ doctrina* est valde notabilis contra P. Suarez ad confirmandam nostram sententiam, quod scilicet Sacrificium non est per se primo, & tanquam causa particularis institutum ad pœnæ remissionem quia sicut in Sacramentis, ita in Sacrificio remissio pœnæ est effectus non primarius, sed secundarius, in Indulgentia verò primarius.

XIII.  
*Indulgentia  
remittit pœ-  
nam ex opere  
operato.*



# QVÆSTIO SECVNDA.

*De proprio, & primario effectū Montis Propitiatorij ex opere operato.*

- I. Remissio pœna non est effectus proprius, & primarius.
- II. Differentia præcipua inter Sacrificium, & Sacramentum.
- III. Effectus Sacrificij est placare.
- IV. Odor suauitatis Sacrificiorum.
- V. Quomodo odor Sacrificiorum ascendebat ad Deum.
- VI. Sacrificium placabile quid.
- VII. Sacrificium nostrum est simpliciter placatum.
- VIII. Effectus placandi est propriissimus Sacrificij.
- IX. Sacrificij est placare, sicut Sacramentorum sanctificare.
- X. Sacramenta præsupponunt, non efficiunt propitiationem.
- XI. Prima radix omnium effectuum Sacrificij est placatio.

I.  
*Remissio pœna  
non est effectus  
proprius, & pri-  
marius.*



FFECTVM proprium, & primarium illum dicimus, ad quem primo, & per se causa aliqua ordinatur, & qui est ratio, & radix cæterorum. Querimus ergo, qui nam est effectus hic proprius, & primarius respectu Sacrificij ex vi suæ Institutionis. P. Suarez rectè docet, hoc Sacrificium conferre ex opere operato remissionem pœnæ, & quidem tanquam causam proximam, & immediatam. Verum effectus hic, neque proprius

huius Sacrificij est, neque primarius, non proprius, quia remittere hoc modo pœnam, est Sacrificio commune cum Sacramentis; non primarius, quia effectus hic non est radix cæterorum effectuum, quos habet Sacrificium; & sanè mirandum est quomodo possit assignari tanquam effectus primarius ex opere operato huius Sacrificij remissio pœnæ temporalis, quæ inter omnes effectus gratiæ, censetur infimus, cum aliunde certum sit rationem Sacrificij vt sic, altiorem esse ratione Sacramenti, & Sacrificium hoc nostrum, non solum in formali ratione Sacrificij, sed in Excellentia ipsius rei, & mysteriorum, quæ continet, superare omnia Sacramenta ab ipso realiter distincta, immò ipsum vt Sacrificium superare se ipsum vt Sacramentum.

II.  
*Differentia præ-  
cipua inter Sa-  
crificium, &  
Sacramentum.*

Vt autem in hoc assignando effectū distincto ab effectū Sacramentorum, altius, & à priori philosophemur, statuendum est rationem effectus primarij, & proximi in Sacrificio, necessario inuoluere ordinem, & relationem immediatam ad Deum, ratio est, quia ex communi Theologorum doctrina, in hoc maximè



differt Sacrificium à Sacramento, quod Sacrificium immediatè refertur ad tribuendum supremum cultum Deo, quocumque titulo tribuatur: Sacramentum verò immediatè refertur ad ipsos cultores Dei, quos disponit, seu sanctificat ad cultum Dei. Non differunt præcisè per ordinem qualemcumque ad nostram utilitatem; nam & Sacrificium ad nostram etiam utilitatem ordinatur, scilicet, ut aliquem effectum gratiæ ex opere operato nobis afferat: & Sacramentum ad cultum Dei refertur, quia verè eius usus ad Religionem spectat, & sanctificatio ad magnum Dei cultum pertinet. Sed differunt per ordinem immediatum, & mediatum, quia susceptio Sacramenti ad sanctificandum suscipientem, immediatè ordinatur; Sacrificij verò oblatio immediatè ad colendum Deum. Hinc fit, ut effectus primarius Sacramentorum sumi debeat per ordinem immediatum ad nos, effectus verò primarius Sacrificij non nisi per ordinem aliquem immediatum ad Deum: omnis enim causa per suum effectum primum ordinatur ad objectum suum. Constat autem ex ipsis definitionibus ab omnibus receptis, Sacrificium ad Deum tanquam ad objectum suum, Sacramenta ad nos ordinari.

Videamus nunc inter omnes effectus Sacrificij, quis nam ille est, qui ita immediatè referatur ad Deum, & ita est huius Sacrificij proprius, ut sit etiam causa & radix cæterorum effectuum, qui eidem Sacrificio tribuuntur.

Ego sanè, quantum ex Scripturis, & Patribus cognoscere potui, existimo hunc nullum esse præter propitiationem, & placationem ipsam Dei, quam proximè, & immediatè efficit Sacrificium. Hic est effectus proprius, & primarius Sacrificij *propitiare, & placare*.

Probanda igitur, & explicanda sunt tria. Primum est, Deum propitiationem, & placationem esse effectum Sacrificij. Secundum; hunc effectum esse proprium, & singularem Sacrificio. Tertium esse in illo, principium, & radicem reliquorum omnium effectuum, qui ex Scripturis tribuuntur Sacrificio.

Et primo, effectum Sacrificij esse Deum placare, apertè ostendit sacra Scriptura, dum Sacrificio tribuit *odorem suavitatis*, siue, ut est Hebræicè, *odorem quietis*. Primus locus expressus est Genes. 8. ubi fit mentio primi Sacrificij post Diluvium. *Edificavit autem Noë Altare Domino, & tollens de cunctis pecoribus, & volucribus mundis, obtulit holocausta super Altare, odoratusque est Dominus odorem suavitatis*, seu *quietis*. Querunt super hoc loco Interpretes; quare odor Sacrificij dicebatur odor quietis, neque aliam afferunt causam, nisi quia effectus Sacrificij est Deum quietum facere, & placatum. Dicebatur, inquit Oleaster, odor quietis, eo quod faceret Dominum quiescere, seu quietum esse, & placatum offerenti: peccata enim nostra, & immunditiæ nostræ malè Deo olent; ideo nobis aliquando iratus occurrit, ut punit, cuius furori, suavi illo odore occurrebatur, ut scilicet à furore quiesceret. Similis est locus Levit. 1. ver. 9. & alibi passim. *Adolebitque ea Sacerdos super Altare in holocaustum, & suavem odorem Domino*, ubi Hebræicè habetur, *& odorem quietis Domino*, hoc est, ut ait Lorinus; in odorem, in quo conquiescat Dominus, & propter quem *pacatus, & placatus reddatur*, nec indigne velut ob tetrum odorem ex peccatis provenientem. Ut autem ostenderet Deus, odorem hunc Sacrificiorum, quæ in Altari eximo holocaustorum offerrebantur, sibi esse gratissimum, & ad se peruenire, voluit, ut Altare Thymiamatis, in quo Sacrificiorum odor

III.

Effectus Sacrificij est placare.

IV.

Odor suavitatis Sacrificiorum.

V.

Quomodo odor Sacrificiorum ascendebat ad Deum.



representabatur, & offerebatur quotidie bis, scilicet mane, & vespere instar iugis Sacrificij, cuius odor esse censabatur; voluit, inquam, vt Altare illud Thymiamatis esset intra Tabernaculum ipsum, siue in Sancto, in medio Candelabri, & Mensæ, obuersum Propitiatorio, quod erat in Sancta Sanctorum supra Arcam, & ita obuersum, vt per aperturam, quæ erat supernè in pariete diuidente Sanctum à Sancto Sanctorum, fumus aromatum incensorum ascenderet, & euaporaret in ipsum propitiatorium, seu placatorium, vt sic ostenderet se oblata Sacrificia acceptare, iisque propitiari, atque placari.

## V I.

*Sacrificium  
placabile quid.*

Nulli ergo dubium est Sacrificium vt sic, virtutem peculiarem habere propitiatoriam, & placatiuam, in quantum videlicet est præstantissimum quoddam munus Religionis; hinc Hostia, quæ offerebatur in Sacrificio, dicebatur *Hostia placabilis*, vt Leuit. 19. & 22. Altare, in quo offerebatur, dicebatur placabile, vt Isai. 60. Offerentur super *placabili Altari* meo, & Sacrificium ipsum dicebatur placabile, vt Exod. 29. vbi iubentur Nouelli Sacerdotes, qui ibi sunt offerentes carnes pacificas, quibus propitiatum erat, comedere, *vt sit*, inquit, *placabile Sacrificium*, hoc est, vt explicat noster Cornelius, vt Deus ostendat se hoc Sacrificio placatum esse; quandoquidem eos tam benignè ad mensam suam, puta ad suas victimas inuitatos admittat.

## V I I.

*Sacrificium nostrum est simpliciter placatum.*

Quod si omne Sacrificium à Deo institutum peculiarem vim placandi habet, quis dubitet illam esse in Sacrificio nostro, quod vt docet Tridentinum Sess. 22. cap. 1. *Bona omnia* per antiqua Sacrificia significata, velut *illarum omnium consummatio, & perfectio*, complectitur, neque contenti Patres amplissimi illius Concilij, hunc effectum generatim insinualle, declararunt infra, speciatim illis verbis læpius repetendis. Huius quippe *oblatione* placatus Dominus, crimina, & peccata etiam ingentia dimittit.

## V I I I.

*Effectus placæ dicitur propitiatus Sacrificij.*

Secundo loco erat probandum effectum hunc *placandi* ex opere operato, esse proprium, & speciale huius Sacrificij. Habent quidem cuncta bona opera generalem quandam vim Deum placandi, quatenus quæcumque placent, placent; in quem sensum legimus lib. 2. Paralip. cap. 20. *Dominus bonus propitiabitur cunctis, qui in toto corde querunt eum*. Rursus orationes, & preces, præter generalissimam illam vim, habent suam peculiarem, & specialem propitiandi, & placandi; vnde beneficia Diuina ex misericordia Dei per illas impetrâmus. Sed Sacrificium continet omnem vim placandi, sicut, & impetrandi, idque ex opere operato, ita vt opus ipsum sit ex se placatiuum, & propitiatiuum; & ideo etiam reponitur sub genere orationis, & quidem efficacissimæ, non verbalis, sed realis. Hinc Doctores Catholici contra Calvinum, assererent superfluum esse Sacrificium nostrum, tanquam applicatorium Sacrificij Crucis, quia meritum, & pretium Sacrificij Crucis satis nobis applicantur à Sacramentis. Respondent, quod licet Sacramenta applicent nobis meritum quoad iustificationem, non tamen applicent illud quoad propitiationem, quia sola, inquit, Missa est Sacrificium propitiatorium, quod ex opere operato impetrat gratiam præuenientem, qua excitamur ad suscipienda Sacramenta ipsa, quibus iustificamur. Afferit inter alios hanc doctrinam noster Cornelius in cap. 10. ad Hebr. disertissimis verbis. Sacramentorum, inquit, est iustificare, Sacrificij verò est propitiare, suo Deum propitium reddere, vt scilicet peccatorum incipiat misereri, eiusque gratiam præuenientem,

## I X.

*Sacrificij est placare sicut Sacramenta nostra sanctificare.*

præuenientem, & excitantem largiatur. Quæ doctrina sine dubio magnum habet fundamentum in Tridentino, loco citato, ubi ait: Huius quippe oblatione placatus Dominus, gratiam, & donum pœnitentiæ concedens, crimina, & peccata etiam ingentia dimittit. Ex quibus verbis ad rem nostram sic argumentor. Efficientia propria Sacramentorum, præsupponit propitiationem, & placationem factam per Sacrificium; ergo propitiatio, & placatio non est effectus Sacramentorum, sed propius Sacrificij. Probo antecedens. Efficientia propria Sacramentorum est respectu gratiæ sanctificantis, & quæ per se est remissiuæ peccatorum; vnde idem Tridentinum definit Sess. 6. cap. 4. sine Sacramentis, aut eorum voto, neminem posse gratiam iustificationis adipisci, quod dictum est ratione Baptismi respectu Infidelium, & ratione Sacramenti Pœnitentiæ respectu baptizatorum, qui post Baptismum lapsi sunt. Cum ergo prima, & propria efficientia Sacramentorum sit respectu gratiæ per se remissiuæ peccatorum; & hæc concedatur ex vi placatiuæ oblationis, *Huius quippe oblatione placatus Deus*, gratiam concedit remissiuam peccatorum, ait Concilium, consequens est, vt propitiatio, & placatio sacrificialis antecedit primam, & propriam efficientiam Sacramentorum.

Atque hinc, quod Tercio loco probandum erat, clarissimè infertur; quia nullus est excogitabilis effectus Sacrificij, in quantum pro nobis offerri potest, cuius primum principium, & radix non sit sacrificialis propitiatio, & placatio. Est enim generalissima ista causalis. Ideo Sacrificium habet hunc, & hunc effectum respectu nostri, quia habet effectum propitiationis respectu Dei. Si enim quæras, vnde habet Sacrificium vt gratiam, & donum pœnitentiæ impetret, vt crimina, & peccata etiam ingentia dimittat, vt soluat pro pœna temporali, vt plurimis necessitatibus succurrat, vt beneficia etiam plurima, & bona temporalia peccatoribus impetret; non alia debet, aut potest ratio assignari, nisi quia propitiatorium, & placatorium per se est. Deus enim, qui propter peccata iustam indignationem, & auersionem habens, negabat merito auxilia vberiora, quibus indigebamus, ablato indignationis obieci per Sacrificij oblationem, quæ prius ante iustè negabat, iam clementer benigneque concedit. Quia ergo effectus placationis est reliquorum omnium radix, qui proueniunt è Sacrificio, idcirco effectus illius primarius dicendus est. Atque hanc puto esse sententiam veterum omnium Theologorum, quam videtur sequutus Bellarminus lib. 1. cap. 3. ubi rationes affert cur Martyrum passiones, Sacrificia propriè, & in rigore dici non possint, vt Christi Passio. Ratione finis illa, inquit, est ratio, quia proximus, & principalis finis Passionis, & Mortis Christi fuit, *Placare Deum, qui est finis veri Sacrificij*. Finis autem proprius mortis Martyrum non erat Deum placare, sed testimonium veritati præbere, vnde dixit S. Leo Epist. 83. Nullius infantis occisio propitiatio Mundi fuit.

Ex hoc principio videtur vltèrius sequi nullum esse effectum gratiæ, & salutis, qui tribui non debeat huic Sacrificio, cum enim omnis huiusmodi effectus peccatoribus proueniat, ex eo quod placetur Deus, & cum hæc placandi actio sit propria Sacrificij, & cum nullum iam Sacrificium sit præter hoc vnicum Ecclesiæ incruentum, sequitur, vt huic tanquam causæ cuidam vniuersali, omnes effectus salutis referri possint ac debeant. Verum qua ratione id verum sit disputabimus quæstione sequenti.

X.

SACRAMENTA  
PRÆSUPPONUNT,  
NON EFFICIUNT  
PROPITIATIONEM;

XI.

PRIMA RADIX  
OMNIUM EFFEC-  
TUM SACRIFICI-  
IJ EST PLACATIO.

# QVÆSTIO TERTIA.

*Vtrum hoc Sacrificium sit causa vinculis concurrens ad omnes effectus gratia ex opere operato.*

- I. *Adversariorum Assertio.*
- II. *Nostra Positio.*
- III. *Probatur primo ex Scriptura.*
- IV. *Vita Mundi quid.*
- V. *Locus Ioannis intelligendus de Eucharistia.*
- VI. *De Eucharistia ut Sacrificium est.*
- VII. *Conferuntur verba promissionis cum verbis Institutionis.*
- VIII. *Implet quod promittit.*
- IX. *Sacrificium cruentum, & incruentum aque latè patent.*
- X. *Quid significat, dabo, & datur.*
- XI. *Datur, est idem quod sacrificatur.*
- XII. *Non in Cruce, sed in Altari.*
- XIII. *Pro. nota sacrificialis.*
- XIV. *Ioannes hic tantum meminit Sacrificij incruenti.*
- XV. *Christus hic explicuit fructum Sacrificij corporis sui.*
- XVI. *Probatur 2. ex S. Thoma.*
- XVII. *Sacrificium dicitur quandoque Sacramentum.*
- XVIII. *Locus egregius de valore Sacrificij.*
- XIX. *Quædam magis notabilia in hac doctrina S. Thoma.*
- XX. *Causalitas uniuersalis ex opere operato.*
- XXI. *Probatur nostra Conclusio ratione.*
- XXII. *Sacrificium hoc est uniuersale applicatorium Passionis Christi.*
- XXIII. *Nullus fructus Sacrificij pendet ex conditione Ministri.*
- XXIV. *Sacrificium est signum non egenum, & vacuum sed plenum magis quolibet Sacramento.*
- XXV. *Omnis effectus tum Sacrificij, tum Sacramenti est ex opere operato.*
- XXVI. *Sacrificium prodest uniuersa Ecclesia ex opere operato.*
- XXVII. *Sacrificium ex vi externi operis valet.*
- XXVIII. *Prima obiectio principalis.*
- XXIX. *Durior Adversariorum exactio.*
- XXX. *Excellentia Sacrificij est magnum fundamentum causalitatis uniuersalis.*

- XXXI. *Excellentia non est fundamentum infallibile, & absolute necessaria.*
- XXXII. *Promissio est necessaria ad fundandum opus operatum.*
- XXXIII. *Videtur admittere hic effusionem Sacramentalem.*
- XXXIV. *Pugnantia de Traditione.*
- XXXV. *Secunda obiectio principalis.*
- XXXVI. *Non est necesse, ut efficacia adequetur sufficientia.*
- XXXVII. *Ostenditur in efficacia intensiva remissionis pœne.*
- XXXVIII. *Distinguendus est valor ab effectu Sacrificij.*
- XXXIX. *Neque efficacia extensiva adequatur necessario sufficientia.*
- XL. *Efficacia extensiva respicit capacitatem.*
- XLI. *Tertia obiectio principalis.*
- XLII. *Prima illuminatio est etiam effectus Sacrificij.*
- XLIII. *Sacrificium semper est actus oblatum pro vniuersis effectibus gratia.*
- XLIV. *Christus offert semper, & operatur in quolibet Sacrificio.*
- XLV. *Quarta obiectio principalis.*
- XLVI. *Sacramenta habent habitudinem ad Sacrificium.*
- XLVII. *Effectus Sacramentorum sunt etiam effectus Sacrificij.*
- XLVIII. *Sacrificium est causa vniuersalis, Sacramenta sunt causa particulares.*
- XLIX. *Sacrificium in aliquo genere cause concurrat ad causalitatem Sacramentorum.*
- L. *Sacrificium est applicatorium generale.*
- LI. *Causa generalis applicata, & causa generalis applicans.*
- LII. *Ratio vniuersalitatatis in Sacrificio super Sacramenta.*
- LIII. *Christus in Eucharistia, ut Sacrificium tantum est, continetur tantquam causa vniuersalis.*



AGNUM certamen suscipimus, & magno cum Aduersario, sed quamuis impares viribus, fortasse paribus pugnabimus armis. Igitur P. Suarez disput. 79. Sect. 1. hanc ponit conclusionem quæ in suo ordine est secunda. Hoc Sacrificium nulla ratione dici potest causa vniuersalis ex opere operato conferens, vel concurrens ad omnes effectus gratiæ, qui ex Redemptione Christi nobis proueniunt.

Pro hac sua conclusione, nullum P. Suarez ex antiquis citat Authorem, affirmatque nihil ferè antiquos de illa loquutos esse, quia ut ipse se existimare ait, nunquam huiusmodi causalitatis modus in eorum mentem venit.

Nos contra, libratim vtrique rationum momentis, & ducti tantum amore veritatis, contradictoriam statuimus conclusionem, asserimusque Diuinum hoc Sacrificium dici omnino posse, & esse causam vniuersalem ex opere operato concurrentem ad omnes fructus, & effectus gratiæ, quos Christus per Passionem suam nobis meruit, & quacumque via, aut ratione nobis applicantur. Atque hanc contendimus esse sententiam totius antiquitatis, ut mirandum non sit, quod fatetur P. Suarez, nullum antiquum oppositum docuisse.

I.  
Aduersario -  
rum Assertio.

II.  
Nostra Pessio.

## III.

Probat<sup>r</sup> pri-  
mo ex Scrip-  
t<sup>u</sup>ra.

Primum solidum fundamentum sumimus ex Scriptura Ioan. 6. *Panis, quem ego dabo caro mea est pro Mundi vita.* Hoc verbo, *pro Mundi vita*, comprehenduntur omnes omnino effectus gratiæ, quos Christus per Passionem suam nobis meruit, neque in hoc vllum contradicentem inuenio; nam idem est *pro Mundi vita*, quod *pro Mundi salute*, qua phrasi vniuersali, fructus Passionis, & Mortis Christi in Scriptura significari notissimum est; Immo Doctores aliqui ex eo verbo, totum hunc locum de causalitate Passionis Christi interpretantur, vt sensus sit: dabo carnem meam in Cruce quasi frumentum molendam, quasi panem pinsendam in cibum Mundi. Nulla ergo fingi potest controuersia in acceptione vniuersalissima huius vocis. Controuersia tantum esse potest; An hic vniuersalissimus effectus dicatur hoc loco dandus à carne, seu corpore Christi in Cruce, an in Altari. Pro qua controuersia asserimus duo. Primum non agi hoc loco de fructu Passionis sustinendæ, sed de fructu Eucharistiæ instituendæ. Rursus neque de fructibus, & effectibus Eucharistiæ, vt Sacramentum solummodo est, sed maximè, & potissimè de effectibus Eucharistiæ, vt Sacrificium iuge Ecclesiæ est.

## V.

Locus Ioannis  
intelligendus  
de Eucharistia.

Ac primum quidem, quod hoc loco, & his verbis agatur de Eucharistia instituenda probat Bellarminus lib. 1. cap. 5. quatuor argumentis. Primo ex ipso textu Scripturæ. Secundo ex Conciliis, & testimonio totius Ecclesiæ. Tertio ex Patribus omnibus, qui Commentaria scripserunt super hunc locum. Quarto, & absurdus, quæ sequuntur ex Aduersariorum sententia. Addit Maldonatus, nemini ferè Authori bono, malove ante Lutherum venisse in mentem, vt diceret hoc loco de Eucharistia non agi; neque equidem intelligo ait ille, vbi Tridentini Concilij Decretum valere debeat, ne quis contra Patrum consensum Scripturas sacras interpretetur; si hic non valet, vbi de re agitur inter nos, & Hæreticos maximè controuersa. In hac igitur parte comprobanda non moror.

## VI.

De Eucharistia  
vt Sacrificium  
est.

Illud probare aggredior, quod à Catholicis plurimis video inobseruatum, hoc nimirum loco, vbi constat agi de Eucharistia, de illa, non tam vt Sacramento, quàm vt Sacrificio agi. Conferamus hæc verba cum verbis Institutionis Sacrificij. Hic dicitur, *Panis quem ego dabo caro mea est pro Mundi vita.* Seu vt est in Græco, & legunt S. Cyrillus, Theophylactus, & Theodoretus: *Panis, quem ego dabo caro mea est, quem ego dabo pro Mundi vita.* Et Arabicus apud nostrum Cornelium, *Panis, quem ego dabo est corpus meum*, quod ego do pro Mundi vita. In verbis autem Institutionis habetur: *Accipite: Hoc est corpus meum, quod pro vobis datur in remissionem peccatorum*, tanta est similitudo, ait Bellarminus, vt planè clamare videatur Diuina Scriptura: *ibi reddat, quod hic fuit promissum.*

## VII.

Conferuntur  
verba promissionis  
cum verbis Institutionis.

Consuetudo Christi fuit, maiora mysteria, antequam re ipsa fierent, prænunciare, deque eximii illorum fructibus aliquid disserere, eiusque rei rationem non raro reddebat, vt cum factum fuerit credatis Ioan. 14. *Vt non scandalizemini, vt eorum reminiscamini. quia ego dixi vobis.* Ioan. 6. Porro Euangelistæ sic ea referunt, vt quæ vno tempore, aut loco promissa, ea alio loco redita esse demonstrent. Sic Clauis Regni Cælorum Petro promisit Christus Matth. 14. *Et tibi dabo.* simulque explicuit, quam vim illæ essent habituræ; tradidit autem illas post Resurrectionem Ioan. 21. Pari modo in re nostra, quod



vno anno ante se facturum, & instituturum promisit: *Corpus, quod ego dabo pro Mundi vita*, reddit pridie Passionis, quasi ostendens promissum, *Hoc est corpus meum quod pro vobis datur* Luc. 22. & vide quàm aptè cuncta respondeant: hic dicitur, *dabo*, ibi redditur, *datur*; hic dicitur, panis, quem ego dabo *caro mea est*, ibi Panis qui datur corpus meum est; hic explicatur fructus, *dabo pro Mundi vita*, ibi idem æquipollenter exprimitur, *datur in remissionem peccatorum*.

VIII.  
Implet quod  
promissus.

At in Eucharistia dicit aliquis: Caro Christi pro Mundi vita non datur. Dicit quidem hoc Hæreticus (verba Maldonati non mea sunt) Catholicus nemo dicit; nam etsi in Cruce pro Mundi vita in Sacrificium cruentum data est, etiam in Eucharistia pro eadem Mundi vita in Sacrificium datur incruentum. Notabilis planè responsio. *Pro eadem Mundi vita*: ergo hæc duo Sacrificia, cruentum, & incruentum æquè latè patent? Ita planè. *Ad omnia valet*, inquit Ricardus art. 16. *Sacrificium Altaris, ad quæ valuit victima Crucis*.

IX.  
Sacrificium  
cruentum &  
incruentum  
æquè latè pa-  
tent.

Sed ex collatione hac verborum sacræ Scripturæ conferamus cominus manus. Id promittitur cum dicitur: *Panis quem ego dabo pro Mundi vita*, quod exhibetur, & instituitur. *Hoc est corpus meum, quod pro vobis datur*. Seu vt pressius agam, & neruosius, id significat, *dabo*, de futuro, quod significat, *datur de presenti*, sed *datur* de presenti, significat, *offeratur* in Sacrificium incruentum; ergo *dabo* de futuro, significat *offeram* in Sacrificium pariter incruentum, de quo prædicatur vniuersalissimus effectus pro Mundi vita.

X.  
Quid signifi-  
cas, *dabo*, &  
*datur*.

Maiores propositio huius argumenti admittitur iam à Catholicis. Minor subsumpta probata à nobis est alibi fusè; illam tamen Hæretici omnes mordicus negant, ne fateri cogantur Missæ Sacrificium, ideo aiunt, sensum verborum, quod *pro vobis datur*, quemadmodum etiam sensum verborum consecrationis Calicis, *qui pro vobis funditur*, esse, qui *incipit fundi*, quia initium iam Passionis erat.

XI.  
Datur, est idem  
quod sacrificia-  
tur.

Sed vtrumque commentum, vno Apostoli verbo refutatur, ait Maldonatus, qui ait, hoc est corpus meum, *quod pro vobis frangitur*, quod de corpore Christi in Cruce dici non potuit, quia Sacramentalem loquutionem esse constat. Dicitur autem Corpus Christi frangi, quatenus sub panis specie, & Sacramento est, quia panis frangitur. Itaque extra Sacramentum frangi non dicitur, ac ne in Cruce quidem, vbi etiam B. Ioannes, tanquam mysterium adnotauit, latronibus crura contracta fuisse, Christo non fuisse. Verus ergo sensus horum verborum. *Pro vobis datur*, pro vobis *funditur*, est, *pro vobis offertur Deo*, & *sacrificatur*; neque enim dicit, qui *vobis* datur, qui *vobis* funditur, vt dicendum erat, si ad edendum daretur, & ad bibendum funderetur, sed qui *pro vobis* datur, *pro vobis* funditur, quod cum Sacrificio optimè conuenit, Sacrificium enim non hominibus, sed *pro hominibus offertur*, quod egregiè obseruat Maldonatus, & nos vbi recurrit necessitas, inculcare sæpius non piget; est enim hæc particula, *Pro*, in hac tam graui materia validum telum, quod non semel contra Hæreticos intorquet Bellarminus, præsertim lib. 1. de Missa cap. 12. explicans eundem hunc locum Apostoli 1. Corinth. 11. quod *pro vobis* frangitur, quæ verba, inquit, non possunt, vt contendunt Hæretici de solo pane intelligi; non enim panis *pro vobis* frangitur, sed nobis, sed oportet illa intelligere de vero corpore, sed non de vero corpore in propria specie, vt in Cruce, sed de vero corpore sub specie panis,

XII.  
Non in Cruce,  
sed in Altari.

XIII.  
Pro nota sacri-  
ficiali.

utin Altari. Itaque sensus est: Hoc est corpus meum, quod nunc pro vobis in specie panis frangitur, id est *datur*, & immolatur Deo.

## XIV.

*Ioannes hic  
sanctum memi-  
nit Sacrificij  
incrementi.*

Si ergo verba hæc promissionis de carne danda pro Mundi vita, eundem planè sensum habent cum verbis Institutionis de carne data, & in perpetuum Sacrificium relicta pro peccatorum remissione, dicendum necessàrio est in hoc loco Ioan. 6. commendari amplissimum, & vniuersalissimum effectum, & fructum iugis, perpetuæ Ecclesiæ Sacrificij, qui fructus sub Mundi vita, plenissimè commendatur.

Et sanè quod in simili adnotauit Bellarminus si in hoc loco B. Ioannes non agit de Eucharistia vt Sacrificium est, sequeretur nihil planè scripsisse de hoc Sacrificio; nam nusquam attigit hanc materiam de Eucharistia nisi hoc loco: At certè valde absurdum est Euangelistam Primarium, & diligentissimum in summis mysterijs explicandis, in tam longo Euangelio, nihil de hoc summo Sacrificio scriptum reliquisse, præsertim, cum hoc ipsum sibi proposuisse videatur, vt maxima quæque myteria consecraretur. Quare Augustinus lib. 3. de cons. Euang. monet, Ioannem nihil scripsisse de Eucharistia in proprio loco, vt cæteri fecerunt, quia plurima de ea re ante scripserat. Cæteri autem Euangelistæ in proprio loco non solum egerunt de Eucharistia, vt Sacramentum, sed etiam, & potissimè, vt Sacrificium est. Præterea si hîc non est sermo de Sacrificio, sequeretur Christum nunquam explicuisse fructum, aut excellentiam Sacrificij corporis sui, cum id tam sæpè fecerit de Sacramentis, nam in vltima Cæna solum instituit, & ad verba consecrationis corporis nihil addidit, & quamuis Matthæus addidit ad verba consecrationis Calicis illud, *in remissionem peccatorum*, propter hoc ipsum par erat, vt Ioannes, qui Euangelistarum vltimus scripsit, & sibi proposuerat insignia quædam ab alijs prætermittit consignare; par, inquam, erat, vt quod de sanguine à Matthæo expressum fuerat, hoc de corpore alibi declararet. Maneat ergo his verbis, promissum Ecclesiæ fuisse Sacrificium instituentum pro nostra, & totius Mundi salute, & *Vita*.

## XVI.

*Probatnr 2. ex  
S. Thomæ.*

## XVII.

*Sacrificium di-  
citur quando-  
que Sacramen-  
tum.*

Secundum fundamentum principale est, *Authoritas*, eaque luculentissima Principis Theologorum S. Thomæ, cui quantum in hac præsertim materia Ecclesia deferat, notius est, quàm vt hîc oporteat demonstrare. Est autem prænotandum ad loci intelligentiam, familiare esse S. Thomæ agere promiscuè de Sacrificio sub communi nomine Sacramenti, quatenus Sacramentum comprehendit totum mysterium sub quacumque ratione signi Sacri, vt manifestum est ex tota quæst. 83. 3. par. vbi semper agit de Sacrificio sub hoc communi nomine, quod adnotant omnes Interpretes S. Thomæ, & Aduersarij nostri non diffidentur.

## XVIII.

*Locus egregius  
ad honorem Sacri-  
ficij.*

Igitur S. Doctor in cap. 6. Ioan. lectione 6. sub finem, explicans vtilitatem Eucharistiæ super allata à nobis Euangelistæ verba; *pro Mundi vita*. Vtilitas, inquit, huius Sacramenti magna est, & *vniuersalis*, magna quidem, quia efficit in nobis nunc, vitam spiritualem, tandem æternam, vt dictum est; nam cum hoc Sacramentum sit Dominicæ Passionis, continet in se Christum passum, vnde: *quidquid est effectus Dominicæ Passionis, totus etiam est effectus huius Sacramenti*. Nihil enim aliud est hoc Sacramentum, quàm applicatio *Dominicæ Passionis* ad nos; non enim decebat Christum secundum præsentiam suam esse sem-

per nobiscum, & ideo voluit hoc supplere per hoc Sacramentum. Vnde manifestum est, quod destructio mortis, quam Christus moriendo destruxit, & reparatio vitæ, quam resurgendo effecit, & hoc est effectus huius Sacramenti. *Vniuersalis* autem, quia *vita, quam confert*, non solum est vita vnus hominis, sed quantum in se est, *totius Mundi*, ad quam *sufficiens est mors Christi*, 1. Ioan. 2. *Ipsa est propitiatio pro peccatis nostris, & non pro nostris tantum, sed etiam totius Mundi*. Notandum autem est, quod aliter est in isto Sacramento, & aliter in aliis, nam *alia Sacramenta habent singulares effectus*, sicut in Baptismo, solus baptizatus suscipit gratiam, *sed in immolatione huius Sacramenti est vniuersalis effectus*, quia non solum Sacerdos effectum consequitur, sed etiam illi, pro quibus orat, & *Ecclesia tota, tam viuorum, quam mortuorum*. Cuius ratio est, quia continetur in ipso ipsa causa vniuersalis omnium Sacramentorum, scilicet Christus; nec tamen si laicus sumat hoc Sacramentum prodest aliis quantum est ex opere operato, in quantum consideratur vt perceptio, quamvis ex intentione operantis, & percipientis possit communicari omnibus, ad quos dirigit suam intentionem. Hæc ibi S. Thomas pro materiæ amplitudine prescè, clarè, & plenè.

Quid ad tanti Doctoris tam apertam authoritatem aduersarij comminiscuntur? quem sensum accomodabunt vniuersalissimæ illi assertioni. *Quidquid est effectus Dominica Passionis, totus etiam est effectus huius Sacramenti*, id quod superius dixerat, *Totus etiam est effectus*. Si dubitent, ad quos dicendum est se extendere efficaciam, seu efficientiam Sacrificij, quàm latè dicendum est patere vitam, cuius est causa. Perpendant verba, quibus extensiuam vniuersalitatem subindicat S. Doctor. *Vita, quam confert, est vita quantum in se est totius Mundi, ad quam sufficiens est mors Christi*; vide quid asserat. Quousque se extendit Sacrificium cruentum quoad sufficientiam, eo se extendit in cruentum, quoad efficaciam; & rationem huius coextensionis aperuerat, *nihil enim aliud est hoc Sacramentum quàm applicatio Dominica Passionis ad nos*; quasi dicat, tantum latè patet Sacrificium applicatorium, quantum latè patuit Sacrificium redemptorium. Quod si subeat animum suspicio aliqua, S. Thomam, contra quod prænotauimus non loqui de Eucharistia, vt Sacrificium est; obseruent primo, verbum immolationis, quod est verbum sacrificale. *In immolatione*, inquit, *huius Sacramenti est vniuersalis effectus*. Obseruent secundo, Eucharistiam, vt à Sacrificio distinguitur habere suum effectum singularem tantum in suscipiente, vt reliqua pura Sacramenta, *sicut in Baptismo solus baptizatus suscipit gratiam*, sed in immolatione huius, *non solum Sacerdos effectum consequitur, sed etiam Ecclesia tota, tam viuorum, quam mortuorum*. Denique si aliqua suboritur dubitatio, non esse hoc loco sermonem de effectu vniuersali ex opere operato, attendant ad id, quod dicitur de sumptione Eucharistiæ non Sacerdotali, & sacrificali, sed laicali. *Nec tamen si laicus sumat hoc Sacramentum, prodest aliis quantum est ex opere operato, & mox, ex quo patet quod laici sumentes Eucharistiam pro his, qui sunt in Purgatorio errant*. Hinc manifestè cognoscent S. Thomam loqui de effectu ex opere operato, qui videlicet in sumptione sacrificali prouenit etiam non sumentibus; in sumptione verò laicali, prouenit tantum sumenti, atque adeo in Purgatorio de gentibus nihil prodest ex opere operato.

XIX.

Quadam magnè notabilia in hac doctrina S. Thomæ.

XX.

Causaliarius vniuersali ex opere operato.

Citauit allatum hunc locum S. Thomæ P. Suarez, & ex parte etiam illum attulit, sed hoc tantum, & quidem generatim respondet, Authores citatos, non loqui de effectu ex opere operato. Merebatur Summi Theologorum Principis auctoritas non obscura, pleniorum aliquam responsionem, & explicationem, sed nos contra illam datam, in qua totum positum videtur effugium.

## XXI.

*Probatnr no-  
stra Conclusio  
ratione.*

Tertium principale ponimus fundamentum à ratione, hoc modo. Diuinum hoc Sacrificium habet absolutè, & simpliciter effectum ex opere operato, sed nulla est auctoritas, aut ratio, quæ probet hunc effectum simpliciter ex opere operato, & non probet illum esse vniuersalem; ergo si hoc Sacrificium habet simpliciter effectum ex opere operato, illum habet vniuersalem.

Maior propositio est communis apud Theologos cum teste Bellarmino lib. 2. de Missa cap. 4. Vnus tantum, aut alter inueniatur, qui dissentiat, addit P. Suarez se Catholicum contradicentem non inuenisse; quare, ait ille, certam existimo veritatem hanc.

Veniamus ergo ad minorem propositionem, in qua sine dubio tota vis est. Dixi nullam esse auctoritatem, nullam rationem, quæ probet, hoc Sacrificium habere effectum ex opere operato, & non habere illum vniuersalem. Ac de auctoritate quidem satis mihi est, quod fatetur P. Suarez Sect. 6. huius disp. 79. nimirum Concilium Tridentinum imitatum antiquos Patres, nihil specialiter dicere de modo operandi effectum remissionis pœnæ ex opere operato, sed eodem generali modo de eo, & cæteris loqui. Quare ex antiquis Patribus, & ex Tridentino ipsos imitatum, hoc expressè faciente P. Suarez nihil habemus, quod ostendat hunc potius, quàm illum effectum Sacrificij esse ex opere operato.

Accedamus igitur ad rationes, & vt cogamus Aduersarios suas omnes proferre ad eruendam ex illis, & euincendam, rei, de qua, agimus, veritatem. Nego absolutè Sacrificium hoc habere modum causandi ex opere operato; cedo mihi iam, vnde habet, & probat P. Suarez Sacrificium hoc habere effectum aliquem ex opere operato?

Habeo, inquit ille primo ex communi Ecclesiæ consensu, omnes enim persuasum habent Sacrificium hoc ex vi suæ Institutionis habere singularem vim, & efficaciam ad applicandum aliquem fructum Redemptionis Christi iuxta id, quod Concilium Tridentinum Sess. 22. cap. 1. dixit, Christum instituisse hoc Sacrificium. *Ut illius (idest Sacrificij Crucis) salutaris virtus in remissionem eorum, quæ à nobis quotidie committuntur peccatorum applicaretur*, quod in cap. 2. latius docet. Hæc autem applicatio cum fiat ex vi Institutionis, oportet, vt includat causalitatem ex opere operato; nam si solum esset ex merito, vel satisfactione operantis, nihil haberet singulare hoc Sacrificium ex vi Institutionis, immò neque in hac superaret Sacrificia veteris legis, vel Naturæ, nam etiam illa habere poterant similem effectum ex opere operantis, vel per modum impetrationis. Quod si dicatur hanc impetrationem esse maiorem in hoc Sacrificio propter dignitatem eius, hoc non satis est, nam inde fit hoc Sacrificium nullam habere virtutem applicandi redemptionem Christi ex peculiari institutione ad hunc finem, sed solum quatenus ex natura rei sequitur ex ipsa Institutione Sacrificij secundum substantiam eius, hoc autem non videtur consentaneum doctrinæ Concilij Tridentini.

Hæc prima ratio si probat Sacrificium habere effectum ex opere operato, profecto vniuersaliter probat de omni illius effectū. Ecce tota vis argumenti. Per hoc Sacrificium fit applicatio virtutis Passionis Christi; & hæc applicatio fit ex vi Institutionis; ergo includit causalitatem ex opere operato. Hæc illatio rectè ostendit connexionem causalitatis gratiarum, & applicationis Passionum Christi, vt æquè latè patere debeat causalitas illarum, & harum applicatio; atque applicatio est vniuersalis ex Concilio; ergo etiam causalitas.

Dices, applicatio hæc ex Concilio est in gratiam remissionis peccatorum quoad pœnam tantum, non quoad culpam. Sed relegamus verba Concilij: *Vt illius salutaris virtus in remissionem eorum, quæ à nobis quotidie committuntur peccatorum applicaretur.* Vbi est applicationis limitatio quoad pœnam, & non quoad culpam? Sed quoniam P. Suarez ait, hanc applicationem latius explicari à Concilio cap. 2. Afferantur verba capitis secundi. *Ecce: Oblationis cruenta fructus per hanc inconuenientiam vberimè percipiuntur. Quare non solum pro fidelium vinorum peccatis, pœnis, satisfactionibus, & aliis necessitatibus, sed & pro defunctis in Christo, nondum ad plenum purgatis, ritè iuxta Apostolorum traditionem offertur.* Ex his verbis clarissimè constat applicationem hanc fieri vniuersalem. Dicitur enim propositione indefinita, quæ æquiualeat vniuersali sine vlla limitatione percipi fructus oblationis cruentæ. Neque licet amplius respondere esse vniuersalem pro remissione peccatorum quoad pœnas. Nam Concilium distinguit hîc, & enumerat: *pro peccatis, pro pœnis, pro aliis necessitatibus.* Igitur hæc prima ratio, aut probat causalitatem ex opere operato esse vniuersalem, aut neque probat esse particularem. Aliunde ergo ostendat Aduersarius, vnde habet in Sacrificio hunc causandi modum ex opere operato.

*Habeo*, inquit secundo, quia Ecclesia semper intellexit fructum huius Sacrificij non pendere ex gratia, seu sanctitate Ministri offerentis; ergo signum est dari ex opere operato.

Hæc item ratio si probat vnum effectum ex opere operato, probat omnes. Quia verè Ecclesia semper intellexit, nullum fructum huius Sacrificij pendere ex gratia, seu sanctitate Ministri offerentis. Quis enim dixerit remissionem peccati quoad pœnam non pendere ex conditione Ministri offerentis, quoad culpam verò pendere; cum absolutè doceat Tridentinum cap. 1. Sacrificium, quod offertur pro peccatis, seu culpis, & pro pœnis, aliisque necessitatibus, esse oblationem illam mundam, quæ nulla indignitate, aut malitia offerentium inquinari potest. Igitur secunda ratio, vel nimis pro sua sententia, vel nihil probat. Alia igitur afferenda est ratio vnde modum illum operandi habeat.

*Habeo*, inquit tertio, quia Sacramenta legis nouæ, omnia habent effectum ex opere operato, ergo & Sacrificium debet habere aliquem similem effectum sibi proportionatum. Patet consequentia, quia vtrumque spectat ad dignitatem, & excellentiam nouæ legis, neque minus dignum, aut perfectum est hoc Sacrificium in ratione Sacrificij, quàm sint in suo genere Sacramenta. Quapropter, quod de Sacramentis nouæ legis dicunt Concilia, efficere quod significant, quia non sunt signa egena, & vacua, sed plena virtute Sanguinis Christi, quo iam effuso nituntur: Totum, inquam, hoc conuenit huic Sacrificio: Est enim eadem

XXII.

*Sacrificium hoc est vniuersale applicatorium Passionis Christi.*

XXIII.

*Nullus fructus sacrificij pendet ex conditione Ministri.*

XXIV.

*Sacrificium est signum non egenum & vacuū, sed plenum magis quolibet Sacramento,*



ratio, immò quia cum vno Sacramentorum idem realiter est quoad hoc sub nomine Sacramenti comprehendere potest.

Hæc paritas Sacramentorum, si probat causalitatem aliquam Sacrificij ex opere operato, probat omnem. Ratio est quia ad perfectionem Sacramenti nouæ legis pertinet, vt omnes effectus illius vt Sacramentum est, sint ex opere operato, Neque enim ex parte sunt plena virtute Sanguinis Christi, & ex parte sunt vacua; ergo ad perfectionem Sacrificij nouæ legis, quod sine dubio non est minus dignum, & minus perfectum, pertinet, vt omnis effectus illius, vt Sacrificium est, sit etiam ex opere operato. Quandoquidem Aduersarij fatentur, quod est eadem, immò maior ratio. Et sanè valde egenum esset Sacrificium Christi, si ex opere operato nihil haberet, nisi remittere pœnam temporalem, & quoad hoc vix superaret Sacrificia veteris legis, vel Naturæ. Nam etiam illa ex vi Institutionis Diuinæ, similem habebant effectum. Præterquam quod superaretur simpliciter à quolibet Sacramento nouæ legis. Nullum enim est Sacramentum in noua lege, quod præter remissionem alicuius pœnæ non habeat alios plures, & quidem multo nobiliores effectus ex opere operato. In paritate ergo Sacramentorum, suum Aduersarij intentum nequaquam habent.

*Habeo*, inquit, quarto, quia alias sequitur non magis posse hoc Sacrificium offerri pro alio, quàm ipsam Eucharistiæ sumptionem, quod est planè falsum, & contra omnium mentem. Sequela probatur, quia etiam sumptio offerri potest pro alio quoad satisfactionem ex opere operantis, & similiter quoad impetrationem: Est enim opus satisfactorium, & meritum, seu impetratorium: sicut & alia opera Religionis. Si autem ab oblatione Sacrificij vt sic, tollamus vim ex opere operato, nihil aliud in ea manet, quod pro alio offerri possit, præter satisfactionem, & impetrationem ex opere operantis; nulla ergo est diuersitas.

Hæc ratio pari efficacitate probat Sacrificij causalitatem ex opere operato vniuersalem, quia sequeretur non magis posse hoc Sacrificium offerri pro omnibus fidelibus viuus, & defunctis, & pro omnibus effectibus gratiæ consequendis, quàm ipsam Eucharistiæ sumptionem, vt est manifestum ex rationatione iam facta, quare si ab oblatione Sacrificij vt sic, tollamus hanc vim vniuersalem ex opere operato, nihil aliud in ea manet, quod pro omnibus viuientibus, & defunctis offerri possit præter satisfactionem, & impetrationem ex opere operantis. Nulla ergo sit diuersitas. Vides vt neque ex hac quarta ratione quidquam habet.

*Habeo*, inquit, quinto, & vltimo, quia sequi ex contraria sententia videtur, oblationem Sacrificij, qua in hoc mysterio Christus offertur, non esse de se magis fructuosam, magisque applicatoriam Redemptionis, quàm sit oblatio inter-nam eiusdem Christi, & Passionis eius, quam vnusquisque fidelis sua priuata deuotione facere potest. Consequens autem est etiam absurdum, & contra totius Ecclesiæ sensum, & traditionem, nam Sacrificium hoc re ipsa oblatum censetur habere specialem efficaciam vltra solum desiderium, seu interiore actum.

Hæc ratio, sicut reliquæ præcedentes si quid probat, vniuersalem causalitatem probat, alioquin hoc Sacrificium re ipsa oblatum pro vniuerso gradu Ecclesiæ, & pro peccatis, pœnis, satisfactionibus; & aliis omnibus necessitatibus, non esset de se magis fructuosum, magisque applicatorium Passionis in ordine

## XXV.

*Omnis effectus  
sum Sacrificij,  
sum Sacramen-  
ti est ex opere  
operato.*

## XXVI.

*Sacrificium  
prodest vniuer-  
sa Ecclesia ex  
opere operato.*

## XXVII.

*Sacrificium ex  
vi externi ope-  
ris valet.*

ad vniuersas personas, & vniuersos effectus, quàm sit oblatio priuata, & interna eiusdem Passionis pro iisdem personis, & ob eosdem effectus facta. Quod sine dubio est expressè contra Concilium capite illo secundo, vbi dicitur: *Cuius quidem oblationis cruenta fructus per hanc incruentam vberimè percipiuntur.* In quibus verbis vnum supponitur à Concilio, alterum explicatur. Supponitur fructus Crucis percipi per Sacrificium Ecclesiæ; & quidem sine vlla restrictione, aut distinctione; vbi enim illa est? Quod explicatur, pertinet ad modum, seu quantitatem, secundum quam percipiuntur, & dicitur fieri vberimè, quod planè demonstrat non fieri tantum ad modum operis operantis.

Hæc planè sunt rationes, quibus P. Suarez disp. 79. Sect. 1. concl. 1. probat Sacrificium nostrum habere causalitatem ex opere operato. Quæ omnes, si tantum efficaces habendæ sunt, planè demonstrant, quod iam ostendimus huiusmodi causalitatem esse vniuersalem; vnde satis superque probatum manet tertium nostrum fundamentum ductum à ratione.

Incipiamus nunc respondere ad argumenta, quæ coëgerunt P. Suarez, vt causalitatem tanti Sacrificij ex opere operato vsque adeo coarctaret. Res erit laboriosa, quia Author hic in suis argumentis est fecundissimus, & nobis ad suspicionem omnem subterfugij amoliendam, propositum est, quæ obijcit singula ad verbum asserre, & ne apicem quidem difficultatis dissimulare.

Primum ergo Argumentum illud est, quia aut hæc vniuersalis causalitas fundatur quasi ex natura rei in excellentia, vel satisfactione actuali talis Sacrificij, vel in speciali promissione, & institutione Christi, dum præter hos nullus alius modus excogitari potest; neuter autem illorum probabilis. De primo patet, tum quia potuisset hoc Sacrificium institui, & nullam omnino habere causalitatem ex opere operato, nam cur repugnat? tum etiam quia si rei dignitas consideretur, etiam Eucharistiæ Sacramentum est infinitæ dignitatis, & tamen non propterea est principium omnium gratiarum ex opere operato; immò seclusa promissione, nec proprium aliquem effectum haberet ex opere operato; si autem consideretur actualis satisfactio, hæc nulla est in hoc Sacrificio ex parte Christi, & quamuis daremus esse aliquam, potius esset per modum sufficientiæ, quàm efficacis applicationis, sicuti fuit in Sacrificio Crucis. De secundo verò, scilicet de Institutione, aut voluntate Christi probatur, nam vbi est talis institutio? Neque enim in Scriptura Sacra habetur, neque in Ecclesiæ traditione est aliquod vestigium.

Hæc obiectio petit fundamentum causalitatis vniuersalis ex opere operato; sed non minus petit fundamentum causalitatis particularis, quam Aduersarij huic Sacrificio concedunt, remissionis videlicet pœnæ ex opere operato. Nam vel hæc fundatur in excellentia talis Sacrificij vel in speciali promissione, & institutione Christi; non in excellentia, nam potuisset hoc Sacrificium institui, & nullam omnino habere causalitatem ex opere operato, atque adeo neque vim ad pœnam remittendam, nam cur repugnat? non in speciali promissione, & institutione Christi, nam vbi est talis institutio? Nullum ergo est fundamentum causalitatis particularis; quid ad hæc Aduersarij?

Atque hic vnum habeo; quod planè dissimulare vix possum. Quis crederet, Aduersarios, dum tam rigide, & seuerè à nobis exigunt, vt ostendamus Christi

Nn ij

XXVIII.

Prima obiectio  
principalis.

XXIX.

Durior Aduersarij  
exaltio.

promissionem, & institutionem, in qua fundetur causalitas hæc nostra vniuersalis. Quis, inquam, crederet eos non in promptu, & ad manum habere, quam ostendant promissionem, & institutionem pro sua causalitate particulari? Et tamen legi ego totum Tractatum de Sacrificio Missæ decem, & sex Disputationibus comprehensum, & nullum in eo legi testimonium, nullam auctoritatem pro hac particulari causalitate, immo Sect. 6. disp. 79. ubi agit ex professo de illa, in objectione, sed contra, cum obieisset sibi non posse de hoc effectu remissionis pœnæ specialiorem Christi promissionem ostendi, quàm de reliquis, statim ingenuè liberaliterque dat manus, respondetque, propterea non esse veritatem hanc de fide certam. Quæ ergo ratio patitur, vt contra causalitatem vniuersalem Aduersarij clament; ubi est Institutio? cum ipsi hoc ipsum, quod esset multo facilius, exhibere non possint pro causalitate particulari?

Sed respondeamus directè ad objectionem, & conemur opera etiam nostra ipsos iuuare; quidquid enim ex Scripturis, Conciliis, Patribus pro causalitate vniuersali exhibebimus, confirmabit causalitatem particularem, quæ in illa vniuersali comprehenditur.

XXX.

*Excellentia Sacrificij est magnum fundamentum causalitatis vniuersalis.*

Dicimus ergo causalitatem hanc vniuersalem fundari, tum in excellentia talis Sacrificij, tum in speciali promissione, & institutione Christi. Ac de primo quidem fundamento, quod est quasi ex natura rei, miror P. Suarez, tam parum nunc illi tribuere, cum ipse disp. 79. Sect. 11. in illo fundet valorem huius Sacrificij infinitum in ratione Sacrificij, quia, inquit, hoc Sacrificium est infinitum ex parte rei oblate, & non est minus infinitum ex parte offerentis, quia licet Sacerdos videatur persona finita, tamen non offert in sua, sed in Christi persona, & est veluti æquivalenter Christus, qui est principalis offerens; ergo est tam infiniti valoris, quod spectat ad impetrationem, sicut Sacrificium Cœnæ, & nihil minus habet, quàm illud, nam quod nunc interueniat munus Sacerdotis, est quidpiam valde materiale, quod non diminuit moralem æstimationem, seu valorem oblationis. Cum ergo P. Suarez talem naturam constituat huius Sacrificij, & tantam dignitatem in illo agnoscat, vt fundet actuale valorem infinitum, quomodo potest ex hac parte illi deesse sufficiens fundamentum vniuersalis causalitatis?

At, inquit, potuisset hoc Sacrificium institui, & nullam omnino habere causalitatem ex opere operato? Hoc ipsum miror quomodo affirmare P. Suarez id velit de nostro Sacrificio, quod de nullo Sacramento nouæ legis fortasse ausus esset asserere. Certè ipse in hac eadem Sectione effectum aliquem Sacrificij ex opere operato infert, & probat à fortiori ex effectu simili Sacramentorum, quia, inquit, vtrumque spectat ad dignitatem, & excellentiam nouæ legis, neque minus dignum, aut perfectum est hoc Sacrificium in ratione Sacrificij, quàm sint in suo genere Sacramenta. Si ergo est eadem ratio quoad hoc de Sacramentis, & Sacrificio, sicut non potuerunt Sacramenta aliter institui de potentia Dei ordinaria, ita & quidem multo minus potuit hoc Sacrificium, quod est eiusdem rationis, & consequenter eiusdem essentialis perfectionis cum Sacrificio Cœnæ, de quo dixit Chrysost. Homil. 2. in Epist. 1. ad Timoth. Sacra ista oblatio, cuiusvis meriti sit Sacerdos, qui illam offerat, eadem est, quàm dedit Christus. *Nihil habet ista, quàm illa minus.*

At etiam stante rei dignitate infinita, Eucharistia vt Sacramentum, non est principium omnium gratiarum ex opere operato? Distinguo, non est principium omnium in suscipiente, & sumente hoc Sacramentum, nego; non est principium omnium in aliis non suscipientibus, & sumentibus concedo; sed in non sumentibus non solum non est principium omnium gratiarum, sed neque vilius particularis, cuiusmodi est remissio pœnæ. Est autem hoc generale discrimen inter Sacrificium, & Sacramentum, ortum ex naturis rerum, vt Sacramentum qua tale non profit nisi sumenti, Sacrificium verò profit non solum offerenti, sed etiam illis, pro quibus offertur.

Sed non existimo magnam vim esse faciendam in hoc primo fundamento causalitatis vniuersalis, quod est excellentia & perfectio Sacrificij, vt sic dicam entitativa ex eo scilicet quod res, quæ offertur, & ipse offerens, sit infinite dignus; nam quod rectè etiam obseruat idem P. Suarez, Sacrificium cruentum in esse suo tam perfectum fuit sicut Sacrificium incruentum, & tamen nullum habuit effectum ex opere operato quoad efficaciam, solum quia ex Christi voluntate non fuit ad hoc ordinatum, sed habuit sufficientiam, quæ ex natura rei sequuta est, supposita dignitate personæ offerentis, & aliis conditionibus ad satisfaciendum requisitis; ergo similiter hoc Sacrificium, quantumvis perfectum in suo esse, non intelligitur habere necessario prædictam efficaciam nisi adjuncta ordinatione, aut promissione Christi.

Majoris ergo ponderis, & consequentiæ est quod secundo loco inquirebatur de speciali promissione, & institutione Christi: & quidem si verum eilet, quod assumit in hoc argumento P. Suarez, neque in Scriptura Sacra, neque in *Ecclesiæ traditione*, vllum haberi vestigium talis promissionis, & institutionis, actum omnino esset de causalitate huius Sacrificij ex opere operato, quia effectus ex opere operato nulli convenit operi, vel signo externo ex natura sua, sed necessario pendet ex Christi promissione, vt ex communi Theologorum sententia supponimus cum Aduersariis ipsis, qui disertissimè aiunt in argumento, non solum Eucharistiam, vt Sacrificium, sed ipsam etiam vt Sacramentum seclusa promissione, nec proprium aliquem effectum habere ex opere operato. Quare P. Suarez Sectione citata, in responsione ad fundamentum primæ opinionis negantis omnem effectum ex opere operato propter defectum huiusmodi promissionis; Respondet tandem: nec refert, quod in Scriptura Sacra non inueniatur expressa talis promissio, *sufficit enim Ecclesiæ traditio*, ex qua sufficienter colligitur, & addit: Dici etiam potest insinuatam esse à Christo in illis verbis Consecrationis Sanguinis, qui pro vobis, & pro multis effundetur in remissionem peccatorum, *intellectis de effusione mystica, vel Sacramentali*.

Sed quo pacto dices, non pugnant inter se duo hæc dicta. *Neque in Ecclesiæ traditione est aliquod eius vestigium*, & *sufficit Ecclesiæ traditio, ex qua sufficienter colligitur*. Si in Ecclesiæ traditione nullum est huius promissionis vestigium, quomodo ex Ecclesiæ traditione talis promissio sufficienter colligitur?

Verè vix habeo quid ad concilianda hæc dicta respondeam, & libenter audirem aliquem ex eius opinionis fautoribus qua illa tandem ratione concordet. Vnum venit in mentem in priori loco negasse in Ecclesiæ traditione vestigium promissionis fundantis causalitatem vniuersalem, in posteriori vero affirmasse

XXXI.

*Excellentia non est fundamentum infallibile, & absolute necessarium.*

XXXII.

*Promissio est necessaria ad fundandum opus operatum.*

XXXIII.

*Videtur admittenda hic effusio sacramentalis.*

in Ecclesiæ traditione vestigium non promissionis fundantis causalitatem vniuersalem, sed particularem, quam ipse alibi explicat quoad pœnæ remissionem.

XXXIV.  
*Pugnancia de  
Traditione.*

Sed vnde quæso habet, esse vestigium promissionis fundantis causalitatem particularem in Ecclesiæ traditione? Hoc profectò non habet nisi ab autoritate Tridentini, dicentis: Hoc Sacrificium iuxta Apostolorum traditionem offerri pro pœnis. Sic enim sumitur argumentum. Concilium agit de valore huius Sacrificij ex opere operato, quo valet ex se ad ea, pro quibus offertur: si enim ad illa, pro quibus offertur non valeret ex se, nihil peculiare diceret Concilium de hoc Sacrificio, quod non conueniret aliis operibus, & precibus: Atqui ex traditione Apostolorum, offertur pro pœnis; ergo ex traditione Apostolorum valet ex se, & habet causalitatem ex opere operato respectu remissionis pœnæ; sed omnis effectus ex opere operato præsupponit promissionem, & pactum, ut patet in Sacramentis; ergo in Ecclesiæ traditione est vestigium sufficiens talis promissionis. Hanc puro esse vim argumenti, quod ex autoritate, & verbis Concilij sumi potest. Et sanè si Concilium loqueretur solum de Apostolorum traditione circa oblationem pro pœnis, vel certè verbum aliquod diceret, quod speciatim ad pœnas esset referendum, magnum in autoritate Concilij præsidium haberent. At quod est iterum, atque iterum animaduertendum, sacrum Concilium non magis applicat Apostolorum traditionem ad oblationem pro pœnis, quàm pro aliis rebus. Ecce iterum verba Concilij. *Quare non solum pro fidelium vivorum peccatis, pœnis, satisfactionibus, & aliis necessitatibus, sed & pro defunctis in Christo, non dum ad plenum purgatis, ritè iuxta Apostolorum traditionem offeruntur.* Vides non magis verba Concilij favere huic effectui, quàm aliis, pro quibus obtinendis hoc Sacrificium offertur.

Absolutè autem magnum est hoc testimonium pro causalitate ex opere operato, & consequenter pro ipsius fundamento, quia ut dicebam, si ad omnes illos effectus obtinendos ritè offertur, sine dubio ad illos omnes ex se, & ex vi operis valet; si autem ex vi operis valet, habet consequenter adnexum quidquid ad infallibilitatem effectus huiusmodi est necessarium, in quo includitur institutio, & promissio.

At nos non solum in traditione à Concilio asserta vestigium promissionis agnoscimus, sed illam expressam esse existimamus in Scriptura; ideo peculia rem disputationem induximus, in qua ex verbis Institutionis probauimus lib. 1. quæst. 4. promissionem factam huic Sacrificio de omnibus effectibus gratiæ virtualiter inclusis in remissione peccatorum, quibus addi etiam possunt, quæ initio præsentis disputationis attulimus super locum Ioan. 6. Est enim ille locus insignis, & præclara promissio facta huic Sacrificio incruento, offerendo, & instituendo *pro Mundi vita.*

XXXV.  
*Secunda obiectio principalis.*

Secundum argumentum P. Suarez sumitur ex inæqualitate Sacrificij incruentum cum Sacrificio cruento quoad effectum, & fructum, tum intensiuum, tum extensiuum illius; nam fructus Passionis Christi dupliciter considerari potest. Primo secundum perfectionem intensiuam singulorum effectuum, ut verbi gratia, quod fuit sufficiens ad merendum nobis gratiam magis, ac magis intensam; vel secundum extensiuum, id est quoad multitudinem effectuum. Neutro autem modo potest efficacia ex opere operato conueniens huic Sacrificio, esse adæquato



sufficienciæ meriti, & satisfactionis Sacrificij Crucis; ergo nullo modo potest esse hoc Sacrificium causa vniuersalis omnium gratiarum prouenientium ex Redemptione Christi.

Minor explicatur fusissimè à P. Suarez, summa tamen, quoad perfectionem intensiuam est, quia sufficientia Sacrificij Crucis, de se est infinita, & exauriri non potest; quoad extensiuam verò, quia Sacrificium Crucis valuit pluribus personis, & ad plures effectus.

Hoc argumentum vtile est, quia dat occasionem hanc, de qua disputamus, materiam, magis explicandi, & illustrandi. Cæterum aut nimis, aut nihil probat; nam quamuis demus efficaciam huius Sacrificij non esse adæquatam sufficientiæ Sacrificij Crucis, non sequitur consequentia; ergo hoc Sacrificium non potest esse causa vniuersalis omnium gratiarum prouenientium ex Redemptione Christi. Ratio quia non est contra rationem efficaciar, vt non adæquetur sufficientiæ, quod ostendo ex doctrina ipsius P. Suarez, & ex iis, quæ contra nos vrget. Et primo de perfectione intensiuæ est manifestum, quia nulla causa quoad efficaciam potest esse intensiōe infinita, nam efficacia respicit effectum in re ipsa dandum; non datur autem, nec dari potest effectus infinitè intensus. Itaque quoad efficaciam intensiuam, neque Sacrificium Crucis potuit esse infinitum. Hoc principium tenentur applicare Aduersarij ad præsentem materiam, quia licet per ipsos Sacrificium hoc non sit causa omnium gratiarum prouenientium ex Redemptione Christi, tamen est causa gratiæ remissionis peccati quoad pœnam. Quæro ergo, efficacia huius Sacrificij quoad remissionem pœnæ, estne adæquata sufficientiæ Sacrificij Crucis in perfectione intensiuæ? Profecto ait P. Suarez, non est adæquata, nam Christus per Passionem, non solum nobis meruit sufficienter decem, aut viginti gradus remissionis pœnæ, sed in quocumque gradu, ita vt sicut ratione suæ satisfactionis nunc voluit tantum remissionis per quodlibet Sacrificium incruentum dari, ita velle potuisset, vt maior, vel maior daretur: Hoc autem modo non potest efficacia huius causalitatis, quæ est in Sacrificio Eucharistiæ, adæquari sufficientiæ Sacrificij Crucis, quia sufficientia Crucis ad hunc effectum remissionis, de se est infinita, & exauriri non potest, neque oportet, vt sit ad certum gradum determinata, quia vt sic non applicatur ad operandum; at verò efficacia oportet, vt sit determinata ad certum gradum, quia includit applicationem, & institutionem ad certum gradum. Sicut ergo non obstante hac inadæquatione intensiuæ inter efficaciam, & sufficientiam vnus, & alterius Sacrificij, potuit incruentum Sacrificium institui, vt esset quoddam instrumentum eiusdem Christi ad applicandum nobis satisfactionem sui Sacrificij cruenti in remissionem pœnæ; ita stante eodem modo hac intensiuæ inadæquatione potuit institui, vt esset instrumentum generale, & vniuersale eiusdem Christi ad applicandum nobis omnes diuitias Passionis suæ. Neque enim (quod docet idem P. Suarez in hac eadem disputatione Sect. II. repugnat, Christum in propria specie existentem vti oblatione sui, vel se ipso, vt Sacramentaliter existente ad applicandum nobis diuitias Passionis suæ. Est autem commune omnibus instrumentis vt assumi non possint nisi ad determinatum, & finitum effectum. Quare rectè monent Doctores, distinguere oportere in hac materia Sacrificij valorem ab effectu. Valor enim significare videtur dignitatem

XXXVI.

*Non est necesse, ut efficacia adæquetur suffi-*  
*cientiæ.*

XXXVII.

*Ostenditur in efficacia intensiuæ remissionis pœnæ.*

XXXVIII.

*Distinguendus est valor ab effectu Sacrificij.*

moralem, quam oblatio habet, vt ea fufficere poffit ad meritum, fatisfactionem, & impetrationem, fi iuxta Diuinam ordinationem ad aliquid eorum referatur. Effectus autem eft id, quod de facto datur, vel dari poteft iuxta Chrifti institutionem ob talem oblationem. Et quamuis plurimi Doctores conueniant, valore Sacrificij Euchariftici effe infinitum, & adæquatum in ea ratione cum Sacrificio Crucis, tamen omnes omnino fatentur effectum, & fructum vtriusque effe finitum intenfue.

XXXIX.  
*Neque efficacia  
extenſiua ada-  
quatæ neces-  
ſario ſufficien-  
tia.*

Idem proportionaliter eft dicendum de perfectione extenſiua; neque enim eft contra rationem efficaciz quoad extensionem, vt quoad illam non adæquetur ſufficientiz; nam loquendo de effectû remiſſionis pœnz, qui ex ſententia aduerſariorum eft proprius, & adæquatus effectus ex opere operato huius Sacrificij. Certè efficacia quoad hunc effectum non adæquatur ſufficientiz ſacrificij Crucis; nam loquendo de perſonis, ſacrificium Crucis fuit ſufficiens remittere pœnam omnibus hominibus, tam qui Chriſtum præceſſerunt, quàm qui ſequuti ſunt, nec ſolum baptizatis, ſed etiam iis, qui non baptizati ſunt. At verò ſacrificium Euchariftiz efficaciam habere non poteſt quoad hoc in homines, qui Chriſtum præceſſerunt, neque in his omnibus, qui ſubſecuti ſunt, ſed tantum in baptizatis, & iuſtis.

XL.  
*Efficacia ex-  
tenſiua reſpicit  
capacitatem.*

Applicando autem doctrinam hanc directè ad argumentum, damus efficaciam Sacrificij noſtri non effe adæquatam ſufficientiz ſacrificij Crucis, tum quoad perfectionem intenſiuam, tum quoad extenſiuam in ſenſu explicato: negamus tamen, non poſſe propterea dici, & effe cauſam vniuerſalem omnium gratiarum prouenientium ex Redemptione Chriſti. Quia ad veritatem huius propoſitionis hoc tantum requiritur, vt quæ hoc modo dicitur cauſa, extendatur ad omnes, qui ſunt capaces illius effectus, & pro illorum capacitate; neque enim iuſtè petitur, vt extendatur ad homines, qui Chriſtum præceſſerunt, cum illi omnes ſupponantur in ſtatu iam effe, in quo huiusmodi effectuum capaces non ſunt: cæterum ad capaces, ſiue degant in Purgatorio, ſiue adhuc viuant iuxta cuiusque capacitatem vniuerſaliter ſe extendit hoc Sacrificium, quoad omnem varietatem effectuum. Itaque quod infra ſingillatim oſtendemus, ſe extendit ex opere operato ad remiſſionem omnis peccati, ſiue originalis, ſiue actualis, & ad omnem remiſſionem pœnz, ſiue æternæ, ſiue temporalis, & ad inſuſionem, & collationem cuiuſcumque gratiæ, ſiue ſanctificantis, ſiue gratis datæ; vt verum ſit tandem dicere, quod abſolutè pronunciat ſanctus Thomas illa Sect. 6. in Ioan. *Quidquid eſt effectus Dominiſſe Paſſionis, totus etiam eſt effectus huius Sacramenti.* Et rursus: *Vita, quam confert eſt vita totius Mundi, ad quam ſufficiens eſt mors Chriſti.*

XLI.  
*Tertia obſectio  
principalis.*

Tertium argumentum petit modum, quo cauſa hæc vniuerſalis concurrit ex opere operato; nam ſi quis, inquit, contendat efficaciam huius Sacrificij tam effe vniuerſalem, vt non ſolum per Sacramenta, ſed etiam per noſtras diſpoſitiones, & per omnia media, quibus Deus ad noſtram ſanctificationem vtitur, operetur; quid dicetur de prima illuminatione, interna vocatione, ſeu excitante gratia, quam Deus in nobis, ſine nobis, ideſt ſine vlla diſpoſitione noſtra operatur.

XLII.  
*Prima illumi-*

Reſpondeo ad intentum præſentis diſputationis ſatis effe, vt Sacrificium hoc concurrat,

concurrat, & conferat ex opere operato ad omnes omnino effectus Passionis Christi. Quando autem talis concursus est immediatus, quando mediatus, quando physicus, quando moralis, hoc ostendimus inferius. Interim ne videamur ictum declinare, dicimus, primam illam illuminationem, esse etiam effectum huius Sacrificij tanquam à causa immediata morali illius.

At contra instat P. Suarez, quia, inquit, Sacrificium hoc non est ratio talis effectus ut in re oblatum, quia supponimus non esse oblatum, neque applicatum ab aliquo offerente, neque etiam, ut in voto existens; nam in eo, qui primam illuminationem, & fidem suscipit, nullum votum huius Sacrificij præcessit. Non ergo datur illa gratia intuitu huius Sacrificij incruenti, sed cruenti solius.

Respondeo falsò supponi Sacrificium hoc non esse oblatum, neque applicatum ab aliquo offerente ad effectum etiam primæ illuminationis, vnde hoc supponitur? Certè non ex Scriptura, non ex Patribus, non ex Conciliis. Immo vt nos probauimus lib. 3. q. 1. Christus vt vnicus, & æternus Sacerdos, Pontifex Ecclesiæ nunquam vacat ab officio, & exercitio offerendi, tum per Ministros, tum cum Ministris suis. Quod si assidue offert, profectò pro hominibus offert, pro nostra, & totius Mundi salute offert; nam omnis Pontifex Hebr. 5. *Ex hominibus assumptus pro hominibus constituitur, vt offerat dona, & Sacrificia pro peccatis.*

Quanti autem valeat actualis hæc Christi oblatio explicat ipse P. Suarez Sect. 11. Concl. 1. sub finem vbi probat esse infiniti valoris, quia tales sunt omnes actus Christi, & aliqui Christus nunc est in statu impetrandi; vnde de facto est illa oblatio infinitè impetratiua quoad sufficientiam sicut alias dicitur de merito, & satisfactione Christi; sed quidquid sit de hac peculiari opinione; certissima, & communis est doctrina Bellarmini lib. 2. cap. 4. Sacrificium Missæ non solum offerri à Ministro pro nostra, & totius Mundi salute, sed etiam à Christo, & vt à Christo offertur, vim habere ex opere operantis, sed infallibiliter, quia placet ex bonitate offerentis Christi, quæ semper est eadem, & nec minui, aut crescere potest, vt autem offertur à Ministro, vim habere ex opere operato, quia placet Deo, etiamsi homo, qui offert, Deo non placeat; vnde rectissime insert id, quod est opus operantis respectu Christi, esse opus operatum respectu Ministri; & licet Minister operetur, per illum tamen verè Christum operari, & exercere actum Sacerdotij sui iuxta id, quod indicat Apostolus ad Hebr. 8. *Omnis Pontifex ad offerendum munera & hostias constituitur, vnde necesse est, & hunc habere aliquid quod offerat.* Super quem locum idem Bellarminus lib. 1. de Missa cap. 6. Vides, inquit, vt Paulus per necessariam consequentiam colligit, debere Christum, si verè est Pontifex Ecclesiæ, habere aliquid, quod offerat, & consequenter debere offerre, quia omnis Pontifex constituitur ad offerendum. Quare secundum Pauli sententiam Christus non est Pontifex in æternum, nisi assidue aliquid offerat. Hæc Bellarminus. Si ergo Christus assidue offert Sacrificium Ecclesiæ pro nostra, & totius Mundi salute. Qua ratione supponunt Aduersarij non esse actum oblatum ad effectum primæ illuminationis, quæ est initium salutis?

Quantum Argumentum, quia ridiculum dictum est Sacramenta omnia habere efficaciam ab hoc Sacrificio incruento, vt sic, aut in illo niti, vt operentur, quia

*natio est etiam effectus Sacrificij.*

XLIII.

*Sacrificium semper est actus oblatum pro vniuersis effectibus gratia.*

XLIV.

*Christus offert semper, & operatur in quolibet Sacrificio.*

XLV.

*Quarta obiectio principalis.*

Sacramenta solum nituntur in merito, & satisfactione Christi; ergo solum nituntur in illo Sacrificio, in quo Christus suum meritum, & satisfactionem consummauit; hoc autem fuit solum sacrificium Crucis; ergo in illo solo nituntur, nam seclusis ab hoc nouo Sacrificio merito, & satisfactione, nulla ratio excogitari potest, ob quam Sacramenta dicantur suos effectus conferre in virtute huius Sacrificij, quia in nullo genere causæ habent virtutem ab illo, neque in conferendis suis effectibus includunt habitudinem ad illud; qualis enim est hæc habitudo, aut quod habet fundamentum?

XLVI.  
*Sacramenta  
habent habitu-  
dinem ad Sa-  
crificium.*

XLVII.  
*Effectus Sacra-  
mentorum sunt  
etiam effectus  
Sacrificij.*

Respondeo: Si habere efficaciam ab aliquo, & nisi in illo, est in aliquo genere causæ, habere virtutem ab illo, aut in conferendis suis effectibus includere habitudinem ad illud, vt explicatur in argumento; non video quomodo negari possit Sacramenta aliquam efficaciam habere à Sacrificio incruento, & aliquo modo nisi in illo vt operentur. Profero fundamenta. Primum ex tribus propositionibus S. Thomæ. Prima est, *Quidquid est effectus Dominice Passionis, totum est effectus huius Sacrificij*. Ex qua sublimo sic, sed effectus Sacramentorum est effectus Dominicæ Passionis; ergo effectus Sacramentorum est etiam effectus huius Sacrificij. Maior est sancti Thomæ. Minor est de Fide. Consequentia tenet ex forma. Secunda propositio S. Thomæ, *Nihil aliud est hoc Sacrificium, quam applicatio Dominicæ Passionis ad nos*. Ex hac argumentor sic. Hæc applicatio ad nos Dominicæ Passionis non est tanquam à causâ particulari; ergo tanquam à causâ vniuersali; ergo est etiam applicatio Passionis, quæ applicatur per Sacramenta. Antecedens est expressissimum S. Thomæ. Sic enim ait, *Sacramenta habent singulares effectus, sed in immolatione huius Sacrificij est vniuersalis effectus*. Consequentia constat ex notione causæ vniuersalis, & particularis, de quarum ratione est, vt quidquid est effectus causæ particularis, sit etiam effectus causæ vniuersalis.

XLVIII.  
*Sacrificium est  
causa vniuer-  
salis, Sacramen-  
ta sunt causa  
particulares.*

Tertia propositio S. Thomæ, *Vita, quam confert hoc Sacrificium est vita quantum in se est totius Mundi, ad quam sufficiens est mors Christi*. Ex qua tale conficio argumentum. Tam Sacramenta, quam Sacrificium conferunt vitam, ad quam sufficiens est mors Christi. Nam quod Sacramenta conferant vitam, supponunt Aduersarij; quod Sacrificium conferat, docet hic expressè S. Thomas. Vel ergo tam Sacramenta, quam Sacrificium, illam conferunt, ambo vt causæ particulares, vel ambo causæ vniuersales, vel alterum, vt causa generalis, alterum vt causa particularis; non ambo vt causæ particulares, quia Sacrificium in sententia Aduersariorum, non est primo, & per se institutum ad conferendam vitam ex opere operato, sed tantum remissionem pœnæ. Non ambo vt causæ vniuersales, quia Sacramenta habent singulares tantum effectus, vt docet hoc loco S. Thomas, & Aduersarij non negant; ergo eiusdem vitæ, alterum, hoc est sacrificium erit causa vniuersalis, alterum, hoc est Sacramenta erunt causæ particulares; ergo Sacramenta in conferendis suis effectibus includunt aliquam habitudinem ad Sacrificium, & in aliquo genere causæ habent virtutem ab illo.

XLIX.  
*Sacrificium in  
aliquo genere  
causæ concurrat  
ad causam  
Sacramentorum.*

Secundum fundamentum principale habeo ex duabus propositionibus Sacrosanctæ Synodi Tridentinæ Sess. 22. Prima est cap. 1. vbi ait, hoc Sacrificium esse à Christo institutum. *Vt illius salutaris virtus in remissionem eorum, quæ à nobis quotidie committuntur peccatorum applicaretur*. Ex qua definitione Concilij sic



argumentor. Remissio peccatorum in virtute salutaris Passionis Christi fit per Sacramenta; sed virtus salutaris Christi Passionis in remissionem peccatorum applicatur nobis per hoc Sacrificium; ergo per hoc Sacrificium applicatur nobis remissio peccatorum, quæ fit per Sacramenta; ergo Sacramenta includunt habitudinem ad Sacrificium tanquam ad causam suorum effectuum vniuersalem. Omnia sunt manifesta præter primam propositionem, in qua diximus remissionem peccatorum, quæ fit in virtute salutaris Passionis Christi fieri per Sacramenta. Sed ea, vt alibi notauimus, est communis omnium Theologorum, loquendo de peccatis mortalibus, quia hæc tolli non possunt sine infusione gratiæ: gratia autem non infunditur ministerio humano nisi per Sacramenta. Sed quia locus allatus Concilij intelligi fortasse potest de venialibus, de quibus alia videtur ratio, ideo asserimus alium locum eiusdem Concilij.

Secunda ergo propositio Concilij est cap. 2. *Huius quippe oblatione placatus Dominus, gratiam, & donum penitentia concedens, crimina, & peccata etiam ingentia dimittit.* Ecce hic sermo est etiam de mortalibus. Sic ergo iterum argumentor. Hoc Sacrificium confert gratiam remissionis peccati in aliquo genere causæ, sed huiusmodi gratia remissionis non infunditur humano ministerio nisi per Sacramenta; ergo Sacramenta pendent in aliquo genere causæ ab hoc Sacrificio.

Tertium denique fundamentum sumimus ex effectu proximo, & primario huius Sacrificij, in quo est radix omnium effectuum gratiæ quocumque modo prouenientium à Passione Christi. Sed hoc fundamentum tractauimus quæstione præcedente, de proprio, & primario effectu Montis Propitiatorij ex opere operato.

Sed quid interim dicemus ad probationem argumenti P. Suarez. Sacramenta, inquit, solum nituntur in merito, & satisfactione Christi; ergo solum nituntur in illo Sacrificio, in quo Christus suum meritum, & satisfactionem consummauit, hoc autem fuit solum sacrificium Crucis.

Respondeo, negari non posse, solum sacrificium Crucis fuisse propriè meritum, & satisfactorium, quia ad proprium meritum & satisfactionem requiritur status viatoris; sed negari à nullo Catholico potest, Sacrificium etiam Altaris esse verè propitiatorium, vt definiuit Trident. Sess. 22. cap. 2. nec solum propitiatorium pro peccatis, sed etiam pro culpis, nec solum pro culpis leuibus, sed etiam pro grauib; immò absolutè à Patribus non solum dicitur propitiatorium sicut sacrificium Crucis, sed etiam meritum, satisfactorium, & impetratorium, vt sacrificium Crucis. Quare hoc? Non potest alia ratio assignari, nisi quia sacrificium Altaris est vniuersale, & generale applicatorium sacrificij Crucis; sunt quidem Sacramenta ipsa etiam applicatoria, sed particularia, non generalia, & ideo plura sunt, sacrificium verò est applicatorium generale, & ideo vnicum etiam est; & quia est generale applicatorium, ideo dicitur, & est simul propitiatorium, satisfactorium, meritum, & impetratorium; propitiatorium, quatenus applicando nobis virtutem salutarem sacrificij Crucis, impetrat ex opere operato remissionem culpæ; satisfactorium, quatenus eodem modo impetrat remissionem peccat; meritum quatenus pariter impetrat gratiam benefaciendi, ac merita acquirendi, vt explicat Bellarm. lib. 2. cap. 4.

L.  
Sacrificium est  
applicatorium  
generale.



## LI.

*Causa generalis applicata, & causa generalis applicans.*

Ad argumentum ergo dicimus, Sacramenta nisi in sacrificio Crucis tantum, tanquam in causa vniuersali applicata, sed tanquam in causa vniuersali applicante, dicimus nisi etiam in Sacrificio Altaris, tanquam in generali applicatorio sacrificij Crucis.

Vltimum argumentum P. Suarez cum superiori connexum est, quia, inquit, hoc ipsum sacrificium Eucharistiae non habet effectum vllum ex opere operato, nisi quatenus nititur in sacrificio Crucis, & ab illo habet virtutem, & efficaciam, quia Passio Christi est vniuersalis causa omnium effectuum gratiae, siue per Sacramenta, siue per quodcumque aliud instrumentum conferantur; ideo enim dicitur Christus vna oblatione Crucis consummasse sanctificatos, quia ab illa est omnis gratiae, omnisque sanctificatio nostra, & propter eandem causam, ad Rom. 3. ait Paulus, Deum proposuisse Christum propitiatorem in sanguine ipsius; ac denique Concil. Trident. Sess. 22. cap. 2. Ideo dicit efficaciam huius Sacrificij affirmari sine injuria sacrificij Crucis, quia institutum est, *ut per illud salutaris sacrificij Crucis virtus applicaretur*, ergo huius efficacia nititur in illius sufficientia.

Respondeo, argumentum rectè probare sacrificium Crucis esse causam vniuersalem omnium effectuum gratiae, siue per Sacramenta, siue per sacrificium Ecclesiae conferantur, atque adeo omnem efficaciam siue Sacramentorum, siue huius Sacrificij nisi in illius sufficientia. Quod nunquam negauimus, sed quod præter causam vniuersalem applicatam, non datur altera causa vniuersalis applicans; Hoc certè argumentum non probat, immo ex auctoritate allata Concilij satis insinuat, & probatur oppositum, quia ibi dicitur, hoc Sacrificium esse institutum, ut per illud *salutaris sacrificij Crucis virtus applicaretur*. Sed non ut applicaretur tanquam per causam applicantem particularem; ergo tanquam per causam applicantem vniuersalem iuxta doctrinam S. Thomae, & omnium Patrum.

## LII.

*Ratio vniuersalitatis in Sacrificio super Sacramenta.*

Quod si quæras cur vniuersalitas causalitatis concessa sit Sacrificio super omnia Sacramenta; ratio in promptu est, quam tangit S. Thomas, qui inquit, *conuenitur in ipso ipsa causa vniuersalis omnium Sacramentorum, id est Christus passus*. In cæteris Sacramentis non est ipsa causa vniuersalis, sed virtus tantum eius, eaque diuisa, & partialis, & quamuis in vno ex Sacramentis, hoc est in Eucharistia sit Christus ipse, in illa tamen, ut Sacramentum est, non continetur tanquam causa vniuersalis, sed tanquam causa particularis, cuius evidens signum est, quia Eucharistia ut Sacramentum est non prodest nisi fumentis. Immo quod

## LIII.

*Christus in Eucharistia ut Sacrificium tantum est, continetur tanquam causa vniuersalis.*

adnotauit alibi cum Bellarmino lib. 1. de Missa cap. 22. potuisset Eucharistia verè, & propriè Sacramentum esse, etiam si Christi corpus re ipsa non contineret, quia cum Sacramentum nihil aliud sit, nisi instrumentum sanctificationis, non est necesse, ut contineat re ipsa Corpus Christi, sed satis est, ut sit signum visibile continens virtualiter gratiam sanctificationis. Vnde optimè infert Bellarminus contra Lutherum, veritatem Sacrificij, quia, inquit, nulla est causa, cur debuerit necessario Eucharistia Christi corpus re ipsa continere, nisi, ut posset verè, & propriè Deo Patri à nobis offerri, & proinde Sacrificium esse verè, ac propriè dictum.

Esti iterum quæras, cur Christus in Eucharistia, qua Sacramentum est, con-

tineatur, vt causa particularis, & in eadem, vt Sacrificium est, contineatur vt causa vniuersalis. Afferam huius rei rationem à priori, quia in Eucharistia vt Sacrificium tantum est, continetur Christus actu offerens se ipsum pro nostra, & totius Mundi salute, quo fit, vt applicatio generalis Sacrificij, & oblationis facta in Cruce merito concessa non sit, nisi alteri Sacrificio, & oblationi, in qua idem sit offerens, & eadem victima, sola offerendi ratione diuersa vt loquitur Tridentinum.

## QVÆSTIO QVARTA.

*An omnes effectus, & fructus Montis Propitiatorij  
sint ex opere operato.*

- I. *Opinio contraria.*
- II. *Nostri Sententia.*
- III. *Prima differentia ex promissione.*
- IV. *Etiā operi per se dignissimo fit promissio.*
- V. *Secunda differentia ex adjuncta petitione.*
- VI. *Sacrificium etiā sine Oratione est impetratorium.*
- VII. *Sacrificium est Oratio Realis.*
- VIII. *Tertia differentia ex infallibilitate.*
- IX. *Effectus Sacrificij omnes sunt infallibiles.*
- X. *Sacrificium non accipit infallibilitatem ab Oratione.*
- XI. *Sacrificialis oblatio est essentialis Oratio.*
- XII. *Cur alicuius offerentis bonitas necessaria est Sacrificio.*
- XIII. *Quarta differentia ex vniuersalitate.*
- XIV. *Opus operatum Sacrificij tam latè patet, quàm patet Oratio.*
- XV. *Fundamentum nostri Sententia.*
- XVI. *Opus operatum, & opus operantis quid?*
- XVII. *In institutione ipsa operis operati includitur promissio.*
- XVIII. *Omnes effectus Sacrificij sunt aequales in esse ex opere operato.*
- XIX. *Inter opus operatum, & opus operantis non datur medium.*
- XX. *Quinta differentia ex immediatione.*
- XXI. *Efficiētia immediata non est de ratione operis operantis.*
- XXII. *Ex perfectione Sacrificij fit, vt non causet omnes effectus immediatè.*



N V E X I T hanc controuersiam P. Suarez disp. 79. Sect. 2. sub his terminis. *Verum hoc Sacrificium sit aliis modis fructuosum præter quam ex opere operato, affirmatque præter effectum ex opere operato, quem in sola pœnæ remissione positum opinatur, habere plures alios effectus, ac fructus, qui neque sunt ex opere operato, neque ex opere*

I.  
*Opinio contraria.*

operantis, sed per modum specialis impetrationis, qui modus in multis differt à propria causalitate, & effectu ex opere operato.

## II.

*Nostra sententia.*

Nos contra cum communi Theologorum affirmamus, omnes effectus, & fructus huius Sacrificij esse ex opere operato, & modum illum, quem specialis impetrationis appellat, condistinctum à propria causalitate, & effectu ex opere operantis, non differre à propria causalitate, & effectu ex opere operato. Vt autem nostram assertionem solidè statuamus, oportet examinare quatuor differentias, quas P. Suarez constituit inter illum modum specialis impetrationis, & causalitatem ex opere operato.

## III.

*Prim. differentia ex promissione.*

Prima, inquit, differentia est, quod prior causalitas ex opere operato fundatur in speciali promissione distincta à substantiali institutione Sacrificij, & non necessario ex illa consecuta, sed ex Christi beneplacito adjuncta; posterior autem modus impetrationis, non requirit specialem promissionem, sed ex natura talis Sacrificij necessario consequitur; nam ex sanctitate, & maiestate talis sacrificij intrinsecè sequitur ille valor ad impetrandum; nam sicut ipsum est altissimum Dei obsequium, ita de se est idoneum ad inuitandam Diuinam voluntatem, vt postulata concedat. Et confirmatur, nam ex vi suæ Institutionis habet, vt in persona Christi offeratur, quod non pertinet ad promissionem alicuius effectus, sed ad ipsam substantialem institutionem Sacrificij; sed hinc habet intrinsecè prædictum valorem, multoque magis, si non solum postulat institutio, vt in persona Christi offeratur, verum etiam vt ab ipso Christo actualiter offeratur.

## IV.

*Etiā operi per se dignissimo sit promissio.*

Hoc primum discrimen ad rem nostram applicatum, insufficiens planè est, quia valor intrinsecus ad impetrandum, fundatus in rei natura, & dignitate non excludit, immò potius postulat causalitatem effectus infallibilis, fundatam in adjuncta promissione, quæ affert infallibilitatem. Quod manifestum est primo in Eucharistia, vt Sacramentum est, cuius si rei dignitas consideretur sine dubio est infinita, & tamen non solum admittit adiunctam promissionem, sed tanquam necessariam postulat, vt intelligatur tanquam causa per se efficax, & quasi naturaliter operans Sacramentalem effectum infallibilem in subiecto disposito, prout exigit propria Sacramentorum causalitas. Rursus hoc idem est manifestum in Eucharistia, vt sacrificium est, nam negari non potest hoc sacrificium habere efficaciam ad causandam pœnæ remissionem per illum specialem modum impetrationis, non minus quàm alios effectus: patet nam hic valor ad impetrandum sequitur ex maiestate, & dignitate talis sacrificij inuitantis Diuinam voluntatem, vt postulata concedat; ergo non minus in suo genere efficax est ad vnum, quàm ad alterum effectum. Habet ergo hoc sacrificium efficaciam ad remittendam pœnam per illum modum impetrationis, & tamen causalitas sacrificij respectu huius particularis effectus est absolutè, & simpliciter ex opere operato. Itaque ex vi impetratiua intrinseca, quam habet sacrificium nullo modo licet inferre, effectus inde prouenientes non esse ex opere operato, quia cum tali vi impetratiua potest esse, aut non esse conjuncta promissio, quæ si adsit fundat effectum ex opere operato. Ostendant mihi nunc Aduersarij sacrificium hoc per se, & ex sua natura æquè potens per modum impetrationis respectu omnium effectuum, verbi gratia, respectu remissionis culpæ, & respectu remissionis pœnæ;

ascendant, inquam, respectu remissionis culpæ non habuisse adnexam promissionem, illam autem habuisse adjunctam respectu remissionis pænæ; id hæcenus non ostenderunt.

Secunda differentia, quam assert P. Suarez est, quod ad effectum ex opere operato non est necesse vt offerens specialiter petat, vel consequi intendat illum effectum. Quare ille modus causalitatis non propriè dicitur impetratio, cum non indigeat, nec nitatur petitioni offerentis, sed Christi promissioni. Ita enim operatur sacrificium illum effectum, sicut Sacramentum efficit suum: Sacramentum autem, hoc ipso, quod alicui applicatur, confert illi effectum, etiamsi, neque Minister, neque ipse hoc intendat, sed solum non ponat obicem; ergo & hoc sacrificium alicui applicatum, seu pro aliquo oblatum, absque alia speciali petitione, aut determinatione confert illi effectum suum ex opere operato. At verò effectum per modum impetrationis nullum confert, nisi ex peculiari intentione sacrificantis, vel offerentis, specialiter applicetur ad hoc, vel illud beneficium obtinendum; & ratio est quia, *nullum opus est impetratorium actualiter, nisi prout adiungitur petitioni.* Item quia licet hoc sacrificium de se habeat hunc valorem, tamen de se, est indifferens; & ideo vt actu impetret, necesse est quod per aliquam petitionem, vel desiderium, cui adiungitur determinetur ad aliquid impetrandum.

Hæc secunda differentia nititur maximè in assumpto illo principio; quod scilicet nullum opus est impetratorium actualiter nisi pro vt adiungitur petitioni. Hoc principium est falsum. Quia opus sacrificij circumscriptis petitionibus, & orationibus omnibus, suam habet vim, & efficaciam ad effectus, propter quos est institutum. Id autem demonstro tripliciter. Primo, quia inter differentias sacrificiorum, quæ erant in lege veteri vna erat sacrificium impetratorium, quod ex vi institutionis, & externi operis habebat virtutem impetrandi, sicut sacrificium propitiatorium habebat virtutem propitiandi, & placandi. Constat autem ex Tridentino Sess. 22. cap. 1. hoc vnicum sacrificium loco omnium illorum datum esse, tanquam eminentissimè continens omnem eorum perfectionem, ergo hoc sacrificium, quod sacrificium præcisè est, & prout in reali oblatione consistit, & omnino distinguitur ab Oratione, impetratorium est.

Secundò contra P. Suarez ad hominem sacrificium nostrum oblatum pro aliquo impetrat illi de facto, vel saltem potest impetrare remissionem pænæ sine vlla oratione, petitione, & intentione, aut sacrificantis, aut offerentis; ergo hoc sacrificium, non solum respectu huius effectus, sed respectu etiam aliorum potest applicari ad impetrandum absque eo, quod orationi, & petitioni coniungatur. Antecedens est expressum P. Suarj in hac disput. Sect. 6. sub finem primæ Conclusionis, vbi probat remissionem pænæ esse effectum proprium huius sacrificij, quia, inquit, vt sacrificium hoc conferat hunc effectum non est necessaria specialis petitio, & oratio, sed hoc ipso, quod pro aliquo offertur, simpliciter applicatur illi hic effectus sine alia speciali intentione obtinendi illum. Hæc ibi. Consequentia clara est, quia vis intrinseca sacrificij ad impetrandum, quatenus sacrificium est, eiusdem est rationis respectu vnius, ac respectu alterius effectus; ergo si ad vnum potest applicari absque eo quod orationi coniungatur, potest ad omnes,

V.

*Secunda differentia ex adiuncta petitione.*

VI.

*Sacrificium etiam sine oratione est impetratorium.*



VII.  
Sacrificium est  
Oratio realis.

Verum quidem est, sacrificium hoc de facto, cum oratione, precibusque coniungi, vt patet ex tota Liturgia, tum vt valor tanti sacrificij commendetur, tum vt fidelium mentes, petendo, & orando disponantur ad vberiores sacrificij fructus percipiendos. Cæterum oblatio ipsa sacrificialis per se antecedenter, & independenter ab omni actuali petitione, suam, vt sic dicam impetratiuum achiuitatem exercet, & tantum abest, vt ab oratione impetrandi efficaciam accipiat, vt potius ipsa tribuat orationi. Oportet ergo distinguere, duplex genus orationis, alterum realis, verbalis alterum, in quo mentalis etiam comprehenditur. Ac prior quidem Oratio realis, dici potest *Oratio operis*, posterior verbalis, dici potest, *Oratio operantis*, quam distinctionem visus est indicare Psalmista Plal. 19. vbi Interprete Bellarmino, sicut de Oratione verbali ait: Exaudiat te Dominus; ita addit de Oratione reali: memor sit omnis sacrificij tui. Neque quod dicitur de causalitate Sacramentorum quidquam vrget, immò potius fauet, quia sicut ad effectus Sacramentorum obtinendos satis est, vt Minister Sacramenti intendat, Sacramentum eiusque effectus suscipienti conferre, ita ad collationem fructuum sacrificij, satis est vt Minister sacrificij intendat fructus conferre iis, pro quibus intendit offerre. Hæc autem intentio generalis proficiendi illis, pro quibus offertur imbibitur in ipsa intentione sacrificialiter offerendi; quare sacrificium non est impetratorium media oratione, sed media applicatione Sacerdotis.

Ad illud autem, quod postremo loco dicebatur. Sacrificium videlicet per se indifferens esse, & propterea petitione aliqua indigere, vt actu impetret.

Respondemus, facile sacrificium non dici, nec esse indifferens ad impetrandum, vel non impetraudum, siue ad causandos, vel non causandos suos effectus, hoc ipso enim, quod offertur, ad causandum, & ad impetrandum offertur; sed dicitur indifferens, quia non est per se determinatum ad vnum tantum effectum particularem vt Sacramenta, sed respicit omnes vniuersaliter, vt natura ipsa sacrificij postulat.

VIII.  
Tertia differentia  
ex infallibilitate.

Tertia differentia allata à P. Suarez est, quia prior effectus ex opere operato infallibilis est, nam fundatur in promissione absoluta respectu eius, qui non possit obicem; at verò posterior effectus de se, non habet vnde sit infallibilis, patet quia nec fundatur in promissione, vt dictum est, nec etiam debetur ex Iustitia, quia non nititur in merito de condigno ipsius offerentis. Et confirmatur, quia hic effectus impetrationis habet adiunctam orationem, quæ interdum infallibiliter impetrat ex promissione, si habeat omnes requisitas conditiones, & tunc si orationi adiungatur sacrificium, infallibilis quidem erit impetratio, magis ob promissionem orationi factam, quam ex aliqua ratione propria illius; interdum verò oratio non infallibiliter impetrat, si caret aliqua conditione requisita, & tunc etiam ex sacrificio non habet infallibilem impetrationem; nullum enim est principium eius, quamuis conferat magnam vim orationi, vt obtineat, quod sine sacrificio fortasse non obtineret.

IX.  
Effectus sacrificij  
omnes sunt  
infallibiles.

Hæc tertia differentia præsupponit, quod esset omnino probandum, videlicet promissionem factam huic sacrificio fuisse specialiter factam in ordine ad vnum certum, ac determinatum effectum, & ideo hunc esse ex opere operato, & infallibilem, non esse autem talem promissionem eidem sacrificio factam in ordine  
ad



ad reliquos eius effectus, & ideo hos non esse ex opere operato, & infallibiles; hoc fuisset probandum, & in aliquo saltem loco vniuersæ disputationis de sacrificio ostendendum; sed adhuc id videre non potui. Et sanè, vel Aduersarij habent, quam proferant huiusmodi promissionem, vel non habent; si non habent, quomodo tanquam certum affirmant, sacrificium hoc habere suum proprium effectum ex opere operato, quandoquidem omnis effectus ex opere operato in promissione fundatur; si habent, cur non proferunt?

Neque minùs gratis dictum videtur, quod additur in confirmatione, sacrificium scilicet accipere interdum infallibilitatem ab oratione, si oratio ex suis requisitis omnibus habitis est infallibilis, orationem verò non accipere infallibilitatem à sacrificio, si illam non habeat ex se. Hoc dictum non solum gratis assertum videtur, sed planè falsum; quia sacrificialis oblatio, vt superius diximus, ipsa est realis, immò essentialis oratio, atque adeo ipsa ex se, & sua natura habet vim impetrandi seclusa omni alia adjuncta oratione, & petitione. Ad quam sacrificij naturam respiciens Bellarminus lib. 2. cap. 4. docet propriam eius efficientiam esse, impetrare, quia, inquit, sacrificium est quædam oratio, non verbalis, sed realis, oratio autem, licet possit esse meritoria quatenus sit ab homine iusto, & ex charitate, & simul etiam satisfactoria, quatenus est opus laboriosum, tamen ex se, & ex proprio officio impetratoria est. Vnde optimè colligit, ad sacrificium Missæ, licet non sit necessaria bonitas Ministri offerentis, tamen alicuius offerentis bonitatem necessario requiri, quia, inquit, sacrificium cum ad impetrationem tendat, & simile sit orationi, sine dubio non potest placere, nec impetrare, nisi offerens placeat: neque obstat, quod in sacrificio Missæ res ipsa, que offertur ex se grauissima est; nam non res illa, sed rei illius oblatio propriè sacrificium est: Sacrificium enim est actio, non res permanens. Porro licet res ipsa placeat ex se, tamen oblatio rei non placet, nisi offerens placeat, ac præsertim Deo, cuius sunt omnia, & qui nulla re indiget, quamuis cæteris paribus gravior sit oblatio rei præstantioris, & proinde grauissima oblatio Corporis Domini, rei videlicet omnium præstantissimæ. Ex eo igitur principio, quod sacrificium quædam realis oratio est, probat Bellarminus sacrificium hoc postulare, vt licet offeratur ab homine, qui interdum non placet, offeratur tamen semper in persona Christi, qui semper placet.

Atque hinc habes tandem alterum principium infallibilis, & vniuersalisimæ impetrationis in sacrificio; nam præter promissionem peculiarem, quam habet, vt sacrificium est noui Pacti, & Testamenti, de qua superius non ieiunè disputauimus, habet etiam promissionem factam orationi, cuius veluti species præstantissima est sacrificialis oblatio; sed de hoc redibit sermo infra.

Quarta, & vltima differentia, quam P. Suarez assignat, est, quia hic posterior modus causandi per impetrationem, vniuersalior est, quàm prior, tum ex parte personarum, quia ad plures personas extenditur hæc impetratio, quàm opus operatum, tum etiam in effectibus: nam opus operatum definitur ad certum, ac definitum effectum; hæc verò impetratio ad quoslibet effectus Diuinæ beneficentie extendi potest, vt confirmat satis vsus Ecclesiæ in omnibus Liturgiis. Item quia hæc impetratio tam latè patet, quàm oratio, & quam Sacerdotale munus: Sacerdos enim, vt Chrysost. ait lib. 6. de Sacerd. & Ambrosij 1. Offic. cap. 48.

● X.

*Sacrificium non accipit infallibilitatem ab oratione.*

X I.

*Sacrificialis oblatio essentialis oratio.*

X II.

*Cur alicuius offerentis bonitas necessaria est sacrificio.*

X III.

*Quarta differentia ex vniuersalitate.*

Est vniuersalis Legatus apud Deum pro vniuerso Orbe, & pro omnibus deprecatur, quod maximè præstat per sacrificij oblationem, & sic etiam rectè intelligitur, quod Tridentinum ait Sess. 22. cap. 2. per hanc oblationem vberimè percipi fructus oblationis cruentæ, quia in vtraque idem est offerens, & quod offertur. Quo tandem fit, vt hi duo modi causandi quodammodo se habeant vt excedens, & excessum, nam prior superat in infallibilitate, & certitudine, posterior verò in vniuersalitate, & quadam infinitate.

XI.

*Opus operatum  
sacrificij tam  
late patet, quàm  
patet oratio.*

Hæc vltima differentia nititur quoque falso principio, quod scilicet opus operatum necessario definitur ad certum, ac definitum effectum. Quod autem hoc principium sit falsum probo ex duabus propositionibus verissimis, quas astruunt hoc loco Aduersarij ipsi; prior est, Sacrificij oblatio tam latè patet, quàm patet oratio. Hæc propositio sine dubio est Sanctorum Patrum in commendationem maximam sacrificij; ex qua argumentor sic. Si hæc propositio non est vera ratione operis operati sequitur non pertinere ad peculiarem excellentiam sacrificij, quod tam latè pateat, quàm patet oratio, quia præciso opere operato, quodlibet opus bonum tam latè patet, quàm patet oratio; nam quodlibet opus bonum potest offerri Deo ad impetrandum quidquid per orationem impetrabile est. Si ergo ab oblatione huius sacrificij tollamus vniuersalitatem effectuum ex opere operato, nihil sublimius, aut grandius ex hac æquè latè patentia cum oratione de sacrificio affirmamus, quàm de quolibet alio pio opere, quod sine dubio est absurdum, & contra totius Ecclesiæ sensum.

Altera Aduersariorum propositio ad hanc æqualitatem cum oratione commendandam illa est: *Sic etiam rectè intelligitur*, quod Tridentinum ait, per hanc oblationem vberimè percipi fructus oblationis cruentæ, quia in vtraque oblatione, tam cruenta, quàm incruenta idem est offerens, & quod offertur: si sic etiam rectè intelligitur locus hic Tridentini. Argumentor iterum ex illo hoc modo. Tota ratio admirabilis extensionis, quam habet hoc sacrificium ad percipiendos omnes fructus oblationis cruentæ, vt non minus latè extendi ad illos possit, quàm oratio, tota est, quia in eo Christus est offerens, & quod offertur; sed hæc ratio pertinet ad opus operatum, vt indubitatum est apud omnes; ergo opus operatum huius sacrificij, non minus extenditur, nec minus latè patet, quàm oratio.

His ita expeditis, facile nobis erit probare præfixam initio assertionem, videlicet omnes effectus, ac fructus Sacrosancti huius sacrificij esse ex opere operato. Probamus autem hoc modo.

XV.

*Fundamentum  
nostra sententia.*

Illi sunt effectus ex opere operato, qui nullo modo pendent ex conditione Ministri operantis, sed proveniunt ex vi exterioris operis instituti à Christo; sed huiusmodi sunt omnes effectus huius sacrificij; ergo omnes effectus huius sacrificij sunt ex opere operato. Maior propositio non aliunde probanda est, quàm ex communi consensu Theologorum, qui talem veluti definitionem acceperunt. Illam autem optimè explicat Bellarminus pluribus in locis parsum, sed colligit præcipuè lib. 2. de Missa cap. 4. vbi ait, illud habere vim ex opere operantis, quod vim habet ex bonitate, vel deuotione eius, qui operatur, ita vt opus multum, aut parum, aut nihil valeat, prout magna, pauca, aut nulla est bonitas, & deuotio operantis, qualis est valor precum, & meritorum nostrorum: Illud autem habere

XVI.

*Opus operatū,  
& opus operantis  
quid?*

vim ex opere operato, quod ex se valet, modo fiat sicut lex præscribit, quidquid sit de bonitate, vel malitia operantis Ministri, ita ut opus semper idem valeat, nec fiat melius ex Ministri bonitate, neque peius ex Ministri iniquitate; talem esse valorem Baptismi ait Bellarminus, ne Hæretici quidem hoc tempore negant, licet à vocabulo operis operati abhorreant. Idem enim est, Baptismus, & idem efficit, siue à bono, siue à malo Ministro conferatur. Quare controuersia, inter Catholicos, & Hæreticos illa semper fuit. Vtrum sacrificium vim habeat ex ipso opere, qualem habent Sacramenta, an ex bonitate Ministri, qualem habent nostræ preces.

Quamquam hic mirabile alicui videri posset, cur in tradenda notione causalitatis ex opere operato, nulla fiat à Theologis mentio de promissione facta operi, neque de illius effectus infallibilitate. Certè P. Suarez, qui in præsentî viget, circumstantias promissionis, & infallibilitatis. In proprio loco, hoc est super quæst. 62. S. Thomæ disp. 7. sect. 1. totam hanc doctrinam his planè verbis comprehendit. Distinguunt, inquit, Theologi duplicem modum obtinendi gratiam; priorem vocant ex opere operantis, qui est quando obtinetur gratia ex merito, vel ratione propriæ dispositionis præcisè, ut est ab operante; posteriorem vocant ex opere operato, qui est quando ratione operis externi, vel Sacramenti applicati, datur aliqua gratia ultra omne meritum operantis, tam de condigno, quàm de congruo. Hæc ibi, Præterea nihil cur neque ille, neque alij in proprio loco exprimunt, adiunctam promissionem absolutam, respectu eius, qui non ponit obicem, quæ vnicum est fundamentum infallibilitatis effectus ex opere operato.

Ratio meo quidem iudicio illa est, quia omnis institutio causæ ex opere operato facta à Christo, est per modum pacti testamentarij, quod sicut includit vtriusque partis obligationem, ita etiam promissionem iuxta eam quæ diximus agentes de institutione, & erectione Montis Propitiatorij; quare cum in institutione ipsa operis operati promissio illa includatur, hinc fit, ut à Theologis potius præsupponenda, quàm necessario explicanda visa sit. Maior ergo propositio in hoc sensu, quod scilicet ille dicatur effectus ex opere operato, qui infallibiliter provenit ex opere ipso, ratione promissionis illi adiunctæ independentè à conditione operantis, admittitur ab Aduersariis, & ab omnibus.

Minor propositio colligitur meo quidem iudicio apertissimè ex Tridentino sess. 22. cap. 2. vbi Patres illius Sacri Concilij reddentes causam aliquorum effectuum huius Sacrificij, illam reddunt. *Quia eadem est hostia, & idem Offerens, qui fuit in Sacrificio Crucis.* Hæc ratio Sacri Concilij, probat duo. Alterum est quod infert Bellarminus, hoc Sacrificium habere causalitatem ex opere operato, quia siue Minister sit bonus, siue malus, tota causa illorum effectuum eadem semper manet, quia semper eadem est hostia, & idem offerens, qui fuit in Cruce. Alterum est, quod nos superius contra Aduersarios inferebamus, & postulat propositio facta in argumento, videlicet effectus huius sacrificij omnes æquales esse quoad rationem operis operati, quia respectu omnium æqualis est ratio eius causalitatis, quæ non alia à Concilio, Patribus, & Theologis assignatur, nisi quod Christus est ibi principalis offerens, & res oblata. Cum ergo illi sint effectus ex opere operato, qui non pendunt ex bonitate alterius

XVII.  
*In institutione  
ipsa operis operati  
includitur  
promissio.*

XVIII.  
*Omnes effectus  
Sacrificij sunt  
æquales in esse  
ex opere operato.*

offerentis, quàm Christi, & in hoc effectus omnes Sacrificij sint æquales, apertè sequitur effectus omnes huius sacrificij esse ex opere operato.

## XIX.

*Inter opus operatum, & opus operantis non datur medium.*

Hæc consequentia valida planè est, quia fundatur in principio à Theologis receptissimo, quod quisquis effectus ex opere sequitur, & non ex opere operantis, hoc ipso dicendus est sequi ex opere operato, neque alio modo probat P. Suarez disp. 7. sect. 1. Sacramenta nouæ legis conferre gratiam ex opere operato, nisi quia illam conferunt præter omne meritum operantis. Quæ ratio sine dubio præsupponit id, quod ipse præsentī quæstione renuit admittere, illa videlicet duo membra, opus operatum, & opus operantis, distingui per immediatam contradictionem ita vt inter illa, non detur medium, sicut in subiecta materia, sed ex negatione vnius, alterius affirmatio inferatur.

## XX.

*Quinta differentia ex immeditatione.*

Verum posset adhuc vrgere P. Suarez, & quatuor assignatis differentiis, hanc addere quintam, quod scilicet effectus ex opere operato non solum est certus, & infallibilis, sed etiam immediatus. Est enim opus operatum veluti instrumentum quoddam efficiens, & immediatè produciens effectum per modum naturæ: hæc autem causalitas non videtur habere locum in Sacrificio, saltem in aliquibus eius effectibus; nam vt interim alios relinquamus: Remissio culpæ lethalis est effectus, & quidem præcipuus huius Sacrificij iuxta verba consecrationis Calicis: *qui pro vobis, & pro multis effundetur in remissionem peccatorum*, quæ verba cum Patribus, & Catholicis Doctoribus multis exposuimus de incruenta effusione, & tamen effectus hic remissionis culpæ mortalis, atque adeo infusionis gratiæ primæ, & iustificationis non procedit à Sacrificio, vt à causa proxima, & immediata; nam si remissio culpæ causatur ab hoc Sacrificio hoc modo, causaretur ad modum Sacramentorum: hoc autem est apertè falsum.

## XXI.

*Efficientia immedicata non est, de ratione operis operantis.*

Respondeo cum Bellarmino, lib. 2. cap. 4. Valorem ex opere operato posse duobus modis in aliquo opere inueniri; vno modo si opus illud sit instrumentum quoddam efficiens, & immediatè produciens effectum quasi per modum naturæ; alio modo si opus quidem, quod sit non sit instrumentum efficiens, & immediatè produciens effectum, sed tamen infallibiliter, & independentè à bonitate Ministri moueat Deum ad effectum producendum. Exemplum affert Bellarminus in rebus humanis, si quis ignotus, vel etiam inuisus Principi, aliquid ab eo peteret nomine alterius, cui Princeps nihil negare posset, ista enim huius hominis supplicatio infallibiliter impetrat, & tamen non habet vim ex opere operantis, id est ex bona qualitate supplicantis, cum sit ipse ignotus, vel inuisus Principi.

Ex his duobus modis causandi ex opere operato, alterum dedit Christus Sacramentis, alterum sacrificio. Ac primum quidem dedit Sacramentis; vnde actio Sacramentalis est instrumentum Dei, quod efficaciter, & immediatè iustificat, nisi ponatur obex, nec pendet virtus huius instrumenti à bonitate Ministri, sed à sola Dei institutione. Secundum modum causandi ex opere operato dedit Sacrificio, cuius effectus primarius, proximus, & immediatus est Deum placare, & ratione cuius extendit se ad alios omnes iuxta doctrinam Tridentinæ sess. 22. cap. 2. vbi cum dicitur, per Sacrificium hoc remitti peccata, redditur causa, quia Deus hoc Sacrificio placatus, gratiam, & donum pœnitentiæ concedit.



Quod si quæras, cur diuersum modum causandi ex opere operato, dederit Sacramentis, & Sacrificio, & cur potius primum, qui videtur esse perfectior non dederit Sacrificio huic, quod est perfectius omnibus Sacramentis.

Respondeo ad primum, quia ad eundem omnino effectum, hoc est ad peccatum immediatè tollendum iuxta Dei prouidentiam omnia disponentis in numero, pondere, & mensura vnum medium, seu vnus modus per se instituendus erat, non verò multiplex. Ideo cum ad peccatum immediatè tollendum, instituta sint Sacramenta Baptismi, & Pœnitentiæ, illud pro Infidelibus, hoc pro fidelibus, siue illud pro originali, hoc pro actuali diluendo, congruum non erat, vt aliud medium, *ad hunc eundem effectum eodem modo*, institueretur.

Sed cur potius causalitas illa immediata concessa est Sacramentis, quàm Sacrificio.

Respondeo id non ex imperfectione, sed ex maxima Sacrificij perfectione ortum esse. Ratio est, quia decebat vt Sacrificium, in quo Christus, qui est causa omnium Sacramentorum continetur, vniuersaliorem modum haberet operandi, quàm Sacramenta, vt sicut Sacramenta tanquam causæ particulares, suos peculiare respiciunt effectus, ita Sacrificium tanquam causa vniuersalis, respiceret superiori modo omnes effectus? At verò si Sacrificium esset definitum ad illum modum iustificandi immediatè ad instar Sacramentorum, nullo modo posset se extendere ad omnes homines, & ad omnes effectus. Neque enim liceret ipsum offerri pro iis, quos scimus in peccato libenter manere, nec pro obduratis, & impenitentibus; quia medium immediatè iustificans, requirit necessario præuiam dispositionem in eo, cui applicatur; vnde sine antecedenti, & sufficienti dispositione non posset pro obstinato peccatore Sacrificium offerri, sicut ob eandem rationem non potest illi Sacramentum conferri. Vnde etiam fieret, vt peccatores, qui pro se Sacrificium offerri peterent, peccarent grauissimè, nisi simul se ad gratiam recipiendam præpararent; quæ omnia absurda sunt, & ab omnibus reiecta. Vt ergo Sacrificium tanquam generale applicatorium Passionis Christi, posset se ad personas omnes, & omnes effectus extendere, necessarium fuit, vt immediatè, & proximè haberet Deum placare, & in hoc assimilaretur Sacrificio Crucis, cuius finis non fuit efficienter, & immediatè iustificare, alioqui omnes homines continuo iusti effecti essent, cum Dominus pro omnibus hominibus se Deo in Sacrificium obtulerit; sed eius finis proximus, & principalis fuit placare Deum Generi humano. Coloss. 1. *Pacificans per Sanguinem Crucis.* Quamuis verò nostri Sacrificij non sit iustificare quod est proprium Sacramentorum, sed propitiare, & placare, qui est effectus, & finis veri Sacrificij, Negandum tamen non est plures effectus gratiæ causare etiam immediatè, per quos homo peccator ad Sacramenta ipsa, accedere velit, vt per illa iustificetur. Quæ omnia constabunt magis ex infra dicendis. Interim hoc maneat, omnes Sacrificij huius effectus siue immediatè, siue immediatè proueniant, esse ex opere operato, neque contra hunc modum causalitatis esse, non efficere immediatè.

XXII.

*Ex perfectione Sacrificij fit, vt non causet omnes effectus immediatè.*



# QVÆSTIO QVINTA.

*An omnes effectus, ac fructus Montis Propitiatorij certi sint, & infallibiles?*

- I. *Opinio contraria.*
- II. *Nostri conclusio.*
- III. *Certitudo Divinarum promissionum.*
- IV. *Deus obligatur ex contractu.*
- V. *Principium infallibilitatis in Sacramentis.*
- VI. *Fructus Sacrificij fundantur in promissione, & pacto.*
- VII. *Promissio facta Orationi, intelligitur etiam facta oblationi.*
- VIII. *Oratio habet promissionem impetrationis infallibilis.*
- IX. *Sub nomine Orationis comprehenditur oblatio.*
- X. *Promissio principaliter facta Orationi reali.*
- XI. *An Apostoli vivente Christo petierunt aliquid à Deo in nomine Christi.*
- XII. *Apostoli multa petierunt orando in nomine Christi.*
- XIII. *Sub Oratione in Scriptura intelligitur Sacrificium.*
- XIV. *Adoratio idem quod sacrificialis oblatio.*
- XV. *Novum genus Orationis in nomine Christi est Sacrificium.*
- XVI. *Usum huiusmodi Orationis post Ascensionem.*
- XVII. *Alter pars huius probationis.*
- XVIII. *Bonitas Orationis.*
- XIX. *Applicatur oblationi.*
- XX. *An orant tantum pro se impetret infallibiliter.*
- XXI. *Oratio etiam pro aliis est infallibilis.*
- XXII. *De perseverantia requisita ad effectum infallibilem impetrationis.*
- XXIII. *Causa iterationis Sacrificij est Christi institutio.*
- XXIV. *Cur Christus instituit, tum Orationem, tum Oblationem iterabilem pro eadem re.*
- XXV. *Quam utile patienti sit eiusdem rei petitionem iterare.*
- XXVI. *Quamdiu persellendum in petitionibus.*
- XXVII. *Pro dono Orationis.*
- XXVIII. *Pro dono Perseverantie.*
- XXIX. *An cuilibet oblationi respondeat aliquis saltem partialis effectus.*

XXX. Per quodlibet Sacrificium impetratur semper aliquid spectans ad id, quod petitur.

XXXI. Explicatur effectus partialis.



SENTENTIA Aduersariorum est, solam poenae remissionem esse Montis huius fructum certum, & infallibilem ex illo fundamento, quia in institutione, & erectione huius Montis annexa illi fuit Diuina promissio in ordine ad hunc tantum effectum, quamuis vero alios quoque fructus eosque praestantes, atque multiplices habeat, tamen quia in ordine ad illos non fuit facta promissio, propterea ex defectu principij infallibilitatis, nec certi ipsi sunt, nec infallibiles.

Nos autem, vt veram sententiam statuamus, distinctionem illam praemittimus de duplici genere fructuum, altero eorum, quae pertinent ad bonum simpliciter, vt sunt fructus omnes gratiae, & salutis, altero eorum, quae non pertinent ad bonum simpliciter, vt sunt fructus temporalium bonorum. Iam verò loquendo de primo genere fructuum, hanc ponimus assertionem.

*Omnes effectus, & fructus huius Montis pertinentes ad gratiam, & salutem, omnes certi sunt, & infallibiles.*

I.

Opinio contraria.

Probatur. Omnes effectus, & fructus, qui fundantur in promissione & pacto Diuino, omnes certi sunt, & infallibiles; sed omnes effectus, & fructus huius Montis pertinentes ad gratiam, & salutem fundantur in promissione, & pacto Diuino; ergo omnes huiusmodi fructus certi sunt, & infallibiles. Consequenter tenet ex forma. Propositiones explicandae sunt.

II.

Nostri A. n. clauso.

Ac prima quidem, meditatione, & fide potius eget, quàm explicatione. Est enim promissio Dei, ait Augustinus in Psal. 74. rata, certa, fixa, & inconcussa, fidelis, & omni dubitatione carens. Et quia multum intererat ad salutem certos nos esse rerum promissarum, ideo (quae fuit admiranda, atque stupenda Dei dignatio, ait Caetanus) cum homo princeps solutus sit à legibus, & non teneatur nisi ex contractu, Deus omnium Principes voluit promissiones suas subiacere contractui, vt vel sic certiores redderet homines, quod implebantur promissa. Ita plane ait Augustinus in Psal. 109. Parum erat promissio, etiam scripto se teneri voluit, veluti faciens nobiscum Chirographum promissionum suarum.

III.

Certitudo Diuinarum promissionum.

IV.

Deum obligatur ex contractu.

V.

Principium infallibilitatis in Sacramento.

Hoc est principium totius infallibilitatis in effectibus Sacramentorum, de quibus Tridentinum Sess. 7. cap. 7. sic absolute definit: Si quis dixerit non dari gratiam per huiusmodi Sacramenta, semper & omnibus quantum est ex parte Dei, etiam si tunc ea suscipiant, sed aliquando, & aliquibus, Anathema sit. Vbi licet in genere de Sacramentis, & de Gratia loquatur, re tamen vera, vt bene obseruat P. Suarez disp. 40. de Euchar. Sect. 2. Sermo Concilij est doctrinalis, & vniuersalis; vnde de omni effectu vnicuique tali causae respondente, accommodatè intelligi potest, praesertim quia Concilium in eo sensu loquitur, quo solent Theologi loqui in materia Sacramentorum, vbi non aliam causam à priori, certitudinis, & infallibilitatis effectus assignant, nisi Diuinam promissionem, & pactum, quae promissio tanti ponderis est, vt illa posita non intelligatur amplius effectus Sacramenti pendere, vt ita dicam ex arbitrio Dei, sicut ante promissio-

nem; sed ab illo opere exteriori, cui est facta promissio tanquam à causa per se efficiente, & naturaliter agente in eo, qui non ponit obicem: neque enim est contra virtutem infallibilem Sacramenti, quod ponenti obicem non conferat gratiam; immo potius commune est causis agentibus, ut propter resistantiam passi, ab agendo impediatur. Sed non est necesse, ut in hac maiori propositione explicanda diutius immoremur, satis est, quod grauissimè dixit Chrysostomus Homil. de nomine Abram; promissa sequuntur eius naturam, qui promisit: vel quod adhuc sublimius dixit Paulus 2. Thimoth. 2. *Fidelis Deus est, se ipse negare non potest.*

## VI.

*Fructus sacrificij fundantur in promissione, & pacto.*

Veniamus ad Minorem, quod scilicet effectus omnes, ac fructus huius Sacrificii pertinentes ad gratiam, & salutem fundantur in promissione, & pacto Diuino.

Hæc propositio probata à nobis est in superioribus. Primo ex Ioan. 6. ubi Christus promittit se instituturum Sacrificium inuicentum *pro Mundi vita*. Secundo ex verbis ipsis institutionis in nocte Cænæ, ubi Christus hoc Sacrificium non solum obtulit, verum etiam instituit in remissionem peccatorum. Tertio ex Apostolorum traditione, ex qua iuxta intelligentiam Tridentini habemus Sacrificium hoc habere valorem ex opere operato, hoc est, ut communis est explicatio Theologorum ex promissione facta operi ipsi independentem à conditione ministerialis operantis.

## VII.

*Promissio facta Orationi intelligitur etiam facta oblationi.*

Hic ad vltiorem doctrinam addimus quartum fontem eiusdem promissionis ex illo scilicet principio, quod sacrificialis oblatio circumscripta, quacumque adjuncta petitione, & oratione, ipsa per se, & ex sua institutione est propria, & vera petitio, & oratio, ut superius significauimus, hoc autem principio posito sic argumentor.

Oratio absolutè accepta, modò conditiones omnes habeat requisitas ad ipsius perfectionem, habet peculiarem Dei promissionem, ratione cuius eius impetratio est certa, & infallibilis; sed sacrificialis oblatio est absolutè, & simpliciter oratio habens omnes conditiones requisitas ad orationis perfectionem; ergo sacrificialis oblatio habet peculiarem Dei promissionem, ratione cuius eius impetratio est certa, & infallibilis.

Maior propositio manifesta est ex Scripturis, præsertim in Testamento nouo, ut Matth. 7. Luc. 11. & alibi; sed egregius locus est ille Ioan. 16. *Amen, Amen dico vobis, si quid petieritis Patrem in nomine meo dabit vobis.* Hæc est expressa promissio facta Orationi, ut omnes Patres exponunt. Quod verò non omnino absoluta sit, sed sub aliqua conditione rectè probat S. Augustinus Tract. 73. & 81. in Ioan. quia videmus, non omnia, quæ petimus, nobis concedi, ergo signum manifestum est promissionem non esse absolutam; nam si esset ita absoluta, ut in oratione, nullam aliam conditionem postularet, præter petitionem, semper impleteretur; nam hoc pertinet ad veritatem, & infallibilitatem promittentis. Quod si petitio conditiones requisitas habeat, erit eius impetratio infallibilis, quia conditionalis, impleta conditione transit in absolutam. Est ergo vera illa propositio pro ut à nobis exposita est, Orationem absolutè acceptam, modo conditiones omnes habeat requisitas ad illius perfectionem, habere peculiarem Dei promissionem, ob quam eius impetratio certa est, & infallibilis.

## VIII.

*Oratio habet promissionem impetrationis infallibilis.*

Tota difficultas est in comprobanda minori. Primo quia sub nomine petitionis & orationis non videtur comprehendendi sacrificialis oblatio. Deinde quia etiam si sub tali nomine comprehendatur, non videtur ipsa per se, & independenter ab adjuncta Oratione habere conditiones omnes, quæ positæ afferunt impetrationis infallibilitatem.

Sed nos utramque partem probamus. Et primam quidem, quia ex principio utroque Iurecepto, tanquam per se decente, ac vero. Beneficium Principis, ut aiunt, amplissimè interpretandum est, quantum, & verba principis, & hinc concessionis patiuntur; ergo huiusmodi Christi promissio debet interpretari, facta Orationi, cuiuscumque speciei illa sit, sub debitis requisitis; ergo non solum Orationi verbali, sed etiam Orationi reali; quis autem sibi facile persuadeat Christum in ea promissione Orationis, speciem omnium præstantissimam exclusisse, aut etiam non inclusisse.

Immo si Sacrum textum B. Ioannis diligentius examinare velimus, inuenimus Christum Dominum in illa tam magnifica promissione ad petitionem oblationis realem primario respexisse; id quod ex adjunctis ipsiusmet Christi verbis non obscurè colligere licet. Etenim cum dixisset: si quid petieritis Patrem in nomine meo dabit vobis, statim addit *vsque modo non petistis quidquam in nomine meo*. Quæstio est non ignobilis. Quomodo verè dicere Christus potuerit, Apostolos ante id tempus, nihil suo nomine petiisse. Recentiores ferè omnes Euthymium sequuti, fatentur ex hoc loco, Apostolos nihil hucusque à Patre per meritum Christi, & in ipsius nomine petiisse, siue quod fides Trinitatis non ita distincta hæcenus habebatur in populo Dei, unde non poterant petere in nomine filij Patrem, qui non dum notitiam distinctam habebant, & Filij, & Patris. Siue quod ad illud vsque tempus consilij præsentis Christi ab ipso præsentem omnia petierunt, cum enim ipsum haberent præsentem, & ad manum, non erat, cui in nomine ipsius quasi absentis quidquam peterent Patrem.

Verum in hac responsione animus non acquiescit, Quis enim sibi facile persuadeat, Apostolos, qui in nomine Christi Dæmonia eiecerant, & ægros curauerant, eos in eodem nomine Patrem nunquam orasse, præsertim quod Dæmonia ipsa non nisi orando eiecerent, ut indicat S. Thom. in cap. 16. Ioan. Certè fides, quæ requirebatur, ut Patrem orarent, & in filij nomine Dæmonia eiecerent, satis erat, ut Patrem in nomine filij illud ipsum, quod orabant, orarent. Verum est non fuisse hunc modum orandi communem in Dei populo, ut nunc est in Ecclesia, Cæterum etiam ante Christi Incarnationem ita Deum Patrem orasse Sanctum Dauid, satis intelligitur ex Psal. 131. iuxta explicationem Toleti in cap. 16. Ioan. annot. 32. *Propter Dauid seruum tuum non auertas faciem Christi tui*; id est propter Messiam, & Christum, cuius ego typus sum, auxiliare Salomoni, & custodi vinctum tuum, & filium meum, & illud Psalm. 50. *Miserere mei Deus secundum magnam misericordiam tuam*. Hæc misericordia Messias est, & Christus futurus, de quo Psal. 88. dicitur: *Misericordiâ autem meam non auertam ab eo*; sed quid sit de Prophetis, & Patriarchis ante Incarnationem Christi, certè incredibile est sanctum Petrum, qui non carne; & sanguine illi reuelante didicerat, & confusus fuerat Christi Diuinitatem illis tam magnificis verbis. *Tu es Christus Filius Dei vivi*, nihil vnquam orando in nomine talis filij patrem petiuisse. Quid quod

IX.

*Sub nomine Orationis comprehenditur oblatio.*

X.

*Promissio principalis facta Orationi reali.*

XI.

*An Apostoli uiuente Christo petierunt aliquid à Deo in nomine Christi.*

XII.

*Apostoli multo petierunt orando in nomine Christi.*

Apostoli Dominicam Orationem illam docti iam fuerant, quam si nihil tunc Christi nomine à Patre petebant, ne nos quidem modo petimus, ait Maldonatus. Neque verò quidquam obstat filij præsentia; quid enim hæc prohibebat, quo minus in nomine illius præsentis Patrem orarent? Immo hoc à Beatissima Virgine assidue factum esse docent Patres communiter, & ratio ipsa satis persuadet.

## XIII.

*Sub Oratione  
in Scriptura in  
telligitur sacrificium.*

Propter hæc existimo cum de petitione in nomine suo facienda hoc loco differeret Christus, non tam ad petitionem, & orationem verbalem, quam ad realem, & essentialem, quæ est sacrificialis oblatio, respexisse. Neque verò nouum est in Scriptura, nomine Orationis, & obsecrationis intelligi oblationem, nam Ambrosius lib. 6. de Sacr. cap. ultimo, Augustinus Epist. 59. ad Paulin. Chrysostomus, Theophylactus, & Occumenius in suis Commentariis ita exponunt locum illum Pauli 1. Thimoth. 2. *Obsecro primum omnium fieri obsecrationes, orationes, postulationes, gratiarum actiones pro omnibus hominibus*, nimirum Apostolum sub his nominibus præcepisse, ut sanctum Sacrificium pro vniuersa Mundi salute offerretur. Quam expositionem sequutus est Bellarminus lib. 2. cap. 13. Neque mirum est in Scriptura intelligi interdum Sacrificium sub simplici nomine Orationis, quandoquidem certum est, tum in veteri, tum in nouo Testamento idem intelligi sub simplici nomine Adorationis, nam quod pertinet ad vetus Testamentum Genes. 22. Abraham instructus gladio, & igne ad sacrificandum, dixit famulis suis: expectate hic cum Alino; ego, & puer illuc vsque properantes, postquam *Adorauerimus*, reuertemur ad vos. Hoc loco ait Bellarminus cum communi *Adorare*, sacrificare significat, nam alioqui vbique adorare potuisset, si tantum per adorationem incuruatio quædam intelligeretur, sed iusserat ei Dominus ut in Monte sacrificaret. Ad nouum autem Testamentum spectat questio illa celebris, quam Samaritana Christo, ut Propheta proposuit Ioan. 4. Domine video, quia Propheta es tu, Patres nostri in Monte hoc *adorauerunt*, & vos dicitis quia Hierosolymis est locus ubi adorare oportet. Ista questio, ait Bellarminus, necessarius de adoratione per Sacrificium intelligenda est; nam schisma Iudæorum, & Samaritanorum exortum erat ex eo, quod Samaritani Templum ædificauerunt in Monte Gayzin, & ibi sacrificandum esse contendebant; Iudæi autem contra docebant in solo Templo Hierosolymitano legitime sacrificari posse. Et sanè Samaritana non de quacunque adoratione loquebatur, sed de Oratione alligata certo loco, & quæ alibi non ritè fieret, ideo ait: *Vos dicitis, quia Hierosolymis est locus ubi adorare oportet*. Constat autem nunquam fuisse apud Iudæos adorationem alligatam certo loco, nisi ratione Sacrificij. In eodem sensu dicitur Ioan. 12. Erant quidam Gentiles, qui ascenderant, ut adorarent in die Festo, & Act. 8. Eunuchus Æthiopis venerat adorare in Hierusalem. In quibus locis iuxta interpretationem omnium Catholicorum, adoratio Sacrificium significat. Ideo enim ex longinquis Regionibus homines in Hierusalem veniebant, quia non poterant in alio loco Deo vero Sacrificia ritè offerri. Adoratio autem simplex, ut etiam simplex oratio, & preces vbique fieri poterant.

## XV.

*Nomen genus  
Orationis in*

Manifestum igitur est nomine tum Orationis, tum Adorationis, comprehendendi interdum in Scriptura sacrificialem oblationem. Quod verò hic locus



Ioan. 16. ita intelligi possit, aut etiam debeat, probò hoc argumento.

De illo genere Orationis, & petitionis nouo, in nomine suo hîc loquitur Christus, quod ante noctem Cœnæ ne ab Apostolis quidem cognitum fuerat. Sed genus Orationis, & petitionis in nomine Christi, nouum, & Apostolis ipsîs incognitum vsque ad noctem Cœnæ, non aliud fuit nisi hoc genus Orationis realis, quæ est sacrificialis oblatio; ergo de hoc præcipue genere Orationis hîc loquitur Christus.

Maior probatur, quia Christus in nocte Cœnæ de illo genere petitionis faciendæ in nomine suo dixit: *Vsque modo non petistis quidquam in nomine meo.* Sunt enim hæc verba Sermonis illius, quem Christus Dominus habuit ad primos Sacerdotes noui Testamenti post institutam oblationem Eucharistiæ. Loquitur ergo de genere petitionis nunquam antea vsurpato, atque adeo incognito, & saltem Apostolis à Christo non antea tradito. Si enim traditum illis fuisset, vtique aliquando illud vsurpassent, ideo vt obseruat Toletus ex S. Cyrillo lib. 11. cap. 7. & lib. 9. cap. 44. illa verba subiecit Christus, *vsque modo*, vt scilicet nouam rem esse, quam dixerat insinuaret, quasi diceret: Noua res hæc est, quam vobis trado.

Iam verò probatur minor; hoc scilicet genus petitionis nouum in nomine Christi, esse petitionem realem, seu sacrificalem oblationem, quia quodcumque aliud genus petitionis, fuerat iam ab Apostolis cognitum, & vsurpatum, vt vidimus, quod autem planè nouum fuit; hoc fuit, videlicet sacrificialis oblatio, quæ non ante illam noctem Passionis instituta fuit, & confirmatur magis quia postquam dixit Christus Dominus vsque modo non petistis quicquam in nomine meo, prædixit tempus, in quo erat illa noua petitio facienda, dicens: *In illo die in nomine meo petetis*, quibus verbis prædixit statum Ecclesiæ prout inchoandus erat post Ascensionem Christi in Cælum, & missionem Spiritus Sancti, quo tempore cœpit hoc Sacrificium in nomine Christi offerri in Ecclesia, nam quamdiu Summus Sacerdos & Pontifex Mundi Christus in terris degit, nihil per Sacerdotes ministeriales in nomine, & in persona Christi petitum sacrificialiter ab Ecclesia fuit. Illi igitur generi orationis sit speciali modo promissio infallibilis impetrationis, quod ad illud vsque tempus vsurpatum non fuerat, & vsurpandum primo in Ecclesia erat tempore solemnisi promulgationis Euangelicæ. Huiusmodi autem oratio non erat verbalis illa, sed alia noua realis in nomine & in persona Christi, quæ incipere debebat, lege noua incipiente. Hæc autem propterea à me dicta sunt, vt intelligamus tantum abesse, quod Christus à promissione illa realem orationem exclusisset, vt de illa potissimum, & primario loquutus fuerit.

Altera pars, quod scilicet sacrificialis oblatio de facto habet ex sua institutione conditiones omnes, quas debet habere, vt sit infallibilis oratio ex vi huius promissionis, probatur facile, percurrendo conditiones ipsas sub quibus facta est hæc promissio. Illas autem ad quatuor contrahit S. Thomas 2.2. quæst. 83. art. 15. & ad septem dilatat in cap. 16. Ioannis, ex quibus conditionibus duæ indigent expositione, tertia verò clara per se est, & reliquas comprehendit.

Et vt ab hac tertia per se clara incipiamus, illa est, vt oratio sit de re bona, & honesta, atque adeo vt ipsa bona, & honesta sit; nam ex defectu huius condi-

*nomine Christi  
est sacrificium.*

XVI.

*Vnus huiusmodi  
Orationis  
post Ascensionem.*

XVII.

*Altera pars  
huius probationis.*

XVIII.

*Veritas Orationis.*

tionis fieri potest, ut Oratio non solum inefficax, sed etiam valde nociva, seu ut quidam Theologi loquuntur, non tantum *invenia*, sed etiam *morsifera* sit iuxta illud Psalmi 108. *Oratio eius fiat in peccatum*. Dixi ut non solum Oratio sit de re bona, sed etiam, ut ipsa sit bona; sunt enim hæc duo separabilia; nam potest quis à Deo rem bonam petere, & tamen in ipsa petitione habere defectum ob aliquam circumstantiam malam ipsius actus orandi, ut si ex fine gloriæ vanæ oret, aut cum indebita attentione. Est autem generalis illa Sententia Apostoli Iacobi cap. 4. *Petitis, & non accipitis, eo quod malè petatis*, non dicit, eo quod *mala* petatis, sed quod *uniuersaliter* est, quod *malè* petatis, nam *bona* etiam aliquando *malè* petuntur, & tunc tali petitioni, & Orationi non intelligitur facta promissio. Itaque promissio est facta non solum, *bona*, sed etiam *bene*, petentibus, quo verbo omnes perfectiones Orationis comprehendere possunt, quatenus ex fide, & charitate procedit. Hanc primam conditionem sine dubio ex sua institutione habet realis oratio, seu quod idem est sacrificialis oblatio. Est enim oratio de re bona, quia est oblatio pro re bona, nimirum pro remissione peccatorum, in qua virtualiter continetur quicquid pertinet ad salutem, & ad bonum simpliciter; neque solum est oblatio pro re bona, sed ipsa est essentialiter bona, quia ut docet Trident. Sess. 22. cap. 1. *Hac quidem illa mundæ oblatio est, quæ nulla indignitate, aut malitia offerentium inquinari potest*. Et ratio est quia hæc oblatio respectu hominum offerentium est actus merè ministerialis; bonitas autem, vel malitia actus merè ministerialis non communicatur cum actione principalis, unde opus tali ministerio operatum, semper idem valet, & sicut non fit melius ex Ministri bonitate, ita neque fit peius ex Ministri iniquitate; quare sicut habet valorem ex se, ita etiam habet ex se perfectiones illas omnes, quæ necessariæ sunt, ut Oratio bene facta esse dicatur.

XIX.  
*applicatur O-*  
*rationi.*

XX.  
*An orantiam pro se im-*  
*petros infalli-*  
*biliter.*

XXI.  
*Oratio etiam*  
*pro aliis est in-*  
*fallibilis.*

Porro ex conditionibus non ita claris, & quæ non videntur habere locum in hac Oratione reali, prima est, quam tangit S. August. Tract. 102. in Ioan. ubi affirmat intelligendum esse, promissionem Orationi factam in iis, quæ aliquis pro se tantum, non verò in iis, quæ pro aliis petit, ad quod probandum ponderat Augustinus, dixisse Christum; si quid petieritis Patrem in nomine meo dabit vobis. Ecce dictum est, *dabit vobis*, non igitur quibuscumque promissum est, sed ipsi petentibus. Quæ Sententia si vera esset, multum ex hoc capite detraheret de fructu huius Orationis realis, quæ sine dubio ad alios etiam extenditur, qui hoc modo orantes, seu offerentes non sunt, & sanè negari non potest (quod fortasse respexit Augustinus) Orationem pro se esse magis certam, quam pro alio, in quantum facilius potest, qui orat reddere se idoneum cum Divina gratia ad impetrandum, quod petit, quam reddere alium sic idoneum. Cæterum si supponamus nullum esse obicem ex parte eius, pro quo petimus, non minus est infallibilis Oratio pro se, quam pro alio, quam sententiam expresse docet P. Suarez Tom. 1. de Religione cap. 27. sequitur Cardinale Toletum Annot. 29. ubi pro se assert S. Basilium, qui Reg. brevior. Reg. 261. de hac promissione tractans, docet aliquos non exaudiri petentes pro aliis propter malitiam eorum, pro quibus petunt, vt Ieremias 15. non exauditus est propter malitiam populi; & Samuël 1. Reg. 16. propter malitiam Saül; supponit igitur Basilium, aut Toletum hanc promissionem esse

generalem, tam pro se, quam pro aliis; neque argumentum ductum à verbis promissionis, efficax est; nam quando aliquis pro altero orat, & exauditur, quamvis quod petit, conferatur ei, pro quo orat, tamen ipse, qui orat, est qui exaudiri dicitur, & qui impetrat, & cuius petitio fructuosa est. Sic David 2. Reg. 12. oravit pro filij vita, dicens intra se: *Quis scit si forte donet eum mihi Dominus,* & Act. 27. Dixit Angelus Paulo, qui pro vectorum incolumitate orauerat: *Ece donavit tibi Deus omnes, qui nauigant tecum;* idcirco dicitur: *dabit Vobis.* Vobis ait, non nobis, & pro vobis, sed vobis, siue pro vobis, siue pro aliis. Quæ expositio, vel ex eo germana esse comprobatur, quia apud eundem Euangelistam eadem promissio ponitur absolute vt cap. 14. *Quodcumque petieritis in nomine meo hoc faciam,* immò idem Ioannes 1. epist. cap. 5. hanc explicans promissionem, ex illa securos nos non esse iubet exauditum iri, si petamus pro fratribus, quod argumento manifesto est, ait Toletus generalem esse, & tam pro se, quam pro alio, petenti factam. Ex hoc igitur capite nihil obstat, quo minus promissio facta Orationi, comprehendat etiam oblationem Sacrificalem, quæ est Oratio de se publica nec solum offerenti, sed aliis etiam pro quibus offertur fructuosa.

Altera conditio Orationis difficultate non carens, est perseuerantia: Cum enim neque sit certum tempus præfixum, nec certus Orationum numerus definitus, cui imperatio infallibiliter promissa sit, difficile est explicari; Quanta vel qualis debeat esse hæc perseuerantia circa eiusdem rei petitionem; Vnde videtur sequi ex conditione hæc ferè frustrari totam efficaciam huius promissionis, & fiduciam in illa, quia non obstante promissione potest Deus semper magis, ac magis differre largitionem; vnde ulterius sit, velut nunquam sit delitendum ab inchoata semel petitione, quod nimis est laboriosum, & difficile, vel si aliquando desistamus, timendum sit semper, nè ex defectu vterioris perseuerantiæ orationis effectus irritus maneat.

XXII.  
*De perseuerantia requisita ad effectum infallibilem impetrationis.*

Hæc difficultas communis est vtrique generi petitionis tum verbalis, tum realis, & magis adhuc mirabilis est in reali, quæ vt diximus habet ex se omnes condiciones, sub quibus facta est talis promissio. Vnde oriri potest, vt hæc Sacrificialis oblatio indigeat iteratione, & repetitione ad eandem rem impetrandam; Certè hoc non oritur quasi ex natura intrinseca huius oblationis, quia hæc tum ratione rei oblatæ, tum ratione principalis offerentis tantam habet sufficientiam ad impetrandum, quantum Sacrificium Crucis habuit ad merendum, & satisfaciendum, sicut enim tunc Christus erat in statu merendi, & satisfaciendi, ita nunc non minus quam antea est in statu impetrandi. Hoc sine dubio procedere non potest, nisi à libera Christi institutione secundum ordinem Diuinæ providentiæ, quæ est etiam causa, ait Bellarminus lib. 2. cap. 4. cur Christus assidue interpellat pro nobis in Cælo, cum tamen videatur vnica interpellatione potuisse omnia impetrare, & similiter cur pretium infinitum quod in Cruce acquisiuit, quo totus Mundus continuo saluari potuisset, non nisi quibusdam, & in certa mensura applicari voluerit; horum enim omnium causa est, quia sic instituit, & voluit Christus.

XXIII.  
*Causa iterationis Sacrificij est Christi institutio.*

Sed quoniam Christus ita potuisset instituere, vt velle hanc oblationem, vt saltem ad vnâ, eandemque rem impetrandam vna sufficeret, cur maluit illam sic instituere, vt opus iteratione & repetitione esset? Non inquirimus hoc

XXIV.  
Cur Christus  
instituit tum  
Orationem  
oblationem ite-  
rabilem pro ea-  
dem re.

loco causam cur hoc Sacrificium institutum sit iterabile, & frequentabile in Ecclesia vsque ad consummationem Mundi; de hoc enim alibi disputauimus, sed cur semel tantum pro vna eademque re impetranda oblatum, illam non impetret infallibiliter.

Respondeo. Causam esse, quia cum oblatio quoad vim impetrandi sit similis Orationi, & quasi quaedam species sub vniuersalissimo illius genere, voluit Christus, vt ipsa, quoad hoc, naturam communem Orationis sequeretur. Bene est, sed quoniam, quod Oratio ipsa indigeat iteratione, hoc ipsum non aliunde habet, nisi ex Christi institutione; nam potuisset Christus instituere, vt vnica petitio suis omnibus requisitis instructa, ad rem vnicam impetrandam satis esset, cur hoc potius modo voluit Christus illam instituere, vt quamuis omnes reliquas habeat condiciones, nisi sit perseverans non sit infallibilis.

Respondemus ex Patrum doctrina. Christum Dominum hanc institutionem elegisse, quia iteratio petitionis, & Orationis pro eadem re impetranda semper est maius nostrum bonum, ac lucrum, quam rei ipsius, quæ vnica oratione petitur, consequutio; ratio est manifesta, quia ex vna parte nihil magis proficuum & etiam honorificum nobis est, quàm celestis conuersatio, quæ in frequenti oratione, & petitione potissimum posita est. Quid enim excellentius, ait B. Nilus lib. de Oratione, quàm cum Deo colloqui, & vsu eius detineri. Ex altera verò parte, impetratio respondens primæ petitioni, non negatur à Deo, sed seruatur, & hoc ipsum, quod seruatur, donec redditur, multiplicatur. Explicemus rem ex:mplo. Si quis Pater promittat filio suo, se illius crumenam pecunia impleurum, & ille crumenam afferat, non satis capacem, si Pater remittat filium, vt ampliorem referat crumenam, & sæpius aduentantem cum noua crumena, illam semper Pater exigit capaciorem, donec capacissimam impleat. Rogo, Pater hic satisfaceret promisso? Omnino, & quidem cumulatissimè; & cum filio, ageretur ne inutiliter? procul dubio melius illi esset iterato ad Patrem accedere, novos loculos comparare, & interim pecuniolam illam, qua prima crumenula replenda erat, apud Patrem mansisse. Ita prorsus accidit in re nostra. Quod elegantissimè tetigit S. Augustinus Serm. 5. de Verbis Domini. *Querendo, & petendo crescis, vt capias, seruat tibi Deus quod non vult cito dare. Vt & tu discas magna, magnè desiderare.*

XXV.  
Quam utile pe-  
tens si eiusdem  
rei petitionem  
iterare,

Ex his iam patet responsio ad rationem allatam dubitandi quamdiu in eiusdem rei petitione perseverandum sit, nam si petitio sit de bonis simpliciter, de quibus in præsentem agimus, vt de remissione peccatorum, de dono perseverantiæ, & similibus. Oportet iuxta sententiam Christi Luc. 18. cui pro commentario fuerunt exempla Sanctorum. *Oportet, inquit, semper orare, & non deficere*, hoc est, vt sumitur ex Augustino lib. 2. *Quest. Euang. cap. 45.* cum simile aliquod à Deo petimus, non debemus si consecuti non fuerimus desperare, & animum abittere, quod significat illud deficere, sed instare, pulsare, iterumque idem petere, donec saltem propter improbitatem obtineamus; atque hoc ipsum est, ait Maldonatus, quod Paulus dicit. 1. The. 5. *Sine intermissione orate*, non enim significat, numquam nos omnino debere ab Oratione, neque dies, neque noctes desistere; hoc enim est impossibile, sed significat non debere nos orationem desperabundos ommittere, si quod petimus sæpè orantes consecuti non sumus; id

XXVI.  
Quamdiu per-  
sistendum in pe-  
titionibus,

quod probant, & explicant dux illarū parabolarū adductarū à Christo, altera Luc. 11. de illo, qui petiit tres panes ab amico sibi commodari, altera Luc. 18. de Vidua, quæ per multum tempus à Iudice illo petebat, vt eam ab Aduersario vindicaret, quæ tandem perseverans obtinuit.

Quod si quæras quanto tempore perseverandum hoc modo est in petitionibus pertinentibus ad salutem, quas scire in hac vita non possumus, vtrum audierit illas Deus. Responſionem habemus in exemplis Sanctorum, qui quamdiu in viuis fuerunt, petierunt iugiter à Cælesti Patre *Spiritus bonum* qualis profecto est Spiritus precum necessarius ad omnia bona cœlitus impetranda de quo Zach. 12. Nam vt notat P. Suarez. tom. 1. de Religione, ipsa perseverantia in orando, & petendo, per orationem petenda est, & sine illa regulariter non datur, licet enim primum initium orandi sit ex auxilio non petito, sed ex gratia merè præueniente datum, nihilominus per vnam orationem potest impetrari auxilium ad aliam, & per secundam ad tertiam, & sic deinceps; atque hoc modo potest per Orationem impetrari ipsamet perseverantia in orando. Huc etiam spectat iugis illa petitio Sanctorum circa donum perseverantiæ, quod donum expedit, semper petere, & ita petendo non deficere; nam quod etiam notauit ibidem P. Suarez, licet effectus perseverandi in gratia non complectur vsque ad terminum vitæ, nihilominus multis forte datur speciale perseverantiæ donum multo tempore ante mortem, siue illud vocetur confirmatio in gratia, siue non, & ideo semper petendum est donum perseverantiæ, quia forte obtinebitur prius quam in effectum perseveratum sit, & leuis perseverantia in petendo, poterit interdum obtinere diutinam, & suo modo perpetuam perseverantiam. Vnde quia sciri non potest, an tale donum impetratum sit nec ne, nec est vlla ratio sufficiens ad existimandum impetrari non posse, ideo semper postulandum est.

Sed quoniam eadem est ratio quoad hoc de oratione, & oblatione, immò potior de oblatione; nam quidquid impetrare potest oratio ex opere operantis, totum id potest oblatio ex opere operato; quæri ad extremum potest, an licet ad effectum, vt ita dicam totalem infallibiliter impetrandum, plures plerumque necessarii sint oblationes, an saltem singulis oblationibus aliquis partialis effectus respondeat infallibiliter, ita vt qualibet oblatio semper sit efficax ad aliquid impetrandum pertinens ad id, quod principaliter postulatur. Exemplum esse potest in oblationibus, quæ fiunt ad impetrandum peccatoribus donum Pœnitentiæ, experimento enim ipso videmus huiusmodi peccatores non recipere ob quamlibet oblationem donum pœnitentiæ. Quæritur ergo an saltem per primam, aut alteram, & per quamlibet impetratur aliquid vtile ad ipsum donum Pœnitentiæ consequendum. Quia in re libet asserre quid sentiat Bellarminus, qui mihi sane instar multorum est. Ille igitur, lib. 2. de Missa cap. 5. hæc habet: Missæ Sacrificium cum pro peccatoribus offertur, *infallibiliter* impetrat novum, ac certum auxilium Diuinum, quo peccatores ad pœnitentiam perducuntur, sed illud auxilium variè operatur pro varia hominum dispositione; nam si is, pro quo Missa offertur, dispositus est ad contritionem, efficietur in illo vi noui auxilij contritio, quæ propriè donum pœnitentiæ est, & hoc est, quod dicunt Concilium Tridentinum, & S. Thomas. Si verò non sit dispositus efficietur in illo homine noua quædam dispositio, sed quæ suo fine frustabitur, si ille ex

XXVII.

Pro dono perseverantia.

XXVIII.

Pro dono perseverantia.

XXX.

An omnibus oblationibus respondeat aliquis saltem partialis effectus.

XXX.


Per quod iber Sacrificium impetratur semper aliquid spectans ad id, quod petitur.



XXXI.  
Explicatur af-  
fectus peniten-  
tiæ.

arbitrij libertate vocationem Dei rejiciat. Itaque non est mirum, si peccato-  
res non semper conuertuntur, pro quibus Missæ Sacrificium offertur, cum ta-  
men sine dubio semper *iunguntur*. Hæc Cardinalis Bellarminus, ex cuius ver-  
bis planè colligimus, vnumquodque Sacrificium fructum habere infallibilem,  
siue ex toto, siue ex parte eo modo, & mensura, quam exigit ordo Diuinæ Pro-  
uidentiæ. Quam sententiam tanquam certam sequutus est Cardinalis de Lugo dis-  
put. 19. Sect. 9. de Sacram. ubi explicat modum, quo per quamlibet Missam  
donum penitentiæ concilietur, per ordinem videlicet ad effectum primarium  
Sacrificij, quem alibi diximus esse Dei propitiationem, & placationem, quia, in-  
quit, licet vnica oblatio non reddat interdum omnino placatum Deum, reddit  
tamen illum saltem ex parte placatum; atque hæc partialis placatio explicari  
potest, vel dicendo positum iam esse titulum sufficientem, vt si offeratur adhuc  
iterum, aut ter Sacrificium, placetur omnino Deus, vel dicendo Deum esse  
ex parte placatum, quatenus si prius ob iustam indignationem negabat auxilia  
intensa, vt octo, & vt quatuor; postea oblato semel Sacrificio neget quædam  
auxilia vt octo, non tamen vt quatuor; nam licet reatus directus pœnæ, non re-  
mittatur etiam ex parte, nondum remissa culpa, potest tamen Deus alicuius  
precibus, & à fortiori, intuitu Sacrificij, retinendo ius ad totam pœnam exigen-  
dam, non vt iure, quod ex peccato habebat, ad negandum aliquod beneficium  
peccatori; qua ratione possumus congruentius explicare proprium effectum hu-  
ius Sacrificij, vt propitiatorium est in ordine ad peccata mortalia tollenda.

Ex quibus omnibus patet, priuilegia perfectæ Orationis, esse plane commu-  
nia oblationi, atque adeo ex hoc etiam capite Sacrificium habere omnes fructus  
gratiæ, & salutis, æquè certos, & infallibiles.



## QVÆSTIO SEXTA.

*An bona temporalia fructus sint huius Montis  
certi & infallibiles.*

- |       |   |
|-------|---|
| I.    | <i>Temporalia sunt etiam fructus Sancti Sacrificij.</i> |
| II.   | <i>Ex figuris.</i>                                      |
| III.  | <i>Ex Apostolorum traditione.</i>                       |
| IV.   | <i>A maiori ad minus.</i>                               |
| V.    | <i>Non est hoc indecent tanto Sacrificio.</i>           |
| VI.   | <i>Proponitur controuersia cum ratione dubitandi.</i>   |
| VII.  | <i>Nostri Positio.</i>                                  |
| VIII. | <i>Non placet ratio P. Suarez.</i>                      |
| IX.   | <i>Nostri probatio.</i>                                 |

- X. *Expressum Pactum requiritur in Sacrificio, quàm in Sacramento.*  
 XI. *Christus nunquam se obligavit temporalibus ex pacto.*  
 XII. *Discrimen inter promissiones Oris Christi, & Oris Prophetarum.*  
 XIII. *Regnum Cælorum non nominatum, ne dum promissum in Veteri Testamento.*  
 XIV. *Temporalia non deducuntur in pactum.*  
 XV. *Pactum scriba volentis Christum sequi spe lucri temporalis.*  
 XVI. *Christi protestatio circa inopiam temporalium.*  
 XVII. *An promissio facta Orationi includat temporalia.*  
 XVIII. *Quidquid est terrenum nihil est.*  
 XIX. *Plena doctrina fidei sæpe ex pluribus scriptura locis colligenda.*  
 XX. *An præter promissionem sit aliud Principium infallibilitatis in Sacrificio.*  
 XXI. *In prima institutione Sacrificij non fuit in Christo voluntas absoluta de temporalibus impetrandis.*  
 XXII. *Neque in actuali oblatione cum Ministro illam nunc habet necessario.*  
 XXIII. *Sæpe Deus dum negat exaudit.*  
 XXIV. *Bersabea exaudita quia non audita.*  
 XXV. *Israelitæ puniti quia auditi.*  
 XXVI. *An effectus temporales dicendi sint ex opere operato.*



ECTVM est Sanctum Missæ Sacrificium valere ad bona, & beneficia, etiam temporalia impetranda; id quod sit manifestum tripliciter. Primo, ex Sacrificiis antiquis huius nostri figuratiuis, inter quæ aliqua erant quorumcumque beneficiorum impetratoria, ut patet Levit. 2. & alibi passim. Constat autem ex Tridentino Sess. 22. cap. 1. Omnes differentias hostiarum veterum, una Eucharistiæ oblatione contineri.

Deinde ex usu Ecclesiæ, quæ teste Tridentino Sess. 22. cap. 2. iuxta Apostolorum traditionem non solum pro fidelium peccatis, peccatis, & satisfactionibus Sacrificium offert, sed etiam pro aliis necessitatibus, quò sine dubio spectat illud Chrysostomi Homil. 37. in Ioan. Pro terræ, Mariæque, & Vniuersi Orbis fructibus Sacrificantes, imprudenter autem, & inutiliter offertur Sacrificium pro re obtinenda, quam nullo modo præstare potest.

Tertio ratione, quæ utitur Bellarminus lib. 2. cap. 3. quia si oblatio Eucharistiæ pro peccatis dimitendis valet: certè etiam pro aliis necessitatibus, quæ ex peccato ortæ sunt valere debet. Et si Deus hoc Sacrificio placatus in gratiam cum inimicis suis redit, quanto facilius ob idem Sacrificium adducetur, ut amicis, & reconciliatis bona temporalia tribuat, si id utile fuerit.

Neque obstat, quod cum Christus, qui est res infinita in hoc Sacrificio offertur, indecens videtur illud ordinare ad res caducas, & temporales obtinendas, nam ut rectè P. Suarez disput. 79. Sect. 7. nullo modo id est indecens, tum quia non primario, sed secundario ad id ordinari, cum primario sit propter cultum Dei, tum etiam quia ordinatur ut causa ad effectum suum; sic autem

I.  
Temporalia  
sunt etiam fru-  
ctui sanctis Sa-  
crificij.

II.  
Ex figuris.

III.  
Ex Apostolorum  
traditione.

IV.  
A maiori ad  
minori.

V.  
Nem est hoc in-  
decens tanto  
Sacrificio.

res nobilior potest ad minus nobilem ordinari : causa namque esse non debet effectui ignobilior, tum denique, quia hæc bona non propter se, sed quatenus ad pietatem utilia sunt in hoc Sacrificio expetuntur.

VI.  
*Proponitur  
controversia  
cum ratione  
dubitandi.*

Negari ergo non potest Missæ Sacrificium valere ad bona etiam temporalia impetranda, sed difficultas est an huiusmodi effectus certi quoque sint, & infallibiles ea ratione, quæ de alterius generis fructibus disserimus; & ratio dubitandi esse potest, quia omnes effectus ex opere operato sunt certi, & infallibiles. Constat autem hos effectus esse ex opere operato; ergo ipsi quoque sunt certi, & infallibiles. In contrarium esse videtur communis Doctorum, & Patrum sententia, qui non eodem modo de effectibus pertinentibus ad bonum simpliciter ac de aliis ad bonum simpliciter non pertinentibus Philosophantur. Igitur pro controversia hac definienda, hanc ponimus assertionem.

VII.  
*Fructus temporales ex hoc Monte propitiatorio provenientes non sunt certi, & infallibiles.*

Conclusio communis est, illam tamen ieiunè satis tractant Authores, & quidem P. Suarez disp. 79. Sect. 7. non aliam assertationem nisi quia hæc bona per se considerata non sunt, inquit, talia quæ digna sint infallibiliter obtineri à Deo, quæ ratio si nihil addatur, non videtur efficax; si enim hæc bona talia sunt, ut ad illa obtinenda non indecenter Sacrificium ordinetur, & offeratur Deo, cur sunt indigna, quæ infallibiliter obtineantur à Deo? Et sanè P. Suarez non potest principium aliquod infallibilis imperationis agnoscere in dignitate obiecti impetrabilis, nam sine dubio minus digna est remissio peccatorum quam culpa; & tamen per ipsum remissio peccatorum tantum est effectus infallibilis huius Sacrificij.

IX.  
*Nostra Probatio.*

Fundamentum igitur nostrum hoc modo proponimus. Illi tantum sunt fructus certi, & infallibiles, qui fundantur in promissione, & pacto Divino, sed fructus temporales ex hoc monte Propitiatorio provenientes non fundantur in promissione, & pacto Divino; ergo fructus temporales ex hoc Monte Propitiatorio provenientes non sunt certi, & infallibiles.

X.  
*Expressius Patrum requiritur in Sacrificio quam in Sacramento.*

Maior propositio est certa ex materia de Sacramentis, & Aduersarij illam admittunt, immo P. Suarez disp. 79. Sect. 1. id vltius, & quidem subtiliter insinuat, ad infallibilitatem effectus, expressiorem promissionem, & pactum requiri in Sacrificio, quam in Sacramento; nam Sacramentum, inquit, per se primo est ad sanctificationem conferendam, & significandam, & ideo tale Sacramentum intrinsecè includit in sua institutione, ut sit signum perfectæ Sanctificationis, quæ fit per gratiam ab ipsomet collatam, in quo continetur quidem promissio gratiæ, tamen illa intrinsecè includitur in Institutione talis Sacramenti, ut tale signum est: Sacrificium verò per se primo instituitur in cultum Dei quoad significationem moralem, & hoc Sacrificium institutum est in repræsentationem Passionis Christi quoad significationem mysticam, & hæc sunt, quæ per se pertinent ad institutionem talis Sacrificij vt sic. Quod autem ultra hoc habeat virtutem conferendi aliquem effectum ex opere operato, & infallibiliter, & quidem decenter annexum tali Sacrificio, non est tamen ita per se, & intrinsecè inclusum in ratione, vel significatione Sacrificij vt manifestum est in Sacrificio Cru-

cis, quod ex defectu voluntatis Christi sic ordinantis, & promittentis nullum habet effectum ex opere operato quoad efficaciam. Vera igitur est illa maior propositio, quod scilicet illi tantum fructus huius sacrificij sunt certi, & infallibiles qui fundantur in promissione & pacto Diuino.

In Minori tota vis est. Illam autem probamus ex hoc principio vniuersaliſſimo, quia in omnibus pactis, quæ Christus per se ipſe inuit cum hominibus ſiue in communi, ſiue in particulari nunquam promittere voluit aliquod temporale, neque vnquam huiusmodi promiſſiones ſuis voluit ſubiacere contractibus. Sumitur hoc principium primo ex principali diſcrimine interſœdera, & pacta, quæ inuit Deus cum Genere humano per Os Prophetarum, & illa quæ poſtmodum inuit, cum nouiſſimè locutus eſt nobis in filio, diſcrimen principale illud eſt, quod per Os Prophetarum paciſcebatur Deus cum populo ſuo ſub promiſſionibus terrenis, ſed aperiens os ſuum in filio, nunquam paciſci voluit niſi ſub promiſſionibus Cœleſtibus. Deus, inquit Sanctus Auguſtinus in Pſal. 73. vtriuſque Teſtamenti eſſe voluit authorem, vt & terrena promitteret in Veteri, & cœleſtia in Nouo & lib. 18. de Ciuit. cap. 11. Vetus, inquit, dicitur teſtamentum, quia promiſſiones terrenas habet, & per Ieſum Chriſtum futurum fuerat teſtamentum nouum, quo Regnum Cœlorum promitteretur. Notat præterea idem Auguſtinus lib. 19. contra Fauſtum cap. vlt. Non ſolum in Veteri Teſtamento Regnum Cœlorum non eſſe promiſſum, quod etiam S. Hieronymus probat aduerſus Pelagianos lib. 1. ſed ne nominatum quidem expreſſè inueniri in illo. Nimirum ait Auguſtinus *Ori eius nominandum ſeruabatur*. Ita planè, & *aperiens os ſuum*, ait Euangeliſta Matth. 5. Aperuit nunc os ſuum, qui prius aperuerat ora Prophetarum, ait Bernardus Serm. 1. in feſt. Omnium Sanctorum: Et Regnum Cœlorum, quod ori eius nominandum per tot annorum millia ſeruatum fuit, promiſit, dicens: *Beati pauperes Spiritu, quoniam ipſorum eſt Regnum Cœlorum*.

Obſeruauit idem diſcrimen S. Thomas ſuper 1. Corinth. cap. 10. lect. 2. vbi ait: temporalia non promittuntur tempore gratiæ, ſicut tempore legis, vnde *nec in pactum deducuntur, ſed adiunguntur*; at verò antiquitus erant in pactum; ideo Iſai. 1. dicitur: *Si audieritis me bona terra comedetis*, Notabilis planè eſt hæc tam aperta doctrina S. Thomæ ad rem præſentem: *Temporalia tempore gratiæ non deducuntur in pactum*.

Et eſt ſane mirabile, quàm diſertis verbis, aut factis Chriſtus id explicare ſollicitus fuerit, quoties aliqua ſuſpicio eſſe poterat, ne temporale aliquod à ſuis Diſcipulis peteretur in pactum. Inſignis meo iudicio eſt locus ille Matth. 8. vbi narratur factum cuiuſdam ſcribæ, qui poſt viſa multa præclare, & miſericordè geſta à Chriſto accedens obtulit ſe Chriſto in diſcipulum, & ait illi: *Magiſter ſequar te quocumque ieris*. Querunt diligenter Patres, quæ nam animi intentione hiſc ſcribæ ſui inderelli famulatus obſequium, vt loquitur S. Ambroſius ſponſonderit Chriſto; & plerique in eam abeunt ſententiam, ipſum quaſi pactum intendiſſe, in quo

X I.

*Chriſtus nunquam ſe obligauit temporalibus ex pacto.*

X II.

*Diſcrimen inter promiſſiones Oriſ Chriſti, & Oriſ Prophetarum.*

X III.

*Regnum Cœlorum non nominatum ne dum promiſſum in Veteri Teſtamento.*

X IV.

*Temporalia non deducuntur in pactum.*

X V.

*Factum ſcribæ volentis Chriſtum ſequi ſpe lucri ſeparatiſ.*

tacitè promissio mercedis temporalis includeretur. Sanctus Hieronymus Matth. 8. Signorum videns magnitudinem sequi voluit Salvatorem, ut lucra ex operum miraculis quæreret. Sanctus Chrysostomus: *Quæstui ait Seruiens scriba cum propter multitudinem signorum multos undique affluere videret, putauit Dominum ex talibus miraculis ditari, ac ideo sequi cupiebat. Euthymius sperabat quod si in maiorem discipuli, illum sequeretur, copiosas Collecturus esset diuitias. Sed quid Christus ad illam oblationem, Et dixit ei Iesus: Vulpes foveas habent, & Volucres Cæli nidos, filium autem hominis non habet ubi caput reclinat.*

**XVI.**  
*Christi Pro-*  
*statio circa in-*  
*obiam tempo-*  
*ralium.*

Hæc responsio, ait Chrysostomus, non ad sonum verborum scribæ, sed ad sensum interrogantis accommodata est. Quid, inquit, pecunias credis te collecturum si me sequeris, nonne vides, nec diuerlorum mihi esse, nec tantum quidem, quantum auiibus, in eundem sensum interpretatur Hieronymus. Quid me, inquit propter diuitias, & sæculi lucra cupis sequi, cum tantæ sum paupertatis, ut ne hospitium quidem habeam, & non meo utar tecto? Nimirum addit Euthymius: Vulpibus, & Volucris sum pauperior, neque enim receptaculum habeo, nec quantum sufficiat ad caput reclinandum. Itaque nihil temporale habeo, quod promittam petentibus, & paciscentibus famulatum.

Sed colligamus informa probationem illius minoris nostræ propositionis, quæ erat fructus temporalis huius Sacrificij non fundari in promissione, & pacto Diuino. Nulla extat promissio facta Sacrificio, neque vllum in eius institutione inclusum est pactum de fructibus temporalibus; ergo tales fructus temporales non fundantur in promissione & pacto. Consequentia est per se manifesta. Antecedens probatum iam est ex doctrina tradita generali ex verbis, præsertim Sancti Thomæ. Temporalia tempore gratiæ non promittuntur, unde nec in pactum deducuntur. Maneat igitur nostra Conclusio. Fructus temporales provenientes ex hoc monte propitiatorio, non esse certos, & infallibiles.

**XVII.**  
*An promissio*  
*facta Orationi*  
*includat tem-*  
*poralia.*

Sed contra hoc argui potest hoc modo. Illa promissio intelligitur facta oblationi, quæ facta est Orationi, sed Orationi facta est promissio vniuersalis comprehendens omnis generis fructus, tum spirituales, tum temporales; ergo eadem generalis promissio facta est oblationi.

Maior admittitur à nobis. Minor probatur ex verbis promissionis, Ioan. 6. *Amen, Amen dico vobis, si quid petieritis Patrem in nomine meo dabit vobis.* Si quid, ecce verbum vniuersale, nullius generis bonum excludens, atque adeo non solum spiritualia, sed etiam temporalia comprehendens.

**XVIII.**  
*Quidquid est*  
*terrenum nihil*  
*est.*

Sed respondemus facile ex doctrina tradita negando minorem, & ad probationem ductam ex verbis promissionis, dicimus ex illis confirmationem potius peti à Patribus veræ sententiæ. Nam S. Thomas, Lect. 6. in cap. 16. Ioan. hanc ponit primam conditionem bonæ Orationis, ut scilicet petantur bona spiritualia, illamque declarat ex hac ipsa voce, *si quid.* Quod enim, inquit, est *penitus terrenum*, etsi in se sit aliquid, comparatum tamen ad spiritualia, *nihil* est. Quæ doctrina sine dubio est S. Augustini, Tract. 102. in Ioan. Vbi cum docuisset quid esset petendum subdit: *Quidquid autem aliud petitur nihil pe-*



titur, non quia nulla omnino res est, sed quia in tantæ rei comparatione, quidquid aliud concupiscitur, *nihil* est; neque enim prorsus nulla res est homo, de quo ait Apost. Galat. 6. *Qui se putat aliquid esse cum nihil sit*. In comparatione quippe *spiritualis hominis*, qui scit, gratia Dei se esse, quod est, quicquid vana præsumit *nihil* est; etiam sic ergo rectè intelligi potest, ut hoc quod ait. *Si quid, non quodlibet intelligatur sed aliquid, quod non in beata vite comparatione sit nihil*.

At dices primo. Dominus absolute ait, & sine vlla prorsus restrictione, aut comparatione: *Si quid petieritis*. Vbi ergo in verbis Domini, exclusio est temporalium, quantumvis comparatione æternorum illa sint nihil; neque enim temporalia ex sua natura hoc habent, ut illorum impetratio fundari non possit in Diuina promissione, cum constet promissiones Diuinas veteris Testamenti omnes fuisse rerum temporalium, ut superius dictum est.

Respondeo ex doctrina Toleti annot. 31. in cap. 16. Ioan. morem esse Sacre Scripturæ, ut non omnes limitationes, & restrictiones, si quæ sunt, vno in loco semper accumulet, sed in distinctis, & diuersis locis, variis occasionibus doceat, ut *studium adhibeamus* in verbo Dei, & sparsa sedulò colligamus. Hac ratione salus æterna, quæ in Sacra Scriptura non promittitur nisi homini timenti Deum, & simul speranti, & diligenti, & pœnitenti, &c. Vno in loco seorsim promittitur timenti Deum, in alio loco credenti, in alio speranti, in alio diligenti, non quod singula se iuncta sufficiant, sed simul congreganda sunt. Et hoc (grauiter subdit Toletus) hoc fecerit Hæreticos nostros, fide sola iustificari arbitantes, quia fidei iustificatio tribuatur, nec attendunt miseri, timori, spei, pœnitentiæ, & aliis virtutibus idem promitti, ut apertè ex Scriptura constat; non tamen propterea singulas has per se iustificare dicimus. Petitio igitur, ut eius impetratio sit infallibilis, habere debet quædam, quæ non in omni loco Scripturæ sunt explicata. Quare non est necesse, ut in hoc peculiari loco Ioan. 16. præsens limitatio declaratur, cum constet aliunde, & præsertim ex differentia generali inter promissiones veteris, & noui Testamenti; quamquam in hoc quoque Ioannis loco insinuetur satis; dicitur enim, si quid petieritis Patrem *in nomine meo*, quod est nomen *Saluatoris*, in quo nomine, inquit S. Thomas, petit, qui pertinentia *ad salutem* petit.

Dices secundo. Præter hoc principium infallibilitatis, quod est promissio, est in Sacrificio aliud singulare principium, in quo eadem infallibilitas fundari potest. Nam impetratio fructuum etiam temporalium prouenientium ex hoc Sacrificio nititur Christo, ut principali offerenti, & consequenter ut impetranti; neque enim pendet ex conditione Ministri: sed impossibile est Christum non exaudiri; ergo impossibile est hoc Sacrificium non impetrare; ergo omnes fructus huius Sacrificij etiam temporales certi sunt, & infallibiles.

Respondeo, applicando ad hoc argumentum doctrinam communem, quam rectè assert P. Suarez disput. 79. Sect. 2. Orationem videlicet Christi esse duplicem, vnam fundatam in voluntate absoluta, & efficaci, & hanc infallibiliter impetrare, aliam verò fundatam in voluntate inefficaci, & quasi antecedente, & hanc non semper impetrare, quia impetratio accommodatur voluntati. Rursum Christi persona, & voluntas in hoc Sacrificio dupliciter potest considerari.

X I X.

Plena doctrina  
fidei sæpè ex  
pluribus Scri-  
ptura locis col-  
ligenda.

X X.

At præter pro-  
missionem sic  
aliud princi-  
pium infallibi-  
litate in Sa-  
crificio.

XXI.  
*In primis Institutione Sacrificij non fuit in Christo voluntas ab omni a de temporalibus impetrandis.*

XXII.  
*Neque in actus oblatione cum Ministro illam nunc habet necessarium.*

XXIII.  
*Sapientia Dei dum negat exaudit.*

XXIV.  
*Berfabæ exaudita quia non audita.*

XXV.  
*Israhelita puniri quia auditi.*

Primo solum, ut representata in persona Ministri, ex vi primæ Institutionis. Secundo, ut actu offerens non solum per Ministrum, sed cum Ministro petens per actum de nouo, quod petit Minister. Iam verò imperatio, de qua communiter hoc loco agitur; per se loquendo solum fundatur in persona Christi priori modo considerata, hoc est ut representata in Ministro ex vi primæ Institutionis, & ut sic non includit absolutam voluntatem ipsius Christi de effectu impetrando, quia illam non necessariè habuit, quando Sacramentum instituit, neque in particulari, ut per se constat, neque in generali; non enim voluit absoluta voluntate, ut omnia quæ per hoc Sacrificium postularentur, omnino concederentur; talis enim voluntas generalis fuisset æquiualens generali promissioni, quæ sine dubio non intercessit, ut constat; tum ex regula vniuersali Noui, & æterni Testamenti, de qua diximus, tum ex speciali declaratione Institutionis Sacrificij in remissionem peccatorum. Quare ex vi Institutionis præter efficaciam effectus, & fructus pertinentis ad salutem, solum voluit Christus hoc Sacrificium tam esse purum, & perfectum, ut de se valeat ad Diuinam voluntatem inclinandam, ut postulata concedat. Quod si loquamur de Christo Domino, ut non solum offert per Ministrum ex vi primæ Institutionis, sed etiam ut nunc ipse etiam de nouo offert cum Ministro, neque ut sic eius imperatio est infallibilis, quia non est necesse si semper efficaciter intendat obtinere effectum illum, quem Sacerdos, vel alius offerens intendit; nulla enim lege se obligauit Christus, vel promissione ad efficaciter petendum quidquid priuatus offerens petit, aut desiderat; neque hoc sequitur ex natura talis Sacrificij, ut Aduersarij fatentur; neque semper est expediens illi, pro quo fit petitio; vnde dixit Augustinus Tract. 73. in Ioan. aliquando Deum exaudire petitiones nostras, dum negat, & renuit facere quod petimus; cum in nomine eius illud petimus, quod est nomen Saluatoris, quia ipse Saluator est, non solum quando facit, quod petimus, verum etiam quando non facit, quoniam quod vidit peti contra salutem, non faciendo se exhibet Saluatorem. Nouit enim Medicus quid pro sua, quid contra suam salutem poscat ægrotus, & ideo contraria poscentis non facit voluntatem, ut faciat sanitatem. Quando ergo petimus ea, quæ putamus vtilia nobis futura, & reuera non sunt, sed potius noxia, tunc concedere petita, potius est punire, & nostræ intentioni repugnare, nam nos intendimus quod vtile nobis est, ideoque dum negat reuera exaudit, non quidem voces, sed animum, & intentionem, quod præcipuum est. Exemplum affert Toletus annot. 31. ex 3. Reg. 2. Accessit Berfabæ ad Salomonem petens Abisag Sunamitidem uxorem dari Adonix, arbitrans ea ratione Regnum Salomonis magis confirmari, & Sapiens Salomon id potius in perniciem Regni sui cognoscens, negauit, dicens: *Quare postulas Abisag Sunamitidem Adonia? postula ei, & regnum; ipse est enim frater meus maior me*: ac si diceret: Mater hoc tu petis, ut in me Regnum confirmetur; at si fiat quod petis, potius est petere Regnum pro illo, hoc autem tu maximè auersaris. Matrem igitur exaudiuit Salomon, negando petitum, & petitum tale negando non fecit contra id, quod dixerat: *Pere Mater mea, neque enim fas est, ut auertam faciem tuam*. Ita nobiscum Deus facit, concludit Toletus, & tunc exaudisse nos censendus est. Contra vero puniti dicendi sunt Israhelitæ quando Deus concessit illis carnes, quas petebant, quia adhuc erant carnes in ore ip-

forum, & Ira Dei ascendit super eos. Vnde optimè ad praxim monet Augustinus Tractatu illo 73. Quando nos delectant mala, & non delectant bona, rogare debemus potius Deum, ut delectent bona, quàm ut concedantur mala. An non videmus Iiræhitas malo suo impetrasse, quod culpabili concupiscentia petierunt; fastidiebant quippe quod habebant, & quod non habebant imprudenter petebant, quali non melius peterent, non ut cibus, qui deerat indecenti desiderio præstaretur, sed ut ille, qui aderat (nimirum de Cælo) sanato fastidio fumeretur.

Restat breuiter respondere ad rationem dubitandi positam in principio huius quæstionis, in qua dicebatur fructus temporales prouenientes ex hoc Sacrificio non esse fructus ex opere operantis, sed ex opere operato. Fructus autem ex opere operato esse infallibiles. Dicendum igitur est rectè sequi ex eo quod huiusmodi fructus non sunt ex opere operantis, esse aliquo modo ex opere operato; quia ad effectum ex opere operato aliquo modo, satis est, si procedat ex aliquo externo opere independentè à bonitate Ministri operantis. Cæterum quia Theologorum vsus obtinuit, ut effectus ex opere operato propriè, & in rigore dicatur ille, qui ita procedit ex opere independentè à conditione Ministri, ut adjunctam præterea habeat promissionem, & pactum. Hinc ex defectu talis promissionis, & pacti, fructus, & effectus temporales huius Sacrificij, non dicuntur absolutè ex opere operato, sed per modum simplicis impetrationis, quod docuit expressè Valentia Tom. 4. disput. 6. quæst. 11. punc. 1. quæst. 4. §. 19. ubi addit; si quis tales fructus ex opere operato dicere velit, ex eo quod non ex Ministri conditione dependeat, non esse de vocabulo magnopere pugnandum, modo constet hoc interesse inter virtutem, quam habet Sacrificium ex se, & ex vi operis ad effectus gratiæ & remissionis peccatorum & inter virtutem quam pariter ex se & ex vi etiam operis habet ad effectus temporales, quod illam certa ex lege, & promissione Diuina habet, hanc non item, sed ex congruitate quadam citrà omnem obligationem, & legem.

XXVI.  
An effectus temporales dicendi  
sint ex opere  
operato.

## QVÆSTIO SEPTIMA.

*Vtrum fructus huius Montis ex opere operato distri-  
buantur inaequaliter iuxtà quantitatem dispo-  
sitionis illos participantium.*

- |      |                               |
|------|-------------------------------|
| I.   | Proponitur status quæstionis. |
| II.  | Opinio Adversariorum.         |
| III. | Nostra Sententia.             |
| IV.  | Probaturs Authoritate.        |

- V. *Authoritas luculenta S. Thoma.*  
 VI. *Rejicitur Interpretatio Adversariorum.*  
 VII. *Authoritas sacri Canonis Interprete Caietano.*  
 VIII. *Probatur ratione.*  
 IX. *Insignis locus S. Thoma.*  
 X. *Ratio ex Institutione.*  
 XI. *Congruentia Institutionis.*  
 XII. *Æquè militant in Sacrificio.*  
 XIII. *Ratio fundamentalis Adversariorum.*  
 XIV. *An effectus Sacrificij quoad quantitatem pendeat ex intentione Sacerdotis.*  
 XV. *An opus operatum Sacrificij sit in se, & ex se determinatum.*  
 XVI. *Altera Adversariorum Ratio.*  
 XVII. *Diluitur per instantiam Sacramenti Pœnitentie.*  
 XVIII. *Disparitas de suffragiis.*  
 XIX. *Radix infinitatis negativa operis operati.*  
 XX. *Alterum fundamentum nostra Sententie.*  
 XXI. *Omnis effectus salutis pendet in quantitate ab alicuius dispositione.*  
 XXII. *Remissio pœne numeratur inter effectus salutis.*  
 XXIII. *Finis suscipiendi Indulgentias.*  
 XXIV. *Cur effectus ex opere operato accommodentur dispositioni subiecti.*  
 XXV. *Opus operatum sequitur naturam effectuum ex opere operantis, pro quibus substituitur.*  
 XXVI. *Tertia obiectio ex natura dispositionis.*  
 XXVII. *Dispositio remouens prohibens potest esse in aliquo gradu necessaria ad quantitatem effectus.*  
 XXVIII. *Instantia in Sacramento Pœnitentie.*  
 XXIX. *Ad effectum Sacramentalem non est semper necessarius actualis concursus suscipientis.*  
 XXX. *Authores pro nostra Sententia.*  
 XXXI. *Absurdum ex contraria.*  
 XXXII. *Quid intelligendum sit nomine dispositionis.*

I.  
*Propositur sta-*  
*tas questio.*



V P P O N I M V S hoc loco Sacrificium hoc habere effectum ex opere operato non solum in his omnibus, qui ipsum offerunt, sed etiam in iis, pro quibus offertur, non ponentibus obicem; Quod autem quarimus, illud est. An Sacrificium, quod ego quidem singulis diebus offero pro hac Sancta Probationis Domo Neapolitana, ubi hæc scribo, & in qua degunt nunc Tyrones supra quadraginta. An inquam, Sacrificium quod offero cum intentione iuuandi omnes, & singulos quantum possum, æqualiter singulis profic, nulla à Deo habita ratione inæqualis dispositionis ex parte illorum: An potius eius effectus, ac fructus participantur ab illis iuxta mensuram deuotionis, ita ut ceteris paribus, effectus sit maior in illo, qui per maiorem deuotionem est melius dispositus.

P. Suarcz



P. Suarez disp. 79. Sect. 10. loquendo de remissione pœnæ, quam solam censet ipse effectum esse huius Sacrificij ex opere operato, docet maiorem quantitatem huius effectus nullo modo pendere ex maiori dispositione eius, pro quo Sacrificium offertur, sed si qua fiat variatio, & inæqualitas, illam totam oriri ex intentione Sacerdotis inæqualiter applicantis, citatque, quod mihi mirabile visum fuit, pro sua opinione Caietanum tom. 3. Opusc. tract. 3. quæst. 2. Cum tamen Caietanus citetur communiter pro contraria Sententia, & quidem merito, vt manifestè patebit inferius. Citat etiam pro se Durandum, & S. Thomam in 2. rectius in 4. dist. 45. At quod notauit etiam P. Vasquez, neque S. Thomas, neque Durandus prædictam sententiam sequuti sunt de effectu Sacrificij disputantes, sed de effectu Suffragiorum vnus pro alio, quorum diuersa omnino ratio est; itaque nullum pro se ex citatis habet authorem.

Contraria sententia, communis, & vera, docet effectus huius Sacrificij ex opere operato determinari ex deuotione eorum quibus per intentionem Sacerdotis applicantur; ita vt quò maior fuerit illorum dispositio, & deuotio, maior cæteris paribus respondeat effectus; quod vniuersaliter intelligimus de omnibus omnino effectibus huius Sacrificij ex opere operato, qui in sententia S. Thomæ, & nostra latissimè patent; atque adeo de hoc peculiari effectu remissionis pœnæ, de quo peculiariter disputant Aduersarij.

Hæc sententia, vt pote magni ponderis, & momenti, tum ad explicandum valorem huius Sacrificij, tum ad eius fructus vberrimè à nobis percipiendos, firmanda solidè est, tum autoritate, tum rationibus. Et quidem quod ad authoritatem pertinet. Probamus illam primo ex S. Thomæ 3. par. quæst. 79. art. 5. cuius titulus est. Vtrum per hoc Sacramentum, quatenus Sacrificium est, tota pœna peccati remittatur. Præsupponit vnum Titulum hic, tanquam definitum; alterum, tanquam definiendum proponit. Præsupponit quidem inter effectus proprios huius Sacrificij esse, pœnæ pro peccato debitæ remissionem, in quo consentimus omnes; proponit verò, an hæc pœna per Sacrificium remittatur totaliter, an partialiter, & si non totaliter semper, iuxta quam mensuram remittitur partialiter? hic est sensus illius Tituli, ad quem sic respondet in corpore Articuli. *Quamuis hæc oblatio ex sui quantitate sufficiat ad satisfaciendum pro omni pœna, tamen sit satisfactoria illis, pro quibus offertur, vel etiam offerentibus secundum quantitatem suæ deuotionis, & non pro tota pœna.* Et mox in responsione ad tertium. *Hoc, inquit, quod tollatur pars pœnæ, & non tota pœna, non contingit ex defectu virtutis Christi, sed ex defectu deuotionis humane.* Præterea articulo septimo, vbi quærit. Vtrum hoc Sacramentum prosit aliis quam fumentibus, cum respondisset, illud tanquam Sacrificium prodesse etiam aliis; hæc addit in responsione ad secundum. *Illis tamen prodest plus, vel minus secundum modum deuotionis eorum.*

Hæc autoritas S. Thomæ est ita expressa, & clara, vt mirandum non sit, si Aduersarij illam penè taciti prætergrediuntur. P. Suarez citans articulum illum quintum S. Doctoris, veller totum locum intelligere de offerentibus tantum, non verò de illis, pro quibus offertur. At qua ratione excludi ab illa doctrina possunt illi, pro quibus oblatio offertur, cum sanctus Thomas dicat. *Fit satisfactoria illis, pro quibus offertur, vel etiam offerentibus secundum quantitatem*

II.  
*Opinio Aduersariorum.*

III.  
*Nostri Sententia.*

IV.  
*Probatum ab authoritate.*

V.  
*Autoritas inculcatur S. Thomæ.*

VI.  
*Reijcitur interpretatio Aduersariorum.*



*sue deuotionis.* Quorum verborum sensus planissimus hic est. *Quibus hac oblatio sit satisfactoria, iis secundum quantitatem sue deuotionis sit.* Atqui, ego subsumo, non solum offerentibus hæc oblatio sit satisfactoria, sed etiam iis, pro quibus ea offertur; ergo non solum offerentibus, sed etiam iis, pro quibus offertur sit satisfactoria secundum quantitatem sue deuotionis; quem sensum planè confirmant alia vniuersalissima verba eiusdem S. Doctoris ex articulo 5. & 7.

Vidit P. Suarez nimis violenter excludi ab huiusmodi testimoniis eos, pro quibus Sacrificium offertur, ideo addit talem dispositionem, de qua loquitur S. Thomas, in illis requiri, *solum quatenus necessaria esse potest ad remouendum impedimentum.*

Sed quis non videt quàm gratis hoc dictum sit, & quam alienè à sensu questionis S. Doctoris? Agitur enim ibi de quantitate pœnæ remissibilis per hoc Sacrificium, & quæritur, vtrum tota pœna remittatur. Profectò in hac questione præsupponitur nullum esse impedimentum in suscepturis talem effectum remissionis pœnæ, & de quantitate illius remissionis tantum disputatur, quam S. Thomas definit esse commensuratum quantitati deuotionis. Non ergo *remotionem impedimenti*, quæ pertinet ad capacitatem recipientis simpliciter, appellare S. Doctor potuit *quantitatem deuotionis.* Adde quod P. Suarez ad capacitatem huius effectus duo tantum requirit, nimirum Characterem baptismalem, & statum gratiæ habitualis, quæ duo consistunt suo modo in indiuisibili, atque adeo tota impedimenti remotio ad hunc effectum, consistit etiam in indiuisibili, nam vel est quis baptizatus, & in gratia, & sic nullum habet impedimentum ad hunc effectum simpliciter, vel non est baptizatus, aut non est in gratia, & sic impedimentum habet ad effectum simpliciter. Quomodo ergo accommodari possunt verba S. Thomæ dicentis oblationem fieri satisfactoriam secundum quantitatem deuotionis, vt intelligantur de dispositione pertinente ad capacitatem simpliciter, quæ dispositio nullam habet quantitatem, sed consistit eo modo, quo diximus in indiuisibili? Maneat ergo tanquam manifestum, S. Thomam, sicut loquitur de quantitate huius effectus, ita loqui de quantitate dispositionis ad ipsum, quæ duo complexus est articulo illo septimo. *Illis tamen prodest plus, vel minus secundum modum deuotionis eorum.*

## VII.

*Auctoritas sacri Canonis interpretis Caietani.*

Secundum locum ab autoritate sumimus ex verbis Sacri Canonis, ex illis præcipuè: *Quorum tibi fides cognita est, & nota deuotio.* Quæ verba tractans Caietanus in Tractatu illo tertio Opusc. citato à P. Suarez, hæc habet: *Quia in applicatione huius Sacrificij sunt duo, scilicet applicatio ipsa ad hunc, vel illum, & effectus particularis in hoc, vel in illo; ideo duo quoque actus concurrunt ad hanc determinationem, intentio scilicet, & deuotio: Intentio enim applicat hoc Sacrificium huic, vel illi, deuotioni autem effectus respondet: vnde intentio propria est Sacerdoti, deuotio autem communis est ei, & aliis, vnde, & in Canone Missæ, Sacerdos actum intentionis applicatiuæ huius Sacrificij exercens, dicit: Tibi offerimus pro Ecclesia, &c. deinde actum deuotionis subiungit: quorum tibi fides cognita est, & nota deuotio. Hoc enim non solum ad circumstantes, sed ad alios refertur, ex his insinuans applicationem huius Sacrificij non solum intentione, sed deuotione adjuncta perfici, ita quod: *Quanta est bonum deuotio, tanta applicatur eis ex illa infinitate satisfactio.* Hæc Caietanus colum. 1. illius*

cap. 2. Idem infra in responsione ad primum. *Effectus*, inquit, *Missæ est finitus cuilibet secundum suam fidem quoad impetrationem, & secundum suam devotionem quoad satisfactionem*; propterea utrumque dicitur in *Canone*, quorum tibi fides cognita est, & nota devotio. Ex qua explicatione clarè perspicitur, quàm immeritò Caietanus citetur ab Aduersariis pro sua opinione, cum ipse toties alibi, & clarissimè hic dicat, effectus *Missæ est finitus cuilibet secundum, &c.* Sed de Caietani doctrina luculentissima constabit apertius ex infra dicendis. Interim ad rationes veniamus.

Ratio potissima, & fundamentalis hæc est. Omnis causa habens causalitatem ex opere operato producit effectum suum secundum quantitatem dispositionis subiecti, in quo effectus producit, sed Sacrificium est causa habens causalitatem ex opere operato; ergo producit effectum suum secundum quantitatem dispositionis subiecti, in quo effectus producit.

Maior probatur ex doctrina communiter à Theologis tradita in materia Sacramentorum; nam omnes huiusmodi causæ ex promissione, & pacto Diuino hoc habent, ut illarum effectus non sint absolute æquales in omnibus, sed proportionales, & accommodati dispositioni eius subiecti, in quo tales effectus recipiuntur; Et sumitur ex Tridentino Sess. 6. cap. 7. De effectu Iustificationis in Baptismo adultorum, qui sine dubio est effectus ex opere operato, & tamen causatur, ut docet Concilium, *secundum propriam cuiusque dispositionem, & cooperationem.*

Idem docuerat S. Thomas 3. par. quæst. 69. art. 8. in corpore ubi ait. Adultus, qui per propriam fidem ad Baptismum accedunt, non æqualiter se habent ad Baptismum; quidam enim cum maiori, quidam cum minori deuotione ad Baptismum accedunt; & ideo quidam plus, quidam minus de gratia nouitatis accipiunt, sicut etiam ab eodem igne accipit plus caloris, qui plus ei appropinquat, licet ignis quantum est de se æqualiter ad omnes suum calorem effundat. Ex quo generali principio infert Soto dist. 6. quæst. 1. art. 6. Adultum per propriam dispositionem iustificatum in Baptismo maiorem gratiam accipere quam infantem, quia semper adultus est melius dispositus, quàm infans; nam hic nullam habet positum dispositionem, sed solum non repugnantiam; adultus verò semper esse debet posituè dispositus per proprium actum. Iam verò quod de Baptismo dicitur, idem à Theologis affirmatur de reliquis Sacramentis, & de quibuscumque aliis Agentibus, ex opere operato, neque in hoc contradicentem inuenio.

Cum ergo Sacrificium eundem causandi modum habeat ex opere operato, quæ erat minor nostri argumenti, superius à nobis probata satis, & hoc loco ab Aduersariis vltro admissa, non obscure sequitur effectus suos producere maiores, vel minores iuxta quantitatem dispositionis subiecti, in quo producuntur: quæ tandem erat nostra consequentia.

Et sanè ratio à priori huius doctrinæ quatenus applicatur talibus agentibus ex opere operato, nimirum Sacramentis, non potest aliunde peti, nisi ex Christi Institutione, quatenus verò communis sit etiam aliis eundem agendi modum habentibus, cum nihil in contrarium positiuè obstat, satis habetur à paritate rationum, quæ Christum mouere potuerunt, ut talem in Sacramentis faceret In-

St ij

VIII.

Probatur ratio.

IX.

Insignis locus S. Thomæ.

X.

Ratio ex Institutione.

XI.  
*Congruentia  
Institutionis.*

stitutionem. Percurramus ergo rationes, quas Doctores afferunt, vt ostendunt, Christum ita promississe gratiam vnicuique Sacramento, vt voluerit illam esse accommodatam, & commensuratam vniuscuiusque dispositioni, vt videamus vtrum communes sint reliquis habentibus eundem modum causandi ex opere operato, & præsertim Sacrificio. Afferit illas P. Suarez disput. 7. de Sacramento Sect. 5. Et prima, inquit, quia ad summam Dei prouidentiam, & sapientiam, ac iustissimam distributionem pertinet, vt melius disposito maior gratia conferatur. Secunda, quia, inquit, fuit hoc expediens, vt homines excitarentur ad recipienda Sacramenta cum maiori deuotione, & reuerentia, saltem propter spem maioris fructus. Tertia, quia causæ naturales melius operantur circa passum melius dispositum. Decuit ergo, vt causæ gratuita eandem proportionem obseruent. Neque ad hæc omnia satis est, addit P. Suarez, vt homo ipse per meliorem dispositionem aliquid amplius mereatur, vel obtineat, quia hoc totum est ex opere operantis, vnde non sufficit ad propriam causalitatem Sacramentorum, quæ est ex opere operato.

XII.  
*Æquè militat  
in Sacrificio.*

Hæc est rationum summa, quæ per Aduersarios declarant ita factam fuisse Sacramentorum Institutionem. Verum quis non videt eas idem omnino pondus habere, si applicentur ad Sacrificium respectu suorum effectuum, etiam ex opere operato? Nam ratio petita à Dei Prouidentia, Sapientia, & Iustitia distributionis, profecto æquè militat vtroque, altera ducta ab hominum utilitate, vt sic propter spem maioris fructus excitentur, maiorem fortasse locum habet in Sacrificio, quod causalitatem habet vniuersalem, vt vidimus, certè non minorem. Tertia sumpta ex proportionem cum causis naturalibus, fundatur maxime in natura operis operati, quod per Aduersarios respectu huius saltem effectus, qui est pænæ remissio, in Sacrificio est, non minus quàm in Sacramentis.

XIII.  
*Ratio fundamen-  
talis Aduersariorum.*

Sed contra hanc paritatem Sacramentorum est fundamentum P. Suarez Sect. 10. quia, inquit, hic effectus remissionis pænæ, respectu eius, pro quo offertur, vt sic, totus pendet ex intentione Sacerdotis applicantis; ergo tantus est, quantum esse vult applicans; neque in hoc pendet ex dispositione alterius, nisi quoad hoc solum, vt obex non ponatur; Vnde non est eadem ratio de effectibus Sacramentorum, qui non pendunt in actione sua ex intentione alterius, sed veluti naturaliter agunt iuxta dispositionem suscipientis. Antecedens huius argumenti declaratur à P. Suarez hoc modo, quia, inquit, effectus respondens oblationi Sacerdotis, vt sic, determinatus est ex Institutione, semperque est in se omnino æqualis, quia non habet vnde varietur cum non pendat ex dispositione Sacerdotis, neque ex illa augeatur, vel minuatur, rursus hic effectus applicatur per intentionem Sacerdotis, quæ in hoc est libera, per se loquendo, & potest totum effectum applicare cui voluerit, vnde si totum applicet Petro, ille consequetur totam, etiamsi sit minus Sanctus, quàm reliqui omnes; si verò applicet Petro, & Paulo, & velit æqualiter inter eos diuidi, ita fiet, etiamsi illi sint inæqualiter Sancti, quia in hac applicatione Sacerdos habet liberam potestatem; ergo effectus Sacrificij non variatur ex varia dispositione eorum, pro quibus offertur.

Fundamentum assumit, quod in presenti quaestione esset probandum, videlicet effectum hunc respectu eius, pro quo Sacrificium offertur totum pendere ex intentione Sacerdotis, non solum quoad applicationem, ut ita dicam, causæ talis effectus, quæ est Sacrificium, sed etiam quoad determinationem, & mensuram effectus à tali causa applicata provenientis, ut sicut Pontifex concedens Indulgentiam non solum applicat causam, sed determinat effectum, dum concedit remissionem tantæ, vel tantæ pœnæ, ita proportionaliter faciat Sacerdos; sed hoc assumptum est omnino falsum, & contra expressam doctrinam S. Thomæ quæst. 79. citata, illis præsertim verbis. *Illis tamen prodest plus, vel minus secundum modum devotionis eorum*; non dicit, secundum modum intentionis Sacerdotis, sed secundum modum devotionis ipsorum. Neque verò minus falsum est principium, in quo tale assumptum videtur innici, nimirum opus operatum huius Sacrificij esse in se determinatum, nam quamvis possit saltem quoad efficaciam, & effectum dici finitum, non propterea sequitur esse in se, & ex se determinatum, ut manifestum est in Sacramento, in quibus iuxta Aduersarios, opus operatum non est infinitum quoad efficaciam, & effectum, sed finitum, & tamen non est intrinsecè determinatum, sed determinatur extrinsecè secundum quantitatem dispositionis susipientis. Quamvis verò opus operatum tum Sacramenti, tum Sacrificij dici possit semper esse in se æquale, quatenus à conditione, & dispositione Ministri non variatur, tamen hæc est æqualitas secundum quid non simpliciter, & potius est æqualitas, veluti negatiua in quantum scilicet nullam inæqualitatem ex parte Ministri accipit. Cæterum cum opus hoc operatum tum Sacramenti, quam Sacrificij, inæqualitatem simpliciter habeat, in his, in quibus effectus recipitur, assignandum est principium huius inæqualitatis, sed principium huius inæqualitatis in Sacramento non est intentio Ministri; ergo neque in Sacrificio.

Verum instat P. Suarez, quia causalitas hæc, de qua agimus est per modum cuiusdam donationis, quæ tanta est, quanta vult is, qui donat, neque aliud ex parte recipientis requirit, nisi capacitatem absque impedimento, quod inferius confirmat ex applicatione satisfactionis ex opere operantis, quæ datur, vel distribuitur iuxta voluntatem applicantis, dummodo alij sint capaces, id est non sint in mortali peccato; quod autem sint magis, vel minus Sancti, nihil refert ad hunc effectum, qui per se pendet solum ex donatione alterius. Quæ est, inquit, aperta doctrina Sancti Thomæ dist. illa 4. s. quæst. 2. art. 3. quæst. 1. ubi ait, suffragium, quod alicui prodest ex applicatione alterius, totum pendere ex applicantis intentione, ita ut remoto impedimento, tantum applicetur quantum ipse vult.

Hæc doctrina habet manifestam instantiam in Sacramento Pœnitentiæ, in quo Sacerdos non solum confert gratiam, sed etiam condonat pœnam, & tamen non solum collatio gratiæ Sacramenti, sed etiam condonatio illa pœnæ commensuratur dispositioni susipientis; ut enim rectè ait Cardinalis de Lugo ex communione Theologorum, nec Aduersariis quidem contradicentibus, Sacramentum Pœnitentiæ non solum confert maiorem effectum gratiæ Sanctificantis, homini melius disposito, sed etiam maiorem effectum remissionis pœnæ temporalis per satisfactionem Sacramentalem, vel etiam per absolutionem, quando simul cum culpa remittitur, & commutatur pœnæ æterna in temporalem; commutatur enim

XIV.

*An effectus Sacrificij quoad quantitatem pendeat ex intentione Sacerdotis.*

XV.

*An opus operatum Sacrificij sit in se, & ex se determinatum.*

XVI.

*Altera Aduersariorum ratio.*

XVII.

*Diluitur per instantiam Sacramenti Pœnitentiæ.*



in minorem si subiectum sit melius dispositum. Nullam ergo habet vim illa consequentia; remissio pœnæ sit per modum cuiusdam donationis, seu condonationis; ergo tota pendet ex intentione Ministri, quoad quantitatem ipsius, & non ab alterius dispositione.

XVIII.  
*Disparitas de  
suffragiis.*

Neque vero est eadem ratio de suffragio ex opere operantis quod prodest alicui ex applicatione alterius; nam opus operantis respicit tantum operantem, à quo ad æquatè accipit totam mensuram valoris, & quia operans est finitæ, & determinatæ dignitatis, hinc est, vt opus talis operantis sit in se finitæ, & determinatæ satisfactionis, valoris, & honestatis, at verò opus operatum non respicit operantem, puta Ministrum, & Sacerdotem, sed Christum, personam infinitæ dignitatis, à qua certè non potest intrinsecè accipere in sua efficientia, & efficacia determinationem, & limitationem satisfactionis, & valoris, quasi ex natura rei. Totum ergo pendet ex Christi institutione, & voluntate. Porro Christus potuit ita instituire, & promittere effectum vnicuique operi operato, vt voluerit illum non esse absolute æqualem in omnibus, sed accommodatum vniuscuiusque dispositioni, maiori & maiori, hoc, inquam, potuit; quia opus operatum non est in se determinati valoris, sicut opus operantis, sed indeterminati; Quod verò hoc, quod potuit, de facto fecerit, & ita instituerit, Aduersarij concedunt in Sacramento Pœnitentiæ respectu remissionis pœnæ, & nos ab omnimoda paritate rationis inferimus in Sacrificio respectu eiusdem effectus.

XX.  
*Alterum fun-  
damentum no-  
stra sententia.*

Sed addamus nouam rationem generalem, quæ potest esse alterum fundamentum nostræ Conclusionis. Cur Christus Dominus de facto opus operatum siue Sacramenti, siue Sacrificij sic instituerit. Ratio autem hæc est: Omnis effectus gratiæ, & salutis ex Diuina institutione habet hoc, vt pendeat in sui quantitate à dispositione alicuius subiecti. Sed effectus remissionis pœnæ huius Sacrificij (& multò magis quicumque alius effectus pertinet ad remissionem culpæ) est effectus gratiæ, & salutis; ergo ex generali Dei institutione habet, vt in sui quantitate pendeat à dispositione alicuius subiecti. Sed non pendet à dispositione, & conditione proximi, & ministerialis offerentis, vt ex doctrina Tridentini omnes Catholici Doctores fatentur; ergo à conditione, & dispositione eius, pro quo offertur, nam nemo sit alius, à quo accipi mensura possit talis effectus. Prima principalis consequentia tenet ex forma. Posterior est manifesta ex sufficienti subiecto- rum, & terminorum enumeratione. Propositiones probandæ sunt.

XXI.  
*Omnis effectus  
salutis pendet  
in quantitate  
ab alicuius dis-  
positione.*

Ac prima quidem, quod omnis effectus gratiæ, & salutis pendeat in sui quantitate à dispositione alicuius subiecti; probatur, quia nullus est assignabilis effectus gratiæ, & salutis, qui non ita pendeat; nam omnis huiusmodi effectus, vel pertinet ad meritum, vel ad satisfactionem, vel ad impetrationem. Omne autem opus siue in ratione meriti, siue satisfactionis, siue impetrationis, semper cæteris partibus crescit iuxta dispositionem subiecti. Ideo docet Nobiles Theologi, quod si duo existentes in gratia inæqualiter, faciant æquale opus, sub æqualibus omnino cit circumstantiis, puta talem orationem, ieiunium, aut elemosinam non solum per illud idem, & in cæteris omnibus æquale opus, vt supponimus, plus impetrat, & meretur, qui per maiorem gratiam est magis dispositus, & gratus, sed etiam plus satisficit, etiam posita æquali eiusdem operis pœnalitate, quæ doctrina extenditur à Theologis ad opera Christi, quæ ideo erant, non solum me-



riti, sed etiam satisfactionis infinitæ, quia in sui quantitate pendeabant à conditione subiecti, quod erat suppositum infinitum.

Minor propositio, quæ erat, remissionem quoque pænæ pertinere ad effectus salutis, patet, quia quidquid pertinet ad remouendam adeptionem summi boni, pertinet suo modo ad effectum salutis vt per se notum est: constat autem reatum pænæ temporalis retardare adeptionem summi boni. Si enim cum illo aliquis ex hac vita migraverit, non poterit continuo pertingere ad vitam æternam, sed expiare debebit eum reatum in Purgatorio, quæ est ratio (ait Bellarminus lib. 1. de Indul. cap. 10.) Cur Sancti viri, licet cæteroqui quærant potius pœnas, quàm fugiant, tamen libentissimè suscipiunt Indulgentias; quia licet ament pœnas, quæ iuuant ad promerendum Deum, & promouent ad salutem citius acquirendam, quale est Martyrium, & aliæ pænæ spontè susceptæ, fugiunt tamen debitum pænæ, quod nullo modo ad salutem iuuat, & per se impedit, & retardat ab ingressu Patriæ Cœlestis. Vnde applicatio Sacrificij procurata ab aliquo ad hunc finem, vt expeditus reatu illo pænæ, liberius ad ipsum Deum videndum, & perpetuo laudandum euolare possit, non solum satisfactoria illi erit, verum etiam valde meritoria, quod de susceptione Indulgentiæ ex amore eiusdem finis docent Theologi.

XXII.

*Remissio pœnæ  
numeratur inter  
effectus salutis.*

XXIII.

*Finis suscipien-  
di indulgentias.*

Cum ergo omnis effectus salutis commensuretur dispositioni subiecti, & remissio pænæ iure numeretur inter effectus Salutis, qui conceduntur ex gratia Saluatoris; negari non debet, quin ipsa quoque commensuretur eiusdem dispositioni, & fiat Maior secundum quantitatem deuotionis illius.

Dices, doctrinam allatam esse veram de effectibus ex opere operantis; illi enim sunt effectus operum nostrorum, non verò de effectibus ex opere operato, qui sunt per applicationem meritum, & satisfactionum Christi.

Sed contra est, quia ideo effectus ex opere operantis habent inæqualitatem illam accommodatam vniuscuiusque dispositioni, quia suauis Dei providentia, sapientia, & iustissima distributio postulat vt tales sint effectus nostræ Salutis, ergo cum effectus ex opere operato non sint minus effectus nostræ Salutis; sunt enim nobis dati, & quasi substituti loco meritum, & satisfactionum nostrarum, propterea debent institui sub eadem providentia, & distributione, id quod Aduersarij, planè concedunt in effectibus Sacramentorum, per quæ sine dubio applicantur nobis merita, & satisfactiones Christi ex opere operato. Atque hic suum habet locum argumentatio illa Cardinalis de Lugo disp. 19. Sect. 10. quod sicut Sacramenta taliter applicant merita Christi ad effectum gratiæ, vt quasi substituuntur pro merito proprio ipsius hominis, vt sicut homo per propriam contritionem iustificaretur, & acciperet plus, vel minus gratiæ secundum mensuram contritionis, sic per Sacramentum, quasi per meritum proprium accipiat gratiam iuxta mensuram propriæ deuotionis; ita similiter ad satisfactionem applicant satisfactionem Christi, quæ substituitur loco satisfactionis propriæ. Quare sicut hæc causaret plus, vel minus remissionis pænæ iuxta mensuram deuotionis, & dispositionis, sic Sacramentum causet eundem effectum inæqualiter. Cum ergo Sacrificium applicet etiam satisfactionem Christi, & faciat illam nobis quasi propriam satisfactionem, debet sequi eandem mensuram, & inæqualitatem in causando ex opere operato, quam haberet ex opere operantis propria satisfactio.

XXIV.

*Cur effectus ex  
opere operato  
accommodan-  
tur dispositioni  
subiecti.*

XXV.

*Opus operatum  
sequitur pain-  
râ effectum ex  
opere operantis,  
pro quibus sub-  
stituuntur.*

XXVI.  
*Tertia obiectio  
ex natura dis-  
positionis.*

Adhuc tamen vrget P. Suarez, quia, inquit, quando dispositio solum requiritur, vt remouens prohibens, nihil ad effectum refert, quod dispositio sit maior, vel minor, dummodo quælibet illarum siue maior sit, siue minor, totum impedimentum auferat. Sic autem est in præfenti; nam quælibet gratia, quæ est sola necessaria dispositio ad hunc effectum, quælibet etiam minima auferit totum impedimentum inimicitæ Diuinæ, & ad hoc solum necessaria est. Nam actualis dispositio per se hic non concurrit; vnde etiam si sit dormiens ille, cui applicatur talis effectus, potest tunc illum recipere: neque enim natura talis effectus postulat præparationem vllam ex parte recipientis; immo ex sententia Cardinalis de Lugo, neque requirit consensum vllum virtualem, & interpretatiuum, qualem admittit P. Suarez, quatenus vnusquisque cupit à pœnis liberari, & libenter hoc beneficium remissionis acceptat, quia, vt inquit Cardinalis, etiam si ille, pro quo offertur positivè dissentiret, & diceret se velle retinere totum debitum pœnæ, vt haberet occasionem agendi pœnitentiam, non posset per talem dissensum effectum illum impedire, ad eum modum, quo Martyr per similem dissensum non potest impedire remissionem totius pœnæ, quam asserti Martyrium, quia nemo potest impedire effectum, ad quem nullo modo concurrit.

XXVII.  
*Dispositio remo-  
uens prohibens  
potest esse in ali-  
quo gradu ne-  
cessaria ad  
quantitatem  
effectus.*

Respondeo, distinguendo Antecedens, quando dispositio solum requiritur, vt remoueat prohibens, nihil refert, quod sit maior, vel minor ad effectum simpliciter, concedo Antecedens; nihil refert, quod sit maior, vel minor ad effectum maiorem, vel minorem in quantitate, nego Antecedens; nam quemadmodum ad effectum simpliciter est necessaria aliqua dispositio, ita ad tantum, & tantum effectum potest esse necessaria tanta, & tanta dispositio. Immo fieri potest, vt ad effectum simpliciter nulla requiratur dispositio, vt patet in infantibus, qui propterea omnes æqualem gratiam Sacramentalem recipiunt, & tamen ad tantam quantitatem effectus Sacramentalis, quanta collata fuit, exempli gratia, Ioanni Baptiste per Sacramentum Circumcisionis, necessaria profectò fuit illa gratiæ dispositio, qua in Vtero Matris Sanctificatus fuit; neque enim dicendum est æqualem fuisse gratiam Sacramenti in Ioanne, & in reliquis Infantibus. Quare antecedens absolute prolatum, & prout in argumento proponitur, est falsum, & habet instantias manifestas, etiam in doctrina Aduersariorum. Prima sit in satisfactione Sacramentali, quæ primo, & per se ordinatur ad hunc eundem effectum remissionis pœnæ secundum quantitatem dispositionis. Sic igitur argumentor. Quando dispositio solum requiritur vt remouens prohibens, nihil ad effectum refert, quod sit maior, vel minor, dummodo semper totum impedimentum auferat. Sed dispositio gratiæ respectu huius effectus solum requiritur vt remouens prohibens; ergo talis effectus non erit maior secundum quantitatem dispositionis, quod tamen Aduersarij non admittunt. Quod autem dispositio gratiæ ad hunc effectum requiratur vt remouens prohibens patet, quia ad hunc effectum remissionis pœnæ nihil aliud requiritur nisi, vt sit ablatas obex culpæ, ex qua relictus erat reatus illius pœnæ: ad remissionem autem talis culpæ; & talis impedimenti remotionem quælibet gratia etiam minima sufficit. Sicut ergo in Sacramento Pœnitentiæ non valet, quælibet gratia etiam minima est sufficiens dispositio ad hunc effectum simpliciter obtinendum; ergo maior, & maior dispositio nihil confert ad maiorem, & maiorem huiusmodi effectum.

XXVIII.  
*Instantia in Sa-  
cramento Pœ-  
nitentiæ.*

effectum, ita neque valet in Sacrificio. Altera instantia est in Sacramento Baptismi, nam certum est ad effectum huius Sacramenti requiri in adulto ex parte intellectus fidem, ex parte verò voluntatis attritionem, tanquam remouens prohibens; tamen non licet inferre secundum quantitatem huius, & attritionis non augere effectum Baptismi. Neque verò quidquam facit, quod is, pro quo Sacrificium offertur per nullum suum actum concurrat ad talem effectum, nam hoc potest esse commune etiam Sacramentis, ut enim rectè observat Bellarm. lib. 2. de effect. Sacram. cap. 8. Sacramenta rectè adhibentur, etiam non intelligentibus, & nullo modo actualiter concurrentibus, quia baptizantur ritè non solum Infantes sed adulti etiam amentes, & dormientes, quod Concilium Carthaginense quartum can. 76. & Arausican. 1. can. 12. docent, non solum de Sacramento Baptismi, sed etiam de Sacramento Pœnitentiæ; unde Morales Theologi communiter docent Sacramentalem absolutionem posse conferri iis, qui in periculo vitæ sunt, licet vi morbi ipsi oppressi, non habeant usum rationis, vel sensuum, modò constet eos antea desiderasse huiusmodi Sacramentum.

Ecce in huiusmodi casibus, qui effectum Sacramentalem suscipiunt nihil actu concurrunt, & tamen si plures tales sint dormientes non recipiunt æqualem effectum, sed maiorem, vel minorem secundum quantitatem habitualis dispositionis.

Cum ergo nulla alicuius momenti ratio in contrarium obstat tenenda est Veterum Theologorum doctrina, quam docuerunt S. Thomas, & Caietanus in locis citatis, & quam ex posterioribus sunt sequi Sotus in 4. dist. 11. quæst. 2. art. 5. Conclus. 4. & art. 7. ad 2. Corduba lib. 1. quæst. Theolog. quæst. 3. opin. 5. concl. 4. & quæst. 4. dub. 6. ad 2. Nugno in quæst. 83. tert. P. S. Thomæ dub. 3. P. Vasquez tom. 3. disp. 230. cap. 3. n. 15. & disp. 131. cap. 7. n. 48. & 49. illa autem est, effectum sacrificij in sui quantitate pendere à dispositione illius, pro quo offertur, quamvis secundum applicationem pendeat solum ab intentione, & voluntate Sacerdotis; & sanè stante vera sententia de valore indeterminato operis operati, si non à conditione subiecti, sed à sola intentione Ministri ad effectum determinaretur, posset Sacerdos unico solum sacrificio omnes animas Purgatorii liberare, ut rectè infert Antonius de Corduba, laudatus à P. Vasquez. disp. 232. cap. 7.

Sed quæres, quamnam sit hæc melior dispositio hominis pro quo Sacrificium offertur, ratione cuius crescit Sacrificialis effectus. Cardinalis de Lugo disp. 19. Sect. 10. existimat explicandam esse iuxta id, quod Doctores docent de Sacramentis, quia hic effectus causatur à Sacrificio ad instar Sacramenti, & quidem si cætera sint paria, certum videtur, quemlibet excessum gratiæ, & Sanctitatis posse esse mensuram maioris effectus, sed fieri potest, ut unus excedat alterum in habituali gratia, & Sanctitate, non tamen in actuali deuotione, & dispositione; P. Suarez disp. 8. Sect. 5. loquendo de dispositione, qua crescit Sacramentalis effectus, ait, ad illum maximè conferre actualem dispositionem, nam moraliter loquendo illa est propriè dispositio, in qua aliquid homo de suo confert cum Diuina gratia, ut melius fructum Sacramenti recipiat, nam habitualis gratia potius pertinet ad quandam personæ dignitatem, & ad excludendum impedimentum peccati. Sed quia actualis dispositio, & deuotio multiplicis generis est

XXIX.

*Ad effectum sacramentalem non est semper necessarius actualis concursus suscipientis.*

XXX.

*Autores pro nostra sententia.*


XXXI.

*Absurdum ex contraria.*

XXXII.

*Quid intelligendum sit nomine dispositionis.*

se potest, merito quaeri potest, quod deuotionis vniuersaliter conferre maxime potest ad fructus omnes huius Sacrificij vberimè percipiendos. Caietanus tom. 2. tract. 2. opusc. indicat illud genus deuotionis cæteris paribus magis conferre, quod magis pertinet ad oblationem Sacrificij, siue petendo, siue ministrando, siue consulendo, siue adiuuando, siue quocumque alio modo causaliter concurrendo. Sed de hac re valde vtili ad praxim commodius infra.



## QVÆSTIO OCTAVA.

*Vtrum ad multiplicationem concurrentium ad hunc  
Montem minuatur in singulis fructus illis  
proueniens ex opere operato.*

- I. *Explicatur sensus Quæstionis.*  
 I I. *Offerentes qui?*  
 I I I. *An Offerentibus qua tales sunt respondeat fructus ex opere operato.*  
 I V. *An Offerentibus multiplicatis diuidatur?*  
 V. *Inquiritur radix huius latitudinis extensiuæ.*  
 V I. *Opus Operatum per Aduersarios est virtutis finitæ intensiuæ.*  
 V I I. *Quod est limitatum in se, est limitatum respectu cuiuscumque.*  
 V I I I. *An multiplicatis offerentibus, multiplicetur oblatio.*  
 I X. *Oblatio Sacrificialis semper est una numero, licet participantes multiplicentur.*  
 X. *Alia est ratio de fructu ex opere operantis.*  
 X I. *Doltrina vera in nostra sententia.*  
 X I I. *Minus vera in principiis Aduersariorum.*  
 X I I I. *Nostrium fundamentum.*

I.  
*Explicatur sensus Quæstionis.*



**P**ARTICIPANTES in duplici sunt differentia; quidam enim participant, quia pro illis quantumuis non concurrentibus, Diuinum hoc Sacrificium offertur: quidam verò, quia ipsi aliquo modo ad oblationem concurrunt, à quo denominantur offerentes; atque hîc quidem non loquimur de Sacrificio quemadmodum se habeat respectu illorum, pro quibus offertur, an scilicet ad illorum multiplicationem Sacrificialis effectus diuidatur, & in singulis minuatur, de quo disputabimus infra. Sed loquimur de Sacrificio relato ad eos, qui illud offerunt; Vtrum multiplicatis talibus offerentibus diuidatur, ac minuatur in singulis effectus Sacrificij, an potius idem fructus indiuisus, & integer multiplicetur. Porro nomine huiusmodi offerentium, eos hoc

I I.  
*Offerentes qui?*



loco intelligimus, qui speciali aliqua ratione, ac titulo concurrunt ad oblationem sacrificalem externam, in qua proprie consistit visibile Sacrificium, quales censentur esse qui Sacrificium petunt, aut procurant, qui inserviunt Sacerdoti sacrificanti, vel illi assistunt consentiendo, & moraliter cooperando. Hi enim omnes quamvis non habeant rationem offerentis tanquam principij, per se, ac immediati actionis sacrificandi, quod est proprium Sacerdotis, quia tamen habent sufficientem denominationem cooperantis ipsi Sacrificanti, & offerenti, possunt ab illius oblatione denominari offerentes, ad eum ferè modum, ait P. Suarez, quo dicuntur homicidæ, qui consulunt, qui comitantur, quique protegunt homicidam: est enim hoc in moralibus generale, ut qui aliquo modo cooperantur actioni principali, possint ab eadem illa denominari, & tantò magis, quantò vel magis, vel pluribus modis cooperantur; unde in re præsentì magis dicuntur offerentes, qui propius, & proximius ministrant, quam qui solum assistunt, & sic de aliis.

III.

*An offerentibus  
qua tales sunt  
respondent fructus  
ex opere  
operato.*

IV.

*An offerentibus  
multiplicatis  
diuidatur.*

De his ergo offerentibus loquendo, vnum hoc loco in gratiam Aduersariorum supponimus, alterum discutiendum suscipimus: quod nunc supponimus, est, omnibus illis, ac singulis respondere aliquem fructum ex opere operato, etiam si Sacerdos intentione sua speciali pro illis non offerat.

Quod verò discutiendum suscipimus est, utrum fructus respondens huiusmodi offerentibus, si plures sint, diuidatur, an integer multiplicetur. Quia in re sequimur sententiam communem, quam idem P. Suarez docet sect. 12. conclus. 1. quod scilicet quando plures huiusmodi concurrunt cum Sacerdote ad idem numero sacrificium, omnes, & singuli quatenus offerentes sunt, accipiunt integrum fructum, non minorem, quàm si vnus tantum esset offerens.

V.

*Inquiritur ra-  
dix huius lari-  
tudinis extensi-  
ua.*

Sed quamvis Conclusio hæc sit communis, ut dixi, operæ tamen pretium erit indagare radicem multiplicationis huiusmodi, quæ meo iudicio valde difficilis est in principiis Aduersariorum, in nostris verò facilis, & magni momenti.

Igitur contra Aduersarios, quibuscum in Conclusionem conuenimus sic argu-  
mentor.

Valor ex opere operato vniuscuiusque oblationis sacrificialis est per Aduersarios, quoad efficientiam determinatus, & taxatus; ergo à pluribus participatus, in illis diuiditur, & minoratur; ergo falsum est omnes, & singulos offerentes accipere integrum fructum ex opere operato non minorem, quàm si vnus tantum esset offerens. Hæc vltima consequentia est euidens, & prima est æquè per se nota ex terminis. Omnes enim partes quantitatis finitæ, quo magis diuiduntur, minores sunt. Antecedens traditur ab Aduersariis sect. 1. conclus. 2. vbi dicitur, effectus ex opere operato, quem hoc sacrificium potest conferre, est finitus intensiue, & per voluntatem Christi determinatus, & taxatus, ita ut simpliciter habeat aliquem terminum maximum, quod explicatur magis sect. 12. conclus. 2. vbi dicitur dupliciter posse intelligi effectum hunc esse limitatum, & taxatum à Christo, primo quod Sacerdoti offerenti data sit à Christo potestas applicandi tot gradus satisfactionis, & non plures, vel vni personæ tantum, vel pluribus in quouis numero pro sua voluntate, ita tamen, ut omnes illi gradus singulis donentur; secundo quod vni oblationi Sacerdotali, seu vni Missæ, vnus respondeat adæquatus effectus: Verbi gratia, decem graduum satisfactionis, qui omnes possunt, vel vni personæ applicari, vel inter multas distribui, non verò quod omnes possent sin-

VI.

*Opus operatum  
per Aduersarios  
est virtuti fini-  
ta intensiue.*



gulis donari, velut ita dicam, totaliter multiplicari; asserunt autem institutionem esse factam hoc posteriori modo, & non priori. Atque hinc docent, vnicum Sacrificium pluribus applicatum minus prodelle ex opere operato singulis, quàm si pro vno tantum offerretur, ex hac potissima ratione quæ assertur argumento quarto, quia in hoc effectu satisfactionis non est alia intensio effectus, quia multitudo satisfactionis sed effectus, inquit, Sacrificij, est limitatus intensiue simpliciter loquendo secundum magnitudinem satisfactionis; ergo est limitatus respectu cuiuscunque personæ, vel multitudinis personarum. Paret consequentia, quia quantitas effectus eiusdem rationis est, siue vni, siue multis applicetur.

## VII.

*Quod est limitatum in se est limitatum respectu cuiuscunque.*

Hæc postrema verba ex ore Aduersariorum assumpta in eisdem intorqueo. & sic iterum argumtor. Satisfactio vnius Sacrificij est limitata quoad extensionem, & magnitudinem suam; ergo est limitata respectu cuiuscunque personæ; ergo est limitata non solum respectu eorum, pro quibus Sacrificium offerretur, sed etiam respectu eorum, qui Sacrificium offerunt, ergo sicut ad multiplicationem eorum, pro quibus offertur diuiditur, & minuitur in singulis, ita ad multiplicationem eorum, qui offerunt, diuiditur etiam, & minuitur in singulis.

## VIII.

*An multiplicatio offerentibus multiplicetur oblatio.*

Hinc triumphant Sectatores P. Suarez, quia ex illius doctrina tradita Sect. 12. videntur habere non minus palmarem, quam plausibilem disparitatem, illa autem est, quia ad multiplicationem offerentium, multiplicantur oblationes, vnde mirum non est, si fructus etiam multiplicetur, qui responderet oblationi; at verb ad multiplicationem eorum, pro quibus offertur nullo modo multiplicatur oblatio; vnde non debet fructus multiplicari. Exemplum asserunt in Sacramentis, quæ nõ applicantur multis, nisi per realem multiplicationem: quando enim vnica aquæ aspersione eum forma in plurali prolata baptizantur plures, non minuitur in singulis effectus Baptismi, quia pro numero ablutorum multiplicatur ablutiones; & si contingeret idem numero Eucharistiæ Sacramentum dari multis, non minueretur in singulis effectus Sacramentalis, quia saltem sumptiones multiplicarètur. Ita prorsus, quia pro numero offerentium multiplicantur oblationes, quæ non multiplicantur pro numero eorum, pro quibus offertur; ideo in primo casu multiplicatur integer fructus, in secundo non item, sed minuitur in singulis.

## IX.

*Oblatio Sacrificialis semper est vna numero, licet participes multiplicentur.*

Sed contra hanc responsionem est apertissi mè, quia oblatio, quæ non multiplicatur pro numero eorum, pro quibus offertur, illa, neque multiplicatur pro numero illorum, qui offerunt. Nam siue assistentes, & ministrantes plures sint, siue pauciores, semper est vnica oblatio sacrificialis, & vnum, idemque numero Sacrificium, & vna Missa. Si ergo ratio cur non multiplicatur fructus in iis, pro quibus offertur, illa demum est, quia non multiplicatur oblatio, quæ est tota causa talis fructus; dicendum necessario est, neque in iis, qui offerunt talem fructum multiplicari, quia ad horum numerum non multiplicatur causa fructus ex opere operato, quæ est sola Sacrificialis oblatio. Neque quidquam fauet exemplum de Baptismo, quia ad multiplicationem ablutionum multiplicatur numero Baptismata; nam Baptismus consistit in ablutione passiva, vnde non est mirum si vnusquisque baptizatorum, non minorem fructum recipiat, quàm si solus baptizaretur: at verb ad multiplicationem circumstantium, non multiplicatur Sacrificium, ergo ruit tota paritas quoad hoc à Sacramentis petita.

Sed dicēs, quāuis ad multiplicationem circumstantium non multiplicetur numero sacrificium, ipsum tamen idem numero sacrificium crescit aliquo modo,

& sit malus ex concursu plurium offerentium, & circumstantium; maiori autem oblationi, cæteris paribus, maior fructus debet respondere.

Respondeo, fieri iam transitum à fructu ex opere operato respondente soli oblationi sacrificali, ad fructum ex opere operantis respondentem aliis oblationibus, quæ sine dubio sacrificales non sunt, & quidem argumentum aliquid probat de fructu ex opere operantis, qui singulis partialibus oblationibus respondet. Sicut enim illæ partiales, seu personales oblationes non minuuntur in se, propterea quod cum aliis coniungantur ad vnam oblationem totalem moraliter componendam, immo in illa totali, quæ moraliter loquendo facta est veluti maioris valoris, & æstimationis, ipsæ etiam maioris quodammodo valoris sunt; ita fructus illis respondens ex opere operantis, debet proportionaliter crescere, & pro extensione totalis oblationis, etiam crescere in omnibus extensivè sine vlla singulorum diminutione. Cæterum fructus vnius Sacrificij ex opere operato, respondens eidem numero oblationi sacrificali est per Aduersarios finitus, limitatus, & taxatus intensivè, & in magnitudine satisfactionis; ergo si plures partes ex illa eadem magnitudine fiant, hoc ipso minores erunt in singulis.

Rursus dices. Oblatio partialis, & personalis respectu cuiuscumque circumstantis est veluti proxima dispositio, & determinatio fructus Sacrificij ex opere operato; ergo tantumdem singuli circumstantes participabunt de fructu sacrificij ex opere operato, quanto maior erit dispositio, & concursus ex opere operantis, sed ad multiplicationem offerentium crescit dispositio, & concursus ex opere operantis; ergo nullo modo minuetur in illis fructus ex opere operato.

Respondeo, Antecedens esse verum in nostra Sententia, qui à paritate rationis Sacramentorum diximus effectum sacrificalem pendere in sui quantitate à dispositione illum recipientis. Quare effectus respondens oblationi sacrificali, siue participetur ab aliis, qui offerunt, siue ab iis, pro quibus offertur, quantificabitur semper secundum participantium dispositionem; at Aduersarij huiusmodi principium non admittunt; nam quamvis fateantur valorem huius Sacrificij esse infinitum secundum sufficientiam; dicunt tamen eundem quoad efficaciam non solum esse finitum, sed ultimo determinatum, & taxatum. Atque hinc P. Suarez disp. 79. Sect. 10. §. *Præterea declaratur*. Probat non esse sumendum à meliori dispositione quantitatem, seu variationem huius effectus, quia, inquit, *effectus respondens oblationi Sacerdotis, ut sic determinatus est ex Institutione, semperque est in se omnino equalis, quia non habet unde varietur*. Hæc ibi. Noui P. Suarez pluribus in locis, & præsertim Sect. 11. Conclus. 2. indicare talem effectum loquendo de offerentibus esse maiorem in melius dispositis, atque adeo respectu illorum non esse omnino determinatum ad eundem gradum, vel terminum, sed quam coherentem hoc dictum sit, non satis video; nam vel effectus respondens oblationi Sacerdotis, ut sic est omnino determinatus intensivè ex Institutione, vel non; si est omnino sic determinatus; ergo neque respectu offerentium potest esse maior, & maior intensivè secundum quantitatem deuotionis illorum; si verò non est omnino determinatus intensivè; ergo etiam respectu eorum, pro quibus offertur potest variari secundum quantitatem deuotionis ipsorum. Quod si supponere omnino velimus effectum respondentem oblationi sacrificali vnius numero Missæ esse in se determinatum intensivè, ita ut nunquam

X.  
*Alia est ratio  
de fructu ex  
opere operantis*

XI.  
*Doctrina vera  
in nostra sen-  
tentia.*

XII.  
*Alius vera is  
principij Ad-  
uerj, viciatum.*

possit vltra quatuor gradus. Tunc rursus argumentor, & vrgeo sic. Vel talis effectus ita determinatus intensiue ad quatuor gradus, est etiam determinatus extensiue, ita vt non possit in ea intentione participari à pluribus, & pluribus in infinitum, vel non est ita determinatus extensiue; si est omnino sic determinatus etiam extensiue; ergo ad multiplicationem etiam offerentium non poterit ab illis integrè participari, sed necessario diuidetur; si non est omnino sic determinatus extensiue; ergo ad multiplicationem etiam non offerentium, sed eorum, pro quibus tantum offertur, poterit integrè ab illis participari, ita vt non minor fructus ad singulos perueniat.


Vides radicem huiusmodi latitudinis, tum intensiue, tum extensiue in hoc effectu sacrificij, esse plenitudinem virtutis, & valoris si minus infiniti simpliciter, saltem, quod necessarium omnino est, non determinati, & taxati, sed intrinsecè indeterminati, & determinabilis tantum ab extrinseco, à dispositione videlicet participantium.

XIII.  
Nostrium fundamen-  
tum.

Hic igitur ita dijudicatis, fundamentum nostrum statuimus communis huius conclusionis, hoc modo. Effectus ex opere operato participatus ab offerentibus determinatur ab illis secundum quantitatem propriæ deuotionis; ergo omnes, & singuli offerentes, quantumvis plures, & plures, non minorem accipiunt fructum, quam si vnus tantum esset offerens. Consequentia est per se euidens ex sola penetratione terminorum. Si enim hic sint, vt olim in nuptijs Canæ Galilee, lapideæ Hydriæ sex positæ, capientes singulæ metretas binas, vel ternas, & audiat, *implete hydrias aqua*. Quæro an singulæ ex hydriis sex simul positis, minorem aquam recepturæ sint, quam si vna tantum hic posita esset, profectò non minorem; quare? quia illa vox, implete hydrias aqua, æquipollet huic decreto. Omnes sex hydria donentur aqua secundum quantitatem propriæ capacitatis, & quia siue simul, siue seorsim sint, semper suam, & indiuiduam seruant capacitatem: propterea siue simul, siue seorsim sint, non minorem accipient si sint sex, quam si esset tantum vna, quod tunc fecerunt Ministri. *Et implerunt eas vsque ad summum*. Quamvis verò exempli tantum loco ad Euangelicas illas hydrias alluserimus, tam mirabili plenas vino; non inepte tamen ad participationem explicandam sacrificialis sanguinis Christi traducuntur, quandoquidem Christus ex veterum Patrum sententia illo miraculo conuersionis aquæ in vinum, institutioni prolusit sacrificij Corporis, & Sanguinis sui. Consequentia ergo per se nota est.

Tota vis est in Antecedenti, quod scilicet effectus ex opere operato determinatur secundum quantitatem deuotionis ipsorum offerentium. Sed hoc antecedens probatum à nobis est fusè quæstione præcedente, vbi quæsiuimus vniuersaliter; An omnes fructus ex opere operato distribuuntur inæqualiter iuxta quantitatem dispositionis quoruncumque participantium, & quamvis aliqui sint, qui hoc non admittant in effectu sacrificiali respectu eorum, pro quibus sacrificium offertur, neminem tamen legi, qui expresse hoc idem neget de effectu sacrificiali respectu offerentium; tunc enim sequeretur fore, vt ex plurium participatione, & consortio fructus in singulis minueretur. Et quidem cum S. Thomas 3. par. quæst. 79. art. 5. dicat absolute: *Sacrificij huius oblationem esse satisfactoriam illis pro quibus offertur, vel etiam offerentibus secundum quantitatem suam de-*

*notionis*, nisi velint Aduersarij in materia tam graui apertè deficere à S. Thoma, debent saltem dicere, quod si S. Thomas de alterutris loquutus est disjunctiue; de *Offerentibus* potius, quàm de alijs participantibus loquutus est. Quanquam si non de vtrisque conjunctim, sed disjunctim de alterutris intelligendus esset S. Thomas, potius meo iudicio de illis, pro quibus offertur quam de præcisè offerentibus explicandus esset, ratio est, quia, quod iis, pro quibus offertur sit oblatio satisfactoria ex opere operato docent omnes Theologi, quotquot opus operatum admittunt in sacrificio; at quod priuati offerentes ex eo præcisè, quod proprium aliquem concursum habeant ad oblationem sacrificij, etiamsi pro illis à Sacerdote non offerretur, consequantur proprium fructum suum ex opere operato, hoc sanè non in certum apud Theologos at & vt fatetur P. Suarez disp. 79. Sect. 8. §. Quarto de cæteris, Piè tantum, ac probabiliter credimus. Sed an, & quomodo omnes, pro quibus offertur sint etiam offerentes, & omnes offerentes sint etiam, pro quibus offertur constabit inferius.



## QVÆSTIO NONA.

*Vtrum opus operatum huius Montis sit virtutis finitæ, an infinitæ.*

- |       |   |
|-------|---|
| I.    | <i>Quis non est sensus questionis.</i>                                      |
| II.   | <i>Quis est sensus.</i>   |
| III.  | <i>Opus dignitatis infinita, &amp; virtutis finita.</i>                     |
| IV.   | <i>Opus virtutis infinita, &amp; dignitatis finita.</i>                     |
| V.    | <i>Nostra Conclusio, &amp; fundamentum.</i>                                 |
| VI.   | <i>Principia infinitatis, tum intensiua, tum extensiua.</i>                 |
| VII.  | <i>Natura Sacrificij postulat, vt multitudinem non minuat eius fructus.</i> |
| VIII. | <i>Aliter virtus Sacrificij est infinita, aliter eius effectus.</i>         |
| IX.   | <i>Valor pro effectu.</i>   |
| X.    | <i>In quo sensu effectus sacrificij Crucis est infinitus.</i>               |
| XI.   | <i>Actus Christi valoris infiniti, &amp; effectus finiti.</i>               |
| XII.  | <i>Vnde oritur, vt Missa possit iterari.</i>                                |

**N**ON est sensus controuersie, An sanctum hoc Sacrificium finitum sit ratione Hostiæ principaliter oblatæ, aut Sacerdotis principaliter offerentis; Est enim extrà omnem controuersiam esse hoc modo absolutè, & simpliciter infinitum, vt enim docet sancta Synodus Tridentina cap. 2. *Vna eademque est hostia, idem nunc offerens Sacerdotum ministerio, qui se ipsum tunc in Cruce obtulit.* Rursus, non est sensus controuersie, An

I.  
*Quis non est  
sensus quæstio-  
nis.*

hoc idem sacrificium sit etiam infinitum ratione humani ministerij, & ratione oblationis, quatenus est à proximo offerente. Est enim pariter extrà omnem controuersiam sacrificium ratione talis oblationis ministerialis esse finitum, seu potius ex hac parte non esse infinitum. Quis igitur est sensus controuersie? Nam si ex vna parte à Christo, qua victima, & qua Sacerdotis infinitate præscindamus, & ex altera præscindamus à finitate Ministri, nihil videtur reliquum in sacrificio, in quo cardo huius controuersie verti possit. Omnino præscindendum est ab utroque, tanquam extrà controuersiam, vt dixi, omnino positum, quod quia non omnes Doctores animaduenerunt, mirum quàm fusè, & confuse illorum plerique se in hac euoluenda materia implicauerunt.

Sensus igitur controuersie est, An opus sacrificij à Christo institutum, quod ex se, & essentialiter habet, vt sit dignitatis simpliciter infinitum; An inquam ab adjuncta institutione hoc etiam habuerit, vt esset causalitatis, seu potius virtutis causatiue infinitum.

**II.**  
*Opus dignita-  
tis infinita &  
virtutis finita.*

Hæc duo sunt maximè distincta, & verè sunt inter se separabilia. Nam potest opus dignitatis, & excellentie infinitum habere ex vi Institutionis, & ex adjuncta promissione adnexam virtutem causandi tantum finitam. Si enim Christus hoc sacrificium in Cœna obtulisset Deo, & non instituisset, sicut de facto obtulit, & non instituit sacrificium Crucis, vel si ita instituisset in commemorationem Passionis, vt nihil instituto operi in remissionem peccatorum promississet, certè tale sacrificium nullam virtutem ex opere operato habuisset: Opus enim operatum ex Institutione promissionem inuoluentem perficitur. Sicut ergo ex defectu promissionis simpliciter nullum esset opus operatum in sacrificio, ita ex tali, & tanta promissione, & Institutione potuisset in illo esse opus operatum finitum, & non infinitum. Rursum opus Sacramentorum non est ex se, & ex natura rei dignitatis infinitum, & tamen ex Diuina promissione & institutione habent iuxta Theologorum doctrinam, virtutem causatiuam infinitam intensiue.

**IV.**  
*Opus virtutis  
infinita, & di-  
gnitatis finita.*

Quærimus ergo. Vtrum Christus huic externo operi, in quo propriè sacrificium Ecclesie visibile consistit, adjunxerit sua institutione virtutem causandi infinitam, an finitam. Cum autem utroque modo institutionem hanc fieri à Christo potuisse concedant omnes; nos cum communiori dicimus factam esse cum collatione virtutis infinitæ, non solum intensiue, quod commune putamus cum Sacramentis, sed etiam extensiue quod est proprium, & singulare in sacrificio.

**V.**  
*Nostra conclusio.  
Sic, & fundamen-  
tum.*

Fundamentum illud est. Illa causa dicitur habere virtutem infinitam tum intensiue, tum extensiue, quæ ita potest efficere effectum intentiorem, & intensiorem in vno subiecto, vt eundem eiusdem perfectionis effectum efficere possit in pluribus, & pluribus subiectis in infinitum. Sed sacrificium ex opere operato est huiusmodi; ergo sacrificium ex opere operato habet virtutem infinitam tum intensiue, tum extensiue.

Maiores patet ex 3. Physic. Vbi infinitum simpliciter dicitur illud, cuius aliquid semper est extrà accipere, hoc est, de quo non tantum potest accipi, quin remaneat aliquid accipiendum amplius. Quare si à virtute ignis ita produceretur calor alicuius intensioris, vt semper producibilis amplius remaneret intensior, & ita produceretur in vno subiecto, vt alius in æquali, aut maiori perfectione, remaneret



remaneret amplius producibilis in subjectis, non tot quin pluribus; profecto talis ignis haberet virtutem infinitam non solum intensiue, sed etiam extensiue, quamvis in actu secundo nunquam produceret calorem intensum nisi finitè, & nunquam in subjectis nisi finitis. Si ergo ostenderimus hoc sacrificium, virtutem quandam illimitatam, & indeterminatam habere ad quamcumque intensiorem, & extensionem suorum effectuum, probabimus sine dubio habere virtutem simpliciter infinitam.

Sed ex principiis hæcenus positis facilis nobis est hæc probatio quoad utramque partem; nam quod possit effectum intensiorem, & intensiorem producere siue in eo, qui offert, siue in eo, pro quo offertur, hoc manifestè sequitur ex illo principio, quod probauimus quæstione septima cum S. Thoma, quod scilicet sacrificium producit effectum suum secundum quantitatem dispositionis participantium, ita vt quo maior fuerit dispositio ex parte participantis, siue in ratione offerentis, siue in ratione eius, pro quo offertur, maior sit effectus, & fructus sacrificij; sicut enim dispositio ex parte participantis potest esse maior, & maior, ita etiam effectus ex parte sacrificij. Sic autem probant Theologi, Sacramenta nouæ legis dici posse habere virtutem infinitam intensiue ex opere operato; quia quo maior fuerit in suscipiente dispositio, eo maiorem producant effectum. Quod verò sacrificium possit eiusdem intentionis, & perfectionis effectum in pluribus, & pluribus participantibus in infinitum extendere, hoc pari euidentia sequitur ex altero principio, quod posuimus quæstione octaua, vbi ostendimus in offerentibus nunquam minui fructum ex opere operato, ex hac videlicet parte, quod plures, & plures sunt. Nam quidquid sit nunc de illis, pro quibus sacrificium offertur, de quo infra, certe omnes reputant magnum absurdum, assistentes sacrificio, & vtcumque ministrantes, & concurrentes, quo in maiori fuerint multitudine, eo minus de illius effectum participare. Et meritò reputatur absurdum, quia videtur contra naturam sacrificij. Cum enim natura sacrificij sit, vt à pluribus offeratur, contra illam omnino est, vt quo offertur à pluribus, eò minus pluribus proffit. Posito autem semel, quod sacrificium habeat hanc latitudinem extensionis indeterminatam in aliquo ordine participantium, puta, in ordine offerentium, licebit absolutè ex illa inferre virtutem simpliciter infinitam extensiue; nam vt rectè P. Vasquez disput. 23. cap. 3. vt virtus aliqua, siue intensiue, siue extensiue infinita dicatur, satis est tantæ esse virtutis, vt neque determinatum habeat effectum secundum extensionem, neque secundum intensiorem; nam si finita esset, finitum quoque, & determinatum vtroque modo effectum haberet. Porro aliter effectus sacrificij dici potest infinitus, aliter virtus, vt notat idem P. Vasquez; nam effectus, Synchegorematicè infinitus dici potest, quia licet quilibet sigillatim finitus sit, alius, atque alius maior illo esse potest. Ipsa autem virtus sacrificij simpliciter, & cathegorematicè infinita dici potest, quia ex effectum synchegorematicè, & in potentia infinito, rectè colligitur potentia actu simpliciter, & cathegorematicè infinita.

Sed contra hæc omnia videtur esse meus Bellarminus lib. 2. de Missa cap. 4. propos. 4. vbi disertè ait: valor sacrificij Missæ finitus est, atque hæc, inquit, est communis sententia Theologorum, & probatur apertissimè ex vñ Eccelesiæ; nam si Missæ valor infinitus esset, frustra multæ Missæ, præsertim ad rem eandem im-

## VI.

*Principia infinitarum intensiue & extensiue.*

## VII.

*Natura sacrificij postulat vt multitudine non minuaturs eius fructus.*

## VIII.

*Aliter virtus sacrificij est infinita, aliter eius effectus.*

petrandam offerrentur. Si enim vna infiniti valoris est, certè ad omnia impetranda sufficiet, quorsum igitur alia? Et confirmatur ex sacrificio Crucis, quod non alia de causâ vnum tantum fuit, neque vnquam repetitur, nisi quia illud vnum infiniti valoris fuit, & pretium acquisiuit pro omnibus peccatis præteritis, & futuris remittendis.

## IX.

*Valor pro effectu.*

Respondeo Bellarminum, veteres Theologos imitatum, accepisse nomen valoris, non pro virtute, sed pro effectu sacrificij: manifestum est autem effectum huius sacrificij semper esse finitum; quod autem de effectu loquatur, ostendit satis addita confirmatio ex sacrificio Crucis, quod vnicum tantum fuit, neque oportuit, vt repeteretur, propterea quod eius *effectus* infinitus fuit iuxta sensum Apostoli ad Hebr. 10. Vna enim oblatione *consummanis* in æternum sanctificatos, quatenus verè pretium totum acquisiuit pro omnibus peccatis præteritis, & futuris remittendis; quamuis enim omnes, & singuli actus Christi fuerint sufficientiæ infinitæ, non tamen omnes, & singuli ordinati fuerunt ad effectum infinitum nisi in quantum terminandi erant, & complendi per sacrificium Crucis; ideo actus Christi quantumvis valoris, hoc est sufficientiæ infinitæ, poterunt ex hoc capite iterari, & multiplicari, quemadmodum de facto iterati, & multiplicati sunt. At verò quia sacrificium Crucis ordinatum, & acceptatum fuit ad effectum infinitum, quatenus, vt dixi persolutum per illud fuit vniuersum pretium pro Mundi salute, ideo semel tantum oblatum est.

## X.

*In quo sensu effectus sacrificij Crucis est infinitus.*

## XI.

*Alius Christi valoris infiniti & effectus finiti.*

## XII.

*Vnde oritur ut Missa possit iterari.*

Atque hinc habes, cur ad eandem rem impetrandam, plura numero sacrificia offerantur; hoc non oritur ex insufficientia sacrificij, quia ex doctrina S. Thomæ, quem cum reliquis Theologis sequitur Bellarminus, vnumquodque Missæ sacrificium *ex sui quantitate sufficit ad satisfaciendum pro omni peccato*; hoc est, vt explicat Caietanus in 3. par. quæst. 79. art. 5. Vna Missa ex parte sui est satisfactoria pro pœnis omnium peccatorum, tam viuientium, quam mortuorum. Non, inquam, oritur ex insufficientia virtutis, sed quia ex sua Institutione ordinatur semper ad effectum finitum, quatenus sit satisfactoria, vt ait S. Thomas secundum quantitatem deuotionis, quæ semper est finita.

Ratio autem potissima huius Institutionis fuit hæc ipsa, vt sic tale sacrificium frequentissimè iteraretur, quod fuit maxime expediens, tum, vt qui quotidie labimur, quotidie etiam releuemur, vt docet S. Thomas Opusc. 66. cap. 3. tum, vt iugiter beneficio Passionis recolatur vsque ad consummationem Mundi, vt asserit S. Ambrosius can. de Consec. dist. 1. Tum quod sit non tantum sacrificium, sed etiam Sacrum Conuiuium assidue ad refectionem repetendum, vt inquit S. Laurentius Iustinianus Serm. de Eucharistia; tum vt noua semper repleamur gratia, tum denique vt tanti Mysterij frequentatione cultus Christianæ Religionis perfectissimè conseruaretur.



# QVÆSTIO DECIMA.

*An effectus huius Montis pluribus applicati ita  
singulis proveniant, ac si paucioribus  
applicarentur.*

- I. Proponitur nostra Sententia.
- II. Sternitur via ad fundamentum.
- III. Nostrum fundamentum.
- IV. Confirmatio efficax ab hypothesis.
- V. Urgetur paritas Sacramenti.
- VI. Confirmatio sumpta à rebus naturalibus.
- VII. Authores pro nostra Sententia.
- VIII. Quid sentiendum de participantibus ex generali applicatione.
- IX. Ex usu Ecclesie.
- X. Usus applicandi sacrificium uni tantum, non landatur.
- XI. Notabilis doctrina Caietani.
- XII. Praxis petendi pro se tantum totam Missam improbat.
- XIII. Taxatur spiritualis avaritia quorundam Sacerdotum.
- XIV. Sacrificium quàm commune sit bonum ostenditur ex sacro Canone.
- XV. Sacerdos ex officio nullum potest excludere.
- XVI. Ex absurdo.
- XVII. Pro stipendio non consideratur valor huius operis.
- XVIII. Ex sensu fidelium.
- XIX. Una Missa oblata pro duobus in solidum tanti valet quanti singula integra oblata pro singulis.
- XX. Due Missæ pro duobus sigillatim non pluris illis valent, quàm pro iisdem in solidum.
- XXI. Tanti valet circa subjectum dispositum, ut quatuor una tantum Missa, quanti dua circa dispositum tantum ut duo, ceteris paribus.
- XXII. Ex intrinseca limitatione effectus.
- XXIII. Satisfactio applicanda non est simpliciter limitata.
- XXIV. Ex correspondantia effectus.
- XXV. Effectus non respondet oblacioni, sed deuotioni.
- XXVI. Oblatio non est de se determinata ad tantum effectum.
- XXVII. Applicatio Sacerdotis determinat subjectum non effectum.
- XXVIII. Retorquetur paritas Sacramenti.

XXXIX. *Ex improbabilitate.*

XXX. *Potestas Sacerdotis illimitata.*

XXXI. *Sicut se habent plures inter se respectu generalis oblationis, ita plures inter se respectu specialis.*

XXXII. *Gravis causa valis Institutionis.*

XXXIII. *Cognita ab initio Ecclesie.*

XXXIV. *Sacerdos non potest à Sacrificio quemquam excludere.*

I.  
*Proponitur nostra Sententia.*



*H*ec est celebris illa quaestio, ex qua nonnulli pendere arbitrantur decisionem illius controuersiae. An liceat Sacerdoti pro vnica Missa, quam pro multis obtulerit, accipere à singulis stipendium integrum. Ac nos quidem ex iactis fundamentis facile definimus, effectus, ac fructus huius Sacrificij non solum integros provenire offerentibus, & concurrentibus, quod ostendimus quaestione octaua, verum etiam iis, qui nulla speciali ratione offerentes, aut concurrentes dicuntur, sed participantes illorum sunt eo quod per intentionem Sacerdotis illis applicantur. De his quoque idem planè contendimus in praesenti cum Caietano, & aliis apud P. Valquez disput. 231.

II.  
*Sternitur via ad fundamentum.*

Et sanè si admittenda est generalis doctrina, quae sumitur à S. Thoma 3. par. quaest. 79. art. 5. & 7. quod scilicet sacrificialis oblatio sit fructuosa ex opere operato illis, pro quibus offertur, vel etiam offerentibus secundum quantitatem suae deuotionis, seu dispositionis. Apertè sequitur vnicam oblationem non minus fructuosam esse pluribus, quam paucioribus, vt enim optimè ratiocinatur Caietanus; sicut quantitas deuotionis vnus nihil tollit de quantitate deuotionis alterius, ita de fructu respondente deuotioni vnus, nihil tollitur ex consortio alterius. Quare fundamentum nostrum à priori sic proponimus.

III.  
*Nostrum fundamentum.*

Vnum numero Sacrificium est infinitum intensiue respectu vnus, si offertur pro vno; ergo oblatum pro pluribus est etiam respectu plurium eodem modo infinitum intensiue; ergo aequè valet singulis, siue pro pluribus, siue pro paucioribus offeratur. Antecedens constat ex quaest. nona, in qua probauimus opus operatum huius Sacrificij esse valoris, seu virtutis infinitae intensiue; propterea quod habet effectum synchegorematicè sic infinitum, hoc est, non ita determinatum, & taxatum quoad intentionem, vt pro meliori, & meliori dispositione participantis, quocumque dato, non possit dari magis ac magis perfectus intensiue.

IV.  
*Confirmatio efficax ab hypothesis.*

Prima consequentia est manifesta ex natura infiniti, cuius efficacia non est minor in singulos ex eo, quod in plures operetur, vt sumitur ex tertio Physicorum. Et sanè huius consequentiae vim agnouerunt in simili, Aduersarij. Etenim P. Suarez disputat. 79. Sect. 12. probans plures offerentes, quae tales sunt non accipere minorem fructum, quam si vnus tantum esset offerens, vtitur hac hypothesis. Si fieri posset vt plures homines eandem hostiam consecratam sumerent, singuli reciperent tantum effectum Sacramentalem, quantum si vnus quisque eorum solus eam sumpsisset, quia licet sit *idem numero* cibus, tamen ille est *infinitus*, & totus in singulis; sumptiones autem tot sunt, quot personarum, & *dispositio* vniuscuiusque eadem est, & ideo multiplicantur effectus



sine vlla diminutione, quia nulla fugi potest ratio illius. Eadem autem, concludit P. Suarez, est proportio in præsentia, si res attentè consideretur.

Hoc exemplum admitto libentissimè, quia explicat totam vim nostri fundamenti, sic igitur ex illo argumentor. Si plures homines idem numero sumerent Eucharistiæ Sacramentum, in tantum singuli reciperent integrum fructum sine vlla diminutione, in quantum posito tali casu concurrerent duo, quæ per se causant talem modum operandi, illa autem sunt ex parte Sacramenti, virtutis infinitas, & ex parte suscipientis, dispositionis qualitas; sed ista duo de facto sunt in re nostra respectu quorumcumque participantium, nam idem numero Sacrificium infinitæ virtutis applicatur singulis iuxta qualitatem dispositionis illorum, ergo de facto causant hunc effectum iuxta modum, quem nos dicimus operandi sine diminutione.

V.  
*Vergetur pariter  
Sacramenti.*

Confer quæso tantisper vtrumque assertum, ibi est vnum numero Sacramentum, siue vna numero Hostia consecrata, hic vnum numero Sacrificium: ibi supponuntur plures sumentes idem numero Sacramentum, hic plures participantes eodem numero Sacrificium. Ibi sumptiones tot sunt, quot personæ, hic pariter quot sunt personæ, tot sunt participationes, ibi singuli recipiunt æqualem effectum Sacramentalem, non propter aliam rationem, nisi quia ex parte Sacramenti est infinitas, & ex parte dispositionis in sumentibus est æqualitas; ergo cum hic ex parte Sacrificij, sit infinitas, & ex parte dispositionis in participantibus sit æqualitas, recipiunt singuli æqualem effectum Sacrificialem.

Id quò magis appareat. Quæro ab Aduersariis cur non eodem modo Philoſophantur de facto de vnoquoque Sacramento respectu sumentium, quemadmodum Philoſophantur de Sacrificio respectu offerentium; nam alia assignatur ratio, nisi quia Sacramentum quodlibet talis naturæ est, vt eo ipso, quod pluribus applicatur ipsum multiplicetur, & plura fiant Sacramenta; vnde destruitur suppositum de eodem numero Sacramento respectu sumentium. Hæc est tota ratio, in qua conueniunt Suarez, & Vasquez. Hunc verò subsumo cum P. Vasquez: Sed Sacrificium suapte natura ita institutum est, vt idem numero pro pluribus, & paucioribus offerri possit, nec eo ipso, quod sic pluribus applicatur, ipsum multiplicatur, aut diuiditur in plura Sacrificia, sicut illud in plura Sacramenta, & cæteroquin eius virtus instar Sacramenti infinita est, ergo oblatum pro pluribus perinde, in singulos operatur, ac si pro paucioribus offerretur, ad eum plane modum, quo Sacramentum quodlibet in singulos operaretur, si applicatum pluribus maneret idem, & non multiplicaretur.

Hanc eandem consequentiam illustrant satis exempla quædam, quæ habemus in natura, cuiusmodi sunt de lumine, & de voce; nam idem lumen lucenæ applicatum multis rebus, quas illuminat, non minus illuminat singulas, quam si paucioribus, aut vni tantum applicaretur; & eadem vox, cum ad plures extenditur, & ab eis auditur eodem modo immutat auditum singulorum, sicut si ad pauciores, aut ad vnum vnum solum extenderetur. Et quamuis hæc exempla ab aliquibus, etiam assertoribus nostræ sententiæ non magni fiant; immerito tamen, quia non solum rem, de qua disputamus declarant, sed etiam suggerunt rationem, nam iuxta omnium Philoſophorum doctrinam, ideo agentia illa applicata pluribus subiectis non minorem effectum in singulis operan-

V I.  
*Confirmatio  
sumpta à rebus  
naturalibus.*



tur, quàm si paucioribus applicarentur, quia virtutem Physicam, quam ad operandum habent, accommodatam, & proportionatam habent ad quantitatem dispositionis, & capacitatis subiecti; sed Sacrificium, virtutem suam moralem, quam habet ad operandum, accommodatam etiam habet ad quantitatem deuotionis, & dispositionis participantium; ergo applicatum pluribus participantibus, non minorem effectum in singulis operatur, quàm si paucioribus applicaretur. Quod verò Sacrificium virtutem suam sic accommodatam habeat, probauimus quæstione septima, & nunc vterius confirmamus ab hac paritate rationis, nam quod agentia illa Physica talem habeant, duplex est ratio, & argumentum; alterum à priori, alterum à posteriori. A priori, quia sunt publicum bonum in natura. De ratione autem publici boni est, vt ex eo quod magis publicum fiat, & pluribus communicetur, non minuat. A posteriori autem, quia experientia comprobamus huiusmodi effectus ita procedere. Iam verò veraque ratio æque militat in re nostra; nam quod Sacrificium sit publicum Ecclesiæ, immò Mundi Bonum, nemo est, qui possit diffiteri, in quo habemus paritatem rationis à priori. Quod verò, neque desit huic paritati ratio à posteriori, hoc fecerunt Aduersarij, nam ipsi testantur in offerentibus ita omnino procedere effectus Sacrificij, vt omnino sint commensurati ipsorum dispositioni, quod Aduersariorum testimonium in hoc disputandi genere contra ipsos, æquipollet experientiz. Admisso autem hoc modo operandi in aliquibus, admittendus is in omnibus est, quia talis modus in aliquibus non potest consistere sine virtute Agentis in se, & ex se indeterminata, quæ ea ratione, qua operatur in aliquo, operatur in omnes.

## VII.

*Auctores pro  
nostra senten-  
tia.*

Pro hac nostra sententia in primis est Caietanus Tom. 1. Opusc. tract. 3. quæst. 2. & 3. & 3. par. quæst. 79. art. 5. ex principiis S. Thomæ. Siluester in sum. 1. quæst. 9. Melchior Canus lib. 12. de locis cap. 13. Viguerius de Institutionibus Theologicis cap. 16. Riccardus art. 16. Angelus in Sum. numero 52. Antonius de Corduba lib. 1. quæst. 3. Sotus in 4. distinct. 13. quæst. 2. art. 1. §. Illi autem, pro quibus. Nugnus in 3. par. S. Thomæ quæst. 83. art. 1. Dub. 8. Vasquez 3. Tom. in 3. par. disput. 231. Lessius lib. 12. de Perfect. Diuinis cap. 14. & alij.

Contrariam sequuntur plures Recentiores, præsertim post P. Suarez, qui disput. 79. Sect. 12. hanc statuit Conclusionem, effectus Sacrificij respondens oblationi Sacerdotis, vt sic, quam ipse potest pro aliis offerre, finitus est. & vnus tantum; vnde si pro multis offeratur, siue diuersis intentionibus specialibus, siue vna tantum communi, vt pro populo, vel communitate, minuetur fructus in singulis, tantoque magis, quanto illi plures fuerint, supposita vni-formi applicatione. Itaque P. Suarez, quod est notandum non solum negat vnicum Missæ sacrificium oblatum speciali intentione pro multis, singulis æque prodesse atque oblatum pro vno, sed pariter negat sic prodesse oblatum pro pluribus generali intentione, quod non omnes Auctores suæ opinionis negare ausi sunt, & quidem merito. Quis enim facile concesserit à Sacrificio oblato pro tota Ecclesia minus fructus ex opere operato fidelium singulis prouenire, si Ecclesia sit amplior, quam si sit minor, & quo magis crescit populus Christianus eo magis minui talem fructum, & plus lucrari cæteris paribus, qui sunt

## VIII.

*Quid sentien-  
dum de partici-  
pantibus ex ge-  
nerali applica-  
tione.*

in Communitate, seu Collegio minori, quàm in maiori: Et in die Commemorationis fidelium omnium Defunctorum, minus prodesse Sacrificia singulis, si plures Animæ sint in Purgatorio quàm si pauciores. Sed P. Suarez coherentius procedere sibi visus est, quàm Soto, qui docet nihil minui de Sacrificio oblato, generali intentione pro pluribus, minui verò si speciali intentione offeratur; nam vel opus operatum huius Sacrificij est finitum, vel infinitum, si finitum etiam per generalem applicationem necessariè minuitur, si infinitum, etiam per specialem non minuitur.

Neque verò tolerandum videtur illorum effugium, qui aiunt, Communitates, pro quibus generali applicatione hoc Sacrificium offertur, nihil fructus ex opere operato percipere, sed tantum ex opere operantis; quo enim fundamento, aut authoritatis: aut rationis id affirmant; cum Sacrificium principaliter institutum sit pro bono communi, & tota Ecclesia, cui ex præscripto in Liturgia expresso, applicatur à Sacerdote: Et sanè ait P. Lessius, si quando Sacrificium pro aliquo priuatim offertur, nullus fructus istius oblationis, quem vi sua habet, puta fructus ex opere operato, perueniret ad Ecclesiam, vel defunctos, sed solus fructus precum, & operis operantis, valde angustus esset huius Sacrificij fructus, & parum commodi ex eo Ecclesia, & defuncti perciperent; neque verum esset, quod ait Tridentinum Sess. 22. cap. 2. fructus oblationis cruentæ *vberriimè* per hanc oblationem percipi; quomodo enim *vberriimè* percipiuntur isti fructus, si totus fructus, quem vi sua, & ex opere operato habet, restringitur ad eum, pro quo peculiariter offertur.

Sed quibus argumentis permotus in suam iuerit sententiam P. Suarez, operæ pretium erit examinare, vt qui in posterum de eligenda sententia sunt deliberaturi, causam plenius cognitam habeant, & in re, quantum ego existimo valde graui ex ipsis rationum momentis, potius quam ex opinantis authoritate iudicium ferant.

Primum ergo argumentum sumit ex vsu, vt ipse ait, Ecclesiæ, in qua quandoque offertur Sacrificium verbi gratia, pro anima Peccati, vt illi omnino prosit quantum ex intentione Sacerdotis potest, pro illa tantum, & non pro aliis applicari solet. Si autem institutio facta à Christo fuisset, vt absque vnius detrimento possent multi alij æqualem fructum percipere nunquam deberent Sacerdotes vni tantum applicare Sacrificij effectum. Cur enim priuarent cæteros tanto fructu?

Respondeo, negando talem vsum, aut de facto vniuersalem in omnibus esse, aut legitimum in pluribus. Noui ego viros doctos, & pios, qui multis seorsim petentibus, vt pro se singulis totum vnius Missæ Sacrificium offerretur, ipsi diuersis intentionibus adæquatis, & vt ita dicam totalibus eandem Missam singulis vt illis prodesset despondebant, & sic eam singillatim pro singulis offerebant. Certè Caietanus, qui vt verbis vtat Bellarmini de Scripturis Ecclesiasticis, vir fuit *Summi Ingenij, nec minoris pietatis* hac ipsissima vsus praxi censendus est. Is enim in 3. par. quæst. 79. art. 5. ponderans duas assertiones S. Thomæ: primam quod Sacrificium ex sui quantitate sufficit ad satisfaciendum, pro omni pœna. Alteram quod sit satisfactorium offerentibus, vel pro quibus offertur secundum quantitatem suæ deuotionis. Ex primo dicto ha-

IX.

Ex vsu Ecclesiæ.

X.

Vsus applicandi  
Sacrificium vni  
tantum non  
laudatur.

XI.

Horabili De-  
Arina Caieta-  
ni.

bes, inquit Caietanus, quod vna Missa ex parte sui, est satisfactoria pro peccatis omnium peccatorum, tam viventium, quam mortuorum, quoniam ut sic est valoris infiniti. Ex secundo dicto habes, quod vna Missa non perdit vim satisfactionis suae pro primo offerente ex hoc, quod pro secundo, tertio, quarto offeratur, sicut quantitas deuotionis vnius nihil tollit de quantitate deuotionis alterius. Vnde arguendi, instruendique simul sunt homines ignoranter petentes, vel exigentes pro sua eleemosina, totam sibi, aut suo defuncto Missam dari; nihil enim minus ipsae habebit, si mille alij petant eandem Missam pro se ipsis, & aliis defunctis, quam si pro ipso solo celebrari dicatur, immò & humilissimi in deuotione sic petentis damnum videtur incurre, quod minus sibi proderit: Hæc Caietanus docte, & piè cuius verbis insinuat quodque satis causa, & radix vulgaris abusus, vel petentium pro se solitariè offerri, vel sic quasi ex necessitate, fructus offensium, illa est, in aliquibus defectus scientiæ, ob quem, ait Caietanus sunt instruendi, in omnibus ferè reliquis tepor Charitatis, ob quem sunt corrigendi. Quare (quæ erat altera pars responsionis nostræ) non est existimandus legitimus plurium Sacerdotum vsus, qui ex eo quod suam Missam alicui, siue Charitatis, siue Iustitiæ titulo obligarint, pro aliis eandem petentibus, & subrogantibus offerre se posse negant speciali illa intentione; & effectu totali, ut illis quoque omnino profut.

Et sanè si institutionem huius Sacrificij ad normam Sacri Canonis exigamus, planè constat illud esse institutum, ut commune omnium bonum: in illo enim non solum generaliter pro Ecclesia vniuersa, & rursus distribuendo pro Principibus, & omnibus Orthodoxis, sed specialiter pro his, qui in Memento cogitantur, & omnibus circumstantibus offerri dicitur hoc Sacrificium: constat autem, ait Caietanus Tomo 2. tract. 3. cap. 2. quod non est determinatus numerus cogitandorum in Memento, & multo minus determinatus est numerus circumstantium, & quod nullus horum ex alterius consortio minus habet de effectu Missæ; & quod hæc non referuntur ad Orationem, sed ad Sacrificium, quoniam ibi expressè dicitur: *pro quibus tibi offerimus*, & quod non solum pro impetratione, sed pro satisfactione offeratur, quoniam expressè dicitur: *pro redemptione animarum suarum*; redemptio enim à malis est, ut ipsum nomen testatur, satisfactio per modum solutionis est, sicut Christus redemit nos soluendo pretium Deo Patri. Quæ sanè offerendi institutio, & supponit potestatem ex parte Sacerdotis, & sufficientiam ex parte Sacrificij. Et consequenter præterea obligationem aliquam inducit, saltem petentes non excludendi à quantumvis specialissima Sacrificij applicatione, supponit inquam potestatem ex parte Sacerdotis, & quidem ex munere eius, quia est mediator, & intercessor publicus, qui tenetur audire accedentes per ipsum ad Deum, sufficientiam ex parte Sacrificij, ex cuius valore, & virtute nunquam tantum accipi potest, quin multo magis restet accipiendum, ex quo tandem confici videtur, quod sicut omnium nomine, & pro omnibus offerre debet Sacerdos affectu generali, quo totam ad ipsum accurrentem includat Ecclesiam, ita ab intentione etiam speciali neminem specialiter postulantiem, positiuè potest excludere. Sed quatenus se extendat hæc obligatio explicabitur fusius libro quinto.

Secundum argumentum ex absurdo, quia per se loquendo, & considerando

rem

## XII.

*Praxis petendi  
pro se tantum  
totam Missam  
improbatur.*

## XIII.

*Taxatur spiri-  
tualis auaritia  
quorundam Sa-  
cerdotum.*

## XIV.

*Sacrificium  
quod commune  
sit bonum  
offerri tur ex  
sacro Canone.*

## XV.

*Sacerdos ex offi-  
cio nullum po-  
test excludere.*

## XVI.

*Ex absurdo.*

rem ipsam, seu æqualitatem, vel inæqualitatem, quæ in re ipsa fit, sequeretur posse Sacerdotem sine vlla iniusticia plura stipendia integra accipere ratione vnus Sacrificij, vel quod idem est, postquam à pluribus stipendium accepit, omnibus satisfacere vnico Sacrificio, totum illud singulis applicando, quod videtur absurdum.

Propter hoc argumentum, quod aliquibus aliquid negotij facessit, peculiam quæstionem instituemus, in qua examinabimus, an ex conditionibus nostræ sententiæ sequatur hoc, vt possint pro vnica Missa plura accipi integra stipendia. Interim hoc tantum dico, cum agitur de stipendiis pro Missis non esse considerandam rem ipsam, seu æqualitatem, vel inæqualitatem, quæ in re ipsa fit, si pro re ipsa intelligatur Sacrificium ipsum, seu oblatio Sacrificialis cum suo qualicumque spiritali fructu; ratio est apertissima, quia hac attenta, non solum in nostra, sed etiam in contraria sententia, non esset iustum exigere pro vnica Missa, non dico vnum, aut centum denarios, sed decem millia auri talenta; quia nihil numquam vltra rei datæ valorem, exigeretur, & acciperetur. Non ergo attenditur res ipsa, nec potest attendi, cum de Missæ stipendio agitur sine maximo crimine Simoniz, vt docet S. Thomas 2. 2. quæst. 100. art. 2. quia est res, quæ pretio æstimari non potest. Vnde S. Doctor cum de huiusmodi stipendio agit, cauet sibi à voce pretij & mercedis exemplo Augustini, qui lib. de Pastor. cap. 2. de Presbyteris, ait. Accipiant sustentationem necessitatis à populo, mercedem dispensationis à Domino. Cum igitur in taxando iusto stipendio aliud omnino præter Sacrificij opus attendendum, considerandumque sit: videant etiam, atque etiam Aduersarij, an hoc aliud, quod attendendum est, diuersum sit posita veritate nostræ sententiæ. An planè idem in quacumque sententia circa valorem, & fructum Sacrificij, quid autem illud sit, Aduersarij optimè norunt, & nos ex illorum aperta confessione explicabimus infra.

XVII.  
*Pro stipendio nõ  
consideratur  
valor huius opo-  
ris.*

Tertium Argumentum. Ex vsu, & sensu Ecclesiæ constat, duo Sacrificia oblata pro eadem persona plus illi prodesse, quàm vnum, ergo etiam pro duobus personis duo Sacrificia pro illis oblata plus illi proderunt, quàm vnum oblatum pro vtraque.

XVIII.  
*Ex sensu fidei-  
lium.*

Respondeo, admittendo antecedens, & distinguendo consequens. Potest enim facere duplicem sensum, vt ipse Author animaduertit, scilicet, vel quod duæ Missæ ita offerantur pro duobus, vt singulæ offerantur pro ambobus, vel quod singillatim offerantur, id est vna Missa pro vna persona, & alia pro altera. Si faciat priorem sensum concedo vltro consequentiam, quia siue duo Sacrificia offeruntur pro vna persona solitariè, siue pro eadem persona coniunctim cum altera, semper talis persona bis expletur secundum totam capacitatem suæ dispositionis. So- la enim concomitantia alterius impedire non potest quo minus Sacrificium operetur secundum suam naturam, hoc est quantum potest iuxta capacitatem subiecti. Quare manifestum est plus recipere talem personam à duobus Sacrificijs sic oblatis, quàm ab vno. Si verò faciat sensum posteriorem, negatur consequentia, quia hoc modo oblata vna Missa pro duobus personis in solidum, vel duæ Missæ pro duobus personis diuisim, id est vna pro vna, & altera pro altera, non magis proderunt eius duæ, quàm vna, quia semper ex vna tantum Missa, vas capacitatis

XIX.  
*Vna Missa obla-  
ta pro duobus  
in solidum tan-  
tum valet, quanti  
singula integra  
oblata pro sin-  
gulis.*

XX.  
*Dua Missa pro  
duobus; Signifi-  
cat non plura  
illiusmodi, quàm  
pro eisdem in so-  
lidum.*

repletur: vnde patet hanc responsionem non esse voluntariam, & gratis dictam; oritur enim ex visceribus huius sententiæ, quæ docet ex Missa non minus percipi fructus, quam capiat cuiusque dispositio, seu deuotio, quo fit, vt siue eadem pro aliis etiam offeratur, vel non offeratur, semper habeatur quantum potest; quod si Missæ multiplicentur, multiplicatur etiam totus fructus, iuxta eandem mensuram, perinde, ac si quis pluries, & pluries eandem crumenam noua pecunia impleat; neque enim prior pecunia, quæ spiritualis est impedit, aut excludit ab eadem persona aliam superuenientem.

Instat P. Suarez, quia moraliter non plus est eidem personæ his remittere pœnam, vt quatuor, quam duabus personis remittere vnicuique pœnam etiam vt quatuor. Nam ad vtrumque requiruntur octo gradus satisfactionis, & valde extrinsecum, & accidentarium est, quod hi gradus vni, & eidem personæ applicentur, vel inter plures distribuuntur; ergo sicut eidem personæ non potest fieri duplex applicatio effectus totalis eiusdem Sacrificij, sed requiritur duplex Sacrificium, ita enim diuersis personis non potest idem effectus vnius Sacrificij totaliter applicari.

## XXI.

*Tanti valet  
circa subiectum  
dispositum uti  
quatuor vna  
tantum Missa,  
quanti dua cir-  
ca dispositum  
tantum ut duo,  
ceteris paribus.*

Respondeo, nullam in argumento esse difficultatem, si attendatur ad suppositum nostræ sententiæ, illud autem est. Habenti dispositionem, vt quatuor ex quolibet Sacrificio provenire illum fructum, & nunquam provenire fructum minus quam quatuor, siue sit in alterius consortio, siue non. Itaque si duo Sacrificia pro vna eademque persona offerantur, recipiet talis persona bis quatuor; & si mille, millies quatuor. Si verò vnum tantum pro illa totaliter offeratur, recipiet semel fructum; quia ab vna illi applicatur, nec minus, aut magis quam quatuor, quia supponimus eam habere dispositionem, neque maiorem, neque minorem quam vt quatuor. Hinc constat quare eidem personæ non potest fieri duplex applicatio effectus totalis eiusdem Sacrificij, quia vnum, & idem Sacrificium in subiectum tantum capax, vt quatuor, non operatur nisi vt quatuor; ergo vt multiplicetur applicatio, debet multiplicari Sacrificium, si vero duæ personæ sint singulæ habentes capacitatem, & dispositionem, vt quatuor, non est necesse, vt ad applicationem fructus vtrique semel vt quatuor duplicetur Sacrificium, quia cum sacrificium vnum sit sufficientiæ infinitæ, potest idem ambas implere ad eum modum; quo idem fons plura, & plura vasa implere potest.

## XXII.

*Ex intrinseca  
limitatione ef-  
fectus.*

Quartum Argumentum. Quia in effectu satisfactionis non est alia intentio effectus, quam multitudo satisfactionis, sed effectus Sacrificij est limitatus intensiue, simpliciter loquendo, sicut est limitatus effectus Sacramenti, nam quoad hoc eadem est ratio, aliàs etiam respectu eiusdem personæ non esset limitatus hic effectus quoad intensionem, seu multitudinem satisfactionis, quod est manifestè falsum. Satisfactio ergo applicanda per hoc Sacrificium simpliciter est limitata quoad intensionem seu magnitudinem suam, ergo est limitata respectu cuiuscumque personæ, seu multitudinis personarum. Patet consequentia, quia quantitas effectus eiusdem rationis est, siue vni, siue multis applicetur.

## XXIII.

*Satisfactio ap-  
plicanda non est  
simpliciter li-  
mitata.*

Respondeo in argumento assumi, quod necessarium esset probandum, effectum scilicet Sacrificij esse limitatum intensiue, cum contraria sententia aperte doceat, effectum Sacrificij esse simpliciter indeterminatum quantum est in se, tum extensiue, tum intensiue: determinari autem extensiue ab intentio-



ne Sacerdotis potestatem habentis offerendi pro personis non tot quin pluribus; intensiue vero determinari à dispositione, & deuotione singulorum.

**Quantum Argumentum.** Effectus respondet oblationi, quæ nullo modo in se variatur, ex hoc quod fructus eius vni, vel multis applicetur; nam hoc est quid posterius, & extrinsecum oblationi; ergo non est cur multiplicetur effectus propter solam voluntatem Sacerdotis vofentis vni tantum, vel multis effectum tribuere. In quo est etiam magna diuersitas inter Sacramentum, & Sacrificium; nam Sacramentum non applicatur multis nisi per realem multiplicationem, & si contingeret idem numero Eucharistiæ Sacramentum dari multis, saltem sumptiones ipsæ multiplicarentur, quia in receptione consistunt; & ideo mirum non est, quod multiplicentur effectus: at verò oblatio Sacrificij vel multis applicata quoad fructum eadem omnino est, solumque extrinseca voluntas applicantis est diuersa; ergo non potest illa sola efficere, vt effectus augeatur.

**Respondeo** ex doctrina Caietani, negando assumptum, nam opus operatum huius Sacrificij considerari potest dupliciter: Primo secundum se ipsum absolutè; secundo secundum se ipsum applicatum huic, vel illi. Si consideretur secundum se ipsum absolutè, nullum habet particularem, & determinatum effectum in quoeumque homine, sed tantum in ordine ad Deum habet acceptabilitatem; cum enim secundum se sit infinita virtutis etiam in satisfaciendo; non esset maior ratio ex se, quare magis tantum, & non minorem satisfactionem daret. Si verò sumatur vt applicatum isti, vel illi: sic effectus eius est determinatus secundum quantitatem deuotionis. Sicut enim efficacia Passionis Christi determinatur ad hunc per hoc, vel illud Sacramentum, ita efficacia huius Sacrificij, per hanc vel illam deuotionem. Itaque ad determinationem effectus non solum concurrunt intentio Sacerdotis, sed dispositio etiam, & deuotio eius, pro quo oblatio offertur: immò intentio Sacerdotis propriè est circa personas, quia intentio Sacerdotis applicat Sacrificium huic, vel illi, deuotioni autem propriè effectus respondet; vnde dixit Caietanus, deuotionem pertinere ad applicationem Sacrificij, eamque non solum intentione Sacerdotis determinantis personas, sed deuotione etiam illarum adiuncta perfici; ita vt quanta est deuotio, tanta applicetur eis ex oblationis infinitate satisfactio. Absolutè ergo loquendo, & propriè; falsum est, quod assumitur in argumento; effectum scilicet respondere oblationi; in quo, ait Caietanus, videtur communis multorum error, quasi hæc oblatio habeat certum meritum, vel certam satisfactionem, quæ applicatur huic, vel illi. Rursus falsum est applicari effectum ex sola voluntate Sacerdotis, quia applicatio effectus non perficitur ex sola intentione Sacerdotis, vt diximus, sed etiam ex aliena deuotione. Ex quo patet ad id, quod additur de diuersitate inter Sacramentum, & Sacrificium. Sicut enim si idem numero Eucharistiæ Sacramentum daretur multis, multiplicaretur effectus, quia multiplicantur sumptiones, itaque ad multiplicationem personarum, pro quibus offertur, multiplicantur dispositiones, & deuotiones, multiplicantur quoque effectus eiusdem numero oblationis.

**Sextum Argumentum.** Est per se incredibile, gratis, & sine vlla causa, po-

X x ij

XXIV.

*Ex correspondencia effectus,*

XXV.

*Effectus non respondet oblationi sed deuotioni.*

XXVI.

*Oblatio non est de se determinata ad tantum effectum.*

XXVII.

*applicatio Sacerdotis determinat subiectum non effectum.*

XXVIII.

*Retorquetur pariter Sacramenti.*

XXIX.  
*Ex improbabili-  
tate.*

fuisse Christum in sola libertate Sacerdotis, ut vel multis, vel paucis, vel vni tantum omnino æqualiter seu oblatione prodesse posset, nec minus incredibile est, dedisse Christum Sacerdotibus hanc facultatem, & tanto tempore fuisse, tam ipsis; quam Ecclesiæ incognitam; vel è contrario incredibile est illis esse notam, & tamen voluntariè non vti illa; sine causâ enim limitarent Sacerdotes hunc effectum ad vnam, vel paucas personas; si possunt omnibus, & singulis totum applicare; immò si Christus voluisset, ut posset, hoc modo omnibus applicare, melior institutionis modus fuisset, hanc virtutem dare ipsi Sacrificio secundum se independentem à voluntate Sacerdotis, quàm hoc gratis, & sine causâ ponere in eius arbitrio.

XXX.  
*Potestas Sacer-  
dotis illimitata.*

Respondeo. Neque incredibile esse, neque à nobis gratis assertum, neque sine magna causâ factum, ut Sacerdos potestatem habeat applicandi omnibus, & singulis totum effectum Sacrificij modo à nobis explicato. Et quidem, quod non sit incredibile, satis insinuat modus illimitatus, & indeterminatus, quo in sua ordinatione potestatem accipit Sacerdos. Accipe, inquit Christus, per Episcopum; accipe potestatem offerendi Sacrificium pro viuis, & defunctis. Vbi est in hac Ordinis forma, limitationis cuiuscumque vestigium?

Quod non sit gratis assertum patet ex fundamentis nostræ sententiæ, quibus adde ex P. Vasquez disp. 231. cap. 3. non obscure indicari hanc potestatem taliter offerendi pro multis in speciali, & peculiari applicatione ex ipsa generali oblatione, quæ ex præscripto Ecclesiæ fit. Et enim quod Aduersarij, ipsi concedunt, ait P. Vasquez, oblatio huius Sacrificij facta pro pluribus generali intentione perinde singulis prodest, ac si pro paucioribus fieret, alioquin sequeretur, quo plures audiunt eandem Missam, & quo plures ministrant, eò minus singulis prodesse, & ita immeritò Ecclesiam instituisse in Canone Missæ, ut pro his omnibus simul Sacrificium offerretur. Quod si hoc modo oblatum pro pluribus, non minus hoc Sacrificium singulis prodest, quàm si pro paucioribus offerretur: ergo certè non video, ait P. Vasquez quâ ratione oblatum ex peculiari intentione Sacerdotis pro pluribus aliis, aut nominatim, & sigillatim, aut generali quadam commemoratione, sicut fieri solet, non ita profit singulis, sicut pro paucioribus eodem modo offeratur. Neque enim addit idem Author, cum dicimus oblatum pro pluribus perinde singulis prodesse, intelligimus de eodem genere, & modo oblationis, aut generali, aut speciali, neque plures paucioribus in diuerso genere oblationis comparamus.

XXXII.  
*Gravis causa  
salis Institutionis.*

Denique quod cum magna causâ factum sit ex eo constat: quia hunc offerendi modum postulabat, & natura Sacrificij, & utilitas nostra. Natura Sacrificij, quæ est commune omnibus bonum, quod non potest in se, & per se, esse limitatum, & finitum, neque intensiue, neque extensiue, utilitas nostra, quia cum ex quantitate nostræ deuotionis pendeat determinatio, & quantitas fructus, stimulamur magis ob spem tanti lucris, & incrementi ad illam studiosius augendam.

XXXIII.  
*Cognita ab initio  
Ecclesiæ.*

Neque Doctores nostræ sententiæ admittunt talem potestatem incognitam, aut otiosam tanto tempore in Ecclesia fuisse. Immo dicunt notam ab ipso nascentis Ecclesiæ exordio maximè fuisse, quando pauci Sacerdotes pro omnibus, & singulis Sanctis Christianis id petentibus, & postulantis totum Sacrificiū offerebat,

& applicabant. Ad quod videtur hortari Apostolus Timotheum Sacerdotem 1. Timoth. 2. iuxta interpretationem Chrysostomi Homil. 6. Docent præterea ex illo factum esse, vt in sacro Canone Missæ præscripta sit oblatio facienda pro vniuersis, non solum collectiue, sed etiam distributiue, ita vt pro omnibus, & singulis in Liturgia nominatis à Sacerdote nominandis, non simplex fiat veluti commendatio, sed vera, & propria sacrificialis oblatio, *pro quibus sibi offerimus*, quem sanè modum totum Sacrificium applicandi in nostris etiam specialibus intentionibus sequi debemus, ne sub Domino tam liberali, avarissimi serui, & oeconomi inueniamur. Cui quidem malo, vt maxima ex parte Christus occurreret, non commisit arbitrio Sacerdotis id, quod postremò assumitur in argumento, determinationem effectus, & fructus, sed voluit illam pendere à dispositione, & deuotione Sacrificium postulantis. Et quamuis Sacerdos liber sit ad offerendum, vel non offerendum, si tamen offerat, non potest sine peccato ab oblatione sacrificiali quemquam excludere positiue secundum hanc sententiam. Et dubitatur meritò, an factum teneat, quia oblatio Sacrificij ex intentione Christi explicata ab ipsius verbis Ecclesiæ, est vniuersalis, & ideo hoc ipso quod Minister offert in persona Christi, & Ecclesiæ, tenetur se eiusdem Christi intentioni ab Ecclesia sic explicatæ conformare.

XXXXV.  
Sacerdos non  
potest à sacrificio  
quemquam  
excludere.

## QVÆSTIO XI.

*Vtrum ex Sententia docente Sacerdotem celebrantem pro pluribus satisfacere ex toto pro singulis, sequatur posse eum à singulis iustum stipendium integrum accipere.*

- I. *Inquiritur causa vnde licet pro Missa stipendium accipere.*
- II. *Non licet stipendium accipere tanquam pretium operis.*
- III. *Neque tanquam pretium laboris essentialis.*
- IV. *Sed ob solam sustentationem operantis.*
- V. *Vera ratio illustratur exemplo.*
- VI. *Conseñtaria huius doctrine.*
- VII. *Tota causa cur non liceat accipere pro vna Missa duplex stipendium.*

VIII. *Inferitur, ex nostra Sententia non sequi licitum esse plura stipendia accipere.*



**I**NTER argumenta, quibus nititur P. Suarez oppugnare sententiam, quæ docet, ex vna Missa pro certa persona oblata, posse multas alias æqualem fructum percipere sine vlllo prorsus huius detrimento, si eadem pro multis aliis etiam offeratur. Vnicum tantum est, quod aliquid præferre videtur difficultatis, nimirum ex huiusmodi sententia sequi per se loquendo, & considerata æqualitate, vel inæqualitate, quæ in re ipsa sit, posse Sacerdotem plura stipendia integra accipere ratione vnus tantum Sacrificij sine vlla prorsus iniustitia, atque adeo obligatione restituendi. Et quoniam non paucos video ab hac tantum sequela deterreri, quominus veram sententiam amplectantur, necessarium esse existimaui hoc punctum seorsim examinare: An scilicet ex hac sententia sequatur hoc, vt possint pro vna eademque Missa plura accipere integra stipendia.

Vt autem rem totam conficiamus, oportet inter P. Suarez, & nos conueniat; vnde oritur, quod non possit Sacerdos, seruata Iustitiæ æquitate, ratione vnus Missæ accipere, nisi vnum adæquatam stipendium siue ab vna, siue à multis personis. Si enim causa est semper eadem, & æquè militat quocumque modo effectus vnus Missæ constituatur, & explicetur, profecto nulla ratio patitur vt nostra potius sententia eius absurditate sequelæ meretur.

## I.

*Inquiritur causa vnde licet pro Missa stipendium accipere.*

Vt autem veram radicem teneamus, cur absolute, & spectata natura Iustitiæ non liceat duplex pro vnicâ Missa stipendium recipere, nulla certior, & facilior via iniri potest, quàm indagando, cur, & vnde licet pro Sacrosancto, ac Diuinitissimo Missæ Sacrificio, vel vnicum stipendium accipere. Et sanè multo difficilius est intelligere, qua ratione pro re, nullo prorsus pretio æstimabili aliquid temporale accipere liceat, quàm facta iam licita tali acceptione intelligere, quomodo multiplicari pro illa, stipendia possint in infinitum.

## II.

*Non licet stipendium accipere tanquam pretium operis.*

Tangit hanc difficultatem P. Suarez disp. 86. in 3. par. Sect. 1. vbi docet stipendium nunquam dari, aut dari posse tanquam pretium operis, sed præcisè propter sustentationem operantis. Sunt quidem Doctores nonnulli, qui in opere ipso duo considerant. Primum, oblationem sacrificalem cum suo fructu spirituali. Secundum corporalem laborem ex occupatione ipsa sacrificandi. Et quidem fatentur opus illud sub ratione oblationis, & fructus non posse vlla ratione pretio æstimari, aut in pactum deduci: esset enim in hoc manifesta Simonia. Sed aiunt illud idem opus sub ratione laboris corporalis esse pretio æstimabile, quia res spiritualis non amittit suum temporalem valorem propter spirituale conditionem annexam. Sed quidquid sit de hac sententia, certè illam Aduersarij, contra quos hic agimus, non admittunt, quia vt nominatim docet P. Suarez, quamuis labor corporalis, qui non per se, sed per accidens ad spirituale ministerium requiritur, pretio verè æstimari possit, & quod idem est, vendi; tamen ille, qui est per se conjunctus cum spirituali ministerio, non potest vendi, quia tanquam vnum omnino cum ipsa re spirituali reputatur, quod præcipuè, inquit, verum habet quando actio ipsa corporea nullius esset æstimatio-

## III.

*Neque tanquam pretium laboris essentialis.*



nis, & valoris, nisi spiritualitatem haberet adjunctam; tunc enim tota æstimatio oritur ex ratione spirituali, & ideo talem actionem corporalem vendere, reuera esset vendere rem spiritualem.

Itaque P. Suarez nulla prorsus ratione ipsius operis habita, totum fundamentum veræ doctrinæ explicat per ordinem ad personam operantis. Quia, inquit, stipendium, solum datur ob sustentationem necessariam ex naturali lege, quæ unusquisque meretur ali ab eo, cui deseruit, vel in cuius ministerio occupatur; atque adeo cum præcipuum munus, & officium Sacerdotis sit sacrificare si in alicuius utilitatem illud exhibet, & in hac occupatur, naturalis ratio postulat, ut ab ipso alatur. In quo sanè nulla sit iniuria rei spirituali, sed humanæ subuenitur necessitati, quia Minister sine alimento vivere nullo modo posset, nec spirituali ministerio vacare; vnde tandem fit, ut idem pacti genus possit admitti de huiusmodi stipendio, quod intrinsecè in similibus humanis actionibus contineri solet; neque quidquam contra Evangelicum illud præceptum committatur, quod gratis accepistis, gratis date.

Explicat hoc totum, omnium facillimè Cardinalis de Lugo disput. 21. de Eu-  
charist. Sect. 1. exemplo Pictoris, qui ex voto non posset vendere suas operas, aut  
picturas, sed teneretur gratis depingere in obsequium alicuius Ecclesiæ. Is igitur  
Pictor nihil contra votum committeret petendo ab Ecclesia illa sumptus ne-  
cessarios ad colores; & si ad laborandum in gratuito illo opere, peculiari ali-  
mento indigeret, ita illud posset accipere, ut diceretur in rigore omnino gratis,  
& non pro pretio fecisse illud opus, quia omnia necessaria ad sustentationem  
Pictoris computantur inter sumptus necessarios ad picturam. Sic ergo, inquit de  
Lugo: Sacerdos Evangelicus non facit contra præceptum Christi gratis dandi,  
quod gratis accipit, si ab illis, quibus ministrat, accipiat tantum necessaria ad  
Sacrificium ipsum. Inter necessaria autem ad Sacrificium, vnum, & potissimum  
sine dubio est Sacerdos ipse, qui sicut non potest sine Ministro, sine cera, sine  
hostia celebrare, ita nec potest sine se ipso ministrante, & bene disposito, sicut  
ergo cera ad alimentum ignis necessarij in Sacrificio exigi potest, sic etiam po-  
terit cibus necessarius ad alimentum Sacerdotis oblaturi, qui sine victu offerre  
non potest; sicut nec ignis lucere sine cera, & alimento. Quamvis ergo hæc ac-  
cipiat Sacerdos à petente Missam, adhuc dicitur in rigore gratis offerre Sacrifi-  
cium pro ipso, quia nihil aliud petit nisi quæ necessaria sunt ad ipsum Sacrifi-  
cium, quod petitur; & dum hæc à Sacerdote petuntur, debentur ex Iustitia, non  
ut pretium, sed ut necessaria ad Sacrificium, quod petitur. Hæc de Lugo facile,  
& verè.

Ex doctrina sic explicata sequuntur proximè duo. Primum est adæquatum  
titulum, quo stipendium pro Missa accipi potest, esse meritum sustentationis  
personæ ministrantis. Alterum est, quidquid excedit iustum stipendium præfixum  
ex hoc titulo nullo modo, salva iustitia exigi posse. Vtrumque ultro ad-  
mittit P. Suarez; nam & ille ex S. Augustino, S. Thoma, Durando, Paludano,  
& communi Sect. 1. illius disp. nullam aliam affert rationem honestatis in iusto  
stipendio præter meritum sustentationis. Et Sect. 2. ex hoc principaliter probat  
non posse Sacerdotem accipere duplex stipendium, quia, inquit, iustum stipen-  
dium pro vna Missa in re ipsa certum, ac præfixum est; vocat iustum stipendium

IV.

*Sed ob solam  
sustentatio-  
nem operantis.*

V.

*Vera ratio illu-  
stratur exem-  
plo.*

VI.

*Conseſſaria  
huius doctrinae.*



## VII.

*Tota causa cur non liceat accipere pro una Missa duplex stipendium.*

pro vna Missa, quod vel lege Superioris habentis potestatem, vel consuetudine hominum, habita aliqua ratione sustentationis taxatum est. Quia igitur, ait P. Suarez iustum stipendium in re ipsa præfixum est. Hinc fit, ut quacumque ratione maius accipitur, iniustum sit, siue accipitur ab vno tantum, siue pluribus; quia medium Iustitiæ, quod est medium rei in ipsis rebus consistit, siue ad vnam, siue ad plures personas dicat habitudinem: ut si furari decem aureos, peccatum mortale est, idem erit, siue ab vno, siue à pluribus hominibus subripiatur. Et idem est si res carius vendatur, quam iuste æstimatur, siue ab vna persona totum pretium, siue partim ab vna, partim ab alia accipitur; supponimus autem hic cum Aduersariis, stipendium ex præciso illo titulo congruæ sustentationis legitimè esse taxatum; licet enim stipendia non sint verè pretia, tamen quatenus in eis dandis, & recipiendis ratio Iustitiæ intercedit, seruant proportionem quandam, & in eis necesse est aliquod medium æqualitatis inueniri, sine qua nec vera ratio Iustitiæ, nec medium illius reperiri potest: Vnde sicut pretia rerum possunt communi lege, publica autoritate taxari, ita & hæc stipendia. Cum igitur taxatum sit hoc stipendium ad titulum iustæ sustentationis personæ eo modo, quo illam Doctores intelligunt; hoc ipso quod exceditur terminus, perit iustus titulus, atque adeo tota honestas illius acceptionis.

## VIII.

*Infertur, ex nostra Sententia non sequi licitum esse plura stipendia accipere.*

Vnde clarissimè tandem ostendo, ex nostra Sententia nullo modo sequi, posse plura stipendia pro vna Missa Sacerdotem accipere. Ratio ex dictis est, quia stipendium nullo modo respicit opus Sacrificij, sed tantum personam operantis illud, & personam hanc ipsam operantis nullo modo respicit, nisi ut humano modo sustentabilem; sed siue opus vnius Missæ integrum pluribus applicetur, siue diuidatur, siue valeat finitè, siue infinitè, semper manet inuariata, & immutata persona operantis, ut sustentabilis; neque enim per hoc, quod Sacrificium pluribus integrè proficit, Sacerdos maiori indiget alimento; ergo quacumque posita opinione de valore Sacrificij, præfixum eodem modo manet stipendium; ergo ex nostra Sententia de peculiari valore operis Missæ nullo modo sequitur, honestam fieri acceptionem maioris stipendij.

Hæc nisi vehementer fallor clariora sunt, quam ut ea pluribus prosequi necesse sit. Consilium autem fuit ostendere ex natura nostræ opinionis non sequi illud quodcumque absurdum, nam quod iure positiuo cautum etiam sit, ne quis pro vna Missa cuiuscumque valoris esse doceatur, plura integra stipendia accipiat, ostendit Decretum quod autoritate Urbani octauī edidit sacra Concilij Congregatio 1625. In quo prohibetur huiusmodi acceptio, etiam cum onere restituendi.

FINIS LIBRI QVARTI.



# LIBER QVINTVS.

## De Participantibus fructus huius Montis,

SIVE

*De iis, pro quibus Diuinissimum Ecclesie Sacrificium offertur.*




NV ALVIT quorundam opinio Montem hunc propitiatorium erectum duntaxat fuisse pro actu Amicis, ita vt nullus *An Sacrificium obtingat fructus ex opere operato nisi existentibus actu in gratia, & charitate. Et quidem qui docent vnicum, & ad- prope ex opere o- solum iustis.* equatum effectum Sacrificij, ex opere operato, esse remissionem poenae temporalis, cohaerenter, & recte aiunt, neminem participare huiusmodi fructus nisi amicus actu sit;

nulla enim ratio patitur, vt poena remittatur ei, qui adhuc haeret in culpa, vel debitum illi conionetur nomine Dei, qui adhuc est auersus à Deo, & hostis, ac inimicus. Propterea effectus hic Sacrificij comparatur effectui Indulgentiae, quæ vt docet Bellarminus cum communi Theologorum in 4. dist. 20. cum remittat reatum poenae temporalis relictum post remissionem culpæ, si- ne dubio requirit, vt culpa sit iam remissa ac per hoc translatas sit homo per infusionem gratiae, & charitatis de statu peccati in statum filiorum Dei, quod nomen ipsum Indulgentiae sonat, paternam scilicet facilitatem in filios, quæ non debet esse communis cum seruis maximè fugitiuis, quales sunt omnes, qui Dedisti et o, Diabolum sequuntur.

II. Verùm quamvis hæc vera sint, adhuc tamen suslineri non potest, Montem Ecclesiam Visibilem hunc esse fructuosum ex opere operato, jis tantum qui in gratia sunt, ita vt nullus peccator participare possit, aliquem illius fructum ex opere operato. Immo ex hoc arguitur falsitas illius opinionis, quæ docet totum effectum Sacrificij ex opere operato esse remissionem pœnæ, quia sequeretur ex fidelibus illos tantum participare posse hunc effectum, qui existunt in gratia. Constat autem ex Tridentino Sess. 12. cap. 1. Sacrificium hoc esse relictum Ecclesie Visibili, quæ sine dubio non solum constat ex iustis, sed etiam ex peccatoribus contra antiquum errorem Nouatianorum, & Donatistarum. Propterea Christus Ecclesiam suam comparauit Aræ Matth. 3. in qua sunt etiam Paleæ. Item Matth. 13. comparauit Sagenæ missæ in Mare ex omni genere piscium congreganti, quorum tandem aliqui mittuntur in caminum ignis. Præterea Matth. 22. comparauit Conuiuio nuptiali, ad quod intrauerunt boni, & mali, & Matth. 25. comparauit decem uirginibus, quarum quinque sunt prudentes, & quinque fatuæ, & ibidem eandem Ecclesiam comparauit Ouli, in quo sunt oues, & hædi, & illæ Domino explicante significant electos, isti reprobos. Quibus Parabolis Catholici ita confutarunt Donatistas, vt planè non inuenerint, vilo modo, quæ exirent, vt refert S. Augustinus in Breuiculo collationis. Frustrâ autem Brentius, & Caluinus apud Bellarminum conantur Augustinum trahere ad suam sententiam; nam S. Augustinus in citato Breuiculo collatione tertia refert, cum Donatistæ calumniarentur Catholicos, duas Ecclesias facere, vnâ quæ solos bonos, aliam, quæ bonos cum malis contineret, respondisse Catholicos se nunquam duas Ecclesias somniasse, sed tantum distinguere partes Ecclesie, quia aliter boni, aliter mali ad Ecclesiam pertinent: boni enim sunt pars interior, & quasi anima Ecclesie, mali sunt pars exterior, & quasi corpus, & dabant exemplum de homine interiore, & exteriori, qui non sunt duo homines, sed duæ partes eiusdem hominis, quam doctrinam S. Doctor alibi sæpè confirmat, & præsertim lib. 3. Doct. Christi. cap. 12. explicans illud Cantic. *Nigra sum, sed formosa sicut tabernacula Cedar, sicut pelles Salomonis*, ubi obseruat non esse dictum, nigra fui, sed formosa sum, sed nigra sum, & formosa, quia ipsa vna, & eadem Ecclesia, nunc est nigra, sicut tabernacula Cedar propter peccatores, quos in se habet, & simul est formosa, sicut pelles Salomonis, idest sicut tentoria Regis propter bonos, quos in se habet.

Cum ergo nomine Ecclesie intelligatur cetus hominum eiusdem Christianæ fidei professione, & eorumdem Sacramentorum communione colligatus sub regimine vnus Christi in Terris Vicarij, Romani Pontificis, vt illam rectè definit Bellarminus lib. 3. cap. 2. de Eccles. Milir. ex qua definitione sine dubio non excluduntur quantumvis magni peccatores, necessario dicendum est, Montem hunc fructuosum esse sua institutione, non solum iustis, sed etiam peccatoribus, idque ex opere operato. Verum de huiusmodi participantibus, siue iusti sint, siue peccatores, siue viucentes, siue defuncti plures possunt institui Quæstiones valde utiles, & non in iniucundæ, quas omnes præsens liber complectetur.



# QVÆSTIO PRIMA.

*An & quomodo omnes Christi fideles huius Montis actu participantes dicantur & sint.*

- I. *Proponitur nostra sententia.*
- II. *Eius fundamentum.*
- III. *Sacrificium applicatum subiecto disposito necessario in illud operatur.*
- IV. *Quodlibet Sacrificium generaliter applicatur omnibus fidelibus.*
- V. *Non solum deprecatio, sed etiam oblatio est uniuersalis.*
- VI. *Fructus generalis oblationis.*
- VII. *Quid possit intentio Ministri.*
- VIII. *Fundamentum Adversariorum.*
- IX. *Fructus Sacrificij non est definitus, neque intensus, neque extensus.*
- X. *Ex infinitate extensus in Sacrificio inseritur intensus.*
- XI. *Ex generali applicatione nihil minuitur de fructu particulari.*
- XII. *Fundamentum obligationis in Sacerdote.*
- XIII. *Quid probet testimonium Concilij Cabilonensis.*
- XIV. *Intentum huius Sacrificij peculiare est expedire ingressum ad gloriam.*
- XV. *Peculiaris ratio in hoc Sacrificio pro remissione pœne.*
- XVI. *Notabile testimonium Tridentini.*
- XVII. *Ad effectum ex opere operato præter applicationem Sacrificij nihil requiritur.*
- XVIII. *Causa cur tanta sit multitudo animarum in Purgatorio.*
- XIX. *Ad effectum remissionis pœne requiritur status gratia.*
- XX. *Peccatum veniale punitur æterna pœna in Inferno.*
- XXI. *In statu peccati nullum soluitur debitum pœna.*
- XXII. *Pœna debita venialibus illis manentibus nunquam remittitur.*
- XXIII. *Multitudo peccatorum venialium.*
- XXIV. *Cumulus debitorum.*
- XXV. *Quantitas remissionis pœna à quo determinetur.*



VOD quærimus est, An de facto fidelibus omnibus, & singulis, non habentibus obicem obuেনiat aliquid fructus ex opere operato ab omnibus Sacrificiis, quæ in Ecclesia fiunt. P. Suarez disput. 79. Sect. 9. quæsitio secundo, opinatur non omnia Ecclesie membra fructum aliquem ex opere operato sortiri per omnia Sacrificia, sed illa tantum hu-

ius fructus partem recipere, quibus eadem Sacrificia à Sacerdotibus, vel per specialem, vel per generalem intensionem applicantur: Sacerdotes autem nullo iure teneri ad applicationem sic vniuersalem faciendam.

I.  
*Proponitur  
nostra Senten-  
tia.*

Nos commun. Ecclesiæ sentit insistentes, dicimus ex omnibus Sacrificiis, singulis Christi fidelibus non habentibus obicem viuus, siue defunctis, aliquam partem fructus ex opere operato prouenire. Quam sententiam præter externos quàm plurimos docuerunt ex nostris Toletus lib. 2. cap. 8. Azorius par. 1. lib. 10. cap. 20. quæst. 9. Henriquez lib. 9. cap. 17. num. 2. & 3. Valentia tom. 4. disp. 6. quæst. 11. par. 1. §. 25. Vasquez tom. 3. disp. 231. cap. 6. Fagundez par. 1. lib. 3. cap. 6. Persicus lib. 2. dub. 13.

II.  
*Eius funda-  
mentum.*

Fundamentum nostrum illud est. Quodlibet Sacrificium est fructuosum ex opere operato illis omnibus, pro quibus, siue per specialem, siue per generalem intensionem à Sacerdote offertur, sed per generalem intensionem quodlibet Sacrificium à Sacerdote offertur pro omnibus Christi fidelibus non habentibus obicem; ergo quodlibet Sacrificium est fructuosum ex opere operato omnibus Christi fidelibus non habentibus obicem.

III.  
*Sacrificium ap-  
plicatum subie-  
cto dispositio ne-  
cessario in illud  
operatur.*

Maior propositio ab Aduersariis expressè conceditur tanquam communis omnium, ideo Sect. illa. vbi quærit P. Suar. Vtrum hoc Sacrificium habeat effectum ex opere operato in his, pro quibus offertur: Certum, inquit, est, Sacrificium hoc dare suum effectum ex opere operato ei, pro quo à Sacerdote offertur, & talis fructus applicatur, etiamsi ille, pro quo fit oblatio, nullo modo offerat, dummodo obicis impedimentum non ponat, & ratio, inquit est, quia hic effectus, cum sit ex opere operato, alicui infallibiliter dandus est, si non ponat obicem; nam hoc est de ratione effectus ex opere operato, sed ille, cui dandus est hic effectus, non est determinatus à Christo institutione sua, neque nunc determinatus per voluntatem eius, vt existentis in Cælo; ergo non potest esse alius, nisi ille, quem Sacerdos offerens, sua intensione determinauerit, seu pro quo obtulerit, aut cui hunc effectum applicauerit. Hæc enim omnia in idem recidunt. Hæc illa. Cum ergo omne Agens ex opere operato veluti naturaliter agat, si debite applicatum sit Passio, tenendum est tanquam certum quibuscumque applicatum debite fuerit Sacrificium, siue speciali, siue generali applicatione, illis aliquid fructus, quasi per modum naturæ obuenire.

IV.  
*Quodlibet Sa-  
crificium gene-  
raliter applica-  
tur omnibus fi-  
delibus.*

Minor propositio, nec Solidius, nec efficacius probari potest, quàm ex verbis Sacerdotis, quæ enim potiora, & viciniore sunt. Instrumenta ad mentem, & intensionem humanam explicandam, quàm verba? Quæ autem verba ad explicandam intensionem Sacerdotis, quàm verba Sacri Canonis? An non sunt expressissima illa? In primis, quæ tibi offerimus pro Ecclesia tua Sancta Catholica, &c. Certè Bellarminus lib. 2. de Missa cap. 6. vbi ostendit Sacrificium Missæ omnibus viuentibus prodesse hæc habet: Pro iis omnibus, qui sunt intra Ecclesiam, Catholici omnes docent, Sacrificium re ipsa quotidie offerri, dicimus etiam in Canone, pro omnibus Orthodoxis, & Catholicæ, atque Apostolicæ fidei cultoribus nos Offerre. Neque huic communi doctrinæ potuit non subscribere P. Suarez, qui propterea disp. 78. sect. 2. primam statuit Conclusionem his verbis: Quodlibet Missæ Sacrificium offerendum aliquo modo est pro vniuersa militante Ecclesia, & omnibus membris eius, quod ex vsu ipse, & verbis Ecclesiæ



constat, nam in Missa in primis fit oblatio pro vniuersa Ecclesia; Signum ergo est, ita esse ab Ecclesia institutum. Sed quamuis hæc dicat P. Suarez, addit tamen vnum, quod meo iudicio destruit communem doctrinam, illud autem est ex vsu, & verbis Ecclesiæ non colligi oblationem ipsam Sacrificalem omnibus, etiam non habentibus obicem applicari, atque adeo nec dari omnibus partem aliquam fructus ex opere operato, quem ipse definiuit solum in remissione pœnæ: quia, inquit, vt fiat vniuersalis oblatio satis est, quod deprecatio sit vniuersalis, & quoad efficaciam impetrationis Sacrificium offeratur, nam alias cum fructus satisfactionis, nota hanc rationem fundamentalem, definitus sit, vix aliquid superesset, quod pro aliquo in speciali applicari posset.

Sed contra hanc explicationem est apertissimè, quia in Sacro Canone, non solum fit vniuersalis deprecatio, sed etiam vniuersalis oblatio immò ideo fit vniuersalis deprecatio, quia est vniuersalis oblatio; sicut autem deprecatio est vniuersalis quando oratur pro omnibus; ita tunc verè oblatio est vniuersalis, quando pro omnibus non solum oratur, sed offertur, & Sacrificatur, quod verò allata Sacri Canonis verba, non ad deprecationem, sed ad Sacrificium referantur, optinè infert Caietanus opusculo sæpius citato ex Canone ipso ibi enim inquit, expressa dicitur, pro quibus tibi offerimus, vel qui tibi offerunt *hoc Sacrificium* Laudis.

Neque minus violenta est exclusio fructus ex opere operato, ab illa generali oblatione, cum non solum ea ex Canone non colligatur, sed oppositum satis insinuetur; nam quod oblatio illa, ait Caietanus, non solum pro impetratione, sed etiam pro satisfactione fiat, ex eo patet, quia expressè dicitur: *pro redemptione* animarum suarum; redemptio, enim, inquit, à malis est, & vt ipsum nomen testatur, satisfactio per modum solutionis est, sicut Christus redemit nos soluendo pretium Deo Patri.

Ac mihi quidem violenta videtur illa exclusio, quia Trident. sess. 22. Canon 3. simpliciter definit. Hoc Sacrificium offerri debere pro viuus, & defunctis, & addit expressè pro *peccatis, pœnis, & satisfactionibus*, in quorum vtique malorum liberatione consistit redemptio, de qua in Sacro Canone fit sermo. Cum verò Concilium, hunc tanquam Sacrificij fructum enumeret, intelligendus est ille, qui habetur ex vi Sacrificij & eius opere operato.

Atque hic notandum maxime est quod obseruauit etiam P. Vasquez disput. 231. cap. 6. facta generali, aut speciali applicatione Sacrificij non esse in potestate Ministri, vt vnum fructum Sacrificij, ab alio separet, & vnum sine alio applicet ei, qui vtriusque sit capax, sicut etiam, neque in potestate Ministri positum est, vt vnum fructum Sacramenti sine alio applicet. Intensio enim Ministri ad hoc tantum deseruit, vt huic, aut alteri, Sacramentum, aut Sacrificium applicetur, omnis autem operatio, & fructus vtriusque, facta illa applicatione statim consequitur. Cum ergo negari non possit quodlibet sacrificium pro omnibus offerri seu omnibus applicari, dicendum necessario est, quotquot non habent obicem impedimentum ad participandum de proprio illius fructu ex opere operato, illos de facto participare.

Sed videamus, quibus rationum momentis Aduersariorum opinio comprobetur: & primo occurrendum est rationi illi fundamentali superius positæ, quia,

V.  
*Non solum de-  
precatio sed  
etiam oblatio  
est vniuersalis.*

VI.  
*Fructus gene-  
ralis oblatio-  
nis.*

VII.  
*Quid possit in-  
tensio Ministri.*

*Fundamentum  
Aduersario-  
rum.*

inquiunt, cum fructus satisfactionis definitus sit, si quotiescumque Sacerdos Sacriticat, talem fructum singulis fidelibus applicat, vix aliquid superesset, quod pro aliquo inspectali applicari posset.

## IX.

*Fructus Sacrificij non est de finitus neque intensiue neque extensiue.*

Respondeo hoc argumentum, nisi falso principio, quod scilicet fructus satisfactionis huius Sacrificij definitus sit. Est quidem omnis fructus huius Sacrificij finitus, sed nullus est definitus, & propterea dicitur finitus in infinitum, seu Syncategorematicè infinitus, vt superius probauimus. Sicut autem fructus satisfactionis respondens offerentibus, licet sit semper finitus, tamen etiam in Adversarium sententia non est definitus, quia possunt vnus numero Sacrificij, esse plures, & plures offerentes in infinitum, ita quia illi, pro quibus hoc Sacrificium offertur, possunt similiter esse plures, & plures in infinitum, necessarium fuit, vt eius fructus respectu etiam eorum non esset definitus; quod si neuter est definitus extensiue, vt fatentur omnes, probó ego iam efficaciter neutrum esse definitum intensiue, quia tota absurditas à Doctoribus allata pro effectu definito intensiue respectu offerentium, illa est, quia sequeretur, necessariam Missam minorem fructum recipere solum ob multitudinem audientium. Itaque ex fructu indefinito extensiue inferunt eundem fructum debere esse indefinitum etiam intensiue, alioquin sola multitudo officeret publico bono, quod est magnum absurdum; & sane non est minus contra naturam Sacrificij, quod audientes Missam, minorem fructum recipiant solum ob multitudinem audientium quam quod is, pro quo specialiter offero, minorem fructum recipiat ob solam magnitudinem Ecclesiæ, pro qua in primis generaliter Sacrifico. Quare fructum est quod inferunt in argumentum, quod si Sacerdos fructum Sacrificij, omnibus fidelibus generaliter applicaret, vix aliquid superesset, quod pro aliquo in speciali applicari posset; & ratio à priori petenda est ex natura huius Sacrificij, quod non solum pro communibus, sed etiam pro priuatis necessitatibus institutum est, ideo rectè dixit P. Lessius lib. 14. de Perf. Diu. Sacrificium non ita posse applicari à Sacerdote Ecclesiæ in communi, vt nihil remaneat fructus applicabilis huic; vel illi in particulari, quia etiam pro priuatis eorum necessitatibus est institutum, ita vt si illis peculiariter applicetur etiam peculiari modo prosit. Simili modo non ita potest applicari priuatis, vt nullus fructus remaneat, qui possit applicari Ecclesiæ; fructus enim Sacrificij tam amplus est, vt omnibus istis possit prodesse.

## X.

*Ex infinitate extensiua in Sacrificio inferitur intensiua.*

Verum contrà vrget P. Suarez, sect. 9. quia obligatio in Sacerdote dandi fructus ex opere operato omnibus Ecclesiæ membris, nullo probabili nitiur fundamento; vbi enim est, aut Christi de hac re institutio, aut Ecclesiæ ordinatio.

## XI.

*Ex generali applicatione nihil minuitur de fructu particulari.*

Respondeo, aliud esse petere Fundamentum applicationis generalis huius fructus satisfactionis, vt distincti ab aliis fructibus Sacrificij, aliud petere fundamentum applicationis cuiuscumque fructus Sacrificij in generali non descendendo ad hunc in particulari. Ac de primo quidem frustra petitur fundamentum, tum quia effectus Sacrificij ex opere operato, non est definitus ad solam remissionem pænæ, vt suo loco probauimus, tum quia neque si esset sic definitus necessarium esset, vt sub his terminis memoraretur. De 2. rectè petitur sed P. Suar. optimum assert disput. 78. sect. 2. vbi ait, ex vsu ipse, & verbis Ec-

## XII.

*Fundamentum obligationis in Sacerdote.*

Respondeo, aliud esse petere Fundamentum applicationis generalis huius fructus satisfactionis, vt distincti ab aliis fructibus Sacrificij, aliud petere fundamentum applicationis cuiuscumque fructus Sacrificij in generali non descendendo ad hunc in particulari. Ac de primo quidem frustra petitur fundamentum, tum quia effectus Sacrificij ex opere operato, non est definitus ad solam remissionem pænæ, vt suo loco probauimus, tum quia neque si esset sic definitus necessarium esset, vt sub his terminis memoraretur. De 2. rectè petitur sed P. Suar. optimum assert disput. 78. sect. 2. vbi ait, ex vsu ipse, & verbis Ec-

eleſis apertè conſtare, quodlibet Miſſæ Sacrificium offerendum eſſe pro vniuerſa militante Eccleſia, & omnibus membris eius. Cum enim in Miſſa de factò fiat ea vniuerſalis oblatio; ſignum eſt ita eſſe ab Eccleſia inſtitutum, quæ, inquit, inſtitutio, & ſupponit poteſtatem ex parte Miniſtroꝝ, & aptitudinem, ac ſufficientiam ex parte Sacrificij, & præterea obligationem inducit ita faciendi; nam Sacerdotes tenentur ritum Eccleſiæ Sacrificando ſeruare; ecce fundamentum obligationis in Sacerdote huius vniuerſalis applicationis. Quod verdè ex hac vniuerſali applicatione fructuum excludatur fructus ex opere operato, & fiat tantùm per modum impetrationis, & potius per oblationem Sacrificij, certè huius exceptionis, & diſtinctionis debent Aduerſarij, proferre aliquod probabile fundamentum.

At proferit P. Suarez Concilium Cabilonenſe ſecundum ſub Carolo Magno celebratum 813. vbi cap. 39. ſic dicitur: In omnibus Miſſarum ſolemniis pro deſunctorum ſpiritibus loco competenti Dominus deprecetur, ſicut enim nulla dies excipitur, qua non pro viuientibus, & pro quibuſlibet neceſſitatibus Dominus deprecetur, ita nimirum nulla dies excipi debet, quin pro animabus fidelium preces Domino in Miſſarum ſolemniis fundantur. Ex quibus verbis videtur P. Suarez colligere, aut præſupponere in Miſſa ſolum orari pro vniuerſa Eccleſia, & omnibus membris eius, & Sacrificium offerri pro omnibus tantùm quoad impetrationem.

At quis non videt ex verbis huius Concilij tantùm haberi Orationes, & preces offerri debere pro deſunctis, quemadmodum offeruntur pro viuientibus. Hoc autem non eſt ne leuiter quidem inſinuare, non eſt pro vtriſque offerendum Sacrificium; hoc enim tanquam indubitatum, præſupponit Conſilium ex officio Sacerdotis, qui vt docet Paulus ad Hebr. 5. eſt pro hominibus conſtitutus, vt offerat *Sacrificia*.

Sed ſine dubio principalius intentum P. Suarez in hac autoritate Concilij offerenda, fuit, vt ex illo nouam ſumeret coniecturam, quam ſtatim proponit, quia, inquit, non omnibus animabus Purgatorij applicatur ex omnibus Sacrificiis, aliqua pars fructus ex opere operato, alias facillimo negotio omnes à Purgatorio liberarentur, immò etiam de viuis idem fieri poteſt argumentum, præſertim de his, qui in ſtatu gratiæ perdurant aliquandiu; nam vix poterunt habere aliquem reatum pœnæ, ſi per omnes Miſſas aliquam remiſſionem pœnæ percipiunt. Hæc ille.

Verum, An, & quomodo ſingulis in Purgatorio degentibus applicetur ex omnibus Sacrificiis aliqua pars fructus ex opere operato, conſtabit ex dicendis inferius. Interim loquendo de Viuis non habentibus obicem, de quibus idem fit argumentum.

Dicimus: Hoc, quod aſſertur, tanquam inconueniens fuiſſe vnum ex precipuis intentis Inſtitutionis huius Sacrificij, vt nimirum Paſſionis Chriſti, *Salutaris virtus in remiſſionem eorum, qua à nobis quotidie committuntur peccata, obliuioſe applicaretur*, vt docet Tridentinum ſeſſ. 22. cap. 1. Atque adeo vix haberemus aliquem reatum pœnæ, quo retardaretur ingreſſus in Regnum Cœlorum, cuius poſſeſſionis dies ex parte Chriſti designatus, eſt dies ipſe mortis cuiuſcumque; quamuis autem per hoc Sacrificium incurritur omnes fructus Paſſio-

XIII.

Quid probet  
teſtimonium  
Concilij Cabilonenſis.

XIV.

Intentum huius  
Sacrificij non  
eſt expedire  
ingreſſum ad  
gloriam.

## XV.

*Peculiaris ratio in hoc Sacrificio pro remissione pœnæ.*

nis applicentur; tamen quod P. Suarez expressè docet disp. 79. sect. 6. secundum propriam causalitatem ex opere operato applicatur fructus ille, qui est proprius Sacrificij, cruenti secundum visibilem, & exteriorem passionem eius, qua potissimè operatus est nostram redemptionem per modum satisfactionis pro pœna, ut quod in illo fuit quoad sufficientiam, in hoc sit secundum efficaciam. Atque hac ratione ait P. Suarez meritò institutum creditur hoc Sacrificium ad applicandam Christi satisfactionem pro pœna ex opere operato. Cum ergo per hoc Sacrificium, applicatio fiat satisfactionis Christi in remissionem peccatorum quoad pœnam ex opere operato, & cum hunc fructum recipiant omnes, pro quibus Missarum Sacrificia celebrantur; Et cum hæc pro omnibus fidelibus, qui ad corpus Christi pertinent celebrentur, consequens est (quod debemus omnes fateri) iustos homines, quantum ex hac parte est, vix posse habere aliquem reatum pœnæ.

## XVI.

*Notabile testimonium Tridenti.*

At Aduersarij, nunquam concedent, Missas pro omnibus fidelibus, qui ad Corpus Christi pertinent celebrari. Concedent omnino, quia (quod animaduertisse gauisus sum maxime) hoc plane definiuit Sacrosancta Synodus Tridentina sess. 22. cap. 6. ubi docet, Missas etiam priuatas verè communes censerì debere; quod à publico Ecclesie Ministro, non pro se tantum, sed pro omnibus fidelibus, qui ad corpus Christi pertinent, celebrentur, quid clarius.

## XVII.

*Ad effectum ex opere operato, præter applicationem Sacrificij nihil requiritur.*

At dicent Aduersarij celebrari quidem singulas Missas, etiam priuatas pro omnibus fidelibus, sed non teneri Sacerdotem pro omnibus petere remissionem alicuius gradus pœnæ. Neque hoc dicent Aduersarij, quia ad conferendum hunc effectum remissionis pœnæ, præter celebrationem factam pro aliquo, non est necessaria specialis petitio, aut intentio illum obtinendi; etenim quod expressè docet P. Suarez disp. 79. sect. 2. concl. 2. ad effectum ex opere operato, non est necesse, ut celebrans specialiter petat, vel consequi intendat, illum effectum; ita enim Sacrificium, illum effectum operatur, sicut Sacramentum efficit suum, Sacramentum autem hoc ipso, quod alicui applicatur, confert illi effectum, etiamsi neque Minister, neque ipse hoc intendat; sed solum non ponat obicem; ergo & hoc Sacrificium alicui applicatum, seu pro aliquo oblatum absque alia speciali petitione, aut determinatione confert illi effectum suum ex opere operato. Hæc P. Suar. sect. 2. deinde verò sect. 6. ubi probat effectum huius Sacrificij, ex opere operato esse remissionem pœnæ, ex modo, inquit, quo hic effectus obtinetur, rectè colligitur propriissimè esse ex opere operato, nam ut Sacrificium hoc conferat hunc effectum non est necessaria specialis petitio, sed hoc ipso quod Sacrificium pro aliquo offertur, simpliciter applicatur illi hic effectus sine alia speciali intentione obtinendi illum. Cum ergo pro fidelibus omnibus Sacrificium quodlibet ex Concilio celebretur, fatendum est omnibus non habentibus obicem, hoc ipso aliquam pœnæ remissionem obuenire.

## XVIII.

*Causa cur san- in sit multum in Purgatorio.*

Omnes igitur debemus causas indagare, cur recipientibus nobis ex omnibus, & singulis Sacrificiis aliquem gradum remissionis pœnæ ex opere operato, aut saltem per modum impetrationis, quod Aduersarij nullo modo possunt diffiteri; Cur inquam, tam multi, & cum reatu pœnæ non exiguo in Purgatorium descendunt, cum sciamus ex Ecclesiasticis Annualibus, & præcipuè ex historia celebri Venerabilis Bedæ, quam verissimam esse non dubitat Cardinalis Bellarmi-



nus lib. 2. de Gemit. Columb. cap. 19. innumerabilem animarum multitudinem fuisse suo tempore in Purgatorio à Drichemo visam, & ex Vita B. Christini mirabilis, quam scripsit Thomas Cantiputensis, vir fide dignissimus, qui eius tempore vixit, & cui contestis accedit Cardinalis de Vitriaco laudatus pariter à Bellarmino, sciamus pariter Purgatorij locum vastissimum refertum animarum fuisse.

Videntur mihi, saluo meliori iudicio dux esse causæ potissimæ huius rei, altera pro iis, qui decedunt quidem in gratia, sed viuentes non raro lapsi sunt in peccata lethalia. Altera pro ijs, qui se à lethalibus abstinerunt, sed pluribus venialibus fuerunt obnoxij, nam de paucissimis illis, qui eximia animi cum puritate, & sanctitate vitam traduxerunt, per omnino credere est, vel ex tot satisfactionibus à Sacrificijs provenientibus, vix vllum superesse reatum. penam quam soluant. De primis ergo mirandum non est, si ex tot Sacrificiis nihil omnino sæpè receperunt, quia quamdiu manserunt in statu peccati mortalis, nullam vnuquam penam luendæ remissionem, non solum ex Sacrificiis, sed neque ex propriis operibus, aut aliis quibuscumque viis lucrati sunt. Est enim constans Theologorum omnium sententia, fructum remissionis penæ, nunquam communicari homini non existenti in statu gratiæ ex illo generali fundamento, quod is, qui est in peccato mortali, non est capax satisfactionis pro penâ temporali, quod non solum intelligunt de reatu penæ debitæ peccatis præsentibus, sed etiam de reatu penæ temporalis relicto à peccatis præteritis aliàs remissis: immò consequenter docent, neque in futura vita tolli reatum penæ temporalis debitæ pro peccato veniali non dimisso; vnde sit, vt non solum peccata mortalia, sed singula etiam venialia cum illis coniuncta puniantur æterna penâ in inferno, quam sequelam vltro concedit P. Suarez in quæst. 87. S. Thomæ. Quamuis enim peccatum veniale quantum est ex se, non sit dignum penâ æterna, meretur tamen puniri quamdiu ablatum non fuerit, & quia in Inferno contingit nunquam auferri, ideo sit, vt in illo penâ eius nunquam finiatur. Et quamuis Durandus in 4. dist. 21. quæst. 2. dicat de peccato veniali dimisso quoad culpam, non verò quoad reatum penæ, posse quoad reatum penæ in Inferno solui, & puniri. Communis tamen sententia docet, penam relictam à peccato veniali, etiam in hac vita dimisso, fore in Inferno perpetuam propter incapacitatem huius effectus remissionis penæ temporalis in homine existente in statu peccati mortalis. Cum ergo durante in hac vita talis statu, nullum omnino soluat debitum penæ, neque ex mortalibus, neque ex venialibus etiam remissis relictæ, mirandum non est, si huiusmodi homines, licet decedentes in gratia ex hac vita, tamen cum ingenti reatu penæ, in futura luendæ inueniantur.

De posterioribus verò, qui longo tempore manent in gratia, venialibus tantum obnoxij, neque mirandum esse videtur, eos ex tot Sacrificiorum provenientibus, non esse suis debitis solutos; nam (vt alia, quæ præsens locus non postulat, nunc omitam) quamuis huiusmodi homines capaces sint fructus Sacrificij, quoad remissionem penæ temporalis debitæ mortalibus peccatis dimissis, & à fortiori debitæ venialibus pariter dimissis; retinent tamen reatum penæ debitæ venialibus non condonatis. Est enim doctrina generalis, vt rectè notat P.

XIX.

*Ad effectum remissionis penæ requiritur status gratiæ.*

XX.

*Peccatum veniale puniatur æterna penâ in Inferno.*

XXI.

*In statu peccati nullum soluitur debitum penæ.*

XXII.

*Penâ debita venialibus, illis manentibus nunquam remittitur.*



Meratius disput. 39. de Eucharistia, quod nulli fiat à Deo ex opere operato remissio vlla pœnæ temporalis, siue in præsentī vita, siue in futura, qui ex opere operantis eam nulla, vel satisfactiōe, vel satisfactiōe, ratione status, in quo est redimere potest; ex quo principio, sicut infertur, nemini in statu peccati mortalis fieri à Deo ex opere operato remissionem pœnæ temporalis, quia quisquis in tali statu est, ratione illius, temporalem pœnam peccatis suis debitam nulla satisfactiōe, aut satisfactiōe in præsentī, siue in futura vita redimere ex opere operantis potest; ita pariter infertur, nemini existenti in statu peccati venialis fieri à Deo eiusdem generis pœnæ remissionem ex opere operato, quia quamdiu homo manet cum macula peccati venialis, nulla vel satisfactiōe, vel satisfactiōe illam redimere potest ex opere operantis, siue in præsentī vita, siue in futura.

## XXIII.

*Multitudo peccatorum venialium,*

Quam ingens autem hoc debitum sit ex venialibus quoad maculam adhuc manentibus contractum facile colligi potest ex multitudine huiusmodi venialium peccatorum, quorum cumulus in iustis charitatis fervore destitutis maior est, quam ut fortasse cogitatione assequi possimus. Certè de omnibus etiam ferventioribus viris dictum est illud 1. Ioan. 1. *Si dixerimus quoniam peccatum non habemus, ipsi nos seducimus, & non dixit, ait Bellarminus: non habuimus, sed non habemus*, ut ostendat etiam in illa summa vitæ perfectione, peccatum in se agnoscere, & S. Iacob. 3. adhuc clarius. *In multis offendimus omnes*. O nos verò cœcos, & miseros, exclamat Bellarminus. Quis debita nostra numerabit, si Apostoli, post acceptum Spiritum Sanctum, *non mentiantur*, eum dicunt: *In multis offendimus omnes*, & si, *septies in die cadit iustus*, ut Sapiens loquitur, Prov. 24. quoties cadent iniusti & imperfecti, nonne *septuagies septies*? Hæc sanè consideratio, concludit ille, ita meterret, & confundit, ut videar mihi semper in luto, & sordibus volutari, vel certè inter spinas, & tribulos sic ambulare, ut punctiōes frequentes evitare non possim. Vnde illud Isaïæ 1. *Mihi, & mei similibus conuenienter aptari censeam: à planta pedis usque ad verticem capitis non est in eo Sanitas*, hæc de se, sui que similibus, hoc est de viris planè Sanctissimis Bellarminus.

Est autem hæc differentia inter culpas Sanctorum, & reliquorum hominum, etiam Iustorum, ut illi, & leuissimas quasque ne committant, diligentissimè caueant, & admittas, primo quoque tempore vberimè desinant, ac nos quantumvis Dei beneficio maioribus vndis fortasse non obruti, tamen tanquam fatiscientes carinæ aquam semper accipimus, quam oporteret quotidie per pœnitentiam exhaurire; hinc reatus nouæ semper pœnæ quotidie crescit, cum non tantum soluitur de contractis debitis, quantum contrahitur de soluendis, cumque ad huiusmodi reatum pœnæ tollendum donec maculæ maneant peccatorum, neque Sacrificia ex opere operato, neque opera vlla satisfactoria ex opere operantis quidquam possint, morte tandem præoccupati debitores tenemur sumimæ non levis. Atque hæc est potissima causa: ob quam licet quodlibet Sacrificium pro omnibus iustis offeratur, paucissimi tamen sint, qui non alicuius pœnæ Rei in futura vita luendæ inueniantur.

Vna restat obiectio ex P. Suarez, quæ superius fere dilata est. Si Ecclesia, inquit, posset præcipere, ut pro omnibus prædicto modo à quocumque Sacer-

## XXIV.


*Cumululus debitorum,*

dote offerretur, deberet assignare quanta, vel quota pars effectus esset sic applicanda pro vniuersa Ecclesia, hoc autem neque fecit, neque facile fingi potest. Nulla ergo est talis obligatio in Sacerdotibus, sed in eorum voluntate positum est, vt totum hunc fructum applicet, vel per specialem, vel per generalem intentionem prout eis libuerit, & licuerit.

Respondeo negando sequelam, quia hæc assignatio non est Ecclesie, sed Christi, qui Sacrificium instituit; sicut enim quanta, vel quota pars gratiæ proueniat singulis infantibus baptizatis, non præfinitur ab Ecclesia, nec mensuratur ab intentione, & arbitrio Ministri, sed præscriptum est à Christi institutione, ita quanta, vel quota pars remissionis peccatorum contingat singulis fidelibus non habentibus obicem ex generali illa oblatione, id nullo modo ab Ecclesia, aut à Sacerdotis intentione pendet, sed à sola institutione Christi præstitutum est. Hoc autem non impedit, quo minus, si maior in aliquo sit dispositio, non possit is etiam ex generali illa applicatione maiorem fructum recipere, quemadmodum ex eo, quod pro parvulis nullam habentibus inæqualitatem subiectiuam, certus gradus baptismalis gratiæ, & in omnibus æqualis taxatus sit, non tollitur quo minus ubi est inæqualitas dispositionis, vt accidit in baptizatis adultis, maior etiam, aut minor sit gratia Baptismi iuxta mensuram dispositionis.

Illud autem, quod dicitur, in Sacerdotum voluntate positum esse, vt fructum hinc applicent prout eis libuerit; si intelligatur de speciali applicatione verum est, sed de hac in præsentem non est sermo; si verò intelligatur de generali, vsque adeo falsum est, vt communis Doctorum opinio doceat, portionem communem fructus huius Sacrificij, ex sola Ecclesie applicatione pendere, sed de hac re suo loco, ubi agemus de Administratoribus Montis Propitiorij, seu de Ministris Sacrosancti huius Sacrificij. Interim videatur Scotus quodlib. 20. art. 2. Antonius Corduba lib. 1. quæst. Theolog. quæst. 3. in princ. not. 3. & P. Henriquez lib. 9. cap. 17.

XXV.  
*Quantitas remissionis peccatorum à quo determinatur.*



## QVÆSTIO II.

*An, & quod Ius, aut titulum habeant fideles viuentes, vt pro se omnibus Sacrificium quodlibet celebretur.*

- I. *Sensus Questionis.*  
 II. *Qui sunt propriè offerentes.*

- I I I. *Non omnis offerens est Sacerdos.*  
 I V. *Vera notio offerentis.*  
 V. *Quid requiritur ad denominationem offerentis.*  
 V I. *Numerus filiorum Israel in exitu ab Egypto.*  
 V I I. *Agnus Anniculus.*  
 V I I I. *Offerendus, & comedendus à pluribus.*  
 I X. *Numerus Agnorum Paschaliū.*  
 X. *Quomodo unusquisque tollebat, & immolabat Agnum.*  
 X I. *Fundamentum nostra Conclusionis.*  
 X I I. *Omnes fideles ponunt Agnum in Sacrificio.*  
 X I I I. *Vnus Agnum pro omnibus posuit.*  
 X I V. *Aqua forma est denominatio offerentis.*  
 X V. *Denominatio offerentis non est semper à forma intrinseca.*  
 X V I. *Cur Angeli non dicuntur offerentes.*  
 X V I I. *Cur fructus Sacrificij non minuat ex multiplicata participantium.*  
 X V I I I. *Figura participationis Sacrificialis.*  
 X I X. *Christus est Agnus maior omni numero.*

I.  
Sensus Qua-  
sitionis.



AGNI sanè momenti est præsens controuersia; ex illa enim pendere arbitramur decisionem plurium questionum, quæ cæteris quin non leuem difficultatem habent, & magnam afferunt utilitatem. Statuimus cum Tridentino, Sacrificium quodlibet pro omnibus fidelibus, qui ad corpus Christi pertinent, celebrari, & quamuis P. Suarez in dubium vocauerit, an fidelibus omnibus ex illa generali oblatione cuiuslibet Sacrificij aliquid fructus remissionis pœnæ contingat, seu (quod in illius sententia idem est) an in illa generali applicatione distribuatur inter omnes portio aliqua fructus ex opere operato; tamen omnes Doctores Catholici concedunt, Sacrificium quodlibet, aliquo tandem modo fructuosum esse omnibus Ecclesiæ membris, obicem non habentibus. Inquirimus ergo nunc titulum, & indagamus Ius, si quod in singulis fidelibus est, quo peccare à Sacerdotibus possunt, ut in Sacrificialium fructuum distributione non excludantur.

I I.  
Qui sunt propiè offerentes.

Est autem indubiatum ex omnibus participantibus fructus Sacrificij, illos habendos esse potiores in Iure, qui verè, ac propriè dicuntur offerentes. Sed quinam in Sacrificiis verè, ac propriè dicantur offerentes, & quid ad eam denominationem, & ad Ius offerentis obtinendum necessarium sit, non ita competunt exploratumque omnibus est.

I I I.  
Non omnis offerens est Sacerdos.

Purant aliqui, nomen offerentis esse proprium Sacerdotis, quæ Minister Sacrificij est; vnde de quocumque homine in Sacris litteris legerint, quod obtulerit Sacrificium, statim inferunt verè illum fuisse in illo sacrificio Sacerdotem. Verum isti errant manifestissimè, nam de Saule legimus 1. Reg. 15. *Et Saul offerebat holocaustum Domino*, & tamen Saul non erat Sacerdos. De Dauid legitimus 2. Reg. 6. *Et obrulit Dauid holocausta, & pacifica coram Domino*, cumque complexset offerens holocausta, & pacifica, & tamen Dauid non

fuit Sacerdos. Idem legimus de Salomone, idem de aliis Sexcentis, quos constat non fuisse Sacerdotes.

Tenenda ergo est notio *Offerentis*, quam tradit S. Augustinus, seu quisquis est authorille, in questionibus ex Veteri Testamento quaest. 46. Ipse, inquit, *semper dicitur offerre cuius oblationes sunt, quas super Altare imponit Sacerdos, & Saul obtulit: hoc usique genere, idest per Sacerdotem, sicut & nunc offertur, & David obtulit, & Salomon obtulit, & ceteri similiter obtulerunt; quamvis enim proprio Sacerdos fungatur officio, ille tamen offerre dicitur, cuius nomine agit Sacerdos, ipsi enim imputatur cuius munera offeruntur.* Ex quibus verbis illud conficitur. Offerentem verè, & propriè dici eum, cuius nomine Sacerdos offert, eius autem nomine sacerdotem offerre, qui rem oblatam deferat, seu qui victimam ponit offerendam in Sacrificio. Ipsi enim imputatur, ait Augustinus, cuius munera offeruntur; ideo rectè Abulensis in cap. 15. lib. 1. Reg. Offerre, inquit, propriè convenit popularibus, qui offerre est dare Sacerdoti Victimam immolandam Domino. Quod planè confirmat lex Levitici cap. 1. *loquere filiis Israel, & dices ad eos: homo qui obtulerit ex vobis Hostiam Domino, &c.* Ex hoc autem manifestè patet ex numero participantium fructus Sacrificij non potuisse excludi offerentes, immò præcipuum ius ad tales fructus penes illos fuisse.

Sed difficultas est, quam secundo loco examinandam proposui, quid necessarium esset ad hoc ut rigorosum offerentis obtinendum. Vtrum necessarium esset, ut qui verè offerentes dicebantur, ipsi per se, & per suum aliquem actum Victimam Sacrificandam præberent, an satis esset, ut aliquis alius sufficeret illi coniunctus, eandem Victimam pro illo præstaret. Rem totam declarabit Sacrificium Agni Paschalis, quod erat Sacrificium commemorativum liberationis, & propriè Eucharisticum, figura insignis Sacrificij Ecclesie. De hoc igitur Sacrificio sic habemus Exod. 12. *Loquimini ad universum cœtum filiorum Israel, & dicite eis: Decima die mensis huius, tollat unusquisque Agnum per familias, & domus suas. Quæritur, an quilibet vir de universo cœtu filiorum Israël teneretur suum agnum accipere, & rursus an ex iisdem quilibet acceptum Agnum immolare deberet, cum infra præcipiatur: Immolabique eum universa multitudo filiorum Israel. Quamvis autem responsio non sit difficilis, iuvat tamen ad nostrum institutum illam explicare. Et primo, quod unusquisque, non possit hoc loco omnes, & singulos comprehendere, manifestum est ex numero filiorum Israël, qui ex Egypto profecti sunt, quo tempore promulgata illa lex est. Etenim Exod. 12. ait scriptura: *Profectique sunt filij Israel sexcenta fere millia peditum virorum absque parvulis.* Super quo loco notant interpretes hæc sexcenta millia fuisse peditum armatorum, siue militum, qui scilicet attigerant, vel exceßerant annum vigesimum, ab anno enim vigesimo, & supra consueverunt Hebræi suos conscribere ad militiam, plures ergo præterea erat hoc loco non numerati. Quomodo igitur poterat tam ingens Agnorum, aut etiam hædorum multitudo, tam expeditè, & promptè decima die Mensis comparari? Secundo, quod non singuli filij Israël deberent Agnum tollere, & immolare; patet quia Agnus ille ex præcepto Divino comedendus ab offerentibus, & immolantibus erat, & quidem vnus*

IV.

*Vera notio offerentis.*

V.

*Quid requiratur ad designationem offerentis.*

VI.

*Numerus filiorum Israel in exitu ab Egypto.*

VII.  
Agnus Anni-  
cuius.

à singulis comedi nequaquam poterat. Primo, quia Agnusque immolendus erat *Anniculus*. Hebraice filius anni, hoc est habens, vel agens annum; & quamvis ex hoc præcepto id tantum necessarium erat, ut non excederet annum, tamen, ut notat Nicetas in Nazianzenum Orat. 2. de Pascha; exegit Deus Agnum vnus anni, quia Agni vnus anni spatio in perfectam ætatem adolefcunt, vnde plurimos ad eam vsque ætatem adultos fuisse dubitandum non est. *Secundo*, quia nihil debebat manere de eo, quin comederetur, ideo dicitur: *Caput cum pedibus eius, & intestinis vorabitis*. *Tertio*, quia comedendus erat illa ipsa nocte: & edent carnes nocte illa assas igni, nec remanebit quidquam ex eo vsque mane.

VIII.  
Offerendus, &  
comedendus à  
pluribus.

Præterea ex Sacro textu clare colligitur non esse præceptum de oblatione singulorum à singulis; nam primo dicitur: *collas vnusquisque Agnum per familias, & domos suas*, quod propterea dictum est, ait noster Cornelius, quia in eadem domo poterant esse plures familie, quarum quilibet suum habebat, & immolabat Agnum. Deinde, quia ibi dicitur: *Sin autem minor est numerus, ut sufficere possit ad vescendum Agnum, assumet vicinum suum, qui iunctus est domui suæ iuxta numerum animarum, quæ sufficere possunt ad esum Agni*. Id quod propterea cautum est, ait Abulensis, quia quedam familie vsque adeo parvæ erant, ut non possent comedere adhuc dimidiam partem vnus Agni, qui esset Anniculus. *Tertio*, quia communis veterum Hebræorum traditio est, non pauciores, quam decem adhiberi solere ad esum vnus Agni; vnde quod libro primo notauimus, Ioseph Hebræus lib. 7. Bellar. cap. 17. Ex Agnis 256500. in Paschate immolatis tempore Cæstij Præfidis, sub quo à Romanis rebellare cæperunt Iudæi, colligit tunc Hierosolymæ fuisse Iudæorum trigeties centena, & septuaginta millia præter impuros: hi enim esu Agni arcebantur.

X.  
Quomodo vnus-  
quisque tolle-  
bat & immo-  
labat Agnum.

Certissimum ergo est, quod non vnusquisque de cœtu filiorum Israël tollebat Agnum, & tamen custoditum diligentissime fuit illud præceptum: *collas vnusquisque Agnum*. Rursus certissimum est, quod non omnes ex multitudine filiorum Israël, Agnum immolabant; id enim erat munus Sacerdotum, quorum officio, quoad hoc tantum Sacrificium, soli Patresfamilias fungebantur, & tamen seruatum fuit, quod dictum est: *immolabitque eum vniuersa multitudo filiorum Israël*. Vnica, & vera responsio est, quam tetigimus cum Augustino, illos in vniuersum, propriè, & rigorosè dictos fuisse offerentes in aliquo Sacrificio, qui aut ipsi, aut alij pro ipsis victimam sacrificandam exhibebant, vnus Paterfamilias Agnum emebat, sed non pro se vno, immò pro omnibus, & singulis familie sue emebat. Et eo ipso quod pro vicina etiam domo illum emebat, quod minor esset in sua familia numerus, ut sufficere posset ad vescendum Agnum, hoc ipso, illi, pro quibus assumptis emebat, habebant ius in esum Agni. Quare interroganti alicui, cur petitis, & vindicatis vobis partem Agni immolati, potuissent respondere, quia nos Agnum immolandum, & emimus, & tulimus, & tradidimus; cum enim Paterfamilias, & nobis quoque emerit, nobis tulerit, & nobis tradiderit, perinde hoc est, ac si nos per nostrum actum singuli illum emissemus, tulissemus, & tradidissemus.

XI.  
Fundamentum  
vestra conclusio-  
nis.

His præcognitis, quæ cæteroquin planissima sunt, probamus facillè, & solidè omnes fideles habere proprium, & rigorosum ius ad fructus cuiuscumque Sacrificij, probamus autem hoc modo.



Illi habent proprium, ac rigorosum ius ad fructus Sacrificij, qui respectu illius se habent tanquam veri, & proprii offerentes; sed omnes fideles respectu cuiuscumque Sacrificij habent se tanquam veri, & proprii offerentes; ergo omnes fideles habent proprium, & rigorosum ius ad fructus cuiuscumque Sacrificij.

Maior est manifesta ex notione iam tradita, *offerentis*, quo nomine illum intelligimus, qui victimam ipsam immolandam præbet: quæ autem ratio patitur, ut qui Agnum, hoc est totam victimam tulerit Sacrificio, is nihil de illius fructu participet? quinimodò ad hoc ius declarandum statuit Deus, ut ex Hostia Pacifica fierent partes tres, quarum prima Deo incendebatur, Altera Sacerdotibus proueniebat, tertia ad offerentium iura pertinebat. Quare cum laici offerrent sacrificia pacifica, tota Domus sua, ait Abulenſis in cap. 7. Leuit. tam filij, quam filiz, & famuli, & ancillæ de sacrificiis comedeabant.

Sed probanda est minor propositio, & explicanda; in illa enim tota vis est, & aliquis etiam difficultas, quia non apparet qua ratione singuli fideles in hoc rigoroso sensu sint offerentes per exhibitionem videlicet realem, & externam Agni Cœlestis. Verum ex paulo ante dictis planè constat, ad acquirendum titulum offerentis cum iure participandi satis esse in ea numerari familiam, cui de victima prouisum à Patrefamilias est, in quo sensu diximus, quod iuxta Diuinum præceptum per Domos, & familias filiorum Israël, tollebat vnusquisque Agnum, quia tollente illum Patrefamilias pro tota sua Domo perinde id erat, ac si vnusquisque illum tulisset. Sic in toto rigore S. Petrus soluit Tributum Matth. 17. dicente Christo: *Da eis pro me, & te*, qua etiam ratione tempore Iubilæi ad iunctum opus implendum, omnes viri religiosi elemosynam largiuntur, quia familiarum Superiores, & Patres pro subditis, ac filiis omnibus, & singulis illam erogant.

Iam verò, quod vnus aliquis vniuersæ Ecclesiæ prouiderit victimam Sacrificij, & quasi pro omnibus, & singulis illam comparauerit, manifestum est ex verbis sacri Canonis, ubi dicitur. *Hanc igitur oblationem, sed & cuncta familia tua.* Et rursus: *sed & plebs tua sancta offerimus, &c.* Ecce dicitur oblatio cunctæ familiæ, ecce vniuersa multitudo filiorum Israël suum tollit Agnum, & offert ecce in singulis filiis ius offerentis, profecto non ob aliam rationem nisi quod, vnus pro cunctis victimam posuit.

Hanc viam explicandi ius, quod singuli habent fideles ad participandum fructus sacrificij indicauit mihi P. Vasquez disp. 226. cap. 2. num. 10. illis verbis: Sicut ille, qui præbet ouem Sacerdoti, ut pro se illam offerat, dicitur Deo Sacrificium offerre, quia illi tribuit, quod offerre debet, ita etiam fideles dicuntur offerentes, quia Sacerdoti, ut pro omnibus offerat hoc Sacrificium, victima illius à Christo relicta est; quod perinde est, ac si singuli eam Sacerdotibus tribuerent, ut pro se illam offerrent.

Atque hinc habes primo, frustra laborari ab Aduersariis, qui contendunt non omnes, & singulos fideles, licet sint de familia, habere ius offerentis, quia inquirunt; offerre nihil aliud esse videtur, quam oblationem efficere, in actione enim consistit; ut ergo aliquis dicatur offerens necesse est, ut ad ipsam oblationem efficiendam, aliquo modo concurrat, quod non videtur posse attribui fide-

XII.  
*Omnes fideles  
ponunt Agnum  
in Sacrificio.*

XIII.  
*Vnus Agnum  
pro omnibus  
posuit.*

XIV.  
*A qua forma  
est denomina-  
tio offerentis.*

libus laicis, seu non Sacerdotibus. Nam duplex intelligi potest oblatio: Vna est interna per interiorē deuotionem fidelium, alia est externa, in qua propriè consistit visibile Sacrificium; à neutra autem possunt fideles denominari offerentes, non ab actione, & deuotione merè interna, quia Sacrificium visibile consistit in actione externa, per quam fit aliquid circa rem oblatam; ergo actio merè interior non satis est, nam illa non est sensibilis; neque ab actione externa, quia solus Sacerdos est principium illius actionis iuxta illud ad Hebr. 5. *ut offerat dona, & sacrificia pro peccatis*; ergo à neutra actione fideles denominari possunt offerentes, tãquam Sacerdoti consacrificantes. Ita ferè P. Suarez disput. 77. Sect. 3.

## XV.

*Denominatio  
offerentis non  
est semper à  
forma intrin-  
seca.*

Sed ut dicebam laboratur frustra, quia quamuis denominatio offerentis habeatur ab oblatione, tanquam à sua causa formali, tamen oblatio iuxta phrasim Scripturæ duplicis generis est. Altera quæ consistit in actione non solum interna, sed etiam externa eius, qui sic denominatur offerens; altera, quæ non consistit in actione eius, sed in actione pro eo, qui sic denominatur; & quidem à primo genere oblationis denominantur primo loco offerentes Sacerdotes ipsi ministræiales; secundo loco omnes concurrentes per aliquem specialem influxum, non solum internum, sed etiam externum, ut sunt, qui petunt, aut procurant, qui stipendium dant Sacerdoti, qui illi sacrificanti inseruiunt, vel assistunt. Tercio denique loco omnes fideles, quatenus sunt membra corporis, cuius publica auctoritate, & quasi communi consensu Sacerdos deputatus est, ut Sacrificium offerat vice totius corporis; sed quamuis ab eadem oblatione elicitæ à Sacerdote sacrificialiter, & aliis concurrentibus, ut sic dicam consacrificialiter, propter vñionem in vno corpore mystico, possunt etiam reliqui fideles denominare offerentes; tamen actio, quæ tribuit fidelibus ius ad participandum, non est, ut dicebamus actio ipsorum in ipsis, sed pro ipsis, quatenus vnus aliquis dixit: Ego pro singulis huius familiæ Agnum exhibeo, seu ego cunctæ huius familiæ Agnum relinquo, non solum, ut vniuersis, sed etiam ut singulis. Itaque quidquid ipsi debuissent præbere ad participandum, ego pro ipsis præbeo, & solus. Porro hæc denominatio offerentis nullum postulat actum necessario in eo, qui sic denominatur, neque internum, neque externum, & ad summum requirit tacitam acceptationem, quam omnes fideles habent, hoc ipso enim, quod aliquis est fidelis, censetur consentire omnibus Sacrificiis, quæ in Ecclesia fiunt, & virtualiter velle fundare ius ad participandum, quantum possunt, eorum fructum.

## XVI.

*Curr Angeli  
non dicuntur  
offerentes.*

Habes secundo. Quare Angeli Sancti non dicantur offerentes, cum tamen de illis dicat Chrysostomus Homil. de Euch. in Encænisi. *Agnus Dei immolatur, Seraphim astant.* & Homil. 61. ad Popul. Antioch. *Huic & supernæ proreates assistunt.* Et lib. 6. de Sacerdot. *Per id tempus, & Angeli Sacerdoti assident, & Cælestium Potestatum vniuersus Ordo clamores excitat, & rursus: locus Altari vicinus in illius honorem, qui immolatur Angelorum Choris plenus est.* Cum ergo Angeli sint circumstantes, cur non etiam dici possunt offerentes? Non est illa ratio, quam Recentiores aliqui afferunt, quia Beati Angeli solo affectu interiori inuisibiliter, & spiritualiter offerunt; nam etsi Angeli huic Sancto Sacrificio visibiliter ministrarent, quod interdum factum etiam est, non propterea Angeli, sic ministrantes dicerentur propriè, & in rigore offerentes; contra verò licet aliqui ex hominibus circumstantibus inuisibiliter, &

*spiritualiter,*

spiritualiter, & ad modum Angelorum tantum assisterent, adhuc non desinere-  
rent esse verè, ac propriè offerentes. Vera igitur ratio illa est, quam tangit P.  
Valquez, quia Victimam huius Sacrificij non pro Angelis, sed pro hominibus pro-  
uita, & relicta est; nam, & ij, ait P. Valquez, qui Sacrificiis antiquæ legis  
præsentes erant, non dicebantur offerre, nisi, & ipsi, aut alij pro eis victimam  
Sacerdoti immolandam tradidissent: & enim sola præsencia cum affectu etiam  
interioris deuotionis, non habet rationem Ministerij ad Sacrificium relati, vt  
ea de causa sufficiat ad hoc, vt adstantes dicantur offerentes.

Habes Tertio, causam, ob quam fideles quamuis numero innumerabiles  
semper ex quolibet Sacrificio recipiunt integrum fructum, non minorem, quam  
si essent pauciores. Ratio est, quia vnusquisque fidelium in quolibet Sacrificio  
totum integrum ponit agnum iuxta sensum explicatum Exod. 12. illorum ver-  
borum. *Tollat vnusquisque Agnum.* Sicut ergo homini deferenti, & traden-  
ti pro se vnum integrum Agnum, nihil minus fructuosa esset oblata per hoc,  
quod alij alios diuersos pro se deferrent Agnos, ita quia omnes, & singuli fi-  
deles eundem præbent Agnum infinitis æquipollentem, erit ex parte rei ob-  
lata singulis integrè fructuosa, nam quando in lege naturæ, aut veteri, vni-  
cus Agnus à pluribus emebatur ad immolationem, in tantum eius oblatio mi-  
nus fructuosa singularer, quam si totus Agnus ab vno quoque per se emptus  
fuisset, in quantum de facto non à singulis totus Agnus, sed ab omnibus, à sin-  
gulis verò veluti pars Agni comparata Sacrificio, & tradita erat, quia Agnus  
ille oblatus, res erat finiti pretij, vnde à pluribus comparatus sicut singulis  
minoris erat oneris, ita etiam & fructus; at verò in præsentem non ita est, nam  
Agnus immolatus, quem vnusquisque nostrum tollit, & exhibet in Sacrificium,  
sicut infiniti pretij, est, ita impartibilis, & indiuisibilis est, & ideo quantum-  
uis ad illum offerendum multiplicentur, tantum vnusquisque offert, ac si so-  
lus offerret; cumque ius ad participandum simpliciter fundatum sit in re ipsa  
oblata, impossibile est, vt ad multiplicationem habentium idem ius, illud in  
singulis minuatur.

Hoc totum fuit, meo iudicio, pulcherrimè adumbratum in Institutione Agni  
Paschalis, illis præcipuè verbis. *Sin autem minor est numerus, vt sufficere*  
*possit ad vescendum Agnum, assumet vicinum suum, qui vnctus est domui eius*  
*iuxta numerum animalium, quæ sufficere possunt ad esum Agni.* Hæc lex tria  
præsupponit; duo absolutè, & tertium conditionatè. Primum absolutum est,  
cuilibet de familia Agnum immolante, portionem aliquam immolati Agni con-  
tingere. Alterum pariter absolutum est, ex multiplicatione participantium,  
singulorum portionem non minorari, & diuidi, sed nunquam ex præcisissimè  
illis illam solito esse minorem, quia tunc tantum assumebantur vicini, quando  
Agnus erat maior numero, seu quod idem est, quando numerus erat minor  
Agno; itaque assumebantur ad ponendam æqualitatem inter Agnum, & nume-  
rum; & ideo tot assumebantur, & non plures, quot nimirum sine diminutione  
partis vniuscuiusque sufficere possent ad vescendum Agnum. Tertium deni-  
que, quod præsupponitur hypotheticum, & conditionale est, quod si inuen-  
tus tunc fuisset Agnus, vt lex præscribebat absque macula, Maculus, Annu-  
culus, & tamen maior quocumque numero animalium, quæ sufficere possent


XVII.  
*Christi fructu Sa-*  
*cificij non mi-*  
*nuatur ex mul-*  
*tiplicitate par-*  
*ticipantium.*

XVIII.  
*Figura parti-*  
*cipationis Sa-*  
*cificialis.*

XIX.  
*Christus est  
 Agnus maior  
 omni numero.*

ad esum Agni. Tunc sine detrimento singulorum, & sine diminutione partis cuiuscumque potuissent sine dubio assumi non solum vicini omnes, sed & omnes remoti de Populo Israel, nec solum viuentes, sed etiam mortui, & nascituri. Ita planè accidit in re nostra. *Agnus* hic maior est, quàm vt vllus animarum numerus sufficere possit ad vescendum illum; ideo omnes illum ponentes in Sacrificio sine detrimenti periculo, possunt integrè participare, quod saltem in diuersis Sacrificiis concedunt omnes; nam in omnibus Sacrificiis nostris, quæ vel successiue, vel simultaneè offeruntur, idem numero Agnus offertur, & nihilominus integer est vniuscuiusque Sacrificij fructus, & ab aliis independentens, quod autem dicitur de hoc Agno in pluribus distinctis Sacrificiis, idem quantum pertinet ad participationem independentem, dicendum est de eodem in vnico eodemque Sacrificio respectu plurium personarum, quæ ius habent ad integrum fructum; nam si res oblata spectetur, ita se habet in vnico sicut in pluribus Sacrificiis, quod autem fundat Ius ad participandum est positio, vt diximus huiusmodi rei oblata; quid quid sit de actuali participatione fructus, qui sine dubio ad multiplicationem Sacrificiorum, & oblationum multiplicatur, quod autem hic asserimus est, quod sicut participantibus de vno Sacrificio nullo modo pendent in quantitate fructus Sacrificialis à participantibus de altero distincto Sacrificio, ita participantibus de vno, eodemque Sacrificio nullo modo in fructu Sacrificiali pendent inuicem inter se.

Reliquum esset ostendere, vnde nam acquisitum est Ecclesiæ huiusmodi Ius offerentis, quod vnusquisque de Christi familia habet: verum de hac re commodius quæstione vltima.



## QVÆSTIO TERTIA.

*Vtrum non baptizati ius aliquod habeant ad fructus huius Montis.*

- |       |   |
|-------|---|
| I.    | <i>Infideles foris, &amp; longè.</i>                            |
| II.   | <i>An Catechumeni sint intus.</i>                               |
| III.  | <i>Conclusio negativa, eiusque ratio.</i>                       |
| IV.   | <i>Catechumeni distinguuntur à fidelibus.</i>                   |
| V.    | <i>Missæ Catechumenorum.</i>                                    |
| VI.   | <i>Qui non sunt baptizati non sunt nati.</i>                    |
| VII.  | <i>Catechumeni possunt saluari.</i>                             |
| VIII. | <i>Qui non sunt nunc de Ecclesiâ Christiana, de nulla sunt.</i> |
| IX.   | <i>Catechumeni sunt de Ecclesiâ Christiana in Voto.</i>         |



- X. *Sacrificium offerri potest.*  
 X I. *Potest offerri etiam pro Infidelibus.*  
 X I I. *Nemo est incapax Sacrificij.*  
 X I I I. *Baptismus non est Ianua neque Orationis, neque oblationis.*  
 X I V. *Sacrificium est relictum tantum fidelibus, sed non tantum pro fidelibus.*  
 X V. *Ecclesia etiam cum offert pro Infidelibus offert pro se.*



ON baptizati in duplici sunt differentia, quidam enim sunt <sup>I.</sup> *Infideles foris & longe.* omnino Infideles, ut nunc sunt Iudæi, Turcæ, Pagani, & certum est illos, nullum habere ius ad fructus huius Montis, quia nullo modo sunt offerentes, cum sint omnino extrâ familiam Christi; nam de his sine dubio Apostolus loquitur 1. Corint. 5. *Quid enim mihi de iis, qui foris sunt iudicare, ubi generaliter eos omnes foris esse dicit, qui sunt omnino extrâ Ecclesiam, ut explicat S. Thomas, nec solum foris, sed etiam Longè. Ephes. 2. 12. Vos qui aliquando eratis longè facti estis prope in Sanguine Christi.*

Alij sunt, qui licet per Baptismum nondum emiserunt professionem externam fidei, fideles tamen sunt per fidem internam, & saluari absolute possunt si moriantur in illo statu, cuiusmodi sunt omnes, qui dicuntur Catechumeni, & de his potest esse controversia, An ius aliquod habeant ad fructus huius Montis. Sit igitur nostra Conclusio.

*Catechumeni non habent ius ad fructus huius Montis.*

Fundamentum nostrum illud est. Catechumeni non sunt actu, & proprie de Christi familia; ergo non habent ius ad fructus huius Montis. Consequentia est manifesta, quia Mons hic, est mons *Domus* Iacob, & oblatio, quæ ibi fit; dicitur in Sacro Canone oblatio familiæ, & Tridentinum aperte ait, Sacrificium hoc esse relictum dilectæ Sponsæ suæ Ecclesiæ, quæ est Vniuersalis, & sola familia Christi.

Antecedens probatur primo autoritate tum Concilij Florentini loco citato, tum ex Patribus, qui distinguunt Catechumenos à fidelibus, constat autem Christi familiam esse Domum, & Congregationem fidelium; audiamus Patres.

S. Gregorius Nazianzenus Orat. in Sac. Lauacr. dicit Catechumenum esse in Vestibulo Pietatis, nec adhuc posse vocari fidelem, nisi intus ingrediatur per Baptismum.

S. Io: Chrysostomus Homil. 22. in Ioan. dicit, Catechumenum alienum esse à fidele, & nihil habere commune cum eo, non Ciuitatem, non mentem, &c.

Tertullianus lib. de præscriptionibus, reprehendit in Hæreticis, quod non distinguunt Catechumenos à fidelibus.

Cyrillus lib. 12. in Ioan. cap. 30. docet Catechumenos esse apud Christianos, id quod erant incircumcisi apud Iudæos, qui propterea non poterant vesci Agnò Paschali.

Huc pertinet sensus antiquæ Ecclesiæ distinguentis Missam Catechumenorum



V.  
*Missæ Cate-  
chumenorum.*

à missa fidelium, vbi, nomine fidelium comprehendebantur tantum illi, qui fidei suam solemniter professi erant per Baptismum, ideo ceteri omnes, dum illa fidelium Missa celebrabatur, publica voce Diaconi, mittebantur ab Ecclesia. A qua missione tota illa pars Liturgiæ à principio vsque ad offertorium, Catechumenorum Missa dicta est.

VI.  
*Qui non sunt  
baptizati non  
sunt nati.*

Secundo probatur ratione, quia non dicuntur esse in familia, qui nondum nati in illa sunt. Constat autem non aliam esse generationem, & natiuitatem in Domo Ecclesiæ, nisi Baptismum, iuxta illud Ioan. 3. *Nisi quis renatus fuerit ex aqua, & Spiritu Sancto non potest introire in Regnum Dei*, vbi obseruat Toletus illud, *renatus*, magis ad sensum, quam ad verbum translatum esse, nam Græcè simplex est verbum, nisi quis *Natus*, seu potius genitus fuerit; vnde Augustinus lib. 1. de pecc. merit. & remiss. cap. 30. legit, nisi quis natus fuerit. Cum ergo Catechumeni non sint baptizati, vtique non sunt nati, & ideo non dicuntur esse adhuc in familia, & de familia Christi, quæ est Ecclesia: propterea optimè dixit Bellarminus lib. 3. de Ecclesia cap. 3. Catechumenos non esse in Ecclesia actu, & propriè, sed tantum in potentia. Nam legimus Act. 2. *Qui ergo acceperunt Verbum, baptizati sunt, & appositæ sunt in die illa animæ circiter tria millia.* Hunc quoque modum loquendi sequutus est Pater Suarez disp. 11. sect. 1. de Catechumeno respectu Eucharistiæ: non est, inquit, aptus vt nutriatur, *qui nondum est genitus*, quod significatum fuit vt scribit Basilius Homil. 13. in Israelitico populo, qui neque aquam de Petra bibere, nec Celestem panem manducare valuit, donec Mare pertransiit.

VII.  
*Catechumeni  
possunt saluari.*

Sed contra hanc doctrinam illud obstat videtur, quod scilicet Catechumeni, vt indicauimus, si moriantur in illo statu possunt saluari, quod disertis verbis affirmat S. Ambrosius in Oratione de Obitu Valentiniiani, de quorum numero Valentiniianus ipse erat, cum de hac vita migraret, ex quo videtur consequens, illos esse de Ecclesia, nam extrà Ecclesiam nemo saluatur iuxta illud Concilij Lateranensis cap. 1. Vna est fidelium vniuersalis Ecclesia, extrà quam nullus omnino Saluatur. Neque huic difficultati faciunt factis, qui dicunt Catechumenos, & si non sint de Ecclesia, quæ propriè dicitur Christiana, sunt tamen de Ecclesia, quæ comprehendit omnes fideles ab Abel vsque ad Mundi consummationem, nam vt docet Bellarminus; post Christi Aduentum, nulla est vera Ecclesia, nisi illa quæ propriè dicitur Christiana. Si ergo Catechumeni de ista non sunt, de nulla sunt.

VIII.  
*Qui non sunt  
nunc de Eccle-  
sia Christiana,  
de nulla sunt.*

Respondemus igitur cum eodem, extra Ecclesiam neminem saluari intelligi debere de iis, qui neque re ipsa nec desiderio sunt de Ecclesia, sicut de Baptismo in voto communiter loquuntur Theologi, & S. Augustinus lib. 4. contra Donatistas cap. 23. ait: Sine Baptismo Latro saluatus est, quia non eius accipiendi voluntas desinit. Quoniam autem Catechumeni, si non re, saltem Voto, & voluntate sunt in Ecclesia, ideo saluari possunt. Neque tamen hinc sequitur, ex illa voluntate, & Voto acquirere ius ad fructus Sacrificij, sicut in omnium sententia non sequitur acquirere ius ad vlla Sacramenta, neque ad alia, quæ sunt communia vniuersæ familiæ, quia huiusmodi ius sequitur filiationem, filiatio verò natiuitatem, quæ in Ecclesia visibili non habetur nisi per Baptismum re ipsa susceptum.

IX.  
*Catechumeni  
sunt de Eccle-  
sia Christiana  
in Voto.*

Vna superest hoc loco examinanda difficultas, An Missæ Sacrificium possit directè offerri pro Catechumenis; si enim offerri potest etiam pro illis, si-  
gnum esse videtur illis, etiam à Christo relictum esse, atque adeo illos etiam  
ius aliquod habere ad fructus Sacrificij.

P. Vasquez disput. 227. cap. 3. & 4. negat omnino Sacrificium hoc offer-  
ri posse pro Catechumenis, quamvis enim, inquit, possit in Missa pro Ca-  
techumenis orari, non potest tamen Missa pro eis offerri. Verum hoc sine  
sufficienti fundamento dictum videtur, & ut existimo sine vlla necessitate; &  
quidem quod dictum sit sine fundamento ostendit rectè Cardinalis de Lugo  
dis. 19. de Euch. sect. 10: vbi etiam aduertit Ecclesiam ferè nunquam expli-  
care in actu signato, se offerre pro impetranda hac, vel illa re, sed solum  
orare pro illa re dum Sacrificium celebrat. Et hoc ipsum, inquit, est in actu  
exercito offerre ad illam impetrandam. Quod autem dictum sit sine neces-  
sitate, manifestum mihi est ex eo, quia nullo modo negari potest hoc Sacrifi-  
cium offerri posse etiam pro iis, quos certum est nullum habere ius ad com-  
munes fructus Ecclesiæ, ut sunt infideles; nam ut notat Bellarminus lib. 2.  
de Missa cap. 6. In antiqua Ecclesia offerebatur Sacrificium pro Principibus,  
& Regibus, qui tamen erant omnes Infideles, & omnino extrà Ecclesiam;  
quod enim apostolus ait 1. Timoth. 2. *Volo igitur fieri orationes &c.* com-  
muniter à Patribus exponitur de Orationibus, quæ fiunt in Sacrificio, neque  
quidquam facit doctrina de Oratione, ut distinguitur ab oblatione, nam Chry-  
sostom. Homil. 6. in hanc Epistolam expressè dicit pro Rege gentili esse offe-  
rendum, & Tertullianus in lib. ad scapulam, *Sacrificamus*, inquit, pro salu-  
te Imperatoris, & in lege Veteri, *Sacrificabatur* pro vita Regis Darij, & fi-  
liorum 1. Esdræ 6. & in 2. lib. Machab. cap. 1. Pro salute Heliodori gen-  
tilis. Præterea Clemens lib. 8. Constit. cap. 18. docet apostolos obtulisse Sa-  
crificium Eucharistiæ pro Regibus sui temporis; & reductione eorum, qui  
versabantur in errore, & in Liturgia Iacobi sit expressa oratio pro extirpa-  
tione hæresum. Chrysostomus, & Basiliius in Liturgia, similiter erant pro  
toto Orbe Terrarum, & nominatim pro errantibus ut reuocentur ab erro-  
re. Chrysostomus præterea lib. 6. de Sacerdotio, dicit, Sacerdotem Sacri-  
ficantem orare pro peccatis omnium hominum, ut illis Deus propitius fiat.  
Non igitur dubitari potest, ait Bellarminus, quin absolute liceat Sacrificium  
offerre pro iis, qui sunt extrà Ecclesiam, si nulla sit expressa prohibitio, ut de  
excommunicatis; quod si pro infidelibus, qui nullo modo pertinent ad Cor-  
pus Christi, offerre licet, quanto magis pro Catechumenis, qui sunt substan-  
tialiter vniti Ecclesiæ per fidem, & aliquando etiam per Charitatem; quam-  
uis nondum per Baptismum, & Characterem: Merito ergo in Ordine Ro-  
mano vbi describitur scrutinium Tertium, quod agitur Serm. 4. post Do-  
min. 4. Quadragesimæ, instituitur Missa propriè pro Catechumenis.

Sed dices ex doctrina P. Vasquez, ex eo quod Catechumeni nullum habent  
ius ad Sacramenta, incapaces omnino sunt omnium fructuum Sacramentorum;  
ergo si nullum habent ius ad Sacrificium, incapaces etiam sunt fructuum Sacri-  
ficij, ergo sicut ex illa incapacitate non potest illis Sacramentum aliquod con-  
ferri, ita neque pro illis Sacrificium offerri.

X.  
*Sacrificium of-  
ferri potest.*

XI.  
*Potest offerri  
etiam pro infi-  
delibus.*


XII.  
*Nemo est inca-  
pax Sacrificij.*

XIII.  
*Baptismus non  
est Ianua ne-  
que Orationis,  
neque oblatio-  
nis.*

Respondeo negando consequentiam, ut enim loquitur P. Vasquez, quamvis pro Ianua Sacramentorum Christus Baptismus instituerit, ut sine illo nullius Sacramenti fructus quis capax esse possit, tamen institutus à Christo non fuit pro Ianua Orationis. Constat autem Sacrificium sequi naturam Orationis, cuius fructum communem omnibus Christus esse voluit. Quare, & si uul- lum ius habeant infideles, ut Ecclesia pro ipsis oret, tamen sicut capaces sunt fructuum Orationis Ecclesiæ, si pro illis fiat, ita & oblationis, quæ concessa maxime est ad iuuandam orationem. Neque verò hinc sequitur hoc Sacrificium relictum esse etiam infidelibus, quamuis enim non pro sola fidelium salute relictum sit, fidelibus tamen solis relictum est, qui possint etiam pro infidelibus, si uelint illud offerre ad illos impetrandos fructus, quorum illi capaces sunt. Atque hic recolenda est doctrina, quam alibi insinuauimus super illis uerbis Domini Ioan. 16. *Si quid petieritis Patrem in nomine meo, dabit uobis*, an sit promissio hæc intelligenda, quando Ecclesia pro se tantum petit, an etiam quando petit pro aliis extrà Ecclesiam, ubi licet aliqui affirmant, intelligendam Domini sententiam in his, quæ Ecclesia pro se petit, Nixi præsertim illo uerbo: *dabit Vobis*, filiis uidelicet Ecclesiæ. Tamen cum communiori Doctorum diximus, intelligendam etiam in his, quæ pro infidelibus petit; quia quando Ecclesia pro infidelibus orat, & exauditur, quamuis quod petit conferatur illis, pro quibus orat, tamen ipsa, quæ orat, est quæ exaudiri dicitur, & quæ impetrat, & cuius petitio fructuosa est, idcirco dicitur: *fiat uobis*, idest, quod vos fideles petitio consequimini, siue id sit pro uobis, siue pro aliis. Idem dicimus de oblatione, cuius impetratio non respicit immediatè personas, quibus confertur effectus, sed Ecclesiam, quæ postulat, unde quando offert pro Catechu- menis, seu etiam infidelibus, non tam offert pro illis, quam pro se, ut impetret sibi immediatè argumentum corporis sui iuxta id, quod docuit S. Thomas in 4. distinct. 12. quæst. 2. art. 2. q. 2. ad 4. quod tunc scilicet offertur ab Ecclesia etiam pro membris Christi, quando offertur pro aliquibus ut fiant membra Christi.

XIV.  
*Sacrificium est  
uoluntarium tan-  
tum fidelibus,  
sed non tantum  
pro fidelibus.*

XV.  
*Ecclesia etiam  
cum offert pro  
infidelibus, of-  
fert pro se.*



## QVÆSTIO QVARTA.

*An Hæretici, et Apostata habeant ius aliquod ad  
fructus huius Montis.*

- |      |   |
|------|---|
| I.   | <i>Ratio dubitandi.</i>                         |
| II.  | <i>Conclusio negativa, eiusque fundamentum.</i> |
| III. | <i>Hæresis est naufragium.</i>                  |

- I V. *Hæreticus ex se condemnatus.*  
 V. *Hæreticus foras Ecclesiam.*  
 V I. *Hæretici, & Apostata humores noxi Ecclesie.*  
 V I I. *Hæretici Simia.*  
 V I I I. *Ratio fundamentalis ex definitione Ecclesie.*  
 I X. *Hæretici non sunt Christiani.*  
 X. *Ecclesia potest Hæreticos indicare, & punire.*  
 X I. *Duo gladij Ecclesia.*  
 X I I. *Cur Ecclesia potest indicare de Hæreticis, non verò de Paganis.*  
 X I I I. *An Papa hæreticus manifestus sit ipso facto depositus.*  
 X I V. *Hæretici nullo modo sunt Christiani.*  
 X V. *Character Sacramentalis quid præstet.*  
 X V I. *Non habet actum unire.*  
 X V I I. *Hæretici Iurisdictionis incapaces.*  
 X V I I I. *Papa hæreticus est ipso facto depositus.*  
 X I X. *Papa quamdiu non est depositus à nemine potest iudicari.*  
 X X. *Reiicitur sententia Cæterani.*  
 X X I. *An Hæretici presbiteri sint Ministri Ecclesie.*  
 X X I I. *Hæretici rite ordinati sunt veri Ministri Sacramentorum Ecclesie.*  
 X X I I I. *Licet Sacramenta sint Ecclesia, ipsi tamen non sunt Ministri Ecclesie.*



O Q V I M V R de Hæreticis, & Apostatis verè baptizatis, nulla ratione habita excommunicationis adiunctæ, & querimus an ex natura rei, seclusa Ecclesiastica censura, ius aliquod habeant ad hoc Sacrificium. Ratio dubitandi non est levis; quia ut ait P. Vasquez disp. 228. cap. 3. Hæretici verè baptizati ex se capaces sunt effectus Sacramentorum ratione suscepti Baptismi, licet aliquem effectum illorum ratione prauæ dispositionis non recipiant. Quocirca si quis eorum rite ordinetur, Characterem Ordinis, & potestatem illius accipit, quamvis gratiam habitualement, seu argumentum illius prauam suam dispositionem non recipiat; sicuti ergo ratione Baptismi ius aliquod habere videntur ad Sacramenta ita etiam ad Sacrificium.

Sed nos iactis fundamentis incumbentes, negatiuum statuimus conclusionem, quam sumimus ex Concilijs, Nicæno, & Lateranensi locis infra citandis, & probamus hoc pacto.

Hæretici, & Apostata quantumvis rite baptizati non sunt membra, & pars familiæ Christi; ergo nullum habent ius ad fructus huius Montis, qui ut vidimus, Mons est familiæ Christi consequentia ex dictis est manifesta. Antecedens probatur à Bellarmino Tom. 2. Contr. lib. 3. cap. 4. ex Scripturis, Concilijs, & Patribus. Et primo ex Scripturis quæ hoc indicant, nam 1. Timot. 1. dicitur: *Quidam circa fidem naufragauerunt*, quo loco per Metaphoram naufragij intelligit Apostolus Hæreticos fracta vna parte naui Ecclesiæ ex ea in Mare decidisse. Adde ex S. Thoma, meritò naufragium dici circa fidem, qui

I.  
Ratio dubitandi.

II.  
Conclusio negatiua eiusque fundamentum.

III.  
Hæresis est naufragium.

enim contra fidem errat, perdit omnia, quæ habet, cum *sine fide impossibile sit placere Deo*. Hebr. 11. & rursus, qui contra fidem errat, moi dicitur: quia Iustus meus ex hde viuic. Abac. & Rom. 1.

## IV.

*Hæreticus ex se  
prio iudicio condemnatus.*

Præterea ad Titum 3. ait Apostolus: *Hæreticum hominem deuota cunctis proprio iudicio condemnatus*. Vbi Apostolus Episcopo præcipit, vt hæreticum vitet, quod certè non iuberet, si eilet intra Ecclesiam: debet enim Pastor non vitare, sed curare eos, qui ad suum gregem pertinent, & addit rationem, quia talis pertinax hæreticus est proprio iudicio condemnatus, idest, vt Hieronymus exponit, non est eiecus ab Ecclesia per excommunicationem, vt multi alij peccatores, sed ipse seipsum ab Ecclesia eiecit.

## V.

*Hæreticus for-  
tus Ecclesiam.*

Item 1. Ioan. 2. *Ex nobis exierunt, sed non erant ex nobis*, idest ex nobis exierunt, quia erant nobiscum in eadem Ecclesia, sed non erant ex nobis secundum Diuinam electionem, vt Augustinus exponit lib. de Bono seru. cap. 8. vbi nota, Bellarminum ob maiorem claritatem maluisse legere, exierunt, quam prodierunt, quamquam in editione vulgata non habeatur, *ex nobis exierunt*, sed ex nobis prodierunt, sed sequutus est vir doctissimus, exemplum S. Cypriani, & S. Augustini, qui hoc Ioannis verbo, in Hæreticos suite temporis inuehuntur. Audi Cyprianum lib. 1. epist. 8. Nemo, inquit, existimat bonos de Ecclesia posse discedere, triticum non rapit ventus, nec arborem solida radice fundatam procilla subuertit; inanes palæ tempestati iactantur, inuolidæ arbores turbinis incurusione eueruntur. Hos execratur, & percutit Ioannes Apostolus, dicens: *Exierunt ex nobis, sed non erant ex nobis*: Audi Augustinum super hunc locum, Ioanne ipso, inquit, exponente, intelligitis non posse *exire foras* nisi Antichristum, eos autem, qui non sunt Christo contrarij foras exire nullo modo posse, qui enim non est Christo contrarius, in corpore ipsius hæret, & membrum computatur: Sic S. Augustinus, qui paulò post pulchrè explicat, quæ ratione quidam sint nobiscum, nec tamen sint ex nobis. Sic sunt, inquit, in corpore Christi quomodo humores mali quando exeunt, tunc Ecclesia releuatur, & dicit quando eos euomit, atque proicit corpus; ex me exierunt humores isti, sed non erant ex me, non de carne mea præcisi sunt, sed pectus mihi premebant cum inessent. Ex nobis *exierunt*, sed nolite tristes esse; non erant ex nobis.

Secundo probatur ex Conciliis, & primo ex Nicæno cap. 8. & 19. vbi Hæretici dicuntur posse recipi in Ecclesiam si redire velint, cum certis tamen conditionibus. Deinde ex Concilio Lateranensi vbi Ecclesia dicitur fidelium Congregatio. Constat autem Hæreticos nullo modo esse fideles.

## VII.

*Hæretici Si-  
mæ.*

Tertio probatur ex Patribus. Irenæus lib. 3. cap. 5. dicit, Polycarpum multos hæreticos ad Ecclesiam conuertisse, ex quo sequitur eos antea fuisse de Ecclesia egressos. Tertullianus lib. de præscriptione, dicit, Marcionem cum ad Ecclesiam redire vellet conditionem accepisse, vt ceteros, quos peruceterat, Ecclesie restitueret. Cyprianus in Epist. ad Iubalanum, dicit, hæreticos cum sint extra Ecclesiam, tamen vindicare sibi Ecclesie autoritatem more simiarum, quæ cum homines non sint, tamen homines videri volunt, S. Augustinus lib. de Vnit. Eccles. cap. 4. qui non credunt, non vtique sunt in Ecclesia. Omitto alios.



Ratio autem nostræ Conclusionis sumenda est à definitione ipsa Ecclesiæ, seu familiæ Christi, quæ est multitudo hominum eiusdem Christianæ fidei professione, & eorundem Sacramentorum communione colligata sub regimine legittimorum Pastorum, ac præcipuè vnius Christi in Terris Vicarij Romani Pontificis. Ex quarum partium consideratione clarè conficitur, hæreticos non esse de corpore Ecclesiæ; qua enim ratione ait Bellarminus eos de Ecclesiæ corpore esse dicamus, qui cum eo nullam omnino coniunctionem habent: nam talis coniunctio in professione potissimum vnius huius, & earundem legum, ac rituum observatione consistit.

Sed dices primo. Hæretici verè baptizati, absolutè sunt Christiani; ergo sunt de familia Christi.

Respondeo, si loquamur de Hæreticis manifestis, 'de quibus hic sermo est, qui scilicet nec in corde, nec in ore veram Christi fidem habent, negamus esse verè, ac propriè Christianos: Christianus enim, nomen est externæ professionis, vnde Christiani dici non possunt, qui Christi veram legem, ac fidem publicè non colunt, ac sequuntur. Ideo antiqui Patres, quales sunt Tertullianus lib. de Pudicitia. Cyprianus lib. 4. Epist. 2. Athanasius serm. contra Arrianos, & Augustinus lib. de Gratia Christi cap. 11. apertè dicunt huiusmodi hæreticos non esse verè Christianos. Huc refero quod dixit S. Hieronymus in Dialogo contra Luciferianos circa finem. Sicubi audieris, inquit eos, qui dicuntur Christi, non à Domino Iesu Christo, sed à quoquam alio nuncupati, ut puta Marcionistas, Valentiniolos, Montenses, siue Campenses, scito non Ecclesiam Christi, sed Ante-Christi esse Synagogam.

Dices secundo. Hæretici ab Ecclesia iudicantur, & puniuntur, & possunt temporalibus, etiam pœnis, & morte ipsa mulctari; ergo Hæretici non sunt foris, sed intra Ecclesiam; nam *Quid mihi est*, inquit Paulus 1. Corinth. 5. *de iis qui foris sunt, indicare*: Antecedens patet ex legibus Ecclesiæ, item ex Constantiensis Concilio sess. 15. vbi damnatur sententia Ioannis Hus, asserentis non licere hæreticum incorrigibilem tradere seculari potestati, & permittere comburendum. Et præterea ex Leone decimo, qui damnauit Articulos Lutheri, hoc idem affirmantis in Articulo 33.

Respondeo. concedendo antecedens, quod non solum ex Scriptura Veteris Testamenti, sed ex Nouo confirmat Bellarminus lib. 3. de Laicis, nam habemus in primis Matth. 18. posse Ecclesiam eos, qui obedire nolunt, à se reicere, & habere sicut Ethnicos, & Publicanos, ac proinde permittere eos potestati seculari tanquam non amplius Ecclesiæ filios. Habemus deinde Rom. 13. Sæcularem potestatem posse scelestos homines gladio punire. *Non enim*, inquit, *sine causa gladium portat, minister enim Dei est vindex in ira*. Ex quibus duobus locis apertè colligitur, ait Bellarminus, licitum esse Hæreticos ab Ecclesia abscindi, & à seculari iudice morte mulctari, sicut autem illa habet Principes Ecclesiasticos, & Sæculares, qui sunt quasi duo Ecclesiæ brachia, ita duos habet gladios spirituales, & materiales, & ideo quando manus dextera gladio spirituali non potuit hæreticum convertere, inuocat auxilium brachij sinistri, ut gladio ferreo hæreticos coerceat, vbi obiter nota cum S. Bernardo lib. 4. de Considerat. Gladium ferreum esse etiam gladium Patris, qui cum negant,

VIII.

Ratio fundamentalis ex definitione Ecclesiæ.

IX.

Hæretici non sunt Christiani.

X.

Ecclesiæ potest. Hæreticos iudicare, & punire.

XI.

Dns gladij Ecclesiæ.

ait Bernardus, non satis mihi videntur attendere verbum Domini dicentis sic: conuerte gladium tuum in vaginam, tuus ergo & ipse tuo forsitan nutu, & si non tua manu euaginandus, alioqui si nullo modo ad te pertineret, & is, dicentibus Apostolis: *Ecce duo gladij hic*, non respondisset Dominus, *satis est*, sed nimis est. Vterque ergo Ecclesiæ, & spiritualis scilicet gladius, & materialis, sed is quidem pro Ecclesia, ille verò, & ab Ecclesia exercendus est ille Sacerdotis, is Militis manu, sed sane ad nutum Sacerdotis, & iussu Imperatoris: Hæc Bernardus.

## XII.

*Cur Ecclesia  
potest iudicare  
de Hæreticis,  
non verò de Pa-  
ganis.*

Concedendum est ergo vltro antecedens, sed neganda est consequentia, quia vt ait idem Bellarminus, licet Hæretici sint extra Ecclesiam, nec sint de Ecclesia, habent tamen debitum, & obligationem manendi intus; illi enim promiserunt, professique sunt se Christi fidem seruaturus, idque per professionem solemnem Baptismi.

Potest autem Ecclesia iudicare de iis, qui re ipsa intus sunt, vel certe esse debent, sicut Pastor reuera potest Ouem, quæ extrà Ouile errat per montes, cogere iterum ad Ouile, & Imperator potest desertorem militiæ, qui transfugit ad Castra hostium, vi cogere ad sua Castra, aut etiam suspendere; Apostolus autem loquitur de iis, qui ita foris sunt, vt nunquam fuerint intus. Quæ est aperta differentia inter Paganos, & Hæreticos. In illis enim, qui fidem nunquam receperunt, quamuis fides libera non sit ab obligatione Iuris Diuini, est tamen libera ab obligatione Iuris humani; & ideo licet Deus illos puniat, homines tamen non possunt cogere, ac in iis, qui eam in Baptismo professi sunt, non est libera ab obligatione, nec iuris Diuini, nec humani, & ideo cogunt homines, vt ea seruentur.

Dices tertio. Hæretici semper retinent Characterem baptismalem, immodò etiam Characterem Sacerdotij, si semel fuerint ritè initiati; ergo non solum sunt de Ecclesia, tanquam Christiani, sed etiam sunt eiusdem Ecclesiæ veri Sacerdotes; ergo absolute pertinent ad familiam Christi. Et confirmatur à fortiori, quia si Papa incidat in hæresim manifestam, non est ipso facto depositus, quamuis possit, ac debeat deponi ab Ecclesia; si autem hæreticus manifestus nullo modo esset Christianus, hoc ipso talis Papa esset depositus ante omne Iudicium Ecclesiæ, quia hoc ipso desineret esse membrum, atque adeo Caput corporis Ecclesiæ.

## XIII.

*An Papa hæ-  
reticus mani-  
festus sit ipso  
facto depositus.*

Propter hoc argumentum dixerunt aliqui, quibus fauet Cardinalis Caietanus in Apologia cap. 25. Hæreticos non esse quidem Christianos simpliciter, sed tamen esse Christianos secundum quid, nam cum duo faciant Christianum, fides, & Character, Hæretici amissa fide, adhuc retinent Characterem, & ratione illius adhuc adherent aliquo modo Ecclesiæ, & capaces sunt Iurisdictionis. Hinc docuit vltèrius Caietanus in Tract. de Authorit. Papæ; Papam hæreticum manifestum non esse ipso facto depositum, sed posse, ac debere deponi ab Ecclesia; neque hinc sequi Ecclesiam ex eo quod Papam deponit, habere autoritatem in Papam, sed solum in illam coniunctionem personæ cum Pontificatu, vt enim Ecclesia potest coniungere Pontificatum cum tali persona, & tamen non dicitur propterea esse supra Pontificem, ita potest separare Pontificatum à tali persona in casu hæresis, & tamen non dicitur esse supra Pontificem.

At nos inherentes iudicio Bellarmi lib. 2. de Roman. Pont. cap. 30. existi-

namus prædictam responſionem ſuſtineri non poſſe ob quatuor, quæ inuoluit plane falſa. Primum, Hæreticos manifeſtos eſſe aliquo modo Chriſtianos. Secundum, eſſe capaces Iuriſdictionis, & retinere dignitatem Eccleſiaſticam, donec ab Eccleſia ſpolientur. Tertium, Papam hæreticum manifeſtum non ipſo facto eſſe depoſitum. Quartum, poſſe Papam hæreticum ab Eccleſia deponi verè, & ex autoritate.

Et primo falſum eſt, hæreticos manifeſtos eſſe aliquo modo Chriſtianos, quia nullo modo ſunt partes, & membra Eccleſiæ, vt teſtantur Cyprianus, Auguſtinus, Gregorius, duoque Concilia, Lateranenſe, & Florentinum apud Canum lib. 4. de locis cap. 2. qui ait abſurdum eſſe, qui Catholicæ Eccleſiæ partes non ſunt, hos Eccleſiæ partes aſſerere, & ſanè non video, qua ratione dicendi ſint Chriſtiani, qui neque animo, neque corpore, ſue neque vnione interna, neque externa vniti ſunt Chriſto. Nam quod Catechumeni dicantur aliquo modo Chriſtiani, id licet non faciat externa vnio cum Chriſto, facit tamen interna; ruſum quod Hæretici occulti dici etiam poſſint, & debeant Chriſtiani, ideo eſt quia verè externa illa vnione per confeſſionem externam fidei, & viſibilem Sacramentorum participationem vniti ſunt Chriſto. At Hæretici manifeſti quid habent, per quod vniantur actu cum Chriſto? Habent Characterem Baptiſmi. Proſectò habent; verum ſi ad vniendum aliquem cum Chriſto, & conſtituendum illum in Eccleſia, character ſufficeret, vtique etiam in Inferno eſſet Eccleſia, & damnati eſſent aliquo modo, actu membra Chriſti; cum tamen ex S. Thoma damnati ne potentia quidem amplius ſint membra Chriſti: neque verum eſt Characterem vnire propriè hominem cum capite, ſed eſt ſignum poteſtatis, & vnionis cuiuſdam; & ideo in Inferno, illo ſigno cognoscentur, quæ fuerunt membra Chriſti, ſicut dignoſcuntur oues perditæ, ſeu potius mortuæ per Characterem inuſtum in dorſo, & deſertores militiæ interfecti per ſigna militaria. Et ſanè ait Bellarminus, ſi ratione Characteris hæreticus maneret actu conjunctus cum Eccleſia, nunquam poſſet præcidi, & ſeparari actu ab ea, quia Character eſt indelebilis, cum tamen omnes fateantur quosdam poſſe præcidi de facto ab Eccleſia; igitur Character non facit hominem hæreticum eſſe actu in Eccleſia, ſed ſolum eſſe ſignum, quod fuerit in Eccleſia, & quod debeat eſſe in Eccleſia. Quomodo Character Ovi impreſſus, quando illa errat in montibus, non facit eam eſſe in Ouilis, ſed indicat ex quo Ouilis, & quo iterum compelli poſſit.

Falſum eſt ſecundum, Hæreticos ſcilicet manifeſtos Eccleſiaſticæ Iuriſdictionis, & dignitatis cuiuſuius eſſe capaces, nam Sancti Patres concorditer docent, ait Bellarminus non ſolum illos eſſe extrà Eccleſiam, ſed etiam ipſo facto carere omni Iuriſdictione, & dignitate: Satis nobis ſit vnum teſtimonium S. Cypriani To. lib. 1. Epist. 6. Dicimus, inquit, omnes omnino hæreticos, atque Schiſmaticos nihil habere poteſtatis, & Iuris. Idem lib. 2. Epist. 1. docet hæreticos ad Eccleſiam redeuntes, ſuſcipiendos, vt laicos, etiamſi antea in Eccleſia Presbyteri, vel Episcopi fuerint. Et lib. 4. Epist. 2. dicit, Nouatianum, qui fuit Papa in Schiſmate cum Cornelio, & ſi verus, ac legitimus Papa fuiſſet, tamen eo ipſo caſurum fuiſſe à Pontificatu ſi ſe ab Eccleſia ſepararet.

Hinc falſum eſſe patet Tertium, quod ſcilicet Papa hæreticus manifeſtus, non ſit ipſo facto depoſitus, nam Patres vniuerſaliter docent, quod ait Optatus lib. 1.

XIV.  
*Hæretici nullo modo ſunt Chriſtiani.*

XV.  
*Character ſacramentalis quid præſtet.*

XVI.  
*Non habet actu vnire.*

XVII.  
*Hæretici Iuriſdictionis incapaces.*

XVIII.  
*Papa hæreticus*

*est ipso facto  
depositi.*

contra Parmenianum, hæreticos, & Schismaticos, clauēs Regni Cælorum habere non posse, nec soluere, aut ligare, quod satis clarè probat authoritas Apostoli superius allata ad Tit. 3. Ibi enim iubet hæreticum post duas correptiones, idest postquam manifestè apparet pertinax, vitari, & intelligit ante omnem excommunicationem, & sententiam Iudicis, vt ibidem scribit Hieronymus, vbi dicit, alios peccatores per sententiam excommunicationis excludi ab Ecclesia, hæreticos autem per se discedere, & præcidi à Corpore Christi. At non potest vitari Papa, manens Papa. Quomodo enim, ait Bellarminus vitabimus Caput nostrum? quomodo recedemus à membro nobis conjuncto? Potest autem Ecclesia vitare, immò & iudicare, & punire si per se, & non per depositionem, desinat esse Papa, & Caput; mentò autem desinit esse Caput id, quod non est membrum, non est autem membrum Ecclesiæ, qui non est Christianus, quod verò hæreticus manifestus, non sit Christianus apertissimè docent Patres, quos superius citauimus.

#### XIX.

*Papa quædiu  
non est deposti-  
tus à nemine  
potest iudicari.*

Denique Quartum. Illud de depositione Pontificis ex Ecclesiæ autoritate patet etiam esse falsum, non quod existimemus hæreticum Papam iudicari non posse; nam scimus in Octaua Synodo Ad. 7. recitari acta Concilij Romani sub Hadriano, in quibus continebatur, Honorium Papam Iure videri anathematizatum, quia de hæresi fuerat conuictus, ob quam solam causam licet minoribus iudicare maiores, vbi notat Bellarminus, quod & si probabile sit Honorium non fuisse hæreticum, & Hadrianum secundum Papam deceptum ex corruptis exemplaribus sextæ Synodi, falsò putasse Honorium fuisse hæreticum; tamen non possumus negare quin Hadrianus cum Romano Concilio, immò & tota Synodus octaua generalis, senserit in causa hæresis posse Romanum Pontificem iudicari. Itaque hoc non negamus, sed dicimus in illo casu posse Papam iudicari, & puniri, quia antecederet ad Iudicium Ecclesiæ desinit esse Papa, proprio iudicio condemnatus, vt docet Apostolus, hoc est præcisus à corpore Ecclesiæ aut omnem excommunicationem ex natura hæresis, vt exponit Hieronymus; in Sententia autem Caietani, qui docet Papam hæreticum manifestum non esse ipso facto depositum, sequeretur hoc, quod dicimus esse falsum, Ecclesiam nimirum in illo casu esse supra Papam: punire enim, & iudicare est superioris, & Iudicis, vnde ex eo quod Papa deponit Episcopos, deducimus Papam esse super omnes Episcopos. Neque verò quidquam facit subtilitas illa de autoritate Ecclesiæ, non in Papam, sed in conjunctionem personæ illius cum Papatu, vt sicut possunt Cardinales Electores coniungere Pontificatum cum tali persona, & tamen non dicuntur propterea Electores esse supra Pontificem, ita possint separare Pontificatum à tali persona in casu hæresis, & tamen non dicentur esse supra Pontificem, nam dispensationem, eamque satis claram affert Bellarminus, quia dum res sit, actio exercetur circa materiam rei futuræ, non circa compositum, quod nondum est, at dum res destruitur exercetur circa compositum, vt patet in rebus naturalibus. Itaque Cardinales dum Pontificem creant, exercent suam autoritatem, non supra Pontificem, quia nondum est, sed supra materiam idest circa personam, quam per electionem quodammodo disponunt, vt à Deo Pontificatus formam recipiat, at si Pontificem deponerent, necessario exercerent authoritatem supra compositum, idest supra personam Pontificia dignitate præditam, idest supra Pontificem, sicut Pontifex ipse deponens Episcopum, licet non destruat Episcopatum, sed solum

#### XX.

*Rejicitur Sen-  
tentia Caieta-  
ni.*

Rejicitur Sententia Caietani, qui docet Papam hæreticum manifestum non esse ipso facto depositum, sequeretur hoc, quod dicimus esse falsum, Ecclesiam nimirum in illo casu esse supra Papam: punire enim, & iudicare est superioris, & Iudicis, vnde ex eo quod Papa deponit Episcopos, deducimus Papam esse super omnes Episcopos. Neque verò quidquam facit subtilitas illa de autoritate Ecclesiæ, non in Papam, sed in conjunctionem personæ illius cum Papatu, vt sicut possunt Cardinales Electores coniungere Pontificatum cum tali persona, & tamen non dicuntur propterea Electores esse supra Pontificem, ita possint separare Pontificatum à tali persona in casu hæresis, & tamen non dicentur esse supra Pontificem, nam dispensationem, eamque satis claram affert Bellarminus, quia dum res sit, actio exercetur circa materiam rei futuræ, non circa compositum, quod nondum est, at dum res destruitur exercetur circa compositum, vt patet in rebus naturalibus. Itaque Cardinales dum Pontificem creant, exercent suam autoritatem, non supra Pontificem, quia nondum est, sed supra materiam idest circa personam, quam per electionem quodammodo disponunt, vt à Deo Pontificatus formam recipiat, at si Pontificem deponerent, necessario exercerent authoritatem supra compositum, idest supra personam Pontificia dignitate præditam, idest supra Pontificem, sicut Pontifex ipse deponens Episcopum, licet non destruat Episcopatum, sed solum



separet ab illa persona; verè exerceat authoritatem supra compositum, & supra Episcopum.


Dices Quarto. Hæretici manifesti, si alioqui legitimè ordinati sint Presbyteri, aut Episcopi, sunt veri Ministri Sacramentorum Ecclesiæ, eiusque Sacrificij; ergo ipsi verè pertinent ad familiam Christi, quæ est Ecclesia. Consequentia videtur clara, quia Ministri familiæ sunt de familia. Antecedens probatur, quia si Ministri Sacramentorum, & Sacrificij sunt, profectò Sacramentorum, & Sacrificij Ecclesiæ Ministri sunt, quia Sacramenta sunt solius Ecclesiæ Catholicæ, quam Christus condidit, & extrà Ecclesiam non est verum Sacrificium. Quod autem veri Ministri Sacramentorum, & Sacrificij sint, patet, quia potestas Ordinis supernaturalis non aufertur per infidelitatem, aut quodcumque aliud peccatum, neque ita ligatur, quin si operetur, factum teneat, quando potestatem Iurisdictionis simul non requirit; potestas autem conficiendi Sacramentum, & Sacrificium, potestas solius Ordinis est, quæ cum detur per impressionem Characteris, efficitur, ut per nullam Ecclesiæ prohibitionem Sacerdos privari possit hac potestate, aut etiam usu eius quoad hoc, ut Sacramentum factum teneat, quia Character Sacerdotalis est indelebilis. Cum ergo huiusmodi hæretici veri Ministri maneant Sacramentorum Ecclesiæ, videntur etiam manere ratione ministerij in corpore Ecclesiæ.

Respondeo concedendo tales hæreticos legitime ordinatos esse veros Ministros Sacramentorum Ecclesiæ propter rationem factam in argumento, quia per infidelitatem non aufert Deus à Ministro datam ei semel potestatem, sicut nec per quodcumque aliud peccatum, cum quia Authoritas conferendi Sacramenta non est gratia gratum faciens, sed gratis data, cuius generis gratias constat in Infidelibus, & peccatoribus esse posse, cum quia talis autoritas non datur in vti itatem habentis, sed aliorum; unde non erat conveniens, ut auferretur propter peccatum aut infidelitatem habentis, sic enim vnus puniretur ob culpam alterius. Ex hoc tamen non sequitur illos esse Ministros Ecclesiæ, atque adeo neque ex hac parte sequitur illos esse de Ecclesia. Aliud ergo est, esse Ministrum Sacramenti Ecclesiæ, aliud esse Ministrum Ecclesiæ. Sacramenta semper sunt Ecclesiæ, etiam si interdum extrà Ecclesiam reperiantur; quocirca cum veniunt ad Ecclesiam baptizati ab Hæreticis, agnoscendum est quod est Ecclesiæ, idest Baptisma, & retinendum, & error tantum rejiciendus, & corrigendus est. Similiter sacrificium semper est Ecclesiæ, etsi Sacerdos hæreticus illud offerat, & quamvis extrà Ecclesiam offerat, Sacrificium tamen Ecclesiæ offert, sed quamvis Sacramenta, & Sacrificia semper sint Ecclesiæ, ipsi tamen non sunt Ministri Ecclesiæ, quia præcisi sunt ab Ecclesia, & nullam ab illa habent authoritatem, Iurisdictionem, aut facultatem ullam, ut in illius persona, & nomine agant.


XXI.  
*An hæretici  
presbyteri sint  
Ministri Eccle-  
siæ.*

XXII.  
*Hæretici rite  
ordinati sunt  
veri Ministri  
Sacramento-  
rum Ecclesiæ.*

XXIII.  
*Licet Sacra-  
menta sint Ec-  
clesiæ ipsi tamè  
non sunt Mini-  
stri Ecclesiæ.*







# QVÆSTIO V.

*An Schismatici ius aliquod habeant ad fructus  
huius Montis.*

- I. *Proponitur ratio dubitandi.*  
 II. *Conclusio negativa, eiusque fundamentum.*  
 III. *Qua ratione Ecclesia est vna.*  
 IV. *Schismatici non sunt Catholici.*  
 V. *An Schismatici possint esse veri Martyres.*  
 VI. *Pars scissa ab Ecclesia non est Ecclesia.*  
 VII. *Schismatici non habent Christum Caput.*

I.  
*Proponitur ra-  
tio dubitandi.*



E Schismaticis aliqua videtur ratio dubitandi, quia nonnulli Catholicorum, vt Bellarminus testatur, affirmant, eos esse de Ecclesia, atque adeo de Christi familia; & ratio pro hac Sententia esse potest, quia Schismatici verè fidem Catholicam habent, vnde videtur sequi, eos esse verè Catholicos, & quamvis nolint subesse Pontifici, verè tamen volunt subesse Christo Summo Capiti. Quare cum Ecclesia sit fidelium Congregatio sub vno Capite Christo, videntur Schismatici esse de Ecclesia, vel saltem non omnino extrà illam esse; atque adeo participes aliquo modo fieri de iure ad fructus Montis, quem habent homines eiusdem familiar.

II.  
*Conclusio negati-  
ua, eiusque  
fundamentum.*

At nos contrario prorsus nixi fundamento, dicimus Schmaticos nullum ius habere ad fructus Montis familiar, seu Ecclesiæ Christi, quia verè non sunt de familia, & Ecclesiæ Christi.

Et ratio fundamentalis assertur à Bellarmino lib. 3. cap. 5. Quia de ratione Ecclesiæ est, vt sit vna vnione membrorum inter se, & cum suo Capite, ergo illi tantùm sunt in Ecclesia, qui verè sunt in communionem Capitis, & aliorum membrorum. Constat autem Schmaticos, non in ea communionem, sed in opposita separationem esse, hoc enim (Schisma) significat, & facit, scissionem scilicet eius, quod vnum erat, in partes; ergo Schismatici non sunt de Ecclesia; quemadmodum pars scissa à corpore non est amplius pars eius corporis, neque est in Corpore, aut de Corpore.

III.  
*Qua ratione  
Ecclesia est  
vna.*

Quod autem vnitas essentialis Ecclesiæ consistat in illa conjunctione membrorum inter se, & cum Capite, probat Bellarminus percurrendo omnes vnitates, quæ inveniuntur in Ecclesia, cuiusmodi sunt vnitas primi Principij, vnitas vltimi finis, vnitas mediorum, vnitas Spiritus Sancti, vnitas Capitis Christi, eiusque Vicarij, denique vnitas connexionis membrorum inter se. Iam verò inter has vnitates illæ,

quæ faciunt propriè Ecclesiam vnam, sunt duæ ultimæ; nimirum vnitas ratione eiusdem Capituli, tanquam interni, & conjuncti Rectoris. Et rursum vnitas ratione connexionis membrorum inter se, & præcipuè cum principali membro, quod est Caput; de prima loquitur Apostolus Ephes. 1. *Ipsam dedit caput super omnem Ecclesiam*; ipsum, hoc est Christum, eiusque Vicarium, Ioan. vltim. *Simon Petre pascere oues meas*. De secunda idem Apostolus loquitur Rom. 12. *Vnum corpus sumus alter alterius membra*. Hæ duæ vnitates, ait Bellarminus, faciunt propriè Ecclesiam vnam; nam per primam, inquit, Ecclesia, non tam est vna, quàm ex vno. Per secundam non tam est vna, quàm ad vnum. Per tertiam non tam est vna, quàm per vnum. Per quartam non tam est vna, quàm sub vno. Per quintam, & sextam propriè est vna, idest vnum corpus, vnus populus, vna societas. Schisma autem opponitur his vnitatibus postremis, tunc enim est Schisma, quando vnum membrum non vult amplius esse membrum illius corporis, nec sub illo Capite, quare tollit vnitatem essentialem, atque Ecclesiam ipsam, Schismaticus igitur non est de Ecclesia.

Sed obiecis primo. Schismatici sunt Catholici, ergo sunt de Ecclesia Catholica, ergo idem ius habent, quod reliqui de familia Christi. Antecedens probatur, quia Schismatici fidem Catholicam habent, & simpliciter ea credunt, quæ nos credimus, vt ait S. Augustinus de Fide, & Symbolo cap. 10. Consequentia patet, quia vt definiuit Papa Nicolaus, Ecclesia est Catholicorum Congregatio.

Respondeo. Negando antecedens, quamuis enim sit verum Schismaticos fidem Catholicam habere, quia tamen eam fidem Ecclesia Catholica non profitentur, propterea dici propriè Catholici non possunt. Quod satis probat testimonium totius Ecclesiæ, quæ in Parascue orat pro hæreticis, & Schismaticis, vt eos Deus ad Ecclesiam Catholicam reuocare dignetur. Quod certè non faceret ait Bellarminus, si eos in Ecclesia Catholica esse crederet. Accedit Augustinus ipse adductus in argumento. Credimus, inquit, & sanctam Ecclesiam vtique Catholicam; nam & Hæretici, & Schismatici Congregationes suas, Ecclesias vocant; sed Hæretici de Deo falsa sentiendo ipsam fidem violant; Schismatici autem discessionibus iniquis à fraterna charitate dissiliunt, quamuis ea credant, quæ credimus. *Qua propter ne hæreticus pertinet ad Ecclesiam Catholicam quoniam diligit Deum, nec Schismaticus quoniam diligit proximum.*

Obiecis secundo. Si Schismatici in odium veræ fidei Catholicæ, quam profitentur, à Tyrannis occiduntur; sunt veri Martyres; ergo pertinent ad Ecclesiam Catholicam, quia extrà illam verum Martyrium non inuenitur.

Respondeo negando antecedens, nam ita docet sanctus Chrysostomus in Moral. Homil. 11. Schismatis peccatum, ne martyrio quidem potest expiari; quod intellige, ait noster Cornelius in cap. 4. ad Ephes. Si in Schismate manens quis pro fide occidatur, & Martyr fiat, tunc enim licet materialiter sit Martyr, formaliter tamen non est, quia Martyrium requirit, vt Martyr sit in Ecclesia, nec ab ea per Schisma separetur. Sed quid tandem fiet de Schismatico, qui pro vera in Christum fide, manens tamen in Schismate, mortem oppetat? Aio dimidiam partem priuilegij veri Martyrij illi obuenturam, nimirum vt nullo modo per Purgatorium transeat, sed sicut veri Catholicæ Ecclesiæ Martyres rectora in Cælum, ita ipse rectora abeat in Infernum. Firmissimè tene, ait S. Fulgentius de Fide ad Petrum cap. 38.

V.  
An Schismatici possint esse veri Martyres.

& 39. & nullatenus dubites, non solum Paganos, sed etiam Iudæos, Hæreticos, & Schismaticos, qui extrâ Ecclesiam Catholicam præsentem finiunt vitam, in ignem æternum ituros,

Obijcies tertio. Schismatici sunt in parte scissâ ab Ecclesia; ergo sunt in Ecclesia. Patet consequentia, quia partes Ecclesiæ sunt Ecclesia, sicut partes vestis scissæ æquæ manent, & sunt vestis.


V I.  
*Pars scissâ ab  
Ecclesia non est  
Ecclesia.*

Respondeo, negando consequentiam, quia pars scissâ ab Ecclesia non est Ecclesia; vnde dixit S. Cyprianus lib. de Vnit. Ecclesiam significari per vestem Christi inconsutilem, quæ scissâ non fuit, vt intelligeremus Ecclesiam scindi posse, sed non eo modo, quo Vestes, ita vt omnes partes æquæ maneat partes Vestis, sed quomodo scinditur ramus ab arbore, qui statim moritur, arbore viuente, & riuus à fonte, qui mox arefcit, fonte fluente, & radius a Sole, qui continuo deficit, Sole, vt erat permanente. Et sanè omnium temporum experientia ostendit omnes Ecclesias, quæ à Romano Capite se diuiserunt. tanquam ramos præcisos à radice, continuo auissile. Certè, quæ est cbservatio Bellarmini de Notis Ecclesiæ. Ecclesia Asiaticæ, & Africanæ, quæ quondam ita florebant, vt numerosissima Concilia celebrarent, & semper haberent multos homines, vel vtroque Dei munete clarissimos, ab eo tempore, quo à Romana Ecclesia Schisma fecerunt, nulla Concilia celebrarunt, nullos habuerunt homines famæ Sanctitatis, aut doctrinæ toti Orbi notos, & nunc in summa ignoratione vgrsantur. Ratio autem cur partes separatæ ab Ecclesia non sunt Ecclesia, illa est, quia Ecclesia est absolutè, & simpliciter vna. Ideo Scriptura illam vocat: Vnum Ouile, vnum Corpus, vnam Sponsam, vnam Amicam, vnam Columbam.

Obijcies quarto. Schismatici sunt sub Christo, de quo ait Apostolus Ephes. 1. *Iesum dedit caput super omnem Ecclesiam*: ergo pertinent ad corpus, atque adeo ad familiam Christi.

V II.  
*Schismatici  
non habent  
Christum Ca-  
put.*

Respondeo negando antecedens, quia non habet Caput, qui non est in corpore. Schismatici autem non sunt in corpore. Audi Augustinum lib. de Vnit. Eccles. cap. 19. Habere Caput Christum nemo poterit nisi qui in eius corpore fuerit, quod est Ecclesia, & Epist. 50. ad Bonifacium Comitem; Ecclesia Catholica sola est corpus Christi, cuius ille Caput est Saluator corporis sui, extrâ hoc corpus neminem viuificat Spiritus Sanctus; & Epist. 152. ad Donatistas. Quisquis ab hac Catholica Ecclesia fuerit separatus, quantumlibet laudabiliter se viuere existimet, hoc solo scelere, quod à Christi vnitatem disjunctus est, non habebit vitam, sed ita Dei manet super eum. Obseruandum est autem, quod sicut Christus est summum Caput, & immediatum Ecclesiæ quoad influxum interiorem, ipse enim per se in fluxit in sua membra, sensum, & motum, idest fidem, & Charitatem; ita quoad influxum exteriorem doctrinæ Fidei, & Sacramentorum est Summum Caput per suum Vicarium, quia Vicarius immediatè, & visibiliter influit in Ecclesia Militante, & in omnia eius membra. Quare impossibile est aliquem posse tanquam membrum in corpore visibili Ecclesiæ subesse Christo, & non subesse Pontifici, & contra subesse Pontifici, & non subesse Christo, tanquam vero Capiti inuisibili. Atque adeo impossibile est Schismaticum habere suum Caput Christum.



# QVÆSTIO SEXTA.

*An excommunicati ius aliquod habeant ad fructus  
huius Montis.*

- I. Sensus *Questionis.*
- II. Ratio dubitandi.
- III. Excommunicati non sunt de Christi familia.
- IV. Excommunicati habentur ut Ethnicī.
- V. Tolluntur de medio fidelium.
- VI. Traduntur Satanae.
- VII. Eliminantur ab Ecclesia.
- VIII. Prima figura excommunicationis.
- IX. Patrum locutiones de excommunicatis.
- X. Excommunicatio est veluti interfectio.
- XI. Excommunicatio quam gravis pena.
- XII. Excommunicatorum quinta iactura.
- XIII. Excommunicatio est ejectio de Ecclesia.
- XIV. Ideo fertur in contumaces.
- XV. Ideo restituntur unitati.
- XVI. Excommunicationis definitio.
- XVII. Responsio ad rationem dubitandi initio factam.
- XVIII. Non licet pro excommunicatis Sacrificium offerre.
- XIX. Quid in die Parasceues.
- XX. Oratio pro excommunicatis non est Oratio pro membris.
- XXI. Ne in die quidem Parasceues oratur expresse pro excommunicatis.



Es videtur ex terminis definita, quia perinde est excommunicatum esse, ac esse priuatum omni iure ad communia Ecclesiæ bona, quorum sine dubio præcipuum & maximum est Mons hic Propitiatorius pro peccatis; ideo rectè dixit Cardinalis Toletus lib. 1. cap. 12. num. 1. priuare communibus Ecclesiæ suffragiis, non tam est effectus, quam natura, & substantia excommunicationis, sicut aliquem priuare visu, non tam est effectus, quam natura cæcitat.

Verum quamuis hoc certum sit, restat adhuc quæstio examinanda an excommunicati, licet enim priuatione iuris, maneant adhuc in Christi familia; si enim illa adhuc manent, difficile reddi potest ratio quomodo Ecclesia priuet illo iure, quod est à Christo concessum omnibus, & singulis suæ familiæ quamdiu in illa

II.  
*Ratio dubi-  
tandi.*

manent, & de illa sunt; ex altera verò parte durum videtur Catholicos excommunicatos, & iure illo priuatos, non esse amplius de Christi familia, atque adeo non esse amplius in Ecclesia, & de Ecclesia; cum tamen plerique eorum cum Baptismo, & fidei promissione retineant etiam subjectionem Prælati legitimis, si sint injustè excommunicati, vel saltem veram pœnitentiam agant, & debitam subjectionem acquirant, antequam absoluantur, quo temporis intervallo, huiusmodi pœnitentes non esse in Ecclesia magis adhuc durum, & absurdum videri possit.

III.  
*Excommuni-  
cati non sunt  
de Christi fa-  
milia.*

Nihilominus cenfeo cum Bellarmino lib. 3. cap. 6. excommunicatos, absolurè loquendo non esse in Ecclesia, atque adeo, neque esse de Christi familia, vt mirandum non sit, si nullum ius habeant ad communiam illius bona. Probamus autem hanc sententiam multiplici argumento.

IV.  
*Excommuni-  
cati habentur  
ut Ethnici.*

Primum argumentum. Excommunicati per Ecclesiasticam censuram fiunt veluti Ethnici; sed Ethnici non sunt de Christi familia, & Ecclesia, ergo neque excommunicati sunt de Christi familia, & Ecclesia. Maior probatur ex verbis Domini Matth. 18. *Si Ecclesiam non audierit sit tibi sicut Ethnicum*, hoc est sicut infidelis, Dei fide, Religione, & lege priuatus, quod autem Dominus de excommunicatis loquatur, Interpretes omnes affirmant. Et pulchrè expouit S. Hilarius, qui addit Deum sic egisse cum populo Israël, vt Christus monet agendum. Primo enim corripuit populum inter se, & ipsum solum, quando apparuit illis cum Majestate in Monte Sinai. 2. Adhibuit secum duos testes, idest legem, & Prophetas. 3. Dixit Ecclesiæ, idest misit Christum summum Præsulem Ecclesiæ, qui Iudæos objurgaret. Vltimo, cum illi Ecclesiæ Præsulem non audirent, neglexit eos, ac deseruit vt Ethnicos, & publicanos. Quibus verbis ait Bellarminus, ostendit, fieri sicut Ethnicum, quod fit per excommunicationem, esse ejici de populo Dei, & non ampliùs à Deo gubernari peculiari illa prouidentia, qua gubernat Ecclesia.

V.  
*Tolluntur de  
medio fidelium.*

Secundum argumentum. Excommunicatus tollitur de medio fidelium, ergo ejicitur de Ecclesia, ergo non est amplius de Ecclesia. Antecedens sumitur ex verbis Apostoli 1. Cor. 5. *Cur non magis luctum habuistis ut tollatur de medio vestri, qui hoc opus fecit.*

VI.  
*Traduntur Sa-  
tanæ.*

Tertium argumentum. Excommunicatus traditur Satanæ, ergo expellitur ab Ecclesia, ergo non est de Ecclesia. Antecedens est Pauli 1. Cor. 5. *Tradidi hunc hominem Satana in interitum carnis.* Hunc locum Chrysostomus, Anselmus, Augustinus apud Baronium anno Christi 57. exponunt de excommunicatione: dicuntur autem excommunicati tradi Satanæ, ait noster Cornelius, quia ejecti extra societatem Christi, & Ecclesiæ, eiusque bonis omnibus priuati, tyrannidi, & incurfibus Diaboli, cuius Regnum est extrà Ecclesiam, exponuntur. Huc facit illud Augustini Serm. 68. de Verbis Apost. Quia extrà Ecclesiam Diabolus est, ac per hoc quasi Diabolo traditur, qui ab Ecclesiastica communione remouetur.

VII.  
*Eliminantur  
ab Ecclesia.*

Quartum Argumentum. Excommunicati non manent in gremio Sanctæ Matris Ecclesiæ, ergo sunt foris Ecclesiam. Antecedens sumitur ex iure Canonico 11. quæst. 3. vbi dicitur. Canonica Instituta, & Sanctorum Patrum exempla sequentes Ecclesiarum Dei violatores autoritate Dei, & Iudicio Sancti Spiritus à gremio Sanctæ Matris Ecclesiæ, & à consorcio totius Christianitatis eliminamus. Huc reuoco, quod innuit Augustinus lib. 11. de Genes. ad litteram, super illis verbis:



*Et eiecit Adam.* Alienandus inde vndique fuerat, vel iam moriturus, vel etiam tanquam excommunicatus, sicut etiam in hoc Paradiso, idest Ecclesia solent à Sacramentis Altaris visibilibus homines disciplina Ecclesiastica remoueri.

Quintum Argumentum. Excommunicati ab Ecclesiastico fœdere segregantur, & abscinduntur à corporis vnitare, vt loquitur Eusebius lib. 5. Hist. cap. 24. ab Ecclesia ejiciuntur, vt loquitur S. Epiphanius hæresi 42. extrà Ecclesiam propelluntur, quò per se ipsos spontè eunt hæretici, vt loquitur S. Hieronymus in cap. 3. ad Titum. Præciduntur visibilibus à corpore Ecclesiæ, vt loquitur S. Augustinus lib. de Vnit. Eccles. cap. vlt. De Ecclesia pelluntur, vt loquitur S. Anselmus in cap. 5. 1. Corinth. ergo excommunicati non sunt amplius in Ecclesia, & de Ecclesia.

Sextum Argumentum. Excommunicati moriuntur toti Ecclesiæ. Ergo separantur, & non sunt amplius in Ecclesia. Antecedens probatur, quia vt docet S. Augustinus q. 39. in Deut. Excommunicatio eum locum habet in Ecclesia, quem pœna mortis habebat in Testamento veteri, & quem habet in temporalibus Rebus publicis, vnde dixit: *Hoc nunc agit in Ecclesia excommunicatio, quod agebat tunc interfectio.* Constat autem per mortem separati homines planè à tota Republica, quod etiam significauit Innocentius tertius in cap. per Venerab. mors præcipitur, idest per excommunicationis sententiam, veluti mortuis à communione Fidelium separati. Hoc idem confirmo iudicio Bellarmin. lib. 3. de Laicis cap. 21. vbi probat Hæreticos ab Ecclesia damnatos, etiam morte mulctari posse, hoc fundamento rationis. Hæretici, inquit, excommunicari Iure possunt, vt omnes fateantur, ergo & occidi. Probatur consequentia, quia excommunicatio est maior pœna, quam mors temporalis, vnde Augustinus contra Aduers. legis, & Prophet. cap. 17. dicit: horribilius esse tradi Satanæ per excommunicationem, quàm gladio feriri, flammis absumi, ferisve subijci ad deuorandum.

Septimum Argumentum. Per excommunicationem priuantur homines omni commercio spirituali, quod habent homines Ecclesiæ inter se. Igitur non sunt amplius in Cœtu Ecclesiæ. Hanc consequentiam probat Bellarminus à natura ipsa rei; nam quid est, inquit, Ciuem aliquem priuari Ciuitate, nisi priuari omni commercio, quod est inter homines illius Ciuitatis. Antecedens est manifestum ex bono, cui opponitur excommunicatio, quod sine dubio est Sanctorum communio, de qua in Symbolo Apostolorum; vnde excommunicati ait S. Thomas Opusc. 5. per hoc, quod sunt extra Ecclesiam perdunt partem omnium bonorum, quæ sunt, quod est maius damnum, quàm damnum cuiusvis rei temporalis.

Octauum Argumentum. Nulla pœna est grauior, quam Ecclesia infligere possit, excommunicatione; ergo per excommunicationem ejicitur homo de Ecclesia. Antecedens sumitur ex S. Augustino lib. de Corrept. & Gratia cap. 15. Consequentia probatur, quia Ecclesia potest infligere hanc pœnam ejectionis, & abscissionis à se, vt patet ex Matth. 18. vel ergo hæc pœna distinguitur ab excommunicatione, vel non distinguitur; si non distinguitur, habemus intentum, si distinguitur, vel est maior, vel non est maior excommunicatione: Si maior, ergo salum est pœnam omnium grauissimam, quam Ecclesia infligere potest esse excommunicationem contra suppositum; si non est maior, ergo excommunicatio includit, & continet illam.

VIII.

*Prima figura excommunicationis.*

IX.

*Patrum locutiones de excommunicatione.*

X.

*Excommunicatio est veluti interfectio.*

XI.

*Excommunicatio quam grauius pœna.*

XII.

*Excommunicationem priuationem quintæ iacturæ.*

XIII.

*Excommunicatio est ejectio de Ecclesia.*

**XIV.** Nonum Argumentum. Excommunicatio non potest ferri nisi in contumaces, & incorrigibiles, vt B. Augustinus docet lib. de Vera Relig. cap. 6. ergo excommunicatio est ejectione de Ecclesia, & propterea est pœna omnium maxima, quam infligere potest Ecclesia. Si enim excommunicatio esset pœna aliqua infirmitationem, ferretur etiam quandoque, ait Bellarminus, in homicidas, adulteros, & alios facinorosos licet non contumaces.

**XV.** Decimum Argumentum. Excommunicatis, dum absoluuntur, dicitur: Restituo te unitati Ecclesie, & omnium bonorum participationi, ergo signum est excommunicatum separatum fuisse ab Ecclesie unitate, & sanè in ipso nomine excommunicationis tota hæc doctrina continetur. Nam excommunicatus perinde dictus est, atque extra communionem factus, vnde communiter à Doctores definitur excommunicatio esse censura, qua quispiam separatur ab Ecclesiastica communione Fidelium, vbi aduertunt, excommunicationis censuram, non priuare solum actu, sed Iure etiam communicandi, quod non potest melius intelligi, quam per hoc, quod excommunicati verè à Christi familia ejectioni sunt.

**XVI.** Excommunicatio definitio, Neque prædictis omnibus obstat, quandoque fieri, vt verè excommunicatus sit in gratia, & amicus Dei, vel quod fortasse in iuste excommunicatus sit, vel quod penitentiam egerit antequam absolueretur. Nam vt docet Bellarminus, quamuis talis excommunicatus, animo, & desiderio sit in Ecclesia, & saluari possit si in eo statu moriatur, adhuc tamen non est in Ecclesia, corpore, siue externa communicatione, quæ propriè facit hominem esse de Ecclesia Christi visibili, quæ est in terris. Vnde infero nullum ius illud habere ad fructus visibiles, & externi Sacrificij, qui videlicet proveniunt ex promissione facta tali operi externo, atque visibili, quia opus externum Sacrificij relicti solummodo est Ecclesie visibili, atque externæ, extrâ quam constat esse excommunicatum quantumvis sit in gratia, & amicus Dei. Atque de his agens Augustinus lib. de Vera Relig. cap. 6. Sapè, inquit, etiam finit Diuina Providentia expelli de Congregatione Christiana, etiam bonos viros, quam contumeliam, vel injuriam suam cum patientissimè pro Ecclesie pace tulerint, neque vllas novitates, vel Schismatis, vel hæresis molitii fuerint, docebunt homines quàm vero affectu, & quanta sinceritate charitatis Deo seruendum sit. Non coronat in occulto Pater, in occulto videns.

**XVII.** Responso ad rationem dubitandi in initio factam, Sed quæres, An licitum sit Sacerdotibus ex charitate Sacrificium pro excommunicatis offerre, saltem ad eum modum, quo offerri potest pro Ethnicis, & Publicanis, quamuis enim nullum ius habeant ad fructus huius Sacrificij, quod est Sacrificium familiæ, tanquam extra ipsam ejectioni, potest tamen Ecclesia ex charitate etiam pro Ethnicis Sacrificium offerre ad fructus illos ipsis impetrandos, quorum sunt capaces, vt superius in Quæstione de Catechumenis explicauimus.

**XVIII.** Respondeo, nullo modo Sacerdotibus licere pro excommunicatis publicè orare, atque adeo Sacrificium pro eis directè, & expressè offerre: Sacrificium enim semper est publicum. Ratio est quia hoc prohibuit Ecclesia cap. à Nobis de Sententia excommunicationis, & tam seuerè prohibuit, vt sanctus Thomas quodlib. 1. quæst. 8. art. 9. & ex illo Sotus, Nauarrus, Henriquez, Suarez, & alij docuerint id facere, esse peccatum mortale. Addit Nauarrus in Manual. cap. 27. tales offerentes, & orantes incurere etiam in excommunicationem minorem, & meritò, quia S. Thomas, vbi supra, expressè docet, orare, & offerre pro excommu-

nicato, esse communicare in Diuinis cum illo, & sine dubio magis cum excommunicato communicare videtur, qui facit illum participem fructuum Orationis, & Sacrificij, quod pro illo offert, quàm ille, qui solum cum eo, vel coram eo orat, & offert.


At dices. In die Parasceues de facto Ecclesia publice orat, & fortasse etiam offert pro Hæreticis, & Schismaticis, qui Iure sunt excommunicati.

XIX.  
*Quid in die  
Parasceues.*

Respondeo, negari non posse illum diem à generali hac prohibitione esse exceptum, quod non immerito factum existimatur, quia eo die representatur Sacrificium cruentum, prout re ipsa gestum est, in quo Christus etiam pro suis inimicis orauit, & sanguinem suum quoad sufficientiam pro omnibus omnino hominibus sine vlla exceptione obtulit. Adde tamen duo valde notanda. Alterum ex Nauarro de Orat. & Hor. Can. cap. 19. num. 71. Ecclesiam illo die orare pro exteris, & inimicis suis non orationibus institutis pro suis membris, sed aliis institutis pro iis, qui tales non sunt. Quæ videtur esse doctrina S. Thomæ in 4. dist. 18. quæst. 2. art. 1. ubi loquens de Oratione priuata: pro excommunicatis inquit, orari potest, quamuis non inter Orationes, quæ pro membris Ecclesiæ fiunt. Alterum notandum ex S. Bernardo Tract. de Gradibus humilit. Ecclesiam ne illo quidem die orare pro excommunicatis sub illo nomine, sed tantum pro Hæreticis, & Schismaticis, quos fortasse illo die ab excommunicatione absoluit, vt ait Sotus in 4. dist. 21. quæst. 1. art. 1. Vnde grauitè monet Bernardus: Viderint, inquit, in quanto periculo sint, pro quibus Ecclesia palam orare non audet, quæ fidenter etiam pro Indæis, & Hæreticis, & pro Gentilibus orat; cum enim in Parasceue nominatim oreitur pro quibuslibet malis, nulla tamen mentio fit de excommunicatis. Hæc Bernardus.

XX.  
*Oratio pro ex-  
communicatis  
non est Oratio  
pro membris.*

XXI.  
*Ne in die qui-  
dem Parasce-  
ues oratur ex-  
communicatis.*



## QVÆSTIO SEPTIMA.

*Vtrum Anima Purgatorij ius aliquod habeant,  
vt Sacrificium quodlibet pro ipsis  
etiam celebretur.*

- |       |  |
|-------|--|
| I.    | Proponitur Sententia.  |
| II.   | Nostri ratio fundamentalis.                                  |
| III.  | Christus reliquit Victimam pro defunctis quoque familia sua. |
| IV.   | Authoritas Traditionis 4.                                    |
| V.    | Traditio Apostolica de Sacrificio pro defunctis.             |
| VI.   | Probatur hæc traditio ex Regula S. Augustini.                |
| VII.  | Confirmatur ex damnatione hæresis Aërii.                     |
| VIII. | Mortui participant de fructibus Sacrificij.                  |

- I X. *Anima Purgatorij sunt membra Ecclesie Militantis.*  
 X. *Anima Purgatorij sunt capaces Sacrificij, & non Sacramenti.*  
 X I. *Questio, cur Anima difficile à Purgatorio liberentur.*  
 X I I. *Quodlibet Sacrificium offertur pro omnibus defunctis.*  
 X I I I. *Effectus Sacrificij respectu Animarum Purgatorij est infallibilis.*  
 X I V. *Difficultas maior in principiis Aduersariorum.*  
 X V. *Responsio P. Vasquez non probatur.*  
 X V I. *An in Purgatorio fiat remissio culpæ venialium.*  
 X V I I. *In Purgatorio fit remissio aliquorum peccatorum.*  
 X V I I I. *Probatum primo ex Historia Machabeorum.*  
 X I X. *Probatum secundo ex Verbis Domini.*  
 X X. *Probatum tertio ex Verbis Apostoli.*  
 X X I. *Peccata venialia, lignum, sennum, stipula.*  
 X X I I. *Peccata in Purgatorio solubilia.*  
 X X I I I. *Probatum quarto ex Patribus.*  
 X X I V. *Probatum quinto ex vsu Ecclesie.*  
 X X V. *Quid est peccatum remitti, aut non remitti.*  
 X X V I. *S. Thomas pro remissione venialium in Purgatorio.*  
 X X V I I. *Responsio ad difficultatem.*  
 X X V I I I. *Anima Purgatorij possunt habere obicem.*  
 X X I X. *Lex Dei est Aduersarius.*  
 X X X. *Carcer est Purgatorium, & quadrans est peccatum minutum.*

I.  
 Proponitur sen-  
 tentia,



V A S I V I M V S de fidelibus viuientibus, ac definiuimus, omnes, & singulos obicem non habentes ius quoddam habere ad qualibet Sacrificia, ex quo illud videretur consequens, nullo modo posse Sacerdotem à generali fructuum distributione, illorum quemquam excludere. Idem hoc loco quaerimus de Fidelibus defunctis degentibus in Purgatorio; An, & quo Iure omnes, & singuli repetere fructum aliquem possint ex quolibet Sacrificio, vnde pariter in Sacerdotibus oriatur obligatio, Sacrificium quodcumque pro illis omnibus offerendi.

Omissis autem quibuscumque aliis rationibus, & principiis à nobis positis insistentes, dicimus; Animas Purgatorij omnes æquale ius habere, vt Sacrificium quodlibet pro ipsis quoque celebretur.

I I.  
 Nostra ratio  
 fundamēta-  
 lis.

Fundamentum ferè idem est. Animæ Purgatorij respectu cuiuslibet Sacrificij sunt offerentes, ergo habent ius, vt Sacrificium quodlibet pro ipsis celebretur. Consequentia est manifesta ex dictis quaestione secunda; antecedens probatur. Animæ Purgatorij ponunt Victimam in quolibet Sacrificio, ergo Animæ Purgatorij respectu cuiuslibet Sacrificij sunt offerentes. Consequentia patet ex notatione superius tradita offerentis iuxta phrasim, & vsum Scripturæ. Antecedens probatur. Christus Dominus, tanquam Pater vniuersæ familiæ suæ prouidit Victimam cuiuslibet Sacrificij non solum pro fidelibus viuīs, sed etiam pro defunctis, ipse pro vtrisque, ergo animæ Purgatorij ponunt victimam in quolibet Sacrificio. Consequentia est etiam clara ex dictis, quia illi dicebantur victi-



nam ponere in Sacrificio, qui aut ipsi, aut alij pro ipsis illam ponerent.

Supereft ergo, vt ostendamus Christum Dominum posuisse huius Sacrificij victimam non solum pro viuientibus familiæ suæ, sed etiam pro defunctis; hoc autem non potest firmissè comprobari, quàm ex Institutione ipsa Sacrificij. Si enim institutum illud fuit pro tota familia, inclusis nominatim, & expressè defunctis, manifestum est etiam defunctis relictam à Christo esse victimam huius Sacrificij, nec minus ius ad participandum quolibet in his esse, quàm in viuientibus. Sed vnde ostendimus Institutionem esse hoc modo factam, si in Sacra Scriptura nullum extat verbum, ex quo defuncti inclusi demonstrantur? Fateor ex Verbo Dei scripto, non posse id saltem clarè demonstrari; sed tamen probamus ex testimonio æquè certo, & parem omnino cum Diuina Scriptura habente auctoritatem, quod est ipsum Dei Verbum traditum, seu Diuina, & Apostolica traditio, de quibus traditionibus cum Diuina Scriptura collatis, hoc legimus apud Tridentinum Sess. 4. quod nimirum illas, *tangquam vel ore tenus à Christo vel à Spiritu Sancto dictatas, & continua successione in Ecclesia Catholica conseruatas pari pietatis affectu, ac reuerentia suscipit, ac veneratur.*

I I I.

*Christus reli-  
quit victimam  
pro defunctis  
quæque fami-  
lia sua.*

I V.

*Auctoritas  
Traditionis.*

V.

*Traditio Apo-  
stolica de sacri-  
ficio pro defun-  
ctis.*

At vnde ostendimus hanc esse Apostolorum traditionem? Ostendimus primo auctoritate Sacrosanctæ Synodi Tridentinæ Sess. 22. cap. 2. vbi dicitur: Quare non solum pro fidelium viuorum peccatis, pœnis, satisfactionibus, & aliis necessitatibus, sed & pro defunctis in Christo, nondum ad plenum purgatis, ritè iuxta Apostolorum traditionem offertur. Expendamus tantisper postrema hæc verba Concilij, *pro defunctis ritè iuxta Apostolorum traditionem offertur.* Quid habemus per Apostolorum traditionem? hoc, quod Sacrificium etiam pro defunctis offertur. Quid est, pro defunctis offertur? perinde est, ac si dictum fuisset, huius Sacrificij institutio sic facta est. Huius sacrificij victima relictæ legitime, & ex sua institutione, & quasi natura posita est, non solum pro viuis, sed etiam pro defunctis. Totum id significat præsentis verbi tempus, *Offertur*, quo præsentis tempore perpetuas rerum naturas, & virtutes, ac proprietates exprimimus, vt cum dicimus: Ignis calefacit, aqua humectat, Reubarbarum purgat choleram, quod adnotauit S. Chrysostomus Homil. 17. in Ioan. vbi illo verbo de præsentis: *Ecce qui tollis peccata Mundi*, ait significari perpetuam virtutem Christi tollentis peccata vsque in finem Mundi. Idem ergo est: Ecce Sacrificium, quod offertur pro viuis, & pro defunctis, quod ecce Sacrificium, quod institutum est, & relictum Ecclesie pro viuis, & pro defunctis. Idcirco enim Christus contulit in sua Institutione huic Sacrificio virtutem, & valorem, quo fructuosum esset etiam defunctis, quia etiam defunctis perinde ac viuientibus illius victimam relinquebat, & ob hanc eandem rationem in forma Sacerdotij æqualiter dicitur: *Accipe potestatem offerendi Sacrificium pro viuis, & defunctis.* Hæc enim forma, & præsupponit in Sacrificio virtutem æquè efficacem circa vtrosque, & in Christo instituente, æquè vtrisque prouidendi voluntatem.

Potro hanc Apostolorum traditionem, non solum asserimus ex auctoritate Tridentini, sed probamus etiam illam contra Hæreticos cum Bellarmino lib. 2. de Missa cap. 7. ex Regula S. Augustini lib. 4. de Bapt. cap. 24. quæ est, vt id certissimè credatur ab Apostolica traditione descendere, quod in omni Ecclesia seruatur, nec in aliquo Concilio institutum, sed semper seruatum, & retentum est,

V I.

*Probatnr hæc  
traditio ex Re-  
gula S. Augu-  
stini.*



talem autem esse hunc ritum negari non potest ait Bellarminus; nam in omni Ecclesia seruari patet, non solum ex omnibus Liturgiis, sed etiam ex Conciliis omnium Provinciarum, ut videre est in Carthagenensi pro Africa, in Bracarensi pro Hispania, in Gabilonensi pro Gallia, in Vvormaciensi pro Germania, & in Sexto sub Symmacho pro Italia. Quod verò in nullo Concilio institutum, sed semper seruatum fuit, patet ex testimoniis antiquissimis Patrum eorum, qui omnia Concilia præcesserunt, ubi fit mentio de sacrificiis pro defunctis. Primum enim Concilium, in quo mentio huius rei habetur, est Carthagenense tertium, quod celebratum est circa annum Domini CD. XVII. At sacrificij pro defunctis meminit Eusebius Cæsariensis lib. 4. de Vita Constantini, qui fuit centum annis antiquior Concilio Carthagenensi, meminit etiam Tertullianus in lib. de Corona militum, qui fuit ducentis annis eo Concilio antiquior; meminit denique Clem. lib. 8. Constit. cap. 19. qui trecentis annis idem Concilium præcessit.

## VII.

*Confirmatur  
ex damnatione  
hæresis Aërij.*

Quid huic solidissimo argumento Lutherani respondeant, colligo ex pluribus controuersiarum locis eiusdem Bellarmini. Summa est, traditionem antiquam non esse de oblationibus Sacrificiorum pro defunctis, sed de quibusdam priuatis precibus, & Orationibus pro illis: sed præterquam quod inconstanter hoc dicitur ab illis, qui Purgatorium omnino negant, & quascunque Preces, & Orationes pro defunctis irrident; conuinci apertissimè possunt alio argumento sumpto ab hæresi Aërij, qui vivebat adhuc tempore sancti Epiphaniij; nam antiqua Ecclesia, quæ etiam Hæreticorum testimonio vera Ecclesia erat, damnauit publicè hæresim Aërij, quæ docebat non esse pro mortuis sacrificium offerendum. Quod autem Aërius damnatum hoc dogma prouiderit, docent antiquissimi Patres. Audi Epiphanius in Anacephaleosi. Aërius docet, non oportere offerre pro iis, qui obdormierunt. Audi Augustinum in lib. de Hæres. cap. 53. Aërius inter propria Dogmata primo loco numerat, offerre pro mortuis oblationem non oportere. Audi Damascenum in lib. de centum Hæres. Negat Aërius quidquam esse pro mortuis offerendum. Cum ergo, ait Bellarminus, Ecclesia antiqua hanc hæresim damnauerit, profectò simul omnes Lutheranos, & Caluinistas in vno Aërio damnauit, & sine dubio Apostolicam traditionem confirmauit.

Omittimus alia Patrum testimonia, quæ videre licet apud Valentiam disp. 6. quæst. 11. de Ritu, & oblar. Euchar. ex quorum verbis apertè illud constat, quod hic intendimus. Victimam scilicet sacrificij nostri non minus ex Christi institutione relictam fuisse defunctis, quàm viuentibus, ac propterea non minus illos, quàm hos esse respectu cuiuslibet sacrificij offerentes, atque adeo ad eorum omnium fructum ius habentes.

Sed dissimulare non licet vnicum argumentum, quod contra positum à nobis fundamentum in promptu habebant Hæretici nostri temporis; si quidem Caluinus illud deprompsit in Antidoto Articulorum Parisiensium. Cum Christus de sacrificio huius Agni loqueretur, dixit: *Accipite, & manducate*, ergo victimam illam viuis tantum, non autem inmortuis relinquebat, qui neque illam accipere, neque edere valent.

## VIII.

*Mortui participans de fructibus sacrificij.*

Hoc argumentum, inquit Bellarm. quod post Caluinum Sectarij passim obijciunt, nihil planè concludit. Nam quod mortui non manducent, probat eos non posse participare de carnibus sacrificij, non autem probat non posse eos partici-

pare

pare fructum sacrificij; si quidem Iob pro absentibus filiis, & Iudæi pro Rege Babylonis similiter absente non inuoliter sacrificabant. Et Dominus cum ait: Accipite, & manducate, loquebatur iis. quibus Sacramentum porrigebat; non autem iis omnibus, pro quibus sacrificium offerebat, nam ibidem habemus sanguinem Domini oblatum pro illis, & pro multis.

Iam verò ad objectiones, quæ fieri à Catholicis possunt veniamus. Et prima sit ex doctrina Tridentini Sess. 22. cap. 1. ubi dicitur: *Vt dilecta Sponsa sua Ecclesia, visibile, sicut hominum natura decet relinquere sacrificium.* Ex quo loquendo tale confici poterit argumentum. Christus Dominus reliquit victimam visibilis sacrificij Ecclesie, seu familie sue visibili, ergo pro illis tantum reliquit, qui sunt membra Ecclesie visibilis; sed animæ Purgatorii non sunt membra Ecclesie visibilis, ergo pro illis Christus Dominus non reliquit, aut posuit victimam huius sacrificij, ob quam etiam rationem neque pro illis instituit Sacramenta, ergo corruit totum fundamentum.

Respondeo, separanda hoc loco esse, quæ certa apud Catholicos sunt ab incertis. Et primo certum est, Animas Purgatorii esse membra Ecclesie, si enim simpliciter non essent membra Ecclesie, nullo Suffragiorum genere possent à nobis iuari, cum hæc sit tota ratio cur possint, quam communiter afferunt ex Petro Cluniacensi in Epist. contra Petrobrusianos, quia, inquiunt, Ecclesia tota est vnum corpus, cuius Caput est Christus, ergo debet habere communicationem, tum capitis cum membris tum membrorum inter se; nam ut dicitur 1. Cor. 12. *per inuicem solliciti sunt membra,* & si quid patitur vnum membrum, compatiantur omnia membra. sed iusti defuncti sunt membra huius corporis; nam sunt colligenda nobiscum, & cum Deo in Fide, Spe, & Charitate. Vnde S. Aug. lib. 20. de Ciuit. cap. 9. *Neque enim, inquit, piorum anima defunctorum ab Ecclesia separantur, quæ est regnum Christi.* Igitur viuentes possunt, ac debent iuuare defunctos ut membra eiusdem corporis. Hæc est ratio, quam communiter afferunt ad probandum suffragia Ecclesie defunctis prodesse. Sunt igitur animæ Purgatorii membra Ecclesie.

Rursum certum est, illas non esse membra Ecclesie Triumphantis, quæ nullam habent maculam, neque rugam, ideo enim in terra, immò infra terram adhuc detinentur, & retardantur à consecutione summi boni.

Superest ergo ut dicamus esse membra Ecclesie Militantis, seu peregrinantis quatenus nondum ad vltimum terminum peruenerunt; vnde aliqua saltem ex parte sub statu Viatorum comprehenduntur, maxime quoad remissionem pœnarum, vel etiam culpæ venialium obtinendam. Cum ergo animæ Purgatorii ad terrestrem hanc Ecclesiam pertineant, & sint capaces fructus huius sacrificij ex opere operato, nihil ex hoc capite ob stare potest, quo minus etiam pro illis Christi victimam hæc reliquerit.

Neque verò, inquit P. Suarez, similis est ratio de Sacramentis. Primo quidem propter diuersum finem. Sacramenta enim ordinata sunt ad gratiam consecutionem: Sacrificium autem saltem ad pœnas peccatorum tollendas; at verò animæ Purgatorii non sunt capaces augumenti gratiæ, absolui autem possunt à reatu pœnæ. Deinde ratione modi efficiendi, seu applicandi effectum, nam Sacramentum applicatur per aliquam actionem circa corpus, & ideo non operatur nisi in

IX.

*Anima Purgatorii sunt membra Ecclesie militantis.*

X.

*Anima Purgatorii sunt capaces sacrificij, & non Sacramentum.*

anima unita corpori. Sacrificium verò operatur solum per quandam extrinsecam ordinationem, seu relationem, quæ terminari potest ad animam, etiam à corpore separatam.

## X I.

*Quæstio cur  
anima diffici-  
li à Purgatorio  
liberetur.*

Secunda obiectio hoc modo fieri potest. Si omnes, & singulæ animæ Purgatorij haberent ius ad quolibet sacrificia fundatum in eo, quod in quolibet sacrificio integram ponant victimam modo explicato; sequeretur, omnia sacrificia, quæ in Ecclesia quotidie offeruntur, debere etiam pro omnibus animabus Purgatorij celebrari; consequens autem videtur falsum, quia ex tam multis sacrificiis, aliquam partem fructus ex opere operato conferentibus, facili negotio omnes in Purgatorio liberarentur.

## X II.

*Quodlibet sa-  
crificium offer-  
tur pro omni-  
bus defunctis.*

Respondeo, hoc argumentum soluendum ab omnibus esse, & præsertim à P. Suarez, qui Author illius est. Et primo, quod omnia, & singula sacrificia pro omnibus animabus Purgatorij offerantur, & celebrentur, videtur mihi necessario concedendum esse ab omnibus Catholicis; quid enim significat Tridentinum Sessio citata cap. 2. cum dicit: *Sed & pro defunctis in Christo, nondum ad plenam purgatis ritè offertur*: nisi hoc, nimirum ex sua Institutione habet, ut offeratur etiam pro defunctis? Rursus cum idem Concilium cap. 6. dicat, priuatas Missas omnes, censi debere communes, eo quod pro omnibus fidelibus, qui ad Corpus Christi pertinent celebrentur. Cum inquam, non loquatur Concilium de viujs solis, sed simpliciter de omnibus, qui ad Corpus Christi pertinent, & cum defunctorum animæ ad Corpus Christi pertineant, non video, qua ratione locus hic intelligi non debeat de viujs pariter, ac defunctis, cum præsertim pro vtriusque dictum generaliter fuerit à Concilio sacrificium hoc offerri.

Præterea hoc idem habetur manifestè ex verbis sacri Canonis, quorum significationi, ut docent Doctores, intentio Sacerdotis conuenire debet, & semper conueniens est, quoties ipse illis expressè non contradicit. Dicitur autem in quolibet sacrificio. *Ipsis Domine, & omnibus in Christo quiescentibus, &c.* Et quamuis P. Vafquez non multum nitatur his verbis, quatenus per illa non applicatur sacrificium, eo quod iam præteritum sit; existimauit enim sacrificium perfici in ipsa consecratione, & consequenter hanc oblationem pro defunctis præsupponere iam applicatum, quamuis inquam ob dictam rationem, quam suo loco latè impugnauimus, non multum nitatur his verbis, fatetur tamen, & disertè docet applicationem, & oblationem vniuersalem pro omnibus defunctis fieri ante consecrationem illis verbis post Offertorium: *Et pro omnibus fidelibus Christianis viujs, atque defunctis*; quæ quidem oblatio refertur ad sacrificium futurum, & ideo dicendum est ex præscripto Ecclesiæ, generali illa intentione, non tantum pro omnibus fidelibus viucentibus, sed etiam pro omnibus defunctis offerri.

## X III.

*Effectus sacrifi-  
cij respectu ani-  
marum in Purga-  
torio est infalli-  
bilis.*

Cum ergo ex verbis Concilij, & ex omnibus Liturgiis habeamus sacrificium quodlibet pro omnibus defunctis offerri. Statuendum vltèrius est ex confessione etiam Aduersariorum, singulis defunctis, pro quibus sit sacrificialis oblatio, infallibiliter, & ex opere operato, aliquam pænæ remissionem obuenire, ita vt talis satisfactio sit de Iustitiis, etiam quoad acceptationem Dei, & teneatur Deus ex Iustitiis illam acceptare. Hanc partem tueretur expressè P. Suarez in hoc 3. tom. dip. 79. Sect. 10. cum S. Thoma in 4. dist. 45. quæst. 2. art. 3. ad 3. & Bellarmino lib. 2. de Purgat. cap. 19. qui generatim de suffragiis docet, infallibiliter applicati, notat

autem rectè P. Suarez, quod dicitur de suffragiis in genere, idem à fortiori dicendum de hoc sacrificio; nam vt Trident. docet Sess. 25. cap. 1. Inter suffragia, sacrificium Missæ prodest defunctis; ergo si alia profunt infallibiliter, hoc multo magis; & addit, quod quamuis aliis operibus hoc negaretur, non esset negandum huic sacrificio propter excellentiam eius. Eandem doctrinam repetit, & inculcat tom. 4. disp. 48. Sect. 6. vbi vniuersaliter docet, satisfactionem pro defunctis esse simpliciter de iustitia, & infallibiliter acceptari totum luum valorem pro quocumque offeratur; sed de hoc disputabimus alibi. Interim satis nobis est duo hæc statuisse, & quod sacrificia quælibet pro omnibus animabus Purgatorij, generaliter offerantur, & celebrentur, & quod eadem sic oblata ad aliquem fructum ex opere operato infallibiliter illis profunt; quibus positis, ab Aduersariis ipsis quaerimus, quomodo Purgatorij animæ ex tot sacrificiorum multitudine non facillimè liberentur? & augetur difficultas in principiis P. Suarez, quia conditiones requisitæ ex parte eius, pro quo offertur suffragium, vt infallibilem habeat effectum, duæ potissimum sunt. Prima, vt culpa, ratione cuius, pœnam meretur, iam ei sit remissâ. Secunda, vt sit in statu gratiæ, quæ conditio non est eadem cum præcedenti; nam potest aliquis habere reatum pœnæ ex culpis remissis, & non esse in statu gratiæ: Sicut è contrario potest esse in statu gratiæ, & non habere remissam omnem culpam venialem; solum ait P. Suarez, in animabus Purgatorij semper sunt inseparabiliter conjunctæ hæc duæ conditiones, quia constat esse in statu gratiæ, & cum illa habere semper omnem culpam remissam; nam licet contingat iustum mori, nondum remissis omnibus culpis venialibus, tamen in ipso met instanti separationis animæ à corpore, omnis culpa venialis ei remittitur, & ideo statim manet capax cuiuscumque suffragij quantum ad remissionem pœnæ. Cum ergo ex nullo capite impediri possit effectus sacrificij pro defunctis oblati; vnde oritur vt Purgatorium non quotidie euacuetur?

Non inueni adhuc hanc controuersiam apud quempiam agitatam; nam apud P. Vasquez, qui respondet dubitationi propositæ à P. Suarez, qui ante ipsum scripsit de sacrificio, hæc tantum habentur verba disput. 231. cap. 6. Non sequitur tot sacrificijs, quæ quotidie offeruntur omnes animæ Purgatorij facile liberati, eo quod hæc oblatio ita generalis non adeo efficax sit, vt tam citò ea solum animæ Purgatorij liberentur. Hæc ille. Sed verè non videtur sublata difficultas, quia quod oblatio sit generalis, non tollit quominus animabus omnibus particularibus aliquid fructus proveniat ex opere operato, & infallibiliter; id enim docet hæc communis sententia ex generali videlicet cuiuscumque sacrificij applicatione omnibus in Christo quiescentibus aliqualem pœnæ remissionem conferri. Statuatur ergo gradus minimus remissionis, qui infallibiliter sic conferatur, & de his procedit difficultas, quia cum quotidie unicuique tot huiusmodi graduum æqualium vni certo fiat remissio, videtur sequi, vt facile vnusquisque liberari possit. Esto igitur oblatio generalis non sit ita efficax, hoc est non tot gradus remissionis efficiat, sicut oblatio specialis; cum tamen quælibet generalis aliquid infallibiliter efficiat; hinc fit, vt ex multitudine oblationum generalium, plurium, & plurium confurgere in multis facile possit tota remissio pœnæ. Accedit quod idem argumentum confici potest de oblationibus specialibus; neque enim videtur facile concedendum, omnes Missas, quæ speciali applicatione celebrantur pro cuius-

## XIV.

*Difficultas maior in principiis Aduersariorū.*

## XV.

*Responsio P. Vasquez non probatur.*



cumque hominis diuitis anima ita esse ex illa præcisa applicatione efficaces, vt facili negotio illa liberetur; repugnant enim huic exultationi probatissimæ visiones Sanctorum, & ipsa Ecclesiæ consuetudo, quæ Annuertaria in perpetuum Sacra celebrat, etiam pro defunctis illis, pro quibus quam plurimæ in die obitus Missæ celebratae sunt specialiter, vt ferè in Summorum Pontificum, & Regum morte contingit.

## XVI.

*Quaestio an in  
Purgatorio fiat  
remissio culpa-  
rum venialium.*

Propter hoc postremum potissimum argumentum existimo decisionem huius controuersiae magna ex parte pendere ex illa alia. Vtrum Purgatorium constitutum sit satisfaciendum tantum pro pœna, an ad remissionem etiam successiuam culpæ venialium, nam quod cum eiusmodi peccatis aliqui sæpè de hac vita migrent, tanquam extrâ controuersiam supponimus cum S. Thoma in 4.º dist. 21. quæst. 1. art. 2. vbi refert aliquos dixisse omnia venialia in ipsa morte per gratiam finalem remitti, quod metitò S. Doctor impugnât. Controuersia tantum est inter Doctores, vtrum huiusmodi venialium remissio fiat in Purgatorio successione temporis, quo purgatur anima, quocumque tandem modo illa fiat, an fiat statim, & simul in primo instanti separationis animæ à corpore. Hoc secundum tuetur P. Suarez disp. 11. Sect. 4.

## XVII.

*In Purgatorio  
fit remissio a-  
li-  
quorum pecca-  
torum.*

Sed mihi probatur magis prima Sententia, quæ sumitur à S. Thoma in 4.º dist. 21. quæst. 1. art. 2. & Bonauentura art. 2. quæst. 1. cuius titulus est: An in Purgatorio purgetur etiam culpa aliqua, vel solum pœna. Mouet potissimum ex locis Sacrae Scripturae, & Patrum testimoniis apertissimis, accedente etiam autoritate Veterum Theologorum, & quia res est grauis, operæ pretium duximus præcipua loca & testimonia examinare.

## XVIII.

*Probatur pri-  
mo ex Historia  
Machabæorum.*

Primum testimonium sit ex Historia Diuina lib. 2. Machab. cap. 12. à ver. 39. vsque ad finem capitis: Et sequenti die venit cum suis Iudas, vt corpora prostratorum tolleret, & cum parentibus poneret in sepulchris paternis; inuenerunt autem sub tunicis interfectorum de donariis Idolorum, quæ apud Iamnam fuerunt, à quibus lex prohibet Iudæos. Omnibus ergo manifestum factum est ob hanc causam eos corruisse; atque ita ad preces conuersi rogauerunt, vt id, quod factum erat delictum obliuioni traderetur. At verò fortissimus Iudas hortabatur populum conseruare se sine peccato, sub oculis videntes, quæ facta sunt pro peccatis eorum, qui prostrati sunt, & facta collatione, duodecim millia drachmas argenti misit Hierosolymam offerri pro peccatis mortuorum, sacrificium, benè, & religiosè de resurrectione cogitans, & quia considerabat, quod hi qui cum pietate dormitionem acceperant, optimam haberent repositam gratiam; sancta ergo, & salubris est cogitatio pro defunctis exorare, vt à peccatis soluantur.

Ex hac Historia, quam non piguit exscribere, illud colligo, homines cum peccatis venialibus quoad culpam nondum dimissis decedentes, non obtinere necessario statim, & in primo instanti, illorum remissionem, sed posse aliquo tempore, donec deleantur manere cum illis in Purgatorio. Hoc totum Sacra hæc Historia præsupponit; & quidem quod milites illi interfecti, in peccato aliquo decesserint, infertur ex deprehensis donariis Idolorum sub eorum tunicis, accedente animaduersione sapientissimi, & religiosissimi Ducis; quod verò tale peccatum mortale non fuerit, Scriptura ipsa indicat, dum dicit eos, pro quorum peccatis iussit orari Iudas, cum pietate dormitionem accepisse, vnde existimatur peccatum illorum



fuisse veniale, eo quod ignorarent legis prohibitionem, & non acceperint ex donariis illis in honorem Idolorum, sed solum discedendi cupiditate, quæ venialis esse potest; quod vero huiusmodi peccatum non fuerit necessario dimissum in primo instanti, hoc planè probat præsens Historia vniuersa; ad quid enim iuges preces, & sacrificia, ut illo peccato milites defuncti soluerentur; si nullum peccatum tractu temporis successivo Purgatorij solui potest, sed necessario in ipso separationis animæ à corpore primo instanti soluitur? Quod autem hoc loco nomine peccatorum non debeant intelligi maculæ, ut verba sonant, sed tantum reatus pœnæ ex illis relictæ, hoc probandum ab Aduersariis est: nos enim, ut ex dicendis patebit non cogimur à propria, & primaria huius vocis significatione discedere.

Secundum testimonium sumitur ex nouo Testamento Matth. 12. vbi dicit Dominus, esse quoddam peccatum, quod non remittitur, neque in hoc sæculo, neque in futuro; Hinc enim colligunt SS. Patres, Augustinus, Gregorius, Beda, Bernardus, & Controuersistæ communiter, quædam peccata remitti per Suffragia Ecclesiæ in Purgatorio. Quod verò de remissione non solum pœnæ, sed culpæ loquatur Dominus est communis Patrum expositio; vnde obijcienti Caluino, malè nos allegare hunc locum pro remissione pœnæ Purgatorij, quia Dominus loquitur de remissione culpæ, quæ non fit in Purgatorio. Respondet Bellarminus, in Purgatorio remitti etiam culpas, neque de sola culpa Dominum loqui, qui sensus verborum Domini est. Peccatum in Spiritum Sanctum non remittitur in hoc sæculo, neque in futuro, neque quantum ad culpam, neque quantum ad pœnam, cum alia peccata, vel remittuntur in hoc sæculo quoad culpam, & in alio interdum quoad pœnam, ut mortalia, vel, & hic, & ibi quoad culpam, & quoad pœnam ut venialia. Sic Bellarminus, qui antea dixerat, in futuro, hoc est in Purgatorio maius spatium esse diluendi peccata.

Tertium testimonium ex Apostolo 1. Corinth. cap. 3. cuius verba hæc sunt: *Secundum gratiam Dei, qua data est mihi, ut sapiens Architectus fundamentum posui, alius autem superadificat, unusquisque autem videat quomodo superadificat; fundamentum enim aliud, nemo potest ponere, præter id, quod posuit, quod est Christus Iesus: Si quis autem superadificat super fundamentum hoc, autum, argentum, lapides preciosos, lignum, fenum, stipulam, vniuscuiusque opus manifestum erit; dies enim Domini declarat, quia in igne reuelabitur, & vniuscuiusque opus quale sit, ignis probabit; si cuius opus manserit, quod superadificauit, mercedem accipiet, si cuius opus arserit detrimentum patietur; ipse autem saluus erit, sic tamen quasi per ignem.* Hanc Apostoli metaphoram explicat egregiè Bellarminus lib. 2. de Purg. cap. 3. vbi ait, Apostolum in hac sententia, vii similitudine duorum Architectorum, quorum vnus super fundamentum lapideum, & solidum erigit domum ex pretiosa materia, & quæ ignem non timet, qualis sunt autum, & argentum, lapides pretiosi, ut Iaspis, Porphyreticus, Parius lapis. Nam ex auro, & argento fiunt laminæ, & columnæ, ut de Templo Salomonis legimus, ex lapide Patio, & Porphyretico, etiam integri parietes erigi possunt. Alter vero super simile fundamentum idest lapideum, & solidum erigit domum more pauperum rusticorum, ex asseribus, & stipulibus, eamque tegit scæno, & stipulis. Hæc posita similitudine, fingamus vtrique domui adhiberi ignem, videbimus priorem nihil penitus lædi; & si Architectus intus fortasse sit,

XIX.  
Probatur secundum ex verbis Domini.

XX.  
Probatur tertio ex verbis Apostoli.

similiter nihil pati. At posteriorem domum videbimus continuo ignem concipere, & breui tempore totam consumi; & si Architectus intus sit, & velit saluus egredi, videbimus eum exire non posse, nisi per ignem, in quo transitu non quidem morietur, sed tamen barba, & capilli non egredientur incolumes, nisi fortasse fiat miraculum trium puerorum, qui in fornace Babylonica non comburentur. Hæc est similitudo ait Bellarminus, qua B. Paulus vititur, cum ait: *Ipse autem saluus erit, sic tamen quasi per ignem.*

XXI.  
*Peccata venia-  
lia lignum, sæ-  
num, stipula.*

Omissis autem reliquis partibus huius Metaphoræ, ad nostrum propositum satis est obseruare, quid per ligna, sænum, & stipulas intelligatur ab Apostolo, & quid per ignem, de quo dicitur: *Ipse autem saluus erit, sic tamen quasi per ignem.* Est autem constans omnium ferè Doctorum sententia, per ligna, sænum, stipulas, intelligi culpas veniales, per hunc verò ignem, intelligi Purgatorium. Fuit quidem ex Partibus vnus, aut alter, qui nomine ligni, sæni, stipulæ, peccata mortalia intellexit; at hoc defendi non potest, ait Bellarminus. Primo quia peccata mortalia potius comparentur ferro, & plumbo. Secundo quia sequeretur veram esse hæresim Origenis, quod omnes saluarentur, quia Apostolus dicit, saluus erit quasi per ignem; nam illud *Per*, significat transitum, non mansionem, non enim dicit Apostolus saluus erit, sic tamen quasi in igne, sed quasi per ignem, idest ad similitudinem eius, qui euadit mortem transiens per ignem, vbi obseruandum est particulam quasi, significare similitudinem non ignis, perinde ac si ille ignis non sit verus, sed transeuntis per ignem, ita vt sit sensus, ad salutem perueniet, qui ædificauit sænum, sed ad eum modum perueniet, quo perueniet ad aliquem locum is, qui transiit per ignem, sicut dicitur Ioan. 1. *Vidimus gloriam eius, gloriam quasi Vnigeniti à Patre*, idest vidimus eum gloriosum ad eum modum, quo decet gloriosum esse Filium Patris vnigenitum. Itaque pro nomine ligni, sæni, stipulæ, intelligit Apostolus culpas in futuro Sæculo, hoc est in Purgatorio remissibiles, cuiusmodi sunt veniales.

XXII.  
*Peccata in Purgatorio solubilia.*

Expendit id graniter S. Gregorius lib. 4. Dialogorum cap. 39. vbi ait, pensandum sollicitè est, quia illum per ignem dixit saluari, non qui super hoc, ferrum, æs, vel plumbum ædificat, idest peccata maiora, & idcirco duriora, atque tunc iam insolubilia, sed lignum, sænum, stipulam idest peccata minuta, atque leuissima, quæ ignis facile consumit.

Obserua S. Gregorium opponere peccata maiora peccatis minutis, & illa ait, esse igne insolubilia, hæc verò solubilia, quod non potest intelligi de peccatis quoad penam tantum, nam etiam peccata maiora, si dimissa sunt quoad culpam, solubilia sunt igne Purgatorio, & re ipsa soluuntur quoad reatum peccatæ; est ergo sermo de peccatis simpliciter, hoc est de culpis, ex quibus minutz tantum Purgatorio igne soluuntur.

XXIII.  
*Probatur quod non ex Patribus.*

Quartum testimonium sumo ex Patribus, quorum paucos afferam in præsentia. Gregorius Nyssenus in Oratione pro mortuis. Non poterit, inquit, à corpore egrediis Diuinitatis particeps fieri, nisi *maculas animo immixtas*, Purgatorii ignis abstulerit.

Origenes Homil. 6. in Exodum. Qui saluus sit, inquit, per ignem saluus sit, vt si quid forte de specie plumbi habuerit admixtum, id ignis decoquat, & resoluat, vt efficiantur omnes aurum purum.

Oecumenius in 1. Cor. 3. Saluabitur, & ipse quoque non tamen citrà dolorem, vt par est, cum, qui transit per ignem, & à contritiis lenioribus maculis expiatur.

Beda in Psal. 39. Quidam committunt quædam peccata venialia grauiora, & leuiora, & ideo necesse est, vt hi tales in Ira corripiantur, idest in Purgatorio igne; nunc interim ante diem Iudicij ponantur, vt quæ in eis immunda sunt, per illum exurantur, & sic tandem idonei esse cum his, qui in dextera coronandi sunt, inueniantur.

S. Anselmus 1. Cor. 3. Nam de quibusdam leuibz culpis esse ante corporum resurrectionem, Purgatorius ignis credendus est.

Neque contra hanc Patrum doctrinam est S. Chrysostomus Homil. 2. de Lazaro, vbi dicitur. Cum hinc discessemus, non est in nobis sitim pœnitere, neque commissâ diluere. Neque S. Ambrosius lib. de Bono Mortis cap. 2. vbi ait: Qui hic non acceperit remissionem peccatorum, illic non erit, nimirum in Patria Beatorum. Nam ambo loquuntur de remissione mortalium, vt ostendit Bellarminus contra Brentium, non verò de remissione, atque adeo aliquali pœnitentia venialium: nam verè illa acceptio pœnæ à Deo infligitur, cum ex charitate procedat, dici potest virtualis quædam pœnitentia, & licet non sit propriè meritoria, quia non meretur gloriæ, vel gratiæ augmentum, tamen est remissio peccati, vt ex S. Thoma in 4. dist. 21. quæst. 1.

Quintum testimonium sumitur ex vsu Ecclesiæ, quæ orat, & offert pro defunctis, vt à culpis venialibus soluantur, cumque in huiusmodi oblationibus pro vna, eademque anima diu mulumque immoretur, vt constat in Sacris Annuerariis, signifi- cat is illam culparum remissionem, non fieri simultaneè, sed successiue. Porro Ecclesiam orare pro remissione culparum, patet ex Dionysio cap. ult. Ecclesiast. Hierarchiæ. Et ex ipsa nostra Liturgia, in qua dicimus. Remissionem cunctorum tribue peccatorum: Absolue ab omni vinculo delictorum; A peccatis omnibus exue: Indulgentiam pariter, & requiem capiant: Vt si quæ eis maculæ de terrenis contagiis adhererunt, remissionis tuæ misericordia deleantur; Per huius virtutem Sacramenti à peccatis omnibus expientur: A peccatis omnibus exuatur, sine quibus à culpa nemo liber exitit: Da propitiis veniam peccatorum, vt à cunctis reatibus absoluantur: Vt quidquid conuersatione contraxerunt humana, clementer indulgeas.

Hæc, & his planè verbis orat pro defunctis Ecclesia, quæ ad pœnas tantum refert, & nullo modo ad culpas ipsas, violentum planè est, & à legibus omnibus interpretandæ Scripturæ alienum.

Scio Scholasticos aliquos in 4. dist. 21. quæst. 1. docuisse peccatum veniale dici remitti in Purgatorio, quia totaliter ibi punitur, mortale autem non dici remitti post hanc vitam, quia non punitur vnquam ibi totaliter, nisi enim in hoc Mundo, mutetur reatus pœnæ æternæ, in reatum pœnæ temporalis; & sic incipiat hic remissio, non poterit ibi purgari. Verùm hæc explicatio falso nititur fundamento, quod scilicet peccatum reliquat solum in homine, postquam actus transit, reatum pœnæ cum certum sit relinquere in homine etiam maculam, aut aliquid simile, per quod dicatur homo formaliter peccator, & dignus pœna. Adde cum Bellarmino, quod hoc modo re vtræ peccata venialia non possent dici remitti in

XXIV.

Probatur quin-  
to ex vsu Eccle-  
siæ.

XXV.

Quid est pec-  
catum remitti,  
aut non remitti.

## XXVI.

*S. Thomas pro  
remissione ve-  
nialium in Pur-  
gatorio.*

Purgatorio; non enim remittitur, quod totaliter punitur; remissio enim sonat condonationem. Præterea Patres Ecclesiæ docent, peccata grauiā, non dimitti in Purgatorio, sed leuiā. Ex quo arguit S. Thomas loco citato. Aut hoc intelligitur quoad culpam, aut quoad pœnam. Si quoad pœnam contra est, quia grauium pœna verè dimittitur in Purgatorio, si quoad culpam, ergo aliquæ culpæ remittuntur in Purgatorio.

## XXVII.

*Responsio ad  
difficultatem.*

Hac posita de venialibus culpis doctrina, vt statim respondeamus difficultati, distinguimus duplicem Classē animarum degentium in Purgatorio. Alteram earum, quæ suarum culparum Indulgentiam, absolutionem, & remissionem obtinuerunt in vita, & de his dicimus facili negotio, Sacrificiorum multitudine liberari. Alteram Classē ponimus earum, quæ cum multis culpis non condonatis migrarunt ex viuīs, & de his non dubitamus asserere earum per ignem transitum, neque ita facilem, neque ita breuem futurum. Etenim, vt ait Ennisiemus Homil. 3. de Epiph. *per flumini ignem per vada feruentibus globis horrenda transibunt;* neque multum proderit Sacrificiorum multitudo siue per generalem siue per specialem applicationem offerantur, quia fructus remissionis pœnæ proueniens ex opere operato à Sacrificiis non est magis infallibilis, quàm effectus Sacramentorum; effectus autem Sacramentorum sunt infallibiles, & efficaces in illis dumtaxat, qui non habent obicem: at verò qui culpas veniales habent, obicem profecto habent; est enim hoc generaliter requisitum ex parte eius, pro quo cuiusvis generis suffragium offertur, vt culpa, ratione cuius pœnam meretur, iam ei sit remissa; neque enim fieri potest, vt remittatur pœna ante remissam culpam, quia quandiu culpa manet, intrinsecè manet homo dignus pœna, ergo quandiu culpæ non sunt deletæ, nunquam Sacrificia quoad hunc effectum remissionis pœnæ possunt totam suam efficacitatem habere. Quomodo autem, & qua successione huiusmodi dimissio venialium in Purgatorio fiat per actum dilectionis, & patientiæ, hoc alterius est loci, & contra modum potius huius remissionis, quàm contra rem ipsam, objectiones procedunt Aduersariorum.

## XXVIII.

*Anima Purga-  
torij possunt  
habere obicem*

Interim, quod tutissimum est, satagamus, vt per congruam penitentiam, omnium culparum remissionem, ante obitum obtineamus, iuxta id, quod monuit Christus Dominus Matth. 5. & Luc. 12. *Esse consentiens Aduersario tuo cito dum es cum eo in via, ne forte tradat te Aduersarius Indici, & Ind: x tortori, & mittaris in carcerem; amen dico tibi, non exibis inde donec reddas novissimum quadrantem.* Obserua quid sit Aduersarius hic, quid Carcer, & quid quadrans.

## XXIX

*Iuxta Dei est Ad-  
uersarius.*

Aduersarius, ait S. Augustinus Serm. 1. de Verbis Domini, est Dei lex, & Dei sermo, qui semper aduersatur peccanti, & dicit: *Noli*, forsitan deletat te inebriari, ait Augustinus, at Sermo Dei dicit tibi: *Noli*; deletat te spectare, & nugari, ille dicit tibi. *Noli*. In quibuscumque peccaris volueris facere voluntatem tuam, dicit tibi: *Noli*. Aduersarius est voluntati tuæ, donec fiat Author salutis tuæ. Quod vero nomine Carceris intelligatur Purgatorium, & nomine Quadrantis quod est minima moneta, veniale peccatum, docet ex antiquis Patribus Bellarminus lib. 1. de Purgat. cap. 7. contra aliquos, qui cum S. Augustino putant hic agi de solutione, quæ fit in Inferno, vnde dicunt illud: *donec reddas* non significare certum tempus, sed æternitatem; sicut cum dicitur Matth. 1. Non cognouit eam *donec pareret filium suum*. Et Psalm. 109. Sede à dextris meis, *donec ponam inimicos tuos*

scabellum

## XXX.

*Carcer est Pur-  
gatorium, &  
quadrans est  
peccatum mi-  
nimum.*

scabellum pedum tuorum ; non enim licet colligere , ergo post quam Maria peperit , cognouit eam Ioseph . Et post quam posuerit inimicos sub pedibus , non sedebit à dext. is .

Verum hæc exempla non satisfaciunt , ait Bellarminus . Nam cum dicitur non cognoscebat eam donec pareret , non licet quidem inferre , ergo postea cognouit eam , sed inferre licet , ergo illa aliquando paritura erat . Similiter cum dicitur : Sede à dextris meis , donec ponam , rectè inferitur , ergo aliquando ponentur omnes inimici Christi sub pedibus eius , alioqui illud donec , ineptè diceretur . Ita ergo cum dicitur , non exibis , donec soluas vltimum quadrantem , inferimus rectè , ergo aliquando soluet vltimum quadrantem , & consequenter exibat inde . Non enim videtur hoc rectè intelligi posse , nisi aliquando sit futurus finis solutionis . Atque hoc modo videntur intellexisse hunc locum antiqui Patres .

Sanctus Bernardus de Obitu Huberti : illud scitote , quia post hanc vitam in Purgatorij locis centupliciter quæ fuerint hic neglecta redduntur vsque ad nouissimum quadrantem .

S. Hieronymus in cap. 5. Matthæi ; hoc est , quod dicit non egredieris de Carcere , donec etiam minuta peccata persoluas .

S. Ambrosius in hunc locum Luc. 12. tamdiu exercetur noxius pœnis , vt commissi supplicia erroris expendat .

Origenes in Epist. ad Rom. Quamuis , inquit , promittatur exeundum esse quandoque de Carcere , tamen designatur non inde exiri posse , nisi reddat quicquid nouissimum quadrantem .

Ex quibus tandem omnibus constat quamobrem , non omnes animæ defunctorum faciliè à Purgatorio liberentur . Quamuis ( quod erat nobis in præsentì quæstione probandum ) omnes ius aliquod habeant , vt Sacrificium quodlibet pro se omnibus offeratur .

## QVÆSTIO OCTAVA.

*An Fidelium Anima dum sunt in Cœlis aliquod ius retineant ad fructus huius Montis.*

- |      |  |
|------|--|
| I.   | <i>Proponitur controuersia.</i>                        |
| II.  | <i>Nostra Sententiâ affirmatiua.</i>                   |
| III. | <i>Sacrificium pro Martyribus.</i>                     |
| IV.  | <i>Sacrificium pro Infantibus baptizatis.</i>          |
| V.   | <i>Colligitur primum fundamentum nostræ Sententiæ.</i> |
| VI.  | <i>Alterum fundamentum.</i>                            |
| VII. | <i>Beati sunt membra eiusdem Christi familie.</i>      |



- VIII. *Objectio à paritate Sacramentorum.*  
 IX. *Sacrificium relictum est familia pro omni statu, non sic Sacramenta.*  
 X. *An Beati sint capaces fructus Sacrificij.*  
 XI. *Testimonium Ecclesie de hac capacitate.*  
 XII. *Divisio Sacrificij.*  
 XIII. *An ex Sacrificio, ut honorarium est, aliquis fructus percipiatur à Beatis.*  
 XIV. *Fructus Beatis ex Sacrificio honorario.*  
 XV. *Martyres Canonis, Principes Solij.*  
 XVI. *Fructus Beatis ex Sacrificio propitiatorio.*  
 XVII. *In quo sensu datur Sacrificium satisfactorium pro Beatis.*  
 XVIII. *Debitum Beatorum.*  
 XIX. *Solutio sit maius.*  
 XX. *Sacrificium institutum pro soluendo etiam hoc debito.*  
 XXI. *An id singulariter sit in hoc Sacrificio.*  
 XXII. *Retributio Dei, & hominis.*  
 XXIII. *Grati animi est. Obire.*  
 XXIV. *Quid nomine Calicis salutaris.*  
 XXV. *Factum Ecclesia est pro Commentario.*  
 XXVI. *Calix salutaris in sensu literali est Eucharistia.*  
 XXVII. *Sacrificium unicum retributionum, & compensationum.*  
 XXVIII. *Vis retribuendi ex opere operato in solo Sacrificio.*  
 XXIX. *Fructus Beatis ex Sacrificio Eucharistico.*  
 XXX. *Fructus Beatis ex Sacrificio impetratorio.*  
 XXXI. *An offerri possit pro impetranda gloria accidentali Beatis intrinseca.*  
 XXXII. *Ratio pro Sententia affirmante.*  
 XXXIII. *Ecclesia triumphans offert pro Militante.*  
 XXXIV. *Efficacia precum Ecclesie ab Altari.*  
 XXXV. *Ecclesia Militans offert pro Triumphante.*  
 XXXVI. *An anima Purgatorij orent pro nobis.*  
 XXXVII. *Ecclesia Purgatorij orat, & offert pro Ecclesia Militante.*  
 XXXVIII. *An Beati orent pro animabus Purgatorij.*  
 XXXIX. *Ecclesia, quæ est in Cælo orat pro ea, quæ est in Purgatorio.*  
 XL. *An anime Purgatorij innari possint per modum impetrationis.*  
 XLI. *Orationis efficacia, ut est petitio, est impetratio.*  
 XLII. *Admitti possunt suffragia per solam impetrationem.*  
 XLIII. *Preferuntur suffragia per solutionem.*  
 XLIV. *Quomodo Beati possunt innare per modum solutionis per viventes.*  
 XLV. *Quando possunt solvere etiam ex propriis.*  
 XLVI. *An omnia membra Ecclesie offerant pro se invicem.*  
 XLVII. *Si offerunt pro se invicem offerunt.*  
 XLVIII. *Absolute omnia offerunt.*  
 XLIX. *Etiam oblatione proxima, & actuali.*

- L. *Offert semper Ecclesia, quæ est in Cælo.*  
 L I. *Offert semper Ecclesia, quæ est in Purgatorio.*  
 L II. *Offert semper Ecclesia, quæ est in Terris.*  
 L III. *Trisagium trimebris Ecclesia.*



X nostris principiis illud etiam videtur sequi, fidelium animas non solum quamdiu in Purgatorio degunt, verum etiam dum iam sunt in Cælis, retinere ius offerentis respectu cuiuscumque Sacrificij; si enim semel illis victima huius Sacrificij relicta est, cum primo cæperunt esse de corpore, & familia Christi, nulla videtur esse ratio cur non possint semper frui priuilegio, & suo vti iure offerentis.

In contrarium videtur esse, quod victima huius Sacrificij relicta quidem à Christo est omnibus filiis familie suæ; verum non pro omni statu, sed tantum pro statu indigentia; quare mirandum non est, si in hac vita, & in locis Purgatorij quicumque ad hanc familiam pertinent, sint offerentes, in Beatitudine verò non item.

Ergo à nobis primo loco probandum victimam huius Sacrificij non solum relictam à Christo suis fidelibus esse pro statu præsentis vitæ, neque solum pro statu Purgatorij, sed etiam pro statu Beatitudinis, atque adeo pro omni statu. Probamus autem ex eodem statu, ex quo hausimus argumenta pro Animabus in statu Purgatorij, & primo quia hoc Sacrificium ex Institutione Christi non solum pro defunctis in Purgatorio degentibus ritè offertur, sed etiam pro iisdem iam in Cælo cum Christo regnantibus.

Testimonium primum sit ex S. Cypriano lib. 3. Epist. 6. vbi, vt obseruat Bellarminus lib. 2. de Miss. cap. 8. petit annotari, & ad se scribi diem mortis Martyrum singulorum, vt possit nominatim in die Anniversario passionis eorum, *pro eis Sacrificium offerre*. Verè apud S. Cyprianum in hac citata Epistola, non est hoc verbum *pro eis*, solum enim dicit *dies* eorum quibus excedunt, annotate, vt commemorationes eorum inter memorias Martyrum celebrare possimus. Sed satis mihi est ad rectum loquendi modum, quod hanc Epistolæ sententiam prædictis illis verbis ad sensum retulerit Bellarminus. Neque mirum est hunc sapientissimum Doctorem in citandis fideliter Patrum testimoniis accuratissimum, id hoc loco fecisse, tum quia illius intentum erat ostendere, in Sacrificio ritè fieri commemorationes Sanctorum, quod est expressum in verbis Cypriani; tum quia hic etiam loquendi modus est alibi expressus apud eundem S. Martyrem, nam lib. 4. Epist. 5. circa medium, cum quorundam Martyrum mentionem fecisset, hæc addit: *Sacrificia pro eis semper, vt meministis offerimus*.

Secundum testimonium est S. Ioan. Chrysostomi Homil. 21. in Acta, in Moral. exposit. post medium, vbi cum locutus fuisset de Sacro-Sancto Missæ Sacrificio. Quid tibi videtur, inquit, quod pro Martyribus offertur, quod inuocantur in illa hora? licet Martyres sint etiam *pro Martyribus offertur*. Vides bis repetitum, *pro Martyribus offertur*, quamuis autem ex toto illius Homiliæ contextu non satis constet, in quem sensum Chrysostomus dixerit, hoc Sacrificium pro Martyribus offerri; Nobis tamen hoc loco satis est, quod hoc dixerit, nam sensum indagabimus infra.

I.  
*Proponitur  
 Controuersia.*

II.  
*Nostra sententia  
 affirmatiua.*

III.  
*Sacrificium pro  
 Martyribus.*

IV.  
*Sacrificium pro  
Infantibus dis-  
tinctum.*

Tertium testimonium ex S. Thoma in 4. dist. 12. quæst. 2. art. 1. quæstione 1. ad 2. pro pueris, inquit, baptizatis Missarum sollemnia celebrantur, non quia eis iuuetur quantum ad remissionem alicuius culpæ, vel quantum ad augmentum gloriæ, sed propter alias rationes. Vides Sanctum Doctorem admittere, Sacrificium offerri *pro parvulis baptizatis*, quos constat esse Beatos. Quidquid sit de rationibus, inter quas illa etiam affertur a S. Doctore, ut nimirum ostendatur, illos ad unitatem corporis mystici pertinere.

Quartum testimonium ex consensu omnium Theologorum, qui proponentes præsentem quæstionem sub his terminis: *An Sacrificium offerri possit pro Beatis*, toti sunt in explicando modo, quo verum est dicere: *Sacrificium pro illis offerri*. Itr quo planè præsupponunt sententiam Catholicam, quam non video nisi ab Hæreticis oppugnatam, *Sacrificium scilicet Missæ veli celebrari pro Sanctis*.

V.  
*Colliguntur pri-  
mum funda-  
mentum.*

Porro ex his testimoniis argumentum conficimus hoc modo. Hoc Sacrificium offertur pro Christi fidelibus, etiam dum sunt in statu Beatitude, ergo illius vltima relictâ illis fuit pro omni statu, etiam Beatitude. Antecedens est expectatum in allatis testimoniis. Consequentia probatur, quia non aliunde à posteriori colligimus, hoc Sacrificium relictum esse Ecclesiæ etiam pro statu, quo est in Purgatorio, nisi quia ex Apostolorum traditione pro fidelibus, etiam dum sunt in eo statu ritè offertur; ergo si ritè offertur pro iisdem dum sunt in statu Beatitudinis, rectè colligimus pro illo quoque statu, atque adeo pro omni statu relictum à Christo suæ Ecclesiæ fuisse, ergo in omni statu habent propriissimam rationem offerentis iuxta ea, quæ in Superioribus explicauimus.

VI.  
*Alterum fun-  
damentum.*

Sed probemus hoc idem à priori. Fideles in quocumque sint statu, semper sunt de corpore vniuersi, eiusdemque Christi familie, tanquam vera illius membra; ergo in quocumque sint statu semper habent ius offerentis, atque adeo participare possunt fructus Montis etc. et pro vniuersa familia iuxta capacitatem status cuiuscumque.

VII.  
*Beati sunt  
membra eius-  
dem Christi fa-  
milie.*

Consequentia videtur certa, cur enim, qui de eodem corpore familie sunt, petuntur communi bono, qua parte, aut indigent, aut capaces sunt?

Antecedens indubitatum est ex Diuinis Scripturis, in quibus Ecclesia describitur tanquam vnus Populus, vna Respublica, vnum Corpus, quod perpendens S. Augustinus lib. 20. de Ciuit. cap. 9. citra medium, locutus nominatim de Beatis Martyribus, subdit generatim: neque enim piorum animæ mortuorum separantur ab Ecclesia, quæ etiam nunc est Regnum Christi, alioquin nec ad Altare Dei fieret eorum memoria in communicatione Corporis Christi, nec aliquid prodesset ad eius in periculis Baptismum currere, ne sine illo finiatur hæc vita, nec ad reconciliationem, si fortè per pœnitentiam, malamve conscientiam quisque ab eodem corpore separatus est; cur enim fiunt ista, nisi quia fideles etiam defuncti, membra eius sunt? Sic Augustinus. Et nota vim argumenti, quo probat fidelium animas per mortem nullo modo separari ab vno, eodemque corpore familie Christi. Quia scilicet alioquin nobiscum idem Altare non participarent: hoc enim præsupponit, esse adhuc de eodem corpore familie, immò vt hoc ius acquiritur, & teneant, fatagunt, vt cum decedunt è viuis, tanquam filij huius familie decedant, ideo si foris inueniantur, per Ianuam Baptismi intrare contendunt, aptequam finiatur Vita; & si fortè contingat, vt aut per excommunicationem, aut per

hæresim è familia ejiciantur, solliciti sunt, vt ante obitum vnitati restituantur; quare hoc ait Augustinus: quia si decedunt dum sunt de familia, tanquam membra familiæ decedunt nunquam ab illa sepatandi. Hic est sensus verborum Augustini.

Sed dices, Sacramenta sunt relicta à Christo familiæ suæ, nec tamen pro omni statu, vt patet; ergo neque hoc Sacrificium relictum vlllo modo est eidem familiæ pro statu Beatitudinis. Hanc consequentiam, & paritatem Sacramenti, & Sacrificij auidè arripiunt Hæretici. Ex illa enim conantur probare eos, qui ratione status capaces non sunt Sacramentorum, neque esse Sacrificij.

Rpondeo negando consequentiam, & paritatem. Disparitas autem est, quia Sacramenta non profunt nisi fumentis, & fuscipienti, & quia animæ non possunt esse fumentes, & fuscipientes, nisi in statu vnionis cum corpore; ideo Sacramenta non sunt relicta Ecclesiæ pro statu separationis à corpore; at verò Sacrificium prodest etiam nihil fumentibus, modò pro illis etiam offeratur, ex quo principio optimè intulit Bellarminus contra Lutherum, manducationem Eucharistiæ, quæ sit à Sacerdote, vt est Sacramenti susceptio, soli Sacerdoti prodesse, vt autem est Sacrificij consummatio prodesse illis omnibus, pro quibus oblatum est Sacrificium, constat autem inter eos, pro quibus Sacrificium hoc offerri potest, esse animas etiam in statu separationis à corpore, alioquin non posset offerri pro animabus Purgatorij, quod affirmare hæreticum est.

Non potest igitur nostrum fundamentum aliter oppugnari nisi ostendendo fidelium animas pro statu Beatitudinis incapaces omnino esse cuiuscumque effectus huius Sacrificij, quæ videtur communis recentiorum via, qui pro solis mortuis in Purgatorio existentibus Missæ Sacrificium offerri posse contendunt, quia omnes alij mortui sunt in statu æternæ, vel Beatitudinis, vel damnationis.

Verum Beatorum animas æquè incapaces esse omnis fructus huius Sacrificij, ac animæ damnatorum, quamuis ob diuersam rationem, valde alienum arbitror à communi Ecclesiæ sensu; primo quia Sapientissimi Patres, quorum testimonium atulimus non dubitarunt absolute pronuciare, Sacrificium hoc pro Beatis etiam offerri, quod sanè ineptè diceretur, si nullus omnino fructus illis obueniret.

Secundo quia Ecclesia tota in facta Liturgia apertè hoc præsupponit. Quid enim est, offerimus hanc oblationem vt illis *proficiat ad honorem*? quid est *proficere* alicui, nisi illi prodesse, & fructum aliquem illi facere? Huc etiam facit, quod sæpè Ecclesia in Orationibus de Sanctis: *Sumpsimus Domine sancta Mysteria, quæ sicut Sanctis tuis profunt ad gloriam*, ita nobis quæsumus proficiant ad medelam.

Non debemus ergo abhorrere ab hoc dicendi modo quasi Sanctis iniurioso, quod scilicet Sacrificium Ecclesiæ *proficiat, & proficit*, etiam illis iam cum Christo regnantibus, nam quod Augustinus dicit Serm. 17. de Verbis Apostoli, injuriam facere Martyri, qui orat pro Martyrè; intelligitur, vt rectè notat Bellarminus, de illis, qui Martyri precantur remissionem peccatorum, vel gloriam essentialem, quasi illa careret, Cæterum negari non potest aliquem fructum percipere ab hoc Sacrificio omnes, de quibus verum est dicere, quod illis *proficiat, & proficit*.

Satius proinde, & vtilius agemus si admissis, ea qua decet reuerentia, huius propositionibus quàm sapientissimè ab Ecclesiâ usurpatis, conabimur explicare, qui-

E E e iij

VIII.

*Objectio à paritate Sacramentorum.*

IX.

*Sacrificium relictum est familia pro omni statu, non sic Sacramenta.*

X.

*An Beati sint capaces fructus Sacrificij.*

XI.

*Testimonium Ecclesiæ de hac capacitate.*

nam huius sacrificij sint fructus, cuius Beati possint esse capaces.

XII.  
*Divisio Sacrificij.*

Id vt ostendamus recolenda est celebris illa diuisio quadruplicis sacrificij, Sacrificium enim nostrum quamuis vnum, & simplex, continet sacrificiorum omnium differentias, tanquam illorum omnium consummatio, & perfectio, vt sumitur ex Trident. Sess. 21. cap. 1. Itaque vnum, & idem, est simul sacrificium honorarium, sacrificium Propitiatorium, sacrificium Eucharisticum, & sacrificium Imperatorium. Videamus ergo secundum quam differentiam ex his quatuor enumeratis, sacrificium hoc Sanctis etiam proficuum esse possit.

XIII.  
*An ex sacrificio  
ut honorarium  
est, aliquis fru-  
ctus percipiatur  
à Beatis.*

Et primo ex hoc sacrificio quatenus holocaustum quoddam est, sub qua ratione Latreuticum, & honorarium etiam nominatur, videtur nullum fructum Sanctis contingere; ratio est quia quamuis sacrificium sub quacumque ratione sumatur, offerri non possit nisi soli Deo, vnde definitur summus Latræ cultus, & oblatio facta soli Deo: Tamen hoc, quod Deo offertur, ordinari etiam potest ad aliquid, aliis obtinendum; quare licet nulla Creatura possit esse, *Cui* sacrificium offeratur, potest tamen esse, *pro quo*, idem sacrificium Deo tanquam soli *Cui* offertur; sic quod in Scriptura dicitur, sacrificium pro peccato, quod etiam Propitiatorium appellatur præter summum Dei cultum, habet pro fine peccatorum remissionem, vnde *pro* peccatoribus offertur; similiter sacrificium, quod communi vocabulo imperatorium nominatur, licet offerretur soli Deo, ordinabatur tamen ad beneficia impetranda, vnde *Pro* indigentibus offerebatur. At verò finis sacrificij, quod holocaustum dicebatur est solus Dei honor, & reuerentia Diuinæ Maiestatis, ad quod significandum, & protestandum tota victima cremabatur, vt resoluta in vaporem tota sursum ascenderet. Ex quo videtur sequi, quod dicebamus, hiniurum ex hoc sacrificio, quatenus honorarium est, & quædam publica, & solemnis protestatio Summæ Maiestatis, nullum Sanctis fructum obuenire.

XIV.  
*Fructus Beatis  
ex sacrificio ho-  
norario.*

Verum enim vero S. Ioan. Chrysostomus Homil. illa 21. in Acta Apost. indicat fructum quandam honoris, Beatis Martyribus in sacro Canone nominatis provenientem ex hoc sacrificio, quatenus honorarium est, non quod sacrificium aliqua ex parte Sanctis in honorem offeratur, quod nobis per summam calumniam affingunt Heretici, sed quia hoc ipso quod sacrificium est publicus Latræ cultus, & soli Deo in professionem Diuinæ Maiestatis, & creatæ inferioritatis totum offertur; hoc ipso, inquam, hoc planè sequitur, vt Sancti, qui in tanta Actione vocantur, aut nominantur, per hoc ipsum, quod tunc nominantur, privilegio quodam honoris præcipui condecorentur, ad eum ferè modum, quo honorificum valde est, Regiæ Aulæ Magnatibus, dum Rex suo sedet Solio, & publicè à circumfuso populo colitur, locum aliquem apud ipsum habere; Quare Beati Martyres, qui statim ac legitimo ordine in sacro Canone nominantur, videntur esse Principes Solij, qui Christo Summo Pontifici astant, dum Populi Angelorum, vt loquitur Augustinus inclinatis cervicibus Diuino Altari supplices affanduntur. Sed audiamus Chrysostomum in Homil. cit. propè finem. Quid putas, inquit, pro Martyribus offerri, quod vocantur in illa hora? licet Martyres sint, etiam pro Martyribus magnus honor nominari Domino præsentem, dum mors illa perficitur, & horrendum sacrificium, & ineffabilia mysteria. Nam quasi sedente Rege, &c.

XV.  
*Martyres Ca-  
nonis Principes  
Solij.*



Secundo loco videndum est, An ex hoc sacrificio, quatenus Propitiatorium est pro peccatis nostris, fructum etiam aliquem Beati percipiant. Et sanè cum ex vna parte habeamus, quod huius oblatione placatus Dominus, gratiam, & donum pœnitentiæ concedens, crimina, & peccata etiam ingentia dimittit, vt definit Trident. Sess. 22. cap. 2. Et ex altera icipimus ex Christi Domini verbis Luc. 15. quod gaudium erit coram Angelis Dei super vno peccatore pœnitentiam agente; videtur extra controuerliam positum huiusmodi gaudij fructum per Propitiatorium sacrificium à Sanctis vberimè percipi. Dico vberimè per hoc sacrificium, quia vt in superioribus probauimus, propitiatio pro peccatis Mundi est effectus primarius, & proprius huius sacrificij; immò hoc sacrificium, est fons omnis remissionis peccatorum; nam vt docuimus cum sancto Thoma in cap. 6. Ioan. lect. 6. quidquid est effectus Dominiæ Passionis, totum est effectus huius sacrificij: Constat autem primarium effectum Dominiæ Passionis fuisse remissionem peccatorum, hinc dixit S. Augustinus quæst. 57. in Leuit. agens de hoc sacrificio inuento Christianæ Religionis in multis sacrificijs, quæ pro peccatis offerebantur, vnum hoc nostrum sacrificium significatur, *In quo vera sit remissio peccatorum*, nimirum, vt idem ait Serm. 11. de Sanctis in hoc sacrificio *Pro peccatoribus Christi sanguis effunditur*. Quasi (quod monet Trident. capite illo 2.) cum vero corde, & recta fide, cum metu, & reuerentia contriti, ac pœnitentes ad hoc sacrificium accedamus non solum nos misericordiam consequemur, & gratiam inueniemus in auxilio oportuno, sed summo gaudio Sanctos omnes afficiemus, & illos nominatim, qui expressè ibi vocantur, & nominantur.

XVI.

*Fructus Beati  
ex sacrificio  
Propitiatorio.*

Sed quamuis hæc verè dicta sint, adhuc tamen non videmur rem ipsam attigisse, quia in rigore loquendo, offerre pro alio, est quodammodo pro illo soluere, vnde præsupponit aliquod debitum in eo, pro quo fit oblatio, sic propriissimè offerimus pro animabus, quæ sunt in Purgatorio, quia illis applicamus sacrificium satisfactorium per modum solutionis. Quamobrem cum Beati nullum habeant debitum culpæ, & nullum reatum pœnæ, non videtur cum illis habere locum sacrificium satisfactorium.

XVII.

*In quo sensu  
datur sacrifici-  
um satisfactorium pro  
Beatis.*

Propter hæc, ad tertiam sacrificij speciem descendendo, ostendam duo. Primum, in Beatis esse debitum quoddam maius omni debito, & quod exolvere planè nec ipsi sufficiunt. Alterum, sacrificium hoc esse præcipuo nomine institutum ad huius generis debitum exoluendum; vnde manifestum erit quàm verè, & propriè sacrificium hoc offerri pro Sanctis possit, ac debeat. Dixi in Beatis comprehensoribus esse debitum aliquod maius quocumque alio, quod antea dum essent Viatores contraxerunt; nam quæ sunt propria Viatorum debita, peccata sunt, quæ propterea dicuntur debita nostra. Hæc autem persoluta omnino sunt, & eorum nomina planè deleta. At verò ex hac ipsa tàm ingentis debiti dimissione, & præsentis insuper proëmij collatione, consurgit superioris cuiusdam generis debitum vsque adeo magnum, vt nulla omnino solutione exhausti possit; tale quippe debitum est, ait Chrysost. Homil. 23. in cap. 13. ad Rom. vt reddatur, & semper debeatur; immò (quod est notandum) solutione ipsa fit maius, & crescit, quod secus accidit in debito Iustitiæ, etiam ad Deum, nam illud sine dubio impletur solutione, vt locum iam non habeat Iustitiæ exhibitio;

XVIII.

*Debitum Beatorum.*

XIX.

*Solutio pro  
Beatis.*

at verò per gratiarum actionem nunquam potest homo exhaustire debitum, quod ad Deum habet ob Diuinorum beneficiorum collationem, quod bene notauit in simili P. Suarez Tom. 1. de Relig. lib. 1. in fine, quia per ipsam debiti solutionem nouum beneficium homini confectur, quia ipsa solutio, sicut nouum virtutis est opus, ita nouum Dei donum, beneficiumque est, immò conatus ipse, & desiderium huic ingenti debito faciendi satis, debitum ipsum auget, & cumulat; quare frustra laboramus tantum debitum exhaustire. Hinc si Deus Sanctorum cullibet, cui dictum fuerit: *Intra in gaudium Domini tui*, hoc etiam addidit: *Amen dico tibi, non exibis inde, donec reddas nouissimum quadrantem*. Si, inquam, & hoc addiderit, perinde fuerit, ac dicere, nunquam exibis inde, nam gratias agendo solues semper, nunquam persolues.

## X X.

*Sacrificium in-*  
*stitutum pro*  
*solueno etiam*  
*hoc debito.*

Indicauimus naturam huius debiti, quam Sancti in Cælo omnium optimè norunt. Videamus nunc, quod secundo loco propositum erat; An ad hoc maxime debitum soluendum institutum singulariter fuerit hoc sacrificium. Probabimus autem duo. Primum hoc sacrificium ex sua Institutione, ad hoc valere. Secundum, vix aliud in tota Ecclesia esse, à quo huius debiti solutio peti possit. Et quidem quod sacrificium ex sua Institutione ad hoc valeat, habemus tum ex veteri, tum ex nouo Testamento. Ex veteri Leuit. 3. vbi habetur sacrificium *Pascificum* institutum primo loco ad agendas gratias pro beneficio accepto, quod propterea à Iosepho lib. 3. Antiq. cap. 10. idest *Hostia gratiarum actionis*, & ab alius vt notat Ribera lib. 4. de Sacrif. cap. 4. *Sacrificium retributionum, seu compensationum* appellatum est. Hoc autem probat sacrificium nostrum esse sacrificium retributionis, & compensationis, quia illud sacrificium ad retribuendum Domino institutum, fuit Typus, & figura huius nostri, vt enim vniuersaliter docuit, ac definiuit Trident. Sess. 22. cap. 1. *Hæc oblatio illa est, quæ per varias sacrificiorum naturæ, & legi tempore similitudines figurabatur*. Et statim quasi reddens pro causa, quod hic intendimus, nimirum hanc retribuendi vim contineri in hoc nostro sacrificio, eo quod hoc sit de natura rei figuratæ, vt quidquid est valoris, & pretij in figura, eminentiori quadam ratione comprehendatur à figurato; subdit: *et potest quæ bona omnia per illa significata velut illorum omnium consummatio, & perfectio complectitur*.

Secundo ex nouo Testamento. 1. Timoth. 2. vbi Apostolus iubet fieri *Gratiarum Actiones*, quod S. Ambrosius lib. 6. de Sacram. cap. vlt. Augustinus Epist. 59. ad Paulinum, & ex his Bellarminus lib. 2. de Miss. cap. 8. intelligit de nostro sacrificio Eucharistico, quod est gratiarum actionis, vt alibi fusius.

## X X I.

*An id singula-*  
*riter sit in hoc*  
*sacrificio.*

Ostendamus nunc hanc vim retributoriam Domino singularem esse in hoc nostro sacrificio; id primo loco probandum est ex Propheta, qui in rebus ad Christi Pontificatum, & sacrificium Ecclesiæ pertinentibus fuit mirificè illustratus. Is in Psal. 115. *Quid retribuam*, inquit, *Domino pro omnibus, quæ retribuit mihi*? Insinuat primo loco Propheta magnam circumstantiam Diuinorum beneficiorum; nam non ait, pro omnibus, quæ tribuit mihi, inquit Augustinus, sed pro omnibus quæ retribuit mihi. Quæ igitur præcesserant hominis, vt omnium donorum Dei, non attributio, sed retributio vocari possit? Quæ præcesserant hominis, nisi peccata? Retribuit ergo Deus bona pro malis cui homines retribuunt mala pro bonis; hæc enim retribuerunt, qui dixerunt Matth. 21.

*Hic*

X X II.  
*Ret. bene Dei,*  
*& hominis.*

*Hic est haeres, venite occidamus eum, sed querit ille quid retribuatur Domino? Hoc nimirum est grati animi, ait S. Ioan. Chrysost. Obire, & prois, quæ accipit, beneficiis querere benefactori aliquam referre gratiam. Obiit igitur S. Propheta, circumiit, & circum lustravit terram, & anxie, sollicitè quæsiuit, si quid esset, quod retribueret, & quasi par pari referret; sed non inuenit, ait Augustinus ex eis, quæ ipse Dominus retribuit. Calicem, inquit, salutaris accipiam. Hunc locum communiter Patres exponunt de Calice patientiæ, & Passionis, iuxta illud Match. 20. potestis bibere Calicem, quem ego bibiturus sum, quam expositionem ait Beilaminus confirmat consuetudo Ecclesiæ, quæ hunc psalmum in Martyrum solemnitatibus cantare solita est, sed quamvis hæc expositio admitti possit, nullo tamen modo rejici debet illa alia, qua nomine Calicis salutaris intelligitur sacrificium Eucharisticum Sanguinis Domini, quod est sacrificium retributionum, & compensationum.*

XXIII.  
Grati animi  
est Obire.

XXIV.  
Quid nomine  
Calicis salutaris.

Primo, quia si priorem expositionem confirmat Ecclesiæ consuetudo, psalmum hunc in Martyrum solemnitatibus decantantis, multò magis posteriorem confirmat eiusdem Ecclesiæ consuetudo, quæ in sacra Liturgia hunc locum expressè intelligit, & exponit de Calice Sanguinis Eucharistici; vbi advertere licet, bis huius Calicis salutaris mentionem fieri in sacra Liturgia, semel ante consecrationem, cum dicimus: *Offerimus tibi Domine Calicem salutaris*, iterum verò post Corporis sumpcionem, cum dicimus: *Calicem salutaris accipiam*; & quidem utrobique per Calicem salutaris intelligere se Calicem sacrificij ostendit ad sensum Ecclesiæ; nam in priori loco, illum offert in odorem suavitatis, in posteriori; illum ipsum oblatum, & consecratum ad consummationem sacrificij accipit, quare id ipsum, quod facit Ecclesiæ dum illa recitat verba, est eorundem verborum illustrissimus Commentarius.

XXV.  
Psalm. Eccle  
sia pro Com-  
mentario.

Accedit quod S. Ioan. Chrysostomus inter omnes Patres maximè litteralis, expressè docet sensum historicum huius loci esse de sacrificio. Nos autem, ait ipse, historiarii sequentes, dicimus eum, hic dicere libamina, & sacrificia, & hymnos gratiarum actionis, erant enim antiquitus diuersa sacrificia. Hoc est, ergo quod dicit, non possum quidem, quod dignum est persolvere, soluo autem quod possum, offeram enim Deo sacrificia gratiarum actionis. Hæc Chrysostomus, de cuius mente dubitari non potest; nam paulo post exponens eiusdem psalmi versiculum: *Tibi sacrificabo hostiam laudis*. Vide, inquit, quomodo superius, & inferius, & vbique exsoluit eandem Deo retributionem superius dicens, *Calicem salutaris accipiam*, hic, *Tibi sacrificabo hostiam laudis*. Itaque secundum Chrysostomum, Calix salutaris idem est, quod illa victima, seu hostia, quæ dicebatur, *hostia pacificorum*, quæ à Septuaginta dicitur hostia salutaris, & ab Hebræis victima retributionem.

XXVI.  
Calix salutaris  
sensu litterali  
est Eucharistia.

Hanc etiam expositionem sequutus est Caietanus in suis Commentariis super Psalmos, ad Hebraicam veritatem castigatos, nam Hebræicè *pro Calicem salutaris accipiam, habetur Calicem salutarum leuabo*: ecce quid reddam, ait Caietanus sacrificij gratiarum actionis, hoc enim describit à leuatione Calicis salutaris, hoc est pro salutibus habitis, quia enim libamina in huiusmodi sacrificiis pro gratiarum actione interueniebant, ideo à Calice descripsit. Hæc ille.

Declarauit ergo Sanctus Propheta ad retribuendum Deo pro omnibus, quæ

XXVII.  
*Sacrificium  
unicum retri-  
butionum &  
compensationum.*

retribuere sibi, nihil se, aut præstantius, aut aptius, immò nihil nisi illud sacrificium inuenisse, quod iure optimo dicebatur sacrificium retributionum, & compensationum. At sacrificium illud, quid nam erat nisi quædam forma; seu potius umbra futuri? Nunc carnalium sacrificiorum varietate cessante, ait S. Leo Serm. 8. de Passione, omnes differentias Hostiarum, vna Corporis, & Sanguinis sui implet oblatio; & sicut vnum est pro omni victima sacrificium, ita nunc vnum de omni gente fit Regnum; atque ad hoc quidem Regnum Ecclesiæ, cuiusque vnicuique sacrificium respexit sine dubio in hoc psalmo Sanctus Propheta. Nam sub nomine votorum, seu victimarum votuarum, quæ immolabantur in Atrio Sacerdotum intra Ciuitatem Hierusalem, extrâ quam non licebat sacrificare. Concludit, Vota mea, hoc est votiuas oblationes, & sacrificia Domino reddam in conspectu omnis populi eius, in atrijs domus Domini, in medio tui Hierusalem.

XXVIII.  
*Vim retribuendi  
ex opere operato  
est in solo  
sacrificio.*

Est igitur manifestum ex Propheta vim retribuendi Domino præstantissimo modo esse in Ecclesiæ sacrificio. Immo si loquamur de virtute retribuendi ex opere operato, illa vnicè, & singulariter est in hoc sacrificio. Nam Sacramenta habent quidem vim sanctificandi homines ex opere operato, sed non retribuendi Deo pro ipsa hominum sanctificatione. Orationes, & laudes quatenus quædam sunt gratiarum actiones, habent vim aliquam retribuendi Deo, sed illam habent dumtaxat ex opere operantis. At certò, & infallibiliter, atque adeo ex Institutione, & promissione, vnicè hoc habet sacrificium Ecclesiæ, quod immolatur in persona Christi, & quod idem omnino est cum sacrificio Cœnæ, quod in gratiarum actionem, & laudem oblatum pariter fuit, & institutum.

XXIX.  
*Fructus Beatis  
ex sacrificio Eu-  
charistico.*

His præcognitis apertè probamus sacrificium hoc, vt Eucharisticum est, seu, vt est Mons quidam retributionum, & compensationum pro omnibus, quæ retribuit Deus, ferre posse fructum vberimum Beatis, atque adeo offerri pro illis posse, atque debere; nam in tantum offerri pro illis non potest hoc sacrificium vt propitiatorium est, pro culpis, & satisfactorium pro pœnis, in quantum illius generis debitum non est amplius in Beatis. Si enim huiusmodi debitum, vel leuissimum in illis esset, vtiq; etiam, vt propitiatorium pro illis offerretur, quemadmodum de facto offertur pro Sanctis animabus Purgatorij; at debitum retribuendi Deo pro omnibus, quæ retribuit eis, sibi maximum est, in Beatis profecto est; ergo cum, & ipsi sint de familia pro qua tota, Mons hic retributionum, & compensationum erectus est, retinent integrum ius ad eius generis fructus, atque in publicis Ministris huius Montis insurgit obligatio illos reddendi, & veluti distribuendi iuxta leges Institutionis, & erectionis in sacro Canone sanctis declaratas.

XXX.  
*Fructus Beatis  
ex sacrificio  
impetratorio.*

Superest postremo loco, vt inquiramus, an ex hoc sacrificio, etiam quatenus impetratorium est, suis fructus possit Beatis prouenire. Et primo extrâ controuersiam videtur posse hoc sacrificium offerri Deo ad impetrandum Beatis gloriam, & honorem illis extrinsecum, in quo vt notat P. Suarez cum Innocentio, non tam pro Beatis, quam pro nobis, nostrisque proximis oramus, & offerimus; petimus enim vt magis, ac magis à fidelibus glorificentur in terris, quod nostra est vilitas, & commoditas, quamuis in Sanctorum gloriam redundet, sicut in Oratione Dominica petimus, *sanctificetur nomen tuum*, & possumus sacrificium

offerre ad hoc ipsum impetrandum, nec tamen propterea propriè dicemur offerre sacrificium pro Deo, sed pro nobis, vt glorificemus Deum. Sed quidquid sit, an propriè dici possit sacrificium, offerri Deo, & etiam pro Deo, si ad impetrandam tantum Diuini nominis sanctificationem offeratur, in quo non facile inuenies absurditatem. Quod hoc loco in controuersiam vocatur, illud est, an possit directè hoc sacrificium offerri pro Beatis ad impetrandam aliquam gloriam illis intrinsecam, non quidem essentialem sunt enim in termino, sed quæ consistat in illuminationibus, & gaudiis accidentalibus. Negat P. Suarez disp. 78. Sect. 3. sed nullum pro sua sententia affert fundamentum. Nos ad partem affirmantem propendimus, ad quam videtur inclinasse Bellarminus lib. 2. de Purgat. cap. 18. vbi ad dubium. An Beatis prosint suffragia, duplicem refert responsonem Innocentij tertij; primam, non petere nos gloriam Sanctis, vt illi in gloria crescant, sed vt apud nos gloria eorum crescat. Secundam, non videri absurdum, si petamus Beatis augmentum gloriæ alicuius accidentalis. Quod autem Innocentius in secunda responssione loquatur de gloria accidentali Sanctis intrinseca, patet, quia de extrinseca locutus iam erat in prima. Vnde Bellarminus quasi huic sententiæ inhærens explicat statim Augustinum, dicentem iniuriam facere Martyri, qui orat pro Martyre, de illis, qui Martyri precantur gloriam essentialem, quasi illa careret.

Fundamentum autem nostrum est huiusmodi. Ecclesia triumphans in Cælo offerre potest hoc sacrificium ad impetrandos fructus, quorum capax est Ecclesia Militans, ergo potest pariter Ecclesia Militans hoc idem sacrificium offerre ad illos fructus impetrandos, quorum capax est Ecclesia Triumphans; sed Ecclesia Triumphans capax est augmenti alicuius gloriæ accidentalis, ergo potest Ecclesia Militans sacrificium offerre ad impetrandam Ecclesiæ Triumphanti huiusmodi gloriam accidentalem. Minorem subsumptam de illa capacitate supponimus cum Aduersariis. Quare P. Suarez loco citato illam etiam præsupponens, hæc vicissitudo, inquit, gloriæ accidentalis semper creditur oriri ex his, qui in Ecclesia Militante fiunt, ideoque solum vsque ad diem Iudicij esse duraturam, vel certè si aliunde etiam oriri potest, habet in singulis Beatis suam certam legem stabilem, & independentem ab Oratioribus nostris, & ideo ad nos non pertinet pro eis orare, quantum ad augmentum huius gloriæ. Hæc ille.

Probemus igitur Antecedens de oblatione Ecclesiæ Triumphantis facta pro Militante, ex quo deinde ad consequentiam descendemus.

Illud autem facile erit nobis probare ex alibi disputatis, sed satis sit hoc loco monere, Dogma Catholicum esse, Ecclesiam Triumphantem offerre Deo preces, & supplicationes Ecclesiæ Militantis, iuxta illud Tob. 12. Ego obtuli *Orationem tuam Domino*, quod quamuis in veteri Testamento expressum habeamus de Angelis tantum, eo quod Sancti, qui ante Christi Aduentum moriebantur, non intrabant in Cælum, nec Deum videbant, nec cognoscere poterant ordinari preces supplicantes, tamen vt rectè Bellarminus lib. 1. de Sanct. Beat. cap. 18. multò magis intelligi idem nunc debet de spiritibus hominum Beatorum; nam in primis nihil eis deest eorum, quæ Angeli habent quantum ad hoc munus pertinet, cum sint præditi intelligentia, & voluntate, & ad sint semper Deo, & nos vehementer diligant, ac demum sint æquales Angelis, vt dicitur

FFF ij

XXXX.

*An offerri possit  
pro impetran-  
da gloria acci-  
dentali Beatis  
intrinseca.*

XXXXII.

*Ratio pro sen-  
tentia affir-  
mante.*

XXXXIII.

*Ecclesia trium-  
phans offerre pro  
militante.*



Luc. 10. Deinde aliquid habent præ Angelis, quod sunt membra corporis Ecclesiæ, nobis magis coniuncta, quam sint Angeli, & experti sunt miseria, & pericula nostra quæ Angeli non sunt experti. Itaque dubitandum non est, quin Beati offerant Deo Orationes, & preces Ecclesiæ Militantis; quod si ipsius Orationes, & preces Deo pro ipsa offerunt, multo magis offerunt ipsius oblationes, & sacrificia, tum quia, & ipsa sunt in genere Orationis nobilissimo tum quia Orationum nostrarum oblatio, magnam accipit vim ab vnione cum sacrificiis; quare omnes Orationes Ecclesiæ præsertim publicæ, ascendant ab Altari, vt patet Apoc. 8. Neque mysterio vacat, ignem, quo Thymiamata in Altari aureo incendebantur deferri consueuisse ex Altari holocausti, quod erat vnicum Altare omnium sacrificiorum, quo intelligeremus, odoramenta quæ sunt orationes Sanctorum, vt dicitur Apoc. 5. totam suam efficacitatem, & totum ignem fumere à sacrificiis.

XXXIV.  
*Efficaciam pro  
cum Ecclesia ab  
Altari.*

XXXV.  
*Ecclesia Militans  
offerre pro  
Triumphante.*

Iam verò probamus consequentiam quod scilicet vicissim Ecclesia Militans offerre potest eadem sacrificia pro Ecclesia Triumphante ad illius gloriæ augmentum impetrandum, cuius illa ad diem vsque Iudicii capax est. Probamus autem à paritate rationis, quæ potissima ratio, cur dicimus Ecclesiam Triumphantem offerre sacrificia pro Militante, nititur communioni Ecclesiæ Triumphantis cum Militante, tanquam membri cum membro sub vno Capite Christo vnicò omnis Ecclesiæ Sacerdote, vt enim dicitur Ephes. 4. *Christus est Caput super omnem Ecclesiam*: at communio ista exigit, & facit vt membra inuicem, & mutuo sibi profint, siue iuxta necessitatem, siue iuxta capacitatem; hæc enim est natura membrorum sub vno Capite viuentium, vt Apost. docet Rom. 12. & 1. Cor. 12. ergo eadem ratio, quæ probat Ecclesiam Triumphantem offerre posse ad impetrandum Ecclesiæ Militanti omnis generis bona, quorum saltem habet capacitatem, probat etiam Ecclesiam Militantem offerre vicissim posse ad impetrandum Ecclesiæ Triumphanti illius generis bonum, cuius incrementi supponitur capax.

XXXVI.  
*An anima Purgatorii  
oret pro nobis.*

Sed contra hanc consequentiam dices. Ecclesia quæ est in Purgatorio comparatur cum Ecclesia Militante tanquam membrum cum membro eiusdem corporis Mystici, & tamen ex eo, quod Ecclesia Militans oret, & offerat pro Ecclesia, quæ est in Purgatorio, non licet inferre; ergo Ecclesia, quæ est in Purgatorio orat, & offert pro Ecclesia Militante; nam vt docet Caietanus in 2. 2. quæst. 83. art. 11. Animæ existentes in Purgatorio excluduntur ab orando, atque adeo offerendo pro nobis quia non sunt totaliter nobis superiores, sed ratione pœnarum inferiores, & egentes nostris Orationibus. Quæ ratio multo magis probat non posse nos offerre pro Sanctis.

XXXVII.  
*Ecclesia Purgatorii  
orat & offerit pro Ecclesia  
Militante.*

Respondeo negando Ecclesiam, quæ est in Purgatorio non posse orare, & offerre pro nobis, vt enim docet Bellarminus lib. 2. de Purgat. cap. 15. Si animæ illæ non orant pro nobis, vel causâ est quia non vident Deum, vel quia sunt in maximis tormentis, vel quia sunt nobis inferiores. Et quidem dici non potest primum quasi carentia visionis Diuinæ in causâ sit cur pro nobis non orent, quia tempore veteris Testamenti orabant Sancti defuncti pro viuis, cum tamen nec illi viderent Deum, sic legimus 2. Machab. 15. Oniam, & Hieremiam iam dudum defunctos, visos fuisse orare pro populo Iudæorum viuentium.

Non secundum, quod impleantur à magnitudine tormentorum, tum quia Diues in Inferno cum esset in maioribus tormentis, quam sunt animæ in Purgatorio,

orabat tamen pro fratribus suis, dicens: *Rogo ergo te Pater, ut mittas eum in domum patris mei, &c.* Luc. 16. tum quia Martyres in hoc Mundo in tormentis constituti orabant pro se, & aliis, ut patet de S. Stephano Act. 7. tum denique, quia dolor animabus non perturbat ullo modo iudicium rationis, nec impedit affectum bonum voluntatis, ista enim nobis accedunt ratione corporalium organorum, quibus illæ carent.

Non etiam tertium, quod videantur nobis esse inferiores, ratione pœnarum; nam si orare pro aliquo, superioritatem aliquam requirit, habent animæ Purgatorii præ nobis superioritatem gratiæ, & charitatis, in qua confirmatæ sunt, quæ superioritates maximè iuuant Orationem, quæ ex charitate procedit; cæterum necessarium non est, ait Bellarminus, ut qui orat pro aliquo sit illo superior, cum nos in hoc Mundo ritè oremus pro Summis Pontificibus, & pro illis, quos non dubitamus, nobis esse sanctiores, sicut orabant Christiani olim pro Apostolo Paulo, qui eorum Orationes petebat Rom. 15. Adde, quod quicumque, in quocumque statu sacrificium offert, non offert illud in personâ propria, sed in persona Capitis Christi: Quare non est in ea oblatione habenda ratio propriæ inferioritatis cuiuscumque, sed satis unicuique est, si sit membrum Christi, unde patet ad dictum Caietani.

Dices iterum Ecclesia, quæ est in Purgatorio, & Ecclesia, quæ est in Cælo comparantur inter se tanquam verissima membra eiusdem corporis sub Capite Christo, & tamen neque Ecclesia, quæ est in Purgatorio offert pro illa, quæ est in Cælo, neque Ecclesia, quæ est in Cælo offert pro ea, quæ est in Purgatorio. Infirma igitur est illa consequentia dicta à communione membrorum inter se. Autecedens quoad primam partem est certum, quoad secundam probatur præsertim de Ecclesia, quæ est in Cælo respectu eius, quæ est in Purgatorio, de qua potest esse maior controuersia; probatur autem ex S. Thoma in 4. dist. 45. quæst. 2. art. 3. ad 6. ubi cum obieciſſet sibi, si Ecclesia, quæ est in Cælo oraret pro ea, quæ est in Purgatorio, facile Purgatorium euacuaret. Respondit his verbis. Suffragia Ecclesiæ sunt pro defunctis quædam satisfactiones viventium, vice mortuorum, & secundum hoc mortuos à pœna absoluunt, quia non soluerunt, sed Sancti, qui sunt in Patria non sunt in statu satisfaciendi, & ideo non est simile de eorum Orationibus, & de suffragiis Ecclesiæ. Sentit igitur S. Thomas, Orationes Beatorum, eo quod non sunt satisfactoriæ non prodesse defunctis in Purgatorio, atque adeo ad illos non ordinari.

Respondeo negando antecedens quoad secundam illam partem, si enim vel tota, vel certè potissima ratio, cur Orationes Ecclesiæ Militantis profunt defunctis, est quia defuncti sunt membra huius corporis colligata nobiscum, & cum Deo in eadem Fide, Spe, & Charitate, ut ex Petro Cluniacensi superius vidimus, illud etiam apertè sequitur, Orationes Ecclesiæ Triumphantis pari ratione prodesse Ecclesiæ, quæ est in Purgatorio, cum eodem modo sint membra. Quam rationem videtur etiam præsupponere S. Thomas in 4. dist. 45. art. 3. ubi de damnatis ait nullo modo suffragiis iuari, quia, inquit, sunt extra vinculum Charitatis, quo membra Ecclesiæ vniuntur, ut opera vnius alium iuare possint.

Verum hic distinguenda sunt duo, quorum alterum pertinet ad rem ipsam, alterum ad modum. Quod pertinet ad rem, Ecclesiam scilicet Purgatorii iuari ab

XXXVIII.  
*An Beatiorient  
pro animabus  
Purgatory.*

XX XIX.  
*Ecclesia qua est*

*in Cælo oras  
pro ea, quæ est  
in Purgatorio.*

Ecclesia, quæ est in Cælo, hoc est planè certum apud Theologos cum sancto Thoma in 4. dist. 45. quæst. 2. art. 3. & ut ait Bellarminus lib. 2. de Purgat. cap. 15. nulli dubium esse debet, præsertim quod Ecclesia tota videtur id præsupponere, dum in quadam Oratione supplicat Deo, ut animas defunctorum ad perpetuam Beatitudinis consortium pervenire concedat, *Beata Maria intercedente, & omnibus Sanctis*, & S. Augustinus lib. de cura pro mort. cap. 4. ad hoc dicit prodesse mortuis Sepulcrum in Basilicis Beatorum Martyrum, ut qui recordatur mortui, simul recordetur Martyris, & eius precibus mortui animam commendat, quod etiam fortasse fuit Votum Constantini, de quo scribit Eusebius Cæsariensis in eius Vita lib. 4. consequutum scilicet illum fuisse quod optauerat, ut sepeliretur in Basilica Apostolorum, & iam frui communionem Orationum, & Myistici Sacrificij.

## X L.

*An anima purgato  
possit per modum  
impetrationis.*

At quam certum est Beatos prodesse defunctis existentibus in Purgatorio, tam incertum videtur modus, quo hic effectus præstetur. Durandus in 4. dist. 21. quæst. 1. num. 6. duplicem modum huius effectus generationem agnoscit, unus est per modum impetrationis, alius est per modum solutionis, sic, inquit, aliquis potest apud Iudicem alium liberare à debito pænæ, vel rogando, vel satisfaciendo, & quidem primus modus, si possibilis est, habet planè locum in Beatis, quia quamvis ipsi non sint in statu satisfaciendi, sunt tamen in statu impetrandi. Quod autem sit possibilis, patet ex natura Orationis, quæ ex hoc peculiari capite, quod est

## X L I.

*Orationis effectus  
petitio, est im-  
petratio.*

titio, habet propriam, & peculiarem aptitudinem ad impetrandum quidlibet, nam petitio natura sua ad hoc ordinatur, ut animum alterius inducat ad dandum id, quod petitur, non quia emittit, non quia soluitur, nec quia aliquis illud meretur, sed solum quia petitur, & rogatur, quatenus consentaneum est bonitati, & liberalitati eius, qui rogatur moveri ad dandum, solum quia rogatur. Quomodo aptitudo ad impetrandum propria est Orationis inter omnia virtutum opera, ut bene explicat P. Suarez tom. 1. de Relig. lib. 1. cap. 23. Quamvis ergo Orationes Beatorum non sint satisfactiæ, possunt tamen hunc effectum impetrare, quia petitiones simpliciter sunt. Accedit quod in promissione adjuncta Orationi, nulla restrictio, aut limitatio facta habetur super hac re, dicitur enim generaliter, & absolute: *quidquid petieritis Patrem in nomine meo, dabit vobis*; quare sicut Oratio impetrat liberaliter a Deo animabus Purgatorij elationem alicuius gaudij, seu spiritualis consolationis, ita eodem modo immediatè impetrare poterit remissionem pænæ temporalis; qui videtur de facto esse sensus Ecclesiæ, quæ licet sæpè offerat Deo condignam satisfactionem pro peccatis debitis in Purgatorio, non raro tamen Deum orat ut per suam piissimam misericordiam illas animas liberet à debitis pœnis, nulla oblata æquivalenti satisfactione, quod indicare videtur, intentum ipsius esse gratiam interdum pœnarum remissionem postulare. Denique cum certum sit Beatos orando prodesse animabus Purgatorij ad pænæ remissionem, quicumque negant præstari id ab eis illo modo posse per æquivalentem solutionem, tenentur asserere id fieri per immediatam impetrationem, neque enim alius modus excogitari potest, qui sit ab his duobus distinctus; nam meritum de congruo communiter sub priori modo impetrationis comprehenditur.

## X L I I I.

*Præferuntur*

Sed demus, pœnas Purgatorij non remitti nisi per hunc secundum modum so-

lutionis, & satisfactionis, quod videtur conformius ad doctrinam S. Thomæ allati in argumento, & S. Bonauenturæ dist. 45. art. 1. quæst. 1. vniuersaliter dicentis, quod quamuis per suffragia remittatur pœna, nihil manet impunitum, quia puni-  
 tur vel in ipso, qui peccauit, vel in aliis pro ipso. Adhuc tamen plures sententur vi-  
 xæ, quas indicat P. Suarez disput. 48. de Suffragiis, quibus Beatorum Oratio, & oblatio utilis esse possit Ecclesiæ existenti in Purgatorio ad pœnarum remissio-  
 nem. *Prima* est, quia possunt Beati orare, & offerre pro illis animabus, vt satis-  
 factiones viuorum pro eis acceptentur, quod maximè locum haberet in sententia  
 eorum, qui docent huiusmodi acceptationem non esse infallibilem ex lege.

*suffragia per  
solutionem.*

X LIV.

*Quomodo Bea-  
ti possunt iu-  
re per modum  
solutionis per  
videntes.*

*Secunda.* Quia si viuentium suffragia debito modo oblata habent effectum in-  
 fallibilem, possunt postulare, vt Deus præbeat viuentibus auxilia ad satisfaci-  
 dum debito modo, vt sic efficaciter suum finem consequantur. Qui modus iu-  
 uandi mortuos per viuentes est valde consonus Diuinæ providentiæ, & communi  
 Beatorum Charitati, quia non solum fit beneficium, & misericordia eis, pro qui-  
 bus solutio fit, sed etiam eis, qui ad illam exhibendam excitantur, nam & ipsi pro-  
 ficiunt, & alios iuant.

Indicat P. Suarez alium modum in soluendo etiam ex propriis, quem putat ha-  
 bere locum in Beatis; nam quamuis ipsi non sint in statu satisfaciendi de nouo, si  
 tamen in hac vita reliquerunt aliquas superabundantes satisfactiones proprias,  
 possunt obtinere à Deo, vt his, vel illis animabus Purgatorii ad remissionem pœ-  
 næ applicentur. Cum enim talis satisfactio fuerit propria alicuius Sancti, qui in  
 hac vita poterat eam applicari cui vellet, nec fuerit remunerata sed seruata in the-  
 sauro Ecclesiæ, non videtur amisisse hoc ius, ac potestatem per mortem, aut Bea-  
 titudinis statum.

X LV.

*Quando pos-  
sunt soluere  
etiam ex pro-  
priis.*

Quod si vnus Sanctus superabundantes satisfactiones proprias non reliquerit,  
 poterit impetrare ab alio vt suas relictas satisfactiones applicet; neque enim est  
 inconueniens, inquit P. Suarez, quod Sancti inter se aliquid inuicem petant.  
 Quibus positis manifestum fit pluribus viis Ecclesiam Triumphantem potesse  
 posse Ecclesiæ degenti in Purgatorio, & re ipsa ostendere quod ait Apostolus  
 1. Cor. 12. *pro inuicem membra esse sollicita.*

Sed qua tandem ratione ostendi poterit omnia membra Ecclesiæ, siue quæ est  
 in Cælo, siue quæ est in Terris, siue quæ est infra terram, omnia pro se inuicem  
 hoc sanctum Sacrificium offerre?

X LVI.

*An omnia mē-  
bra Ecclesiæ of-  
ferant pro se in-  
uicem.*

Respondeo facillimum esse hoc demonstrare si admittamus omnia Ecclesiæ  
 membra de facto hoc sacrificium offerre, nam quod si illud offerunt, pro se inui-  
 cem offerant, hoc probat necessario charitas membrorum; & quidem de charita-  
 te eius partis Ecclesiæ, quæ est in Cælo dubitari non potest, nam quod ait S. Hie-  
 ronymus apud S. Thomam in 4. dist. 45. si Apostoli, & Martyres adhuc in cor-  
 pore constituti possunt orare pro aliis quando pro se adhuc debent esse solliciti,  
 quanto magis post Coronas, victorias, & triumphos, vnde dicendum est conclu-  
 dit S. Thomas, quod ex hoc ipso, quod vident Verbum, & in Verbo omnia, quæ  
 eos decent, nostras Orationes, & necessitates cognoscunt, & *urgente charitate,*  
*qua feruent* pro nobis orant, & impetrant. De charitate vero alterius partis Ec-  
 clesiæ, quæ est in Purgatorio, neque licebit cuiquam dubitare, quia dum animæ  
 illæ sunt in eo statu, quamuis Deum non videant, sunt in gratia, & charitate Dei,

X LVII.

*Si offerunt pro  
se inuicem offe-  
runt.*



& proximi confirmatæ, quæ res est certa de fide contra Lutherum, vt ostendit P. Suarez disp. 47. de Suffragiis. Dubium dumtaxat restaret de ea Ecclesiæ parte, quæ adhuc in terris est, in qua sine dubio refrigerat charitas multorum. Verum singulorum defectum supplet Ecclesiæ, quæ propter ea publicè instituit Ministros, qui vt docet Tridentinum Sess. 22. cap. 6. pro omnibus fidelibus, qui ad Corpus Christi pertinent, atque adeo pro omnibus eius membris in quocumque loco sint ita tu sacrificium offerunt.

## XLVIII.

*Ab soluit omnia offerunt.*

Itaque si omnia membra offerunt, pro se inuicem offerunt. Quod autem omnia offerant, probatur quia dupliciter considerari possunt membra actû offerentia. Primo quatenus totum Corpus Ecclesiæ, siue quæ in Cælo, siue quæ in Terra, siue quæ infra terram est, Christum principalem Sacerdotem actû offerentem includit, & sub hac ratione rectè totum corpus de nominari potest actû offerens, tum quia id præstat per Caput, quod est principale membrum suum, tum quia hoc ipso quod illius Capitis corpus est, censetur consensu quodam interpretatio velle, vt omnium membrorum suorum nomine sacrificium illud a Capite offeratur, & in hoc quidem sensu, non solum animæ separantur omnes, sed etiam omnes, & singuli viuentes etiam nec cogitantes offerunt; nam hoc ipso, quod aliquis est de corpore familiæ, censetur virtualiter velle de omnibus fructibus oblationis, aliquid percipere.

## XLIX.

*Etiam oblatione proxima & actuali,*

Verum quia hæc denominatio offerentis non tam actualis dici potest, quam habitualis, & ad iustum interpretatiua, atque adeo nimis extrinseca, remota, & generalis. Ideo addimus secundum modum offerendi, quo aliquis, qui cæteroquin, eo quod sit membrum familiæ per exhibitum nem victimæ habet verum ius offerentis, per actum proprium intellectus, & voluntatis, interiori ad Deum subiectione, deuotione, & affectu; quod Christus principaliter, & quod Sacerdos ministerialiter offert in Altari, & ipse in quocumque sit statu, & loco offert. Et de hoc genere oblationis, quæ actualis est, posset dubitari, an omnia membra Ecclesiæ illam semper habeant, sed quod assidue hoc agat Ecclesiæ, quæ est in Cælo, dum non solum Orationes, sed oblationes viuientium offert Deo, in consorcio Angelorum iam supra ostendimus; & sanè nulla ratio permittit, vt quod assidue Christus agit in Cælo tanquam Sacerdos, id ipsum Beati hominum spiritus ibidem, non agant tanquam Ecclesiæ. Quod verò assidue hoc idem agat Ecclesiæ, quæ est in Purgatorio certissimum mihi est, nam ipsa optimè nouit terram hanc, sub qua degit esse: iam totam Altare huius Sancti sacrificij iuxta illud Malach. 1.

## L.

*Offert semper Ecclesiæ quæ est in Cælo.*

## LI.

*Offert semper Ecclesiæ quæ est in Purgatorio.*

*In omni loco sacrificatur, & offertur nomini tuo oblatio munda.* Nouit præterea se esse membrum Ecclesiæ, quæ est in terris, nouit non amissæ per obitum ius offerentis, nouit nihil præstantius Deo ad ipsius honorem, nihil ad actionem gratiarum gratius, nihil ad propitiationem efficacius, nihil ad imperandum valentius offerri posse; quid igitur impedire potest, quo minus interiori deuotionis, & charitatis affectu actû offerat?

## LII.

*Offert semper Ecclesiæ quæ est in Terra.*

Sola restat Ecclesiæ, quæ est in terris, quæ ratione vnionis cum corpore animam aggrauante, non potest semper, & incessanter quoad omnia, & singula eius membra per actum intellectus & voluntatis offerre, sed Diuina providentia aptè disposuit vt nihilominus sacrificium hoc iuge sit super terram, & nulla prætereat hora dici, in qua alicubi per publicum Ecclesiæ Ministrum non offeratur, vt facile sit fidelibus




fidelibus ex huius vitæ necessitate aliud agentibus, illud ipsum quod agunt, in vniõne huius iugis oblationis agere, atque hoc modo semper offerre.

Quæ cum ita sint, ex Cælo, Terraque, vnico factõ Templo gloriæ eius Trisagium illud Seraphicum triplici veluti Choro, dum hoc Sacrificium offertur decantemus. Incipiat Ecclesiã, quæ est in Cælo, respondeat ab extremo terræ Ecclesiã, quæ est in Purgatorio, & nos medijs inter vtramque supplicij clamore occinamus. Sanctus, Sanctus, Sanctus. Sed quoniam Seraphini, vt notat Procopius non semel tantum, sed etiam vt ait ille infinitis vicibus Trisagium hoc iterabant, quia totum, & assiduum eorum Officium, & negotium, hoc tantum est, laudare Dei sanctitatem, & nos quoque assidue verbo, & vita idem repetamus cum nostro Concilio in cap. 6. Isaia, & beatis fratribus nostris conclamemus: Sanctus, Sanctus, Sanctus Dominus Deus Sabaoth. Sanctus in Creatione, Sanctus in Redemptione, Sanctus in Sanctificatione nostra. Sanctus in Cælo, Sanctus in Terra, Sanctus in Gehenna. Sanctus in Gloria, Sanctus in Gratia, Sanctus in Iustitia. Sanctus glorificans Angelos, Sanctus iustificans Homines, Sanctus puniens Dæmones. Sanctus ante sæcula, Sanctus in sæculis, Sanctus in Aeternum, & vltra. Sanctus in Seraphim, Sanctus in Cherubin, Sanctus in Thronis. Sanctus in Vtero, Sanctus in Præsepio, Sanctus in Paubulo. Sanctus in Miraculis, Sanctus in Doctrinis, Sanctus in exemplis. Sanctus in labore, Sanctus in Cruce, Sanctus in Resurrectione. Sanctus in Christianis, Sanctus in Iudæis, Sanctus in Gentibus. Sanctus in Fidelibus, Sanctus in Infidelibus, Sanctus in electis, & reprobis. Sanctus in Consolatione, Sanctus in Desolatione, Sanctus in Iubilatione. Sanctus in Potentia, Sanctus in Sapientia, Sanctus in Prouidentia. Sanctus in Charitate, Sanctus in Misericordia, Sanctus in vindicta. Sanctus in generatione, Sanctus in filiatione, Sanctus in inspiratione. Sanctus Pater, Sanctus Filius, Sanctus Spiritus. Sanctus. Amen. Amen. Amen.

L I I I.

Trisagium trimembrii Ecclesiæ.



## QVÆSTIO VLTIMA.

*Vnde acquisitum est ius Ecclesiæ ad fructus huius Montis.*

- |        |  |
|--------|--|
| I.     | <i>B. Virgo contulit Ecclesiæ vniuersa ius offerentis.</i>                           |
| I I.   | <i>B. Virgo habuit fidem distinctam nostri Sacrificij, etiam ante Incarnationem.</i> |
| I I I. | <i>Consensus B. Virginis ad formationem Victimæ nostri Sacrificij.</i>               |
| I V.   | <i>B. Virgo Victimam pro nobis posuit.</i>   |
| V.     | <i>Cur requisitus B. Virginis consensus ad Victimæ formationem.</i>                  |



INTER præclara, & eximia beneficia, quibus Beatissima Virgo totam præuenit Ecclesiã, præcipuum sanè locum obtinet, quod nobis contulit *Ius offerentis*. Vocauimus quæstione secunda *Ius offerentis*, *Ius* illud, quod aliquis habet ad fructus oblationis, & sacrificij; propterea quod victimam in illo oblatam, ipse ex propriis offerendam exhiberit. Tale *Ius*

I.

*B. Virgo contulit Ecclesiæ vniuersa ius offerentis.*

omnino voluit Deus, vt ad primum illud sacrificium Agni Paschalis, institutum in nocte redemptionis, & liberationis Populi Israël de Ægypto, Exod. 12. obtineret vnusquisque de multitudine filiorum Israël, vt per illud frui vnusquisque posset beneficio illius liberationis.

Neque illi ab simile est ius, quod vnusquisque de Christi familia habet ad fructus non sacrificij instituti à Christo in nocte ipsa Anniversaria illius primæ Institutionis legalis post quindecim ferè Sæcula; immò propterea ait sanctus Chrysostomus Homil. 83. in Matth. in illa nocte anniversaria instituit Christus, *vt bonam spem inde immitteret, atque foneret, nam si figura à tanta seruiente liberavit, multo magis veritas.*

Verum, negotium facessit, quod hoc, quidquid est Iuris, fundatur in Agno ex propriis bonis re ipsa exhibito; vnde autem nos ostendimus vnumquemque nostrum in quolibet sacrificio ex nostris, vt aiunt substantiis Agnum ponere? Non leuis est hæc difficultas, sed vt constat ex disputatis quæstione secunda communis est omnibus Israëlitis, quorum singulos voluit Deus esse offerentes in sacrificio Agni Paschalis iuxta illud: *collat vnusquisque Agnum*: diximus autem iure optimo, vnumquemque ex Israëlitis Agnum tulisse, quia pro vnoquoque Patresfamilias illum tulerunt, quod perinde fuit, ac si pro se singuli de suo grege illum tulissent.

At quisnam fuit, qui in quotidiano Ecclesiæ sacrificio victimam grandem tulit pro cuncta familia? Non quæro Sacerdotem, qui victimam immolat; nam is alius esse non potest nisi Verbum opifex, quod factum est Pontifex, vt loquitur sanctus Cyrillus, & nos probauimus lib. 2. sed *Offerentem* quæro, illum videlicet, qui sibi, & nobis victimam ipsam ex propriis bonis defert, & offert per Sacerdotem. Hic si probauerimus solam Virginem Beatissimam Magnam illam Matrem familias id præstitisse, ostenderimus profectò quod in præsentis quæstione propositum nobis erat, Ecclesiam vniuersam per Virginem Beatissimam per amplum ius ad vniuersos fructus obtinuisse. Vt autem tota probatio probè intelligatur, præmittimus tria. Primum est Beatam Virginem, antequam Dei fieret Mater, cognitum, perspectumque habuisse statum futurum Ecclesiæ, quantum spectat ad victimam Sacrosancti huius sacrificij duraturi in ipsa vsque ad finem Mundi. Alterum est in petitione liberi consensus facta ab Angelo ad Verbi Incarnationem, inclusam fuisse petitionem consensus ad formationem victimæ ingiter immolandæ in prædicto Ecclesiæ sacrificio. Tertium denique consensum B. Virginis ad Incarnationem, consensum quandam fuisse ad formationem victimæ sacrificij nostri, & quandam veluti Agni exhibitionem ad finem iugis oblationis cunctæ familie.

## I I.

*B. Virgo habuit  
fidem distinctam  
nostris sacrificij  
etiam ante In-  
carnationem.*

Et primo, vt ostendamus B. Virginem cognitum habuisse sacrificium futurum in Ecclesia, eiusque victimam, non erit nobis opus confugere ad magnifica illa Patrum pronuntiata de scientia Virginis in hac vita, etiam ante Incarnationem, quando, vt ait Hieronymus, siue Sophronius Serm. de Assumptione: conuersabatur cum Senatoribus Cæli intra Curiam Paradisi. Satis nobis hoc loco est, illi non denegare, quod planè concedimus antiquis Patribus veteris Testamenti, nimirum habuisse illos expressam fidem Sacrosancti futuri Ecclesiæ sacrificij, quam protestabatur maximè in oblatione suorum sacrificiorum. nam, vniuersa, & singula illa sacrificia, magna quædam vmbra, & figura fuerunt vni, ac singularis

sacrificij, quod in Ecclesia celebratur, vt sumitur ex Apost. ad Hebr. 10.

Et sanè si B. Virgo ex Diuinis Scripturis non aliam notitiam habuisset, nisi sacrificij Agni celebrati primum in nocte redemptionis de Ægypto, abunde satis cognouisset de sacrificio nostro incurrento, quod est sacrificium proprium Christianæ Religionis. Quod enim fusè ostendimus lib. 1. quæst. 6. & multo expressius quæstione 7. sacrificium Agni Paschalis immediatè, & principaliter figurauit sacrificium Ecclesiæ, minus verò principaliter, & mediatè tantum, sacrificium Crucis. Quare si B. Virgo cognitam habuit figuram Agni Paschalis cum omnibus circumstantiis suæ Institutionis, & celebrationis, quas descripsimus loco citato, quod negare, vt minimum dicam, ineptissimum esset; si inquam, figuram illam perfectè cognouit, vtique suum figuratum, quantum ad nostrum intentum est satis, intellexit.

Hoc primum assertum planè confirmat quod scripsit Gerson Cancellarius Parisiensis, vir doctus, & pius super Magnificat 3. part. tract. 9. Maria, inquit, sicut præ cæteris in vita cognouit, credidit, & intellexit figuras legis, & naturæ, Christi Sacerdotium præsignantes, sic in illis, aut per illas manducauit fructiue benedictum fructum ventris sui, & spiritualiter eius Sacramentum, vnde exultauit spiritus eius in Deo salutari suo. Maria dum legebat David Patrem suum dicentem de filio suo: *Tu es Sacerdos in æternum secundum ordinem Melchisedech*, ex tunc intelligebat, & manducabat spiritualiter hoc Sacramentum benedictum. Maria psallens illud Dauidicum; memoriam fecit mirabilium suorum escam dedit timentibus se, credebatur, & intelligebat hanc escam Sacramentaliter figurari, & in figura comedebat eam. Maria dum stans, & orans in Templo aspiciebat, credebatur, & intelligebat omnes oblationes, victimas, & holocausta, sacrificia insuper matutina, & vespertina, implebatur bonis huius benedicti Sacramenti *etiam ante conceptum* benedicti fructus ventris sui. Maria sicut intellexit filium suum fuisse Agnum, qui occisus fuit ab origine Mundi, sic recolens sacrificium Abel, & eius Martyrium, fruebatur Christi Agno, qui fuit figuraliter occisus in eo. Maria dum celebrabatur pasche, siue Pascha Iudæorum, celebrabat etiam ipsius anima cum exultatione Pascha nostrum quod immolatus est Christus, quem epulabatur in Azimis sinceritatis, & veritatis.

Perspicuum ergo est, quod primo loco proponebamus Beatam Virginem, antequam Dei fieret Mater. perspectum habuisse statum Ecclesiæ, quantum atinet ad oblationem huius sacrificij, quod est vnicum, & singulare sacrificium populi, quem fecit Dominus.

Altera nunc propositio est probanda, in petitione videlicet facta ab Angelo liberi consensus ad Incarnationem, inclusam fuisse petitionem consensus ad formationem victimæ iugiter immolandæ in Ecclesiæ sacrificio, atque adeo (quæ erat tertia propositio) consensum B. Virginis ad Incarnationem fuisse consensum ad formationem victimæ huius sacrificij. Probamus autem utramque propositionem: cum enim præcipuus finis Incarnationis esset, vt Mundus haberet suum Sacerdotem, & victimam, non solum in sacrificium Redemptionis, quod semel peragendum erat, sed etiam in sacrificium veræ Religionis, quod erat frequentandum vsque ad consummationem Sæculi, vtique in petitione liberi consensus ad Incarnationem inclusa erat petitio consensus ad vtriusque sacrificij victimæ formatio-

III.  
Consensus B. V.  
ad formatio-  
nem victima  
nostri sacrificij.

nem; cumque ut ex dictis constat B. Virgo, antequam suum præbuit consensum, haberet fidem Filij Dei incarnandi in Sacerdotem, & victimam utriusque sacrificij, consequens est, ut in ipsissimo consensu ad Incarnationem inclusus consensus fuerit ad victimæ utriusque sacrificij formationem. Quibus positis illud manifestè sequitur B. Virginem, tanquam magnam Matrem familias pro nobis omnibus, ac singulis victimam quotidiani Ecclesiæ sacrificij exhibuisse, atque adeo totum ius quod fideles in quocumque statu habent, ad vberes fructus huius sacrificij acceptum illi referri debere.

Hæc planè sententia est omnium Patrum, quorum testimonia pauca hic indicabimus, plura, & vberius in propria materia explicaturi. Sanctus Epiphanius de Laudibus Virginis: *Ipsa dedit nobis cœlestem panem in remissionem peccatorum.*

IV.  
B. Virgo videtur  
mam pro nobis  
posuisse.

B. Petrus Damiani Serm. 2. de Nativitate: *Per Mariam Virgine peculum exhibetur.* Sanctus Augustinus in Psal. 98. *Et ipsa carnem nobis manducandam ad salutem dedit.* Richardus à sancto Laurentio lib. 11. *Panis hic, & panis Virginis, quia totus fuit suus, de quo ipsa ait: comedite panem meum. Et quoniam non possumus eum habere nisi ab ea, & per eam, tota devotione, mentisque desiderio dicendum est ei, sicut dicimus Deo Patri, Mater nostra, quæ es in Cælis, panem nostrum super substantialem, vel quotidianum da nobis hodie.*

V.  
Cur requisit  
B. Virginis con-  
sensu ad victimæ  
formationem.

Atque hic suboritur dubitatio, cum potuisset Christus concipi, & nasci victima utriusque sacrificij, & quidem de Beata Virgine, sed eius consensu non requilito, sicut etiam de Adam dormiente Evam formavit, cur ipsius liberum consensum habere voluit? & illam tanquam universalem offerentem, quæ scilicet de propriis bonis rem immolandam afferret postulavit?

Respondendo quod in simili ait Cardinalis Toletus in cap. 1. Luc. Annot. c. 11. id nimirum convenientissimè esse factum, ut nos omnes obligaret B. Virgini strictissimo vinculo Charitatis, magno quippe affectu est à nobis prosequenda ea, cuius arbitrio totum sacrificij nostri negotium, atque adeo totum negotium salutis est commendatum; non enim aliter voluit Deus victima, & Hostia fieri pro nobis quam B. Virgine liberè consentiente, immò munus offerentis, tum pro se, tum pro omnibus Ecclesiæ filiis exercente, ut nimirum hoc modo quidquid acquisivimus iuris ad fructus sacrificij totum illi verissimè, ac propriissimè acceptum referamus; neque solum quidquid lucratur viuentes, sed quidquid Suffragiorum ex opere operato percipimus iam defuncti, & quidquid accidentalit gloriæ Beatis iam regnantibus in Cælo provenit usque ad consummationem Mundi ex quotidianis oblationibus huius sacrificij, id totum beneficium esse Mariæ agnoscamus; quandoquidem omnis Ecclesia, siue quæ in Cælo, siue quæ in Terra, siue quæ in Purgatorio est, eatenus participat fructus huius sacrificij, quatenus ipsa pro omni statu ius contulit ad omnes fructus, exhibendo nimirum pro omnibus, ex Beatissimis suis viscibus, & totum ex se ipsa factum Agnum cœlestem.

DE APOSTOLATV  
BEATI NATHANAELIS,  
OPVSCVLVM POSTHVMVM  
R. P. FABRITII PIGNATELLII  
NEAPOLITANI  
SOCIETATIS IESV.

*Ostenditur B. NATHANAEL idem  
esse cum B. Bartholomæo.*

Ac proinde à Duodenario Apostolorum  
numero non excludi.



PARISIIS,  
Apud FRANCISCVM MUGVET, viâ Citharæ,  
ad insigne adorationis Regum.  
M. D C. L X.







PROBATVR APOSTOLATVS  
BEATI NATHAELIS.

*Ex eo, quod fuit vnus ex præcipuis filiis  
B. Mariæ Virgini, Natis.*

Super illis Propheticis verbis. *Psal. 44.*

*Pro Patribus tuis nati sunt tibi filij, constitues eos  
Principes super omnem terram.*



OCENT mira consensione Interpretes, omnes, nomine filio-  
rum hoc loco intelligi Apostolos, probantque euidenter ex hoc  
ipso, quod additur. *Constitues eos Principes super omnem ter-  
ram.* Egredere ne hæc interpretatione? Ego quidem minime exi-  
stimo, ait Chrysostomus, quemadmodum nec quod Sol sit Inci-  
dius, qua autem dicta sunt eo clariora? Vniuersum enim ter-  
rarum orbem persuaserunt Apostoli, & omnibus principibus

*In Psal. 44.*

*Apostoli Prin-  
cipes totius  
mundi.*

fuissent magis proprii principes, Regibus potentiores. Reges enim dum viuunt do-  
minatum obtinent, iis autem mortuis, intercidit dominatus, & Regum quidem  
leges rata sunt, & valida citra eorum fines. Iussa autem Piscatorum per vniuer-  
sum orbem terra extensa sunt. Imperator Romanorum Persis non posset ferre le-  
ges, nec Persarum Rex posset ferre leges Romanis. Hi autem Palestini, & Pensis,  
& Romanis, & Thracibus, & Scythis, & Indis, & Mauris, & vniuerso denique  
orbi terrarum leges dederunt, nec solum dum ij viverent, firma & rata fuerunt,  
sed iis etiam mortuis confirmata sunt, & qui eas leges acceperunt mallent ani-  
mam millies profunderi, quam ab illis desciscere. Hæc Chrysostomus. Est au-

tem ita Apostolorum proprium, esse constitutos Principes super omnem terram, ut quod obseruauit Iansenius, propter hoc potissimum negent Patres psalmum hunc exponendum de Salomone, quia nullo modo congruere illi potest, quod filij eius constituendi sunt Principes super vniuersam terram. Itaque si ostenderimus Beatum Nathanaelem, vnum ex hisce filiis fuisse, de quibus in hoc psalmo habetur sermo. Ostendemus vnum quoque fuisse ex Apostolis. Verum ut hoc solide cuiuscumque oportet explicare, Cui, & quando Apostoli tanquam filij sunt nati. Igitur questio prima erit de Matre Apostolorum, nisi enim agnoscamus Matrem, non poterimus certo filios declarare. Dixi potius Matrem, quam Patrem, quia verè Prophetæ, illis verbis, pro patribus tuis nati sunt tibi, non alloquitur Sponsum, sed Sponsam, ut docent Sancti Patres Basilius, Chrysostomus, Hieronymus, Augustinus, & ex his omnibus Bellarminus, qui addit non repugnare huic sententiæ textum Hebraicum, si puncta remoueantur, vel mutantur, ut petiti faciliè intelligunt quod propterea addidit Bellarminus, quia Iansenius existimauit Prophetam sermonem dirigere ad Sponsum ea ratione ductus, quod in Hebræo illa pronomina tuis, & tibi, sint generis masculini, *sed communis*, inquit Bellarminus, *Patrum sententia preferenda est*. Quare cum hoc loco sit sermo de filiis Matris, questionem instituiamus de Matre Apostolorum, & contendimus probare, non aliam eam fuisse præter Beatissimam Virginem Mariam, neque aliam in sensu litterali significari.

## CAPVT PRIMVM.

*Vtrum pro Sponsa in hoc Psalmo intelligatur ad litteram  
B. V. Maria.*

I.  
*An pro sponsa  
in Psalmo. 44.  
veniat littera  
B. V. Maria.*

CERTVM est primò (ut Patrum loquendi modum teneamus, qui omnino tenendus est) in hoc Psalmo, non de alia Sponsa ad litteram agi, quàm de Ecclesia, sub nomine Reginæ; ad eum planè modum, quo in Cantico Canticorum, de eadem agitur Ecclesia sub alio nomine. Quare rectè dixit S. Thomas, eandem prorsus materiam esse Psalmi huius, & libri, qui dicitur Canticum Canticorum, immo Salomonem in Cantico Canticorum imitatum fuisse Parentem suum Dauidem, qui Psal. 44. simile Drama, & Epithalamium Sponsi, & Sponsæ, hoc est Christi & Ecclesiæ conscripsit. Sicut autem Patres, & Doctores Græci, & Latini, quia & veteres Hebræi, & Talmudistæ ad litteram intellexerunt Canticum Canticorum de Christo, & Ecclesia. Vnde temerarium esset, ait Cornelius, alium Sponsum, aliamque Sponsam in eo fingere. Ita Patres omnes ait Bellarminus vnanimi consensu docent, Psalmum hunc, cui etiam titulus est, Canticum pro Dilecto, continere ad litteram laudes Christi, & Sponsæ eius Ecclesiæ, ut sit quasi spirituale Epithalamium; quare æque temerarium esset, asserere nomine Sponsæ, & Reginæ aliquid extrà Ecclesiam, & quidem in sensu litterali significari. Ne autem æquiuocatio fiat in hoc verbo, tenenda est Interpretum Doctrina, in hisce Canticis, duplicem quasi esse sensum litteralem, vnum grammaticalem, quem ipsa demonstrat superficies litteræ, hoc est ipsa immediata verborum significatio,

significatio, alterum reale, quem continet profunditas ipsa rerum per verba metaphorica significatarum; qui duo sensus sibi inuicem subordinantur, mutuòque respiciunt, quemadmodum verborum sonus, & sensus, cortex, & nucleus, umbra, & corpus, superficies, & medulla, corpus, & anima, vestis, & homo; vnde sicut in Cantico Canticorum. Sponsa grammaticè describitur, vt Virgo Pastoricia, sed realiter per illam intelligitur Ecclesia, & hic intellectus dicitur literalis, ita in hoc Psalmo, Sponsa grammaticè describitur, vt Regina; & Principum Mater, & per illam realiter intelligitur eadem Ecclesia, qui sensus, non aliter est appellandus, quam literalis.

Certum est secundo, nonnulla esse literaliter dicta de Ecclesia, ratione dumtaxat alicuius suæ partis principalis, & singularis. Non verò vt subit rationem totius. Exemplum afferam in re valde simili huic, de qua disputamus ex Euangelio Matth. vbi dicitur: *Simile erit Regnum Celorum decem Virginibus, quæ accipientes lampades suas, exierunt obuiam Sponso, & Sponse.* Hic si queramus, quid intelligitur nomine Sponsæ, respondent communiter intelligi Ecclesiam: si rursus queramus, quid significatur per decem Virgines, aiunt pariter Ecclesiam significari. Sed quomodo fieri potest, vt vna eademque Ecclesia, & sit quæ obuiam exeat, & cui obuiam exeatur. Quomodo Ecclesia it obuiam Ecclesiæ?

Vides necessario dicendum esse nonnulla, quæ literaliter dicuntur de Ecclesia, non intelligi de illa, nisi ratione alicuius particularis; & si id quod dicitur perrogatiuum habet excellentissimæ dignitatis, & muneris, non intelligi nisi ratione particularis præstantissimi. Ex quo illud consequens est, quidquid ratione talis particularis dicitur, illud literaliter dici de Maria, quia membrum post Christum, omnium præstantissimum nullum est præter Mariam, de qua illud, & verissimè, & magnificentissimè dictum: *quidquid in Mundo est, aut supra, aut infra Mariam est, supra Mariam solus Deus est, infra Mariam, quidquid Deus non est.* Ad dignoscendum autem quando aliquid dicitur de Ecclesia ratione talis membri particularis; attendenda maximè est natura tituli, qui tribuitur: si enim titulus sit vniuersalitatis, & ita comparatiuus ad particularia, vt termini comparisonis non sint extrà, sed intra eandem Ecclesiam, tunc talis titulus non potest Ecclesiæ congruere, nisi ratione sui membri principalissimi. Et ratio est quia, quod hoc modo dicitur de Ecclesia, non congruit illi per modum vnius, sed per modum plurium, ita vt facienda sit distributio personarum particularium, quæ comparantur. Constat autem titulum excellentiæ non conuenire nisi particularium præstantissimo.

Ex quibus, quæ planè sunt certa infeso, Reginx titulum, quemadmodum & Matris principum constituendum super vniuersam terram, non conuenire literaliter Ecclesiæ nisi ratione Beatissimæ Virginis Mariæ; ratio est quia non potest illi congruere, vt vnum quoddam, & comparatum ad aliquid extra se, sed vt quid multiplex est cum comparisonem partium quæ sunt in se. Ergo cum titulus ille conuenire debeat particularibus, & non inferioribus B. Mariæ, reliquum est, vt conueniat ipsi B. Mariæ; quod autem conuenire non possit inferioribus ratio illa est, quia inferiores omnes introducuntur, vel vt filii, vel vt pedisæque ipsius Reginx.

Quando igitur Propheta Reginam alloquitur, & ait, *pro patribus tuis nati sunt tibi filii*, Ecclesiam quidem alloquitur, sed Ecclesiam alloquitur, quia Mariam alloquitur, quæ est pars nobilissima, & præstantissima Ecclesiæ. Vnde habes cur

II.

*Alia dicitur  
literaliter de  
Ecclesia ratio-  
ne alicuius sua  
Partis.*

III.

*Nomine Spon-  
sa in Scriptura  
aliquando lita-  
liter vocatur  
B. Virgo.*

IV.

*Regula ad di-  
gnoscendum  
quando loqui-  
tur de Ecclesia  
in Scriptura.*

V.

*Titulus Regina  
est communis Ec-  
clesiæ ratione  
B. Virginis.*

singularis Mariæ persona nomino Ecclesiæ communi significetur, quia nimirum ipsa ut Regina, & Mater Ecclesiæ, sicut illam eminentissimè condnet, ita plenissimè repræsentet. Et quia ipsa sola totam repræsentat, ideò rectè dictum à Patribus fuit, sacrificium Redemptionis consummatum fuisse in Cruce coram Ecclesiâ præsentē, & offerente, quemadmodum etiam coram eadem præsentē, & pariter offerente fuit inchoatum in ipso instanti conceptionis. Quod in tantum est verum, in quantum Beata Virgo Maria, quæ sola adfuit inchoationi, & ferè sola consummationi, singulari modo repræsentabat totam Ecclesiâ, & ipsa sola erat veluti tota Ecclesiâ; simili ferè sensu dixit Bernardus de tempore Passionis; *Sola*, inquit, *per illud triste Sabbatum stetit in fide*, & saluata fuit Ecclesiâ in ipsa sola; id quod complures significari docent in Candela illa, quæ triduo maioris hebdomadæ, extinguis reliquis, accensa referuatur, qua ratione, inquit, S. Antoninus fidei lumen in Deipara occultum, quod omnibus postea patefactum, & omnes suo exemplo illuminauit.

Lib. 4. Pass. c. 2.

4. p. l. 15. c. 41.  
§. 8.

V I.  
Apostoli Patres  
Ecclesiæ.

Et sanè si filij nati, Apostoli sunt, ut docet S. Chrysostomus, Interpretis omnium maximè litteralis, profectò Mater, cui nati sunt, non est Ecclesiâ extrâ Mariam, quia in rigore, Apostoli, non tam fuerunt filij quàm Patres, & Genitores Ecclesiæ. Quare sanctus Hieronymus super hoc Psalmo; *fuerunt*, inquit, *ô Ecclesiâ Apostoli Patres tui, quia ipsi te genuerunt, nunc autem quia illi recesserunt à Mundo, habes pro his Episcopos filios, qui à te creati sunt; sunt enim, & hi Patres tui, quia ab ipsis regeis*. Idem planè docuit Augustinus. *Genuerunt te*, inquit, *Apostoli, ipsi missi sunt, ipsi prædicauerunt, ipsi Patres*. Vides quemadmodum Apostoli dicuntur Patres, & Genitores Ecclesiæ: non fuerunt ergo propriè Apostoli filij illius nisi ratione singularis personæ, quæ quia Genitorum Ecclesiæ Mater fuit, est quoque propriissime Mater totius Ecclesiæ.

Cant. 4. ver. 13.

c. 2. sec. 2.

Illustrauit locum hunc Psalmi, locus ille Cantici Canticorum. *Emissiones tuæ Paradisus malorum puniceorum cum pomorum fructibus*. Verba hæc diriguntur ad Sponsam, præcessit enim. *Hortus conclusus, Soror mea Sponsa*, illa planè, quam alloquitur David. *Nati sunt tibi filij, constitues eos Principes super omnem terram*; ut enim rectè docuit Alanus apud Del Rio Canticum amoris, scilicet Epithalamium Salomonis, specialiter, & spiritualiter ad Ecclesiâ referatur, tamen specialissimè, & spiritualissimè ad gloriosam Virginem reducitur, quod propterea iterum ex hoc Autore inculcaui, ut firmiter teneamus quidquid ad litteram dicitur de Ecclesiâ, id multo potiori Iure ad litteram de B. Maria verificari, & multa de Ecclesiâ non alia ratione ad litteram dici, nisi ratione Virginis Beatissimæ. Dicit ergo Sponsus, *Emissiones tuæ*, ut quid significant emissiones in sensu litterali? Si in sensum litteralem grammaticalem inquiras, Emissiones significant propagines plantarum, & arborum, puta furculos, quos radices vel tami progerminant, ut folia, flores, & fructus producant: hæc enim omnia quasi videntur emitti, ait Del Rio, ex magnæ Matris sinu. Explicat enim, quod dixerit. *Hortus conclusus*. Vnde Vatablus, & alij, pro *Emissiones tuæ*; legunt, *plantationes*, vel *plantæ tuæ*. Hic est sensus litteralis, grammaticalis, quem scilicet ipse verborum cortex præse fert. Si vero quæras sensum realem, emissiones significant diuersos membrorum Ecclesiæ, & filiorum ordines, sed primi emissionum nomen merentes sunt Apostoli, quorum nomen, ipsam, ut uocat Philo, missionem significat. Vnde, pro emissiones



tur, legi ex Hebræo, & Græco posset, Apostoli nati tui. *Quia per emissiones, ait Philo quæ sæpe dicuntur Sanctissimi Apostoli intelliguntur, qui tanquam mala punica foris rubentes in laboribus, & erumnis postremo, & sanguine Martyrij permultos hominum Christi fidei veluti grana pepererunt.*

*Emissiones ergo, ait Guillelmus, fructus sunt ex Maria emissi. Prima autem emissio est Paradisus malorum punicatorum, hoc est nobile Collegium Apostolorum, qui ad similitudinem Magistri sui fuso sanguine rubuerunt. Atque hinc iterum collige. Quia ratione Maria eo quod sit Mater Apostolorum, sit quoque Mater omnium fidelium, quia videlicet fideles omnes in illis tanquam in malis punicis grana continentur, nimirum Apostolicis maxime temporibus, Multitudinis credentium erat Cor unum, & anima una. Refraxit quidem crescente fidelium numero hæc vnio, vnde eius retinendæ causa instituta sunt religiose familiæ, Apostolicis institutis, & obseruantis communitatibus, quarum B. Maria prædicatur peculiaris veluti fundatrix, & Mater, vt ostendit Hieronymus Platus de bono Itatus Religiosi.*

VII.

*Maria mater  
Fidelium.*

Atque hæc ad extremum libet asserere, quæ Gilbertus Abbas, qui continuauit Sermones S. Bernardi Serm. 35. scripsit de Religiosis viris vnanimiter vnus moris in domo habitantibus. *Benè indiscreta, inquit, facie huius sibi mali grana coheret, numeri singularitate magis distant, quam specie; discamus, & nos inuicem numero disferre non animo. Non rixantur inuicem, non contra corticem murmurant, non tentant illum perumpere, patienter se sinunt eius quasi alio concludi, vt quodammodo dicere illud videantur: Ecce quam bonum, & quam incundum habitare fratres in unum. An non fratres in hoc ordine nostro, ac si in cortice punico passionis Christi per imitationem color rutilat? Denique velut quadam huius mali grana sunt, qui sibi nativum ducunt sub disciplina corio contineri, qui non tam premi se censent, quam protegi. Absit amor proprietatis, absit amor priuata potestatis, & huius mali granum exhibes, discant alij nostro inuitati exemplo, quam bonum sit, & quam incundum, habitare in quodam horto communionis, & sub munimine corticis. Charitas vniat, & cortex munit.*

## CAPVT II.

*Quando & vbi Apostoli B. Mariæ tanquam filij sunt nati.*

**M**IRABAR quid esset, quod Vnigenitus Dei Filius post secessum in desertum, vbi integros quadraginta dies, & noctes sine vlllo cibo, vel potu ieiunauit; & eo potissimum consilio, vt oratione, & ieiunio ad instantem se prædicationem, penitentiam, in nostrum exemplum præpararet, & ieiunio carnem macerans satisfaceret pro Adæ pomum vetitum comedentis, omniumque eius filiorum gula, & deliciis. Mirabar, inquam, quod ipso in limine prædicationis penitentiam, vocatus ad Nuptiale Conuiuium, non solum accessit ipse, sed & cum discipulis pariter inuitatis accessit; & die tertia Nuptiæ factæ sunt in Cana Galilææ, & erat Mater Iesu ibi. Vocatus est autem Iesus, & discipuli eius ad Nuptias. Fuit hoc admirationi etiam inuitantibus; & forte ait S. Thomas, pro-

I.

*Apostoli quando  
& vbi in filios  
B. Virgini  
facti?*

*perre a primis innitata est Mater, quia, inquit, ambigebant de Iesu, an innitatus venturus esset ad nuptias propter summam Religiositatem, quam videbant in eo, & quia non viderunt eum se immiscuisse Conuiuiis, & ideo puto, quod primo consulerunt Matrem, an Iesus esset vocandus, & ideo signanter dixit Euangelista, primo Matrem adesse iam in nuptiis, & Iesum postmodum fuisse vocatum, & hoc est, quod sequitur, vocatus est Iesus.*

Verum ex personis ad eas nuptias vocatis, quarum licet plures essent, non memorantur ab Euangelista, nisi Iesus, Maria, & Discipuli. Intelligitur grande Mysterium, quod in iis Nuptiis intentum, & celebratum est. Ipsa nimirum Natiuitas primorum Principum, tanquam diuinorum Nuptiarum fructus, quarum Sponsus est Christus, Sponsa est Maria, & filij primo nati sunt præcipui discipuli.

*At. 1.*

Ostendamus ergo duo. Primum in hisce Nuptiis Canæ Galilææ, Discipulos fuisse spiritualiter natos. Et verè Galilæos factos dignos videlicet, qui per summum honorem vt interpretatur Chrysostomus, Viri Galilæi ab Angelis salutarentur. Secundum Beatissimæ Virgini Mariæ, tanquam primariæ Christi Sponsæ, & Reginæ fuisse natos. Vt autem primum illud demonstremus, in iis videlicet nuptiis fuisse discipulos spiritualiter natos, oportet statuere, quid est spiritualiter nasci. Neque enim hic est sermo de filiis, qui aut *ex sanguinibus*, aut *ex voluntate carnis*, aut *ex voluntate viri*, sed de iis tantum, qui *ex Deo nati sunt*.

*II.  
Quid est spiritualiter nasci?*

Ergo spiritualiter nasci, nihil aliud est, nisi credere vt oportet, Iesum esse Christum, hoc est credere illum, qui dictus est Iesus, esse Messiam promissum, Redemptorem, & Saluatorem Mundi. Hoc sæpius definiuit, & explicuit S. Ioannes, præcipuè Epist. prima cap. 5. *Omnis, inquit, qui credit, quoniam Iesus est Christus, ex Deo natus est, & in Euang. cap. 1. Quotquot autem receperunt eum dedit eis potestatem filios Dei fieri. His qui credunt in nomine eius, seu vt Græcè legitur credentibus in nomen eius, seu in eum.* Videamus ergo in toto sancto Euangelio, quo tempore, primum de Discipulis dicitur, & crediderunt in eum. Testetur hoc idem Ioannes, qui solus scripsit acta primi anni prædicationis Christi. Atque adeo primas natiuitates filiorum Dei. *Hoc, inquit, fecit initium signorum Iesus in Cana Galilææ, & manifestauit gloriam suam; & crediderunt in eum discipuli eius.* Hæc fides sufficiens erat ad spirituale, & diuinam natiuitatem filiorum Dei. Quia non erat fides quæcumque, sed Charitatis formata, id quod significauit Euangelista per præpositionem *In*. Et crediderunt in eum, illa enim præpositio, voluntatis affectum indicat teste Augustino, non enim dicitur credere in Deum, nisi qui simul fide per intellectum & charitate per voluntatem fertur in Deum; vnde est celebris illa distinctio inter credere Deo, credere Deum, & credere in Deum, de qua idem Augustinus Sermone 61. de Verbis Domini.

*Sec. 61. de Verbu Domini.*

Verum quia hic est Sermo de natiuitate primorum filiorum, ac Principum noui Testamenti, quæ natiuitas fit per Baptismum. Age examinemus tantisper An Discipuli fuerunt per id tempus, per Baptismi Sacramentum regenerati. Ac primo si loquamur de possibili, nihil videtur obstitisse quo minus primi discipuli statim post primum illud miraculum baptizarentur, neque ex parte Sacramenti Baptismi, neque ex parte Ministri illius; & quidem non ex parte Sacra-

menti, quia Baptismi Sacramentum institutum iam fuerat à Christo quando vocatus fuit ad nuptias cum discipulis suis, nam iuxta communem Theologorum, ac Patrum sententiam, quam amplectitur Catechismus Concilii Tridentini, & Magister cum S. Thoma in 4. dist. 3. & sequitur Bellarminus in suis Controuerſiis tom. 2. lib. 1. cap. 5. Baptismus Christi institutus est quando Dominus ipse in Iordane à Ioanne baptizatus est, quod ut docet S. Epiphanius hæresi 51. factum est duos planè menses ante nuptias. Tunc primum statuit Christus, ait Bellarminus, ut Aqua esset materia Baptismi, & ut forma esset inuocatio trium Diuinarum personarum, determinauit enim aquas ad Baptismi materiam, cum eas tactu mundissimæ carnis suæ consecrare, & illustrare dignatus est; dando videlicet illis vim sanctificandi, ut patet ex Tertulliano, Hilario, Ambrosio, Hieronymo, Nazianzeno, Beda apud Bellarminum, & simul determinauit formam, cum in eius Baptismate tota Trinitas sensibiliter apparuit, Christo enim Baptizato aperti sunt Cœli, & vox Patris intonuit, & Spiritus apparuit in specie Columbe, & Filius ipse Dei in carne assumpta præsens erat ubi etiam teste Hilario Cau. 2. in Matth. declaratus est effectus Baptismi à Christo instituti, nimirum quod baptizatis aperitur Cœlum, & à Patre in filios adoptantur; & Spiritu Sancto replentur, quæ omnia suis verbis declarauit postea Christus Nicodemo, & alio tempore suis Discipulis. Itaque ex parte Sacramenti non obſtabat quin discipuli baptizarentur, neque ex parte Ministris.

Quamuis enim Christus per se ipse non baptizaret communiter, & vulgo, sed discipuli eius. Ipse, & non ipse ait Augustinus, ipse potestate, illi ministerio, leuitutem ad baptizandum illi admouebant, potestas baptizandi in Christo permanebat. Quamuis, inquam, Christus potestate tantum baptizaret, non ministerio, tamen, ut idem docet Augustinus Epist. 100. *Neque ministerio baptizandi defuit, ut haberet baptizatos seruos, per quos ceteros baptizaret, qui non defuit memorabilis illius humilitatis ministerio, quando eis lauit pedes*, itaque sentit Augustinus Apostolos à Christo ipso fuisse baptizatos, & Christum ipsum Autorem Baptismi fuisse illis eiusdem Ministrum, quæ etiam sententia fuit Euodij Sancti Petri in Cathedra Antiochena Successoris, is enim Epistola, quæ inscribitur 3<sup>æ</sup> idest Iuſen, asserit Christum suis manibus præcipuos quosdam Apostolos baptizasse. Itaque loquendo de possibili, neque ex parte Sacramenti, neque ex parte Ministris impedimentum esse poterat Discipulorum Baptismo. De facto autem quid sit dicendum non erit meo iudicio difficile definire, si obſeruemus tempus, quo discipuli cæperunt alios baptizare, nam ut docet S. Augustinus, Apostoli Baptismo Christi fuerunt baptizati, antequam ipsi eodem alios baptizarent, quamuis enim definitum iam sit post tempora Augustini à Concilio Florentino, in casu necessitatis licere non baptizato, & infideli, alios baptizare, modo adſint materia, forma, & intentio debita. Et potuisset Christus hoc ministerium Discipulis adhuc non baptizatis demandare; voluit tamen, ut sicut nunc ius baptizandi ex officio ordinario conuenit solis Sacerdotibus noui Testamenti, & in illorum absentia, aut iussu etiam Diaconis, ita soli eius discipuli, & non nisi renati ex aqua, & Spiritu Sancto primos Ecclesiæ filios generarent. Videamus ergo quo tempore cæperunt Christi Discipuli alios baptizare Baptismo Christi. Si enim Sacramentum hoc ministrare cæperunt paulo post Nuptias

III.

*Institutio Baptismi quando fuit?*

Matth. 3.

Ioan. 3.

Ioan. 4.

Tract. 5. in Io.

IV.

*Christus baptizauit aliquos Discipulos.*

V.

*Apostoli quando fuerunt baptizati?*

VI.

*Apostoli quando cæperunt baptizare alios.*

Canæ Galilææ validum sanè argumentum habemus asserendi, in ipsis Nuptiis, vel quod perinde est, proximè illas, & dependenter à fide, qua in illis crediderunt in Christum, Sacramentum idem à Christo ipsos suscepisse. Vt autem omnis amoueatur suspicio violentæ interpretationis; afferro verba ipsa Monoteïstæren, siue Chronotaxis annorum, & gestorum Christi, quam post quadraginta ferè annorum studium Sacræ Scripturæ præfixit Cornelius Commentarius suis Euangeliorum. Sic ergo describit primum Martium, sub cuius finem cæpit Christus publicè prædicare. Die, inquit, 56. à Baptismo, scilicet die prima Martij Iudæi legatos miserunt ad Ioannem, rogantes, an ipse esset Messias. Postero die, quæ fuit secunda Martij, Ioannes videns Christum venientem ad se, ait: Ecce Agnus Dei, Idem fecit, dixitque postridie, puta die tertia Martij. Hoc audito Andreas vnus ex Discipulis Ioannis, fratrem suum Simonem postridie ad Iesum adduxit, postridie item, puta die quarta Martij, Iesus vocauit Philippum, qui Nathanaelem adduxit. Tertia exinde die à vocatione Petri, & Andræ, scilicet die quinta Martij, Christum vocatus est ad Nuptias in Cana Galilææ. Mox descendit Capharnaum. Ex Capharnaum ascendit Hierosolimam, vbi prædicans, & plura miracula patrans, multos ad credendum in se pellexit. Hæc omnia contigerunt in Martio eiusdem anni. Cæpit ergo Christus Anno ætatis trigésimo primo sub Pa'cha; hoc est sub 25. illius Martij, per se prædicare, & per Apostolos sub initium Aprilis in Iudæa baptizare. Hæc Cornelius, ex quibus statuere licet, Apostolos cæpisse alios baptizare vno ferè tantum mense post celebratas Nuptias in Cana. Hæc enim celebratæ sunt sub initium Martij. Apostoli verò baptizare cæperunt sub initium Aprilis, sed vt cognoscamus quanto tempore prius, quàm ipsi alios baptizarent, fuerant ipsi à Christo baptizati, perpendenda sunt verba Euangelistæ. *Post hæc venit Iesus, & discipuli eius in Iudæam terram, & illie demorabatur cum eis. & baptizabat, per suos scilicet discipulos, vt explicat idem Euangelista cap. 4. Quo refertur, illud post hæc? Omnes Interpretes fatentur referri ad Colloquium habitum cum Nicodemus, illud enim immediatè præcesserat. Sed quænam fuit materia eius Colloquij, & vbi nam illud contigit? Materia profecto fuit de Sacramento Baptismi. Nisi quis renatus fuerit ex aqua & Spiritu Sancto non potest introire in Regnum Dei. Locus vbi Colloquium habitum est iuxta communiorum, & veriore sententiam fuit Metropolis ipsa Iudææ, hoc est Hierusalem, cuius ciuis erat Nicodemus, ex qua Metropoli venit in reliquam Iudææ Regionem, quam appellat Euangelista Iudæam terram.*

VII.  
*Andreas quando adduxit Simonem ad Iesum isque quædo vocauit Philippum, & ad nuptias Cana Galilææ vocatus fuit?*

Ioan. 3.

Tolci.  
Maldo.

VIII.  
*Christus vbi baptizauit discipulos.*

Iam verò tum ex loco, tum ex materia colloquij infertur Discipulos fuisse certè baptizatos in ipsa Galilæa, antequam Hierosolimam cum Christo ascenderent. Et quidem rationes, quæ persuaserunt ne Discipuli baptizare alios inciperent in Ciuitate Metropoli per eos præcipuè septem dies, quibus Paschæ festiuitas celebrabatur, persuadere etiam poterunt, ne & ipsi eo tempore, & loco baptizarentur; cum verò materia colloquij cum Nicodemus tam expressa fuerit de hoc Sacramento, nulla ratio permittit, vt dicamus Christum prius de illo colloquutum cum externis, quàm cum discipulis suis; quod si iam suos discipulos, quidquid ad hoc Sacramentum pertinebat edocuerat, quid poterat prohibere, quo minus & ipsi peterent, vt traderetur, & Christus petentibus traderet. Itaque omnino tenendum videtur Christum suis discipulis tradidisse cum adhuc in Galilæa esset, antequam



Hierosolymam ad Pascha celebrandum ascenderet. Baptizauit ergo discipulos, vel in ipsa Cana Galilææ, vbi fecit primum miraculum, vel in vrbe Capharnaï vbi paucis illis diebus mansit, donec tempus Paschæ propinquaret. *Post hæc, ait Ioan. 2.* Euangelista, hoc est post celebratas nuptias in Cana, *descendit Capharnaum ipse & Mater eius, & fratres eius, & discipuli eius, & ibi manserunt non multis diebus, & prope erat Pascha Iudeorum, & ascendit Iesus Hierosolymam.* In his tribus tantum locis commemoratur Christus, fuisse post institutum Sacramentum Baptismi, antequam discipuli eius illud ipsum aliis ministrarent: nimirum Canæ, Capharnaum, & Hierosolymis. Cum ergo hoc non factum sit Hierosolymis, superest vt factum sit vel Canæ, vel Capharnaum. Sed quod factum in vrbe Capharnaï sit, nullum prorsus indicium habemus, quia nec miraculum, paucis illis diebus legitur ibi fecisse, nec quidquam doctuisse, sed tantum mansisse. Restat ergo vt hoc Sacramentum susceptum à discipulis sit in ipso oppido Cana, vbi, vt ait Euangelista, crediderunt in eum discipuli eius. Et sanè posita institutione iam facta Sacramenti huius, & posita discipulorum fide in Christum includente votum Baptismi, qui semper fuit Ianua omnium Sacramentorum, & posito quod ad paucos dies, illum erant aliis ministraturi. Non video quomodo longius dilata illius susceptio à discipulis sit. Scio Baptismum Christi non fuisse necessarium necessitate medij, aut præcepti ante Christi mortem; immò neque cepisse esse necessarium ante diem Pentecostes, quando completis iam omnibus Mysteriis Redemptionis per Ascensionem, facta est sollemnis promulgatio nouæ legis, & quidem in vrbe Regia Hierosolymorum, præsentibus omnibus hominibus ex omni Natione, quæ sub Cælo est, vt ait Lucas à Summo præcone Euangelij, qui erat Apostolus Petrus in ea scilicet concione, in qua comprehensa sunt præcipua capita totius doctrinæ Euangelicæ; quamuis, inquam Baptismus Christi non cæperit esse necessarius ante huiusmodi solemnem promulgationem, quia promulgatio est de essentia legis, vt docet S. Thomas 2. p. quæst. 90. art. 4. Tamen negari non potest legem Euangelicam, & Baptismum Christi conditum fuisse, & profuisse etiam ante Christi mortem, quare Baptismus collatus ante Christi mortem, omnes illos effectus habebat, quos habet nunc, quos enumerat Nazianzenus Oratione in Sanctum Iuacrum, & Chrysostomus homil. 1. ad Neophytos. Vt facere animam pulchram, Deo dilectam splendenter, eam obsignare Regio sigillo, facere heredem Dei, aperire Regnum Cælorum. Quis autem credat Discipulos Christi, hos effectus edoctos à Christo, aut non exarxisse in amorem tanti Sacramenti, aut exardescere non petiuisset, aut petentes repulso, vel dilatos fuisse, præsertim quod discipuli acquisierant ius ad Baptismum, quia per hoc, quod Christum receperant, potestatem acceperant filios Dei fieri, dicente Euangelista: *quotquot autem receperunt eum, dedit eis potestatem filios Dei fieri*, quæ est potestas, & facultas suscipiendi Baptismum, & per eum renascendi, vt enim docet Toletus in cap. 1. Ioan. Per fidem propriè homo non fit, nec renascitur filius Dei, sed per Baptismum saltem voto susceptum, qui dat gratiam filiorum; per fidem autem tantum datur potestas renascendi per Baptismum, qui regenerat solos credentes in Christum. De qua vide fufius disputantem Toletum. Quæ omnia mihi persuadent verbum illud Euangelistæ, quo post enarrationem tanti miraculi dixit: *& crediderunt in eum discipuli*, verbum esse plenissimæ significationis, vt comprehendat



I X.  
*Susceptio Baptismi est fidei professio.*

omnem fidem, non solum internam, verum etiam externam, cuius primus actus consistit in professione, quæ sit per Baptismum; quare Catholici docent paruulos dum baptizantur, actu credere, quia ut docet S. Augustinus lib. 1. de pecc. merit. & remiss. cap. 27. infantibus, ipsum baptizari, est credere, quia nimirum ista actio est fidei professio. Idem S. Doctor Ep. st. 23. vbi quærit quomodo susceptores in Baptismo resp. ndent paruulos credere. Quia, inquit, Sacramentum fidei, fides est. Nihil est autem aliud credere, quàm fidem habere, ac per hoc cum respondetur paruulos credere, qui fidei nondum habet affectum, respondetur fidem habere, propter fidei Sacramentum, & conuertere se ad Deum propter conuersionis Sacramentum. quia, & ipsa responsio ad conuersionem pertinet Sacramenti. Et sanè hoc loco illud *crediderunt in eum discipuli eius*, quidpiam amplius significare videtur. quam actum fidei merum internum in Christum, quia ante miraculum in illum crediderant. propterea enim vocati fuerunt ad Nuptias, quia habebantur, & erant discipuli Christi. Iam enim partim testimonio Ioannis partim ipsius Christi vocatione a'iqua ipsi adhærere incæperant, ipsum audierant, & ei fidem habuerant, quare ait Euangelista: *Vocatus est autem Iesus, & Discipuli eius ad Nuptias*, quasi hoc nomine illi inuitati, & vocati, quia discipuli eius erant, non titulo aliquo cognationis, aut consanguinitatis, quod significat adhuc magis Euangelista, distinguens fratres. hoc est cognatos secundum carnem, à discipulis. *Post hæc, inquit, descendit Capharnaum ipse & Mater eius, & fratres eius, & discipuli eius.*

Addo si Discipulorum Baptismus non in ipso oppido Cana, sed in vrbe Capharnaï paucis illis, proximisque diebus post Nuptias celebratus est, nihil contra nostrum intentum sequi, quia fuisset effectus, & professio illius eiusdem fidei, quæ post miraculum crediderunt in eum, tum quia neque in vrbe Capharnaï hoc fuisset sine Maria Matre eius; quæ certè non sine magno consilio descendit cum discipulis. *Post hæc descendit Capharnaum ipse, & Mater eius, & discipuli eius.*

### CAPVT III.

*Quæ ratione Apostoli fuerunt primi filij Beate Mariæ.*

I.  
*Apostoli qui pr. m. filij B. V. fuerint.*

Q UOD primi Ecclesiæ filij, in Nuptiis Canæ sint nati satis superque probatum existimamus testimonio Euangelistæ, qui ait: *Hoc fecit initium signorum Iesu in Cana Galilee, & manifestauit gloriam suam, & crediderunt in eum Discipuli eius.* Quod verò huiusmodi filij B. Mariæ, tanquam Reginæ Sponsæ sint nati hoc postulat locus propheticus, ut explicemus, quod præstabitur facile si ex eodem Euangelista cognoscamus, quæ ratione B. Maria procuratrix fuerit illius fidei, quæ Discipuli crediderunt, & per quam spiritalis, ac Diuina illorum regeneratio, & naturas perfecta est, & quidem procurauit fidem, primum procurando miraculum, procurauit autem miraculum dupliciter, vt obseruat S. Thomas. Primo defectum vini indicando, & preces suas interponendo; *dicit Mater Iesu ad eum: Vinum non habent*; deinde Ministros disponendo, & instruendo; ne forte sita inobediencia, aliquid, quod miraculum impediret, committerent: nouerat

II.  
*M. Virgo procuratrix miraculi in Cana, dupliciter.*

nouerat enim ipsa Deum in miraculis, & operibus suae potentiae faciendis aliquid, quod humano repugnatiudicio admiscere solitum esse, ut bene obseruauit Toletus, sic Deus ut aquas lanas faceret, ialem iussit infundi: ut ferrum etiam ex aquis extraheret, lignum aquis iniecti iussit. Ut aquas dulces redderet, lignum praecipit immitti; quia igitur simile quid injungendum erat, ipsa iussa anteuertens diligenter uos iales ministros instruit, edocetque. *Quodcumque dixerit uobis facite*; quodcumque etiam graue, etiam si uobis inutile visum fuerit, facere ne recusatis; & sane quantum apud Ministros ualuerit consilium, & instructio Virginis Beatissimae, satis ostendit perfecta, & exacta illorum obedientia, quae maxime cluxit in tribus. Primo quia cum Christus dixisset tantum: *implete hydrias aqua*, ipsi dicto Christi perfecte obediens, *hydrias sex*, non utcumque, sed usque ad summum aqua impleuerunt, & *impleuerunt eas usque ad summum*, quod Christus expressè non iusserat. Secundo quia cum antequam Aquam, Vinum factam scirent, iuberentur haurire, & illam tanquam vinum praefecto mensae pro consuetudine ministrare. *Haurite nunc, & ferte Architriclino*, nihil haesitauerunt; sed quod uno uerbi compendio omnia comprehendit Euangelista, & *tulerunt*. Tercio cum scirent iam Ministri coram Architriclino Vinum esse factum, ut docet Euangelista; *et gustauit Architriclino aquam uinum factam, & non sciebat unde esset, ministri autem sciebant, qui hauerant aquam*; cum scirent iam vinum esse factum, id quod iussu haurire, tum ex colore, tum ex odore cognoscere potuerant, Architricleino etiam miranti, & unde hoc Vinum esset nescienti, rem non reuelant, quod non aia de causa eos existimo fecisse, ait Toletus, nisi quia à Christo tantum, haurite, & ferte Architriclino, audierant, uerbumque Christi praetergredi non sunt ausi; utque adeo sollicita miraculi procuratrix illos instituerat, instruxerat, & disposuerat: *quodcumque dixerit uobis facite*; sic illa cooperante, & cuncta ad primum discipulorum partum dirigente. *Initium signorum facit Iesus, & manifestauit gloriam suam; ex quo tandem factum est, ut nati sint primi filij, & crediderunt in eum discipuli eius.*

Atque hinc altior quaedam ratio apparet. Cur Christus hoc primum loco Beatam Virginem, non Matrem suam, sed mulierem appellauit; immò quod est valde notabile; cur nusquam nisi hoc nomine, mulier, vocauit. Legimus quidem in Historia Evangelica, Mariam Matrem Iesum vocatam, idque oeties post partum, ut Metaphrastes aduertit, sed ab Euangelistis ita vocatam legimus, à Christo autem non nisi, *Mulier*. Mysterium sine dubio fuit, quia hoc nomen, *Mulier*, quamuis commune sit uniuerso sexui, tamen per quandam excellentiam tribuitur in Scriptura primae mulieri, quae sponsa unica primi hominis fuit, & unica Mater uniuersalis omnium uiuentium, ad eum planè modum, quo hoc nomen, *Homo*, quamuis commune sit omnibus filiis Adae, anton-masticè tamen conuenit primo homini, & communi omnium Patri. Mysterium inquam fuit Matrem suam appellare *Mulierem* eo modo, quo se vocat *filium hominis*, uidelicet cum archilo, ut sicut se uult ostendere secundum Adam, ita etiam eam ostendat alteram Euam, hoc est Matrem uiuentium. Sicut ergo Christus, qui fuit secundus Adam, atque ideo nouus Generis humani Pater, quamdiu spiritualis regenerationis opus durauit, durauit autem ab initio suae praedicationis usque ad Crucem, appellabat se vocabulo relatiuo ad primum Adam, idque quo significantius fieret, cum duplici arti-

## III.

Cur B. Virgo à Christo vocetur mulier?

culo, vt est expressum in Græco: *Ille filius illius hominis*; ita Virginem, quæ fuit altera Eua, & noua Generis humani Mater, non alio voluit vocabulo appellare, nisi relatiuo ad primam Mulierem, vt sic ostenderet *duo, & duo*. Tetigit hanc explicationem Ribera, qui in cap. 2. Ioannis docet vero simillimum sibi fieri Dominum solitum esse Matrem suam appellare *Mulierem*, eo modo, quo se vocat filium hominis, videlicet cum articulo, vt sicut se vult ostendere secundum Adam, ita etiam eam ostendat alteram Euam, hoc est Matrem viuentium, idest eam mulierem, quæ damna illius primæ refarciret, hæc Ribera. Quibus verbis videtur, & illud insinuare, quod sicut Christus vocabat se Hominem cum articulo, ita & B. Mariam, Mulierem cum articulo etiam appellauit. O illa *Mulier*, verè in Græco textu articulus nec est, nec esse potest, cum Græci in vocatiuo articulum non apponant. Cæterum sicut Dei Verbum caro iam factum, quando de se, quasi de tertia persona loquebatur, apponebat articulum ad significandum illum promissum futuri Sæculi Patrem, ita antequam caro fieret, cum de Virgine, in tertia item persona locutus est, Mulierem cum articulo nominauit, ad præsignandam illam futuri Sæculi Matrem. Quare Hebræicæ linguæ periti, teste Canisio, obseruauerunt. Verba illa Genesæos: *Inimicitias ponam inter te, & mulierem*, non simpliciter, sed cum articulo peculiari de Muliere pronuntiari. *Inimicitias ponam inter te, & illam Mulierem*; illam vique promissam vt futuri Sæculi Matrem, ideo non dico, pono, sed ponam. Audi Cyprianum. *Ponam inimicitias, non certè pono dicite ne ad Euam pertinere videretur. Verbum promissionis est, quod transmittitur in futura*. Et verè quod sequitur verbum, inter semen tuum, & semen Mulieris significationem planè determinat. Quod enim aliud semen, solius Mulieris est, nisi solus Christus, ait Epiphanius, quod vtiq; semen vbi concepit verè electorum omnium aceruum concepit, quia vt ait S. Ambrosius in illud Cant. *Venter tuus sicut aceruum tritici*. De vno grano tritici aceruus est factus, hoc est multitudo electorum per triticum significata. Triticum autem congregate in horreum meum. Vnde non immeritò dixit S. Bernardinus Senensis, quod *extunc tanquam versissima Mater filios electos omnes in suis visceribus baulauit*.

Quia ergo Virgo Beatissima aderat Nuptiis Canæ Galilææ gerens iam vterum electorum, & procuracione ptimi miraculi, primos filios mox enixura, hinc factum est, vt secundus Adam, eo nomine illam compellauerit, quam suam sponsam, & sociam nominauit iam olim primus: *Mulier, quam dedisti mihi sociam*. Sed longè diuerso modo primus ille Adam confessus est sociam. *Mulier*, inquit, *quam dedisti mihi sociam, dedit mihi de ligno, & comedi, sic excessus sui vitium*, ait S. Gregorius in *Autorem latenter interfit, quasi diceret: in occasionem delinquendi prebuisi, qui mulierem dedisti*. At secundus Adam videns quemadmodum discipuli eius crederent in eum, verè in tanto negotio agnouit sociam, vt dicere posset Patri: *Mulier, quam dedisti mihi sociam, ad salutem credentium, ipsa signum postulauit, ipsa precibus accelerauit, ipsa Ministros instruxit, ipsa discipulos prepaui*. Et verè tu Pater occasionem saluandi tribuisti, qui Mulierem dedisti. Quid ad hæc blasphemus ille fursifer Brentius, qui ausus est Mariæ criminis maximo vettere, quod filio dixerit: *Vinum non habent*, Maria, inquit ipse, ambit hic honorem Mellisæ & cupit esse quasi socia administrandi eius Officij, quod Christo diuinitus mandatum erat. Hoccine virus euomis infame monstrum? Sed iubeo te illud

l. 1. c. 2.

c. 2.

Hæres. 10.

c. 7.

Matth. 13.  
Tom. 3. v. 6.  
ari. 2. c. 2.

Gen. 2.

resorbere. Sociam omnino voluit, qui sponsam voluit, suam sibi Euam fecit uiuentium Matrem, qui pro nobis fieri dignatus est Adam credentium Pater. Intue-  
*re Brenti. intrare, inquit Scriptura, in omnia opera Altissimi, Dno, & Dno, & Eccl. 33. unum contra unum.* Duo sunt opera Altissimi, opus Naturæ, & opus Gratiæ. Agnosce in utroque opere duo, & duo, & fatere quod docet cum Ecclesia Bernardus, quod sicut Adam, & Eva vno pomo simul vendiderunt Mundum, ita Christus, & Maria quasi vno corde simul redemerunt Mundum, sed super hoc argu-  
*mento agemus fortasse ex professo aliàs. Interim quoniam ex eo quod Christus, non Mater, dixit, sed mulier. Brentiani plures dignitatem, & meritum B. Mariæ profcindere sunt conati, non omittam, & illud indicare, id nomen, & honoris fuisse maximi, & amoris; honoris, quia nomen Reginæ est, sicut enim Christus constitutus à Patre Rex, inter viros primatum tenens, viri nomine in Scriptura decoratur, sic Maria inter Mulieres omnes Principatum obtinens, debuit ob supremam quandam excellentiam, absoluto mulieris nomine, tanquam prima, & omnium Regina honorari; nec honoris tantum fuit, sed eximæ dilectionis, & amoris, cum enim illa, & Mater Christi fuerit, & Sponsa, quia illa, de qua natus est Iesus, ut ait Euangelista. Sponsa, quia illa, de qua pro patribus nati sunt filij, ut ait Propheta. Cum, inquam vna, eademque duplicem illam gereret personam, & Matris, & Sponsæ, Christus, qui illius pariter erat, & filius, & Sponsus, ut adhæreret Sponsæ, reliquit Matrem: Et cum potuisset dicere, Mater, maluit præ dilectione dicere Mulier; propter hoc relinquet homo Patrem, & Matrem suam, & adhærebit uxori suæ, & erunt duo in carne vna. Sacramentum hoc magnum est, ait Apostolus.*

Verum hic ad rem præsentem plenius intelligendam, operæ pretium erit examinare, de quo Sacramento agit hoc loco Apostolus, & in quo illius magnitudo posita est.

Dicam rem improuisam sed tamen veram. Agit Apostolus de Nuptiis Christianis, atque adeo præcipuo quodam nomine agit de Nuptiis Canæ Galilææ. Dixi præcipuo nomine, quia si quæramus, quæ nam fuerunt primæ nuptiæ Christianorum, seu quale Matrimonium fuit primo nouæ legis Sacramentum, inuenimus non aliud nisi hoc celebratum in Cana Galilææ, propterea, enim ait Eusebius ad nuptias illas Dominus venit, ut nimirum eas noua, & spiritali benedictione sanctificaret, atque in Sacramentum nouæ legis institueret, quod significant Patres, quando dicunt Christum nuptiis benedixisse, ex quo, inquit, sequitur illud Matrimonium fuisse primum Matrimonium nouæ legis Sacramentum. Quod autem Apostolus agat de solis Nuptiis pertinentibus ad nouum Testamentum, illa potissimum ratio persuadet, quia extra matrimonia pertinentia ad nouum Testamentum, nullum est, ad quod referri propriè possit illud pronomen *Hoc*, cum dicitur *Sacramentum hoc magnum est*. Scio ab aliquibus Autoribus pronomen illud demonstratium referri ad Coniugium Adami, & Eux. Verum quod hoc loco Apostolus magnum Sacramentum, non ad Coniugium Adami, & Eux, sed ad solas nuptias Christianorum referat, ostendit Bellarminus lib. 1. cap. 2. quia verba, quæ Apostolus allegat ex Genesi: *Relinquet homo Patrem, & Matrem*, non de illo singulari coniugio intelliguntur, non enim dixit Adam ego relinquam, sed indefinitè relinquet homo, immo, ait Bellarminus, coniugio primorum parentum ista

verba accommodari non possunt, non enim reliquit Adam Patrem, & Matrem, ut vxori adhæret finæ, cum parentes nullos habuerit ipse primus omnium parens, & præterea de futuris coniugiis loquitur, cum dicat: Relinquet, non igitur de suo loquitur, quod iam nouerat factum, significauit quidem Coniugium Adami, & Euzæ, conjunctionem Christi, & Ecclesiæ, sed illam non significauit vt Sacramentum, sed tantum vt figura, & ideo defuit illi coniugio omisso gratiæ, quæ est de essentia Sacramenti, & licet Deus benedixit Sponsis Genes. 1. I la tamen benedicti, ait August. lib. 13. Conf. cap. 24. fuit merè corporalis, hoc est ad fecunditatem corporum pertinens, & ideo ait, eadem benedictio data legitur Piscibus, & Anibus. Cum igitur coniugium primum parentum non fuerit verè, & propriè Sacramentum, vt docent Theologi, qui vniuersaliter asserunt nullum fuisse institutum Sacramentum in Statu Innocentiæ, non potuit loqui Apostolus de illo, cum ait: *Sacramentum hoc magnum est.* Neque loquitur de præteritis ante nouum Testamentum. Non enim ait Apostolus, Sacramentum hoc magnum fuit, ait Bellarminus, sed est in Christo, & Ecclesia. Quare S. Augustinus in libro de bono Coniug. passim affirmat, Matrimonium non esse Sacramentum nisi in Ecclesia, & S. Thomas in 4. dist. 26 quæst. 2. art. 2. dicit, in solo Testamento nouo Matrimonium repræsentare conjunctionem Christi, & Ecclesiæ, quia in solo Testamento nouo Matrimonium est Sacramentum à Christo institutum.

Igitur agit Apostolus de Sacramento Matrimonij, quod solum inter Christianos est, & quia quoties de aliquo genere agitur, præcipuo nomine agit de eo, quod est primum in illo genere, ideo præcipuo nomine agit de Matrimonio Canæ Galilææ, quod præter alias prærogatiuas fuit primum à Christo institutum in Sacramentum.

Sed in quo fuit magnum? Verè omne Matrimonium Christianum magnum est Apostoli testimonio, neque enim audiendi sunt Lutherus, & Caluinus, qui contendunt, ab Apostolo magnum Sacramentum vocari conjunctionem Christi cum Ecclesia, illo nixi argumento, quia Apostolus ait: *Ego autem dico in Christo, & in Ecclesia;* vnde colligunt Sacramentum hoc loco non accipi pro signo rei sacræ, sed pro ipsa re sacrâ, atque adeo Matrimonium hoc loco ne appellari quidem signum, siue Symbolum cuius prædicatum sit illud, Magnum, sed falluntur appetitissime ait Bellarminus lib. 2. cap. 2. nam habent contra se omnes veteres huius loci Interpretes, Ambrosium, Hieronymum, Chrysostomum, Augustinum, qui docent Christum, & Ecclesiam esse terminum illius Sacramenti, seu mystici signi, ac proinde Sacramentum esse in coniugio, sed terminari, ac referri Sacramenti huius significationem ad Christum, & Ecclesiam. Neque argumentum Aduersariorum aliquid probat, ait Bellarminus. Illud enim *Ego autem dico,* significat, Ego interpretor hoc Sacramentum Matrimonij de Christo, & Ecclesia. Ideo absolute dixit S. Thomas in cap. 5. ad Ephesios.

#### IV.

Quatuor Sa-  
cramenta di-  
cuntur magna,  
& in quo sen-  
sus.

Quatuor Sacramenta dici magna, Baptismus ratione effectus, quia delet culpam, & aperit Ianuam Paradisi, Confirmationem ratione Ministri, quia solum à Pontificibus, & non ab aliis confertur, Eucharistiam ratione continentis, quia totum Christum continet, & Matrimonium ratione significationis, quia significat conjunctionem Christi, & Ecclesiæ; quia ergo omne matrimonium Christianum sacræ rei, & quidem magnæ signum est, ideo de omni matrimonio Christiano



exponendus est Apostolus, cum dicit *Sacramentum hoc magnum est*. Cæterum negari non potest de Matrimonio Canæ Galilææ non solum affirmari posse Sacramentum hoc magnum est, verum etiam plusquam magnum est, eo scere sensu, quo Christus de Baptista dixit, *etiam dico vobis, & plusquam Propheta*. Sicut enim Baptista dictus est plusquam Propheta, ut docet S. Thomas, quia ad Prophetam satis est futura prædicere, Baptista autem non solum futura sed etiam præsentia ostendit. Ita Sacramentum Canæ Galilææ, plusquam magnum dici potest, quia ad magnitudinem Sacramenti Matrimonij satis est conjunctionem Christi, & Ecclesiæ utcumque significare, conjugium autem Canæ Galilææ fuit Sacramentum. seu signum Christi, & Ecclesiæ ibi præsentium, & primos significata in aqua, & Spiritu Sancto progenientium, ita ut signum, & res per ipsum significata coexistenter, & mirifice responderent. Quare cum dixit Evangelista & *tertia die Nuptia factæ sunt in Cana Galilææ*. Locus est (quod Ioannes solet) more Prophetarum, qui subinde in sensu literali simul complectuntur, & rem, quam verba historica proprie significant, & simul allegoriam, quam res illa repræsentat; & tunc, ait Cornelius, duplex est sensus literalis, prior historicus, posterior quasi Propheticus, quod etiam locum habet in Parabolis, in quibus duplex etiam est sensus literalis, primus ipsius Parabolæ, secundus rei per Parabolam significatæ. Quod si quæras, Vter sensus potior fuit Evangelistæ, dicendum est, longè potiorem illi fuisse sensum, quem appellauimus quasi Propheticum. Ideo tam diligenter notauit tempus, & tertia die. Quando autem notantur tempora, ait Gregorius, Mysteria indicantur, ideo siluit nomina Sponsi, & Sponsæ, contra verò expressit Christum, & Ecclesiā, & erat Mater Iesu ibi. Vocatus est autem Iesus, ideo denique exposuit fructum Nuptiarum, & crediderunt in eum discipuli eius.

Matth. 11.

In Isaiam.

V

Sed rursus ex hoc loco quæris, si discipuli in arcanis hæc Nuptiis, inducuntur ut filij, an dici possit Mariam ita induci, ut Sponsam, & Matrem, ut sola ipsa nominari possit Ecclesia. Omnino hoc dici potest, quia Ecclesia in quantum omnium collectiuè Electorum Mater, Maria est. Illud enim est vnaquæque res, ait S. Thomas 1. p. quæst. 75. art. 4. quod operatur operationes illius rei, vnde illud est homo, quod operatur operationes hominis, seu explicat Caietanus, quod operatur quidquid operatur homo, alioquin, aut res sine propria operatione aut è contra propria operatio sine eo, cuius est inueniretur. Cum ergo Maria operetur operationes Matris Ecclesiæ, & quidquid operatur Mater Ecclesiæ, merito Maria nominatur, & est Ecclesia. Quod autem ipsa operetur, quidquid ut Mater operatur Ecclesia demonstrari satis potest ex illo vniuersalissimo principio, quod nullus in ea filius generatur, nisi concurrente, & influenti, & cooperante Maria, hinc tam multipliciter, & vniuersaliter Mater appellatur, Mater agnitionis hoc est fidei, ut interpretatur S. Antoninus. Mater sanctæ Spei, ut illam salutat S. Augustinus. Mater pulchræ dilectionis, id est Mater charitatis, ut eam appellat Bernardus. Quibus Maria significatur influere in tres habitus Theologicos; Rursus dicitur absolute Mater Gratiæ, quia scilicet non confertur gratia, neque gratum faciens, neque excitans, neque concomitans, nisi per ipsam; vnde in reuelationibus sanctæ Brigittæ dicitur Mater totius Iustitiæ, quæ est in Mundo, & S. Cyrillus homil. 6. in Nestorium: per Mariam, inquit, fideles omnes ad sanctum Baptisma perueniunt, & in toto orbe Terrarum constructæ sunt Ecclesiæ. Iure igitur optimo Maria

Maria etiam sola dicitur & est Ecclesia.

4 p. 1. 15. c. 17.

Ser. 29. in Cantic.

1. p. 6. 130.

etiam sola dicitur, & est Ecclesia; quia in ipsa tanquam in Matre continente omnes fideles, tota virtualiter continetur Ecclesia.

## CAPVT IV.

*Vtrum Beatus Nathanael fuerit vnus ex Discipulis Iesu vocatis ad Nuptias Canæ Galilee.*

Super illis Verbis. Ioan. 2.

*Vocatus est autem Iesus, & Discipuli eius ad Nuptias.*

I.  
*An Nathanael  
vnus è discipu-  
lis vocatus ad  
Nuptias.*

**P**LRIMUM sanè refert ad Beati Nathanaelis Apostolatum comprobandum iam definire, fuisse illum ex Discipulis inuitatis ad Nuptias, si enim id euincamus, planè constabit ex dictis, eundem fuisse ex præcipuis filiis Beatæ Mariæ, atque adeo ex principibus illis, de quibus Propheta in Cælestium illo Nuptiarum Epithalamio loquutus est illis verbis: *pro patribus tuis nati sunt tibi filij, constituens eos Principes super omnem terram.*

Et quidem nullum adhuc reperi Autorem, qui ausus fuerit Beatum Nathanaelem ab illo numero discipulorum excludere, Qui verò illum nominatim annumerent, inueni plurimos. Nec immerito, habemus enim de illo quatuor ceita, quæ si rectè considerentur, magnam de hac re faciunt euidentiam.

II.  
*Nathanael  
fuit Christi discipulum.*

Primo habemus certum illum fuisse discipulum Domini, quod constat ex Capite vltimo S. Ioannis, vbi dicitur. *Hoc iam tertio manifestatus est Iesus discipulis suis, & qui fuerint illi discipuli numerantur; erant simul Simon Petrus, & Thomas, qui dicitur Didymus, & Nathanaël, qui erat à Cana Galilee, & filij Zebedei, & quod confirmat omnes nominatos fuisse discipulos additur, & alij ex discipulis eius duo.*

Secundo certum est illum, à Christo vocatum fuisse ante Mysterium Nuptiarum Canæ Galilee, tum quia Euangelista, qui seruat ordinem temporis, prius, hoc est Capite primo enarrat vocationem Nathanaelis, postea verò, hoc est capite secundo Nuptiarum historiam refert, tum quia sacri Interpretes, explicantes, quæ sit dies illa tertia, de qua dicitur: *Et die tertia, Nuptia facta sunt in Cana Galilee,* aiunt fuisse tertiam à die vocationis Nathanaelis, quia illud fuit tempus vltimo loco ab Euangelista descriptum, & quamuis in eius tridui supputatione controuersia sit inter illos, omnes tamen conueniunt includi in eo præiij temporis intervallo, Nathanaelis vocationem ab Euangelista prænarratam, ideo vniuersaliter explicauit S. Thomas; Et die, inquit, tertia, scilicet postquam prædicta de vocatione discipulorum fecerat.

Tertium, quo I. certum etiam habemus est Nathanaelem non vticumque vocatum, sed eius vocationem insignibus prærogatiuis exornatam fuisse, ita vt inter primarios Christi discipulos eo tempore Christo adherentes, numerandus omnino sit. De quo enim Discipulorum, tunc dixerat Christus: *Ecce verè Israëlita, in*

quo dolus non est? Qui discipulorum tunc confessionem fecerat tam præclaram, Rabbi, tu es Filius Dei, tu es Rex Israël? Cui denique discipulorum tam magnificam Christus rependerat promissionem; & dixit ei: Amen, amen, dico vobis, videbitis Cælum apertum, & Angelos Dei ascendentes, & descendentes super filium hominis? Et dixit ei, hoc est Nathanaeli, vt narrat Ioannes.

c. i.

Quantum quod ex Evangelio etiam, & certum illud est, Nathanaelem non solum fuisse ex Galilæa, sed ex ipsa Cana vbi Nuptiæ celebratæ sunt. Et Nathanael, ait Evangelista cap. 21. qui erat à Cana Galilæa. Immò eo tempore, quo inuentus à Philippo fuit, & adductus ad Christum in ipsa sua Patria commorari præsupponunt tanquam indubitatum Interpretes ex toto Evangelicæ historię contextu.

 III.  
 Nathanaelis  
 patria.

Quæ cum ita sint, quàm tutum est affirmare Nathanaelem inter alios Discipulos Nuptiis illis interfuisse, tam penè temerarium videtur cum à primo illo inuitatorum numero excludere, cum præsertim Evangelista absolutè, & nulla restrictione, aut exceptione facta, dicat: *Vocatus est autem Iesus, & Discipuli eius ad Nuptias.*

Sed videamus communem Doctorem consensum, illorumque recitatis testimoniis rem totam confirmemus.

Dionysius Carthusianus, vir Sanctissimus, & Doctissimus in explicatione huius loci, vocatus est autem Iesus, & Discipuli eius ad Nuptias; Discipuli, inquit, qui iam cœperant eius Magisterio adherere, tum propter alia, tum propter signa eius occulta, quemadmodum dictum est de Nathanaele, quod credidit Iesum esse Christum Filium Dei, quoniam arcana sui cordis, & gesta, ac verba sua, in absentia Christi parata, ac dicta, ipse Christus manifestauit ipsi Nathanaeli. Non habuit Carthusianus, quem ex discipulis certius nominaret, & in exemplum afferret.

Caietanus, Vir summi ingenij, nec minoris pietatis, vt testatur Bellarminus, expendens modum illum dicendi Evangelistæ. Vocatus est autem Iesus, & discipuli eius ad Nuptias. Vt intelligamus, inquit, ratione ipsius Iesu (non ratione consanguinitatis) inuitatos etiam discipulos Iesu, scilicet, Andream, Petrum, Philippum, & Nathanaelem. Et infrà. Non dicit, & Apostoli eius: adhuc enim non elegerat Apostolos, sed quinque habebat discipulos, quantum ex Evangelio habetur. Numerat ergo Caietanus inter discipulos vocatos ad Nuptias Nathanaelem.

Franciscus Titelmannus, Vir sanctus, & doctus, cuius omnia scripta etiam Philosophica miram pietatem spirant ait Bellarminus in sua Paraphrastica Elucidatione in Ioannem, cum enarrasset Vocationem, Andreæ, Petri, Philippi, & Nathanaelis quæ habentur Cap. 1. Sic exorditur caput secundum. *Horum itaque discipulorum societate cœmitatus Dominus Iesus, vocatus est ad Nuptias, simul, & ij, qui tum ipsum comitabantur ob gratiam ipsius eodem sunt vocati.*

Franciscus Lucas Brugenfis, quem plurimi facit Cornelius à Lapide, explicans, qui discipuli vocati. & quare. Andreas, inquit, eiusque socius Petrus, Philippus, & Nathanael, quos superioribus diebus sibi adscinerat. Animaduertentes affines isti Iesu, Iesum neque iam facillè procedere absque discipulis, quibuscum in commune fere vinceret, vt ipsi gratificentur, vocant, & discipulos eius. Et rursus infrà. Post hæc descendit Capharnaum ipse, & discipuli eius. Illi, inquit, qui

*Nuptiis interfuerant, quorum comitatum omnino cupiuit.*

Claudius Guiliardus, Autor probatissimus teste Posseuino, super illis verbis: Vocatus est Iesus, & discipuli eius. *Vocatus, inquit, Iesus, occasione praestita vocandi discipulos, quos modo colligerat, Andream scilicet, Petrum, Philippum, & Nathanaelem; sequuntur Dominum discipuli ad Nuptias illas Caesares, in quibus totus ille agnus conuiuij redimimus apponitur.* Et rursus super illis verbis. Post hæc descendit Capharnaum ipse, & Mater eius, & discipuli eius Stribundi, inquit, *eruditionis Christiana comitantur Christum discipuli, Andreas, Petrus, Philippus, & Nathanael.*

Guilielmus Estius, Vir eruditus, & Sanctus, super hoc loco S. Ioannis; Vocatus est autem Iesus, & discipuli eius ad Nuptias. *Non duodecim, inquit, eius Apostoli, quia nondum fecerat sibi Apostolos, sed discipuli, quos iam habebat, ut Andreas, Simon, Philippus, Nathanael, & aliter ille, qui una cum Andrea sequutus est Iesum.*

Michaël de Palatio in eruditis Commentariis super Ioannem, exponens illud: & die tertia Nuptia factæ sunt. *Dies hic tertius, inquit, computatur à Vocatione Nathanaelis.* Et mox. *Discipulos Dominus quosdam ad se aggregarat ad finem huius anni trigesimi primi, videlicet Petrum, Philippum, Nathanaelem, Andream, & Ioannem Evangelistam.* Et infra. *Vocati sunt autem discipuli eius ad nuptias, quos quinque tunc fuisse à Domino vocatos dudum tradebamus.*

Ioannes Arboreus Doctor Patiensis egregius, explicans illud: Post hæc descendit Capharnaum ipse, & discipuli eius, *Andreas scilicet, Petrus, Philippus, Nathanael, & Ioannes Evangelista, & statim declarans quomodo Evangelista vocat discipulos; aut vocat, inquit, discipulos, non qui tunc erant, sed qui futuri erant. Nec dicit, Apostoli eius, quia nondum elegerat Apostolos.* Sentit ergo inter inuitatos eligendos in primos discipulos, & Apostolos fuisse Nathanaelem.

Fabritius Paulutius primus Episcopus Plebanus cap. 22. de miraculo in Nuptiis, super iisdem verbis: Vocatus est autem Iesus, & discipuli eius ad Nuptias. *Petrus, inquit, Andreas, Philippus, Nathanael, hos enim vocauerat, vel eum audierant, at cum de aliis non legamus, quales alij? aut cur non hi? & quomodo testificati essent à Baptismate Ioannis.* Tangit non leue fundamentum, cur nominati non possint excludi à numero Apostolorum.

Ioannes Fetus in suis piis, & eruditis enarrationibus super Ioannem, iuxta Regulas Indicis, correctis. Loquens de miraculo, quod parratum fuit in Nuptiis Cana Galilææ. *Quod Christus, inquit, supra Nathanaeli promisit, dicens: Maius his videbis, nunc incipit prestare.* Vidit ergo Nathanael initium signorum, quod fecit Iesus in Cana Galilææ.

Franciscus Toletus in cap. 2. Ioannis Annotatione tertia. *Verisimilis, inquit, est, Philippum, & Nathanaelem adfuisse, eosque discipulos Christi vocatos esse, nec tamen negauerim Andream, & Petrum.*

Ioannes Maldonatus super eodem loco. *Eodem, inquit, spectat, quod Christi etiam discipulos vocatos fuisse dicit, ut intelligamus quam plurimos eius miraculi fuisse testes.* At quos discipulos? Petrum, Andream, Philippum, Nathanaelem, ut conlat ex Superiore capite, vers. 40. 42. 43.

Benedictus Pererius in cap. 2. Ioan. disput. 5. *Sed hoc loco queri dignum est,*  
qui

qui fuerint illi discipuli Iesu, qui cum eo vocati sunt ad nuptias. Ego, inquit, sentio fuisse in illis Nuptiis Petrum, & Andream, ne Principes Apostolorum videlicet abessent primo Christi miraculo, quo manifestata est gloria eius, & discipuli crediderunt in eum; quia etiam puto Ioannem, qui historiam hanc scripsit, illis nuptiis interfuisse, crediderim quoque nec defuisse Nathanaelem, nec sodalem eius Philippum.

Sebastianus Barradas tom. 2. lib. 3. cap. 2. Quod ex dictis Ioan. cap. 1. colligi potest: Discipuli hic appellantur, Petrus, Andreas, Philippus Nathanael, hos enim Christus vocauerat vocatione prima, propter quam iam discipuli appellantur.

Vincentius Regius lib. 2. cap. 6. Per discipulos intelligere Philippum, & Nathanaelem, crediderim, & Petrum, & Andream, & alterum Andrea socium hic discipulos vocari.

Ioannes de la Haye. Euang. dispos. cap. 21. Non male dicitur Christus iam aliquos habuisse discipulos, & si non diu ante, inter quos probabile est fuisse Ioannem Iustum, Petrum, Andream, Philippum, Nathanaelem, & forte alios.

Cornelius à Lapide. *Queres, unde, & qui fuerint hi discipuli Iesu? Nam Iesus non dum collegerat Apostolos. Respondet verisimile est discipulos hos fuisse Nathanaelem & Philippum, &c.*

Alphonsus Salmeron, tomo sexto de Miraculis Tract. 1. disputans de discipulis, cum quibus Christus discessit à Cana Galilææ. Discipulos, inquit, vocat, qui cum sequebantur, & adhuc eos in Apostolos nondum elegerat, sed quatuor tantum habebat discipulos, quantum colligitur ex Evangelio, nempe, Andream, Petrum, & Philippum, & NATHANAELEM.

## CAPVT V.

*Vtrum Beatus Nathanael, & Discipuli vocati ad Nuptias fuerint de numero duodecim.*

*Quos Dominus Iesus Apostolos nominauit.*

QVANDO QUIDEM demonstrauius B. NATHANAELEM Nuptiis Canæ Galilææ, tanquam Discipulum Domini interfuisse, plurimum refert ad rem præsentem inquirere, an qui discipulorum nomine ad eas Nuptias vocati fuerunt, de numero duodecim fuerint, quos Dominus ipse Apostolos nominauit. Qua in re illud præmittere oportet, tanquam obseruari necessarium, Beatum Ioannem Euangelistam non aliter Apostolos in suo Evangelio nominare, quam nomine Discipulorum, immò ne semel quidem ipsam usurpare, sed potius à Christo usurpatum referre post pedum lotionem in nocte Cænæ. Amen, Amen dico vobis, non est seruus maior Domino suo, neque Apostolus maior illo, qui misit illum. Vbi etiam nomen Apostoli non est positum ad significandam peculiarem illam dignitatem in Ecclesia, quæ fuit propria, & sola illorum duodecim, sed quatenus signi-

I.  
Nathanael & Discipuli ad Nuptias vocati an fuerint de duodecim Apostolis.

II.  
In Discipulis eius apud S. Ioan. semper pro Apostolis usurpatur & solus.



ficat legationem, & functionem communem aliis etiam discipulis. Est enim argumentum ductum ab Etyimologia. Apostolus idem est, ac missus, & missus cum mandatis, & quasi legatus Principis, missus autem, seu legatus non est, nec censetur maior eo, qui mittit. Quoniam ergo Euangelista postea Apostolos non nisi discipulos nominat, & quos absolute, & simpliciter Discipulos dicit, non nisi illos tertiæ, ac supremæ Classis intelligit, quos Apostolos nominamus, videtur illud sequi, quod cum dicitur. *Vocatus est autem, & Iesus, & Discipuli eius ad Nuptias*, sermo sit de duodecim, ac si dixisset: Vocatus est autem & Iesus, & Apostoli eius ad Nuptias.

In c. 2. Ioan.

Hinc oritur difficultas, quam tangit S. Thomas in cap. 2. Ioannis; quia quo tempore celebratæ sunt Nuptiæ in Cana Galilææ, non fuerat facta electio Discipulorum, hoc est Apostolorum, nam vt obseruat cum communi S. Thomas, primi, qui secundum Matthæum conuersi sunt ad Christum fuerunt Petrus, & Andreas, Ioannes, & Iacobus, sed hi vocati sunt à Christo post incarcerationem Ioannis, vt patet Matth. 4. Non videtur ergo, quod inuitati fuerint cum Christo ad nuptias, & post illas descenderint cum eo in Capharnaum, vt hic habetur, cum hoc fuerit ante Ioannis Incarnationem; si ergo in iis Nuptiis non fuerunt primi Discipuli, hoc est primi Apostoli, neque fuerunt secundi, aut tertij, nullus ergo ex Discipulis, hoc est ex Apostolis affuit, quomodo igitur Euangelista absolute ait. *Vocatus est autem Iesus, & discipuli eius ad nuptias*, & rursus: *post hoc descendit Capharnaum ipse, & Mater eius, & fratres eius, & discipuli eius*.

Hoc argumentum videtur euincere duo, Alterum, Nuptiis Canæ neminem ex Apostolis interfuisse, alterum cum constet ex discipulis aliquos interfuisse, falsum esse id, quod assumbatur, Euangelistam pro eodem discipuli, & Apostoli nomen accipere.

Verum si ex illo principio Chronologico, quod Apostolorum electio facta fuit post Incarcerationem Ioannis Baptistæ, sequitur eos, qui ante illam electionem dicuntur discipuli non fuisse de numero duodecim, aperte etiam sequitur non solum Apostolos non interfuisse Nuptiis Canæ, sed neque descendisse cum Christo Capharnaum, neque Hierosolymam ad Pascha celebrandum ascendisse, neque alios in Iudæa baptizare; hæc enim omnia ante Baptistæ Incarcerationem facta sunt, vt in confesso est apud omnes.

Vt autem appareat quàm absurdè consequentia ista conceditur, assero loca ipsa Euangelistæ, in quibus commemorantur Discipuli ante Incarcerationem Ioannis. Sic ergo primus locus, quem præ manibus habemus. Ex capite secundo, vbi primo Discipulorum Christi, nomen auditur. *Vocatus est autem Iesus, & Discipuli eius ad Nuptias*. Secundus locus ex eodem Capite, narratis Nuptiis. *Post hoc descendit Capharnaum ipse, & Mater eius, & fratres eius & discipuli eius*. Tertius ex eodem ipso Capite narrato ascensu Hierosolymam, & ejectione vendentium de Templo. *Recordati sunt verò discipuli eius, quia scriptum est: Zelus Domus tue comedit me*. Quartus ex eodem item Capite, narrato illo de excitatione Templi in tribus diebus; *ille autem dicebat de templo corporis sui*. Cum ergo resurrexisset à mortuis, *recordati sunt discipuli eius, quia hoc dicebat*. Quintus ex Capite tertio, narrato colloquio cum Nicodemo. *Post hac venit Iesus & discipuli eius in terram Iudæam, & illic demorabatur cum eis, & baptizabat*.

*Erat autem* (pergit Euang. listā) *erat autem, & Ioannes baptizans in Ennon, iuxta Solim: quia aque multa erant illic, & veniebant, & baptizabantur; non dum enim missus fuerat Ioannes in carcerem.* Ecce ante incarcerationem Ioannis Baptistæ, quinque Discipuli commemorati. Ergo ad tuendum positum oportet sustinere in nulla ex quinque illis functionibus Apostolum quemquam interfuisse, quia primi, qui ad Apostolatū vocati, & adlecti sunt post incarcerationem Ioannis adlecti sunt. Hoc autem quā sit falsum patet retrocedendo, & singulas enumeratas functiones recurrendo.

Et primo Christum accepisse per suos Apostolos baptizare Baptismo suo, vivente, & durante adhuc Baptismate Ioannis, fatentur omnes Interpretes; immò S. Petrus, cum ageretur de Apostolo substituendo in locum Iudæ. Voluit eligi talem, qui ut cæteri Apostoli omnium Actorum Christi conscius esset. *Incipiens*, inquit, *à Baptismate Ioannis*, quis autem credat tam præcipuam conditionem in Apostolo nouo requisitum, in nullo antiquorum Apostolorum inuentam fuisse, ut nimirum nullus Apostolus testis fuerit, incipiens à Baptismate Ioannis? Hoc argumentum planè iugulat contrariam sententiam. Secundo. Verba illa. *Cum ergo resurrexisset à mortuis recordati sunt Discipuli eius, quia hoc dicebas.* Indubitatum est apud Doctores intelligi de Apostolis, in quibus, ut ait Cyrillus lib. 1. cap. 34. *Tanquam in molliore cera Sermo Saluatoris impressus, conseruabatur.* Ideo S. Thomas explicans hunc ipsum locum: *Vnde*, inquit, *Apostoli hunc verum intellectum conceperunt, ostendit consequenter Euangelista cum subdit. Cum ergo surrexisset à mortuis recordati sunt discipuli eius, quia hoc dicebat, & crediderunt Scripturæ, & Sermoni, quem dixit Iesus.* Et inde est, inquit S. Thomas, quod in ipsa de Resurrectionis aperuit illis sensum. Et dixit ad eos, ait Lucas cap. 24. id est ad Apostolos congregatos. *Hec sunt verba, quæ loquutus sum ad vos, cum adhuc essem vobiscum; quoniam necesse est impleri omnia, quæ scripta sunt in lege Moysis, & Prophetis, & Psalmis de me.*

De tertio, & quarto; & primo loco retrorsum etiam incedendo, nihil est quod addatur, quia iisdem omnino Discipuli, de quibus dictum est, quod recordati sunt post resurrectionem, quia hoc dicebat, iidem, inquam recordati sunt, quia scriptum est: Zelus Domus tuæ. Et quoniam qui ascenderunt cum Christo ex Capharnaum Hierosolymam, descenderunt cum eo ex Cana Galilææ in Capharnaum. Et qui descenderunt ex Cana in Capharnaum illi ipsi sunt, de quibus dicitur: *Vocatus est autem Iesus, & Discipuli eius ad Nuptias*; hinc à primo ad vltimum, seu potius ad vltimo ad primum, sit ut illi ipsi discipuli, qui cæperunt baptizare Baptismo Christi, & qui paulò ante interfuerunt signo ejectionis vendentium, & ementium de Templo, vocati sint cum Christo ad Nuptias Canæ Galilææ, sed illi fuerunt Apostoli, ergo qui Nuptiis interfuerunt, fuerunt Apostoli. Et sanè vix animo concipi potest qua ratione, intra paucos dies quor interfuerunt à Nuptiis Canæ ad primum proximum Pascha, in quo facta est prima ejectio vendentium de Templo, variatæ sint vsque adeo personæ, ut qui in Nuptiis non erant, neque futuri erant Apostoli, in Templo iam essent, aut futuri essent Apostoli: neque ita mirandum est tam breui temporis intervallo tam notabilem personarum mutationem factam esse, quemadmodum est mirandum, & planè stupendum sanctum Euangelistam nullum tantæ mutationis indicium dedisse, sed semper quasi

III.  
*Apostoli baptizabant dum ante adhuc baptismate Ioannis.*

secuata eadem personarum suppositione dixisse: *vocatus est Iesus, discipuli eius ad Nuptias; post hoc descendit ipse, & discipuli eius; recordati sunt discipuli eius; quanquam Iesus non baptizaret sed discipuli eius, &c.* Atque hinc validum argumentum sumo ad confirmandum, Discipulos eo modo nominatos, ante incarcerationem Ioannis fuisse Apostolos, quia nullo mutationis indicio facto pergit Euangelista eodem prorsus modo illos nominare possit incarcerationem Ioannis, & post tempus electionis Apostolorum. Percurre totum textum Euangelistæ, & deprehende si potes vel leue aliquod tantæ mutationis indicium. Legisti capite tertio, quod Iesus in Iudæa baptizabat, hoc est discipuli eius. Statim legis cap. 4. ubi agitur de Samaritana. *Discipuli enim eius abierunt in Cinitarem, ut cibos emerent.* Et mox: *Et continuo venerunt Discipuli eius, & mirabantur, & sic deinceps ad finem usque Euangelistæ historiæ.* Verum est Capite sexto legi semel. *Ex hoc multi Discipulorum abierunt retrò.* Quod de turba Discipulorum, non autem de numero duodecim intelligendum est, sed idem Euangelista statim hoc ipsum significat, dum subdit: *Dixit ergo Iesus ad duodecim: numquid & vos vultis abire.* Adde. Neque ibi legi peculiarem illam notam, qua indiuiduos Christi Discipulos, hoc est Apostolos significare consuevit Euangelista. Neque enim dicitur: *multi discipulorum eius, sed multi discipulorum,* quod non temerè ab Euangelista factum existimandum est. Nam quoties absolute discipulos eius dixit; non nisi de numero duodecim significauit. Et sanè ratio postulat, & leges historiæ omnino hoc exigunt, ut pars Euangelicæ Historiæ tam nobilis, qualis est, qui fuerunt de numero duodecim, qui tam sæpè inducuntur, aliquo nomine discernantur, & signo aliquo distinguantur à reliquis. Quæro iam, quo nomine significatur Collegium Apostolicum, familia Christi in tota Historia Euangelica? Profectò non aliud nomen quo significari possit inuenies. Nisi hoc absolute prolatum. *Discipuli eius.* Quare cum S. Euangelista eundem perpetuo modum seruet, & ante, siue post incarcerationem Ioannis, dicendum est, aut nunquam per hanc phrasim. *Discipuli eius,* significari propriè Apostolos, aut semper.

Et quidem ita à præcipuis Ecclesiæ Doctoribus hanc Euangelistæ locutionem esse intellectam. Habeo primo ex Ambrosio, qui vocatos illos ad Nuptias absolute appellat Apostolos. Neque alio fundamento ut manifestum est, nisi quia ab Euangelista dicuntur absolute Discipuli eius. Videatur Serm. 14. de Epiphania, qui sic ferè incipit. *Descripsimus Beatos Apostolos vno viso miraculo, hoc est aqua in vinum à Salvatore conuersa in eum protinus credidisse. Ita enim ait Euangelista de Domino: Et manifestauit gloriam suam, & crediderunt in eum Discipuli eius.*

Idem sensit, est eodem modo intellexit Augustinus, qui lib. 2. de consens. cap. 17. docet illos vocatos ad nuptias, dictos ab Euangelista esse Discipulos eius per quamdam figuram anticipationis; loquitur Augustinus iuxta sententiam eorum, qui docent electionem Apostolorum factam fuisse post mortem Ioannis Baptistæ, atque adeo multo post Nuptias Canæ Galilææ. Potrò in tantum Euangelista inuitatos illos per figuram vocauit discipulos eius, in quantum per discipulos eius intelligebat Apostolos, quorum electio præsupponitur nondum facta fuisse. Itaque ait Augustinus loco citato, illo modo locutionis hoc dictum est, quo loquimur, cum dicimus Apostolum Paulum in Tarso Ciliciæ natum, neque enim tunc

iam erat Apostolus, ita discipulos Christi inuitatos ad nuptias cum audimus, non iam discipulos, sed qui futuri erant discipuli intelligere debemus, iam enim vtique discipuli Christi erant, quando ista narrata, atque conscripta sunt. Et ideo sic de illis locutus est temporum præteritorum narratur. Hæc Augustinus, qui apertè loquitur de discipulis è numero duodecim, qui absolute dicti sunt postea *discipuli eius*: Hæc fuit potissima causa cur Beatus Ioannes tanto post tempore scribendum suscepit Euangelium, quia cum trium Euangelistarum libros vidisset, probauit quidem, fidem, & veritatem dictorum, sed vidit deesse aliqua, & ea maxime, quæ primo prædicationis suæ tempore gesserat Dominus. Nam tres Euangelistæ priores, ea narrant quæ Dominus gessit, postquam Ioannes Baptista conjectus est in carcerem, idest, vt ait Ribera extremo anno prædicationis Christi: Vnde Matthæus cap. 4. postquam narrauit Domini Ieiunium, & tentationem, *In Prologom.* statim subdit: *Cum autem audisset Iesus, quod Ioannes traditus esset*, & Marcus cap. 1. similiter fecit. *Postquam autem traditus est Ioannes, venit Iesus in Galileam*, & Lucas cap. 3. priusquam incipiat aliquid referre de actibus Christi, narrat Ioannis vincula, & decollationem, & ideo rogatus Ioannes Apostolus vt adderet quæ duobus annis prioribus fecerat Dominus, scripsit Euangelium. Quod autem hoc addere voluerit, ait Ribera, facile Euangelista ipse indicat, Capite enim secundo ait: *Hoc fecit signarum initium Iesus*, & cap. 3. *Nondum enim Ioannes missus erat in carcerem*, quod ideo dicit, ait S. Thomas super hoc loco, vt det intelligere quod ipse incæpit narrationem de factis Christi ante alios Euangelistas. Alij nanque incæperunt narrare opera Christi solum à tempore incarcerationis Ioannis, & ideo quia omnia facta Christi ante Ioannis incarcerationem præterierant, Ioannes, qui vltimo Evangelia scripsit, defectum hunc suppleuit, & hoc insinuat cum dicit. Nondum enim missus fuerat Ioannes in carcerem, hæc S. Thomas. Non est ergo mirum S. Matthæum per recapitulationem tantum, enarrasse vocationes non pertinentes ad vltimum annum Prædicationis Christi. Esset vero mirabile affirmare Vocationes primorum, & primariorum Discipulorum Christi non pertinere ad primum annum prædicationis Christi. Quomodo enim Apostoli testes fuerunt, vt præsupponebat Petrus *in omni tempore, quo intrauit, & exiuit inter nos Dominus Iesus incipiens à Baptismate Ioannis, vsque in diem, qua assumptus est à nobis.* Nonne hæc sunt verba Petri, præcipuè directæ ad Coepistolos? Quomodo, & in quo sensu locutus est Christus discipulis suis Ioannis 15. *Et vos testimonium perhibebitis, quia ab initio mecum estis.* Quid est illud: *Quia ab initio*; & quod est illud: *Quia mecum estis.* Hoc postremum intelligo ex verbis Marci cap. 3. *Et fecit vt essent duodecim cum illo.* Illud verò primum; quid videlicet significet *ab initio*; omnino volo vt explicant Aduersarij suis verbis. Manet ergo, quotquot Nuptiis tanquam discipuli Domini interfuere, eos Apostolos extitisse siue illorum perfecta vocatio tunc facta fuerit, siue postea post incarcerationem Ioannis.





## CAPVT VI.

*Virum Apostoli vocati fuerint ante celebratas Nuptias atque adeo ante incarcerationem Ioannis Baptiste.*

I.  
*An Apostoli non  
dum celebratis  
Nuptiis, etque  
non incarceratione  
Ioannis Baptiste  
vocati  
sint?*

**E**X hæcenus obseruatis videtur sequi, Apostolos vocatos fuisse ante celebratas Nuptias, atque adeo ante incarcerationem Ioannis, & ratio fundamentalis est, quia vt ex Evangelica historia est manifestum, à Myſterio Nuptiarum Apostoli Christo inseparabiliter adhæserunt, sic vt non vltcrius ad propria remearint, sed illum perpetuo, vt Magistrum discipuli sint sequuti. Quid enim clarius narrationis illo contextu, quo vt superiori capite memorauimus in omnibus Christi expeditionibus, functionibus, & itineribus, semper illi consociati dicuntur *Discipuli eius*. Si Christus vocatur ad Nuptias, vocantur Discipuli eius; si mox descendunt Capharnaum, descendunt discipuli eius; si ascendit Hierosolymam, ascendunt discipuli eius, & sic perpetuò vsque ad finem.

Ergo ad argumentum oppositum capite præcedenti relatum de Vocationibus Petri, & Andree, tum etiam Iacobi, & Ioannis, quos Capite quarto eharat S. Matthæus. Respondemus, eas ordine temporis factas fuisse ante celebratas Nuptias Canæ Galilææ. Quare Matthæus non seruat ordinem historię hic, vt benè opinatur S. Augustinus, qui libro 2. de Consens. cap. 17. *Fortè, inquit, Matthæus, quod prætermiserat recapitulauit*, quia non ait ipse, post hæc ambulans iuxta Mare Galilææ, vidit duos fratres, sed sine vlla consequentis temporis differentia, ambulans autem, inquit, iuxta Mare Galilææ, vidit duos fratres, &c. Proinde fieri potest, vt postea narrauerit, non quod postea factum erat, sed quod prius prætermiserat. Hanc responsionem probat, & sequitur S. Thomas in cap. 2. Ioan. explicans illud. *Post hæc; post Nuptias; descendit Capharnaum ipse, & discipuli eius*. Neque mirandum est Matthæum, & eadem est ratio de Marco, & Luca, huiusmodi Vocationes non nisi per recapitulationem commemorasse, quia non pertinebant ad historiam vltimi anni prædicationis Christi, quam præcipuè contextendam susceperat. Aduersarios autem hoc loco appello omnes illos qui docuerunt, quæ narrat Matthæus de Vocatione Apostolorum facta reuera esse, postquam Ioannes Baptista traditus est, inter quos est Franciscus Toletus, explicet eigo ille quid significet. *Ab initio*. Verba Toleti paraphrastica super hoc loco hæc sunt. Non Spiritus Sanctus tantum, sed etiam vos testimonium perhibebitis de me quia ab initio meæ prædicationis, & manifestationis factæ Mundo mecum estis & mecum conuersati estis, & ex visu, tanquam oculati testes omnia quæ facta sunt, testari poteritis, vt omnia adsint testimonia Diuina, & humana, & mox magis explicans verbum illud Christi. *Ab initio*. Hac inquit. Motus ratione Act. 1. dixit Petrus. Oporteret ergo ex his viris, qui nobiscum sunt congregati in omni tempore, quo intrauit, & exiit inter nos Dominus Iesus, incipiens à Baptismo Ioannis vsque in diem, qua assumptus est à nobis, testem Resurrectionis eius nobiscum fieri, vnum ex istis. His verbis declarat Petrus, verbum hoc Christi; *ab initio*, nempe à Ioannis Baptismo, quando se Mundo manifestare incæpit. Toletus eigo

*Explicent vero  
Aduersarij.*



his verbis asseſcit expreſſe duo : primum eſt, illud, *ab initio*, intelligi de initio Prædicationis, & manifeſtationis, alterum, Initium hoc Prædicationis, & manifeſtationis intelligi à Baptiſmo Ioannis Baptiſtæ, idque ex declaratione S. Petri Act. 1. Ex quibus contra ipſius ſententiam ſic argumentor. Apoſtoli fuerunt cum Chriſto tanquam teſtes præordinati, & tanquam diſcipuli eius, Ab initio Prædicationis, & manifeſtationis hoc eſt à Baptiſmate Ioannis, ergo fuerunt cum Chriſto tanquam tales, antequam Ioannes traditus eſſet. Antecedens eſt ex verbis Autoris, confequentiam demonſtro. Quia Baptiſmus Ioannis non durauit ultra incarcerationem Ioannis, & planè cum vitâ illius extinctus eſt, vt docent communiter Interpretes cum S. Auguſtino, quia nimirum ſolo illius personali miniſterio nitebatur, vt ſicut Ioanni nullus ſucceſſit in munere præcurſoris, ita neque in miniſterio baptizandi illo Baptiſmo. Quare ſanctus Cyrillus lib. 2. in Ioannem cap. 57. inter diſcrimina Baptiſmi Chriſti, & Ioannis, hoc etiam aſſert. *Baptizabat, inquit, Chriſtus per diſcipulos ſuos, Ioannes quoque ipſe, non per alios, ſed manibus ſuis*, quod colligit etiam P. Suarez ex ipſo Euangelifta. *Erat autem & Ioannes Baptizans in Enon* Ioan. 3. *intra Salim, quia aqua multe erant illic, & veniebant, & baptizabantur, nondum enim miſſus fuerat Ioannes in carcerem;* vbi ponderanda eſt, ait Suar. illa particula, *Enim*, redditur enim cauſa, quod Ioannes baptizaret, quia nondum erat miſſus in carcerem, ex quo colligitur non per diſcipulos, ſed per ſe ipſum baptizariſſe; nam ſi per diſcipulos baptizaret, potuiſſet vtiq; Baptiſmus eius durare etiam ipſo conſecto in vincula. Hoc idem colligit ex illis verbis eiufdem Ioannis, *qui miſit me baptizare, ille mihi dixit;* Soli ergo Ioanni, ait Suarez, datum eſt præceptum baptizandi, nec legimus datam eſſe ei poteſtatem communicandi munus illud cum aliis hominibus; ordinabatur enim ad Chriſti manifeſtationem. Vnde concludit Suarez, quod quanquam ille Baptiſmus eſſet tantum in aqua, tamen quatenus erat ceremonia quædam Sacra, vna e circumſtantiis illius erat vt à Ioanne ſolo miniſtraretur, & ideo peculiari ratione dicebatur Baptiſmus Ioannis.

Cum ergo Baptiſmus Ioannis durauerit tantum vſque ad incarcerationem Ioannis, conſequens ſit, vt qui fuerunt cum Chriſto à Baptiſmate Ioannis, fuerint cum illo ante incarcerationem Ioannis. Sed quanto tempore ante incarcerationem Ioannis? Nam Baptiſmus Ioannis, minimum durauit per annum vt oſtendit P. Suarez diſp. 26. in 3. partem. Quanto igitur ante finem eius Baptiſma, collegit Chriſtus diſcipulos ſuos, quibus dixit, *quia ab initio mecum eſtis?* S. Thomas in cap. 15. Ioan. explicans hoc initium, de quo loquutus eſt Chriſtus, *quia ab initio mecum eſtis*, ab initio, inquit, prædicationis & operationis miraculorum, vt poſſent teſtari de viſu, & auditu ſecundum illud Ioan. 1. Quod vidimus, & audiui-mus. Ex quo etiam poteſt accipi, quod Chriſtus non fecit miracula in pueritia, ſed ſolum ex tunc, ex quo diſcipulos congregauit. Vnde ſic iterum argumentor, & aduerſariam ſententiam vltèrius vrgeo. Chriſtus ſuos habebat ſecum Apoſtolos ab initio operationis Miraculorum, ergo ſuos habebat ſecum Apoſtolos in Nuptiis Canæ Galilææ. Antecedens eſt manifeſtum ex ipſis Chriſti verbis à S. Thoma explicatis, & quidem merito, cum enim omnes accipiant hoc initium pro initio manifeſtationis, non potuit excludi operatio miraculorum, qua potiffimum manifeſtari Chriſtus toti Mundo cœpit, habuit ergo ſecum Apoſtolos ab initio operationis miraculorum. Ergo quæ erat inde ducta conſequentia, habuit ſecum illos

in Nuptiis Canæ Galilææ. Sic enim ait Euangelista. *Hoc fecit initium signorum Iesus in Cana Galilææ, & manifestavit Gloriam suam.* Ecce initium manifestationis, & operationis miraculorum.

Sed ex hoc fortasse Aduersarij contra nos insurgent, quia si vocatio Apostolorum facta fuit ante Nuptias Canæ Galilææ sequitur non fuisse factum initium miraculorum in Cana Galilææ, quia Discipuli congregati ad Christum fuerunt propter miracula. Ergo aliquod aliud miraculum ante Nuptias fecit Christus, propter quod fuerunt Apostoli congregati, id quod habet præcipuè locum in vocatione Petri quem Christus vocauit obtupescientem propter miraculum, quod fecerat in captura piscium vt fusè narratur à Luca cap. 5. Præcessit ergo operatio miraculorum conuocationem Apostolorum. Quod si vocatio Petri cum captura piscium præcessit Nuptias Canæ Galilææ, iam capturæ miraculum præcessit primum miraculum.

## II.

*An operatio  
miraculorum  
præcessit vo-  
cationem Disci-  
pulorum?*

Hoc argumentum plures habet partes, quas oportet elucidare, ac primo falsum est, quod assumitur, operationem scilicet miraculorum priorem fuisse congregatione Discipulorum: quali propter miracula fuerint discipuli congregati. Vt enim docet S. Thomas 3. par. quæst. 43. art. 3. ad 3. hoc ipsum ad laudem Discipulorum pertinet, quod Christum sequuti sunt cum nulla cum miracula facere vidissent, & asserti auctoritatem Gregorij, qui Homilia quinta in Euangelium Matthæi: audistis, inquit, quia ad vnius iussionis vocem Petrus, & Andreas relictis retibus secuti sunt Redemptorem. Nulla verò hunc facere adhuc miracula viderant. Et ratio huius ordinis videtur esse illa, quam tangit idem S. Doctor in corpore Articuli, quia scilicet miracula facta sunt à Christo, potissimum propter confirmationem doctrinæ eius, & ideo non debuit ante miracula facere, quam docere discipulos inciperet, quam rationem indicauerat quoque Chrysostomus Homil. 22. in Ioannem illis verbis; *primo, inquit, debuerunt congregati discipuli, qui deuoti attenderent miraculis, quæ fieri incipiebant usque in finem, quam conceperant confirmarentur;* & sanè ex Euangelio Ioannis hoc totum non obscure colligitur; quia antequam Iesus initium signorum faceret in Cana Galilææ, habebatur vt publicus Magister, & Doctor, quod bene infert Caietanus, ex eo, quod Discipuli Ioannis, interroganti Christo, quid quæritis. Respondit *Rabbi*, (quod dicitur interpretatum *Magister*), ubi habetis? Quasi dicerent ait S. Thomas, quærimus vt nos doceas, & ideo domum scire volumus, vt non perfunctorie, & sumel, sed frequentes ad te discendi studio accedamus. Eodem titulo appellauit in præclara illa sua confessione NATHANAEL. *Rabbi tu es Filius Dei.* Maneat ergo Christum prius Discipulos congregallè, quam parare miracula inciperet, atque adeo, quod narrat Matthæus cap. 4. & Marcus cap. 1. Christum scilicet ad litus Maris Galilææ vocasse ad se primò Petrum, & Andream, & mox Iacobum, & Ioannem factum esse non solum ante incarcerationem Ioannis, verum etiam ante primi miraculi narrationem.

Verum huic responsioni facessit negotium si vera est opinio vtriusque Cornelij, qui existimant sequelam Petri narratam à Luca viso miraculo in captura piscium, eandem omnino esse cum vocatione narrata à Matthæo, ex quo sequeretur factum miraculum ante primum miraculum. Fundamentum huius opinionis est, quia vterque Euangelista concludit discipulos eosdem relictis omnibus

omnibus secutos fuisse Christum. Si igitur, aiunt isti, distinctæ hæ sunt historiæ, cogemur dicere, discipulos, postquam dimiserunt sua, & sequuti sunt Christum recessisse ab eo, & ad sua reuertisse, & ut Cernelius loquitur, quasi apostatasse; non enim aliter his dici potuisset illos relictis omnibus sequutos esse Christum.

Vt autem difficultatem hanc enodemus ostendenda sunt duo. Alterum id, quod Matthæus narrat de Vocatione Apostolorum distinctum omnino esse ab eo, quod Lucas describit. Alterum, quod Lucas describit gestum esse longè post vocationem narratam à Matthæo.

Ac primo quidem pro distinctione harum historiarum habeo Toletum ipsum, qui sequutus antiquissimos Patres, id usque adeo esse, inquit manifestum, ut mirum sit recentiores ab ea veritate recessisse. Enumerat autem quinque signa, & argumenta distinctionis, primum quia apud Matthæum vocantur discipuli à Domino, & quidem bini; at apud Lucam nulla est Vocatio, ut notauit Augustinus, sed post miraculum piscium secuti dicuntur Christum. Secundum quia apud Matthæum vocantur Petrus, & Andreas simul; at apud Lucam Andreas non solum non vocatur, sed nec fit eius mentio, nec interfuit in hac piscatione. Lucas enim expressè sic dicit, *similiter Iacobum, & Ioannem filios Zebedæ, qui erant Socij Simonis, si Andreas interfuisset, utique cum tribus numeratus esset.* Tertium quia apud Matthæum prius tempore vacantur, & sequuntur Christum Petrus, & Andreas; postea vero Iacobus, & Ioannes, & apud Lucam simul tempore sequuntur Christum, Simon, Iacobus, & Ioannes. Quartum quia apud Matthæum, Petrus & Andreas vocantur iactantes rete in Mare, & Iacobus, & Ioannes reficientes retia cum Patre suo; at apud Lucam retia jacere omnes desierant capturam desiderantes, eaque lauabant. Christus autem retia laxare iussit, nec ergo jaciebant, nec reficiebant retia quando Christum secuti sunt. Quintum quia apud Matthæum Christus dixit Simoni, & Andreæ: Venite post me, faciam vos piscatores hominum, & quidem ambulans iuxta Mare hoc dixit; at apud Lucam dixit soli Petro; ex hoc eris homines capiens viuos ad vitam, & quidem non ambulans iuxta Mare, sed in nauì ipsa. Vides quàm aperta sint diuersitatis argumenta, & quam clara signa distinctionis.

Sed vtrâ historiarum prior tempore fuit? hoc erat alterum examinandum. Aio historiam narratam à Luca de captura piscium longè post narratam à Matthæo vocationem Apostolorum fuisse, quam Sententiam Toletus antiquam appellat, & communem, probatque quadruplici argumento. Et primo quidem ex ipsa sermone narrationis Euangelistarum; nam vocatio illa apud Matthæum facta est in principio prædicationis Christi, ut proficitur Matthæus ipse: at verò quod narrat Lucas euenit, quando eò prædicatio processerat per Galilæam, ut vndique turbæ confluerent, & irruerent in Christum: *factum est autem cum turba irrueret in eum;* ea enim occasione in nauim ingressus est Petri, & sedens docebat de Nauicula turbas. Secundo probat ex ipso contextu Lucæ, & Marci, nam Petrus cum Andrea & Iacobo insecutus dicitur Christum in desertum, & postea turbas inuenisse eum, cumque hæ illum detinere voluissent, dixit se prædicare alijs etiam Ciuitatibus missum esse, & re vera prædicauit alijs Ciuitatibus, in qua prædicatione factum est, quod Lucas refert; igitur iam Petrus cum alijs adhæserant Christo, quando in Nauim Simonis irruentibus turbis, ingressus est. Confirmat tertio, quia

Lucas asserit Petrum, Iacobum, & Ioannem secutos esse Christum; nunquam autem sequuti essent, nisi prius vocati fuissent; sequitur enim, qui iam prius vocati erant à Christo, ut ei adhererent; Lucas enim nihil de vocatione dicit sed solum absque vocatione secutos esse Christum refert. Confirmat quarto, quia si nondum Christo adhaesissent illi, non se tam obediētes exhibuissent Christo iubenti ut laxarent retia, cum per totam noctem nihil prendidissent, & iam lassati essent, ac sine spe capturae. Hæc sunt argumenta Toleti, quæ fideliter retuli, utpote quæ mirifice seruiunt nostræ sententiæ.

Ad fundamentum ergo contrariæ Sententiæ, quæ vnam, eandemque existimat historiam, eo quod non aliter bis dici potuisset videtur Apostolos relictis omnibus secutos esse Christum.

Respondemus facile cum eodem Toletio quando Apostoli vocati sunt à Domino, tunc reliquisse omnia, quia ita à munere, & officio piscandi cessauerunt, ut nauim & retia, quantum ad dominium, & proprietatem aliis reliquerint, atque hoc per recapitulationem narrauit Matthæus illis verbis: *At illi continuo relictis retibus secuti sunt eum*; sub retibus enim, intelliguntur, Nauis, Domus, piscandi Officium, & omnia iuxta illud S. Petri. *Ecce nos reliquimus omnia*. Quia verò ita quantum ad dominium, omnia reliquerunt, ut non omnem omnino vltum abdicarint. Hinc factus est locus rei gestæ, quam narrat Lucas, neque enim vnus, aut alter piscandi actus facit piscatorem, sed continuatio, & professio ait Toletus. Quare nemo Catholicorum Doctorum dicit Apostolos defecisse à Christo, & quasi apostatale quando post Resurrectionem sedierunt ad piscandum. Et fortasse hic apud Lucam ex eadem Christi dispensatione res habuit sicut apud Ioannem, super quem Augustinus Tract. 122. Christus, inquit, non ob aliud credendus est Apostolis ingessisse penuriam, qua compellerentur ire piscatum, nisi dispositum volens exhibere miraculum. S. Gregorius Homil. 24. in Euang. *Discite*, ait, *post Resurrectionem Discipulos ad Artem piscanti reuersos esse*.

Oportet autem ex ipso Euangelicæ narrationis contextu cognoscere quid significet apud Matthæum, *relictis omnibus secuti sunt eum*, & quid apud Lucam. Apud Matthæum quidem significat Apostolos officium piscandi, cui perpetuò incubuerant abiecis, & nauis, ac retis proprietatem in alios transfuisse. Apud Lucam verò significat non ab legationem officij, & proprietatis, sed illius actus, cui tunc operam dabant, nimirum, quod piscibus illis, quos prenderant, relictis, & ab actuali illo vsu nauis, & retis cessantes Christum comitari sunt, & secuti sicut ante sequebantur, à quo ad modicum tempus se separauerunt; non enim perpetuo ei adherabant. Adde quod cum Apostoli apud Lucam conclusissent piscum multitudinem copiosam, & impleuissent ambas nauiculas, ita ut penè mergerentur, non incommode dicere possumus, ait Toletus, illud, *relictis omnibus sequuti sunt eum*, ad pisces referri relictæ enim copia maxima sequuti sunt Christum.

Rectè igitur, & sine vlla contradictione interpretari possumus verbum illud Christi, *ab initio mecum estis* iuxta explicationem S. Thomæ, ab initio scilicet prædicationis, & operationis Miraculorum, immò iuxta declarationem S. Petri. *A Baptismate Ioannis* quod tempus verè complectitur, & includit etiam Nuptias Canæ Galilææ.

Matth. 29.

Quomodo intelligitur relictis omnibus secuti sunt eum apud Matth. & Lucam?



## CAPVT VII.

*An vocatio omnium Apostolorum præcesserit Nuptias Canæ Galilææ, ita ut iis omnes duodecim interfuerint.*

*Ex verbis Christi Domini ad Apostolos. Ioan. 15. Supra explicatis,*

*Et vos testimonium perhibebitis quia ab initio mecum  
estis. Oritur alia questio.*

**A**N scilicet vocatio omnium Apostolorum præcesserit Nuptias Canæ Galilææ, ita ut iis omnes duodecim interfuerint. Sanè veritas Verborum Christi videtur hoc etiam postulare, ut nimirum illi omnes secum fuerint ab initio quibus cum loquebatur cum dixit: *Ab initio mecum estis.* Constat autem verba hæc directæ esse omnibus Apostolis, quia sunt verba magni illius Sermonis, quando aderant omnes, quamvis reuera quando Christus hæc protulit verba, Iudas Proditor è Cœnaculo exiuerat, & abierat, ut patet Ioan. 13. & ideo quantum est ex vi horum verborum, non est necesse ut Iudas Canæ Nuptiis adfuerit. Cæterum reliquos omnes vndecim astitisse, & probant satis hæc verba, & aliunde etiam probari potest quia ex cap. 2. Ioannis colligimus adfuisse, illos nimirum, qui in Euangelio dicuntur fratres Domini. *Post hæc*, ait Euangelista, hoc est celebratis Nuptiis in Cana Galilææ, descendit Capharnaum, ipse, & Mater eius, & fratres eius, & discipuli eius. Querunt iam Doctores, qui sint hi fratres Christi, & illos esse consentiunt, de quibus dicitur apud Matth. 13. *Nonne Mater eius dicitur Maria, & fratres eius Iacobus, & Ioseph, & Simon, & Iudas.* Constat autem ex his duos saltem fuisse Apostolos. Iacobum nimirum minorem, & Iudam Thaddæum, qui frater fuit eiusdem Iacobi, hos autem Doctores appellant posteriores, & inferiores, non quidem Sanctitate, & meritis, potius enim congruum est cogitare ait Cornelius in cap. 10. Matthæi, Verbum carnem assumens, eos, qui sibi carne magis erant conjuncti, magis quoque Diuinitati suæ per gratiam vniuisse: quare cum Iacobus, & Iudas ut pote consobrini Christi, fuerint per cognitionem carnis vicini humanitati, hinc & Diuinitati eiusdem per gratiam fuere conjunctiores sicut caro, & humanitas Christi Diuinitati fuit conjunctissima. Neque specimen vllum exhibitum in eo fuit quasi acceptionis personatum quia Christus elegit Apostolos, non ut essent principes opulenti, & lauti, sed ad labores, paupertatem, Cruces, aculeos, & martyria, vnde eis dedit quidem copiam bonorum, at non temporalium, sed tantum spiritualium, quod Charitatis ordo poscebat, iuxta quam parentibus, & cognatis maiorem quam aliis gratiam, & sanctitatem optare, & curare oportet, non ergo posteriores appellantur quasi merito inferiores, sed Vocatione, & tempore Apostolatus, ob quam posterioritatem in Catalogo Apostolorum semper inter vltimos nominantur. Immo vix alia assignari potest causa cur Iacobus Alphæi, dictus à Marco fuerit Iacobus Minor, ad differentiam alterius Iacobi

1.  
*An omnes duodecim vocati ante celebrationem nuptiarum Canæ Galilææ.*

II.  
*Cur Iacobus Minor dicitur*



fratris Sancti Ioannis. *Erant autem & Mulieres de longè aspicientes, inter quas erat Maria Iacobi minoris Mater.* Peto cur Iacobus hic dictus est minor? Vel enim minor alio Iacobo fuit dignitate & merito, vel ætate, vel antiquitate, seu vocatione ad Apostolatam. Sed non fuit minor dignitate, & merito, propinquissimus enim Christo fuit; vnde peculiari quadam ratione frater Domini dicebatur, & erat, non solum quia eius patrueis, siue consobrinus propitiè, & in primo gradu fuit, in quo gradu non erant filij Zebedæi, sed potius quia Christo simillimus fuit, non tantum forma & vultu, verum etiam moribus & conuersatione, ita vt à Græcis Patribus ἀδελφός idest frater Dei, cognominetur, atque inde factum fuit vt fideles post Christum in Cælum ascensum à variis Prouincijs certatim Hierosolymam pergerent Sancti Iacobi videndi causa, vt in eo viderent, & intuerentur Christum. Teste S. Ignatio Epist. 2 ad Ioannem.

Non ergo Iacobus dictus est minor ratione dignitatis, & meriti; neque ratione ætatis, vt enim probat Christophorus à Castro, & ex eo Cornelius, Iacobus minor, senior fuit Iacobo maiore nouem vel decem annis vt minimum. Minor enim maioris erat Auunculus; immò si verum est, quod tradit Epiphanius hæres. 70. eum scilicet occubuisse anno ætatis 96. post Ascensionem Christi 24. sequitur cum à Christo vocatus est ad Apostolatam fuisse penè septuagenarium, quod tamen propter Apostolicos labores ad quos vocabatur non videtur credibile.

Cum ergo B. Iacobus non fuerit alio minor, neque dignitate, neque ætate. Superest vt minor fuerit Vocatione ad Apostolatam. Et sanè hæc est communis, & vera explicatio, quam indicat Beda in catena S. Thomæ vbi ait, *vocabatur autem minor Iacobus ad distinctionem maioris, qui inter primos vocatus est à Domino.* Hoc autem fundamento iacto sic argumentor. Apostoli minores hoc est qui posteriores vocatione reliquis fuerint, & qui propterea in Catalogo Apostolorum vltimo semper loco recensentur, interfuerunt Nuptiis. Ergo reliqui omnes, qui vocatione fuerunt anteriores, Antecedens explicatum est in persona Iacobi minoris, cum par omnino sit ratio aliorum, qui fratres etiam Domini dicti sunt. Consequentia per se clara est.

Verum contra hæc omnia, quæ hæcenus dicta sunt argumentum occurrit non leue, quia si statuamus Vocationes omnium Apostolorum factas esse ante Nuptias Canæ Galilææ, dicendum est non breue tempus à Christi Baptismo ad nuptias interfluxisse, saltem impossibile esse videtur, Collectionem omnium Apostolorum perfectam esse spatio duorum mensium, quod spatium iuxta Cornelij Chronotaxim interiectum Baptismo & Nuptiis est. Hoc argumentum felici quadam necessitate nos cogit communem Ecclesiæ opinionem amplecti, quæ habet inter Christi Baptismum, & Nuptias plus temporis intercessisse de vno enim, eodemque die canit Ecclesia. Hodie stella Magos duxit ad Præsepium, hodie Vinum ex aqua factum est ad Nuptias, hodie à Ioanne in Iordane Christus baptizari voluit. Hodie, hoc est, hoc ipso die, quo Christus adoratus à Magis est, nimirum sexto die Ianuarij, reuoluit triginta annis, eodem scilicet sexto Ianuarij baptizatus est, anno verò proximè sequenti eadem planè die recurrente initium signorum fecit in Cana Galilææ, mutando aquam in Vinum. Atque is sine dubio sensus communis in Ecclesia est, sicut à Patribus nostris accepimus, ait Bernardus Ser. 1. Epiphaniæ. *Sicut relatu paternæ traditionis instrumur*, ait S. Maximus in Serm.

de Epiphania. *Sicut sententia, & consuetudo docet Ecclesia*, ait S. Thomas in cap. 2. Ioannis, ex qua sequitur subdit S. Thomas, quod ad minus vnus annus elapsus fuit à Baptismo vsque ad Nuptias. Possumus addere cum Epiphania hæresi 52. Sicut Deus ipse testatur, in memoria enim tanti miraculi *etiamnum* ait Epiphanius *eodem die vndecima mensis Tybi, qua apud nos est sexta Ianuarij quidam fontes in vinum conuertuntur*. Quid ad hoc Cæli testimonium Aduersarij?

Cur ergo Deus, objicit sibi Cornelius idem miraculum conuersionis in vinum quotannis renouari die sexta Ianuarij? Causa est, ait ille, quod Ecclesia illo die hoc miraculum celebret, esto illa die non contigerit. Sed verè responsio ista non conuincit, ideo enim Deus illo die miraculum renouauit, quia illo contigit die, vnde fieret, vt cum renouatione miraculi in illius primi memoriam, dies illa anniuersaria ab Ecclesia celebraretur. Hoc sanè Epiphanius insinuauit loco citato vbi tres aquas nominat, quæ die sexto Ianuarij in vinum vertuntur, primam, fontem Cybires, secundam, fontem in Gerasa, tertiam, Nilum; & ait: *nos bibimus de Cybires fonte, fratres verò nostri de eo, qui est in Gerasa in Martyrum templo, sed & multi de Nilo hoc testantur*. Cum ergo tres isti fontes vino sapore nunquam fluxerint nisi hoc die, manifestum sit hoc miraculum non esse patiatum nisi ad recolendam memoriam vini ex aqua à Christo producti illo certo die. Qua de re legendus est noster Gregerus in Curopalate pagina 236. quem citat Cornelius ipse in cap. 3. Matthæi. Sed quoniam Cornelius affirmat Baptismum Christi ipsa sexta Ianuarij die contigisse. Quæro ex ipso, vnde hoc habet? Respondet in cap. 3. Matthæi. Certum quasi esse ex traditione Christum baptizatum esse die sexta Ianuarij, eadem scilicet, qua ante triginta annos adoratus fuerat à Magis. Vnde, inquit Ecclesia, eadem die memoriam baptismi Christi recolit. Ecce totum argumentum quasi Traditionis, memoria scilicet, quam illa certa die Ecclesia celebrat. Dictus hodie à Ioanne in Iordane Christus baptizari voluit, sed eadem affirmatione, & eodem modo Ecclesia hoc eodem die memoriam huius primi miraculi recolit, dicens: *Hodie vinum ex aqua factum est ad Nuptias*. Ergo idem argumentum habemus traditionis. Immo si animaduertamus ordinem, quo tria hæc eximia opera Ecclesia recolit reperiemus seruatum ab illa esse ordinem quemdam, non successionis, quo gesta sunt, sic enim prius debuisset recolere Baptismum, quàm miraculum conuersionis, sed cuiusdam certitudinis ita vt iuxta sensum fidelium, scilicet, & Patrum testimonia certius quodammodo sit illo die Christum adoratum à Magis, quàm aquam conuersam in vinum, & rursus certius aquam illo die conuersam in vinum, quàm eodem die esse baptizatum; sed quidquid sit de hoc ordine certitudinis, si cum fundamento loqui velimus, alterutrum est dicendum, scilicet, vel omnia illa tria Mystéria eodem die esse facta, vel de nullo illorum definitè constare, an in illo die fuerit factum necne. Vnde ego quoque miror cum P. Suarez disp. 26. in 3. par. Sect. 1. quomodo recentiores aliqui cum illud primum negent, potuerint de aliquo illorum determinare tam constanter àfirmare illo die factum esse, cum nullum sit maius fundamentum ad hoc asserendum de vno quàm de alio.

Sentiamus ergo cum Ecclesia omnia hæc tria miracula facta esse eadem die, atque adeo Nuptias celebratas esse eadem sexta Ianuarij reuoluto anno, ex quo tandem sequitur, ait S. Thomas, quod ad minus vnus annus elapsus fuit à Baptismo vsque ad Nuptias.

III.

*Quando fuerunt celebratae Nuptia in Cana?*

Verum sicut spatium bimestre angustius erat vt caperet vocationes omnium Apostolorum, ita fortasse integri anni tempus maius est, quàm vt Euangelij gestis impleri possit, & sanè qui docent vocationes Apostolorum factas esse post Nuptias, & post incarcerationem Ioannis laborant in anno integro implendo; dicunt, nec sine fundamento Christum non minorem partem illius anni post Baptismum transigisse, quasi in vita priuata; versabatur enim sæpè inter homines, vt vnus è multis, & idè Ioannes dixit: *Medius autem vestri stetit, quem vos nescitis; & veniebat sæpè ad Ioannem vt turbis ostenderetur, & paulatim Ioannes eum indicabat turbis, primo obicurius, deinde in dies apertius, vt patet ex verbis. Hic erat, quem dixi; &c.* Quo etiam significat se multo ante de illo fuisse loquutum. Deinde addit P. Suarez: postquam satis fuerat Ioannis prædicatione manifestatus, cœpit prædicare, & Discipulos vocare, ac congregare Doctores ac Magistri munus exercendo, vbi ad intencum adhuc magis explicandum facit, quod docet Chrysostomus Christum scilicet noluisse a principio aliquem vocare, antequam aliquis spontaneus ei adhereret per prædicationem. Ioannis, quia homines magis exemplo trahuntur, quam verbis. Exod. 25. *Cortina trahit cortinam.*

*Disput. 26.*

*In cap. 1. Ioan.*

Quod autem miracula adhuc facere non incœpisset hoc certe impedimento non erat quominus ad se homines conuerteret. Aliqui enim, vt ait S. Thomas agens de vocatione nostri NATHANAELIS, quæ secundum omnium sententiam præcelsis primum miraculum, dupliciter conuertuntur ad Christum; quidam per miracula vilita, & expressa in se, & in aliis; quidam verò per spirationes internas, & per prophetiam, & prænoscentiam occultorum futurorum; sed efficacior, inquit, est modus per prophetias, & prænoscentiam futurorum conuerti, quàm per miracula. Ipsi enim Dæmones, & aliqui homines eorum auxilio aliqua mira prætereundere possunt, sed futura prædicere solius Diuinæ virtutis opus est. Isai. 49. *Venura quoque annuntiate, & dicemus, quod Dñi estis.* Et inde est, concludit S. Doctor, quod Dominus non per miracula, sed per prænuntiationem occultorum NATHANAELI ad fidem trahit. Non erat igitur necessarium ad primum vocandos Apostolos, patrare miracula, sed potius vt cum Chrysostomo dicebamus, congruum fuit prius congregari Apostolos, qui deuoti attenderent miraculis, quæ fieri incipiebant, vnde totus per ipsos Mundus vocaretur & crederet.

Nostra igitur sententia est, omnes vocationes Apostolorum factas esse ante primum miraculum, quo Christi manifestauit gloriam suam, vt ait Euangelista, & Apostoli inseparabiliter illi adhererunt.

Verum huius disputationis filo longius existimatione producto, implicatus est nodus planè difficilis; si enim vocationes omnium Apostolorum factæ sunt ante Nuptias Canæ Galilææ; sequitur à die vocationis primorum Apostolorum vsque ad diem Nuptiarum spatium aliquod rationale interfluxisse, sunt enim interponendæ reliquorum vocationes, quæ sanè cum aliqua successione factæ sunt. Ergo aliquis saltem mensis in conuocatione omnium positus à die vocationis primorum Apostolorum, vsque ad diem Nuptiarum elapsus est: & quia constat vocationes Apostolorum factas esse in Galilæa, sequitur quoque descensum Christi à Iudæa, vbi celebratus est eius Baptismus fuisse non breui tempore ante eandem Nuptias, quæ in Galilæa ipsa factæ sunt. Hinc oritur difficultas, quia ex Euangelio textu Sancti Ioannis videtur colligi Nuptias fuisse celebratas tres tantum dies post-

quam Christus descendit in Galilæam. *Et die tertia*, inquit S. Ioannes, *Nuptiæ factæ sunt in Cana Galilææ.* Quamvis autem variè Doctores exponant, quæ sit hæc *dies tertia*, plerique tamen in eo conueniunt, vt numeranda sit ab ea, quæ in fine superioris Capituli est signata: Illa autem fuit dies professionis in Galilæam quòd fuit vltimum tempus ab Euangelista descriptum illis Verbis: *In crastinum voluit exire in Galilæam & inuenit Philippum.* Ita docet Origenes tom. 9. in Ioannem, quem sequuntur plerique recentiorum. Tertia, inquit Iansenius ab adita Galilæa. Tertia, inquit Toletus, à die qua exiuit in Galilæam. Tertia, inquit Mariana, postquam iuit in Galilæam. Tertia, inquit Bernardus, ab illa qua in Galilæam profectus est. Tertia, inquit Cornelius à Christi abitu in Galilæam. Itaque secundum hanc sententiam, prima dies fuit descensus in Galilæam, & vocationis Philippi, secunda dies, accessus NATHANAELIS in Canam, tertia quando ibidem hæ Nuptiæ celebratæ sunt. Ecce totum tempus collectionis Discipulorum in Galilæa ante nuptias inclusum in triduo. Probant quoque prædicti Auctores, alteram sententiam adhuc strictiorem, vt numeranda sit hæc dies tertia à visitatione, & conuersione Andree, & Petri, quam præcedente capite narrat Ioannes v. 35. Illa enim die, inquit Cornelius, cæpit Iesus colligere discipulos, iisque se patefacere; inde ergo Ioannes computat hic diem tertiam, quo iisdem planè se patefecit, ostenditque se esse Messiam per conuersionem aquæ in vinum. Ex qua explicatione hoc sequitur mirabilius totum scilicet tempus Collectionis Discipulorum factæ in Galilæa ante nuptias, vix excedere vnum diem. Nam illa visitatio & prima conuersio Andree, & Petri facta fuit in Iudæa vbi baptizabat Ioannes. *In Crastinum autem*, ait Euangelista, *voluit Christus exire in Galilæam.* Fuit hoc crastinum, inquit Cornelius dies secunda ab aduentu Andree, & Petri ad Christum, quo die venit in Galilæam, inde die tertia Nuptiæ factæ sunt in Cana Galilææ. Vides vix vnum diem relictum colligendis discipulis in Galilæa ante Nuptias.

Augetur difficultas ex nostris principiis, quia quidquid sit de vocatione primum Apostolorum, certè NATHANAEL, qui ex nostra sententia fuit sextus ordine vocationis Apostolus, vocatus videtur proximè ante nuptias. Quare Euangelista narrata vocatione Nathanaelis, statim ait: *& tertia die Nuptiæ factæ sunt.* Vnde Ribera insistens principiis Tertulliani, qui docet numerum dierum referri debere ad rem proximè narratam. Diem tertium numerat à vocatione & colloquio cum NATHANAELE. Si ergo Nathanael fuit ordine sextus, & proximus nuptiis; sequitur, vel ante nuptias sex tantum Apostolos fuisse ad Christi societatem adscitos, vel spatio vnus tantum, aut alterius diei vocationem reliquorum omnium etiam Matthei factam esse, vtrumque autem dictis, & rationibus repugnat.

Vt autem difficultatem hanc planè soluamus, & explicemus germanum sensum verborum Euangelistæ, ostendam prius nullo modo admitti posse positam interpretationem de *die tertia*, quæ scilicet numeranda sit à die, de qua dicitur Ioan. 1. *In crastinum voluit exire in Galilæam*, quod vt planè demonstrarem, libet Ecclesiæ sententiam supponere, Baptismum videlicet Christi, eiusque primum miraculum, eodem omnino die contigisse, atque adeo à Baptismo ad nuptias Canæ Galilææ annum integrum interfluxisse; & ne videatur hoc suppositum minus firmiter libet asserere super ipso verba quædam Sanctissimi, ac doctissimi viri Simonis

de Cassia Ordinis S. Augustini, qui floruit ferè ante quadringentos annos. Is igitur lib. 5. cap. 1. de rebus gestis Domini Saluatoris, Christus, inquit, à die sui Baptismatis, vsque ad eundem diem reuoluto anno nullum miraculum fecit. Nemo autem in hoc, quod dico se fallat, quoniam auctoritas sanctæ Matris Ecclesiæ longa consuetudine roborata hoc asserere me compellit. Quæ illud solum quamuis non per Scripturam declaratum, in consuetudinem inuariabilem suscepit, quod à gestis, & inoribus Apostolorum, atque Discipulorum, ipse in suo motu, & inchoatione cognouit, eo igitur die, quo Saluator baptizatus est, anno reuoluto, Ecclesia infallibiliter hoc nobis tradente, fecit miraculum initium miraculorum. Hæc ille. Cuius antiquioris iudicio attexam alterum recentioris; is est bebastianus Barrada, vir hoc sæculo satis notus qui tom. 2. lib. 1. cap. 12. recitato præcedenti testimonio, Hanc, inquit, sententiā perspicuè Ecclesiæ verba significant ei, qui tergiversari nolit, quorsum enim Ecclesia vno, eodemque die illa celebraret quæ eodem die acta esse non putaret? numquid deerant dies diuersi, qui his miraculis celebrandis destinarentur? Immo illo eodem die esse peracta asserit, celebrat verò diuersis diebus, scilicet ipso Epiphaniæ sacro die, magnum aduentum; & in Octaua Epiphaniæ Baptismum, Dominica sequenti, aquæ in vinum transmutationem. Quid igitur opus erat affirmare eodem die esse peracta, si diuersis contigerant? Ecclesiam sequor, quæ manifeste loquitur, nec indiget expositione, hanc opinionem, illam elegit, eandem ego eligo. Hæc ille.

Posita igitur hac Ecclesiæ sententia, vt propositum euincamus, operæ pretium erit Chronotaxim Euangelicam vna cum Aduersariis ipsis collato studio conficere, à die Baptismatis vsque ad diem eius reditus in Galilæam, de quo apud Ioannem dicitur: *In crastinum voluit exire in Galileam.*

I V. Ergo anno quintodecimo Tyberij Cæsaris Christus die sexta Ianuarij, eadem Christus quo-  
modo fuit bap-  
tizatus.  
scilicet die, qua ante triginta annos, à Magis adoratus fuit, baptizatus est à Ioanne, & à Patre declaratus quis esset: *Hic est filius meus dilectus, in quo mihi complacet.*

V. Die septima Ianuarij cæpit Iesus Ieiunium quadragesimale in Deserto, quo illic à Baptismo eadem ipsa die secessit, vt se ad opus prædicationis prepararet. Die ab inchoato Ieiunio quadragesimæ, quæ fuit decima-quinta Februarij victo tentatore Diabolo reuertitur in Galilæam, & quindecim diebus manet in Nazareth, ait S. Epiphanius Hæresi 51.

V I. Die prima Martij, quæ fuit à Baptismo 56. ait S. Epiphanius; erat enim ille annus bissextilis, ac consequenter Februarius habebat 29. dies, Iudæi Legatos miserunt ad Ioannem, rogantes, an ipse esset Messias.

Die secunda Martij. Altera die, ait Euangelista, vidit Ioannes Iesum venientem ad se, & ait: *Eccæ Agnus Dei.*

Die tertia Martij. Altera die, ait Euangelista, iterum stabat Ioannes, & ex discipulis eius duo, & respiciens Iesum ambulantiem dixit: *Eccæ Agnus Dei, & audierunt eum duo discipuli loquentem, & sequuti sunt eum; & apud eum manserunt die illo.*

Die quarta Martij. Andreas, qui erat vnus ex duobus discipulis adduxit Petrum ad Iesum.

Hactenus in Iudæa fuimus. Nam hac in Bethania facta sunt trans Iordanem  
ubi

Christus quo-  
modo fuit bap-  
tizatus.

Christus quan-  
do cæpit ieiun-  
are.

Legatos ad Io-  
annem mis-  
erunt Iudæi.



vbi erat Ioannes baptizans. Ioan. 1. & ambulauimus pariter cum Aduersariis, & præcipue cum Cornelio; qui pergit hoc modo. Posttridie item, puta die quarta Martij. Iesus vocauit Philippum, &c. Ecce ad eam deuenimus diem, de qua post adductum Petrum ad Iesum, statim ait Euangelista: In crastinum voluit exire in Galilæam & inuenit Philippum, &c.

Ergo consentientibus Aduersariis dies quarta Martij est dies, qua Iesus voluit exire in Galilæam. Ergo est dies iuxta computum Epiphaniij, & Corneliij, sexagesima post diem Baptismi Christi. Et iuxta sententiam Ecclesiæ trecentesima ante diem eiusdem Baptismi anniuersarium, qui fuit dies Nuptiarum Canæ Galilææ. Quomodo ergo fieri, aut intelligi potest, vt cum initio secundi Capituli dicit Euangelista: & die tertia nuptiæ factæ sunt in Cana Galilææ, hoc referri debeat ad eam diem sexagesimam à Baptismo Christi, quasi ab illa ad hanc Nuptiarum, tres tantum fluxerint dies, & non potius trecenti, seu decem menses?

Quid ad hæc respondere possint Aduersarij non satis video. Alterutrum enim optent necesse est, aut vt dies Nuptiarum retrahatur, & quasi retrorsum redeat decem mensibus, aut vt dies exitus in Galilæam longius totidem mensibus producat. Similem optionem dedit Isaïas Ezechia Regi. *Vt ut ascendat umbra decem lineis, an ut reuertatur totidem gradibus? Et quidem Ezechias respondit, facilis est umbram crescere decem lineis, nec hoc volo vt fiat, sed vt reuertatur retrorsum decem gradibus.* Ego vero vtrumque æquè existimo. Et quidem quod petit Cornelius vt dies Nuptiarum per decem menses, quibus iam ex Ecclesiæ sententia descendit in Euangelio Ioannis retro conuertatur perinde mihi difficile est, ac miraculosum Prophetæ fuit, qui, vt ait Scriptura, *reduxit umbram per lineas, quibus iam descenderat in Horologio A-baz, retrorsum decem gradibus.* Renititur enim nimis Ecclesiæ autoritas, & communis ferè Patrum consensus, quos cum S. Thoma sequuntur Scholastici magni nominis. Quod verò petit Caietanus vt dies exitus in Galilæam protrahatur per totidem menses ferè vsque ad diem anniuersarium Baptismi, ita vt Christus manserit, vt ipse ait, vsquo ad calcem anni in Iudæa, & tunc primo incæperit congregare discipulos. Æquè difficile mihi est. Primo ex fine huius exitus, è Iudæa in Galilæam, qui iuxta S. Thomam duplex fuit, & vterque probat exitum illum protrahi non debuisse per totum annum. Prima ratio litteralis, ait S. Thomas, exitus Iesu in Galilæam est quia postquam baptizatus fuerat à Ioanne, volens honorem deferre Baptiste, exiuit in Galilæam à Iudæa recedens, ne sua præsentia offuscaret, & minueret Ioannis Magisterium, dum adhuc statum habet, docens nos honore inuicem præuenire. Secunda ratio est quia in Galilæa non sunt insignes personæ, à Galilæa Propheta non surgit, & ideo voluit exire illuc Iesus, & eligere inde Principes orbis terræ, qui sunt Prophetis maiores, vt per hoc suam virtutem ostendat. *Posuit desertum in stagna aquarum.* Hæc S. Thomas. Ex vtraque autem ratione seu fine inferitur exitum à Iudæa post Baptismum non fuisse differendum per annum. Ac prima quidem ratio ducta à respectu ad Ioannem hoc planè probat, quia primus annus post Baptismum fuit verè primus annus Prædicationis, seu Doctrinæ Christi, vt est aperta sententia Scholasticorum in 3. par. quæst. 39. art. 3. vbi S. Thomas dat causam, cur Christus conuenienter fuerit in trigésimo anno baptizatus; quia, inquit, Christus baptizabatur quasi ex tunc incipiens docere, &

prædicare, ad quod requiritur perfecta ætas, qualis est triginta annorum, ideo statim à Baptismo illa ipsa die secessit in desertum, ut inde quemadmodum suus  
*In c. 4. Matth.* Præcursor fecerat, Evangelium afferret, vt notat Maldonatus. Publicè ergo, & Doctòris more, statim post exitum è deserto docere incæpit Christus nam priuatum de rebus Diuinis, etiam ante colloqui consueuerat, vt indicant verba illa  
*Lucæ: Iesus proficiebat sapientiâ apud i. eum, & homines;* proficere sapientiâ apud homines, ait Barrada, non potuit nisi sapienter loqueretur, loquebatur autem sapienter non publicè, sed priuatum: itaque annum ingressus trigésimum à Baptismo voluit incipere. Et sanè nisi ille tunc incipere voluisset, non dixisset S. Thomas, Christum post Baptismum voluisse à Iudæa recedere ne sua præsentia offuscaret, & minueret Ioannis Magisterium. Cum ergo Christus statim cœperit suum Magisterium exercere, & voluerit honorem deferre Baptiste, dicendum est non ad finem vsque primi prædicationis anni in Iudæa mansisse, sed opportunissimo tempore recessisse.

## VII.

*Christus ubi  
 cepit prædica-  
 re, eundemque  
 prædicationis  
 primus annus.*

Idem omnino euincit altera ratio. Cum enim statuisset Christus eligere Apostolos Prophetis maiores, uon in Iudæa Martie Prophetarum, sed in Galilæa, ubi Propheta non surgit, & cum statuisset eligere illos ab initio geitorum suorum, quibus propterea dicere posset: *Vos testimonium perhibebitis quia ab initio mecum estis;* non debuit in Iudæa transigere primum annum prædicationis suæ, sed in Galilæa. Quare merito Simon de Cassia de Miraculis Saluatoris lib. 5. contexens breuem Chronotaxim primi anni prædicationis Ch. isti, hæc habet: completis in ætate Christi viginti nouem annis tredecimque diebus, octauo Idus Ianuarij baptizatus est, & tarditatis molimina nesciens eodem die sub ducatu Sancti Spiritus, ut homo abiit in desertum, vbi 40. diebus, & totidem noctibus indefessis moram faciens decimo tertio Kalendas Martij egressus est, & prædicans per vniuersam Galilæam, in Synagogis, Platæis, Viis, & domibus elegit Apostolos, atque discipulos, nullum miraculum illo primo anno prædicationis suæ faciens, quo reuoluto, eodem die quo baptizatus est, primum signorum suorum fecit in Aqua cum inuitatus esset ad Nuptias. Vides qua ratione grauis hic, & antiquus autor complectitur primo Prædicationis anno vniuersam electionem Apostolorum ante omnem miraculorum operationem. Et quidem in Galilæa iuxta Vaticinium Isaïæ 9. Propterea, inquit, Rupertus voluit exire volens omnino prophetiam implere. dicentem: *primo tempore alieniatum est terra Zabulon, & terra Nephtalim, via Maris trans Iordanem Galilæa gentium.*

At, inquit Caietanus, Ioannes Euangelista describit tam accuratè propinquitatem dierum quibus Iesus congregauit Discipulos ad diem Nuptiarum anniuersarium Baptismi, vt intelligamus Iesum vsque ad calcem anni mansisse in Iudæa, & conuersatum cum Ioanne, circa finem autem anni incœpisse congregare discipulos, venisseque in Galilæam ad manifestandum se ipsum. Audio, sed vnde probat Caietanus propinquitatem illorum dierum ad diem Nuptiarum anniuersarium Baptismi? An ex eo quod gesta in die Nuptiarum descripta sint proximè post descripta gesta illarum dierum? sed nonne potest vnum alteri esse longo proximum intervallo? Debit autem hoc intervallum relinqui à Ioanne, quia illi propositum potissime fuit quædam supplere, quæ priores omiserant Euangeliste, omiserant autem tum gesta illarum dierum, quando voluit exire in

Galilæam, tum gesta diei Nuptiarum Canæ Galilææ, sed interposita gesta prædicationis, & vocationis Apostolorum decem illis mensibus comprehensa, non omiserant, sed ea recapitulando satis explicauerant, vt patet ex Monotessaro valde accurato Zacchariæ Episcopi Chrysopolitani, qui floruit ante quingentos annos tempore Paschalis secundi Pontificis. Et sanè si quis consideraret finem primi Capituli sancti Ioannis, non obscure huiusmodi interuallum animaduertet. Terminatur enim ex abrupto, & nullo relicto vestigio propinquitatis. *Et dixit ei: Amen, Amen dico vobis, videbitis Cælum apertum, & Angelos Dei ascendentes, & descendentes super Filium hominis.*

Cum igitur dies, quo voluit Iesus exire in Galilæam non possit ascendere, & dies, quo initium Miraculorum idem Iesus fecit coram discipulis suis, non possit descendere, interpretatio illa Aduersariorum de die tertia nullo modo potest sustineri.

Sed qua ratione interpretabimur Euangelistam inchoantem secundum Caput his verbis: *Et die tertia Nuptie factæ sunt in Cana Galilææ*, profectò tertia dies, secundam præsupponit, & primam. Quæ nam igitur est prima dies, quæ nam secunda, ad quas hæc tertia refertur? Vt breuibus rem perstringamus. Dicimus cum Ruperto, Guilliardo, Gagno, Maldonato, diem tertiam Nuptiarum referri ad duas dies ab Euangelista præcedenti Capite signatas. Coniunctio, &, quæ præponitur, ait Rupertus, ad superiora diligentem remittit lectorem, videlicet hoc modo. *Altera die stabat Ioannes. In crastinum voluit exire in Galilæam, & die tertia Nuptie factæ sunt.* Tres ergo dies numerantur, candido planè signandæ lapillo. Prima qua Christus conuersus, & videns duos sequentes se, dicit eis: *Quid queritis?* Notandum autem, ait S. Thomas, quod hoc est primum verbum, quod Christus in isto Euangelio loquitur, & congruè, quia primum, quod querit Deus ab homine est recta intentio. *Quid queritis?* Felix Dies, in quo visa est inchoatio primi fructus ex testimonio Ioannis, & consummatio eiusdem facta per Christum. Secunda dies, notatione dignissima, illa est, de qua dicitur: *In crastinum voluit exire.* Exiuit olim primo per creationem; exiuit iterum per Incarnationem, hoc iam tertio exire voluit per illuminationem; de hoc enim exitu in Galilæam, dixit Isaias iuxta S. Thomam, *habitantibus in Regione umbrae mortis lux orta est eis. Lux eis,* ait S. Thomas, *non ipsi inierunt ad lucem, sed lux exiuit ad eos.*

Obseruant Interpretes, vocem illam, *in crastinum*, eandem esse in Græco, quam conuerterant. *Alterà die*, vt idem sit in crastinum hoc loco, quod secunda die, quod monui vt luculentius pateat, quam non coactè sit dictum.

Et tertia die Nuptiæ factæ sunt in Cana Galilææ.

ET ERAT MATER IESV IBI.



## CAPVT VIII.

*Sub quo agnomine B. Apostolus Nathanael inter duodecim numeretur.*

*An scilicet una eademque persona fuerit cum Beato Bartholomæo?*

I.  
*B. Nathanael  
quo agnomine  
inter Apostolos  
recensetur.*

INCUMBIT iam nobis onus ostendendi sub quo tandem agnomine Beatus Apostolus Nathanael inter duodecim numeretur; cum enim probatum sit illum vnum fuisse de duodecim, & sub proprio Nathanaelis nomine non recensetur; videndum est sub quo ex recensitis, seu nomine, seu agnomine comprehendatur. Et quoniam inualuit satis opinio, etiam apud Aduersarios, si Beatus Nathanael fuit Apostolus, cum eundem omnino esse cum Beato Bartholomæo; operæ pretium erit indicare, per quos tandem gradus omnes ferè Autores in eam cogitationem descenderunt, neque enim inter hæc duo nomina apparet vlla connexio, per quam ea in vnam eandemque personam ita coirent, tantam secum traherent turbam etiam Aduersariorum, quod vt quo distinctius eo clarius ostendatur sit.

## CAPVT IX.

I.  
*Vtrum Bartholomæus sit nomen proprium?*

*Marc. 10.*

MIHI quidem super hac re seriò cogitanti, illud primò veniebat in mentem, iustum videlicet visum omnibus fuisse, vt cum cæteri Apostoli, aut proprio non careant, aut pluribus etiam nominibus abundant, de proprio nomine inueniendo, ageretur Apostolo qui nullum haberet. Etenim tenendum est tanquam certum Bartholomæum non esse nomen proprium certæ personæ potius quam Bar-Iona fuerit nomen Petri, aut Bar-Timæus illius Cæci, qui sedebat iuxta viam. Nam siue Bartholomæus nomen sit Syriacum, siue Hebraicum, illud, *Bar*, in vtroque Idiomate significat filium, vt sicut Bar-Iona idem est quod filius Ionæ, vel Ioannis, & sicut Bar-Timæus, idem est quod filius Timæi, ita Bartholomæus idem sit quod filius siue Ptolomæi, siue Tholomæi, vtrumque enim nomen est viri proprium, & antiquum in Sacra Scriptura. Hanc assertionem, vt planè stabiliam, proferam primò ex Aduersariis ipsis, Interpretes duos linguarum apprimè peritos, qui quamvis pro Nathanaelis Apostolatu non sentiant, in explicandâ tamen Bartholomæi notione nobiscum planè conueniunt.

II.  
*Sententia Ribera, Iona, 1.*

Primus sit Franciscus Ribera, qui in suis Commentariis in Euangelium secundum Ioannem, explicans illud: *Tu es filius Iona*, hæc habet. Est igitur Bar-Iona nomen compositum, id est filius Iona, quemadmodum Bar-Timæus, filius Timæi, Bartholomæus filius Tholomæi. Vbi vides eandem ab hoc Doctore agnosci nominis notionem in Bar-Iona, & in Bartholomæo.

III.  
*Lorini.*

Alter sit Ioannes Lorinus in cap. 1. Act. Apostolorum, vbi sic ait. Nomen Bartholomæi, vel potius cognomen à Patre retinendum est, significans fidum Tholomæi, vel Tholmi sicut Bar-Iona, Bar-Timæus, filium Ionæ, & Timæi.

Ex fautoribus profero pariter duos. Alphonſum Salmeronem, & Cornelium à Lapide. Salmeron p. 1. Tract. 10. tom. 4. hæc habet. Bartholomæi nomen, non tam eſt Hebræicum, quam Syrum, & ſignificat filium Tholomæi, ſicut Bar-Timæus dicitur filius Timæi, nec eſt nomen proprium Apoſtoli, magis quàm Bar-Iona, proprium fuit Petri.

IV.

Sglim. ronia.

Cornelius in cap. Matthæi decimum. Verius eſt, inquit, Hebræis Battholomæi idem eſſe, quod filius Tholomæi ut habet Syrus, vel Tholomi. Sic Bar-Timæus idem eſt, quod filius Timæi, & Bar-Iona eſt filius Ionæ.

V.

Cornely.

Hoc factò, tanquam primo fundamento, incipit ſtatim apparere, quam rationabilis inquiſitio ſit nominis proprii perſonæ, quæ appellatur filius Tholomæi, ſive quod idem eſt, Bartholomæus. Sicut enim ſi Princeps Apoſtolorum numeraretur ſemper in Catalogo, non aliter quàm ſub hac voce *Bar-Iona*, digna ſacro Interprete eſſet quæſtio, & inquiſitio Hominiſ proprii Principis Apoſtolorum, qui diceretur filius Ionæ. Ita cum non aliter in Apoſtolorum Catalogo nominetur Apoſtolus hic, qui eſt ordine ſextus, quàm filius Tholomæi ſeu Bartholomæus; æquum planè eſt, nec ſolum Interprete, ſed quocumque Chriſtiano homine digna inquiſitio de eius nomine proprio. An, ubi, quale, & quantum ſit, niſi fortè deceret parentis alicuius nomen filios ignorare: Singuli autem Apoſtoli vniuerſæ Eccleſiæ Patres, ac Genitores fuisse, ſicut etiani Paſtores, & Duces. Hanc iuſtam quæſtionem iſtituendæ occaſionem, & fundamentum viderunt ſine dubio Aduerſarij noſtri; ideo eorum aliqui non ita facile hoc primum fundamentum admiſerunt. Inter hos eſt Franciſcus Toletus in cap. 1. Ioannis, ubi ait. Dicunt Bartholomæum nomen eſſe commune, quaſi idem ſit, quod filius Tholomæi; quod ſi aliquid probaret, nec Barnabas, nec Barſabas eſſent nomina propria. Hæc ille.

Toletum ſequutus eſt Benediſtus Pererius, & quidem ſtylo paulo animoſiore. Iſti, inquit, ſumunt pro certo quod probari ab iſtis deberet, nomen ſcilicet Bartholomæi non fuiſſe nomen proprium; id enim ex partium eius nominis ſignificatione argumentari vtile eſt; iſta enim ratione, nec Barſabas, nec Barnabas, nec Barabbas fuiſſent nomina propria. Hæc Pererius. Sed ego contra miror tantos viros pro certo tenere, Barſabam, Barnabam, & Barabbam fuiſſe nomina propria.

VI.

Barnabas an nomen proprium

Prouocemus ad Scripturas; ac primo quidem de Barnaba ſic legimus in cap. 4. Act. Apoſt. ver. 36. *Ioseph autem qui cognominatus est Barnabas ab Apostolis quod est interpretatum filius Consolationis) Leuitas, Cyprius genere, cum haberet Agnam vendidit eam, & attulit pretium, & poſuit ante pedes Apoſtolorum.* Ecce hic tria expreſſa. Primum, nomen proprium Barnabæ. *Ioseph autem.* Secundum, non nomen ſed cognomen additum ab Apoſtoliſ, *Qui cognominatus est Barnabas ab Apoſtoli�,* & addit ſanctus Lucas interpretationem, cauſam reddens cognominis additi, quæ videtur illa fuiſſe, quia Ioseph vendito agro, oportuno ſubſidio conſolatus eſt fidelium inopiam, quod ſicut fuit primis illis fidelibus exemplo, & ædificationi, ita Apoſtoli� conſolationi. Sicut ergo iuſtum fuiſſet quæſſere ec quodnam ſuit nomen illius filij, qui cognominatus eſt Barnabas ab Apoſtoli�, ita non minus rationabile erit quæſſere, quodnam eſt nomen illius electi filij, qui dicitur Bartholomæus ab Enangeliiſ.

VII.

Barſabas an nomen proprium

Sed veniamus ad Barſabam. De Barſaba ſic habemus in cap. 1. eorundem Act. Apoſtolorum. *Et ſtatuerunt duos, Ioseph qui vocabatur Barſabas, qui cognomi-*



*natus est Iustus, & Matthiam.* Ecce hic iterum expressè. Alterum Ioseph, quod fuit nomen proprium personæ, quæ vocabatur Barfabas. De qua voce sic scriptum reperio apud linguarum peritos, *Barfabas*. Idem est quod filius Sabæ, sicut Bar-Iona idem est quod filius Ionæ. Est quidem controuersum an Pater huius Ioseph, qui cognominatus est iustus vocatus sit Sabas, ad eum modum, quo Pater S. Petri vocatus est Iona, vel Ioannes. Posset enim, ut ait Cornelius Sabas accipi ut appellatum significans Iuramentum, ita ut Barfabas idem sit quod filius Iuramenti. Caterum, quod, siue interpretetur filius Sabæ, siue filius Iuramenti, non fuerit nomen proprium personæ, habetur ut certum. Puto tamen habere me non leue argumentum, quo probam Patrem huius Iosephi nominatum propriè fuisse Sabam, ita ut Barfabas propriè significet, & sit idem quod filius Sabæ; & colligo ex interpretatione alterius loci eorundem Actuum cap. 15, ver. 22. ubi redit mentio alterius Barfabæ his verbis. *Tunc placuit Apostolis, mittere Antiochiam cum Paulo, & Barnaba, Iudam, qui cognominabatur Barfabas, & Silam, viros primos in fratribus.* Quærent hoc loco Interpretes, quisnam fuit hic Iudas, vir primus in fratribus, hoc est, ut interpretatur Pagninus, *Vir primarius, præcedens, præminens, & quasi Dux cæterorum.* Communis responsio est, fuisse fratrem germanum illius Ioseph, qui cum Matthia propositus est. Neque alio nituntur fundamento, nisi quia vterque cognominatus est Barfabas. Quod sanè fundamentum nullius planè momenti esset nisi præsupponerent Barfabam significare filium certi viri, qui vocabatur Sabas.

## VIII.

*Barfabas an filium Sabæ.*

Sed quoniam Perierius cogit nos componere cum Barnaba, & Barfabæ discipulis Christi, Barabbam illum compositum Christo componere illum non solum cum Barnaba, & Barfabæ discipulis, verum etiam cum Bar-Iona, & Bartholomæo Apostolis Christi, modò tandem dimittantur omnes.

## IX.

*Barabbas an nomen proprium?*  
1. 27.

Barabbas ergo sicut Bar-Iona, non fuit nomen viri proprium, sed agnomen, ut sit vulgo impositum homini famosissimo.

Colligo hoc primo ex ipso modo narrandi Evangelistæ. *Habebat autem, ait Matthæus, tunc vincitum insignem, qui dicebatur Barabbas.* His duobus verbis comprehendit Evangelista conditionem personæ, dicit *insignem*, hoc est sceleribus nobilem, & famosum; tum quasi compendio complectens, quàm esset insignis, & quàm celebris apud omnes, subdit, veluti in argumentum famositatis, *dicebatur* seu cognominabatur *Barabbas*. Potuisset quidem Matthæus dicere illum fuisse *latrenem*, ut Ioannes dixit, eo, ut opinatur Maldonatus, sensu quo Latini latrones vocant eos, qui publicas obsident vias, & prætereuntes trucidatos expoliant. Potuisset etiam indicare occasionem qua captus fuerat, & vincit, ut fecit Lucas, qui erat, inquit, *propter seditionem quandam factam in Civitate, & homicidium missus in carcerem*, sed satis dixisse se de illo existimauit addendo, *qui dicebatur*; & hoc iam nomine vulgò iactabatur, *Barabbas*. Sed quid tandem monstri est istud Barabbas? Barabbas ait Euthymius cum communi, idem Hebræicè est quod filius Abbæ, seu Patris. Bar enim, filius, Abbas autem, Pater. Bene est. Sed numquid non omnes sunt filij Patris? Hic Interpretes. Patris, hoc est Diaboli, ait S. Thomas; Ex Patre Diabolo; quasi diceret, ita erat insignis, ut vulgò Diabolus, seu potius per quandam excellentiam filius Diaboli appellaretur. Et rectè conuenit, inquit Toletus, interpretatio: Diabolum enim eorum Patrem.

## X.

*Barabbas, unde dictus, & quare?*

*An c. 19. Ioan.*

Christus dixerat; hic autem eiusdem Patris filius, frater eorum erat talis filius, qualis Pater, & fratres. Et sanè in hac annominatione iuxrà Populi opinionem, magna videbatur posita vis à Pilato, qui moliebat Christum liberationem. *Quem vultis*, inquit, *dimittam vobis? Barabbam an Iesum, qui dicitur Christus?* Ecce duo filij hic alter innocens est, sceleratus alter, & vterque filius Patris. Quem vultis dimitti vobis? illum ne, quem ob perditos mores, appellatis filium Diaboli, an illum, qui apud vos dicitur Christus, hoc est Messias ille promissus tanquam filius Dei? Sed non immeritò, ait Ambrosius, homicidæ absolutionem petunt, qui flagitabant innocentis exitium. Tales leges iniquitas habet, ut oderit innocentiam, scelus diligit, in quo, & nominis interpretatio speciem dat figuræ. Barabbas enim Patris filius latinè dicitur; illi ergo quibus dicitur, *vos ex Patre Diabolo estis*: vero Dei filio Patris sui filium Antichristum prælatum esse produntur. Scio quod scribit sanctus Hieronymus de Barraba scripto per duplex, r, Ille, inquit in Evangelio, quod scribitur iuxrà Hebræos, filius Magistri eorum interpretatur. Sed sensus eodem redit, eundem enim, quem habuit Patrem, habuit Magistrum, & discipulum insignem in scelere, sicut discipulum Patris, ita filium Magistri appellamus.

In c. 27. Matth.

Omnia ergo huius generis nomina, non sunt primò imposita, & tanquam personarum propria à parentibus tradita, sed plerumque ex occasione aliqua superaddita. Quod generalissima inductione demonstrari potest; quo fit, ut cum in huiusmodi nominibus istud Bartholomæi numeretur, fundamentum non leve teneamus personam illi suppositam suum proprium primum, & ab ipsa natiuitate nomen habere, quod hoc loco nobis inquirere propositum est.

## CAPVT X.

*Quodnam sit nomen proprium Bartholomæi? Vtrum scilicet sit nomen personæ singularem conjunctionem habentis cum Philippo.*

SEd quam interim viam inibimus proprium Bartholomæi nomen inueniendi, si de Bartholomæo nihil prorsus apparet in vniuerso Evangelio, quod nos aliquo possit ducere; nisi forte venatico, more æquo Interpreti Sacræ Scripturæ satis ad tentandum sit particula vna conjunctionis, *Et*, quâ ut mox ostendemus quotiescumque Bartholomæus nominantur, semper, & vbique cum Philippo Coapostolo copulatur; omnino aliquid latet in illa conjunctione, &, Apostolo, quod concesserim Abulens, cæteroquin obscuro, & prorsus tacito, cum nihil de eo legatur in Scriptura saltem sub nomine Bartholomæi, sicut de omnibus aliis, ait ille, ferè aliquid legitur, Apostolo, inquam, obscuro, & tacito, prouidit satis Diuina Scriptura, è suis particulis vnam elargiendo, per quam obuersus Philippo cerneretur, Philippus, ait, S. Hieronymus, interpretatur *Os lampadis*, cui dedit Dominus apertionem oris illuminantis. Ille, sanè faciem præbebit, ille viæ ineundæ prælucebit.

In c. 10. Matth.

In c. 3. Marc.

Examinemus ergo vtrum peculiaris, & notabilis connexio sit inter personam quæ dicitur Bartholomæus, & personam Philippi.

## I.

*Nomen Bartholomæi an dicat singularem connexionem cum Philippo.*

Ter tantùm à tribus Euangelistis memoratur noster Apostolus sub nomenclatura Bartholomæi. Apud Matthæum cap. 10. Apud Marcum cap. 3. & apud Lucam cap. 6. Nam apud Ioannem nullo modo tale vocabulum memoratur. Ab omnibus autem tribus Euangelistis semper conjunctus, & associatus Philippo nominatur. Non piget hoc loco Euangelicos textus exscribere. Matthæus ergo sic habet: *Quodcumque autem Apostolorum nomina sunt hæc. Primus Simon, qui dicitur Petrus, & Andreas frater eius (Iacobus Zebedæi, & Ioannis frater eius) PHILIPPVS, ET BARTHOLOMÆVS.*

Marcus. *Et vocavit ad se, quos voluit ipse, & venerunt ad eum; & imposuit Simoni nomen Petrus, & Iacobum Zebedæi, & Ioannem fratrem Iacobi; & imposuit eis nomina Boanerges, quod est filij Tonitru, & Andream, & PHILIPPVM, ET BARTHOLOMÆVM.*

Lucas. *Et cum dies factum esset, vocavit Discipulos suos, & elegit duodecim ex ipsis, quos & Apostolos nominavit, Simonem, quem cognominavit Petrum, & Andream fratrem eius, Iacobum, & Ioannem, PHILIPPVM, ET BARTHOLOMÆVM.*

## II.

*An semper Bartholomæus associatur Philippo?*

Hic habes primum, & præcipuum Senarium Apostolorum ab omnibus Euangelistis sub iisdem nominibus expressum, præit semper agmen Petrus, claudic semper Bartholomæus. Vides ut loquitur Hieronymus, tria paria, & iuga consociata. Primum iugum, par fratrum, *Petrus, & Andreas.* Secundum iugum par fratrum, *Iacobus, & Ioannes.* Tertium iugum par plusquam fratrum, *Philippus, & Bartholomæus.* Neque te moveat, quod apud Marcum, Petrus, & Andreas non videantur iugati, interjectis nimirum filiis Zebedæi. hos enim ut et cæ Maledonatus, quasi per parenthesim posuit Marcus, quia simul dicere voluit, quibus Christus nomina mutauerat. Cæterum finita parenthesi socium reddidit socio, & Petro suum Andream copulavit: Argue hic v'tertius observo, quod quamvis in sacro Canone non seruetur in enumerandis Apostolis, ordo, qui nunc est in Evangelii per Hieronymum emendatis, servatur tamen in hoc, quod Petro, cum quo vnum facit Paulus succedit Andreas, Iacobo Ioannes, & Philippo Bartholomæus, quod argumento est etiam priusquam à S. Hieronymo Evangeliorum codices Latini ad vetera exemplaria Græca corrigerentur illa tria paria Apostolorum semper apud Evangelistas fuisse eodem modo iugata, nam ex divinitate enumerationis in aliis colligit Bellarminus ex Valsdorf cap. 12. eam partem Canonis fuisse compositam ante Hieronymi correctionem. Quod argumentum fieri etiam potest ex Litaniis indictis à Conciliis antiquissimis, Gerundensi, Aurelianiensi, Moguntino, Toletano, Bracarensi, quæ ferè omnia celebrata fuerunt ante annos mille, & ex iis, quas indixit S. Gregorius tempore Pesti, à quibus nunc vixit sancta Mater Ecclesia. In his enim omnibus sicut in Canone confuso quantumvis Evangeliorum ordine, & particulis conjunctivis ommissis, semper memorati superius Apostoli, socius socium consequuntur.

Timuerunt Aduersarij consequentiam, quæ ex talium paritate Binariorum oriri posset, propterea contra perpetuam Bartholomæi cum Philippo associationem, illud sedulo observarunt, nominatos videlicet postremo eos à Luca esse in Actibus Apostolorum, & ibi tandem fuisse dissociatos. Quod planè negari non potest, ibi enim dicitur, non Philippus, & Bartholomæus, sed Bartholomæus, & Marthæus.

Reddenda

*Lib. 2. de Missa  
c. 20.*

*Ed. de Sanc.  
Beat. c. 15.*

Reddenda ergo ratio est cur Lucas in Actis, tam diuersus sit, non solum ab aliis Euangelistis, sed etiam à se ipso in Apostolis associandis, & illam quidem reddam libentissimè si prius animaduertant Aduersarij, se nec volentes, nec videntes, non solum Bartholomæi cum Philippo, sed Andreæ cum Petro, & Ioannis cum Iacobo peculiarem conjunctionem oppugnasse. Afferamus verba textus. *Et cum introissent in Cœnaculum ascenderunt vbi manebant, Petrus, & Ioannes.* Ecce primum par, *Iacobus, & Andreas*: Ecce secundum; *Philippus, & Thomas.* Ecce tertium, *Bartholomæus, & Mattheus.* Ecce quartum. Vides quam diuersè sint à Luca disposita omnia paria Apostolorum, vt iam non sit peculiaris causa Bartholomæi, sed Andreæ quoque & Ioanni communis, illi enim pariter à suis perpetuis continuisque sociis separantur.

Generalis ergo reddenda est ratio eius diuersitatis, & petenda ab eo quod Lucas hic aliquem seruauit ordinem personis prorsus extrinsecum, vt mirandum non sit, si nulla personalium conjunctionum habita ratione diuersimodè combinati numerentur. Sed qui nam tandem fuit hic extrinsecus personis ordo? Possùm huc reuocare sententiam Riberæ, qui cum retulisset ordinem omnium Euangelistarum in enumerandis Apostolis, hæc subdit, Lucas in Actibus Apostolorum, non solum ab aliis Euangelistis, sed à se ipso etiam dissidet. Sed eo loco ordinem tantum mihi videtur seruasse, quo illi sedebant, aut manebant in domo illa Cœnaculi, quod videtur ex eius verbis intelligi, & cum introissent in Cœnaculum, ascenderunt vbi manebant Petrus, & Ioannes, Iacobus & Andreas, &c. Placuit hæc sententia Lorino, propterea in Commentario huius loci. Ioannes, inquit, ponitur post Petrum secundus, quod alias nec Lucas quidem fecit Catalogum texens Apostolorum, aut alius ex Euangelistis, quia nunc fortasse ordinem seruauit, quo Apostoli sedebant, aut manebant in illo Cœnaculo, prout indicare videntur verba illa præcedentia, & cum introissent in Cœnaculum ascenderunt vbi manebant, &c.

*In c. 21. Apoc.  
Opinio Riberæ.*

*Et Lorini.*

Hæc sententia si vera est, planè soluit difficultatem, quia rectè ostendit extrinsecam ex loco, & planè accidentariam rationem præsentium combinationum. Sed mihi, ne quid dissimulem, suspecta vehementer est, quia ingenerat falsum sensum, quasi reuersi *Viri Galilæi* de Monte Hierosolymam, inuenerint in Cœnaculo sedentes, aut manentes Petrum, & Ioannem, Iacobum, & Andream, & ceteros secundum ordinem in sedendo, quem sequitur Lucas in nominando. Quomodo si Apostoli qui sunt præcipui *Viri Galilæi* reuersi sunt ex Monte, vbi Ascensioni interfuerunt, iidem Apostolos in Cœnaculo sedentes inuenerunt? *Tunc reuersi sunt Hierosolymam*, ait Lucas, à Monte qui vocatur Oliueti, ecce habemus Apostolos reuertentes. *Et cum introissent in Cœnaculum ascenderunt vbi manebant Petrus, & Ioannes, &c.* Ecce eoldem habemus se ipsos in sedibus inuenientes. Quid illic miraculi est? Sed cur in Cœnaculo sedentes? cur in Cœnaculo bini? at perseuerabant in Oratione. Numquid propterea sedentes, numquid propterea bini?

*Reijciunt.*

Fateor verba ipsa textus, eò quod non sint iuxta Græcum clarè inter puncta, occasionem aliquam dedisse eiusmodi cogitationi. Si enim, vt est in Græco post illud, *cum introissent*, appositum fuisset comma, vt sensus esset, & postquam ingressi sunt, scilicet Ciuitatem qui est verus sensus planus, & historicus, præcesserat enim, *tunc reuersi sunt Hierosolymam*. Si fuisset, inquam, addita illa distinctio,



quam ex Græco liquet addendam, vt notant Gaspar Sanctius, & Cornelius, profecto emergeret sensus historię, in qua additur Apostolos ascendisse in Cœnaculum vbi manebant, hoc est in superiorem domus partem, vbi Apostoli commorari solebant. Fuit enim illa quasi periphrasis Hospitij Apostolorum; elegerant enim ipsi ad habitandum sublimiorem domus partem, tūm quia huiusmodi locus pauperum habitationi vt plurimum destinabatur.

Iuuen. Saty 3.

*Quem regula sola tuesur*

*A pluuia, molles vbi reddunt ora Columba.*

tum quia aprior Orationi erat, quo consilio olim Iudith in superioribus domus suæ fecit sibi cubiculum, & Oratorium.

Hanc planè interpunctionem, & sensum sequitur Glossa Interlinearis, & cum introissent, inquit, in Ciuitatem, ascenderunt in Cœnaculum vbi manebant, quasi obuiam Spiritui Sancto.

IV.

*Quo ordine  
enumerantur  
Apostoli, Act. 1.*

Sed quoniam sedentium ordinem tanquam commentitium exclusimus, quem nam ordinem seruatum hoc loco dicemus à Luca, vt tandem objectioni respondeamus? Aio seruatum quidem ab illo esse extrinsecum, & accidentarium ordinem, non secundum quem in Cœnaculo sederunt, sed secundum quem in Ciuitatem, Domum, & Cœnaculum redierunt, & ascenderunt. Reuoluamus verba textus: *Tunc reuersi sunt Hierosolymam; Tunc*, vbi scilicet ab Angelis moniti fuerunt illis verbis: *Viri Galilae quid statis*. Et quonam Hierosolymam ingressi diuerterunt? diuerterunt vtrique ad consuetum Hospitium, quod, vt ait Carthusianus, erat in Monte Sion propè Templum, & in Cœnaculum, vbi commorari, & manere solebant ascenderunt. Et qua forma ab eo spectaculo reuerterentes in Ciuitatem, & Hospitium suum se receperunt? Reuerunt associati, nec tantum associati, sed etiam bini. Et quo ordine, & quo quisque cum socio: Ecce ordinem. Ecce socios. Petrus, & Ioannes, Iacobus, & Andreas, & sic deinceps. Vides quàm sponte fluat hæc explicatio, & sanè modus ille recensendi dispositis Binaris per particulas conjunctionis potius indicat itineris, & viæ socios, quam contubernij. Cum enim Apostoli in superiori illa Domus parte vnà simul manerent, & habitarent, non erat cur nominarentur bini, quasi duo, & duo essent contubernales, sed bini recensiti sunt, quia vt erant proximi astantes in Monte, & aspicientes in Cœlum, vbi reuerti iussi sunt. religioso quodam agmine se itineri commiserunt.

Constat ergo de perpetua conjunctione Bartholomæi cum Philippo, quatenus nunquam in Catalogo à tribus Euangelistis nominatur, quia Philippo conjugatur.

## CAPVT XI.

*Quid de conjunctione Philippi, & Bartholomæi dicat S. Ioan.*

*Et an ratio ac causa conjunctionis sit societas Vocationis.*

I.  
*Causa con-  
iunctionis hominū*

SED quid dicemus de quarto Euangelista, qui omnium postremus Euangelium scripsit? Ignorauit ne ille huiusmodi conjunctionem Bartholomæi cum Philippo? Age quid ipse in Apocalypsi accepit antequam suum Euangelium scri-



beret videamus. Sic ergo ait Ioannes cap. 21. Apocal. *Et sustulit me in spiritum in montem magnum, & altum, & ostendit mihi Civitatem. Et murus Civitatis habens fundamenta duodecim, quod autem hac fundamēta.* Illi ipsi sunt de quibus Lucas. *Et elegit duodecim ex ipsis, quos, & Apostolos nominavit, docent quidem omnes Interpretes, sed non egemus hoc loco illorum autoritate, statim enim subdit facer textus. Et in ipsis duodecim nomina duodecim Apostolorum Agni.* Itaque iterum sumus in Catalogo Apostolorum, quem stylo, ac more prophetico contexi hoc modo. *Fundamentum primum, Iaspis, Secundum, Sapphirus. Tertium, Calcedonius. Quartum, Smaragdus. Quintum, Sardonyx. Sextum, Sardius.* Sista-  
mus in sexto quia sistimus in Bartholomæo, quod enim primò certum est apud omnes, ut ait, hoc loco Cornelius; primum hoc Senarium gemmarum primum refert Senarium Apostolorum; eorum scilicet, quos tres Evangelistæ vnanimi consensu autem reliquos nominaverant. Nominaverant autem ut vidimus primo loco Petrum, & post Petrum Andream, Iacobum, Ioannem, Philippum, Bartholomæum.

In hoc ergo prophetico Catalogo habemus duo, quæ maximam allatura sunt lucem rei, de qua disputamus. Primum est, connexio Bartholomæi cum Philippo. Secundum est, ratio & causa eius connexionis. Ac primum quidem de connexione, & conjunctione, tanta omnino est inter Philippum, & Bartholomæum, quantainter Senarium, & Sardium, ut enim ex antiquioribus adnotatur Ribera, Viegas & Cornelius, eum locum Sardonyx, & Sardius habent in gemmis, quem Philippus, & Bartholomæus in Apostolis. Iam quinta gemma Sardonyx, ait Cornelius, significat Philippum, qui in ordine Apostolorum semper est quintus, proxima verò Sardius, quæ gemmarum est sexta, refert Bartholomæum, qui in Apostolorum Catalogo semper est Sextus. Et vide quam peculiatis, & quam arcana conjunctio Bartholomæi cum Philippo, in duabus illis gemmis adumbretur Nam Sardonyx, quæ est præstantissima species Onychis, non solum propinquitatem habet cum Sardio, sed ipsius naturam mirabili quadam ratione participat, ut non sit quicumque Onyx, sed ille, qui tantum de Sardii tradit rubore, ut Sardium ipsum inuenisse videatur, & inde est ait Vegas quod non simplex Onyx, sed compositus ex utraque gemma nomine Sardonyx appellatur.

Sed ut videamus quâ ratione Philippus mysticus Sardonyx, suum Sardium inuenerit, & post se traxerit, oportet indagare causam connexionis, & ordinis inter mysticas gemmas, quod erat potissimum hoc loco propositum. Est autem aduertendum ex hoc prophetico Catalogo Apocalypsis, tenere iam nos ordinem certum inter Apostolos, qui non planè constabat ex Catalogis Evangelicis, quâvis enim sanctus Mattheus incipiat suum. *Primus, Simon, qui dicitur Petrus,* ex quo nomine, *Primus,* deducunt Patres Primatum, quam vocem tantopere oderunt Hæretici, ut ait Bellarminus; non pergit tamen ordinando, secundus Andreas, tertius Iacobus, sed sine vlla ordinis nota reliquos omnes nominat; at Ioannes hoc loco numerat ordinando *fundamentum primum Iaspis, secundum Sapphirus, tertium, &c.* quo ostendit veram seriem ab Evangelistis fuisse servatam. Si enim, ut rectè Ribera, Ioannes omisso numero, & ordine nomina tantum lapidum posuisset, intelligeremus tantum singulos Apostolorum virtutibus illis præstitisse, quæ in singulis lapidum significantur: verum cum fundamenta ordine numeret,

II.  
Tenetur certum  
ordini enume-  
ratione Apo-  
stolorum.  
1. 10.

1. 1. de Rom.  
Pont.  
6. 101.

ordine etiam Apostolos, & hic, & in Euangeliiis numeratos esse non dubium est. Quare non solum qui ad primum Senarium pertinent verè sunt primi, & qui ad secundum secundi, sed etiam qui primo loco primi Senarii ponitur verè est primus, & qui secundo secundus.

## III.

*Ordo vocationis observatur in Catalogo Apostolorum.*

Cum ergo iam de ordine constet, indagandum diligenter est, cuius generis ordo ille sit. An ætatis, an dignitatis, an potius Vocationis. Hoc postremum placuit Abulenfi in cap. 10. Matthæi, quem sequutus est Ribera, alique recentiores, servatum scilicet ab Evangelistis fuisse vocationis ordinem, non qualicumque, sed eius, qua Dominus ad se Discipulos vocavit, ut secum perpetuò, & inseparabiliter manerent, tanquam Discipuli cum Magistro; tunc enim Apostoli fundamenta esse cœperunt quando summo Angulari lapidi Christi Iesu immobiliter inhæserunt. Hoc autem ita factum esse colligere licet ex eo quod Matthæus inter Evangelistas exactissimus historicus, & temporis custos illum eundem locum, quem Capite quarto dat Apostolorum quorundam vocationi, tribuit postea capite decimo eorundem nominationi. Incipit narrare vocationes cap. 4. hoc modo. *Ambulans autem Iesus iuxta Mare Galilee, vidit duos fratres; Simonem, qui vocatur Petrus, & Andream fratrem eius, & ait illis: venite post me, & secuti sunt eum.* Ecce duæ vocationes. *Et procedens inde, vidit alios duos fratres, Iacobum Zebedei, & Ioannem fratrem eius; & vocavit eos, & secuti sunt eum.* Ecce duæ alia vocationes. Accurramus nunc ad Catalogum ubi nominantur omnes vocati, & observemus ordinem. *Duodecim autem Apostolorum nomina sunt hæc. Primus Simon, qui dicitur Petrus, & Andreas frater eius.* Ecce duo primi qui fuerunt vocati. *Iacobus Zebedei, & Ioannes frater eius.* Ecce duo secundi pariter post primos vocati. Hæc observatio scientibus morem Sacræ Scripturæ, illiusque sacratissimam obscuritatem venerantibus, satis abunde fuit ad illud constantissime æstimandum, servatum scilicet in Apostolorum Catalogo maximè fuisse ordinem vocationum; sed hoc ita constituto, illa primo se objicit consequentia, ut sicut in Catalogo, post illa duo in ga Apostolorum, sequitur tertium iugum, Philippus & Bartholomæus post illos fuerunt à Christo vocati, tanquam tertium par Apostolorum; ita planè, quia eo ordine à Matthæo Apostoli sunt nominati, quo à Christo sunt vocati. Sed ubi licebit in toto Evangelio cognoscere iugatum in vocatione fuisse Philippo, Bartholomæum, si Bartholomæus sub nomine Bartholomæi nihil prorsus in toto Evangelio habeat peculiare, nisi vnam tantum syllabam conjunctionis, & vnum, Et, quotiescumque in Catalogo ex intrinseco ordine nominatur, semper cum Philippo copulatur, omnino nihil aliud affixum Bartholomæo reperies. Verùm si quod Hieronymus docuit, singulæ syllabæ, Apices, puncta in Divinis Scripturis, plena sunt sensibus, hoc vnicum, Et, conjunctionium cum reliquorum omnium silentio, & reticentia satis superque erit ad tenendum quod quaerimus. Nam si nihil voluit Sacra Scriptura peculiariter sciri de Bartholomæo, nisi eum personam esse conjunctam Philippo, hoc omnino de illo sciri voluit, non alium videlicet eum esse à persona, quæ in Scriptura vnicè conjuncta reperitur Philippo. Sed quæ tandem est persona ita conjuncta Philippo? Eamus ad Philippum ipsum, & videamus, an aliquem à prima sua natiuitate consociaverit illi Deus, sicut Andree fratrem suum Simonem copulavit. Andream nominavi, quia eodem sermè tempore cum Philippo ambo Christum cognoscere cœperunt. Ab Andrea ergo

Euangelista sic exorditur. *Inuenit hic primum fratrem suum Simonem, & dicit* *Ican. 1.*  
*ei: inuenimus Messiam, & adduxit eum ad Iesum.* Ecce confectum iugum, ecce  
 par confociatum, quos Christus ita in vocatione coniunxit, Euangelista in Cata-  
 logo non separabit. Pergamus, & videamus, quid statim dicitur de Philippo, qui  
 Christum paulò ante iam nouerat, sicut Andreas *Inuenit Philippus. Quem?* Hic  
 fiste Lector. Hic tu quoque, diu multumque quæsitum conjuncti Apostoli no-  
 men inuenis. *Inuenit Philippus Nathanael, & dicit ei: inuenimus Iesum.* Ecce  
 persona inuenta, ecce inuentus Bartholomæus. Omnino quos ita Christus in vo-  
 catione coniunxit, eos Euangelista in Catalogo non separabit. Afferatur ergo Ca-  
 talogus, recitentur personæ, vide, ait Hieronymus, quemadmodum Euangelista  
 Apostolorum paria, iungaque consociet, iungit Petrum, & Andream fratres, non  
 tam carne, quam spiritu, iungit Philippum, & Bartholomæum. Ergo vna eadem-  
 que persona, quæ in vocatione sub nomine Nathanaelis associatur Philippo, ea-  
 dem sub nomine Bartholomæi eidem Philippo associatur in Catalogo. Vidit hanc  
 personarum identitatem benedictus Arias Montanus vnus è Theologis Doctori-  
 bus Concilij Tridentini vir omnigenæ Litteraturæ, & Sacræ Scripturæ Interpreter  
 accuratissimus, ideo quotiescumque vel Nathanael, vel Bartholomæum nominat,  
 vtrumque semper nomen in eadem persona componit. Quare in interpretatione  
 textus de Vocatione Nathanaelis, Nathanael, inquit, qui cognominatur Bartho-  
 lomæus; & rursus in interpretatione textus de Catalogo Apostolorum. Natha-  
 nael, inquit, proprio nomine, cognomento Bartholomæus. Neque vnus æuo suo  
 Montanus fuit, qui hoc tanquam certum assumeret, nam paulo ante illum Onu-  
 phrius Panuius, vir ingentis lectionis, vt ait Posseuius, quem propterea Paulus  
 Manutius, Historiarum Helluonem appellabat, in Chronico Ecclesiastico ad an-  
 num Christi septuagesimum tertium, hæc planè scripserat. Per hæc tempora  
 Bartholomæus, qui & Nathanael Apostolus, apud Persas Christum prædicans,  
 excoriatus capite cæditur. Immo quod est valde notandum, omnes ferè Doctores,  
 qui eo sapientissimo sæculo floruerunt, & rem attigerunt, vt præter Panuinum,  
 & Montanum, Ferus, Salmeron, Iansenius, alique planè Synchroni omnes in  
 eandem planè sententiam, & eundem loquendi modum conspirarunt, quod pro-  
 pterea monuimus, ne, qui deinceps eandem locutionis formam sequuturi sumus,  
 eiusdem Authores esse videremur. Vocabimus Nathanaelem Apostolum, cognom-  
 inabimus Bartholomæum, quod ante nos longè sapientiores nobis luce palam,  
 & coràm Ecclesia vniuersa, Tridentino ipso Florente Concilio prodiderunt. Ope-  
 ra nostra erit illorum sententiæ fundamenta vel inquirere, vel firmare, quod ipsi,  
 & pluribus, nec minus grauib. Sacræ Scripturæ controuersis occupati, præ-  
 standum posteris reliquerunt.



## CAPVT XII.

*Aliis argumentis probatur Apostolatus B. Nathanaelis. Quod nec ad occupandum Iudæ locum propositus sit ab Apostolis, nec inter septem Diaconos admissus, nec sub nomine Nathanaelis ab Ecclesia colatur.*

## P A R S P R I M A .

I.  
*Apostolatus B. Nathanaelis aliis rationibus probatur.*

**A**LTERVM argumentorum genus pro Apostolatu Beati Nathanaelis desumi potest ex quibusdam præcipuis actis Ecclesiæ, in quibus si vnus ille de duodecim non fuisset debuisset omnino, nec sine præcipua honoris prærogatiua nominari. Ac primo seie offert prima illa, & verè maxima nascentis Ecclesiæ functio, electio scilicet duodecim Apostoli in locum Iudæ; ex illa autem sic argumentor. Nulla potest afferri sufficiens ratio cur Beatus Nathanael non fuerit propositus in locum Iudæ, sicut Ioseph, & Matthias, nisi dicatur præfuisse iam ille in numero Apostolorum. Ergo verè fuit vnus de numero Apostolorum. Tota vis est in duobus minimè obscuris. Alterum est, Ecclesiam illam primam eos tantum proposuisse, & statuisse tanquam Apostolatus candidatos, super quos iaceret sortem, quæ electum à Deo Apostolum designaret; illos in quam tantum, quos omnium optimos, & dignissimos iudicauit. Alterum est, post Apostolos, qui hoc loco extrà sunt controuerſiam, neminem in Ecclesia tunc fuisse, qui si cum B. Nathanaele conferatur pluribus ad Apostolatum dotibus esset ornatus, aut in maiori existimatione, & pretio omnibus esset. Ac primum quidem facile sibi quisque persuaserit, si consideret cum suis, personarum, loci, ac temporis circumstantiis, rem ipsam, de qua agebatur.

II.  
*Potestas Ecclesiastica non solum Petro, sed & aliis Apostolis data fuit.*

2. Cor. 11.

1. 1. de Rom.  
Pont. c. 9.

1. 3. de Consider.

Agebatur de viro subregando in locum Apostoli, qua dignitate, & munere nihil inuius in Ecclesia vnquam fuit. Est quidem nunc magnæ molis electio Summi Pontificis, sed profecto, vt minimum dicam, non minoris fuit Apostoli electio, si quidem summa potestas Ecclesiastica, non solum data est Petro, sed reliquis omnibus, & singulis Apostolis, quamuis Petro, vtalibi diximus data est, vt ordinario Pastori, cui perpetuo succederetur, aliis verò tanquam delegatis, quibus non succederetur. Propterea omnes Apostoli poterant dicere illud Pauli: *Instantia mea quotidiana sollicitudo omnium Ecclesiarum*, quæ vox nunc ab vno tantum Romano Pontifice proficisci potest; nullus enim Episcopus præter Romanum solitudinem habuit vnquam omnium Ecclesiarum, propterea solus ipse, ait Bellarminus, vocatus est ab omnibus, Apostolicus Pontifex, & Sedes eius Apostolica simpliciter, & per antonomasiam, & munus eius, Apostolatus. Hinc S. Bernardus loquens de Apostolis omnibus, de quibus dicitur Psal. 44. *Constitues eos Principes super omnem terram*, ait Eugenio Papæ, *est tu successisti in hereditatem, ita tu heres, & orbis hereditas*. Iam verò si electio vnius tantum Ecclesiæ Episcopi, tanti momenti est, vt inter maiores, grauiioresque causas ad Apostolicam sedem spe-

stantes, iure optimo numeretur. Quantæ molis erat Episcopum proponere omnium Ecclesiarum eligendum inmediate à summo Mundi Pontifice Christo Iesu, & mittendum ab ipso tanquam suum Legatum à latere cum absolutâ potestate per totum orbem, & quod non habent Petri Successores cum auctoritate, & potestate scribendi libros canonicos? Quod si res promotionem illam circumstantes consideremus, magnum accedet argumentum Sanctissimæ, iustissimæque electioni. Tempus erat Sanctissimum, spatium scilicet illud nouendiale, quod inter Ascensionem, & Pentecostem interjectum est, quo tempore omnes fuerunt persecutantes vnanimitè in Oratione, magna videlicet omnium conjunctione, cum Deo, & inter se, quod est fundamentum præcipuum optimæ electionis. Et sanè oculis Christo, & Cælo plenis. (*Viri Galilæi quid statis aspicientes in Cælum?*) Quibus in Beatum illud Cernaculi Conclauè introierunt, non poterant in ea electione nisi Christum, & Cælum aspicere; neque mouere quemquam debet numerus electorum, *erat autem*, ait Lucas, *turba hominum simul ferè centum viginti*, quamuis enim tam multi essent, præelecti tamen erant ex illis *plusquam quingentis fratribus*, de quibus meminit Paulus omnes insignes, omnes excellentes, & ex iis, quos Diuina Scriptura *Viros nominis* appellare conlueuit, vnde Græcè habetur, *Turba nominum*, non *Turba hominum*, nouo dicendi genere, vbi turba vsurpatur pro numero, & nominum pro nominatorum quæ lectio ex fonte Græco, ait Salmeron, videtur prægnantior, & fecundior, ostendit enim illos ad Concilium euocatos, non vulgares fuisse, mediæque de plebe desumptos, sed insignes, & excellentes viros iuxta morem Scripturæ, vt Apocal. 3. *Sic d habes pauca nomina in Sardis, qui non inquinauerunt vestimenta sua, & ambulant mecum in albis quia digni sunt*; pauca nomina hoc est paucos quidem, sed illustres, & magnos homines, & per nomen vocari solitos, nimirum, quia digni sunt. Et sanè cum hæc prima electio, in exemplum proposita sit à Spiritu Sancto omnibus futuris Christi Vicariis, ad quos iure Diuino potissimum spectat Episcopos Ecclesiarum designare, Petrus à Christo Ecclesiæ Monarca iam constitutus, non quousvis indiscriminatim ad hanc Congregationem vocauit, sed centum tantum viginti viros nominatos, qui numerus, ait Salmeron ex Apostolis, & ex quibusdam ex septuaginta duobus discipulis, & quibusdam aliis eminentioribus fidelibus constitutus esse videtur; quam rationem, & exemplum secuti hoc tempore Christi Vicarii, & Petri Successores ad huiusmodi electiones, & promotiones non nisi Ictissimos, atque prouidentissimos viros solent adhibere, quales sunt Eminentiissimi Cardinales, quorum solent rogare sententias.

1. Cor. 14.

Itaque ex qualitate eligentium, seu potius proponentium accedente circumstantia Sacrosancti illius temporis, & gravitate negotij, dubitari omnino non potest, qui proponere vulerint, & studuerint, quos, spectatis omnibus, præstantissimos iudicabant. Propterea statuerunt duos, quos ait Lyranus, non distinxerunt ab aliis per sortem, sed per electionem tanquam magis notabiles in scientia, & factorum Christi experientia, quod etiam docet Glossa interlinearis, exemplis, inquit æqualibus duos pares esse cognouerunt, quos cæteris præferendos esse non dubitauerunt, alterum verò præferre alteri, non hominum erat, sed Dei. Consensit Ocenuius, constituerunt inquit duos, quos dignissimos eo gradu existimabant, vt vnum eorum Deus ipse designaret, & sanè non potuissent ipsi tuto aliter



deliberare. Hoc enim interest inter Deum & hominem eligentem, seu proponentem, quod Deus, qui potest idoneos facere Ministros noui Testamenti pro voluntate sua quoscumque delegerit, ipsos facit, & dignos; at non nisi, qui tantum valeat, munus, non dotes conferre, tenetur operam dare, vt non homi, qui dignissimi apparent, suo suffragio proponat, præsertim si summum aliquod munus tantam excellentiam postulauerit.

Fit maior igitur altero illo principio de propositione digniorum, stabiliamus alterum de præmiuentia B. Nathanaelis, & singulari illius inter alios omnes dignitate, ob quam præteriri omnino non poterat, quo minus non dico à Deo eligeretur, sed à Congregatione illa, saltem cum aliis proponeretur.

## III.

B. Nathanael  
antiquissimus  
omnium Discipu-  
lorum, eiusque  
sanctissimus.

Ac primo totum id quod maximè spectandum præfiniuerat Petrus in eo qui Apostolici hominis mensuram implere debebat, abundè, & singulariter reperiebatur in Nathanaele, illud autem erat, vt posset esse testis eorum, quæ de Christi Mysteriis prædicanda erant, quibus propterea ab initio ad finem vique interfuisset, iuxta illud Ioan. 15. *Vos testimonium perhibebitis, quia ab initio mecum estis.* Atque hæc conditio proposita & explicata à Petro fuit, illis verbis: *Oportet ergo ex his viris, qui nobiscum sunt congregati in omni tempore, quo intrauit, & exiuit inter nos Dominus Iesus, incipiens à Baptismate Ioannis, vsque in diem, qua assumptus est à nobis, testem Resurrectionis eius nobiscum fieri vnum ex istis;* hoc fuit potissimum requisitum ad Apostolicam præfecturam, quæ ab opere testificandi non solum accepit, sicut Episcopus ab opere inspiciendi, siue superintendendi. Constat autem ad testandum opus esse primo loco, scientia. Iam vero fuisse in B. Nathanaele, & quidem singulariter primum hoc requisitum manifestum est ex primo, & vltimo Capite S. Ioannis: ex primo enim habemus illum omnium planè Discipulorum fuisse antiquissimum, si tres tantum Apostolos excipias, Petrum, Andream, Philippum; ex vltimo vero habemus perseverantem eum fuisse in Christi discipulatu cum antiquissimis illis Apostolis vique in finem. Quare, si interion non loquamur de iis, qui extrà controuersiam Apostoli sunt, nemo facit ex toto numero discipulorum, qui maiori scientia, & experientia polletet omnium gestorum, & miraculorum Christi, quod erat primum requisitum ad munus perferendi testis. Sed etiam ad idoneum testem constituendum, non solum opus est scientia, verum etiam probitate, & sanctitate, aio de nullo prius discipulorum constare magis fuisse Sanctissimum, quàm de Beato Nathanaele, quia nulli sicut Nathanaeli testimonium tale perhibuit Filius Dei: *Vidit Iesus Nathanael venientem ad se, & dicit de eo: Ecce verè Israëlita, in quo dolus non est:* Ecce dignum utique spectaculo ait Rupertus, illum esse significat, dicendo, *Ecce,* & quid de illo prædicauit: *In quo dolus non est;* De Christo ait Carthusianus testatus est Iaias, quod non est inuentus dolus in ore eius: quanto ergo spectaculo dignus fuit iste Nathanael, quem Christus eisdem verbis laudauit, quibus ipse prophetaico fuit ore laudatus? Obiitupuit tam magnam de viro isto laudem Augustinus: *Audite,* inquit, *qualis iste fuerit, Dominus ipse perhibet testimonium, Magnus Dominus cognitus est testimonio Ioannis: Ecce vere Agnus, Beatus Nathanael cognitus testimonio veritatis: Ecce verè Israëlita, magnum testimonium, hoc nec Andrea dixit, nec Petro dictum, nec Philippo, quod dictum est de Nathanaele.* Hæc Augustinus.

Quomodo

In c. 1 Ioan.  
1/ai. 58.

Tract. 7.

Quomodo ergo fieri potuit, ut quarenti Petro, quarenti Andree, quarenti Philippo, quarentibus reliquis Apostolis, & Discipulis congregatis, vnum aliquem, quem statuerent, & proponerent sufficiendum in locum Apostoli, quomodo inquam fieri potuit, ut quarentibus hoc, non insonaret antiquum illud, *Ecce*, quo Beatus Nathanael dignus planè spectaculo factus, propositus, & ostensus est toti Mundo? Neque verò hoc Domini testimonium incognitum Electoribus erat, aderat in Conclavi Philippus, qui cum Nathanaele erat, quando vidit Iesus illum venientem ad se; aderat ex viris illis Galilæis aliqui qui erant cum Iesu quando testimonium perhibuit. Neque enim Nathanaeli priuatim, & secretò, sed aliis astantibus, ac præsentibus de Nathanaele dixit publicè, & dicit de eo, ait Evangelista: *Ecce verè*, Fortasse in iis erat quoque tunc Petrus, quem paulo ante ad Iesum Andreas frater eius adduxerat, sed esto non adfuerit ibi tunc Petrus, certè adfuit, ultimo proximo, ac planè recenti Christi testimonio, quando Dominus inter insignes, magnosque sui dilectores demonstrans quoque Nathanaelem dixit Petro, *Diligis me plus his?* Et sanè qui paucos ante dies assumptus à Domino fuerat inter septem, coram quibus tot functiones, Mysterio, & miraculo plenas voluit exercere, qua ratione apud reliquos omnes discipulos summo in honore non esset, in eo præsertim Conclavi, in quo ipsissimi septem erant? quod si in summo erat honore, & dotibus iis abundè cumulatus, quibus instructum Apostolatus candidatum exigebat Petrus, qua tandem ratione fieri potuit, ut ne proponeretur quidem, neque vllò modo nominaretur? Aut ergo dicendum est, Sanctissimum, Sapientissimumque illud Concilium, duos omnium optimos, dignissimosque non statuisse, quod esset tantis Patribus injuriosum, aut Beatum Nathanaelem apud eiusdem Concilij Patres, minus in honore, & dignitate fuisse, quod tantis Scripturæ testimoniis esset absurdum. Restat igitur, ut dicamus propterea Nathanaelem propositum in Apostolum non fuisse, quia iam pridem Apostolus erat, & suo iam ordine cum aliis annumeratus.

Veram, ut apertius constet vis argumenti, demus proponendos tunc duos tantum fuisse quibus darentur sortes, demus rursus eos digniores fuisse Beato Nathanaele. Quid si post hæc eligendi, seu proponendi non duo dumtaxat fuissent, sed septem? quæro, habuissetne Beatus Nathanael electorum suffragium, quo saltem cum septem proponendis annumeraretur? hæres! non habuisset locum inter lectissimos Israël, verus Israëlita? planè habuisset. Sed ecce casus non multos post dies, hoc est paulò post illam ipsam primam Pentecostem. Nam ob murmur Græcorum, ut sacra narrat Historia, *conuocantes duodecim multitudinem discipulorum dixerunt: Non est æquum nos derelinquere Verbum Dei, & ministrare mensis. Considerate ergo fratres viros ex vobis boni testimonij septem, plenos Spiritu Sancto & Sapientia, quos constituamus super hoc opus, nos verò orationi, & ministerio Verbi instantes erimus, & placuit Sermo coram omni multitudine.* Ecce procedendum iterum est ad nouam aliam electionem. Agitur de re non contemnenda. Neque enim eligendi tantum erant pauperum Oeconomi, & communium bonorum dispensatores; sed mensæ etiam Sacræ & Eucharisticæ ministri, cui nimirum ex officio, institutoque seruirent in altiori quo iam Ecclesiæ gradu, & proximo Sacerdotali, ideo, eligendi sunt viri Spiritus Sancti pleni, quorum Sanctitas explorata, & probata omnibus sit, præmittenda est oratio, adhibenda est manu

In c. 6. Act.

Tob. 12.  
Apost. 1.

Rom. 16.

impositio, quæ omnia ostendunt, eligendos, Sacris potissimum muneribus obtin-  
dis, esse destinatos. Porro numerus ipse sacer est, & suggestus Petro à Spiritu San-  
cto, ait Salmeron, vt Ecclesia nostra cœlestem illam imitetur, in qua septem Dia-  
coni, hoc est Ministri præcipui ante Deum assistere, atque per illos omnia admi-  
nistrare Deus dicitur in Scripturis. Res ergo est grauis momenti. Quid ergo fa-  
ctum ait Scriptura? *Et elegerunt*, inquit, quos? *Stephanum virum plenum Fide,*  
*& Spiritu Sancto, & Philippum, & Prachorum, & Nicanorem, & Timonem, &*  
*Parmenam*; sex numerati sunt, septimus saltem locus relinquatur Nathanaeli.  
Non ita, & *Nicolaum aduenam Antiochenum*; is fuit septimus a fidelibus nomi-  
natus, oblatas, & præsentatus, & ab Apostolis cum aliis ordinatus, qui sine dubio  
Spiritu Sancto plenus, cum fuit propositus, iudicatus est. Sed qua ratione præ-  
terire scierint potuerunt Nathanaelem, de quo dixit Augustinus; hic deberet esse  
primus in Apostolis. An quia Apostoli requirebant viros *boni testimonij*? & non  
ne fuit bonum testimonium, testimonium Filij Dei: *Eccce verè Israëlita*? est  
profecto, & mendax Israëlita, sed non hic quippe ait Chrysostomus, cuius in cor-  
ruptum est iudicium nec ad gratiam, nec ad odium quidquam loquitur. Quid er-  
go dicemus, cur talis, tantique vir, ne inter septem quidem fuerit nominatus?  
nulla sanè rationabilior causa assignari potest, nisi prior illa, quia scilicet verè erat  
iam cum Apostolis annumeratus.

Ad hoc argumentorum genus ductum ex reticentia reuoco vehementem illam  
conjecturam, quam ad Apostolatam Nathanaelis comprobandum, sapientissimi  
viri indicauerunt, quo scilicet consilio factum sit, vt cum de reliquis omnibus ad dis-  
cipulatum Christi in numero septuaginta vocatis mentionem faciant, vel Scriptu-  
ræ Canonice, vel veteres Patres, vel Historie Ecclesiasticæ, quid egerint, cui Ec-  
clesiæ præfuerint, aut quo mortis genere Deum glorificauerint, de isto tamen Na-  
thanaele, tantopere a Christo laudato, atque in vocatione Christi vtque ad Re-  
surrectionem Domini perseverante, nullus hæcenus grauis Autor extiterit, quod  
sciam, verba sunt Salmeronis, qui de eius vita, Doctrina, aut obitu aliquid scripse-  
rit, cum tamen Hippolytus Martyr in libro de Septuaginta Discipulis, aut B. Do-  
rotheus in Synopsi Apostolorum Domini, aut Eusebius Cæsariensis, ne vel mini-  
mam quidem huius fecerint mentionem. Accedit, quod obseruauerunt viri eruditi,  
omnium iustorum nomina quotquot mentio aliqua sit, vel in Euangelis, vel in  
Actibus, vel in Epistolis Apostolorum, ea in Ecclesiæ Martyrologiis reperiri. Vn-  
de ergo fieri potuit, vt cū in primis illis Ecclesiæ temporibus, tanta diligentia in iis  
consignandis, & conscribendis adhiberetur, nihil de tanto viro scriptum, aut com-  
memoratum sit? Quomodo potuit Romanum Martyrologium, quod est Marty-  
rologium totius Ecclesiæ, ex quo tanquam ex trunco rami, vt ait Baronius, cætæ  
omnia Martyrologia prodierunt. Quomodo, inquam, potuit tam antiquum, tam  
certum, tam illustrem Sanctum omnino tacitum præterire? Da mihi vnum aliquem  
nominatum in Euangelio, innominatum in Martyrologio. At Martyrologium  
Romanum ea Sanctorum antiquissima nomina seruat, quæ initio nascentis Ec-  
clesiæ primi illi S. R. E. Protonotarij collegerunt, benè est; Verum hoc ipsum in-  
quiro, quomodo primi illi, qui neminem ex nominatis in Euangelio discipulis præ-  
terierunt. Vnum Nathanaelem inter discipulos in Euangelio expressè nunciatum  
neglexerunt? Si quorum Discipulorum Christi nomina ex Actis Apostolorum

colligi potuerunt, eorum tanta cum veneratione memoria in Ecclesia celebratur, ut septem primis Diaconis, qui è numero Discipulorum fuisse creduntur, solus Nicolaus non sit ascriptus Sanctorum Catalogo an Martyrologio, quia propter hæresim Nicolaitarum, cuius ipse, vel causa fuit, ut tradit Ibaneus, vel certe occasio ut volunt alij, merito eum locum tenet inter Diaconos, ait Salmeron, quem Iudas inter Apostolos. Si, inquam, Discipulorum, quorum nomina non sunt in Evangelio, celebratur memoria, quomodo illorum non celebrabitur, quorum locus, & quidem honorificus in illo est? Quod si cæterorum fuit in Evangelij, aut magna, aut aliqua quantumvis exigua pars sileretur, esset fortasse alicui interpretationi locus; nunc verò cum de reliquis omnibus memoretur, quid tandem est, quod solus B. Nathanael filetur? Vrger acriter hoc argumentum, planè que cogit asserere, Diuino consilio hoc dispositum esse; quia verè non est diuersa persona ab illa, cuius celebris fit memoria sub Apostolico nomine Bartholomæi. At si minus in Latino, certè in Græco Martyrologio iussu Basilij Imperatoris conscripto, & imaginibus exornato, cuius ipsum autographum, inquit Baronius vidimus, & legimus, celebratur memoria Sancti Nathanaelis. Non negauerim in eo Martyrologio, seu Menologio S. Nathanaelis nomen hoc memorari, quia hoc expressè fatentur multi, inter quos Gauanus, & Cornelius, sed inde magis confirmatur nostra Sententia, quia ibi, non tanquam vnus de septuaginta memoratur, sed tanquam vnus de duodecim. Quod hic intendimus demonstrare, dicitur enim esse idem cum Simone Apostolo, qui erat à Cana Galilææ, cuius patris Nathanaelem fuisse Ioannes affirmat. Verba Menologii apud Cornelium sint hæc: Sancti Apostoli Nathanaelis, qui fuit Simon Zelotes ex Cana Galilææ vbi Christus inuitatus ad Nuptias aquam in vinum conuertit. Itaque in Martyrologiis, siue Græcis, siue Latinis, Beatus Nathanael, aut nihil, aut Apostolus est.

Cæterum Diuina Providentia factum dicas, ut in Martyrologio Catholico, quod est Romanum donec quis, & quantus hic Apostolus sit renuntiatur, ad præiudicium vitandum, non nominetur.

I V.

*Nathanaelis  
memoria fit in  
Martyrologio  
Græco.*

Ioan. 21;

## SECUNDA PARS CAPITIS XII.

*Probatnr quod Beatus Nathanael fuerit Apostolus, & vnus de duodecim ex Capite vltimo Euangelij secundum Ioannem.*

POSTEA manifestauit se iterum Iesus ad Mare Tyberiadis, manifestauit autem sic. Erant simul Simon Petrus, & Thomas, qui dicitur Didymus, & NATHANAEL, qui erat à Cana Galilææ, & filij Zebedæi, & alij ex Discipulis eius duo, &c.

1. Locus hic mouit Alphonsum Salmeronem, illum, qui in Tridentino Concilio Pontificum trium Theologus, tanta cum audientium admiratione Sententias dixit, & sexdecim ipsis Tonis amplissimum Sacræ Doctrinæ, & omnigenæ eruditionis, patrimonium omnibus post se Doctores reliquit; mouit, inquam, hic locus tantum virum, & in sententiam planè affirmantem inflexit, quippe coniec-

*Sententia Sal-  
meronis, tan-  
ti.*

tura ab illo petita, meo, inquit ipse, iudicio non est locus, sed grauis, magnique momenti. Iudicium Salmeronis sequutus est Cornelius Ianlenius, qui existimat ex iisdem verbis Ioannis efficaciter satis hoc idem ostendi posse, quod videntur etiam sentire alij recentiores, quamuis nemo ex his, quos vidi, (vidi autem plurimos) locum ipsum examinandum, eiusque momenta expendenda suiceperit. Conabimur ergo sacrum huius loci textum euoluere, eiusque gesta, & verba non indiligenter scrutari, vt nouum, vt ita dicam Apostolum, eundemque antiquissimum tanquam thesaurum in hoc vltimo totius Euangelici Agri angulo absconditum eruamus. Et quoniam tota res videtur pendere ex eo, vtrum scilicet in hac enarratione nomine Discipulorum intelligi possint quicumque Discipuli; An illi tantum de quibus Lucas cap. 6. *Et elegit duodecim ex ipsis, quos & Apostolos nominauit.* Ideo aliquibus argumentis à præsentī textu petitis Discipulorum acceptionem ad Apostolos tantum esse restrictam ostendimus.

*Nomine Discipulorum intelligendi sunt Apostoli hoc loco.*

2. Tres omnino apparitiones Discipulis factas refert Ioannes. Quare in calce huius postremæ, in qua totum Euangelium suum voluit terminari, hæc habet. *Hoc iam tertio manifestatus est Iesus Discipulis suis, cum surrexisset à mortuis.* Hinc oritur difficultas, qua ratione verum sit hanc manifestationem, quæ facta est in Galilæa, esse ordine tertiam, cum certo constet in Iudæa, hoc est in Hierusalem, primo ipso Resurrectionis die, quinquies Ictum apparuisse. Responso, & communior, & solidior illa est, Beatum Euangelistam agere de apparitionibus, non priuatis, vt Magdalenæ, sed publicis, nec Discipulis quibuscunque factis, vt duobus Emaüs proficiscentibus, sed Apostolis, nec Apostolis singillatim, vt Petro seorsim, sed Apostolis pluribus congregatis: Huiusmodi omnino fuerunt duæ illæ factæ in Iudæa, prima, ipso Resurrectionis die. *Cum ergo sero esset die illo, & fores essent clausæ vbi erant Discipuli congregati, absente dumtaxat Thoma, venit Iesus, & stetit in medio.* Secunda, de quâ dicitur: *Et post dies octo sterum erant Discipuli eius intus & Thomas cum eis, &c.*

Quod ad primam Apparitionem attinet, contendo nomine Discipulorum intelligit tantum Apostolos, quod hoc argumento, satis, vt puto, efficaci sic probō. In eorum medio stetit, illisque Discipulis manifestatus est Iesus, ostenditque manus, & latus, quibus tunc dixit quæcumque dixit, sed quæ tunc dixit solis Apostolis dixit, ergo solis illis est manifestatus: tota vis est in minori, quam sic probō. Illa dumtaxat duo, cunctis, quibus manifestatus est dixit. Primum. *Dixit eis: Pax vobis, sicut misit me Pater, & ego misit vos.* Alterum. *Hæc dum dixisset insuspirauit, & dixit eis: Accipite Spiritum Sanctum, quorum remiseritis peccata remittuntur eis, & quorum retinueritis, retenta sunt.* Hæc autem duo, nonnisi illis, qui erant de duodecim, dici potuerunt. Ac de primo illo quidem. *Sicut misit me Pater, & ego misit vos,* omnes Catholici Doctores docent, communicatam per illa verba Discipulis esse potestatem omnem Ecclesiasticam super vniuersam terram, & constitutos tunc fuisse, quasi Legatos à Latere, cum facultate, vbiuis genium, prædicandi, baptizandi, ordinandi, leges condendi, Ecclesias fundandi, & quidquid Summus Ecclesiæ Pontifex potest, instituendi. Hoc autem ad solos Apostolos pertinuit, qui fuerunt Summi Sacerdotes, non vno in loco tantum, sed cæteri Episcopi, sed in toto orbe terrarum æquales inter se potestate, & cum tanta proximis iurisdictione extraordinaria tamen, & quasi delegati, quanta fuit ordinaria in

*Potestatem Ecclesiasticam datam Apostolis.*



Petro, qui tamen etiam Coapostolorum caput erat & Princeps quæ est ratio, ait Bellarminus, cur in illa summa in totum orbem potestate, solus Petrus habuerit successores, non autem vilius alter Apostolorum.

*l. 2. de Sac.  
Conf. c. 12.*

3. Hanc Catholicam doctrinam indicauit Cyrillus in Commentario huius loci. Ordinavit his verbis orbis Doctores, & Diuinorum Mysteriorum ministros, quos ut Luminarium vniuersum terrarum orbem illuminare iussit, quos ita dicit mitti sicut ipse à Patre missus est, ut etiam Apostolatus dignitatem ostenderet, & magnitudinem potestatis eorum aperiret. Hæc Cyrillus. Quod autem alterum illud: *Accipite Spiritum Sanctum*, &c. solis Apostolis dixerit, sic ostendo: Christus per illa verba instituit Sacramentum Pœnitentiæ constituens Discipulos Summos Pœnitentiariorum, dando illis Clauium plenissimam potestatem; sed hæc potestas collata non fuit nisi solis Sacerdotibus. Ergo illis tantum discipulis, qui erant tunc Sacerdotes, sed inter omnes discipulos, Apostoli soli erant Sacerdotes. Ergo solis Apostolis insufflatus fuit, dictumque: *Accipite Spiritum Sanctum, quorum remiseritis, &c.* Et quidem per illa verba institutum fuisse Sacramentum Pœnitentiæ, Discipulosque Pœnitentiariorum institutos aperte docet Tridentinum illis verbis. *Dominus autem Sacramentum Pœnitentiæ tunc precipue instituit, cum à mortuis excitatus insufflauit in discipulos suos, dicens: Accipite Spiritum Sanctum, quorum remiseritis, &c. tam insigni facto, & verbis tam perspicuis potestatem remittendi, & retinendi peccata, Apostolis, & eorum legitimis successoribus fuisse communicatam, vniuersorum Patrum consensu semper intellexit.* Ex quibus Concilij verbis habemus potestatem eo primo die collatam fuisse discipulis remittendi peccata, vbi obseruare licet cum Maldonato in commendationem dilectionis Christi. hoc tantum donum Spiritus Sancti potestatem scilicet remittendi peccata voluisse Christum statim impertiri, cum cætera ad diem Pentecostes distulisset, quia eam non Patris nomine, sed suo, ac proprio dare voluit, quia ipse solus mortuus fuerat ad multorum exhanrienda peccata.

*Accipite Spiritum Sanctum  
solis Apostolis  
dicitur.*

*Trid. Sess. 14;*

4. Quod autem talis potestas non nisi Discipulis Sacerdotibus collata fuit, manifestum est ex doctrina generali Doctorum Ecclesiæ, qui, ut ostendit Bellarminus, docent, veros Ministros Sacramentorum, Baptismo, & Matrimonio exceptis, solos esse Sacerdotes. Reliquum nunc esset ostendere, solos Apostolos fuisse tunc Sacerdotes, sed hæc probatione non indiget, cum constet ex Tridentino Apostolos, qui soli tantum Cœnæ interfuerunt, ordinatos, & consecratos fuisse Sacerdotes noui Testamenti Christi, per illa verba. *Hoc facite in meam commemorationem*, post quam ordinationem, nemo à Christo immediate ordinatus Sacerdos fuit.

*l. 1. de Sac. in  
gen. c. 24.  
Sess. 22. c. 1.*

5. Quare Discipuli illi septuaginta duo, non fuerunt Sacerdotes, nec vllum ordinem, aut iurisdictionem à Christo susceperunt, ut probat Bellarminus; si quidem Philippus, & Stephanus, & alij quinque Diaconi ordinati postea ab Apostolis, erant ex Discipulis septuaginta duobus, ut Epiphanius docet hæresi 20. quæ est Herodianorum. Certè autem ait Bellarminus, non fuissent Diaconi ordinati, si iam antea fuissent Sacerdotes.

*l. 4. de Rom.  
Pont. c. 25.  
Ad. 6.*

Cum ergo omnia, quæ à Christo vel dicta, vel gesta sunt in hac prima manifestatione suis discipulis facta, ad Apostolos tantum pertineant, manifestum est nomine discipulorum eo loco, non qualescumque intelligi, sed quos Apostolos nominauerat.

In Apparitione  
facta Discipu-  
lis presente  
Thoma nomine  
Discipuli Apo-  
stolum signifi-  
cat.

6. Quod spectat ad secundam manifestationem Christi suis discipulis, de qua sic habetur : *Et post dies octo iterum erant discipuli eius intus & Thomas cum eis.* Ostendunt pariter quod nomine discipuli pro Apostolis tantum hoc etiam loco accipiatur. Et quidem, si duas has manifestationes diligenter inter se componamus, & comparemus, inueniemus illas ita pares, & geminas, ut nullum omnino diuersitatis vestigium ex parte eorum, quibus factæ sunt, deprehendi possit, & fortasse neque ex parte rerum gestarum.

Descriperat Euangelista primam manifestationem discipulis à quatuor circumstantiis, ut obseruat S. Thomas. Primo quidem ex horæ descriptione. *Cum ergo sero esset.* Quia enim volebat omnibus simul apparere præstolatus est horam, in qua se domum recipiebant : *Sero.* Ante Solis occasum. Secundo, ex diei designatione. *Die illa vna Sabbatorum,* hoc est prima totius hebdomadæ, quæ Sabbati nomine significabatur, ut Luc. 10. *Ieiunio bis in Sabbato :* Vna autem pro prima ponitur, sicut ibi. *Factum est Vespere & mane dies vnus,* idest primus. Itaque illo die, qui erat primus, & apud nos Dominicus dicitur. Tercio, ex loci conditione, qui describitur per clausuram, & *fores essent clausæ,* tum propter horam, tum propter metum. Quarto ex discipulorum dispositione, *vbi erant Discipuli congregati.* Dispositio planè imitanda, ait, S. Thomas, quia & Christus ad congregatos venit, & Spiritus Sanctus ad congregatos descendit.

7. Ab iisdem quatuor circumstantiis secundam hanc manifestationem describit idem Euangelista, ac priores illas duas, horæ, & diei, indicat illis verbis : *Et post dies octo,* dicit, *Post,* non quod in nono die apparuerit, ait Toletus, sed quia ad occasum octauæ dici, & in eius fine, hoc est cum sero esset apparuit. Sed cum sero esset, An etiam die illo ? Omnino, ait Cyrillus, diem enim octauum Dominicum diem esse necesse est. Nam vna Sabbatorum cæteris apparuit, idest die Dominico. Duas verò reliquas circumstantias, & loci, & personarum tangit illis aliis verbis. *Iterum erant Discipuli eius intus,* & intus quidem, ut fores essent clausæ, & iterum erant discipuli eius, utique eodem modo congregati, quare ex hoc loco Cyrillus. Iure igitur, inquit, Sanctæ Congregationes die octauo in Ecclesiis fiunt, & foribus sublimiore modo clausis, visibiliter simul, atque inuisibiliter Christus omnibus apparet, inuisibiliter quidem, ut Deus, visibiliter autem in corpore, præbet enim nobis carnem suam tangendam, ut firmiter credamus quia templum verè suum suscitauit.

8. Ex ipso ergo historię narrationis ingressu incipit apparere, eandem omnino scenam personarum dari, neque aliud è sacro textu discrimen esse nisi quod cum de illa priore dictum fuisset, *Thomas autem vnus ex duodecim non erat cum eis :* hic iam dicitur, & *Thomas cum eis,* verum vel ex hoc discrimine vehementer confirmatur nostra sententia, quod hoc etiam loco, nomine discipulorum non nisi Apostoli intelligantur ; sicut enim congruum erat, ut, quamuis Thomas solus hac apparitione indigeret, non tamen illi scortum, sed coram aliis fieret, ut coram quibus non credendo peccauerat coram iisdem redargueretur ; ita coram externis, & qui de illo numero non fuerant, peccatum Discipuli prodere, sicut necessarium non erat, ita videbatur à Domini ingenio alienum. Nouimus hoc Domini ingenium in nocte Cænæ, vbi sicut expediens Domino fuit occultum proditorem prædicere, ut se non ignoranter, & inuitum, sed vltro pati significaret, ita alienum

à sua charitate duxit eum prædicare, & nominare adeo vt, cum ad extremum illi diceret, *quod facis, fac citius*, affirmare potuerit Euangelista. Hoc autem nemo scius distimulauit, ad quid dixerit ei, quidam enim putabant, quia loculos habebat Indus, quod dixisset ei Iesus, *eme ea, quæ opus sunt nobis ad diem Festum, aut egenus vt aliquid daret*. Si ergo pro eo satis modico tempore, quo futura erat occulta proditio, proditoris famæ consulere non neglexit, quanto magis existimandum est Discipuli famæ voluisse prospicere, quando apud solos fratres, hoc est Apostolos transacta res erat. Ergo iannus clausis, & coram solis fratribus; subit hoc loco animum dulcis recordatio, quando Ioseph Patriarcha se fratribus aperuit. Sacræ Historiæ verba sunt illa. *Non se poterat ultra cōhibere Ioseph multis coram astantibus, unde præcepit, vt egredierentur cuncti foras, & nullus interesset alienus agnitioni mutua, & dixit fratribus suis: Ego sum Ioseph. Non poterant respondere fratres nimio terrore perterriti, ad quos ille clementer; accedite, inquit, ad me, & cum accessissent prope. Ego sum, ait, Ioseph frater vester, quem vendidistis in Ægyptum: simili planè modo, cunctis, qui è numero duodecim non erant suauis sua dispositione foras manere iussit, venit Iesus, & stetit in medio. Profectò non poterat respondere Thomas nimio terrore perterritus, ad quem ille clementer: accede, inquit, ad me, & cum accessisset prope, dicit Thomæ: infer digitum tuum huc, & vide manus meas, & asser manum tuam & mitte in latus meum, & noli esse incredulus, sed fidelis. Verba sunt suauis planè, ac paternæ correctionis. Petierat Thomas, vt crederet, conditiones, scilicet videre, & palpare, ait S. Thomas, & si hoc sibi fieret, promiserat se crediturum; & ideo Dominus cum hæc diceret, præsentia suæ Diuinitatis assistens, seruatis illis conditionibus reuocat eum; vnde primo exhibet conditionem: *infer digitum tuum huc*. Secundo petit promissi solutionem, & noli esse incredulus, sed fidelis.*

9. Sed quoniam superius indicaui ex parte quoque rerum gestarum in hac altera manifestatione, argumentum sumi posse, rem totam inter Apostolos esse transactam, moueamus & illam obiter quæstionem, an ostendere manus & latus, totumque se palpandum offerre, & exhibere fuerit Christi munus solis Apostolis reseruatum, & quidem quod illis omnibus se contrectandum exhibuerit in prima apparitione absente Thoma, manifestum est ex Domini verbis secundum Lucam: *palpate, & videte*, immo de facto tunc omnes palpassse, & contrectasse videtur insinuare Beatus Ioannes in sua Epistola: *Et manus nostra contrectauerunt*. Siue vt Athanasius legit: *palpauerunt*. Quasi Ioannes significet, ait Maldonatus, se, & cæteros Apostolos omnes Christi post resurrectionem, vulnera contrectasse. Id quod ex Didymi sententia multi antiqui, & graues Autores non immerito docuerunt. Cæterum vtrum hoc in concessum aliis ab Apostolis fuerit, in dubium vocari potest. Scio, quod legitur de illis mulieribus apud Matthæum: *& ecce Iesus occurrit illis dicens: auctore, illa autem accesserunt, & tenuerunt pedes eius, & adorauerunt eum*, sed tantum abest Christum tunc suos pedes tangendos obtulisse, vt plures Autores, inter quos Magnus Athanasius existimaue- rit, prohibitas à Christo tangere fuisse, ad eum planè modum, quo de Magdarena clarè pronuntiat Ioannes. Cum accesserant mulieres ad Dominum, ait Athanasius, prohibitis iis, dixit: *Nolite me tangere*. Sequitur Athanasium Mal-

Ioan. 13;

Gen. 45;

An tangere & palpare Christum fuerit Apostoli tantum datum post Resurrectionem.

1. Epist. c. 1.

In c. 24. Luc.

Matth. 28.

De Incarn. Chr.

In c. ult. Matth.

*Cur Magdalenæ  
na fuit prohibi-  
bita tangere  
Christum?*

*l. 22. c. 50.*

*c. 56.*

*c. 50.*

*l. 12.*

*Num. 12.*

*Præsem. de  
Eccl. Scripturis*

natus, qui putat omnes simul mulieres ad sepulchrum venisse, & omnes simul rediisse, & omnibus redeuntibus Christum occurrisse, & quoad modum tangendi, aut non tangendi eandem rationem de omnibus fuisse. Sed cur Magdalena, nam de illa sola loquitur in sua enarratione Ioannes, prohibita fuit tangere? Responsio Cyrilli illa est, quia nondum descenderat super illam Spiritus Sanctus, qui post Ascensionem Christi in Cælum, missus in omnes fuit; sed cur ante Ascensionem, primo ipso Resurrectionis die Apostolis suis sese palpandum exhibuit? Quia, inquit Cyrillus, Apostoli acceperunt Spiritum Sanctum, quando infulsaue, & dixit: Accipite Spiritum Sanctum, nunquam enim dixisset, qui nescit mentiri, nisi dedisset. At Thomas, ait Evangelista, non erat cum eis, quando venit Iesus. Respondet Cyrillus Thomæ tunc etiam absenti, quia de Collegio Apostolorum erat, eodem planè modo, quo præsentibus Spiritum Sanctum datum fuisse, sed præstat audire verba Cyrilli. Illi, hoc est Magdalena, nondum gratia Spiritus sanctificata tangere non licebat; nam antequam Dominus in Cælum ascendisset, descensus Spiritus in omnes non fuit. Thomæ autem hoc licebat, quia vna cum aliis Spiritum fuit consequutus, ad vniuersum namque Discipulorum consortium, liberalitate dantis vox illa transiit: *Accipite Spiritum Sanctum*, neque per functionem hanc sententiam tangit Cyrillus, sed capite quinquagesimo sexto, illam ex professo docet, & confirmat illo simili Sacræ Scripturæ. Nam eligente Moyse septuaginta senes, dedit illis Deus Spiritum Sanctum, & cum duobus ex illis Eldad, & Medad mansissent in castris, etiam illis absentibus datus est Spiritus, & eodem modo prophetabant, ut illi, qui erant cum Moyse ad Osium Tabernaculi, nam & ipsi descripti fuerant, ait Scriptura. Non ergo concludit Cyrillus, licet absuerit Thomas, à participatione Spiritus decedere quam de numero esset eorum, quibus dignitate Apostolatus decoratus Spiritus debebatur.

10. Ex hac sententia tam insignis Theologi, & in Scripturis Sanctis eruditissimi, & qui iussu Cælestini Summi Pontificis in Concilio ducentorum Patrum apud Ephesum præsidens, Nestorium, & Pelagium cum erroribus eorum condemnauit; ex tanti inquam Autoris sententia, illa duo de iure in rem præsentem. Alterum quod facit ad decisionem incidentis proximæ quæstionis. Vtrum solis Apostolis tangendum, oblatum fuerit Corpus Christi, & aio solis illis hoc datum, ut qui soli tunc erant Sacerdotes, & potestatem in Domini Corpore acceperant in nocte Cænæ sub specie non viuientis, soli Spiritu sanctificati, illud idem corpus iam rediituum sub propria viuientis specie contrectarent. Alterum, quod ex hac doctrina conficio, & pertinet ad intentum totius argumenti, est per Christi voces relativas ad personas, quemadmodum erant illæ: *Pax vobis, misso vos, Accipite, retinueritis, remiseritis*; per illas, inquam, voces, quasi ex vi verborum venisse omnes, & solos Apostolos. Et quia de illis tantum sub nomine Discipulorum in duabus hisce apparitionibus loquitur Evangelista. Ad quorum personas relativa erant verba Christi; hinc satis euidenter, ut puto, colligo Evangelistam agere, & loqui de solis Apostolis.

Probauimus ergo in prima, & secunda manifestatione Discipulis facta sub nomine Discipulorum, intelligi tantum Apostolos, nunc quid de tertia dicendum sit, verba clamant Evangelistæ. *Hoc iam versio manifestatus est Iesus discipulis suis cum surrexisset à mortuis.*

11. Certè



11. Certè recapitulatio ista Euangelistæ, qui priores duas manifestationes *Tertia appari-*  
proximè narrauerat, æquipollet tribus propositionibus eiusdem suppositionis *tio Christi facta*  
iuxta regulas Dialecticas. Ita enim, illud (*discipulis suis*) per omnes manifesta- *Discipulis.*  
tiones distribuitur, vt perinde sit, ac in singulari dixisset. Hoc primo manifestatus  
est Iesus Discipulis suis, hoc secundo, hoc iam tertio. Vnde ego colligi potest  
ex verbis Euangelistæ variatio suppositionis personarum, & acceptionis nominis  
*Discipulorum*. Immo si verba totius contextus expendatur, & præcipuè parti-  
culæ relatiuæ, in quibus magna vis posita est, præsertim in Euangelio Beati Ioan-  
nis, constabit clarè de iisdem genere discipulis, qui videlicet, erant electi ad eam  
dignitatem, quam Deus sacrauerat duodenario numero, perpetuum esse sermo-  
nem. *Thomas autem vnus ex duodecim, non erat cum eis*, quando in prima appa-  
ritione venit Iesus. Vides illud, *cum eis*, esse relatiuum ad Collegas, qui erant è  
numero duodecim. Quod etiam confirmant proxima verba. *Dixerunt ergo ei*  
*alii discipuli: vidimus Dominum.* (Ei) vni ex duodecim (alii discipuli) hoc  
est condiscipuli, qui de eodem numero erant. Rursus tangens Euangelista perso-  
nas secundæ apparitionis, manifestè refert ad personas de eodem numero, & *post*  
*dies octo, iterum erant Discipuli eius, intrus.* Expende quid significet illud. *Iter-*  
*rum.* Denique cum ad tertiam apparitionem nominentur quinque, subditur, &  
*alii ex Discipulis eius duo*; quod perinde fuit, ac dicere; erant omnino septem  
Discipuli, illud autem, & *alii ex*, sicut ostendit quinque nominatos fuisse disci-  
pulos, ita ostendit duos innominatos fuisse eiudem veluti generis, & ordinis  
cum nominatis, hoc est Apostolos, quod probabimus infra.

Atque hæc est ratio cur grauiores Interpretes de hisce tribus manifestationibus  
ab Ioanne enarratis, semper eodem modo loquantur. Satis sit, vnum, aut al-  
terum asserre. Nicolaus de Lyra. Videtur inquit, quod deberet dici potius, hoc  
iam quarto manifestatus est Iesus, quia desinperat Euangelista apparitionem  
quoque factam Magdalenæ, sed dicendum, quod littera sequens hoc soluit, cum  
dicitur. Discipulis suis, & sic patet, quod tantum enumerat hic apparitiones  
factas Apostolis, & mox. Si autem considerentur istæ tres apparitiones Apostolis  
factæ; prima declarat Christi Diuinitatem, dando Spiritum Sanctum; secunda  
resurgens identitatem, vulnere cicatrices ostendendo; tertia humanæ naturæ  
veritatem, comedendo. Hoc idem docuit S. Thomas in Commentariis, vbi le-  
ctione quarta super Caput vigesimum. In parte ista, inquit, agit Euangelista de  
apparitionibus factis Apostolis; & primo de apparitione, qua simul omnibus in  
Hierusalem apparuit excepto Thoma; secundo de ea, quæ facta est Thoma præ-  
sente; tertio de ea quæ facta est quibusdam specialiter.

12. Vt autem generale aliquod principium ostendamus, cui nititur vis ar-  
gumenti obseruare licet, Christum Dominum, qui de se verè dixit: *Vnus est Pater. Tres Classis*  
*vester vester.* triplicem habuisse Classem Discipulorum. Prima Classis, & infima *discipulorum.*  
erat ex auditoribus, & asseclis, qui, vt ait Theophylactus, sequebantur Chri-  
stum in ordine Discipulorum, & manebant apud eum longiori tempore, quàm  
turbæ, itaque ad reliquam turbam collati, dicebantur eius discipuli. De his ha-  
bemus Ioan. 6. *Ex hoc multi discipulorum eius abierunt retro, & iam non cum*  
*illo ambulabant.*

Altera Classis, & media constabat ex numero definito septuaginta duorum, de



quibus agit Lucas capite decimo. *Post hæc autem designauit Dominus, & alios septuaginta duos, & misit illos binos.* In argumentum, ait Augustinus, quod Mundum totum in septuaginta duas linguas diuinitus docere debebant.

Tertia, & suprema erat tantum ex illis, de quibus Luc. 6. *Et cum dies fastus esset, vocauit Discipulos suos, & elegit duodecim ex ipsis.* Marc. 3. *& ascendens in Montem, vocauit ad se quos voluit ipse, & venerunt ad eum, & fecit ut essent duodecim cum illo.* Cum illo, id est quali comites indiuidui sibi adherentes continuo, ait Toletus. Cum illo, quasi eius contubernales, ait Cornelius. Cum illo quasi Palmites, quos extendit vsque ad Mare, ait S. Thomas.

13. Porro quamquam omnes huius triplicis Classis ab Euangelistis, discipuli nominentur, tamen quodcumque agunt de discipulis inferioribus, non vocant illos discipulos eius, nisi ex aliquo adjuncto significant conditionem illorum. Sic cum dixisset Ioannes; *ex hoc multi discipulorum abierunt* retrò, & iam non cum illo ambulant, statim addit: *dixit ergo Iesus ad duodecim: numquid, & vos vultis abire?* quo significatur nomine discipulorum, qui abierunt, non intelligi illos, qui absolute, & sine adjunctis dicebantur discipuli eius. Ratio autem, cur hi tantum tertiæ, & suprenæ Classis dicebantur *discipuli eius*, illa est, quia illos tantum elegit, ut immediate ab ipso accipientes alius traderent, quæ pertinent ad scientiam salutis, ut ait S. Thomas, & quibus singulariter dixit. *Omnia quæcumque audini à Patre meo, nunc feci vobis*, qui de familia eius erant, & comites, & testes indiuidui, & qui à turbis indigitabantur discipuli eius, tanquam ij, ut ait Marcus, quos fecit, ut essent cum illo, & quos absolute, & immediate elegit: nam septuaginta duos non tam elegit, quam designauit, electi enim prius fuerunt ab Apostolis, ut docet Anacleus in Epist. 2. & 3. Videntes, inquit, Apostoli messiem esse multam, & operarios paucos, rogauerunt Dominum messis, ut mitteret operarios in messiem suam, inde electi sunt ab eis septuaginta duo, quorum Typum gerunt Presbyteri: obserua illud, inde electi sunt ab eis hoc est ab Apostolis, & in Epist. 3. Scitis Apostolos a Domino ipso electos, qui ad eorum alimentum septuaginta elegi præcepit discipulis illos elegit ipse, hos præcepit eligi, hoc est, ut ait Salmeron, præcepit segregari, nominari, & præsentari ab Apostolis ante Dominum.

Cum ergo de septem istis, quibus tertio manifestatus esset Iesus, absolute pronuntiet Euangelista fuisse ex discipulis eius, & neque in antecedentibus, neque in consequentibus quidquam significet, ex quo conjectura aliqua fieri possit ex inferioribus esse, videtur affirmatum nomine discipulorum, hoc loco non intelligi vniuersaliter illos, quos Apostolos Dominus nominauit.

Septem Discipuli quibus Christus apparuit ex Primatibus sue, c. 17.

Art. 12.

In c. 1. ad Rom.

14. Accedit novum argumentum ex eodem hoc Scripturæ loco petum, septem istos discipulos non solum ex Apostolorum numero fuisse sed ex illis fuisse maiores, & primores; Ac de tribus quidem, Petro, Iacobo, & Iohanne ex aliis Euangeliorum locis est manifestum. Quare Chrysostomus in illud Matth. *Et post dies sex assumit Iesus Petrum, & Iacobum, & Ioannem fratrem eius, & transfiguratus est ante eos.* Ideo autem, ait, hos tres assumpsit, quoniam aliis potiores erant, & ut addit Cornelius, quasi triumviri Christi. De reliquis autem quatuor, ut idem ostendat ex hoc loco præsuppono doctrinam S. Thomæ, inter Apostolos, illos fuisse maiores, qui in dilectione erant insigniores, quia tota magnitudo laudantis, & meriti principaliter, & respectu essentialis præmij, attenditur secundum

dilectionem, & charitatem, nam cum præmium essentiale consistat in gaudio, quod habetur de Deo, manifestum est ait S. Thomas, quod de Deo plus gaudebunt, qui plus amant, unde & illam visionem beatam Dominus suo dilecto promittit, dicens: *Si quis diligit me, diligetur à Patre meo, & ego diligam eum, & manifestabo ei me ipsum*, hoc posito si ostendero præter tres illos, hos etiam quatuor fuisse insignes Christi dilectores, demonstrabo primores. Verùm hoc non obscure demonstratio ex hoc loco, quia cum Christus in examine præui ad Summum Pontificatum, summam à Petro dilectionem postularet, tum vt ostenderet, quod aiebat Bernardus illum præcellere aliis debere, qui vino charitatis inebriatus æstuat immemor sui, vt non quærat quæ sua sunt, sed quæ Iesu Christi; tum etiam vt demonstraret quanti faceret oues suas, quando enim sic amatas oues committeret non amanti, ait Bernardus: Cum, inquam summam à Petro dilectionem, postulareret, dicit Simoni Petro Iesus, *Simon Ioannes, dilige me plus his?* quid est illud, *plus his?* dilige me plusquam diligant me hi? Et quinam erant ibi? *Erant simul*, ait Evangelista, *Simon Petrus, & Thomas, qui dicitur Didymus, & NATHANAEL, qui erat à Cana Galilææ, & alij ex discipulis eius duo, septem omnino erant*, dicit ergo, dilige me plusquam hi? plusquam Thomas, plusquam Nathanael, plusquam Iacobus, plusquam Ioannes, plusquam hi alij duo? profectò non exigeret tanquam quid eximium, & summum à Petro, maiorem dilectionem illa, quæ erat in instantibus discipulis, nisi in illis magna fuisset, & maior etiam, quàm in reliquis. Et fortasse ideo Petrus requisitus, an diligit plus his, tantùm respondit: *tu scis, quia amo te*, non audens affirmare *plus his*, quia videbat, agi de magnis Dilectoribus.

*Serm. de dilig. Deo.*

*De conuer. ad Clericos. c. 27.*

*Ioan. 2. v. 2.*

Magnus Christi dilector iam erat Thomas, cui enim plus dimititur, plus diligit, & quidem recentissimus erat amor, quo paulo ante clamauerat *Dominus meus, & Deus meus*, ex affectu vique magno, appellans suum.

Magnus Christi dilector erat B. Nathanael, & planè antiquus, qui à primo ad Christum accessit, ut illum vidit, virtutem Diuinitatis in eo cognoscens, vt ait S. Thomas, in vocem confessionis, & laudem prorupit, dicens: *Rabbi tu es Filius Dei, tu es Rex Israël*. Vidit plenitudinem scientiæ, & dixit *Rabbi*, vidit excellentiam singularis gratiæ, & dixit: *Tu es Filius Dei*, vidit immensitatem potentæ, & dixit: *Tu es Rex Israël*. Viderat planè multum verus Israëlita, & quia vidit multum dilexit multum. Venerat vt Iesum videret, & visum inuenit, inuentum tenuit, nec dimisit. Quare in vltimo totius Euangelij capite, post Magistri Resurrectionem inter primarios discipulos recensetur.

*Luc. 9. Eccl. 47.*

Magnus Christi dilector erat Iacobus cognomento Maior, qui tanta charitate dilexit Christum, vt meruerit primus omnium Apostolorum animam suam ponere pro illo, & sine dubio ex amore Christi surrexerat quondam *quasi ignis* vt Elias, & *verbum ipsius quasi facula ardebat*.

Magnus Christi dilector erat Ioannes, quia ille discipulus erat, quem diligebat Iesus. Sicut enim Deus nos amando facit suos dilectores, vt docet S. Thomas, ita multum quempiam amando, facit magnum dilectorem.

*Apud Salmer.*

Qui fuerunt alij ex Discipulis eius duo, Evangelista non exprimit; Verum si, vt putat Beatus Vincentius, fuerunt Andreas frater Simonis Petri, & Philippus, qui si minus frater, certè socius erat Nathanaëlis, omnes profectò septem, magni di-

lectores Christi fuerunt, & Magni Apostoli, & inter duodecim septem primi. Sanè Bellarm. lib. 1. de Rom. Pont. cap. 14. probans soli Petro dictum à Christo, *pasce oves meas*, quia soli illi fuit dictum: *Diligis me plus his*, cum disertis verbis excludantur ceteri, illa comparatione *plus his*. Hæc addit. Porro qui excluduntur, non quicumque homines, sed præcipuè Apostoli sunt, quod quidem cognoscere etiam licet ex ordine, quem in Apostolorum Catalogo Matthæus Evangelistam primus, illis assignat duodecim Apostolorum nomina sunt hæc, ait Evangelista. Petrus, Andreas, Iacobus, Ioannes, Philippus, Bartholomæus, Thomas. Ecce septem hic primos Apostolos ante alios nominatos, inter quos sub nomine Bartholomæi, de quo disputabimus, Beatus Nathanael numeratur.

*Discipuli ad  
Maræ Tiberia-  
dis fuerunt ex  
præcipuis Apo-  
stolis.*

15. Sed iam nouum occurrit argumentum ab eodem Sacro textu petitum, ex quo cognoscere liceat septem hos Discipulos, non Apostolos quoscumque sed præcipuos, & maximos extitisse. Etenim Christus Dominus tam honorifico illos excepit conuiuio, & tam singularibus suæ benevolentiae testimoniis supra reliquos cohonestauit, ut dubitandum non sit declaratos fuisse primores, ac Principes Regni sui.

*Apostolus, testis  
Resurrectionis.*

Et quidem quod Christus hos septem discipulos ad conuescendum admiserit, & inuitauerit, textus est clarus. *Dicit eis Iesus? VENITE PRANDETE*, quod autem hoc sit indicium, & argumentum Apostolatus, ex eo probatur, quia delicto prandio, statim addit Evangelista. *Hoc iam tertio manifestatus est Iesus Discipulis suis cum resurrexisset à mortuis*. Quibus verbis apparet manifestationem factam præcipuè per conuiuium fuisse propriam discipulorum, & nomine discipulorum, ait Salmeron Tom. 10. Sermon. 20. ratione materię, hoc est Resurrectionis Christi iustificandæ, Apostolos intelligit, qui erant electi tanquam proprii Resurrectionis Christi testes; quare Petrus Act. 1. agens de electione successoris Iudæ cum dicere intenderet, oportet Apostolum nobiscum fieri vnum ex istis, qui nobiscum sunt congregati dixit oportet *testem Resurrectionis eius, nobiscum fieri vnum ex istis*. Vide optimam descriptionem Apostoli, inquit Sanctius, immò definitionem ait Loria, *testem Resurrectionis Iesu Christi*.

*IOH. 15.*

*ACT. 1.*

Confirmat hoc totum egregiè idem Caput, & princeps testium Petrus Act. 10. *Hunc Deus suscitauit tertia die, & dedit eum manifestum fieri, non omni populo, sed testibus præordinatis à Deo nobis, qui manducauimus, & bibimus cum illo postquam resurrexit à mortuis*. Hic locus maximè consonat cum hoc nostro Ioannis. *Hoc iam tertio manifestatus est Iesus discipulis suis cum resurrexisset à mortuis*, quasi manifestationes non essent faciendæ nisi *testibus præordinatis*, & quibus Christus dixit: *& vos testimonium perhibebitis, quia ab initio mecum estis*. Et rursus post Resurrectionem. *Et eritis mihi testes*. Qui autem essent hi testes præordinati, visus est explicare Petrus illis verbis: *Nobis, qui manducauimus, & bibimus cum illo postquam resurrexit à mortuis*, & sanè, quod Christus manifestè, & in propria specie ac forma cum aliis manducauerit præter Apostolos, in Euangelis non lego. Nam quod attinet ad Discipulos Emaus proficiscentes, de quibus dicitur: *& factum est dum recumberet cum eis*, aperte dicit Marcus. *Ostensus est in alia effigie*.

*Marc. ultim.*

16. Quando ergo pro Apostolatu Beati Nathanaelis quodcumque aliud deesset indicium, esset profectò maximum istud, quod in vna ex tribus manifesta-

riore facta *testibus praordinatis*, assumitur medius inter illos, qui possent ex ore Petri dicere. *Nunc Deus suscitavit tertia die, & dedit eum manifestum fieri, non omni populo, sed testibus praordinatis à Deo.* Illud, *praordinatis*, vertit ex Græco Erasmus. *Electis*, & elegit duo decim ex ipsis, Testibus ergo electis. Quibus? *Non his, qui manducamus, & bibimus cum illo, postquam resurrexit à mortuis.* Nobis, quibus videlicet in propria effigie videndum se præbuit, eo modo, & ea familiaritate, ut testes esse possemus.

17. Sed ut hos septem ex primariis fuisse ostendamus, quod erat hoc loco propositum, advertendum est cæteros Apostolos, potuisse quidem dicere *manducamus cum illo*, at non *cum illo*, & apud illum, & inuitati ad conuiuium è suo præparatum ab illo. Aduerti quoties Christus manifestatus est Apostolis suis semper illis recumbentibus ad mensam, & cenantibus adfuisse, & quidem apparuisse in die Resurrectionis sero, & tempore, quo discipuli cénabant, & steterisse inter eos discumbentes secundum communiorem sententiam scribit Marcus cap. 16. & satis insinuat Lucas illis verbis cap. 24. *Habetis hic aliquid, quod manducetur; at illi obtulerunt ei partem piscis assi, & sanum mellis, & cum manducasset coram eis, sumens reliquias dedit eis.*

18. De secunda autem manifestatione facta post dies octo Thoma iam præfente. Explicat Maldonatus illud Marci. *Nonissimè recumbentibus illis undecim apparuit, ubi illud nonissimè, ut constat ex voce Græca ὀψειν, non significat, postremo, quasi fuerit illa omnium Christi apparitionum vltima, sed postea, & sit illa eadem apparitio, de qua Ioannes agit, & post dies octo iterum erant discipuli eius intus, & Thomas cum eis, omnino undecim, expressit autem Marcus Christum venisse eo tempore, quo Discipuli cénabant ait Maldonatus, ut indicaret, cum paratum inuenisset cibum, coram discipulis, ut antea sumpsisse, & suam illis Resurrectionem edendo probasse.*

Sed longè diuersæ rationis fuit prandium septem nostris Apostolis exhibitum, quo descripto recapitulat statim Ioannes. *Hoc iam tercio manifestatus est Iesus Discipulis suis.* In aliis enim nihil præparauit, at hic, ut docet S. Thomas: & ignem, & panem, & piscem, & omnia sua potestate ipse creauit ex nihilo, vel ex aliqua præiacente materia miraculosè formauit, ut ergo descenderunt in terram *viderant primum piscem, & piscem superpositum, & panem.* Verum est voluisse Dominum, ut ad conuiuium hoc aliquid etiam de piscato afferretur à discipulis. *Dixit eis Iesus: afferte de piscibus, quos prendidistis nunc, quos profecto voluit ad conuiscendum præparari.* Sed illi pisces per miraculum quoque Christi capti fuerant. Nam ipsi illa nocte nihil prendiderunt. Christus signauit locum, in quo certo capturi erant pisces, *mittite in dexteram manigij rete, & inuenietis.* Christus fecit ut in dextera cæteroqui non magis piscosà, quam sinistra, tam multi, & tam miræ magnitudinis pisces momento temporis statim existerent, & traxit rete in terram, *plenum magnis piscibus centum quinquaginta tribus.* Et cum tanti essent; non est scissum rete; quod si verum est illud Oppiani non improbatum à S. Hieronymo, centum quinquaginta tria esse genera piscium, quorum ex singulis vnus captus sit ab Apostolis, quis neget maximum fuisse miraculum, plurima piscium genera, nunquam antea visa in eo Mari, repente apparuisse. Pisces illi, ait Lytanus fuerunt miraculosè adducti, vel virtute Diuina de nouo formati, quia



tota nocte ibi quæsierunt discipuli, & nihil inuenerunt. Itaque totum Conuiuium Domini fuit, & ille tanquam Dominus, cum discipulos inuitallet: *Venite, & prandete*. Fecit illos di' comberere, neque satis amantissimo Domino hoc fuit, sed vt appareteret, quod & transiens ministraret illis, subdit textus: *& venit Iesus, & accepit panem*, & dabat eis, ipse suis manibus, ipse distribuit, ipse singulis porrigebat, ipse assignabat, hanc accipe partem Petre, hanc Ioannes, hanc accipe Nathanael. Et quod de pane dictum est, fecit quoque de piscibus. Dabat eis, *& piscem similitur*.

*Quare Christus  
apparuit præ  
dium discipulis  
ad mare Tiberi  
riadu*

19. Quod autem conuiuium hoc honorarium planè fuerit, & quasi ad declarandos septem primarios Principes Regni sui. Colligo ex hoc, quia non fuit illis, vt aliàs, exhibitum ad veritatem resurrectionis comprobendam, nam, & Ioannes ante conuiuium monuerat Petrum, *Dominus est*, & Petrus cum audisset quia *Dominus est*, misit se in Mare, quod si cæteri discipuli non miserunt se in Mare, sed nauigio venerunt, indicat Euangelista, causam fuisse, quia cum non longè abessent a terra, mora illa tam breuiter erat, vt si sese in Mare deiecessent non multo citius ad illum venire potuissent, vt rectè etiam obseruauit Maldonatus; cæterum post Ioannis monitum, non dubitarunt, an Dominus esset, immò, vt ait Augustinus ad significandam discipulorum de resurrectione Christi certitudinem, quod scilicet cæti erant, quod Christus esset, addit Euangelista: *Et nemo audebat discumbentium, interrogare eum, in quis es, scientes quia Dominus est*. Fuisset enim illa interrogatio, ait sanctus Thomas, signum dubitationis, illi autem sciebant quia Dominus est. Sciebant ergo hi septem discipuli quia Dominus est. Quare non fuit conuiuium illud ornatum ad fidem resurrectionis faciendam, sed ad specimen eius præbendum, & id representandum, quod Apostolis omnibus non ita pridem, *Vos autem estis, qui permansistis mecum in tentationibus meis, & ego diffinam vobis sicut disposui mihi pater meus Regnum, vt edatis, & bibatis super mensam meam in Regno meo*, quibus verbis, vt rectè Maldonatus, prærogatiuam quandam discipulorum videtur Christus indicare, quasi non omnes, qui in Regno Calorum futuri sunt, super mensam Christi esuri, bibiturque sint, ad eum modum, quo non omnes qui in domo Regia sunt, in ipsa Regis mensa cibum sumunt, sed pauci quidam maiores Principes, quibus id Rex honoris causa concedit.

*Isrlr c. 1. v. 14.  
Septenarii numeri  
absisterio.*

20. Tales videntur fuisse septem illi de Aula Regia Persarum, quorum maiestas, & gubernatio fuit imago Diuinæ Maiestatis, vt ex Aristotele & Apuleio, & alius docet Cornelius. De iis ergo sic habemus in libro Esther. *Erant autem primi, & proximi septem Duces Persarum, atque Medorum, qui videbant faciem Regis, & primi post eum residere soliti erant*. Septem primi, & proximi, & fortassis primi, quia è septem, & è septem quia è proximis. Nec immerito pronuntiantur est illud, Aulam scilicet Regum Persarum in septem illis primis, & proximis imaginem quandam, & umbram fuisse Aulae cælestis. Cum in sacris Litteris antiquissimum testimonium habeamus apud Tobiam, qui diu ante Reges Persarum fuit: *Ego sum vnus ex septem, qui assumus ante Dominum*. Ex quo illud obseruo ad rem præsentem non esse alienum in sacra Scriptura ex numero præsertim septenario, quem sanctus Hieronymus perfectum sacratumque nuncupat principum eorum probare, qui ex eo numero sunt: Non quod multum tribuam numero, vt antiqui quidam Philosophi fecerunt, sed ne quid detrahiam numeranti, quod omnes Ecclesiæ Patres religiosissimè coluerunt. Et sanè superiore locum

*in c. 17. Matth.*



declarare videtur textus Hebræus, qui pro *Ego sum ex septem*, habet: *Ego sum* *In c. 12, Tob. 97.*  
*ex Principibus*, omisso nomine, & numero septenarij, ut obleruat Ferrarius, quasi  
 idem sit in materia honoraria esse à septem, atque esse ex Principibus, & Primo-  
 ribus. Cum ergo in hac tertia manifestatione, ad summum, & singularem hono-  
 rem pertinuerit, vocatos esse hos septem, ut recumbere in mensa Regis, argu-  
 mentum non leue mihi est, Discipulos eo septenario numeratos ex primariis, &  
 præcipuis omninò fuisse, dignosque, qui ab Euangelista primi in Apostolorum  
 Catalogo nominarentur, cum præsertim videamus illos tres, de quibus aliunde  
 constat ex præcipuis fuisse, Petrum videlicet, Iacobum, & Ioannem, inclusos esse  
 hoc septenario, & sciamus non aliunde constare illorum trium Primatum, nisi ex  
 eo quod Christus Dominus, vel in monte, vel in valle, vel transfiguratus, vel con-  
 tristatus est ante eos.

Et quidem si rectè ratiocinabimur, omnes omnino Apostoli electi Duces po-  
 pulorum, erant Principes in Regno Christi. Quare de illis explicat ad litteram *In Psal. 67.*  
*S. Hieronymus. Principes Iuda Duces eorum.* Apostoli, inquit, sunt Principes  
 Iuda, hoc est Domini; quemadmodum dicit Iacob, Iuda te laudabunt fratres tui,  
 sed tamen inter Principes, primi, & proximi septem fuerunt; illi nimirum, qui sta-  
 tim nominantur. *Principes Zabulon, Principes Nephtali,* qui videlicet erant de *Gen. 49.*  
 Ciuitatibus Galilææ, ad sortem Zabulon, & Nephtalim pertinentibus, ut expli-  
 cat Bellarminus, sequutus, ut ipse ait Latinos Patres, Hilarium, Hieronymum,  
 Augustinum, & Græcos expositores Theodoretum, & Euthymium.

21. Iam verò si in hos Principes Galilæos inquiramus, inueniemus illos om-  
 ninò, & quos Matthæus primos in ordine numeravit, & quos Ioannes recenset in  
 hac tertia manifestatione. Quamuis enim omnes Apostoli fuerint ab Angelo dicti.  
*Viri Galilææ:* Qua nomenclatura tanquam Principes Domini salutati sunt, & ut  
 ait Chrysostomus, veluti dignitate præeminentes à loci vocabulo compellati alio  
 qui quid opus erat, addit Chrysostomus eos audire, cuius essent Patris, cum id *Act. 1.*  
 nequaquam ignorarent. Quamuis inquam omnes Apostoli dicti sint Galilæi, pro-  
 pterea quod omnes saltem educati in illa fuerunt, quemadmodum Christus ipse,  
 quia in Nazareth Galilææ est educatus, Nazarenus, atque Galilæus appellatus est:  
 Non omnes tamen fuerunt Principes Zabulon, & Nephtali, eorum enim aliqui  
 de Tribu Iuda fuerunt, ut qui appellati sunt fratres Domini. At verò quotquot in  
 hac tertia manifestatione nominati sunt, omnes ad Tribus Zabulon, & Nephta-  
 lim pertinuerunt. Et sanè de Petro, Iacobo, & Ioanne clarè constat ex Evangelio.  
 De Thoma, Authores communiter affirmant. De Nathanaele, ait expressè Evan-  
 gelista, *qui erat à Cana Galilææ.* De duobus autem reliquis innominatis, si fue-  
 runt Andreas, & Philippus, ut non leues sunt conjecturæ, apertè constat, & illos  
 fuisse contribules, & populares Petri. *Erat autem,* ait Euangelista, *Philippus à*  
*Bethsaida Ciuitate Andree, & Petri,* ex quo intulit obiter Magister Salmeron,  
 nihil officere, neque repugnare ex eadem natione, immò ex eadem patria, siue  
 etiam cognatione, plures fieri Cardinales si expediat, & Ecclesia ea ratione sit ma-  
 gis illustranda, ac decoranda, quandoquidem Summus Pontifex Christus, ex vna  
 eademque Ciuitate tres creauit Apostolos principales, seu Principes Cardinales;  
 nomen enim Cardinalis, ut ait Bellarminus, idem ferè significat, quod Principalis.  
 Quare Augustinus lib. 1. de Baptis. cap. 6. Primarios Donatistas, Cardinales Do-  
 natistas appellauit.

22. Sed quoniam Principum etiam purpuratorum incidit mentio, ut apertius adhuc aliam viam ad demonstrandam prerogatiuum horum septem Ecclesie Principum, perpendenda est illa versio, quam ex Hebræo habet S. Hieronymus, ubi enim nos legimus: Principes Iuda Ducem eorum, venit ex Hebræo, Principes Iuda in Purpura sua. Proculdubio sanctus Propheta, qui ut notat Bellarminus fuit mirificè illustratus in omnibus ad Christi Sacerdotium, & Pontificatum pertinentibus. Sicut prævidit illos Principes ita providit in purpura sua. Quid sit in purpura sua nunc aperte non disputo; hoc tantum indico. Paulum secundum, qui Pontifex creatus anno Domini 1464. omnium primus Cardinalibus vestem rubeam, siue purpuream attribuit, eo consilio illam attribuisse, ut nimirum habitum illi suum intuentes, Constantiæ, Charitatis, & Martyrii perpetuo admonerentur. Ut sicut Christus in Passione, & Cruce purpuram induit sanguineque suo purpuravit, tam se ipsum, quam Ecclesiam, ita & ipsi pro Christo, & Ecclesia pioque eius fide, & gloria stent fortissima propugnacula usque ad mortem. atque pro ea si res poscat, sanguinem fundant, & Martyrium lubeant. In quo quidem Paulus, vestigiis institit Innocentij quarti, qui ducentis ferme annis ante, in reuerentiam Apostolici muneris, & numeri, creatis duodecim Cardinalibus, primus eidem galerum purpureum assignavit, ut illi usque ad sanguinem, & mortem Friderico Imperatori hosti Ecclesie se se una secum objicerent, eique caput suum, quasi Arcem opponerent.

Quod si hoc opus sub honorifica Cardinalis fouetur purpura; verè qui Cardinalatum desiderat, bonum opus desiderat. Vide, ait Beatus Petrus Damiani, quid dicit Apostolus. Quid desiderandum obtendit, non bonam dignitatem, non bonum honorem, sed bonum opus desiderat; ac si dicat, qui ad Episcopatum anhelat possidendum sine bono opere, inane vult nomen induere sine rei ipsius veritate. Non ergo constat Cardinalatus (agit B. Damiani de Episcopis Cardinalibus) non ergo constat in turritis Gebellinorum, transmarinarumque Ferarum pileis, non in flammantibus Martorum submentalibus rosis, non in Bractearum circumfluentium phaleris, non denique in glomeratis conspantium militum cuneis neque in frementibus, ac spumantia fræna mandentibus equis, sed in Sanctarum exercitatione virtutum, & præcipuè ardentissimæ charitatis, qua velint, & cupiant pro Christo mortem oppetere, & sanguinem totum profundere.

23. Tales sine dubio fuerunt omnes Apostoli primi Christi Summi Pontificis Cardinales, quos nimirum, ut ait Tertullianus, latere adlegit suo, & fecit, ut essent duodecim cum illo; qua ratione Leo nonus in Epistola ad Michaellem dicit, Cle-  
ricos Romanæ Ecclesie, Cardinales vocari, quod Summo Pontifici proximè ad-  
hæreant, qui est veluti cardo totius Ecclesie.

24. Et quamvis de Cardinalium numero non ignorem, quid in sua Constitu-  
tione meminerit Ioannes Papa octauus, Romanum quidem Pontificem Moyses,  
ipso verò S. R. E. Cardinales, septuaginta Seniorum vices gerere, qui sub eo  
causarum indicia dijudicarent.

Tamen si antiquiora tempora repetamus, inueniemus, septem tantum numero  
fuisse primos S. R. E. Cardinales, qui septem illos Seraphinos repræsentarent,

quos Clemens Alexandrinus septem primogenitos Angelorum Principes appellat,  
in circuitu Divini Throni assistentes, & quidem in sua purpura, nam quod instar  
Cælestis

*Quare & quā-  
do fuit data  
Cardinalibus  
vestis rubra.*

*Lib. 2. ep. 1.*

*l. 1. c. 2. de Pra-  
scrip.  
Marc. 3.*

*De numero  
Cardinalium.*

*Baron. ad ann.  
312.*

*l. 6.*

*Agg. 1. c. 2.*

Cœlestis illius præstantissimæ Hierarchiæ Ecclesiasticæ pariter sit composita docet S. Ignatius Epistola ad Trallianos. In posterioribus autem Sæculis reperimus Lateranensem Ecclesiam, quæ, ut dicit P. Damiani, sicut Saluatoris insignita est Vocabulo, qui nimirum Caput est omnium Electorum, ita mater, & quidam Apex, & vertex est omnium per orbem Ecclesiarum. Reperimus, inquam hanc primam Ecclesiam septem habuisse Episcopos Cardinales, dictos etiam Collaterales, illos scilicet, qui proximis urbi habentes Episcopatus, assistunt Pontifici, eidem S. R. E. annexi cardini, ad quos Petrus Damiani creatus, & ipse Episcopus Cardinalis Ostiensis luculentam scripsit Epistolam, cui Titulum fecit, Venerabilibus in Christo sanctis Episcopis Lateranensis Ecclesiæ Cardinalibus; & quoniam posteriora tempora Ecclesiæ repræsentant priora, & Episcopi posteriores repræsentant primos Episcopos, hoc est Apostolos, quorum sunt successores. Consideranti mihi, quosnam ex Apostolis repræsentent septem præcipui Episcopi, qui dicuntur Episcopi Cardinales; visum est ab illis repræsentari septem Apostolos, quos in hac terra manifestatio recenset Evangelista. *Erant simul Simon Petrus, & Thomas, qui dicitur Didymus, & Nathanael, qui erat à Cana Galilææ, & filij Zebedei, & alij ex discipulis eius duo.* Vnde illud cognoscere liceat, quod sicut hi septem Episcopi sunt præcipui Episcoporum, ita hi septem Apostoli sunt præcipui Apostolorum. Sed qua ratione ostendimus illos præcipuè ab his septem præcipuis repræsentari? ostendo hac ratione. Quia Christus ut Pontifex ad functionem Pontificiam omnium celeberrimam, hos tantum Collaterales adlegit. Etenim antequam Christus se visibiliter à suis, ad Cœlos ascendens abstraheret, volens nunc Vicarium in terris relinquere, qui vices ipsius, in administratione, & gubernatione Ecclesiæ successuè vnus post alium perpetuo gerat, voluit ipse per se, & immediatè primum eligere, & constituere, & ad eum potissimum finem, plures, & honoratiores è discipulis (sic loquitur Cornelius) congregari voluit, ut coram iis, quasi primariis, suum in terris Vicarium declararet, quem proinde ut talem cæteri Apostoli, & Fideles agnoscerent, & colerent: hinc ille.

Baron. ad an.  
Christi 760.

25. Atque hanc quidem enarrationem tanti fecit Ioannes Evangelista, ut cum veluti finem Euangelio suo fecisset illis verbis: *Multa quidem, & alia signa fecit Iesus in conspectu discipulorum suorum, quæ non sunt scripta in libro hoc; hæc autem scripta sunt, ut credatis, quia Iesus est Christus Filius Dei, & ut credentes vitam habeatis in nomine ipsius.* Cum inquam Euangelium propè dixerim conclusisset, voluit adhuc novum hoc, & vltimum scribere de Ecclesia, deque electione Vicarii visibilis, & huius rei occasione, ait Toletus, hanc tertiam manifestationem enarrat, non ut Resurrectionis veritatem confirmet, quam in fine præcedentis capitis, & libri, satis esse confirmatam dixit. Quare illum tanquam finem interposuit libri ait August. Tract. 122. quod esset etiam sequuturus narrationis quasi præmium, quod ei quodammodo faceret eminentiorem locum. Ergo post mirabilem illam Piscationem per manus septem præcipuorum Piscatorum factam, quibus, ut ait Cyrillus quando ad Apostolatam eos vocavit Dominus: Venite, inquit, post me, & faciam vos fieri Piscatores hominum, post illam, inquam, piscationem, in qua ut ait S. Hieronymus. Omnia quæ sunt in Mari piscium genera capta sunt ab Apostolis, & nihil remansit incaptum, dum, & nobiles, & ignobiles, divites, & pauperes, & omne genus hominum, de Mari huius sæculi extrahitur ad salutem. Quod

L. 12. c. 6.

In c. 47. Exe.

tunc ( quod addo ex Cyrillo ) ex ea captura quasi à signo quodam cito futurum Dominus significauit.

26. Post Conuiuium item peractum, quod ad consequuturam functionem totum ordinatum videbatur iuxta consuetudinem Domini in rebus magnis, vt quando Eucharistiam fuerat instituturus. *Cum ergo prandissent*, ait Euangelista, *Cum ergo*. Obserua illationem; tunc constituto ante se electo Discipulo ordinando, quem scilicet vt loquitur S. Ambrosius, eleuandus in Cælum Iesus, amoris sui Vicarium relinquebat, admissis Collateralibus sex, quos in nocte Passionis, Sacerdotes iam instituerat, & Vespere Resurrectionis, secundum communem Theologorum sententiam Episcopos ordinauerat: Exorsus est magnū illud examen, quod Pastoralis officio in iungendo, præmittendum necessarium erat. Simon Ioannis diligis me plus his? Hic ad rem nostram illud obseruo. Voluisse Christum in institutione primi Vicarij sui interesse sex quasi assessores, qui electorum Pontificis formam adumbrarent, ideo illorum præsentia significauit. *Diligis me plus his?* His vtique, qui hic adsunt, ad hoc quod agimus vocati, & congregati. Atque hinc emanasse puto, quod factum deinceps in Ecclesia est. Vt in electione Pontificis sex adessent Episcopi Cardinales, qui vt Episcopi eligunt Pontificem; ex reliquis enim Cardinalibus nemo Elector est, vt Episcopus, sed vel vt Presbyter, vel vt Diaconus. Quare Bellarminus explicans quia ratione nomen Cardinalis primo impositum sit loco, & à loco deriuatum ad personas, sic etiam, ait, dicti sunt Episcopatus Cardinales, & inde Episcopi Cardinales sex illi, qui ad eligendum Pontificem conueniebant. Et in præsentia quoque conueniunt.

*l. 1. de Cleric.  
c. 16.*

27. Ex quo rationem etiam aliquam reddam, quonam tandem Myſterio factum sit, vt qui antea præter Summum Pontificem Romanum, numerabantur septem Episcopi principales, seu Cardinales, iam non recensentur nisi sex, qui numerus, ait Panuius, post Innocentij secundi Papæ tempora ante quadringentesimum ab hinc annum stabilitus vsque ad nostra tempora perdurauit, vt non essent; inquit, plures, quàm sex Episcopi Cardinales viuentes. Myſterium petendum est ex præcipuo munere Episcoporum Cardinalium quod est interesse tanquam præcipuos totius Ecclesiæ Patres, electioni Summi Pontificis, & quia Patres Patrum, qui primæ electioni primi Christi Vicarij interfuerunt numerati sunt tantum sex, congruum planè fuit, vt primus hic Collateralium Episcoporum numerus teneretur. Cæterum sicut tunc Christus, qui est verus Primarius, & vnicus Episcopus principalis totius Ecclesiæ complebat, vt primus Episcopus septenarius numerus Episcoporum faciens vnum cum suo Vicario, ita etiam nunc defuncto eius Vicario Episcopo, qui est visibilis Episcopus Romanus, & primus Episcoporum primi huius sacri Septenarij redit ipse per se inuisibiliter ad creationem noui Vicarij, & primus inuisibilis inter sex visibiles Collaterales eodem modo immediatè confert potestatem, & Clauis Regni Cælorum. Iam verò vt rem nostram concludamus, cum in Ecclesia præsentia sex Episcopi Cardinales supremum gradum obtineant sub Episcopo Maximo Romano, quasi primorum Collateralium Successores, dicendum est sex primos illos Collaterales fuisse inter alios Christi Discipulos præcipuos, & principales; atque adeo ex notione nominis Cardinales. Et sanè conuenientissimum erat, vt ad actionem

Ecclesiasticam omnium maximam, in qua à Summo Pontifice Christo tradendæ erant primo Vicario suo Claues Regni Cælorum, allumerentur primarij Sacerdotes, tanquam publici testes, & quasi exemplar, & forma posteriorum Electorum. Vnde tandem apparet Beatum Nathanaelem inclusum à Christo in hoc sacro Senario non excludi à numero duodenario. Si enim ille vnus è duodecim non erat, profecto neque Episcopus erat, immò neque Sacerdos erat, immò merè laicus erat, nam eo tempore totus Christianus Clerus in solis Apostolis à Christo immediatè ordinatis positus erat, & merè laicum inter primos, & summos Sacerdotes congregari. Ante Iacobum, ante Ioannem nominari, ad Pontificalem functionem admitti, & quasi incorporari, nec iustum, nec decens esse videbatur.

27. Sed quoniam ex forma, quam tradidit Christus Claues Vicario suo, potest aliquod argumentum sumi pro Beati Nathanaelis Apostolatu, non omitcam, & hoc etiam indicare. Forma traditionis Clauium, hoc est supremæ potestatis Ecclesiasticæ fuit illa. *Pasce oues meas.* Hoc enim verbo, seu præcepto, *Pasce,* Primam S. Petri. institutus fuit à Christo Ecclesiasticus Principatus, vt docent omnes Catholici: significatur enim per actum, qui non est tantum præbere pabulum, sed etiam ducere, reducere, tueri, præesse, regere, castigare; significatur inquam per actum hunc pastorem vniuersalem, potestas ipsa, vnde actus ille procedit. Porro Christus in institutione Pastoris, totum suum Gregem voluit septem ouibus representari. *Erant simul Simon Petrus, & Thomas, qui dicitur Didymus, & Nathanael, qui erat à Cana Galilee, & filij Zebedai, & alij ex Discipulis eius duo.* Dixi, ouibus, potius quam agnis quia agni in ouibus tanquam filij in matribus continentur. Dixi septem, quia septenarius numerus in sacra Scriptura est numerus vniuersitatis; vnde per septem dies currentes, & recurrentes, ait Augustinus, tempora vniuersa voluuntur. Sed sicut Deus è septem primis diebus vnam sibi segregauit, & assumpsit, & è septem primis Patriarchis vnum sibi eleuauit, & non comparuit, quia tulit eum Dominus. Ita ex septem rationalibus ouibus assumpsit vnam, & totius Gregis constituit Pastorem. Itaque totus Grex sub Pastore à senario ouium numero comprehensus est. Cuius numeri perfectionem ait S. Augustinus, nobis sacra Scriptura commendat, in eo maxime, quod Deus sex diebus perfecit opera sua, & sexto die factus est homo ad imaginem Dei, & sexta ætate generis humani, Filius Dei venit, & factus est filius hominis, vt nos reformaret ad imaginem Dei. Ad commendationem autem huius numeri representantis perfectè vniuersam Gregem, addam, quod dixit August. lib. 4. super Genes. cap. 7. Non dicimus senarium numerum propterea esse perfectum, quia sex diebus perfecit Deus opera sua, sed propterea Deum sex diebus perfecisse opera sua, quia senarius numerus perfectus est. Itaque etiam si ista non essent, perfectus ille esset, nisi autem ille perfectus esset, ista secundum eum perfecta non fierent. Ex quo inferri posse videtur, quod sicut ad Sapientiam Creatoris pertinuit omnia creationis opera. Senario dierum numero comprehendere, ita ad eandem pertinuit vniuersum Ecclesiæ Gregem tradendum Petro senario ouium numero præsentare, merito ergo senarium illud fuit, & vt dicebamus, non Agnorum, hoc est filiorum, sed ouium, hoc est parentum, nec parentum vtrumque sed primorum totius Ecclesiæ Gregis. Et quia ouium nomen, primæ



*Serm. de Nati-  
uit. Ioan. Bapt.*

*Ambr. in c. ult.  
Luc.*

*Beil. l. i. c. 16.*

*ἀγρία.*

*αὐθιγία.*

*πῦρ αἰῶνα.*

Gregis matres significabantur; hinc inferunt Doctores, non solum fideles reliquos sed ipsos Apostolos subiectos esse, regendos, & pascendos Petro. Vide, ait Eusebius Emisenus, primum Agnos, deinde oues commisit, quia non solum Pastorem, sed Pastorum Pastorem esse constituit. Pascit igitur Petrus Agnos, pascit, & oues; pascit filios, pascit & matres, tegit, & subditos, & Prælatos, omnium igitur Pastor est quia præter Agnos, & oues in Ecclesia nihil est. Atque hic obseruare vltcrius licet ex Ambrosio, quem sequitur Bellarminus, quod quamuis Christus bis dixerit: pascite Agnos meos, illa tamen vox Agnus, non plane idem vtrobiq; significat ex Græco. Sed primo loco significat Agnum, secundo verò loco ouiculam, hoc est paruam ouem, minorem perfectis ouibus, & maiorem Agno, quo, Christus duos Agnorum ordines designauit. Primum eorum, qui nullam habent curam Pastoraleni, quique solum filij sunt, non parentes, vt est simplex populus Christianus. Alterum eorum, qui sic parentes sunt populorum, vt sint filij Episcoporum quales sunt Sacerdotes minores, hoc est Presbyteri, sed præter hunc duplicem veluti ordinem, est tertius, maximus & supremus maiorum Sacerdotum, hoc est Episcoporum, qui, & Agnis, & ouiculis præsent, & soli possunt ordinare presbyteros, & eo modo generare Patres Ecclesiæ, vt ait Epiphanius, cum Presbyteri non possint ordinare, sed baptizare: & eo modo filios Ecclesiæ generare. Et hic tertius, & summus gradus, voce ouium significatur, & quia Christus hunc etiam gradum subiciebat Petro. Ideo mensura amoris per trinam interrogationem, & confessionem ad summum producta, iam non Agnos vt primo, ( verbis vtar Ambrosij ) nec ouiculas vt secundo, sed oues pascere iubetur, & quia ouium primæ, & cæterarum omnium Parentes fuerunt Apostoli. Ideo dixit sanctus Leo Sermone de Annuiuersario assumptionis sue, Petrum per illud: Pascite oues meas, fuisse præpositum omnibus Gentibus, omnibus Patribus, & omnibus Apostolis: ipsi enim fuerunt primæ oues, primæ matres, & primi Patres, immò qui absolutè Ecclesiæ dicuntur Patres. Quare sanctus Hieronymus explicans illum propheticum locum Psal. 44. *Pro patribus tuis nati sunt tibi filij.* Fuerunt, inquit, o Ecclesia Apostoli Patres tui, quia ipsi te genuerunt, nunc autem quia illi recesserunt à Mundo, habes pro his Episcopos filios. Eodem ferè modo eundem explicat locum Augustinus: pro Patribus inquit, idest Apostolis, nati sunt filij, idest fideles multi, quos Deus constituit Episcopos, & eo modo Principes super omnem terram.

*Apostoli abs-  
olutè Patres.*

28. Vides Apostolos dici, & fuisse absolutè Patres ea prærogatiua, qua & ipsi soli fuerunt Principes constituti super vniuersam terram, & in eodem sensu primos, & vniuersales fuisse, omnium, & ouium, & ouicularum, & Agnorum matres. Quamuis enim Episcopi sint oues, & dicantur succedere Apostolis, tum ratione Ordinis sacri Episcopalis, tum per illam similitudinem, & proportionem, quod sicut Christo in terris viuente, primi sub Christo erant Apostoli, ita nunc primi sub Romano Pontifice sunt Episcopi. Quamuis, inquam singuli Episcopi sint oues, & matres, non sunt tamen oues vniuersales, & ideo vt rectè Bellarminus, non habent partem veræ Apostolicæ auctoritatis, neque enim singuli possunt in toto terrarum orbe prædicare, & fundare Ecclesias, & alia plurima facere, quod Apostoli singuli potuerunt, quia habebant Iurisdictionem in totam Ecclesiam, & super vniuersam terram. Ideo soli Apostoli fuerunt oues vniuersales,

*l. 4 de Rom.  
Pont. c. 23.*

& sicut tales fuerunt in vniuersali Iurisdictione, ita quoque in vniuersali totius Christiani Gregis representatione. Cum ergo inter eius generis præstantiæ, & vniuersalitatis oues numeratus, & nominatus quoque sit Beatus Nathanael, ouis, inquam, illa Israel in qua dolus non erat, & assumptus in Senario sit ad representationem perfectam, & vniuersalem Gregis Christi, fatendum omnino est, eadem, qua cæteri, Apostolatus prærogatiua insignitum fuisse.

29. Quod si quis curiosius vrgeat, cur Christus in dimidiato potius numero Apostolorum, quàm in integro voluit totum Gregem, Petro committendum representari: Cum præsertim sciamus eum, quem aliquando pusillum Gregem appellauit, non minus ouibus duodecim constare voluisse. Afferam responsonem ex doctrina sancti Thomæ in cap. 10. Matth. vbi conatus reddere rationem, quare conuocauerit duodecim, ad signandum, inquit, perfectionem, quia duodecim consistit ex duplicate Senarij, Senarius enim perfectus est numerus, quia ex omnibus partibus aliquotis, consurgit enim per vnum, duo, & tria, & istæ partes simul iunctæ sunt sex; vnde tot vocauit ad signandum perfectionem supra. Estote perfecti sicut & Pater vester perfectus est. Hæc sanctus Thomas. Ex quo sic liceat ratiocinari. Debebat in institutione Pastoris totus Grex in numero perfecto representari, sed hoc fieri non poterat in numero constante ex duplicitate Senarij, quia secundum Senarium ex casu Iudæ solum, instauratum adhuc in Martha non erat. Ergo fieri debuit in numero consistente in simplicitate Senarij, quod factum est ex præcipuis discipulis, vt patet ex enumeratione vtriusque Senarij apud Matthæum cap. 10. apud S. Augustinum Serm. 2. in Dominica Palmæ, & apud Nicephorum l. 2. cap. 44. Verum vt manifestius fiat huiusmodi Senarium ex illis tantum ouibus fuisse, quæ fuerant ex duodenario. Non omitam, & illud obseruare, nimirum oues hoc loco nominatas ex illis fuisse, quibus loquutus est Pastor in nocte Cœnæ: *præcedam vos in Galilaam*; sed recipiemus omnia verba textus. *Vespere autem facto*, ait Euangelista, *discumbebat cum discipulis suis*. Ecce Pastor cum ouibus suis; Ego pascam oues meas, & ego eas accubare faciam, Ezech. 34. Erant quippe Apostoli peculiari modo oues eius sic de illis interpretatur strictius sanctus Thomas illud: Et oues pascuæ eius, seu vt est in Psalm. 94. Et oues manus eius, nam verè Apostoli fuerunt oues manus eius, ipse eas suis manibus fecit, ipse suis manibus rexit, ipse suis manibus paut, neque enim, nisi ipsis discumbentibus fregit, deditque in pascua totum corpus suum, dicens: Accipite, & manducate. Et hymno dicto pergit Euangelista: Exierunt in Montem Oliueti, tunc dicit illis Iesus: Omnes vos scandalum patiemini in me in ista nocte, scriptum est enim, percutiam Pastorem, & dispergentur oves Gregis, postquam autem resurrexero præcedam vos in Galilaam, quibus postremis verbis Discipulorum animos misericè confortauit, ita enim pusilli sui Gregis oues dispergendas prædixit, vt prædixerit etiam sub rediuiuo mox Pastore, iterum congregandas; ideo, quod acutè obseruauit S. Thomas contra illud, quod dixerat, dispergentur oues, In c. 26. Matth. addidit, postquam resurrexero præcedam vos in Galilaam; oues enim ait S. Thomas, sequuntur Pastorem, vnde Pastor congregat vocando eas nominatim, ideo dicit præcedam. Nec solum dixit præcedam, sed locum congregationis libera, sequeque procul à Iudæa, vbi persecutio erat; præcedam, inquit, vos in Galilaam. Sed quæro, quando incæpit hæc tam amantis Pastoris promissio adimpleri

Matth. 5.

Matth. 26.  
v. 20.

In c. 26. Matth.

perfecto neque alibi, neque antea, quàm iuxta Mare Tyberiadis essent simul Simon Petrus, & Thomas, qui dicitur Didymus, & Nathanael, qui erat à Cana Galilææ, & filij Zebedæi, & alij ex Discipulis eius duo. Hoc autem probò ex triplici capite. Primo, quia ut ait sanctus Thomas, ideo Evangelista signavit locum huius tertie manifestationis, ad Mare Tyberiadis, quod est Mare Galilææ, ut ostenderet, inquit, completam esse promissionem factam discipulis: præcedam vos in Galilæam. Secundo quia manifestatio his discipulis facta est ordine tertia: Hoc iam tertio, ait Evangelista manifestatus est Iesus Discipulis suis cum resurrexisset a mortuis, sed duæ priores manifestationes fuerunt in Hierusalem, atque adeo in Iudæa, ut docet S. Augustinus. Ergo omnium prima manifestatio facta discipulis in Galilæa, fuit hæc, alioquin non esset ordine tertia. Denique quia in hac manifestatione exercetur à Christo præcipuus, & primarius actus Pastoralis circa Gregem suum, qui positus fuit in institutione ipsa Pastoris. Ex quibus pro Apostolatu Beati Nathanaelis argumentor hoc modo. Oves, quæ ad Mare Tyberiadis erant simul, & quibus Pastor primo in Galilæa est manifestatus, ex illis ouibus erant quibus in nocte Cænæ de hoc ipso est facta prædictio, & promissio, ut explicauimus; sed oues illæ, quibus in nocte Cænæ facta est prædictio, & promissio, non alij esse potuerunt nisi Apostoli, ut constat ex Evangelistis. Ergo oues, quæ ad Mare Tyberiadis erant simul, fuerunt Apostoli, sed tertio ex illis ouibus ordine enumerationis, erat Beatus Nathanael. Ergo Beatus Nathanael fuit Apostolus.

Ioan. 21.

I. 3. de Conf.  
Euang. c. 35.

## CAPVT XIII.

### *Quanta sit autoritas opinionis de B. Nathanaele Apostolo Bartholomæo.*

I.  
Quando incē-  
pit hac sensen-  
tia & quis au-  
thor? quanta-  
que auctorita-  
tis.

**M**IRABAR mecum ipse, quid esset, quod nemo ex antiquioribus illis, primisque Patribus, qui ferè Apostolorum tempora attigerunt, neque ex posterioribus, qui ante millesimum in Ecclesia floruerunt, nemo, inquam, quod sciam Beati Nathanaelis Bartholomæi meminisset. Primus, qui hanc opinionem inuexit, fuit Rupertus, qui teste Bellarmino, vixit tempore Paschalis secundi Pontificis, & Henrici quarti, dicti quinti Imperatoris circa annum Domini millesimum centesimum vndecimum, & quidem quod antiquissimi Patres nullam de illo fecerint mentionem, probabilis fortasse causa fuit Evangelistarum exemplum, qui nunquam hæc duo nomina, tanquam vnius eiusdemque personæ coniunxerunt. Sed quæcumque illa tandem fuerit, est planè mirandum, quomodo post tam longum tempus emerfit hæc opinio. Ac mihi quidem seriò super hac re cogitanti illud veniebat in mentem. Si Rupertus hanc sententiam à nomine accepit, profecto eum non omninò humanitè, sed cœlesti aliquo radio diuinitus affulgente concepit; Quomodo enim nulla diuinitus luce suborta post vndecim Sæculorum tenebras, in eam primo deueniat cogitationem, & mentem, ut Nathanaelem putes Bartholomæum? Hanc animi mei suspensionem, confirmauit vehementer, quod

apud Antonium Posseuinum legi. Recitabo verba. Rupertus, inquit, à iuuentute sua Monasterium Ordinis Benedicti Congregationis Cluniacensis ingressus, cum in studiis Litterarum vix aliquid proficeret, memoria verò non valeret, precibus apud Beatisimam Virginem Dei Matrem institit, vt sibi ab eius filio Scripturarum intelligentiam impetraret; cui Mater ipsa gratiosa apparuisse scribitur, & retulisse, preces eius exauditas fuisse, eique post hæc tantum scientiæ lumen in partitum itri, vt nullus eius ætatis, doctrina erari possit. Hæc ibi. Congruit autem huiusmodi narratio testimonio Trichenij, qui Rupertum appellat. Virum in Diuinis Scripturis, Spiritu Sancto per visionem illustrante, doctissimum; Fieri ergo facile potuit, vt quod primis autoribus diuinitus datum non raro est, id in gloriam tam illustri Apostoli, Ruperto concederetur, vt nimirum ipse primus celestis quodam afflatu in eam Sententiam iret. Sed quoniam non defuerunt, qui dicerent Rupertum non solum eam sententiam non inuexisse, sed nec sequutum quidem fuisse, operæ pretium esse existimaui ipsissimi Autoris verba transcribere, vt non tantum constet de mente, sed aliqua etiam confirmatio de eius collustratione habeatur. Stylus enim ipse, & forma dicendi videtur sapere propheticum quid. Ergo libro primo Commentariorum in Ioannem postquam Nathanaelis confessionem retulisset. *Loco presentis, inquit, subsistit, & tenetur animus amator fidei circumspiciens, & scire ardere, quo post tam sonoram confessionem Filij Dei, dilectum iste Nathanael deuenerit. Nusquam enim compareret; neque in hoc Euangelista, neque in aliquo caterorum, nisi quod post Dominicam Resurrectionem, hic idem Ioannes Euangelista eiusdem hoc modo facit mentionem: Erant simul Simon Petrus, & Thomas, qui dicitur Didymus, & Nathanael, qui erat à Cana Galilææ, & duo filij Zebedæ; & alij ex Discipulis eius duo. Et quis non optaret, vt lucerna tante claritatis, nequaquam sub modo lateret, sed supra Candelabrum poneretur, & omnibus, qui in domo Ecclesiæ sunt luceret? Quis ergo non cuperet, vt tantum Confessor Filij Dei, computaretur inter magnos Apostolos Christi? Quid enim amplius Petrus confessus est, qui non solum Apostolatū, sed, & præ cæteris Clauis meruit Regni Cælorum? Querimus ergo ubi nam iste Deo amabilis Nathanael delituerit, quia in cunctis Euangelistarum diuersariis nusquam vlla vestigia parent nominis. Rursus autem aspicientes ad duodecim Sedes, & sedentes, in illis videmus Bartholomæum, Philippo, per quem Nathanael iste vocatus, & vbiq; coherentem, quem ignoramus quando vocatus sit, sicut nescimus, Nathanael postquam vocatus est, quo deuenerit. Et sicut hic Euangelista Ioannes, qui de Nathanaele scripsit, sparsim cunctos nominans Apostolos, de Bartholomæi nomine omnino tacuit, sic è contra ceteri Euangelista, qui vbiq; Bartholomæum Philippo coniungunt, de nomine Nathanael omnino tacuerunt. Constat verò quia Bartholomæus non Hebræicum, sed Syrum nomen est, quod Latine dicitur filius suspendentis aquas, Nathanael autem Hebræicum, & interpretatur donum Dei, fortassis ergo hic ipse Nathanael, qui erat à Cana Galilææ Bartholomæus est, quod interpretatur filius suspendentis aquas, quia tertia die cum nuptiæ fierent in illo vico suo Cana Galilææ. Forte per occasionem eius Dominus imitatus ad Nuptias, aquas in vinum conuerterens in admirationem omnium illas suspenderat.*

Hæcenus Rupertus verba, quæ Autoris mentem satis offendunt, vt mirari non desinam, quia ratione dicere potuerit Maldonatus Rupertum probabilius putare *In c. 2. Ioan.*

Nathanaelem Apostolum non fuisse. Vtitur ille quidem, quod planè pertinebat ad modestiam, in sententia ad illud vsque tempus, aut parum, aut nihil audita, vtitur, inquam verbo illo; *fortassis ergo*; sed hoc eodem loquendi modo, vsi sunt passim Patres in propriis sententiis primo proponendis, & intimandis, & passim vtitur Aristoteles, quod aduertere facile potuisset Maldonatus, quemadmodum, & ante illum non pauci, & post illum etiam plures aduerterunt, qui propterea pro hac sententia Rupertum non solum citant sed laudant Autorem.

Quod verò ad auctoritatem pertinet huius doctoris, noui in illius operibus errorem aliquem inueniri in materia de Eucharistia, quæ videtur esse causa, ait Belarminus, cur opera Ruperti iacuerint annis circiter quadringentis; cæterum in Sanctissimis Patribus, qui plurima cœlitus acceperunt, nonnulla huiusmodi reperies ab illis edita ante apertas Ecclesiæ definitiones, atque inter illos Patres numeratum reperio Rupertum nostrum qui vt verbis Trichemij vtat, non solum multa claruit doctrina, sed multa etiam sanctitate, & miraculis coruscavit.

## II.

*Nathanaelem  
Bartholomæum  
varij auctores  
confirmant.*

Porro opinio de Nathanaele Bartholomæo, etiam post Rupertum natum, tamdiu iacuit quandiu opera sine luce delituerunt; vbi autem hæc cœperunt lucem aspicere, quod ingenti planè Christianæ Reipublicæ bono, superiore sæculo factum est, mirum quanta consensione Sapientissimi homines, qui eo sæculo floruerunt, illam quantumuis nouam, & vnus tantum Ruperti sultam auctoritate exceperunt, aliquot ex illustrioribus nominabo.

Benedictus Arias Montanus Hispanensis, is, qui Sacrorum Bibliorum, quæ vocantur Regia, editioni præfuit, quæ, & quinque linguis Hebræicæ, Chaldaicæ, Græcæ, Syriacæ, & Latine octo tomis comprehensa, edi curauit, in suis elucidationibus in quatuor Euangelia complexus est, hanc sententiam tanta animi adhesionem, vt nunquam Apostolum nostrum, aliter quàm Nathanaelem Bartholomæum appelleret. Vide in cap. 10. Matthæi 3. Marci. 6. Lucæ. 1. Ioannis.

Onuphrius Panuinijs Veronensis Ordinis S. Augustini, qui Ecclesiasticam Historiam omnem indefesso planè labore peruoluit in suo Chronico Ecclesiastico, quod suorum operum postremum, & absolutissimum fuit, Nathanaelem Bartholomæum, tanquam rem, quæ extra omnem controuersiam, ponenda à posteris esset, consignauit ad annum Christi 73.

Cornelius Ianfenius Episcopus Gandauensis, vir interpretandi soliditate inter recentiores nulli secundus in Commentariis in suam concordiam Euangelicam cap. 17. & rursus cap. 39. eandem Ruperti laudauit sententiam, & confirmauit.

Guilielmus Estius Duacensis Academiae Cancellarius, magni vir ingenij, ac paribus pietatis, & eruditionis dotibus ornatus, in opere Annotationum, quas scripsit in præcipua, ac difficiliora Sacræ Scripturæ loca, explicans caput vltimum Euangelij secundum Ioannem, hanc sententiam erudirè tuetur, & affirmat.

Bartholomæus Gavanus Congregationis S. Pauli, sub finem operis, quod Theſaurus Sacrorum Rituum inscribitur, suis plenè, & præse vnuerſam hanc controuersiam pro Ruperti sententia definit, eamque triplici Axiomate comprehendit.

Citantur pro hac Ruperti sententia quidam alij, qui adhuc ad meas manus non peruenierunt. Interim Doctores aliquot addam nostræ Societatis.

Alphonſus Salmeron Toletanus, qui obiit anno à Christo nato 1505. Vir sacris literis



litteris innutritus, in iisque solidè, doctèque ad senectutem vsque versatus, tom. 4. Commentariorum in Euangelicam Historiam, tractatu decimo octauo, ostendit septem rationibus, & conjecturis Beatum Nathanaelem Apostolum fuisse, ipsumque Bartholomæum, quam sententiam confirmat iterum tomo decimo tract. 20.

Ioannes Oforius Hispanus, nobilis Concionator, qui obiit anno salutis 1594. Suarum Concionum tomo tertio, iisdem Ruperti verbis Nathanaelem Bartholomæum proficitur.

Nicolaus Serarius Lotharingus, qui obiit anno salutis 1609. Vir omnigenæ litteraturæ, quem Cardinalis Baronius tom. 12. ann. ad annum Christi 1126. Lucis Iubar Ecclesiæ Germanicæ dicere non dubitauit, tomo primo, Opusculo de Apostolis, eandem laudat, sequiturque Sententiam.

Cornelius Cornelij à Lapide Belga celebris in Collegio Romano, sacrorum Litterarum Interpres, qui post copiosos, & eruditos Commentarios in vniuersam ferè sacram Scripturam, plurium annorum studio elucubratos, septuagenario maior sæliciter obiit in Collegio Romano, salutis anno 1637. die 12. Martij, cuius beatissimæ morti ego affui, & magnæ illius sanctimonix testis fui, cum hac ipsa quoque sententia decessit, quam testatam reliquit tomo secundo super Euangelia in caput primum S. Ioannis.

Io. Stephanus Menochius Italus, dum hæc scribimus adhuc superftet, laudandus post mortem, parte prima libro 2. cap. 6. Vitæ Iesu Christi, Salmeronis pro hac sententia rationes affert, & probat.

## CAPVT XIV.

*Expenditur Sententia Augustini de Apostolatu Nathanaelis.*

NEMO fortasse est inter Patres, qui de Beato Nathanaele magnificè magis, aut sentiat, aut loquatur, quàm Augustinus. Consulamus tractatum septimum in Euangelium sancti Ioannis. Admiratur ibi primò S. Doctor magnitudinem Diuini testimonij, *audi*, inquit *Dominum Nathanaeli testimonium perhibentem. Et vidit Iesus Nathanaelem venientem ad se, & dicit de eo: Ecce verè Israëlita, in quo dolus non est. Magnum testimonium hoc, nec Andrea dictum, nec Petro dictum, nec Philippo, quod dictum est de Nathanaele, quid ergo facimus fratres, deberet iste, primus esse in Apostolis.* Vides quàm altè sentit Augustinus. Extollit ibi secundo magnitudinem fidei, & confessionis illius, *nam talem*, inquit, *vocem protulit: Tu es Filius Dei, tu es Rex Israël, qualem tanto post Petrus, quando ei Dominus ait: Beatus es Simon Barjona, quia non tibi reuelauit caro, & sanguis, sed Pater meus, qui est in Cælo, & ibi nominauit Petrum, & laudauit firmamentum Ecclesiæ in ista fide.* Vbi vides Augustinum comparare fidem Nathanaelis, eandemque facere cum illa, in qua laudauit Christus firmamentum Ecclesiæ, vnde meritò videtur Augustinus in eadem sententia fuisse de Nathanaele, in qua perhibetur Origenes fuisse de Bartholomæo, se scilicet non posse asserere quod Beatus Petrus illum sanctitate præcelluerit.

I.  
*Quid senserit  
Augustinus de  
Nathanaeli  
Apostolatu.*

Sed quamvis Augustinus de Nathanaele ita senserit, tamen quia vidit illum (quod sub hoc nomine Nathanaelis est certum) in Catalogo non esse Apostolorum, adiecit animum ad causam inuestigandam; cur, inquit ipse, non solum primus, sed nec medius, nec ultimus inter duodecim Nathanael inuenitur, cui tantum testimonium perhibuit Filius Dei? Cumque de hoc testimonio, atque adeo de personæ excellentia nihil detrachere liceret, amplexus est sanctus Doctor communem, quæ de Nathanaele fuit, opinionem, quod nimirum fuerit in lege doctissimus, atque hoc modo ratiocinatus est.

Nullus doctus primo in Apostolum adlectus est; sed Nathanael vir fuit doctus. Non est ergo mirandum si in Apostolum adlectus non est. Et quidem quod nullus doctus primo electus est, probat sanctus Doctor, tum autoritate Pauli Epist. 1. ad Corinth. cap. 1. tum ratione ducta ab artificio Diuinæ Sapientiæ. Quod vero Nathanael fuerit vir doctus, probat præcipue ex recondita doctrina, quam ostendit, cum respondit Philippo. *A Nazareth potest aliquid boni esse.*

## II.

*Nathanael  
fuit legis peritus.*

Sed præstat totam sententiam Augustini suis verbis exponere, ut illam & fideliter, & candidè ad veritatem indagandam expendamus. In tractatu ergo septimo super Ioannem hæc habet. *Intelligere debemus ipsum Nathanaelem eruditum, & peritum legis fuisse, propterea noluit illum Dominus inter Discipulos ponere, quia Idiotas elegit unde confunderet Mundum. Audi Apostolum dicentem ira: Videte, inquit, vocationem vestram fratres, quia non multi Sapientes secundum carnem, non multi potentes, non multi nobiles, sed infirma Mundi elegit Deus, ut confundat fortia, & ignobilia Mundi, & contemptibilia elegit Deus, & ea que non sunt, tanquam ea que sunt, ut ea que sunt euacuentur. Si doctus eligeretur, fortasse ideo se diceret electum, quia Doctrina eius meruit eligi. Dominus noster Iesus Christus volens superbiorum frangere ceruices, non quaesivit per Oratorem Piscatorem, sed de Piscatore lucratus est Imperatorem, Magnus Cyprianus Orator, sed prius Petrus Piscator, per quem postea crederet non solum Orator, sed & Imperator. Nullus nobilis primo electus est, nullus doctus, quia infirma Mundi elegit Deus, ut confunderet fortia. Erat autem iste Magnus, & sine dolo, hoc solo non electus, ne cuiquam videretur Dominus doctos elegisse, & ex ipsa doctrina legis veniebat, quod cum audisset à Nazareth, scrutatus enim erat Scripturas, & sciebat, quia inde erat expectandus Saluator, quod non facile alij Scriba, & Pharisai nouerant. Ille ergo doctissimus legis cum audisset Philippum dicentem: inuenimus Iesum, quem scripsit Moyses in lege, & Propheta à Nazareth filium Iosiph. Ille qui optimè Scripturas nouerat, audito nomine Nazareth creatus est in spem, & dixit: à Nazareth potest aliquid boni esse.*

Ecce Magni Augustini auctoritatem habemus, & rationem, & quod sæpè in multis Patrum testimoniis fieri solet, auctoritatem in ipsa ratione. Sed videamus quanti faciant rationem Aduersarij ipsi nostri, qui tanti faciunt auctoritatem. Si ratio Augustini in vniuersum probaret, ait Toletus, nec Paulus eligendus videretur. qui doctior multo Nathanaele erat; neque si vnus doctus, & Doctor esset, addit Lorinus, non verum esset, quod Paulus dixit: non multi Sapientes secundum carnem cum potius conueniret, aliquem inter Apostolos talem admitti, ne viderentur sapientes omnino contemni, sicut & Paulus postea cooptatus est, optimè in lege institutus, & aggregatus Ecclesiæ Apollo, eloquens, & potens in scripturis.

*In c. 1. Ioan.*

*In c. 1. 1. 17.  
Apost.*

Sic tractant rationem qui tanti Doctoris contra nos obtundunt auctoritatem, sed quam meriti ipsi viderint, nam sanctus Augustinus expressè, & signanter agit de primo electis. Nullus inquit nobilis primo electus est, nullus doctus: & fulius in enarratione Psalm. 65. ubi tractans de Nathanaele, qui electus non fuit eo quod doctus in lege erat non quia, inquit doctos non erat electurus, sed si ipsos primo elegeret, doctrinæ suæ merito se electos putarent, ideo Nathanaelem non assumpsit inter illos discipulos, quos primum Idiotas elegit. Et mox. *Elegit, inquit, Dominus postea, & Oratores, sed illi superbirent si non prius eligeret Piscatores, elegit diuites, sed dicerent merito diuitiarum suarum se electos esse, nisi primo elegeret pauperes. Elegit Imperatores postea, sed melius est cum Romam veneris Imperator, deposito diademate ploret ad memoriam Piscatoris, quam ut Piscator ploret ad memoriam Imperatoris.*

Constat ergo manifestissimè Augustinum loqui de primo electis, hoc est de duodecim illis, quos in diebus carnis suæ Dominus noster assumpsit, & Apostolos nominavit. Quorsum igitur Paulum obtendere, quorsum Apollo? Quod si ne de illis quidem primis duodecim existiment vniuersaliter verum, eos fuisse illiteratos, & idiotas, videant, ne qui pro sua opinione auctorem habere gloriantur Augustinum, plus iusto ab illius auctoritate discedant, & quidem in re grauiori, in qua non semel, aut iterum, sed sapissimè, & ex professo, & tanquam Ecclesiæ doctor loquutus est. Afferam vnum, aut alterum locum ex libris de Ciuitate Dei. *Elegit, inquit, Zib. 10. discipulos, quos & Apostolos nominavit, humiliter natos, inhonoratos, illiteratos, ut quidquid magnum essent, & facerent, ipse in eis esset, & faceret. Et tursus lib. 22 cap. 5. Modus, quo Mundus credidit si consideretur, incredibilior innemitur, in eruditio liberalibus disciplinis, & omnino quantum ad istorum doctrinas attinet, impolitos, non peritos grammatica, non armatos Dialecticæ, non Rhetoricæ inflatos, piscatores Christus cum retibus fidei ad Mare huius Seculi paucissimos misit, atque ita ex omni genere tam multos pisces, & tanto mirabiliores, quanto rariiores etiam Philosophos cepit.*

Tenendum ergo est tanquam certum cum Augustino, omnes illos de numero duodecim, & humili loco natos, & planè illiteratos fuisse, quod si Beatus Nathanael, & humili loco natus, & verè etiam indoctus, & illiteratus fuit, parum pro illius Apostolatu Augustinum ipsum habemus; ex cuius ore, & calamo, publica illa de Nathanaele extat declaratio. Hoc solo non electum ne cuiquam videretur Dominus doctos elegerit. Itaque suffragium ipsum Augustini pendet iam ex illa controuersia. Vtrum verè Beatus Nathanael fuerit doctissimus legis, an potius eiusdem ferè imperitiæ, & illiteraturæ cum Petro, Andrea, & Philippo, qui proximè ante ipsum, & ferè cum ipso vocati sunt.

Fateor Augustinum sequutum esse vulgarem sententiam existimantium Nathanaelem, quasi alterum Nicodemum fuisse, veluti Magistrum in Israël. Immo ipse, ut sæcundissimo pollebat ingenio, argumentum etiam nouum illi sententiæ subministravit. Quia, inquit, non nisi à recondita doctrina legis, & Scripturarum proficisci poterat, ut Nathanael audito nomine Nazareth, erigeretur in spem, & diceret affirmando, & quasi docendo. A Nazareth potest aliquid boni esse. Proculdubio, ait Augustinus, qui intellexit, quia à Nazareth potest aliquid boni esse, peritus erat legis & benè Prophetas inspexerat.

Hoc est vnicum argumentum Augustini, quod nititur duplici præsupposito. Primum est ad profundam quandam legis, & Prophetarum doctrinam pertinere, hoc scire Christum videlicet esse posse à Nazareth. Alterum est, Nathanaelem verò hanc doctrinam calluisse, & tenuisse. Et quidem negari vix potest ad secretiorem quandam, & peritiorem doctrinam pertinuisse, qua ratione Christus esse posset à Nazareth, quamvis, enim sanctus Matthæus citet Prophetas. *Et veniens, inquit, habitavit in civitate, quæ vocatur Nazareth, ut adimpleretur, quod dictum est per Prophetas. Quoniam Nazareus vocabitur.* Quamvis, inquam, sanctus Matthæus citet Prophetas, hoc tamen propheticum testimonium nusquam in sacris Litteris iisdem verbis reperitur, quæ res magnas apud Interpretes controversias excitavit. *Et quidem, ait S. Hieronymus, si fixum de Scripturis posuisset exemplum, nunquam diceret, quod dictum est per Prophetas, sed simpliciter, quod dictum est per Prophetam, nunc autem pluraliter Prophetas vocans, ostendit se non verba de Scripturis sumpsisse, sed sensum.* Hæc Hieronymus. Ex ea autem obscuritate Scripturæ in hac materia, factum est ut Scribæ, & Pharisei, qui interrogati ab Herode ubi Christus nasceretur, incunctati responderunt, in Bethleem Iudæ, non solum existimarent Christum esse non posse de Nazareth Galilææ, sed nec vllum alium

In c. 2. Matth.

Prophetam longè inferiorem; hinc Pharisei dixerunt Nicodemo: *scrutare Scripturas, & vide quia à Galilea Prophetam non surgit*, quasi dicerent, ait Toletus, res est manifesta & indubia, non est opus ipsum audire, certum enim est, non solum non esse Christum, sed nec simplicem Prophetam, scrutare enim Scripturas, & inuenies nec Prophetam extitisse vllum vnquam, nec vllum extare debere de Galilæa.

In c. 7. Ioan.

Iure ergo præsupposuit illud Augustinus Scribas ipsos, & Phariseos tanquam aliquod valde reconditum latuisse, qua ratione fieri posset, ut à Nazareth expectari Saluator posset.

### III.

An fuerit Nathanael doctus?

Verum quod huiusmodi arcanum cognoverit, & de Scripturarum scrutatione tenuerit Nathanael, hoc non aliunde probat Augustinus quam ex modo, quo illam protulit responsionem, à Nazareth potest aliquid boni esse, cum enim duobus modis ea verba pronunciari possent, aut per affirmationem, aut per interrogationem, existimat Augustinus prolata à Nathanaele esse assuevanter, & affirmanter, non verò quasi admirando, & dubitando, atque adeo non per interrogationem. Totæ ergo argumenti vis ad vnam notulam redacta est, quomodo scilicet, lectio constituenda est, cum nota ne interrogationis, an sine illa. Nam si lectio illa Scripturæ cum nota interrogationis constituenda est, non solum cessat indicium arcanæ illius doctrinæ in Nathanaele, sed probatio non levis insurgit illius ignorantis. Sed quos controversia Iudices constituemus; Certè cum sanctus Euangelista scripserit Græcè, Græci Patres excludi non possunt. At Cyrillus lib. 2. cap. 35. cum interrogatione legit, & addit: *non potest facile sentire Nathanael magnum quid, atque precipuum esse, quod à Nazareth ortum habeat.* Chrysostomus verò Homilia 19, sur hunc locum, cum interrogatione pariter legit, & causam prudentis dubitationis ex parte Nathanaelis affert. *Quia, inquit, audierat ex Bethleem Christum venturum iuxta prophetiam illam, & tu Bethleem terra Iudæ, cuius prophetia memor Nathanael audiens eum Nazarenum, perturbatur, & dubitat ne secundum Prophetam sermonem Philippus in patria commemoranda falleretur.* Hæc Chrysostomus. Iudicium hoc Græcorum Interpretum est valde graue, præsertim cum sit omnium



commune, vt enim testatur Maldonatus, nullus numquam Græcus autor aliter legit. At fortasse aliter legunt Latini? Vidi ego, quos potui Latinos interpretes, & si vnum Bedam excipias, qui sanctum Augustinum passim, & subinde ad verbum consecratur, nullum prorsus inueni, qui sine interrogatione legendum omnino arbitretur. Immo sanctus Augustinus non ita suæ sententiæ adhæret, vt contrarium damnet, sed potius vtramque tuetur; nam tract. 7. in Ioan. expendens illam vocem Philippi: *Veni, & vide. Ambus*, inquit, *pronuntiationes potest ista vox sequi, sine sic pronunties tanquam confirmans, à Nazareth potest aliquid boni esse, & ille: veni, & vide. Sine sic dubitans, & totum interrogans, à Nazareth potest aliquid boni esse? veni, & vide. Idem ferè repetit, & explicat magis in Psal. 65. Hac verba: Veni, & vide, vtramque*, inquit, *possunt pronuntiationem sequi, si dicas, quasi non credens, à Nazareth potest aliquid boni esse? Respondetur veni, & vide quod non credis. Rursus si dicas confirmans, à Nazareth potest aliquid boni esse. Respondetur, veni, & vide quod credis, quàm verè bonum sit, bonum quod nuntio à Nazareth, & quam rectè credas, veni, & experire. Itaque sanctus Augustinus non omnino rejicit communem lectionem; quod si omnino non rejicit, jam neque ipse firmiter adhærere videtur sententiæ de arcana doctrina Nathanaëlis, quæ huic vni-titur lectioni.*

Tandem ad iudicium prouoco aduersariorum, qui cum jactent autorem Augustinum pro præstanti, ac singulari doctrina Nathanaëlis, iterum ab hoc vnicò illius argumento, & lectione discedunt. Quare recentiores omnes Augustini sectatores per modum dubitationis, & interrogationis sententiam legunt, & in eam conformitatem explicant, quod suscepit Philippus, *Veni, & vide. Subtiliter vti-tur*, ait Toletus, Nathanaëlis admiratione, ac dubitatione Philippus, vt eum ad Christum alliciat, quasi dicat, tu admiraris rem grandem, & difficilem, veni, & vide, facillimè te ab hac admiratione, ac dubio liberabis, veni, & vide. Toletò Maldonatum conjungo, Philippi responsio magis conuenit, quasi admirantem, dubitantemque ad experiendum inuitet. Veni, & vide. Vtrique addo Riberam, qui explicans, à Nazareth potest aliquid boni esse: per interrogationem, inquit, legendum est juxta omnes, licet Augustinus etiam sine interrogatione legi posse affirmet.

Iam verò quoniam aduersarij Magni Augustini patrocinio in illius ratione posito abrenuntiarunt, eos jam tanquam inermes inuadimus, & petimus, vt locum aliquem proferant, ex quo Beatum Nathanaelem doctissimum legis fuisse confirmet. At inquirunt id confirmari ex ipsa admiratione, & addubitatione Nathanaëlis, viro enim apprime perito in Scriptura difficultatem faciebat sermo Prophetæ, Christum de Bethleem futurum prædicentis, audio, sed oporteret ab ipsis ostendi, addubitationem illam non nisi à scripturarum peritiâ profectam esse. Nam ego Maldonatum habeo, qui disertis verbis asserit Nathanaelem potius propter ignobilitatem loci, quàm propter scripturarum testimonium addubitasse, num à Nazareth aliquid boni esse posset, hoc enim, inquit, verba præferunt, à Nazareth, id est à loco tam ignobili, tam barbaro potest aliquid boni esse! Si enim illi fuisset causa dubitandi, quod Christum ex Scriptura in Bethleem nasciturum sciret, non dixisset tam genera-



Iean 8.

raliter, à Nazareth potest aliquid boni esse? Sed magis propriè, à Nazareth potest Christus esse? Aut hoc saltem modo, à Nazareth potest tantum bonum esse? Quemadmodum illi dixerunt: numquid à Galilæa venit Christus? Atque hanc rationem asserit Maldonatus. Cur Nathanael de adulatione illa, & quasi incredulitate reprehensus à Christo non fuerit: quia inquit, non nisi propter loci vilitatem & ignobilitatem dubitauit; quis enim non dubitasset? Quis Philippo homini imperito, non dum pro Apostolo cognito credidisset?

Itaque non omnes facile concesserint Nathanaelem propter testimonium Scripturarum addubitasse; sed esto propter illud addubitauerit, erat ne tam reconditum, tam additum, & abstrusum in populo Israël, Messiam de Domo David nasciturum? Nonne hoc erat in ore vulgi. An nescimus, quod narrat Ioannes capite septimo. *Ex illa ergo turba cum audissent hos sermones eius, dicebant: Hic est verè Propheta. Alij dicebant, hic est Christus; quidam autem dicebant: numquid à Galilæa venit Christus? Nonne Scriptura dicit quia de femine David & de Bertheem Castello, ubi erat David venit Christus? Disseruo itaque facta est in turba propter eum.* Hoc narrat Euangelista, ex quo coniecturam facere licet de vulgata doctrina illius temporis. Mirandum itaque non est ad hominis fidelis aures de Catholica illa in populo Dei doctrina tantum peruenisse, quantum ad addubitandum tunc temporis requireretur.

At Philippus cum Nathanaele loquitur, tanquam cum viro docto, & in Scripturis versato, propterea meminit legis, & Prophetarum, propterea illis verbis aggreditur annunciare: *quem scripsit Moyses in lege, & Propheta, inuenimus Iesum filium Ioseph à Nazareth.*

Hoc est vltimum argumentum, quod quantum euincat intentum, non ita facile ostendi potest. Quia dubium valde est, an magis doctrinam Philippi loquentis, quam Nathanaelis audientis probet. Conantur quidem aliquando homines imperiti literatè quantum possunt cum doctis agere, vt se ad eorum ingenium, & eruditionem accomodent. Quare vt rectè Maldonatus, fieri potuit, vt Philippus, quamuis indoctus esset, quia cum homine agebat docto, iis vteretur Scripturarum testimoniis, quæ cæteroquin, nemo quantumvis indoctus Iudæus ignorabat; sed quod ex hoc loco, & verbis magis probetur Doctus Nathanael, quam Philippus, non video qua ratione ostendere aduersarij possint. Sermo enim doctus natura sua loquentem potius prodit doctum, quam doctum arguit audientem; Et sane si quis velit pro Philippo argumentari, obseruabit cum Chrysostomo, quemadmodum per Moysen & Prophetas dignum fide sermonem suum facere, & auditori persuadere admittitur. Quem scripsit, inquit, Moyses in lege, & Propheta inuenimus Iesum, in quo ostendit primo tenere se distinctionem inter Moysen, & Prophetas minores illo, saltem in signis edendis. Rursus, scire se quid nomine legis veniret, quatuor scilicet priora volumina, quibus, quemadmodum Euangelium quatuor Euangelistis, illa constabat, nam Deuteronomium repetitio quædam est priorum librorum. Tercio, Scripturarum loca studio aliquo contulisse, ait enim: Inuenimus Iesum esse illum ipsum, de quo scripsit Moyses in lege, & Propheta. Denique cum in toto colloquio, quod ab Euangelista describitur inter Philippum & Nathanaelem, duæ tantum sint propositiones, quæ doctrinam redolere posse videantur. Alteram Phi-

Homil. 19.

lippi, Nathanaelis alteram, Philippi: quem scripsit Moyses in lege, & Propheta. Nathanaelis: *A Nazareth potest aliquid boni esse*, iudicet lector, vtra illarum maiori doctrinæ præiudicium ferat. Quod si, quod faretur Lo-  
rinus, non minus doctrinam Philippus ostendit dicens: quem Moyses, &c. quam quod ei Nathanael respondit: A Nazareth, &c. Dicendum necessarium est, aut Philippum in Apostolum adscitum non fuisse, quod est hæreticum, aut Nathanaelem in Apostolum assumi potuisse.

Sed quoniam pro opinione quod Nathanael fuerit doctissimus legis, quamvis Scripturæ loca non sint, est tamen communis fere consensus.

Age argumento aliquo positivo, & ab Evangelistis ipsis petito, ostendamus Nathanaelem non maiori instructum fuisse doctrina, quam Philippus, cæterique Coapostoli, qui procul dubio doctissimi legis non fuerunt. Igitur sic argumentor. Beatus Nathanael si ejus nationem ipse, fuit Galilæus, si patriam, Chananæus, si professionem Piscator. Non potuit ergo ita esse peritus legis, ut legis doctissimus censeatur. Examinemus breuiter cursimque singula. Si de Nathanaele, hoc tantum ab Euangelio sciretur, quod natione esset Galilæus, quod testatur Ioannes capite 27. & Nathanael, qui erat à Cana Galilæe, si præter nationem, inquam, sciretur nihil, satis omnino sciretur ad opinionem vulgo faciendam eum non fuisse doctissimum legis, expendit hoc argumentum Chrysostomus in persona sociorum Nathanaelis, illud, inquit, admiratione dignum, quo pacto Petrus, Iacobus, Philippus potuerunt tam breui persuaderi, non ea tantum ratione, quod ante signa, sed quod Galilæi erant, unde neque Propheta surrexit, neque quidquam boni, rusticiore enim quodammodo, & crassiori erant ingenio. Hæc Chrysostomus, atque hæc de Galilæis ingeniis vilis existimatio vique adeo apud omnes nationes inoleuerat, ut mirum in modum auxerit omnium stuporem quando in Pentecoste audierunt illos diuersis linguis loquentes. Stupebant autem omnes, & mirabantur, dicentes: nonne ecce omnes isti qui loquuntur Galilæi sunt? Erant quidem Galilæi bellicosi, & pugnantes teste Iosepho, qui ut idem ipse narrat: Galilæorum dux cum iis fortiter contra Romanos depugnauit; cæterum hebetissimo erant ingenio ac planè tidi; ideo ait Glossa: multitudo illa multorum milium, quæ erat Hierosolymis ex omni natione, quæ sub Cælo est, stupebat, & mirabatur Galilæos ad omnem litteraturam tam ineptos euasisse repente Polyglossos.

Omnino aiebant illi. *A Galilæa Propheta non surgit*, hoc est, non est Galilæa apta ferendis Prophetis, non fert Galilæa Prophetas. Sicut non omnis fert omnia tellus. Hanc vim habet, at Ribera, tempus illud præiens, non surgit, quod omnes temporis differentias comprehendit, & quasi explicaturam rei; atque hinc factum est, ut apud nationes omnes Galilæi nomen contemptibile haberetur, & Iulianus Apostata non solum Christum ignominie causa Galilæam suis Epistolis, & colloquiis appellare consueuerit, sed ut eodem nomine omnes Christi sectatores dicerentur publica lege tanxerit. Quare si Beatus Nathanael hoc tantum quod esset Galilæus habuisset, Christus contemptibilia mundi elegerat.

Accedit Nationi Patria. *Qui erat*, inquit Evangelista, à Cana Galilæe.

Hom. 19.  
IV.  
Galilæi erant  
rudes.

Libro de Bello  
Iudaico.

Ioan. 7.

In cap. 7. Ioan.

Græg Nazian.  
Orat. 1. in Iul.

Erat autem Cana, ait Alcuinus, Viculus Galilææ. Viculus inquam villis & exilis, ut si quaerenda sit ratio cur Euangelista Nathanaelis patriæ meminerit, merito asserti possit illa Chrysostomi de patria Philippi ab Euangelista pariter memorata. *Meminit ejus patriam Euangelista, ait Chrysostomus, ut intelligatur, quod infirma mundi elegit Deus.* Sed esto argumentum ductum à Natione, & à patria, non omnino conuincat, quia poterat Nathanael extrâ illam educari, & in litteris condiri; sicut enim nunc Roma, ait Cornelius, ita tunc Hierusalem erat Metropolis fidei, Religionis, ac sapientiæ, ad quam proinde Iudæi sparsi per Orbem mittebant suos filios, ut lege, & sapientia Dei imbuerentur, & ad hoc variarum nationum Collegia, quas Synagogas vocabant erant instituta, quod docet S. Ioannes Chrysostomus, & ex Actis Apostolorum satis constat.

Potuit ergo Nathanael quamvis Galilæus, & Chananæus ad Iudæorum Metropolim Hierosolymam, ut sacris disciplinis à Gamaliele aliquo erudiretur commigrare, quod fecit Paulus, qui tantum in sacris litteris profecit, ut Tertullianus asserere non dubitaret, neminem magis nosse medullas scripturarum, quam sanctum Paulum.

*Lib. 5. contr.  
Marial.*

*v.*

*An fuerit Na-  
thanael piscator?*

*Cap. 21.*

Verum ne, & hoc aduersarij confingerent satis cautum in Euangelio est; ex illo enim aperte colligimus Nathanaelem, professione, officio, & exercitio Piscatorem fuisse. Locus est in capite vltimo Euangelij secundum Ioannem, ubi describitur admirabilis illa piscatio in Mari Galilææ post Christi Resurrectionem. *Erant simul Simon Petrus, & Thomas, qui dicitur Didymus, & Nathanael, qui erat à Cana Galilææ, & filij Zebedæi, & alij, ex Discipulis ejus duo. Dixit eis Simon Petrus: vado piscari, dicunt ei, venimus, & nos tecum, & exierunt, & ascenderunt in Nauim, &c.* Ex hoc loco manifestè constat discipulos nominatos, artis fuisse piscatoriæ, & quidem ex consensu omnium Interpretum, Sanctus Chrysostomus Homil. 16. *Cum non frequenter Iesus cum eis versaretur, ad artem suam redierant. Et mox; cum ergo nihil haberent, quod facerent, piscatum se contulerant.* Nota illud. *ad artem suam.* S. Cyrillus lib. 12. cap. 62. docet ex Christi dispensatione factum esse, ut hi septem discipuli piscatum exirent, quia, inquit, quando ad Apostolatum eos vocauit, dixit: *Venite post me, & faciam vos fieri Piscatores hominum, quod modo ex hac re, quasi à signo quodam cito futurum significauit.* Obserua illud pro Apostolatu Nathanaelis, quando eos ad Apostolatum vocauit. S. Thomas in cap. 21. docet in officio piscationis horum discipulorum, significatum esse mysticè prædicationis officium; agit autem de piscatoribus, vel piscium, vel hominum, tanquam de ejus artis professoribus. Nicolaus de Lyra reddens rationem, cur piscatum se contulerunt septem illi discipuli; *erant enim, inquit, pauperes, & ideo ad procurandum necessaria vite licite poterant redire ad exercendum negotium, quod sine peccato poterat exerceri.* Et rursus explicans illud, & exierunt, & ascenderunt in Nauim. in nauim, inquit, alienam, eam accomodatam, vel locatam, quia à principio sue vocationis, nauim, & retia reliquerant. Rupertus Abbas in eundem locum. *Electis Apostolis, & Christi vestigia sequentis, ad piscationem redire ita culpa non fuit, sicut hodieque saculo renuntiantibus culpa non est licitas artes exercere.* Claudius Guilielmus in eruditissimis Commentariis super Ioannem, post enumeratos hos discipulos, *hi septem, inquit,*

inquit, *artis erant piscatorie.* Et rursus ad illud: *Venimus & nos tecum,* quia inquit, *eiusdem artis erant cum Petro, & labor res honesta est, sequuntur veluti ab Ance-  
signano piscatore imitati.* Alphonsius Salmerton tract. 20. ad illud, *dicunt ei, ve-  
nimus & nos tecum.* Ergo, inquit, *omnes erant eiusdem artis piscatorie.* Maldona-  
tus agens de loco piscationis. *Credibile,* inquit, *est in patriam rediisse, ut illuc  
dum Christum prestolabantur, piscatoriam veteri suo instituto, exercerent.* Cor-  
nelius super eodem loco. *Cum Apostoli,* inquit, *ante Pentecostem, nondum habe-  
rent quod Evangeliz. ando agerent, & pauperes essent, atque piscatores, rectò ad  
suam piscandi artem redierunt, ut illa victum sibi pararent.*

Ergo Beatus Nathanael non solum humili loco est natus, sed antiqua sua pro-  
fessione, & arte piscator fuit, qua ergo ratione humilis piscator, qui procul Hie-  
rosolyma, procul studiis omnibus litterarum, in suo viculo habitabat, & victum  
manu, & arte quærebat, qua inquam ratione fieri potuit, ut tam doctus enade-  
ret, ut legis etiam Doctor haberetur? Quod fundamentum est in Scriptura hoc  
opinandi? Quod si ex Augustini verbis hoc solo non electus est, quia nullus no-  
bilis primo, nullus diues, nullus doctus electus est, ne cuiquam videretur Domi-  
nus, nobiles, diuites, & doctos elegisse, cum ex præsentì examine constet, illum  
neque nobilem, neque diuitem, neque doctum fuisse, habemus iam pro ipso Na-  
thanaelis Apostolatu Augustinum, qui quod olim distulit examinare, hoc gaudet  
nunc approbare.

Atque hinc quoque planè detumescit vis tota magnifici illius argumenti, quod  
ex Ecclesiasticis historiis petitur, & quo vsus est Franciscus Ribeta, ad proban-  
dum Nathanaelem non fuisse vnâ, eandemque personam cum Bartholomæo,  
quia Perionius in vita Bartholomæi affirmat, illum fuisse pauperem, & sine litte-  
ris, & obsecuti nominis; similiter Iosephus Græcus autor apud Simeonem Meta-  
phrastem in vita Bartholomæi, dicit eum fuisse pauperem, & idiotam. Quia etiam  
Eusebius apud sanctum Thomam, Bartholomæus, inquit, *vir simplex, & expert*  
*scientiæ mundanæ, & amaritudinis.* Debilitata iam est, & fracta vis huius argu-  
menti, quia tota falso illi fundamento nitetur, quod Nathanael quasi alter, ut  
dixi, Nicodemus, legis doctus fuerit, & doctor; cum oppositum ex examinata  
Euangelica historia comprobetur, & sanè descriptio illa Bartholomæi apud Euse-  
bium, *vir simplex, & expert scientiæ mundanæ, & amaritudinis,* descriptio ipsa  
est Nathanaelis, & quæ pro illustri Commentario Verborum Christi esse possit:  
*Ecce verè Israëlita, in quo dolus non est.* Quid enim est *verè Israëlita*, nisi *vir sim-  
plex*? quod fuit Elogium Magni Patriarchæ Israël seu Iacob. Quid, *in quo dolus  
non est*, nisi *expert scientiæ mundanæ, & amaritudinis*? nimirum placet Christo,  
ait Salmerton, huiusmodi viros videre, atque aliis demonstrare. Ecce verè Israël-  
ta, quia ipse totus est candidus, & columbinus.



## CAPVT XV.

*Verum Beatus Apostolus Nathanael fuerit à Christo cognominatus Bartholomæus.*

I.  
*An Bartholomæi nomen Nathanael habuerit à Christo impositum.*  
*Num. c. 1.*

*Diff. 17.*

II.  
*Opinio Ruperti de impositione nominis Bartholomæi.*

*Luvia in c. 1. Act. Apost.*

**O**CCURREMVS iam potissimè difficultati, quæ posita esse videtur in quadam addubitatione, seu potius admiratione, cur sancti Euangelistæ, qui Apostolorum Catalogum confecerunt, nomen huius Apostoli proprium, quod Nathanael esse monstrauimus, reticuerint; Cum præsertim id nomen, & antiquitate venerabile esset apud Hebræos; fuit enim nomen Principis Tribus Issachar tempore Moïsis, & significatione sanctissimum, nam Hebræicè idem est, quod donum Dei, ut ait Pagninus, siue à Deo datus, ut obseruat Cornelius, quo nomine Beatus Augustinus filium suum Diuino ingenio prædictum nuncupauit. Si nomen Bartholomæi erat nomen commune, ait Pererius, nomen autem Nathanaelis erat nomen proprium, cur alij tres Euangelistæ semper eum appellarunt nomine communi Bartholomæum, & ne semel quidem proprio eum nomine vocarunt Nathanaelem, cum magis nomen proprium notificet hominem, quàm commune?

Hæc difficultas, quæ videtur satis plausibilis, & vulgaris, occasionem nobis præbebit examinandi opinionem Ruperti de significatione & impositione nominis Bartholomæi, quæ opinio si probabilis est, sufficientem profectò, & satis congruam ostendit causam, cur potius Bartholomæi, quàm Nathanaelis nomen retinuerint Euangelistæ. Rupertus ergo cum præmisisset Bartholomæi nomen, idem esse quod filius suspendentis aquas, quasi causam addens eius interpretationis, hæc habet. *Interpretatur filius suspendentis aquas, quia tertia die cum nuptiæ fierent in illo vico suo Cana Galilee, forte per occasionem eius Dominus inuitatus ad nuptias, aquas in vinum conuertens, in admirationem omnium illas suspenderat.* Hæc sententia contemptores plures habet, quàm oppugnatores, sed re vera nihil in ea video, quod reprehendi meritò possit. Duo ergo dicit. Primum, quod Bartholomæus idem est, quod filius suspendentis aquas. Alterum quod huiusmodi nomen, vel impositum, vel confirmatum, Nathanaeli à Christo fuerit per occasionem miraculi Canæ Galilææ.

Et quidem contra interpretationem Vocabuli illud obijci fortasse potest, Bartholomæum significare filium certi hominis, quod nos in Superioribus tanquam certum assumpsimus, & nunc iterum autoritate Montani confirmamus, qui in Caput sextum Lucæ. Idem inquit, Nathanael proprio nomine, à Patris nomine Bartholomæus; & clariùs in caput tertium Marci, Bartholomæus filius Thalmæi, ita cognominatus à Patre proprio nomine Nathanael. Cum igitur Bartholomæus cognomen sit à genitoris nomine, explicandum non immeritò est, quæ ratione idem sit quod filius suspendentis aquas.

Sed ego, vt simul & objectioni faciam satis, & viam præstrem conclusioni; hoc ipsum, quod obijcitur de nomine Bartholomæi, quæro de nomine Bar-Iona, quod Apostolorum Principi vel impositum, vel confirmatum à Christo fuit.



Nam certum est Bar-Iona, idem esse, quod filius Iona, seu Ioannis, sicut Bartholomæus idem quod filius Tholomæi. Pater enim Simonis Petri vocabatur Ioannes, unde illud: *Simon Ioannis diligis me?* Sed breuioris pronunciationis causa, quasi alio, vel alienato nomine dicebatur Iona. Obseruat autem hoc loco sanctus Chrysostomus, Christum dixisse Petro: *Tu es Simon Bar-Iona*, non Hebræorum dumtaxat more, qui filiis semper addunt nomen Patris, sed ob peculiarem respectum ad responsionem Petri, quasi eam confirmet Christus, dicatque. Quia Patrem meum prædicasti, ego etiam illum nomino, qui te genuit, ac si diceret, quemadmodum tu Ionæ filius es, utpote ab eo naturaliter quoad substantiam genitus, quasi homo ab homine, ita ego sum Filius Dei Patris utpote ab æterno naturaliter ab eo generatus, quasi Deus de Deo, eiusdem cum illo substantiæ, & Deitatis. Quia Chrysostomus animaduersione nitens confirmatur Christum appellasse tunc Petrum filium naturalem sui genitoris. Ex altera parte sanctus Hieronymus interpretatur Bar-Iona filium Columbæ quasi nomen à Christo impositum, tum in præmii, tum in Mysteriorum. Sic autem habet Hieronymus. *Testimonio de se Apostoli reddit vicem. Petrus dixerat: Tu es Christus Filius Dei uiui, mercedem recepit vera confessio. Beatus es Simon Bar-Iona. Quare? quia non reuelauit tibi caro, & sanguis, sed reuelauit Pater, quod caro, & sanguis reuelare non potuit, Spiritus Sancti gratia reuelatum est. Ergo ex confessione sortitur vocabulum, quod reuelationem ex Spiritu Sancto habet, cuius & filius appellandus sit, si quidem Bar-Iona in nostra lingua sonat filius Columbæ. Hæc Hieronymus, quem sequutus est S. Thomas, videtur, inquit, respondere responsio Christi, confessioni Petri, quia confessus erat eum Filium Dei, Iesus autem dicit eum filium Columbæ, scilicet Spiritus Sancti, quia hæc confessio non potuit fieri nisi à Spiritu Sancto. Ecce idem Petrus filius naturalis Iona, & filius mysticus Columbæ, perinde ac Bartholomæus, & filius naturalis Tholomæi dicitur, & filius mysticus suspendentis aquas. Sicut ergo, quia Iona Hebræicè significat Columbam, quæ symbolum est Spiritus Sancti, filius naturalis Ionæ appellatus fuit à Christo mysticè filius Columbæ in significationem reuelationis acceptæ à Spiritu Sancto; ita quia Tholomæus Hebræicè significat suspendentem aquas, fieri facile potuit, quod insinuat Rupertus, ut Nathanael, qui filius naturalis erat Tholomæi, diceretur mysticè à Christo filius suspendentis aquas, hoc est Verbi signorum initium in aqua facientis. Et sanè Patres aliquod in hac Bartholomæi voce Sacramentum latere cognouerunt. Omnes enim nomine suspendentis aquas, Christum intellexerunt, quasi Bartholomæus peculiaris Christi filius habendus sit. Audi Rémigium apud S. Thomam in catena *Bartholomæus Syrum nomen est, & interpretatur filius suspendentis aquas, id est Christi. Audi ipsum S. Thomam in cap. 10. Matthæi: Bartholomæus filius suspendentis aquas, & iste dicitur Christus, de quo Iob 25. qui ligat aquas in nubibus suis. Audi S. Hieronymum in cap. 3. S. Marci. Bartholomæus, qui est filius suspendentis aquas, illius scilicet, qui dixit: & mandabo nubibus meis ne pluant super eum imbrem.**

Habemus ergo ex Patribus hoc nomine filij suspendentis aquas Christum significari, non sub quacunque ratione, sed sub ratione potentis, super aquas, quæ potestas explicatur in Scriptura per actum mandantis, ligantis, & suspendentis aquas, seu nubes. Habemus rursus nomine filij suspendentis aquas ita describi Bartho-

lomæum, vt certa, & determinata Apostoli persona intelligenda sit, non solum quia Patres hoc interpretantur de Apostolo Bartholomæo, verum etiam, quod est notandum, quia in tota Sacra Scriptura non reperitur huiusmodi nomenclatura, nisi in nouo Testamento, nec de persona alia, nisi de hoc Apostolo. Quare si quod mysterium in ea latet certè illi personæ, id totum congruere dicendum est, quæ singulariter in Scriptura sub eo nomine significatur.

Hinc incipit apparere quanto cum fundamento Rupertus in eam venerit opinionem, vt Beatus Nathanael cognominatus à Christo fuerit Bartholomæus in nuptiis Canæ Galilææ; & primo ex parte Christi, nam vt ipse ait Euangelista, *hoc initium signorum fecit in Cana Galilææ, & manifestauit gloriam suam*, hoc est per admirabilem illam aquarum operationem manifestum omnibus fecit, se illum ipsum esse, *qui ligat aquas in nubibus suis*, hoc est, vt explicat S. Thomas, qui illas mirè suspendit vaporali ter eleuatas, quo actu ligandi elementum, atque soluendi summa supra vniuersam naturam potestas, quæ Conditotis est propria, significatur.

Secundo ex parte Nathanaelis, quem iam Bartholomæum nominamus, quia ipse præ omnibus Discipulis illius miraculi magna pars fuisse censendus est, quod insinuant Euangelistæ satis, dum illum à loco tanti miraculi notauit, & *Nathanael*, inquit, *quis erat à Cana Galilææ*, nunquam enim Euangelista Canam nominauit, nisi cum huius commemoratione miraculi. Quare capite quarto vbi narrat regressum Christi à Iudæa in Galilæam signanter dicit. *Venit ergo iterum in Cana Galilææ, vbi fecit aquam vinum*. Atque hinc fortasse factum est, vt plerique Doctores disputantes de Sponso illarum nuptiarum, hoc minimum putent, fuisse illum saltem consanguineum aliquem Nathanaelis, qui ex illo ipso Viculo erat, & iam seductor factus, & familiaris Christi. Potuit ergo facile Christus, occasionem habere dicendi illi: Beatus es Nathanael Bartholomæus, quemadmodum dixit postea Simon: *Beatus es Simon Bar-Iona*; quod si alia tunc præfens causa hoc dicendi defuisset, satis profecto fuit, quæ proximè præcessit præclara confessio. *Rabbi, tu es Filius Dei, tu es Rex Israël*; sicut enim Autore Hieronymo Christus cum dixit: *Beatus es Simon Bar-Iona*, testimonio de se Apostoli reddidit vicem, quia enim Petrus dixerat: Tu es Christus Filius Dei viui, mercedem recepit vera confessio. Dixisti me filium Patris, & ego dico te filium Columbæ significantis Spiritum Sanctum, ita similem planè vicem simili testimonio de se Apostoli reddere voluit Christus, vt similem quoque mercedem reciperet similis omnino, & gemella confessio. Dixisti me Filium Dei, & ego dico te filium non puri hominis, vt est tuus genitor sed hominis Dei, vt sum ego, qui verè sum. *Tole Ma'im*, hoc est, suspendens aquas. Scio graues Autores esse, qui negent eandem fuisse causam Simonis, Petri & Nathanaelis Bartholomæi, vt propterea non liceat ex altera pro altera argumentari. Aiunt Petrum confessum esse Filium Dei naturalem cum dixit: *Tu es Christus Filius Dei viui*; Nathanaelem verò non Filium Dei naturalem; Si enim Filium Dei naturalem confessus fuisset, ait Toletus, non Regem Israël, sed totius orbis Regem, & Dominum proclamasset, atque hanc tandem causam afferunt, cur in Euangelio expressa habeatur Christi responsio facta Simoni Petro, *Beatus es Simon Bar-Iona*, nulla autem habeatur expressa Nathanaelis Bartholomæo. Sed ex ista opinione, quæ minus

magnificè sentit de confessione Nathanaelis confirmationem, sumo non leuem pro prædicta annominatione, jam enim tacite fatentur debitam fuisse Christi laudationem veræ confessioni, & in eo planè consentiunt, si Nathanael non solum iisdem verbis, sed eodem, quo Petrus verborum sensu loquutus fuisset, tunc magnum subesse fundamentum dicendi similem eum responsonem retulisse, ex quo consequens tandem esse videtur tantam probabilitatem habere sententiam nostram de Bartholomæi mystica annominatione, quantam probabilitatem habet veritas illius confessionis.

Examinemus ergo Nathanaelis confessionem, & primo videamus quid de illa senserint Doctissimi Patres, ex Græcis, Cyrillum præfero, ex Latinis Augustinum. Cyrillus ergo libro secundo in Euangel. cap. 14. *Noverat, inquit, probè Nathanael soli Deo corda hominum patere, ac illud Psalmistæ infixum animo tenebat scrutans corda, & renes Deus. Nulli namque alij, sed Divina solummodo natura hoc Propheta attribuit. Id cum inesse Domino perspexisset, & Magistrum, & Filium Dei, & Regem Israël profitebatur.* Augustinus verò tractatu septimo in exposit. Evangelij. *Nathanael, inquit, talem vocem protulit: Tu es Filius Dei, Tu es Rex Israël, qualem tanto post Petrus, quando ei Dominus ait: Beatus es Simon Bariona, & ibi nominavit Petrum, & laudavit firmamentum Ecclesiæ in ista fide. Vides hæc antiqua, & eaque præclarissima Ecclesiæ lumina, agnoscere in verbis Nathanaelis professionem Divinitatis, quod ante illos quoque sensit Tertullianus aduersus Praxem cap. 21. Hoc enim Nathanael statim sensit, sicut, & alibi Petrus. Tu es Filius Dei. Hoc & ipse rectè sensisse illum confirmat, Nathanaeli quidem respondens, quia dixi: vidi te sub ficu, adeo credis. Petrum vero beatum affirmans.*

Opponamus nunc Toletum Maldonatum, viro virum, is pro confessione Nathanaelis obseruat quatuor. Primo, verba ipsa natura sua postulare vt ea in meliorem sensum interpretemur, nam eo ipso quod Christus simpliciter filius Dei appellatur, verus Dei filius esse intelligendus est, vt frequenter aduersus Arrianos Catholici disputabant. Secundò, quia tum ad nomen filij, tum ad nomen Regis Græcum articulum adiunxit: Tu es ille Filius Dei, Tu es ille Rex Israël, quemadmodum ergo non intelligit quemlibet Regem Israël, sed illum singularem Regem Messiam, ira non qualemcumque, sed illum vnicum, & naturalem Filium Dei intelligit. Tertiò, quia Nathanael alludit ad id, quod illi Philippus dixerat, quem scripsit Moyses in lege, & Prophetæ inuenimus Iesum. Confitebatur ergo verum esse, quod Philippus dixerat, Christum esse eum, quem Prophetæ venturum prædixerant, hoc est, verum Dei Filium, vt eo quoque tempore fides Diuina docebat. Quartò, quia ita illi Christus respondit, vt significet eum quidquid credere de illo oportebat, credidisse, vt omnium primus obseruauit Tertullianus, quia, inquit, dixi tibi: Vidi sub ficu credis. Credidit ergo. Postremo rectè responderet ad illud, quod Regem Israël, non verò totius Orbis terrarum Regem vocat, Messias enim quauis Dei Filius, atque adeo totius Mundi Rex crederetur, erat propriè promissus Israël, qui erat populus ejus, & funiculus hæreditatis ejus.

Cum ergo ex vna parte habeamus confessionem Nathanaelis omninò supparem, planeque consimilem confessioni Petri. Et ex altera videamus illum de facto

IV.  
*Qualis fuit  
confessio Na-  
thanaelis de  
Christo.  
Psalm. 7.*

insignitum cognomine portante sua significatione Myſterium planè conſonum conſeſſioni. Cum item teneamus morem, & conſuetudinem Chriſti, huiusmodi nomenclaturas ad altiorem ſenſum inſeſcentis, & eleuantis, & appareat ſatis, & tempus, & occaſio & oportunitas; & quod plurimi facio, cum huiusmodi mens, & cogitatio inieſta ſit, licet paucis, grauibus tamen ſacræ Scripturæ Interpretibus, qui antiquioribus Prophetis in Eccleſia ſucceſſerunt. Cum inquam hæc omnia ita ſint, non videtur à legibus interpretandæ Scripturæ alienum, de Bartholomæo, tanquam de filio ſuſpendentis aquas, aſſerere, quod ſanctus Hieronymus Eccleſiæ calculo in exponendis ſacris Scripturis Doct̃or maximus docuit de Bariona, tanquam de filio Columbæ, ex conſeſſione inquit ſortitur vocabulum, nimirum, vt ſicut Chriſtus Hebræicam ſignificationem latentem in voce Ionæ genitoris Petri inſlexit, & determinabit ad ſenſum ſublimiorem; ita ſignificationem pariter Hebræicam latentem in voce Tholomæi genitoris Nathanaelis in conſeſſionis commendationem, & primi miraculi monumentum eduxit. Neque mirum videri debet dictum Nathanaeli fuiſſe: Beatus, & Nathanael Bartholomæus, de quo paulò ante veritas dixerat: ecce verè Iſrælita, in quo dolus non eſt, alludens nimirum, vt fateatur Toletus ad illud: *Beatus vir cui non eſt in ſpiritu ejus dolus.*

Hæc interpretatione nominis facta, occurritur ſatis difficultati initio propoſitæ, cur ſancti Euangeliftæ, Bartholomæi vocabulum quaſi Apoſtolicum fecerint, & Apoſtolorum nominibus inſeruerint, præterito proprio nomine Nathanaelis.

V.  
Cur apud Ioan.  
Nathanael  
apud alios E-  
uangeliftas:  
Bartholomæus  
nominatur?

Verùm hinc noua emergit difficultas, quia ſi tres Euangeliftæ, quaſi ex veneratione vocabuli, Bartholomæum ſemper uſurparunt, cur quartus Euangelifta, qui vltimus omnium ſcripſit, & vocabulum tanta veneratione à tribus exceptum inuenit, illud omnino præteriuit, & potius proprium Nathanaelis nomen uſurpauit? At primi tres Euangeliftæ, ait, Gauantus, communiori uſi ſunt cognomine Bartholomæi, Ioannes vltimus, qui recondita ſcripſit, Nathanaelis nomine eſt uſus. Sed non facilè video, qua ratione inter recondita ſcripta à Ioanne numeretur hoc nomen; nam vel reconditum intelligit, quod Ioanni fuit peculiariter cognitum, & reuelatum, vel quod licet omnibus fuerit notum, ab illis tamen non fuit expoſitum. Quod ſolus Ioannes proprium hoc ſciuerit nomen, & gratis, & improbabiliſſe dicitur, neque vllò modo credibile eſt Matthæum ejus æqualem, qui primus Euangelium ſcripſit, ignoraffe. Quod autem illud à cæteris Euangeliftis, quaſi reconditum, & occultatum, ſolus Ioannes expoſuerit, de hoc, hi inquirunt cauſa; illam autem facile demonſtrabimus, ſi interim ſimilem quæſtionem cum Toſtato proponamus, quare ſcilicet cum primus Euangelifta ſe Matthæum nominauit, poſteriores duo Marcus, & Lucas noluerunt eum nominare Matthæum, ſed nominauerunt, Leui, omnino ſuppar eſt quæſtio; quia vt docet Toſtatus, Leui erat nomen proprium, & à parentibus impoſitum, Matthæi autem nomen, quod Hebræicè donatum ſignificat, impoſitum illi fuit à Chriſto, & iſta videtur eſſe, inquit Toſtatus, cauſa, quare poſtea in nullo loco ſacræ Scripturæ, nec etiam apud ſcriptores vocatur Leui, ſed ſolum Matthæus, ſcilicet quia non licebat aliter eum nominare niſi, ſicut Chriſtus nominauerat. Quæ Toſtati ſententia ſicut vehementer confirmat noſtram illam rationem cur tres Euangeliftæ uſurpauerint nomen Bartholomæi, quia ſcilicet non licebat aliter



eum nominare, nisi sicut Christus nominauerat, ita auget utrobique præsentem difficultatem, quia sicut mirandum est, Ioannem non usurpasse nomen Bartholomæi à Christo impositum, & ab Euangelistis usurpatum, ita æquè mirandum videtur Matthæi nomen à Christo pariter impositum, & à primo Euangelistarum jam usurpatum, postpositum à Marco, & Luca fuisse nomini Leui. Quid ad hanc quæstionem Tostatus? Marcus, & Lucas, inquit, nihil noui fecerunt, de quo sit causa petenda, quia quando vocatus est à Christo non nominabatur Matthæus, sed Leui, ideo debuerunt eum nominare scribentes vocationem, sicut nominabatur quando vocatus est scilicet, Leui. Ecce satis rationabilem causam, cur Ioannes, licet postremus, nomen proprium Nathanael adhibuerit, quia scilicet solus Ioannes hujus Apostoli primam vocationem scripsit, antequam à Christo cognominaretur, & sane si propositum Ioanni fuisset Apostolorum Catalogum contexere, quod tres fecerunt Euangelistæ, non dubito quin potius Bartholomæi nomen inseruisset, quia Marcus, & Lucas, qui in referenda vocatione Matthæi, vti fuerant proprio, & antiquo nomine Leui, in conscribendo Catalogo non Leui, sed Matthæum conscripserunt. Venerati sunt quippe Dei donum in nomine; *Matthæum* In c. 3. Marc. enim, ait S. Hieronymus, *qui est Donatus, cui donatur à Domino, ut non solum remissionem peccatorum adipiscatur, sed numero ascribatur Apostolorum.* Ergo propter Mysterij consimilis venerationem, non dubito, inquam, quin in Apostolico Catalogo Ioannes Bartholomæum accensuisset, cæterum ipse, & quidem extra Catalogum, bis tantum Apostolum hunc memorauit, in capite primo & ultimo, & quia in primo sub nomine Nathanaelis propriam antiquam ejus vocationem descripterat, voluit etiam in ultimo sub eodem nomine eundem antiquissimum illum iudicare.

Sed instare adhuc possunt aduersarij quia sicut Lucas dixit, & elegit Simonem, Cap. 6. quem cognominauit Petrum, ita dicere Ioannes, debuisset, & vidit venientem ad se Nathanaelem, quem cognominauit Bartholomæum. Cur utrumque non dixit?

Verè si utrumque dixisset, omnem controuersiam de medio sustulisset; cæterum sicut opportunum Lucæ fuit meminisse cognominationis Petri, quæ expressa in Euangelis est, ita Ioanni non fuit necessarium Bartholomæi agnominationem, quasi in Euangelis expressam significare, quod plane in Euangelica enarratione de Matthæo est manifestum; neque enim Lucas qui cap. 6. dixit & elegit Simonem, quem cognominauit Petrum, dixerat cap. 5. *Vidit Iesus Publicanum nomine Leui, quem cognominauit Matthæum, sed dixit tantum, nomine Leui.*

At Ioannes inquit Paterius, qui in euulgatis jam pridem tribus Euangelis viderat hunc, de quo loquimur semper appellatum esse Bartholomæum, aut ne lectori occasionem errandi præberet, eodem illum nomine appellare debebat, aut si libuit potius eum nominare Nathanaelem, debebat certe alterius etiam nomine meminisse, vt eum fuisse binominum ostenderet.

Audio. At dixerim ego, Lucas, qui vidit jam pridem vulgatum primum Euangelium, in quo viderat hominem illum semper appellatum Matthæum, aut ne lectori occasionem errandi præberet eodem illum nomine appellare debebat, aut si libuit, potius eum nominare, Leui, debebat tunc alterius etiam nominis



meminisse, vt eum fuisse binominum ostenderet. Quid ad hæc diceret Pererius?

Fateor ex hoc, quod Ioannes huius tantum nominis meminerit, occasionem errandi aliquos sumpsisse, & opinandi diuersos fuisse homines Nathanaelem, & Bartholomæum: ceterum sicut ex hoc solitario nomine Nathanaelis apud Ioannem errorem sumpsit Pererius, ita ex solitario nomine Leui apud Lucam, errorem sumpsit Origenes, qui libro primo contra Celsum hæc habet. *Sic & Leui Publicanus, qui Iesum sequutus est, non erat tamen ex Apostolorum numero.* Sicut ergo licet erraturus esset Origenes, & affirmaturus, hunc Leui, cuius Lucas meminit alium fuisse à Matth. neque inter Apost. computatum, non propterea quidquam peccauit Lucas, appellando hominem Leui tantum; ita quamuis erraturus esset Pererius & affirmaturus hunc Nathanaelem, cuius Ioan. meminit, alium fuisse à Barthol. neque inter Apost. computatum, non propterea quidquam peccauit Ioannes appellando hominem nomine Nathanaelis tantum.

Sed esto non peccasset contra morem Scripturæ, peccasset hic saltem (diceret Pererius contra morem) & consuetudinem suam, hoc profecto Pererius diceret, nam de facto disput. 51. his verbis vrget. Cur Ioannes Euangelista sicut verba in cap. 21. nominans Thomam qui erat binominus continuò adiecit illa verba, qui dicebatur Didymus, cur inquam non itidem, nominans Nathanaelem saltem vel semel adiunxit, qui dicebatur Bartholomæus. Hæc ille.

# VI.

An Thomas  
fuerit Binomi-  
nus.

Habet hæc Pererij instantia suam speciem, quia connexio Thomæ, & Nathanaelis videbatur postulare, vt eodem modo vtriusque nomen declararetur. Sic enim habet Ioan. cap. 21. *Erant simul Simon Petrus, & Thomas, qui dicitur Didymus, & Nathanael, qui erat à Cæna Galilee.* Locus monebat, vt quemadmodum Thomæ, ita quoque Nathanaelis cognomentum explicaretur. Sed instantia plane ruit, quia falso iuitur fundamentò. Præsupponit enim Thomam fuisse nomen, Didymum verò cognomentum, vel saltem alterum nomen, ita vt Thomas fuerit Binominus sicut fuit Simon Petrus, & sicut nos dicimus fuisse Nathanaelem, qui cognominatus, seu nominatus est etiam alio nomine Bartholomæus. Omnes autem Interpretes magni nominis, & qui periti linguarum sunt, aperte docent Thomam, & Didymum, non duo, sed vnum, idemque nomen fuisse, hoc est ejusdem planè fuisse significationis, quod enim Didymus apud Græcos idem plane est Thomas apud Hebræos: tam enim Didymus, quam Thomas, geminum, seu gemellum significat. Itaque ait Ribera. Didymus non est alterum nomen Apostoli, vel cognomen sed proprii nominis interpretatio. Quo fit, vt Ioannes, qui dixit: *Thomas, qui dicitur Didymus* nunquam à paritate potuerit dicere Nathanael, qui dicitur Bartholomæus; nam verè Bartholomæus non est interpretatio nominis Nathanaelis, sed diuersissimam ab illo habet interpretationem. Vnde etiam cogor notare Pererium non fideliter verba textus attulisse. Nunquam enim apud Ioannem est, *Thomas, qui dicebatur*, vt citat Pererius, sed *qui dicitur*, hoc est interpretatur Didymus, hoc enim significat hoc loco, illud: *Dicitur*, vt obseruat Theophylactus, quem sequitur etiam Maldonatus super eundem locum, & in cap. 11. Ioannis, vbi hoc modo concludit: Cum ergo dicit Euangelista, Thomas, qui dicitur Didymus, posteriore vocabulo prius interpretatur, quemadmodum si diceret Thomas idest Didymus. Igitur aperte constat non potuisse Euangelistam dicere Nathanael, qui dicitur Bartholomæus, in eo sensu,

ſenſu, quo dixit, Thomas, qui dicitur Didymus, quia vt dicebamus, falſiſſima eſſet Nathanaelis interpretatio.

Sed cur Ioannes interpretatur nomen Thomæ, non verò nomen Nathanaelis. Hoc ſanè ad rem, de qua agimus nihil facit, & Aduerſarij quoque ſi poſſunt, debent rationem aliquam aſſerre. Cur (quod obſeruauit Leontius) Euangelifta nuli- bus nomen Apoſtoli interpretatus ſit, niſi Thomæ? Certè aliquid Myſterij in eo latet, quod planè ignoramus. Scimus quidem vtramque vocem ſignificare ge- minum, ſed vt rectè Maldonatus. Cur ita vocatus ſit nihil conſtat. Et quamuis eſſet verum dictum fuiſſe geminum, ſiue quod ſimul cum fratre altero natus eſſet, vt ait Euthymius, ſiue quod nomen à maioribus ſuis accepiſſet, quemadmodum apud Romanos quosdam ſpurios, alios fuſcos vocatos legimus, quamuis nec illi ſpurij, nec hi fuſci eſſent, vt ratiocinatur Maldonatus; quamuis inquam ſciremus ob has rationes dictum fuiſſe geminum, ſemper indagandum maneret cur Euan- gelifta huius tantum Apoſtoli nomen interpretetur, nam quod aliqui dicunt hunc tantum Apoſtolum duo nomina habuiſſe eiſdem ſignificationis in diuerſis lin- guis, quorum altero ab vna natione, altero ab alia vocaretur, eſt planè fallum; ſicut enim idem, qui ab Hebræis Thomas, à Græcis vocabatur Didymus, ideſt Gemellus, ita qui Petrus à Græcis, idem ab Hebræis vocabatur Cephas, ideſt la- pis, & qui à Græcis Zelotes, idem ab Hebræis vocabatur Chananus, ideſt Zela- tor. Quemadmodum etiam idem Iudas, qui à Chaldæis Thaddæus, ab Hebræis Lebbæus, quod ſonat Cor, vocabatur. Itaque viſitatum in Scriptura eſt, vt obſer- uauit Sanctius in Act. Apoſtolorum, & pluribus commune, vt aliquis duo habeat nomina eiſdem ſignificationis in diuerſis tamen linguis, quorum altero ab vna natione, altero ab alijs vocaretur.

Cur ergo Ioannes huius tantum Apoſtoli nomen interpretatur? Theophyla- ctus in cap. 20. Ioannis; ideo nomen interpretatum putat, vt eius declararet mo- res, quod incredulus eſſet minimèque ſimplex. Quid eſt, inquit, quod dicitur Didymus? Interpretatio eſt nominis Thomas, merito autem meminit interpre- tationis eius nominis, vt oſtendat nobis quod dubitatur quidam ſit, & id vitij à principio habuerit, vt & nomen indicat. Quàm diuerſa eſt hæc Theophylaſti commentatio ab illa Leontij, nimirum inquit, vt Græci propter aliquam eius ex- cellentiam factum intelligerent, ſed parcendum Theophylaſto eſt, quia hoc dixit explicans illud Capitis vigefimi, *Thomas autem vnus de duodecim, qui dicitur Didymus, non erat cum eis quando venit Ieſus.* Non autem illud Capitis vndeci- mi: *dixit ergo Thomas, qui dicitur Didymus, ad diſcipulos: eamus & nos, & moriamur cum illo;* nam tunc oportunitus fuiſſet dicere, quod air Cornelius, & Didymus, quaſi gemellum fratrem Chriſti, talem enim eo loco ſe oſtendebat, dum pro Chriſto, & cum Chriſto viuere, & mori pararum ſe offerebat, quod ex dilectione ſolent gemelli facere. Cæterum quia non ſolum capite hoc vndeci- mo, & rurfus vigefimo, in quibus peculiare aliquod Myſterium eſſe poterat, ſed capite etiam vltimo vbi myſterium nullum apparet, hoc idem repetit, ideo gene- ralis aliqua ratio reddenda eſt, præſertim quod non ſolum ſanctus Ioannes, quo- tieſcumque hunc Apoſtolum nominat, cum interpretatione nominis, nominat, ſed quia nullus alius ex Euangeliftis hoc fecerat.

Non diſplicet quod inſinuat Toletus videlicet Apoſtolum hunc, tempore quo

VII.  
Cur à S. Ioanne  
interpretatur  
nomen Thomas?

In c. 20. Ioan.

Ioannes hæc scripsit, à Græcis dictum esse Didymum propter nominis Hebræi significationem, retento tamen nomine Hebræo, nam etiam Thomas ab aliis dicebatur, ea de causa inquit Toletus, à Ioanne dicitur Thomas, qui dicitur Didymus, non solum, ut nominis Hebræi significationem explicet Græco vocabulo, sed etiam quia sic à multis id temporis appellabatur.

Valde probabilis est hæc ratio, præsertim quod sanctus Euangelista scripsit in Græcia, & longo post tempore; sed quidquid sit de causa eius nominis interpretandi, certa sunt duo, quæ pertinent ad rem præsentem. Primum nullam fuisse rationem, cur nomen Nathanaelis Euangelista interpretaretur. Secundum, si interpretatus illud fuisset, nihil ad cognitionem Bartholomæi iuvisset, sed potius ad eiusdem Nathanaelis nominis illustrationem.

Sed demus Pererio Didymum fuisse alterum quoddam nomen, seu cognomen, in quem errorem ex ignoratione linguæ Hebrææ, ut ait, Lorinus, lapsus est etiam Nonnus paraphrastico carmine in Ioannem. Demus, inquam, Thomam fuisse Binominum sicut de facto erat noster Nathanael Bartholomæus, fieri profecto facile poterat, ut tempore sancti Ioannis vsus obtinuisset, ut alter ex nomine, & cognomine simul diceretur, alter tantum ex nomine, aut cognomine. Saltem illud est certum, ne id quidem necessarium absolute fuisse, ut quoties Thomas nominaretur, esse Didymus diceretur: quia tres Euangelistæ, qui ante Ioannem scripserunt, semper Thomam, nunquam Didymum vocauerunt.

Addam aliam causam planè scripturalem, cur B. Ioannes Euangelista non expresserit Apostolum hunc sub nomine Bartholomæi, sed tantum sub nomine Nathanaelis; causa est illa eadem prorsus, ob quam cæteri Euangelistæ expresserunt illum sub nomine tantum Bartholomæi, non autem sub nomine Nathanaelis. Illa erat, quia nomen Bartholomæi determinatum à Christo fuit ad significandum Apostolum, quare tres Euangelistæ inducentes illum tanquam Apostolum rectè nomen factum Apostolicum vsurparunt. Hæc planè causa persuasit Ioanni, ut à Bartholomæi nomine abstineret, quia ille, cui sanè propositum non fuit, Apostolorum Catalogum contexere, descriptis vocationem Nathanaelis, non tanquam priuatæ personæ, sed tanquam veri, & spiritualis Israël, hoc est Ecclesiæ, quare in Euangelica simul, & prophetica Scriptura Ioannis inducitur Nathanael, ut typum gerens totius Ecclesiæ. Per Philippum, quasi per totum Apostolorum Collegium conuocata, ut alibi explicatum est. Est autem in more positum Sacræ Scripturæ, ut quando persona aliqua inducitur ad grande aliquod repræsentandum, reticeantur in illa ea omnia, ex quorum reticentia plenior, & clarior existat totius Mysterij repræsentatio. Afferam vnum, aut alterum exemplum. Si quaeramus qua de causa factum fuit, ut Scriptura nihil astrueret de nomine Patris, & Matris, nihil de natiuitate, & morte Magni illius Melchisedech, ut dicere de eo potuerit Apostolus: Magni mysterij causâ illorum omnium silentium factum esse, quod statim indicat illis verbis. *Assimilatus filio Dei, manet Sacerdos in æternum*, quasi diceret, ait Chrysostomus; quia Melchisedech assumptus est ad Filium Dei significandum, qui in terris, qua homo est, fuit *ἀπαρτος* hoc est sine Patre; in Cælis, qua Deus, & Dei Filius *αὐτὸς* hoc est sine Matre. Qui verè non habuit initium, neque finem dierum, ideo, ut significationem hanc plenam habeat, & in eo appareat

typus Christi, inducitur in Scriptura cum reticentia eorum omnium. *Ille signi-* Hom. 12. in e. 7.  
*dem*, ait Chrysostomus, *typus est*.

Rursum si quærat: Cur inter sanctos Patriarchas, qui Sacrificium Deo obtulisse in Scriptura commemorantur, non memoretur Isaac, quem sapissimè ad imitationem suorum Patrum sacrificasse indubitatum est apud Doctores. Responso illa affertur; quia in Scriptura introducitur Isaac typus Christi, in quantum victima rationalis, & voluntaria Mundi fuit, & ideo ut esset integra eius figuræ significatio, plenumque mysterium, nullo modo memoratur ut Sacerdos.

Simili planè ratione factum est in Evangelica simul, & prophetica enarratione Ioannis, quæ fuit ultima totius Sacræ Scripturæ, ut ait sanctus Hieronymus, *In Prologo*, & planè respondens primæ. Quia ergo persona Nathanaelis in hac Scriptura inducitur ut typus Ecclesiæ per Apostolos omnes vocatæ, ideo reticetur in ea nomen, per quod, ut Apostolus innotescit, & memoratur; neque mirandum est hoc Mysterium ceteros Euangelistas latuisse; illi enim à Spiritu Sancto assumpti sunt, ut maximè scriberent Acta ultimi, & penultimi anni prædicationis Christi, scilicet ea, quæ egit post incarcerationem Ioannis Baptistæ, ut observant Interpretes. Ioannes verò motus præcipue fuit ad Mytheria Ecclesiæ describenda per enarrationem duorum primorum prædicationis Christi annorum, & ultimorum dierum, in quibus ostensa multiplicatione fidelium in Ecclesia, Christus iturus in Cælum, Pastorem, sui que Vicarium in illa regenda, Petrum instituit, & declaravit. *Ioan. 22.*

## CAPVT XVI.

*De promissione facta B. Nathanaeli Bartholomæo de visione Angelorum ascendentium & descendentium supra filium hominis.*

*Super verbis Evangelicæ Historiæ B. Ioannis à Versu 43. Capituli primi vsque ad finem.*

**I**N crastinum voluit exire in Galileam: & inuenit Philippum. Et dicit ei: I. *Visio Angelorū*  
Iesus. Sequere me. Erat autem Philippus à Bethsaida Civitate Andree, *ascendentium,*  
& Petri. Inuenit Philippus Nathanael: & dicit ei: *& descendentium facta B.*  
Quem scripsit Moyses in *Bartholomæo.*  
lege, & propheta, inuenimus Iesum filium Ioseph à Nazareth. Et dixit ei  
Nathanael: A Nazareth potest aliquid boni esse? Dicit ei Philippus: Veni,  
& vide. Vidit Iesus Nathanael venientem ad se: & dicit de eo: Ecce verè  
Israëlitæ, in quo dolus non est. Dicit ei Nathanael: Vnde me nosti? Respon-  
dit Iesus, & dixit ei: Priusquam te Philippus vocaret, cum esses sub ficu,  
vidi te. Respondit ei Nathanael, & ait: Rabbi tu es Filius Dei: Tu es Rex  
Israël. Respondit Iesus, & dixit ei: Quia dixi tibi, Vidi te sub ficu, credidisti  
mihi his videbis. Et dicit ei: Amen, amen dico vobis: videbitis Cælum  
aperitum, & Angelos Dei ascendentes, & descenden-tes supra Filium hominis.

Huius Euangelici textus explicatio ad laudem B. Nathanaelis Bartholomæi mifrice omnino facit; operæ igitur pretium erit, illam hoc loco per partes proponere, & inuestigare; Sit ergo

## CAPVT XVII.

*Vtrum promiffio de Angelis ascendentibus, & descendentibus  
fuftha fuerit Nathanaeli tanquam priuati perfonæ,  
an tanquam Ecclefie.*

I.  
Eadem promiffio  
facta Nathanaeli  
ut  
perfonæ priuati,  
an ut Ec-  
clefie.

**R**ECTE monent Sapientes viri, nihil magis prodesse ad afsequendum genuinum Ienfum S. Scripturæ quàm eiusdem fcope, & intentionis folers inueftigatio, quia autem hæc in hiftoriæ circumftantiis examinandis potiffimum pofita eft, ideo vt ad germanam, & litteralem explicationem celeberrimi huius Oraculi viam aliquam perftituamus, totius vocationis Nathanaelis hiftoriæ euoluemus, ac principio illud in vniuerfum tanquam maximè aduertendum proponimus, ita hic defcribi primam Chrifti profeflionem in Galilæam ad conuocandam Ecclefiam, vt in tota conuocatione in ea nullius alterius vocatio præter quam noftri Nathanaelis memoretur. Quæ animaduertifio mihi primum eam mentem iniecit, voluiffe Chriftum pro fua fapientia vniuerfum Ecclefie opus, de quo loquutus eft Ioannes 17 *Opus confumari, quod dedifti mihi vt faciam.* ita in hoc vno repræfentare, & inchoare, vt omnium Myfteriorum Ecclefie, breuiffimum quidem compendium, fed plenum daret, ex quo illud confequens efle videtur, quod iam ex adiutorum ponderatione demonftrare aggredimur in perfona Nathanaelis ipfam Ecclefie perfonam introduci. Igitur *incrastinum* hoc eft pofttridie illius diei, de quo proximè locutus fuerat Euangelifta, qui dies, vt ex Euangelico textu oflendit Cornelius tertius fuerat eius Martij, qui proximè præceffit publicam, & manifeftam prædicationem Chrifti, Sub initium ergo huius menfis cum effet in Iudæa, profeflionem primam inftituit in Galilæam, ad ædificium Ecclefie defignandum & inchoandum, vt confentiunt omnes interpretes; nam quæ prædicta hætenus fuerant de Andrea, & fratre eius, pertinuerant ad fructum prouenientem ex prædicatione Ioannis, vt rectè obferuauit S. Thomas, ex hoc autem loco ait ille, incipit manifeftare fructum prouenientem ex prædicatione Chrifti. Quia verò agebatur de prima Ecclefie vocatione folemniter repræfentanda, & inchoanda, mirum quàm profundis verbis vtitur Euangelifta. *Incrastinum*, inquit, *voluit exire.*

Initium primæ prædicationis Chrifti initium Martij erat, illius inquam feliciffimi menfis, in quo beneplacitum femper fuit Deo, exire in eo. Exiuit iam olim primum per creationem, & menfe Martio voluit exire: hoc enim Menfe Mundum efle creatum, Patres omnes affirmant, vt videre licet apud Molinam. Exiuit fecundo per Incarnationem, & menfe Martio voluit exire, vt Catholica tenet Ecclefia; & cum iam tertio exire decerneret per illuminationem, & prædicationem, hoc etiam menfe Martio voluit exire. Rapior, & vehemèter rapior ab illa voluntate, qua quotiefcumq; exiit, voluit exire. Non fuit volûtas illa coacta, fed libera, non neceffaria,



sed spontanea: poterat non exire, & voluit exire, quasi non haberet intra se, in quo totum suum amorem occuparet; verè Diuinus amor est extaticus, vt ait Dionysius, quia amantem extra se tradit, & in amatum facit exire, sed quò voluit exire? vtique in Galilæam. Nunc vere scio, quod docuit Paulus, apparuisse benignitatem Saluatoris nostri. Hoc est Benignitatis ingenium ait Basilus, exire ad eos, qui maximè opus habent, non expectata, nec requisita causa ex parte eorum. Nimirum tanta est Diuina bonitas, vt ipsa sola sufficiat ad omnem rationem, & causam exeundi.

*Ad Tit. 3.*

Erat Galilæa illa, omnium Palestinæ partium abjectissima, quæ Galilæa gentium dicebatur, propterea quod populus, qui in ea habitabat, non solum Iudæus, sed magna etiam ex parte gentilis erat. De his habitatoribus vaticinatus est Isaias cap. 9. vt explicat Matthæus 4. *Populus, qui sedebat in tenebris, vidit lucem magnam, habitantibus in regione vmbra mortis lux orta est eis.* Sedebat propter longam consuetudinem, in tenebris propter diuinorum ignorantiam, & in regione vmbra mortis habitabat propter statum peccati, quod est vmbra, & similitudo æternæ mortis. Mors, ait S. Thomas in cap. 4. Matthæi, est damnatio in Inferno iuxta illud Psalmi 40. Mors depascet eos, vmbra mortis est similitudo ejus damnationis; Et quia peccatores jam separati sunt à Deo, in qua separatione posita est maxima pœna eorum, qui in Inferno sunt; ideo peccatores similitudinem, & vmbra habent futuræ damnationis. Regio autem hujusmodi vmbra Galilæa gentium potissimum erat, tum quia plena erat populo gentium idololatricæ maximè dedito, & multis aliis sceleribus, & criminibus, tum quia populus ipse Iudæorum licet ab Idolatria eo tempore abhorreret, vitiiis tamen, & peccatis grauissimis immerfus erat.

*Tol in c. 1. Luc.*

Sed quorsum in Galilæam voluit exire? Quia voluit, ait Rupertus, prophetiam implere. Habitantibus in regione vmbra mortis lux orta est eis; profectò habitantibus lux orta est, quia ipsi, ait S. Thomas, non inerunt ad lucem sed lux exiuit ad eos. Et quoniam quando in Scriptura notantur tempora, Mysteria indicantur, vt docet Magnus Gregorius; non est prætereundum verbum illud: In Crastinum. In Crastinum, inquit Euangelista, voluit exire in Galilæam, hoc est crastina die; ab illa nempe die ait Toletus, in qua intuitus Simonem Iesus dixit: Tu vocaberis Cephas. Vix primo, ac fundamentali lapide præsignato, statim ad præsignandum Ecclesiæ properat Edificium; & sane modus ille narrandi, inuenit Philippum, & dicit ei Iesus: sequere me, nihil prætere addendo, & responsum nullum expectando, ostendit magni operis molitionem, cui prope-rando recta tendebat, volens conjungere tempus tempori, & opus operi, quod sane aliud non fuit nisi rudimentum Ecclesiæ per Apostolos ad Christum congregatæ.

*In c. 4. Matth.*

*Lib. 2. Mor. c. 2.*

*In c. 1. Ioan.*

Atque hic est diligenter obseruandum, duas has personas Philippum, & Nathanaelem ita ab Euangelista introduci, sociari, & inter se comparari, vt in vna persona Philippi representaretur vniuersus Apostolatus, per quem Christus totam conuocauit Ecclesiam; in altera verò persona veri Israëlitarum, vniuersa Ecclesia designetur vniuersali Apostolorum ministerio conuocata. Vidit has duas personas Augustinus, ideo explicans illud: *Prius quam te vocaret Philippus, cum esses sub ficu vidi te*, sic facit Christum loquentem; *ô tu Israëlita, sine dolo*

*Tract. 7. in Ioan.*

quisquis es: ò popule viuens ex fide, antequam te per Apostolos meos vocarem, aut cum esses sub umbra mortis, ego te vidi: & in eodem tractatu. *O tu Ecclesia, ò tu Israël, si es populus Israël, in quo dolus non est, modo iam cognouisti Christum per Apostolos.* Vides Augustinum in Israëlita agnoscere vniuersum populum, & Ecclesiam Electorum, in Philippo Vniuersum Collegium Apostolorum, & verè potuit Philippus in prima ista Ecclesiæ vocatione totum Apostolatum repræsentare, quia ipse omnium primus à Christo exteriori voce dicente: sequere me, assumptus est ad prædicationem Apostolicam; cum reliqui ante ipsum non exterius per externam vocem Christi, quæ est vocatio propria Discipulorum, sed interius per internam ejus inspirationem, quæ est vocatio communis omni fideli, vt benè notat Toletus, vocati fuerint. Quare Philippo hoc decus, & hæc laus debetur, ait Cornelius, quod primus à Christo ad Ecclesiam vtique per verbum Dei congregandam, vocatus sit, & vide quàm egregiè statim totam formam Apostolicæ prædicationis expresse; cum enim illa posita sit, tum in illuminandis mentibus per Scripturas de Christo, tum in hominibus ad eundem inuitandis, & pertrahendis: Philippus homo, cæteroquin illiteratus, & rudis, professione Piscator, magnificum illud Exordium intonuit. *Quem scripsit Moyses in lege, & Propheta, inuenimus Iesum*, quo nihil erat ad illuminandum aptius, & duplici illo verbo perorauit. *Veni, & vide*, quo nihil ad conuersionem efficacius, in quo sane Philippus iuxta suum Nomen omnium Apostolorum ora repræsentauit, Philippus os lampadis interpretatur, ait Rupertus. De Apostolis autem in Cherubinis illis stipatoribus Curtus gloriæ Christi significatis dictum est. *Aspectus eorum quasi aspectus lampadarum*, quia scilicet, vt ait Augustinus: *Vniuersum Mundum illuminarunt, tanquam duodecim lampades Veritatis.*

Quemadmodum ergo Philippus singulari ratione in hac prima prædicatione vniuersos Apostolos repræsentauit, ita Nathanael à Philippo sic repræsentante vocatus, vniuersam Ecclesiam, & spiritualement populum Israël figurauit, quod vt manifestius adhuc fiat, reliquas partes hystoriæ perpendamus.

*Vidit Iesus Nathanael venientem ad se, & dicit de eo: Ecce verè Israëlita, in quo dolus non est.* Mirabar quid causæ esset, quod Christus tam magnificis verbis exceperit Nathanaelem. Ecce, dignum vtique spectaculo ait Rupertus illum esse significat dicendo, ecce, & quid de eo prædicat? *In quo dolus non est.* De Christo ait Carthusianus testati sunt Isaïas & Petrus, quod non est inuentus dolus in ore ejus, quanto ergo spectaculo dignus fuit iste Nathanael, quem Christus eisdem verbis laudauit, quibus ipse prophetico fuit ore laudatus, Apostolicoque laudandus? Obstupuit ad tam magnam de viro isto laudem Augustinus; *audite*, inquit, *qualis iste fuerit. Dominus ipse perhibet testimonium, Magnus Dominus cognitus est testimonio Ioannis.* Ecce. *Beatus Nathanael cognitus testimonio veritatis.* Ecce. Magnum testimonium, ait Augustinus, hoc nec Andreæ dictum, nec Petro dictum, nec Philippo, quod dictum est de Nathanaele. Ecce verè Israëlita, in quo dolus non est. *Quæritur causa.* Nullam in præsentia oportuniorem inuenio, nisi quia Christus vidit venientem ad se non vnum tantum electum, sed omnem Ecclesiam Electorum. Propterea cum videret in vno cunctos, quos elegerat, sicut olim cuncta quæ fecerat, non sicut vnam

Ezech. c. 1.

Serm 105 de

Isai. 53.

1. Patri. 2.

Tract. 7.

quamque separatim creaturam parè laudauit quod esset bona. Sed sicut vniuersas in communi, & in vnum adunatas magnificauerat, & erant valde bona, ita venientem ad se Israhelitam totius spiritualis Israël Typum gerentem peculiari dignum spectaculo demonstrat, quali non inuenti sunt digni singulares discipuli. Ecce verè Israhelita, & nota quanta diuersitate agit Christus in præsignatione primi lapidis in Petro, & in præsignatione totius reliqui Aedificij in Nathanaele. Quia enim agebat de Petro, tanquam de singulari persona, defixit primo in illum obtutum. *Inimicus autem eum Iesum.* Secundo expressit substantiam personæ singularis per pronomen. *Tu.* Tertio addit nomen indictum in Natiuitate. *Tu es Simon.* Quarto adjunxit nomen Patris: *Tu es filius Iona,* voce vt vulgo vsurpabatur abbreviata ad clariorem designationem indiuidui. Quinto denique repetiit pronomen singulare, super quod nouum super addidit nomen. *Tu vocaberis Cephas.* Vbi obleruat Toletus, Simoni non esse mutatum nomen, sed amplificatum, nec enim dictum est, non vocaberis Simon, sed vocaberis Cephas; seu Petrus, propterea dictus est semper Simon Petrus, vt magis appareret, nomen primatus cadere supra singularem personam suo antiquo nomine præsentatam; ex quibus omnibus circumstantiis personam designantibus, inferunt Catholici Doctores contra Lutherum, Caluinum & Magdeburgenses promissionem illam à Christo factam. *Et tibi dabo Claves Regni Cælorum,* non factum esse primò & immediatè ipsi Ecclesiæ, & per Ecclesiam ejus Pastoribus, sed immediatè Petri personæ. Contra verò cum agitur de Nathanaele, abstiniuit Christus ab omnibus illis modis, quibus priuatam, & singularem personam designaret. Neque enim illum proprio vocauit nomine contentus communi Israhelita, neque Israhelita tantum secundum carnem, qualis reuera illa persona erat, sed Israhelita completentis non solum Iudæos, sed etiam Gentiles, quod indicatur per illud, *Verè.* Sicut enim juxta doctrinam Apostoli, ait Carthelusanus. quidam sunt filij Abraham secundum carnem tantum, qui non reputantur in semine, qui non sunt digni vocari filij Abraham. Alij verò sunt filij Abraham spirituales per fidei imitationem, qui dicuntur vere filij Abraham, seu Abrahamita, quales sunt omnes etiam gentiles electi tempore gratiæ. Sic quidam sunt filij, & semen Israël secundum carnem tantummodo, qui non sunt verè Israhelita; alij autem secundum fidem, & gratiam, qui sunt, verè, Israhelita, videlicet omnes electi Deum fide formati, ac lucida intuentes: Itaque per illud, verè, sicuti omnes reprobos separauit, siue fideles, siue infideles, ita electos omnes congregauit, siue Iudæos, siue Gentiles, ita vt tota, & sola Domus spiritualis Israël commendaretur, & repræsenteretur: Atque hæc fortasse est ratio, cur non dixerit Christus, ecce verè Abrahamita, sicut commendauit aliquando Zacharum eo quod, & iste sit filius Abraham, sed dixit: *Ecce verè Israëlita.* seu vt legit Syrus: *Ecce verè filius Israël.* Quia ille filius, totius Typum gerebat Ecclesiæ, quæ non in Domo Abraham, sed in Domo Israël, seu Iacob fuit repræsentata. Quare Angelus non dixit de Christo, & regnabit in Domo Abraham, sed regnabit in Domo Iacob. Cujus litteralis ratio ea est, vt benè aduertit Toletus; Quia filij Iacob omnes quotquot fuerunt, (fuerunt autem duodecim, totidem Tribuum Patres. & Patriarchæ,) omnes inquam, vnus peculiaris Dei populus facti sunt. Filij autem Abraham, quamuis essent suarum familiarum, ipsi quoque Pa-

*Bellarmin. l. 1. de  
Rom. Pont. c. 12.*

*Rom. 8.  
Galat. 4.*

*Luc. 19.*

tres, & Duces, non omnes peculiaris Dei populus fuerunt.

Sed fortasse quispiam negabit vidisse Christum ad se venientem, in vino filio totam Domum Iacob: quia vox illa: *Tu es filius Dei. Tu es Rex Israel*, Vox illa, vox Iacob non est. Si enim est verum quod sentit Toletus, sequutus Chrysostomum, quod quando dixit Nathanael: *Tu es Filius Dei*, confessus est illum eo modo, quo Iudæi communiter futurum Dei Filium Messiam credebant. Illi enim, quibus Trinitatis, & Incarnationis Mysterium non erat adhuc sicut sanctis Prophetis reuelatum, credebant quidem Messiam Filium Dei futurum eminenti quadam filiatione supra omnem adoptionem etiam Angelorum, non autem distinctè intelligebant filium esse naturalem, & consubstantialtem Deo. Quod autem Nathanael sic vocauerit Filium Dei, ex sequenti confessione manifestius fit, ait Toletus. Si enim Filium Dei nouisset, ut Petrus, quando dixit: *Tu es Filius Dei viui*, non Regem Israël, sed totius Orbis Regem, & Dominum proclamasset, at ille communem sequens opinionem Iudæorum, existimantem Regem temporalem, & merum hominem in Israël futurum, vocat Regem Israël, quare licet eisdem confessionis verbis vsus fuerit cum Petro, non tamen idem sensit cum eo; ideo Petro eadem omnino verba proferenti, sed altiori sensu respondit Christus: *Beatus es Simon*; nihil autem tale respondit Nathanael.

Verum si sensum ad verborum sonum exquiramus, dicemus omnino. Vox plane, vox Iacob est, vox Ecclesiæ Christi est. Tu es Filius Dei ita illam agnouit totum nec fufius in superioribus capitibus explicauimus Concilium Constantinopolitanum Oecumenicum in Constitutione Vigilij Papæ ad quintam collationem pertinente; vbi Anathema dicit iis, qui verba Nathanaelis: *Tu es Filius Dei*, Tu es Rex Israël ab ipso dicta volunt Christo, tanquam Domestico Dei, ut non ipse sit Deus. In qua definitione Concilij illius grauissimi Petrus sequuti sunt regulam sacræ Scripturæ contra Arianos, ut quotiescumque Christus simpliciter Filius Dei nominatur, verus, & naturalis Dei Filius esse intelligatur. Quod in nostra videtur Christus ipse intellexisse, ita enim respondit, quod optimè notat Maldonatus, ut non obscurè significet, Nathanaelem, quidquid credere de ipso oportebat, credidisse. *Quia dixi tibi: vidi te subsisti, credis*. Cui enim Christus affirmando dicit, *credis*, professò credidit, quod credere oportebat; illud autem fuit, quod planè confessus est: *Tu es Filius Dei*. Quod autem non subdit: *Tu es Rex Vniuersorum*, sed *tu es Rex Israel*, mirandum non est, quia Messias Rex Vniuersorum, peculiaris, & propriè pronissus erat, non vniuersis, sed Israël, tanquam populo, & hereditati suæ. Imò si cum antecedentibus conferatur confessio illa, Rex Israël, nescio quam emphasim habet, qui enim laudatus à Christo Israëlita fuerat, & verus filius Magni illius Israël, famulum se profiteretur Regi Israël, seu Regis Domus Iacob, quæ est Ecclesiæ iuxta dictum; & *regnabit in Domo Iacob in æternum*. Sed quid est, quod pro eadem confessione laudauit Petrum Christus, non laudauit Nathanaelem? Afferam, & huius aliquam rationem. Si prius statuamus non fuisse illam causam præcisè, quod Petrus Filium Dei naturalem confessus est: Si enim ea præcisè cautus fuisset, laudatus idem Petrus fuisset, cum dicente aliquando Christo: Numquid & vos vultis abire, eandem prorsus fecit fidei professionem. Tu es Christus Filius Dei, quod narratur Ioan. 6. fuit utraque confessio æquè plena, ut enim docet

S. Thomas:

*Math. 16.*

*Apud Cornel.*

*Luc. 1.*



S. Thomas : In fide nostra duo principaliter credenda sunt , scilicet My-  
 sterium Trinitatis , & Incarnationis , quæ duo utrobique , & eodem modo  
 Petrus confessus est , Mysterium quidem Trinitatis , cum dicit : Tu es Filius  
 Dei ; in hoc enim , quod dicit eum Filium Dei , facit mentionem de persona Pa-  
 tris , & filij simul etiam Spiritus Sancti , qui est amor Patris , & filij , & nexus  
 utriusque . Mysterium verò Incarnationis , cum dicit : Tu es Christus . Cum ergo  
 Petrus utrobique eandem perfectissimam fecerit confessionem ; cur non utrobi-  
 que eandem retulit laudationem ? Ratio profectò aliunde quàm ex perfectione  
 confessionis petenda est , & fortasse quam differentiam dabis inter Petrum , & Pe-  
 trum , dabo ego inter Petrum , & Nathanaelem . Cæterum huiusmodi laudationes  
 adhibebantur a Christo cum necessariæ Institutioni essent , & quia Matthæi decimo  
 sexto , Institutum Christi erat , Petrum ad Pontificatum præparare , & dicturus illi  
 singulariter erat coram omnibus : *Tu es Petrus , & super hanc Petram ædificabo*  
*Ecclesiam meam* , voluit tantæ dignitatis meritum præmonstrare , quod neque in  
 altera Petri confessione , neque in præsentī Nathanaelis habet locum . Adde quod  
 Petri confessio , quæ præcessit , fuit quasi propositio , & Christi laudatio fuit quasi  
 responsio ; at in re nostra opposito quodam modo res habuit , sed non minori An-  
 tithesis elegantia . Laudatio Christi , quæ præcessit , fuit quasi propositio , & Na-  
 thanaelis confessio , fuit quasi responsio , quasi dicat Nathanael : Tu dixisti mihi  
 quia verus sum Israelita , seu filius Israël , & ego dico tibi , quia tu es Deus Israël Fi-  
 lius Dei ; ad eum ferè modum , quo Christus Petro : Et ego dico tibi , quia tu es  
 Petrus : tu qui filius Iona es , Filium Dei me esse dixisti ; & ego dico tibi quia es *Tract. 7. sup.*  
 Petrus Vicarius filij Dei . Sed si origine in tantæ confessionis indagabimus , novum *Joan.*  
 argumentum emerget , quo confirmemus promissionem factam Nathanaeli , fa-  
 ctam illi esse tanquam Ecclesiæ . *Vnde talem vocem protulit* , ait Augustinus , *qua-*  
*lem tanto post Petrus ? Quid tam grande Christus dixit , cum illud tantum dixit :*  
*Vidi te sub ficu ; hoc sanè pro tota causa attulit Christus ipse . Quia dixi tibi :*  
*Vidi te sub ficu , credis .* An in eo verbo habuit argumentum Divinitatis ? At hoc  
 infallibile non erat , neque cogebatur Nathanael , ut rectè Toletus , ex ea revela- *Reg. 4. c. 6.*  
 tione secreti , Christum scrutatorem credere ut Deum , per nam reuelare cordium  
 quoque arcana possunt ex instinctu Divino , etiam Prophetæ , quemadmodum  
 Eliseus reuelavit secretas insidias Regum Israël . Quid ergo vidit ipse , cum se visum  
 sub ficu audiuit . Vidit se visum in lumbis Adæ sub illis utique folijs ficus , ex qui-  
 bus primus peccator lumbaria succinctoria consuit sibi , ibi cum toto genere hu-  
 mano se visum vidit , & quidem captivum vidit , & miserè sedentē in vmbra mortis .

Quod dictum audiuit Nathanaeli , ait August. Serm. 40. de Verbis Domi-  
 ni , non ad ipsum pertinet solum ipse quippe Dominus Iesus sub ficu vidit omne  
 genus humanum ; isto enim loco intelligitur per arborem fici significasse pecca-  
 tum , non vbius hoc significat , replicat Augustinus , sed hoc loco , ut dixi . Et qui-  
 dem in sensu litterali , primatio , & principaliter intento . Est enim Scripturæ Ca-  
 non , ut quando ea , quæ proponuntur , maiora sunt , quàm ut plenè conveniant  
 rebus , quas verba significant , tunc potissimum in sensu litterali primario conue-  
 niunt , non rebus significatis per verba , sed rebus significatis per res à verbis ex-  
 pressis . Sic sæpè dum grande aliquid Prophetæ loquuntur de Hierusalem , non  
 loquuntur in sensu litterali de terrenâ , sed de spiritali , hoc est Ecclesiâ , quam ter-  
 N



rena figurabat, vt docet S. Hieronymus in cap. 30. Isaïæ. Quare cum habeamus Nathanaelem ex illo verbo, vidi te sub ficu magnum aliquid intellexisse, vnde illam protulit vocem: Tu es Filius Dei, dicendum est Christum locutum esse more Prophetarum, & à ficu Nathanaelis, tanquam à typo, ad ficum, seu vmbra[m] peccati primi Parentis, tanquam ad antitypum ascendisse, ibique literaliter hæsisse cum allusione tantum ad typum.

Sed quoniam oculo se visum intellexit, sub ficu primi Parentis, oculo vtique, ait S. Thomas piissimæ misericordiæ, qui est oculus gratiæ electionis, quo visa fuit Ecclesia. Ipsa enim Diuina prædestinatio oculo pietatis respicit prædestinatos sub peccatis viuentes. Isto oculo amantissimo se visum, hoc est electum se in Ecclesia ex perditionis massa cognouit. Videre enim in Scripturis aliquando idem est, quod eligere, vt ex Gregorio obseruat Maldonatus. Et quia nihil est, quod rapiat ad amandum magis, quàm se amatum videre: ad vnicum illud verbum: Vidi te, agnoscens vocem, & oculum promissi Saluatoris, & Redemptoris Isaïæ. Statim, ait S. Thomas ad hoc conuersus, & virtutem Diuinitatis in Christo cognoscens, in vocem confessionis, & laudis prorumpit, dicens: *Rabbi tu es ille Filius Dei, tu es iste Rex Israel*. Sic enim non sine emphasi cum duplici articulo in Græco legitur. Ille videlicet filius, veteri promissus homini, tanquam nouus Pater futuri Sæculi, ille Rex Israël, qui visitabit, & faciet redemptionem plebis suæ. Atque hic illud obseruo, post istam Nathanaelis confessionem, qua Christus prædicabatur ille Filius Dei, cœpisse Christum cum duplici isto articulo appellare se filium hominis. Hoc enim loco primum quod semper ferè deinceps factum est, per nimiam illam charitatem suam, qua dilexit nos, & honorabile fuit nomen nostrum coram illo, quamuis se Regem ostendar Angelorum, non confunditur fratrem se nostrum vocare, & filium hominis, & dicit ei, ei nimirum qui dixerat: *Tu es Filius Dei. Videbitis Angelos Dei ascendentes, & descendentes supra filium hominis*. Filium hominis dicit, ait Ribera, & quidem cum duobus articulis, vt certum filium, & certum Patrem ostendar, id est, vt intelligatur ille filius, non hominis confusè, sed illius hominis determinatè, videlicet Adam primi Parentis, qui illi promissus fuerat, vt eius peccatum deleteret, & naturam humanam repararet, essetque alter generis humani Pater; ideo enim dicitur secundus Adam, siue nouissimus Adam: hæc Ribera.

Ex hæcenus obseruatis manifestum videtur in vocatione Nathanaelis voluisse Christum totius Ecclesiæ vocationem adumbrare, vt sicut vocationem Petri ad Pontificatum, illiusque quasi formationem in Pontificem, non statim, sed paulatim perduxit. Primo illud tantum præsignando. Tu vocaberis Cephas, quod narrat Ioannes 1. Secundo promissum nomen imponendo, & confirmando. Tu es Petrus, & rursus clauis illi non dando sed promittendo. Et tibi dabo clauis Regni Cælorum. Quod habetur Matth. 16. Ad extremum, clauis reipsa dando post Resurrectionem. Pasce oues meas, vt legimus Ioannis 21. Ita totius Ecclesiæ, quam formaturus erat iuxta Isaïæ vaticinium ex Galilæa, voluit primo ipso in eam ingressu, & primo ipso die rudimentum aliquod facere, vt quod in primo creationis Mundi fecerat die; totum opus, quod paulatim deinceps distincturus erat. Primo etiam primæ vocationis die præsentaret. Et ideo non sine Mysterio statim sequenti die ad vocationem Nathanaelis, quæ fuit quinta Martij vt ostendit

Ad Heb. 2.

1. Cor. 25.

Cornelius, celebratæ sunt Nuptiæ in Cana Galilææ Civitate illius, & die tertia ait B. Ioannes factæ sunt Nuptiæ, tertia videlicet ab illo crastino, quo in Galilæam exiit, vt Origines docet: hoc enim est vltimum tempus à Ioanne nominatum.

In quibus nuptiis Ecclesiæ nuptiæ fuerunt adumbratæ, illis tantum in nuptiali Conuiuio nominatis, qui ad Cœnam nuptiarum agni vocati sunt; sed de Mysterio harum nuptiarum, quo primum triduum exterioris vocationis Ecclesiæ completum est, redibit fortasse Sermo: interim illud maneat, promissionem de Cælo aperto videndo, & Angelis ascendentibus, & descendentibus factam Nathanaeli fuisse, non tanquam priuatæ personæ, sed tanquam Ecclesiæ. Et ideo ad nouum Ecclesiæ statum totum hoc Christi vaticinium pertinere, id quod senserunt graues Doctores, Cyrillus, Augustinus, Beda, Rupertus ex antiquioribus; è recentioribus vetò, Franciscus Toletus, & Franciscus Lucas, ambo maxime litterales. Quamuis enim Authores hi, non explicent in sensu proprio, & rigoroso Angelorum assensum, & descensum ad filium hominis, conueniunt tamen in eo, vt prophetiam istam extendant ad totum tempus Ecclesiæ; quomodo autem in sensu planè litterali in Ecclesia nunc verificetur, iam aggredimur examinare.

## CAPVT XVIII.

*Quomodo in sensu litterali verificetur in Ecclesia promissio Christi Domini, de Angelis descendentibus, & descendentibus supra filium hominis, & quando impletum est hoc Oraculum.*

*Proponuntur aliorum Sententia.*

**M**AGNET CVM planè Oraculum, & quo in tota Sacra Scriptura vix, aut ne vix quidem illustrius sit reperire. *Amen, amen dico vobis videbitis Cælum apertum, & Angelos Dei ascendentes, & descendentes supra filium hominis.* Hic primo illa præfationis voce vsa est Patris Sapientia. (*Amen dico vobis*) per quam, attentionem magnam excitaret, ex magnitudine videlicet dicendorum ad eum planè modum, quo priusquam esset incarnata iam olim dixerat: *Audite me quia de rebus magnis locutura sum.* Neque solum hoc loco primum hanc vocem adhibuit, quod obseruare facile fuit ex tota Chronotaxi gestorum Christi, sed illam geminatam adhibuit non vnico, *Amen*, sed duplicato, *Amen, Amen.* In quo est animaduersione, & inuestigatione non indignum; quoniam tandem mysterio factum sit, vt cum in cæteris Euangelistis illa vox simplex reperiatur semper, in solo Ioanne semper duplicetur.

Mouet hanc quæstionem Rupertus, & illam affert causam, quia, inquit, *quæ à Ioanne referuntur, maiora, & diuiniore sunt; & idcirco concitatiore, id est geminato semper affirmationis clamore magis attentum efflagitant auditoris animum.* Verum huic causæ non immerito repugnat Maldonatus. Quia, inquit, sæpè Ioannes de iisdem rebus cum aliis agens, ille geminat, alij non geminant, & alij nun-

I.

Hac promissio  
quomodo litte-  
raliter verificetur in Eccle-  
sia?

Sap. 10.

II.

Cur solum S.  
Ioannes gemi-  
net, Amen,  
amen.

In c. 3. Ioan.

Ratio Ruperti.

quam, cum sæpè de grauissimis agant rebus, ille semper, cum aliquando de rebus non maioribus quam alij agat, ex quo tandem infert Maldonatus, geminationem illam non ex mysterio aliquo, sed ex proprio Euangelistæ ingenio, vel etiam loquendi familiari consuetudine profectam esse.

*Ratio Cornelij.*

Cornelius diuersitatem illam potissimum refert ad prærogatam personæ S. Ioannis, præsertim tempore, quo Euangelium scripsit; tunc enim ex omnibus Apostolis, solus ipse erat superstes, & solus manserat veluti Ecclesiæ os, & Oraculum, propterea quasi auctoritate pollens, quasi senum senior, quasi Patriarcharum Patriarcha dicit, Amen, Amen. Qua etiam geminatione, ait ipse, insinuaturs gemina certitudo, quam Euangelista in scribendo habuit; cognouit enim quod scripsit per duplicem cognitionem naturalem, & Diuinam, per experientiam, & per reuelationem. Verum ratio petita à conditione personæ non habet hoc loco pondus; neque enim agit hic S. Ioannes, aut Theologum, aut Prophetam, aut Patriarcham Ecclesiæ, sed tantum Euangelistam, & simplicem enarratorem dictorum Christi. Vel ergo Christus verè geminabat, Amen, Amen; & tunc quærimus cur reliqui Euangelistæ nunquam illud referant geminatum, si verò non geminabat, cur Ioannes, & solus, & semper geminatum referat, neque enim hic ipse loquitur, sed Christum loquentem inducit. Et sanè quod Christus verè geminauerit, siue ad ostendendam rerum grauitatem, sublimitatem, & certitudinem, siue quamcumque ob aliam causam, & fatetur Cornelius, & fatendum ab omnibus est. Cur autem ceteri Euangelistæ breuitati studentes, vt Cornelius loquitur, vnico Amen vtrumque Christi Amen complexi sint, Ioannes verò huic in ea voce compendio non studuerit, sed vt à Christo erat prolata, iterare semper amauerit. Hoc sanè inuestigatione dignum omnino est, neque enim Maldonato assentiri possunt, vt credant vacare omnino mysterio, quod tantus Euangelista non semel, aut iterum, sed semper; nec in grauioribus tantum rebus, sed etiam minus grauibz constantissimè vsurpauit, & quidem post visa, & studiosè obseruata trium aliorum Euangelia, quæ ad se, antequam suum scriberet allata (quod refert Toletus) admiratus laudauit, & confirmauit. Quare certissimum mihi est Ioannem, qui in scribendo Euangelio cæterorum postremus fuit, aliquid in illa voce post omnes alios de nouo cognouisse, ob quod nullo modo prætermittendam, aut non iterandum iudicaret. Neque mirum videri potest id contigisse; nam Euangelium, quod vltimum opus ipsius fuit aggressus est scribere non multo post rediit ab exilio Pathmos, vbi Apocalypsim accepit tot habentem Sacramenta, quot verba, vt ait S. Hieronymus; Constat autem hoc præcipuè verbum, de quo agimus fuisse in Apocalypsi Sacramentum, in quo reuelatum fuit Ioanni nouum nomen Christi; sic enim habetur in septima, & vltima Christi Epistola, quam iustus fuit Beatus Ioannes scribere ad Episcopum Laodicensis Ecclesiæ: *Scriba, hæc dicit, Amen, testis fidelis, & verus, qui est principium creaturæ Dei.* Quasi prius dixisset Ioannes illud Moysis: si dixerint mihi, quod est nomen eius, quid dicam eis? Sic dices: hæc dicit, Amen, hoc est, hæc dicit ille, cuius nomen est, Amen. *Hoc loco, ait*

*Argum. in lo.*

*Ratio Auctoris.*

Primasius, Dominus, Amen, vocatur, quod referendum est ad Diuinitatem essentiam, de qua Deus Moysi dixit: Sic dices filiis Israël, qui est mihi ad vos. Et rectè quidem in eo, quod dicit Dominum in hac Epistola vocari, Amen, quod non sit Aduerbiū, sed nomen, vt benè Carthusianus, Ribera, Cornelius, & alij.

*Apoc. 1.*

*Exod. 3.*

*Primas. apud*

*Petru. in Apoc.*

Sed quod hoc ad solam Diuinitatem sit referendum, auctores isti planè dissentiunt; sicut enim id, quod sequitur, *Testis fidelis, & verus, qui est principium Creatura Dei*, de Christo non tantum, quia Deus est, sed etiam quia homo est intelligitur, ita nomen hoc reuelatum de Christo etiam vt homo est, in quo sensu nomen plane nouum dici potest, quia vt rectè Ribera Nomina, quæ Filio Dei dantur vt homo est, neque ab æterno, neque ab initio Creaturæ, sed à tempore quo homo factus est ei conueniunt, atque adeo noua sunt.

Cum ergo solus Ioannes ex cuius Apocalypsi, & Euangelio, vt docet S. Chrysostomus, Angeli ipsi Cherubim, & Seraphim plurima didicerunt, huius vocis mysterium, tanquam nominis non cognouisset. Hinc factum existimo, vt quod loco Mysterij erat, explicatè, nec solum ex ore, sed tanquam os ipsum Christi geminare pronuntiaret; quam etiam causam insinualle videtur super hoc loco Rupertus: *Potest, inquit, & sic rectè intelligi, quod, Amen, dictum sit pro ipso nomine veritatis, qua est ipse Filius Dei iuxta illud in Apocalypsi: Hac dicit, Amen, & sic dicit, Amen, Amen dico vobis, vt intelligas Christum dixisse: Ego Veritas veritatem dico vobis.*

Magna ergo commendatio, & laus est huius loci, quem aggredimur explicare, quod in ipso primum hoc tantæ vocis Mysterio vltus est Christus, vt propterea magna etiam sit in nobis attentio excitanda, & studium acuendum, vt quæ sub tanti Oraculi verbis latent, percipiamus.

### *Quando impletum est hoc Oraculum.*

Sed facit obscuritatem non exiguam, quod non satis appareat quandonam huiusmodi oraculum impletum sit, & sanè si editum fuisset ante Baptismum Christi, referri facile posset ad illud Lucæ: Iesu baptizato, & orante apertum est Cælum, & descendit Spiritus sanctus corporali specie, sicut Columba in ipsum, & vox de Cælo facta est: Tu es Filius meus; tam enim Columba visa, quam vox audita Angelico ministerio firmata est, atque ob id fortasse Cælum tunc apertum esse dicitur, quia illinc Angeli descendere, & illuc ascendere visi sunt.

Verum hunc Christi sermonem non ante, sed post Baptismum contigisse manifestum est ex serie gestorum Christi, & ex iis præsertim, quæ per singulos dies enarrat Ioannes ipse capite primo.

Rursum si hæc Christi Prophetia fuisset exposita saltem ante tentationem in Deserto, quiesceret aliquantulum etiam animus in eo, quod scribit Mattheus: *Et ecce Angeli accesserunt, & ministrabant ei;* quamvis enim tunc non dicantur Angeli, ascendisse, & descendisse, sed tantum accessisse, quod Chrysostomus refert ad Mysterium, vt scilicet significaretur, ait ipse, quia Angeli semper ad ministerium Christi erant in terris, tamen cum habeamus ex hoc loco insigne Angelorum ministerium possemus interpretari verba Christi, vt nihil aliud sint, quam metaphorica quædam ministrorum descriptio, qui cum Regi ministrent expeditos videas alios per scalas ascendentes, ferentes fercula, aut aliud quidpiam, alios contra descendentes, eademque referentes, quæ explicatio Maldonati est, & non importunè traducta ad præsens ministerium cælestis conuiuij

III.  
*Premisso Christi quando impleta est*  
Luc. 3.

IV.  
*An in Iordane.*

V.  
*An in Deserto.*  
Matth. 4.





Christo; sed utrum Christo in viuis ambulanti, & vigili, an potius quasi sub specie mortui veluti jacenti, & dormienti supra lapidem erectum in Altare. Hoc profectò erit grande Mystrium paulopost euoluendum. Interim dico veritatem promissionis factæ Nathanaeli, & Philippo, non postulasse ut visio ista contingeret antequam mysticus noster Iacob veniret ad quemdam locum, *Gen. 28. 12.* & vellet in eo requiescere post solis occubitum. Ratio in promptu est, quia illa tam magnifica promissio facta fuit Nathanaeli, non tanquam priuatæ personæ, sed tanquam Ecclesiæ, ut sæpissimè factum est in Euangelio iuxta illud: *Quod autem vobis dico, omnibus dico:* super quem locum Augustinus: *Non solum illis dixit, quibus audientibus loquebatur, sed etiam illis, qui fuerunt post illos ante nos, & ad nos ipsos, & qui erunt post nos usque ad nouissimum ejus Aduentum.* Hæc autem in calu nostro, vel ipsa verba Textus indicare videntur. *Et dicit ei: Amen, Amen dico vobis, videbitis Cælum apertum:* conuersus ad Nathanaelem dixit illi sermonem; ideo legimus, *& dicit ei,* sed quia non ei tanquam priuatæ personæ, ideo non subdit: *Amen, Amen dico tibi, videbitis, sed Amen, Amen dico vobis, videbitis.* Aplice, ait, Cyrillus *Aug. ad Hef. Cyrill. c. 21.* Nathanaelis fide posita, ad omnes communiter vertit sermonem. Ex quo patet, neque promissionem illam fuisse specialem, quod asserēbar Cornelius, neque de visione oculi corporei, sed oculi spiritualis, & longius, latiusque aspicientis, qui est fides, neque vrget, quod tandem indicare videbatur Cornelius, promissam scilicet visionem corporalem ad inchoatam Nathanaelis in se fidem augendam, & roborandam. Nam quidquid sit de fide Nathanaelis circa diuinitatem, de qua supra disputauimus, certè ad illam confirmandam, ait Chrysostomus, futurum à præterito probauit Christum. Non dicit futurum ab euentu credendum reliquit, quia tunc præsentem fidem de Diuinitate à Nathanaele exigebat, sed dicit futurum à præterito probauit. Interroganti enim illi: Vnde me nosti, respondit Iesus, & dixit ei: priusquam te Philippus vocaret, cum esses sub ficu, vidi te. Ecce hoc erat præteritum, & occultum; ab hoc autem præterito confirmat futurum, & per promissionem ita confirmatam, inchoatam Nathanaelis in se fidem auget, & roborat.

Cum ergo veritas verborum Christi non exigit spectaculum hoc esse datum viuenti Christo, & Euangelistarum nullus, de eo faciat mentionem; non video cur non sit sacro Interprete dignius diligenter examinare, utrum ad tempora consequentia pertinere possit.

Maldonatus ex vna parte videns nullum esse fundamentum in Scriptura affirmandi Vaticanum hoc esse impletum viuente Christo; & ex altera existimans contineri in eo testimonij publici, atque conspicui Diuinitatis magnificam promissionem, rem totam reiecit ad vltimum Mundi diem, quando ut est apud Matthæum: Filius hominis veniet in Majestate sua, & omnes Angeli ejus cum eo. Nec dubito, inquit, hunc esse verum sensum, nam in Ascensione Christi, quæ vna, præter hanc, opinio videtur esse publicis; videntur quidem Apostoli Angelos, sed nec specie Angeli viderunt, nec ascendentes, & descendentes, & est credibile Christum argumentum Diuinitatis suæ omnium certissimum asserere voluisse: hæc ille.

Sed verè consideranti cuique utrumque Oraculum apparebit facilè longè diuersum; nam ibi apud Matthæum prædicuntur Angeli venturi cum eo. Hic vero apud Ioannem prædicuntur ascenduri, & descenduri supra eundem. Neque

VIII.  
An implendum  
in die Iudicij.

Matth. 25. 31.

verò vim magnam facio in illud, supet, nam quod didici à Ribera, ptxpositio  
*Rib. in c. 1. Joa.* super, more Hebræorum, aliquando significat, propter, vt 2. Regum: *doleo super*  
*re frater mi Ionatha*; aliquando significat, ad, vt Luca 3. *Factum est verbum*  
*Domini super Ioannem*, & quod concesserim Maldonato, aliquando significat jux-  
 ta, sicut solent Munisti Dominum cingere; sed totam vim facio in eo, quod vt  
 cumque explicetur illud *super*, videndi tamen sunt semper vetè ascensui, & des-  
 censiui. At, inquit, Maldonatus ascendentes, & descendentes, cum dicit, nihil  
 aliud significat quàm ministrantes; itaque frustra quaeritur quomodo illi ascen-  
 dunt, & descendunt: nec enim verus ascensus, aut descensus, sed verum ministerium  
 significatur. Hæc responsio suas habet difficultates, & sanè si solida omnino est,  
 frustra impugnauit Maldonatus opinionem Titelmanni de tempore Ascensionis,  
 illo argumento, quia non viderunt tunc Apostoli Angelos sub specie Angeli, quod  
 fortasse est verum, nec ascendentes, & descendentes, quod esset falsum juxta ex-  
 plicationem factam: quandoquidem ascendere & descendere nihil aliud significat,  
 quam ministrare. Sed quidquid sit de coheretentia hujus responsionis certe non vi-  
 detur vera. Aliud enim est ascensum, & descensum hoc loco significare verum mi-  
 nisterium, aliud, verum ministerium non significare hoc loco per verum ascensum,  
 & descensum: primo vtrò admitto, secundum nego, & pernego. Nam eadem  
 ratione posset quis dicere, neque B. Jacob vidisse Angelos ascendentes, & descen-  
 dentes, sed tantum cognouisse ex Cœlesti Regia, omnia ad hunc Mundum man-  
 data proficisci, & naturam corpoream per Angelicam gubernari, idque à Moysse  
 explicari per illas voces, ascendentes, & descendentes, quod omnino esset, verba  
 Scripturæ à propria ipsorum significatione nimium detorquere: Ita enim signifi-  
 cant Angelorum ministerium, vt illud per tale objectum significent, nimirum per  
 ascensum, & descensum. Vidit sine dubio instantiam hanc Maldonatus, idè for-  
 tasse subdit: si quis tamen contentiosius urgeat, oportere, vt vetè alij ascen-  
 dant, alij descendant. Respondebo ascensuros alios à loco iudicii in Cælum nunc-  
 cia ad Patrem Christi deferentes, descensuros vetò alios, qui cum Christo vene-  
 rint, & illi assisterint iudicanti.

Sed non satis intelligo, quo sensu, quoque consilio dicit ascensuros alios à loco  
 iudicii in Cælum nuncia ad Patrem Christi deferentes, fatemur quidem omnes  
*Psalm. 112. v. 5.* Deum Patrem in Cœlis habitare: nam quis sicut Dominus Deus noster, qui in  
 Cœlis habitat cœterum dicitur Deus Pater esse in Cœlis, quia quamvis ubique sit,  
 ibi tamen suam gloriam Angelis, ac Beatis manifestat: at eo die, vt Propheta loqui-  
*Matth. 25.* tur: Aduocabit Cælum deorsum, hoc est omnes omnino Cœli habitatores, vt ex-  
 plicat Bellarm. juxta Christi Otaculum. Cum venerit filius hominis in Majestate  
 sua, & omnes Angeli ejus cum eo. Omnes, ait, ergo in die iudicii infert Cornelius,  
 ne vnus quidem Angelus manebit in Cœlo. Ergo Pater erit in Cœlo eo die ad eum  
 modum, quo ubique est; modo autem speciali dicitur potius esse in ipso loco iudicii,  
 quia ibi omnis Trinitatis gloria potissimū elucebit. Quid ergo significat illud, ascen-  
 suros à loco iudicii in Cælum, nuncia ad Patrem Christi deferentes: Sed quoniam  
 responsio ista videtur excogitata ad saluandam proprietatem verborum illorum:  
*ascendentes, & descendentes*. Dico neque illam saluare, qui non dicitur ascendentes  
 ad Patrem, & descendentes ad Filium hominis, sed ascendentes, & descendentes  
 ad filium hominis.

Atque hinc desumo argumentum generale contra omnes sententias hæcenus indicatas, quia extrâ Myſterium Sacroſancti Sacrificij, quæ erit noſtra ſententia, nullo modo ſalutari poteſt veritas verborum Chriſti, ſi in ſua proprietate rigorosè accipiantur, quia huiusmodi aſcenſus, & deſcenſus præſupponit filium hominis eſſe ſimul ſurſum, & deorſum, ut ſenſus ſit aſcenſus ad filium hominis, & rurſus ad eundem filium hominis deſcenſus. Extrâ autem Myſterium Euchariſtiæ, nuſquam eſt filius hominis, & ſimul ſurſum, & deorſum. Dixi ſi rigorosè accipiantur, & loquamur de filio hominis ſecundum humanitatem, nam cæteroquin Chriſtus etiam cum eſſet in terra, dixit illud Ioannis 3. *Nemo aſcendit in Cælum, niſi qui deſcendit de Cælo, filius hominis, qui eſt in Cælo. In terra erat, ait Auguſtinus, & in Cælo ſe eſſe dicebat. Filius hominis, qui eſt in Cælo. Ut intelligamus, ait Auguſt. tract. 27. in Ioan. Unam perſonam eſſe Chriſtum Deum, & hominem, non duas, ne fides noſtra non ſit Trinitas, ſed Quaternitas.* Sicut ergo ſatendum eſt etiam ante aſcenſionem in Cælum, filium hominis fuiſſe in Cælo, ita nec poſſumus negare etiam poſt aſcenſionem de terra filium hominis eſſe in terra, etiam extrâ Myſterium, quia filius hominis, & filius Dei non ſunt duo filij, ſicut nec duo Chriſti; cæterum quia naturæ duæ ſunt, dicimus ſecundum humanam naturam, non eſſe ſimul ſurſum in Cælo, & deorſum in terra; ſed vel tantum deorſum, ut quando agebat in tetrīs; & ſedebit in loco Iudicij; vel tantum ſurſum, ut fiet poſt diem Iudicij, quando ſubtrahet ſcala, & clauſa porta Cæli, Angeli non habebunt amplius, ad quem deſcendant.

Sed utrum in eo rigore ſeu potius proprietate omnia, & ſingula præſentis oraculi verba ſint accipienda, dubitare quis meritò poſſit, tum quia non videtur tanta vi faciendâ in minutis, cæteroqui voculis, dictionisque particulis, tum quia plerique ſacrorum Interpretum, magnum in ea loquendi forma Myſterium non agnouerunt. Video non defuturos, qui hæc dicant, ſed quid reſpondit Magnus Baſilius pro quibuſdam ſyllabis Sacræ Scripturæ; *non propterea, inquit, quod aliter videbuntur minuta, ob id videri debent & negligenda; immò quoniam difficultis eſt inuentio, veritas undique nobis eſt veſtiganda.* Plerumque quædam, ait Baſilius, ſic minima ſunt, ut eadem ſint magna, prolationis quidem compendio exigua; atque ob id fortaſſe contemptui obnoxia, ſed rerum ſignificatarum vi magna, ad ſimilitudinem ſinapis, quod cum ſit minutiffima inter arida legumina, ſi iuſta cura adhibeatur, explicat vim in ipſo latentem, & exurgit in altitudinem ſuo ſe robore ſuſtentans. Quæ ſane ſicubi habeat locum, habeat proſe & o maximum in Verbis Chriſti. Sed præter hæc, quæ generalia nimis fortaſſe videbuntur, habeo horum iſporum Verborum interpretem Auguſtinum, qui non ſemel, nec perfunctoriè demonſtrat Angelorum hunc aſcenſum, & deſcenſum ad filium hominis præſupponere ipſum filium hominis, ſecundum ſuum corpus, eſſe ſurſum, & eſſe deorſum. Ecce Auguſtini verba Serm. 40. de Verbis Domini. *Si Angeli, inquit, deſcendunt ad illum, hic eſt, ſi aſcendunt ad illum ſurſum eſt, ſi autem ad illum aſcendunt, ad illum deſcendunt, & ſurſum eſt, & hic eſt. Nullo pacto fieri poteſt ut ad illum aſcendant, & ad illum deſcendant, niſi & ibi ſit, quo aſcendunt, & hic ſit quo deſcendunt.* Hæc Serm. 40. Sapiebat huiusmodi cogitatio Auguſtino, idcirco ſæpiſſimè eum reuoluebat. Quare Sermone 41. eundem commemorans locum, & reſumens. *Non diceret aſcendentes ad filium hominis, niſi ſurſum eſſet,*

*Ne Spiritus  
Sancto. c. 1.*

*In Euang. 3.  
Ioann.*

*Lib. de in  
Proim.*

non diceret descendentes ad filium hominis, nisi deorsum esset, ipse sursum ipse deorsum. Vides acceptionem horum verborum in hac literali, quam sonant proprietate non esse ita scrupulosam, ut sacro interprete non sit digna, & quod in vniuersum adnotauit Basilium conari in quaque dictione Scripturæ, quid in quaque syllaba reconditi sensus lateat, perscrutari eorum tantum esse, qui de sacris Litteris magnifice sentiunt, in quo planè omnes Ecclesiæ Patres excelluerunt, qui in suis Commentariis demonstrarunt id, quod Hieronymus dixit illis verbis: Singuli sermones, syllabæ, apices, puncta in Diuinis Scripturis plena sunt sensibus. Sed dicendum hoc loco esset, qua ratione Augustinus sua interpretatione præluceat nostræ sententiæ. Nam ipse ita ad propositam quæstionem vbique respondet, ut nullo modo recurrat ad Mysterium Eucharistiæ. Fateor Augustinum aliam à nostra inire viam expediendæ difficultatis, nostræ tamen non repugnantem, immò ex vna, quæ hic præcipua est parte fauentem, quia ipse præsupponit hæc verba pertinere ad statum præsentem Ecclesiæ post Christi in Cælum ascensionem secundum humanitatem: ideo illud primum, quod filius hominis sursum sit declarat per illam Domini vocem ad Paulum: Saule, Saule quid me persequeris. *Qui ait, Saule, Saule, vnde clamat? de Cælo? Ergo sursum est.* Itaque in explicando ascensu ad filium hominis habebimus expressè pro nobis Augustinum, in explicando autem descensu ad eundem filium hominis, satis ad propositum nostrum erit, si contrarium non habeamus, nam ipse ita recurrit ad Corpus Christi mysticum, quod est in terra, ut de corpore reali sermonem non habeat, quod profecto non est interpretationem dogmaticam negare, sed moralem inculcare. Ipse, inquit, sursum, ipse deorsum, sursum in se, deorsum in suis, sursum apud Patrem, deorsum in nobis; vnde, & vox illa ad Saulum, non diceret Saule, Saule, nisi quia sursum erat; non diceret, quid me persequeris, qui sursum erat, nisi esset & deorsum, sursum enim Saulus non persequabatur; time te Christum sursum, agnoscite deorsum. Habe Christum sursum largientem, hic agnosce indigentem. Hic pauper est, ibi diues est. Ostendit igitur hic Augustinus, filium hominis esse deorsum ratione sui corporis Mystici, quod est Ecclesiæ, quod sæpius admonet, alibi facit præcipuè cum ad populum diceret.

*Serm. 40.*

*Serm. 41.*

Neque mirandum est Augustinum à propria, & primaria significatione filij hominis deflectere voluisse ad secundariam, & mysticam, intelligendo scilicet de corpore illius, quod est Ecclesiæ, quando hoc etiam loco per Angelos ascendentes, & descendentes voluit viros Apostolicos intelligere ascendentes quando perfectis perfecta prædicant, descendentes, quando paruulis, & imperitis simplicia, quæ intelligere possunt insinuant. Verum enim verò sicut in sensu proprio, & literali per Angelos intelliguntur beati Spiritus, qui sensus proculdubio non excluditur ab Augustino, sed præteritur, ita licet præteratur hoc loco ab Augustino acceptio filij hominis deorsum secundum eandem proprietatem naturæ, per quam est sursum, non propterea fit ut ab illo huiusmodi acceptio excludatur.

Quod si quis roget, qualem Christus loquutus est de Angelis descendens ad filium hominis, sensit ne iuxta sensum explicatum ab Augustino, an iuxta sensum à nobis indicatum? Producam in medium pro responsione iudicium ipsum Augustini; quæ nimirum sint partes boni interpretis inter duos litigantes de germano sensu Scripturæ. Si enim alter dicat hoc sensit Moyses, quod ego, & alter dicat, im-

*Lib. 12. Conf.  
5. 31.*

mō & illud quod ego, religiosius me arbitror dicere ait Augustinus. Cur non utrumque potius, si utrumque verum est? Et si quid omnino aliud verum quispiam in his verbis videt, cur non; & illud vidisse credatur, per quem vnus Deus sacras Litteras vera, & diuersa visuris multorum sensibus temperauit. *Sensit ergo concludit Augustinus, sensit ille omnino in his verbis, atque cogitauit, cum ea scriberet. Quidquid veri hic potuimus inuenire, & quidquid nos potuimus, aut nondum possumus. & tamen in eis inueniri potest. Ecce iudicium Augustini. Quod sitam magnificē sentit Augustinus de verbis Moysis, quid dicendum de Verbis Christi, quā ratione negabimus ea sensibus omnibus veris plena fuisse? Ego cerrē, ait Augustinus, si ad culmen auctoritatis aliquid scriberem, sic mallet scribere, ut quod veri quisque de his rebus capere posset, mea verba resonarent, quam vt vnā verā sententiam ad hoc apertius ponerem, vt excluderem ceteras, quarum falsitas, meam posset offendere.* Si ergo Augustinus, si vnusquisque mortalium sic mallet scribere, aut loqui, vt quidquid veri in eius verbis posset quis inuenire per totam æternitatem, eius verba de facto resonarent. Cur non dicemus de Christo, qui est Verbum Patris primordiale, talia de facto verba sibi condidisse, & vsurpasse? Sentit ergo Augustinus quod Christus sensit, quia verum sensit; sed quia Augustinus etiam sensit sensisse Christum quidquid præterea sensuti essent, quicumque vera sentirent. Ideo dicimus ex eiusdem Augustini consequentia Christum iuxta nostrum quoque sensum sensisse, quia & nos vera sentimus. Vter autem sensus sit prior, & prior ex dicendis constabit.

## CAPVT XIX.

*Proponitur breuiter historia quæ dedit occasionem præsentis vaticinio.*

VT viam sternamus ad germanam & litteralem explicationem huius loci, repetenda historia est, quæ dedit occasionem vaticinio. Nihil enim magis confert ad assequendum genuinum sensum Scripturæ, quàm eiusdem scopi, & intentionis inuestigatio, quæ profectò in historiæ circumstantiis examinandis posita est. Ergo Nathanael veritatis testimonio verus Israëlita, qui scilicet non solum secundum carnem, sed etiam secundum spiritum filius erat Magni illius Patriarchæ, qui Iacob in natiuitate à parentibus, ætate autem matura Israël ab Angelo nominatus fuit.

Is magno tenebatur desiderio inueniendi Messiam illum promissum in lege à Moysē, & Prophetis, quem iam in terris visum esse fama vulgauerat, vel ex illo Baptistæ testimonio: Medius autem vestrum stetit, quem vos nescitis.

Cumque aliquando solus remotis arbitris ad arboris vmbra secum ipse tantum negotium animo reputaret: Ecce tibi Philippus, qui sequutus erat Christum vsque Canam Galilææ, quæ erat patria Nathanaelis. Inuenit Philippus Nathanael, & quidem, vt ait Cyrillus, non casu aliquo, sed multo quæsitum studio inuenit; immò si diligenter aduertamus, ex Christi peculiari consilio, voluntate,

I.  
*Qua præsentis vaticinii fuerit occasio*

*Genes. 32.*

*Ioan. 1.*

*1. 2. c. 14.*



& instructione id factum esse censebimus, neque ob alium finem Christum è Iudæa in Galilæam voluisse descendere existimabimus, & iussisse Philippum sequi, nisi, ut illum verum quæreretur Israëlita. Accipe verba textus. *In crastinum voluit exire in Galilæam, & inuenit Philippum; & dixit ei Iesus: sequere me, & statim commemorata Philippi Patria, quæ erat in Galilæa, subdit Euangelista: inuenit Philippus Nathanaelem;* itaque Galilæam cogitans, iussit Philippum sequi, qui sine dubio, vt benè Toletus tunc Christum euntem in Galilæam sequutus est; ad quem autem finem dixerit illud: *sequere me*, nihil præterea addendo, & responsum nullum expectando, manifestum sit ex proximo ministerio. Cum enim peruenisset Canam, tunc statim quæsitum iuit Nathanaelem, qui erat de Ciuitate illa, & inuentum ad Christum duxit. Neque pigeat te lector iterum obseruare illud: *In crastinum voluit exire*, nam quando in Scriptura norantur tempora, vt monet Gregorius, mysteria indicantur. In crastinum ergo, seu crastina die, ab illa nempe die vt probat Toletus, in qua Petro dixit: *tu vocaberis Cephas*, quod nomen Syriacum, non qualemcumque lapidem, sed magnum lapidem, qualis in fundamento ponitur significat. Primo, ac fundamentali lapide designato statim ad Ecclesiæ ædificium designandum exire voluit. Ideo non per se, ipse, sed per Philippum, quasi missum ad exitum viatum vocauit Nathanaelem tanquam verum Israël, & tanquam suam Ecclesiam vt videbimus cum Augustino. Ego pro magnitudine veri, ne casu accidisse putes, ait Rupertus, voluntatem Christi Euangelista præniisit. Voluit quasi diceret, volens omnino prophetiam Isaïæ implere dicentem, sicut illam explicat Matthæus de Christo incipiente edificare Ecclesiam in Galilæa terra Zabulon, & terra Nephthali, *Populus qui sedebat in tenebris vidit lucem magnam*, volens hanc prophetiam implere. Exiuit, quo verbo Ecclesiam generaliter quoque conuocandam insinuat, & ideo fortasse non ad Galilæam inferiorem, sed ad superiorem exiuit, quæ Galilæa Gentium dicebatur, tùm quia erat vicina Gentibus Tyriis, & Sidoniis, tùm quia ea illius pars, quæ à Salomone data fuit Hiran Regi Tyri, à gentibus habitabatur vt communiter docent Interpretes & de ista loquitur Isaïas, quod vidit lucem magnam, & habitatoribus in regione vmbre lux orta est eis.

Benè ergo vt historiam prosequar, quarens Philippus Nathanaelem inuenit, ait Rupertus, vt eum participem præsentis faceret gaudij, & iuxta nomen suum (Philippus N. interpretatur os lampadis) proximum suum illustraret. Festinat lumine boni nunciij. *Quem scripsit, inquit, Moyses in lege, & Propheta innominatus Iesum filium Ioseph à Nazareth*, Magni profecto nunciij baiulus Philippus fuit. *Inuenimus*, vox est afferentis rem nouam, & magni momenti, & preiij, & studio, desiderioque expectatam, atque cupitam; neque dubium esse potest, quia verus Israëlita, qui expectabat consolationem Israël, ad illam vocem gaudio perfunderetur sed viro perito in Scriptura ait Chrysost. difficultates inciebat Sermo Prophetæ Christum de Bethleem futurum prædicentis, ideo Nazareth audiens non negando sed admirando potius, & dubitando. Air à Nazareth potest aliquid boni esse, res erat non ita facilis vt posset solui à Philippo, neque enim tunc sciebat triplicem illam distinctionem de Patria Christi, de Bethleem, in qua natus, de Nazareth, in qua educatus, & de Capharnaum, in qua domicilium suæ prædicationis posuit ex illa tamen ignoratione non exiguum fructum percepit vter-

*Tract. in Ioan.*

*Isai. 6. 9.*

*6. 4.*

*3. Reg. 9.*

que, nam & Philippus ne se in ea, quæ nesciret in gereret, humili, prudentique vsus consilio ad Christum, qui verè Doctor erat venire inuitat, à quo totius nodi solutionem acciperent. *Veni, inquit, & vide* quibus verbis Philippus Doctorem mitissime commendauit; est enim sensus, vt ait Cyrillus lib. 2. cap. 15. *Si videris solummodo, si sermonem cum eo conferas facillimè mihi assenties, ipsum procul dubio esse, qui expectatur.* Credere autem oportet, subdit Cyrillus, ineffabilem quandam gratiam in sermone, ac Verbis Christi fuisse quibus auditorum animi magna iucunditate allicerentur. Nathanael verò partim sua admiratione impulsus, partim à Philippi verbis allectus venire non detrectauit, in quo iure admiratur Toletus (qui Nathanaelem cum aliis doctum fuisse opinatur contra id quod supra probauimus,) prudentem hominis humilitatem. Vir doctus, in scripturis versatus, audit ab homine illiterato rem nouam, & summi momenti, scit scriptum per Prophetam Christum de Bethleem Iudæ venturum, audit Galilæum, & de Ciuitate infima prudenter admiratur, ac dubitat; & tamen non solum non omnino negat, non solum non exprobat Philippo ipsum deceptum esse, sed duci ab illo patitur, vt videret, & disceret veritatem. Venit ergo Nathanael ad Christum, & quidem sine dolo, non sicut cæteri Scribæ, legisque Doctores calumniandi studio, & contradicendi, sed humiliter addiscendi.

Sed quid ad tanti discipuli aduentum Magister veritatis? *Vidit Iesus Nathanaelem venientem ad se, & dicit de eo: Ecce verè Israëlita, in quo dolus non est.* Vidit plane oculo benignissimo, & læta hilarique fronte, quod tanta verborum commendatio ostendit, aduenientem excepit.

Ecce dignum vtique spectaculo illum esse significat, ait Rupertus, dicendo: Ecce, ecce inquit verè Israëlita, & addendo: Verè opportunam facit Israëlitarum distinctionem, neque enim omnes, qui secundum carnem ex Israël sunt, hi sunt Israëlita, sed ille tantum tanquam verus filius Israël, Electorum Ecclesiam repræsentare potest, in quo dolus non est, qui scilicet recto, & mundo corde Patrem Deum, & qui missus est, Iesum Christum videre, & cognoscere sitit. *Talis est populus Christianus,* ait Augustinus, *qui si minus in hoc seculo est Israël,* Aug. serm. 40. *hoc est videns Deum in re, est tamen Israel in spe.*

Verum hic merito extollit Augustinus personam Nathanaelis ex tanto Christi testimonio. *Magnum testimonium hoc,* ait Augustinus, *nec Andrea dictum, Traß. 12. in nec Petro dictum, nec Philippum, sed dictum est de Nathanaele: Ecce verè Israëlita.* *Quid ergo facimus, fortasse deberet iste primus esse in Apostolis, & non solum primus non inuenitur in Apostolis, sed nec medius, nec ultimus inter duodecim Nathanael, cui tantum testimonium perhibuit Filius Dei.*

Quid ad tale testimonium Nathanael responderit videamus. Profectò non intumuit laudibus, ait S. Chrysostomus; neque his obuiam factus est, sed perscrutari pergit, vt de eo certi aliquid intelligat, ideò dixit: Vnde me nosti? Hic incipiunt Mystéria. *Respondit Iesus, & dixit ei: priusquam te Philippus vocaret, cum esses sub ficu, vidi te.* Mirabilis planè res, ad illam vocem vidi te sub ficu, prorupit statim Nathanael in excellentissimam confessionem. *Rabbi, tu es Filius Dei, tu es Rex Israel.* Primo Rabbi Doctorem, & Magistrum vocat, non qualemcumque, vt enim obseruat Toletus in cap. 1. Ioan. apud Hæbræos Rabbi excellentioris est significationis, quam apud Latinos, & Græcos Magister, quia

est à verbis Rab, quod significat multiplicare, quare homo multa scientia, & virtute præditus, & propterea ab Evangelista veterum est vbique Rabbi, quod dicitur, interpretatur Magister. Secundo, Filium Dei prædicat, nec qualemcumque, sed illum, quem scripserat Moyses in lege, & Prophetæ. Ideo prædicauit cum articulo, *Tu es ille Filius Dei*. Tertio, Regem Israël appellat, illum intelligendo, de quo Zacharias, *Ecce Rex tuus venit*, ideò hic etiam additus est articulus, *Tu es ille Rex Israël*. Sed quid magnum vidit Nathanael, cum se sub ficu visum audiuit, professio non solum nouit se latentem sub ficu visum à Iesu, sed se, totumque genus hominum in Adæ lumbis inclusum, & sub peccato captiuum, quod per ficulneam significatur ex D. August. cujus foliis contra peccantem Adam fuisse subiectum. Propterea Christus Dominus subdidit Nathanaeli, *Propterea maius his videbis. Magnum vidisti, maius videbis. Amen, Amen dico vobis, videbitis Cælum apertum, & Angelos Dei ascendentes, & descendentes super filium hominis. Aspice, ait Cyrillus, Nathanaelis fide poleta, ad omnes communiter vertit sermonem. Angelos autem sursum, atque deorsum ad filium hominis venturos annuntiat, mandatis videlicet suis ad salutem credentium ministrantis.*

## CAPVT XX.

*Explicatur authoris scientia de Angelis ascendentibus, & descendentibus supra filium hominis.*

*Et declaratur quomodo Angeli ministrent Sacrosancto Eucharistia sacrificio.*

**E**X hac tenus prænaratis, & ponderatis historiæ circumstantiis, manifestum est Prophetiam istam de Angelis ascendentibus, & descendentibus super filium hominis pertinere ad statum Ecclesiæ, qui status non est captiuorū sub ficu Adami, sed filiorum sub cruce Christi. Quare non est facienda vis in illa voce: *Videbitis* quasi visio aliquæ intuitiua, aut imaginatiua Angelorum promissa fuerit discipulis tunc viuentibus. Etenim iuxta phrasim Scripturæ, idem est: *Videbitis cælum apertū*, ac si dicatur: *Et erit omnibus mirantibus, & gaudentibus Cælum apertum*: Sicut enim, quod viderat magnum Nathanael, non oculo sensus vidit; ita quod illi, & omnibus à se visum est promittitur, non ad oculum sensus pertinet, sed ad oculum longè acutiorem, & certiorum, qui est oculus fidei.

Et quoniam, quod hæc tenus ostensum est, totum hoc Christi Oraculum ad statum Ecclesiæ pertinet, vt videamus quàm perfecte impletum sit; examinabimus illa duo. Primo, quando, & quomodo apertum sit Cælum, & quotidie aperiatur. Secundo, quando, & quomodo Angeli Dei ascendunt, & descendunt ad filium hominis.

Et primo certum est, illo ipso temporis momento quo cruentum Redemptionis humanæ sacrificium consumatum est; cum scilicet *Iesus iterum clamans voce magna emisit spiritum*. Cælum tor sæculis clausum, à summo vsque deorsum apertum esse. Signauit tunc temporis circumstantiam Evangelista, quod obseruauit Au-

gustinus. Cum enim dixisset: *Iesus autem iterum clamans voce magna emisit spiritum*, continuo subiicit: *Et ecce velum Templi scissum est.* Quo verbo, inquit, *Augustinus satis expressit tunc esse scissum, cum Iesus emisisset spiritum.* Quid autem hoc significaret, explicauit Apostolus ad Hebr. quod ubi causam mysterij reddens, cur Sanctum Sanctorum semper esset clausum, & velatum, ita vt nemo ex minoribus Sacerdotibus illuc vnquam ingredi posset. Hæc air. *Hoc significante Spiritu sancto non dum propalatum esse Sanctorum viam*, hoc est vt bene Anselmus cum communi, non dum esse apertum, & patefactum hominibus iter, quo possent peruenire vsque ad Sanctum Sanctorum, id est intrare secreta Cælorum. Quod autem hæc via ad Sanctum Sanctorum Cæli apetta sit primo quando summus Pontifex noster Iesus obtulit se in Cruce oblationem, & hostiam pro peccatis totius mundi; significauit ibidem Apostolus commemorando solemnem illum introitum in Sancta Sanctorum in die expiationis quando peccata totius populi Pontifex expiabat per cruentum sacrificium. Per illum enim suum introitum non sine sanguine in interiora veli prædicebat, & prædicebat Christum per proprium sanguinem aperturum nobis Cælum; Vnde illo in cruce moriente, Velum Templi scissum est, qua re indicabatur Cælum antea nobis velatum, clausum, & imperuium per mortem Christi pandi, & aperui. Quia enim vt ait Euthym cap. 63 in Math. *Interiora Veli, figura erant Cæli, exteriora verò terram figurabant.* Scissum enim Velum significabat, diuissum iam esse medium parietem inter Cælum, & terram, qui inter Deum erat, & homines, & factum esse Cælum hominibus peruuium, soluto enim per illum obstaculo medio; atque hinc factum est, vt quod dici non potuisset ab initio Abeli innocenti, dici potuerit postea latroni penitenti paulo videlicet ante consummationem sacrificij. Hodie mecum eris in Paradiso. Hodie omnino ante solis occubitu. Et sane est contemplatione dignissimum, qua ratione quod agebatur in Templo visibili erat imago eorum, quæ in Ecclesia inuisibili agebantur. Etenim illo ipso temporis momento, quo Sanctum Sanctorum per Veli scissionem apertum est; quod sanè fuit illud, in quo sacerdos noster emissio Spiritu descendit ad Inferos, illo inquam ipso momento communicata est animabus omnibus Sanctorum. Gloria visionis Beatiæ, & patefacta est illis absque vlllo Velo diuina essentia, iussis interim Principibus Cæli ad indictam diem suas portas attollere, & portis ipsis æternalibus eleuari ad introitum Regis Gloriæ ascendentis in altum, & captiuam secum ducentis captiuitatem.

Hoc nimirum ait Rupertus verbis illis Christus videndum repromisit *Amen, Amen dico vobis, videbitis Cælum apertum, scilicet per Passionem suam Cælum esse aperendum, futuramque Angelorum, & hominum concordiam, quia prius inter se discordes fuerant, clauso hominibus Cælo & substratto pariete inimicitiarum propter originale peccatum. Non enim fuerat hactenus ille Angelorum & hominum consensus, vt venientes sancti Angeli, exeuntes de corporibus animas beatorum hominum per patentes portas Cæli inferrent, vt nunc faciunt venerabiles, & adorantes in Rege,* Ephes. 2, *ac Deo suo naturam hominum.* Hæc Rupertus, qui bene explicat qua ratione verum est, esse iam Cælum apertum. Sed (quod potissimum hoc loco propositum erat) qua ratione Angeli Dei ascendant, & descendant, non quocumq. modo, aut ministerio propter homines, sed ad filium hominis, hoc tandem est explicandum.



Dicimus ergo quod sicut Cælum apertum habemus per sacrificium humanæ Redemptionis, ita Angelorum ascensum, & descensum ad filium hominis habemus per Sacrosanctum Eucharistiæ Mysterium, in quo est sacrificium Christianæ Religionis. Ad verificandum enim hujusmodi Oraculum in sua proprietate requiruntur illa duo, quæ per verba significantur. Primum est ut filius hominis, quia homo est, & sursum, & deorsum sit. Secundum ut Angeli ad illum ascendant sursum, & ad illum descendant deorsum.

Tom. 2. contra. Et primo quod per hoc Mysterium filius hominis, qui in propria specie sursum est, idem per hoc Mysterium sit deorsum, quamvis sub alia specie, est sententia fidei, quam explicat Trident. sess. 13. c. 1. & contra hæreticos probat Bellarminus, ex Verbo Dei, & ex testimoniis Patrum. Quod autem extra hoc Mysterium Christus vel tantum sursum sit, vel tantum deorsum, docent Doctores Catholici contra Vbiquistas, qui asserēbant Christi Corpus per unionem ad Verbum semper reipsa, & de facto fuisse sursum, & deorsum; immò ubique, nec posse redigi ad unum locum.

Hæc simultanea filij hominis, & sursum; & deorsum existentia, & præsentia sursum sub specie viventis, deorsum verò sub specie non viventis, videtur per luculentissimam figuram adumbrata, pariter, & promissa, Genes. 20. ubi de Patriarcha Iacob iacente, & dormiente super lapidem, quem deinde erexit, & consecrauit in Altare, dicitur: *Viditque in somnis scalam stantem super terram, & cacumen illius rangentem Cælum & Dominum innixum scale.*

Ecce hic habes duos, alterum sursum innixum scale, alterum deorsum jacentem in lapide. Qui sursum incumbēbat, filius hominis futurus erat, qui deorsum jacebat Dominus Saluatoris Typum gerebat. *Sed si Iacob, inquit, Augustinus, in terra dormiens, Dominum figurabat. Quid est quod in Cælo Dominus scale innixus incumbēbat? Quomodo Christus Dominus & in cacumen in Cælo, & in Beato Iacob esse videbatur in terra? Quidquid ad hoc dubium respondeat Augustinus, satis superque sit nobis pro responsione Mysterium. Sicut enim Beatus Isaac singulariter Christum repræsentavit, in quantum Victima fuit sacrificij Redemptionis, Et Beatus Iacob ejusdem Christi expressiva figura extitit, in quantum Victima est sacrificij Religionis, sentit senex Patrem peculiarem odorem ejus victimæ. Et ut verbis Bernardi utar:*

*Serm. 47. sup. Cant. præsentit Christum senex caligans visu, sed odoratu sagax, quem videlicet Iacob, quasi plenus, & fecundus ager jam virtute continebat. Ecce inquit odor filij mei sicut odor agri pleni. Sed qualis fuit odor ille agri tantopere commendati, utique odor Vestimentorum hoc est specierum Panis, & Vini fuit, ut sentit vestimentorum illius fragrantiam. Huc revoco sententiam Tostati super hunc locum; Odorem scilicet agri pleni, non per se delectabilem, aut jucundam esse, sed tantum per accidens, quia plenitudo ejus ob abundantiam frumenti, & vini est homini super omnem suavitatem odoris jucunda, & delectabilis, alioquin nec frumenta, nec vineæ præcipua agri bona jucundum per se ac suavem odorem reddunt. Sed*

Gen. 27.

In cap. 27. Gen.

quidquid sit de hac opinione Tostati, quam examinat Pererius, certe Thargum Hierosolym. interpretatur odorem illum, odorem sacrificij. Ex iis, inquit, quæ tandem offeruntur in monte ubi erat Domus Sanctuarij siue Templum cui benedixit Dominus, quam quidem benedictionem statim explicat per abundantiam frumenti,



frumenti, & vini. *Frumentum & vinum* ait Theodoretus *Ænigmata sunt Divinorum Myſteriorum* & Auguſtinus, eius eſt multitudo, quam colligit frumentum, & vinum in Sacramento Corporis, & Sanguinis eius. Sed quid eſt quod palpato eo, dixit Iſaæ: vox quidem, vox Iacob eſt, ſed manus, manus ſunt Eſaü? An non & illud ſignificat, quod obſervavit quoque Cornelius ex omnibus ſenſibilibus quæ ſunt in Euchariftiæ ſacrificio ſolam vocem eſſe Iacob, ſeu Filij Dei? Dum enim dicitur: Hoc eſt Corpus meum, Myſticus utque Iacob noſter loquitur, qui falli, aut fallere non poteſt. Cætera fallerent omnia, quia ſunt Eſaü, color enim, ſapor, & cætera omnia panis, & vini ſunt, ſola illa vox, vox Iacob eſt. Sed fortaliſſe eſt vox Iacob, ut Sacerdos eſt, ut in propria ſpecie eſt, ut in forma viventis, & videntis, immò, & loquentis, denique, ut in cacumine ſcalæ in Cælo eſt, & Dominum innixum ſcalæ dicentem ſibi, ita planè, nam in quantum victima Altaris eſt, ipſe Dominus in Iacob, & iacente, & dormiente, quaſi ſub ſpecie non vivens eſt. Itaque Dominus ſuſum, & deorſum eſt.

Conſtitutis autem his quaſi cuiuſdam viæ terminis, Chriſto videlicet ſuſum in Cælo, ut Sacerdos in æternum eſt, & Chriſto pariter in Altari ut victima Mundi eſt, facile erit oſtendere Angelos Dei aſcendiſſe, & deſcendiſſe ad filium hominis.

Et primo probamus hoc eſt Myſterio Angelorum aſcendentium, & deſcendentium per ſcalam Iacob hoc argumento.

Illud eſt verbis Chriſti prædictum vero Iſraëlitæ gerenti typum Eccleſiæ, quod fuit oſtenſum B. Iacob, qui poſt benedictionem appellatus eſt Iſraël: Atqui Beato Iacob oſtenſum fuit Myſterium Angelorum aſcendentium à Chriſto ſuſum, & deſcendentium à Chriſto deorſum in tremendo Euchariftiæ Myſterio. Ergo hoc prædictum fuit verbis Chriſti, atque hoc de facto contingit in tremendo Euchariftiæ Myſterio. Singulæ propoſitiones ſunt probandæ. Ac maior quidem propoſitio nititur unanimi conſenſu omnium Patrum, qui docent Chriſtum ſuis verbis alluſiſſe viſioni Iacob, eamdemque ſignificationem utrobique incluſam eſſe. Satis ſit nunc vnus pro cunctis Auguſtinus. Qui pluribus in locis diſputat ſuper hoc argumento, & primo Sermone 40. de Verbis Domini in Euang. S. Ioan. *Recolamus*, inquit, *veterem Hiſtoriam conſcriptam in libro Sancto, ideſt in Geneſi, quando Iacob obdormiit, viditque in ſomnio ſcalam: Somnium hominis non ſcriberetur, niſi magnum in illo aliquod figuratur? Modo autem iſtum Nathanaelem attendite per cuius occaſionem Dominus Ieſus exponere nobis voluit viſionem Iacob. Quando audis: Ecce vir Iſraëlitæ, veniat tibi in mentem Iſraël, cum venerit in mentem tibi Iſraël, veniet tibi in mentem ſomnium illius, in quo ſomnio vidit Angelos Dei aſcendentes, & deſcendentes. Si ergo Iacob vidit ſcalam, qui eſt & Iſraël appellatus eſt autem, & Nathanael ille vere Iſraëlitæ; ideo dixit ſomnium Iacob; cui dixit? ei quem appellavit Iſraëlitam, quaſi diceret: cuius nomine te appellavi, ipſius ſomnium in te apparebit, noli feſtinare mirari, maiora horum videbis. Videbis Calum apertum, & Angelos Dei aſcendentes, & deſcendentes ad filium hominis. Ecce quod vidit Iacob, ecce quare perſudit lapidem oleo Iacob; ecce quare Chriſtum Prophetam ſignificavit, & figuravit Iacob: illud enim factum prophetia erat.*

Idem Auguſtinus libro 12. contra Fauſtum c. 26. tom. 6. *Cum Nathanael tanquam lapidem illum habens ad caput, confeſſus cum eſſet Filium Dei, & Regem*

*Israel, ista confessione quodammodo ungens lapidem, idest ipsum esse confitens Christum, ibi opportunè Dominus, & illud commemoravit, quod tunc vidit Iacob, qui post benedictionem appellatus est Israel, & dicit ei: Amen, Amen dico vobis, videbitis Cælum apertum, & Angelos Dei ascendentes, & descendentes ad filium hominis.*

Præterea lib. 16. de Ciuit. c. 30. *Scalam istam intelligitur ipse Saluator nobis in memoriam renouare in Euangelio, vbi cum dixisset de Nathanaele esse verè Israelitam, quia Israel viderat istam visionem sipse est enim Iacob, eidem ait: Amen, Amen.*

Constat ergo ex verbis Augustini illud propositum esse Nathanaeli habentiam ad caput mysticum lapidem, seu contenti illi esse Christum. Quod per scalam, & Angelos ascendentes, & descendentes ostensum fuit Beato Iacob.

Quod autem Beatus Iacob viderit tunc in somnis Mysterium hoc Eucharisticum, quæ erat minor propositio argumenti nostri, ostendo tripliciter. Et primo ex Capite 10. Sapientie, vbi de Beato Iacob fugiente iram fratris sui, & ex itinere, cælestem illam scalæ visionem habente dicitur, *Ostendit illi Regnum Dei, & dedit illi scientiam Sanctorum.* Quid est illud *Sanctorum*? obseruant omnes Interpretes, vocem illam *Sanctorum* non esse masculini generis, sed tantum neutrius, neque Sanctos, aut Angelos, aut homines significare, sed significare, Sanctuaria, seu loca Diuino cultui, & Sanctis Sacrificiis deputata, & consecrata. Ita & idem fuerit dicere, dedit illi scientiam, seu, vt est in Græco; Visionem Sanctorum, ac dedit illi visionem Sanctuariorum; Templâ enim, & Altaria à Sacrificiorum sanctitate, modo appellantur in Scriptura *Sanctificium*, vt Psalm. 77. *Et edificauit sicut unicornium sanctificium suum in terra.* Modò sanctificatio, vt Mich. 1. *Et intravit in sanctificationem cum superbia, & accepit Altare aureum;* modò *Sanctuarium*, vt Exod. 15. *Sanctuarium tuum Domine, quod firmauerunt manus tue.* Modò *Sanctum*, vt Psal. 62. *Sic in sancto apparui tibi.* Modò *Sancta*, Psal. 133. *In noctibus extollite manus vestras in Sancta.* Modò *Sanctum*, vel *Sancta Sanctorum*, qua geminatione quidquid est valde Sanctum, & Deo maxime dicatum exprimitur in Scriptura iuxta quem sensum accedentes ad Altare oramus, vt ad *Sancta Sanctorum* puris mereamur mentibus introire. Dedit ergo Deus Beato Iacob scientiam, reuelationem, & visionem Sanctuariorum, illorumque summum Pontificem futurum ostendit, & Dominum innixum scalæ, qualem propemodum descripsit Apostolus ad Heb. 1. *Talem habemus Pontificem, qui consedit in dextera Sedis, magnitudinis in Calis Sanctorum Minister.* Ecce iterum in eadem acceptione, Vox. *Sanctorum*, quam explicans S. Thom. *Sanctorum*, inquit, idest *Sanctarum Edium*, seu *Sanctuariorum*, & vt legit Syrus, *Domus Sanctæ*, quæ est domus Dei. Ex eo autem, quod B. Iacob habuerit cognitionem Templorum, & Altarium spectantium ad Pontificatum Christi, manifestum sit habuisse reuelationem Sacrificij Christianæ Religionis. Templum enim ordinatur ad Altare, Altare autem ad Sacrificium, quod quia soli Deo offerri potest, ideo soli Deo erigi potest Templum, & Altare.

Secundo hoc idem ostendo ex verbis istis B. Iacob euigilantis, quibus videlicet factis declarauit, quod vidit. *Cumque euigilasset Iacob de somno, ait: Verè Dominus est in loco isto. Quàm terribilis est locus iste. Non est hic, subaudi locus,*

*aliud nisi domus Dei, & porta Cæli.* Vides ut totus est in loci sanctitate, & venerabilitate demiranda, & quod observavit Rupertus, non ipsi Dominum, sed locum expauescit, & terribilem esse dicit. Sed quid nam pavoris, & timoris per se locus ille poterat habere? eo quia Dominum in eo loco viderat nempe & in aliis locis, tam ipsi, quam Patri, & Avo eius idem Deus apparuerat. Ergo non dubium, insert Rupertus, quin augustiorem alium, sanctioremque locum, cuius ille erat figura pertinuerit. Sed quisnam locorum omnium terribilissimus in domo Dei est? Ille utique ubi tremendum Mysterium, & terribile Sacrificium offertur Deo. Qualem locum Damascenus lib. 2. Paræclorum c. 14. de Ecclesia, & domo Dei Chrysostomi verbis dedit inscriptum apud Ioan. Pheleppæum *Altare, in c. 3. O. ca.* celestis est Mensa, terrena accipiens, atque in Cælum transmittens, celestia rursum suscipiens, ac terra subministrans; in terra fixum, ac celesti Throno adiacens. Altare enim Angelis quoque ipsis, qui supra caelestem axem volant formidabile est.

Ostendo tertio ex iis, quæ Beatus Patriarcha fecit statim, ac surrexit. *Surgens Iacob mane tulit lapidem, quem supposuerat capiti suo, & erexit in titulum fundens oleum desuper.* Obserua quid faciat; ac primo, lapidem illum, siue saxum, in quo dormierat eleuat, rectumque statuit. Si quæras finem, hoc fecit in titulum, hoc est, ut explicat Oleaster cum communi, In signum, & monumentum; si uir-  
sus quæras in cuius rei signum, & monumentum? profecto, visionis, & apparitionis Angelorum ascendentium, & descendentium super seipsum in illo lapide supposito iacentem, & dormientem. Benè est, sed ad quid oleo lapidem illum inunxit? Quid hoc facit ad signum, & monumentum? Hoc, ait Augustinus, ad Lib. 16. de Ci-  
uit. 6. 50.  
prophetiam pertinet, quia enim Christi nomen à Chrismate est, id est ab uncti-  
one profecto figuratum est hinc aliquid; quod ad magnum pertineat Sacramentum. Sed age, quod nam tandem est Sacramentum? S. Augustinus omnibus in locis ubi de illo agit semper attexit prophetiâ Christi factam Nathanaeli de Angelis ascendentibus, & descendentibus supra seipsum, quem appellat filium hominis. Lege totum Sermonem 40. de Verbis Domini in Euangel. secundum Ioan. ubi inter alia hoc habet. *Quia Iacob intellexit quid vidit, ideo lapidem perfudit oleo, agnoscitis Chrisma, agnoscite & Christum.* Quali diceret, vidit quidem Angelos ascendentes, & descendentes super se dormientem, sed quatenus ipse Christum super lapidem positum repræsentabat. Itaque quod ait Augustinus illud factum prophetia fuit, & illud idem significauit suo Chrismate Iacob, quod suis verbis Christus, Angelos videlicet ascendentes, & descendentes ad Chrisma, ad Christum, ad filium hominis; quare rectè dixit August. in Serm. Quod Iacob per figuram viderat, hoc de se Dominus in Euangelis prædicabat. Videbitis Angelos ascendentes, & descendentes ad filium hominis. Sed cur tandem ita illum lapidem Chrismate super fudit, ut consecraverit in Altare? Profecto, quia intellexit quod vidit, figuram scilicet Christi, non ubicumque sed in Altari. Et nota admirabile Mysterium. Describit Iacob Chrismate super lapidem Dominum ipsum nixum super scalam, hoc est collocat in Altare illum ipsum, qui pependit in Cruce. *Iacob dormiebat, ait Augustinus, & Dominum in cacumen scala videbat incumbere; quid est in scala incumbere, nisi in ligno pendere. Considerate fratres, quis in ligno Crucis pendens pro Indis orauerit, & agnoscetis, quis ad Iacob scala in-*

*cumbens de Cælo clamauerit. Quem igitur Iacob dormiens viderat in ligno sub propria forma pendentem, eundem in Altari describit Chrismatis Sacramento, quasi sub aliena specie dormientem: quippe in Altaris Mysterio Christus passus & Crucifixus continetur; & Sacrificium Religionis commemoratio est Sacrificij Redemptionis. Quod autem hic sermo sit de Altari Eucharistico, quod est Altare Christianæ Religionis, cognoscere etiam licet ex eo quia est Altare domus Dei, quæ est Ecclesia, quare dixit Iacob. *Lapis iste, quem erexi, vocabitur domus Dei*, seu iuxtà Hebræum, & septuaginta *erit domus Dei*.*

Altare autem domus, est Altare Eucharisticum, non autem Altare Crucis, quod ideo extrà Ciuitatem, & extrà portam fixum est, quia non domus, seu Templi erat Altare, sed Mundi; At primum Sacrificium Eucharisticum celebratum, & institutum fuit in domo, & Apostoli primique fideles erant frangentes circa domum panem. Et regulariter celebrari semper illud debet in domo, quia vt docet S. Thom. per domum significatur Ecclesia, extrà quam, vt ait S. Augustinus non est locus veri Sacrificij; quia verò Ecclesia non erat concludenda sub finibus gentis Iudaicæ, sed erat in vniuerso Mundo fundanda, ideo Passio Christi non est celebrata intra Ciuitatem Iudæorum, sed sub Dio, vt sic totus Mundus se haberet ad Passionem Christi vt domus. Ex eo autem, quod domus, in qua Sacrificium Christianæ Religionis celebratur Ecclesiam Christi significat, sic & Ecclesia nominatur. Considerare licet cum S. Thom. quod sicut lapides totius vniuersaliter domus, vniuersitatem fidelium repræsentat, ita lapis erectus in Altare repræsentat Christum, & vt appareret lapidem erectum à B. Iacob pertinere ad figuram Altaris Ecclesiæ, & domus Christi, factum est in Ecclesia vt Altare fiat de lapide, ita vt si non sit lapidem Chrismatis vnctione non consecratur, quod quidem significationi huius Sacrificij competit ait S. Thomas, quia Altare significat Christum, qui est lapis principalis huius domus; vnde ad complendam figuram Iacob Chrismatis vnctione consecratur, quo intelligitur Sanctitas Christi, quæ est fons totius Ecclesiasticæ Sanctitatis, sicut per consecrationem domus, Sanctitas totius Ecclesiæ denotatur.

Atque hinc intelligo non sine magno Mysterio dictum esse à S. Iacob. *Lapis iste, quem erexi in titulum vocabitur domus Dei*, quasi Christus non solum sit Caput Ecclesiæ, sed & ipsum corpus Ecclesiæ. Iuxtà illud Apostoli, *Sicut enim corpus vnum est, & membra habet multa, omnia autem membra corporis, cum sint multa, vnum tamen corpus sunt, ita & Christus*. Super quo loco Augustinus; *non dicit Apostolus, ita & Christi scilicet corpus, Mysteria, idest Ecclesia multa habet membra, sed dicit: ita & Christus, videlicet est corpus vnum, puta Ecclesia, quam explicationem vtpote genuinam amplexus noster Cornelius, ait, Christus iuxrà Apostolum, non tantum est Caput Ecclesiæ, sed & corpus, & ipsa Ecclesia, quia omnia Ecclesiæ membra sustentat, & in omnibus operatur sicut Hypostasis & spiritus totius Ecclesiæ, in cuius significationem fit, vt nunquam Ecclesia sine Altari consecratur, licet sine Ecclesia quandoque consecratur Altare cum Reliquiis Sanctorum, quorum vita abscondita est cum Christo in Deo. Quia Sanctitas Christi, quæ per Chrismatis vnctionem exprimitur, fons est totius Ecclesiasticæ Sanctitatis; & ideo ait S. Thomas, sufficit ad peragendum Sacrificium, si solum Altare fuerit consecratum, & tunc Altare solum est veluti torum Templum,*

Luc. 22.

3. p. q. 13. art. 3.

In sent. T. 3.  
c. 15. in fine.

De Consecr.  
dist. 1. c. 6. Alt.

1. Cor. 12.



& Ecclesia, & lapis ille vocabitur domus Dei; neque obstat quod ibi videtur esse Metonymia, quasi locatum positum sit pro loco, & sit sensus, locus, in quo est lapis hic erit, & vocabitur domus Dei; nam quod Spiritus Sanctus hunc loquendi modum elegerit, mysterio planè non vacat, quod indicatum ab Apostolo est.

Atque hic quoque non sine pio animi sensu obseruare libet, eundem scilicet Visionis locum destinari à Deo in domum Iacob, & à Iacob quasi consecrari in domum Dei. Dicit Deus. *Terram, in qua dormis tibi dabo, & semini tuo.* Stabat scala super terram, in qua Iacob dormiebat. Terram ergo, in qua dormis, ait Deus, tibi dabo & filiis tuis. Ecce destinatur illam Deus in domum Iacob. Sed Iacob domum suam consecrat in Ecclesiam, & domum Dei. Et ait *erit mihi Dominus in Deum*, cui scilicet Sacrificium offeram, & lapis iste, quem erexi in titulum *vocabitur domus Dei*. Itaque eadem terra communis sit domus, & eadem domus Iacob est, & domus Dei. Et sanè quod Ecclesia domus Dei vocetur patet 1. Timoth. 3. *ut scias quomodo oporteat te ambulare in domo Dei, quæ est Ecclesia Dei viui.* Quod autem eadem domus Dei vocetur domus Iacob, pluribus etiam Scripturæ locis constat, sed præcipuè ex Lucæ 1. ubi Angelus, qui fortasse fuit vnus ex iis, qui missi per illam scalam Iacob descendebant, ait: *& regnabis in domo Iacob in æternum.* Mira planè dignatio; quid enim aptius ad significandam dilectionem, & vniõnem, immò & familiaritatem, quam offert, & postulat à nobis Deus, & quam inter nos habere debemus. Quam ad eandem pertinere domum, & numerari inter domesticos Dei. Sed quare Ecclesia appellatur potius domus Iacob, quam domus Abraham, aut domus Isaac? cum & illis etiam Christus sit promissus. Causa illa est. Quia nunquam tota domus Abraham, aut tota domus Isaac Ecclesiam representauit; tota dixi, nam neque posteritas Ismael de domo Abraham, neque posteritas Esau de domo Isaac ad Ecclesiam pertinerunt: Sed domus Iacob tota cum omnibus filiis duodecim nullo excluso Ecclesiam representauit, quæ est domus Christi.

Sed in quo maxime representauit? profecto in eo, quod eundem planè haberet habitorem Christum. Domus enim propter inhabitationem dicitur, & homo propriè domi habitat. De Christo autem peculiari modo dictum fuit in Iacob inhabitare. Inhabituauit quidem Christus, qui fuit heri, & hodie, partem illam veterem huius domus, quia verè ibi in fide, & in figuris reposuit totam suam suppellectilem, & pretiosa quæque, Sacramenta, Sacrificium, Religionem, dona Spiritus sancti, & reliqua salutis instrumenta, sed in hac noua parte eiusdem domus, quæ dicitur Ecclesia habitationem suam particularem, & velut cubiculum Regis habet, quatenus in hac noua ædificij parte, præsentiam habet realem, & corporalem in Sanctissimæ Eucharistia, vt impleatur illud Matth. 21. *Ego vobiscum sum usque ad consummationem sæculi*; sicut enim Christi humanitas gloriosa habitabat in Cælo, sic eadem habitat in Ecclesia per Eucharistiam, in qua sunt tot ciboria; & quia in eadem fide fuit tota domus Iacob, ideo in illa nominata est Ecclesia, domus Christi. Atque hæc est ratio eius, quod dicebamus, cur in domo scilicet Abraham, & Isaac, quæ non fuerunt totæ fideles expressè habeatur figura Sacrificij Crucis; In domo verò Iacob Sacrificij Eucharistia, quia Sacrificium Crucis est Sacrificium Redemptionis, atque adeo est Sacrificium commune omnibus fidelibus, & infidelibus, pro quibus omnibus Christus mortuus est; at verò Sacrificium Eucharistia, quia Sacrificium Christi familiæ est, est peculiare,



*De Consec. dist.  
1, 6, Eccles.*

*Lib. 1. 6. 1 de  
Missa.*

*Psal. 39.*

*Gen. 35.*

& proprium Domesticorum eius, & quia Infideles non sunt ex Domesticis eius ideo in sacris Canonibus sic legitur. In Ecclesia in qua mortuorum cadavera infidelium sepeliuntur, sacrificare non licet; sed si apta videtur ad consecrandum, inde auulsis corporibus, & rasīs parietibus, & signis eius loci reādicetur. Porro sacrificia, quæ offerebantur in tota domo Iacob, seu populo Israel principaliter hoc Domesticorum Sacrificium figurabant, quamvis enim figuratiua etiam essent Sacrificij Crucis, tamen ut rectè Bellarm. Sacrificium Crucis non fuit impletium figurarum illarum, nisi quoad ipsam maculationem, & paucas alias cæremonias, multæ autem aliæ figurales cæremonix, ut quod in Tabernaculo, aut Templo offerrentur; quod coram multitudine solius populi fidelis; quod manus impo-  
nerentur super victimam; quod Victima immolata continuo manducaretur, in Cruce impleri non potuerunt; implentur autem perfectissime in sacrificio Eucharistico. Quare Patres Ecclesiæ docent Sacrificium Eucharisticum fuisse impletium omnium omnino veterum Sacrificiorum: loca Patrum affert Bellarm. Nobis hic satis sit August. lib. 17. de Ciuit. cap. 2. *Mensa*, inquit, *quam Sacerdos noni Testamenti exhibet, de corpore, ac sanguine suo est; id est enim Sacrificium, quod successit omnibus sacrificiis, quæ immolabantur in umbra futuri*, propter quod etiam agnoscimus vocem illam eiusdem Mediatoris. *Corpus autem apertum mihi*, quia pro illis omnibus Sacrificiis, & oblationibus corpus eius offertur, & participantibus ministratur. Quia ergo in vniuersa familia Iacob, seu Israel fides fuit Altaris Eucharistici, per quod habitat, & manet nobiscum etiam corporaliter Christus usque ad consummationem Sæculi, ideo vna censetur domus Iacob, & eius Altaris Mysterium eius Patriarchæ peculiarissimo modo debuit reuelari, vti factum est quando vidit Angelos Dei descendentes super lapidem, quem statim erexit, & consecrauit, & postea ædificauit, & initiavit in Christi Altare, ad quod fortasse respexit Ambros. de Iacob lib. 2. cap. 4. *Vidit*, inquit, *Angelos Dei ascendentes, & descendentes, hoc est Christum prænidit in terris, ad quem Angelorum cetera descendit, atque ascendit obsequium proprio Domino, pro præbitum seruitio.*

Ex quibus omnibus patet promissam Nathanaëli visionem de Cælo aperto, & Angelis ascendentibus, & descendentibus supra filium hominis ad mystetium Eucharistiæ pertinere, quod in præsentī capite probandum assumpsimus.

Faxit Deus ut dum in Iacob dormiente Christum in Eucharistiæ latitantem veneramur in terris, ad eundem innixum scilicet, & ad dexteram Patris sedentem, per apertum iam Cælum pertingere valeamus.



*Laus Deo Beatæque Mariæ Virgini, ac B. Nathanaeli  
Bartholomæo.*

# I N D E X

## R E R V M M E M O R A B I L I V M,

quæ in Libris de Sacrosancto Missæ  
Sacrificio continentur.

*Prior numerus numerum, Posterior paginam indicat.*

**A**RONICVS ritus postulabat ignem, gladium. lib. 1. quæst. 11. num. 12. principalis ignem. num. 12. pag. 149  
Abel fuit ne verus Sacerdos. ibid.  
quæst. 5. num. 1. 3. & 4. 100

**Abraham** Figura Dei Patris. lib. 1. q. 7. n. 1. 307  
Non figuravit Deum Patrem vt Sacerdos. ib. n. 1. 108  
Mcui erit ne plusquam Isaac. nu. 2. 114. Sumpfit  
Sacramentum Communione. lib. 1. q. 11. n. 39. 157  
In lumbis eiusdem omnis Ecclesia. n. 43. 158  
**Adoratio** publica, quid. lib. 1. q. 1. nu. 1. an 84.  
summus cultus. ibid. n. 30. 88. eadem non est sum-  
mus cultus externus. ib. n. 12. 89. idem quod sacri-  
ficialis oblatio. ibid. num. 14.

**Agnus** Abel. lib. 1. q. 6. n. 3. 41. occisus loco pri-  
mogeniti. ibid. n. 5. 41. Victimæ salus. ibid. num. 6.  
quo tempore edebatur. ib. p. 62. & quo immolaba-  
tur. ib. n. 60. 48. & 69. Affabatur Crucifixus. ib.  
nu. 73. 61. Paschalis an fuerit principaliter figura  
**Eucharistiæ**. lib. 1. q. 7. n. 1. 61. Idem fuit verum sa-  
crificium. ib. nu. 2. eiusdem figura magis pertinuit  
ad Eucharistiam, quam ad Crucem. ib. nu. 3. eius-  
dem, & Eucharistiæ eadem hora. ib. nu. 4.

**Agnus** Paschalis sacrificium domus. ib. n. 1. 62.  
In eiusdē domibus fuerit omnes, & soli, de populo  
Dei. ib. n. 17. Idem semper intra portam immola-  
tus. ib. n. 19. A solis circumcisus edebatur. ib. n. 26.  
71. Causa talis legis. ib. n. 37. Verum Sacramentum  
Iudeorum, & figura Eucharistiæ. ibid. nu. 38. Vt 3  
Circumcisus edebatur figura fuit Christi, vt in Eu-  
charistia. ib. n. 30. 73. A solis mundus comedi po-  
terat. ibid. num. 32.

**Agni** introductio die x. an fuerit perpetuo præ-  
cepta. ib. n. 35. 36. 37. 74. Cur quattuor seruabatur  
ante immolationem. ib. nu. 38. & 39. 75. Agnorum  
Paschalis multietudo. ib. n. 41. Agnus Paschalis  
figuravit principaliter Eucharistiam. ib. nu. 45. &  
46. 77. Idem fuit sacrificium ex sua institutione  
commemorative. ib. n. 48. Figura principaliter  
Eucharistiæ, quæ est sacrificium memorie. ib. n. 42.  
79. Agnus Paschalis figuravit etiam sacrificium

Crucis, sed minus immediatè, & principaliter. ib.  
n. 50. Agni Eucharistiæ eius est eius immolati. ib.  
n. 54. & non immolari tantum in **Crucis**. ib. n. 55.  
80. Agnus typicus transfuit in Agnum Eucharis-  
tiæ. ib. n. 61. Annunculus. lib. 5. q. 2. n. 7. offerendus  
& à pluribus comedendus. ib. n. 8. 366. Numerus  
Agnorum Paschalium. ib. nu. 9. Quomodo vni-  
quisque tollebat, & immolabat Agnum. ib. nu. 10.  
Omnes fideles ponunt Agnum in sacrificio. ib. n. 11.  
Vnus Agnum pro omnibus posuit. ib. nu. 13. 367  
**Altare.** Cur sanguine aspergebatur. lib. 1. quæ-  
st. num. 10. 24  
Altare, & sacrificium reciprocantur. lib. 2. q. 11.  
num. 3. 128

Altare est laus, vbi sacrificium consummatur.  
ib. num. 2. 115  
**Angeli.** Cur non dicuntur offerentes sacri-  
ficio. lib. 5. q. 2. nu. 16. 368

**Anima,** quid. lib. 1. q. 5. n. 23. 18. Anima hominis  
semper requisita de manu hominis. ib. nu. 27. 39  
**Animæ** Purgatorij an habent aliquid ius vt sacri-  
ficio quodlibet pro ipsis celebretur. lib. 5. q. 7. n. 3.  
320. Ratio fundamentalis. num. 2. Participant de  
fructibus sacrificij. ib. n. 2. 323. Sunt membra Ec-  
clesiæ Militantis. n. 9. Sunt capaces sacrificij non  
Sacramenti. n. 10. 39. Cur eadem difficile à Pur-  
gatorio liberentur. n. 11. Difficultas maior in prin-  
cipis aduersariorum. n. 14. Responso P. Valquez  
non petitur. n. 15. 325. Vera responsio. ib. n. 17. 400.  
Anima eadem possunt habere obicem. nu. 28. 128.  
Dei est aduersatrix. nu. 29. Animæ Purgatorij an  
orent pro nobis. q. 2. nu. 36. 413

Eadem an iuuare possint per modum impetra-  
tionis. ib. n. 40. 414

Antitypon quid significat. lib. 3. q. 5. num. 3. 225  
**Apostoli** Num immolauerunt Agnum legalem  
suo die introductum. lib. 2. num. 42. Non habue-  
runt potestatem celebrandi pro etiduo moris Chri-  
sti. lib. 3. q. 7. nu. 34. 247

Ex limitatione inclusa in verbis offerentis. ib. n.  
35. Ex defectu principalis offerentis. ib. num. 36.  
Ex defectu integritatis victimæ. ib. nu. 37. An iudæa

# INDEX

viuente Christo perierint aliquid à Deo nomine  
Christi. lib. 4. q. 5. n. 11. & 12. 305

*Apostata.* An habeant ius aliquid ad fructus  
huius sacrificij. lib. 5. q. 4. n. 1. 375. Conclusio neg-  
atiua, eiusque fundamentum n. 2. Apostata hu-  
mores noxi Ecclesie. ib. n. 6. 376

**B**EATI dum sunt in Cælo an aliquid ius reti-  
neant ad fructus Sacrosancti sacrificij. lib. 5.  
q. 8. n. 1. 405. Sententia affirmatiua. n. 2. Duplex  
fundamentum. n. 5. & 6. Sunt membra eiusdem  
Christi familia. ib. n. 7. An sint capaces fructus  
sacrificij. n. 10. 405. Testimonium Ecclesie de  
hac capacitate. n. 11. An iidem percipiant aliquem  
fructum de sacrificio vt honorario. n. 13. Fructus  
beatis ex sacrificio honorario. n. 14. Ex sacrificio  
propitiatorio. n. 16. 407. In quo sensu datur pro  
beatis sacrificium facti. factorum. n. 17. Beatorum  
debitum. n. 18. Solutio fit maior. n. 19. Ad hoc  
debitum soluendum instituitur sacrificium. n. 20.  
408. An id singulariter fit in hoc sacrificio. n. 21.  
Fructus beatis ex sacrificio Eucharistico. num. 29.  
Fructus istis ex sacrificio imperatorio. n. 30. 410  
An orent pro animabus Purgatorii. ib. nu. 38. 413  
Quomodo iidem possunt iuuare per modum solu-  
tionis viuentes. num. 4. 415. Quomodo possunt  
soluere etiam ex propriis. n. 45. 415

*Baptismus.* Non est ianua neque orationis, ne-  
que oblationis. lib. 5. q. 3. n. 13. 374

*Bersabaa.* Exaudita fuit à Deo, quia non au-  
dita. lib. 4. q. 6. n. 24. 318

Bona temporalia effectus sacrificij. lib. 4. q. 6.  
n. 1. p. 313. Ad eadem non se obligauit Christus ex-  
pacto. ib. n. 12. 315. Eadem non deducuntur in pa-  
ctum. ib. n. 14. & 15. Eadem an dicenda sint effe-  
ctus sacrificij ex opere operato. ib. n. 26. 319

## C.

**C**ÆLUM Empyreum corpus gloriosum. lib. 2.  
q. 6. n. 6. 105. Eius aequalitas promissa cæteris  
corporibus. ib. nu. 7. Senem gloriæ in iisdem quid  
est. num. 8. 106

*Calix* cur potius demonstretur quàm sanguis.  
lib. 1. q. 1. n. 3. 12. Calix salutaris quid. lib. 5. q. 3.  
n. 24. 409. Factus Ecclesie est pro Commentario.  
n. 25. In sensu literali est Ecclesia. n. 26. 410

*Charakter* Sacramentalis quid præstet. lib. 5. q.  
4. n. 15. 379. Non habet actum vniuersum. n. 16.

*Catechumeni.* An participant de sacrificio. lib.  
5. q. 3. n. 371. Conclusio negatiua, eiusque ratio.  
ib. n. 3. Distinguntur à fidelibus. n. 4. Eorumque  
Milla. n. 5. Qui non sunt baptizati non sunt nati.  
n. 6. Pollui saluati. nu. 7. Qui non sunt nunc de  
Ecclesia Christiana, de nulla luna. n. 8. Sunt de Ec-  
clesia Christiana in voto. n. 9. Pro aliud sacrifici-  
um, offerri potest. n. 10. 371

*Creatura* expectatio quid. lib. 2. q. 6. n. 4. 5. 105

Christus suum condidit Testamentum non in  
Cruce, sed in Cena. lib. 1. q. 3. n. 1. 11. Ex suo Testa-  
mento reliquit Calicem Sanguinis Ecclesie. ib. n. 3.  
Figuras omnes impleuit. q. 4. n. 19. 27. Vbi que in  
sacra Scriptura. lib. 1. q. 9. n. 1. Idem Agnus Pas-  
chalis. q. 6. nu. 8. 45. Idem in mense Martio suum  
instituit sacrificium. ib. n. 21. 46. Idem immolauit  
Paschalem in legitimo mense. ib. nu. 22. Idem cur  
dictus Agnus. ib. n. 24. Idem an celebrauerit eadem  
Luna 14. ib. n. 41. 51. Idem instituit suum sacrifici-  
um die decimo-quarto mensis, quæ erat prima  
Azimorum. ib. n. 45. 52. Idem Crucifixus est Luna  
quinta-decima. ib. n. 46. Eiusdem mortis factæ in  
quinta-decima traditio. ib. n. 49. 54. Causa crimi-  
nalis quomodo acta. ib. nu. 53. Crucifixus fuit die  
Veneris. ib. n. 59. 57. Idem non interfuit immolati-  
oni Agni. ib. nu. 70. Adfuit & profuit oblationi.  
ib. nu. 71. Instituit sacrificium ad horam Agni. ib.  
n. 73. Eiusdem Passio infra diem legale Agni. ib.  
n. 74. & 75. 62. Crucifixio paulè ante meridiem.  
ib. q. 7. n. 5. 65. Eadem nullo modo coincidit cum  
celebratione Agni. ib. nu. 13. 67. Eadem cum tribus  
Verbis ante horam sextam. ib. n. 15. In Cruce obla-  
tus extra portam. ib. n. 20. 69. In Eucharistia im-  
molatus intra portam. ib. nu. 21. Christus Pascha  
nostrum olim immolabatur per domos. ib. n. 23. 70  
Idem vnus & omnis Agnus. ib. n. 24. Circumcisio  
fuit figura baptismi. ib. nu. 29. 72. Christus vt im-  
molandus ingressus est die legitima. ib. nu. 40. 75  
Idem ingressus est Hierosolimam die decima men-  
sis Nisan. ib. n. 43. 76. Idem Hierarcha etiam res-  
pectu Angelorum. lib. 2. q. 4. n. 5. 97. Idem est sub-  
stantialiter Sacerdos. ib. n. 7. 98. Idem in Angelo  
etiam influit. ib. n. 8. Idem quomodo in se coor-  
dinat conditiones capitis. ib. nu. 9. 99. Idem vnus  
Ecclesie Pontifex quia primogenitus. ib. q. 5. n. 11.  
102. Primogenitus ante Luciferum, tum æterna,  
tum temporalis natiuitas. ib. n. 12. Eiusdem Sacer-  
dotium quo titulo insignitur. ib. nu. 13. 105. Idem  
tamquam Domino omnis Creatura subijcitur. ib.  
q. 6. n. 1. 104. An etiam tamquam capiti. ib. nu. 2.  
Idem est caput respectu omnium corporum. ib. n.  
3. 106. Idem vt Sacerdos est minor Patre. ib. q. 7.  
n. 3. 108. Idem Prophetatus víctima Mundi. ib. n.  
12. 110. Idem quomodo in Cruce fecit sacrum. ib.  
n. 14. Idem fuit Cruci erectæ suffragium. ib. n. 19. 113  
Idem in Eucharistia vt Isaac immolatur. ib. q. 8.  
n. 135. Eiusdem sacrificium in quo consistit abas. 5.  
Idem in quo sensu dicitur in Eucharistia patri. ib. id.  
nu. 6. Idem in sacrificio Eucharistico tradit de-  
struendum. ib. n. 10. 117. Quid est accipere, &  
comedere. ib. n. 11. Comedere pro destruere, & consu-  
mere. ib. n. 12. Comedere peccata quid. ib. n. 13. 118  
Christi oblatio vnde habuit vt sit sacrificium. lib. 2.  
q. 10. n. 2. 113. Eiusdem oblatio fuit voluntaria per  
modum obiecti, & per modum effectus. ib. n. 3. 124  
Eiusdem



